



S. K. Walsham

Vol. 2 of 2

63/101-

$$\frac{C}{IV}$$

1

THESSAURUS

ALTER

ANTIQUITATUM

RENEVENTARIUM

ME OLI EVI

ANTIQUITATES

BENEVENTANE



IN THEATRUM PALLADII

EX LIBRIS


THESAURUS

ALTER

ANTIQUITATUM

BENEVENTANARUM

MEDII ÆVI



Franc. La. Marra Neap. del. et inc.

ROMÆ MDCCLXIV.

EX TYPOGRAPHIA PALLADIS

EXCUDERAT MARCUS PALEARINI

PRÆSIDUM FACULTATE

THESSALURUS
ALTER
ANTIQUITATUM
BENEVENTANARUM

MEDII AEVI



ROMA

MDCCCXXXIII

AD

LIBRARIIS

SANCTISSIMO AC BEATISSIMO PATRI DOMINOQUE

CLEMENTI XIII.

PONTIFICI OPT. MAX.

JOANNES EPISCOPUS REATINUS
FELICITATEM



ALIEUM fortasse, ac propè injuriosum tum Pontificiæ Majestati, tum Apostolicæ Vir-
tuti tuæ, PATER BEATISSIME, hoc Munus
videbitur, non modò si Libri materies, atque argumen-
tum, verùm etiam si Auctoris, atque offerentis præsens
conditio spectetur. Quid enim molestum magis, atque Po-
steri-

steritatis memoriâ indignum , quàm Longobardicum No-
men ; quod vix auditum , horrorem injicere solet , tristem-
que illorum temporum recordationem revocare , quæ Ita-
liam , rerum dominam , religionis , ac virtutum domici-
lium , Barbarico quingentorum propè annorum iugo pres-
sam , barbaricam induisse faciem , barbaricisque assuevisse
moribus ostendunt ? Quid etiam mihi peregrinum magis ,
ac quodammodo indecorum , ut qui Episcopus sim , ta-
lia manibus etiamnum versarem , manibusque meis ne-
dum in lucem dilabi sinerem , verùm etiam Pontificio So-
lio sistere auderem ? At neutra res , penitiùs perspecta in
causâ erit , ut suscepti consilii poenitendum mihi sit ; dum
mihi probè sim conscius , nec Libro pretium , neque Au-
ctori meritum , quale id cunque sit , omninò defuturum .
Ad Librum enim quod attinet , id tutò spondere , id af-
firmare certò ausim , plurima in eo contineri , explicarique ,
quæ aliam profectò , quàm præjudicatæ opiniones sibi vel
metuunt , vel confingunt , Medii Ævi , sive Longobardi-
corum Temporum fuisse conditionem demonstrabunt : ita-
ut Religionis , atque Ecclesiæ res , si non tum maximè flo-
ruisse , stetisse tamen , immo & pleraque Nobis , quæ imi-
tari nunc satius esset , exempla , ac documenta reliquisse
videantur : Accedit præterea accuratiùs instituta mihi de
Ecclesia Beneventana pertractatio : Nec alia denique dee-
runt , quæ Apostolica Sedis jura in præclariorem lucem
vindicabunt . Meæ autem industriæ , ac laboris id sanè com-
modum , ac veluti emolumentum referam , ut nunc pri-
mùm ad Episcopatum promotus , quas olim studiorum meo-
rum , dum privatus agerem , atque ab Ecclesiasticis mune-
ribus meis vacuus paullisper essem , tenuerim rationes ,
Tibi , PONTIFEX OPTIME , hoc Libro , re scilicet , fa-
ctoque ipso ostendam : ut Tu aequè jam agnoscas , me nul-
lum unquam tempus , nullas subsecivas horas mihi perire
pas-

passum, quas non vel necessario, vel honesto labore aliquo olim transigerem, paratum modò, totaque animi contentione excitatum ad perpetuos illos, sanctissimosque labores accedere, quos, delato Pastoralis munere, mihi subeundos iussisti. Atque id quidem, quod mihi à Clementia tua (postquam Liber typis mandatus, proximè in lucem proditurus erat) advenit Beneficium, opportunam paravit occasionem, qua non solum debitas Tibi grates persolverem; verum id simul obsequentiùs profiterer, ingens scilicet imbecillitati meæ & præsens solatium, & futurum illud subsidium, quod Tu me elegeris, qui nonnisi Dei Nuncius eligis, electosque tuos ita Virtutum exemplo, cohortationumque tuarum vi informas, & incendis, ut Teipsum formam Pastorum præbens, illos formam sui gregis efficias: Quod vel mihi uberius factum continget, cui Tu, ampliore clementiâ, Consecrationem sanctissimis tuis Manibus impendens, illapsam vehementiùs in animum meum Episcopalis spiritus gratiam voluisti. Hanc igitur teneo Beneficiorum tuorum summam, cui tunc me responsurum scio, si oneri, munerique meo nunquam desim: Neque enim aliud Tu probare scis, quàm ut hi, quos in sollicitudinis tuæ partem vocasti, non tam laborem Tibi minuant, quàm potiùs laborare ex Te uno discant. Interim Pastoralis sollicitudini meæ nihil omninò detractum crediderim, quin etiam satius muneri meo facturum me arbitror, dum Te diutissimè sospitem, & incolumem assiduè optem, atque enixiùs à Deo deprecem, ratus non tam privatis Ecclesiæ meæ utilitatibus, si voti compos sim, prospexisse, quàm publici Boni causam egisse, ac maximum omnium Beneficium universæ Christianæ Reipublicæ impetrasse.

Dabam Romæ III. Id. Decembris MDCCLXIV.

ILLUSTRISSIMIS DOMINIS

JOHANNI BAPT. URSOLUPO
 CARMINO VENTURA
 CAROLO SBORDONE
 BARTHOLOMÆO JESUALDO

IGNATIO MARGIACCA
 JOSEPHO PELLEGRINIO
 NICOLAO LIMATA
 LAURENTIO CARDONE

BENEVENTANIS

C O S

JOHANNES DE VITA

S. M. E. CANONICUS



ESTRIS sub auspiciis, vestroque Nomine insignitus in lucem prodire gestit Beneventanarum Antiquitatum THESAURUS alter. Neque enim aliis sistere Opus debebam, cujus argumentum iis temporum intervallis continetur, quibus vestri amplissimi Ordinis origo agnosci, auctoritas vero, atque majestas mox explicari cœpta est. Et sanè, quum de Barbarica Ætate, quam ut minùs ipso nomine horrentem efficiant, MEDIAM Eruditi vocitare amant, tractatio mihi instituta sit, ingens profectò decus comparatum eidem fuerit, ac jucundior quædam venustiorque affulgebit facies, quòd inter incondita illa sua, stridentia undique, Munerum, aliarumque rerum propè omnium suborta vocabula, non alio, quàm CONSULUM nomine appellatos Vos audiat; quo scilicet Nomine non modo elegantiorum olim temporum insonare aliquid, verum etiam veteris Romanæ Majestatis nonnihil elucescere in mediis illis tenebris videatur. Atque hac quidem re nescio quid præscæ illius æmulationis in mentem mihi venit, quâ olim exurgentem Romanæ Reip. fortunam Majores nostri Samnites non remorari tantum, sed penè in suas partes trahere moliti sunt: ut scilicet, quum per temporum, rerumque vices licuisset, Ordo vester ad Beneventanæ Reip. administrationem institutus, à Romanis augustum illud Nomen vel acciperet, vel suo sibi jure vindicaret. Non ipsa autem Nominis vel umbra solùm, vel fortassè ambitio: cui ritè,

ac

ac dignè gerendo, & Patriæ, cui præestis; majestas consentit, & illa adstipulatur, quæ vestris insidet Rostris, Jurisdictionis auctoritas. Hanc Jurisdicundi potestatem, cui coercionem habenti sui quoque Fasces præsto sunt, partim desuetam, partim deminutam, non solum integram florentemque restituit, sed in latiores quoque fines extulit Optimus ille Maximusque Pontifex, de universis Beneventanis Rebus, Ordinibusque tum eximiè tum immortaliter promeritus BENEDICTUS XIII.; ratus ipse certè, meritò splendidissimo, ac supremo Ordini vestro & honores amplificandos, & auctoritatem conservandam, quam sapientissimus Pontifex Innocentius III. luculentis datarum plurium ad Beneventanos Consules Literarum testimoniis non solum probavit, sed aliquando etiam in publicæ rei discrimine adhibendam sibi voluit: Sed hæc aliàs: Hujus potius loci fuerit in vestras laudes excurrere; quibus tamen satis a me factum iri arbitror, si in hanc brevem quidem, sed locupletissimam materiæ summam contraxero; ut scilicet nihil sit, quod sollicitius, providentius, sanctius desiderare a Vobis Resp. queat: Munerisque vestri amplitudini, æquo se extollens fastigio, virtus vestra respondeat. Ad hæc verò peculiaris illa laus vestra censenda est, in omne duratura ævum, nullisque fortasse aliis æmulanda, quod mihi, ut Patrias Antiquitates illustrare prosequerer, eas cohortationes, ea subsidia contulistis, ut calcaribus veluti additis, qui ad opus absolvendum progredi tantum videbar, jamdèdum celerrimo cursu, atque operâ seduliorè absolutum præstarem. Quamobrem quò usque immortalis Beneventanæ Urbis gloria, Opere hoc consignata, manebit, stabit simul Nominis vestri fama: illudque utrâque ex re emolumentum in nostros Posteròs promanabit, ut tum Patriæ nobilitate, tum vestris exemplis, geminis videlicet sibi perpetuò apposis in-citamentis provocati, ad optima quæque, quibus Reip. felicitas constat, studiosius vacare, ac certatim contendere eni-tantur. Dabam Kal. Martiis An. MDCCLXII.



PRÆLOQUIUM



UPERIOREM Librum THESAURI ANTIQUITATUM BENEVENTANARUM editurus, pluraque tunc de ipso præfatus, illud mihi universi suscepti Operis consilium esse aperui, ut, absolutis priore eo volumine Antiquitatibus, quæ a Beneventanæ Urbis origine ad Romani Imperii collapsam in Italia majestatem perducerentur, Liber subsequeretur secundus; qui temporum rerumque affinitate, ac consortio, ejusdem THESAURI appendix esset, ac locupletior quædam veluti accessio. Arcum enim Imp. Trajani, κατ' ἐξοχήν PORTAM AUREAM, orto cum ipso opere, vel certè ab ipsa priore Antiquitate ad posteros transducto vocabulo, appellatum (cujus prospectum pari fide elegantiaque ærea Tabulâ incisum, ac peculiari Dissertatione generatim illustratum exhibuisse satis tunc visum fuit) curis secundis, novæque operâ per partes repræsentandum, uberioribusque observationibus exornandum despondebam. Hoc ego perfunctus munere, ac longiore ea mora solutus, quæ me tandiû intra amæniora illius ætatis spatia detinisset, tunc demum reliquo Operi postremam manum admoverem; atque ad eam excolendam ætatem progrededer, quæ ex Longobardorum adventu, diuturnaque dominatione, altera Beneventanarum Antiquitatum veluti Epocha, amplissimam Libro III. materiam præberet.

Hac me fide obstrictum tunc volui, quâ tamen, ne ocius liberum me præstarem, plura nec facilè, nec honestè submovenda, intercesserunt impedimenta: Præter enim eorum munerationem, cui melior temporis, animique portio tribuenda fuit, ea quoque subiit occasio, quæ subsicivas horas ad alia studia conferendas impelleret: an verò conferendi vel necessitas, vel utilitas fuerit, ex binis illis libris, quos interea *De Institutione Clericorum*, ac *De Origine, & Jure Decimarum*, in publicam lucem emisit, alii judicabunt. Sed quæ reliquæ animo semper obversabantur, patriæ Antiquitates, repetendæ tandem aliquando erant; sed ita repetere libuit, ut adnota Operi manus, posthabito Trajani Arcu, alteram Antiquitatum partem libentiùs pertractandam susciperet: susceptam autem, vehementique animi atque ingenii contentione elaboratam, nuncdemum (quod felix faustum fortunatumque sit) in hominum lucem emitto.

Erunt fortasse, qui novum hocce meum consilium probare nolint, qui etiam veterem me fessellisse fidem exposculabunt, hi videlicet, qui Romani nominis studiosissimi nihil jucundius, nihil eruditius sibi habent, quàm diurnâ manu, ac nocturnâ Romanas versare, terereque Antiquitates, a quarum finibus paululum discedere penè horrescunt; ne, si ad ipsa Barbaricæ ætatis limina accedant, ejus fecibus, ac luto scædantur: ut jam ægrè ferant, præproperè mihi elaboratum argumentum, quod præ suo vix merito, statutaque universi Operis methodo, postremo loco pertractari debuisset; quod etiam neglectum, ac omnino prætermisum, facile mihi abjectæ operæ veniam impetrasset.

Quibus ita primùm reponam: nihil me de eo Arcu, præclarissimo scilicet, ac propè singulâ non Beneventanarum modò, sed & Romanarum Antiquitatum monumento, quod novum, quod peculiare, quod observatione præcipuè dignum videbatur, desiderandum reliquisse: uti certè superiorem Librum legentibus, vel etiam spectantibus probare promptum erit. Quod verò reliquum in eadem re suppetit, uberrimum quidem, sed Romanarum dun-

taxat

taxat Antiquitatum argumentum est, atque ad latissimum eum campum pertinet, in quo excolendo (excoluisse autem aliquando otium, ac voluptas mihi fuit) illud hodiedum facile accidit, ut ex aliorum laboribus non tam profecisse, quàm centies milliesque dicta recinuisse, difficile verò illud, ut spicilegium fecisse, aut saltem quæ non nova sunt, noviter dedisse videamur. Non ita verò de Medii Ævi Antiquitatibus res se habet. Quum enim ad Literarum, Artiumque bonarum omnium instaurandam dignitatem, atque usum, Italorum ingenia (quorum perpetuum, ac nullius invidiæ obnoxium decus est, cæteras nationes exemplo, atque institutis præfisse) excitari cœpissent, ad cultiores, ac superstitibus adhuc Scriptoribus, monumentisque suis facile pervias Romanorum, ac Græcorum ætates, operam industriamque omnem adhibendam duxerunt: ac felices quidem extitere conatus; quos tamen præjudicata quædam subsequuta opinio est, ut aliquid præter Romam, Græciamque veterem, excipere, probareque Resp. Litteraria nollet; quare factum est, ut insanabile illud ejusmodi argumenti exornandi cacoëthes multos adhuc teneat; passimque, ac certatim Libri prodire, ac veluti pullulascere videantur, quorum Scriptores otio suo abusi, ne otiosissimos alios, lectores demerentur. At quum tandem Barbaricæ ætatis referari offia, æquioribusque, ac perspicacioribus oculis eorum temporum caligines perlustrari cœptum, non solum suum illis pretium, suum decus, suum quoque studiosis emolumentum compertum est; verum etiam pudori, quodammodò fuit, tamdiu id Ævum despexisse, unde & genus, & mores ducimus: sive enim (uti rectè oblerat V. C. Ludovicus Muratorius) *nos ab antiquissimis Italis, aut à Romanis, sive à Gothis, Longobardis, Francis, & Germanis descendemus, semper Gentis nostræ Historiam persequimur, quoties res gestas, & mores investigamus Barbarici Ævi . . . nam tot Ritus, non solum Sacri, sed & Domestici, & Politici nobis in usu sunt, quorum origo non Romanis tribuenda est, sed Barbaricis* (1).

Præstabit itaque Barbaricam invisere ætatem, majoresque nostros, quos sanguine, institutis, artibus, religione proximè attingimus, celebrandos suscipere. Laus etiam nobis erit per eadem incessisse vestigia, quæ Viri doctissimi, ac clarissimi, difficilem hanc viam sternentes, vel præmonstrantes, nobis reliquerunt. Facem cæteris Carolum Sigonium prætulisse Muratorius censet: ac ille quidem post operam Romanis Antiquitatibus egregiè navatam, in Barbarica sæcula, pluribus *De Occidentali Imperio* Libris lucubratis, longius sanè, nec sine laude se invexit. At de hac re, si mihi quoque dicere fas sit, non palma isthæc Andree Alciati præripienda est; qui de Jurisprudentia optimè promeritus, quam humi veluti jacentem, Barbaricoque luto undique obvolutam, ad pristinum decorem, nativamque dignitatem erexit, Barbaricam tamen ipsam ætatem non modò non abhorruit, sed perscrutari ipse aggressus, nonnisi cum nominis laude, cum eruditionis fructu, cum Reip. emolumento, aliis penitus pervadendam, ac familiaribus excolendam repræsentavit. Præstitit id certè Alciatus tum aliis lucubrationibus, tum præsertim illà Veterum Mediolanensium Inscriptionum Collectione, quâ plurima ingentis pretii ex inferiore Ævo monumenta complexus, non solum exemplo cæteris fuit, ne posteriora illa, cùm quisquillas, sordeſque, abjicienda existimarent, verum etiam non exiguum penum reliquit, unde Gruteri, ac Muratorii Thesauri locupletiores prodirent. Quid denique de Barbarica ætate, exterisque Gentibus, ac præcipue Longobardis Italiæ dominis Alciatus sentiat, illa satis elegans docebit Præfatio, quâ laudatæ Collectioni exordium fecit; ubi, inter alia hæc ipse ad rem nostram: *Nec verò curiosè ego contenderim, utrum præstat à Romanis, vel à Longobardis originem duxisse: cum enim videam in illo Romani Imperii occasu, omnes Provincias Barbaris patuisse, & ab Artëto Calo omnes fere inundatas (ut ita dicam) terras, quid honorificentius nobis esse potest, quam à Longobardis esse progenitos? quos Cornelius Tacitus totius Germania nobilitatis nomine præcipuos adtestatur? quosque & Christianos, & Orthodoxos, priusquam in Italiam descenderent, Procopius Casariensis diligens Auctor scribit: Ut plurimum mirer, cur adeò illis insensus in Historia sua Blondus fuerit, quum fortassis & ipse ab illis descenderit . . . Mihi certè, quisquis ille fuerit, verè Romanus censetur, qui Quiritum Artes, studia, Mores probè teneat* (2). Vides, quàm bellè, ac modestè insanabilissima illorum studia, seu somnia Alciatus fugillet, qui ipsius tempore, despectâ, ac pedibus veluti proculcatâ mediæ ætate, ad priscos Romanos transilire gestiebant, non ut eorum mores virtutesque sibi imitandas proponerent, sed ut solâ nominum, cognominumve affinitate sese in Romanam stirpem extollerent. Vides (quod rei caput est) Alciatum

(1) Muratorius in Præfat. ad tom. I. Antiqu. Medii Ævi.

(2) Alciati Præfat. hanc in lucem edidit Cl. P. Franc. Zacaria tom. I. Excurs. Literar. per Ital. pag. 74.

tum satis æquum Mediæ ætatis æstimatorem, manifestum verò Longobardorum patronum, amplius mihi audendum erit: ita enim Longobardorum me patronum præstabo, ut eorum Rebus gestis accuratiore stilo singillatim expositis, ipsi veluti redivi Longobardi suam egisse causam videantur; probeturque certum illud, atque manifestum, haud me frustra Patriis Antiquitatibus continenter illustrandis posteriorem hanc navasse operam, quæ suis ei Genti honos, sua ejus Posteris gloria constabit; nec sua deerunt universæ tum Politicæ, tum Ecclesiasticæ, tum denique Litterariæ Reip. emolumenta.

At quid magnum (fortasse quis inquiet) quid novi hoc opus parturiet, quod non de Mediæ Antiquitatibus Cl. Muratorius prodiderit, quod de Longobardorum rebus non edisseruerit Camillus Peregrinus, nuperimèque Bernardinus Zannettius enarrarit? Fateor quidem maxima Muratorii promerita, cui plurimùm ea debet Antiquitas; non enim Scriptori- bus synchronis penè omnibus undequaque erutis, atque in unum corpus collectis, loquentem tantum nobis, effecit; verùm etiam peculiari opere, ac studio vilendam dedit, illius mo- res, ritus, militiam, artes, literarum studia, & horum similia flex voluminibus persequu- tus; atque hoc opere suæ consilium fuisse testatur, ut *faciem Italici Populi delinearet, qualis fuit a Sæculo Christiana Ære Quinto usque ad Millesimum, rerumque singularum fontes aliis genera- tim indigitarer* (1). De Longobardis autem, qui per eadem Sæcula, Italiæ domini, Italica- rum rerum præcipua pars, ac materies fuerunt, vix aliqua sparsim, tenuiterque delibavit, id quod etiam cursim, frustratimque in suis Annalibus præstitit. Zanettii certè postmodum curâ, atque industriâ factum fuit, ut quæ Longobardica apud Muratorium occurrerent, si- mul coalescerent, unumque sub aspectum exhiberentur: hinc se Zanettius Muratorianorum Annalium pedissequum in contexendis Longobardorum gestis, chronologicaque ratione ser- vanda fateatur, in eo solum desciscens, quod Veterum Scriptorum sensus asserere maluerit, quorum ille verba ipsa (meliore fortasse consilio) recitare curavit. Sed quod ad Longobar- dos attinet, nihil, aut certè parum è penu sua depromsit Zanettius, in externas res perva- gatus, quibus satis *eruditioni* (ut ait) potius, quàm instituto argumento factum voluit (2). Illud denique Viro doctissimo omnino deest, quod post Regis Desiderii captivitatem cum ipso simul Longobardici Regni interitu perpetuum operi suo finem indicens, de Beneventanis Lon- gobardis, qui ad Sæculum XI., tribus videlicet post Regis Desiderii fata labentibus adhuc Sæculis, Cistiberinæ Italiæ Principatum tenuerunt, nihil adtexendum sibi duxit; immò ea, epilogi loco, habet, quæ in ejusdem Principatus injuriam cessisse videntur: Postquam enim illius institutionem ab Arichi factam commemorasset, mox ista subdit: *Di non molta durata fu questa superiorità di Arigiso; perocchè liberato appena da alcune sue spedizioni, che dovette frat- tanto prendere contro de' Sassoni, infestò a suoi stati, ritornò Carlo di quà da monti, e lo ridusse ben presto a dovere; onde convenne alla fine, che il miserabil destino di quasi tutta l'Italia chinasse il capo al fortunato ascendente del Franco Rè vincitore*. Qui verba isthæc, quibus Zanettianum opus explicat, lecturi sint, nil, nisi de Francis cogitare incipient, extinctumque omnino cum Re- gio jure, ac potestate ipsum simul Longobardorum nomen in Italia reputabunt; & tamen tria adhuc Sæcula excurrere exinde coeperunt, quæ Longobardorum nomine, gestis, imperio sa- tis illustria, Longobardici Regni majestatem in Benevento Principatu servatam, atque in universa Cistiberina Italia incolumem, florentemque aspexerunt.

Supereff de Peregrinio dicere; cujus nomini hanc laudem libenter assentiar; ut Longo- bardicæ Historiæ Parens Peregrinus dicendus sit. Ejus enim industriæ, laboribus, ingenio, atque eruditioni debemus, quod plurimis illius Gentis, atque Ætatis editis Scriptori- bus,

ALTER

b

que

(1) In ead. Prefat. tom. I. Antiqu. Med. Ævi.
(2) Del Regno de' Longobardi in Italia. Memorie Storico-Critiche-Chronologiche. Venet. 1753. Porro Zanettius sic inter alia præstat: *L'imcomparabile Sig. Ab. Muratori, nome di fama immortale nel Mondo Letterario, dovendo a' squarei trattare ne' suoi Annali di questo stesso argomento, non ha fatto, che render volgari gli Autori antichi, che ce ne hanno lasciato le memorie. Io, che ho stimato diverso il mio dovere da quello di un Annalista, non ho potuto appagarmi di questa semplice traduzione. . . . così però non ho fatto in collocare i suc- cessi per quanto mi è stato possibile a' suoi veri luoghi; ho voluto in ciò farmi imitatore di scorta il luminosa &c. & paulò superius de Operis sui economia loquens, sic habet: Per dare un' idea del contegno de' Longobardi,*

che sono l' oggetto primario del mio Ragionamento, non ho potuto talvolta dispensarmi di passare alle Corti de' Rè Franchi, de' Romani Pontefici, e sopra il tutto alla Im- perial di Costantinopoli. . . . Ben' è vero però, che al- cune fiate nel parlar delle procedure de' Greci Augusti, non ho osservato quel rigore di ristrettezza, che forse avrebbe incontrato nel genio di taluno; ma la mira di dare quella contezza, che si ricerca all' intera cognizio- ne de' fatti, è quella, che guadagna una giusta scusa alla digressione; e dove questa non basta, supplisca l' erudi- zione, in grazia di cui mi son fatto lecito di descrivere i successi delle guerre di Persia, l' ignoranza, i progressi, e gli effetti perniziosi dell' Eresia de' Monoteisti, e degli Iconoclasti con penna alquanto diffusa &c.

que monumentis, quibus etiam illustrandis notas, observationesque adjecit, Longobardicæ Antiquitates barbaricam frontem ita demum exererent, ut jam tum quandam induisse venustatem, magnam verò utilitatem præferre cœperint: Cœpit, inquam, Peregrinus Longobardos demereri, Beneventanos præsertim, quorum Ducatum, tum peculiari lucubrata Ducum a Zottone ad Arichim usque 11. Chronologia cum Æræ Christianæ annis comparata, tum Dissertationibus aliquot illustravit: quarum Dissertationum argumentum in eo versatur, ut *Quando, & Cur Ducatus ipse institutus, tum qui illius Fines, quæque fuerit Distributio, ostenderetur. Plura is gravioris quidem momenti, negotique difficilioris differere meditabatur, quæ vel elaborata perierunt, vel potius elaborasse spatium non fuit, nam & illas, quas præpropere edidit, memoratas paulò antè Dissertationes, non omni, qua potuisset, diligentia lucubratas, ore ipse suo fatetur; illæque lecturis per se ipsas facile ostendunt (1).*

At præter hos, quos hæcenus recensuimus, Clarissimos Scriptores, habuisset certè Urbs Beneventana Scriptorem, domesticum quidem ipsum, patriæque non Ævi tantum mediæ, sed ætatum quoque omnium Antiquitates absolutissimè prolequutum, nisi pro Opere ipso, Auctoris solum nomen reliquum nobis esset. Ac Nicolaus quidem Toppius testis est, se anno MDCL. à nobili Cive Beneventano, *multaque literaturæ viro*, Alphonso de Blasio epistolam accepisse, quâ is affirmabat, universam Beneventanam Historiam, ingens triginta annorum opus, condidisse, quæ in quatuor ætates, sive Dynastias, totidemque volumina dispersita, qualis 1. Sub Samnitibus. II. Sub Romanis. III. Sub Longobardis. IV. Sub Pontificibus Summis, Beneventanorum fuerit status, quæ illustriores res gestæ, qui celebriores eventus, quæ denique vetusta ad posterum pervenerint monumenta, in lucem hominum proferret. Alphonsi literas (quas heic subnectendas quoque ducimus, ut ex ipso Titulo, atque Auctoris consilio, quanti opus æstimandum fuisset, censere quis possit) in *Bibliotheca sua servatas voluit Toppius, qui anno MDCLXXX. opus suum edens, hæc subdit: Dove al presente, & in mano di chissì conservino tali dotte fatiche, con tutte le deligenze, che vi ho usate, non s'è penetrato. Così si trascurano, e perdono le cose di tanto momento? Miserie pur troppe grandi del Secolo presente, e di questo Regno, privo di Mecenati, e degli accurati, e buoni investigatori delle belle Opere altrui smarrite, e quasi sepolte nella perpetua obblivione (2). De ejusdem Operis fato etiam conqueritur, Toppium lectatus Petrus Jannonius, hæc pari stilo de Alphonso effatus: Morto al piacere dell' immortal suo nome, che senza dubbio per cotai opera sarebbesi acquistato, non potè vederne il fine; ed i suoi manoscritti con tanta trascuraggine non curati giacciono ora sepolti in profonda caligine, senza che vi fosse stato, chi se ne avesse preso cura, o pensiero di farli imprimere (3). Opus autem ad umbilicum non pervenisse ipse Alphonsus fatetur: quare facilius post ejus mortem disperire potuit (uti etiam noster Nicastrus observat in sua Pinacotheca) ejus Peltis calamitate, quæ anno MDCLVI. in Neapolitano Regno grassata, universos penè Beneventanos Cives, ejusdemque Alphonsi familiam absumpsit: nam neque Toppio post viginti ab acceptis Alphonsi literis annos de eo Opere diligentissimè perquirenti, compertum aliquid fuit. Nihil itaque ex hoc Scriptore Longobardica Historia sibi comparatum habet, nisi quòd illius conatum sciamus, ac nomen, majore fortasse suæ laudis emolumento, quam post Toppium, & Jannonium adhuc deferendam existimavimus.*

Hic itaque Longobardicæ Historiæ status: hæc in Beneventanas Mediæ Ævi Antiquitates collata hæcenus Literatorum Virorum studia, atque conatus: non exigui illi quidem, qui tamen nec aliorum votis, nec rei dignitati respondisse videntur. Enitendum igitur mihi fuit, ut quod

(1) Cam. Peregrinus in præfat. ad Dissert. 1. tom. v. Opp. edit. Neapol. pag. 190.

(2) Biblioteca de Scrittori Napolitani pag. 356. edit. Neapol. 1680. Alphonsi Epistola à Toppio relata sic habet: Io mi ritrovò per lo continuato studio di trent' anni in rintracciare i fatti di Benevento, quasi che peria la salute, e scemata la borsa, e vedendo, che non potevo ordinar l'istoria coll' autorità di Scrittori senza che in altri non la trovasse contrariata, o almeno in fatto ampliata, o diminuita, da dove pigliai motivo di scriverla per contradizione, con esemplarci quanto più, e contra dagli Historici antichi ne trattano: e l'ho intitolata: Istorie controverse dell' antichissima Città di Sannio, oggi Benevento, da Alfonso de Blasio concordate: Ed ancorchè dagli Eruditissimi Cluverio, e Salmasio si nega la sussistenza della città di Sannio; io li convinco coll' auto-

rità di quattro Historici antichi, e con molte pristhe espressioni, che l'ho trovato a penna. L'Opera l'ho ripartita in quattro Volumi per Capitoli etc. Quæ sint ea prisca MSS. monumenta, seu expressiones de vero Sannio, vel Samnii vocabulo, Beneventanæ Urbis quondam proprio, omnino ignoramus: neque scisse referet, quæ nequitiam idoneum rei testimonium præstare nobis possunt: ex antiquis autem quatuor Historicis rem ipsam falso asseri, vel perperam extundi, in Dissert. I. superioris Libri satis probavi. Cæterum ex indicato operis Titulo, ejusque Methodo, ac denique Stilo, verior, ne meliora, atque uberiora, quam quæ ex Vincentio Chiarante in suo opere: *Memorie storiche dell' Antico Sannio*: habemus, Alphonsus nobis dedidit.

(3) Ilstor. Civil. di Napoli lib. XXVI. cap. VI. tom. III. pag. 392.

quod prioribus præstitissem, posteriores adhuc patrias Antiquitates illustrandas susciperem: atque hæc quidem, quod illas non una re antecellerent, in eandem lucem prodire gestientes, moranti mihi, feram operam contra susceptam jamdiu fidem, ac Civis officium, quodammodo exprobrabant: sed satis jam, si non pro ipsarum præstantia, pari tamen methodo, accuratiore fortassis opera, factum est: parem dixi servatam methodum, quæ in priore lucubrando Libro usus sum; Longobardicam enim Historiam universam ita exhibuisse libuit, ut præcipua ejusdem Historiæ Capita propriis Dissertationibus sigillatim pertractanda, atque illustranda selegerim: Majorem scilicet, quàm ut tantum Historicus videret, laborem mihi statutum volui; ut quicquid ad præclarissimum quodpiam propositum argumentum pertineret, in unum locum, seu Dissertationem pertractandum, opportunisque observationibus uberrimè illustrandum conjicerem; eam demum Longobardicæ Historiæ, seu Beneventanarum mediæ ævi Antiquitatum faciem exhiberem, quæ nobilioribus, atque utilioribus partibus sigillatim patefacta, elegantior, eruditiorque appareret, nec delectare modo, verum etiam prodesse posset.

Summam igitur Operis hanc habeto. Ab Longobardorum Originibus exorsus, sequutum ipsorum in Italiam adventum, constitutumque cum Italico Regno Beneventanum Ducatum, primo loco aperiam. Mox de Longobardorum Religione (quæ rerum omnium Caput esse debet) accuratissime disseretur. Deinde illorum Nummos, illorum præterea Leges distinctis Dissertationibus ita illustrare licebit, ut rei utriusque non modo occasione, verum etiam subsidio, universæ, quæ memoratu dignior sit, Longobardicæ Historiæ tum fides, tum series, tum denique dignitas, luculentius constare videantur. Ad eandem verò Historiam quum maximè Ecclesiæ Beneventana pertineat, de ea quoque uberrimè egisse, operæ pretium duximus, ut qualis quantaque per mediam ætatem illius præstantia, splendorque extiterit, spectandum tribuatur. Suam quoque Res Literaria Dissertationem sibi vindicabit, ubi non tantum Viros, qui Sanctitate, & Dignitate, sed qui etiam Literis quam maximè inclauerint, barbaricaque illas ætates singulari Doctrinæ laude illustrarint, ita celebrabimus, ut quod eorum honori, memoriæque restituendæ institutum est, præsentium quoque temporum eruditioni argumentum ipsum profuisse noscatur: Postremò de Longobardici Principatus Occasu, ejusdem Causis sermo instituetur, addeturque simul, quo præsertim tempore, quo etiam jure tum Beneventanus Principatus, tum ipsa denique Urbs in Apostolicæ Sedis dominium, administrationemque translata, felicior, quàm olim, Reip. statum auspicata sit. Hæc, inquam, Operis summa: quam sequens Prospectus in distinctiorem formam enucleabit.

Aderit Operi ex pluribus variorum ejus ætatis Monumentorum adhuc superstitum Simulacris, æreis Tabulis ad Archetyporum fidem insculptis, conquistum decus, atque ornamentum; itaut hac quoque re nihil priori Libro invidendum sibi sit. Non heic quidem alteram habebimus Portam Auream; sed quam exhibemus Æneam, anaglyptico opere insculptam, ac in nostra Æde Majore extantem, non minoris profecto quis fecerit, qui non tam materiæ, temporumque rationem, quàm expressas ibidem Sacrarum, Ecclesiasticarumque rerum effigies spectabit. Habent ista sequioris ætatis Cimelia, unde maximi æstimentur; nam & illorum temporum imaginem vividius nobis representant, & plerumque synchronis Scriptoris eloquentiora, atque sinceriora, vel illorum suppleant silentium, vel tenebras illustant, vel fidem confirmant: Quantum denique emolumenti ex vetustis id genus monumentis tum Ecclesiastica Historia, tum ipsa quoque Christiana Religio sibi comparaverint, jam omnes norunt, atque ex nostro Opere amplius didicisse nunc promptum erit.

Sed & altera Operi accedet, majori fortasse pretio ac splendori futura, Monumentorum suppellex; quæ & illius erit Appendix. Priori Libro Appendicem quoque dedimus, ubi Veteres Inscriptiones Beneventanas omnes tum editas, tum ineditas undequaque collectas, in suas Classes distributas, opportunisque notis illustratas, postremam scilicet, sed imprimis conspicuam ejus Theauri partem, edidimus. Posteriori huic Libro insignem pariter Coronidem præstabunt Veteres Chartæ ex MSS. Beneventanæ Bibliothecæ Longobardicis Codicibus summa fide, diligentique descriptæ; quas vel nunquam hæcenus, vel mendosè, aut mutilè editas, in ipso Opere (ubi res postulavit) vel tantum commemoravimus, vel etiam iustis Commentariis exornavimus. Has autem in unum rejicere locum, satius visum fuit, ne (uti in aliorum Libris plerisque experimur) si in ipso Opere passim interjectæ essent,

essent, Lectorem plus æquo remorarentur; qui tamen legendi cupidus, quam sibi libebit, promptam ex indicato ejusdem Appendicis numero ad manus habebit. Ejusmodi Monumentorum satis locuples nostra Bibliotheca est, de cujus præstantia, quum de Ecclesia Beneventana differendum erit, speciatim agemus. Ex ipsis vero Monumentis non solum quæ vel temporis vetustate, vel rerum gravitate præstantiora sunt, dabimus (ne in eorum morem, seu vitium incidamus, qui ejusmodi sequioris ævi chartis sine ullo delectu coacervatis Libros onerare potius, quam ornare, legentesque fastidire magis, quam juvare solent) immo ex præstantioribus ipsis, selecta tantum aliqua, quæ pro re nata Operi illustrando necessaria essent, in medium depromimus.

Hæc de Thesauro altero Beneventanarum Antiquitatum, Operisque argumento, atque oeconomia, præloquenda habui. Si hujus Libri fatum ex prioris Libri successu conjicere, atque argumentari fas est, in certam spem erigor, posteriores hosce, aut certè postremos, quos jure suo sibi Patria vendicabat, labores meos, apud eos iri probatos, qui instituti argumenti non tam gravitatem, quàm difficultatem animadvertant. De prioribus Beneventanis Antiquitatibus, dum Romana res, ætasque flabant, proptereaquod sua se luce illustrarent, haud ita arduum, aut operosum, immo obvium ferè, ac jucundum fuit, disseruisse: At sequutæ Barbarici Ævi Antiquitates, ut in bono lumine collocatæ splenderent, è mediis tenebris eruendæ fuerunt; expolienda ipsarum ruditas, detergendæ fæces, situsque omnis, atque squalor, quo obducebantur, ita dispellendus, excutiendusque, ut quod in eis lateret pretium, quæque dignitas, atque utilitas inessent, in apertam lucem, ac novam veluti faciem prodirent. Ausus non animus defuit: an ingenium responderit, alii judicabunt; apud quos ipsa saltem argumenti difficultas mihi, non omnia dignè, ac luculenter exequuto, veniam impetrabit: id certe probaverint, quod hanc Antiquitatum partem alteram, qua præcipuum Patriæ decus continetur, quibus valui ingenii viribus, illustrandam, atque absolvendam susceperim. Mihi verò, dum Patriam exornare elaboraverim, id unum fuit consilium, id superest votum, ut Civibus profuisse simul videar: Quibus nihil proderit nobilissimam jactitare Patriam, quam non meruisse probentur: Ut digniùs autem, ac faciliùs mereri possimus, tum terrestris ista, ac temporaria, quàm celestis illa, ac sempiterna cogitanda nobis Patria est, ad quam omnia dirigere munera, operasque nostras, omnia denique, quæcunque sint, studia nostra conferre debemus.

CON-



CONSPECTUS OPERIS TOTIUS

DISSERTATIO PRIMA. Longobardorum Origines: Eorum in Italiam adventus: Ducatus Beneventani institutio, incrementa generatim recensentur. Accedit nova, & exactior ejusdem Ducatus Tabula Chorographica.

DISSERTATIO II. De Religione Longobardorum.

CAP. I. Priorum Longobardorum labes speciatim memorantur: mox sincera, ac perpetua Catholica Religionis professio, Christianaque Pietatis argumenta plurima ab ipsis praestita celebrantur.

CAP. II. De aureo Vipera Simulacro, & Sacra Arbore, quorum cultui addicti Veteres Longobardi feruntur.

CAP. III. De S. Barbato Episcopo Beneventano, & Theodorada Ducis Romualdi Coniuge. S. Barbatus genere Longobardus, patria Beneventanus: Ejus tum ante, tum in Episcopatu res gestae illustrantur: Barbato in extirpandis Longobardorum superstitionibus Theodorada adiutrix; cujus pietas, & munificentia tum in Suburbano S. Petri Monasterio, tum in Canusina S. Sabini Ecclesia edificandis ostenduntur.

CAP. IV. De eximio apud Longobardos S. Michaelis Archangeli cultu. Archangeli Michaelis Apparitiones variae: omnium Garganica antiquissima, & celeberrima: Ejus Historia uberimè illustratur. Patronus Archangelus à Longobardis sub eorum adventum delectus: Quibus argumentis ab universa ea Gente, potissimum verò à Longobardis Beneventanis venerationem consequutus.

CAP. V. De Ecclesiis, Monasteriisque à Longobardis edificatis, atque locupletatis. Monasterii Vulturnenfis Origines, incrementa: Cassinensis instauratio, feliciorque, quam olim stans: Beneventani S. Sophia constructio, ac splendor (inter alia simul plura) recensentur.

CAP. VI. De Longobardorum erga Sanctos, eorumque Reliquias veneratione. In conquirendis, honorandisque Sanctorum Reliquiis sollicitiores alius Longobardi, quorum pium ejusmodi studium à criminationibus vindicatur: Tum ea de re, tum ex peculiari Cultu, quo S. Petrum, Romanosque Pontifices prosequerantur, optimè de Christiana Religione, Apostolicaque Sede promeriti demonstrantur.

DISSERTATIO III. De Nummis Principum Longobardorum.

CAP. I. Beneventanos Longobardorum Duces, vigente Longobardico Italia Regno, Nummos percussisse nullo certo exemplo probatur. Neque ejus rei privilegium sibi factum, neque arreptam facultatem ostendit dicti Ducatus primæva conditio, atque oeconomia; cujus Ducatus successiones ab anno DLXXI. ad annum DCCLXXV. tum chronologicè, tum genealogicè, præclarioribus singulorum Ducum rebus gestis in novam lucem erutis, recensentur.

CAP. II. Principatus Beneventanus post Longobardici Regni interitum a Duce Arichi II. Regiis attributis sibi insignibus, ac juribus, institutus: Frustra a Carolo Magno, ejusque filio Pippino armis tentatus: Foedera cum ipso Principe Arichi, ejusque filio Grimoaldo a Francis sancita: Nummi inscripto dicti Caroli nomine a Grimoaldo percussi: Qui tamen paullo post aliis suo tantum nomine cussi, pluribusque rebus domi, militiaque egregiè gestis omnimodam libertatem, majestatemque sibi asseruit.

CAP. III. Principis Grimoaldi I. Grimoaldus II. Thesaurarius, & Successor: Ipsius Gestæ, ac varia apud Scriptores nominis fama. Nummus argenteus, ejusdem Principis monogrammate insignis: Cujus occasione de Longobardorum Principum Monogrammatibus, quæ in subscribendis Diplomatis adhibebantur, accuratius agitur; ac quæ autographa, quæque spectabiliora adhuc supersunt Diplomata carptim illustrantur: Ipsius denique Grimoaldi Nummus copiosè explicatur.

CAP. IV. Plures Siconis, qui Grimoaldo II. successit, Nummi, tum aliàs, tum primum nunc editi, exhibentur, altero addito ejus filii, successorisque Sicardi. Siconis genus, resque, præsertim militares adversus Neapolitanis gestæ. Quæ olim à Beneventani Ducatus exordio, vario tempore, eosdem adversus Neapolitanos Beneventanorum Ducum, Principumve prælia, victoria, foedera; quidque illis juris potestatisque in Neapolitanos quaesitum. De ipsius denique Siconis, ac Sicardi Nummis explicatio traditur.

CAP. V. Principis Radelchis argenteus Nummus nunc primum editus. Is Principis Sicardi olim Thesaurarius, dein Beneventanorum electione Successor. Diuturna inter ipsum ac Si-

conol-

consulsum Sicardi fratrem Bella, Principatus divisione restituta. Quae in ea divisione Imp. Ludovici II. partes. Quid in Radelchis nummo insculpta symbola denotent: Reliqua ejusdem Nummi partes illustrantur. Accedunt Nummi à Principe Siconolfo percussi.

CAP. VI. Imperat. Ludovici II. aureus Nummus Beneventi cuspis, cum ejusdem Orbis Epigrapha. Is Nummus, inter graviora alia, Captivitatis occasio, quam idem Augustus à Principe Adalgiso, Beneventanisque passus fuit. Ejus Captivitatis factum distinctè refertur, atque à Scriptorum quorundam Criminationibus vindicatur. A Radelchi ad Adalgisum Principum series continuatur; eorumque cum Saracenis certamina, ac varia belli fortuna describuntur.

CAP. VII. Qui Gregorio olim Beneventano Duci falsò adjudicabatur, Georgio Gracorum Augustorum Duci Beneventanam Urbem administranti, Nummus restituitur, exhibetur, atque illustratur. Quo tempore, qua occasione Graci in Beneventanam Urbem invadentes in suum dominium, regimenque redegerint. Ejectis Gracis iterum Principes Longobardi restituti: quorum series à Superiore Adalgiso usque ad Ademulfum Capuanum Comitem, idest ad Annum DCCCC. novis observationibus locupletata recensetur.

CAP. VIII. Nummi duo argentei non dum editi exhibentur, in quorum altero Beneventi nomen, ac duae Claves insculptae, Pontificium dominium indicantes. Eorum tempus statuitur, ac nova describitur, illustraturque forma, qua scilicet ex una tantum facie percussi habentur.

DISSERTATIO IV. De Longobardorum Principum Legibus.

CAP. I. Leges ad Religionem pertinentes recensentur, ac commentario illustrantur.

CAP. II. Leges de Jure publico sancitae explicantur.

CAP. III. Leges ad Jus privatorum spectantes variis observationibus exornantur.

DISSERTATIO V. De Ecclesia Beneventana.

CAP. I. Beneventana Ecclesia Christiana Fidei coeva. S. Januario Martyre, Civis, Episcopo illustrata; mox Theophilo, & altero Januario adhuc Civibus, & Episcopis: Horum Pontificia Legationes in Romano, & Sardicensi Conciliis. Beneventum, ejusque Ecclesia nunquam in Campania, cujus Metropolis Capua tantummodo Civilis, usque ad seculum x. uti Beneventum Samnii. De Civilibus, & Ecclesiasticis Metropolitibus plura ad rem observantur, Nulli ad seculum x. Metropolitani in Suburbicariis Provinciis, Romano Pontifici obtemperantibus: quamquam in unaquaque Provincia Metropolitici Juris apud primum Episcopum vestigia quaedam; quae de Beneventano Episcopo satis explorata ex pluribus rationibus, monumentisque. Id praclare de Episcopo Barbaro S. Gregorius Magnus, de Amilio S. Paulinus asseruerunt. Ejusdem Amilii Episcopi vindicata Sanctitas, Pontificiaque Legatio pro S. Johanne Chrysostomo. Pauli etiam Diaconi, & ejus Legationis Comitibus Sanctitas. Nemo ad seculum v. Beneventanus Episcopus, nisi Civis: Cur dein S. Tammarius, & mox S. Sophius externi homines ad eum Episcopatum delecti. Utriusque gesta illustrantur, ac posterioris cum Beneventano Archidiacono Benigno Martyrium vindicatur.

CAP. II. Ex Beneventano Ducatu, ac dein Principatu à Longobardis instituto amplificata, Beneventana Ecclesia auctoritas. Titulus S. Mariae eidem ab origine statutus. Ducis Arichis I. in eam beneficia. Episcopi Alfani Diploma illustratur. Episcopus Beneventanus, uti olim Provinciae Samnii, ita deinceps totius Beneventani Principatus Primas. Sipontina Ecclesia, Beneventana subdita. Scriptoris neoterici criminationes ea de re adversus S. Barbatum Episcopum refelluntur. Pontificis Vitaliani Litterae ad eundem Barbatum genuinae demonstrantur: Alia Pontificum in eandem rem Diplomata; ex quibus plures Beneventanorum Antistitum prerogativa colliguntur.

CAP. III. Archiepiscopatus Beneventani erectio in Concilio Romano à Joanne PP. XIII. celebrata. Prima omnium, in Italia Cisteriina, Ecclesia Beneventana ea dignitate praedita. Suffraganeorum etiam numero alias Ecclesias Archiepiscopales olim antecelluit, hodieque superat. Veteres Beneventanorum Archiepiscoporum de gestanda Tiara Coronata, ac preferenda SS. Eucharistia prerogativae: Ad haec plumbei sigilli, quod hodieque obtinet, privilegium pluribus observationibus illustrantur.

CAP. IV. Ecclesia Beneventana Clerus. Qui, variis temporibus, illius numerus, qui gradus, ac dignitates. De Bibliotheca Ecclesiae Beneventanae, ejusque Bibliothecario. Thesaurus ejusdem Ecclesiae, ac Thesaurarii munus, atque dignitas. Reliqua Beneventani Capituli prerogativae recensentur.

CAP. V. Ecclesiae Beneventanae Aedificia. Atrium olim Paradisus, appellatum. Turris Campana-

panaria , ac Marmoreus prospectus , ubi Longobardorum Principum Sepulcrales Inscriptiones adstructæ . Vetusla Porta Aenea anaglyptici operis ; cuius effigies duabus areis tabulis insculpta exhibetur , & illustratur . Vesperes Suggestus marmorei hinc inde ad Aram majorem ; quorum anterior facies etiam are expressa explicatur :

DISSERTATIO VI. De Re Literaria veterum Beneventanorum Medii Aevi .

CAP. I. Literarum fata cuiusmodi per Mediam ætatem extiterint , summarim , vivideque exponitur : Jamdũ collapsas Longobardi Italia dominium auspicati ad interitum propè perduxerunt .

CAP. II. Excisi Longobardici Regni instaurata simul cum Literis dignitas apud Beneventanos : Principis Arichis in utramque rem felix conatus , exemplum , & , Paulo Diacono adnidente , providentia .

CAP. III. Philosophia studia Seculo IX. apud Beneventanos præclarè excolta : Quid eo nomine Aetas illa significarit : Ingeni ejusmodi Professorum numerus : de quorum Principe Hildrico accuratius disseritur .

CAP. IV. Beneventani Sapientes sub Imp. Lothario I. Idem Sacrorum Canonum , & Ecclesiastica Disciplina imprimis periti restam de Pontificis Formosi Ordinationibus sententiam protulerunt .

CAP. V. In Medii , Inferiorisque Aevi Historia conscribenda veteres Beneventani præclarè versati ; Eorum Nomina , atque Opera illustrantur .

CAP. VI. Dausertii Beneventani , qui Desiderius postea Abbas Casinensis , Victor denique III. Romanus Pontifex fuit , Doctrina præstantia , atque ex editis in utroque Munere Operibus maxima in Remp. Christianam promerita demonstrantur . Illius Nomen , atque Eruditio à Guil. Cavei calumniis vindicantur .

CAP. VII. Romane Jurisprudentia apud primos omnium Italos instaurata disciplinam , atque usum Beneventani protulerunt . De ea Roffredus , atque Odofredus imprimis promeriti ; quorum Genus , Scripta , Munera , resque geste illustrantur .

DISSERTATIO VII. De Beneventani Principatus occasu .

Radelchis II. veterem Longobardorum Principum Prosapiam ad Annum CM. claudit ; quam Prosapiam Soror Ageltruda Aug. Imp. Guidonis Conjux plurimum illustravit . Atenulphus Capuanus Comes à dicto An. CM. Principatu potitus , eundem , sedatis Beneventanorum turbis , & Petro Episcopo ejecto , sibi confirmavit , & ad Posteris suos transmisit . An in hac Atenulphi Prosapia Capuanus Principatus exortus , & à Beneventano discissus . Beneventani Principes plures simul in singulis Generationibus , quorum series ex Veteri Chronico exponitur , atque illustratur . Illorum postremus Landulphus VI. An. MLXXVII. defunctus , Sedi Apostolica , cui antea fidelitatem juraveras , Orbis , ac Principatus dominium vacuum reliquit . Quæ fuerint antiqua ejusdem Sedis Apostolica jura in Principatum Beneventanum , longius , accuratiusque demonstrantur . S. Leonis PP. IX. fama ob Bellum Northmannis illatum vindicatur . De Northmannis , eorumque Duce Roberto plurima observantur . Illorum res cum Romano Pontifice compositæ , cuius dominio servata Beneventum . Hujus Civis pari (ut semper) cum Regnicolis jure censendi demonstrantur .

AD-



ADPROBATIONES

JUSSU Reverendissimi P. M. Thomæ Augustini Ricchinii Sac. Apostolici Palatii Magistri legi Librum cui titulus: *THESAURUS ALTER ANTIQUITATUM BENEVENTANARUM MEDII ÆVI*: auctore doctissimo Viro D. Johanne de Vita Sanctæ Beneventanæ Ecclesiæ Canonico, & quum in eo nihil prorsus contra Catholica Dogmata, rectamque morum disciplinam animadvertirim, immo pura compererim cuncta, ingenuumque in toto Opere veritatis studium admiratus sum, nec non innumera ferè recondita antiquitatis monumenta a Scriptore rerum Ecclesiasticarum valdè perito diligenter explicata ad regulas exactissimæ criticæ non intemperantioris quidem omnia convellere conantis, sed sanæ illius, quæ, summotis fabulis, vulgique erroribus, veritatem vindicat, atque confirmat, ideo ad Beneventanæ Urbis decus, Reipublicæque Literariæ incrementum in lucem prodire posse censeo. Ex Aedibus S. Callisti Kal. Augusti MDCCCLXIV.

D. P. ALOYSIUS GALLETTI ROMANUS
*Abbas SS. Salvatoris & Cyrini ad Insulam Congregationis
 Casinensis, in Vaticana Bibliotheca Lingue Latine Scriptor.*

Singulari legi voluptate *ANTIQUITATUM BENEVENTANARUM* doctissimi, eruditissimique Viri Johannis de Vita S. Beneventanæ Ecclesiæ Canonici Volumen alterum, a R.ño P. Thomæ Augustino Ricchinio S. Palatii Apostolici Magistro, ut meum de eo ferrem iudicium, interpellatus; & in eo nihil censuræ dignum in iis, quæ ad Religionem, & Mores pertinent, notavi; immò plurimùm illa probavi, quæ in hoc Opere a Clarissimo Auctore tam doctè, perspicuè, eruditèque enucleantur, & Vetera Monumenta, quæ producentur, ac illustrantur. Quare vastissimus hic Eruditionis Oceanus Antiquitatis cum Sacræ, tum profanæ Amatorum bono typothetarum operâ publici juris per me quantocius fiat. Sic censeo. Romæ Nonis Sextilibus MDCCCLXIV.

PROSPER PETRONIUS
Abbas S. Mariæ in Fonte Laureato.

I M P R I M A T U R

Si videbitur Reverendissimo Patri Magistro Sacri Palatii Apost.

D. Archiep. Nicomed. Viceg.

I M P R I M A T U R

Fr. Thomas Augustinus Ricchinus Ord. Præd. Sacri Palat. Apost. Mag.



DISSERTATIO PRIMA

LONGOBARDORUM ORIGINES

Eorum in Italiam adventus , Italicique Regni exordia :
Ducatus Beneventani institutio , atque incrementa
recensentur .



OSTEAQUAM Romanorum res cecidere , & perfracta semel Italiae
ostia Barbararum Gentium excursionibus patere impunè consueve-
runt , quod Italarum cervicibus imminere coëpit , barbaricum ju-
gum mutari per sæpe , excuti nunquam amplius potuit . Qui He-
rulorum , Vandalorum , Hunnorum nomina non ignorant , norunt
pariter petitam illorum multitudine Italiani , sed torrentis instar ,
qui omnia depopulatus , nihil suiipsius , nisi illatas calamitates spe-
ctandas lugendasque relinquit . Primus , qui Italiam , Regiæ potius
dominationis Sedem , quàm temporarium , expositumque cædibus
prædisque Campum , sibi proposuit , Odovacer Turcilingorum Rex

memoratur : atque is Momyllo , seu Augustulo postremo Occidentis Imperatore devicto .
Italicum Regnum auspicatus , ad annos circiter xvii. tenuit : sed à Theodorico Gotho-
rum Rege gemino prælio superatus , ac denique per fraudem interfectus , suas veluti vi-
ces Gothis subeundas reliquit : Non diù post , Imperialibus Copiis , Narsete Duce , Bizan-
tio missis , Gothicum Regnum deletum est ; sed quæ sub Gothicis Regibus veluti con-
quiescere Italia coëperat , in veterem libertatem vix revocata , dum Romanis iterum pa-
rere arbitrabatur , dominos Longobardos accepit . Ac Longobardis tandem servatum vi-
debatur , ut qui semel Italiam sibi subegissent , Regiam ibidem Sedem , dominationemque
suam ita statuerent , ut Itali subinde , Longobardique in unam coalescerent Gentem , ea-
demque utrisque communis patria Italia efficeretur . Regia Sedes *Ticinum* : sed binis jam
lapsis Sæculis , Regio extincto nomine , *Beneventum* adhuc *Ticinum* alterum fuit . Beneven-
tum itaque Longobardorum dominationem , mox ut Longobardici Regni fundamenta lo-
cata sunt , non solum sui Ducatus institutione suscepit , servavit , atque ad extremos ejus-
dem Italiae fines provexit ; verum etiam ejusdem Regni , quod Francorum armis excisum
videbatur , regerminantem veluti dignitatem in se unam collegit , ac contutata est ; adeò
ut Beneventano Longobardorum Principatu superstiti , ipsum idem Longobardorum impe-
rium ad quinque usque Sæcula non tam in media steterit Italia , quàm multà maximarum
rerum gravitate , varietateque floruerit .

Dum igitur Longobardica Sæcula percurrenda , atque illustranda nobis erunt , illud pri-
mùm nosse interit : unde ei Genti Nomen factum ; quod genitale solum ; quæ virtutis olim
fama extiterit ; quo demum tempore , quaque occasione in Italiam advenerit ; an simul
cum Italico Regno exortus Beneventanus Ducatus fuerit ; quæ tandem priorum Ducum
operâ incrementa acceperit .

lo Diacono certè neque veteres Scriptores, neque Eruditi recentiores quamplurimi recedendum censuerunt (1): Quorum sententiæ illud addimus, Longobardos ipsos nonnunquam abjectâ, unde nomen coaluit, priorè dictione, solum *Bardos* in antiquis ac carminè ferè semper scriptis Monumentis, appellatos se voluisse (2).

Sed neque de nominis pronuntiatione (uti paulò superiùs ostendebat Caracciolus) omnino convenit. Alii namque *Langobardos*, alii *Longobardos* scribendos, appellandosque censuerunt: Utrisque veterum monumentorum favet auctoritas; itaut perperam Caracciolus Herempertum, ceterosque, Longobardos nuncupare malentes reprobare ausus sit; sed integra potius alterutè pronuntiandi facultas cuique esse debeat (3). Nec illud quidem (nisi vocabulorum novitas invidiosa haberetur) absurdum foret *Longobarbos* dixisse; quemadmodum (nisi mendum putare quis velit) à Gregorio Turonensi semel appellatos reperio (4): appellandos certè optima ratio suadet; quum enim Latium ad quinque usque sæcula Longobardos Cives suos simulque Dominos aluisset, auditumque olim Latio *Barbarorum*, atque *Enobarbarum* nomen extitisset, jam suo jure Longobardi, quibus à Barba nomen factum omnino constat, integro vocabulo *Latiare* illud effici, seseque *Longobarbos* appellari nequaquam abnuerent. At non tanti Longobardorum nomen, ac Barba erit, ut diutius heù remorari non debeat (5).

ALTER

A 2

Lon-

(1) Etiam ante Pauli ætatem idem statuerat S. Isidorus *Etymol. lib. ix. cap. 2.* hæc ajens: Longobardos vulgò ferunt nominatos à proluxa barba, & nunquam tonsa. Post Paulum verò eadem sententia infudit Ottoni Frisingensi *lib. xi. cap. xxi. de Gest. Fridr. Imp.*: Gunthero *lib. ii.* cuius illa versus est: Dicitur à longis ea Longobardia barbis: Constantino Porphyrogenito *lib. ii. de Thematibus cap. xi.* eamque sententiam probant, tuenturque inter alios laudatus Zanus, Hugo Grotius in *Prolegom.*: Gangius in *Glossar. med. & infim. latin.*: Horat. Blancus in not. ad d. Pauli *Diac. locum*: Cl. Aftemanus *tom. i. Ital. Histor. Scriptur. cap. xii. pag. 34.* & seqq. ubi de hac re diligenter, atque eruditè terminatur.

(2) Sic adhuc legimus in Tumulis nostrorum Principum, scilicet Siconis, Ursique filii Radelchis, uti quoque Neapolitanorum Consulum Cæsarii, & Boni apud Muratorium *tom. i. Scriptur. Ital. part. i. pag. 311. 313.* & 342. & alibi. In Tumulo autem Grimoaldi Principis filii Arichis binæ, ex quibus nomen Longobardorum coalescit, dictiones ita sejunguntur *vers. 9. Gloria magnificis de Lango maxima Bardis.* Bardi autem solitarie dicti, non tam per aphæresim, vel synonymicè, quàm *rgt' éfôyur*; quandoquidem in Italia constituti Longobardi Italos reliquos, qui barbam vix, aut nullo modo alerent, eo oris habitu præstantes, solo *Barbarum*, idest *Barbatorum* vocabulo satis noti haberentur. Sed de Longobardorum barba mox alia in sequenti nota observabimus.

(3) De hac re satis sit Inscriptionem attendisse, quam Romanis characteribus marmori inscriptam Rex Liuprandus Ecclesiæ S. Petri ab eæ ædificatæ in Civitate nova agri Mutinensis apposuit: in cuius versu 5. ita legitur: SIC VIRTUS ALTISSIMI FECIT LONCIBARD. De qua lectione nullomòdò dubitari fas erit, ob Cl. Muratorii, qui eundem Titulum propriis oculis instravit, suisque descripsit manibus, testimonium, quod is hifce verbis præstitit in *Antiqu. Ital. Med. ævi Diss. xxi. tom. ii. pag. 195.* Diligentissime inspexi, legiturque ibi, non LANGOBARD. sed LONCIBARD. quam lectionem in aliis quoque, paucis tamen, antiquis monumentis reperiri, itaut in posterum si Longobardorum nomen per O, non per A, scriptum illi temporibus occurrat, non continuo inclamandum sit, latere illic fraudem, sive imposturam. Equidem in germanis Caroli Magni Diplomatibus, atque aliis in chartis, exaratis sub Carolinis Imperatoribus ferè semper Longobardos per A, non per O, memoratos animadverti. verum qua ratione hoc nomen scriberetur, regnantibus ipsis Langobardis, La-

pidæ tantum, ac libri tunc scripti indicare certè possent. Interea habemus hanc Inscriptionem sine dubitatione in Civitate nova postam sub Liuprando Rege circiter annum Christi dccxxx. Sed & heic quæ ex autographis Caroli Magni Diplomatibus observavit V. C. Mabillonius, ex ejus *De Re Diplomatica* præclaro opere *pag. 74. num. 12.* afferre libet. Neque illud (inquit) animadvertendum dignum, quod in omnibus, quæ hæcenus viderimus Diplomatibus Caroli M. autographis (vidimus autem per multa) nomen Caroli a litera C utique ante initum ad ipso Imperium incutatur, initio cuiusque Diplomatis, & in subscriptione, quæ monogrammati adscribitur: at Monogramma ipsum litera K constat &c. Item dicendum de nomine Langobardorum, cujus secundam litteram per A. constanter efferunt autographa, non per O, ut passim in editis &c.

(4) *Hist. Franc. lib. iv. cap. 36. & 39.* apud Du-Chesnium *tom. i. Scriptur. Francic. pag. 320. & seq.*

(5) Quandoquidem Longobardorum Gens, atque nomen veteribus, veluti Straboni, Vellejo, Tacito haud ignotum fuerit, dubium exoriri potest, an quæ à Paulo Diac. traditur eorum nominis derivatio, à priscis illis manarit Auctoribus, vel potius per famam acceptam oculisque, seu barbæ adhuc servato cultu comprobata, Diaconus exceperit. De Moribus Germanorum agens Tacitus hoc illis usitatum refert, ut *crinem, barbamque summitterent, nec nisi hofce cæso exuerent votivum, obligatumque virtutis oris habitum*: Itaque *Hircinis* suis (quales prolixiores barbas, ac in hircorum morem productas appellat Acon in *Horat. Poet. n. 198.*) potius juvari posse existimabant Germani, ut sic hosti terrorem facerent, quam Alexandri consilium sequi, qui (ut Athenæus meminit *lib. 13.*) *Barbam militibus radii iussit, ne hosti prædæ ansam præberet.* Sigillum communis Germanorum mos iste fuit, non est, cur inter reliquos Germaniæ populos, solis id nomen Longobardis attribui debeat. Adde nunc apud ipsum Paulum, si traditam excipias nominis etymologiam, vel nullam, vel fortè contrariam barbæ mentionem haberi: Quum enim de Palatio à Regina Theodolinda Modætiæ extracto, expressisque ibi pictis coloribus ejus Reginæ iussu præclarioribus aliquot Longobardorum gestis, meminisset *lib. iv. cap. xxiii.* in hac (subdit) *pictura manifestè ostenditur, quomodo Longobardi eo tempore (binis scilicet ampliusque à quo scribebat tempore sæculis) comam capitis rondebant, vel qualis illis vestitus, qualifce habitus erat; siquidem cervicem usque ad occipitum radentes rondebant, capillos a facie usque ad os dimissos habentes, quos in utramque partem in fronte dif-*

Longobardis Regio illa vastissima, septem subjecta Trioni (1) Patria fuit, tellus scilicet, Coelo rigens, solo sterilis, sed hominum fecundissima, quam satis apte *Vaginam nationum, gentiumque officinam* Magnus Gregorius (2) Goticulque Jorandes (3) appellarunt. Inter

discrimine dividebant: Vestimenta verò eis erant laxa, & maximè linea, qualis Anglofaxones habere solent, ornata infitis latioribus, vario colore contextis: Calcei verò eis erant usque ad summum pollicem pene aperti, & alternatim laqueis corrigiarum retenti. Nulla quidem in hac satis curiola narratione Longobardicæ barbæ vel vestigia habentur; quam etiam barbam aliquando a Longobardis detonsam non sinit Paulus, dum l. l. cap. xl. Tassoni Forojulienfis Ducis filio Eugenium Romanorum Patricium pollicitum narrat, ut ei barbam (sicut moris est) incidere, eumque sibi filium faceret. . . . sed in opitertio dolosa fraude peremit. . . . & propter iurandum, quod dederat, caput Tassonis sibi deferri iubens, ejus barbam, sicut promiserat abscidit. At non illa turbare debent: nam Longobardi, qui Winili prius (eodem Paulo teste) vocabantur, an posterius id nomen ipsi sibi fecerint, vel ipsis a Romanis inditum fuerit, parum refert, dum a longe, quam præ cæteris alegant, vel primum a Romanis vili Barba id acceperint. Eos autem barbæ studiosos fuisse, in eaque excolenda decus, in radenda ignominiam collocasse idem Paulus disertè docet; nam Grimoaldum Beneventi prius Ducem, dein Regem a corporis habitu laudare instituit lib. v. cap. 33. eum Barba prominenti fuisse speciatim commemorat: tum lib. vi. cap. 20. Rotharim Bergamenfem Ducem perduellionis reum a Rege Ariperto capitis, barbaque abrafione damnatum refert. Sed & ut aliunde paria heic exempla conferam, Epitaphium Doctrus, unus ex primis Ducibus Longobardis apud Rubem Hist. Ravenn. lib. v. sub anno 586. a Barbæ longitudine eundem celebrandum quoque præsert his verbis:

*Terribilis visu facies, sed corda benigna,
Longaque robusto pedore Barba fuit.*

Affert etiam id Epitaphium Paulus Diac. lib. lxx. c. xix. in quo tamen prior verus sic definit: *sed mente benignus*. Nihil verò magis majores nostros Longobardos nutriendæ Barbæ tenacissimos probabit, quam Lex illa à Carolo Magno indita obsidi Grimoaldo Principis Arichis filio; cui (ut ait Herempertus in Chron. tom. v. Scriptor. Ital. Murator. pag. 17.) *jus regendi Principatus largitus est; sed prius eum pactis hujusmodi vinxit, ut Longobardorum mentum tonderi faceret, chartas quoque Nummosque sui nominis characteribus superscribi semper juberet*. Posteriori pacto de Chartis, Nummisque parumper obtemperasse non piguit, quemadmodum alibi utriusque rei exempla oculis spectanda dabimus; at quæ præcipua erat menti, idest Barbarum detonsio, nec fœderis religione, nec novi metu discriminis induci Longobardi potuerunt, ut vel uno temporis momento, vel minima ex parte id sibi permitterent. In suis aureis (ita pergit Herempertus) Grimoaldus Caroli nomen figurari placuit; scbedas similiter aliquanto jussit tempore exarari, reliqua autem pro nibilo duxit observanda. Cur verò ea de re adeo sollicitus fuerit Carolus, ut fœderis leges a tondendis barbis inciperet, non aliam video fuisse causam, quam receptum tum fortasse apud Italos reliquos morem radendæ barbæ; itaut neque ipso oris habitu ab aliis diversis, sibi que pari jure subjectos Longobardos offenderet Carolus. Sed non id tutò affirmare auiam; illud verò certum, barbæ rationem nonnisi in Ecclesiasticorum more, indituisse per ea sæcula fuisse, ut Græci propterea Latinos calumniandi occasione arripuerint, quibus, Photio auctore, eam rem exprobrare aui sunt, inter alias quamplures, quas omnes recenset Nicolaus I. in

Epist. ad Hincmarum; latèque observat Christ. Lupus ad can. viii. Synod. Constantinop. Latinarum ritum ex pervertita Ecclesiæ disciplina promanasse testatur Gregorius VII. lib. viii. epist. x. Ejus autem ritus ratio ex terrenarum rerum abdicatione, quam non solum moribus, sed eo quoque oris habitu Ecclesiastici profiterentur, ipsorumque ad perfectionis culmen aditu (uti S. Gregorius M. explicat lib. xi. Moral. cap. 3.) præcipuum fundamentum ducebat: Hinc illæ S. Petri Damiani ad Alexandum II. lib. i. ep. xv. adversus Ecclesiasticos sui temporis querelæ, quod eos scilicet a sæcularibus Barbarum quidem divideret, sed actio non discerneret. S. Carolus Borromæus vetustissimum, ac propè singularem Mediolanensis Ecclesiæ morem, ac laudem testatus, quod illius Clerus omni retrò ævo, veteris disciplina tenax Barbam rasilset, nutriendæ invicem paulatim usum abolendum decrevit, edita Pastoralis Epistola, quæ in Actis Eccl. Med. Vol. II. pag. 916. edit. Patav. 1754. habetur; ubi & gavilum vehementer se ait, perloque à suo Clero, sua neque expectata lege, neque exemplo proposito, Barbam quantocius depoluisse; ut jam ipse sanctissimus Archiepiscopus consuetum tum suæ Ecclesiæ, aliarumque regionum more Barbam aliquando aluisse probetur: Et sanè non illud inficias ibimus, variam in Ecclesia Latina fuisse diversis temporibus ejus rei disciplinam, quæ quum Viris Ecclesiasticis Barbam permitteret, non id a Clericali vitæ honestate, immò & gravitate, nisi delicatior quidam cultus adhiheretur, alienum ducebat. Ex Concilio Provinciali Beneventano Archiepiscopi Jo. Baptistæ Foppa, celebrato anno 1656. Beneventanum Clerum Barbam gestasse liquet, nam in tit. xxvii. pag. 521. sancitum legitur, ut Sacerdotes a superiore latio barbæ ita tondant, ne salutare Corporis, & Sanguinis Christi Sacramentum sumentibus impedimentum afferat. Erulphus certe Episcopus Rotensis tom. ii. Epistolog. Dacheriani, querens, cur sacer Calix Laicis propinandus non detur, *Evenit enim, inquit, frequenter ut barbati, & prolucis habentes granos* (quo vocabulo ea barbæ pars significatur, quæ infra nares est, vulgò *Mollaccio*) dum poculum inter epulas sumunt, prius liquore pilos inficiant, quàm ori liquorem infundant. An veram ejus rei causam Episcopus Erulphus tradiderit, non heic est observandi locus: rectè verò se habuit noster Archiepiscopus, qui granos tondendos Beneventanis Sacerdotibus jussit: ex quo discimus, sæculo superiore Beneventanum Clerum, atque Beneventanos universos Barbam adhuc nutrire, consuetos, quam à majorum, progenitorumque suorum Longobardorum ævo nunquam depoluisse per iniqua sæcula ad proximam Patrum nostrorum ætatem, affirmare licebit. An verò, eo oris habitu, extincto licet Longobardico Principatu, Beneventani adhuc Longobardi videri vellent? Illud satis constat, Majoribus Longobardis solemne, ac propè religiosum fuisse, Barbatos incedere. Hoc illis decus, ac Gentis velut insignie, hoc imprimis studium, ut quod nomini originem fecerit, re quidem ipsa fervarent. Non Regis Caroli potentia animos flexit, aut deterruit: Imperet ille quæ velit, ægrè, sed tamen impleta: nullum in Longobardicam Barbam imperium erit: ut barba incolum sit, fœdera fregisse, Caroli ultoris arma excitasse, pro nibilo Longobardis fuit. Sed de Longobardorum Barba jam satis lufimus.

(1) Virgil. Georg. III. v. 381.

(2) Dialog. lib. III. cap. 3.

(3) De Reb. Getic. cap. iv.

Inter alios igitur Germaniæ Populos fuere Longobardi, eò reliquis nobiliores, quò pauci ipsi illorum multitudinem bellica virtute nunquam sibi aut perniciosam, aut dominantem permisissent. Hinc Germanorum mores describens Tacitus, *Longobardos* (inquit) *paucitas nobilitas, quod plurimis, ac valentissimis nationibus cincti, non per obsequium, sed preliis, & periclitando tuti sunt* (1).

Mox verò quum in ingentem numerum propagati essent, patriis finibus, quibus contineri, alique haud ampliùs poterant, egressi, novas sibi sedes quæritantes, longo sane tempore, neque stabiles, neque pacatas habuere, donec Imp. Justiniani ævo, permissuque, in Pannonia consistentes, Romanorum etiam foedere, amicitiaque inclaruere: *Hac arate* (inquit Auctor Historiæ Miscellæ (2)) *Gens Longobardorum amica tunc Populi Romani apud Pannonias degebat, quibus in Regni gubernaculo Audoin præerat. Ac profuit quidem Romano Imperio foederatos habere Longobardos: Horum quippe auxiliaribus copiis suffultus Narfes belli Dux adversus Gothos, jamdiù in Italia dominantes, Gothicam Tyrannidem cum ipso Totila Rege extinguere valuit, universamque Italiam (ut idem subdit Scriptor) ad Reip. jura reducens, Longobardos honoratos multis muneribus ad propria remisit; omnique tempore, quo Longobardi possederunt Pannonias, Romana Reip. adversus æmulos adjutores fuerunt.*

Fuit is primus Longobardorum in Italiam adventus; felix profecto, atque ob delectos Reip. hostes salutaris; sed haud diù de Longobardorum bellica virtute, operaque præclarè gestâ lætari potuit Italia: nam partim ex victoriæ merito, partim ex suis moribus nihil non sibi licere arbitantes, quasi Italos subacturi, non Gothos expulsuri advenissent, antiquis hostibus deteriores esse coeperunt; unde & Narseti laborandum fuit, ut, servato foedere, sed recusatâ deinceps militiâ, eos multis muneribus, pecuniâque donatos in suas Pannonias tandem remitteret (3).

At quis illud verum crediderit, hunc ipsum scilicet Narsetem, qui Italiæ quieti, salutique consulens, Longobardos ex ipsa Italia, immo è Romani Imperii finibus aliquando ejecit, eisdem mox in eandem Italiam hostium jure opprimendam potius quam possidendam revocasse? Putabimusne Virum tum fortitudine, tum Religione clarissimum, qualem omnia ejus ævi monumenta perpetuo consensu nobis commendant, non aliam profecto ob causam, quàm ut unius Augustæ, ipsum utpote Eunuchum ad colum, & fulum revocantis, muliebres minas vindicaret, quasi non ipsas spernere, atque etiam deridere debuisset, vel iniquos quolibet furentis foeminae conatus non suis ipse viribus, copiisque adhuc apud Italos sibi devinctissimos consistens frustrari potuisset, illâ potius nefariâ prodicione adeò ingentium malorum publicorum sese præstare auctorem, eoque atrocissimo vulnere universæ Italiæ infecto, æternam quoque suo nomini infamiam inurere maluisset? Rei fidem nemo certè ita temerè, aut oscitanter probaverit; non ego certè, qui abnuendam omnino censui in superioris Libri Dissert. x. cap. III. pag. 287. quo loco Narsetis causam ex infituito agens, multis adductis monumentis, rationibusque, contrariis verò opportunè refutatis, ab ejusmodi invidia illius nomen vindicandum curavi. Restat igitur, ut Longobardos nullâ Narsetis operâ accitos, sed Coeli, solique, quâ paullo ante frui contigerat, felicitate, atque opibus allectos, reduces in Italiam spectemus.

De posterioris hujusce Longobardorum adventus Epocha laudatus Miscellæ Scriptor hæc nobis tradit: *Hujus (Imp. Justiniani) anno XI. qui est annus Divina Incarnationis DLXVIII. Indictione I. in ipsis Kalendis Aprilis egressi sunt Longobardi de Pannonia, & secunda Indictione coepere prædari in Italia; tertia vero Indictione dominari in Italia coeperunt* (4). Statutæ hujus Epochæ fidem binæ comprobant S. Gregorii M. Literæ, cui oculato testi præsentissimam (ut in rebus asperis assolet) rerum, temporumque recordationem continuatâ Italiæ calamitates faciebant. *Viginti jam & septem annos ducimus, quod in hac Urbe inter Longobardorum gladiis vivimus: Sic ipse ad Augustam Constantiam Indictione XIII. i. e. An.*

DXCV.

(1) De Moribus Germanor. ex edit. Plantin. cum not. J. Lipsii an. 1607. pag. 449.

(2) Lib. XVI. in tom. I. Scriptor. Ital. Murator. pag. 107.

(3) Rem hanc Auctor Miscellæ. Gentis suæ nomini fortasse parcens, omnino siluit; testatur autem Synchroon, integræque fidei Scriptor Procopius, cujus hæc sunt verba ex lib. XV. cap. 33. Belli Gothici tom. I. Scriptor. Ital. Murator. pag. 367. *Narfes successu lætus, ad Deum omnia, verum utique auctorem, referebat perpetuò, atque instantia digerebat. Ac primum redimere*

pretia voluit indignam licentiam Longobardorum, quos secum duxerat; cum præter alia inquinatissimâ viâ scelerâ, obvias domos deleverit igni, & feminis, quæ sacris ædibus se commiserant, turpem vim afferrent. Quare magna pecunia donatos remisit in Patriam, Valeriano, ac Damiano Nepoti suo, eorumque copiis mandata cura, eos ad Rom. Imperii limites deducendi, ut in viâ ab injuria, & maleficio temperarent.

(4) Lib. XII.

DXCV. (1) Ad Phocam verò Imperii invasorem, posteriore gratulatoria epistola dat. Indict. XIII. i. e. An. DCIII. qualiter, inquit, quotidianis gladiis, & quantis Longobardorum incurfionibus, ecce jam per trigintaquinque annorum longitudinem premimur, nullis explere suggestionis vocibus valeamus. (2). Utriusque igitur Epistolæ indicationes, exurgentisque ex ipsis nostræ vulgaris æræ annos, si cum iis ab Longobardorum adventu, diverso, quo Gregorius scribebat, tempore commemoratis conferamus, retroque ad statutam deducamus Epocham, utrobique Annus DLXVII. à Miscellæ Scriptore designatus, nobis constanter occurret (3).

At qui Longobardorum in Italiam adventum, progressionisque adeo exacta temporum designatione tradidit, de sequuta postmodum Longobardici Beneventani Ducatus institutione obscura nobis omnia Paullus ipse Diaconus reliquit; itaut qui Paulli verba oscitanter attendant, non solum in errorem prolabi, verum etiam contra illius sententiam agere convincantur: Non antea enim Paulus Beneventani Ducatus, primique Zottonis Ducis verba facit, quam Autharim Longobardorum Regem (quem circa Annum DLXXX. selsui anno regnasse constat) per Spoletum Beneventum pervenisse, eandemque Regionem cepisse, & usque Rhegrum perambulasse, ibique Longobardici Imperii fines constituisse, nullo certo veterum monumento testatus, mox præfati Zottonis meminit, cuius Ducatus viginti annorum spatium attribuit (4). Si igitur Paulli verba, seu ejus narrationis locum attendamus,

(1) Lib. v. epist. xxi. al. xxxiv.

(2) Lib. XIII. epist. xxxviii. al. XLV. Post extinctum Mauritiū, arreptumque mox à Phoca Imperium, gratulatorias adhuc literas Gregorius dedit, quarum prior est in eod. lib. XIII. num. xxxi. ex eisque nonnulli Gregorius arguunt, quasi de Mauritiū iniquius, de Phoca adulterio scripserit: sed injuriā id fieri demonstrant eruditi PP. Benedicini S. Mauri in Comment. ad d. ep. xxxi. & Cl. Orsius tom. xxi. Hist. Ecclesiast.

(3) Hanc eandem Epocham illustres sequioris ævi Chronographi sequuntur. Otto Frising. Chron. lib. v. cap. v. Hermannus Contradius ad eundem An. DLXVIII. ubi sic habet. Longobardi Rege Alboino mense Aprile Venetiam ingressi, paucis Civitatibus exceptis, sibi subijcunt; mox anno DLXIX. Alboinus Rex cum Longobardis Liguriam invast, Mediolanum, & alias plerasque Urbes cepit; Papiam plus triennio obsedit: quam denique anno DLXX. ad dedicationem venisse commemorat. Edit. Francofurti ab Ursisio curatæ an. 1670.

(4) Eundem Paulum Diaconum Miscellæ Historiæ, ac Operis De Gestis Longobardorum æquè auctorem asserui, certè ductus ratione, quam heic exponere licebit. V. C. Muratorius, qui præclaram Scripturam Italico-rum collectionem ab ipsa Miscellæ est auspicatus, in ejus Præfatione discrepantes gravissimorum Virorum, uti Vossii, Cavei, Dupinii, Baronii sententias protulit, quorum alii Diaconi factum indubitanter agnoscunt, alii omnino inficiantur, alii demum partem dumtaxat admittunt; in hanc postremam sententiam propendere videtur Muratorius, reòdè monens, tutius esse, ut quando ejus Historiæ testimonio utendum sit, prætermisso nomine, Miscellæ Auctor citetur: sed non ideo (ut is censet), quod integrum opus non ipsum Paulum certum habeat auctorem; sed potius, quia opus ipsum & Paulum, & alios simul habeat auctores; itaut expeditius sit, ut locus quilibet ex eodem opere citandus, communi Miscellæ Scriptoris, quam alterum Auctoris certo nomine afferatur. Quod autem priores octodecim libri ad Paulum pertineant, exploratissimum habeo ex vetustissima Romana editione Muratorio ignorata, quæ prima omnium prodit hoc titulo: Incipit Eutropius Historiographus, & post eum Paullus Diaconus de Historiis Italicæ Provincia, ac Romanorum. Non ultra librum XVII. hæc editio progreditur, sed in eundem omnino definit, atque concluditur: Eutropius Historiographus Romæ impressus ann. Dñi MCCCCLXXI. die lune xx. mensis Maji. Pent. S. in Christo Patris,

ac Domini nostri dñi Paulli divina Providentia Pape secundi anno ejus septimo explicis. Eutropianæ Historiæ plura Paullum inieruisse, eamque triplo uberiorem effecisse pluribus argumentis demonstrari potest. Adest primo loco Leonis Holtiensis testimonium ex lib. c. 15. sui Chronici Cassinensis, ubi de Paullo agens, ejusdem (inquit) Adelpergi rogatu in Historia Romana, quam Eutropius breviter composuerat, plurima hinc inde de Historicis Ecclesiasticis addidit. Ad ultimum verò duos libellos a tempore Juliani Apostatæ, in quem ipsam Historiam Eutropius terminaverat, usque ad tempora primi Justiniani Imperatoris eidem annexuit. Non autem turbare debet, quod duos duntaxat libellos Eutropianæ Historiæ a Paulo annexos inquit Olfienis; nam quum certas temporum notas, in quæ Eutropius primū, subinde Paulus substitit, præclare afferat, aut in eo numero mendum cubare, aut potius, qui duo Olfienis ævo erant, in plures postea ab amanuensibus distinctos libellos fuisse dicendum est. Certè quod post librum x. usque ad integrum XVII. conscriptum habetur, uno fe complexum libello Paullus ipse indicare videtur, dum in fine sic habet: Quia vero restant adhuc quæ de Justiniani Augusti felicitate dicuntur in sequenti, Deo præfule, libello promenda sunt: quasi posterior libellus hic anteriori alteri respondere videatur. Præterea Miscellæ certum auctorem Paullum probat genuina Eutropii Historia in eodem Paullino opere passim, conceptique verbis disseminata, quæ post Pauli lucubrationem neglecta (uti fit) oblivioniq. data, necessariam lucem non prius anno 1546. asperxit cura Antonii Sconhovii, elegantique Jo. Operini Basileensi editione, cui hoc G. Cassandri distichon præfixum legitur:

Hactenus Eutropii titulum, nomenque, sed ipsum
Nunc demum lector conspicias Eutropium.

atque ad hujus exemplar posteriorem Eutropii editionem Amstelodami puto factam cum hoc titulo: Eutropii Breviarium integritati suæ restitutum per Eliam Vinetum: quam primam omnium Muratorius memorans, mirari haud debuit, pluribus eam carere, quæ contra in Miscellæ leguntur. Denique ipsa superius laudata vetustissima Romana editio rem definire videtur: nam in libri x. fine hæc habet. Hucusque Eutropius Historiam composuit; cui tamen aliqua Paulus Diaconus addidit, jubente Domina Adalberga Christianissima Beneventi Duçrice, conjuge Domini Archi sapientissimi Principis: & ideo quæ sequuntur, idem Paulus ex diversis auctoritatibus propriis filo connexit. Eutropius quidem ad Ju-

lianum,

mus, nonnisi decennio post Longobardorum adventum, id est An. circiter DLXXX., atque ab ipso quidem Authari Rege jacta Beneventani Ducatus fundamenta dicuntur; qua re nihil absurdius dici potest; uti *absurdissimam* declaravit V. C. Cammillus Peregrinus (1): in eo tamen falsus, quod eam *germanissimam* Paulli fuisse sententiam ajat, idque adeo sibi persuasum habeat; ut de tanta viri hallucinatione vix sibi fidem prestare posse subdat; At (quemadmodum superius dixi) nullum Paulo, quum de Ducatu Beneventano meminisse primum contigit, de ejusdem institutione verbum excidit; itaut ejus Epocham vel omnino incertam reperiens dissimulavit, vel curiosius perscrutari neglexerit. Fateor itaque nonnisi absurdum nobis ab eo tradi, qui adeo seram Beneventani Ducatus originem statuit, non quod auctore Paulo, sed Paulo oscitanter lecto, id sibi permittat. Probendam autem non abnuo ipsius Peregrinii sententiam, qua instituti Ducatus Epocham ad An. DLXXXI. retrahit, ex eaque ad designandos sequutorum Ducum annos usque ad Arechim II. gradum sibi facit. Utinam vero in sua is sententia perstitisset, quam paulò ante à V. C. Antonio Caracciolo traditam noverat (2): sed (ut quædam sublimiora ingenia sunt, quæ aliorum calcare vestigia pudori veluti sibi ducunt, ac præeuntes alios vix sibi ferant, sibi vero, suisque novis conjecturis plus æquo blandiuntur) non tam à Caracciolo, quam a se ipso discedere postmodum Peregrinius voluit. Quid igitur? De tempore, quo Beneventanus Ducatus institutus fuerit, differere exorsus, iterumque in Paullum excandescens, quod ejus Ducatus exordia *tum infirmà, tum irrationabili exposuerit fide*, quippe qui ad Annum DLXXXV. illa produxerit, sui tamen vel simulatè immemor, vel importunè poenitens, qui ad An. DCXXX. satis aptè revocaverat, altiora tempora pervadere conatus, Longobardorumque adventum haud expectandum, morandumque ratus, tunc institutum Ducatum conjectat, quum primum sub Narsete auxiliares Longobardorum Copiæ paullisper in Italia confederant (3). Sed posteriorem hanc Peregrinii sententiam, quasi nugari potius, quam verisimile aliquid asserre is voluerit, omnino reprobendam Eruditi omnes jamdiù censuerunt; ac si mihi quod sentiam dicere liceat, haud meliorem lucem, sed molestiores huic Epochæ affundere tenebras Peregrinius laboravit.

Quid verò, si ex ipso Paulo longè antea, quam Ducatus Beneventani meminisset, ejusdem contigisse institutionem, argumentari promptum fuerit? Non heic autem (ut remota esse ostendam) laudati Caraccioli interpretationem moror, qua is Paulli locum de Rege Authari *per Spoletium Beneventum adventante, eaque Regione captà ad Rhegium usque excurrente* ita intelligendum existimat, ut non Urbem ipsam, quæ Longobardis jam suberat, sed Beneventanam Regionem nondum subactam Autharis sibi subjecerit, indeque ad Italiæ cistiberinæ fines, quæ Hadriæ mari terminatur, Longobardicum imperium protulerit: alioquin non solum (inquit) Beneventum, sed quæ eadem oratione conjungitur, Spoletium quoque, Longobardis jamdiù subiectam, cepisse Autharis dicendus esset. Libenter illud quoque concesserim, nonnisi per prolepsin loquutum Paullum tùm, quum Italicas Regiones, quarum divisio à veteri forma nonnihil discrepans suo ævo vigeat, accuratissime

lianum, sive potiùs Jovianum usque, atque ad ipsum Librum x. opus suum perduxit: Igitur quod a Libro xi. ad xviii. ab ipsa Romana editione exhibetur, è sola Paulli manu proditi debuit; itaut nec de ipso postremo libro xviii. dubium esse possit, cujus se futurum auctorem in fine libri xviii. Paullum ipsum pollicitum superius audivimus; concessisse autem præclare ostendit laudata editio, quæ post eundem librum xviii. absolvitur. Cur verò Paullus Justiniani tempora percurrens, atque ad Leonis Iconomachi primordia progrediens i. e. ad an. 717. conquieverit, qui diù post, i. e. ad annum usque 799. vitam produxit, hanc omnino puto fuisse causam, quod is Longobardorum (quorum priora gesta dicto Libro xviii. jam delibaverat) peculiarem historiam aggressus, supervacuum putaverit *Miscellam* prosequi, ratus ad majorem Gentis suæ gloriam cessurum, si Longobardicæ res in præcipuum Operis argumentum evaderent, uti jam perfecit: Sicque factum est, ut sive Ludolfus Sagax, sive Joannes Diaconus, sive alius incerti nominis vetustissimus Scriptor eandem *Miscellam* a libro xix. (non verò a libro xviii. uti perperam statuit Fabricius Bibl. med. Latina. lib. xv.

pag. 214. edit. Venet. ubi etiam *undecim libros* Eutropio tribuit) ad Librum xxiv. perficiendam curaverit. Quid, si eadem Romana editio ex eo exemplari MSS. proditi dicatur, quod eodem Paulo, eademque Adilperga, atque Arichi viventibus exaratum fuerit? Non levem conjecturam facit *Christianissima* titulus, qui Adilpergæ, *Sapientissimi*, qui Arichi tributis legitur in ea adnotatione, quam in fine libri x. interpolatum superius recitavi. Illud tamen verisimillimum haberi potest, istud ipsum, quod laudata Romana editio præfert primigenium, servandæ. Paulli esse opus, à quo posteriores ejusdem *Miscellæ* editiones, uti Basileensis anni 1569. atque ipsa Muratoriana postremo loco curata, Amanuensium sive vitio, sive licentia, plurimum discrepare probantur.

(1) In Præfat. ad Chron. Duc. & Princip. Benevent.

(2) In Propylæo ad xv. Chronologos tom. v. Scriptor. Rer. Ital. pag. .

(3) In Dissert. *Quando Ducatus Beneventanus sit institutus*. Peregrinii sententiam inanem inter alios probat V. C. Horatius Blancus in not. ad Paul. Diac. lib. 3. cap. 32. num. 211. tom. 1. part. 1. Scriptor. Ital. pag. 452.

tissimè describens, *circumpositarum Provinciarum Caput ditissimam Beneventum* appellat (1). Si enim inconsulto hæc spectemus, multò citiùs Beneventani Ducatus exordium, dignitatemque ex Paulo habebimus, qui tamen nonnisi post longa temporum intervalla de eo scribere continenter instituit. Illud itaque ex hoc loco, ubi Paullus in antecessum, ac summa cum laude Beneventi meminit, seridò animadvertendum velim, consuetum scilicet eidem fuisse, narratas sibi res, non suo quasque temporì, sed sermonis opportunitati attribueret; itaut multa præpostere referat, multa in commodiorem locum referenda reponat: id quod de Beneventano Ducatu factum ab eo censebimus; tunc enim de ejusmodi Ducatu agendum sibi proposuit, quando non solum Autharis excursionem, verum etiam Cassinenfis Monasterii vastationem, ac demum Arichis, qui defuncto Zottoni ab Agilulpho Autharis successore suffectus Dux fuit, feliciora scilicet exordia Beneventanarum rerum, resque ipsas memoratù dignas, atque exiguo temporis intervallo sibi velut coherentes. Simul completi, unoque veluti intuitu spectandas dare voluit.

Præterea si ipse Paullus, qui certus de *Gestis Longobardorum*, idem (ut jam probatum fuit) *Miscella* simul censei Auctor debet, nonne is *tertia Indictione* (i. e. An. DLXX.) Longobardos in Italia dominari coepisse affirmat? Quid igitur? Post Regis Alboini, suorumque Longobardorum irruptionem An. DLXVII. sequutam, expugnatasque mox plerasque illustriores Venetiæ, Liguriæque Urbes; post subactam demum triennali obsidione, atque in deditionem receptam, quæ reliquæ Italiæ propugnaculum veluti supererat, Papiensem Urbem, putabimusne victorem Alboinum, assuetosque prædæ, perpetuarumque sibi sedium locandorum sollicitos Longobardos, abjecto cum ipsis armis Italiæ universæ possidendæ consilio, otio subinde, ac somno sese dedisse? Immo potius ex eo tempore vidisse ipsos fuerit, subactâ Papiâ, quasi abrupto vallo, torrentis instar in ulteriorem Italiam, nullis munitam viribus, præditiisque, metu quoque ipso, atque extremâ annonæ inopiâ jam percussam, ac penè prostratam, novoque jugo cervicem suam offerentem, irruisse. Sat erit Anastasium audire, qui de Benedicto I. An. DLXXIII. Pontificatum adepto agens, ejus inquit tempore *Gens Longobardorum invasi totam Italiam, simulque fames nimia, ut etiam multitudo Castrorum se traderet Longobardis*: quod nec ipse tacuit Paullus: Mortuo enim initio An. DLXXV. Rege Clepho Alboini successore, Anarchiam ab Longobardis institutam refert, qui suos sibi præfesse Duces, Regni que universi, seu Gentis curam apud eos manere statuerunt: Hos autem Duces haud quidem ea novâ Regiminis formâ invecitos, sed majoribus Urbibus ab Alboino, & Clepho Regibus jam antea præpositos, non ad triginta, neque ad sex & triginta, sed ad quinque & triginta extitisse Paullus disertè commemorat (2): atque per eos (subdit) Longobardorum Duces septimo anno ab adventu Albuin, & totius gentis . . . exceptis regionibus, quas Albuin ceperat, Italia ex maxima parte capta, & a Longobardis jugata est (3). Itaque si ex Anastasio res isthæc definienda esset, jam ab An. DLXXII. quo Bene-

(1) Lib. II. a cap. XIV. ad XXIV.

(2) Sex & triginta hos Longobardicos fuisse Duces ex Paulli loco diligentius perspecto, se primùm novisse ait Cam. Peregrinus in Dissert. Ducatus Beneventanus cur institutus: Nam Triginta fuisse solummodo recentiores (inquit) ferè omnes persuasum habuere. Sed verior, ne Peregrinus ipse in Paulli loco perlustrando hallucinatus quoque fuerit: Paulli locus tum ex Muratorii, tum ex ipsius Peregrinii editione sic se habet: *Post cujus (Clephi) mortem Longobardi per annos decem Regem non habentes sub Ducibus fuerunt. Unus quisque enim Ducum suam Civitatem obtinebat, Zabani Triduntum: Wallari Bergomum: Alagies Briviam: Eacin Tridentum: Gisulphus Forumjulli: sed & alii extra hos in suis Urbibus Triginta Duces fuerunt. Præter igitur hos reliquos Triginta, non alios nisi Quingue nominatim Paulus enumerat; quos sane Duces omnes haud equidem post Clephi mortem, sed jamdiu institutos ex eo potissimum liquet, quod subactâ Anarchia, Autharique post decennium in Regem assumpto, non ii Duces evanescere, sed adhuc constituerunt, qui etiam (ut idem Paulus tradit lib. 3. cap. 16.) ob restaurationem Regni omnium substantiarum suarum medietatem regalibus us-*

bus tribuerunt, ut esse posset, unde Rex ipse, siue qui ei adhererent, ejusque obsequiis per diversa officia dediti alerentur.

(3) Lib. II. cap. XXXII. Non id vero de Italia dumtaxat Transiberina, quæ adhuc Longobardicæ nomen retinet, intelligi debet; sed nostra adhuc Gistiberina. Paulo demonstrata videtur, quippe qui in ea Italiæ, quam accuratè satis peregrit, descriptione, eodem Italia nomine & Samnium, & Calabriam, & Apuliam contineri voluit lib. II. cap. XX. & XXI. Quod vero ad Samnium pertinet, longe ante annum 580. atque novi Regis Autharis inaugurationem, veriatos in ea Provincia Longobardos, præter Paulli auctoritatem, probat Gregorii Magni testimonium ex Dial. lib. III. cap. XXXI. Laudat enim eo loco Gregorius Memnam solitarium in provincia Samnii ante decennium defunctum (i. e. Ann. circiter 583. nam ann. 593. Dialogos a Gregorio scriptos latè constat) quo adhuc vivente (i. e. aliquot ante annis) Longobardus quidam in (ejusdem solitarii) apibus voluisset rapinam ingerere, prius ab eodem Viro verbo correptus est, & mox per malignum spiritum ante ejus vestigia vexatus est, unde contigit, ut sicut apud omnes Samnii incolæ, ita etiam apud Longobardos ejus nomen

Benedictus I. Pontificatum agebat, cum ipsa *tota Italia*, quam à Longobardis subjugatam certus affirmat, Beneventanum simul Ducatum subortum necessario consequetur; si verò Paullum audire præstabit, qui non *totam Italiam*, sed *hujus maximam partem* in Longobardorum ditionem cecidisse maualt; non is quidem de eodem Ducatu tunc temporis, idest ante repetitam à Longobardis Regii nominis, dominationisque formam, instituto dubitandum relinquit: veriora siquidem præ Anastasio Paullus nobis tradidit; nam incolumes tunc non Ravenna modo atque Roma, sed aliæ quoque Urbes steterunt, uti Patavium, Cremona, Genua, atque in Cistiberina Italia pleræque cum Neapoli maritimæ Urbes; quas si excipias; reliqua Italia, in qua Beneventum nec Paullus excepit, nec, nisi contra Paulli fidem, excipere ullus poterit, Longobardis parere omnino coepit.

Quam autem ex Paulli auctoritate diligentius animadvertenda Beneventani Ducatus Epocham certissimam conjectura assequuti sumus, ex Cassinensis Monasterii vastatione à Longobardis Beneventanis patrata amplius confirmatam haberemus, si de ejusdem vastationis anno certum nobis Antiquitas servasset monumentum, aut saltem de ea re Recentiores convenirent. In eo autem statuendo anno doctissimorum Virorum, veluti Peregrinii, Angeli de Nuce, Bollandi, Mabillonii, Bacchinique ingenia plurimum laborarunt; quorum tamen discordia majorem rei incertitudinem, aut etiam caliginem iniecisse videtur: Quid? quod ipse Ecclesiasticorum Annalium parens Baronius rem satis præpostere, ad annum videlicet DLXXXIII. retrahendam censuit (n. 24.): Contrà vero Hermannus Contractus satis serò ad postremum ejusdem sæculi annum protraxit: sic enim ad An. DCC.: *His temporibus Monasterium S. Benedicti in Cassino situm, fugientibus ex eo Monachis, à Longobardis omnino destructum, & desolatum est.* Itaque post clarissimorum tot Scriptorum dissidium, satis mihi duxissem rem missam facere, ex qua nihil certi ad comprobendam Beneventani Ducatus Epocham extundi videbatur, nisi illum Cassinensis vastationis annum, tutissimam ejusdem Epochæ fore faciem animadvertissem.

Monasterii igitur Cassinensis à Longobardis vastati meminit disertè S. Gregorius Dialogorum lib. II. cap. XVII. *Nocturno* (inquit) *tempore, & quiescentibus Fratribus nuper (i) illic Longobardi ingressi sunt diripientes omnia &c.* Dialogos autem Anno DCCIII. aut sequenti à Gregorio lucubratos explorata hodie res est, tum ex laudato Mabillonio, tum ex Cl. PP. S. Mauri editoribus: hinc si ejus particulæ *nuper*, quam ad designandum ejus facinoris tempus Gregorius adjecit, ratio habeatur, uti habenda profectò erit, non aliò certè ipsius vis, significatioque nos perducet, quàm, ut ante tres, ex quo is scribebat, quatuorve annos, vel paullo ante Annum DCC. rem evenisse existimemus. Constat præterea ex Paulo Diacono (2), extremo Zottonis Beneventani Ducis tempore hanc patrata præ-

ALTER

B

datio-

men celebre haberetur. Quo ex loco non solum ante annum 580. confidentes habemus in Samnio Longobardos, verum etiam ex S. Menæ Solitarii cellula, cujus locum Gregorius non indicat, eosdem tunc temporis Beneventi constitisse discimus. Eadem enim in monte Oppidi Vitalani positam quatuor vix milliariis Benevento distantem fuisse, non solum traditio, sed ipsa quoque manifestè probat vetustissima Ecclesia in ejus Sancti honorem eo loco ædificata, quæ hodieque magna incolarum, finitimorumque veneratione frequentatur.

(1) V. Cl. Jo. Mabillonius Annal. Bened. lib. VII. in ea fuit sententia, ut Monasterii Cassinensis everfionem anno 580. adigneret; idque sibi ex eodem Gregorii loco persuasum habuit, quem haud quidem de brevi admodum tempore particulam *nuper* usurpasse censet, dum de longiusculo exprimendo tempore & ab eodem alibi, & à plerisque non infimi latii Scriptoribus usurpatam probat: Illud etiam addit, Gregorium initio libri II. Dial. meminisse Valentiniani, Boniti, sub quo everfio illa accidit, successoris, qui annis multis Lateranensi Monasterio præfuit, quo Pelagius II. fugientes Cassino Monachos excepit, locavitque: Ex quæ ita Mabillonius argumentatur: *Gregorius Dialogos suos scribere aggressus est anno nonagesimotercio (scilicet v. l.) Jam vivere tum deferat Valentinianus, qui multis ante annis, hoc est annis minimis decem Lateranensi Monasterio præfuit: ergo longe ante annos decem everfio fuerat Cassinense Mo-*

nasterium. At ni fallax, dubia saltem, atque incerta est Mabillonii argumentatio. Possunt enim multi illi anni ad longævam Valentiniani ætatem referri; possunt etiam de utriusque tum Cassinensis antea, tum Lateranensis postmodum Monasterii regimine intelligi: potuit etiam Gregorius multos illos annos non propriè, servata scilicet *adjecti* significatione, sed muneris conditione, in quo quicquid ultra tres quatuorve annos excurrit, multum esse videtur, usurpare: itaut, sicut Mabillonio libet, particulam *nuper* pro longius certe indicando tempore Gregorio fuisse usurpatam, ita quos multos Gregorius scripsit annos, nonnisi de quatuor, aut quinque annis cum intellexisse, dicere nobis licebit. Interca, donec certa Gregorii sententia aliundè afferatur, quæ contrariam ejus particulæ *nuper* significationem comprobet, Gregorii testimonio standum erit, qui tempore quo scribebat, i. e. Ann. DCCIII. Monasterii Cassinensis everfionem *nuperam*, idest paullo ante fuisse affirmat.

(2) Lib. IV. cap. XVII. & seq. Sacrilegum Prædonum furorem (uti S. Benedictus Divina revelatione rem post suum obitum futuram prænocens, id suis ad Deum precibus impetrasse prædixerat) omnes evasere Monachi, qui Romam aufugerunt, suumque (uti Paullus subdit) Codicem sanctæ Regule, quam præfatus Pater composuerat, & quedam alia scripta, nec non pondus panis, & mensuram vini, & quicquid ex suppellectili surripere potue-

dationem, propterea quod cum ejusdem Zottonis sequito mox obitu Paulus illam conjungit; Zottoni autem jamdiu cum Ducatum administranti Regis Autharis paulo antea Cistiberinam Italiam excurrentis adventum, praesentiamque, vel consilium, vel audaciam patrandi facinoris praestitisse verisimillimum censei debet. Certissimum denique ex ipsomet Gregorio habemus, Anno dxcii. Arichim in Zottonis jam defuncti locum Beneventano Ducatui praefuisse, uti ex ejus Epistolae xlv. al. xxii. Libri ii. discimus, in qua Arichim ipsum cum Rege Agilulpho Autharis successore Neapolitanæ Urbis obsidionem parare conquiretur: Zottonem autem Beneventi per viginti annorum curricula principatum esse, Paulli, cui hac de re nemo controversiam fecit, testimonio compertum habemus. Si igitur Cassinensis Monasterii versio nuper ex Anno dxciii., aut sequenti, quo Gregorius scribebat, & ea quidem nedum à Zottone, sed extremo etiam Zottonis tempore patrata statuatur, qui Zotto viginti sui Ducatus annos numeravit, jamque Anno dxcii. Arichim successorem habebat, facillimum atque æqui fidissimum illud fuerit, ut retrò per has certissimas temporum notas gradientes Annum dclxx. aut sequentem obvium habeamus, cui anno Beneventani Ducatus institutionem affixam relinquimus.

Cur verò is Ducatus à Longobardis fuerit Beneventi institutus, Cammillus Peregrinus Dissertationem lucubravimus (1). Paucis itaque quid in Peregrinio probandum, quidque respuendum sit dicendum nunc nobis erit. Laudaverim certe Peregrinium, qui Sigonii, Palmerique sententiam vel invitatus, ac vix pro sequente ætatis ratione, quum nempe Longobardorum res maximè florere coepissent, ternos illos fati celebres Ducatus præcipuo quodam (ut ait) consilio tum Forojulensem, tum Spoletanum, tum Beneventanum ideò institutos admittat, quod iis universa Longobardorum Reip. iretur consultum, quandoquidem sic per Italia longitudinem distributi haberentur, ut tum ad hostes repellendos, tum ad Regni fines producendos opportunissima futura erant propugnacula: hoc est Forojulensis ad externos repellendos incursus: Spoletanus ad Romanos, atque Græcos ex Ravenna: Beneventanus autem ad eosdem Romanos, & Græcos Cistiberinos, quibuscum perpetua Longobardi exercere bella. Nihil hac re verius dici poterat; nihil etiam eo Longobardorum consilio prudentius fieri potuisset adhuc

& nos

potuerunt, detulerunt. Mensuram vini, quam secum detulisse Cassinenses Monachos Paulus commemorat, Heminam Beneventanam fuisse reperio, atque ex optimis testibus certum teneo, Hildemarum assert V. G. Mabillonius in Præf. Sæc. iv. num. 100. & 162. antiquissimum (quippe qui Ludovico Augusto imperante floruit) ejusdem Regulæ expositorem, ac proinde sequente rei latis gnatum, sic scribentem ad Cap. xl. Sciendum est, quia unaquæque Regio suam mensuram habet, & idcirco Doctores cum de mensura dicunt, secundam sui loci consuetudinem dicunt. . . . Ita S. Benedictus cum Heminam dicit, secundum consuetudinem sui loci dicit: Similiter de officiis facit, & ceteris: unde Carolus Rex (Magnus scilicet, ac merito Magnus, tum ex aliis maximis rebus, tum ex suo in instauranda monastica disciplina impensio vehementius studio) qualiter ipsam Heminam intelligere, & scire potuisset, misit Beneventum ad ipsum Monasterium, videlicet S. Benedicti (melius S. Sophiæ Hildemarum dixisset, quod ab Arichim Duce pari pietate, magnificentiæque olim excitatum, eo maximè ævo florebat, ut suo loco observabimus) & ibi reperit antiquam Heminam, & juxta illam Heminam datur Monachis vinum; similiter & juxta illam habemus & nos &c. Quid verò sit Heminam isthæc, de qua Plautus in Mil. 3. 2. 18. Persius Satyr. 1. 130. Gellius N. Ad. 12. 14. alique veteres meminerunt, plura te Budæus, Villalpandus, Pætus, Portius, Agricola, alique recentiores de antiquis ponderibus, mensurisque ex instituto scribentes docuerunt: at ne ignorans forte lector aliunde quærere laboret, Heminam à mediocritate, quæ græcè μέτρον, deducti Festus, ab ἡμῶν verò, idest Semis Vossius mavult, propterea quod dimidiam Sextarii potius continet. Hanc Heminam mensuram inesse Fannius præclarè tradit, à quo Cotsylas eam synonimicè appellatam quoque scimus, dum ait:

At Cotsylas, quas, si placeat, dixisse licet
Heminam recipit geminas sextarius unus.

Rem omnem paucis Volassii Metiani verbis conficiam, ejus nempe Jurisconsulti, quo (uti Capitolinus refert) duo Antonini Pius, & Philocephus usi sunt, alter in jure dicendo, alter in addicendo: Hæc itaque in suo de Ponderibus libro extremo is habet: Mensurarum liquoris, atque grani expeditio & forma, & appellatio est; nam Quadrantal, quod nunc plerique Amphoram vocant, habet Urnas duas, Modios tres, Semedios sex, Congios octo, Sextarios quadraginta octo, Heminas nonaginta sex, Quartarios centum nonaginta duos, Cyathos quingentos septuaginta sex. Quantum igitur (inquies) vini hæc nostra excipiebat Heminam, vel appendebat, ut eandem ad suorum Monachorum usum, sobrietatemque servandam, adhiberi S. Benedictus maluerit? Hanc inire rationem, remque ad nostri ævi mensuras referre non operosa modo, sed incertissima res fuerit, dum veteris hujus nostræ Heminæ exemplar nullam superest. Plurima certe de hujus Beneventano-Cassinensis Heminæ capacitate contra Gallici Dissertatoris sententiam laudatus differit Mabillonius l. i. à num. 156. ad 165. concertationique summa hæc est, nullam Romani Congii, Sextarii, Heminæque, (quæ ad posteros evaserunt) rationem, quam Dissertator tuebatur, habendam, ut nostræ Heminæ mensura ad illorum exemplar exigatur, quam pro variis ætatibus, regionibusque, immò ad solum Principum vel Judicum arbitrium, variasse Mabillonius contendit. Sed si de Beneventana Heminam agatur, tutius fuerit (donec certum aliquid afferatur) eam ad Romanorum mensurarum Leges æstimare, quas adhuc superiore hoc ævo servatas verisimile est, sicuti veteres florentes Beneventana Colonia omnino certum probavi in Appendice Libri superioris in not. ad nostros Lapidis claus. III. num. x. lit. D.

(1) Dissert. II. Ducatus Beneventanus cur institutus Tom. v. Operum novæ edit. pag. 212.

& nos dicimus. Neque enim Longobardis quamvis ad exactiorem politicam nondum institutis, eam mentem defuisse putabimus, quam Veteres Romanos in Colonia deducendis habuisse scimus: Non ut tantummodo in emeritæ Militiæ præmia devictarum Provinciarum agri cederent, neque ut excrecentis Plebis fæce Urbs princeps exhauriretur, sed illud præterea consilii in causa fuit, ut nempe ex Colonia in Reip. subsidium, tutelam, atque amplificationem constituerentur: Hoc in genere (sic Cicero aiebat (1)) sicuti in ceteris Reip. partibus est opera pretium diligentiam Majorum recordari, qui Colonias sic idoneis in locis contra suspicionem periculi collocassent, ut non Oppida Italia, sed propugnacula Imperii esse viderentur. Laudavi olim Ciceronis locum, quum superiore Patriarum Antiquitatum Libro de variis veteris Beneventanæ Coloniae deductionibus agere instituissem (2); laudandus etiam nunc mihi fuit, quum de Longobardis sermo est, qui Italicum Regnum post Romæ facta sibi statuere molientes, Beneventum ipsam, Veterum Romanorum exemplo, Ducatus sui sedem constituerunt. Ac Romani quidem post variam diuturni quatragesima novem annorum belli fortunam, quo & sub jugum aliquando adacti, & percussu foederis violatores, duplicem suo nomini ignominiam pepererunt, fractis demum Samnitum viribus, nihil sibi gloriosius, partaque victoriæ emolumentis perpetuò conservandis securius esse duxerunt, quam ut in Beneventanam Urbem, Samniticarum facile principem, viribus certè, nobilitate, locique opportunitate præcipuam, Coloniam protinus deducerent; quâ & devictæ Gentis obsequium sibi confirmarent, & ad ultiores Regionem arma, imperiumque proferrent. Hæc ipsa à Longobardis, simulac Benevento potiti sunt, cogitata existimabimus, re certè ipsa jam gesta novimus, Ducatusque sui, qui paulò post prolatis finibus in ingentem molem excrevit, jacta illicò fundamenta manifestè testantur.

Quæ quum ita sint, mirari profecto subit, cur idem Peregrinus instituti à Longobardis Beneventani Ducatus causam ad fortuitum quandam rerum eventum, seu ad casum, ut is loquitur, referendam maluerit. Cur (inquit) Beneventana potius Urbi, quàm alteri talis fuerit dignitas attributa? Quæ scitu digna, necdum à quopiam decertata quæstio unico illo, eodemque pronuntiato solvi facile posse arbitror, quo altera de tempore instituti Ducatus est resoluta: Casu scilicet paucos numero Longobardos ad Beneventum convenientes, aque casu exigua magnæ Dinastiæ, qualis post fuit, primordia stravisse, nullo tunc nec sapientiori suo consilio, nec alterius Potestatis arbitrio ductos (3). Mirum, inquam, eruditum, ac perspicacem alioqui Virum tanti eam, quam vocat, quæstionem fecisse, ut scitu dignam, aliis tamen intactam hæcenus, peculiari Dissertatione pertractandam existimaverit; mox vero rem ipse totam uni Casui attribuens, uo verbo expeditum voluit. Cur ita factum sit, facile ipsius Peregrinii de instituti Ducatus tempore Dissertatio altera ostendit. Non aliunde ibi agnoscenda censuit Beneventani Ducatus initia, nisi ex illis paucis numero Longobardis, quos olim Narsetis auxilios, haud verò cum cæteris popularibus suis in Pannoniam reversos, sed elusâ (quis credat?) Narsetis, universos abire Italia enixè fatigantis auctoritate, fortuito, casuque ad Beneventum convenientes ratiocinatur. Idem igitur casus, qui paucis illis umbraticis, atque imaginariis Longobardis clancularios Lares apud Beneventum dedit (dum à statuta semel sententia discessisse nefas Peregrinio videretur), idem scilicet casus instituti postmodum Ducatus auctor pronuntiatur. Itaque adversus unos Beneventanos (si res penitus inspicitur), ex inquirendâ illa instituti Ducatus causâ occasionem sibi faciens, disseruisse eo loco Peregrinus convincitur (4). Rem casu accidisse,

ALTER

B 2

disse,

(1) Orat. Agrar. cap. XVII.

(2) Differt. I. cap. II.

(3) Iniquissimè adversus Sigonium se habet Peregrinus; neque enim illius sententiam tolerandam sibi voluit in De Reg. Ital. lib. I. sic expressam. Rex Autharis exercitu ad has regiones ex improvviso adducto, tum alia oppida, tum ipsum caput Provinciæ Beneventum ad deditionem adduxit, ubi Zottonem Ducem instituit, ac, reliqua omisa Italia, Samnium in formam Ducatus redegit; sicque ad duos Ducatus insignes Forojulensem, & Spoletanum tertius Beneventanus est additus. Non id, inquam, passus est Peregrinus, veritus, ne in hac (quæ verisimilis Sigonio, aliisque videbatur) Ducatus institutione, Longobardi Regis præsentia, auctoritateque, primi Ducis designatione, aliorum ab ipsis Longobar-

dis institutorum Ducatum exemplo, consilii aliquid, industriaque adhibitu agnosceretur. Omnia Peregrinio inverisimilia, omnia falsa sunt, quæ suæ, quam semel tulit, præjudicatæ sententiæ adversentur: immò pertinacior factus non alium, nisi casum unum, perpetuum rei auctorem, comitemque affirmare, ac tueri pergit.

(4) A Beneventanis certè veniam, injuriosum sese ipsis futurum prænosceus, deprecatur Peregrinus, qui æqua parum de illorum Urbe dicere moliebatur: Cujus (inquit) præclaræ quidem Urbis dignitati cum ego hæc detractum quicquam velim, quin potius hisce meis lucubrationibus celebriorem eam reddere cum pro virili conar, æqui bonique facient Beneventanos Cives exoro, qui suum in ceteras Cissiberinas Urbes primatum non ab-

disse, ex eo potissimum comprobare is conatur, quod non tanti ea esse Urbs videretur, ut vel Longobardi è sua re fore perspicerent, Ducatus sedem ibidem constituere; vel ut pristinae suae dignitati recens ea dignitas meritis accessisse existimaretur. Quid enim? Urbem Beneventum (sic Peregrinus Dissertationis suae paginas satis importune congeminat) inter Samniticas initio numeratam, Augustus Italiae Regiones describens Apuliae attribuit; posthac à quopiam alio Imperatore (quem omnis tamen Antiquitas silet) Campaniae adjudicatam, Campanam eam fuisse, ac deinceps perstitisse, tum S. Januarii 1. Acta à Campano Praefide martyrio affecti, Campanisque Praefidibus pluribus erecta à Beneventanis marmorea adhuc extantia honoris monumenta; tum S. Januarii II. Sardicensi Concilio praesentis subscriptio, tum Ausonii carmen, tum denique prisca Itineraria demonstrant. Atque haec quidem Peregrinus; cujus quidem has omnes fuisse nugas, superiore Libro, pro instituti tunc Operis, ætatisque ratione uberrimè ostendimus (1); Non ea itaque heic repetere oportebit; id potius perscrutari modo praestat, quare Peregrinio aliud tunc agentum, cur scilicet *Beneventanus Ducatus institutus sit*, differenti, in mentem venerit, inter Campaniae suae fines Beneventum conscribere: citò dicam: Ex instituto Longobardorum Ducatu, qui in ingentem postea molem, dignitatemque sese erexit, atque adeò diuturnè viguit, floruitque, illa certè Urbs, quæ princeps, & sedes delecta esset, tum veteris dignitatis suae meritis demonstrasset, tum majus deinceps sibi decus conquisisset: Si igitur Campana Urbs Beneventum, Longobardici verò Ducatus institutio consilio aliquo evenisse dicenda esset, ea Ducatus Sedes, idque decus haud alteri, quàm principi Campaniae Urbis Capuae debebatur. Cogitabat siquidem Capuam suam Peregrinus, illiusque posthabitam neglectamque à Longobardis conditionem veluti indignatus, omnia ad *Casum* deducenda proclamavit, *Casumque* ipsum ex mediocri quadam haud talia meritis Beneventi sorte studiosius, quàm opus, aut veritas esset, confirmare conatur.

At salva, atque integra (quod per me perpetuò licebit) Capuanae Urbis prisca maneat dignitas, amplitudo, nobilitas, pulcritudo, opulentia, praeclaritas (2). Fuerit ipsa *Roma altera*, uti Cicero pro praesentis tunc causae studio, Oratorique munere appellare libuit; Fuerit *Roma amula*, qualem Ausonius cecinisse legitur: non est tamen, ut hisce aliisque Capuae ornamentis, suis omnino contenta, satisque locuples Beneventum invidere debeat. Sat enim sibi id unum, quo sua sibi constet dignitas, atque praestantia, ut si *casu*, sive *consilio* Longobardi Ducatus sui Sedem ibidem semel constituentes, nunquam facti poenituerint, nunquam Capuam posthac cogitarint; quam sibi per eadem tempora subjugatam, inter reliquas universi Samnii, ac totius propè Campaniae Urbes, sibi subditam agnoscetes per *Gastaldos* suos regendam curarunt.

Cur verò Longobardi, quum in Cistiberina Italia imperium sibi statuere molirentur, Beneventum Ducatus sui sedem non elegissent? Quantumvis ignoratam peregrinis, barbarisque populis velimus ejus Urbis praestantiam, vel dum Samniticum nomen, virtutisque floreret, vel dum Romae subdita Romanos accipiens Coloniam Romanam etiam sibi mutuata est, diuque praestulit magnificentiam, mores, ipsam denique majestatem; quæ omnia superiori Patriarum Antiquitatum Libro omnium oculis spectanda dedimus: spectare saltem Longobardi tunc debuerunt, quæ tunc temporis Beneventanae Urbis felix verum omnium esset conditio: Versari certè ante illorum oculos debebat soli foecunditas, Polybio olim celebrata (3), loci ad proferendos circumquaque institutæ ditionis fines opportunitas, Civium opulentia, Urbis denique non solum amplitudo, ac splendor, verumetiam tutela, atque munitio. Scimus certè paucis admodum ante Longobardorum adventum annis, nihil Gothorum Regi Totila magis curæ fuisse, quàm Beneventanae Urbis vires, quas bellicis suis conatibus adverteraturas probè noverat, labefactare, atque excidere; hinc *trajecto* (ut Procopius tradit (4)) *flumine Tiberi*, *Romæ finibus abstinens*, in *Campaniam*, ac *Samnium* repente ingressus, Bene-

ventum antiquiori, quam ab Longobardorum institutione deducere me comperient. Scilicet Beneventum Longobardis unis debet, immo *casui*, qui Longobardos è consulto pertraxit, ut ejus nomen in Terrarum orbe audiretur.

(1) Dis. I. cap. I. pag. 49. & Dis. IV. à p. 150. ad 158.

(2) Elogia Capuanae Urbis è Veteribus Scriptoribus studiosè collegit, unumque sub aspectum protulit laudatus Peregrinus in Praefat. ad dictas suas Dissertationes.

(3) Polybii verba ex lib. III. pag. 206. editionis Aldinae ann. MDXXI. hæc sunt: *Poeni devastatis prædictis locis, superatque Appennino Samnium transiunt in foecundissimam Italiae oram, & longo jam tempore bellorum expertem; ubi tantum commertus, verumque necessariam copiam nati sunt, ut nec quotidiano usu, nec continua devastatione absumere prædam possent, hinc & Beneventum Romanorum Coloniam depopulantur.*

(4) De Bello Gothico lib. III. cap. VI. edit. Scriptor. Ital. Muratorii tom. I. pag. 306.

ventum Urbem validam in potestatem suam redegit, ejusque muros aquavit solo; ne adven-
 tibus Bizantio Copia, factis è munito loco eruptionibus, Gothos infestarent. Vides igitur (ut id pri-
 mum moneam) è Romanis finibus in Campaniam, atque è Campania in Samnium Totilam
 properantem, ubi, in Samnio scilicet, Beneventum reperire, diripereque sibi erat; Habes
 præterea, quantum per eandem ætatem, quæ paucos post annos Longobardos in Italiam
 excepit, una ipsa Urbs Beneventum cæteras tum Campaniæ conterminas, tum socias Sam-
 niii Urbes non solum opulentia, rerumque omnium felicitate, verumetiam munitione præ-
 staret: Cistiberinæ certè Italiæ propugnaculi loco stetit, præclarissimus omnium testis ipse
 Totila est, qui eâ unâ subacta, cæteras finitimas regiones non solum sibi facile celsuras,
 sed tutò etiam obsequuturas existimavit. Quod si furentis Totilæ jussu spoliata muris au-
 disti; mox victoris Narsetis providentiâ, immò insigni munificentia, eisdem instauratos
 muros, totamque Urbem magnificentius restructam ostendere licebit; atque ostensum quidem
 nobis fuit superiore Libro, Dissertat. X. cap. III. quo loco de *Veteris Beneventi publicis Ope-
 ribus* egimus. Ejusmodi igitur tunc erat Beneventanæ Urbis conditio, ut præ cæteris Cisti-
 berinæ Italiæ Urbibus instituendi Ducatus digna videretur: vilsaque profecto Longo-
 bardis fuit, qui loci opportunitatem, munitionem, opulentiam, præstantiam denique om-
 nem probè animadvertentes, eam Longobardici Ducatus Arcem sibi constituerunt.

Illud modo quæsisse interit; an scilicet Ducatus, Ducisque titulum, quem Longo-
 bardi ab ipsa Italiciæ Dynastiæ origine, post Regium nomen sibi usurparunt, priores ipsi
 in Italiam invexerint, vel potius Romanorum moribus jam receptum sibi arrogarint: ac
 posterius veri quidem similis; neque in hac re, si ejus nominis, munerisque, qualis
 apud Romanos obtinuit, conditio explicetur, Longobardorum consilium defuisse videtur.
 Ducem itaque, florente Reipublicæ, non alium Cicero fuisse docet, quàm *Belli gerendi
 administratorem* (1), seu *cujus auspicio Bellum geritur*, uti explicat Livius (1). Non aptius
 profecto aliud ei muneris nomen, quo qui exercitui præest, militares copias quò Rei-
 publicæ utilitas, necessitate postulat, suo imperio ducit: Hinc *Ducis* potius, quàm *Im-
 peratoris* nomine eos, qui suprema auctoritate Bellum administrarent à priscis Jurisconsultis
 passim vocatos legere est (3). Postea verò quàm Imperatoris nomen in novam utriusque tum
 militaris, tum politici principatus significationem evasit, placuit Augustis, hisque potis-
 simùm, qui Imperii sedem Constantinopoli tenuerunt, Ducis nomen, ac munus inter plu-
 res dividere, atque in singulis fere Imperii Provinciis eum, qui rem militarem curaret, Du-
 cem constituere (4); præsertim vero iis attribuere, qui in Imperii finibus circumpositi, tueri
 eos potius, quàm proferre, ac conterminos hostes, ne irrumperent, cohibere magis, atque
 arcere, quàm armis laessere debuissent. Sic *Duces Limitis*, & *Limitum* generatim, spe-
 ciatim vero *Dux Limitis Aegyptiaci*, necnon *Euphratenfis*, ac etiam *Tripolitani* in Juris Libris
 occurrunt (5). Apud Vopiscum in Aureliano, *Ducem Limitis Scythici, Illyriciani, Thracii*,
Orientalis legere est; qui etiam Vopiscus inter illos, qui eodem Aureliano imperante, ty-
 rannidem affectarunt, Saturninum memorat *Ducem Limitis Africani*, deindeque Bonosum
Ducem Limitis Rhæti: quo quidem in limite consistendum nobis tandem monet peculia-
 ris ejusdem Rhæti Ducatus Formula, quam exhibet Cassiodorus (6): satis namque ex illa
 Formula didicisse fuerit, collapsò Rom. Imperio, Gothisque Italiæ dominis, adhuc ejus-
 modi *Limitaneos Duces* perstitisse, quorum necessarium, plenumque sollicitudinis, fideique
 munus Rex Theodoricus declarat, electum sic alloquens Ducem: *Ducatum tibi credimus Rha-
 tianum, ut milites & in pace regas, & cum eis fines nostros solerti alacritate circumeas; quia
 non parvam rem tibi respiciis fuisse commissam, quando tranquillitas Regni nostri tua creditur
 sollicitudine custodiri.*

Frequentiores vero, quàm olim, Duces aspexit sequuta mox ætas; nam pro nova
 temporum ratione, Reique publicæ necessitate, quos antea nonnisi Provinciis, atque Limi-
 tibus, singulis deinde validioribus Urbibus constitutos Duces fuisse constat: Hanc novam
 Regi-

(1) De Orator. I. 48.

(2) Lib. IV. cap. 20.

(3) Sic *Duces Sylla*, & *Cotta* dicuntur in leg. 4. Dig. De Re Milit. reliqua exempla congerit ex Juris Libris Bæd. Biffon. in De Verbor. signif. verb. *Dux*.

(4) In Notitia utriusque Imperii recensentur Duces singularum Provinciarum, nempe per Orientem sex, per Aegyptum duo, per Ponticam unus, per Thracias duo, per Illyricum totidem, præter alios in Occiden-

te constitutos. Cæterum *Duces Provinciarum* genera-
 tim memorati habentur in leg. 1. & 3. Cod. Theod. De
 Comit. rei milit. leg. 1. eod. Cod. de Comit. & Trib.
 Schol. Novell. Theodosii, & Valent. De Tribut. Fi-
 scal. &c.

(5) Leg. 1. Cod. de Lusor. Danub. leg. 5. Cod. de Fil.
 App. leg. 5. De Adv. divers. Jud. in d. Cod. Theod.

(6) Variar. lib. VII. 4.

Regiminis formam post extinctum Narsetis operâ Italicum Gothorum Regnum, ab eodem Narsete institutam arbitratur V. C. Scipio Maffejus (1): At ejus rei auctorem Longinum ab Imp. Justiniano Narseti regendæ Italiæ Exarchi nomine successum testatur Blondus (2): Illud tamen constat Longobardis advenientibus eam tunc in Italia repertam regiminis formam, eandemque eos sibi servandam, retinendamque statuisse, ut scilicet Imperialibus Ducibus, quos ex illustrioribus Urbibus expulissent, Longobardicos successores sufficerent: quâ quidem in re eodem sive Narsetis, sive Longini consilio, sed feliciore successu Longobardi usi sunt, dum qui devictis Urbibus præfessent, peculiare Ducibus facilius illas in obsequio continere poterant: sed & novum, ut sic facerent, accessisse videtur consilium, dum servatâ veteris regiminis formâ, eodemque magistratum nomine (quæ etiam præfati Regis Theodorici prudentia fuit) minus certè Italicis animis horreret barbarorum imperium, sed faciliè novis dominis assuescere scirent, à quibus patrio more, institutisque regendos se nossent: Atque hæc etiam (quod animadvertisse præsentis operæ pretium erit) illud pertinet, quod videlicet Regibus omnino suis Flavii prænomen usurpatum voluerint. Sublato enim decennali Ducum regimine, instaurataque Regia Dignitate; Autharim decessoris Regis Clephi filium Regem salutarunt, quem etiam (ut ait Paullus Diac. III. 16.) ob dignitatem Flavium appellarunt: quo prænomine omnes, qui postea fuerunt Longobardorum Reges feliciter usi sunt. Quis enim ignorat, ob priorum optimorum Principum in Remp. merita, qui Flavii appellari gaudebant, maximum ei prænomini decus, & gratiam accessisse (3); quod utrumque, eodem assumpto prænomine, Regibus suis Longobardi conciliare studuerunt: quemadmodum, quos Ducibus regendis Italiæ Urbibus constitutos repererunt, eosdem, sua tamen è gente delectos, tum nomine, tum magistratu constitutos voluerunt.

Restat modo, ut cujus jacta perpeximus fundamenta, incrementa nunc Beneventani Ducatus videamus. Huic illustrando argumento adlaboravit, immo omnium laborum suorum præcipuam partem facit jam sæpius nobis laudatus Camillus Peregrinus, qui Viris Clarissimis Gaspari Berettio, ac Ludovico Muratorio præiit, alteri scilicet in lucubrandâ Ta-

bula

(1) Hist. Veron. lib. x. pag. 265.

(2) Hist. lib. vii. ubi de Longino hæc habet Blondus: In administratione Urbium, quæ in Justiniano Imperatoris partibus cum Roma, & Ravenna duraverant, hunc primus servavit morem, ut non Provincie, aut regioni præfesset Praefes, sive quispiam Magistratus, sed singule Urbes, singula oppida à singulis custodirentur, regerenturque Magistratibus, quos appellavit Duces, paremque faciens Urbem Romanam aliis Italiæ Urbibus, hæc una in re illam honoravit, quia impositum tum Magistratum Praefidem appellavit; sed qui successerunt, appellati sunt Duces &c.

(3) Neque inter vetera Romanorum genuina, neque inter peregrina alia à Romanis adscita Prænomena (quæ Car. Sigonius collegit, confirmavit Raph. Fabrettus Vet. Infer. cap. i. pag. 22.) Flavium invenire erit. Nomen tamen Gentis inter Romanos fuit, non illud quidem cum Vespasiani Imperio tunc primùm auditum, quem ex T. Flavio Petronio Municipi Rheatino Avo, Flavioque Sabino Patre prognatum refert Suetonius cap. i. Longe enim antea non una Flavia gens apud Romanos vivebat. Gn. Flavii Edilis Curulis ex L. Pilone meminit Agellius N. A. Lib. vi. cap. 9., qui ille ipse Ap. Claudii Scriba fuit à Cicerone in Tisonem, & ad Att. 6. i. à Livio lib. ix. à Val. Maximo, Plinio, aliisque veteribus celebratus, qui formularum, & solemnitarum ad judicia legitime exercenda, subdolo Veterum Jurisconsultorum artificio conditarum librum populo divulgavit; unde & Jus Civile Flavianum dictum fuisse, ipsumque Flavium a Populo & Tribunum Plebis, & Senatorem, & Edilem Curulem factum testatur Pomponius in leg. 2. §. postea Dig. de Orig. Jur. Atque ad hujusce veteris Flavii Gentem fortasse pertinet L. ille Flavius Tribunus Plebis, à quo Lex Flavia Agraria lata fuit, Ciceroni pariter memorata ad Attic. i. 19. dum scribit. Agraria Lex à Flavio Trib. Pl. vehementer agitataur auctore Pompejo; quæ nihil populare habebat præter auctorem. Quamque in Jurisconsultos incide-

rim, Flavium quoque Melam Jurisconsultum illum appellatum invenio, qui pluries solius Melæ nomine laudatur ab Ulpiano, atque Paulo in leg. 1. §. quod ait Praetor Dig. de Cloacis. At cujus superius meminimus Vespasiani non tam fortuna, quam, quæ privatum Imperio dignum effecit virtus, amplius celebritatis, ac deinceps dignitatis, majestatisque ejusmodi nomini promeruit; ita ut felicius, quàm paulo ante Antoninorum, qui non diù perseveravit, in successorum Imperatorum perpetuum, ac familiare propter prænomen evaserit. Quemadmodum igitur Cæsar, Augustusque, ita Flavii appellationem sibi Constantinus attribuit, exemplum, moremque successoribus reliquerit, qui simul cum Imperio Flavios se appellari gauderent: At quemadmodum partim virtuti suæ, partim alienæ adulationi Vespasianus debuit, ut ex ipso ad veteres Romanas Tribus, Flavia recens Tribus adjiceretur, & quamplures Urbis, Coloniaeque (quas recenset Fabrettus l. l. pag. 105.) Flaviarum cognomen sibi afficerent; ita auctor Constantinus fuit, ut eadem Flavii appellatio non solum inter Romanos resloresceret, verum etiam in peculiarem quandam Imperialis Majestatis notam adhiberi consueveret: Hinc factum, ut non solum qui ad Imperium capescendum jure meritoque deligerentur, verum hi quoque, qui per tyrannidem invadere molirentur, eo statim prænomine appellari starent, uti de Sylvano (quem sub Constantino Constantini filio Imperatorum in Galliis ab exercitu proclamatum refert Ammianus lib. xv.) adunt etiamnum testes ejus nummi apud Goltzius pag. 151. deque aliis Tyrannis passim monumenta occurrunt: inter quos tamen Regem Autharim, sequutoque Longobardorum Reges accensere non omnino licebit: qui Italico regno sibi confirmato, quod sibi usurparat Flavii prænomen non in solum ambitionis, aut adulationis argumentum, sed non raro suis in Remp. promeritis jure sibi impositum comprobant.

bula *Choreographica Italiae mediæ Aevi* (1); alteri vero de Regno Italiae, ejusque finibus differenti (2): Ac Muratorius quidem, qui se à Berettio in eo studio præoccupatum fatetur, sed tamen quæ ante illum prælo paraverat, apprimè necessaria, publici juris facere sibi permisit, quum ad Beneventanum Ducatum pervenisset, postremam (uti vocat) sed amplissimam, atque nobilissimam ad Orientem Regni Italici portionem, ipsius Ducatus fines summam indicasse contentus, lectorem ablegavit ad Tractatum, quem edidit egregius illarum partium Scriptor Camillus Peregrinus in Opusculo edito T. V. Rerum Italicarum. An igitur Peregrinii dicta recoquenda mihi erunt? non ita. Ut Peregrinus ad eam rem studiosius incumberet, permotus (uti is præfatur) fuit aliquorum insectationibus, quod ipse scilicet aliàs vana jactantia, atque assentandi studio angustos terminos antiquæ Provincie, seu Ducatus Beneventani, quem cum Carolo Sigonio De Regno Italia lib. VII. persuasum habebant, antiquo fermè Samnio inclusum, finibus præstantissimi Regni Neapolitani equiparatos affirmavit. Hinc totus Peregrinii in eam rem conatus flagravat, ut quæquæ maximè patuissent, fines quadrifariam ad celestis aspectus normam dispartiret, multis etiam opportunè importunèque interjectis observationibus, minutim describeret, addita etiam Chorographica Tabula, cujus aspectu res ipsa perspectior haberetur. Sed quando in Peregrinii opera laudatus Berettius supplendum aliquid, aliquod etiam corrigendum reperit; sitque post Berettium supplendi, corrigendique adhuc locus; ac præterea quibus vario tempore factis accessionibus, suis veluti gradibus Beneventanus Ducatus ad suum fastigium conscenderit, nec Peregrinio, nec ulli hactenus demonstratum sit, operæ pretium fore duximus, ut res rursùm ipsa, quæ instituti nostri est, brevior quidem sermone, lumine tamen meliore instaurata, in medium proferatur.

Ad Ducatus itaque Beneventani incrementa quod attinet, si Imp. Constantinum Porphyrogenitum audimus, Longobardi, Narsete evocante, Italiam ingressi, ac juxta Beneventum, urbeculam quandam, quæ ea de re *Civitas nova* dici cœpta est, sibi ædificantes, mox vero Urbem ipsam dolo occupantes, non solum suum ibi Ducatum constituerunt, ubi Imperialis Patritius (qui tunc temporis Narsetes) regendæ Italiae delectus, sedem habere consuebat, verum etiam inde excursionem in omnem ditionem Thematis Longobardie, ac Calabria facta, subjecerunt eam usque ad Papiam, excepta Hydrunto, Callipoli, Russano, Neapoli, Cajeta, Surrento, & Amalrho. . . . & sunt in hodiernum usque diem, quæ septima Indictio est, anni à condito Mundo 6457. Christi 949. (3). Si igitur Porphyrogenito fides, ortus vix Beneventanus Ducatus in eam ingentem molem exurrexisse apparebit, ut non in Italiam modo cistiberinam, sed transiberinam quoque ad ipsam Urbem Papiam imperium protulerit. At qui plura comminisci, plura confundere soleant habet, non ipse nobis Parphyrogenitus idoneus erit rei præsentis vades, ac testis; nisi excursionem illam, etsi multa falsitate permixtam contem-

(1) Sæc. XXI. Tom. X. Script. Rer. Italic.

(2) Antiqu. Med. Aevi tom. I. Dissert. II. pag. 56.

(3) De administrando Imperio cap. XXVII. ex edit. Banduri tom. XXI. Hist. Byzant. pag. 68. Venet. 1729. Tum in nostro Tomo I., tum in hac Dissertatione jam dictum mihi est de hoc commento, quo Narsetis fama ob accitos ad occupandam Italiam Longobardos in invdiam vocata est. Libet nunc rem ipsam ex Porphyrogenito auferre, ut ex ipsa narratione commentum ipsum manifestius se prodatur. Temporibus Imperatricis Irenes (Sophiæ) missus Patritius Narsetes in Beneventum, in Papiam administrabat; Romam verò Papa Zaccarias Albanensis. Accidit autem ut in Papiæ partibus bella gererentur, Narsetesque Patritius fisco assignatas ex pacto pecunias in exercitum usum impenderet; in ordinarius ab illo reditus non tantum non mistebatur, sed contra, se potius illinc pecunias sibi missum iri, sperare significabat. His auditis Imperatrix Irene, ira accensa, fuscum illi, ac colum mist, bisce verbis ad illum scribens. Accipe hæc, quæ tibi conveniunt; nunc enim te magis judi avimus, quam armis tanquam virum uti: Quibus intellectis Narsetes Patritius rescriptis Imperatrici hoc modo: Postquam nunc me rectius, & filium torquere tibi videtur, veluti socium, telam me ordini nosse scias, quam nunquam Romani detexant. Tunc autem temporis Longobardi Pannoniam incolabant, quæ nunc Turcarum sedes est, & missi ad eos fructibus omnis generis isti-

hæc ipsi significavit: Venite hæc & videbitis pro veteri verbo, terram hæc & meliorem, quæ, ut patet, neque Deus meliorem habet, & si vobis placuerit, hanc inhabitabit, ut in perpetuum me sanctis precationibus, & benedictionibus persequamini. His verbis auditis persuasi Longobardi cum familiis Beneventum venerunt; Cives autem Beneventani cum intra Urbem illos admittere nollent, extra eam prope murum ad flumen habitabant, ædificata Urbe parva, quæ CIVITAS NOVA appellatur, existatque etiam hodie: Intrabant autem etiam Urbem, & Ecclesiam, soloque superiores facti habitantibus omnibus, eos universos occiderunt, Urbemque occuparunt; gladiis enim intra fustes occultatis, Ecclesiam ingressi, pugna excitata, universos, ut supra dictum est interemerunt. Inde excursionem in omnem ditionem Thematis Longobardie facta &c. Qui hæc legerit, non nisi nugæ reputabit, quas tantum retulisse, retulisse simul erit. Illud tamen mihi animadvertendum de Civitate nova ad Beneventi maros à Longobardis ædificata, quam suo adhuc ævo, idest medio sæculo X. extare ait Porphyrogenitus, verum id esse, si opus ipsum non ad priores Longobardos, sed ad primum Beneventanum Principem Arichim referatur, qui circa ann. 774 binis nempe ab instituto Ducatu sæculis flagrante bello cum Carolo Magno, ad augendam Beneventanæ Urbis munitionem teste Olfensæ lib. I. cap. 12. Francorum metu perterritus Civitatem novam Benevento addidit; vel

Atque, indicare voluerit, quâ Rex Longobardorum Autharis longè post Narsetis obitum, anno scilicet DLXXXVII. non ex Beneventana, sed ex Papiensi, seu Ticinensi Urbe, quæ tunc Longobardici Regni sedes erat, per Spoletium Beneventum pervenisse, eandemque regionem cepisse, & usque etiam Regium, extremam Italia Civitatem vicinam Sicilia perambulasse traditur (1).

Non Beneventanam quidem Urbem, ubi jamdiu ab anno DLXXII. Zottonem Ducem ab Rege Alboino constitutum superius probavimus, sed Beneventanam Regionem in suam tunc potestatem Autharim redeisse satis patet; quæ quidem Regio nonnisi de circumjacentibus locis ad antiquum Samnium, vel proximam Campaniam pertinentibus intelligenda est, quibus tunc primum Beneventanus Ducatus latiores fines accepit; Siquidem Dux ipse Zotto usque ad Autharis adventum, haud fortè necessario milite satis instructus, aut potius prædandi, quàm dominandi studio detentus, Beneventanam Urbem, velut Regionis Caput, validissimumque Ducatus, Gentisque suæ propugnaculum, habere sibi subditam satis habuit: nec certè parum id fuit in ipsa Urbe Benevento Beneventanum exortum fuisse Ducatum, cui ex ipsius Urbis situ, ac præstantia regiones aliæ facili accessuræ videbantur.

Et sanè, qui post Zottonem anno DXXI. defunctum, missus ab Rege Agilulpho Arichis Beneventanum Ducatum regendum suscepit, angustorum ejus finium impatiens, conjunctis cum Ariulpho Duce Spoletano militaribus copiis, in præcipuas Campaniæ Urbes expeditionem paravit; eo veteri consilio usus, quo Beneventum olim Longobardi occupandum duxerunt, ut munitiores scilicet primariaeque Urbes, quarum sortem aliæ minores spontè, vel facili negotio sequerentur, primo conatu sibi subderet: Hinc ad Neapolim expugnandam vehementer exarsit Arichis, uti scimus ex S. Gregorio M., qui rem Johanni Episcopo Ravennati his verbis denunciat. *De Neapolitana Urbe vobis indicamus, quia Arogis, ut cognovimus, cum Ariulfo se fecit, & Reipublica contra fidem venit, & valde infidiatur eidem Civitati, in quam si celeriter Dux non mittatur, omnino jam inter perditas habetur* (2). Ariulphum hunc Faroaldi successorem, non Beneventanum (uti ad Gregorii Epistolam Guffanvillæus, Pauli Diaconi locum licet indicans, hallucinatus tamen dixit) sed Spoletanum Ducem fuisse constat, quem bellum contra Romanos in Camerino gessisse, victoriamque patrasse narrat Paulus (3). Ariulphi itaque vires sibi sociavit Arichis, ejusque satis fidelem expertus est operam: nam idem Gregorius testis est, noluisse Ariulphum publica pacis foedera, quæ cum Rege Agilulpho sancita erant, fuscipere, si ad cohibendos Arichis bellicos conatus milites mitterentur, itaut liberum Arichi expeditiones suas profequi, liberum sibi maneret auxilia præstare: *Indicamus* (inquit Gregorius ad Theodorum Ravennæ Curatorem) *Ariulphum de servanda pace, non ut Rex ipse juravit, sed sub conditione, si sibi in quoquam excessum non fuerit, aut si nullus contra Arogis exercitum ambulaverit, Sacramenta præstitisse; quod quia iniquum, & dolo sum est, nos, tanquam si non jurasset, habemus* (4): Hinc illud à Gregorio in superiori Epistola dictum intelligimus, tum Ariulphum, tum Arichim contra Reipublica fidem venisse, quod Neapolitanæ Urbis expugnationem molirentur. Sed quod ad Neapolim attinet, irritus tunc fuit Arichis conatus: Quid vero juris in eandem Urbem sequenti ætate nostri Longobardi adepti sint, opportuniore loco dicemus. Interim ipsum Arichim in eadem Campania Ducatus sui fines proferentem sequemur.

Urbem Capuam totius Regionis olim caput, præclarosque ejus, ac latos campos, interiorumque Campaniam omnem Longobardos ab suo fere adventu occupasse ipse libenter fatetur Peregrinus, non id tamen bellicæ ejus Gentis virtuti, sed præsentis tunc loci conditioni adscribens, qui nullâ murorum tutela præditus vel solo adcessu obtineri poterat, neque enim, inquit, præter Neapolim, Cumasque alia Urbs, teste Procopio, muris tunc munita erat (5) Patriæ Urbis infeliciorum statum maluit, fateri Peregrinus, quàm ut Longo-

ut ait Cronographus Vulturnenfis To. I. part. II. Script. Ital. pag. 402. juxta Beneventi moenia Civitatem novam construxit: Unde Civitatis veteris, Civitatisque novæ discrimen, & appellatio ipsi Benevento sequito mox tempore facta; de quo alibi opportuniùs agemus.

(1) Paul. Diac. de Gest. Longob. lib. III. cap. XXXI.

(2) Lib. II. ep. XLVI. al. XXXI.

(3) De Gest. Long. lib. IV. cap. XVII.

(4) Lib. IX. ep. XXVIII. al. CIII. Potrò Arogem vocat S. Gregorius, quem Arigim Paulus Diaconus, atque alii Arichim: nos Arichim heic, & deinceps scribemus,

non MS. atque editorum Codicum dubiam fidem, sed certissimam sequenti auctoritatem marmoreæ Inscriptio- nis sepulchralis Beneventani Principis Arichis II. quem prioris Ducis cognominem fuisse satis constat. Sunt, qui Arichisum nullo veterum exemplo scribere ma- lunt, ut nomen ipsum ad Romanorum nominum ma- jestatem conformant, nam Romanorum fuit, ut no- mina propria in JUS terminarent; at si id lubeat, non Arichisus, sed Arichius scribendus videtur.

(5) De fin. Ben. Duc. ad Merid. pag. 243. tom. V. opp. Neque id ipsum abnuitt Peregrinus in alio Opere ver- nacula

bardorum virtuti aliquid daret, quasi Procopius non de Neapoli, atque Cumis veluti militioribus Urbibus loquutus videatur; credereque quis debeat, aut Capuanos, lapso post Gothicum Bellum dimidio ferè sæculo, suam adhuc Urbem muris destitutam tulisse, aut accedentibus vix Longobardis se victos, servosque statim dedidisse. Ut vero ea res sit, non equidem, nisi posterioris Ducis Arichis ævo, atque operâ Capuam Beneventano Ducatui accessisse nos fatebimur. Ante, vel post expeditionem Neapolitanam, quæ, uti ex S Gregorii Epistola, Indictionem x. præferente, anno dxcii. suscepta fuit, Capuam Campaniamque sibi Arichis subjecerit, incertum est: indubium verò illud, Arichim ea Urbe, ejusque Regione auctum Ducatum Successoribus reliquisse. Grimoaldus Dux quintus, qui post Ajonem, Radoaldumque solo sexennii necdum integro intervallo Arichi successit, Trasemundum Comitem Capuanum, domo utique Longobardum, Beneventanique Ducis beneficio, nutuque eâ Præfecturâ fungentem, ad occupandum Longobardicum Regnum sibi adhibuit, nam per Spolegium, & Tusciam direxit, ut per eas Regiones Longobardos suo consortio cooptaret; qui imperata sibi strenuè perficiens, ei cum multis adiutoribus apud Æmiliam in itinere occurrit. Sub eodem Grimoaldo jam Rege Longobardorum, Romualdoque ejus filio Beneventanorum Duce, Mittulam quoque scimus Capuanum Comitem, qui Imp. Constantis à Beneventanæ Urbis obsidione recedentis exercitum vehementer attrivit (1): qui quidem Mittula in Trasemundi locum suffectus videtur, nam Trasemundum optime de se meritum Grimoaldus ad Spoletanum Ducatum evexerat (2): sed ante Trasemundum fuisse Capuæ Comitem Audualtum, qui primus omnium eo munere insignitus fuit, non levem conjecturam præbet vetustus sepulchralis lapis Capuæ servatus, ac inter Peregrinii opera nuper editus, non Longobardicis, sed Romano-barbaris, pluribusque literarum inter se nexibus expressis characteribus inscriptus, ita legendus: ROGO VOS OMES, QUI LEGITE TUMULUM ISTUM ROGATE DEUM PRO AUDOALT ILLUSTRIS QUI FUIT NATUS EX GENERE DE AUDOALT PRIMUS COMES CAPUE (3).

Atque ex his discimus, qualis, amplificatis Beneventani Ducatus finibus, in eodem regendo atque administrando Beneventanorum Ducum πολιτεια simul haberi cœperit. Majoribus Urbibus Comites, minoribus Gastaldos præficiebant. Quos initio Comites Capua suæ Regionis Caput accepit, eos postmodum Gastaldos appellatos vetusta monumenta testantur (4). Quod cur factum sit, mox dicemus; non enim putare quis debeat duplici eo vocabulo unum idemque munus fuisse demonstratum; quum plenè constet ea vocabuli diversitate, muneris etiam discrimen designatum. Id primum ipsi docent Beneventani Du-

ALTER

C

CES

nacola lingua conscripta, cui *Apparato alle Antichità di Capua*, titulum fecit: immo hæc etiam de re factum putat, ut Longobardis rerum potitis, ac Beneventum Ducatus sui sedem habentibus, qui quid Capuana Urbs subacta inter insigniores, celebrataque res jactare olim sceleret, Beneventanum, adscito ex dominantis Urbis nomine, epitheto, dici cœptum sit. Audi illum disc. iiii. pag. 564. sic loquentem. *Quel forse potrebbe applicarsi quel, che si legge in uno de medesimi Glistarij publicati da Enrico ste ano, di una tal sorte di Pelli Babiloniche. Baduasensi di Appartos vidios; latinamente con un sol vo cabolo dette, Beneventanum, dal profumarsi in Babilonia nello stesso modo, che si usava nella Regione. e nel Ducato di Benevento, che fu istituito da Longobardi, in cui Capua, e i luoghi della Campania fra terra furono poi compresi; postciachè disfusi, il nome di questa Regione, divenne celebre quel nuovo. Scilicet Beneventanum: Cur verò fieri potuit, ut si iis mercibus Campania insignis esset, ejus Regionis desuiceret nomen, à qua Campaniam Beneventum ipsam ad seculum usque vit. effectificalibi voluit Peregrinius? Tanti autem res ista Peregrinio visa est, ut ex ratione Capuæ suæ vindicandam existimaret. At ex istis, aliisque id genus artificijs, quibus Beneventanorum industria præficus Scriptioribus commendatur, quale, quantumque per mediam ætatem ejus Gentis fuerit decus, discere non hujus est loci, temporisque. Satis vero de hisce Pellibus Peregrinio memoratis Cangianum Glossarium adisse sit, ubi eodem vocabulo sic legitur. BENEVENTANUM. Pelli species, ita appellata à Benevento Urbe Italiane.*

Gloss. Lat. Græc. Beneventanum Βαβυλωνίαν Αρρατος vidios. Glossæ Hîdori. Flaminium Babilonicum. Le Roman de Bertrand du Guesclin.

Es getta au sur lui un drap de Bonniuent.

Hæc Cangius.

(1) Paul. Diac. lib. iv. cap. 53.

(2) Idem lib. v. cap. 16.

(3) Tom. i. pag. 95. edit. Neap. ann. 1751. Contra ejus lapidis fidem, cujus ipse ecypon exhibet, editor de suo ingenio addit: PRO ANIMA ADUALT: oscitantius verò pro AUDOALT, semel, atque iterum ibidem inscripto, bis etiam ipse ADUALT scribere maluit. Ex literarum forma, earumque frequentibus nexibus arguere licebit lapidis ætatem, quæ sæculo x. posterior videtur, quando ea scribendi forma in more esse cœpit. Specimen habimus lapidum consimilium Beneventi extantium in sequenti Dissert. ii. cap. v.

(4) Charta Tabularii Cassinen. apud Petrum Diaco-nam num. 180. scribitur data anno 11. Sicard. Benev. Princ. Ind. xi. Mense Olibri cum consensu Radelgari Capue Gass. idest anno 833. Chronicon Comitum Capuæ inter Opp. Peregr. tom. i. pag. 146. sic orditur. Landulph Maticu Fil. Pald Gass. Capue. A Sicone Benev. (Principe) Gass. (Gastaldus) factus est, & paulo post: Gastaldos Radelgar & Agvenardu &c. Olfienfis Agenardum, & Landulfum Capuanos Gastaldos vocat Chr. Gass. lib. 1. cap. 23. & 24. De eodem Landulfo Erchempertus num. xv. Eodem tempore Landulphus Capue præerat Gastaldus &c.

ces, Principesque, qui in suis Chartis, quas passim legere est in Chronicis, Sanfophiano, Vulturneo, Casauriensi, hanc solemnem formulam adhibebant: *Si quis ex nostris Comitibus, Gastaldis &c.*: docet etiam insignis locus S. Gregorii M. in Epistola ad Sabinianum Diaconum nam *Si ego*, inquit Pontifex, *in morte Longobardorum miseri voluissem, hodie Longobardorum gens nec Regem, nec Duces, nec Comites haberet* (1). Quæ duo loca si nosset Peregrinius, animadvertissetque Berettius, prior non ex altero Gregorio Turonensi, atque è Francis Comitum Longobardorum morem tam longe repetisset (2); alter verò eisdem Comites apud Longobardos *raro occurrentes* nullatenus dixisset (3). Frequentissimos certè, tum ipsi Longobardi Duces demonstrant, qui Comitibus suis, ne Diplomatis, sive Præceptis ab se datis contrairant, vetare solebant; frequentissimos etiam ab suo ævo, idest paullò post Longobardorum adventum, ac in Longobardorum medio positus, Gregorius ostendit, qui post Regem, ac Duces, non alios Longobardorum Magistratus agnoscit, quam solos Comites. Adde his Imperat. Ludovici II. Constitutionem promotionis *exercitus in partibus Beneventi sub Indictione XV.* idest anno dccclii. ab Ignoto Cassinenfi in sua Historiola recitatam, ubi Ludovicus opem Beneventanis ad arcendos Saracenos laturus, imperat, ut in habendo militum delectu nullum ab ea expeditione aut Comes, aut Gastaldus, vel ministri eorum excusatum velint (4).

An Comitum nomen Longobardi à Romanis hauserint, apud quos tum ante, tum maximè post Constantini ævum obtinuerat, itaut eandem (quemadmodum de Ducibus superiùs observavimus) quam in Romano Imperio invenissent dignitatem, dignitatique vocabulum retinuerint; vel potiùs è patriis Germaniæ moribus secum duxerint in Italiam, haud statuere promptum est. Tacitus sanè Germanorum Principibus Comites speciatim attribuit, subditque, *Gradus quàm etiam ipsum Comitatum habuisse iudicio ejus, quem sectabantur: Magnamque & Comitum emulationem, quibus primus apud Principem suum locus, & Principis, cui plurimi, & acerrimi Comites* (5). Sed hæc potius ad primam Comitum institutionem pertinent, quàm scilicet in Romana Aula (ad ejusque exemplum in Germania, alibi) delecti proceres Imperatoris, seu Principis lateri domi, militiæque adhererent. Quod subinde amplioris juris, potestatisque Comitibus accessit, novum Romanorum, inferiorisque ætatis institutum fuit. Malim igitur, non Romanum tantummodo vocabulum, sed eandem quoque apud Romanos tunc temporis invecram significationem sibi Longobardos adscivisse, ut scilicet Comites sui, non eam quidem Romanorum Comitum Classem, quæ in Officiis Palatinis, seu Domus Augustæ versabatur, sed eorum munus emularentur, quibus res militaris, Provinciæque administratio mandabatur, quorum exemplo ipsi quoque majoribus Urbibus, earumque circumjacenti Regioni tum juridicundo, tum militari potestate præessent; uti ex Comitibus, quos à Beneventanis Ducibus Capuæ constitutos jam novimus, præclarum habemus.

Comites sequebantur numero majores, sed inferiores dignitate Gastaldi: quos etiam Gastaldios, Gastaldeos, Gastaldiones barbaro æquè vocabulo appellavit Antiquitas, ut videas in ejus muneris vocabulo Longobardis patriam linguam servandam placuisse: nam à Saxo-nico *Gast*, & *Aldian*, seu *Aldius*, vel *Halden*, hoc est, *Hospitum*, sive *Hospitii Custos*, aut *Famulus* deductum censent Spelmannus, Amerbachius, ac Vossius: vel potiùs à *Gestellen*, hoc est *preponere, constituere*, ut Eccardus opinatur in notis ad Legem Salicam. Vossio non adfentitur Muratorius, illius ætiologiam aspernatus (6). Sed neque nos Muratorio adfentimur, arbitranti, in Beneventano Ducatu Gastaldios; & Comites sub duobus diversis nominibus idem fuisse (7). Repugnant planè omnia, quæ paullò ante de Comitibus observavimus: Sicubi verò qui Comes, idem ipse ejusdem loci Gastaldus vocatus occurrit, inde accidit, quod vel utrumque munus ab eodem exerceretur, vel qui olim Gastaldus, ob sui postea, aut loci meritum ad Comitem promotus, vel contrà ob culpam aliquam ex Comite ad Gastaldum redire coactus sit. Quod in Capuano Comitatu factum constat: nam qui ab ipso Ducatus

(1) Lib. iv. Ep. xlvii. ex edit. PP. S. Mauri.

(2) Dissert. iiii. pag. 221. tom. v.

(3) In Tabula Chorographica Sæc. vii. num. 24.

(4) Tom. i. Script. Ital. Muratorii pag. 265.

(5) De Moribus Germanorum pag. 441. ex edit. Plantiniana cum notis Lipsii: ex quo Taciti loco, ac Cæsaris altero, nostros Prælatos majorum Civitatum à Germani-

cis Comitibus Comites dictos censet Claverius *German. Antiq. lib. i. cap. 48.* At longe diversum illorum munus ex ipso Tacito ostenditur, nosque superiùs animadvertimus.

(6) Antiq. Med. Ævi Tom. i. Dissert. x. pag. 524.

(7) Ibid. pag. 528. lit. B. idemque affirmavit Tom. ii. Dissert. xxi. pag. 193.

Ducatus Beneventani exordio Comites fuere, jam Gastaldi esse iussi sunt, occasionem præbente Landulfi, Capuanorumque perfidia, qui Siconolphi partes adversus Principem Radelchum fovere ausi sunt; suetam veluti poenam fuetis suis moribus dignam reportantes, quam olim à Romanorum fide desciscientes ad Præfecturam redacti subierunt (1). Capuani autem sub Gastaldis dein fuerunt usque ad Atenulphum, qui (uti Erchempertus disertissime ait n. LXV.) *Gastaldatum Capuanum singulariter (idest ejectionis fratribus solus) suscipiens continuo se Comitem appellari iussit*, eadem scilicet ambitione, quâ demum Anno DCCCC. Principatum Beneventanum adeptus fuit. Atque Erchempertus certè, qui Gentis suæ res optimè novit, ceterisque & tempore & fide Scriptoribus præstat, summum inter Comites, Gastaldosque discrimen fuisse docet tum alibi sæpè, tum præsertim n. VIII. ubi sic loquitur: *Interea Radelchus Comes Confinus, & Sico Agerentinus Gastaldeus, quem Grimoalt (Princeps) dudum proselytum receperat . . . gladio eum peremerunt*. At in re satis manifesta non aliunde melius Muratorum refutabimus, quàm ex ipsius muneris explicata conditione.

Non Actores tantum, Procuratoresque *Curtium*, sive Villarum, Prædiorumque, sed mox singulis minoribus Urbibus Præfecti, jura populo sibi commissio Gastaldi reddebant, militumque statutum numerum alebant, ad Domini, sive Ducis nutum in Castra deducendum. De judiciali auctoritate testes sunt Leges Longobardicæ, Placitaque ipsa, quibus Gastaldi præsentiam, adprobationemque suam impartiebantur. Militarem potestatem ostendit memorata nobis superius Imp. Ludovici Constitutio: ampliùs verò Anastasii testimonium, qui Gregorii II. tempore Cumanum Castrum à Longobardis occupatum narrat, sed paullo post à Neapolitanis recuperatum, qui *Longobardos penè trecentos cum eorum Gastaldione interfecerunt* (2). Quare & illud à Rege Rothari in Lege XXIV. cautum fuit. *Si Gastaldius exercitalem (idest militem) suum contra rationem molestaverit, Dux eum solatiet*, idest ab injuria relevet: Ex qua lege mirari certè subit, cur idem Muratorius, qui Gastaldios ad Comitum dignitatem, nomine tantum distinctam extollebat, jam ipsis Gastaldiis longè diversum, inferiusque munus, quàm quod Lex ipsa præclarissimis verbis adscribit,tribuendum voluerit, sic ajens: *ex Rotharis Lege XXIV. constat Gastaldeos quoque ad militiam adhibitos, in eo nempe munere, quod olim gessere Procuratores, Rationales &c. & nunc i Commessarij di Guerra* (3). Nihil ineptius, vel solà Rotharis Lege redarguente, dici poterit. Sed ut rei summam attingamus, Gastaldos in Beneventano Ducatu, tum nomine, tum munere, tum dignitate à Comitibus omnino distinctos agnoscemus, ac satis tutò affirmamus; quippe qui post Comites, civilem militaremque potestatem, angustioribus sanè finibus sibi à proprio Duce temporariè attributam obtinuerint.

Singulare autem, singularibusque ex causis profectum cenferi debet, Alzeconis, sive Alzezi Bulgarorum olim Ducis exemplum, cui Dux Romualdus Regis Grimoaldi filius plures, atque insignes concessit Urbes, Gastaldi nomine possidendas. Ea de re Paulum Diaconom audire præstat. Per hæc tempora Bulgarorum Dux Alzecon nomine, incertum quam ob causam, à sua Gente digressus, Italiam pacificè introiens cum omni sui ducatus exercitu, ad Regem Grimoaldum venit, ei se servitutum, atque in ejus Patria habitaturum promittens: *Quem ille ad Romualdum filium suum Beneventum dirigens, ut ei cum suo populo loca ad habitandum concedere deberet, precepit: Quos Romualdus gratanter excipiens, eisdem spatiosa ad habitandum loca, quæ usque ad illud tempus deserta erant, contribuit, scilicet Sepinum, Bovianum, & Iferniam, & alias cum suis territoriis Civitates, ipsumque Alzeconem, mutato dignitatis nomine de Duce Gastaldium vocitari precepit: Qui usquehodie in hiis, ut diximus, locis habitantes, quanquam & latine loquantur, lingue tamen propria usum minime amiservit* (4). Ha-

ALTER

C 2

bes

(1) Vellejus Patere. lib. II. cap. 44. Livius lib. XXVI. cap. 6. Porro quod ad Capuam Longobardis subditam attinet, Landulfum, qui ei Urbis præerat Gastaldus, improbis sanè moribus imbutum describit Erchempertus num. XV. qui etiam num. XX. Capuanorum perfidiam aperit, ac fallaciam narrat.

(2) Anastasius in Vit. Gregorii II. Tom. III. part. I. Scriptor. Ital. pag. 155.

(3) In nota 25. ad Irem XV. ejusdem Regis Rotharis Tom. I. part. II. Scriptor. Ital. pag. 19.

(4) De Gest. Long. lib. V. cap. XXIX. Paullo consentit Ignotus Cassinensis, qui num. III. sic brevi rudique sti-

lo habet: *Alzeconus Bulgarus cum hominibus ad habitandum suscipitur*. Auctor verò Historiæ Miscellæ, quam nos alibi eidem Paullo adjudicavimus, à Paullo diversus, Ducis nomen silens, sed discessus è patrio solo causam aperiens, eum nequaquam Beneventum accessisse, sed in Pentapoli cum suis constitisse affirmat: *haud procul ab Urbe Ravenna in Pentapolim veniens, sub Christianorum Imperio factus est*. Sed hæc quæ in ejusdem Historiæ libro XIX. leguntur, non habent Paulum auctorem, qui ad lib. XVI. scribere desit, nec ultra Longobardorum adventum opus produxit, à Landulpho dein Sagaci, sive quovis alio continuatum, cui cer-

bes quidem Alzeconem plurium Urbium, amplissimæque Regionis constitutum Gastaldum; at si rectè animadvertas, habes potius à Duce Romualdo in eam *desertam* Ducatus Beneventani regionem, tum indigenis, tum Longobardis habitatoribus destitutam, deductas veluti Bulgarorum ad se advenientium Colonias, quibus eorum locorum frequentia instauraretur: permittendum igitur fuit, ut peregrina gens suis legibus, sua lingua, suoque Duce uteretur, ut paulatim ad Beneventanorum, seu Longobardorum imperium, morefque assuesceret; ut verò se subditam sciret, probaretque, abjudicandus Alzeroni Ducis titulus fuit, ne pari, ac communi dignitatis vocabulo supremum Dominum æmulari videretur; denegandus autem, veluti ambitiosior inter ipsos Longobardos Comitibus titulus; solus denique Gastaldi permissus, quo manifesta obsequentioris subjectionis nota contineretur. An verò Urbes illas cum adjacentibus locis Dux Romualdus perpetuò, atque in Feudum, vel solius Gastaldatus jure, idest temporariè, precario, & quasi *Astoris* loco, uti Cujacius censuit, Alzeconi tradiderit, opportuniore loco videbimus, quum scilicet de Longobardorum Legibus disseremus, à quibus Feudorum Jus originem habuisse demonstrabimus.

Interim quum de Longobardorum Comitibus, Gastaldisque egimus, nihil ab instituto argumento divertisse videbimur; nam cum ipsis Beneventani Ducatus incrementis explicari simul debuit, quæ in eo administrando servari coepit fuit regiminis forma. Alzeconis autem exemplum ad ipsum omnino rei caput pertinebat, ut scilicet eo facto jamjam ex ea parte, qua digressi fuimus, ad succrescentes Ducatus fines persequendos rediremus. Itaque ex Alzeconis Gastaldatu, seu è veteri Samnio ad finitimas Regionis Marrucinarum qui sub Samnitibus olim fuerunt, sive ad Theatensium, quas Erchempertus vocat *tellures* progrediemur: Has Beneventanis Ducibus subditas laudatus prodit Erchempertus isdem verbis, quibus amissas narrat n. v.; nam flagrante bello inter Pippinum Caroli Magni filium,

te præferendus est Paulus, rem ipsam meliori fide, stiloque accuratius prosecutus. Sed hæc levia. Animadvertens multa dignum illud est, quod de ipsis Bulgariis in Beneventano Ducatu, Urbibusque sibi olim concessis, ad suam usque ætatem propagatis addidit, ut *quantum latine loquerentur, lingue tamen propriæ usum adhuc servarent*. Quid latine lingue nomine intellexerit Paulus, diù, à multisque questum est, ac variè explicatum. Peregrinus, eumque sectatus Horatius Blancus nota 120. ad Pauli locum, ita explicant, *at fuit communis, popularisque italicus sermo, nam sic loqui latine, apud Dantem Aligherium, Petrarcam, & Boccacium dicti sunt, qui baud prisca, & latini, sed usurpata nunc nobis Italici lingua utebantur*. O. to etiam Frisingensis lib. 11. cap. 13. eadem verbi usus est acceptio, quum Longobardos Italos ab Latini sermonis elegantia laudat. In eandem sententiam abire videtur Muratorius in Dissert. de Origine lingue Italice tom. 11. Antiqu. Med. Ævi pag. 1016. qui latinam linguam à Paulo Diacono memoratam, eam ipsam fuisse arbitrat, quæ à Populis Apuliæ tunc usurpabatur, utique à prisca latina omnino diversam: At nemo hætenus ostendit, nec ullus unquam ostendere poterit, Apulorum, seu potius Italicorum populorum linguam, aliam tunc fuisse, quam priscam latinam; Itaque magis probaverim, quæ de hoc argumento ex instituto agens tradit Cl. Fontaninus in Opere Della eloquenza Italiana pag. 200. edit. Rom., cujus inter alia hæc sunt verba: *Il Murzio nelle Battaglie s' involupa in equivoci in rispondere al Varchi, supponendo ancor' egli, che Dante per la lingua volgare degli antichi, e de' susseguenti latini intendeva la nostra volgare Italiana, quando egli intende la naturale del volgo, e senza regole, cioè diversa dalla più culta, ed appresa con regole, la quale usavasi nello scrivere, nè era comune agli indotti*. Gasparo Berti è pure di tale sentimento, e dopo Dante il furono Lorenzo Valla contra il Poggio, e Francesco Fido contra Leonardo Aretino, che preserra la lingua del volgo latino antico per la nostra volgare Italiana. Il Bembo stesso nella Prose ragiona di queste due lingue, che sono la Latina Grammaticale con regole, e quella del Volgo senza regole; la qual se-

conda lingua e' isa, che da Ercole Strozzi si pigli per la nostra volgare Italiana, dovendo pigliarsi per la lingua latina del volgo degli antichi latini, e de' susseguenti, ma senza regole, e non già per la lingua nostra volgare Italiana; dell' origine, e dell' accrescimento della quale si è trattato nel libro antecedente: di questa lingua latina senza regole, già propria, e comune al volgo de' secoli antichi tratta il Cittadini nel suo Procello, adducendo molte Iserizioni lapidarie in tal lingua senza regole di Grammatica, e molte altre se ne portano dal Grutero, dal Reinesio, dal Fabretto, ed alcune da me ancora nel Commentario del Disco Voivoo. Nihil verius dicti, nihil manifestius haberi potest, dum ante sæculum XIII. ipso teste, ac iudice Muratorio, usurpatam nunc nostris Italici linguam querere frustra est; inanis verò ipso sæculo XIII. quo Paulus Diaconus scribebat. Non igitur, nisi ipsam latini primævam linguam Paulus intellexit, sine grammaticis quidem regulis, multis etiam barbaris vocabulis ex externarum nationum alluvie, præsertim verò diuturno Longobardorum dominio corruptam, sed tamen latini, quæ in vulgi ore ad sæculum XIII. perseveravit. Nisi enim latinam linguam in Italorum usu usque ad recentis Italice originem admiserimus propriam, atque vernaculam, à majoribus nempe suis derivatam, nullam Italici tunc linguam fateamur oportet, quæ se homines esse ostenderent; vel absurdum illud consequeretur, isdem linguis statim loquutos, quas secum barbaræ quæque gentes suo adventu in Italiam invexerunt. Bulgari igitur patriam linguam servantes, dum in Beneventano Ducatu confederat, latine usum, quæ apud indigenas obtinebat, didicerunt. Didicisse etiam post eorum adventum Longobardi debuerunt, quos quum Frisingensis sua ætate, idest sæculo XIII. à latini sermonis elegantia laudat, verè, ac propriè antiquæ latini lingue usum habuisse dicendum est; jam enim ad id ævi plura effluerunt sæcula, quibus ipsi patriæ lingue oblii, unam ipsam antiquam latinam Italici communem profitebantur; eleganter verò non præ veteri ipsius lingue dignitate, sed præ illorum temporum ratione loquutos dicemus.

lium, ac Grimoaldum II. Principis Arichis II. filium, tellures Theatensium, & Urbes tum à Beneventanorum dominio subtrahita sunt. Has autem universim Regiones jam olim ab eodem, de quo superius loqui coepimus, Duce Arichi I. Beneventano Ducatui additas omnino credas. Atque ipsum quidem Arichim non solum, uti probavimus, Campaniam penè omnem, universaſque Samnii Regiones ad Hadriaticum ulque mare, Spoletanique Ducatus terminos, verum etiam ex altero Beneventani Ducatus veluti latere longius ad Apulos, & Brutios ulque, imperium suum provexisse constat. De Apulia certiores nos reddidit Ajonis factum, qui ejusdem Arichis Filius, & Successor, Sclavos, qui cum multitudine navium venientes ad Sipontum castra posuerunt, inconsulto aggressus, necemque ab iis passus, vix ad sesquiannum Ducatum tenuit (1). Sclavos igitur si ab occupanda Siponto prohibendos (uti mox successor Rodoaldus feliciore successu propulſavit) Ajo sibi duxit, ea certe Urbs cum sua Regione ad Beneventanum Ducatum pertinebat, jampridem ab Arichi subacta. Sed ad Brutios ut progrediamur, fidelissimum Ducem habemus S. Gregorium Magnum: Extat ejus Pontificis Epistola ad eundem Arichim; à quo flagitat, uti aliquantulas trabes instaurandis SS. Petri, & Paulli Ecclesiis necessarias, ex partibus Brittiorum ad mare, quo Romam traicerentur, convehendas curet: *Gloriam vestram paterna charitate petimus, ut Actionarios vestris, qui in loco sunt, depuſetis, ut homines, qui sub eis sunt, cum bobus suis transmittere debeant* (2). De hac Gregorii ad Arichim Epistola iterum, atque uberius in sequenti Dissertatione dicemus; etenim Gregorius, qui Arichis conatus in Neapolitanam Urbem retundendos olim satagebat, ejus postea expertus virtutem, ac religionem, amplificatum dominium non æquè tantum ferre, sed etiam adprobare visus fuit. Interim quos in ea Epistola Actionarios vocat Gregorius, eosdem ac Gastaldos intelligemus, ex primæva tamen ejus nominis significatione, munerisque olim conditione; dum, verò Gastaldis in ipso Ducatu Beneventano major attribui potestas cepta fuit, ut superius observavimus, alio vocabulo usus est Gregorius ad præsentem rem tum accommodata: Sive vero per Gastaldos, sive per Actionarios Brittiorum (uti tunc Brutii dicebantur) regionem administrabat Arichis, illud æquè certum consequitur, ad Beneventani Ducis dominium Brutiorum pertinuisse Regionem.

Ut igitur rem omnem hæcenus pertractatam in summam contrahamus, jam ab anno dxcj. quo Arichis Beneventanum Ducatum auspicatus fuit, ipsius quidem operâ, sed vario tempore factum est, ut qui sub Zottone primo Duce solâ Urbe Benevento, ejusque circumjacente territorio Ducatus continebatur, mox Samnites universos, Campanos penè omnes, Apulos, atque Brutios subditos sibi adjectos habuerit: Neque mirum videri debet, tam longè latèſque Beneventani Ducatus fines ab Arichi I. prolatos fuisse, qui militari virtute imprimis præditus, diutissimo etiam tempore Ducatu potitus fuit, quem ad annos ulque quinquaginta administravit; Vir certè amplificandæ Reip. studiosissimus, cujus rationes sanguinis necessitudini singulari quidem exemplo adeò antetulit, ut præ Ajone filio, quem minus idoneum nosset, Rodoaldum, & Grimoaldum advenas Longobardos, fortissimos, nobilissimosque, sibi Successores designarit: uti suo loco dicendum erit.

Post Ducem Arichim I., non aliam invenio factam Beneventano Ducatui accessionem ulque ad memoratum superius Romualdum I. Grimoaldi Ducis, dein Regis filium, ac Ducatus Successorem. Satis amplum, pluribusque ex Provinciis jam in ingentem molem promotum Ducatum Arichis reliquerat, cujus à præteritis vastitatibus frequentiam, cultumque instaurari, fines verò à Græcis, amissum dominium haud æquè, neque diù tolerantis, incolumes tueri satius videbatur. Postea verò quàm profligatis Græcorum copiis, ab Imp. Constante ad Beneventanæ Urbis, ejusque Ducatus everſionem Anno dclxix. ductis, nullus deinceps à Græcis metus fuit, Romualdus Dux, rerum suarum felicitate rectè usus, subigendam sibi duxit reliquam illam Regionem, quæ Constantinopolitano Imperio adhuc subdita, superiore, seu sinistro extremæ Italiæ cornu, Hadriatico, seu Supero mari alluebatur; nam quæ in inferiore cornu Siciliam respiciente, atque ad Mare Thyrrænum, seu inferum procumbente, Brutios, Lucanosque complectebatur, jam ab prioris Arichis tempore Beneventanis Ducibus suberat. Quare Romualdus congregata exercitus multitudine, Tarentum expugnavit, & cepit; parique modo Brundisium, & omnem illam, quæ in circuitu est, latissimam regionem suæ ditioni subjugarit (3).

Si

(1) Paul. Diac. lib. iv. cap. xlvi.

(2) Lib. xii. Ep. xxi. al. xiv.

(3) Paul. Diac. lib. vi. cap. i.

Si Constantino Porphyrogenito, 'cujus verba initio recitavimus, fides aliqua esse debet, duæ duntaxat Urbes in universa ea Regione à Romualdo subacta, reliquæ Græco Imperio permanerunt, *Hydruntum*, & *Gallipolis*, quibus Urbibus hinc inde positis cornu illud Italicum in mare definire incipit. De Hydrunto (quam Odrontum, Ydruntem, & Otrantnam Urbem sequior ætas scripsit) dubiam adhuc rem efficit Pontifex Paullus I.; qui ad Pippinum scribit, Ducem Beneventanum, advenientis Regis Desiderii iram declinantem, fugam arripuisse in Otrantnam Civitatem; & dum diu immineret Desiderius, ut ex ipsa sua Civitate exire eundem Ducem suaderet, & nequaquam suam in eo adimplens voluntatem, constituit Ducem alium in eodem Beneventano Ducatu nomine *Argis*, idest Arichim (1) Pontificem Paullum minimè discrepare à Porphyrogenneta censet Peregrinius, propterea quod nullum securius Beneventano Duci perflugium quæri potuisse opinetur, quàm Græcam Urbem, eo loco adhuc positam, unde in Græciam transfretare promptum esset (2): At Pontifex Otrantina Civitatis dominum præclare agnoscit Beneventanum Ducem, cui, ut ex ipsa sua Civitate exiret, suadere Desiderius nullatenus potuit. Sed de Urbe ista nec Peregrinio, nec ipsi Augusto Porphyrogenito litem faciemus, cui extremam illam Regiunculam libenter dimittimus, immo, & alteram in inferiore cornu post Urbis Cosentinae fines positam, quam is majore negligentia, quàm damno præterit: quorum tamen vice is reliquam Regionem, aliasque præterea Cistiberina Italiae Regionem, excepta Neapoli, Cajeta, Surrento, & Amalphe, Longobardia nomine tum præclare, tum libenter appellavit; qua quidem appellatione amplissimam, juribusque suis jam confirmatam Beneventani Ducatus ditionem testari, comprobareque non recusavit (3).

Itaque, si Urbes paucas litorales à Porphyrogenito recensitas excipias, habemus jam universam Cistiberinam Italiam, à Campania ad fretum Siculum sive Brutios procurentem, ac supero, inferoque mari interclusam, lapso vix sæculo ab Beneventani Ducatus institutione in ejusdem imperium pervenisse: itaut utrumque mare, veluti impenetrabilis naturæ terminus, non tam illius, quæ sequerentur, incrementa coercere, quam fines statuisse videretur: A' Supero autem mari, quæ intimus Hadriae sinus exoritur, Piscariae Fluvius, Oppidumque, ab infero vero Cajetae Castrum retrocedentis Ducatus fines excipiebant. Sed quæ parte Ducatus ipse è sua Campania veteri Latio, alteri scilicet Campaniæ conjungebatur, quæ sequiori ævo Romana dicta est, adhuc prolatis Beneventani Ducatus fines invenire nunc erit.

Satis celebris variâ Eruditorum interpretatione illius Epistolæ locus est, quam Pontifex Gregorius II. ad Imp. Leonem Iconomicum scripsit. *Scis* (inquit ad Leonem Gregorius) *Romam Imperium tuum ulcisci non posse, nisi forte solam Urbem propter adjacens illi mare, & navigia; sed si ad quatuor, & viginta studia Roma fuerit egressus Papa, nihil tuas minas extimescit* (4). De Coemeteriorum latebris, in quas se abderet, loquutum Pontificem opinati sunt docti Viri, quos merito redarguit Nicolaus Alemannus (5), ratus ipse multo verius, Beneventani Ducis præsidium iis verbis indigitatum, à quo vix Romanis moenibus egressus Pontifex validissimam opem fuisset experturus. Sed Beneventani Ducatus fines tam proximè Urbem Romam attingentes non tulit Peregrinius, arbitratus brevissimum illud quatuor, & viginti studiorum, sive trium milliarii spatium non à Romæ moenibus; sed à Ro-

(1) Inter Epistolas Pontificias Codicis Carolini ordine xv. tom. xii. part. ii. Scriptor. Ital. pag. 122.

(2) Dissert. viii. tom. v. pag. 259.

(3) De Administr. Imp. cap. xxvii. cui capiti hunc titulum fecit. *De Longobardia Themate, ejusque Principatibus, & Ducatibus*. Rursus idem Porphyrogenitus in de Thematibus lib. ii. undecimum Thema Longobardiam appellat, de qua hæc inter alia habet: *Æfri, idest Saraceni, trajecerunt in Longobardiam, ubi Castra Baris obfesso immorati sunt, omnibus Castellis expugnatis cum universa Longobardia, ac reliquis Calabriae oppidis Romam usque*. Fuit quidem Græcis in more ita appellare Ducatus Beneventani partem, & præsertim Apuliam, quæquam à Longobardis ablatam aliquando sub Græci Augusti ditione administrant. Sic Symbarcius Patricius; qui anno 891. Beneventum occupavit, ibique sedem suam locavit, *Stratagus Macedonia, Thracia, Cephalonia, atque Longobardia* appel-

latur ab Olfensi lib. i. cap. 49. Georgius, sive Gregorius ejus successor eandem appellationem servavit in suo Diplomate apud Johannem Monachum, & Chronographum Vulturnensem tom. i. part. ii. Scriptor. Ital. pag. 413. cui hoc præstat exordium. *Ego Georgius Patricius, Imperialis Prothospatarius, & Strategus Cephaloniae, atque Longobardia: Cum residerem in Dei nomine intus Palatio Beneventi &c.* Cæterum cistiberina hæc Longobardia à Scriptoribus minor vocari solebat, ut à Longobardia majore discriminaretur, ubi scilicet Regia Longobardorum sedes habebatur; de qua Longobardia videlicet Cl. Muratorius in Dissert. *De Regno Italiae ejusque finibus*. Tom. i. Antiq. Med. Ævi pag. 70. & seq.

(4) Epist. i. ad Leonem Imp. apud Baronium ad Annum 729.

(5) De Patriet. Lateran. cap. xv.

à Romanæ ditionis finibus dimetiendum videri. Manifestis Gregorii verbis contraria profecto Peregrinii interpretatio est; Alemanni verò sententiam ita probaverim, ut Pontifex non Longobardici Ducatus territorium, sed ipsos Longobardos intellexerit, qui è suis finibus non longe alioqui positis, in Romana ditione, atque ipso suburbano agro cum militibus suis versari consuebant: Præsto itaque Gregorio erat, vix Româ dilapso, in Longobardorum manus sese committere, quorum satis validis viribus, fideque sibi probata adversus hostiles impiissimi Leonis conatus certissimam tutelam sibi compararet. Ceterum paucis ante Gregorium ipsum annis, idest anno dccii. Pontificatum Joanne VI. gerente, Gisulphus (uti Anastasius narrat) *Dux Gentis Longobardorum Beneventi, cum in omni sua virtute in Campaniam (Romanam) veniret, incendia, & depredationes multas exerceret, cumque Captivos non paucos cepisset, & usque ad locum, qui Horrea dicitur, fossatum fecisset, nullusque extitisset, qui ei potuisset resistere, denominatus Pontifex (Joannes VI.) missis Sacerdotibus cum Apostolicis donariis, universos Captivos de eorum manibus redemit, & illum cum suo stolo ad propria repedere fecit* (1): non igitur quatuor, & viginti stadiis, sive tribus passuum millibus Romam attingebat Beneventanus Ducatus, quem Gisulfus paullo antè in Romanam Campaniam proferre conatus, atque ad Horream usque, xl. circiter ab Urbe lapide progressus, Joannis quidem Pontificis opera ad propria repedavit; idest intra suos pristinos fines iterum se recepit.

Fines autem ipsos ex eadem Campaniæ parte idemipse Gisulphus jampridem adauxerat, Aturâ, Arpino, atque Arce Romanorum Urbibus in suam potestatem redactis. Testem ejus rei habemus Paulum Diaconum. *Hac atate (inquit) Gisulfus Beneventanorum, Ducor Suram Romanorum Civitatem, Hirpinos, atque Arcem pari modo oppida cepit* (2): Quæ sanè res novæ excursioni ab Anastasio narratæ, ab eodemque Paullo subinde commemoratæ occasionem fecisse debuit: Siquidem ex felici prioris expeditionis successu animos sibi addens Gisulphus, longius progredi, Ducatusque sui fines in Romanam Regionem proferre vehementius conabatur: At rem ipsam iterum molitus, validissimum omnium propugnaculum, sibi oppositum expertus est, debitam Apostolicæ Sedi reverentiam. Gisulphus enim, quum nullus extitisset, qui ei potuisset resistere, solâ Pontificis voce à crepto destitit, suosque fines repetiit, Soram scilicet, Arpinumque, atque Arcem, quas paullo ante Urbes cum suis Territoriis in suam potestatem redegerat (3). Atque hi quidem Romanam Regionem versus perpetui deinceps fuere Beneventani Ducatus fines, quos eadem, quæ semel statuerat, Longobardorum Beneventanorum erga Romanos Pontifices studiosior in dies reverentia, ac Religio servavit. Hinc Pontificis Gregorii II. qui anno dccxiv. federe coepit, adversus Græcum Augustum ex Beneventani Ducis ope, quâ se tutum agebat, parata præsidia: hinc quoque ejusdem Ducis in Cassinensi Monasterio instaurando collata cum eodem Pontifice studia: Sed hæc sequenti Dissertationi, suo videlicet loco, pertractanda servamus.

Hæc

(1) Acta hæc an. dccii. censet Card. Baronius, nec ego (subiit Blancus ad Paul. Diac. not. III.) illius Chronologiam quoad hanc Gisulphi excursionem loco movere auctim ex continuata Anastasii narratione. Peregrinius autem anni numerum à Ducis Zottonis Epochâ repetens dum aliis reliquit hisce verbis in Dissert. IV. pag. 218. *Gisulfus Beneventanus Dux centesimo post anno ab Zottonis Soram usque &c. ad proxima oppida terminos sue Dynastiæ promovit; qui tempore Joannis Papæ cum omni sua virtute Campaniam venit &c.* En tibi tertiam à Peregrinio (cujus inconstantiam mireris) Beneventani Ducatus Epocham: Nam sive centesimum illum annum ad Zottonis initia, sive ad obitum reteras, dum Gisulphi excursio ad annum dccii. pertinet, jam in anno dccii. vel in anno dclxxxii. institutum Ducatum Peregrinius tibi præstabit. Quid, quod ipse excursionem Gisulphi, quàm sub Joanne VI. factam omnino constet, ad Joannis V. tempora retrahendam adhuc contenderit in Chronologia Duc. & Princ. Benev. tom. v. pag. 44. At de hac re jam antea diximus, dicemusque iterum, quum de Duce Gisulfo agendum erit.

(2) Vitiatæ apud Paulum horum nominum lectio medicinam attulit ad dictum annum dccii. Gardin. Ba.

ronius, domo Soranus, proindeque ejus Regionis præbè gnarus, ac pro Sura Soram, quo Hirpinos Arpinum, pro Arce Arcanum restituit, quod & præstitit Cuverius Ital. Antiq. lib. III. cap. 8. At quum apud Erchempertum num. XXI. xxv. & alibi, & apud Ignotum Cassinensem num. xxiii. constanti lectione Sura scripta legatur, veri quidem similis est, ita tunc eam Urbem appellatam, quàm postea Soram dixerunt, restituito Urbi nomine, quo antiquitus Livius, Plinius Strabo, ac Silius vocarunt.

(3) Urbem Soram Romanis ablatam (qui teste Livio lib. 7. eam olim Marco Fabio, & Ser. Sulpicio Cos. à Samnitibus abstulerunt) in Beneventanorum ditione deinceps constitisse præclare docet Erchempertus, qui d. num. XXI. Landoni filio Landulphi Capuani Gastaletis, sive Comitibus assignatam refert: ab Ademario dein occupatam, ac Widoni traditam subdit num. xxv., quod & Ignotus Cassinensis tradit num. xxiii. Sed & Beneventanus Princeps Radelchis in Beneventani Principatus divisione anno dcccli. (juxta Chronologiam Ostiensis lib. I. cap. 28.) Soranum Gastaletum inter alia Siconolpho concessit, uti ex ejus Capitulari num. ix.

Hæc igitur Beneventani Ducatus fuerunt incrementa; hæc tota illius quanta unquam maxima amplitudo; ad quam per suos veluti temporum gradus, locorumque accessiones provectum demonstravimus. Demonstratum autem breviori via, clarioresque methodo arbitror, quam ut ad quatuor Cœli plagas, sive ad *coelestis aspectus normam* per vices conversi Peregrinium quatuor Dissertationibus pervagantem sequamur. Quod vero ob oculos veluti positum à me fuit, uno adhuc oculorum ictu perspicendum dabit Chorographica ejusdem Ducatus Tabula, in qua ad ejusdem Peregrinii, ac Clarissimi Berettii diligentiam, diligentiorē fortasse operam meam, qua res ipsa omnino confecta haberetur, impensam reperies.

An demum Ducatus ipse (quod postremum Peregrinio fuit differendi argumentum) in antiquas Provincias fuerit tributus, res est supervacua operæ, quam, ne nobis præstita à Peregrinio dissimulasse videamur, leviter attingemus. Scio Paullum Diaconum in sua Italicarum Provinciarum descriptione, ubi ad Samnium, ejusque Uibes pervenit, *harum Provinciarum Caput* appellasse *diversissimam Beneventum*. Quare autem sic appellavit, quam non Italiæ universæ, sed solis Cistiberinis Provinciis suo ævo imperasse sciret, diu Viri docti, sed hæcenus frustra quæsiere; nos verò inferius explicabimus (1). Interim in Beneventano Ducatu, quod ad politicas rationes attinet, antiqua Provinciarum nomina, ac fines investigare omnino vetat nova illa Regiminis forma cum ipso Ducatu instituta, de qua superius loquuti sumus, ut scilicet per Comitatus, ac Gaustaldatus universam Dynastiam suam

(1) Univerſe Italiæ partitionem in XVIII. Provincias à Paulo factam, atque in *de Geſſ. Longob. lib. II. à cap. XIV. ad XXII.* explicatam, utpote veteribus Provinciarum diviſionibus non omnino reſpondentem. Viri docti plerique improbarunt, uti obſervat Cl. Blancus *not. 155.*, qui tamen ex frequenti Italicarum Provinciarum variatione, lacunaque illa penè inenſa, quæ libente Rom. Imperio Hiſtoriæ accidit, Paulo aſſentendum monet, *ejusdem Regionis homini*, adde etiam ſui ævi doctiſſimo, nobiliſſimoque, qui *viciniorem ſibi verum ſtatum noſſiſſe debuerat*. Hæc pro ipſius Italiæ generali deſcriptione à Paulo facta. Ad peculiarem Samnii, ſive Principatus Beneventani deſcriptionem quod attinet, perpetuus ille Pauli inſeſſator Peregrinius, quem aliàs Paullum non ſemel taxaffe veluti gloriatur, nec modo in re præſenti irreprobenſum dimittere exiſtimavit: Siquidem (inquit) ipſe Paullus lib. II. cap. II. ſive 20. quum decem & octo priſcas Italiæ Provincias deſcriberet, ac Samnium decimumquartum locum obtinere tradidit his verbis: Quartadecima Samnium intra Campaniam, & Mare Hadriaſionem, Apuliamque, à Piſcaria incipiens habetur; ſtatim ſubdiſcit: In hæc ſunt Urbes Theate, Auſidena, Hiſernia, & antiquitate conſumpta Samnium, à qua tota Provincia nominatur; & ipſa (editio Probenſiana, & eſt) harum Provinciarum Caput ditiffima Beneventum. Quibus verbis primum ſuper plures Provincias ex Longobardorum inſtitutione Urbium quum adſcribat Beneventana, ut qui dem eſt expeſitum; id de iis Provinciis ab eo ante enarratis caſi certè baud debet; ſed de præſatis tantum Urbibus Samnio aſſignatis; nomen enim Provincie, ut poſt dicam, tributum etiam quandoque ſingulis fuit Urbibus, agrum paulò ampliorem, atque oppida pluriſcula ſub ſe habentibus. Vide ugas, quas ipſummet paulò poſt Peregrinium puduit eſſiſſe. Quid enim? Paullus, qui de ſua ætate, ac de Italicis Provinciis ex inſtituto loquebatur, ita Peregrinio loquutus videtur, ut Samnii Urbes, Theate, Auſidenam, Hiſerniam, conſumptamque, ſive commentitiam Samnium, in ipſa Provincia Samnio in totidem Provincias progerminatas aſſereret; itaut ipſam ſummodo caput eſſe offenderet ditiffimam Beneventum. Sed pergentem Peregrinium audiamus: Nè forte quis dicat, quod plerique recentioribus placuiſſe video, Beneventanum Ducatum ſolum Provinciam Samnium complexum eſſe, eundemque incidere ab Oſienſi, & Ercheimpero locis pridem relatis appellari Provinciam Beneventi, vel abſolutè Beneventum: quem Ignotus

auſer fragmenti Hiſtoriæ Longobardorum, ut obſervabam, Samnium nuncupavit; eademque de cauſa Beneventanos Dynaſtas Samnium Duces paſſim diſſos; quos quidem minimè rejicerem expoſitiones, ni de priore ſententia pleniffimè jam conſtare. Quare Beneventani Dynaſte, ſe Samnium Duces appellare gauderent ſuperius diximus, ubi etiam de vocabuli Provincie ſignificatione actum eſt. Superèſt itaque, ut Paullum explicamus. Occaſionem Italiæ deſcribendi Paulo fecit Regis Alboini ingreſſus, qui à Venetiarum Provincia paulatim poſt captam Aquilejam Longobardicum Regnum prorexit, quod poſtea ſub ſequutis Regibus in univerſam penè Italiam cum ipſo Beneventano Ducatu ſeſe effudit. Igitur Paullus inter Italicæ Provincias Samnium XIV. loco enumerat, ac XV. Apuliam cum ſociata ſibi Calabria. Dum verò Samnium deſcribit, ejuſque Urbes, eodem tunc loco, tanquam naturali ſede Beneventum adnumerat, Samniticam & ipſam Urbem, ſed ipſam quoque appellat, *harum Provinciarum Caput ditiffimam Beneventum*. Abſurdum jam liquet fore illud, ſi Samniticarum tantum Urbium Caput Beneventum à Paulo appellatum explicemus. At falſus contrà videri Paullus poteſt, ſi Italicarum Provinciarum caput appellavit; nam præter Campaniam, Lucaniam, ſeu Britanniam, quibus ſextum, & octavum locum tribuit, præter etiam Apuliam Calabriamque, redè ſi noverat reliquas trans tiberim Provincias non ad Beneventanos Duces, ſed partim ad Spoletanos, maxime verò ad Reges ipſos Longobardicos pertinere. Sed animadvertendum erit, quâ ætate Paullus hæc ſcriberet; quando ſcilicet Longobardico Regno à Francis everſo, univerſa Longobardorum fortuna in Beneventanum Ducatum ſeſe collegerat; Ibi Arichis II. abſeſſo Ducis ſueto titulo, Principem ſe vocavit, conſtituitque; quo nomine, additis etiam Adelbergæ conjugiſ, Deſiderii poſtremi Regis filijſque iuribus, Longobardicum Regnum inſtauravit, interim vero inſignia, poteſtatemque ſupremam ſervare molitus fuit. Quid nì igitur Paullus, qui ſidem ſuam non ſine capitis diſcrimine erga Reges ſuos nunquam depoſuit, quique apud ipſum Arichim honeſtiſſimè ſuſcepſit, diu Beneventi verſatus eſt, non ſolam hanc prærogativam Benevento honoris cauſa detulit, verum etiam in Beneventanos Principes revera tranſlatum Longobardicum Regnum agnovit; ita ut quæ olim Ticinus fuerat, jam Italicarum Provinciarum Caput jure meritoque facta ſibi videretur ditiffima Beneventus?

suam distributam Beneventani Principes Comitibus Gastaldisque suis administrandam curarint. Manifesta res est; quam ex Beneventi Principis Radelchis Capitulare probare satis promptum est; nam is Principatum universum cum Siconolpho anno dcccli. partitus, *in parte vestra*, inquit, *sint ista Gastaldata, & loca integra cum omnibus habitatoribus suis, Tarantum, Latinianum, Cassanum, Cusentia, Lainus, Lucania*, (idest Pæstum olim Lucaniæ caput) *Consa, Montella, Rota, Salernum, Sarnum, Cimiterium* (idest Nola) *Furculum, Capua, Teanus, Sora, & medius Gastaldatus Acerentinus*. Quare vides dimidiam, vel ferè Principatus partem Tyrrheno mari adjacentem, atque antiquis Provinciis, Campaniâ, Lucaniâ, Brutiis contentam, nulla prorsus tum in recitato loco, tum in universo Capitulari dictarum Provinciarum mentione facta, in solos Gastaldatus (quo nomine velut celebriore etiam Comitatus intelligebantur) divisam, ac veluti minutim dissectam: Legas potiùs in eodem Capitulari memoratam Beneventanam Provinciam num. i. & xxiv. qua tamen appellatione universum Principatum, cujus Caput Beneventum erat, significatum ipse ostendit Radelchis, qui nullum foedus cum Saracenis, *qui in omni Provincia Beneventani Principatus sunt*, initurum se, spondet. Quemadmodum, quod ipsi Beneventani Duces se nonnunquam Samnitium Duces inscriberent, ipsaque Longobardorum, sive Beneventanorum Gens Samnitium nomine aliquando se appellare gauderet, non inde illud sequitur, quod antiqua saltem Samnii Provincia primævos suos fines adhuc servaret, vel quod universus Ducatus ipse (uti à plerisque stultissimè cogitatum est) solam Samnii Provinciam complecteretur; sed quod ipsi Duces, vel potius ipsa Gens ab eo nobilissimo Populo genus suum se ducere ostenderet; gloriata quidem, Samnites majores suos tum nomine, tum virtute redivivos æmulari, quorum olim præclarum inter egregia alia illud ab universa Antiquitate celebratum decus est, non ipsam quidem Romanam Urbem, sed quos Urbs imperii majestatisque suæ auctores, propagatoresque habebat, Romanos subjugasse.

ALTER

D

DISSER-




DISSERTATIO II.

De Religione Longobardorum.

CAPUT PRIMUM

Priores Longobardorum Labes speciatim recensentur: Mox sincera, ac constans Catholica Religionis Professio, Christianaeque Pietatis argumenta plurima ab iis praestita commemorantur.



Actis superiore Dissertatione cum Longobardorum origine, Beneventanisque Ducatus institutione suscepti quoque mei Operis fundamentis, verendum modo mihi erit, ne exordia ipsa rerum, quae mihi haecenus pertractandae fuerunt, parum feliciter processisse existimetur; ita ut nequitiam, quod felix faustum, fortunatumque sit, ejusdem Ducatus natali rite meritoque occinatur. Quod enim nullo alio, quam armorum jure, advenientes Longobardi Italiam Constantinopolitanis Augustis (priscis videlicet Dominis, qui etiam, expulsa ingentibus diuturni, acerrimique belli laboribus Gothorum tyrannide, Romano Imperio nuper restituerant) jam tum subditam, invadere ausi fuerint, sibi quidem demum subjecerint; neque insolens id, neque omnino invidiosum censei debet: quandoquidem nec diverso jure quamplures Principatus alios ab eodem Romano Imperio, sive Orbe per manifestam vim, atque injuriam avulsos, atque eodem ipso aëvo, vel posthac exortos, non solum adolevisse, verum etiam, tum longa temporum praescriptione, tum tacito populorum consensu, tum denique salutaris Reip. administratione, justam iniquè olim quaesitae dominationis causam, possessionemque sibi effecisse, nemo non affirmavit, ac libenter concessit. Deterior tamen Beneventani Ducatus causa fortasse videbitur, nam quem injusta armorum vis peperit, mox inaudita sacrilegi facinoris impietas alere coepit: quam enim detestabile, atque horrendum illud fuerit, primum omnium Ducem Zottonem, furem Longobardorum suorum cohorte stipatum, in Cassinense Monasterium irruentem intueri: Zottonis consilio, operaque (nam certa alioqui de Longobardis auctoribus res ipsa est) nefarium facinus vulgò tribuitur; ita ut Zottonem intueri jam liceat, nec loci Religione, nec incolentium Sanctimonia, nec praesentis Numinis majestate deterritum, omnia, quae asportari possent, in suam praedam ducere, reliqua igni devoranda tradere, indeque opima secum referentem spolia, ac veluti de prostrata Monasterii, Monachorumque sanctitate, triumphataque Christiana Religione, ac Pietate, Beneventum, Tyrannidis potius, quam Ducatus sui Sedem, laetabundum reverti (1).

Hæc non tam Gentis, quæ nullam nosset Religionem, quam Longobardicæ impietatis fuere primordia; quibus pares deinceps responderunt successus: Quid enim non audent

(1) Haud piget hanc Cassinensis Monasterii everfionem Cl. Mabillonii calamo descriptam, ac veluti depictam proferre ex Annal. Benedict. lib. vii. tom. i. p. 59. ubi annum dccc. sic oritur. Inscrutabili divinae Providentiæ judicio factum est, ut sacra Domus Cassinensis, quæ acceptissimi Deo patris Benedicti, sanctorumque ejus discipulorum opere, ac sudore edificata fuerat, impiis Longobardorum manibus vastata sit, ac penitus eversa. Quippe in ultiores Italiae partes progressu Zottone, ut perhibent, Duce truculenta cohors, humani sanguinis non minus avida, quam prædæ, nocte intempesta in sacrum montem involat, universa contaminat, diripit, evergit, & quod auferre, aut evertere non valet, igne flammisque corrumpit. Sic una dies, immò unus diei hora, quinquaginta annorum opus, quibus Cassius Monasterium steterat, excidio ac ruinis dedit. Sacrilegium, atque immane facinus spectandum dedit Mabillonius, à

quo tamen nulla Beneventi, dubia etiam, atque ex sola fama, ac traditione addita Zottonis mentio: & sane nihil vel de Benevento, vel de Zottone apud S. Gregorium M. occurrit, qui in Dial. lib. II. cap. 17. factum enarrans, Longobardorum gentem, & Longobardos duntaxat commemorat: Nihil denique habet Paulus Diaconus, qui in de Gest. Longob. lib. iv. cap. 18. Circa hæc tempora (inquit) Cenobium B. Benedicti patris, quod in Castro Cassino situm est, à Longobardis nostro invaditur; qui universa diripientes etc. Quidni igitur, non universi Longobardi, qui sub Zottone Duce Beneventi confederant, in illud facinus conspirasse censendi sunt; sed pauci aliquot (neque enim multorum vi opus erat, ut locus ille prædationi subiceretur) ex ea gente incertis adhuc laribus per eam regionem vagantes, non alio duce, quam avaritiâ, in ejusmodi scelus proruerint?

rent Longobardi, quos initio & morum barbaries, & delinquendi impunitas ad sanguinem, & prædam alacriores reddebat. Infandam illorum temporum infelicitatem, quibus Italiæ æque, ac Religioni interitus parabatur, avertere quidem satagebat Sanctissimus Pontifex Gregorius Magnus, ad quem tunc Rerum summa, lacrimantelque Italorum oculi converſi erant (1); at qui neque Sanctitatem Virtutibus inclytam revereri, neque auctoritatem viribus orbam timere ſcirent Longobardi, omnia in extremam prope perniciem adducturi, in populorum vitas, fortunaſque debacchari non deſinebant. Præſtat ejuſdem Gregorii gemitus audire potiùs, quam verba: *Efferat, inquit, Longobardorum gens de vagina ſue habitationis educta, in noſtram cervicem graſſata eſt; atque humanum Genus, quod in hac terra præ nimia multitudine, quaſi ſpiſſe ſegetis more ſuccreverat, ſucciſum aruit: nam depopulate Urbes, everſa Caſtra, concremata Eccleſie, deſtructa Monaſteria Virorum, ac Foeminarum, deſolata ab hominibus prædia; atque omni cultore deſtituta in ſolitudine vacat terra; nullus banc poſſeſſor inhabitat; occupaverunt beſtie loca, quæ prius multitudo hominum tenebat: & quid in aliis mundi partibus agatur, ignoro; nam in hac terra, in qua nos vivimus, finem ſuum mundus jam non nunciat, ſed oſtendit (2).* Has teterrimas Italiæ calamitates aſſiduo animi mœrore, frequenti quoque calamo deplorabat Gregorius; cujus illa ſunt ad Eulogium: *Quantum nos à Longobardorum gladiis in quotidiana noſtrorum Civium deprædatione, vel detruncatione, atque interitu patimur, narrare recuſamus, ne dum dolores noſtros loquimur, ex compaſſione, quam nobis impenditis, veſtros augeamus (3).* Alios doloribus ſuis lociare parcebat Gregorius, ne amicitia gravis quodammodo videretur; ſuæ vero non parcebat charitati, ut alienis ærumnis non ſolum ipſe ſpiritu, ſed corpore etiam afflicteretur, ingenti animi dolore in valetudinis perniciem redundante. *Quod multis ſcriptis veſtris minime reſpondi (inquit ad Joannem Epiſcopum) non hoc torpori meo, ſed languori deputate: quia peccatis meis facientibus, eo tempore, quo Ariulphus (Dux Longobardorum) ad Romanam Urbem veniens alios occidit, alios detruncavit, tanta mœſtitia affectus ſum, ut in cholicam moleſtiam caderem (4).*

ALTER

D 2

Aſper-

(1) In ſuperiori Diſſertatione Gregorium ex ejus ad Conſtantinam Auguſtam, & Imp. Phocam Epiſtolis audire inceperimus; quid id eandem Conſtantinam ſcribere pergit, reſerre hic libet: *Viginti & ſeptem annos ducimus; quod in hac Urbe inter Longobardorum gladiis vivimus; quibus quam multa hæc ab Eccleſia quotidianis diebus erogantur, ut inter eos vivere poſſimus, ſuggerenda non ſunt: ſed breviter indico, quia ſicut in Ravenna partibus Dominorum Pietas apud primum exercitum Italiæ Sacellarium habet, qui cauſis ſupervenientibus quotidianas expenſas faciat; ita & in hac Urbe in cauſis talibus eorum Sacellarius ego ſum; & tamen hæc Eccleſia, quæ uno eodemque tempore Clericis, Monaſteriiſ, Pauperibus, Populo, & inſuper Longobardis tam multa indefinenter expendit &c.* Ex qua quidem Epiſtola illud jam intelligimus, cur idem Gregorius in Ep. 31. al. 40. lib. 1. Joann. Ex. col. ſuæ ad Pontificatum electionis certior faciens, ſe Longobardorum Epiſcopum factum dixerit: *Sicut (inquit) peccata mea merebantur, non Romanorum, ſed Longobardorum Epiſcopus factus ſum, quorum Synibicæ (id eſt pacta, ſeu fœdera) Spæthe ſunt, & gratia poena . . . gemo quotidie occupationibus preſſus, & respirare non valeo.* Quemadmodum enim Clericos, Monaſteria, Pauperes pro ſuo Epiſcopali munere, ita pariter Longobardos circumpoſitos, alia tamen ratione, ut ſcilicet ad prædationibus, & cæditibus abſtinerent, alendi curam Gregorius ſuſceperat; itaut quoad eam quotidianam largitionem illorum quoque eſſe Epiſcopus videretur: ſicut in eundem ſenſum Longobardorum Sacellarium ſe in priore ad Conſtantinam Epiſtola appellavit; dum ſcilicet manus illud ſubire cogeretur, quo olim Quæſtores, & ærario Præſecti ſungebantur: hos enim Sacellarios vocavit ſequior ætas, vocabulo à Sacco, vel Sacculo deducto; dum Sacrum, ſeu Sacculum (unde Saccellus, Sacularius, & Sacellarius) pro marſupio, commune, loculis, & reconditorio, & reſepitorio nummorum.

uſurpant paſſim Jurifconſulti veteres apud Briſſonium, de V. S. v. Saccus. Non igitur ad Gregorii epiſtol. 34. libri xv. audiendus Binius, qui Sacellarium à Sacco deducens à Sacellario diſtinguit: promiſſe enim alterutrum vocabulum eadem uſurpatum ſignificatione invenitur. Cave verò, ne Sacellarium eodem ducas; criminoſum enim ejuſmodi vocabulum, eſſe eadem ex Sacculi, ſaccive voce derivatum, ſonare veteres voluerunt, eumque ſignificari, qui vetiſtis in Sacculis artes exercens partem in Sacculos ſubducit, partemque ſubtrahit, uti explicat Ulpianus in leg. 7. Dig. de Extr. Crim. Unde generatim pro Impoſitoribus Saccularii accipi ſolent, & ſpeciatim pro Peculatoribus accepit Aſconius Pedianus in Catilin.; nunquam vero, ut monui, pro indicando Sacellarii munere; uti à Græciſ poſterioris ævi factum falſo cenſuit Voſſius in Sacculi Etymologia, quo loco Præſectum Sacculis, ſive Pecuniis Eccleſiæ Sacellarium appellatum affirmat: Sacculos enim Eccleſiaſticos qui vocantur, Græci Scriptores habentur, nulli vero, qui Sacularios, id eſt Sacculorum Eccleſiaſticorum cultodes, dixerint; quos perpetuò, ut à Sacculariis diſtingueret, tum Latium, tum Græcia Sacellarios appellavit.

(2) Dialog. lib. iiii. cap. xxxviii. Rem ipſam iſſdem penè verbis commemorat, ac deplorat in Homil. vii. alius xviii. in Ezechiel. lib. ii.

(3) Lib. vi. epiſt. ix.

(4) Lib. ii. Ep. xlv. alius xxii. Hunc Ariulphum Beneventanum Ducem Faroaldi ſucceſſorem facit Guſſanvillæus in notis ad eandem Epiſtolam: Ariulphus (inquit) Dux Beneventanus poſt Faroaldum. Videndus Paulus Diaconus Hiſt. Longobardorum lib. iv. cap. 17. At non rectè id vidit Paullum, qui Spoletanum, non Beneventanum Ducem Ariulphum ſcribit. Sequenti anno Ariulphus Dux, qui Faroaldo apud Spoletum ſuccceſſerat, moritur. Hæc Paullus.

Asperrima hæc quidem Italiæ fuere fata : quæ tamen ex una recentium Longobardorum vel avaritia, vel crudelitate proficiscebantur. Adde nunc eorumdem Longobardorum vel Idolatriæ tenebris, vel Hæreseos erroribus adhuc fervientium inflicta passim Catholice Religioni injurias. Hac certè de causa gravissimam, ac sempiternam Longobardorum nomini infamiam Romanum Martyrologium efficere videtur, ubi Martyrum octoginta, qui partim carnes immolatas comedere, partim caput Capræ adorare nolentes à Longobardis in Campania severissimè cæsi sunt, anniversaria memoria celebratur (1). Gregorius idem, ex quo ejus rei mentionem accepimus, aliorum quoque malorum testis est, quibus aliundè Ariani Longobardi Catholicos divexarunt (2); fatique heic fuerit ea, quæ post Regis Autharis obitum ad universos Italiæ Episcopos scripsit, recitasse. *Quoniam* (inquit) *nefandissimus Autharic, in hac, quæ nuper expleta est, Paschali solemnitate, Longobardorum filios, in Fide Christiana baptizari prohibuit, pro qua culpa cum Divina Majestas extinxit, ut solemnitatem Pascha alterius non videret, vestram fraternitatem deceat, cunctos per loca vestra Longobardos admonere, ut quia ubique gravis mortalitas imminet, eosdem filios suos in Ariana Hæresi baptizatos ad Catholicam Fidem concilient &c.* Parum fuit Gregorio Regis titulum defuncto Authari denegasse: sed eum, qui splendidissimum Flavii prænomen sibi affectabat, nefandissimi elogio-digniores putavit (3).

Ne verò universa hæc, quæ hæcenus ex Pontifice Gregorio delibavimus, paulò inclementius, ac veluti exarsuante ejus animi moerore, adversus Longobardos effusa quis suspicetur, Gregorii fidem ex eo homine potissimum confirmare nunc libet, qui Gentis suæ Historiam ex instituto conscribens, hanc vulgò notam à recentioribus eruditis subiit, ut plus æquo, & illius dedecori pepercisse, & honori, atque laudi studuisse probetur. Quid igitur Paulus Diaconus? Postquam is extincto Rege Clepho, Longobardos suis se Ducibus regendos submisisse narravit, hæc statim subdit: *His diebus multi Nobilium Romanorum ob cupiditatem interfecti sunt, reliqui verò per hostes divisi, ut tertiam partem suam frugum Longobardis persolverent, tributarii efficerentur: Per hos Longobardorum Duces septimo anno ab adventu Alboini, & totius Gentis, spoliatis Ecclesiis, Sacerdotibus interfectis, Civitatibus sub-*

born

(1) Ad D. vi. Martii: Horum autem Martyrium in An. DLXXIX. consignat Cardin. Baronius in not. lit. E. edit. Rom. 1586.

(2) Dialog. lib. III. cap. XXIX. & lib. II. Ep. II. ubi ad Episcopum Naroiensem hæc habet: *Fraternitatem tuam modis omnibus suademus, ut à Longobardorum, sive Romanorum, qui in eodem loco degunt, sive admonitione, sive exhortatione nullo modo cessetis, & maxime à Gentilium, & Hæreticorum, ut ad veram rectamque Fidem Catholicam converiantur.*

(3) Lib. I. Ep. XVII. Solemne penè habet in Annalibus suis Cl. Muratorius, ut tum ex aliis, tum ex eo magnum Ecclesiasticorum Annalium Parentem Baronium fugillet, quod is insigniores quasdam privatas, publicæ calamitates, gravia flagitia quandoque sequutas, Deo ultionum attribuens, flagister nimis, licentiusque quàm deceat, oportetque divinatorum Judiciorum abyssum humanis oculis obferat, introgredi auit. Audacior fortasse aut fupte ingenio, aut Muratorii exemplo nuperus Scriptor libri, cui Titulus: *Memorie Istoric-Critico-Cronologiche del Regno de Longobardi in Italia. Venet. 1753.* in Gregorium assurgit; quod tam facile in eadem Judicia introitum sibi fecerit. Io vengo (inquit) il buon riflesso del zelante Pontefice: per altro non è il facile l'entrare ne' giudizi di Dio: tum indigna Gregorio, qui Autharim nefandissimum vocat, blaterare pergit pag. 137. : At nonne scimus, Autharim deterrimam illam, totiesque profligatam Hæresim in media Italia, & sub ipsis Urbis Romæ oculis, non solum fovisse, verum etiam minis, terroribus, cædibus Catholicam Religionem, interdicta ubique Catholicorum ministeriorum, Baptismi susceptione, abolendam sibi proposuisse? Impiissimos Autharis conatus cum ejus vita maturata veneno mors paulò post præcidit: An igitur cum Antiocho Rege Autharim quoque audi-

re debuissimus exclamantem: *Nunc reminiscor malorum, quæ feci . . . propterea invenerunt me mala ista, & ecce pergo* : aut illam, sub idem Autharis tempus auditam quoque Augusti Tiberii vocem, qua is obtruncatis suos ob oculos filius, capite & ipse ab invalore Phoca plebs iustus, illa Psalmi verba assidue in ore habebat: *Iustus es Domine, & rectum judicium tuum.* Non ita sane tunc oportebat; nam pro Autharis voce, quæ Dei vindictæ judicium palam fateretur, res ipsa vociferari videbatur. Impius profecto Autharis, nec malo suo tantum Arianus, qui regali fretus, immò abutens potestate, Italiani universam ejus Hæresis veneno inficere vehementius niteretur, nonne veneno mæ ipse extinctus, iustissimas nefarii sceleris se luisse poenas ostendit? Quod Gregorio extima sanctitate præstanti omnino licuit, licebit adhuc cuilibet manifestum ea in re Dei judicium agnoscere, ac fateri: Sunt enim quedam Dei judicia, quæ clausis oculis, humilique corde revereri potius, quàm perferatari debemus: quæ vero Deus ipse facto pandens humanis oculis reterat, atque eo pertinent, ut ejus Providentiæ fidem, Justitiæ metum, Sceleribus odium, Pietati obsequium conciliare videantur, nonne judicia hæc oblerasse, prodidisse, pervulgasse fas non modo fuerit, verum etiam proderit? Quantum ex hac una re sibi accesserit emolumentum, sic Rex David professus est, ut cæteros etiam doceret: *Custodivi vias Domini, nec impie gessi à Deo meo, quoniam omnia judicia ejus in conspectu meo, & iustitias ejus non repuli à me. Ps. 17.* Utinam idipsum sapienter plerique nostrorum temporum Eruditi, qui si non in eventis omnibus auctorem Casum aperte volunt, ita tamen se comparatos produant, ut in Epicuri, Pyrronisque magis, quam in sincerioris Critices, Veritatisque Schola proficisse videantur.

boin ceperat, Italia ex maxima parte capta, & à Longobardis subjugata est (1). Adde nunc, hanc malorum inundationem, non ipsis Italiæ finibus coercitam, in Gallias quoque irruisse, illucque Longobardos Duces, Divinæque Justitiæ populorum peccata vulviscentis delectos veluti satellites, quales S. Eremita Hospitius vaticinatus fuerat, immisos, regionem omnem depopulatos, igne mox, ferroque in summam vastitatem redeisse: Neque id Paulo dissimulatum (2): qui demum turpissima quæque de avita ejusdem Gentis suæ Religione posterorum memoriæ commendare non destitit: postea enim quàm *ridiculam*, quam ipsemet appellat, ab antiquitate derivatam *Fabulam* de Longobardorum mulieribus, ad mortis ad genas in barbæ speciem crinibus, Viros suos simulantibus, in eumque aspectum, ut Victoriam impetrarent, patrio numini Wodan sese videndas offerentibus, enarasset, paulopost de eodem numine hæc tradit: Wodan sanè, quem adjecta litera Gwodan dixerunt, ipse est, qui apud Romanos Mercurius dicitur, & ab universis Germania gentibus ut Deus adoratur; qui non circa hæc tempora, sed longe anserius nec in Germania, sed in Gracia fuisse perhibetur (3).

At ferenda fortasse isthæc fuerint, dum de Gente agatur, patriis Germanici soli laribus adhuc confidente, agresti illà quidem, sacrisque suis nemoribus abdita, quò vix serò Evangelica Lux permeare potuit. Quid vero, si in media Italia jamdemum degentem, ac imperii jura exercentem, deteriore adhuc Idolatriæ labe foedatam conspexerimus? quantum igitur non impium modo, sed belluinum omnino illud fuerit, Caprinum Caput (quod superius indicatum jam est) instar Numinis habere, neque sibi unis, sed aliis etiam, indiditæ mortis poenâ, adorandum proponere: ad hæc, dum cultiores Longobardi Christianam Religionem profiteri cœpissent, adhuc sacrilegas venerari Arbores, ac Viperæ simulacro (quod nostrorum Longobardorum Beneventi consuetum vitio præcipuè vertitur) pertinacissimâ, atque ad feram usque ætatem producta superstitione, divinum cultum impendere: Ex his, multisque id genus aliis perpetua illa apud eam ætatem in Longobardorum nomen manasse infamia videtur, quæ nec melioribus factis, nec diuturno Italiæ dominio deleri unquam potuit: manetque adhuc ex Stephani IV. ad Carolum, & Carolomanum Epistola, publicum veluti, posterorumque omnium oculis perpetuò spectandum, Longobardicæ ignominie monumentum; Ubi enim Pontifex rescivit, a Carolo, ac Carolomanno nuptiarum cum postremi Longobardorum Regis Desiderii Filia consilia agitari, nihil is prætermisit, quo rem ipsam exhorrens, atque exsecrans, ne splendidissimi Gallorum nominis dignitas, atque virtus fordissimâ maculâ hac afficeretur, Longobardorum genus in summam apud eosdem Reges abominationem adducere studuit: *Qua est enim* (inquit) *Præcellentissimi Filii magni Reges, talis desipientia, ut penitus vel (fort. nec) dici liceat, quod vestra præclara Francorum Gens, qua super omnes Gentes enitet, & tam splendidissima, ac nobilissima Regalis vestra Potentia Proles, perfida, quod absit, & fatentissima Longobardorum Gente polluitur, qua in numero Gentium nequaquam computatur, de cujus natione & Leprosum genus oriri certum est?* Hæc pauca ex pluribus, quæ adversus Longobardos vociferari pergit Pontifex, attulisse huc sufficiant, quæ si Carolo Carlomannoque, ut ab

(1) Lib. i. cap. xxxii.

(2) Lib. i. cap. i. Gregorio Paulum adjunxisse testem libuit, ut non solum Gregorii fides magis constaret, verum etiam ut ejusdem Pauli fides ab eorum criminationibus vindicaretur, qui (ut superius dictum fuit) Gentis suæ nomini potius, quam veritati intervisse volunt. Haud mitius certè Gregorio se habuit Paulus, ex quo uno, etiam alter siluisset, invidiosissimum omnino Longobardorum nomen ad nos pervenisset: Non igitur, nisi injuriâ fidem Paulo Longobardorum res gestas narranti abnegabimus, qui eodem, quo Gregorius, silo, parique veritatis studio determi- nans quæque in lucem prodidit: observatum id etiam à V. G. Allemanno fuit, qui tom. i. Script. Ital. p. . Pauli loca Longobardis adversa colligens, ejus Scripto- ris auctoritatem tutatus est.

(3) Lib. i. cap. ix. Ignotum Cæsari hocce Germano- rum Numen Wodan; dum is in de B. G. lib. vi. cap. 6. de ejus Populi Religione verba faciens: *Deorum* (inquit) numero eos solos ducunt, quos cernunt, & quorum opi- bus aperte juvantur, Solem, Vulcanum, & Lunam, reli- quos ne fama quidem acceperunt. Tacitum quoque id Numen latuit, quamvis ad ejus ævum plura de Germano-

rum religione, moribusque, quos is enarrandos suscep- pit, innotuissent: nam præter *Velledam*, & *Aminiam*, aliaque Vates, *Deorum* (inquit) maxime *Mercurium* colunt, cui certis diebus humanis quoque hostiis libare fas habent: *Herculem*, ac *Martem* concessis animalibus placant: *pars Suevorum* & *Isidi* sacrificat: *Cætæ* non cohibere parietibus Deos, neque in ullam humani oris speciem assimilare ex magnitudine cælestium arbitran- tur. Lucos, ac nemora consecrant, *Deorumque* nomi- nibus appellant secretum illud, quod sola reverentia vi- deat. Ejus igitur Numinis patrium nomen, non ipsum Numen, solus Diaconus nobis servavit, nam Greco- rum, Romanorumque eum esse *Mercurium* affirmans, Taciti ætate jam notum ostendit. Id autem barbarum Numinis nomen non *Wodan*, sed potius *Wondan*, vel *Wonsiam* legendum arbitratu Liplius ad Taciti l. l. à *lu- cro* scilicet, cui *Mercurius* præfix; Maioribus enim no- his (addit) ita dictum claret, vel ex *Mercurii* die, qui veteri, & gentili appellatione nobis *Wonsbach*. Liplii lectionem, interpretationemque acriter notavit Clau- verius in *Interp. Antiq. lib. i. pag. 126.* acrida & ipse pos- tea notatus à Grotio in *Prolegom. ad Hist. Wandal. &c.*

ut ab iis nuptiis abstinere, haud satis esse viderentur, tanquam immanis criminis reos fore declarat, ab eoque admittendo proluxa horrendi anathematis comminatione deterret. Persuasum scilicet Pontifici erat, quousque in Italia Longobardi constitissent, periclitari omnino res Ecclesiae, ac Religionis; foedere autem Gallorum, quod eae nuptiae sanxissent, augeri Reip. detrimentum, dum Longobardorum Tyrannis, impietasque constabili in Italia videretur (1).

Haec de Longobardorum Religione dicere exorsus, si non omnino injuriosum, asperius certe eorum nominis criminatorem me praestiti, qui tot tantaque impietatis, superstitionisque exempla, ac veluti monstra diligentius conquisita, simulque collecta ad nostrae aetatis memoriam revocari: At ista mihi, temporum rationem, rerumque gestarum fidem sectanti, nequaquam dissimulanda fuerunt. Fuere haec olim Longobardorum probra; quibus tamen mox contraria, nec meliora tantum, sed, quae ad Religionem pertinent, optima quoque successisse intuebimur; itaut deteris jam prioribus maculis, atque è tenebris veluti eductum Longobardicum nomen, non solum in lucem hominum tuto prodire, sed etiam splendidiore quodam lumine decoratum aliorum in se convertere oculos jam demum queat. Primum autem universae Germanicae Gentis causam haud praetereundam mihi duxi, quā paucis peracta, ad nostros Longobardos deveniam.

Quum igitur de Germania sermo est, hanc doctissimorum Virorum animis infedisse sententiam reperio, genuisse scilicet, riguisseque sub veterino superstitionum induratum Germaniam, cujus Populi per omnes Europae plagas effusi, nihil, nisi arma noverint: inde barbaras, feroceque, prodeuntes Nationes, tantum à cæterarum gentium more, ac natura discessisse, ut quæ ceteræ pro religionibus suis, istæ contra omnium Religionis bella susciperent: Germanorum conversionem tentatam non semel; sed innata indigenarum feritate semper impeditam ad Sæculum usque octavum, si fortè Rheni accolae excipias, Bojariofque, qui Theodorico Clodovei magni filio regnante Christianæ Religioni accessisse memorantur. Hæc quidem V. C. Mabillonii sententia est (2), ut Majoribus suis eam virtutem, laudemque adquireret, præcipuè verò S. Bonifacio, ejusque sociis hanc palmam traderet, qui non solum sudoribus, sed suo quoque sanguine vastissimæ hujus, incultissimæque Religionis Apostolos sese præstiterint, invhendæque in eam gentem Christianæ Religioni feliciter adlaborarint. At nemo certè sanctissimis hisce Viris hanc gloriam inviderit, ut per septentrionales plagas splendidior eorum operâ Evangelii lux effunderetur: nemo tamen id sibi persuaserit, prioribus ipsis Germaniam debere, ut Christum agnosceret, ac profiteretur; Aliter profecto Ecclesiastica nos docent monumenta, testesque adhuc secundi, tertii-que Sæculi Patres præclarissimos habemus, qui jam tum à Germanis susceptam Christi Fidem affirmant (3).

Pluribus hujus rei fidem sequuti ævi testibus, monumentisque confirmare supervacaneum arbitror; dum ipsi, de quibus præcipuè agimus, statim præsto sunt Longobardi, inter Germaniæ Populos satis nobiles à Tacito appellati, nobilissimi nunc nobis meritò, atque jure appellandi, qui non modo ante Sæculum octavum, sed ante suum quoque in Italiam adventum, Christianos se fuisse docentes, non solum falsi eos redarguere queunt, qui tam fera, ac difficillima Christianæ Fidei exordia, incrementaque apud Germanicam Gentem statuerunt; sed hac ipsa quidem re veterem à seipsis invidiam amoliri incipientes, vetustissimam hanc Longobardico nomini laudem auspicari videbuntur; ut è patrio solo vix tum egressi, ac in Pannonia degentes, secum Christi Fidem jamdiu susceptam perducerent, nec solum Christiani ipsi, sed qui pariter Catholicam Religionem profiterentur. Compertam rem ex Procopio habemus; ortis enim ipsos inter Longobardos, finitimol-

que

(1) Habetur inter Epistolas Codicis Carolini ordine XLV. Erunt fortasse, qui iniquius, ac saltem vehementius, quam par esset, in Longobardos gessisse se Pontificem putabunt, tum maxime, quod Regem Deliderium de eodem Pontifice à Gallorum seditione liberato optime potius meritum doceat sequens Epistola XLVI. de qua inferius agemus. Sed manifestè tunc publici boni ratio in causa erat.

(2) Præfat. ad Sæc. III. §. 2. & Præfat. ad Sæc. IV. §. v.

(3) Testes satis fuerit adducere S. Iræneum, atque Tertullianum: quorum prior contr. Hæres. lib. 1. cap. 2. & 3. edit. verò Massiæ cap. x. pag. 49. hæc ait. Ecce-

ssa per universum orbem utique ad fines terræ seminata, & ab Apostolis, & à Discipulis acceptam Fidem. . . & neque hæc, quæ in Germania fundata sunt Ecclesiæ aliter credunt, aut aliter tradunt &c. Alterius verò contr. Judæos hæc sunt. In quem alium universæ Gentēs crediderunt, nisi in Christum. . . ut jam Getulorum varietates, & Maurorum multi fines, & Hispanorum omnes homines, & Galliarum diversæ nationes, & Britannorum inaccessa Romanis loca, Christo verò Deo subdita, & Sarmatarum, & Dacorum, & Germanorum, & Scytharum, & abditarum multarum Gentium. . . in quibus omnibus locis Christi nomen regnat &c.

que Gepædas diffidiis, jamque exardescitibus utrinque ad bellum animis, quisque sibi Justiniani tunc Imperatoris favorem captare, sociumque habere ejus belli fategit: quod ut Longobardorum Legati facilius impetrarent, plures alias, quæ tum ex antiquo fœdere, tum ex Gentis erga Romanum Imperium promeritis, tum ex præsentī, futuraque ejusdem Imperii utilitate suppetere videbantur, rationes, causasque præloquuti, eam demum omnium justissimam, validissimamque, quam Religionis Consortium suppeditabat, in hæc verba Justiniano exposuerunt: *Hæc igitur, Imperator, etsi præ verborum barbarie quadam ineptitudine, pro rerum ipsarum dignitate non explicarim, tute tamen pro tua prudentia si quid forte defectus, quam res ipsa deposceret, enarravi, quæ Romanis sunt, Longobardisque tuis admodum profutura, ut visum fuerit, peragito: Demum ad cetera Te ejus rei admonitum velim, nos cum Romanis de vera justitia, Divinoque cultu eadem semper, & recta sensisse, hos vero (hoc est Gepædas) Ariana Hæreseos Sectatores nulla vobiscum in re conventuros (1).* Justinianum exploratissimā, gravissimāque ea in re haud certè fallere poterant Longobardi, qui de sua Religione, cujus consensu, ac quodam veluti nexu exoritam ejus Augusti in eo gerendo bello opem, societatemque quammaxime sibi certam despondebant, ni Catholica illa fuisset, mendacii statim redargui potuissent; at res ita se habebat; satisque tunc Justiniano comperta; apud quem tanti communis ea Religionis ratio valuit, ut Longobardorum partes sibi tuendas susceperit, ac, quemadmodum Procopius narrare pergit, auxiliares ipsi adversus Gepædas Imperii copias libenter addiderit.

Non autem turbare debet, quod ipsum tunc temporis Longobardorum Regem Alboinum indubia ejusdem ævi monumenta Arianum nobis prodant. Extat quidem Nicetii Trevirensis Episcopi ad Chlodofuindam ejusdem Alboini Conjugem Epistola, qua illam Nicetius hortatur, ut virum ad nefariæ illius Hæreseos detestationem, Catholicæque Religionis professionem impellat: utque felicem ei conversioni successum pararet, egregiam in ea Epistola operam præstitit Nicetius, nihil prætermittens, quo Regia Conjux, ut Thecuitis altera, eloquentior, pro rei verò dignitate, publicaque utilitate studiosior quoque accederet: ac primum Catholicæ Religionis veritatem tum ex Divinorum Librorum testimoniis, tum ex præsentibus indubiisque miraculis manifestè confirmatam demonstrat: falli eos subdit (inter quos Alboinum ipsum tacitè sugillat) qui Apostolorum Reliquias pro ejus ævi more (de quo paullo inferius agendum nobis erit) etiam furtim sublatis sibi conquirere, ac venerandas proponere fatagant, nisi eandem, quam Apostoli prædicarunt, suoque sanguine attestati fuerit, Fidem Christianus quisque sectari enteretur. Tum ad privatas utriusque conjugis rationes se convertens, Chlodofuindæ quidem, quò illam peragendæ rei alacriorem efficiat, Crothildis exemplum offert, quæ Regem Chlodoveum Christo crucifecit: Alboinum vero quod rebus egregiè gestis, ceterisque suis præclaris naturæ, virtutisque dotibus fœdam hanc inesse maculam diutius ferat, pulchrè in verecundiam adducit. *Talis (inquit) ornatus, talis Vir, qualis Alboinus Rex esse dicitur, talis forma, quam Mundus sic præponit, quare non convertitur, aut quare tardus ad requirendam viam salutis apparet (2)?* In summa, de Alboini Arianismo manifesta res est: At non inde consequitur, ut cum Alboino Rege Longobardos subditos, Arianos pariter affirmemus. Immo illud satis verisimile existimabimus, in Alboino convertendo haud frustra cessisse Chlodofuindæ operam, quam *Domina Clementissima in Christo filia* elogio exornavit Nicetius, cujus etiam pietatem præclarā eā Epistolā roboravit.

Sed jamdemum Longobardos, Pannoniis relictis, sub Italico coelo degentes, quique in felicioribus hisce comparatis sibi sedibus, eorum Religionis status fuerit, spectare nunc licebit. In id certè consensuros mecum alios crediderim, post primæva illa scilicet furoris exempla, quæ nunquam non ab invasoribus quibuscumque, ut novos populos metu saltem sibi subigant, exerceri solent, mitescitibus paullatim dominantium Longobardorum animis, non solum à Catholica ipsos Religione non abhorruisse, sed etiam ad illas, quæ in optimè

(1) Procopius de Bell. Goth. lib. III. cap. 34. ex Votlerrani interpretatione edit. Basileæ an. 1576. quàm uti Græco textui propius, uberiorque respondentem, asserere malui: paullo enim contraçior obscuriorque idem Procopii locus ex Claudii Maltreتي versione, quàm in sua Scripturum Italicorum Collectione Cl. Muratorius edidit tom. I. part. I. hisce verbis explicatur. *Tu verò Imperator, ea supplens animo, ac pendens, quæ*

breviori, quàm par erat, orationi nostræ defunt, Romanorum, & Longobardorum suorum rationibus consule, adjuncta hac aliis omnibus cogitatione, Romanos jure coituros nobiscum, qui de Deo sentimus cum ipsis eadem, & Arianis (i. e. Gepædibus) vel eo nomine adversaturos.

(2) Apud P. Labbeum tom. V. Concil. pag. 833.

Optimè instituta Rep. quammaximè obtinere solent, honestatis, atque æquitatis leges mores suos composuisse: Instauratâ enim post decennalem, quam sæpius memoravimus, Aristocratiam, Regiâ Dignitate, quippe quæ publicis, privatisque rebus utilior videretur, mox alteros nova regiminis forma Longobardos ostendit, alteram Italia faciem monstrare cœpit. Erat sane (inquit Paullus) hoc mirabile in Regno Longobardorum; nulla erat violentia; nullæ struebantur insidiæ; nemo aliquem iniuste angariabat, nemo spoliabat; non erant furta; non latrocinia; unusquisque, quod licebat, securus sine timore pergebat (1).

De hac temporum felicitate, quæ, Longobardis regnantibus florere in Italia cœpit, locuples, ac fidiſſimus quoque testis est Lapis, à Rege Liutprando in Ecclesia S. Petri, ab se constructa in Civitate nova agri Mutinensis, inscriptus; quem à Cl. Muratorio diligentissimè inspectum, descriptumque iterum heic protulisse præstabit:

HAEC XPS FVNDAMINA POSVIT FVNDATORE
REGE FELICISSIMO LIVTPRAND PER...VM CEB....
HIC VBI INSIDIE PRIVS PARABANTVR
FACTA EST SECVRITAS VT PAX SERVETVR
SIC VIRTVS ALTISSIMI FECIT LONGIBARD.
TEMPORE TRANQVILLO ET FLORENTISS.
OMNES VT VNANIMES... PLE..IS PRINC....

Implexas alicubi esse literas atque attritas fatetur Muratorius, itaut colligere omnes sibi curiose exploranti non licuerit; at Lapidem non Longobardicis, sed Romanis characteribus scriptum affirmat (2): qua etiam ex re, præter præclara illa publica Felicitatis documenta, quæ lapis ipse loquitur, ipsorum Longobardorum animos, moreſque ad optima Romanorum quæque æmulanda, jamdiu excitatos, efformatosque discere licebit.

Scio adversus hanc testatam, seu jactatam à Paulo præsertim Diacono Temporum felicitatem à Cardinali Baronio succlamatum; qui post recitatum illius testimonium, Hæc Paullus, mox subdit, sed Longobardus & ipse suæ Genti nimium favit: non ita ceteri, qui hoc tempore vixere; præsertim verò Gregorius Papa &c. (3). De Paulli gentis suæ res gestas narrantis fide, vix est, ut jure dubitare quis possit, ejus opere universo ob oculos posito, ubi, dum tempus, aut occasio tulit, non is Longobardorum suorum nomini, famæque probrosas notas inurere pepercit. Stabit igitur Paulli fides, si diversa temporum spectetur ratio; nec prioribus posteriora comparentur, aut commisceantur: Alia enim Aristocratia vigente, alia post instauratum Regnum rerum facies. Quid enim? animadverterunt tandem Longobardi, sese non ut antea Prædorum instar, sed Dominorum jure in Italia versari; quocirca quum satis tuta Principatus sui fundamenta locassent, temperandum sibi à cœdibus prædationibusque duxerunt, omniaque ad honestatis, æquitatisque normam restituenda tum maximè ostenderunt, quum denuò rerum summam in Regem contulerunt, eumque Flavii prænomine insignitum volvere; quo certè prænomine (uti in superiore differentiatione dictum fuit) legitimi Imperii, felicissimique Regiminis successus portendebatur. At levia (inquies) ista sunt; neque major vel Lapidis à Liutprando inscripti, aut potior Paulli fides, quàm ceterorum, ac præsertim Gregorii Papæ, ad quem Baronius provocavit. Sed tantum abest, ut inviti Longobardi, quin potius lætantes ad Gregorium provocatos se audiant: neque enim digniorem, præstantioremque alium neque opportuniorem, quàm ipsum sibi aliquando adversum Gregorium Pontificem, ostendendæ modo Religionis suæ testem Longobardi desiderare poterunt. At cur solum appellavi testem? Stet quoque sua Sanctissimo, Sapientissimoque Pontifici immortalis laus, quod maximâ ejus operâ, doctrinaque factum sit, ut apud ipsos Longobardos Catholica Religio non modo universim prope suscepta est, sed quammaxime florere videretur. Id vero pervulgatis Dialogorum suorum Libris Gregorium feliciter præstitisse si dixerimus, nonnisi verum, tum ab aliis, tum ipso rei exitu comprobatum affirmasse erit.

Atque is quidem præstantissimo ejusmodi Operi successus debebatur, ubi Sapientissimus Pontifex ea omnia collegit, enarravit, docuit, quæ ad Fidei Dogmata stabilienda, morumque disciplinam instaurandam infelicissima illa malorum, flagitiorumque tempora postula-

(1) De Gest. Longob. lib. III. cap. XVI.

(3) In Annal. Eccles. ad an. DLXXXV. n.

(2) Antiq. Ital. Med. & Dissert. XXI. tom. II. col. 196.

stulabant: ac sicuti peculiari Dei providentia factum fuit, ut ea ætas frequentioribus miraculis illustraretur, quibus Homines veram Religionem agnoscerent, atque ad Pietatis simul studia excitarentur, ita Gregorius Divinum sectatus consilium miracula eadem scriptis suis passim, opportunè inferere laboravit; quæ quidem miracula, non solum ipsis plerumque spectantibus Longobardis, sed ipsismet Divinam Omnipotentis Numinis vim aliquando expertis patrata, optimam narranti Gregorio fidem vindicare queunt: etenim, ni illa certò certius sibi constitissent, irrisissent profecto Gregorium Longobardi, ac efferatione fortasse odio in Catholicam Fidem, Romanamque Ecclesiam exarsissent potius, quàm utriusque partibus sese dicare in animum induxissent. Cæterum, qui hanc, inter alias plures, rationem non admittunt, fabulosaque passim illa blaterare non cessant, præstantiora miraculis alia plurima, quæ Gregorianis Dialogis continentur, animadvertant, oportet, insignia videlicet Virtutum exempla, quæ proculdubio (uti Gregorius ipse monet lib. II. cap. ult.) miraculis omnibus anteferri debent: Id, inquam, præcipuè egit Gregorius; Egit quoque, ut confirmata miraculis Doctrina luculentior appareret, nec tam majorem auri- bus jucunditatem afferret, quàm audientium animis penitus inhaereret: ac quod ad Longobardos attinet, haud aliter Gregorio eorum conversionem satagenti agendum erat, dum ea miracula libentius narrat, quorum testes ipsi fuissent Longobardi; veluti quum de Sanctulo Presbytero agit lib. III. cap. 37. (nam alia congerere exempla haud opus heic fuerit) de quo plura refert cum ipsis Longobardis gesta, stupenda illa quidem, quibus tamen ejusdem Sanctuli stupenda magis Humilitas, Patientia, Caritas, ceteraque virtutum exempla, quæ inter ipsa miracula eluxerant, alacrius imitanda proponebantur (1).

Sed & perlibenter annuente Gregorio Theodolindam adjunxisse fas erit; nam dum de Longobardorum Religione agimus, non nihil eorum laudi accessisse videbitur, si ejus rei felicitatem illius simul Reginae ope, domestica scilicet manu, non solum curatam, verum etiam provectam inspexerimus. Eadem itaque Theodolinda fuit, cui Gregorius Longobardorum Religioni auspiciis consulturus eisdem Dialogos suos misit. Mirum autem, quantum ex ejus Operis occasione, Gregoriique cohortatione jamdiu ad dilatandam, vel confirmandam inter suos Longobardos Catholicam Religionem præconceptus, piissimæ Reginae Zelus exarserit: quàm felix verò successus extiterit, audire ex Paulo præstat: Postea enim quàm is laudatos Dialogos à Gregorio lucubratos, Theodolindæque (quam Gregorius sciebat utique & Christi Fidei deditam, & in bonis artibus esse præcipuam) directos narrasset; per hanc (mox subdit) Reginam multum utilitatis Dei Ecclesia consequuta est; nam penè omnes Ecclesiarum substantias Longobardi, dum adhuc Gentilitatis errore tenerentur, invaserunt; sed hujus salubri supplicatione Rex permotus, & Catholicam Fidem tenuit, & multas possessiones Ecclesie Christi largitus est; atque Episcopos, qui in depressione, & abiectione erant, in dignitatis solita honorem reduxit (2). Hinc præclarum illud in Italiam universam emolumentum manavit, ut inter novos bellorum motus ab Græco Exarcho excitatos, pronus esset ad Foedus cum Pontifice, Romanisque statuendum Regis Agilulfi animus; de qua re extant adhuc ab ipso quoque Paulo descriptæ, inque suum opus relatæ Gregorii Pontificis ad eundem Regem, piissimamque Conjugem maximis gratiarum actionibus refertæ Epistolæ (3). Hinc denique (quod propositæ rei caput est) eum, quem Rex idem Agilulfus ex Theodolinda suscepit, Adulouvaldum Filium Catholica Ecclesia in sua Communione baptizatum vidisse lætata fuit; unde & ejusdem Gregorii ad eandem Reginam gratulatoria Epistola, in qua fausta omnia regio Infanti (quò magis sibi, Romanæque Ecclesie Longobard-

ALTER

E

(1) Multa Fidei Dogmata, quæ in Gregorianis Dialogis exponuntur, & adstruuntur, forsitan Heterodoxorum in eos odium potius excitavit, quàm longa miraculorum series. Sed quod ad hoc miraculorum caput pertinet, jam res præclariter satis felicitæque confecta habetur à Cl. Goussier in eorumdem Dialogorum Vindiciis, quibus etiam doctissimi PP. S. Mauri in Præfatione ad novam editionem alia addiderunt. Cæterum nullus prudentis judicii, dum videat, Heterodoxorum, aliorumque, qui Critici videri volunt, palato uni Gregorianos displicere Dialogos, qui contra innumeris excellæ dignitatis, selectæque eruditionis Viris ab ipso Gregorii ævo ad nostram usque ætatem ubilibet, perpetuè adeo placuerunt, ut eorum fidem, atque

utilitatem celebrare nunquam desisterint. Verum vice omnium libet heic Photium audire, post Gregorii elogium de ejusdem Dialogis, à Zacharia Pontifice in Græcam linguam translati, ita loquentem in sua Biblioth. Cod. CCLII. *Quin etiam Vitas eorum, qui in Italia claruissent, salubribus admistis narrationibus, quatuor Dialogis concinnavit. Etenim per centum, & sexagintaquinque annos, hi qui latinam linguam ignorarent, sola utilitate hujus Operis frustrati sunt. Zacharias vero, qui hujus Sancti Viri post illud tempus successor fuit, tantum Opus Italia conclusum in linguam Græcam vertens, communem utilitatem Orbi terrarum benigne exhibuit.*

(2) Lib. IV. cap. VII.

(3) Lib. IX. Epist. XLII. al. 41. & XLIII. al. 43.

gobardos Pontifex Optimus; ac Prudentissimus devincire posset) sic precatur: *Onnipotentis Dei gratia & Filium vobis donatum, & quod valde Excellentie vestra est laudabile, Catholica cum Fidei novimus sociatum: Nec enim de Christianitate vestra aliter credendum fuerat, nisi id studere vos, ut quem Divino munere suscepistis, Catholica rectitudinis auxilio muniretis: ut & Redemptor noster familiarem te suam Famulam cognosceret, & Longobardorum Gentis novum Regem in timore suo feliciter enutrieret. Unde oramus Onnipotentem Deum, ut & vos in mandatorum suorum via custodiat, & eundem excellentissimum filium nostrum Adulouvaldum in suo faciat amore proficere, quatenus sicut hic inter homines jam magnus est, sic quoque & bonis actibus ante Dei nostri oculos sit gloriosus. Faustis demum precationibus hilce, suis, atque gratulationibus Donaria Gregorius adiunxit, quantivis illa pretii, si Religionis merito, largitorisque dignitate aestimentur. Excellentissimo autem (inquit) filio nostro Adulouvaldo Regi transmittere Phylacteria curavimus, idest Crucem cum ligno Sanctae Crucis Domini, & Lectionem S. Evangelii theca persica inclusam (1).*

Haete-

(1) Nou regio Infanti tantum Adulouvaldo, sed eorundem etiam Agilulsi, ac Theodolindae majori natu Filiae, ea occasione munera misit Gregorius: *Filiae quoque (ait) meae, Sorori ejus (Adulouvaldi) tres annulos transmisit, duas cum Hyacinthis, & unum cum albulis: Congruum sane feminae manus; ex quo tamen vides Gregorii prudentiam, qua sibi regis animos conciliare, ac penitus devincere stitabat, ut & Religionis, & Reip. bono prospiceret. Mirabitur tamen quis, & Phylacteria à Gregorio missa, & Lectionem Sancti Evangelii, quae in Regii Infantis usum adhiberentur. Et sane ad Phylacteria quod attinet, non illa heic accipere debemus, quae Phariseis usitata à Christo memorantur Matth. xxv. 9. quaedam scilicet chartarum volumina aliquibus Legis sententiis inscripta, quae sive fronti, sive pulvisbus laevae manus alligabantur, quorum seuras exhibet Aug. Calmetius in Diss. 5. Scripti. Sed quae Gregorius graeco vocabulo Phylacteria dixit, non alia nisi Amuleta sunt, ab amolendo melius, quam ab aevno, i. e. propulso, vel ab aevno, i. e. vinculum, ut Vossius cenet, appellata, Lapides scilicet, quidam, sive metalli laminae sub certis aliorum aspectibus variis characteribus inscriptae, quibus Ethnici utebantur, ut à certis morbis, periculose liberarentur: de quibus ex instructo agunt Jul. Richulius Exercit. de Amulet. Argentorati 1676. Petr. Fed. Arpe de Prodigiosis naturae, & Artis Operibus, Tolismanes, & Amuleta, diis Hamburgi 1717. Martin. Ful. Blumerius. Hist. Amuletorum Hale 1710. quibus Alseferia addendus est, plura scitu dignissima de Phylacteriis differens. Hujusmodi Phylacteriorum, sive Amuletorum apud Christianos usum, utpote superstitiosam Gentilium consuetudinem, Ecclesiastica passim damnarunt Concilia, quae Jot. Binghamus recensuit Orig. & Antiq. Eccl. lib. xvi. cap. v., in quibus etiam, Amuletorum venditores anathematizatos, atque eorundem Amuletorum Praebitores vocatos legitimus, nomine fortasse à Praebitis derivato, quae Festus curandi mali remedia interpretatur. Spreitis tamen Ecclesiae legibus frequens aliquando apud Christianos Amuletorum usus obtinuit: Amuleta in ipsa Urbe Roma publice vensalia exponi Saec. viii. querebatur S. Bonifacius Maguntinus Ep. 172. ad Zachariam PP. cap. 6. ap. Murator. Antiq. tom. 1. pag. 72. uti sibi ab Alemannis, aliique sanctimis ex Urbe reductibus affirmatum testatur. Quid igitur? Superstitiosum hujusmodi Phylacteriarum Amuletorumque usum probaveratne suo aeo Gregorius? non ita quidem: Religio enim observatio à superstitiosa distingui debet. De signo Crucis, ejusque veneratione, usuque, deque parvis Crucibus, quae collo appendere instar Amuleti ab ipso Ecclesiae exordio Fideles consueverunt, a Viris doctis ingentia conscripta volumina sunt, uti etiam observat Card. Bona Rer. Liturg. lib. 1. cap. 24. num. 10. Quod*

nondum in Latina, sed Graeca quoque Ecclesia nonnisi in Religionis, ac Pietatis argumentum fastitatum constat. Graeci autem Encolpion vocant, eo quod sinu gestari soletur, unde apud Annam Comnenam in Alexiad. de σαρφός σφαλκίο appellatur Crux Sanctorum Reliquias, aut S. Crucis particulas continens, quae cateulis, aut laqueis collo appenda ad pectus pendebat. Encolpion aureum cum partibus ligni Crucis Leonis PP. III. missum à Nicephoro Aug. meminit Card. Baronius ad annum 811. ac tum ex eo, tum ex consimili Encolpio, quod Elias Vicarius Sedis Hierosolymitanæ sibi ab Imperatore propriis manibus collo impositum retulit in A.D. v. Syn. viii. antiquum Episcoporum morem gestandi collo appendam, patencemque ante pectus Crucem, agnoscit idem Baronius, à quo tamen idem Bona dissentiens recentiora ejusmodi mori initia tribuit l. 1. Res itaque eò redit, ut nonnisi rite recteque Gregorium se gestasse statuamus, qui Crucem superius memoratam Theodolindae dono misit, Regi Infanti Adulouvaldi collo appendendam. Idem præterea de Lectione, quam simul misit S. Evangelii, affirmandum est. Quamvis enim propius ea res (uti ex S. Isidoro Pelusiota mox audiemus) ad Hebraeorum Phylacteria accedere videretur, neque olim sine aliquo Haereticis suspitione, vel etiam manifesta labe reputaretur, uti ex S. Epiphanio Haeref. xv., atque ex Concilio Agathense cap. 68. & Liptinense cap. 5. satis constat; si tamen superstitio abesset, quae in eam rem ab impiis hominibus aliquando inferebatur, nil religiosius, sacrius Evangelii dignius excogitari potuit; quod primæ Ecclesiae Fideles exemplo suo nos docebant: In A.D. S. Cæcilie, hujus SS. Virginis laudi vertitur, quod etiamnum Ecclesia memorandum voluit, semper Evangelium Christi in pectore suo gestasse. Ac Isidorus quidem Pelusiota Ep. ct. lib. xi. Judaeorum Phylacteria perexiguos quosdam libellos esse, legem continentes explicans, eos à Judaeorum Magistris gestatos ait, quemadmodum nunc (subdit) semina parva Evangelia: At non id tolum devoto famineo lectui, sed omnibus familiare, nec solum pro rectæ fidei professione, ac quodam veluti pietatis insigni, verum etiam tutelæ loco habebatur: Non cernis (inquit S. Chrysostomus Homil. xix. ad Pop. Antioch.) ut mulieres, & parvi pueri pro magna custodia, Evangelia collo suspendunt? Nullum igitur Adulouvaldo salubrius munus Gregorius mittere poterat, quam sancti Evangelii lectionem (fortasse S. Joannis cap. 1.) atque ipsam quidem Theca Persica inclusam; qua re non tam Regii pueri, quam ipsius Evangelii, spectata ratio fuit. Certè Evangelii Codices Thecis aureis, argenteis, vel eburneis, gemmis etiam distinctis cum imagine Christi Crucifixi includere, aureisque literis scribere mos priscus fuit, de quo plura monumenta profert Card. Bona l. 1. lib. 1. cap. 25. num. 10. ac jure quidem merito;

duum

Haecenus Gregorium Pontificem sanctissimum, sapientissimumque Longobardicæ Religionis testem adhibuimus; cuius si fides (uti par est) stare debet, vix erit, ut de ipsorum Longobardorum testimonio, quod suo ipsi ore, propriaque in causâ unquam protulerint, Gregorio quidem auspice, ac veluti vade, sinistrè judicemus. Est itaque illa tum Regis Liutprandi, tum Regis Rachisii in utriusque Legum Prologo constanter usurpata præstantissimi omnium nominis, tituliue laus, aut formula, ut se Christianos, & Catholicos Gentis æquè Catholicæ, ac Deo dilectæ Longobardorum Reges inscriberent, ac veluti deprædicarent. Ego (inquit Liutprandus lib. 1. inter Script. Ital. to. 1. part. 11. pag. 51.) *excellentissimus, Christianus, & Catholicus Deo dilectæ Gentis Longobardorum Rex &c.* Tum libri 11. initio p. 52. *Ego in Dei nomine Liutprandus excellentiss. Rex Gentis felicissimæ, Catholicæ, Deoque dilectæ Longobardorum &c.* Rachisius verò, quæ, ait, *Genti nobis commissa conveniunt, idest Genti Catholicæ, & dilectæ Deo Longobardorum conveniunt, statuendo prævidemus &c.* ibid. pag. 85. Si ea, quæ hæcenus observare coepimus, præclariora illa, quæ mox, servato temporum, rerumque ordine, dicenda erunt, sinceris intentisque oculis, animisque simul spectemus, nihil certè mendacii, nihil etiam ambitionis in ejusmodi Titulo causari, vel suspicari poterimus. Hinc jure a Beneventanis Longobardorum Principibus factum existimabimus, ut, qui post everfas in Transiberina Italia suæ Gentis fortunas regiam Majestatem sine Regio nomine servarunt incolumem, eodem adhuc Titulo (uti loco suo ostendemus) se, suamque Gentem decorandam voluerint; quasi jamdiu, ac communi erga Religionem studio is Titulus partus, nunquam non superstiti Genti, quæ Cistiberinæ Italiæ imperium retinebat, adhæsisse debuerit: immo ea de nostris Principibus dicenda erunt, quæ novis, atque amplioribus meritis servatum Titulum ostendant.

Et sanè ad ea jam pervasimus tempora, quibus Religionis res apud universam Longobardorum Gentem adeò feliciter processisse generatim conspeximus, ut nihil nobis verendum modo sit, quin alacres, lætique ad Majores nostros Beneventanos Longobardos, eadem de re speciatim celebrandos, accedamus. Cum ipso enim Zottone primo Beneventano Duce, quæ simul adolefcere videbantur, extincta pariter mala, radicitiûque eliminata jam nobis ostendit successor Arichis; faustissimum equidem tum Longobardis, tum Beneventanis nomen, quorum ille ampliori gloria veterem infamiam expiavit, tum rebus plurimis pro Religione, atque Rep. egregia gestis, tum etiam diuturno quinquaginta annorum regimine satis præclarus. Perjucundum profecto nobis fuerit, atque (etiãsi ejus ævi monumentis aliis caruissimus) hujus Ducis memoriæ, virtutisque locupletissimè prospectum, dum idem Pontifex Gregorius testis superfit. Quum itaque ad instaurandas SS. Apostolorum Petri, & Pauli Ecclesias trabibus opus haberet Gregorius, easque in Brutiorum silvis jam excisas, comparatasque longo difficultique itinere, gravissimis proinde curis, impensisque Romam pervehendas novisset, rem totam, quò expeditius perficeretur, data ad Arichim Epistola, ejus auctoritati, ac pietati commisit: *Quia sic (inquit) de Gloria vestra, sicut revera de Filio nostro confidimus, petere à vobis aliqua fudicialiter provocamur, arbitantes, quod minime nos patieminus contristari, maxime in tali re, unde vestra anima multum poterit adjuvari.* Pergit deinde Pontifex rei, quæ sibi incumbebat, necessitate exponere, Ducisque Arichis ope exorata: *Nos (ita ad eum subdit) promittimus, quia dum res perfecta fuerit, dignum Vobis Xenium, quod non sit injuriosum, transmittemus: Nam scimus nos considerare, & Filiis nostris, qui bonam nobis voluntatem exhibent, respondere. Unde iterum petimus, Glorioso Fili, ut ita facere debeatis, ut & Nos possimus vobis esse præstito beneficio debitores; & vos mercedem pro sanctorum Ecclesiis habeatis.* Quanti autem isthæc Pontificis Gregorii ad Ducem Arichim Epistola etiam tum æstimata fuerit, ex eo manifestum sit, quod Paullus Diaconus ejusdem Ducis, Gentisque suæ universæ decori maxime futuram agnoscens, ne oblivioni traderetur, aut fato aliquo omnino periret, conceptis verbis in suam Historiam referre, posterorumque memoriæ servare curavit (1). Quanti hodieque æstimanda sit, plura etiam ostendunt, quæ in infernam notam observanda rejecimus: fatius

ALTER

E 2

enim

dum in iis (ut inquit Rupertus Ab. de Div. Off. lib. 11. cap. 25.) *utilitas aurum celestis sapientiæ, nitet argentum fidei eloquentia, fulgent miraculorum pretiosi lapides, quæ manus Christi tornatiles aureæ, plenæ hyacinthis operata sunt.* Quod autem Thecam Evangelii lectionem continentem Persicam appellavit Gregorius, non omnino Thecam ipsam, i. e. repositoryum, vaginam, loculum apud ipsas Persas fabrefactam indicat, sed eo vocabulo sumptuosam rem significasse videtur, ut fortasse, fuerit ex serico auro contexto, qualis pua-

ri collo aptius suspendi, gestarique posset: & sanè Persici Epitheton apud veteres sumptuosis, ac luxuosis quibulque rebus, apparatusque passim tribuebatur: sic apud Horat. lib. 1. od. ult. v. 1. *Persicos odi, puer, apparatus*, quos vetus Interpres *Regales* interpretatur. *Persæ autem Reges ob nimias divitias in sumptuosissimis deliciis degere dicuntur*; de quibus latè Brissotius in de Reg. Pers. lib. 1. §. xc. inter ejus oper. minora edit. recent. Lugd. Bat. 1749.

(1) Lib. 1v. cap. xx.

enim heic fuerit ex hac praeclarissima Epistola non solum manifestam Arichis *ορθοδοξίαν*, verum etiam perspectam habere Pietatem; quem videlicet Arichim *revera Filium suum* appellat, in ejusque *bona voluntate* confidere, cui etiam promissum *Xenium* fore jucundum, sed multo magis acceptiorem spiritualem, aeternamque mercedem, indubitanter Gregorius fatetur: Quam denique solatii, honoris, voluptatisque plenum illud modo fuerit, ut ab eodem Gregorio, qui paulo ante Longobardorum Regi Authari *Nesandissimi* titulum tribuebat, Longobardorum mox Ducem Arichim *Gloriosi* titulo appellatum, atque exornatum audiamus (1).

Ut vero per Ducem Beneventanorum, temporumque successiones, quod praecipuum hujus Dissertationis argumentum est, Religionis res ritè persequamur, tenenda quoque nobis eorundem Ducum series est, quorum si rectè Fidei, Pietatisque exempla habeamus, manifestum nobis indicio erunt, ut eadem omnia Populi moribus, institutisque tribuamus. Arichi igitur post diuturnam per Annos quinquaginta Ducatus administrationem successit Ajo filius, cui

(1) Lib. XII. Ep. 21. al. 14. Indist. v. idest Ann. 601. Arogem Epistola inscriptio habet, quem etiam Arigim, & Archim alibi scriptum habemus; Arichisium vero cultiore vocabulo Recentiores aliqui appellare amant. Inter ea, quam longè fines suos vix ortus Beneventanus Ducatus protulerit, ex hac Epistola patet: nam ut ex Brutiorum partibus Trabes eveherentur, Arichim, cui ea Regio subiecta erat, Gregorius exorat; ut per suos Actionarios rem curandam juberet: Non equidem Zottonis Ducis, sed ipsius potissimum successoris Arichis opera ingens Beneventano Ducatui accessio facta est: maximeperè enim in eam rem Arichim incubuisse probat altera Gregorii Epistola lib. 11. n. 46. al. 22., ubi Arichis ipse cum Arinlpho (haud quidem Beneventano Duce Farosidi Successore, ut ad eam Epistolam observat Gufsanvillæus, neque Spoletano, sed potius Rege ipso Longobardorum Agilulpho, qui Arichim Beneventano Ducatui præfecit) Neapolitanam Urbem quam sibi subjecerat, obsidere memoratur: Irrixus tum (Gregorio contra admittente) fuit quoad eam Urbem Arichis conatus, cui tamen in amplificando Ducatu felices alibi successus; sed nondum ii fines extitisse videntur, quos occasione prioris Gregorianæ Epistolæ ad Arichim misisse, amplissimos Beneventano Ducatui tribuit Card. Baronius ad ann. 602. num. 9. Ejus inguens Ducatus amplitudinem Regiones omnes continuisse, quæ Hadriatico, atque Tyrrheno includuntur à litore Hydruntino Campanum usque, locis aliquot exceptis, quæ adhuc Orientali Imperio subiecta erant. Illud namque certum, nonnisi circa ann. dcl. iv. Beneventano Ducatui novas adjectas Regiones Romualdi Ducis opera, qui, ut ait Paulus Diac. lib. vi. cap. i. post Imp. Constantis discessum, aut potius fugam, congregata exercitus multitudine Tarentum expugnavit, & cepit; parique modo Brundisium, & omnem illam, quæ in circuitu est, latissimam Regionem suæ ditioni subjugavit. At de hac re in superiore Dissertatione, suo scilicet loco, uberius diximus. Quæ in Gregorii Epistola reliqua sunt, nunc observabimus. Actionariorum vocabulum haud fortasse ante Gregorii ævum occurrat, qui passim eos commemorat, atque aliquando consulari permittit; nam lib. 11. Epist. 22. ad Petrum Subdiaconum Siciliæ sic habet: *Si vero de Laicis Deum timentibus inveneris, ut consulari debeant, & Actionarii sub Rege fieri, omnino libenter fero.* Quodam fuisse Patrimonii Rom. Ecclesiæ Rectores certis in laeis constitutos satis constat, inter quos Petrum hunc Subdiaconum in Sicilia eo munere functum ipsa ostendit Epistola, in qua plura de ejus Patrimonii regimine mandantur, in quibus Gregorii iustitia, religio, prudentia, & liberalis erga egenos animus, elucet: Sub his itaque Rectores erant *Actionarii*, quasi præcipui Administræ, quibus negotiorum pondus incumberebat: Cur vero Gregorius hocce Actionarios consulari, hoc est Clericos inaugurari libenter ferret ex Joh. Diac. lib. 11. Vit. cap. 15. facile didicerimus, dum ex Gre-

gorii instituto *Nemo laicorum quolibet Palatii Ministerium, vel Ecclesiasticorum Patrimonium procurabat, sed omnia Ecclesiastici juris munia Ecclesiastici Viri subibant.* Actionarios autem sequens ætas sæpissime offert. Inter Pippini Regis Italici Leges (Scriptor. Ital. tom. 1. part. 2. pag. 120.) hæc habentur cap. 11. *Et hoc damus in mandatis cunctis Episcopis, Abbatibus, seu Actionariis nostris &c.* hoc est, qui nostra negotia agunt, uti Muratori rectè interpretatur. Sed aliis omnis libet domesticum exemplum ex Beneventani Principis Sicardi Capitulare hæc adferre (tom. 1. opp. Cam. Peregr. edit. Neap. pag. 208.) in cujus cap. 112, hæc Sicardus statuit. *De Actionariis vero amborum partium ita stetit, ut illi debant ambulare per Actiones suas . . . si vero aliquis præsumpserit Actionem occidere &c.* Quo ex loco illud manifestum habemus, sequiore ævo eodem omnino fuisse *Actionarios*, quos promiscue *Actiones* appellare pergit Sicardus, appellavitque olim melior ætas, uti in Theodosiani Codicis Indice, (neque enim remotioris Antiquitatis exempla hæc congerere opus) *Actiones Rerum Principis: Domus Principis: Dominici: Rei Dominiæ: Rerum Privatarum* invenire erit. Ex quibus omnibus jam constat (sub recentiori Actionariorum nomine veteris Actionum munus æquè contineri), eoque Actionarios, ab Arichi constitutos, non utique ejus Ducis *Res Privatas*, sed *Dominicas*, quæ in Brutiorum partibus ad Beneventani Ducatus Filicum pertinebant, procurasse. Pauca nunc de *Gloriosi* titulo observabimus, quem eidem Arichi, uti Patricliis, Præfatis, Magistris militum &c. tribuit Gregorius: Præfatis, Potestatibus, dignitatibusque argumentum fuisse docet S. Leo Pontifex, eodem *Gloriosi* titulo Augustam Pulcheriam compellens ep. lv. uti etiam Reginam Theodolindam ipsimet Gregorius lib. iv. ep. vi. quin etiam Gregorium ipsum ejusmodi *Gloriosi* titulo ornasse satis habuit Rex Recharedus in sua ad illum Epistola, quæ inter Gregorianas extat lib. ix. ep. 61. Hoc itaque titulo tum Dignitatis jus, tum Gregorii judicio sibi semel quæsitio, ornati deinceps Beneventani Dynastæ fuisse videntur; neque, qui *Principis* nomine Regium jus, dignitatemque sibi comparavit Arichis II. augustiorem honoris titulum sibi, successoresque suis adjicere voluit: modestior is quidem O. Flaviano Augusto, qui eodem (ut inquit Tacitus *Annal.* initio) *Principis* nomine Reip. sub Imperium accipiens, atque à Domini appellatione (si tamen ipsimet quàm Svetonio fides) abhorrens, *Majestatem* tamen, quæ propria Populi Rom. erat, ac ficebatur, cum omnibus fere sacris, civibus ac militaribus Honoribus sibi arripuit; unde non invitè ejus auribus sic inter alia plura blanditur Horatius lib. 11. ep. 1. *Si quantum cupere, possem quoque, sed neque parvum Carmen Majestas recepit tua.* Illa nempe *Majestas*, cui magis communiendæ, veteri legi nova capita adiciens frequentiora judicia Augustus inexit; ut ex Tit. Dignit. & Cod. ad Leg. Juliam Majestatis, satis constat.

cui, amentiae morbo aliquantulum laboranti, Reipublicae, quam domesticae fortunae studiofior Pater Radoaldum, & Grimoaldum, Foro-Julienſis Ducis filios, ſuique propinquos, atque optimae ſpei juvenes, confortes magis, quam Ducatus ſucceſſores designavit (1). Vix ſefqui anno Patri ſuperſtes Ajo, à Sclavis Sipontum obſidentibus, quibus temerè occurrerat, trucidatus, mox Radoaldo ejus necem, hoſtium caede, fugaque vulſicenti, ac Grimoaldo ſimul Ducatum reliquit. Hic ipſe autem Grimoaldus eſt, qui è Beneventano Duce Longobardorum deinde Rex Romualdum filium Beneventano Ducatui præfecit, ac quinque ſupra viginti, ab obitu quidem Arichis, Ducatus primùm, mox Regni annos numeravit. Non heic Grimoaldum hunc à Longobardici Regni invaſione excuſandum ſuſcipiam, quod à Bertarido, Godobertoque deſuncti Regis Ariperti filiis, mutuis diſſipatum præliis in illius veluti ſinum, ac tutelam ſuſceptum fuit (2); collabentes enim fraternâ diſcordiâ Longobardorum res, atque in extremum penè diſcrimen adductæ nonniſi illius virtute ſtare poterant, quem corpore prævalidum, audacia primùm, non minus conſilio, quam viribus decoratum fuiſſe conſtat (3); & ſtetiſſe quidem viſæ ſunt, non ſolum armis deſenſæ, erectæque, verum etiam Legibus communis, quas Rex ipſe Grimoaldus veteri Rotharis Edicto adjecit. Sed præſtat de Grimoaldi Religione (quod præſentis rei caput eſt) quæ memoratu digna occurrunt, accuratiùs illuſtrare. Arianorum partibus addiſctum partique ſuſpicantur, nonnulli etiam aſſeverant: quos tamen falſos oſtendere in promptu fuerit. Luculentum enim ejus tum Catholicæ Religionis, tum munificentiſſimæ Pietatis teſtimonium, quod in omnem poſteritatem non ſcriptis modo traditum, ſed ipſo opere perpetuò conſecratum viget adhuc, Baſilica illa Ticinenſis eſt, quam is Regno potius S. Ambroſio in ea Urbe excitavit, exædificavitque, in qua etiam tumultum ſe voluit (4). An igitur Grimoaldum, quin Orthodoxæ Fidei adverſarius fuerit, dubitare jure quis poterit? Immo potius obſervantiſſimum non opinari tantum, ſed planè affirmare licebit, qui Arianæ Hæreſeos perpetui, atque acerrimi infectatoris Ambroſii eximium adeò cultorem ſeſe vivus, mortuusque probavit: Si quis negaret (conſentientem mihi magnum Baronium aſſero) lapides clamantes audiret, dum videlicet conſtat, acerrimo Arianorum hoſti, atque expugnatori S. Ambroſio ipſum Ticini erexiſſe Baſilicam, in eaque ſepeliri potiùs, quam in aliis à ſe erectis, delegiſſe (5).

Sed & ipſe antea Grimoaldus, dum Beneventanum adminiſtraret Ducatum, Religionis ejusdem, Pietatiſque ſuæ illuſtre monumentum reliquerat. Quum enim anno DCXLVIII. nobiliſſima Beneventana Mulier Doda, ſeu Duda Parda nomine Templum S. Mariæ ad Olivulam ampliſſet, contiguamque alteram in honorem S. Modeſti Levitæ, & Martyris, inlatis ejusdem Lipſanis per Ildebrandum Episcopum, Ædem condidiſſet, huic inſigni operi, illuſtris Fœminæ exemplo haud quidem excitari indiga, ſed potiùs ſuperari impatiens, munificentior, ſimulque providentior acceſſit Grimoaldi Ducis Pietas, qui opibus poſſeſſionibuſque Locum ditaiſſe haud contentus, Bertegrandum Patrum, Abbatem ibidem conſtituit; ſicque ipſius loci tum Religionem, tum dignitatem perpetuò conſtabilitavit. An non igitur impoſuiſſe nobis dicendi ſunt, qui Grimoaldum Arianæ ſectæ addiſctum à S. Johanne Bergomenſi Episcopo ad Catholicam Fidem converſum tradiderunt (6)? Repugnant certè vetuſtiora probatæ fidei monumenta; manifeſta item ratio adverſatur: cur enim Sanctus ille Episcopus hoc ſibi negotium faceret, ut Grimoaldum converſurus Beneventum longiſſimo itinere adveniret; quando ex inſigni in Beneventanam S. Modeſti Eccleſiam, Monaſteriumque Grimoaldi cultu ac munificentia, recta illius Fides ſatis elucebat; minus vero Regnum adeptus converſione indigebat Grimoaldus, qui in Regia Urbe Ticinenſi exædificat in S. Ambroſii honorem Baſilicâ luculentiora ſuæ orthodoxæ Fidei præſtitit argumenta.

Præſtat potiùs, ut, quando eò incidit ſermo, de ipſa S. Modeſti Eccleſia, Monaſterioque dignam memoratu rem, quæ paulo ante id tempus accidiſſe ibi traditur, in medium afferat.

(1) Confortes potiùs Ajoni, quam ſucceſſores dixi Radoaldum, & Grimoaldum, Arichis Genitoris verba animadvertens, quibus eum aditantes Longobardos Proceres alloquutum reſert Paulus lib. IV. c. 44. Quum enim Arichis ad diem ultimum propinquaveſſet, ſciens filium ſuum Ajonem non rectè eſſe ſenſus, Radoaldum, & Grimoaldum jam ſorem juvenutis habentes, quaſi proprios filios, Longobardis, qui aderant, commendavit, iſque dixit, quod melius eos regere illi, quam Ajo filius ſuus poſſet.

(2) Paul. Diac. lib. IV. cap. I. III.

(3) Id. lib. IV. cap. XXXIII.

(4) Id. l. I.

(5) Baron. in Annal. ad ann. DCLXXIII. num. I.

(6) Antonius Guarnerius de Sanctis Bergomen. Carolus Sigonius de Regno Ital. lib. II. quibus al' quantif per aſſentiri videtur Gard. Baronius ad an. 663. num. 8. At eos decepit Scriptor Vitæ laudati S. Joannis, indigne quidem pro ſua inſima, quâ ſcripſit ætate, ut ſidem ſibi mereri queat; quemadmodum monet C. Muratorius Annal. Ital. ad ann. 671. pag. 144. & Cl. Aſemanus de Reb. Neapolit. tom. I. cap. 14. pag. 391.

feramus: Nam quum S. Gregorius Magnus, Diaconus tunc Cardinalis, à Pontifice Pelagio Constantinopolim ad Imp. Tiberium Legatus, Benevento transiens, in eodem Monasterio acceptus hospitio fuisset, ac ad Divinas perfolvendas laudes Ecclesiam ingressus, simul cum Monachis consisteret, ecce repente Monialibus S. Nazarii advenientibus dissilientes Monachos loco cedere aspexit: rem miranti Gregorio, ejusque causam sciscitanti responsum fuit, Ecclesiam illis Monialibus esse subjectam: Quare Vir Sanctissimus ejusmodi rei memor, quæ sibi Beneventi displicuerat, Romam reverfus corrigendam Pelagio proposuit; à quo non solum Monachis, ipsorumque Ecclesie concessa exemptio, verum id quoque constitutum, ut extinctis Monialibus S. Nazarii, ipsarum Monasterium Viris attribueretur. Hæc quidem Ughellus (1): quæ tamen frustrà in ejusdem Gregorii Vita, vel à Johanne Diacono, vel à Cl. Patribus Benedictinis S. Mauri lucubrata reperies; dum in antiquis quibusdam Longobardico charactere exaratis ejusdem Monasterii monumentis duntaxat tradita habentur. Est verò quod fidem ejusmodi narratiunculæ conciliare queat, si ad illam animadvertamus disciplinam, quam instaurare Gregorius maximoperè curavit, ut scilicet Puellarum Monasteria disjuncta à Virorum Cœnobiiis omnino essent: Ad Caralitanum Episcopum ita scribit: *Nunciatum nobis est, quod in domo quondam Epiphaniæ idcirco secundum voluntatem ipsius Monasterium extrui vetuistis, ne pro eo quod Domus ipsa Ancillarum Dei Monasterio coherebat, deceptio exinde contingeret animarum; & valde laudavimus, quia antiqui hostis insidias provisione congrua, ut dicitur præcavistis* (2). Haud secus ad Valentinianum Abbatem, *Pervenit* (inquit) *ad nos, quod in Monasterio tuo passim mulieres ascendant . . . ne ergo hac occasione humani generis inimicus sua Monachos calliditate decipiat, ibed hujus te præcepti serie commonemus, ut neque mulieres in Monasterio tuo qualibet ex occasione permittas ascendere &c.* (3) Satis itaque verosimile illud fit, ut Ecclesia S. Modesti, à Monachis licet detenta, à Monialibus S. Nazarii, partim superioritatis jure, partim devotionis causa, accedente minus probando illius ævi more frequenter inviseretur. Cæterum licet causam Cl. Mabillonius dissimulet, pro veris tamen & subjectionem, & exemptionem à Pelagio deinde factam habet. *Posita erat* (inquit) *antiquissima hæc S. Modesti Abbatia apud Beneventum, extabatque jam ante Pontificatum Gregorii M. sub titulo S. Mariæ Olivæ, imo ante Pelagium Papam, qui eam à jure Parthenonis S. Nazarii, cui subiecta erat, non modo exemit, sed etiam viceversa hunc Parthenona illi subjecit post Sanctimonialium mortes Viris supplendam. Id factum Anno dxcī. Primus ejus loci Abbas Bertegrandus, Patruus Grimoaldi Ducis, ac demum Regis. Anno insequenti Linianus Episcopus, agente Arichiso Rege, eò transtulit Corpus S. Modesti, qui nomen loco postea communicavit. Hujus loci Ecclesiam medio Sæculo vii. Parda Doda nobilissima Foemina restructit. Rotundulus Abbas Cassinensis undecimo Sæculo exauكتورatus ad hanc Abbatiam se recepit: Quæ demum Congregationi Canoniorum Lateranensium à Julio II. tributa est* (4). Hæc Mabillonius, in multis tamen falsus; quod pro Ildebrando Linianum Episcopum; Duceque Arichisium, seu Arechim pro Rege habuerit; ac Grimoaldo superstitem innuat; Dodam denique Pardam loci instauratricem potiùs, quàm conditricem, eamque Grimoaldo supparem ostendat. Animadvertenda hæc erant, sed haud longius remorari nos debent.

Neque ad Grimoaldum ipsum redire heic sermo debet, ut ex liberata à Græcorum depredationibus Garganica S. Michaelis Archangeli Basilica, Viri religionem ampliùs comprobemus; Opportuniori loco, quum de eximio ejusdem Archangeli apud Longobardos cultu differetur, hæc servamus.

CAPUT

(1) Ital. sac. tom. viii. col. 19.

(2) Lib. x. ep. xxv. al. xx.

(3) Lib. iv. ep. xlii. al. xl.

(4) Annal. Bened. lib. xxxi. num. 85.



CAPUT II.

De aureo Viperae simulacro, & sacra Arbore, quorum cultui dediti veteres Longobardi feruntur.

AD Romualdum modo Ducem ejusdem Grimoaldi, jam Longobardorum Regis, filium properabimus, sub quo non ita fausta de Longobardorum Religione monumenta occurrunt. Deterrima quidem sunt, quæ huic Duci, suisque objecta, immo exprobrata reperio, de adorato videlicet Viperae aureæ simulacro, celebratisque de more ad superstiosam Arborem sacrilegis ludis; quibus omnibus non solum illata Religioni Christianæ injuria, sed ad ipsam iterum Idololatriam defecisse Longobardorum animi videri possunt. Sed aliter, quàm haecenus factum, de hac re censendum erit, si modo eorumdem monumentorum fides diligentius expendatur; quod sine ullo partis, solius verò Veritatis studio præstandum mihi nunc erit.

Ac primum Beneventanos indigenas ejus labis omnino expertes fuisse ajo, ipsam Actorum S. Barbatii Episcopi (quo uno ex fonte res omnis ad posteros manavit) sectatus fidem: Non aliis enim, nisi solis Longobardis eadem res vitio vertitur, illi nempe genti, quæ patrio solo paulo antè egressa, avitæque fortasse superstitionis nondum oblita, Beneventi confederat. Ad ipsos igitur Longobardos quod attinet, haud mihi mens est, præfatorum Actorum fidem ex Pauli Diaconi silentio in commenti suspicionem adducere. Fueritne Actorum Scriptor Paulo anterior, vel tempore (ut videtur) posterior, ipse certe Paullus nihil quod ad rem gestam pertinet, narrare prætermisit; quod si ejusmodi Superstitionibus Longobardi dediti tum fuissent, Superis potius invisos, quàm coelestem adversus Imp. Constantem opem promeritos Paullus tradidisset. Quum enim Constantis Longobardorum Regnum everfurus Italiam adpulisset, non ante rem tantam aggrediendam duxit, quàm, an ipsa faventis Dei nutu regeretur, sibi foret perspectum. Frustra rem ipse moliri intellexit, quandoquidem Longobardorum haud ruere posset imperium, non tam viribus suis prævalidum, quàm coelestibus Patronis communitum: aderant enim tum S. Johannes Baptista, tum Archangelus Michael, tum Princeps Apostolorum Petrus, qui præsentissimam ejus Gentis tutelam haberent (1). Nunciatam rem fuisse veram exitus comprobavit: Quum enim Longobardorum, Beneventanorumque simul res in extremo discrimine versarentur, non solum Constantis obsidione soluta Urbs fuit, verum etiam Hostes partim cæsi, partim in fugam acti Longobardis Italiam felicius, ac gloriosius possidentem reliquerunt: An igitur Divinam opem promeruisse Longobardi, qui suum erga eos coelestes Patronos eximium licet cultum superstitionis iis ritibus commaculassent?

Sed & quæ tum nostrorum Longobardorum bellica virtus fuerit, quique mores, animique ad optima quæque, ac plenè admiranda facinora comparati, Paullus nobis prodidit: inter quæ haud ileam imperterriti Ducis cum suis expeditis juvenibus frequentes in hostium castra ex Urbe eruptiones; præcipuè verò illud proferam posterorum omnium memoria, ac laude commendandum exemplum, quo Sefualdus Romualdi nutritius, mori potius voluit, quàm ullam Veritati injuriam, Reique publicæ detrimentum inferre: Præmissus enim a Rege Grimoaldo Sefualdus, ut auxiliarium copiarum jamjam advenientium nuncio,

(1) Nihil de Archangelo Michael, Apostoloque Petro habet Paullus in Muratoriana editione Script. Ital. tom. I. part. I. pag. 478. ubi hæc tantum habentur: *Qui tamen (Constantis) prius ad Solitarium quendam, qui Tropæie Spiritum habere dicebatur, abiit, studiosè ab eo sciscitans, utrum Gentem Longobardorum, quæ in Italia habitabat, superare, & obtinere posset; à quo cum Servus Dei spatium unius noctis expetisset, ut pro hoc ipso Dominum supplicaret, facto mane ita eidem Augusto respondit: Gens Longobardorum superari modo ab aliquo non potest; quia Regina quædam ex alia Provincia veniens, Basilicam B. Joannis Baptiste in Longobardorum finibus confruxit, & propter hoc idem B. Joannes pro Longobardorum gente continuè intercedit &c.* In Ascensiana verò ejusdem Pauli editione (uti Horat. Blancus ad hunc locum notat) uberior hujus rei insi-

tuitur narratio; nam non solum in S. Joannis Baptiste, sed & in S. Michaelis Archangeli, Apostolique Petri tutela æquè Longobardi recententur. Postquam enim Solitarius ille Constanti obsequutus Deum precatus esset, eadem hora vise sunt ei tres personæ spirituales, quarum una Archangelus Michaelis, secunda Joannis Baptiste, tertia Apostoli Petri. Tunc unus ex illis dixit Solitario: Dic Imperatori Constanti, quod ad salem rem, quam habet in corde suo disposiam, Domini voluntas adhuc non est. Gens Longobardorum, qui in Italia habitant, superari nunc ab aliquo non potest &c. De S. Michaelis Archangelo mox uberimè agemus; deque S. Petro pleraque etiam debimus, quæ nostrorum Longobardorum Religionem quammaximè commendabunt.

cio, diutina Græcorum obsidione pressi Civium animi erigerentur, interceptus tamen, atque ab hostibus sævissimam mortem minitantibus contraria Romualdo, Civibusque ad murum vocatis nunciare iussus, fidem ipse Alumno simul, Dominoque suo debitam, suæque gentis salutem proprio antetulit Capiti, quod mox ab hostibus abscissum in patriam Urbem projectum est (1). Hæc quidem, aliaque præterea Paullus multa, ac præclara habet; in quibus tamen nulla prorsus superstitioe Arboris, nulla quoque adoratæ Viperæ mentio. An igitur id Paullo, quod Gentis suæ probro esset, dissimulatum? An contra ex Paulli silen-

(1) Præstat rem totam ex ipso Paullo describere, nam & auditu digna res est, ipsæque Paullus à consuetis Peregrinii infestationibus vindicandus quoque est. Sic itaque Paullus lib. v. cap. vii. in fin. & cap. viii. ac ix. Grimoaldus ejus Pater cum jamjamque properaret, eundem nutricium ejus, de quo præmissimus, ad Filium misit, qui ei suum adventum nunciaret. Qui cum prope Beneventum venisset, à Græcis captus Imperatori delatus est: Qui ab eo, unde veniret, requirens, ille se à Grimoaldo Rege venire, eundemque Regem citius adventare nunciavit; statimque Imperator exterritus consilium cum suis iniit, quatenus cum Romualdo pacisceretur, ut Neapolim posset reverti. . . . Accepta igitur obside Romualdi sorore, cui nomen Gisa fuit, cum eodem pacem fecit; ejus verò nutricium Sefualdum ad muros duci præcepit, mortem eidem minatus, si aliquid Romualdo, aut Civibus de Grimoaldi adventu nunciaret, sed potius asseveraret eundem minime venire posse. Quod ille ita se facturum, ut ei præcipiebatur promisit; sed cum prope muros advenisset, velle se Romualdum videre dixit, qui cum citius advenisset, sic ad eum loquutus est: Constant esto Domine Romualde, & habens fiduciam noli turbari, quia tuus Genitor citius tibi auxilium præbiturus aderit; nam scias eum hac nocte juxta Sangrum fluvium cum valido exercitu manere; tantum obsecro, ut misericordiam exhibeas meæ uxori, & filiis; quia gens ista perisda me vivere non finet: Cumque hoc dixisset, iussu Imperatoris Caput ejus abscissum est, atque cum belli machina, quæm Petrariani vocant, in Urbem projectum est; quod Caput Romualdus sibi deferri iussit, idque lacrimans osculatus est, dignoque in loco tumulari præcepit. . . . Meruens igitur Imperator subitum Grimoaldi Regis adventum, dimissa Beneventi obsidione Neapolim proficiscitur: Cujus tamen exercitum Mitola Capuanus Comes juxta fluentis Caloris fluminis in loco, qui usque hodie Pugna dicitur vehementer attrivit. Hanc victoriam mox altera sequuta est, quam de reliquis Græcis Romualdus ipse recitit, qui (ut Paullus subdit cap. x.) Beneventum triumphans reversus est, Patrique gaudium, & cunctis securitatem sublato hostium timore contulit. Audiamus nunc perpetuum Paulli censores, aut potius criminatores Peregrinium, qui singula penè hujus narrationis verba sibi cavillanda suscepit in Dissert. de Ducat. Benev. finib. ad Septentr. pag. 273. segg. edit. Neap. Primum itaque Paulum de præfata Constantis expeditione invicem pugnantia exposuisse ait, cum à Duce Romualdo obsidem Imperatori perhibuit traditam sororem Gisam post acceptum nuncium, præsto jam sibi adesse cum valido exercitu Patrem Regemque Grimoaldum. At jamdiu adversus Peregrinium optimus Paulli Patronus stetit V. C. Hor. Blancus, qui in not. 40. non bene Paulli mentem assequutum Peregrinium observat, & contra etenim Paullus post datam obsidem narrat, Sefualdum, qui à Rege præmissus fuerat, ut illius adventum nunciaret, ad moenia ductum fuisse, ut Romualdo spem auxilii tolleret &c. At verius dicendum, non opus Peregrinio fuisse, ut mentem assequeretur, sed tantum ut Paulli verba perlegeret. Nonnisi post traditam obsidem Sororem, Patrem cum auxiliariis copiis properantem rescisse Romualdus traditur: sed qui Romualdum latebat, notus jam Constanti ex captivo Sefualdo nuncio erat Grimoaldi adventus; qui

propterea Constantis exterritus consilium cum suis iniit, quatenus cum Romualdo pacisceretur, ut Neapolim posset reverti. Accepta itaque obside Romualdi sorore cum eodem pacem fecit, atque adduc Sefualdum ad muros duci præcepit, mortem eidem minatus, si aliquid Romualdo, aut Civibus de Grimoaldi adventu nunciaret, sed potius asseveraret, eundem minime venire posse. Ad ignaro itaque paterni adventus Romualdo, & diuturnæ obsidionis, qua nimirum Cives assiderentur, pertæso, pacem, pacifice obsidem facile imperavit Constantis, qui adhuc eum adventum celari, immò frustra expectandum nunciari voluit, ne Neapolim reverfurus, si ve potius fugam arrepturus Beneventanos Longobardos, quos in Urbis obsidione adeò strenuos probaverat, inferiores haberet: sed posteriore ex hac fraude frustra opem sibi Imperator paravit; qui soluta obsidione Neapolim rediens, mox infestantes Longobardos habuit, qui, Mitola duce, ejus exercitum ingenti clade ad fluvium Calorem affecerunt. Omnia igitur in hac universa rerum narratione rectissime sibi constare nemo non fatebitur, nisi qui non legerit, aut legens cum Peregrinio recutire velit, qui solus pugnantia sibi videre visus est; neque tamen is heic substitit; errasse quoque Paulum in ejus loci mentione contendit, ubi Imperialis Exercitus cladem sequuntur commemorat. Fluvium Calorem (inquit pag. 275. num. 6.) à Paulo pro Sabbato dictum non dubito, quem prope Petrus Diac. in Auxil. ad Offens. lib. 4. cap. 15. agnoscit hunc locum appellatum Pugna: sed eò Constantium restitit, & festinatit, ut Paullus perhibet, Neapolim redeuntem à restia via diverfisse, locorum, & gestorum consuetudo est confuso. Videt adhuc, quantum carpendi Paulum libido Peregrinium inceperit. Sed idem præsto est doctissimus Blancus qui Paulli ac Veritatis patrocinium profequutus, præcipitem (subdit) sane hunc Imperatoris recessum, restumque iter Neapolim versus non video, unde argere poterit Peregrinium, nisi ex propria conjectura, quam probabilem licet, tanti non fecerim, ut fidem Paullo sit abrogatura, notata potissimum utriusque fluminis positione, ut præsens olim aspecti, ob quam nemo dixerit, Constantem Benevento Neapolim recedentem enormiter diverfisse. Sed nec leviter divertisse novisset Blancus, si locum diligentius inspicisset, Peregrinique, qui nunquam aspexit, conjecturam reprobare omnino potuisset. Quid enim? Non iter illud, quod nunc per Sabati fluvium Neapolim ducit spectandum est, posteriore illud nempe ætate stratum, ac Via nova appellationem adhuc servans; sed vetus alterum, quæ per Pontem Leprosium Via Appia Beneventum ducebat; quem prope subarbanum Pontem Sabatus ipsa brevi admodum intervallo in Calorem influit. Rem assero, quæ omnium oculis probari potest, quæque etiam Paulli testimonium deesset) non alibi certe, nisi ad Calorem eam Pugnam commissam persuaderet. Stet igitur à Peregrinii cavillationibus vindicata Paulli fides; stet quoque sua Calori fluvio celebritas, non recens illa quidem ex Græci exercitus clade, quam recentes Domini patrarunt Longobardi, sed illustriorem ejusdem loci famam consequuta, quam ex insigniori olim Romanorum adversus Penos victoria, à Livio lib. 24. memorata, jamdiu sibi fluvius Calor quæstiverat.

silentio de Actorum fide suspicari liceat? Neutrum profectò. De utraque re vera nobis prodidit Actorum Scriptor, sed in Hagiographorum illius ævi morem plurimum exaggerata, ut, quò deterius res se habere videbatur, eò Barbati Episcopi Virtus præclarior, atque illustrior opera appareret; Ea vero Paullus neglexit, quæ vel satis levia esse, vel in communem Gentis errorem, improbitatemque nullimodè referenda animadverterat. Id quod ex ipsis Actis accuratius perpenſis haud difficili mihi negotio ostendere aggrediar.

Ac primùm, quod tunc temporis sub Romualdo Sacri Baptismatis unda Longobardi abluerentur, Acta ipsa difertissimè initio testantur; neque, quin Catholica, quam eo Baptismate susciperent, profiterenturque, illorum esset Fides, dubitare nos sinunt: quandoquidem & Romualdum Ducem, & ceteros Longobardos, non solum Sacræ Liturgiæ adstantes, sed ab eodem Episcopo Barbato ad Divinam Eucharistiam percipiendam admissos narrare pergunt. *Contigit (inquiunt) ut Sancto Resurrectionis die Romuald venatu revertens ingredi Beneventum deberet: cui Sanctissimus Barbatus in itinere direxit, ut ante ad Dei Genitricis Ecclesiam pergeret, Missarumque Solemnia celebraret. . . At ille Viri Dei jussis obtemperans cum universo Comitatu suo ingressus est Ecclesiam ad Dominicam celebrandam solemnitate . . . Expletis itaque Missarum Solemniis, cunctisque Divinis reſectis Muneribus, accedens Vir Dei ad Principem ait: Cum, ò Princeps, in Dei, & ejus Genitricis aſſamus præſentia &c. Tum Romualdo exprobat, clam in suæ Regiæ domus penetralibus servatum adhuc Viperæ Simulacrum, quod ille comminuere, atque abs se projicere pauloante sponſonderat; Habes primùm ex his, non verbis certe, factò tamen ipſo luculentius probatum Sancti Episcopi pro Longobardis judicium; non enim ipse ea in re, solemnem ullam, ac manifestam Idolatriæ, Superſtitioniſve labem agnoviſſe videtur; alioqui eundem Ducem, ejusque Familiares ad Ecclesiæ ingressum, ut Sacris Misteriis interessent, haud ultro invitasset, minùs certe ad Sacræ Synæos perceptionem accedere tam facile permisisset (1).*

Utinam igitur ad hæc modo dicta, aliaque mox dicenda seriò advertissent Viri gravissimi, quorum præ manibus, oculisque Acta, non solum ab aliis edita, sed autographa ipsa versabantur, quibus etiam, utpotè domesticis Scriptoribus id præcipue incumbabat, ut non tam pro veritatis studio Longobardorum Religioni faverent, quam ne nomini officerent. Erravit siquidem proprio potius ingenio, quam Actorum testimonio ductus Episcopus Sarnellius, qui utramque, de qua vulgo Beneventani Longobardi malè audiunt, Superſtitionem tum Viperæ, tum Arboris in unam simul conflavit, atque in publicam Idolatriæ professionem, universæque Gentis vitium convertit, asserens, ex ea Arbore, quam S. Barbatus radicitiſs evulſit pendentem auream Viperam à Longobardis adoratam. *Egli (inquit) S. Barbato liberò Benevento dall' assedio de' Greci, e insieme dalle Gentilesche Superſtizioni, ſvellendo in fin dalle radici un certo Arbore (da cui pendente una Viperà di oro sacrilegamente i Longobardi adoravano) e convertendo in Calice la Viperà stessa (2).* Nihil hac re mendacius, ut Viperà scilicet in propatulo esset, publicæ exposita venerationi: Nihil præterea absurdius dici potuit, quandoquidem ex agresti Arbore aureum pendens Simulacrum fures potius, quam adoratores invenisset: Res igitur ex solâ Actorum fide repetenda erat; ex quibus id certum discimus, ejusmodi nempe Viperæ Simulacrum à Duce Romualdo in Larario suo, seu in secretiore Ædium suarum loco asſervatum, non univerſis sibi subditis Longobardis, sed uni sibi, ac paucis quibudam suo famulatui, atque obsequio addictis, religiosum fuisse: Quum enim S. Barbatus illud à Theodorada ejusdem Ducis conjuge prodi, sibi que tradi flagitasset, illa nonnisi ex domus suæ penetralibus protulisse traditur; siquidem Romualdus (uti Acta narrare pergunt num. 13.) ejusque Sodales . . . palam se solum Deum colere fatebantur, & in abditis Viperæ Simulacrum in suam perniciem adorabant. Paria habet Anonymus Biographus pari num. 13. In aspectu omnium populorum Romualdus Deum Omnipotentem se colere fatebatur, & sub aditu clauso Serpentis adorabat Simulacrum aliquantis cum fidelibus suis.

Non audiendus itaque Sarnellius; cui, piget quidem, sed parcere mihi haud queo, quin nostratem alterum antiquiorem Scriptorem adjungam, Marium nempe Viperam satis alioqui pro sua ætate, ac ingenio de Beneventanæ Ecclesiæ Fastis promeritum, qui non, ut Sarnellius, distinctam Viperæ, Arborisque superſtitionem simul coalescere, sed deterius fortasse,

ALTER

F

tasse,

(1) Apud Bollandum XIX. Februar. pag. 139. & seq. Quibus Actis adnectitur altera ejusdem S. Barbati Vita ab Anonymo conscripta, ubi idem de consuetà Longo-

bardis Baptismi, Eucharistiæque perceptione legitur.

(2) In Chronol. Episcop. Benevent. pag. 33.

tasſe, in plures alias pullulaſcere fecit: De eodem enim Barbato in Chronologia agens inter Idola ab eo concifa inſignem Viperam, eamque bicipitem, & alatam tradit pag. 30. tum *De Sanctis Beneventanis* agens pag. 16. non modo Longobardos cum ſuo Duce adhuc Idolatria deditos, ipſiſque Barbari operâ ad Chriſtum converſos, generatim affirmat, verum etiam eâ converſione ſequutâ à Barbato Idola omnia, inter quæ illud Vipere erat inſigne Simulacrum, comminuta ſcribit: quaſi alia plura, præter ipſam Viperam reliquorum numinum principem, antiſitemque, Idolorum ſimulacra à Longobardis colerentur; atque in unam Beneventanam Urbem cum ipſis Longobardis, quos tunc primùm Barbatus ad Chriſtum convertit, ſedem iterum, domiciliumque Idolatria ſibi conſtituens, ipſum quoque Politeiſmum invexiſſet. Piger, inquam, utriuſque Scriptoris errata, ſive potiùs inconſultam ſcriptionem prodidiſſe; quanta enim cumque ſint (ſunt autem plurima) utriuſque erga Eccleſiam Beneventanam promerita, non id tamen efficient, ut venia ipſis detur de ea re, qua factum eſt, ut Majorum probra in Poſteriorum quoque dedecus quodammodo proceſſiſſe videantur; atque Eccleſia Beneventana ipſorum auctoritate innixa, aut potiùs decepta, nunquam cogitaverit de corrigenda, atque ad Actorum fidem neceſſariò conformanda Oratione illa, quæ in peculiari S. Barbati officio extat, atque ab eodem Samnitem Populum ab Idololatria revocatum etiamnum deprædicat: ubi certè ineptam atque omnino importunam vides Samnitium mentionem; de Idolatria vero nonniſi imponi tibi jam noſcis: neque enim ut Sanctiſſimi Antiſitis nomini; virtutis amplior concilietur celebritas, populi univerſi fama periclitari debebit; ſatis namque (ut ſuperiùs dixi) id præſtitit Actorum Scriptior, cujus Barbati operâ ſtudioſiùs indulgentis teſtimonio deterius quid in alienam injuriam adſtruere gravius piaculum ſemper fuerit, eò magis, quod ex ipſo Scriptore promptum ſit, meliorem Longobardorum cauſam effeciſſe.

A' noſtratibus ad exoticos Scriptores gradum faciam; eorumque omnium vice doctiſſimum Bollandum proferam, ut quid is de ea re cenſuerit, audiamus. *Quæ Longobardos* (ait) *cauſa ad Vipera efformandam effigiem, & venerandam impulerit, non traditur. Diximus conſueviſſe Hierapoleos Phrygia Orbis incolas vivam Viperam alere, ac divinis proſequi honoribus: An tale quid olim actitarint horum Longobardorum Majores, unde poſteris mos ille adheſerit, auream ejus effigiem honorandi; an ita conſecrare memoriam voluerint cujuſpiam virtutis, ac facinoris Ducum priſcorum, haud facile eſt conſpicere* (1). Putat itaque Vir ſummus, quam apud recentiores Longobardos obtinere Superſtitionem reperit, avitam fuiſſe, exemploque Hierapolitarum id confirmat, qui vivam Viperam olim adorant. At de Serpentium cultu non ſolum apud Phryges, ſed alios paſſim populos exempla nobis reliquit tum profana, tum Sacra Antiquitas, itaut præter veteres Hebræos, non ipſi quoque deſuerint Pſeudo-Chriſtiani, qui inſaniſſimam ejuſmodi ſuperſtitionem profeſſi aliquando fuerint; uti ſatis opportunè, uberrimèque à me oſtenſum eſt ſuperiore Libro pag. 106. ſeq. . . . At quum de antiquis Germanis, Longobardiſque agitur; nullus vel leviuſculæ conjecturæ locus fieri poteſt; quandoquidem quæ ipſorum peculiaria fuerint olim numina, ex Tacito, Paulloque Diacono diſtinctè, ſpeciatiſque recenſentibus pauldante jam novimus, ſed de Vipera, aut Serpentibus ne hilum quidem accepimus: Adde, nihil, quod ad eam pertinet Superſtitionem, de Longobardis tranſſiberinis memoriæ proditum, quibus æquè, ac ciſtiberinis, ſi ipſa à majoribus propagata fuiſſet, facile adhæreſcere eodem tempore potuiſſet. De conſecratâ verò ſub eodem Vipera Simulacro cujuſpiam virtutis, ac facinoris Ducum priſcorum memoriâ quod ſubdit Bollandus, minus proſecto impium, ſacrilegumque videri poterit, ſed an ullo exemplo comprobari queat, adhuc ignoro: Quanquam enim apud veteres Ethnicos latiſſimè (uti jam dixi) obtinuerit Serpentium veneratio, nihil tamen occurrit, quod ejuſmodi ſymboli, ſeu typi loco eos habitos oſtendat, ut ſcilicet Heroem quempiam, aut ejus inſignem Virtutem aliquam, facinuſque ſignificarent: Quod enim in

Mer-

(1) In Commentario prævio de S. Barbato tom. III: Februarii num. 6. Ex hoc Vipera ſimulacro, quæ Longobardis venerationi olim fuit, non continuò Idololatriæ eos cenſendes putavit Bollandus, qui quum ad Barbati ſanctitatem comprobendam (eod. Comm. n. 19.) verba Romani Martyrologii ad XIX. Febr. recitaſſet, quæ ita habent. *Apud Beneventum S. Barbati Epico- pi, qui ſanctitate celebris, Longobardos, & eorum Duce- m ad Chriſtum convertit. Mox ita ſubdit: Quatenus id verum ſit, antea diſſum eſt, & infra dicitur in Vita*

utraq; quia nimirum Romoaldum Ducem, eſſe tunc jam antea Baptiſmò, & Chriſtiana Myſteria frequentan- tem, retinentem tamen Superſtitiones quaſdam pagani- cas, ab hiſce revocavit. Longius à verò aberrat Conſtan- tinus Ghinius de S. Barbato in Natalib. SS. Canonico- rum, inter alia ſc. ſcribens. Tanta fuit Virtutis, tan- taque Sanctitatis celebris, quod Longobardos, & eo- rum Regem (appoſuit in margine: Partem puto, qui fuit anno 680.) convertit ad Chriſtum.

Mercurii Caduceo, ac pro Æsculapii insigni adhiberentur, diversa omnino erat ratio, quam satis vulgatam heic indicare haud necesse erit: Virgilius autem, qui Mytologiæ apprime gnarus pro re sibi nata docere, aut indigitare poterat, Serpentem tamen Æneæ ad paternum tumulum sacrificanti visum, quamvis aliam, quam eam rem prætulisse voluit, æquè ipse fortasse, ac Æneas

*Incertus Geniunne loci, Famulunne Parentis
Esse putet.*

Quid igitur causæ fuerit, ut religiosum Longobardis extiterit Viperae Simulacrum, mox dicam. Interim displicet, Bollandum, qui non solum Acta S. Barbatæ edidit, verum etiam meditatio perlegens commentariis, notisque illustravit, universæ gentis moribus eam tribuisse Superstitionem, quam nonnisi paucorum Longobardorum fuisse eadem Acta satis præclare, & plusquam semel testantur. Displicet etiam, quod is nescio quod ejusdem Viperae monumentum ad Sæculi x. exitum adhuc Beneventi extans sibi confinxerit, ad seriores etiam nepotes evasurum, nisi eo demum tempore vi terræmotus omnino interfisset. Videtur (inquit) ad annos trecentum post S. Barbatæ ætatem aliquod adhuc Beneventi extitisse Viperae illius monumentum, cui tamen nullus haberetur amplius honor: forte ut hic Antuerpia (ut alibi diximus) Priapi, alibi alia extant gentilium Idola: Leo Ostiensis Lib. 11. Chron. Cassin. cap. xi. ita scribit: Ante hoc ferme biennium Terræmotus ingens factus est Capuæ, atque Beneventi, itaut Capuæ domus multæ corruerent, ejusdemque Civitatis Campanæ ea vi per se sonarent, Beneventi autem Viperam dejecit, & Turres quindecim stravit. Id circa annum 983. videtur contigisse. At non istud profecto aureum illius Viperae Simulacrum esse poterat, quod à S. Barbato conflatum, & in Sacrum Calicem conversum ex iisdem Actis Bollandus probè noverat: An aliud fortasse ad prioris exemplum? Sed ex qua istud materia, quoniam Urbis loco, & cujus denique molis, ut columnæ fortasse, vel cuiuspiam edificio impositum, Terræmotus vi tandem disiectum, servatam adhuc veteris Superstitionis infamiam interitu suo aboleverit? Verisimiliora ad laudatum Ostiensis locum nobis assert V. C. Ang. De Nuce, qui Castrum Urbi propinquum, cui Viperae nomen, fuisse arbitratur (1): Sed neque Bollandus ipse (cui certe prior conjectura displicere debuit) de loco potius, cui ex superstitione olim Vipera nomen inditum, quàm de ipsius Viperae monumento, cogitare prætermisit; Quum enim in posterioris Vitæ S. Barbatæ num. 2. hæc scripta reperisset: Unde usque hodie sicut pro Voto Arboris, Votum, ita, & locus ille, Censui Devotionis, ubi Vipera reddebantur, dignoscitur appellari; hanc notam subjecit. An hic locus est, turrisve, aut domus, quam supra ex Leone Ostiensi retulimus, terræmotu sub finem Sæculi 10. iussisse dejectam? Felicius itaque in hac posteriori conjectura se habuit Bollandus; quamquam de priore, in qua in Commentario prævio num. 6. sibi complacuisse videtur, nihil est, ut magnopere querantur Beneventani, a quibus is servatæ simul cum commentitio Viperae monumento superstitionis, sive honoris invidiam omnem abesse voluit: Quare non omnino disparem, feliciorum verò Beneventanorum, quàm Mediolanensium causam dixeris: quæ autem Mediolanensium causam sit, haud piget referre.

Inter vetusta Mediolanensis Basilicæ Monumenta Serpens æneus hodieum recensetur, qui idemipse à Moysæ olim exaltatus, esse vulgò creditur, atque ex crebris gravissimorum Scriptorum studia in contraria abeuntium exercitationibus, novam sibi celebritatem comparavit. Ab Constantinopolitano Antistite ejusmodi *Κεμυλίου* Arnulphus Mediolanensis Archiepiscopus impetravit; qui moratus (uti Landulphus lenior narrat (2)) per tres fere menses apud Imperatorem, gratia Regis adeptæ, Serpentem æneum, quem Moyses in deserto divino imperio admonitus coram filiis Israël exalta verat, Imperatori requisivit, & habere meruit, & veniens in Ecclesia

ALTER

F 2

S. Am-

(1) Conjecturam suam ex pluribus ejus ævi Chartis confirmat Nuceus. Vipera (inquit) Collis, seu Mons in Agro Beneventano, & in eo Castrum. Infr. lib. 3. c. 60. Comes de Castro Vipera in Reg. Petri num. 498. De Castello Vipera in Bulla Calisti II. Innocentii III. &c. Ecclesia S. Eusebii in Vipera in Bullario Margerini. Hoc ergo Castrum disiecit Terræmotus, nisi Vipera aliud quidpiam fuerit. Mihi verò non Castrum Urbi finitimum, sed potius aliqua ipsius Urbis Regio, aut Vicus, cui id vocabulum, intelligendus videtur: adeit hodieum Beneventi Vicus Serpis nomine vocitatus.

(2) Tom. IV. Scriptor. Rer. Ital. edit. Muratorianæ

pag. 81. Fuit autem is Arnulphus I. Mediolanensis Archiepiscopus, quem Arnulphus alter item Archiepiscopus Hist. Med. lib. 1. cap. 8. (in cod. tom. IV. pag. 10.) & cap. 13. pag. 12. refert, ab Imp. Ottone III. legatum anno 995. Constantinopolim missum pro petenda Theophania illius Augusti filia uxore, atque Græce Cæsari evasisse ita Carum, ut quicquid poposcerat, facile impetravit, nulla tamen impetrati Serpentis ænei mentione facta, quam solus nobis Landulphus senior reliquit. De eo autem Serpente latius disserit Puricellus in Monum. Basil. Ambros., laudatusque superius Bolcha, à Mabillonio risui habitus.

S. Ambrosii ipsum exaltavit. Spectari adhuc ibi, non unus testatur Sigonius, qui nunc quoque illum religione sua clarum ejus facti testimonium, fama à majoribus accepta, reddere affirmat (1): Sed Ughellus quoque; qui ad eundem Serpentem Mediolanenses Matronas solere secunda feria Paschatis Resurrectionis sistere infantes morbo laborantes testatur (2): utque alios præteream, Johannes è contra Mabillonius in itinere suo Italico, dum Mediolani Anno 1685. moraretur, hoc de eodem Serpente testimonium simul, & judicium reliquit pag. 16. In eadem Basilica (Ambrosianæ) navis super columnam erectus est Serpens ex are, quem Moyses esse ferunt. Petrus Paulus Borscha hoc de Serpente micrologum edidit Mediolani an. MDCXXV. quod alii vident: Sed illud magis ridendum, & improbandum, quod Ughellus testatur &c. Hæc Vir doctissimus, piissimisque Mabillonius, sed quum de Italorum moribus, institutis, observationibus agitur, nonnumquam intemperantioris Critices, præjudicatæ sententiæ homo (3). Virulentius vero, ac cruentius plane stilo rem ipsam infectatus Prideauxius Norvicensis in Anglia Decanus Catholicos Romanos eò impudentiæ processisse criminatur, ut in media Mediolanensi Basilica Serpentem æneum, quem Moyses esse volunt, publico cultui expositum habentes, tum contra Sacræ Historiæ fidem, quæ illum à Rege Ezechia comminutum narrat, tum contra Christianæ Religionis, Idolatriam præcipuè vetantis, dogmata peccare convincantur. At calumniosus Heterodoxi Historici criminationibus satis jam ab aliis factum est (4); neque ipse opportunè occurrere destitit V. C. Muratorius, qui plura de eodem Serpente adversus domesticos potius, quam exoticos Scriptores præfatus, sic demum rem conficit: *Mea sententia est, non alio consilio ab antiquis æneum illum Serpentem collocatum in Ambrosiano Templo fuisse, quam ut exprimeretur, quod Divinus Redemptor noster Joannis cap. 3. vers. 14 dixit: Sicut Moyses exaltavit Serpentem in deserto, ita exaltari oportet Filium hominis. . . . Hæc veri quidem videtur simillima causa, quàm nuper innuebam, expositi illic Serpentis aenei. Nempe Mosaicus Serpens ad medellam Populi in eum respicientis (ut habetur Num. 21. 8.) pro signo positus est, quem, quum percussis aspicerent, sanabantur: atque typus ille fuit, ut vidimus, Christi venturi, ad cujus è Cruce pendentis aspectum sanandum erat Humanum genus. Geminas ergo Columnas in Ambrosiana Basilica veteres constituerunt, super unam prototypi, & veritatis effigiem locantes, hoc est, Christi in Cruce exaltati imaginem; super alteram Typum, seu Symbolum Crucifixi ipsius, idest Serpentem a Moyse in deserto exaltatum; atque adeo utrobique inspiciebatur, & colebatur Christus (5).*

Quid verò, si, uti Mediolanenses Mosaicum Serpentem æneum, ita Beneventani Longobardicam æneam Viperam ostentare adhuc possint? Nolim tamen, ut in Bollandi conjecturam concessisse me credas, qui superstes ad hæc usque tempora ejus Viperæ monumentum proferre gestiam, cujus illa non ultra Sæculum x. vestigia se reperisse, at perisse simul existimavit: Neque eam, quam cum Mediolanensibus comparandam duxi, periclitari Beneventanorum causam dixeris, quandoquidem quæ de Mediolanensi Serpente jam constitit, non eadem profectò ratio Beneventanam Viperam excusare poterit. His præmonitis, en tibi in hujus Voluminis titulo æneam Viperam bicipitem, quam Liber omnium oculis citò visendam offerens, non solum in suæ veluti frontis ornamentum, sed in Longobardici quoque ævi (quod præcipuum hujus Operis argumentum est) notam usurpare videtur: itaut Diomedem Aprum Beneventanas Origines ad extremam Romanorum ætatem in prioris Libri titulo designantem, Longobardica exciperet Vipera, Longobardicæ ætatis, ejusque veluti Gentis Insigne. Istud itaque Viperæ Simulacrum paucis ab hic annis in Agro Beneventano repertum apud Patricium, Virum Johannem Baptistam Ursolupum extabat, à quo nuper Pontificio Gubernatori Stephano Borgia dono datum, ut ejus Operi Pontificii ævi Antiquitates illustranti pretium adderet; sed quum id monumentum ad Longobardicam potius sivè barbariem, sivè Superstitionem, propterea ad Librum meum pertinere videretur, ea fuit optimi sapientissimique Præfulis humanitas, ut dono succederem.

An

(1) De Regn. Ital. lib. vii. ad ann. 971.

(2) Ital. Sacr. tom. iv.

(3) Norunt Eruditi quantum invidiæ Mabillonio creaverit Epistola illa, quam is ex Itinere Italico in Galliam redux sub nomine Eusebii Romani, De Cultu Sanctorum Ignotorum mox vulgavit. Rei exitus fuit, ut eandem Epistolam proprio inscripto nomine recudere necesse habuerit; in qua quidem posteriore editione (quam habes tum alibi, tum post Præfationes ad Sacula Benedictina conjunctim editas Venet. ann. 1740. pag. 534.) quod Mabillonius præstiterit, ex ipsomet

audire præstabit: *Ne quis (inquit) me vixas denud se-
rere velle existimet, repetita hac editione, quæ potius
ed tendit, ut emolliam, si quid durius, ut explicem, si
quid obscurius, denique ut emendem, & corrigam, si
quid secus quam par sit, à me priore in epistola scriptum
nonnullis videatur.*

(4) P. Joseph Alleganza in Epistola ad V. C. Marchionem Romualdum Sterlikium, quam habes in Diar. Liter. Romano an. 1754. pag. 347.

(5) Antiq. Ital. Med. Ævi tom. v. Dissert. LIX. p. 74.

An igitur hujus Viperae Simulacrum ad veterem Longobardorum Superstitionem pertinere putabimus? Sunt quidem, quæ probare id videantur, conjecturæ. Quorsum enim id Viperae Simulacrum, apud Beneventanos repertum? Cur etiam (quod nullibi fortasse occurrit) Vipera biceps? Nisi quod illa ipsa biceps, quæ à Longobardis olim adoraretur, Vipera fuisse tradatur (1)? Adde nunc illam, summa fide expressam, simulacri formam, à qua Romani ævi elegantia, artificiumque prorsus abhorret, ita ut ex rudi barbaricorum temporum ingenio profecta, nonnisi Longobardicam ætatem demonstret. At nonne aureum, inquis, quod Longobardis pro numine erat, ejus Viperae Simulacrum? ita quidem; quod tamen ab ipso Longobardorum Duce servaretur: quod vero nunc æneum habemus, nihilominus ad Longobardos referendum fuerit, quibus in eam Superstitionem satis pronis nihil adeò solemne esse debuit, quàm ut plura ex diversa (ut quisque posset) materia simulacra alia ad instar aureæ illius Viperae, quæ ab suis Ducibus colebatur, sibi effingenda curarent, quæ aut secum veluti Amuleta gestarent, vel in larariis suis servata, privatâ religione percolerent.

Atque hæc quidem suppetere conjecturæ videbantur, quæ ejusmodi Simulacrum Longobardicæ Superstitioni tribuendum innuerent: remque ita esse persuasum plerisque fuit, quibus dum præclarum quidpiam ex Longobardicis Antiquitatibus spectare oculis modo contingat, non invidiosa res visa fuit, pristinam Majorum suorum labem digito veluti etiamnum demonstrare. Mihi verò de ea re sic statuendum videtur: ut non omnino eæ contemnendæ sint conjecturæ; at illud similis veri sit, ut id Simulacrum pro *Anni* allegoremate accipi debeat. Draconis, sive Serpentis, caudam ore suo apprehendentis effigie Annum significari, Solarem scilicet in semetipsum redeuntem, jamdiu Eruditi observarunt (2). Servium libentiùs audiemus, qui ad illos *septem gyros anguis* ab Ænea visi sic commentatur. *Æneæ omen sui erroris ostenditur septem gyris, nam septimus ei annus est finis erroris. Annus enim secundum Ægyptios indicabatur ante inventas literas picto Dracone caudam suam mordente, quia in se (annus) recurrit* (3) sive (ut alibi Virgilius idem satis eleganter) *in sua se per vestigia volvitur Annus* (4). Non ipsa quidem caudam suam nostra in orbem, seu gyrum voluta Vipera mordet, at quum biceps sit, atque ubi in caudam definire debet, alterum rursus caput efferat, quid ni Annum pariter ut ipsa significaret, ita efficta est, quandoquidem Anni finis, exitusque, idem profectò, ac ipsiusmet exordium est, ac veluti Caput. De Jano certè, quem etiamnum in argenteis, passim in Romanorum Numis geminâ facie, alterâ scilicet ab ipso tergo anteriori respondente, decoratum spectamus, sic canit Ovidius (5):

*Jane biceps, Anni tacitè labentis imago,
Solut de Superis, qui tua terga vides.*

quod quum in nostro Simulacro ad ejusdem anni significationem satis appositè, venustèque usurpatum sit, non ut exemplis comprobetur, res ipsa indiget; quæ si nullis etiam exemplis illustrari possit, illustriorem adhuc nostram Viperaem efficiet, quæ quamfrequenter in aliis vetustis monumentis Caudam apprehendens; nunc demum ad eam significandam rem, alterum pro Cauda Caput singulari fortasse exemplo gerens, barbarici licet nostri Simulacri æstimationem augebit.

Utinam verò, quemadmodum id Simulacrum à veteri nostrorum Longobardorum religione abjudicasse facile mihi fuit, ita illos ejusdem Superstitionis expertes probare possem. At ita res se habuit: *Viperam* (inquit Biographus num. 2.) *aurei metallo formatam summi pro ingratitudine Dei, supplicii devotione venerari videbantur*. Dum verò eam rem non omnino certam probatamque affirmare voluit Biographus, cujus illa sunt, ut Longobardi *venerari viderentur*; pronum illud quoque affirmare nobis erit, non Numinis, seu Idoli loco eam fuisse Viperaem, cui divinos honores Longobardi exhiberent. Nulla (ut superius observavimus) aureo Simulacro vel *Ædes sacra*, vel *Ara dicata*, non thura, aut hostiæ fuere; Si Ducem, ejusque *Sodales*, aut etiam Longobardos aliquos exceperis, in reliquo Longobardorum populo ejus Religionis insaniam nequaquam invenies. Quæ igitur apud paucos illos Viperae cultores ejus Superstitionis causa? Non aliam certè agnoscere erit, quàm quod in Vipera *Bonum Genium*,

(1) Vid. Mariam Vipera in Chronol. Epist. Benev. pag. 30. Inter *Idola* (inquit) à s. Barbato concisa illud erat *insigne, Vipera, necnon biceps, & alata*. Laudatque ea de re Fr. Joannem Baptistam de Caferta Ord. Præd. de Orat. SS. Rosarii; At neuter idoneus ejus rei testis.

(2) Vid. Sponium in Miscell. Sect. I. pag. 4. Fabretti Inscript. Veter. cap. v. pag. 367.

(3) Æneid. v. 85.

(4) Georgic. II. 402.

(5) Fastor. I. 67.

qui *Ædum*, personarumque suarum tutelam gereret, contineri arbitrantur (1): sive potius, quod ex vivis, cicuratisque anguibz fausta omnia sibi ominarentur; quàm quidem Superfitionem nonnulli apud vulgus etiamnum obtinere scimus: infedisse autem Longobardorum animis haud mirum videri debet, quippe qui à Germaniæ plagis ad Italiæ solum, ab Idololatriæ tenebris ad Evangelii lucem recenter translati, patriarum Superfitionum (quarum non ipsam expertem Italiam invenissent) reliquias aliquas retinere adhuc poterant. At longius licet mala tactu Vipera nos detinuit, quam superstitione additâ pestilentiorum horrere debuimus.

De Arbore nunc videamus, quæ altera nostrorum Longobardorum Superfinitio fuit. Hanc in eam Gentem ex avitis moribus, patriaque Religione promanasse, magis, quàm de Vipera dictum est, exploratum videtur. Veteribus Germanis *Lucos*, & nemora consecrare, Decorumque nominibus appellare, morem fuisse Tacitus testatur, qui solitos etiam subdit, coire stato tempore in *Silviam*, auguriis Patrum, & prisca formidine sacram, casoque publicè homine celebrare barbari ritus horrenda primordia (2): Non hæc quidem horrenda duxere in Italiam Germanorum soboles Longobardi, Arborum tamen religionem retinuisse visi: quandoquidem non longè à Beneventi moenibus (inquit prior S. Barbati Biographus num. 2.) devotissimè sacrilegam colebant Arborem, in qua suspenso corio, cuncti qui aderant, terga vertentes Arbori, celerius equitabant, calcantibus cruentantes equos, ut unus alterum posset praire; atque in eodem cursu retroversis manibus in corium jaculabantur: sicque particulam modicam ex eo comedendam superstitione accipiebant. Habes igitur ex Majoribus suis acceptum à nostris Longobardis superstitionis Arboris cultum; quem tamen etiam in media locati Italia ne omnino abjicerent, infelix illa temporum conditio in causa fuit, quando non aliarum modo Gentium, quæ per Europam Christianæ jam essent, sed ipsorum quoque Italarum animi, mutis veluti exemplis, seu insana quadam æmulatione flagrantés, in superstitionis quosque ritus exercendos studiosius incumbant.

Quæ quantaque fuerint Superfitionum genera, seu Monstra, quibus barbarica sæcula, etiam Christianam Religionem condecescentia, impiè petulanterque delectarentur, curiosius præ aliis collegit, nostræque memoriæ servavit S. Pirminius Abbas, octavi sæculi Scriptor (3). Quamquam verò plura ex Pirminio habeamus, quæ ad Arbores pertinent; præstat tamen de peculiari hoc Superfitionis genere, cui Longobardi affueti fuerunt, conquisitis aliarum Gentium exemplis, speciatim disserere. Apud Gallos itaque, quorum priscis Druidis nihil si Plinio fides (4) visco, & arbore, in quo gignitur (si modo esset Robur) sacratius, jam sæculo vi., eo scilicet tempore quum maximè apud Gallos Christiana floreret Religio, ejus Superfitionis servata vestigia docet S. Gregorius M., Brunichildem Reginam vehementer cohortatus, ut subditos suos coereret, ne cultores Arborum existant, quia (inquit) pervenit ad nos, quod multi Christianorum & ad Ecclesias occurrant, & quod dici nefas est, & culturis Demonum

(1) Servius ad Georg. III. v. 417.

Sape sub immotis præsepibus aut mala tactu Vipera delituit &c.

Vipera (inquit) gaudet tellis, ut sunt ægyptii diiuvius, quos Latini Genios vocant. Legas apud Alianum de Animal. lib. II. cap. 17. cicuratos Serpentes in ædibus Egyptiorum familiares, perinde habitos tanquam Deos Penates.

(2) De Moribus Germanorum edit. Plantiniana cum notis I. Lipfii an. 1607. pag. 449.

(3) S. Pirminius Abbatem (quem etiam Episcopum, aut Coræpiscopum fuisse Caveus putat) ad ann. 758. pervenisse censet V. G. Mabillonius, qui ejusdem Libellum in modum Parænetici Sermonis lucubratus exhibet inter veter. Anal. edit. Paris. an. 1723. pag. 65.: ex quo hæc habemus. Nolite adorare Idola; non ad Petras, neque ad Arbores; non ad Angulos, neque ad Fontes; ad Trivios nolite adorare, nec vota reddere. Præcantatores, & Sorillegos, Karagios, Aruspices, Divinos, Ariolos, Magos, Maleficos, Sternutuos, & auguria per aviculas, vel alia ingenia mala, & diabolica nolite facere, nec credere. Nam Vulcanalia, & Kalendas observare, Laurus operire, pedem observare, effundere super truncum frugem; & vinum, & pa-

nem in fontem mittere: Mulieres in telam suam Minervam nominare; & Venerem, aut alium diem in nuptiis observare; & quo die in via exeat, attendere; omnia ista quid aliud, nisi cultura Diaboli est? Karachares Herbas succino nolite vobis, vel vestris appendere; Tempetarios nolite credere, nec aliquid pro hoc eis dare. Qui impurias, quæ dicunt homines super tellis mittere, ut aliqua futura possint eis prænunciare quod eis bona, aut mala adveniant, nolite eis credere, quia soli Deo est futura præscire. Cervulos, & vehicular in Quadragesima, vel aliud tempus nolite ambulare. Viri vestes semineas, femine vestes viriles in ipsi Kalendis, vel in alia lusa quamplurima nolite vestire. Membra ex ligno facta in Trivios, & ab Arboribus, & alio nolite facere, neque mittere: quia nullam sanitatem vobis possunt præstare. Luna quando obscuratur, nolite clamores emittere. Omnia Philasteria Diabolica, & cuncta supradicta nolite ea credere, nec adorare, neque vota illis reddere, nec ullum honorem impendere, quia Dominus in Exodo ait: Non facias tibi sculptile &c. Et non attendatis ad somnia vestra, quæ somniant, quia salum ipsa prophetant vobis; sed dum Trinum, & Unum adorare, & benedificare &c.

(4) Hist. Nat. lib. XVI. cap. ult.

num non abscedant (1). Gregorii zelum non expectabat S. Cæsarius Arelatenfis, qui sub eam ætatem non suo contentus munere, quo in eandem Superstitionem invehebatur, pios quosque Christianos excitabat, urgebatque, ut quos viderent ea labe inquinatos, redarguere, ac deterere satagerent: si adhuc (inquit) videtis aliquos ad Fontes, aut ad Arbores vota reddere. . . . durissime tanta eorum peccata increpare (2). Sed tùm Gregorium, tùm Cæsarium præverat Concilium Turonense II. anni 567. in cuius Canone XXI. ejusmodi Arbores *Sacrivæ* appellantur, subsequutum verò fuit Nannetenfe anni 658. Can. xx.; ut videas, quàm altiùs Arboribus ipsis ejus Superstitionis radices Gallico Solo infixæ fuerint, quibus evellendis tot Ecclesiastica Sanctiones, tanta Sacrorum Antistitum sollicitudo, atque auctoritas vix prodesse videbantur.

Quod si proximos Gallis Germanos, jam superiùs nobis memoratos, revivere libeat, deteriora fortassis occurrent. Neque enim longissimis temporum intervallis, neque novâ Reip. formâ, neque susceptis Christianæ Religionis institutis factum est, ut à priscis moribus, avitisque exemplis omninò recesserint: Minus quidem horrenda, quia non, ut olim, humano sanguine foedaretur, eadem tamen ferarum, belluarumque hostiis contenta manebat erga Arbores Superstitio. *Alemannis legitima quadam, & patria sunt instituta; Siquidem in Rebusp. administrandis, & Magistratibus, Francorum politiam sectantur; in his tamen, quæ ad Religionem pertinent, ab his longè dissentiunt, nimirum qui Arbores quasdam adorant, propitiansque . . . quibus equos, & boves, & infinita ejusmodi pecora defectis Capribus immolant* (3). Hæc Agathias, dum Theodeberti Brunichildis Nepotis, sæculi nempe VI. res gestas persequitur: Sed neque meliores, dum Sæculum laberetur VIII. Germanos ostendit Concilium Francfordienfe I. anni 794. in cuius Canone XLIII. ita sancitum legitur: *De Arboribus, & Lucis destruendis Canonica observetur auctoritas* (4).

Gallis, Germanisque Afri, Angli, Hispanique accensendi sunt, quos per eadem tempora ejusdem Superstitionis studiosos cursum indicasse suffecerit (5), ut citiùs Italos, quibuscum Longobardi communem Sedem, sociosque mores habere cœperant, repetamus. Extat in Legum Longobardicarum Codice Regis Liutprandi Lex, quæ in hominem animadverti jubet, qui inter alias Superstitiones tunc temporis obtinentes, *ad Arborem, quàm rustici Sanctum vocant, adoraverit* (6) Liutprando autem ferendæ Legis occasionem non fuit tantùm Longobardi fecerunt: universi enim ab illa labe cohibendi erant Itali, quibus antea etiam, quàm Longobardorum nomen Italia audisset, familiare id Superstitionis genus fuisse ostendunt Impp. Theodosius, Arcadius, Honoriusque latâ Anno 392. Lege, quâ Filco multæ nomine ea possessio addicitur, ubi quis *Arborem vitis superstitionis redimere tentaverit* (7). Id quod ævo eodem memoratum à S. Paulino Nolano est in Epistola ad Jovium hisce verbis: *Unde putas tantam miseris mortalibus vel superbia vel ignavia perverstatem inolevisse, ut non colentes Deum, Dæmoniis, aut elementis subditis sibi serviunt, Aquas, Ignem, Sidera, Arbores, Simulacra venerantes cum impiissima Divina Majestatis injuria* (8)? Certè priscis Romanis (ne solis Gallis, Germanique

(1) Lib. ix. epist. xi. aliis lib. vi. epist. v.

(2) In Appendice Sermorum S. Augustini (quod uti Cæsarii potius, quàm Augustini scetum Clarissimi Patres Benedidini rejecerunt) Sermo is est 265. ex quò supradicta descripti. S. Cæsario addendus est S. Eligius Novimensis in eadem Gallia Episcopus, cuius etiam Sermo inter alios est, adversus Cultores Arborum in Biblioth. PP. tom. xi. edit. secundæ. Cujus sermonis magnam partem retulit S. Audoenus in ejusdem Eligii vita, à Dacherio edita Spicileg. tom. i. pag. 98.

(3) Histor. lib. i. pag. 463. edit. Basilæ an. 1576.

(4) Apud P. Labbe Concil. tom. vi. pag.

(5) De Afri clara res est ex Concilio Cartaginensi v. can. 15. & ex S. Augustino serm. 215. & 261. de Tempore. De Anglis testatur Rex Edgarus in Canonibus Saxoniarum cap. i. §. 16. Ab Hispanis tandem eandem Superstitionem removere nisi sunt Concilia, Bracharenfe can. xxi. Toletanum xvi. can. ii.

(6) Lectionem retinui, quam ex editione Goldasti exhibet V. G. Muratorius tom. i. part. 2. pag. 67. Script. Ital. Quam igitur Liutprandus adorari Arborem vetat in Leg. xxx. lib. vi. *Sacrivam* potius dicendam Viri docti censent, ita enim appellare hæc Arbores leguntur in Concilio Antistodorenfi anni 886. can. 3. cuius hæc verba sunt: *Non licet . . . ad Arbores Sacrivas, vel ad Fon-*

tes vota exsolvere. Ita quoque S. Eligius (quem in not. 2. hujus pag. memoravimus) *Arbores* (ait) quos *Sacrivos* vocant, succidite. Sed neque in Liutprandi Lege constans supradicta lectio est; nam editio Heroldi pag. 232. sic habet: *quam rustici Sanctum vocant*. Quid quod Cangii editio novissima ab eruditissimis Patribus S. Mauri auda, & curata in vocabulo *Arbores Sacrivi*, novam, ac pene absurdam ejus Legis lectionem præfert: quæ sic est: *quam rustici sanguineam vocant*. Perperam quidem singuli. Malim ego *Sanctum*, aut *Sanctivam* uti (cod. Muratorio teste) habent Codices Erensis, & Mutinensis; probavitque Justus Lipsius in notis ad Tacitum de Morib. Germ. num. 36. Et finè, nemo nescit, quàm parum, aut nihil inter *Sacrum*, & *Sanctum* interlit: Si igitur ex Vossio lib. 3. de Vitiis Serm. *Sacrivus* idem est, ac consecratus, ac diis dicatus, vocabulum scilicet *vitiosè à Sacro* deductum, cur non etiam à *Sancto* (quod Sacro affine est) *Sanctivum*, eodem Sermonis vitio, rusticis istdem familiari, alicubi appellari nequiverit?

(7) Leg. xii. Cod. Theodof. de Paganis. Hinc Arbor vitata Prudentio contra Symmachum lib. ii. v. 1099. Et quæ fumiferas Arbor vitata lucernas sustinuit, cadit ultrici succisa bipenni.

(8) Epist. xxxvi. lib. ii. pag. 413. edit. Colon. 1560.

nisque id exprobrems) præcipua Arborum Religio fuit; nam *Arbores* (teste Plinio (1)) fuere Numinum Tempia, priscoque ritu simplicia rura etiam nunc Deo præcellentem Arborem dicant: Audi etiam (non enim poenitebit) Senecam: *Si tibi occurrit vetustis Arboribus, & solitam altitudinem egressis frequens Lucus, & conspectum Coeli densitate ramorum, aliorum alios protegentium submovens, illa proceritas Silva, & Secretum loci, & admiratio umbra in aperto tam dense, atque continua, fidem tibi Numinis facit* (2). Hæc apud ipsos Sapientiores, orta Evangelii luce, fatuæ Religionis sivè femina, sivè documenta: quantum hæc ipsa apud hominum vulgus, animosque ad Superstitionem pronos, obtinuisse debebant; quantum denique sequiori ætati usitatiores putabimus. De his, qui vota voverent, vel persolverent ad Arborem, speciatim cavisse legitur Poenitentiale Theodori, qui licet domo Græcus, Cantuariensis verò in Anglia Archiepiscopus, ejusmodi tamen edidit Opus, quod apud omnes Occidentales Ecclesias à Sæculo VII. usu receptum, nonnisi late tùm grassantem eandem Superstitionem ostendit (3).

Quæ quum ita sint, Superstitiosiores aliis Populis, quos universus Orbis Christianus alet, Longobardos dicemus, quod Ludos celebrare assueti fuerint ad Arborem, quam alii vario ritu, eodemque errore ad feram ætatem coluisse probantur? Nulla certè ea de re Longobardico nomini manere infamia debet, quæ non aliis communis sit: immo deteriora apud alios passim ejus Superstitionis exempla invenisse erit, quæ apud nostros Longobardos, nisi sceleris omninò expertia, exultatione saltem digna videri possunt. Longobardis certè nullam ex iis equestribus ludis superstitionis invidiam constari posse, rem perpendere aggressus existimavit doctissimus Bollandus. *Quid erat, inquit, heic, Superstitionis, equestres Ludos instituere, atque ab Arbore, velut carcere, decurrendo, jacula in appensam ei pellem Parathico ritu mittere? Quid illa Pyrus habebat impietatis, de qua Constantius Presbyter in Vita S. Germani Antissiodorensis 31. Julii? Ab ejus ramusculis Ferarum, ab eo deprehensarum capita, pro admiratione venationis nimia, dependebant. Quem celebs Vir, ejusdem tunc Civitatis Amator Episcopus, his frequens compellebat eloquiis: Desine, queso, Vir, honoratorum splendidissime, hæc jocularia, quæ Christianis offensa, Paganis vero imitanda sunt, exercere: hoc opus Idololatria cultura est, non Christiana elegantissima disciplina. Hæc aliaque S. Amator &c. atque hæc in Longobardorum gratiam Bollandus (4).*

At poenituit mox Bollandum, se Longobardorum causam tueri coepisse; & velut abruptè deteriorem, quàm Antissiodorensium efficere nititur. Major, ita subdit, in isto Longobardorum ludo levitas inerat, minimèque toleranda in Christianis petulantia, & manifesta reliquia profanorum Sacrificiorum: Quid vero causæ fuerit, ut tam diversa ab ore eodem, eodemque contextu audiremus? Inter agendam causam, ecce Corium illud Arbori appensum veteres illos Longobardos Caprini Capitis adoratores, S. Gregorio M. commemoratos in Bollandi momoriam revocavit, qui Gregorii locum recitans, ac præterea Baronii testimonium adjungens, qui Longobardos quosdam, quum Italiam occuparint, Gentiles, quosdam Arianos, Orthodoxos nonnullos tradit, sic ipse demum rem omnem concludit: *Fuerit forte Corium hoc, quod Arbori appensum ridicula decursione honorabatur, ab ejusmodi Capra, cujus esset Caput Dæmoni (clam tunc, ne quid ab orthodoxa plebe turbaretur) avulsam?*

Piget me profecto, heic iterum, ac sicubi occurreret deinceps, tanto Viro adversari, cujus ingenium, eruditionem, pietatem planè suspicio, cujus etiam ex æterno illo Opere, cui moliendo pares admovit manus, perficiendoque tutum, faustumque iter Sodalibus suis constravit, immortalia fateor in Remp. Christianam promerita. At Operis mei ratio id à me suo jure postulat, quod cujusque animo insidere magis debet, ut Veritas scilicet, si minus pateat, sincerius illustretur, si pessumeat, ab injuria vindicetur. Mihi itaque causam agenti meam, Bollando non assentiri haud piaculi loco esse debet, neque enim Bollandum arguo, sed propria tueor, Patriæ ipse quidem, sed Veritatis studiosior. An igitur Bollandi opinatio, seu divinatio ferenda erit, quæ is, quum ante centum propè annos Longobardos Caprini Capitis adoratores legisset, eosque paullopost partim Gentiles, partim Arianos, partim Orthodoxos reperisset, adhuc lapso jam Sæculo Gentiles ipsos, idololatriasque videre sibi visus est, qui in media Benevento, Capræ Caput divinis honoribus prosequerentur? Horrenda isthæc, atque nefaria de posterioribus Beneventanis Longobardis suspicari haud æquum est:

(1) Hist. Nat. lib. xii. cap. i.

(2) Epist. xli.

(3) Floruit Theodorus Cantuariensis an. 718. de quo plura Caveus Hist. Liter. pag. 387. ac nuper Murato-

rius Antiquitat. Ital. Dissertat. 68. tom. v. pag. 711.

(4) In Commentario prævio S. Barbati num. 6. to. III. Februarii pag. 137.

est: Non temporum ratio, non praesentium rerum status id sinebant, ut Longobardica Respublica firmata, florente autem tum maxime Beneventano Ducatu, Gentiles plurimos, aut (quod deterius est) Christianos omnes Longobardos, foedissimam tamen Idololatriam illam simul professos, in principe Urbe servasse, ac fovisse arguatur. At neque ab omnibus, neque palam, sed *clam* (nequid ab Orthodoxa plebe turbaretur) patrari res poterat. Non heic profecto manifestas reliquias profanorum Sacrificiorum, injuriosam potius scribentis criminationem agnosco. Non siluisset certe uterque Biographus, qui, ut Barbato celebritatem conciliet, Longobardorum flagitia distincte referre, ac penè amplificare studet: Non iple siluisset Barbatus, cui saltem ea res *clam* esse nequibat: neque is tamen, inter alia plura superstitiosa, quae abolere enititur, impiissimam omnium ejusmodi Superstitionem Longobardis exprobasse legitur.

Præclarius itaque res doctissimo Viro cessisset, si, quam sibi tuendam Longobardorum causam initio susceperat, adhibita, diligentiusque perpenſa utriusque Biographi auctoritate consiciendam curasset: & mirum sane, ut qui Pyri illius ferarum Capitibus onusti historiam nobis recitare laboravit, ut Episcopi Amatoris de Superstitione inanem fuisse suspicionem ostenderet, quid Barbatus de Arbore sentiret, quid Longobardi Barbato ludos illos vehementius insectanti reponerent, (quod tunc negotium Bollando erat) haud postea is protulit, Lectorumque expectationem fecellit. Itaque quum *Beatissimus Barbatus* huc, atque illuc discurrens anxie predicaret, cupiens eos (Longobardos) Creatori suo purgatos erroribus praesentare: illi *ferina cecati dementia*, nil aliud nisi *seſſorum meditantes usus*, optimum esse fatebantur cultum legis Majorum suorum, quos nominatim *bellicosissimos* assererebant. Barbatus itaque errare Longobardos ratus, ab eoque errore revocare aggressus, impietatis eos ludos redarguit: Contrà Longobardi de Corii particula, quam comederent, nullam exultationem obtundunt, non quia Superstitionem inficiari nequirent, sed quia nil superstitiosi in eo Corio, quo Scopi vice uterentur, patrarent; vel quia (ut verisimilius est) falsò de ea re infimularentur, quæ factu difficillima, ac penè impossibilis fuisse videtur: non enim solis jaculorum ictibus particula aliqua præcidi è Corio poterat, quod immixtis jaculis transfixum potius, quàm in frustula discerptum fuisse oportuit. Quod ad ludos verò attinet, fatentur libenter Longobardi, sese, dum iis equestribus decursionibus, atque in Parthorum morem jaculationibus vacarent, *nil aliud agere, nisi Seſſorum meditantes usus*, vel, ut rectius habent Acta ex Codice Sophiano ab Ughello edita, *nil aliud quàm in bellorum meditantes usus*, id est, equestri prælio affluere addiscentes, Majorum suorum, quos *bellicosissimos* jactabant, non Superstitionem quampiam, sed militarem virtutem, ac bellicam gloriam imitari. Rei summa hæc est. Arguebat Antissiodorenses Episcopus Amator, quos crederet superstitiosè Pyrum illam adorare, qua ipsi, veluti Tropheum quodam utebantur, ut ex suspensis ferarum Capitibus, sese Venatorum fortissimos ostentarent. Incepbat Longobardos Barbatus, quos Arborem Superstitiosis ludis colere arbitraretur: qui tamen ludi nonnisi militaris exercitationis causâ celebrari consuebant. Quod Antissiodorensibus, Longobardisque solemne erat, Superstitionis labem aliquam vel continere, vel paulatim suscipere potuisse fateor, unde laudandi ambo, Amator, & Barbatus, qui cum arbore utraque amputandum quoque impietatis vel periculum, vel suspicionem sategerunt; iniquissimum tamen illud fuerit, in pari causa, eademque de re Antissiodorenses absolvere, in Longobardis verò *manifestas profanorum Sacrificiorum reliquias* agnoscere, ac foedissimæ Idololatriæ penè convictos damnare.

Hactenus, de Longobardicis Superstitionibus, re omni penitiùs, ac sincerius perspectâ, quid verè sentiendum, atque ex æquo esset statuendum, demonstravimus; hæc tamen, inquam, ut Longobardorum Religio teterrimum, quem induere cogebatur aspectum, abjiceret tandem, cum Viro gravissimo, doctissimoque decertandum mihi fuit. Ad rudis nunc ingenii homines, scitulosque quosvis convertendus sermo esset; explodenda scilicet foret illa vulgi opinio, quæ adhuc in Beneventano Agro Arborem Nuceam, Longobardicæ Arboris veluti germen, vigere credit, ad quam undique coire, nocturnaque convivia celebrare Striges, Sægeve soleant. At quum hæc nonnisi nugamenta, ac verè esse somnia, Viris gravissimis, doctisque persuasum sit, eaque de re plura in antecessum dicere occasio tulit Superiore Libro pag. 109 melioribus nunc vacabimus; præstabitque de Episcopo Barbato, quem superius vix memorasse contigit, uberiores pro ejus meritis sermonem instituire.

CAPUT III.

*De S. Barbato Episcopo Beneventano, atque Theodorada
Ducis Romualdi conjuge.*

*S. Barbatus genere Longobardus, patria Beneventanus ostenditur: Ejus tum ante, tum in
Episcopatu res geste illustrantur: Barbato in extirpandis Longobardorum Superstitionibus
Theodorada adjutrix: cujus Pietas, ac Munificentia tum in Suburbano Sancti Petri
Monasterio, tum in Canusina S. Sabini Ecclesia edificandis latius recensentur.*

BArbatum Longobardos gentiles suos, etsi Christianos Orthodoxosque ab avitis quibusdam Superstitionibus ad sinceriores Fidei professionem, melioremque frugem felici conatu revocasse, superiore Capite jam demonstravimus. In eo certe facinore si Virtutum, laudisque summam perfringeremus, satis Barbatum celebrasse videremur. Postulat vero argumentum, quod adhuc versamus, ut de eo Viro ampliora proferamus: Longobardicæ enim Religionis nitor à Longobardis plerisque ea Superstitionum labe maculatus, sed à Longobardo homine luculentius restitutus, non solum magis experts invidiæ erit, sed in novum quoque decus asurgit. At quum Longobardorum Sobolem Barbatum appellavi, scio mihi Cl. Bollandum adesse adversarium. Nihil verò ea re, quæ à me statuta initio est, certius affirmari potest, quandoquidem ad ejus fidem confirmandam præsto est, præclarissimis expressa verbis, Veterum Actorum auctoritas: En ipsa verba: *Sicuti ex omnium gentium natione plurimi renati sunt in Christo coloni, ita & Gens Longobardorum, dum quondam esset renata in Domino, inventus est in ea Colonus Ecclesia, & ovium Pastor mirificus, laudabile nomen, Barbatus, clarescens enituit Beneventi. Quid verò ad hæc Bollandus? Non est (inquit) verisimile, S. Barbatum circa annum 602. natum, genere fuisse Longobardorum; nec enim aut nomen Longobardicum, aut satis Gens erat, annorum 34. spatio, in illa crudelissima grassatione, & flagitiorum omnium impunitate, ad Christianam modestiam condescenda, ut ex se protulisse germen ejusmodi videri possit (1).*

Hoc igitur decus Beneventanis indigenis servasse videtur Bollandus, ut soli Barbatum Civem ostendant, qui advenas Longobardos, jam tum Beneventi dominos, à patriis erroribus ad puriorem Religionem deduxerit. Præstat tamen, ut quam omnino exploratam, idoneoque testimonio confirmatam habemus, veritatem sequamur: Neque vero Bollando permittendum, ut belluinum hominum genus, ingenito quodam inemendabilis naturæ vitio, ac perpetua temporum, morumque successionem, Longobardos sibi pertinacius confingat. Superstitiosos, & ad flagitia quæque paratos generatim sinamus: an vero id vetabat, ut ex hisce tenebris nullum nunquam lumen splendescere, nullus ex hisce lapidibus filius Abrahæ suscitari potuerit? Nihil facilius, nihil certius, quod ipse Actorum Scriptor satis indicat: dum scilicet Longobardi ex barbaris, sacrilegisque Germaniæ silvis egressi, jamdiu in Christianæ Italiæ solo locati, jamdiu denique Beneventanis indigenis permixti, consociatique, non solum communes cum illis lares, atque mores, sed eandem, quam illi, Religionem colebant. Constat præterea, ab Zottonis primi Ducis obitu, ex anno scilicet 590., longe quidem ante Barbati ortum, sub successore Arichi, quam diversi Longobardorum mores esse coeperint, quam felix tunc ejus Reipublicæ status effloruerit. At Barbati nomen Longobardum hominem non eum ostendit: immo ex eodem ipso nomine (si aliunde nesciremus) Longobardum liceret agnoscere. Extat inter Marmora Felsinea à Cl. Com. Cæsare Malvasia in lucem edita insigne vetustæ marmoreæ Pelvis monumentum, Regis Liutprandi ætatem ferens, in cujus titulo, superiori labro circumscripto, Barbatus ignotus antea Bononienfis Episcopus prodiit (2): adjecta ad ejus Monumenti illustrationem est proluxa, satisque erudita Com. Valerii de Zanis Dissertatio; qui inter alia ex ejus Episcopi nomine unicum sibi, ac omnino tutum efficit argumentum, ut hominem genere Longobardum pronunciet: id enim suadet Nomen tunc primum usu receptum, quum Longobardi Italiæ Domini esse coeperint: eodem certè circiter Sæculo Barbatus occurrit Theatinus, Barbatus Beneventanus, Barbatus Cumanus, Barbatus Forocornelianensis: Quid ni Longobar-

(1) In notis ad vitam Barbati posteriorem litt. A. tom. III. Febr. pag. 143.

(2) Scet. IV. à pag. 121. ad 216. edit. Bonon. an. 1670.

gobardi hi omnes censendi erunt, ex eadem, Italica tunc insueta, Longobardis familiari Barba, quæ etiam ei Genti universæ nomen fecisse traditur? Auditum quidem apud veteres Romanos Barbati Cognomen, quod Horatiis, Scipionibusque familiare fuit; eadem tamen de causa, quæ sequior ætas Nominis loco audire, atque usurpare coepit, quod scilicet Barbam illi inter Romanos, quemadmodum Longobardi inter Italos, gerere, ac nutrire amarent. Hæc fulsore calamo Vir doctus, opportuna quidem, magnique facienda; at pluris simul Actorum fides habenda est; à qua ne gravissimis quidem adversantibus conjecturis discedendum erit, levissimis, & in alienam injuriam ex proprio ingenio excogitatis discessisse, illiberale, ac temerarium erit.

Dum igitur meliora non habemus (nec desiderari meliora opus videtur), Actorum fidem sequamur oportet; quæ non modo impune, sed legitimum nobis quoque erit, ea omnia, velut commenta respuisse, quæ de Barbati patriâ, ejusque ante Episcopatum gestis Virginianus Monachus Ovidius de Lucii, atque ex eo Vincentius Ciarlantis tradiderunt (1). Ajunt enim natum honestissimis parentibus pagi *Vandari* Comitatus *Cerreti*, xv. circiter ab Beneventana Urbe lapide, à prima ætate Beneventi educatum, sacrisque literis apprime imbutum, ad Presbyteratus ordinem, sacrique Concionatoris munus admodum, tandem Ecclesiæ S. Basilii in oppido *Murcone* Diocesis Beneventanæ Curionem constitutum; quo in munere quum acrius in vitia inveheretur, multorum invidiam subiit, quæ tandem in falsam criminationem erupit: hinc Beneventum revocatus, postquam, compertâ innocentia, comprobataque vitæ sanctimonia Civium venerationem sibi conciliaffet, extirpandarum Longobardicarum Superstitionum occasionem sibi fecit. Hæc, inquam, singula proprio ex ingenio conficta pronunciamus, quæ nullo idoneo teste confirmantur, neque Acta meminerunt: atque utinam, quæ fuerint universa Barbati gesta ante Episcopatum, Acta sigillatim meminissent: Habent tamen, unde de egregiâ illius Sanctitate, Doctrinâ, que manifesta argumenta sumamus.

Duplicem Vitæ Barbati historiam Cl. Bollandus edidit, utramque à Silvestro Ajoſſa Capuano sibi transmissam; priorem ex veteri Codice Monasterii S. Joannis ejusdem Urbis Capuæ, alteram ex Codicibus Ecclesiæ Beneventanæ descriptam, ex priore (inquit) *ut apparet, conformatam, ac laciniola phrasi dilatatam*. Displicet certe, ita Bollandum Ajoſſæ acquiescisse, ut vetustiora, & sinceriora Acta Capuanis, interpolata Beneventanis servata crediderit. At non ejus diligentem meritum solis Capuanis tribuendum is probe noverat, qui eadem ipsa Acta à Baronio laudata non sinit, recitatis etiam illius in notationibus ad Martyrologium verbis hæc: *Habemus ejus Acta sincere scripta; est eorum exordium*: Sicut evidentiſſima &c. Quid igitur? Utrumque tum Ajoſſæ, tum Baronii exemplar, ac quotquot alibi reperiri exemplaria contingat, non aliunde profectò, quàm è Beneventanæ Ecclesiæ Tabulario excepta etiamnum ostendit vetustissimus Codex, in nostra Bibliotheca servatus: quo etiam ex fonte eadem Acta manarunt in MS. Codicem S. Sophiæ, unde Ughellus se eadem Acta, edita Tom. VIII. hausisse testatur. Utramque autem Actorum eorundem editionem tum à Bollandis, tum ab Ughello curatam, cum originali nostro Codice à me collatam, non sine mendis inveni, quorum pleraque inferiùs opportunè animadvertentur, reliqua non ita intoleranda visa sunt, ut, quæ satis sunt pervulgata, Acta eadem iterum recudenda existimarim.

Ad Barbati adhuc Presbyteri gesta quod attinet, ab ejus Prædicatione, qua is prænaratas Longobardorum Superstitiones abolere studebat, Acta exordium faciunt, atque sic pergit cap. i. num. 4. *Cumque Deus Caritatem B. Barbati, illorumque Longobardorum perpenderet infirmitatem, concessit, ut sic Sanctissimus Vir, qui eos divinis medicaminibus conabatur à peccatorum febribus, & ex intimis squallida profuente sanie emundare, & a protoplastis subversionis fermento ad filiorum Dei ponere libertatem, etiam mirabilibus signis sue prædicationis verba firmaret; ut si non verbis ad suam salutem, visis miraculis flecterentur. Nam Dæmonia ex obsessis Corporibus, aliquando fufis ad Dominum precibus, aliquando minis ejiciebat: & nunc usque ad Corporis ejus reliquias, cooperante Domino, sæpius à Dæmonio plures salvati conspicimus. Necnon expletis Missarum Solemnis, lotique Viri Dei manibus, hausta aqua, qua de illius manibus destuebatur, continuò à quacunque infirmitate salutis pristina restituebantur (2).*

Præclara hæc quidem: quibus Deus Barbati illustratam Sanctitatem, Prædicationem roboratam voluit. Ac peculiaris quidem in Dæmonia Barbati virtus fuisse videtur, qui, eodem

ALTER

G 2

Divi

(1) Memorie Istoriche del Sannio lib. III. cap. XVI. ut hujus loci menda, quæ in Bollandianam editionem

(2) Hæc uti recitata sunt, ex nostro Codice descripti, irrepperunt ex MS. Capuano, nosci, abolerique possint.

Divini honoris zelo, parique procurandæ alienæ salutis studio non tantum minis ab obfessis corporibus ejicere consuebat, sed aliquando in aliorum corpora, ut scelestorum supplicio æquè ac emendationi deservirent, iniciebat, uti inferiùs observabimus: eam verò virtutem non solum viventi Barbato traditam, sed ejus quoque Reliquiis à Deo servatam affirmat Actorum Auctor, ejus rei Scriptor, & testis (1). Subdit etiam, aquam, quā Barbatus post Missæ celebrationem manus lavabat, ægrotis salutarem fuisse; cujus generis miracula plerumque à Sanctis aliis patrata leguntur. Libet adhuc domesticum, serius licet ætatis exemplum de Joanne, gente Apulo, professione Monacho, ex illustribus nostratis Scriptoris Desiderii Dialogis depromere, qui Pontificis Alexandri II. ore narratum sibi ait, quod, quum ipse Pontifex eo tempore, quo Lucensem Ecclesiam regebat, febris correptus graviter egrotasset, & quotidie languore crescente vehementius fatigaretur, repente ei ad memoriam rediit, quod fama vulgante de prædicto Servo Dei sæpius audierat: quod videlicet quicumque febre detentus, haussisset ex aqua, quæ de manibus ipsius desuebat, dum post Missarum Solemnia ablueretur, mox recepta sanitate liberaretur: latenter igitur misit, qui sibi ex illa aqua aliquantulum afferre debuissent: Cumque hi, qui missi fuerant, aquam, quam postulaverat, attulissent, mox ebibit: atque ita repente sanitati pristina restitutus est, ut nullo in eo languoris illius indicia remaneret (2). Addam exemplum alterum (nam hæc illustrasse nemo otiosum putaverit, per quæ major erga Sacrosanctum Missæ Sacrificium, Sacerdotalemque Dignitatem religio, ac reverentia ingeratur) & ipsum quidem domesticum exemplum, quod Sanctissimus Pontifex Leo IX. ejusdem Sæculi x. anno L. dum Beneventi prima vice maneret (nam in eadem Urbe anno MLIII. rursus mansit ad decem, & amplius menses, ut alibi observabimus) Beneventanis reliquit: Leo igitur (uti Wibertus narrat) eo anno Romæ profectus, iter sumpsit peregrinaturus fines Apulie, ut Christianam repararet Religionem, quæ ibidem videbatur penè deperisse; maximèque inter Accolas Regionis, & Normannos concordiam componere satagens; quos dudum adjuutores contra exterarum gentes susceperant Principes Regni, sed tunc savissimos tyrannos, & patriam vastatores non sponte sustinebat: In hoc ergo Sancto opere sollicitè intentus venit Beneventum, ubi aliquandiu commoratus enidam Clinica, divina præeunte gratia vitale præbuit auxilium. Nam per annos fere quindecim diutino conferta languore, de proprio probato, nisi aliorum deportata manibus, nequibat exire; ita cuncta ejus membra paralysis erant dissoluta aegritudine. Cui per revelationem est, ut de lymphæ, quæ beatus Pastor sacras abluerat manus post Celebrationem Missarum, hauriret, & absque mora sospitatem reciperet: Quæ impetrata, & cum fideli spe hausta, in crapinum sopes sacra Missarum solennia adiit, Deo, Sanctoque Pontifici gratias redditura (3). Pium hunc morem bibendi aquam, quæ Sacerdos post Missarum Solemnia manus suas abluat, ad varias aegritudines repellendas, adhuc apud Græcos obtinere testatur Leo Allatus in lib. De quibusdam Græcorum opinionibus. Sed de Barbato Presbytero hæc tenus.

Episcopus susceptus est, summa tum Ducis, tum Populi consensione plausuque Barbatus Hildebrando (non Ildeverto) qui paullo ante, vel in ipsa obsidione, quæ Beneventum ab Augusto Constante premebatur, decesserat. Prima Episcopi Barbati cura fuit, ne quas Romualdus, cæterique Longobardi Superstitiones abjecisse videbantur, rursus repeterent: hinc illis annuentibus, ac comitantibus, repente Securim accipiens & ad Votum (locum suburbanum ita tunc, hodieque dictum) pergens suis manibus nefandam arborem, in qua per tot temporis spatia Longobardi exitiale sacrilegium perficiebant, defossa humo à radicibus incidit, ac desuper terre congeriem fecit, ut nec indicium ex ea quis postea valuerit reperire (4). Atque hæc illa Arbor est, postea-

(1) Rectè heic Bollandus observat, Actorum Scriptorem antiquiorem fuisse Beneventano Chronographo Falcone, propterea quod Translationis Corporis Barbati, longe post ejus obitum factæ, quam ille narrat, non ipse meminisset: in qua etiam Translatione, quum multa patrata miracula à Falcone traduntur, nulli tamen Energumini liberati memorantur. Ad hæc autem (quæ ex vetustis tabulis concinnata credere par est, ipsique Scriptor exordio suæ narrationis declarat, evidentiissimam, idest testatissimam relationem sequutus) Sæculo IX. conscripta ex eo reor, quod ipse Scriptor Duem tunc Romualdum Principis titulo appellare maluerit, ætatis scilicet suæ rationem attendens, postquam scilicet ex anno 774. Beneventanus Ducatus in Principatum ab Duce Arichi II. erectus jam fuerat.

(2) Dialogor. lib. I. cap. 59. edit. Rom. 1651. Ex Desiderio retulit hoc miraculum in suum Chronicon Cassin. Offensis lib. II. cap. 92. atque in suis Annalibus Baronius ad an. 1070. num. 27.

(3) Wibertus in Vit. S. Leonis PP. IX. lib. II. cap. VI. apud Mabillonium in Sæculo VI. Benedectino P. II.; & ad id Bollandistas ad diem XIX. Aprilis: & in Vitis Romanorum Pontificum tom. III. Scriptor. Ital. p. 294.

(4) In Aëis, seu Vita prioris cap. II. num. 10. Posterior verò Vita Barbati rem ipsam sic habet cap. III. num. 11. Hoc expleto gavisus Romualdi suæ prosperitatis beneficio, beatissimum Barbatum constituit illico Præsulem Beneventi, eumque deprecatus est, ut promissa Colonorum xenia ad honorem gloriæ suæ non recusaret recipere. At ille, Non, inquit, muneris tui recipienda sunt

posterioribus Sæculis, *Nucis Beneventana* nomine celebrata, quæ vulgo occasionem fecit fabulandi, quod ad illam nocturni Strygum conventus agitari solerent: Fabellam anilem superiore Libro jam refutavimus pag. 108. Periiit certè ab suis excisa, atque evulsa radicibus infamis Arbor illa, ut nec indicium ex ea quis postea valuerit reperire, sublataque simul, tum posteris, ne quid committerentur, tum majoribus nostris Longobardis occasio, ne ad sacrilegos ludos redirent.

Non ita tamen de aureo Viperæ Simulacro fuit, quod adhuc superstes, Dux Romualdus, ejusque Sodales, in abditiis, idest clàm in larario servatum colere rursus coeperunt. Pervasis verò (quum id rescisset) in ipsa Aulæ penetralia Barbati Zelus, ablatumque, absente Duce, Simulacrum conflavit, plurimisque auri opificibus accersitis disposuit, ut ante adventum Principis ad offerendum Corpus, & Sanguinem Christi miræ magnitudinis, atque decoris Patenam, & Calicem operarentur ex eo; ut in memoriale servetur futuris temporibus in Beatissima Dei Genitricis Ecclesia, per quam ab exteriori, & interiore fuerant hoste liberati, idest à Gracis, qui Urbem expugnare conabantur, & à Diabolo, qui ex Viperæ cultu obnoxios sibi Longobardos habebat. Duo in hoc Barbati facto observasse proderit: primum illud, Episcopum Sanctissimum ingentes opes à Romualdo oblatas omnino averlatum, aurum nihilominus illud sibi vindicasse, quo Ecclesiastica Vasa ad Altaris ministerium fabricanda mandavit. Nihil certè eas res Barbati virtutem minuit; qui talem auri usum Sacrorum Mysteriorum dignitati, ac decori fas, immò opus esse ducebat: atque is quidem, pro sua ætate, exemplo esse meretur, ut Calicis aurei, vel argentei usum, quem à primis Sæculis & probavit, & adhibuit Ecclesia, comprobare luculentius jam possit. *Pluribus vetitum* (inquit satis verè sapienterque Cardinalis Bona) nunquam statutum, aut approbatum legimus Calicis lignei, aut vitrei, sive lapidei, vel cernei usum. . . . Orthodoxam Ecclesiam semper, & ubique in hoc conspirasse, ut aureis, vel argenteis Calicibus Sacerdotes uterentur (1): & sanè permittamus Exuperio Episcopo Tholosano; cujus illud est S Hieronymi calamo conscriptum elogium: *nihil videlicet illo ditius fuisse, qui Corpus Domini canistro vimineo, & Sanguinem portabat in vitro* (2). Sed non eadem, quæ Episcopi, Ecclesiæ paupertas esse debet, quæ si auro sola fulgeat, illius paupertatem magis commendat; immò pauperi Episcopo suppeditare parata sit, quod (quum opus est) in pauperes distribuatur. Rem omnem conficit satis illustre S. Laurentii factum; qui jussus à Pontifice Xisto, Vasa Ecclesiæ (aurea certè, atque argentea) nè in Tyranni prædam cederent, Ecclesiæ pauperibus erogavit. Adhibebatur igitur, ferreâ licet illâ Persequutionum ætate, Ecclesiasticis ministeriis aurum, atque argentum, si Ecclesiasticorum vires suppetere, si Ecclesiasticorum animis divini honoris cultus, religioque calefceret: Dum verò Pauperibus propiciendum sit, aurea, atque argentea Vasa etiam iniuncta (uti ex ipso Laurentii exemplo docet S. Ambrosius) frangere, constare, vendere licet (3). Alterum in eo Barbati facto occurrit; quod Calicem illum, atque Patenam (ut Acta testantur) miræ magnitudinis ac decoris perficienda Barbatus voluerit. Hanc miram magnitudinem, nonnisi aliorum Calicum respectu, accipiendam arbitror. Constat enim ex antiquis Ritualibus, plures in uno Sacrificio adhibitos olim Calices, quorum unus ipsi Sacrificanti ejusque Ministris inserviebat, alii plures, vel pauciores pro numero Fidelium communicantium apponebantur, qui grandiores, & capaciores erant, ac dicebantur *Ministeriales*, quorum sæpè fit mentio in Viris Pontificum ab Anastasio conscriptis; exemplaque laudatus Bona collegit. Haud verò in ingentem molem Barbati Calicem assurgere, Patenamque se effundere patiebatur illud auri pondus, quod ex solo unius Viperæ Simulacro præstatur. Minus etiam tantum superesse potuit, ut ex eodem ipso auro fabrefactam pariter *Urbis Beneventana effigiem*, in Ecclesia pro anathemate affigendam, admittamus, quemadmodum Acta Capuana à Bollandi edita, atque hoc quidem loco interpolata, commemorant (4).

Ingen-

funct dona, nisi prius largitas confessa extiterit, ut omne iudicium Arboris ludificæ destruat. Tunc Romualdus, & omnes astantes dixerunt: Pax, & Securitas merito Beatitudinis tue, finibus nostris advenit; omnia idcirco, quæ tue complacent menti, ut satagis, ita perage securus. Itæ itaque audito, præcinxit se viriliter, ut bonus juvenis, Forum properans, Securam manibus gestans, coepit omne iudicium Arboris phantasticæ ad nihilum revocare.

(1) Rer. Liturgic. lib. I. cap. xxv. ubi rem ipsam variis exemplis, & auctoritatibus ex omni Sacra Antiquitate eruditè pertractatam invenies.

(2) Epist. lib. II. epist. 13. ad Rusticum pag. 176. edit. Rom. ann. 1731.

(3) De Offic. lib. II. cap. 28.

(4) Quæ à Bollandi edita est, Barbati Vita prior, sic habet cap. III. num. 15. Quod acceptum (Simulacrum) Episcopus statim igne dissolvit, plurimisque auri opificibus accersitis, disposuit, ut ante adventum Principis, ad offerendum Corpus, & Sanguinem Christi miræ magnitudinis, atque decoris Patenam, & Calicem operarentur ex eo. Nec non instar Beneventi, quam ex inimicis eruerat Deus, ex eodem auro Civitatem perficerent, ut in Dei

Ingentes illas opes, quas ex universis Beneventani Ducatus Urbibus quotannis colligendas Romualdus Barbato sponderat, offerre jam Episcopo, tradereque reipſa voluit: Sed Barbatus, non honorum, aut divitiarum avidus, sed tantummodo anxius de illorum Salute, omnia constantissime recusavit: at Romualdus cogebat eum dicens: Non me inter filiorum tuorum numerum aggregari credo, si munus, quod pro mea salute offerre studeo, recusas: coactus igitur ejusdem precibus ait Beatissimus Barbatus: si munus tue salutis offerre studes, unum impende Sacrificium, ut B. Michaelis Archangeli Domum, quæ in Gargano sita est, & omnia, quæ sub ditione Sipontini Episcopatus sunt, Sedi Beatissimæ Genitricis Dei, cui nunc indignè præsum, in omnibus subdas. Et quoniam absque cultoribus omnia depravantur, unde nec sedulum Domino illic officium persolveri potest, melius à nobis disposita tibi proficiant in salutem (1). Vides in largiendis opibus Romualdi pietatem cum Barbati temperantia decertantem: victoriam unus Divini Honoris Zelus reportavit, quo Dux voti sui compos effectus est, Episcopus muneri suo satisfaciendum putavit: Quantus verò Barbati is zelus fuit, qui non Urbis, amplissimæque Dioecesis Beneventanæ terminis contineri poterat, sed conterminis regionibus, labefactatum Dei cultum, ac collapsam Religionem restituere satagebat. Rem hanc, quæ celebrandæ Barbati virtuti præclarissimum argumentum præstat, fuit nihilominus Scriptor neotericus, qui in deteriorem partem accipiendam monuit (2): quasi nihil aliud Barbatus cogitaret, quam in alienam Dioecesim manus suas immittere; Barbati denique exemplo prodere nunc primum Episcopum voluit, Episcopatus sui jurisdictionem proferre affectantem; idque ausum sola Sæcularis Potestatis auctoritate; adeptum denique, ut ambitioni potiùs, quam religioni serviret. Talem, si non iniquo, inconsulto certè studio animoque importatam calumniam, ex ipsa facti serie superius recitata refutasse nunc satis fit: acriùs refellendam suscipiemus in Dissertatione de Ecclesia Beneventana, cap. II. ubi ex diuturna subjectione, quam à Barbati ævo ad Sæculum XI. Sipontina Ecclesia Beneventanis Præfulibus præstitit, rem ipsam opportuniùs repetemus, atque uberiùs pertractabimus.

Præstat modo illud animadvertere, quod Barbatus de Ecclesiæ suæ redditibus distribendis servavit, servandumque Successoribus suis tum exemplo, tum lege proposuit: Etenim Vir Dei non est oblitus mandatorum Dei, atque in quatuor partes cunctum Ecclesiæ redditum omni tempore sanxit fideliter distribiri; unam fideliter egentibus: sequentem his, qui Deo sedulas in Ecclesia exhibent laudes: tertiam pro Ecclesiarum restauratione distribui jussit: quartam verò suis peragendis utilitatibus, ut Episcopus habeat, decrevit. Et hæcenus, sicut ab eo disposita sunt, impartiri cuncta videntur (3). Quadripartitam hanc Ecclesiasticorum reddituum divisionem ab Episcopis faciendam, nusquam in Orientali Ecclesia, in Latina non ante Sæculum V. agnitam, invecstamque probare conatur Cl. Thomassinus (4): nec certè antiquior ea de re Canonica Sanctio occurrit ante Pontificatum Simplicii, qui Epistola II. id de Ecclesiæ redditibus servari jussit, ut Episcopo sola ex his quarta portio relinqueretur; due Ecclesiasticis Fabricis, & erogationi peregrinorum, & pauperum profuturæ; ultima inter se Clericis pro singulorum meritis dividatur. Ita Simplicius anno 467. Pontificatum auspicatus; qui tamen haud tunc novam veluti tulisse legem, sed veterem, & jamdiù ab Ecclesia receptam inculcasse videtur: Id quod paulò postea à Gelasio factum est Epistola X.; factum etiam lapsò ab hinc Sæculo à Magno Gregorio: Ac Gregorium quidem audire libet, ad primam Augustini Anglorum Apostoli, & Episcopi interrogationem sic respondentem: Sacra Scriptura testatur, quam te benesse non dubium est, & specialiter B. Pauli Apostoli ad Timotheum Epistola, in quibus eum erue dire studuit, qualiter in Domo Dei conversari debuisset; Mos autem Apostolicæ Sedis est, ordinatis Episcopis præceptum tradere, ut de omni stipendio, quod accedit, quatuor fieri debeant portiones: Una videlicet Episcopo, & familia ejus propter hospitalitatem, & suscepcionem: Alia Clero: Tertia verò Pauperibus: Quarta Ecclesiis reparandis (5). Provocat Gregorius ad Sacram Scripturam,

in Dei Genitricis Ecclesia, qualiter ejus intercessionibus Beneventus erepta est, futuris temporibus in memoria reserarent. Atque hæc postiora in nostro Codice desunt, cujus verba superius recitavimus; produntque certè Actorum, quæ nos servamus, tum vetustatem, tum sinceritatem præ Actis Capuanis, quò hæc nugæ, vel commenta irreperunt. Non erat certè illius ætatis Urbem auro effingere, dum in ipsis effingendis Nummis adeò rudem, & barbaram, qualem etiam nunc intuemur, se probabat.

(1) Acta priora cap. II. num. II.

(2) Lud. Muratorius Antiq. Med. Ævi. Dissert. De vario statu Dioeceseon Episcopatum tom. V. pag. 354.

(3) Acta priora d. cap. II. num. 12. Idem habent posteriora cap. III. num. 12. his verbis: In quatuor partes votivum Ecclesiæ redditum studuit fideliter dispensare, indigentibus unam, Ecclesiæ servitutibus (tort. servientibus) aliam, Ecclesiastico usui concessit tertiam, quantam denique suis utilitatibus reservavit. Et hæc dispensatio bona nunquam recessit ab usu.

(4) De Eccl. Discip. P. III. l. II. c. XIII. n. 4. & seqq.

(5) Lib. XI. ep. 64. alias 31. edit. PP. S. Mauri.

ram, ad Pauli Epistolæ, non quòd illic quadripartita divisio ipsa speciatim juberi legatur, sed ut ex ipso, qui illic jubetur, Ecclesiasticorum bonorum usu derivata ostendatur. Audi eundem Gregorium, qui in eadem responsione hæc Augustino subdit: *Sed quia tua Fraternitas, Monasterii regulis erudita, seorsim vivere non debet à Clericis suis in Ecclesia Anglorum, quæ auctore Deo nuper ad fidem perducta est, hanc debet instituire conversationem, quæ in initio nascentis Ecclesiæ fuit Patribus nostris, in quibus nullus eorum ex his, quæ possidebantur, aliquid suum esse dicebat, sed erant illis omnia communia.* Docet Gregorius, simulque monet Augustinum, quomodo se tum in bonorum partitione, tum in suæ Ecclesiæ institutione gerere debeat: Si (quod exoptat) fieri nequeat, ut communia sint omnia, omnibus tamen, quæ ex primæva communionis lege, atque exemplo debita sunt, quadripartitè exhibeantur. Brevisissimi certè temporis, ac nascentis tantummodo Ecclesiæ communio illa fuit, quam & adauctus Fidelium numerus, & tum Reip. tum ipsius Ecclesiæ oeconomia haud deinceps admittendam ostendit. Hinc bonorum receptio, eorumque dispensatio ad Episcopos pervenit, qui illorum usum, erogationemque non proprio arbitratu, minus etiam suis, suorumque commodis, sed ex pristino more, atque instituto in eas partitiones infunderet, quibus prospici universis Ecclesiæ rationibus videbatur: Æquæ autem statutæ sunt partes, non quòd Episcopus, si quid ex ipsarum quaque superesset, sibi vindicaret, sed nequa fraus pararetur: integrum enim Episcopo erat, minorem, majoremque partem vel Clero, vel Ecclesiæ, vel Pauperibus attribuere pro præsentis cujusque necessitate, dumtamen in eas causas totum exhauriretur. Hoc igitur institutum, pro suorum temporum ratione, exactissimè sequutus est Barbatius, nullo fortasse Decessorum suorum exemplo, quandoquidem non modo ipse Successoribus exemplum, verum etiam legem prætulisse voluit. Sequutus autem id institutum Barbatius est, non oblitus mandatorum Dei; ut videas Barbatum ita Canonicas Sanctiones attendisse, ut de illa partitione nihil Canones statuisset arbitraretur, quod non primitus Divino eloquio mandatum videbatur; illud profecto universos omnis ævi Ecclesiæ Præfules satis manifestè docens, ut non tam quadripartitam divisionem, vel alias quasvis rerum, personarum, temporumque rationes spectare satis habeant, quàm ut mandatorum Dei memores esse debeant, quibus omnia congruenti sustentationi superflua, non sua, sed aliena, idest Pauperum, & Ecclesiæ esse fiant.

Cœterum *Vir Domini Barbatius* (quo elogio Biographus appellat, concinitque etiamnum Beneventana Ecclesiæ) *actionibus celebris, cornuscus miraculis*, præcipuum certè & Gentis, & Religionis Longobardicæ decus, fulgidissimum denique Ecclesiæ Beneventanæ lumen, de utraque tum optimè, tum diuturnè promeritus, piissimus Pater, Omnipotentis solamine fretus, simpliciter, atque prudenter deguit in sui Episcopatus honore annos decem, & octo, & menses undecim. *Qui Divina evocatus misericordia, ad præmia suorum operum capienda hac instabili luce privatus ad cœlestia Regna undecimo Kalendas Martii, à nativitate sua octogesimo est adveniens.* (1) Habemus itaque tum Episcopatus, tum ætatis annos, mensesque exactè, distinctèque numeratos: diem etiam, sed non annum emortualem indicatum habemus, quem Cl. Bollandus *Æræ Christianæ anno dclxxxii. adscribit. Sedit* (inquit in Commentarii §. 111. num. 18.) *annos 18. menses 11. Qui ergo anno 663. circa 20. Martii ad Episcopatum fuerat evectus, anno 682. mortuus est 19. Februarii, quod etiam Vipera annotavit. Aliam Chronologiam inquit, qui exemplar Vitæ ejus, quæ est in Collectaneis Belfortii interpolavit; ait enim anno Domini 666. obiisse. Contempsit, nec immeritò, hanc Belfortii Chronologiam Bollandus, qui tamen nec probabilem Chronologiæ suæ rationem concinnavit: illud enim, quod asserit, incertum est, Barbatum scilicet circa diem 20. Martii anni 663. ad Episcopatum fuisse evectum: Præstraverat is quidem in ejusdem Commentarii §. 11. num. 15. suæ Chronologiæ fundamenta; dum de Barbati electione agens, contigisse illam ait circa 20. Martii, quum mortuus dicatur 16. (verius 19.) Februarii, sedisse in Episcopatu annos 18. menses 11. Eos enim annos numerari existimo ab eo tempore, quo illi Episcopatus delatus est, antequam Pontificis Romani confirmatio accederet. Octobri fortassis mense, aut Novembri venit in Italiam Constantius; Urbes deinde multas cepit, ac Luceriam evertit, Beneventum non parvo tempore oppugnavit, ut accersiri Grimoaldus, cogere exercitum, & venire in Samnium potuerit; Quod dein spatii ad 5. Julii fuit, Neapoli, & in Campania Constantius*

(1) Acta priora cap. 111. num. 20. quibus posteriora confirmant. Sedit hic venerabilis Præsul annos decem sub die undecimo Calendarum Martiarum, idest nono decimo die intrante, mense Februario.
 Et octo, menses undecim: Vixit annos octoginta; obiit

stans exegit, & in Romano itinere. At non video, cur ex statuto sibi anno Barbatī emortuali 682. (cujus, præter Viperæ opinionem, nullum idoneum testem habemus) in eas angustias se Bollandus redegerit, ut nempe Episcopatus tempus non à confirmatione, seu ordinatione, sed ab electione metiretur; adhuc etiam præproperè Constantis adventum, & Beneventi obsidionem anteverteret. Acta hæc Anno DCLXII. censet Cl. Blancus in suis ad Paullum Diaconum notis Lib. v. cap. vi., testem sibi adhibens Anastasium Bibliothecarium, qui advenisse Imperatorem narrat per Indictionem Sextam, Vitaliano Pontificatum gerente, & postmodum quinta die mensis Julii, feria quarta, Indictione superscripta, Romam advenisse; qui utique Characteres (subdit Blancus) Anno DCLXIII. conveniunt. Quamvis autem eadem Indictio Sexta, à Septembre anni DCLXII. inchoata, etiam Julium menssem anni DCLXIII. complectatur, mendum nihilominus in edictione Blanci T. I. P. I. Scriptor. Ital. pag. 478., ex eo suspicari licet, quod non hanc ipse diversi anni simul sibi commemorati rationem affert. Non autem illud verisimile videtur, Constantem Octobri, aut etiam Novembri, hieme videlicet ingravescente, è Constantinopolitano portu solvisse. Vetat etiam id opinari Paulli Diaconi testimonium, qui Imperatorem Tarentum venisse tradit, qui mox egressus exinde Beneventanorum fines invasit, omnesque penè, per quos venerat, Longobardorum Civitates cepit; Luceriam quoque, opulentam Apuliæ Civitatem, expugnatam fortius invadens diruit, & ad solum usque prostravit: Arentiam sanè propter munitissimam loci positionem, capere minime potuit: Deinde cum omni suo exercitu Beneventum circumdedit, & eam vehementer expugnare coepit; ubi tunc Romualdus Grimoaldi filius, adhuc juvenculus, Ducatum tenebat; qui statim, ut Imperatoris adventum cognovit, Nutricium suum Gesualdum ad patrem Grimoaldum trans padum direxit, quod Grimoaldus Rex audiens, statim cum exercitu, Filio laturus auxilium Beneventum pergere coepit &c. Appellus igitur Tarentum Constantis, nulla interposita morâ in Beneventorum fines invasit, atque in itinere, Luceriâ occupata, relicta Arentia, seu Agerentia, quam munitam invenit, Beneventum, Ducatus scilicet Sedem, ac præcipuum propugnaculum expugnaturus properavit. Quis igitur sibi persuaserit, quinque circiter menses, si ab Octobri, vel Novembri anni antecedentis expeditionem illam suscepisset, Constanti, maritimo itinere CPoli Tarentum, terrestri dein Tarento Beneventum, adeò pigrè, vel otiosè transactos, atque insumptos? Verius illud est (si Paulli Diaconi narrationem, si rerum gestarum omnium seriem simul attendamus) Constantem nonnisi vere novo anni 663. circa Martium in Italiam primùm advenisse, quo ex tempore usque ad Menssem Julium, quo Romam petiit, quatuor prope Menses effluerunt, quod satis intervalli fuisse nemo non videt, immo majora, quàm opus sit, temporis spatia reperiet, quibus gradatim, ac satis commodè, laxèque consignemus Constantis adventum, ejus excursionem per Ducatum Beneventanum, Beneventi obsidionem, missum à Romualdo (statim ut Imperatoris adventum cognovit) ad Grimoaldum patrem Nuncium, ejusdem demum Grimoaldi susceptum iter cum auxiliariis copiis, quæ post solutam obsidionem, Constantisque discessum Beneventum pervenerunt. Quæ quum ita sint, haud certè Barbatī electio ad eundem Menssem Martii anni 663. retrahenda est, qui mensis expeditionis exordium, non exitus fuit; ac duos saltem menses posteriores habere debuit usque ad solutam obsidionem, postquam demum Barbatum electum Episcopum fuisse constat. Alia igitur electionis Epocha statuenda erit, quæ ad exitum ejusdem anni 663., & fortasse ad sequuti initia protrahenda videtur: id enim postulat statuta evidentiùs superior Chronologia, suadentque tum anni Episcopatus, tum mensis emortualis: quæ omnia non annum 682. sed sequutum 683. Barbatī emortualem fuisse demonstrant.

Mortuus Barbatius adhuc vivum sese Civibus suis ostendit, apud quos publicam venerationem mox consequutus, præsentem opem suam omni beneficiorum genere exhibere nunquam destitit: dum illi vicissim nihil solemnius, nihil jucundius omni ævo habuere, quàm ejus Nominis studiosissimos se probare: Hujus Beneventanorum erga Barbatum observantiæ plura olim, plura hodieque suppetunt monumenta. Libet tamen speciatim Translationis ejus Corporis speciatim meminisse, quæ Anno MCXXIV. ab Archiepiscopo Roffrido facta est. Rei memoriam oculatus testis, ac noster Chronographus Falco, non modo servavit, sed etiam uberimè est prosequutus. Quanta tunc, manifestato Civium oculis sacro Barbatī Corpore, illorum exultatio fuerit, ejusque honorandi studium, quantus Barbatī erga Cives assiduus, atque ex miraculis, quæ tunc patrari contigit, quàm maxime comprobatus amor, eluxerit, ex Falcone ipso didicisse promptum cuique erit. Mihi pauca Falconis verba, quibus is narrationem exorditur, protulisse satius fuerit, atque epilogi loco adhibuisse: Hoc anno (ille inquit)

quit) Rosfridus Beneventanus Antistes, consilio accepto, Corpus Sanctissimi Patris nostri Barbatii Beneventani Praesulis, ex Altaris tumba, qua per multa annorum curricula quieverat, abstraxit &c. Hoc nomine Barbatum Civem Episcopumque suum Beneventani vocasse olim amabant, vocare etiam nunc gaudent, nunquam non PATREM vocaturi: ut qui Patrem appellari se audit, ac letatur, Beneventanos Cives suos, suos item Filios, Virtutum imitatione agnoscere, beneficiorum largitione fovere semper pergat (1).

Post Virum Sanctissimum prodibit nunc Foemina piissima, alterum ejusdem aevi, locique, eximium Longobardicae Religionis ornamentum. Theodoradae, sive Theodora, Conjugis Ducis Romualdi, nomen superiore Capite audivimus; spectanda nunc Virtus est, digna illa quidem, ut peculiari sermone accuratius illustretur. Ac primum laudandum profecto videtur constans Theodoradae, propositum, atque studium, quo, dum Longobardicae Superstitiones vigerent, à Viri exemplis abhorrens, Religionis, quam servabat, puritatem praclaris adhuc Christianae Pietatis officiis excoluit: Nam (uti Acta Barbatii posteriora habent num. 14.) funditus Gentilitatis errorem contemnens, verum Dominum Jesum Christum ex toto animo confitens, tota mente dilexit. Praclarum certe ejus virtutis argumentum, aut certe opus fuit; aureum Viperae Simulacrum, à Romualdo clam studiosèque servatum, ex adytis eduxisse, ac Barbato expetenti non solum prodidisse, verum etiam, non sine proprii Capitis subeundo discrimine, conflandum permisisse. In Capitis certe discrimen eam ob rem sese adducendam Theodorada animadvertibat, sic Barbato affirmans: Si hoc egero, scio me succumbere morti: vel, uti Acta habent priora, si hoc perpetravero, Pater, veraciter scio me morituram: & tamen ipsa Simulacrum tandem prodidit, Barbatique arbitrio permisit. Non id verò mulieris animi terculamentum existimabimus; quum enim rem, quemadmodum gesta esset, Romualdo amare ac subirate sciscitanti Barbatus promptè aperuisset, repente unus ex adstantibus Comitibus ait: Si mea Uxor talia perpetrasset, nullo interposito momento ejus Caput abscinderem; ad quem Barbatus: Quia Diabolum adjuvare niteris, Diabolo manciperis; qui continuo à Diabolo correptus coepit torqueri. Vides jam feroces Longobardorum animos, injuriarum impatientes, simulque vides, miraculo opus fuisse, ut ab ulciscenda gravissima illa injurià, quam à Coniuge sibi illatam compererat, Romualdus detereretur: Justam itaque metuendi causam habebat Theodorada: quae nihilominus Simulacrum prodens, superstitionum omnium reliquiis illis, etiam suo sanguine delendis, paratam se offendit.

At praecleariora de Theodorada habemus; cujus religio, ac pietas in eò magis eluxerunt, quod in Suburbano Sacram S. Petro Apostolorum Principi Aedem à fundamentis ad Sabathi Fluminis ripam extruxerit, eique amplissimum Sanctimonialium Monasterium adjecerit. Romualdi hoc fuisse Opus certus tradit Cl. Muratorius (2); Paulumque Diaconum testem advocat; a quo is tamen oscitantiae convincitur; nihil enim, quod ad rem hanc attinet, de Romualdo legere in Paulo est, qui de Theodorada duntaxat loquitur, eamque Aedem Basilicam nomine appellat, ut ex ejus amplitudine, elegantiaque munificentissimam fuisse Theodoradae pietatem probè intelligeremus (3). Lapsus quoque Cl. Ma-

ALTER

H

(1) Acta S. Barbatii, uti superius, dixi ideo recedere abstinui, quod tum apud Bollandum, tum apud Ughellum edita prostant, haud à nostris diversa, si paucula verba, atque etiam menda tantum excipias. Actorum tamen loco haec dabimus antiquum Hymnum, quem olim ad Sanctissimi Antistitis sui honorem Ecclesia Beneventana in Ecclesiastico Officio canebat. Non uno eo Hymno Barbatii memoria celebrari solebat; sed ex aliis hunc edere libuit, praecleariora quaque Barbatii Gesta summatim commemorantem, atque ex eodem vetusto Codice, in quo ejus Acta habentur, descriptum, Ecclesiasticae vetustatis, ac vetustae simplicitatis amatoribus haud fortasse injucundum.

Barbate Christi Famule
Longobardorum Speculum
Verbo fulgens & Opere
Sannites hoste libera.
Beneventano Principi
Matrem ostendis Virginem
Preces fundentem Filio
Pro libertate Populi.
Tu Constantini Caesaris
Mentem irati mitigas.

Voti nefassans Arborem
Vellis, & Fidem propagas.
Romuald Theodoradam
Et Plebem Christo Copulas.
Tu Simulacrum Vipere
Vertis in Dei Calicem.
Miles accendens Principem
In necem Dei Famule
Demonis aula noscitur
Cum multis ejus posteris.
Aqua lotarum manuum
Prodes baulis languentibus.
Sis ergo nobis omnibus
Medela delinquentibus.
Precamur ergo supplices
Christum pro nobis rogues
Qui tua festa colimus
Ut facias nos celites
Cum eo nostra sis gloria.

(2) Antiq. Med. &vi Diss. LXVI. to. v. p. 497. litt. B.

(3) Pauli Diaconi verba haec sunt lib. vi. cap. 1. Coniux quoque ejus (Romualdi) Theodorada eodem tempore foras muros Beneventanae Civitatis Basilicam in honorem S. Pe-

billonius est, qui hanc Basilicam, Monasteriumque non alterum ab eo fuisse arbitratur, cui vocabulo *S. Mariae*, & *S. Petri in Massano*, in Civitate Alifana extanti Dux Romualdus Donationem à Justiniano Cive Beneventano factam confirmat suo Diplomate, relato in Chronico S. Sophiæ col. 617. Non enim Vir summus animadvertit Chartæ Romualdi præmissum in eodem Chronico col. 616. Diploma alterum Ducis Gisulphi *De Monasteriis S. Mariæ*, & *S. Petri apud Alifas in loco Massano* (1). Quamobrem non solum manifesta utriusque Ecclesiæ, Monasteriique diversitas statuenda erit, verum etiam illud certum fit, Diplomatis à Mabillonio memorati nullimodo Romualdum nostræ Theodoradæ Virum, Regisque Grimoaldi Filium, sed posteriorem Romualdum auctorem fuisse, qui Gisulphi Ducis filius, priorisque Romualdi nepos Anno Sæculi VIII. sextodecimo Beneventanum Ducatum administrare coepit. Ast opere in longo fas est obrepere somnum. Ad Theodoradæ itaque opus quod attinet, diversum quoque illud affirmamus ab Monasterio altero, Ecclesiæque S. Petri, intra Urbem positus, in quæ quum inciderimus, non abs re factum existimamus, si de eo loco sermonem heic opportunè instituamus, qui cum Theodoradæ opere coaluit, ejusque iuribus, opibusque ita increvit, ut adhuc superstes illius dignitatem præferre videatur.

Ac primum illud certum ex indubiis affirmabimus monuentis, utrumque Monasterium ejusdem omnino Nominis, atque Instituti, alterum extra mœnia, intra Urbem alterum eodem Sæculo XI. æquè substituisse. Ac de priore quidem, quod à Theodorada ædificatum est, luculentum præbent testimonium Acta Beneventani Concilii, quod Pontifex Nicolaus II. Anno MLIX. celebravit: Ita enim illorum se habet exordium: *Quum Dominus Nicolaus PP. apud Beneventum extra ipsam Civitatem intra Ecclesiam S. Petri juxta flumen Sabathi Concilium celebraret, & cum eo nonnulli Archiepiscoporum, Abbatum, Monachorum, ac totius Ecclesiastici Ordinis, ac Laicalis non pauca multitudo &c.* (2). Ex quibus rectè vides, post medium Sæculum XI. adhuc eam extitisse Basilicam, adeoque, & Monasterium illi conjunctum; de quo quidem Monasterio adhuc ad Sæculi XIII. exitum loquutus videtur S. Coelestinus PP. V., cujus in Catalogo Chartarum Archivi S. Rom. Ecclesia confecto anno 1366. apud Muratorium Antiq. Med. Ævi tom. VI. pag. 190. isthæc habentur: *Item alia Litera ipsius Domini Papæ, unientis Conventui Monasterii S. Petri prope Beneventum certa Monasteria, & Ecclesias hic expressas. Datum Sulmona 11. Idus Octobris Anno r. idest Anno MCCXCV.* Alterum autem Monasterium, Ecclesiamque cognominem intra Urbem extitisse, eodemque tempore Monialium nobilitate, ac sanctitate floruisse, testis est Desiderius Abbas Casinensis, summus postea Pontifex Victor III., qui de hujusce Monasterii Sanctimoniali Bella, & Abbatissa Offa præclara quædam in Dialogorum suorum Libro III. refert. *Amita Patris mei* (inquit Desiderius) *Bella nomine, in Monasterio B. Petri Apostoli intra Beneventanam Urbem posito, in Sanctimoniali habitu à primævo juventutis flore usque ad ultimam senectutem degit. Quæ quum esset desponsata viro, occultè de domo parentum fugiens, ad Monasterium contendit, ibique virginitatem suam Omnipotenti Domino dicavit; & quia terrenum in terra sponsum habere contempsit, proculdubio habere meruit coelestem in Cælis. Ipsa mihi solita erat referre de Abbatissa sua, quæ Offa dicebatur; quia in monte, quæ S. Agatæ Martyris dicitur prope Capuanam Urbem, antequam regimen Monasterii susciperet, longo tempore habitaverit, ibique vitam eremiticam duxerit: dehinc Monasterii suscepto regimine, quadam nocte Sororibus adhuc quiescentibus, Oratorium ingressa accepit thuribulum, ut more solito thura adoleret Altaribus. Cumque thus in thuribulum mittere vellet, è manu ejus cecidit, & lampade à vento extincta thus invenire non valuit: repente vero quidam juxta illam, astitit, & tenens manum ejus, thymiamma, quod in thuribulum posuerat, dedit. Tantis igitur odor ex illo incenso thymiammate emanavit, ut per totum, quod reliquum erat noctis usque ad horam diei tertiam non solum Ecclesiam,*

sed

S. Petri Apostoli construxit, quo in loco multarum Ancillarum Dei Coenobium instituit: eodem nempe tempore, quo Romualdus Tarentum expugnavit, parique modo Brundisium, & omnem illam, quæ in circuitu est, latissimam regionem suæ ditioni subiugavit, uti idem Diaconus antea narrat l. l. De anno adhuc lis est, nam Vipera ad 682. Sarnellius ad 672. Fratillus ad 680. referendam Romualdi victoriam censuerunt; Cl. Alsemanus ex ipsius Romualdi obitu, quem anno 680. jam sequutum observat, de anno 669. sententiam tulit to. II. pag. 472. not. A. Utut de anno sit, refutandi magis Vipera, ac Sarnellius videntur, quod Basilicam Monasteriumque à Theodorada constructum ajunt ex Græcorum spoliis, quæ victor Romualdus domum retulerat: Diacono enim, aliisque silentibus monuentis, divi-

nasse id potius, quàm conjectasse fuerit. Quas autem idem Diaconus Ancillas Dei vocat, eadem verè Moniales fuisse non erit dubitandum: Audi Concilium Romanum anni 721. Qui Monacham, quam Dei Ancillam appellamus, in conjugium duxerit, anathema sit. Placuit certè illo ævo, ac semper placere debet, id vocabulum iis Virginibus, quæ solemnî voto se Christo desponsantes, illius Mulieris humilitatem æmulari gestiant, quæ Dei Mater salutata, se Dei Ancillam professæ sunt, cujus etiam illa laus est, ut adducantur Regi Virgines post Eam.

(1) Annal. Benedic. tom. I. ad an. 672. pag. 473.
(2) Beneventanum hoc Concilium à Nicolao PP. II. celebratum in Labbeæ collectionis to. IX. p. 110. editum, reculum habetur in Synodico Provinciali Beneventano.

sed etiam omne illud Monasterium mira suavitate repleverit: Ex qua re sine dubio datur intelligi, quod Angelus Domini fuerit, qui illud Thymiana tanta fragrantia tribuerit. Hac eadem Religiosissima Abbatissa dum multa per tempora sollicitè Virginibus præfuisse, verbis, & exemplis sibi commissas Dei Famulas instruere non cessans, languore tacta corporis venit ad mortem: cumque in extremo posita jam propè esset, ut Christo, cui servierat, animam reddere deberet, videntibus cunctis, qui aderant, è lectulo se quasi ad mensuram trium cubitorum in aere elevans, expansis in Cœlum manibus stetit: & facta oratione iterum se in lectulo collocans ultimum spiritum exhalavit. Hactenus Victor Pontifex sanctissimus, sapientissimusque, cui paris sanctitatis sapientiæque Cardinalem Petrum Damiani testem adjungimus, qui eodem, ut ille, ore miracula ad Officium sepulcrum patrata narrare pergit (1). Quum igitur Victor, trigesimo Sæculi XI. anno circiter Principe Familiâ natus, Sanctimoniam Bellam patris sui amitam affirmet, tum ipsius mulieris genus, tum etiam ætatem manifestè ostendit: parem illam sibi nobilitate, tempore verò superiorem probat; ut ipsam æquè atque Offam incuntem eodem Sæculo XI. floruisse demonstret. Eo igitur tempore ipsum S. Petri Monasterium intra Urbem positum, ubi ambæ illæ virtutibus conuscarunt, non solum extitisse, sed longius antea initia sua habuisse debuit.

Eodem itaque tempore certabant quodammodo nobilitatis, ac pietatis splendore inter sese duo hæc, diverso loco posita, sed ejusdem Nominis Institutique Monasteria. Præclarum illud extramuranum tum originis vetustate, tum certæ Fundatricis Theodoræ dignitate: Posterius intra Urbem conditum, incerto adhuc tempore, & auctore, quantum illi concedit origine, tantum longævitate præcellit: Perit namque illud; neque interitus causam, atque tempus certò novimus; facilis tamen conjectura est idem fatum cum universa Urbe subisse in immani illa vastatione, qua an. 1241. ut aliis statuere visum est, vel anno 1239. ut antiqua carmina docent, Imp. Fridericus II. in Beneventanos descendit (2). Veri enim habemus simillimum ea occasione extramuranas illas Sanctimoniales, ne impiissimi Cæsaris furori, ac militaribus paterent injuriis, in Urbem convolasse, interque alias ejusdem instituti Moniales sibi tutelam quæsisse. Sed postea ad proprium Monasterium, novis ejusmodi discriminibus expositum, & ab accepta clade instaurandum, remeare non amplius consilium fuit; adeo ut accedente posterorum negligentia, temporisque injuriis, extramuranam illam S. Petri Basilicam, conjunctumque Monasterium olim extitisse, vix pauca nunc rudera ostendant, sola que testetur loci appellatio, cui S. Petri da fuori nomen servatum est.

Superstes autem alterum intra Urbem Monasterium adhuc viget, incerto, ut dixi, auctore, quem tamen inter postremos Beneventi Principes omnino conjectare licebit. Nam præter piissimam illam Sanctimoniam Bellam, Principum Familiæ adfinem, tum Gaitelgrimam Principis Landulfi Conjugem, tum Mariam ejusdem Principis Filiam in eodem Monasterio regularem vitam traduxisse sepulcrales utriusque Inscriptiones etiamnum ostendunt (3).

ALTER

H 2

Gaitel-

(1) Lib. VIII. ep. v. ex edit. Casetani tom. I. pag. 138. edit. Paris. 1743. Mutillam eam Epistolam in MS. receptam notat Casetanus, in eaque cetera miracula desiderari à Petro relata, quæ tamen ex Victoris Dialogis suppleri facile queunt. Illud verò Victori prætermisum Petrus de Sanctimonia Bellâ memoriæ prodidit; quod ad ceteras virtutes omnem carnalis illecebræ molliem rigidæ severitatis censura conculeans, longè aliter educatum (in paterna nempe domo) corpus adeò edomuerit, ut in nudo pavimento membra jejuniis sepe attenuata collideret, nullumque sibi, præter nudam bumum leffernium provideret. Digna quidem Abbatissæ suæ Officij discipula; de qua Officium illud pariter, Petro prætermisum, Victor addidit: Sed ex hoc quante fuerit abstinentiæ dignosci potest, quæ dum infirma jaceret in lectulo, & à multis benevolentibus Viris, & mulieribus, visitationis gratia ad ipsam venientibus, ut aliquantulum cibi, quo infirmum Corpus sustentaretur, caperet, rogaretur, illa desueta deliciis, si aliquid, inquit, mihi de infusis leguminibus attuleritis, forsitan aliquantulum inde potero degustare. O abstinentia in Femina prædicanda, quæ in infirmitate posita, infusis leguminibus pro summis etiam deliciis utebatur! Dialogorum lib. III. pag. 161. edit. Rom. an. 1651. cum notis J. B. Mari.

(2) Res isthæc tum ex ejus ævi historiographis passim constat, tum expressa habetur in carminibus quibusdam à Synchrono, ut videtur, auctore compositis,

ac in vetusto MS. Archivio S. Sophiæ servatis, quæ à Giarlante, Vipera, Sarnellio, Nicastro suis in libris edita; adhuc heic audire præstabit.

Anno Millennio biscentum atque triceno
Ac ne fallaris adjuncto viri noveno
Urbs dilecta satis, Urbs multæ nobilitatis
Urbs dilecta nimis dum satis non datur-imis:
Nunc nimis infelix, & Cæsaris obruta morte
Desolata manet, nulla reparabilis arte:
Fit subiecta malis: fervor jubet Imperialis:
Nunc luit eventum, destructa jacens Beneventum.

(3) In veteri Ecclesiâ Monialium S. Petri ante Terræmotum an. 1688.

Huc quicunque venis, gressu consilite Fidelis,
Stirps generosa solo hoc cubat in tumulo.
Sancitum Redrix, quin paupertatis & alitrix
Mater egenorum traxit ad omne bonum,
Quam marmor Monacham retinet per semina serenam,
Omne decus vite fertur in hoc cinere.
Gaitelgrima fuit Princeps, recolenda peregit;
Florat inops pauper, dives & hanc pariter.
Præfidis & proles Noffredi maxime vatis
Pignora dimisit bis duo, quæ genuit.
Temporis, ah, mobilis fuerat vertigine Sæcli
Conjux Landulfi Principis egregii.

Illuxit

Gaitelgrimam autem non quidem post Landulfi obitum, sed potius posteaquam is Principatu abdicato in S. Sophiae Monasterio Monachi habitum, institutumque amplexus anno MCVIII. fuit, mutuo consensu, exemploque, se ipsam Deo sacrasse satis tutò affirmari potest. Quid ni igitur ipsum Monasterium, quod è postremorum Principum Familia illustres Foeminae prae extramurano illo etiamtum vigente, ad monasticam professionem sibi deligere consuebant, ex eorundem Principum pietate, ac munificentia exortum asseramus? Sed & prioris, quod facto postea cessit, jura opesque omnes cum ipsis (uti dixi) Sanctimonialibus in se collegit, atque in unum coaruit Monasterium, quod, si loci duntaxat diversitatem exceperis, ad ipsam Theodoradam originis suae splendorem jure, meritoque referre potest.

Sed jam ad ipsam iterum Theodoradam revertendum erit, cujus eximia pietas non ipsis Principis Urbis pomœriis contenta, in latissimos quoque Beneventani Ducatus fines progressa est. Illustre tunc temporis S. Sabini Episcopi Canusini, licet ante centum propè annos defuncti nomen habebatur, cujus quippe Sanctitas toto Christiano Orbe celebrata ipsum Magnum Gregorium praëconem habuit. Theodoradæ temporibus, pietatique servabatur, ut quod jamdiu oblivioni datum ignoraretur, inventum tandem sepulcrum in novam exurgeret Ecclesiam, quam in S. Sabini honorem Theodora construens, Altare super Virum Dei (id est super illius Lyplana) pulcro marmore instruit, ad cujus opus Calicem, & Patenam ex auro fieri præcepit, nec non & Altaris tegmina gemmis decoravit (1).

Quæ hæcenus de Theodora novimus, satis fore arbitror, ut non modo illam, alterum post Barbatum Longobardicæ Religionis decus jure merito appellemus, verum etiam cum clarissimis illis Foeminis comparemus, quarum virtute per ea tempora factum est, ne quid detrimenti ex tot barbararum Gentium inundationibus Christiana Religio caperet, adhuc etiam incrementum retulisse lætaretur. Magnum Dei consilium magnus ipse Baronius rectissime agnovit, dum quæ sunt infirma Mundi elegit, ut confunderet fortia; cum scilicet robustissimas, easdemque indomitas Gentes, sive Christiano, sive Catholico nomini infensissimas, Francos, Gothos, & Longobardos, per Foeminas ipse Deus converterit ad verum Religionis cultum; Franci enim per Chrotildem, Gothi in Hispania per Ingundem, & in Italia Longobardi per Theodolindam Fidem Christianam, eandemque Catholicam perceperunt (2). Stet quidem sua Theodolindæ laus, si de Transiberina Italia agatur: De Cisterinis verò Longobardis non illa Theodoræ parem laudem invidet, quæ virtutem æquavit.

Abist nunc, ut post religiosissimæ Conjugis præconia, non solum inglorius, sed superstitiosiorum rituum infamiâ quoque notatus Romualdus remaneat. Est profectò, quod ejus laudi verti potest, dum pristinis abjectis erroribus, Barbato oblatas ingentes opes recusanti, solumque Garganicam Cryptam, Sipontinamque Ecclesiam sibi subdendam postulanti, libenter annuerit: Quamobrem non solum id præstitit Romualdus, ut religiosus cultus iis locis restitueretur, verumetiam ut Longobardi omnes in SS. Archangeli Michaelis, quem jamdiu sibi Patronum constituerant, studiosius incumberent. Res isthæc, quæ insignis Longobardicæ Religionis argumentum suppeditat, peculiari Capite, accuratiorque operâ illustrari jam postulat.

CAPUT

Illuxit sapiens annorum cardine prudens.
Mors inimica tulit membra, locoque dedit.
Inclita spes Mundi, dum mansit in ordine Regni
Credidit interius, ut notat hic Tumulus.
Hæc duo sœna sacro perfecit tempora velo,
Et ternos menses Cœnobio geminos.
Sexeno denis verso quin insuper annis
Platus & hanc vexit, post iit, unde fuit.
Idibus in senis complexit tempora carnis,
Ut Jani collant calculus, & celebrat.
Huc lector propera, mandritam corde saluta:
Sit tibi magna salus, dic, fugiatque metus.
O puerique, Senes, & gressum ferte Sorores,
Mente, Pater noster, psallite huic pariter.
Omnia tu Genitor, hujus commissa, Redemptor
Spiritus alme, fuga nunc pietate tua.
Christe sibi requiem tu dona luce perennem
Qua regnas summe semper sine fine beata.

In recenti Ecclesia earundem Monialium ad dexteram Portæ minoris adhuc extat: cujus speciem in Appendice dabimus.

Hic sita sunt magnæ clarissima membra Mariæ
Stemmata Landulfi Principis orta pii.
A modicis annis spernens hæc gaudia mortis.
Pergens ad caulas Ecclesiæ niveas.

Suscepit velum sacrum, quo vicit iniquum,
Jam victrix donis utitur æthereis.
Lactea conspectu, sed plus pulcherrima sensu,
Moribus angelicis, pervigil exubiis.
Viscera matris habens, animas, & corpora complens,
Nunc alios verbis, nunc aliisque cibis.
Turrigeræ conca subeunt & splendida membra:
Bissenis lustris associata polis.
Idibus octonis percurrens tempora carnis,
Quas sibi mensis obit Janius ipse gerit.
Christicolæ cuncti vos spernite gaudia Mundi;
Quos alit hæc tellus, dicite: Parce Deus....

(1) Extare adhuc Canusii eam Ecclesiam, seu insigniorem ejus partem testatur laudatus Præpositus Tortora l. l. pag. 81. cujus hæc sunt verba: *Est autem hæc Ecclesia à Theodora à fundamenti excitata partim adhuc hodie appareat à latere veteris Cathedralis S. Petro Apostolo dicatæ à cornu Evangelii (Ara enim respicit Orientem) sicut etiam Basilus testatur, tamen Bollandi placuit de hac Capella hæc memorie prodere &c.* ut nempe conjuncta Cathedrali nullo modo videri debeat: Bollandi Tortora non assentitur: sed illud utrique probandum erat, fuerint eadem, quæ nunc extat Cathedralis, quo tempore Sabini Ecclesiam Theodora ædificavit.
(2) Annal. Eccl. ad an. 591. num. 1.

CAPUT IV.

De eximio apud Longobardos S. Michaelis Archangeli cultu.

Archangeli Michaelis Apparitiones variae: omnium Gargani caantiquissima, & celeberrima: ejus Historia uberrimè illustratur: Patronus Archangelus à Longobardis sub eorum adventum delectus: Quibus argumentis ab universa ea Gente, potissimum vero à Longobardis Beneventanis venerationem consequutus.

Beatum Michaelē Archangelum, quemadmodum Sinagogæ olim, ita Christianæ deinceps Ecclesiæ Patronum à Deo Optimo Maximo datum luculenter ostendit Apocalypseos locus, ubi coeleste illud certamen describitur ejusdem Archangeli, Angelorumque ejus cum Dracone; hujusque sectatoribus Spiritibus, reportataque de ipso Dracone, *Serpente antiquo, qui vocatur Diabolus, & Satanas, qui seducit universum Orbem*, felix, ac læta, ingentibusque totius Aulæ coelestis plausibus celebrata Victoria (1). Certaminis causam Divinus idem Vates prænarraverat: Mulierem videlicet, coelesti specie, habituque apprime conspicuam, sibi ex alto visam, Filium eò tunc dolentissimè parituram, quem vix in lucem editum aditans hianti ore ignivomisque oculis teterrimus Draco sibi devorandum præstolabatur; adfuisse mox Ducem Michaelē, qui profligato sævissimo Hoste, Mulierem, ejusque Prolem servavit incolumes: ut scilicet Christiana Ecclesia, quæ illius Mulieris typo significabatur, se, suosque, quos in terris parturiret filios, sub ejus Archangeli tutela positos intelligeret, qui adversus assiduos ejusdem antiqui Hostis conatus præsentem pro suo munere opem exhibiturus esset, proque sua fortitudine indubiam referendæ victoriæ spem confirmaret. Rem ita esse, alia postmodum argumenta, felicioresque successus comprobant; frequentes scilicet ejusdem Archangeli Apparitiones; quibus factum est, ut Ipse præ cæteris Angelis sese Christiani Populi Patronum demonstraret, eaque veluti præsentis, conspectusque sui consuetudine ferventiorē illius venerationem sibi concilians, majoribus beneficiis rependendam fusciperet. Non una igitur illa, quæ in Apuliæ monte Gargano facta est, nobis modo illustranda, cujus anniversariam memoriam universis Fidelibus recolendam Ecclesia constituit, sed plures vario tempore, diversisque in locis recensentur ejusdem Archangeli Apparitiones; quas tum operæ pretium, tum ipsius Garganicæ Apparitionis illustratio, tum denique ejusdem Archangeli honos fuerit, hæc primo loco commemorasse.

Vetustissimam omnium, Archangeli Michaelis Apparitionem Romæ accidisse censuit Sapientissimus Annalium Ecclesiasticorum Parens Baronius (2): Perfuasum id sibi fecit ex Drepanii Flori testimonio, cujus hæc de Romana Apparitione sunt carmina:

*Clarent Angelici sublimia festa diei
Allatura pie dona beata anima:
Hunc etenim Michael aula coelestis alumnus
Conspicuo nobis consecrat ore diem:
Dignatus Petri, Paulique invisere Sedem,
Imperiumque fovens, incluta Roma tuum &c.*

Manifestam quidem ex Drepanio habemus Romanam Apparitionem: at si ejus Apparitionis antiquitatem ex Drepanii ætate metiri cum Baronio velimus, deerit certè nobis ratio illa, quæ is suam protulit, nosque ipsius sequamur sententiam: Drepanium, qui talia cecinit, *Poetarum Christianorum vetustissimum* appellat Baronius, anceps tamen, num illum affirmet, cujus Sidonius meminit lib. 8. ep. 2. vel alterum senioris Theodosii Panegyristam: At à Drepaniis hæc, quos nonnisi unum eundemque agnoscit Fabricius (3), longe diversus,

(1) Apocal. cap. xix.

(2) Statuerat id primò Baronius in notis ad Martyrologium Romanum ad diem 8. Maji, edit. Rom. anni 1584. ratumque sibi postea habuit in Annalibus ad an. 493. ubi post narratam Garganicam Apparitionem eidem anno attributam, meminit ex illius occasione

iterum anterioris Romæ Apparitionis, cujus memoriam celebrari Romæ consuevisse ejusdem unius Drepanii testimonio affirmat num. 43.; quem Drepanium Theodosiani ævi clarum fuisse oratorem subdit seq. n. 44.

(3) Biblioth. Latin. Med. & infer. ævi, ex edit. Vernet, P. Mansi lib. 2. 22.

sus, longissimoque temporum intervallo distat recitati Carminis auctor Drepanius. Is siquidem Drepanius Florus est, Diaconus Lugdunensis, non ignobilis Sæculi ix. Scriptor, de quo multa Caveus ad annum 837. plura adhuc post Caveum recentiores Bibliographi observarunt. Quæ igitur ex Drepanii ætate *vetustissima* Baronio statuebatur, eadem contra de causa nonnisi omnium *novissima* Romana Apparitio censenda esset: Quam tamen Apparitionem nullimode ex adeo serâ Drepanii ætate repetere, sed Drepanii potius testimonio eandem ipsam credidisse licebit, quæ Sæculo vi. labente sub SS. Pontifice Gregorio Magno Romæ in Summitate Molis, seu Sepulcri Imp. Hadriani accidisse traditur: quamobrem à Pontifice Bonifacio Ecclesia eodem in loco in Archangeli honorem fuit ædificata. Habes igitur Romanæ Apparitionis, de qua certè Drepanius loquutus videri debet, tum, tempus, tum etiam causam, tum denique Ecclesiam, perenne ac luculentum rei gestæ monumentum, in Apparitionis loco constructam.

Sed an etiam primam hanc omnium Ecclesiam in Archangeli honorem Romæ ædificatam censuimus? Repugnat Cl. Muratorius, qui in erudita, ac perutili Dissertatione præmissa vetustis Sacramentariis Leoniano, Gelasiano, Gregoriano ab ipso recusis, nequicquam Leoniani vetustati officere contendit, quod in ejus Calendario occurrat Prædie Kal. Octobris Natale Basilicæ Angeli in Salaria, cujus nempe Angeli memoria longè post Leonis ævum celebrari coepit, postea videlicet quàm circiter annum 495. Gelasio I. temporibus (uti Anastasius refert) inventa est Ecclesia S. Angeli in monte Gargano; cujus ad exemplum aliæ deinde Ecclesiæ in ipsius Archangeli honorem excitatæ videntur: Repugnat, inquam, Muratorius, ajens verba illa deesse in tribus Anastasii M. S. Codicibus, qui alioqui Anastasius refert Symmachum Papam, qui anno 499. florebat, ad Archangelum Michaellem Basilicam ampliasse, & gradus fecisse, & aquam introduxisse: quo ex loco Anastasii id confici certum putat, Basilicam illam antiquitùs extitisse, quam Symmachus nonnisi amplificandam curaverit: Ergo cave (inquit) ne interpreteris Adonem in Martyrologio tradentem, peracta Apparitione Archangeli in Gargano, non multo post à Bonifacio Papa (qui alius esse nequit, nisi Secundus) constructam fuisse Romæ Ecclesiam S. Michaelis in Summitate Circi; quasi prima Sacra Aedes ea fuerit in Urbe titulo S. Michaelis insignita. Ante Bonifacium II. uti ostendimus, una saltem Basilica ejusdem Archangeli à Romanis colebatur: Quæ in Sacramentario Leoniano memoratur, sita fuit in Via Salaria, ejusque Natalis dies, hoc est annuus Dedicacionis dies in honore erat Prædie Kal. Octobris, diversus quidem à Dedicacione Basilicæ Garganicæ, xii. Kal. Octobris celebrari consueta. Hæc quidem Muratorius, ut Leoniani Sacramentarii vetustatem propugnaret (1).

At incolumis adhuc ejusdem vetustatis præstantia manebit, si eam Archangeli solemnitatem post S. Leonis ævum institutam, ejusdem Sacramentario adjectam dixerimus; quemadmodum in ipsius Leonis, Gelasique, ac Gregorii Sacramentariis plurima passim posterioribus temporibus addita non ipse abnuitt Muratorius. E fane, cur ea vetustioris Romanæ Basilicæ, cujus annuus quoque Dedicacionis dies celebraretur, memoria in sequutis Romanis Sacramentariis, Calendariisque interciderit, nulla idonea offerri ratio potest: nefas enim opinari fuerit, oblivioni datam post Garganicam Apparitionem, recentiorumque eâ de causa Ecclesiam à Bonifacio ædificatam; quasi posterior hæc vel prioris cultum, memoriamque sibi omnimodè vindicaret, vel Bonifacius post Garganicam Apparitionem ad excitandam in Urbe Archangeli venerationem novam Romanis ædificare Ecclesiam opus habuerit, qui profecto Romani jamdiù ejusdem Archangeli Ecclesia fruebantur. De Anastasii verbis, quæ Garganicam Apparitionem spectant sub Gelasio factam, nullo modo, quin ex ejus manu sint, plures ejus tam editi, quam MS. Codices, ac consensu aliorum testimonia dubitari sinunt; ut ridiculum sit, ad ejus rei fidem conciliandam submissa illa suspicari in vulgatum Anastasii textum, qui potius celeberrimum factum, quo maximum Religionis conservandæ venerationisque erga Archangelum excitandæ argumentum præbebatur, pro munere suo silere non debuit (2): Quæ verò de Symmacho habet, ambigua satis sunt, ut Basilicam ab eodem Pontifice amplificatam, Archangelo præcipuè dicatam affirmare vix tutò liceat: Quanquam etsi illa extiterit, quum Symmachus post Anastasium II. Gelasio I. successerit, veri certe similis est, eam potius Basilicam ab ipso Gelasio, cujus tempore Garganica accidit Apparitio, dedicatam opinari, quàm ad vetustio-

(1) Inter Opera Minora edit. Neapol. tom. xi. cap. iv. pag. 29.

(2) Certè in sincero Anastasii textu extat quem cum Dissertatione Emm. à Schelestrate in lucem edidit.

tuftiora Leonis I. tempora illam referre. Quid verò (nam id quoque verifimillimum) fi mendum in Leoniano fcribendo, defcribendove Kalendario admiſſum fuerit; ut pro III. ſive TER. ſcriptum PR. fit, pro GARGANO verò SALARIA irrepreſerit (1)? Itaque nihil nobis ab Adone cavendum, quem de prima omnium Bonifaciana Eccleſia Romæ conſtructa interpretari neque novum, neque abſonum eſſet, dum jamdiù illius interpres Eccleſia Romana tum in Breviarii Lectionibus, tum in Martyrologio ad diem III. Kal. Octobris, nonniſi poſt Garganicam Apparitionem, ædificatam tuncprimum in Urbe à Bonifacio Eccleſiam Archangelo declarat. Cavendum potius ab ipſo Muratorio, qui adeò confidenter ejus Ædis auctorem non alium, quàm Bonifacium II. nobis offert.

Qualis iſte Bonifacius Pontifex fuerit incertum fortaliſs videri poteſt: Atque Ado quidem in Martyrologio ſuo ad diem III. Kal. Octobris poſt Garganicam Apparitionem ſatis diſtinctè enarratam, de Romana Archangeli Baſilica hæc ſubdit: *Sed non multo poſt Romæ Ven. etiam Bonifacius Pontifex Eccleſiam S. Michaelis nomine conſtructam dedicavit in ſummitate Circi cryptatim miro opere altiffimè porrectam, unde, & idem locus in ſummitate ſua continens Eccleſiam INTER NUBES ſitus vocatur.* Bonifacium memoraviſſe Ado contentus, ut de Pontificis numero, ſeu tempore certiores efficeremur, conjecturas duntaxat in ea narratione reliquit. Ac primum, ſi Eccleſia non multo poſt Garganicam Apparitionem, ideſt cum multo poſt annum 496. fuit ædificata, non alius nobis occurreret Bonifacius, quàm ejus nominis Secundus, qui anno 530. federe exorſus, vix annum ſui Pontificatus explevit. Contra verò, quum Ado ipſum ædificatæ Eccleſiæ locum, ac formam adeò accuratè deſcribat, non aliud proſecto Circi nomine, quàm Hadriani molem, ſeu Sepulcrum in Circuli formam altiùs exurgentem ſignificaviſſe videtur, cujus etiam molis ſummitati vocabulum INTER NUBES magis congruit, quàm ſi in veteri Romano Circo ædificata Eccleſia dicatur: Ædificandæ autem occaſionem (uti ſuperius dixi) præbuiſſe videtur Angelica Apparitio, quæ in ipſius molis vertice ſub S. Gregorio M. facta eſt: Ædificavit autem Bonifacius ſive III. ſive IV. quorum alter alteri, uterque vero poſt Sabinianum Gregorio ſucceſſit: atque hæc quidem omnino probabilis Baronii ſententia eſt, cujus etiam verba ex ejus ad Martyrologium notis libenter audiemus: *Hi autem* (alteruter ſcilicet Bonifacius) *quum poſt Sabinianum ſucceſſerint Gregorio, recentè miraculo de Angelo, qui (ut habet antiqua traditio) ſupra prædictam molem viſus eſt, in ſignum Luis ceſſantis gladium exertum in vaginam recondere, in tanta rei geſta monumentum, alterum illorum illic erexiſſe Eccleſiam prædictam par eſt credere.*

Quum vero pro re nata de hac Bonifaciana Eccleſia dicere ſemel coepimus, adhuc de ſpecioſo illo cognomine INTER NUBES obſervare pauca libebit. Baronium mihi præiſſe fateor, ut Eccleſiam illam, quæ ſuper Hadriani Molem excitata fuit, eo cognomine indigitatam aſſererem: Baronius enim ſic habet l. l. *Quum nec alius ſit Romæ locus, Michaelis Archangeli memoria celebris, cui prædicta conveniant, in eam adducor non invidus ſententiam, ut opiner dictam Memoriam Michaelis, cujus Ado meminir, fuiſſe olim ſitam in ſummitate Molis Hadriani, ſuper ingens Saxum, velut eminentem Scopulum poſitam, ac revera (ut ait) cryptatim miro opere altiffimè porrectam, ut merito locus ille dictus fuerit INTER NUBES, qui quidem & alio nomine à Majoribus appellatus invenitur, nimirum MONS S. ANGELI: ita enim vocatum habes apud Petrum Damianum de Rebus geſtis S. Romualdi: eo autem nomine ab Eccleſia in ejus ſummitate erecta eſſe dictum, evidens eſt conjectura.* Diſciſmus itaque, cur ea Eccleſia vocabulum illud: INTER NUBES: naſta ſit, propterea ſcilicet, quod in dicta ſublimi Mole, veluti Monte quodam conſtructa fuerit; indeque mutua quadam appellatione Mons S. Angeli eadem Moles dicta ſit. Nec certè dubitari poteſt, quin de eadem Mole ſub dicto vocabulo S. Petrus Damianus loquutus ſit: en ejus verba ex capit. xxv. Vitæ S. Romualdi: *Creſcentius Senator Romanus indignationem Regis (ſc. Ottonis Auguſti) incurrens, in Montem, qui dicitur S. Angeli, confugium petiit; & quia munitio inexpugnabilis eſt, obſidente Rege, ad defendendum ſe fiducialiter preparavit.* Vides, quàm præclare pro eo Monte S. Angeli, Moles ipſa Hadriani, & Damiano accepta, & nobis intelligenda ſit: ex qua certè Mole, ſeu Munitione Creſcentium nonniſi per fraudem egreſſum in Ottonis ſe manus tradidiſſe Scriptores plurimi tradunt. Neſcias tamen, quam

majo-

(1) Primum certè mendum Librarii vitio patratum agnoſcit Cl. Georgius in obſerv. ad Martyrol. Adonis ab ſe editum ad xxxix. Septembris pag. 504. ut nempè

pro PRID. legendum ſit III. Kal. De Archangeli autem Baſilica in Via Salaria, veram illam putet ex notitia ab Eſtardo edita, ubi ejuſdem mentio occurrit.

majorem dixeris hyperbolem, vel quia Moles ipsa *Montis* appellationem sibi fecerit, vel quia idem fabrefactus Mons ita verticem extulisse dicatur, ut quam impositam haberet Ecclesiam *Inter Nubes* veluti sitam crederent, nuncuparentque. Quid? Quod neque *Nubium* terminis contentam Majores voluere. Est insignis in Liutprandi Ticinensis, sive Cremonensis, Sæculi x. Scriptoris, Historiæ locus lib. iii. cap. 12. Scriptor Ital. tom. ii. p. 450. ubi eadem Ecclesia non, ut alibi, INTER NUBES, sed amplius USQUE AD COELOS vocabulo celebrata occurrit: quem locum eò libentiùs referam, quò, quæ olim sola Baronii opinio, seu conjectura fuit, jam de Bonifaciana S. Michaelis Ecclesia, Adoni commemorata, omnino liqueat. *Munitio* (inquit Liutprandus de Hadriani Mole, ubi nefandissima Marozia confidens Regem Hugonem ad sui thalami, tyrannidisque consortium invitabat) tanta altitudinis est, ut Ecclesia, quæ in ejus vertice videtur, in honorem summi, & celestis Militiæ Principis Archangeli Michaelis fabricata, dicatur ECCLESIA S. ANGELI USQUE AD COELOS. Sed jam satis de Romana Apparitione, Ecclesiæque S. Michaelis. Nunc alias alibi factas ejusdem Archangeli Apparitiones persequamur.

Celebris in Galliis ejusdem Archangeli Apparitio fuit, anno dccix. S. Autberto Abrincatenſi Episcopo facta, de qua plura plures gravissimique Scriptores memoriæ mandarunt (1). Admonuit Episcopum Archangelus, ut in sui honorem Ecclesia construeretur in eo Montis vertice, qui *Tumba* ab incolis vocatur: Hærenti Antistiti tertio idem imperatum, qui tandem fabricam extruxit in modum Cryptæ rotundam... instar illius, quæ in Gargano Monte erecta fuerat. Loci religionem non solum ex Garganicæ Cryptæ exemplo, sed receptis etiam illinc Reliquiis augendam curavit Autbertus, nam concedente Garganici Montis Abbate allata in Abrincatenſem Cryptam fuit pars rubri pallioli, quo Archangeli Altare cooperiebatur, marmoris præterea fragmentum, ubi miraculosa apparentis Archangeli vestigia impressa visebantur. Ejus autem Apparitionis dies, qui in xvii. Kal. Novembris incidit; non solum in Abrincatenſi, sed in aliis passim Galliarum Ecclesiis solemniter haberi coepit: Inter alia vetusta Martyrologia, quæ Cl. P. Sollierius retulit in Auctariis Usuardi in posteriore parte tom. vi. Junii P. ii. pag. 605. adest Martyrologium *Grovenſe*, ubi de hac Apparitione sic legitur. In Territorio Abrincenſi Apparitio S. Michaelis Archangelus, qui circa annum Domini dcccvii. apparuit Autberto Abrincenſi Episcopo, monens, ut in loco maris, qui *Tumba* propter sui eminentiam, & etiam in periculis maris dicitur, Ecclesiam in sui memoriam fundaret, volens nimirum sibi in Pelago æqualem ei, quæ in Monte Gargano est, venerationem exhiberi. Sed & è Galliis in Angliam quoque ejus Apparitionis celebritatem pervagatam, maximoque in honore multis post Sæculis habitam ostendit Synodus Oxoniensis anni 1222. cujus statutum illud fuit, ut Dedicatio S. Michaelis in Monte *Tumba* à Rectoribus Ecclesiarum devotiſſimè celebraretur. Celebriorem denique eum diem anniversarium olim miraculum effecisse traditur, nam in circuitu illius Montis redundat mare quotidie duobus vicibus, id est mane, & vespere, & non possunt homines adire montem, donec mare disceſſerit: in festivitatem autem S. Michaelis non conjungitur mare, sed stat instar montium à destis, & à finistris: & in ipso die solemniter possunt omnes, quicunque ad orationem venerint, omnibus horis adire montem; quod tamen aliis diebus non possunt (2).

Ante vero Abrincatenſem Apparitionem infederat Gallorum animis peculiaris erga SS. Archangelum veneratio, quam etiam satis religiosam ostendunt peregrinationes ad Garganicam Cryptam ab ipsis susceptæ. Illustris illa fuit Comitibus Wolfandi, quæ Ecclesiæ in ejusdem Archangeli honorem, Monasterioque adhuc construendo occasionem fecit: Quum enim ex Reliquiis, quas è Garganica Crypta domum retulerat, insigne patrari miraculum contigisset, mox Comes eodem loco, quem Archangelus eo miraculo designavit, Ecclesiam condidit, Virorumque Monasterium adjecit: Rei originem ad Annum dclxxvii. refert, ac mox Monachorum Sanctitate, & doctrina locum floruisse testatur antiquum ejusdem Monasterii Chronicon (3). Quanquam verò quæ fuerint ex Reliquiæ è Garganica

(1) Sigebertus in Chron. ad annum 709. Petr. de Natal. lib. xi. cap. 71. Bailletus in Vit. Sanct. ad 29. Sept. August. Calmet. in Dictionar. S. Script. v. Michael. Dionys. Petavius in Ration. Temp. part. i. lib. 8. cap. 4. ubi in fine sic habet. Childberto regnante anno 709. Sigebertus idem scribit Archangeli Michaelis indicio, Rupertum eam, quæ in Ambrincatenſi Dioceſi illius nomine,

ac religione colitur, consecratam fuisse ab Autberto Episcopo.

(2) Ex antiquo ejusdem Apparitionis Scriptore rem totam hausit, in suisque Benedictinis Annalibus retulit Cl. Mabillonius lib. xix. ad an. 708. n. 39.

(3) Editum est id Chronicon Monasterii *Virdunensis* ab eod. Mabillonio inter *Petere Annalibus* pag. 350. edit. an. 1713.

nica Crypta à Wolfando acceptæ, in suamque novam Ecclesiam illatæ, Chronicon non explicet, illas tamen nonnisi particulam *rubei pallioli*, fragmentumque *marmoris*, (quas etiam Authbertus Episcopus pro sua Ecclesia posthac impetravit) fuisse crediderim; ac de his mox videbimus, quum ad Garganicam Apparitionem pervenerimus.

Neque Orientalem Ecclesiam, dum olim sanæ, rectæque adhæreret Fidei, apparitionibus suis illustrare destitit præsentissimus universæ Ecclesiæ Patronus Archangelus: atque Is primum propè Urbem Regiam Bizantium se spectandum præbens, eodem quo apparuit loco amplissimam promeruit Basilicam, *Sostenium* appellatam, quam multis postmodum illustrem miraculis, ab Imp. Basilio magnificentius instauratam Græci Scriptores testantur (1). Alia rursus, ac æquè celebris fuit illa Apparitio in *Chonis* apud Civitatem Colossensem facta, cujus historiam Metaphrastes contextit, anniversariamque memoriam die vi. Septembris à Græcis maxima in veneratione habitam, tum illorum ostendit Menologium, tum Imperatoris Manuelis, seu Emmanuelis declarat Constitutio *De Feriis*, ubi inter alios sacros Dies, in quibus quiescere Judicia jubentur, habetur *Mensis Septembris sextus* (dies), *quoniam tunc in Chonis Summi Ducis Michaelis miraculum prodigijs peragitur* (2).

Sed ab externis, quas hactenus perlustravimus, ad Garganicam, quam domesticam appellare licebit, Archangeli Apparitionem jamdemum accedamus. Omnium, quas alibi factas spectavimus, præclarissima hæc nostra erit existimanda: non enim solâ temporis antiquitate, verum, & miraculi dignitate, perpetuæque loci religione cæteras antecellit. Citius alii anno 492., serius verò anno 496. evenisse alii tradunt. Ac Sigebertus quidem in suo Chronico eam Apparitionem anno 488. adscribit, quem Pontificatus Gelasii secundum statuit; qua profecto temporis adjecta nota falsum sese in dicti anni signatione prodit, dum Gelasius non ante annum 492. federe coeperit: Sigeberti itaque Chronologiam meritò reprobatur Baronius in notis ad diem 8. Maii Rom. Martyrologii. Eodem sanè argumento promptum æque fuerit, Episcopum Sarnellium reprobare, qui ad annum 490. eandem Apparitionem retulit; ac præterea ipsam Apparitionem biennio toto sejungit à Neapolitanorum Bello adversus Sipontinos, Beneventanosque, horumque Victoriâ, mirâ Archangeli ope, reportatâ, quam anno 492. assignat: Ut mirum certe sit, Virum doctum, qui in concinnandis tum Sipontinæ, tum Beneventanæ Ecclesiæ Chronologiis postremus omnium adlaboravit, in ea statuenda Epocha, quam nullo monumento, vel auctore laudato, veluti receptissimam, vulgatissimamque in medium profert, adeo fidenter, aut oscitanter se gessisse; ac duplicem quidem in errorem lapsum videmus, tum in Apparitionis, tum in Victoriæ statuendo diverso anno, quem utrique rei communem inferius ostendemus. Ne verò gravius, quam æquum sit, Sarnellium notasse videar, verba ipsius proferam ex posteriore ejus Opere, scilicet Beneventana Chronologia pag. 26. *In questo anno 490. agli 8. di Maggio avvenne la celebre Apparizione di S. Michele Arcangelo nel Monte Gargano, da noi descritta nella Cronologia Sipontina nella Vita di S. Lorenzo Vescovo. Et paullo post: Nel 492. i Beneventani per cagion de Gori fiero assalto ricevono da Napolitani, istigati da Odoacre: ma i Beneventani uniti co' Sipontini a' 29. Settembre coll' ajuto del Principe delle Celesti Milizie ottengono gloriosa Vittoria; onde S. Michele Arcangelo fu eletto Protettore di Benevento.* Sed Sigeberto, ac Sarnellio neglectis, de illis nunc videamus, qui multò seriores anno 492. ejus rei Epocham nobis tradiderunt.

Affermat eodem loco Baronius asservari in sua Bibliotheca Vallicellana *veterem manuscriptam ejusdem rei gesta historiam, qua quidem traditur, eam factam esse anno Domini 536. Indizione xiv.*; atque huic ab ea historia tradito anno (quamvis postea in Annalibus rectiorem Chronologiam sequutus sit) acquievisse tunc videtur Baronius, qui non aliud de veriore tempore investigando negotium eo loco sibi fecit. Sed præter eam Historiam, alia sunt vetusta quoque monumenta, in quibus non solum à Baroniano Manuscripto diversus, sed inter sese varius ejus Apparitionis annus affigitur. In Chronico brevi S. Vincentii Metensis ad annum 533. legitur: *Inventio Cryptæ S. Michaelis* (3). In Chronico

ALTER

an. 1723. qui tamen à Chronographo dissentiens recentioris Ecclesiæ, Monasterioque originem tribuit, quam sequenti anno post Abricatensem Apparitionem statuere maluit: At si jam tum Apparitio Abricatenensis facta fuerat, aderatque novis etiam miraculis illustrata Ecclesia in Archangeli honorem, & ad Garganicæ Cryptæ formam ab Episcopo Authberto constructa, quid opus Wolfando Garganum adire?

I

(1) Sozomenus Hist. lib. II. cap. 2. Nicephorus lib. VIII. cap. 32. Cedrenus in Basilio &c.

(2) In Corpore Jur. Civil. cum notis Gothofredi T. II. pag. 421. edit. Lugd. 1602.

(3) Apud Jos. M. Florentinum in notis ad Martyrologium ab ipso editum ad diem XXIX. Septemb. p. 886. edit. Lucæ.

verò S. Michaelis *in periculo maris*, five *in Tumba* (de qua Æde sacra superius egimus) sic scriptum est: Anno ab Incarnatione Domini DVI. facta est revelatio B. Michaelis in Monte Gargano sub Zenone Imperatore, & Gelasio Papa. Mendum duplex in hoc posteriore Chronico notavit Labbeus in Bibliothecæ Tom. I. ajens, numerum VI. præponendum notæ D. ut sic annus VII. idest 494. ; pro Zenone verò Anastasium reponendum. Sed & pro dicto anno DVI. adest vetustioris nostri Codicis auctoritas, qui sane Codex in nostra Bibliotheca asservatus, ac Longobardicis characteribus exaratus ætatem saltem sæculi XI. præferens hoc titulo distinguitur. *Acta Sanctorum*. Tom. I. §. 2. Extat ibi Angelicæ Apparitionis Historia, cui hæc inscriptio præmittitur. *Inventio S. Michaelis Archangeli in Monte Gargano*. Tum sic exorditur. Anno Dominica Incarnationis quingentesimo sexto Indictione quattodecima regnante piissimo Zenone, in Sede vero Apostolica Urbis Romæ presidente Gelasio Prasule, in Civitate autem Sipontina præerat Episcopus nomine Laurentius &c. Habes itaque nostram Historiam cum Chronico S. Michaelis de eodem anno 506. convenire; adeò ut jam suspicio mihi subeat, eundem fortasse annum in Historia Baroniana vel inscriptum, vel inscribendum fuisse, qui tamen Librarii oscitantia in trigessimum sextum excrevit; eoque vel magis, quod eadem Indictio decimaquarta utrobique adnotata in utrumque annum tum 506. tum 536. æque incidat. Sed ex relatis hæctenus monumentis nihil certi ob repugnantes reliquas temporis notas, de Angelicæ Apparitionis anno statuere licebit.

Ad calcem Historiæ ejusdem Apparitionis, quam inscripto titulo *Legenda Principis Angelorum* ex Codicæ Bibliothecæ Vaticanæ desumptum verbatim recitare affirmat Ughellus in Episcopis Sipontinis Tom. VII. p. 816. hæc adnotantur: Anno à Nativitate Domini nostri Jesu Christi quadringentesimo nonagesimo tertio, octavo die Mensis Maii, Indictione decimaquarta, facta est inventio celestis Basilicæ mirificæ, & gloriosissimi Principis Michaelis Archangeli in Monte Gargano, sedente Gelasio I. beatissimo Romano Pontifice, ac Imp. Zenone piissimo Imp. Constantinopolitano. Si hæc ex ipsius Auctoris *Legenda* manu essent, vel Chronologicæ saltem notæ omnes inter se constarent, tum anni, tum etiam diei, quibus Apparitio facta est, certissimum haberemus monumentum. Sed abesse ea verba ab omnibus Manuscriptis Vaticanis (in quibus scilicet ea Historia legitur) Cl. Assemanus testis est (1): ante quoque Assemanum Cl. Florentinus observavit, neque in Hagiologio suo, neque apud Surium verba hæc proflare in fine Historiæ illius, & ab inscio Chronologo apposta videri... Patet autem, non esse notam illam temporis à coævo Scriptore appositam, neque ab erudito Chronologo, quia Gelasius non tempore Zenonis Imperatoris sederet, sed Anastasii, ut notissimum est. Adde his manifestum numeratæ Indictionis errorem, dum in memorato anno 493. non quattodecima, sed prima Indictio decurrebat.

At nihil hæc movere debent, quin earum ductu subsidioque notarum, quæ potiores celebrioresque aliorum monumentorum consensum habent, in hujuscæ Historiæ, five subscriptæ ejusdem Chronologiæ fidem, suis tamen nævis expurgandam, defendamus. Ac primum illud satis constat, eam Apparitionem sub Laurentio Episcopo Sipontino, immo ipsi eodem Laurentio fuisse factam. Sipontini Antistitis nomen flet Ado, silent etiam (eodem Assemano teste) Manuscripta omnia Vaticana. Sed in Actis Sanctorum ad diem VII. Februarii, is Episcopus, cui S. Michael apparuit, Laurentius appellatur: libet ex ejus vitæ vetusto Auctore hæc pauca describere. Eo tempore famosissima illa, & per Orbem terrarum divulgata Michaelis Archangeli in Monte Gargano Apparitio facta est; & Beato Laurentio, quid faciendum esset, & Michael ipse Archangelus per visionem narravit &c. (2). Convenit de ejusdem Laurentii nomine vetustus alter auctor vitæ S. Sabini Episcopi Canusini, quæ in iidem Actis ad diem IX. ejusdem Mensis Februarii edita est (3): Sed & idem Laurentiu occur

(1) Tom. I. Scriptor. Hist. Ital. cap. XIV. pag. 400. ubi in recitandis iidem verbis grave mendum, Typographi errare, patratum invenio; nam pro octavo die Mensis Maii, uti habet Ughellus, perperam legitur: *Actum die Mensis Maii* &c.

(2) Apud Bollandum tom. II. Februarii pag. 57. edit. Venet.

(3) Ibidem pag. 214. Quandoquidem laudatus Bollandus de S. Archangelo Michaele ad diem 29. Septembris acturum se ipsonondit, ad quem diem necdum (quod ego sciam) Socii pervenerunt, haud hec prætereundum mi-

hi duxi id omne, quod idem Bollandus in antecessum, ac veluti obiter in Commentario prævio ad dictam Vitam S. Sabini de nostro argumento delibaverit. Is itaque in dicto tom. II. Februarii pag. 314. num. 23. hæc habet. *Alia iidem Gelasio Papæ temporibus facta sacre Edis dedicatio, uti ante indicatum, cui Sabinus quoque adfuit; ejus nempè, quæ in Gargano Apulie Monte à Sipontinis Civibus edificata tunc fuit; de qua & 7. Februarii in S. Laurentii vita egimus, & erit magis proprius agendi locus ad 29. Septembris, quæ die hujus Dedicationis anniversaria memoria celebratur.* Hanc Beatus

occurrit in Vita S. Richardi Episcopi Andriensis, quam Ughellus evulgavit (1). Denique Apparitionis tempore *Civitati Sipontinae praefuisse Episcopum nomine Laurentium* praclarissimè habent ejusdem Apparitionis Acta, quorum exordium ex veteri nostrae Bibliothecae Codice superius recitavimus. Quum igitur de Sipontino Episcopo Laurentio certa res maneat, certum aequè illud erit eundem Laurentium anno circiter 492. Sipontinum Episcopum electum, ad plurimos subsequens saeculi annos eam Ecclesiam gubernasse. Hunc Laurentium, patriam Constantinopolitanam, Imperatoris Zenonis Confanguineum, ab eodem Augusto Sipontinis postulantibus datum, ab ipsis postmodum Sipontinis coram electum, atque demum à Gelasio Roman. Pontifice Episcopum consecratum, fatis copiosè laudatus ejus vitae Auctor enarrat. Nec rei gestae fidem minuire illud debet, quod Gelasius non sub Zenone, sed sub illius Successore Anastasio Pontificatum inierit: nam cum à Zenonis obitu ad Gelasii initia vix annus intercesserit, potuit certè varia rerum series, potuerunt itinerum necessitates id effecisse, ut ab extremo Zenonis tempore ad Gelasii inaugurationem perveniretur, à quo demum Pontifice Laurentius consecrationem acceperit. Itaque quum Laurentio Episcopo Apparitio facta est, eam certe non ante annum 492. statuere licebit: Sed quum Laurentii Episcopatus in plurimos etiam sequuti saeculi annos productus fuerit, coercenda tamen sub ejusdem Episcopatus initia Apparitio erit, quippe quae Laurentio quidem Episcopo, sed Gelasii Pontificis tempore contigisse comprobatur.

Ac Gelasio quidem Pontifice (quae certissima temporis nota altera est) S. Michaelis Archangelum in Gargano Monte apparuisse, ex iisdem haecenus laudatis vetustis monumentis simul innotuit; quibus tantum abest, ut Adonis, Vaticanorumque Manuscriptorum silentium officiat, ut potius ex illis ipse Ado, ceteraque Acta suppleri, reique gestae exploratior emeruisse fides videatur. Adde nunc Anastasii Bibliothecarii testimonium, qui (uti etiam superius meminimus) in Gelasii Vita, *hujus temporibus inventam esse Ecclesiam S. Angeli in Monte Gargano*, disertissimè affirmat: Quamquam & ipse Anastasius (uti de Laurentio ejus Vitae Auctor statuit) etiam sub Zenone Gelasium Pontificatum gessisse praeposterè tradat; quod tamen non omnino falsum Cl. Bollandus ostendere conatur (2). Ut ut verò de Imperatore res sit, fueritne Zeno, an verò Anastasius, ac neglecto Indictionis numero, in quo facillime error, vel ex librorum oscitantia, vel aliis pluribus fat notis de causis admitti potuit; satius certè nobis erit, ut Apparitionis tempore, Siponti Episcopum Laurentium, Romae Pontificem Gelasium floruisse pro certo habeamus; ut illud aequè certum statui queat, inter annum 492. atque annum 496., quo temporis intervallo Gelasius (Laurentio Episcopatum Sipontinum gerente) ab initio scilicet Martii dicti anni 492. ad Mensem Septembris dicti anni 496. perfunctus Pontificatu fuit, eam Apparitionem contigisse. Haecenus de Tempore: nunc de Apparitionis loco agendum erit.

Est in Apuliae, sive Dauniae, sive Japigiae finibus inter Hyrium, sive Uriam, ac Sipontum

ALTER

I 2

illius factam scribit, cum Constantinopoli reverisset Sabinus, quod (ut infra patebit) vix ante exitum anni 536. potuit evenisse. At vetus Dedicationis Historia, quae in manu exarata, in eusa typis extat, Gelasii Papae temporibus accidisse tradit. Sigeberti Gemblacensis Chronicon, ut est à R. Laurentio Barrio editum, ad annum 488. (quem Gelasii secundum statuit) ista habet, quae absunt à Mivrei editione: Hoc tempore facta est inventio Cryptae S. Michaelis Archangeli in Monte Gargano, unde & ejus memoria singulis annis celebri festivitate in Ecclesia Dei recolitur. Baronius ad annum 493. qui verè Gelasii Secundus fuit, Cryptae illius inventionem refert. Haec ibi Bollandus, qui de Apparitione Archangeli se egisse ad VII. Februarii idèd dicit, quod in S. Laurentii vita, quam edidit, ejus rei relatio legatur cap. III., ubi is haec tantum habet pag. 59. not. a. De hac Apparitione agemus 8. Maji, aut 29. Septembris. Sequenti verò nota b, aliqua observat contra Baronium de Bello inter Neapolitanos, Sipontinoque, nobis inferius discutienda. Post Bollandum de hac Apparitione adhuc obiter egit doctissimus P. Sollerius in Auctarii ad Martyrologium Usuardi, tum 8. Maji (tom. VI. Junii part. I. pag. 261. ubi plurima recenset Martyrologia, quae post Usuardi aevum ejus Apparitionis meminisse ceperunt, tum 29. Septembris (tom. VII. Junii sive 10. VI. par. II.

pag. 565. ubi aliqua cursim observat de variis Archangeli Apparitionibus, ac Dedicationis Festo; tum ita loqui pergit: *Habes in Adone longiorem Garganensis Historiae seriem, suo tempore illustrandam: Historiam ipsam cum sana Chronologia conciliare conatur Florentinus; in nos alibi operam conferens.* Nobis interim nostri juris argumentum, quod praecipuum Longobardicae Religionis caput est, haud inatadum relinquere visum fuit: an pro nostri Operis ratione, dignitateque illustraverimus, alii judicabunt.

(1) Ital. sacr. tom. VII. pag. 921. edit. Venet. Dein, edita à Bollandistis tom. II. Junii pag. 245.

(2) Non congruere Imperium Zenonis cum Gelasii Pontificatu rectè animadvertit Bollandus in dicta Vita S. Laurentii not. a. pag. 57. ubi & illud subdit: *Quod igitur in libro De Romanis Pontificibus (i. e. vulgato Anastasio) de Gelasio dicitur: Fuit temporibus Theodoric Regis, & Zenonis Augusti: id nos de solo Pontificatu est intelligendum sed quod etiam ante Pontificatum, Zenone imperante, rebus gestis clarus extiterit, quibus Pontificatum est promeritus. Quae si probari merentur, multo magis Laurentio quadrare debent, quem Patria Constantinopolitanam, ipsiusque Zenonis confanguineum, hujus potius tempore, quam sub successore Anastasio floruisse, Auctor ejus Vitae dicere maluit.*

tum Mons, qui apud Ptolomæum mendosè Γάργανος Όρος, scribitur pro Γάργανος, uti rectè à Strabone, & Garganus à Pomponio Meia (1) & Plinio (2) appellatur: sublimi vertice exurgens, octoginta radicibus suis circuit milliaria, ea maxime parte, quâ, ut canit Lucanus Lib. v. v. 380.

Appulus Hadriacas exit Garganus in undas.

Meminit non semel Horatius, qui Theatrorum clamores Gargani mugitibus comparat Lib. II. Ep. I. v. 202.

Garganum mugire putes nemus, aut mare Thuscum.

Quernis enim arboribus abundare montem persuasum Poetæ fuit, quæ arbores ventis verberatæ mugitum veluti reddunt, unde ipse idem Lib. II. Od. 9.

*Aquilonibus
Querceta Gargani laborant,
Et foliis viduantur Ornî.*

Quibus potius posterius memoratis arboribus is nunc insignis Mons est, ob liquorem, quem vulgus Mannam appellat, ingenti copia ex incisis illarum corticibus effluentem, magnoque pretio in Medicinæ usum æstimatum, ac commendatum. Celebris adhuc idem Mons religione sua, sive prisca Superstitione olim fuit, cujus etiam Reliquiæ, post excisam Idolatriam diutius viguere. Ac Strabo quidem, commemoratis Salapia, ac Siponto, proximis Gargano Urbibus, hæc habet Lib. VI. *Ostenduntur in Daunie quodam Colle, cui nomen Drium, Sacella; alterum Chalcantis in summo vertice, ubi qui oraculum requirunt, arietem immolant nigrum, & pelli indormiunt; alterum Podalirii in imo ad Radices Collium, centum ferè stadia à mari distitum; profuit autem ex eo rivus omnis generis morbos pecorum sanans: Ante hunc finem est Promontorium Garganum ad CCC. stadia in mare versus ortum Solis procurrens* (3): atque hæc quidem, dum flaret Idolatria. Sed & Sæculo IV., atque etiam V. non omnino ejus loci defecerat Superstitio, cujus incolæ in eodem Gargani vertice mira quædam patrari in Christianæ Religionis injuriam, persuasum sibi habebant. Rei memoriam servavit nobis Servius, qui ad illud Virgilii Æn. XI. 247.

Victor Gargani condebat Japygis arvis:

Hæc post alia commentatur. Sed & in Gargani summitate duo Sepulcra esse dicuntur fratrum duorum, quorum cum major Virginem quandam despondisset, & eam minor frater conaretur auferre, armis inter se decertarunt, ibique ad memoriam invicem se occidentes, sepulti; qua res admirationem habet illam, qua, si qui duo inter ipsam Silvam agentes iter, uno impetu, vel eodem momento saxa adversus sepulcra jecerint, vi nescio qua, saxa ipsa separata ad sepulcra singula decidunt: Hac igitur superstitione, adhuc Servii ævo, qui labente Sæculo IV. scribebat, infamis erat Gargani vertex; hisque flagitiosis exemplis, his artibus, adhuc per eam ætatem Gargani incolis Diabolus illudebat. At Dei tandem providentiâ factum est, ut sub sequenti Sæculi exitum, locus ipse, veteri superstitione celebratus, Angelica Apparitione consecraretur, insanæque observationes in Christianæ Religionis cultum, veræque pietatis emolumenta converterentur. Quo res ipsa modo acciderit, laudata superius Apparitionis vetusta Historia prolixâ narratione prosequitur. Nobis rem ipsam paucioribus contractam, servata ad amissim ejus Historiæ fide ex Adone excepisse libuit, qui in Martyrologium suum ad XXIX. Septembris referens, id commodius præstabit, ut recitatis ejus verbis, eas observationes, quæ rem ipsam illustriorem efficient, opportunè adjiciamus.

Præmissa itaque loci descriptione, sic Ado ad rem accedit: *Quidam vir prædives nomine Garganus, qui ex adventu suo Monti vocabulum indidit, infinita pecorum multitudine pollebat: Contigit autem, Taurum armenti gregis consortium spernentem, singularem incedere solitum, & ad extre-*

(1) Lib. II. cap. IV. num. 40.

(2) Lib. III. cap. XI.

(3) Apud Claverium Ital. Antiquit. lib. IV. cap. XI.

pag. 1212.

extremum redeunte pecore domum non reverti: Quem Dominus per devia quaque requirens; invenit tandem in vertice Montis foribus cuiusdam assistere Spelunca: quem cum sagitta appetisset, illa velut flamine venti retorta, eum, à quo iactata est, mox reversa percussit: Turbati Cives, & stupefacti, qualiter res fuerit effecta (non enim accedere propius audebant) consulunt Episcopum, quid factum opus sit: qui indicto jejunio triduo, à Deo monuit esse querendum: Quo peracto S. Michael Angelus apparuit Episcopo per visionem dicens: Ego sum Michael Archangelus, qui in conspectu Dei semper assisto: illius loci me esse custodem, atque omnium, quæ ibi geruntur, inspectorem, hoc volui indicio probare. His revelatione compertis, consuetudinem fecerunt Cives hic Deum precibus, Sanctumque intercessorem, poscere Michael: Duas quidem januas ibi cernentes, quarum australis, quæ & major erat, aliquot gradibus in occasum vergentibus adiri poterat: Sed nec ultra Cryptam intrare ausi, præ foribus quotidie orationi vacabant. Adonis lectionem, qualem V. C. Georgius in eleganti editione Romana anni 1745. exhibet, recitavi; in cuius quidem exordio non solum ab Historia discrepantem, sed falsum omnino Adonem deprehendimus, qui prædixit viro illo Gargano nomen Monti inditum, seu tunc primum factum affirmat: dum contra ex Montis appellatione idem sibi nomen adscivisse Virum, Historia testatur; idque verum manifestè ostendunt veterum Geographorum, Poetarumque auctoritates, nobis superius commemoratae, ex quibus non solum ante Apparitionis tempus, sed pluribus ante sæculis proprium Monti nomen Garganum fuisse scimus. At ne ipsum Adoni, sed Amanuensibus adscribendum errorem ajo; quod ex collatis utriusque, Adonis, & Historiæ locis, persuasum cuique erit. Ado enim sic vulgò habet: *Quidam Vir prædixit nomine Garganus, qui ex adventu suo Monti vocabulum indidit &c.* Historia verò, seu *Legenda* apud Ughellum, cui Acta nostri Codicis omnino consonant, ita scribunt. *Erat in eadem Civitate (Siponto) Vir prædixit, quidam nomine Garganus, qui ex eventu suo Montis sibi vocabulum indidit &c.* Quum igitur Vir ille Civis esset Sipontinus, quomodo eo loci advenisse potuit? certè non ex adventu, sed ex eventu scripserat Ado, qui eadem Acta præcuntia sibi habuit; qui verò ei Viro eventus in Gargano factus est, ad maiorem rei celebritatem, novi eidem ex ipso Monte apponendi nominis occasionem fecit; itaque non ex Adonis manu illa sunt, quæ in ejus editione leguntur, i. e. *ex adventu suo Monti vocabulum indidit*: sed hæc potius, qui in illam corruptam lectionem facillimè converti poterant, ut scilicet scripserit: *ex eventu suo Montis sibi vocabulum indidit*. Atque id quidem statuisse æquius, verique similis fuerit, quàm (uti ab aliis factum est (1)) erroris Adonem arguere; qui sanè Ado rem ipsam non modo ex Actis exploratam sibi habebat, verum etiam vetustum Montis nomen, antiquis Scriptoribus passim celebratum, facili negotio novisse poterat.

Hæc, quæ ex Adone audivimus, Angelicæ Apparitionis in Gargano Monte exordia fuerunt: mox novis signis, beneficiisque comprobatus Michaelis patronatus, atque addita loco religio. Neapolitæ (ita rem Ado prosequitur) Beneventanos (Sipontinos intelligas, ut mox explicandum) bello lacerare tentant: qui Antistitis sui monitis edocti, triduanum jejunium agunt; & ecce nocte ipsa, qua belli præcedebat diem, idem in visione S. Michael apparens Antistiti, preces eorum dixit exauditas, spondit victoriam, seque eis affuturum; quod mox veritas facti demonstravit: Domumque victores reversi vota Domino gratiarum ad Templum festinant referre; videntque mane juxta januam Septentrionalem, instar posterule pusilla, quasi hominis vestigia artius marmori impressa, agnoscuntque B. Michael presentie suæ signum voluisse monstrare, ubi postea culmine apposto, & altari inposito, ipsa Ecclesia ob signa vestigiorum APPODONIA est appellata (2): & postmodum collatione facta Sipontini, ad Orientem loci illius, B. Petri Apostolorum Principis nomine condunt Ecclesiam.

Hucusque ferventior in dies erga SS. Archangelum Sipontinorum cultus; qui tamen Cryptam ingredi non adhuc audent, ut propterea contiguam Ecclesiam, ubi commodius, ac decentius orationi vacarent, condendam curarint: At quum de ingredienda simulque consecranda Crypta consilium suscepisset Episcopus, eaque de re Pontificem Summum consulisset, apparuit ei tertio Michael; eamque postremam Apparitionem plura consequuta sunt, quæ etiam

(1) Assermanus Ital. Hist. Scriptor. tom. 1. cap. xiv. pag. 396.

(2) Hanc Ecclesiam ob ea vestigiorum signa Appodoniæ Ado vocat; Apodaniæ verò Acta Apparitionis apud Ughellum appellant. Apodaniæ in Gangii Glossa.

rio, dicta Ecclesia S. Michaelis à pedis vestigio ibi impresso. Sed & Appodoniæ, Podoniæ, & Ypodoniæ alibi legas: Ex manifesta vocabuli origine congruentior Actorum lectio est, aliis propterea præferenda.

etiam ex Adone recitare præstat. Romano Pontifice, & Sipontino Episcopo de loci ipsius Consecratione quærentibus, ac propterea triduanum jejuniū cum Civibus suis celebrantibus, nocte jejunii suprema S. Michael Sipontino Episcopo per visionem apparens, monuit, ut intrarent Ecclesiam, quā ipse dicavit, & Missas juxta morem ibi agerent. Meum, inquit, erit ostendere, quomodo per memetipsum locum consecraverim. Adveniunt mane cum oblationibus, & magna instantia precum intrant Regiam australem. Et ecce longa porticus in aquilonem porrecta, atque illam attingens posterulam, extra quam vestigia marmori diximus impressa. Sed priusquam huc venirent, apparet ad Orientem Basilica prægrandis, qua per gradus ascenditur. Hæc cum ipsa porticu sua quingentos fere homines capere videbatur, Altare venerandum, RUBROQUE COOPERTUM PALLIOLO, prope medium parietis meridiano ostendens. Erat autem ipsa Domus angulosa non in morem operis humani parietibus erectis, sed instar Speluncæ præruptis, & sæpius eminentibus asperata scopulis: culmine quoque petroso diversæ altitudinis, quod hic vertice tangi, alibi manu vix possit attingi: credo, docente Archangelo, Dominum non ornatum lapidum, sed cordis querere, & diligere puritatem. NULLUS AUTEM HUC NOCTURNO EST TEMPORE AUSUS INGREDI; sed aurora transacta, matutinos ibidem cantant hymnos. Ex ipso autem Saxo, quo Sacra contegitur Edes, ad aquilonem Altaris dulcis, & nimium lucida guttatim aqua dilabitur, quam incole STILLAM vocant: ob hoc & vitreum vas ejusdem receptui preparatum. Denique nonnulli post longas febrium flammæ, hæc hausta Stilla, celeri confestim refrigerio potiuntur salutis. Innumeris quoque & aliis modis ibi & crebro sanantur ægroti, & multa, Angelicæ tantum illic potestate, geri miracula comprobantur.

Angelicæ Apparitionis Historiam, quæ in Gargano facta est, Adonis verbis, sua tamen rerum temporumque serie distinctam exhibui: in qua tria mihi præcipue illustranda occurrunt, majusculis etiam literis, dum ejus verba describerem, designata. Primum locum dabo Rubro Palliolo, quo Antistes Sipontinus cum Pontifice Maximo Cryptam ingressus altare cooperatum invenit. Habes itaque illum rubrum Palliolum, cujus partem una cum Marmoris fragmento, Archangeli vestigio consecrati, ex Garganica Crypta Autpertus Episcopus (quem admodum diximus) impetravit, ut Ambrincateni Cryptæ in ejusdem Archangeli honorem dedicatæ decus simul, ac Religionem adjiceret. Habes etiam, unde rectè conicias, non alias fuisse Reliquias (quas Chronicon reticet) à Comite Wolfando ex Garganica Peregrinatione domum reportatas, quā ejusdem rubri Pallioli partem, ejusdem quoque, si libet, Marmoris fragmentum; quæ novo miraculo illustratæ Virdunensi Ecclesiæ, Monasterioque ædificando occasione fecerunt. Ex his facile intelliges, cujusmodi Reliquiæ illæ S. Michaelis Archangeli essent, quæ in plerisque Christiani Orbis Ecclesiis asservatæ, magno olim in honore, venerationeque fuerunt. In vetustissima marmorea Inscriptione, quæ adhuc legitur in Romana Ecclesia S. Angeli in Foro Piscario, seu Piscium plures describuntur Sacræ Reliquiæ ibidem reconditæ, inter quas & S. Archangeli Michaelis Reliquia recensetur. Ne igitur vulgares mentes opinio fallat, neve Heterodoxorum perstrepat cavillationes, admissum videlicet apud nos, Angelicis Spiritibus corporeum quidpiam inesse, cujus Reliquias ostendamus: Quales enim Archangeli Reliquiæ sint, manifestum jam est. Vestigia illa, quasi hominis artius marmori impressa, non corporeum Michaellem arguunt, sed eodem miraculo, quo impressio præter morem facta est, illius etiam præsentia signum, seu quoddam veluti Symbolum præferebant; quare & monumento ipsi, seu marmori reverentia accessit, cujus propterea Reliquiæ, sive fragmenta ob Archangeli memoriam meritò in honore haberi coeperunt. Idem de Pallio dicendum, quo ejus Altare coopertum inventum fuit: Non enim in Archangelii usum fuisse aut Ado, aut quispian ulquam dixit, existimavitque; sed ejusdem Archangeli ope coelitus ad Altaris ornatum, tutelamque submissum, atque statutum: Quemadmodum res varias Viris sanctis Angelorum ministerio divinitus delatas sacræ Historiæ passim testantur. Quanta eodem ævo erga dictum Rubrum Palliolum veneratio adhiberetur, præclarissimè ostendit Fauftus Monachus in Vita S. Mauri, immò verius ipse testis adest sanctissimus Monachorum Parens Benedictus, qui inter alias Reliquias Discipulo suo Mauro, jam in Galliis agenti, transmissas, addidit S. Michaelis Archangeli ex Palliolo rubro, sancta scilicet ejus memoria. Scio commentitium opus, Fauſti nomine pervulgatum, ab eruditibus pluribus habitum, qui missionem S. Mauri in Galliis in dubium revocarunt; atque hoc etiam argumento Basnagius utitur, ut ejus historiæ fidem subverteret, ridiculum planè à Fauſto nobis obtrudi ajens, quasi S. Michaellem pallio rubro vestitum indicare voluisset, cujus partem Benedictus Mauro pro reliquiis conceſſerit. Sed Basnagii cavillationes pauca illa refellere satis sunt, quæ Ado de eodem pallio, ejusque

usu

ûlu tradidit. Qui plura volet habebit ex doctissimo Mabillonio, qui peculiari libello Missio-
nem S. Mauri in Gallias egregiè vindicans, hac etiam de re Basnagium refutavit (1).

Alterum, quod in Adone accuratè observare præstat peculiaris illa est, servata Garga-
nicæ Cryptæ reverentia, ut postquam adiri, frequentarique cœpisset, nullus tamen illuc no-
cturno tempore ingredi auderet. Id quidem reverentiæ (ut dixi) causa primùm factum;
licebitque ex ipso Adone conicere, qui nullam rei causam expressit. Posterioribus au-
tem sæculis, Fidelium animos opinio pervasit, ideo interdictum noctu loci ingressum,
quod Angelici conventus ibidem eo tempore agerentur, quibus homines adesse, nefas; si
quis vero adfate voluisset, pares audaciæ poenas proculdubio tulisset. Bina ad rei veri-
tatem comprobendam afferri solent exempla, illustria illa quidem, quibus Augusta Viro-
rum Dignitas majorem celebritatem fecisse videtur. De Imperat. Ottone II. hæc vetustis
consignata monumentis leguntur. Anno Domini MCCXCXI. Otto Rex peragrata Italia, venit
in Montem Gargani, & cognovit à Referentibus, Angelorum obsequia nocturno tempore ibi ef-
fusa, nec ullum mortalium velint interesse. Cujus causæ notitiam cum disposuisset curiosius in-
dagare, Apostolicum convenit super hac re primum. Cui cum Apostolicus consilium suum indi-
disset, sibi minus placere illum Angelicis ministris interesse, parvipendit consilium Papæ, &
eo ignorante proficiscitur in Montem Gargani. Ubi dum pernoctaret, inter cetera, quæ cognovit
Sanctorum mysteria, veniam consequutus est Angelorum. Quod temerè Sacratum locum introie-
rat, tantum ab Angelis prostratus, pro quodam judicio, quod perfecisse debuerat, nec fecit, pro
negligentiis transverberatus est. Deinde S. Michael jussit eum Romam remeare, statuto sibi die,
quo eum vellet invisere. Sicque cruentatus Rex Romam repedavit, & Benedicto Papæ cuncta à
se visa retexit. Igitur Rex valido languore tactus vita decessit, & ab Archangelo receptus, su-
peris est sociatus Anno Domini MCCXCIV. cujus exequia per Apostolicum condigno honore cele-
brata, in porticu S. Petri sepelitur: pro quo filius ejus Otto adhuc puer regnavit (2). Nullus certè
fidem suam rei narrationi accomodabit, in qua etiam Auctor enormiter in Chronologiam
peccasse convincitur: optandum certe fuerit, ut qui talia de Ottone II. comminisci labo-
ravit, pari in Garganicam Cryptam studio, illa etiam, quæ de filio Ottone III. vera erant,
subnectere non omisisset; quem tertium Ottonem Romæ profectum poenitentiae Causâ ad
eam Cryptam nudis pedibus peregrinationem habuisse scimus (3). Sed de altero Augusto
videamus. Henricus is fuit Imperator eo nomine Secundus, cognomine Claudus, nunc verò
ob ejus virtutes, atque Ecclesiæ judicio, Prænomine Sanctus. Corporis vitium, unde Co-
gnomen factum est, nobilitare, ac quodammodo consecrare conati sunt, qui Henrici res
gestas, egregiamque Sanctitatem Scriptis commendantes, tunc primùm claudicasse eum
ferunt, quum, Anno MXXII. in Apulia versatus, in Garganica Crypta pernoctare ausus,
postquam cœlestibus visionibus frui meruerit, femore ab Angelo tacto, claudicationis
sive poenam, sive præmium reportavit. Longior, quàm, ut heic describatur, rei narratio
est, ab Anonymo lucubrata in Vita ejusdem Augusti apud Bollandianos ad diem XIV. Ju-
lii, Cap. 3. num. 28. seqq. pag. 761.: atque illa quidem se in scripturis non invenisse fate-
tur Anonymus, sed relatu veracium, & venerabilium virorum; & malle se inquit, somno quie-
scere, quam ficta, vel frivola de Sanctis Dei scribere; præsertim dum opus non habeant falsis lau-
dibus exaltari, qui signis, & prodigiis meruere decorari. At alias alii planè diversas Henrici
claudicationis, causas tradidere, quos satis diligenter iidem doctissimi Bollandiani recen-
sent in Commentario prævio §. I. num. 8. & 9. p. 712. Ceterum non hæc de sola Garganica
Crypta, sequiore illo ævo circumferebantur: In aliis quoque (quas frequentes tunc fuisse
constat) Ecclesiis in S. Michaelis honorem extructis, mira quædam Angelico ministerio
præstari, ejusdem ætatis homines somniasse discimus ex Ratherio Veronenfi, sive Leodien-
si Episcopo, qui in Serm. I. De Quadragesima, illorum cacam dementiam redarguit, qui
ad

(1) Apologia Missionis S. Mauri in Galliam, quæ ex-
tat post tom. I. Annal. Benedictin. pag. 601. edit. Lucen-
sis an. 1739.

(2) Fragmentum Historicum incerti Auctoris Res
Germanicæ enarrans ab an. 631. ad an. 1251. editum ab
Ulricho tom. I. Historicorum Germaniæ pag. 82. edit.
Francofurti 1670.

(3) Imp. Ottonem III. (quem Sedi Apostolicæ, Cre-
scentii Ducis tyrannide vexatæ opem suam laturum in
Italiam anno 996. venisse, refert Baronius) eodem

Crescentio contra datam fidem cæso, ejusque Conjuge
in concubinam accepta, de ejusmodi crimine beato viro
(Romualdo) confessum, poenitentiae causa nudis pedi-
bus de Romana Urbe progredientem, sic usque in Garga-
nicum montem ad S. Michaelis pervenisse Ecclesiæ, satis
locuples, ac suppar testis est S. Petrus Damiani in Vit.
S. Romualdi cap. XXV. tom. II. Opp. ex edit. Cajetani
Parisiis, seu Venetiis 1743. pag. 216. & apud Bollandia-
nos die VII. Febr. cap. VII. ejusdem Vitæ nu. 38. p. 112.

ad Ecclesias satiùs ducebant ire Feria secunda, quam ceteris, rati S. Michaelē ipsa die Missam cantare solitum. Nos cum Ratheriorem hanc concludimus, qui quum reprehenses (adeò animis res infidebat) sui Sermonis habuisset, ita reponit: *Non dicit Ratherius Episcopus, quod malum faciat, qui vadit ad Ecclesiam S. Michaelis, aut audit Missam S. Michaelis; sed dicit Ratherius Episcopus, quod mentitur ille, qui dicit, quod conveniat alicui melius in secunda feria ire ad Ecclesiam S. Michaelis, vel Missam S. Michaelis audire, quàm in alio die. Dicit Ratherius Episcopus, quod mentitur ille, qui dicit quod S. Michael Missam canter Si autem quæris quid S. Michael canter? Labora, dicit Ratherius Episcopus, cum Dei adiutorio, ut post mortem Coelum conscendas, illic audies, quid canter. Quod si vis ad Ecclesiam S. Michaelis ire, sapias, dicit Ratherius Episcopus, quod non libentius te recipit in secunda feria S. Michael, quàm in alia. Si vis eum rogare, sapias, dicit Ratherius Episcopus, quia non clementius te exaudit S. Michael in secunda feria, quàm in alia &c. (1). Ita quoque de Garganica Crypta statuendum; ut nisi alia subest iusta causa, tam interdiu, quam noctu ire illuc liceat, rogare illic S. Michaelē utroque tempore non solum impune sit, verum æquè pium, ac salutare.*

Restat nunc, ut de Bello ab Adone memorato accuratius perquiramus. Rem paucis ille narravit, vixque tetigit, quam tamen illustriorem efficiunt Acta Apparitionis, mirum victoriæ modum prosequentia (2); implicatiorem verò reddunt recentium Scriptorum de eo Bello concertationes. Certatum enim inter illos de Belli tempore est, certatum quoque de iis, qui Bellum intulerunt, susceperuntque. Ac mirum profecto est, quantà Camillus Peregrinius verborum copiâ, animique æstu laboraverit, ut id Bellum ab Apparitionis anno, quem cccxciv. circiter fuisse diximus, exturbaret: fatetur ipse de eo argumento *Viros magnos laborasse, non utique sibi succensendos, quorum scilicet nomini veniam indulget, rei veritatem, à qua illi hactenus longe aberrassent, invenisse sibi blanditus. Quid igitur Peregrinius? Bellum in feriore ætate rejiciendum arbitrat, nec sibi longo in itinere quiescere voluit; donec emenso centum septuaginta circiter annorum intervallo ad Annum dclxiii. perveniret: uno verbo, Bellum ab Adone, atque in Apparitionis Actis memoratum non aliud Peregrinius sibi confingit, statuitque, quàm quod ab Imp. Constante Beneventanis viri Romualdo Duce illatum superius demonstravimus (3). Viri, alioqui doctissimi, perspicacissimi que παράδοξον non est, ut heic rursus refutare laboremus: hoc enim negotium Clariss. Assemanus nuper sibi fecit, confectique, qui absurda nobis Peregrinium propinasse demonstravit (4).*

Missio itaque Peregrinio, Baronium potius audiamus. Atque is quidem ad An. cccxciii. num. 43. eundem ipsum & Apparitionis, & Belli fuisse annum non abnuit; in eo tamen rei gestæ historiam emendandam censuit, quod privatum inter Neapolitanos, Sipontinosque id bellum fuisse asseratur, quod nonnisi inter Odoacrem, Theodoricumque tunc temporis in Italia gestum dici debebat: tum ex ejusdem belli occasione factum putat, ut Theodoricus rerum potitus Sipontinis Negotiatoribus, qui se hostium depopulatione vastatos querabantur, tum à pendendis tributis, tum ab ære alieno solvendo, biennii immunitatem indulserit (5). At emendationi huic refragatur Bollandus, nequivisse Odoacrem ratus id bellum

(1) Ratherius priùs Veronenſis, dein Leodienſis, denuò tandem Veronenſis Episcopus, iater alia Sermones binos habuit de Quadrageſima: Ex prioris appendice, ſive deſenſione relata verba deſcripſimus, apud Dacherium, qui tom. i. Spicilegii à pag. 345. Ratherii omnia edidit. Floruit an. 928. Ratherius, ex cujus teſtimonio eam Sæc. x. in S. Michaelis cultu ſuperſtitionem vigiſſe probat Cl. Mabillonius Præfat. in Sæc. v. Benedicſtin. §. 3. num. 29.

(2) Acta ita ſerunt. Ecce autem nocte ipſa, quæ Belli præcedebat diem, adeſſi in viſione S. Michael Antiffiti, præces dixit exauditas, viſionem ſpondidit aſſuturam, & quarta diei hora bello præmonet hoſtibus occurrendum. Leſi ergo mane, & de Angelica cervi victoria obviaſt Chriſtiani Paganis (ideſt Neapolitanis, quos paganiſ ad hoc riſibus aberrantes eadem Acta paullo ſuperius affirmant); at in primo belli apparatu, Garganus immenſo tremore concutitur; fulgura crebra volant, & caligo tenebroſa totum Montis Cacumen obduciſt: Fugiant itaque Pagani, partim ferro hoſtium, partim igniferis impulſi ſagittis: & Neapolim uſque ſequentibus, atque extrema quæque cadentibus adverſariis moenia tandem ſue Urbis

moribundi ſubintrant. Qui autem evaſere periculum, comperto, quod Angelus Dei in adiutorium venerit Chriſtianiſ (nam & ſexcentos fere ſuorum fulmine videbant interemptos) Regi Regum Chriſto continud colla ſubmittentes armis induuntur. Scilicet eo miraculo commotos, & cœleſtem iram expertos Neapolitanos, ad Chriſtianam Fidem tunc demum converſos Acta teſtantur. Idem recinit Vita Metrica S. Laurentii Sipontini Episcopi, ejus nempe, cui Apparitio facta eſt, quam edidit Cl. Bollandus tom. ii. Februarii pag. 62. Plebs Pagana hæc impugnant, & Samnitum moenia Michaelis fulminata ſervit per devia, & paullo poſt: Turba Neapolitana bello citans Samnium, & Siponti. ut Pagana querens exterminium, fulgur ſenſit maleſana, & humandum gladium. De Neapolitanorum Ethniciſmo vide eundem Bollandum ad vii. Februarii pag. 63. ac præterea VV. CC. Marochium in Kal. Marmor. tom. i. pag. 39. & Aſſemanum Script. Ital. tom. i. pag. 413.

(3) In Præfat. ad Hiſt. Ignotti Caſſinenſis tom. ii. P. i. Script. Ital. Muratorii pag. 263.

(4) Ital. Hiſt. Script. de Reb. Neapol. tom. i. pag. 447.

(5) Apud Caſſiodor. Var. lib. ii. cap. 37.

bellum Sipontinis intulisse, qui per idem tempus à Teodorico tertio victus, Ravennam se receperat, quæ post triennii obsidionem expugnata, trucidatus ipse demum est: nisi collapsum Odoacris rem ejus Duces (quod vero haud videtur simile) in aliis Italiæ partibus sustinere adnisi fuerint. Theodorici verò rescriptum nonnisi post bellum sive ab Theodorico ipso, sive à Neapolitanis gestum prodiisse, probabile putat Bollandus, illud etiam subdens, potuisse damnum alibi terrarum Sipontinis isthic negotiatoribus inferri; unde domi sublevare se regia clementia postularint (1). Mihi vero illud maximopere placet, Baronium, Bollandumque de belli anno consentientes habere. De belli vero auctore, vera illa Bollandi animadversa reor, quæ neque Odoacrem, neque Theodoricum cogitare sinunt, sed solos Sipontinos, seu Neapolitanos, servatâ Actorum fide, retinendos suadent. Adde nunc, Theodorici Rescriptum longè post annum ccccxiii. quo id bellum accidit, ac alia quidem ex causâ Sipontinis concessum videri; itaut ad id bellum nullimode pertinere debeat, in quo nequaquam Sipontinos tunc hostium depopulatione vastatos, sed hostibus Archangeli ope profligatis victores domum rediisse manifestum est.

Sed quid illud est, ut quum belli locus Sipontus fuerit, adventantesque illuc Neapolitanos hostes Sipontini, Archangeli ope, profligasse asseruntur, id tamen bellum à Neapolitis adversus Beneventanos commissum Ado commemoret? Neapolitæ (inquit) Beneventanos bello laceßere tentant: qui Antistiti sui monitis edocti triduanum jejunium agunt: & ecce nocte ipsa, qua belli præcedebat diem, idem S. Michael apparet Antistiti, preces eorum dixit exauditas, spondit victoriam &c. Cui enim Antistiti apparuit Archangelus, Beneventanorumne, an Sipontinorum? Si Beneventanorum dixerimus, absurda res erit; diversi enim tum erant Antistites, qui proprias sedes separatim regebant; ineptissimumque fuerit, Apparitionem Beneventi potius, quam Siponti factam opinari: sed & ipse Ado adversatur, qui (uti ex ejus integro loco superius recitato perspicuum fit) rem totam à Sipontinis, eorumque Antistite exorsus, ab unis Sipontinis victoribus gratias Michaeli peractas, templumque Cryptæ contiguum, collatione ab iisdem Sipontinis facta, excitatum, jam Beneventanorum oblitus prosequitur; Sipontino denique Antistiti cælitus tertio admonito Cryptam patefactam asseverat. Quid igitur importuna illa Beneventanorum mentio? Nam hi neque ad priorem, neque ad posteriorem rei gestæ partem pertinent; bellique exitus ad Sipontinorum duntaxat lætitiâ, atque emolumentum refertur. Brevi dicam: Aut is Amanuensium error fuerit, qui in Adonis exemplaribus Beneventanos pro Sipontinis eo loco suffecerint; vel si Beneventani ex Adonis manu sint, erravit certè Ado, errandique occasionem spectata tantum suorum temporum ratio facillimè præbuit: Scribebat Ado circa Annum 885., quo scilicet tempore Sipontini non solum ad Principatus Beneventani dominium pertinebant, verum etiam Beneventanis Antistitibus subdebantur; unus enim à S. Barbatî ævo, uti superius observatum est, idemque Beneventanorum Sipontinorumque Episcopus tum habebatur: Quid ni, hæc cogitans Ado, nec præteritum, quem pertractabat, rerum, temporumque statum animadvertens, Beneventanos, quos semel usurpavit, eosdem ac Sipontinos vel credidit, vel promiscuo nomine appellari posse existimavit? Consultè magis Apparitionis Acta se habent, dum Beneventanos simul Sipontinosque eo bello impetitos exprimunt: at nec satis recte; quandoquidem illo ævo nec Neapolitæ cum Beneventanis bellandi causam, nec Sipontini cum Beneventanis commune aliquid habebant: Vera igitur unus nobis prodidit, cujus auctoritas omnium vice esse poterit, vetustissimus vitæ ejusdem Sipontini Episcopi Laurentii Scriptor, qui Sipontinos memorasse contentus, de Beneventanis omnino silet. Eo (inquit) tempore famosissima illa, & per Orbem terrarum divulgata Michaelis Archangeli in Monte Gargano Apparitio facta est: & B. Laurentius, quid faciendum esset, Michael ipse Archangelus per visionem narravit. . . . Cumque Neapolitani Cives suos gravi pugna laceßerent, confusus Vir Dei Laurentius . . . cum populo sibi subiecto, triduo se jejunio affligens, adeptus est de Celo victoriam &c. (2). En igitur unos adversus Sipontinos Neapolitarum molimina: En denique

ALTER

K

que

(1) Tom. II. Februarii in Vita S. Laurentii Episcopi Sipontini pag. 59. not. a.

(2) Eadem totidem verbis leguntur in altera ejusdem S. Laurentii Vita, quam pariter exhibet Cl. Bollandus ad diem VII. Febr. pag. 59. & 61. Tum heic, tum ad diem IX. Februarii pag. 514. num. 23. de S. Sabino Episcopo Canusino agens Bollandus rem totam ad XXIX. Septembris sibi pertractandam servavit. Hinc mihi consilium subit, omnia, quæ idem Bollandus, ejusque Col-

legæ de hoc argumento hactenus, atque obiter prælati sunt, colligere, atque in superioribus notis recitare: At quum hæc sub prælo essent, prodiisse audio Clarissimi P. Stiltingi Commentarium ad diem XXIX. Septembris, nondum tamen mihi visum, ut legentibus apparebit: fed nec mihi penitendum omnino fuerit, in eo argumento, quod ad meum institutum Opus pertinebat, qualemcumque operam meam contulisse.

que certis veterum monumentis, quam tutò sequamur, comprobata ejus belli epocham. Nulla tum cum Beneventanis res fuit: minus certe cum Longobardis, quos sub Beneventanorum nomine latuisse somniabat Peregrinius. Anno ccccxciii. quo bellum accidisse jam satis constat, ne Longobardorum quidem nomen Italia norat, quæ non ante annum dlx. Narsetis auxiliares Longobardos primum vidit, mox anno dlxviii. dominaturos ex cepit.

Longe itaque ante Longobardorum adventum, in Gargano Monte Archangeli Michaelis facta est Apparitio, maximo tunc quidem nedum Sipontinorum, sed universæ Reip. Christianæ emolumento, quæ Archangeli tutelam illustri exemplo jam comprabatam, quolibet in discrimine nunquam sibi defuturam despondebat. Sed (ut sequutus postea rerum eventus demonstravit) non sine quadam Dei providentia Longobardorum adventum ea Apparitio visa est antevertere: ut scilicet Gens bellicosissima, quæ non tam incolendæ, quam subjugandæ sibi Italiæ inhiabat, conatus suos sub Cælestis Ducis auspiciis magis fortunari posse confidens, Christianis moribus alacrius afflueret. Certè & Longobardorum adventum, & Michaelis Patronatum haud longo intervallo disjunctos inter se, animadvertere licebit ex Ignoto Monacho Cassinensi, qui Longobardorum res ab sua origine summatis repetens, indicato illorum ex Pannonia in Italiam adventu, post hoc (statim subdit) *dominantes Italiam, Beneventum (properantes) introeunt ad habitandum. Horum autem (Patronus) Princeps militæ cælestis exercitus Michael exstitit Archangelus*; si enim Michaelis Patronatus coeptam Italiæ dominationem, Beneventanique Ducatus exordia, continenti rerum, temporumque narratâ serie consequutus traditur, jam non ultra triennium à Longobardorum adventu illius quoque initia agnosci debent. Siquidem ab anno 568., quo Longobardi Italiam invaserant, vix triennium, quum *dominari coeperunt in Italia*, effluxisse Auctor *Miscellæ* testatur; quo ferme tempore Beneventanum pariter Ducatum institutum alibi probavimus (1).

Sed quibus officiis, quo religioso cultu delectum sibi Patronum Michaellem demereri Longobardi sategerint, observare operæ nunc pretium erit. A præclarissimo ordiar argumento, quod receptus Gentis mos suppeditat, ut Archangeli Imago in militaribus vexillis depicta gestaretur: ad eamque Imaginem militare Sacramentum præstari deberet: atque in altero quidem, quem præcipuum exercitus sui Ducem, quem bellicarum expeditionum tutatorem haberent; in altero quanta militibus servandæ fidei Religio ingereretur, Longobardi ostendebant. Rem utramque illustri exemplo comprobare promptum est: Dum enim inter Regem Cunibertum, Tyrannumque Alachim cruento nimis prælio confingeretur, singulare certamen, quo utriusque factionis, ejusdemque gentis sanguini parceretur, Cunibertus proposuit; quod tamen Alachis recusavit, non Cuniberti quidem viribus, sed violatæ Religionis conscientia perterrefactus: *Hoc facere* (sic suis hortantibus is respondit) *non possum, quia*

(1) Post verba *Horum autem*, licet vox *Patronus* desit tum in editione Neapolitana Opp. Cam. Peregrinii tom. i. pag. 189. tum in Muratoriana Scrip. Ital. tom. i. i. part. i. pag. 262., lacunam tamen ibi esse satis constat, fateturque Muratorius ipse in Antiq. Med. Ævi tom. ii. pag. 583. ubi *Patroni* vocem in ea lacuna desiderari, suppletque facile posse ait. Hujus autem Historiographi consilium fuit res suorum temporum ab anno 840. quo Beneventanus Principatus divisus fuit, distinctè narrare; superiorum autem temporum eventa omnia, quæ ad eisdem Longobardos pertinerent, summatis, ac uno veluti conspicienda obtutu præmittere. Hinc sub eod. num. i. i. hæc omnia complectitur. *Post hoc dominantes Italiam, Beneventum introeunt ad habitandum. Horum autem . . . Princeps militæ cælestis exercitus Michael exstitit Archangelus. Neapolites ad fidem Christi perducti. Alacrus Vulgarius cum hominibus ad habitandum suscipitur. Græcorum, Romanorumque Longobardi gentes superantes, totam simul Beneventi possident Patriam.* Hæc Ignotus Cassinensis, paucis ipse quidem, qui tamen res annorum propè centum spatio gestas simul congestit. Ac primum Longobardorum adventum anno 568. sequutum proximè narrat in fine num. ii. Deio num. i. i. subactam Italiam: Ducatum Beneventi institutum; S. Michaelis Patronatum; Neapolitanos ad Christi fidem conversos; Alzechi Bulgarorum Ducis, ejusque gentis admissam in Beneventani

Ducatus finibus Coloniam: Postremò profligatas Græcorum, Romanorumque copias, quas scilicet Imperator Constantinus expugnando Benevento duxerat: ut mirum sit, in hac tam perspicua rerum sibi succedentium serie, in meridiana propè luce executis Peregrinium, qui Ignotum Cassinensem de eo bello hæc loquutum contendat, quod tum Ado, tum Acta Garganicæ Apparitionis Neapolites Sipontinis intulisse commemorant. Sed de his jam superius diximus. De Neapolitanorum ad Christi fidem conversione, quod Ignotus idem narrat, dubium videri potest. Hunc Gordium quasi nodum exolvisse primus gloriatur Franciscus Pratillus in notis ad d. locum edit. Neapolit. pag. 196. Ignotum ad suam, in qua scribebat, ætatem respexisse arbitratus, quando scilicet Neapolitanorum cum Saracenis fœdera, corruptissimique sub Sergio Duce mores, ut pro Gentilibus vulgo haberentur, efficere potuerunt. At Pratillo facile animadvertendum erat, non de sua quidem ætate id est sæculo ix. Ignotum eo loco loquutum, sed de antecedenti longius ævo; certè ante Alzechi adventum, quem anno 670. contigisse constat. Adhuc igitur de ea re cogitandum; præsertim quum Ignoti testimonium ab Apparitionis Garganicæ Actis confirmetur, ubi Neapolitanos labente sæculo v. Paganos fuisse legimus: de quorum tamen Ethnicismo, Mazochium, Eolandum, Assamanum, legendos superius jam monuimus.

quia inter contos suos (i. e. regis exercitus) S. Michaelis Archangeli, ubi ego illi iuravi, Imaginem conspicio (1).

Neque vero in Garganica duntaxat Crypta sacros honores Archangelo Patrono exhibendos Longobardi passi sunt: alibi quoque Ecclesias, quæ suam erga Michaellem venerationem testarentur, illiusque cultum frequentiore ac ferventem efficerent, eidem exstruendas, ac dicandas curarunt: Omnium vice unam, & alterum recensere heic sufficiat: ac prior sit insignis Basilica Ticini ædificata, quæ hodie S. Michaelis Majoris nomine appellatur: Constantino Magno opustribuendum, probare Ticinenses aliquot Scriptores conati sunt, quos tamen frustra laborasse animadvertit Muratorius (2), Longobardos auctores manifestos agnoscens; ex quibus satis ejusdem Basilicæ decori, ac vetustati consultum est, ut altioris originem, augustinoremque Conditor em sibi falsò asserere non indigeat. Quanta verò Longobardorum, in eam Basilicam religio fuerit, ex eo vel maximè liquet, quod reis quibuscumque, etiam si Majestatis, tutissimum Asylum præstiterit: Sic Hunulfus Regis Bertaridi Vestiarium, Regi Grimoaldo gravissimè offensus, quod Bertaridi fugæ consilium, atque opem contulerit, in dictam Basilicam confugiens, non solum veniam criminis sui, injuriæque erga Grimoaldum, verum etiam suæ erga Bertaridum fidei laudem reportavit (3). Rem ex Paullo Diacono accepimus, qui quum præfatum Hunulfum in B. Michaelis Basilicam confugium fecisse tradat, occasionem doctissimo Assemano fecit, ut Garganicam potius, quàm Ticinensem Basilicam eo loco intelligendam existimaret (4). At, ne Viro summo assentiar, Paulus idem Diaconus in causa est: cui Garganica Basilica exprimenda fuisset, quam longissimo terrarum spatio Hunulfus petere debebat, non item Ticinensis, quæ in ejus rei gestæ loco extans, promptum Hunulfo confugium præbuit. Sic Paulus idem alibi Longobardos aliquot perduelles à Rege Liutprando comprehendijussos memorans, Harfemar (inquit) qui unus ex eis fuerat, evaginato gladio, multis insequentibus, ipse, se viriliter defensans, in Basilicam B. Michaelis confugit. Ac deinde silius Regis indulgentia impunitatem meruit, ceteris longo tempore reis vinculis ex cruciatis (5). Putabimulne hunc Harfemerem in Garganicam Basilicam profugisse? Absurdum dixerimus; quod æquè de Hunulfo pronunciandum; itaut utrumque non nisi in Ticinensi Archangeli Basilica asylum sibi quæsisse, magis est, ut credamus.

Altera Ecclesia est, quæ Ticinensem si non operis magnificentia, religionis tamen splendore non parum antecelluit, à Cistiberinis Longobardis in Archangeli honorem excitata. Præstat audire ignotum Cassinensem, sic de ipsa scribentem: Inter Capuam, Teanum, nec non Alifam auditur esse Mons quidam, in quo dicitur adest Angelica Virtus ad instar B. Michaelis Archangeli in Monte Gargano, uti distillare aquam, & jugiter effossam Cryptam, & jacere Basilicam, atque ibidem nunc crebrò fieri prodigia: ex hortatu autem Landolfi Presulis Ilarius Teanen-sis Ecclesie Episcopus dedicavit illic Sanctorum Altaria, & per amplius ex tunc fiunt multarum Sanctorum signa, & prodigia ad gloriam, & laudem nominis Jesu Christi (6). Viget adhuc loco religio, quò postridiè Nonas Majj ingens incolarum, finitimorumque multitudo ad concelebrandam Archangeli memoriam confluere solet, itaut Mons ipse in Calatina, seu Cajacen-si Diocesi positus, atque à Pago Sclavorum appellato vix milliario diffitus, abjecto veteri Melanici nomine, Mons S. Michaelis vocari cœperit. Cur verò Capuani Antistitis Landolfi hortatu (ut Ignotus inquit) opus fuerit, ut Teanen-sis Episcopus Ilarius Altaria ibidem dedicaret, ratio illa fuisse videtur, quod Locus Capuanæ Ecclesiæ olim subesset. Atenulfus Capuanus Archiepiscopus in Bullis ad Jaquintum, ac Stephanum Calatinos Episcopos datis, quum plurima ipsis, sibi Suffraganeis concederet, de ea tamen S. Michaelis Ecclesia sic cavet, ut integra sibi jura manere decernat: Non dedimus (inquit) vobis vestrisque Successoribus Ecclesiam S. Angeli in Melanico, quam in nostra nostrorumque Successorum potestate reservamus: At posteriore ævo ipsa Ecclesia in eorundem Calatinorum Episcoporum jurisdictionem tandem cessit, quibus hodieque subdita est.

Aliud præterea, quod etiamnum manibus contrectamus, præclarum Longobardorum erga S. Michaellem venerationis, ac vicissim Archangeli erga eam Gentem Patronatus monumentum ex vetustis illorum Numismatis repetemus. Adest aureus Regis Liutprandi Numus, in cujus antica parte inculpta ejus Regis effigies est cum literis: LIUTPRN. R., in postica ve-

ALTER

K 2

rò S. Mi-

(1) Paulus Diac. lib. v. cap. xli.

(2) Annal. Ital. tom. iv. & Antiq. Med. ævi tom. ii. pag. 582. lit. c.

(3) Paulus Diac. lib. v. cap. xlii.

(4) Script. Hist. Ital. tom. i. pag. 454.

(5) Lib. vi. cap. i.

(6) Hist. Ignoti Cassin. num. xxix. inter Opp. Cam. Peregrinii cum notis Franc. Pratilli tom. i. pag. 214.

ro S. Michaelis, cum hac epigraphe: scs... MAHEL (1). Sed de hoc argumento præclariora nobis Beneventani Longobardi Principes reliquerunt; spectandamque oculis rem ipsam dabimus, quum de illorum Numis peculiari Dissertatione sermonem instituemus. Nunc verò, quantum ex universa Gente Beneventani Longobardi in S. Michaelis cultu præstiterint, ac quibus præsertim indicis erga communem Patronum observantiores præ transiberinis Longobardis se probarint, dicendum erit.

Ac primum, iterum heic Ducem, dein Regem Grimoldum prodeuntem libenter excipiemus. Eius religionem pluribus argumentis superiore Capite I. asseruimus; confirmare nunc suppetit ex Victoria illa, quam is de Græcorum copiis Garganicam Basilicam depredari molientibus reportavit: *Quum enim* (inquit Paullus) *esset Grimoaldus vir bellicosissimus, ubique insens, venientibus eo tempore Græcis, ut oraculum S. Michaelis Archangeli in Monte Gargano situm deprædarentur, Grimoaldus super eos cum exercitu veniens, ultima eos clade prostravit* (2). Quid enim? Non ut eam rursus sibi subjicerent Regionem, Græcorum consilia, machinationesque spectabant; quamobrem ut Ducatus sui fines tutaretur, Reip. potius, quam Religionis hostibus occurrisset Grimoaldus debuit: sacris potissimum locupletissimæ illius Basilicæ opibus sacrilega Græcorum tumultuario adventantium avaritia inhiabat: unde Religio vel sola, vel præcipua causa fuit, ut Grimoaldus in prædones insurgens, impios ipsorum conatus non modo irritos, sed proprio quoque sanguine ad internecionem usque expiatis reddiderit.

Illustre hoc profecto pro tuendo SS. Archangeli honore, atque cultu Grimoaldi suorumque Longobardorum facinus fuit. At non minus fortasse negotii, quam quod illi, ut Garganicam Basilicam tutarentur, fulcepere, ut modo eorundem ipsorum famam vindicemus, facessere Camillus Peregrinus nobis voluit. Non acquiescit Paulli narrationi Peregrinus, qui nusquam magis, quam de hac ipsa re mendacii Paullum insimulare, ac prædamnare conatur; *quum enim*, inquit, *Græcis sacrilega ista adscribit, vereor, ne imponat nobis Paullus, suspecta mihi semper fidei auctor in his, qua suorum Longobardorum officere possunt decori* (3). In summa eò Paullum processisse Peregrinus existimat, ut quæ insigniora suæ Gentis flagitia fuerint, aliis appingere ausus fuerit: quasi? si unquam rei auctores Longobardi fuissent, non rem ipsam (uti verisimilius sit) dissimulare, sed illam adversus Græcos calumniam instruere Paullus sciens, ac prudens maluerit: At quæ Peregrinii momenta sunt, videamus. Ut facinus à Græcis ad Longobardos convertat, sævum ingenium, impioque horum mores advertit, qui Cassinense olim Monasterium diripuerunt, quique admodum serò ab Idolorum cultu ad Christi fidem conversi sunt: contra verò à Græcorum religione id abhorreere subdit, qui, pluribus etiam in Archangeli honorem exædificatis alibi Ecclesiis, eximii potius illius cultores extitisse cenfendi sunt: Hæc Peregrinii momenta sunt, quibus exaggerandis plures ab eo paginae implentur. Nemo, si unum excipias Petrum Janonionum (4) hætenus fuit, qui doctissimi Capuani *παπαδοξος* alterum non reprobat, atque inter deliramenta non amandaverit (5).

Quam

(1) Exhibet cum Numum Cl. Muratorius in Antiq. Med. Evi tom. II. pag. 587.

(2) Lib. IV. cap. XLVII.

(3) De Finibus Ducatus Beneventi Diss. VII. pag. 270. edit. Neapol. tom. V.

(4) Hist. Civil. Neap. lib. IV. cap. VII. pag. 273. Janonii nomen, atque suffragium vix est, ut Peregrinium juvare possit; neque enim nova nobis asserit Janonius, qui Peregrinii dicta descripsisse satis habuit, quippe quæ ingenio suo, omnia in deteriorem partem pertrahenti, immò de Angelica Apparatione obloquenti, maxime probabantur.

(5) Peregriniorum ea de re aperte aspernantur VV. CC. Horatius Blanchus in notis ad eundem Paulli locum num. 246. Ludovicus Muratorius Annal. Ital. ad an. 647. Joseph A. Semanus Ital. Hist. Scriptorum tom. I. pag. 432. seqq. Ipse demum contra Peregrinium stat, Peregrinii licet studiosus Franciscus Prædulus. Fundamentum (inquit tom. I. pag. 13. not. u) rationis, quo Peregrinius innititur, Cassinense nempe Conobium à Longobardis diripium asserendo, facile convellitur, cum prioribus Longobardorum annis major illorum pars, vel Idololatæ, vel Ariani erant, non ita sanè post annos fere C., quo annorum spatio mores Longobardorum exculti in melius fuerant etc. & rursus pag. 14. not. *. Ceterum si victor Grimoaldus hæc à suis agi promississet, ut Peregrinus innuit, Grimoaldus Beneventi Dux non Catholicus Princeps, ut revera erat, sed adhuc Idololatæ fuisse credendus erit, quod sacram B. Michaelis Crispam mandaverit deprædandam, nullam aliam ob causam, quam ut essetate militia libertati ansam daret, quod utique incredibile existimandum erit. Atque hæc quidem Prædulus; qui tamen inepte ex sola Christianæ Religionis professione impossibile Longobardis facinus censet, quod Græcis Christianis possibile fuit. At audi quid Prædulus cogitaverit: Fateor (inquit) me nec Peregrinio, neque aliis inherere, cum eo tempore Sipontini Templi decus æquæ Græci, ac Longobardi magni fecerint, atque excoluerint. Quid tum? Percor (ait) ne Paullus transmarinas aliquas barbarorum sive exterorum acies (an eorundem Sclavorum, iterum Sipontinas in oras, appellentium (de quibus sup. Cap. locutus erat) in Apuliam adven-

Quàm enim importunum, ineptumque censei illud debet, ut propterea quod septuaginta circiter ante annos priores Longobardi Monasterii Cassinensis deprædationem perpetrassent (nam Idololatriæ accusationi satis superiore Capite factum est) posteri item Longobardi, majorum exemplo ac moribus adhuc imbuti in Garganicæ Basilicæ deprædationem irruisse putandi sint. Quando verò id factum? quum scilicet Regio illa, cum ipso quidem Gargano Monte (quod de Cassino, Zottonis tempore, dici nequit) ad Longobardorum Ducatum ditionemque pertinebat. Nonne igitur patratum facinus Longobardis dominis impune cessisset? at non patratum, sed tentatum Paullus narrat: an itaque à Longobardis tentatum ipsimet Longobardi impedissent? Qui tandem, tunc temporis Longobardis, quique Græcis mores fuerint, vel non dissimulare, vel penitiùs inspicere Peregrinus debbat: & enim ex hoc uno argumento de Paulli fide non modo non dubitasset, sed rem gestam, uti ab eo narrata est, libentius admisisset.

Ac plura quidem præsto sunt, quæ Græcos per eam tempestatem insignes Sacrorum Ædium expilatores nobis produunt. Ab Urbe Neapoli ordiar, in quam Anno DXXXVI. à Belisario captam, adeò Græcos desævuisse legimus, ut non etati, non sexui, prostrè non Sanctimonialibus, vel ipsis etiam Sacerdotibus parcerent, cunctaque rapinis diriperent, nec à Sacrosanctis Ecclesiis expoliandis abstinere (1). Sed & anno DCXXXVIII. Isaacum Exarchum nobis offert in Pontificis Severini vita Anastasius, Romam advenientem, ac missis prius omnibus Primatibus in exilium, ne fuisset qui resisteret de Clero, post dies aliquantos ingressum in Episcopium Lateranensem fuisse ibi per dies octo, usquedum omnem substantiam illam deprædaretur; ex qua quidem substantia, ingenti illà quidem, cui diripiendæ, asportandæque octo vix suffecerint dies (quippe quæ ex diversis Christianissimorum Imperatorum, seu Patriciorum, & Consulium oblationibus longo tempore coacervata fuerat) Græcus Prædo Isaacus, non tam ut sceleris sui impunitatem sibi redimeret, quàm ut Principum suorum avaritiæ fidelem, ac satis utilem operam navasse se ostenderet, partem in Civitatem Regiam ad Heraclium Imperatorem direxit. Neque heic, Sacrilegæ, quas à Græcis Italia passa tunc fuit, deprædationes subfistite: residuum enim locustæ comedit bruchus, cuiusmodi certè habendus est Heraclii Nepos, imperique simul ac impietatis successor Constans, qui Religionis potius sacrorumque locorum, quàm Longobardorum hostis in Italiam advenit: jam enim illum in media Roma spectare erit, victoris, idololatriæque hostis instar, corradendis triumphatæ veluti Urbis spoliis undequaque incumbentem, omnia, quæ erant ex ære ad ornatum Urbis deposuisse, sed & Ecclesiam B. Mariæ ad Martyres (hoc est Pantheon) quæ testis tegulis æreis erat, discoperuisse, & in Regiam Urbem cum aliis rebus, quas deposuerat direxisse (2). Mox in Cistiberinam Italiam digressum (quemadmodum in Vitaliano Anastasius prosequitur) & Sacra vasa, & Cimelia Sanctarum Dei Ecclesiarum auferentem nihil dimisisse; Quid? quod adversus Garganicam Basilicam paulò ante id tempus à suis Græcis incassum tentatam, ipse demum Constans (uti mox observabimus) scelestius perfecit? Interim hæc Peregrinio objecisse satis fuerit, ut non à Græcorum moribus alienum fuisse discat, eos scilicet Garganicæ Basilicæ direptionem tentare potuisse (uti certè molitos Paullus refert) qui passim eo tempore in Sacrarum Ædium deprædationes debacchati convincuntur. Ad Longobardos verò quod attinet, plura, atque illustria, de quibus mox agendum erit, exempla nobis occurrent, quibus per omnem eam ætatem in ditandis Ecclesiis illorum quammximè enituit religio: adeò ut unam Cassinensis Monasterii, quam initio patrarunt, deprædationem, cumulatius multò compensasse haud contenti, nihil familiarius habuerint, nec maiestate sua dignius aliud duxerint, quàm ut in ædificandas, amplissimisque opibus passim locupletendas Ædes sacras incumbere: Frustrà igitur à Græcis, deteriora quæque ausis, ejus rei amoliri invidiam Peregrinus laboravit; iniquius ipse, ac nonnisi per summam calumniam reos excogitare Longobardos ausus fuit; Longobardis enim

& in-

adventantes, eas Græcorum oscitanter appellaverit. Item recoquit in not. ad Ignotum Cassinens. cod. to. i. p. 216. non Græcos, sed Idololatrias populos omnino volens, quasi & ipsa avaritia, qua Græci flagrabant, non sit Idololorum servitus. De Sclavis autem, quos avert, nãgæ sunt: Si enim Paullus superiore Capite (ut fatetur) Sclavorum meminit, non igitur sequenti mox Capite Sclavorum ignarus, aut oblitus dici potest, ut Græcos oscitanter crederet, atque appellaret.

(1) Hist. Miscell. lib. xvi.

(2) Quum hæc scriberem in mentem venerunt simi-

les prorsus Romanæ Urbis cum Hierosolymitana (dum Israeliticum Regnum staret) comparandæ calamitates. Res enim Israelitici Regni cò collapsa erat, ut pro Vasis, Scutisque aureis Templi à Rege Salomone illatis, atq. postea à Segas Rege Egypti ablatis, Rex Roboam ærea substitueret (Reg. iii. 14.); at hæc demum ærea Rex Nabuchodonosor sub Rege Sedecia auferenda quoq; sibi duxit (Reg. xv. 25.) Haud secus Roma, dum aurea esset in Græcor. prædam cessit, qui æream postea invenientes, inextinguibili cupiditate ducti, neq; æream esse Romam passi sunt, atque ad nuditatem usq. redigere maluerunt.

& indubia rerum gestarum monumenta, & aliis luculentissimis exemplis comprobata vetus religio, iustissimam hanc, & sane egregiam laudem vindicant, quod sub eorum Duce Grimoaldo propulsatis sacrilegis Græcorum conatibus, Garganicam Basilicam Archangelique Michaelis honorem propugnarin.

Hactenus, ne quid detrimenti caperet Garganica Basilica, Archangelique honores incolumis, à Beneventanis Longobardis prospectum fuit: nunc vero eorundem consilio, operaque additam loco celebritatem, atque Archangeli cultum amplificatum spectabimus. Ac Beneventanis quidem Longobardis auctoribus instituta primum debetur solennis A. D. VIII. Id. Maii, S. Michaelis memoria, quam illorum subinde exemplo, gentes aliae, mox universa Ecclesia celebrandam suscepit. Ut manifestior res isthæc fiat, interest illud antè nosse, qua præsertim de re ejusdem Archangeli festivitas A. D. III. Kal. Octobris antiquitus instituta sit, quidque præterea alterâ illa festivitate recolendum sibi Beneventani suscepissent. Ad priorem festivitatem quod attinet, Cl. Georgii sententia est, ad diem XXIX. Septembris præcipuam illius Ecclesiæ, sive Basilicæ memoriam agi, quæ in Urbe Roma in Archangeli Michaelis honorem primum dedicata fuit, deque ea Romanæ Basilicæ Dedicatione Martyrologia omnia esse intelligenda. *Dubitandum itaque non est* (inquit in dicta die in suis ad Adonem adnotationibus) *quin Romana Ecclesia hac die Dedicationem Ecclesiæ B. Michaelis Archangeli celebravit, & quidem illius, quæ Romæ in illius honorem dedicata fuerit.* Tum quænam isthæc Ecclesia fuerit, nondum sibi liquere fatetur, an illam Adoni memoratam, atque à Pontifice Bonifacio in *Summitate Circi* constructam? An alias, Baronio, nullo expresso nomine, Urbisque locis, memoratas? An denique illa in *Via Salaria*, à Sacramentario Blanchiniano, idest Gelasiano indicatam? in qua nihilominus Ecclesiarum incertitudine, adhuc sibi certus, tenaxque suæ sententiæ, nullimode cuiuspiam Romanæ Basilicæ Dedicationem loco semel tradito movendam censet, sed *in eandem diem, coaluisse celebritatem ejusdem S. Michaelis in Monte Gargano una cum ipsius Archangeli Basilicæ dedicatione in Urbe Roma*, contendit.

At nullimode hanc Georgii sententiam probari posse video: nam primo is Romanam Basilicam Adoni memoratam Bonifacio II. adscribit, quam Bonifacio III. aut IV. tribuendam optimis rationibus Baronius censuit: nec ex altera *Via Salaria* suam is sententiam tueri valebit; dum hanc, aliasque quaslibet Romanas Ecclesias, sive citius, sive serius, semper tamen post Garganicæ Basilicæ Dedicationem constructas, nos superius demonstravimus. Sed & magis id mirari subit, qua de causa Vir doctissimus, vel nullam ea die Garganicæ Basilicæ rationem in vetustis Martyrologiis, vel posteriore loco habitam putarit, contrarium profecto Martyrologiis ipsis testantibus, quorum ipsa verba recitavit. Atque Ado quidem, cui illustrando Georgius egregie adlaboravit, præcipuum Garganicæ Basilicæ in Martyrologio suo locum tribuit, nec nisi post illius memoriam prolixo, accuratoque stilo enarratam, appendicis instar Bonifacianæ Basilicæ, veluti ex Garganicæ occasione aut exemplo Romæ constructæ sermonem adjecit. Neque id certè ex Adonis ingenio fuit, sed ex vetustissimi Romani Martyrologii documento, quod is in suo Opere concinnando præ oculis manibusque habuit, ac in sua Præfatione *venerabile, & perantiquum* appellat. Latebat hoc Romanum Martyrologium Baronii ævo, qui illud in lucem tandem eruendum, publicique juris faciendum peroptabat: edidit Rosuveydus, ac post Rosuveydum ipse Georgius, qui ipsum, Adoni (ut par erat) præire voluit post Operis præloquium pag. xxv. atque ad diem XXIX. Septembris hæc ejusdem Martyrologii sunt verba: *In Monte Gargano venerabilis memoria Archangeli Michaelis; tum separatim prosequitur. Et Roma dedicatio Ecclesiæ ejusdem Archangeli à Bonifacio PP. constructæ in Circi, qui locus, inter Nubes, dicitur.* Sed & in pluribus Martyrologiis solam Garganicæ Basilicæ, nullam Romanæ haberi, ipsa docent Martyrologia à Georgio in dicta Adnotatione laudata, inter quæ Vaticanum num. 3806. *In Monte Gargano dedicato Basilica Archangeli Michaelis*: ac Missale plenarium Vaticanum num. 4770. *Dedicatio Basilicæ Salvatoris S. Michaelis in Monte Gargano* (1). Cl. P. Sollerius in suis ad Ufuardum *Auctariis*, nobis superius laudatis, alia ad dictam diem

(1) Observationem metetur illud *Salvatoris* prænomen, Archangelo Michaeli in hoc veteri *Missali* tributum. Eo titulo Deus suos decorare cæca Gentilitas consuevit, à quibus salutaria quæque sibi conciliare, & promanare somniabat: multa de hac re observavi

to. I. Diss. II. cap. 2. pag. 72. ubi marmoreum Herculis Anaglyphum illustravi, cui Græca inscriptio ΗΡΑΚΛΗΣ ΣΩΤΗΡ idest *Herculi Servatori*, seu *Salvatori* insculpta legitur. Cæterum licet unum istud sit monumentum, in quo *Salvator* appellatur S. Michael, omnium tamen is di-

diem xxix. Septembris suppeditat, sic ajens: Quæ hac die memoria in Martyrologiis recollitur, ea potissimum spectare videtur *Dedicationem* ejus Templi, quod in præfato Monte Gargano famosissimum est: Ita fermè loquuntur Hieronymiana: *Dedicatio Basilicæ S. Michaelis*. Ut in Epternacensi vetustissimo, vel ut in Corbejensi: *Dedicatio Basilicæ S. Michaelis in Monte, qui dicitur Garganus*. Beda priori similior: *Dedicatio Ecclesiæ S. Angeli Michaelis*: addit Rabanus: *in Monte Gargano*: concinit Wandelbertus:

*Aetherea virtute potens, princepsque supernæ
Militiæ Michael terno sibi Tempia sacrauit.*

Hæc omnia (pergit Sollierius) de *Dedicatione* in Monte Gargano accipienda esse, manifestum puto, eoque itidem referenda, quæ in Kalendaris per Allatum, & Frontonem, ac Sacramentario Gregorii per Menardum editis, de *Dedicatione* habentur, uti & in aliis veteribus monumentis à Florentino recitatis. Sed & Florentinum audire operæ pretium erit. Certum est (inquit) hic de *Dedicatione* illius Ecclesiæ memoriam recoli, non modo, quod ita Libri nostri diserte doceant cum iisdem Martyrologiis Corbejense, & Antuerpiense, sed quod ita omnia ferè Latinorum Martyrologia pariter retineant: & licet Memoriam vocet Romanum Martyrologium emendatum, quando ipsius (Michaelis) nomine ibi consecrata fuit Ecclesiæ; quæ verba etiam sunt Usuardi, & Adonis, apud Rabanum tamen iii. Kal. legitur: *Dedicatio Ecclesiæ S. Angeli Michaelis in monte Germano (Gargano)*: *Dedicationis* vero hunc fuisse diem ex Sancti ipsius Archangeli revelatione docet Petrus de Natalibus Lib. ix. Cap. 130. & Romanum Pontificem auditis Apparitionis iterata prodigiis, in honorem S. Michaelis, & omnium beatorum Spirituum hunc diem iii. Kal. Octobris celebrandum constituisse. Ratum igitur manere illud debet, Garganicæ Basilicæ *Dedicationi* sacram hanc ab initio fuisse diem, quod & emendatum, quo utimur, Romanum Martyrologium comprobatur, ubi sola, quæ ad Garganicæ Ecclesiæ consecrationem, sive dedicationem pertinet, memoria servata est. Hactenus de die xxix. Septembris.

Age nunc de die viii. Maii videamus, quo scilicet die memoria altera Archangeli Michaelis ab universa Ecclesiæ celebrari abhuc solet. Anniversariam hanc memoriam recentius institutam demonstrat, Adonis Martyrologium, qui antiquissimum (uti paulo antè meminimus) Romanum Martyrologium sectatus, non illius modo, sed suo quoque silentio, nondum nono, quo ipse florebat, Sæculo jam declinante, institutam ostendit; itaut quæcunque ad Archangeli Apparitionem, Sipontinorum victoriam illius ope reportatam, atque Garganicæ Basilicæ dedicationem pertinerent, unâ ipsâ die xxix. Septembris complexus fuerit. Ita quoque in aliis quibusque Martyrologiis vetustioribus nullâ aliâ, quàm solâ Septembris die xxix. Archangeli memoria recollitur, die vero viii. Maii desideratur (1); quo ex silentio ejusmodi Martyrologiorum vetustas argui rectè potest (2). Si qua verò illam Maji diem Archangelo sacram præferant, id è posteriori manu accepisse censenda sunt; nec nisi serâ ætate, postea videlicet, quàm à Beneventanorum Provincia, ubi jamdiu celebrandæ alterius ejus dici mos obtinuerat, geminâ ejusmodi solennitas in alias paulatim Regiones, Ecclesiæque promanavit, quæ subinde antiquis Martirologiis, Kalendarisque suis adjiciendam curarunt (3).

Haud

is dignissimus, ut id cognomen accipiat, quod se omnino ipsa exequi probatur: nec aliud tendunt elogia omnia, quæ in vetustis Sacramentariis Michaeli meritò attribuit Ecclesiæ, ut scilicet, quam ipse sit *Salutis Signifer*, ejus præcipuè ministerio Salus Populo Dei perpetuè accepta referri demonstratur.

(1) Plura ad Adonis calcem vetusta Martyrologia Cl. Georgius exhibet ex Vaticana Bibliotheca desumpta: ex quibus *Fuldense* pag. 662. *Laurebemensè* pag. 691. *Vaticanicum* pag. 697. *Palatino-Vaticanicum* pag. 706. *Cisterciense* pag. 711. *Mediolanense* pag. 717. de S. Michaelis ad diem 8. Maji omnino silent: uti & *Mediolanense* alterum à Cl. Muratorio editum tom. xi. part. xi. Scriptior. Ital. pag. 1037.

(2) Martyrologium *Ottobonianum*, quod inter Card. Sirleti Codices olim fuit, locum quoque habet inter il-

la à disio Georgio edita pag. 676. ibique ad viii. Maji post alia sic loquitur. *Et dedicatio Ecclesiæ S. Michaelis in Monte Gargano: tum ad xxix. Septembris: Dedicatio Ecclesiæ S. Michaelis Archangeli*. Sed præpostera quidem atque importuna censeri debet illa mensi Maji consignata *Dedicatio*, quam dein mense Septembri, loco nempe suo, iterum commemorat. Sed hujus Martyrologii fidem impune parvipendemus, quod tot mendis, barbarismis, solæcismis, nominum, locorumque perturbationibus ita scateat, ut Augiæ stabulum facilius, quàm apographum hujusmodi expugnari posse fateatur id. Georgius in Præfat. §. III.

(3) In Auctariis Usuardi à P. Sollario illustratis to. vi. Junii part. i. pag. 261. ad diem 8. Maji B. Michaelis memoria variis titulis *Apparitionis*, *Inventionis*, *Adventus* inferbitur: at eam memoriam inferioris ævi additam-

Haud tamen facta hæc additio præclaro Neapolitano Calendario dicenda est. Marmoreum id Kalendarium insculptum græcis literis, nonnisi una eademque manu utramque Archangeli solennitatem inscriptam exhibet: ac ad diem VIII. Maji sic habet: VIII. APPARITIO S. ANGELI: ad diem vero XXIX. Septembris: XXVIII. DED. SANCTI ARCHANGELI. Immo & Junii quinta die aliam ejusdem Archangeli commemorationem refert his verbis: V. S. ARCHANGELI MIC. Hujusce insignis Kalendarii ætatem ad medium circiter nonum sæculum referendam statuit V. C. Mazzochius in Diatribæ epilogo, quam egregiis suis in illud Commentariis præmisit; quam ejus sententiam non est, cur non ego valde probem (1). Vix tamen mihi ferendus V. C. Sabbatinus, qui in idem Kalendarium vernaculâ lingua sua certatim effudit Commentaria, illud sibi penè persuasum ajens, nullum hoc Kalendarium antiquius extare documentum, unde ad posteros Apparitionis memoria pervaserit: *Io son per dire, che documento più antico di questa Apparizione non trovasi del Calendario nostro, dal quale ricavasi, che nel nono Secolo, in cui a suo tempo proveremo essere stato fatto, già era celebre nella nostra Città questa Festa, e questa in memoria dell' Apparizione già seguita da molto tempo, antichissima esser dovea* (2). Reprehendit de hac re Sabbatinum Affemanus, multat offendens adesse documenta, Neapolitano Kalendario antiquiora, veluti Gelasianum Codicem, Usuardi, atque Adonis Martyrologia, Literas denique Pontificis Vitaliani ad S. Barbatum Episcopum Beneventanum (3). At si Sabbatinus de ipsa Apparitione loqui voluit (neque enim eo loco satis disertè loquitur), & falsum profecto convincunt documenta illa ab Affemano memorata, aliaque plura, quæ facile addi possunt, eandem Apparitionem ante Neapolitanum Kalendarium deprædicantia. Sin vero de peculiari die Sabbatinus dixit, quæ ejusdem Apparitionis memoria solennis haberi cœpit; certè hanc Neapolitanam laudem perperam adfiscere conatus est, quasi omnium primi eam Apparitionis solennitatem instituisse coluisseque viderentur. Erat quidem ab ipsa rei origine perfectissima Neapolitanis Archangeli Michaelis potentia, quam nullo suo experti olim fuerant, dum bello laceffere Sipontinos tentarunt: atque ob id factum putari potest, ut ad conciliandam sibi Archangeli gratiam, pluries in anno illius memoriam religiose celebrandam suscepissent: Sed illud præcipue eorum erga Archangelum exercendæ venerationis, solennitatumque iterandarum in causa fuit, quod à finitimis Beneventanis, qui per universam sibi subditam

tamentum esse restè Sollerius observavit in Præfatione Art. IV. ubi plurima recenset, quæ ad eam rem adhibet, Martyrologia. Diversum vero iudicium de eo Kalendario ferendum ajo, quod ad Beneventanum S. Sophiæ Monasterium olim pertinens, modo in Bibliotheca Vaticana asseritur Cod. MS. num. 5949. Cl. Papebrochius (eodem teste Sollerio l. l.) vocat novam collectionem ex Usuardo, Adone, & aliis factam pro Ecclesia Beneventana, qui etiam ætatem conicere voluit, dum ait meminisse S. Romualdi, & S. Thomæ Cantuariensis. Pro Ecclesia Beneventana collectum, aut compositum esse, satis (subdit Sollerius) innuit titulus S. Sophiæ toties in contextu relatus. Sed ne is ludere voluit? Quid enim Ecclesia S. Sophiæ cum Ecclesia Beneventana, quæ pro ipsa Cathedrali intelligenda erit? Ut vero de hoc sit; Codicis ætatem ex adjecto necrologio eadem manu conscripto inter annum 1190. & 1201. definit Cl. Affemanus, qui recensuit *Scriptor. Ital. tom. I. pag. 430.* Quum itaque adeo seram ætatem Codex ferat, ibique ad 8. Maji legatur: *Inventio S. Michaelis Archangeli in Monte Gargano*: & ad 29. Septembris rubris item literis: *Dedicatio S. Michaelis Archangeli in Monte Gargano*: num priorem mensis Maji inscriptionem additamenti loco habebimus? non ita quidem: neque enim, quia Ecclesiæ S. Sophiæ usui fuit, pro Ecclesia Beneventana collectum, aut compositum fuisse consequitur: sed quia Codex eadem manu conscriptus est, ex vetustiore profecto Codice vel ejusdem S. Sophiæ, vel Ecclesiæ Beneventanæ (quæ prima omnium, & à pluribus antè sæculis eam diei 8. Maji solennitatem celebrabat) descriptus, renovatusque dicendus est.

(1) Est quidem in eo præclaro Mazzochii Opere levissimula quidem, sed tamen abolenda macula, quæ in Inscriptionem ejusdem diei VIII. Maji irrepit: Siqui-

dem tom. II. pag. 287. sic ipse ex autographo eum diem inscribit. APPAR. S. ANGELI PROP. est quidem in eadem Kalendarii linea, seu versu illud postremum PROP. sed ad sequentem lineam omnino pertinet, in qua agitur memoria S. CHRISTOPHORI ET ESAIE PROPH. id est PROPHETÆ, quæ postrema dictio, quum in eadem linea locum non invenisset, in reliquo antecedentis lineæ spatio superscripta fuit.

(2) Tom. V. ad diem 8. Maji pag. 29. Ex illi simplicitate satis vetustam Apparitionis Historiam censet Sabbatinus, qui tamen plura contra illius fidem observat: ac missis heic tum Neapolitanorum Paganismo, tum Zenonis mentione, quibus satis nos superius fecimus; libet nunc illud extricare, quod obscurissimum, atque etiam absurdum in dicta Historia Sabbatinus animadvertit; sic enim in Historia legitur: *Tandem Anistes salubri reperto consilio, Gelasium Romanum Episcopum, quid de his agendum sit, per nuncios sciscitatur: Qui tunc fortè erat in Monte Soracte, quinquagesimo fere milliaro à Romana Urbe distante, quem incolæ S. Silvestri cognomine vocant, eoquæ ipse ibi quondam exulans pro Fidei persequutione delinquerat, talia mandata remittit.* Quænam Gelasii tempore Persequutio extiterit, ut is S. Silvestri exemplo in monte Soracte delitescere solitus fuerit, anxie querit Sabbatinus, pluribusque observatis, ignorare fatetur. Sed levissima emendatione eum sibi laborem peperisset Sabbatinus, nosque debitam Historiæ fidem restitueremus. Si Gelasius tunc fortè erat in Monte Soracte, qui tunc fortè erat in Monte Soracte, quem incolæ S. Silvestri cognomine vocant, eo quod (pro eoquæ &c.) ipse sc. Silvester, non verò Gelasius) ibi quondam delinquerat.

(3) Ital. Hist. Script. tom. I. cap. XIV. pag. 430.

ditam Cistiberinam Italiam Michaelis cultum quammaximè observabant, exemplum receperit.

At unde scimus, primos omnium Beneventanos ejus, de qua nunc agimus, solemnitate auctores fuisse? Satis idoneos testes habemus, tum *Ignotum* illum, quem superius laudavimus, Cassinensem, tum quoque *Erchempertum*. At prior quidem, eodem prope modo, eadem certè die, qua olim à Sipontinis, Archangeli ope, Neapolitani profigati fuerant, ipsos rursus Neapolitanos anno 860. Capuanis bellum inferentes, extremà penè clade prostratos narrat. *Per idem tempus* (inquit num. xxv.) *Neapolites audacter super Capuanos venire in bellum conati sunt, eo siquidem die, quo B. Michaelis festivitas est. Hujus* (idest Michaelis) *Longobardi* (qui scilicet Capuam incolebant) *auxilio freti, exierunt adversus Quirites* (i. e. Neapolitanos sic improprie appellatos) *& tanta in illis cade bacchati sunt, ut plurimi ex iis gladio fuerint perempti, multique capti, nonnulli in fluvium se projicientes, residui verò perpauci vulnerati in Urbem reversi sunt suam.* . . . *Secunda hac Neapolitis ruina extitit, similis, qua olim in Gargano, quum B. Michaeli Archangelo ageretur festivitas, corruerunt.* Quæ dies illa fuerit Capuanorum Longobardorum victoria simul, & Archangeli festivitatis, non expressit *Ignotus*, rem suo ævo, fuisse notissimam non exprimendam fortasse arbitratus; diligentius verò se habuit *Erchempertus*, qui eandem & ipse rem narrare instituit, sic ait num. xxvii. *Ottavo Idus Majas, quo B. Michaelis Archangeli solemnitas nos solemniter celebramus, qua etiam die præfatis temporibus à Beneventanorum Populo Neapolites fortiter casus legimus.* . . . *miser* (Sergius Neapolitanus Magister militum) *duos filios suos, cum quibus Neapolitum, & Amalphitanorum exercitum penè ad septem millia, ut Capuam obsiderent, quibus audacter occurrit, cum leo fervidus, Lando junior, qui totis viribus super eos irruit &c.* Habemus igitur ex *Erchemperto* diem Maii viii. apud Longobardos solenni S. Michaelis memorie dicatam, quo (inquit) *die Archangeli solemnitas nos solemniter celebramus; sin malis legere: solemnitas nos solemnes celebrare: qui scilicet dies à solis Longobardis, quæ longe lateque eorum ditio pateret, festus habebatur; habitusque certe à pluribus retrò temporibus fuit, qui tunc celebrari solitus disertè dicitur.* Quid ni igitur ejus Solemnitatis institutores Longobardi, quam vetusta aliarum Ecclesiarum, Populorumque monumenta usque ad Sæculum ix. ac x. omninò fluvisse probantur? Hinc Longobardicæ Religionis laudi hoc etiam accedit, ut duplicem quotannis Sanctissimi Archangeli memoriam in univerfum Christianum Orbem paulatim propagatam, Ecclesia probavit, cunctisque Fidelibus celebrandam concesserit.

Cujus verò rei memoriam dicto die viii. Maii celebrasse Longobardi dicendi sunt? Tria certè, uno licet anno, distinctis tamen temporum, rerumque intervallis eventa in Sacra Michaelis memoria occurrere, non solum ex vetustæ Historiæ fide, verum etiam ex Adonis, quem superius illustravimus, Martyrologio, jam satis constat. Primum locum obtinet, quæ prima etiam ordine fuit, ejusdem Michaelis *Apparitio*: Sequitur cum nova apparitione *Victoria*, quam is Sipontinis adversus Neapolitanos præstitit: Rem demum omnem concludit Basilicæ, sive Cryptæ *Dedicatio*, quam coelitus factam, locumque intrandi fas esse, tertio apparens Archangelus Sipontino Episcopo nunciavit. Hanc, quæ postrema rerum fuit, *Dedicationem*, ad diem xxix. Septembris ab ipso Sæculo sexto celebrari consuevisse, jam dictum est, probavimusque vetustissimorum omnium Martyrologiorum, ac Sacramentariorum consensu, si unum, quod nunc mihi occurrit, non magni tamen pretii, deteriorisque fidei, excipias Martyrologium Ottobonianum, in quo ad utramque diem *Dedicationis* memoria recensetur (1): Nulla in vetustioribus sinceræque fidei Martyrologiis ad diem viii. Maii Michaelis commemoratio; at si in posterioris ævi Martyrologiis ulla, nullo modo *Dedicationis* est, sed *Apparitionis*, vel *Victoriæ*, quarum memoria antiquitè cum ipsa *Dedicationis* præcipua solemnitate relegebatur. Placuit itaque distinctum, ac præcipuum illis quoque sacrare diem, ut scilicet præter *Dedicationis* festum, suus pariter dies *Apparitionis*, *Victoriæ*que memorie solennis statueretur; id quod, uti superius probatum est, ad diem viii. Maii Longobardi Beneventani instituerunt. Illud tamen non omninò cer-

ALTER

L

tum,

(1) Martyrologium Ottobonianum, quod olim inter Codices Card. Sireti fuit, exhibet V. G. Georgius ad calcem sui Adonis pag. 676. ibi ad viii. Maji post alia legitur: & *Dedicatio Ecclesiæ S. Michaelis in Monte Gargano*; tum ad xxix. Septembris: *Dedicatio Ecclesiæ S. Michaelis*. Præposita quidem, atque importuna

cenferi debet illa Mensi Majo attributa *Dedicatio*, quam dein Mense Septembri, dieque suo idem Martyrologium consignat: Unde inter innumera, quibus passim scaturit, sphalmata id quoque recensemus: ejusmodi enim est de hoc Martyrologio judicium laudati Georgii in Præfatione Operis §. xiii.

tum, an ea dies *Apparitionis* potissimum, vel *Victoriae* fuerit; &c., an alteratram, vel utramque simul rem Beneventani sibi celebrandam suscepissent. *Victoriae* potius, quæ Archangelæ ope à Sipontinis adversus Neapolitanos reportata fuit, solennem eo die memoriam celebrari consuevisse uterque tam Ignotus, quam Erchempertus demonstrasse veluti videntur: ad stipulari antiqua aliquot Kalendaria invenio: Florentinum à V. C. P. Zaccharia editum, ad diem viii. Idus Majas sic habet: *Victoria S. Michaelis*; ad diem verò iii. Kal. Sept. *Dedicatio S. Michaelis*: Nec secus alterum; cui ad eodem dies 8. Maii, &c. 29. Septembris, eadem ad amissum verba inscripta sunt (1). Quid verò, si ejus *Victoriae* nomine non illam solum, quæ Sipontinis incolumitatem præstitit, celebratam intelligamus, sed æquè alteram, quæ Michael ipse in Coelis triumphavit? Neutra certè, unde paria in Christianum Populum beneficia promanarunt, negligenda videbatur: Utramque nos saltem, dum anniversarios honores Archangelo tribuimus, spectare debemus, quandoquidem prior illa cœlestis Ducis virtutem, excellentiamque compertam hominibus Deus voluerit, quibus magis necessariam adversus spirituales nequissimos hostes Tutelam constituerit; posteriore vero Patronum illum Christiano Populo, à quo pariter ingruentia terræ mala averruncaret, à se datum demonstravit. Interim, sic de dicto die viii. Maii statuendum reor; ut non solius *Victoriae*, sed *Apparitionis* quoque conjuncta eodem simul die memoria dicenda sit: nam sicut pleraque *Victoriam*, ita *Apparitionem* plura Martyrologia, ac Kalendaria eo die inscriptam præferunt: quanquam solius *Apparitionis* solennis memoria in emendato, quo nunc utimur, Romano Martyrologio, atque Officio Ecclesiastico servata sit.

Piget nunc (ut, quicquid ad argumentum pertinet, intactum nihil relinquam) ad illorum tēporum recordationem accedere, quando scilicet nulla Garganicæ Cryptæ mansit religio, nullus Archangelæ Michaelis & nomini honos, & beneficiis memoria adservata fuit. Qui à Sæculo vi. vigere cæperat, amplius vero sequuto Sæculo vii. efferebuit Longobardicæ Gentis erga Patronum Michaelē cultus, eodem mox inclinato Sæculo adeo defecisse visus est, ut Ducis Romualdi, Episcopique Barbatī tempore, nihil esset, quod antiquam testaretur loci religionem, sed omnia in illius injuriam verterentur. Audiamus iterum eundem Barbatum, qui id unum à Romualdo flagitavit, subdendam scilicet sibi *B. Michaelis Archangelæ domum, & omnia quæ sub divisione Sipontini Episcopatus erant*: Cur verò id sibi querat, ipse mox Sanctissimus Episcopus subjicit: *Quoniam absque cultoribus omnia depravantur, unde nec sedulum ibi sacrificium persolveri potest; & melius à nobis dispositis proficiant ad salutem*. Habemus itaque testem fidiissimum, ac locupletissimum, qui in Archangelæ Sacra Fide omnia depravata disertè fatetur, priscamque loci Religionem omnino collapsam, sine piis cultoribus, sine Sacris Ministris in profanam veluti solitudinem abiisse. Hic tunc infelix rei status; causam nunc perquiramus: non illam aperuit Barbatus; quam certe Longobardis, si auctores nosset, exprobrare (uti de Viperæ, Arborisque cultu aliàs fecit) non desisset. Non, inquam, ea res Longobardorum crimini verti debet, quorum erga Archangelum venerationem non unis hæctenus argumentis testatissimam habuimus: Adde nunc (quod superiore Capite observatum fuit) peculiare eorundem studium, ut inviolata Garganicæ Cryptæ Religio servaretur: dum Græcis loci deprædationem molientibus Dux Grimoaldus illic Benevento illuc accurrens, non modo restitit, sed ingenti cæde justas sacrilegi conatus penas exegit. Habemus igitur, Græcis aliquando intentatam loco injuriam; sed quod, Longobardorum vigilantia, ac virtute, frustra illis semel cessit, ab iisdem omnino Græcis paucos post annos perpetrari demum contigit. Rem itaque omnem ad Imp. Constantis adventum, impietatemque referri debere, eadem S. Barbatī Acta satis produnt: Is liquidem à Longobardorum manibus Italiam eruere cupiens... mare transgressus, Tarentum penetravit, indeque profectus penè omnes Apuliæ Orbis depopulatus, post direptam, eversamque opulentissimam Orbem Luceriam, tunc demum sua Castra movens juxta Beneventi moenia collocavit. Apertissima res est, quam Pauli quoque Diaconi testimonio comprobata damus. De Constantis enim adventu loqui instituens, Tarentum primò appulisse eum tradit; atque exinde egressus Beneventanorum fines invasi, omnesque penè, per quas venerat, Longobardorum Civitates cepit... deinde cum omni suo exercitu Beneventum circumdedit (2). Constat itaque, universas penè Apuliæ Urbes ab Græco Augusto captas, direptasque: Siponti-

(1) Excursus Litterarii tom. I. pag. 298. & 374. Priori Kalendario Sæculi xii. ætatem Cl. editor statuit; posteriori verò, quod insigne exemplum Martyrologii Bedæ

appellat, apud Monachos Vallumbrosanos asservatum, Sæculum x. attribuit.
(2) De Gest. Longob. lib. v. cap. vii.

pontinam Urbem tunc temporis satis divitem extitisse, non est cur dubitemus: Garganicam vero Cryptam Basilicamve, opibus tum floruisse exploratissimum ex eo habemus, quod paucos ante annos (uti mox dictum est) Græci ipsi ad illam depradandam adventarint. An igitur Angelicam Basilicam à Constantis furore, avaritiæque immunem, atque incolumem putabimus? fuerint loci religionem Homo ille reveritus, qui sacrilegas manus non modo Sanctissimorum Antistitum, Catholicam fidem propugnantium, sed Fraternali quoque sanguine foedatas gerebat? Ipse, inquam, Constantinus, qui tunc primum, validissimis stipatus Copiis, certatæ victoriæ spe elatus, in Italiam irrumpens, omnes Apuliæ Urbes depopulatus fuit, haud certè ab ejus Basilicæ, ejusque Regionis prædatione, ac vastatione abstinuisse debuit; quem etiam scimus, post fractas à Longobardis sibi vires, fugientis potius, quàm ad sua revertentis specie, Romam ingressum, non illic à Sacrorum Ædium direptione sese continuisse, similisque per universam Cistiberinam Italiam perpetrasse; uti paullo superius probatum est: Huic igitur Augustotribuendum est, quod Sipontina Urbs in eam calamitatem, ipsaque Garganica Basilica in eam depravationem incidisset, quam ægrè ferens S. Barbarus, ad pristinam rerum felicitatem restituere cogitabat.

Quid igitur ad hæc Romualdus? omnia statim Barbato petenti concessit, concessionemque suo Diplomate communiavit: illico (sic Actorum Scriptor rem prosequitur) *Princeps Viri Dei consentit petitionibus eo ordine, ut fieri sumus; sicut mos est, per Præceptum Genitrici Dei* (i.e. Beneventanæ Ecclesiæ in Deiparæ titulum, atque honorem dicatæ, cui Barbatus jam præerat) concessit (1). Hinc factum, ut Sipontinæ Ecclesiæ cura, atque administratio, quam prior suscepit Barbatus, etiam post ejus obitum, apud Successores Beneventanos Antistites ad quatuor propè Sæcula confirmata permaneret: qui licet eam Ecclesiam, non æquo jure Beneventanæ Sedi sociatam, sed (uti Barbatus disertis verbis postulavit) sibi subditam agnoscerent, in suæ tamen erga Archangelum Michaellem reverentiæ argumentum, utriusque titulo simul Beneventani, Sipontinique Episcopi, ac dein Archiepiscopi appellari, inscribere maluerunt; donec à Pontifice Benedicto IX. circa an. mxxxiv. suus Sipontinæ Sedi Antistes restitutus est, tunc primum Archiepiscopali Dignitate in Garganicæ Basilicæ honorem, decoratus (2). Quod si Garganicæ Basilicæ celebritas in causa fuit, ut non solum Sipontina Ecclesia Episcopali, ut olim, verum etiam Archiepiscopali, dignitate augeretur, manifesto argumento istud erit, quàm sedulam operam instaurando ejusdem Basilicæ cultui impenderit Barbatus, quantum etiam studii in eandem rem contulerit Romualdus; quanta denique Successorum Principum sollicitudo, munificentia, pietas fuerit, quibus factum est, ut Garganicæ Basilicæ Religio, atque Archangeli Michaelis honores ea, quæ cuncti norunt, incrementa reciperet.

Ac Beneventanorum Dynastarum mos quidem fuit, crebrò eandem Basilicam Religionis causâ adeundi: Quod ex Pontificis Hadriani ad Carolum Magnum Epistola probasse satis fuerit: mortuo enim Principe Arichi, ne Grimoaldum filium, qui obles in Gallia manebat, ad Beneventanum Principatum capeffendum flagrantibus Longobardis concederet, Carolum dehortatur Pontifex, Adelbergæ matris, relicte Arichis, illud esse consilium aperiens, ut dum ipse Grimoaldus filius ejus Beneventanos fines introjerit, ipsa ingeniosè cupit duos filios suos secum deferre, & quasi Orationis causa Sanctum Angelum in Garganum pergere; & deinde in Tarentum, ubi & thesauros suos reconditos habet (3), illic scilicet Adalgisum Fratrem, ac Regis Desiderii filium, à Græcia, quò aufugerat, redeuntem exceptura, ut ad paterni Regni recuperationem perduceret. Ne igitur à Beneventana Urbe vera discedendi causa patefieret; ad Garganicam Cryptam Orationis specie contendere de more Adelberga simulabat; ut consuetudo ipsa nullam suscepti consilii suspicionem faceret.

Sed quod ad Garganicam Cryptam Religionis causa invisendam pertinet, illud satis constet, non Italos solos verum alios etiam Christiani Orbis Populos, ac quandoque Principes frequentissimam illuc peregrinationem omni ævo suscepisse. De Wolfando Comite Seculo vi., Ottone II. Seculo x., Henrico II. Seculo xi. superius diximus: alia Summorum Virorum, Foeminarumque exempla (non enim id nunc agimus) heic congerere supervacaneum videtur: Sed

ALTER

L 2

quæ

(1) Ex Principis titulo, quo Actorum Scriptor Ducem Grimoaldum exornat, suam is pandit ætatem: non enim ante Sæculum ix. scribere debuit, suæque ætatis morem sequi: qua scilicet Beneventani Dynastæ, ut à habente Sæculo viii. jam cœperant, Principes appellari gaudebant.

(2) De hac re ex instituto agemus in Dissert. de Ecclesia Beneventana. Cap. ii.

(3) Inter Pontificias Epistolas Codicis Carolini Epistol. xc. apud Murator. Script. Ital. tom. iiii. part. ii. pag. 161.

quæ omnium fortasse tum genere tum sanctitate illustrium Fœminarum agmen ducere videtur, quæque ad Beneventanorum decus nonnihil pertinet, Sancta Virgo Arthelais memorari digna est. Dum enim ipsa Constantinopoli in Italiam ad patrum Narsetem contendens, Sipontum appulisset, de Garganicæ Cryptæ Religione certior facta pietatis suæ esse duxit, ut non prius Beneventum ad Patrum properaret, quàm ad Sacrum Specum, S. Archangelum adoratura conscenderet: Rem ex vetustis Actis audire jucundum erit: *Interea erat quidam inter eos (pauperes, quibus Arthelais, dum Siponti esset, elemosinam largiebatur) qui dixit B. Virgini: Rogo te, Domina, ut facias mihi auxilium de pretio tuo, quoniam facturus sum quoddam opus in Ecclesia S. Michaelis, quæ sita est in Monte Gargano: Cui dixit B. Virgo: Ego per memetipsam veniam illuc. Cum igitur venisset ad aulam B. Michaelis prosternens se super terram cum lacrimis oravit: & post orationem obtulit de thesauro suo super altare S. Michaelis Archangeli: & circumspiciens vidit illum, qui postulaverat ab ea auxilium pro opere, quod prædixerat se facturum in eadem Ecclesia; & dedit ei triginta aureos; & exiens inde reversa est Sipontum (1). Prævit itaque Beata Virgo Arthelais Beneventanis (quos domicilio, obitu, pretiosissimoque Corporis sui pignore illustravit) tum aliarum virtutum, tum eo pietatis exemplo, quo Garganicam Cryptam orationis causâ adiri consuetudo inoleverat. Quod à Longobardis Dynastiis, instituto paucis post annis, Beneventano Ducatu usuenisse jam diximus.*

Insigne etiam ejus rei exemplum nobis reliquit Lando Comes Teanensis, qui An. 987. ad Garganicam Cryptam Orationis causâ iturus, antequam ei peregrinationi se committeret, Testamentum condere voluit. Hoc Testamentum etiamnum in Chronico Vulturnesi legere est; ex cujus exordio, quæ huc pertinent, describere libet. *In nomine Domini nostri Jesu Christi Dei æterni. Quinto anno Principatus Landenulfi gloriosissimi Principis, Mense Novembri xv. Indictione. Ideoque ego Lando Comes ex Civitate Teanense, filius B. M. Domini Atenulfi Comititis, declaro, me iter facere in Oratione ad Ecclesiam B. Michaelis Archangeli, quæ sita est in monte Gargano, ut per ejus intercessionem apud Omnipotentem Deum de peccatis meis indulgentiam accipere valeam. Ideoque Testamentum feci de omnibus rebus, & substantiis meis &c. (2).*

Quid verò in privatis hisce, singularibusque exemplis moramur? Nihil ea re, quæ suam erga SS. Archangelum venerationem testarentur, Sæculo VIII. ac deinceps, univærsis, quæ late Beneventanus patebat Principatus, Longobardis usitatus fuisse publica monumenta declarant. Statutâ enim post diurni, atque ancipitis adhuc belli calamitatem Beneventani Principatus divisione, ex qua Salernitanus exortus est Principatus, plura Beneventanus Princeps Radelchis Siconulfo Salernitano tunc primùm Principi attribuit, ac Capitulari suo Anni DCCCLX. servanda vicissim sancivit; inter quæ illud Capite VIII. cautum legitur, ut Populis omnibus, qui deinceps ad Salernitani Principatus ditionem pertinerent, nulla de causâ interdici posset, sed liberum omnino maneret, per Beneventani Principatus fines ad Garganicam Basilicam, uti olim consueverant, se conferre. *Et dimittam (inquit Radelchis) omnes homines vestre potestatis ire ad venerabilem Ecclesiam B. Michaelis Archangeli recto itinere, quomodo temporibus Antecessorum nostrorum illuc ibatur, sine omni contrarietate, vel dammitate, vel contradictione mea, & omnium hominum, qui in mea pote-*

(1) De Constantinopolitanæ, simulque Beneventanæ Virginis S. Arthelais vetustis Actis superiori libro mentio injecta fuit, quum Narsetis laudem, ejusque moram Beneventi factam illustrarem Dissert. x. pag. 286. Agit de eadem Virgine Cl. Bollandus ad diem 11. Martii, ubi breviora quædam Acta exhibet, ab Antonio Alpherio Canonico Beneventano Joanni Baptisæ Mari Romano communicata, ex quo ipse descripsit. In hisce Actis intricatos vitæ annos Bollandus animadvertit, atque ad mendum Amanuensium refert, aliquando ex alio MS. Codice corrigendum. Quod itaque Bollandus, si à Bibliothecæ Beneventanæ Curatoribus postulasset, præsto tunc esse poterat, nos modo præstabitur: in hujus enim Tomi Appendice in publicam lucem profereamus prolixiora, sinceriora, lectuque dignissima ejusdem S. Arthelais Acta, quæ eadem Bibliotheca servat in Cod. MS. pag. 287. à t. cui insculptus est Titulus. §. 2. Acta Sanctorum tom. 1.: leveſque aliquas, ac tantum necessarias notas adjiciemus.

(2) Inter Scriptor. Ital. Murator. tom. 1. part. II. pag. 483. Plura Vulturnesi Monasterio eo Testamento contulit laudatus Lando Teani Comes, Landenulfi Principis Capuani ex fratre Atenulfo nepos. Hujus Landonis (alterius ab Landone Capuano Comite, qui ex Ignoto Cassinensi n. 14. Monasterium construxit famulus Dei Teano an. DCCCLX.) pietas eluxit in altero Puelarum Monasterio Teani condendo, ut ex charta anni 987. à Francisco Pratillo edita tom. 1. Opp. Peregr. pag. 237. Ejus Epitaphium legitur Capuæ in Parochiali Æde S. Joannis ad Curtum; ex quo annum 999. ejus emortualem fuisse collegit Peregrinus; quanquam ex Charta an. 995. à Cl. Gattula Hist. Cals. tom. 1. edita, Jesula, seu Jerrisa, quæ illius Conjugis fuit, Rainaldo Marlorum Comiti nupta jam dicatur; unde in alterutro mendum adest videtur.

potestate habitant, vel habitaverint, me vivente, ut salvi vadant, & redeant à nostra parte per meam voluntatem, excepto divino iudicio (1). Vides itaque, quam providi, sollicitique Beneventani Principes extiterint, ne quod ex sui Principatus divisione eorum Resp. detrimentum accepisse videbatur, in Garganicæ Basilicæ injuriam simul verteretur: Quod enim ad SS. Archangeli cultum pertinebat, nihil divisum voluerunt; sed in commune utriusque Principatus bonum, omnino cessurum rebantur, si sub diversis Dominis una eademque, quæ erga communem Patronum obtinebat, adhuc universæ Gentis foveretur Religio. Nihil autem recitati Capitularis testimonio locupletius, nihil præclarius, ut quantum populorum omnium, qui per totam penè Cistiberinam Italiam Longobardis subdebantur Principibus, religiosissimus erga S. Michaelem cultus ferbuerit, manifestum habeamus.

Atque hoc quidem testimonio huic Longobardicæ Religionis Capiti dignam imponemus coronidem; quandoquidem illud hætenus à nobis satis demonstratum videri potest, Longobardos plurimis, atque egregiis argumentis non solum observantissimos SS. Archangeli cultores, ejus præsentissimum Patronatum sibi promeruisse, verum etiam Coelestis Ducis, ac Patroni Cultum ebusque provexisse, ut ab Longobardorum ævo, Longobardorumque exemplo latius in Christianum Orbem propagata Michaelis veneratio videatur.

CAPUT V.

De Ecclesiis, Monasteriisque à Longobardis
ædificatis, atque locupletatis.

Monasterii Vulturnenfis origines, incrementa: Casinenfis instauratio, feliciorque; quam olim, Status: S. Sophiæ constructio, ac splendor (inter alia simul plura) luculentiùs recensentur.

AD novum jam progredimur argumentum, aliis, quæ superius pertractavimus, fortasse præstantius, haud minus certè insigne, ac præclarum, quo ampliora ostendantur erga Religionem nostrorum Longobardorum promerita. Multa de hoc ipso argumento superius (quod pro re nata erat) leviter attigisse opus fuit: uberrima adhuc restat materies, quam pro sui tum copiâ, tum dignitate, peculiari hoc Capite illustrandam aggredimur. Audivimus itaque Ecclesiam S. Modesti à nobilissima Foemina Doda-Parda Beneventi ædificatam, cui Ecclesiæ ejusque Monasterio ditando Ducis Grimoaldi I. munificentiâ accessit: Tum insignem S. Petri extramuranam Basilicam, eique amplissimum Ancillarum Dei adjectum Monasterium à Theodorada Ducis Romualdi I. Conjugè excitatum: Tum denique ejusdem Romualdi largitione, sedulâque S. Barbati operâ, instauratum Garganicæ Basilicæ decorem, atque cultum, impiâ Græcorum depopulatione olim intermissum. Audienda nunc in hujus Capituli exordio Vox illa est, quæ à Beneventanis Principibus prolata, Subditorum animos, jam satis illorum exemplo ad pias quasque largitiones excitatos, vehementius impellere, atque alacriores efficere nitebatur. Extat in Chronico S. Sophiæ p. 11. n. 3. alterius Romualdi Diploma, quo is bona universa Ecclesiæ ab Zacchariâ Abbate ædificatæ hætenus oblata confirmans, offerenda deinceps non modo approbat, verum etiam suadet: *omnia (inquit) & in omnibus, de quo nostra Potestas concessit, vel quodcumque antea conquesturus fuerit; & qui sua ex spontanea voluntate in eodem Sancto loco offerre voluerint, integram eisdem tribuimus potestatem: QUIA LICET, ET OPORTET OMNEM CHRISTIANUM DE SUI FACULTATIBUS, ET SUBSTANTIA DOMINO OFFERRE UNUM, QUIA IPSE SIC AUT: PRIMITIÆ ET DECIMÆ MEÆ SUNT, ET OMNIPOTENTI DOMINO OFFERRE.* Digna quidem Christiano Principe Vox: ut paratum liberumque sit Populis, quæ velint sua Deo offerre: ut priùs Deo, quàm Principi offerant: atque non id licere tantùm, sed adhuc oportere ex ipsius Principis ore Populi ediscant. Etsi vero hæc ita sint; lætissimisque ejus Vocis auspiciis aditum mihi huic Longobardicæ Religionis Capiti pertractando patefecerim; retrahendus tamen ad superiores ætates rerum ordo est; quando scilicet Longobardi in Ecclesiis ædificandas, Monasteria excitanda, utraque opibus constabilienda, tum Religionis studio, tum reparandæ simul Nominis sui existimationi prospicere satagebant.

Supererat enim Longobardorum nomini, Religionique quædam adhuc infixæ macula, dum

(1) Tom. 11. part. 1. Scriptor. Ital. Murator. pag. 269.

dum Monasterii Casinensis vastatio perdurasset; itaut diuturna ejus loci solitudo, ruinæque ipsæ veterem injuriam à prioribus Longobardis illatam, posteris Longobardis quodammodo exprobrare viderentur. Horum itaque Religio haud id diutius tulit; sèraque antiqui facinoris expiatio in majus loci emolumentum cedere visa est. Primam instaurati Casinensis Monasterii laudem Romano Pontifici Gregorio II. nequaquam invidemus, *cujus hortatu* (uti Paulus Diaconus tradit) Brixienfis Monachus Petronax cum aliquantis (uti Ostiensis addit) de Lateranensi Congregatione Sociis, ab eodem Gregorio sibi datis, *Casnum Casitrum petiit*, atque ad Sacrum Corpus B. Patris Benedicthi perveniens, *ibi cum aliquibus simplicibus viris jam ante residentibus habitare coepit*. Neque etiam præfati Petronacis virtuti vel minimum detractum volumus, à quo illustre Opus Pontificiis auspiciis ritè, faustèque susceptum, felices successus accepit; nam, ut idem subdit Diaconus, *Petronax non post multum tempus cooperante misericordia (divina), & suffragantibus meritis B. Benedicthi Patris, jamque evolutis fere centum, & decem annis, ex quo locus ille habitatione hominum destitutus erat, multorum ibi Monachorum, nobilium. & mediocrium ad se concurrentium Pater effectus, sub sancto Regule jugo, & B. Benedicthi institutione, reparatis habitaculis vivere coepit, atque hoc Sanctum Conobium in statum, quo nunc cernitur, erexit* (1). Sed ut eadem Monasterii instauratio perficeretur, ac mox in ingentem rerum omnium molem, felicitatemque assurgeret, sua etiam adnitentibus Longobardis laus, nulli fortasse secunda, manere debet.

Primi autem Majorum nostrorum in ejus operis partem, ac laudem vocandi sunt tres illi Beneventani Proceres, Generis nobilitate præclari, adhuc tamen morum religione illustriores, Paldo, Taso, & Tato, è quibus Superior Paldo ex uno, Taso verò, & Tato ex altero fratre procreati:

Stirps veneranda satis nimium præclsa Parente,

Primus à principio luxit ut orbe dies.

Germine purpureo decus hoc tulit Orbs Beneventus,

Jure salutiferos traxit ab Urbe Viros.

Libenter hæc ex S. Autperto, qui illorum res gestas accuratè recensuit, descripsimus. Ac primum eximie laudis loco habendum, quod hi Viri Sanctissimi Monasterii S. Vincentii ad Vulturni fontem conditores extiterint: Vulturnenfis enim fundamenta (ut rectè observat Mabillonius (2) vix ante annum septingentesimum tertium jacta sunt; perfectio verò non ante annum septingentesimum septimum est collocanda). Ex Urbe itaque Beneventana Viri prodierunt, qui non solum genere Longobardi, sed ex ipso etiam Longobardorum Ducum sanguine prognati (3) Casinatis Cænobii interitum, Longobardorum olim-

impie-

(1) De Gest. Longob. lib. vi. cap. xl. In hac autem re narranda Diaconum Ostiensis describit in Chron. Casin. lib. i. cap. 4. nisi quod socios Petronati è Lateranensi Monachorum familia à Gregorio datos, eundemque Gregorium eo nomine Tertium fuisse addat. De Sociis nemo Ostiensis litem movit, quos certè operi moliendo necessarios, vel saltem utiles fuisse patet. De Gregorio tamen Tertio Peregrinus, Bollandus, Nuceus, Mabillonius, Bacchini, relati, probatique à Blanco in nota 157. ad l. l. Diaconi, veluti agmine facto Ostiensis adveniant, quod pro Secundo Tertium nobis Gregorium obtruserit: sed non omnino indignus veniit Ostiensis, qui quam instauratori, Gregorii hortatu factæ, Pontificem Zacchariam plura adjutoria contulisset ex eodem Diacono accepisset, decipi facile potuit, ut non Gregorium II. Gregorii III. decessorem, sed ipsum Tertium Gregorium Zaccharie successorem, à Diacono designatum putaret. Deterior autem apud eosdem Viros Clarissimos, ac præsertim Mabillonium ipsius Diaconi causæ est, quod is annorum cxx. intervallum à Casinensis Monasterii everione ad ejusdem instauracionem effluxisse affirmet: nec Ostiensis ipse censurâ vacat, qui ex admisso Greg. III. errore, multo ferius, quam res exposuisset, ad annos scilicet cxxxxi. en-

dem instauracionem pertraxisse videtur. Rem hanc ad novum revocare examen otiosum esset post laudati Mabillonii Operam, qui annis minimum centum ac trigintaquinque Casinensi Monasterii ruinas perseverasse censuit Annal. Bened. tom. i. pag. 160. num. 3. & latius id probat tom. II. pag. .

(2) Annal. Bened. Tom. i. lib. xvii. pag. 520. edit. Lucen.

(3) Testatum id perspicuè habemus ab ipsomet Beneventano Duce Gisulfo I. in ejus Diplomate, quo multas terras eid. Monasterio attribuit circa an. 703. in eodem Chronico pag. 347. Concedimus, inquit, nos Dominus Vir Gloriosus Gisulfus Summus Dux Gentis Longobardorum in Monasterio S. Vincentii Levita, & Martyris Christi, quod Venerabiles Famuli Christi, nobis carnis consanguinitate propinqui, Paldo, Tato, & Taso, pro Dei amore Patriam, Parentes, & Mundi gloriam relinquentes nuper edificare coeperunt &c. De hujus Diplomatis fide (uti de cæteris fere aliis à Vulturnenfi Chronographo passim prolatis) dubitavit Muratorius l. l. not. 1. Mibi (inquit) suspecta est consanguinitatis mentio, ut alia omittant: Sed alia omisisse non debuit; nam quod ad consanguinitatis mentionem attinet, nihil ea re verisimilius; dum inter omnes convenit, eos

impietate, avaritiæque patratum, meliori fato, felicibus certè auspiciis vindicarunt. Nihil enim refert, quod Casinenſe ruinis adhuc ſuis conſepultum maneret, quandoquidem alterum vice ipſius Monasterium excitaretur; quod XII. plus minus paſſuum millibus diſtans, diverſo quidem loco, eodem tamen Monastiæ diſciplinæ ſtudio floſcere inciperet: ac floruit quidem Vulturneſe ſub Paldonis primùm, dein Taſonis, ac poſtremo Taſonis, ſibi poſt cujuſque obitum ſuccedentium Regimine; nam (ut Autpertus inquit (1)) *in Chriſti paupertate ſollicitè perſiſtentes, eorum vita, quam Deus ad exemplum plurimorum oſtendere diſpoſuit, longè, lateque percolavit, utque lucerna ſuper candelabrum poſita, diutius latere non potuit, & dum multi eorum vitam imitari cupiunt, multitudo fraternitatis ad eos concurrere coepit.* Cæterum Vulturneſis Monasterii, ejusque Fundatorum decora heic percurrere non opus fuerit, poſt vulgatum à Muratorio Chronicon (2); niſi quod ex ipſius Autperti perſona, præclariffimum mihi præſto ſit argumentum, ut quanta Vulturneſis Monasterii Religio, ac celebritas fuerit, oſtendere amplius queam. Monasterii Vulturneſis originem ad annum 681. ſe anticipatè retuliſſe Mabillonius ait, occasione itineris, quod per Monasterium Farſenſe, tunc temporis à S. Thoma Abbate inſtauratum, ſuſceperunt tres nobiliſſimi Beneventani Paldo, Taſo, & Tato, qui divino ſuccenſi amore, reliſta Patria, in Galliarum partes contendeſcant, ut monaſticum ibi inſtitutum amplecterentur... Ex quibus intelligimus, quanta in opinione tum apud externos fuerit Gallicanorum Monasteriorum diſciplina, qua ita permoti ſunt Beneventani illi Proceres, ut Gallias cæteris Europe Regionibus, ubi de amplectenda Monastiæ Religione agebatur, prætulerint (3). At quum, laudato Thoma Farſenſe Abbate hortatore, ſupradicti Beneventani Proceres ædificandi Monasterii Vulturneſis conſilium ſuſceperint, ea mox Monasterio jam ædificato Sanctitatis fama acceſſit, ut non jam amplius Itali, Beneventanique in Gallias, ſed Galli ipſi in Italiam ad Vulturneſe Monasterium pro monastiæ profeſſione concurrerent. Autpertus exemplo eſt, qui domo Galus, atque tum genere, tum eruditione, tum moribus conſpicuus, ex Patrio Solo, immò ex Caroli Magni Aula in Monasterium Vulturneſe ſe recepit; cujus etiam exemplo (ut Chronographus ſubdit p. 359.) *plurimi ex Aula Regia militia Cingulum deponentes, in ſancto propoſito religionis ei adheſerunt* (4).

Satis

Vires ex nobiliſſimo genere ortos fuiſſe; ad Ducalem verò ſtirpem attinuſſe, eſt Giuſiſi teſtimonium deſcriptum, non obſcurè innuit ſuppar ſcriptor S. Autpertus, cujus ille verſus eſt, ſuperius recitatus.

Germine purpureo Decus hoc inſit Urbis Beneventus.

nam purpurei epitheton quidpiam amplius ſupra privatam nobilitatem designat.

(1) SS. Paldonis, Taſonis, ac Tatonis Vitam ſtudioſè lucubravit S. Autpertus, qui (ut in ejus Vita Vulturneſis Chronographus ait pag. 360.) *deſuncto Venerabili Abbate Joanne licet inſitus, ac reſtans ſacri regiminis baculum poſt S. Paldonem ſeptimè ipſe ſuſcepit.* Operi ſuo, quo ſtadium erga Inſtitutores ſuos magis commendaret, carmina intermiſcuit Autpertus, ut res præclariùs geſtas, quas proſa enarraverat, etiam verſibus celebraret; plurimùm propterea à Paulo Diacono laudatus, qui de Monasterio Vulturni, ejusque Inſtitutibus agens lib. v. cap. 40. *Sicut* (inquit) *Viri erudiſſimi Autperti ejusdem Monasterii Abbatis in Volumine, quod de hac re compoſuit, ſcripta ſignificant.* Sed de Autperto mox iterum.

(2) Tom. I. part. II. Scriptar. Ital. pag. 340. Si Monasterii Farſenſis Chronographum audimus, apud eundem Murator. tom. II. part. I. pag. 334. S. Thomas Abbas Farſenſis præcipuus Auctor haberi debet Vulturneſis Monasterii, idque Monasterio Farſenſi ſubjectum, veluti illius germen dicendum ſit. At plus æquo Farſenſi ſuo indulgiſſe videtur Chronographus, qui, quum, Sæculo XI. Chronicon ſuum ſcripſerit, qui, quum ad Vulturneſis inſtitutores attinet, ex Autperto didiciſſet, huius tantaſque teſtimonio contentus eſſe potiùs debuit, quam alia ex ſuo ingenio commiſiſſe: Itaque S. Thomas Farſenſis id tantum præſtitit, ut SS. illis Viris Paldoni, Taſoni, & Taton, quos hoſpicio ex-

ceperat, Gallicanam peregrinationem diſſuaderet, locumque indicaret, Oratorium nempe S. Vincentii ad fontem Vulturni, ubi Monastiæ vitam, cujus deſiderio flagrabant, traducere poſſent. His igitur (ita Autpertus) *& huiusmodi verbis, tanquam Chriſtum in ſenſiore loquutum attendentes, ab his, que coeperant, revocant animos, atque ab eodem benedictione percepta, iter arripiunt, atque ad hunc, quem incolimus, perveniunt locum, nihil ſecum in alimoniis corporis præter velticum in ſportella ferentes...*

*Tres iter aſſumunt, nihil hic, niſi corpora ducunt:
Eſt regimen, viſus, tegmen, miſeratio Chriſtus;
Lex quoque ſacra Dei, Lux nobis, ſive diſt.*

(3) Annal. Bened. Tom. I. pag. 520. num. 21. & 22. edit. Lucenſis.

(4) Si Chronographo Vulturneſi fides, S. Autpertus Monasterium Vulturneſe ingreſſus fuit, quum jam Carolus Magnus Longobardorum Regno potius in Italia verſaretur; idque pro certo habet Gl. Muratorius in Præſatione ad d. Chronicon. At contrà ſtare Autpertus ipſe videtur, qui in extremo ſui Operis Commentariorum in Apocalypſim (quod anno 767. Stephano IV. dicavit) ſe ſcripſiſſe teſtatur ſub Deſiderio Longobardorum Rege, & Paulo I. Papa. Igitur ante Longobardici Regni occaſum, nec alibi niſi in Italia, in ipſoque Monasterio Vulturneſi degere jam coeperat Autpertus, qui Operi ſuo ex Deſiderii Regno temporis notam appoſuit. Cæterum Autpertus non ſolum Sanctorum Monasterii Vulturneſis Inſtitutorum Vitam, ſed etiam, ejusdem Monasterii Hiſtoriam conſcripſit; Plurimos etiam, præter laudata Commentaria in Apocalypſim, ſanctorum Scripturarum Libros expoſuiſſe, Librum quoque de Conſtitu vitiorum, & Homelias aliquas Evangeliorum edidiſſe teſtatur præſatus Chronographus: At de

ejus

Satis igitur (etiāsi heic res tota subsistisset) Longobardorum operā factum videre, tur, quod Monasterii Vulturnenfis ædificatione, sequutaque Religione, Casinatis excidio prospectum esset. Sed paullo post in ampliora emolumenta res ipsa processit: Non enim Vulturnense Casinatis ruinas duntaxat supplere visum fuit, sed mox illi instaurando exemplum simul; atq; opem suppeditavit. Si Petrum Presbyterum, & Monachum in Vitam, vel obitum SS. Patrum Paldonis, Tatonis, & Tasonis, audimus, ac præterea Joannem Monachum attendamus Vulturnensem Chronographum, præcipuam, ac penè integram rei gestæ laudem Sanctissimi iidem Vulturnenfis Monasterii Institutores sibi vindicabunt, quibus plurimum unis Monasterium Casinenſe debet, ut in pristinum statum restitueretur: At quum hæc non ex propinquiore, ac sinceriore teste S. Autperto sint, ut Angelus à Nuce hallucinatus asseruit, sed prius ex laudato Petro (pro quo Joannem Cl. Affemanus citavit) ac subinde ab eodem Joanne, qui ambo longè satis Autperto, longius vero Vulturnenſis Cænobii origini posteriores rem ipsam scriptis mandarunt, nihili eorum fides nobis habenda est, ex eo maxime suspecta, quod Vulturnenſis Monasterii alumni plus æquo illius decori studuisse voluerint (1). Ostensis itaque testimonio contenti erimus, qui cum de Casinenſi suo scribat, quid istud Vulturnenſi debeat, non solum non invidit, sed optima fide ad posteritatis memoriam recensuit. Posteaquam igitur Petronax Casinum, Opus sibi à Pontifice Zacharia mandatum expleturus, advenisset, manulque admove re cepisset, mox eum (inquit Ostensis) tres quidam nobiles Viri Beneventani Paldo, & Taſo, atque Tato germani fratres, qui ante quindecim circiter annos Monasterium S. Martyris Christi Vincentii juxta ortum Vulturni fluminis de propriis sumptibus construere coeperant, cum eſſent potentes, ac divites, in ipſo opere tam per ſemetipſos, quam per ſuos uſque ad reſtaurationem loci hujus plurimum adjuxerunt (2). Habemus igitur Sanctissimos noſtros Beneventanos Proceres, ſi non præcipuos inſtaurati Cænobii Casinatis auctores, collatam tamen ab ipſis certò ſcimus opem, operamque ſuam, qua, ut Opus quàm ociùs, ac pro dignitate perficeretur, enixius, ſi vè plurimum curarunt.

Sed & illud ampliùs (quod præclariora eorum de Casinenſi Monasterio promerita com-

ejus Operibus (non enim noſter Autpertus, qui & Ambrosius Autpertus, confundendus cum Autperto Casinenſe Abbate, qui ab anno 834. ad 837. Caſino præſuit) videndus Fabricius in Bibl. Lat. Med. & inſim. ætat. lib. 1. pag. 82. edit. Venet. an. 1754.

(1) Cl. Affemanus Ital. Hiſt. Script. tom. 11. pag. 534. Angelum à Nuce falſum notat, quod ad Oſtienſis Chron. lib. 1. cap. 14. ubi Caſinenſis inſtauratio, ac Vulturnenſis Fundatorum auxilium narratur, rem ipſam ab Autperto pariter tradiam aſſermet, num. 10. non enim (ſubdit Affemanus) Autpertus hæc tradit, ſed Joannes Monachus Vulturnenſis, Autperto longè recentior. . . in Vita Paldonis, Tatonis & Tasonis (quam poſt Autpertum multis auſiam edidit apud Murator. 10. 1. P. 11. à pag. 345. At eo loco non Joannes, ſed Petrus Presbyter, & Monachus ejus Vitæ Auſor inſcribitur; quem poſtea Joannes ipſe Chronographus in ſui Chronici continuatione ſequutus eſt pag. 351. De Petri ætate nihil liquet, ſed Joanne, qui illius opus in ſuum Chronicon retulit, multò anteriorem, ab Autperto autem longiſſimè remotum credere debemus: Ipſum verò Joannem Sæculo XII. adſcribere licet, dum is vivebat anno MCXIII. quo Benedicſi Abbatem ſuum Beneventum comitatus, quò Paſqualis II. Concilium celebraturus acceſſerat, ea occasione Joanni Cancellario Pontificio, qui poſtea Gelafius II. fuit, Chronicon Vulturnenſe à ſe lucubraturum obtulit. Sed utrumque jam audire præſtat: Sic enim primo loco Petrus in dicto Chron. pag. 346. Tanta fuit eorum (i. e. Paldonis, Tatonis, & Tasonis) largitas in paupertate, ut eſurire contenti, pauperes, & peregrinos ſuo labore reſcicerent; tantus amor caritatis erga Dei ſervulos, ut vicina, quæ penè deſtructa fuerant, Monasteria, pro Chriſti auctore undique ſubſtare, & recuperare ſolerti ſtudio curarent, ſicut & B. Benedicſi Monasterium in Caſino Caſtro, quod à Longobardis ad nihilum fuerat uſque deſtructum, & à cunctis habitatoribus deſtitutum, divina revelatione ad-

moniti, ipſi jam diſti Patres recuperare, & regere coeperunt, ſuis manibus ibidem laboraverunt, & ſuos Monachos laborare fecerunt. Poſt hæc Ven. Virum Petronacem ibidem Abbatem ordinaverunt, & cum illo de ſuis Monachis ad habitandum diſmiſerunt. Qui etiam Regem pergens à Zacharia Papa confirmatus Librum Regule, & libram panis, & emnam vini cum Privilegio Sedis Apoſtolice accepit, cunctoſque Lateranenſis Congregationis fratres ſecum reduxit. Hæc Petrus; qui ſubinde utriuſque Monasterii neceſſitudinem, ac quandam veluti animorum, rerumque omnium communionem, etiam ab Oſtienſi memoratam, reſerre pergit. Quid verò Chronographus Joannes? eadem & ipſa repetit pag. 351. hoc præmiſſo titulo: De Monasterio S. Benedicſi, quod reſtauratum eſt ab eis: & mox: Divina quoque revelatione compulſi Ven. Patres, ut Monasterium B. Benedicſi apud Caſinum Caſtrum conſtitutum, quod à Longobardis fuerat deſtructum, ut Beatus ſcribit Papa Gregorius, ſuo ſtudio, & labore reædificarent, ſueſque Monachos ibi facerent habitare, qui ſanctæ ſervitutis officia Chriſto perſolverent, ad ejuſdem Confeſſoris Corpus, quod quidem ſancti Patres vigilantia ſtudio perfece- runt. Tunc quoque temporis Zacharias Papa cum auდიſſet, quod Chriſti ſervuli egerant, deſerente ſibi Viro Venerabili Petronace, qui de Brixia adveniens Orationis gratia idem Monasterium aſcendens, ea, quæ Dei ſervi egerant, viderat, & cum Hieroſolymas pergere vellet, ab eorum monitiis, & precibus detentus fuerat, inſpiratus à Deo & ipſe, præſati Monasterii fratres, qui juxta Lateranenſe Palatium ſue Congregationis locum à Pontificibus obtinuerant, cum Regula, & panis libra, quam S. P. Benedicſus conſtituerat, dato quoque Sedis Apoſtolice Privilegio, ad Caſinenſe remiſit Cænobium, ubi tam illi, quàm ipſi ex iſſorum ſumptibus quæcumque neceſſaria erant, accipiebat.

(2) Chron. Caſin. lib. 1. cap. 14.

commendat) præstiterunt, ut non solum exemplo, sed suis etiam institutis Monastica ibidem disciplina iterum instaurata, religiosius servaretur: Hinc illa esse coepit inter utriusque Monasterii Alumnos summa animorum consensus; receptaque vicissim statim temporibus ad spirituales collationes peragendas invivendi consuetudo, atque in vecta demum quædam veluti rerum omnium, munerumque Communio. Quæ omnia non sine ingenti Monasticæ disciplinæ emolumento in morem transisse, ac diutissime viguisse, idem Ostiensis locuples testis est, tum cum Monasterii Vulturnenfis vastationem à Saracenorum Duce Seodamo patratam circa an. dccc. lvi. alio Chronici sui loco narrare instituit. Moris (inquit) tunc erat Monachorum utriusque Canobii, Sancti videlicet Benedicti, & S. Vincentii, charitatis gratia, diebus Sanctæ Quadragesimæ se invicem visitare; nam tanta tunc temporis dilectionis copula nectebantur, ut cum quosdam de servis S. Vincentii pars nostri Monasterii possideret, itemque illi quosdam de nostris, placuit utriusque Monasterii Patribus, Berthario scilicet, atque Majoni, ut nequaquam discambiarentur; sed ita ut tunc erant, eorum possessio, sic semper intemerata maneret. Cumque die quadam apud S. Vincentium de more quidam à Casinenfis Monasterio Fratres venissent, & de suo ad invicem ordine loquerentur, repente illuc Seodam nequissimus cum suis Satellitibus super-venit &c. (1).

Hanc Monasterii sui vastationem paulò ferius (2) factam tradit Vulturnenfis Chronographus Joannes, eaque sola de re integrum Chronici sui tertium Librum conflavit, ratus peculiari opere dignam, quæ licet luctu, ac moerore redundaret, illustris tamen videretur cæde, seu (ut is arbitrat) martyrio nongentorum Monachorum, qui ea occasione à Saracenis obruncati sunt. De Martyrio incerta res manere debet: De occisorum numero adhuc dubitare licebit; neque enim Chronographus ipse fidem suam obligare voluit, qui nongentos in veteribus Libris, atque ex seniorum traditione, in aliquibus vero Libris quingentorum tantum fuisse numerum decollatorum reperisse se ajens, nihil statuit, sed illi soli (subdit) & numerum committimus & nomina, qui illis dedit cum triumpho Martyrii capere victoriam. Sed ex prædictis ingentem saltem Monachorum numerum, & Monasticæ disciplinæ cultum, & loci opulentiam utcumque arguere fas erit. Illud etiam observare suppetit, tristius nempe Vulturnenfi Monasterio à Saracenis incidisse fatum, qui in Monachorum opes, & vitam adeo immaniter delævierunt, quàm Casinense tulerat à Longobardis, qui prædæ contenti Monachorum sanguini pepercerunt. Id tamen Vulturnenfi felicius cessit, quod multo citius, quàm Casinense, instauratum fuerit: ejus enim desolationem triginta tribus perstitisse annis, ac postea readificari coeptum, tum ipse Chronographus, tum etiam Ostiensis testatur (3).

Sed non iidem, sequenti tempore, uti Casinenfis, ita Vulturnenfis felices fuere successus: Nam, quæ est humanarum vicissitudo rerum, Vulturnense Monasterium, quod simul cum Casinenfi, tum Monachorum numero, tum Religionis studio, tum Opum affluentia fortioris titulo insigne erat (4); Vulturnense, inquam, Monasterium ab imis veluti radicibus excisum corruit, aruitque, atque in rudera, & solitudinem abiit: sicque illustris Abbatia (inquit Ughellus) commendata deinde secularibus Clericis, suum decorem veterem amisit, ut vix vestigia appareant, solaque sedeant, neque habeat consolatorem, qui saltem divinum opus possit urgere (5). Dicere mihi quoque liceat: Quum S. Thomas Farfensis Abbas SS. Paldoni, Tasoni,

ALTER

M

& Ta-

(1) Ibid. lib. i. cap. xxxiii.

(2) Ad annum nempe 882. sed planè fallitur; nam quum simul Ludovicum Lotharii filium pro temporis nota tum regnantem adiciat, qui jam ab anno 895. è vivis excesserat, multo ante, rem retulisse debuit. Mabillonius antecedenti anno 881. rem attribuit. *Falsa est* (inquit Joannes) *hæc cædes Beatorum Monachorum decimo die Mensis Oshobris Feria tertia; quæ nota annum indicat 881.* Sed totius fuerit ad Ludovicum II. tempora, certiorum scilicet notam ab ipso Joanne simul additam, rem ipsam retrahere; eò magis, quod Ostiensis (ut superius observatum est) annum 866. vel paulò post indicare videtur.

(3) Ex Ostiensis Chronico lib. i. cap. 52. annus 919. indicatus videtur, à quo si annos 34. quibus desolatio perstitit, demas, ad annum 885. redibis: sed amplio-

ra fuisse desolationis spatia, ex eod. Ostiensis, ac Ludovici II. ævo, superius notavi.

(4) Charta anni dccc. in eod. Chronico Vulturnenfi relata pag. 378. in qua Joannes Pandonis filius plura bona donat Monasteriis S. Benedicti, & S. Vincentii (idest Casinati, & Vulturnenfi) qui Fortiores sunt.

(5) Ital. Sac. tom. vi. pag. 438. De Vulturnenfis Monasterii interitu moestissime conqueritur Cæsar Costa Jurisconsultus, ex Pii V. (ut ait) concessione, & Caroli Borromæi Cardinalis liberalitate, & presidio Abbas Commendatarius, ejusdem Chronici lib. v. pag. 322. *Facient nunc* (inquit) *diruti Monasterii parietes, & deformata ruinis herent sola Sanctorum Patrum Cœnobia, ut nemo sit tam impius, qui fœcis oculis possit aspicere. Quibus ego lacrimis tantam Monasterii calamitatem deplo- rare, quibus vocibus liberè vociferare possem? Dies me,*

& Tatoni ædificandi Vulturturnensis Monasterii locum designaret, est locus (inquit) ad quem vos ire desidero: in Samnii partibus super rivam Vulturis, in quo situm est Oratorium Martyris Christi Vincentii nomine dedicatum; ex utraque vero parte fluminis Silva densissima, quæ tantum habitationem præstat ferarum, latibulaque latronum. Habes itaque, eò nunc rem recidisse, unde initia fuere: habes iterum locum, qui feris habitationem, ac latibula latronibus præstat. At non unà periit, neque interitura unquam erit Longobardicæ Religionis laus, non solum Monasterii Vulturturnensis ædificatione, ac florentibus olim rebus, vetustis consignata monumentis; verumetiam ipsius nunc stantis Casinensis splendore adhuc vivens, atque superstes: Beneventanis siquidem Longobardis auctoribus factum est, ut non solum ipso condito, diùque vigente Vulturturnensi Monasterio, ex innumeris ejus Alumnis Sanctitate, & Doctrinâ præclaris Christiana Religio, ac Pietas difficillimis temporibus maximopere juvaretur; verumetiam ex plurimis iis subsidiis, quæ in florentis modo Casinensis instaurationem à Vulturturnensi collata olim fuere, idem nunc etiam emolumentum referre Christi Ecclesia videatur.

Neque tamen hoc totum fuerit, quod Longobardicæ Religionis Casinense Monasterium debeat: Extrat adhuc, maximum illud quidem amplitudinis suæ caput, quod munificentissimæ Longobardorum Pietati acceptum referat. Ante depopulationem illam, quæ à Longobardis patrata est, nulla Casinensi Monasterio fuere prædia, nullæ possessiones, nisi quas ex Monasticæ Professionis more institutoque suis ipsi manibus, tum sese exercendi, tum alendi gratia excolere Monachi possent. Vivente ipso Sanctissimo Monachorum parente Benedicto, testata satis ex Magno Gregorio res est, qui illum quodam die cum Fratribus ad Agri operam egressum meminit (1). Post Benedicti verò obitum, dum Patris, ac Magistri doctrina, atque exemplum adhuc vigere, ac veluti ob oculos versari videretur, ejusmodi institutum ab ejus Alumnis posthac servatum quis ambigat? Florebant tunc siquidem Casinates religiosæ professionis virtutibus; pollebant pariter divitiis opibusque, quas tamen quotidianæ fidelium oblationes tum ad eorum sustentationem, tum ad Dei honorem, Ecclesiæque usum splendoremque, in eam vim, atque copiam adauxerant, ut Longobardos ad prædam excitarent. Eodem autem instaurato Monasterio, nihil pariter de prædiorum possessione cogitatum: quæ fuerint plurima illa adiutoria, quæ in idem Opus Sanctissimus Pontifex Zaccharias contulerit, Officium speciatim recensuit, Libros scilicet aliquot sacre Scripturæ, necnon Codicem sanctæ Regule, quam Pater Benedictus propria manu scripserat, pondus etiam libræ panis, & mensuram vini, quæ olim inde (sicut supra dictum) sub Longobardorum invasione Monachi fugientes secum Romam detulere: Diversa etiam ad Ecclesiasticum Ministerium ornamenta, nonnulla quoque ad diversas Monasterii utilitates pertinentia, illi Apostolica liberalitate largitus est Zaccharias (2). Hac curtâ, sed pretiosissima omnium suppellectile, quæ Monachos deceret, instructi, locupletatique tunc reduces Casinates: Satis iis tantum rebus Monasticis necessitatibus, commodisque prospectum Apostolica Liberalitas censuit: instaurare cum ipso Monasterio veterem loci Religionem, tunc cura fuit; in quam rem à Sanctissimis Vulturturnensis Monasterii Institutioribus plurimum laboratum, atque, quum essent potentes, ac divites, temporalia quoque, quæ ad ædificia, alimentaque opus essent, præstita subsidia, superius jam diximus.

Sed validis licet hisce jactis fundamentis, deesse adhuc Loco videbantur opes illæ, quibus, perpetuis adjectis viribus ac veluti nervis subsistere in ævum posset: deerant nempe fundi, quorum ex redditibus certa atque tuta Monachis sustentandis subsidia pararentur: Sicuti enim alendi Monachi pro eorum ingenti numero, statutisque legibus, omnino erant, ita si ex solo

manuum
ms. voss, lateraque deficerent, si ea enumerare vellem, quæ Prælatorum absentia, & negligentia irrepsissent incommo- do. Ubi tot Monachorum greges, tot præclaræ Constitutiones, tot prædia liberalitate religiosorum Principum donata? Conferantur antiquæ Saracenorum hujus Monasterii vastationes, tot Tyrannorum direptiones cum Prælatorum hujus Monasterii desidia, & negligentia; ab illis vix lesum Monasterium, à suis eversum judicabitur &c. An Cæsar pro Abbatis Commendatarii jure, munereque à lacrimis, quæsubusque ad aliquod tanti mali remedium processerit, nec ipsi scimus, nec locus ostendit.

(1) Dialog. lib. 11. cap. 32. Nec secus Possessionem illam intelligere debemus, non longè extra januam Monasterii positam, ad quam eundem Benedictum simul

cum Scholastica Sorore quotannis convenire consuevisse idem Gregorius narrat l. 1. cap. 33. Quare non satis probarim, quæ ad eum locum ab eruditissimis editoribus Benedictinis S. Mauri adnotata invenio; Observa (inquunt) ex hoc loco Monachis Prædia ad victum assignata in ipso Benedictini Ordinis exordia; itaut non mendicando, non manibus laborando ad vitam necessaria parare cogerentur. Observare enim ipsi debuissent, quæ superiore capite de Benedicto ad agri operam cum suis Fratribus egresso præmiserat Gregorius, itaut Casinatus initio fuisse agros, fuisse possessiones certum sit, sed quæ juxta Monasterium essent, Monachorumque manibus excoltæ, necessaria ad eorum vitam suppeditarent: Vide sequentem notam.

(2) Chron. lib. 1. cap. 17.

manuum labore, quem in hortum, aut agellum suum impenderent, quem etiam nonnisi subsecivis horis, quum à Monasticis officiis præcipue exolvendis cessatum esset, adhiberent; si demum ex incertis fortuitisque Fidelium oblationibus, elemosynisque tota ejus necessariorum rei ratio pendere debuisset, periclitari cum ipso loco Monachorum religio facile potuisset (1). Accessit itaque, quæ Monasterii Casinensis instaurationem roboraret, Beneventani Ducis Gisulfus II. liberalitas, in qua & eximiam Pietatem, & Regiam munificentiam spectare jam licebit (2).

Quid igitur Gisulfus erga Monasterium Casinense præstiterit, ex eodem Ostiense audire præstabit: *Gisulfus junior* (id est Secundus) nepos Liutprandi Regis Longobardorum, qui post Godescalcum Beneventanorum Dux extitit, cum per eos dies in hanc Arcem Casini (qua tunc Mello vocabatur) ascendisset, atque juxta Corpus SS. Patris Benedicti tam religiose prædictos Fratres in Dei servitio vivere reperisset, divino tactus instinctu, cuncta in circuitu tam campestris, quam montana eidem Patri Benedicto contulit in scriptis, firmisque donariis in perpetuum eadem posteris habenda concessit (3). Quàm proluxa ea Donatio fuerit, & quàm latè se effunderent eorundem Campanæ montanorumque locorum fines, ex ipsomet scimus Chronographo, qui servandæ Monasterio suo Possessionis sollicitus, quaquà circumirent, suis passim nominibus, limitibusque describit, ac recenset: scimus etiamnunc ex Cl. Abbate De Nuce, qui ad eundem Ostiensis locum, verè (inquit) in circuitu; quod ex ipsa locorum descriptione clarè patet: amplam adèò regionem, quæ plura Castella, & Oppida, nedum Campos, & Montes complectebatur, suo jure concessit Dux Gisulfus, qui Ducatum Beneventanum præsentì Regno Neapolitano ferè parem obtinebat, Soram usque pertingentem, ut alii observarunt (4). An verò Gisulfus, vigentibus tunc Longobardis Regibus, supremis videlicet Dominis, ab Ducatu Beneventano tam latam Regionem divellere, atque in Catinates transferre quiverit, an ejusdem Regionis non solum reditus, atque fructus, sed jurisdictionem quoque omnem, imperiumque ita à se abdicaverit, ut in omnimodam potestatem, liberumque dominium tradidisse censendus sit, non heic, nec nostra dicere interest: Hac de re satis prolixè, studiosèque pro Casinatibus suis nuper differuit Cl. Erasmus Gattula in Accessione ad Hist. Casin. tom. III. Opp. à pag. I., præcipuum Principatus (ut vocat) Casinensis auctorem statuens Gisulfum. Nobis verò id animadvertisse satis fuerit

ALTER

M 2

feli-

(1) S. Monachum Isaacum S. Gregorius Dial. lib. III. cap. 14. crebrò à suis Discipulis exoratam narrat, ut pro usu Monasterii possessiones, quæ offerebantur, acciperet: ille sollicitus suæ pauperumque custos forent sententiam tenebat dicens: Monachus, qui in terra possessionem querit, Monachus non est. Atque hoc quidem exemplo, ut pauperem Religiosorum statum commendat, utatur S. Thomas Opusc. XVII. cap. 6. & S. Bonaventura Opusc. XIX. cap. 6; abutuntur verò, qui contra Religiosorum divitias assidue vociferantur, ac calumnias intexunt. An igitur vituperandi qui offerant, quique oblatas possessiones accipiunt Monachi? Satis de hoc argumento à me dictum est in *De Origine, & Jure Decimarum* cap. VI. & VII. Nunc quod attinet, illud animadvertimus, eundem Magnum Gregorium, condita à se Monasteria redditibus ditasse, altero teste Gregorio, scil. Turonico Hist. lib. X. Immo eundem SS. Pontificem Monasterii Castellensis, Cassiodori conditoris munificentia ditati, non solum probasse opulentiam, sed possessionem, quam Monachi Episcopo Scillitano ad edificandam Ecclesiam donaverant, eidem restituendam jussisse scimus ex epist. XXXIV. lib. VIII.

(2) Gisulfum hunc ex Romualdo Duce Regis Grimoaldi filio, tertio gradu prognatum, seu pronepotem fuisse constat, ex Romualdo II. Gisulfi I. filio natum: Is puer Patri superfluit, à seditionis ad necem quaesitus, sed à Beneventano Populo, qui suis ductoribus semper fidelis extitit servatus, ab avungulo Rege Liutprando, qui ad compescendas turbas Beneventum advolaverit, in suam tutelam, educationemque susceptus, Ticinum deductus est: unde demum regendo paterno Ducatu (cui interea administrando Audolam, Gregorium, Godescalcum Liutprandus iussu erat) tam ætate maturus, quàm moribus, ac Conibergæ nobilissimæ femina matrimonio junctus anno 732. ejusdem administratio-

nem feliciter auspicatus fuit. Hæc latius Paullus Diac. enarrat lib. VI. c. LV. & LVII. Retulisse autem huc placuit; ut Regis Liutprandi in Beneventanum Ducatum, atque in ipsam quoque Christianam Religionem, quæ hac in re cluxerunt, promerita paullisper observemus. Plenum Religionis, ceterarumque Christianorum Virtutum Liutprandi animum, plura sunt, quæ memoriæ tradant, aut etiam oculis offendant monumenta; quis verò præcipuo loco non accensebit summum illud ejus Regis studium, ne Romualdi morte, Gisulfi pueritiâ, aliquid detrimenti caperet Beneventanus Ducatus? Non tantum verò Reip. quàm Religionis sollicitudo fuisse videtur: Profligata enim eorum factione, qui Ducatum invadere, tyrannidemque exercere moliebantur, legitimi Ducis, Ducatusque incolumitati prospiciens, alteri Viros, qui probè, strenuèque administrare scirent, præcarios, seu temporarios Duces præfecit; alterum in Regia Aula enutriendum curavit, atque (ut inquit Paullus) paternam pietate eruditum, talem Virum Principem efformare studuit, qui Christianæ Italici Imperio dignus esset. Sanctissimam Liutprandi operam haud sefellit Gisulfus: qui illud etiam exemplo suo posteros quoscunque generatim docet, nullam Reip. salubriorem operam præstari posse, quam juventutis educationem: excolendos docuit, atque ad omnem recti bonique disciplinam puerorum animos sedulo informandos; rarèque illud fieri, ut ex his veluti feminibus opportunè jactis, optata virtutum non prodeant germina, immò uberes sæpè fructus ætate sua referantur.

(3) Chron. Casi. lib. I. cap. V.

(4) In Commentar. ad Chron. Casi. l. I. num. 7. Vide etiam seq. num. 8. atque huic aditum prolixum *Enchiridion Historiarum De Casinensi Ditione Temporalis*.

felicem profecto reputandam Calfnatis Coenobii prædationem, vastationemque, à Longobardis olim patratam, quam scilicet Longobardi ipsi tot tantisque amplissimis beneficiis compensare debuissent. Hanc satis veram, manifestamque Gentis suæ laudem reticere noluit Paulus Diaconus, qui in suo Carmine de S. Benedicto, quod Historiæ lib. I. cap. XXVI. innexuit, ita cecinit:

*Omnia septa Gregis, præsitum est, tradita Genti:
Gens eadem reparat omnia septa Gregis.*

Idem enim Coenobium postea reparasse Longobardi dicuntur, qui illud everfuri à S. Benedicto prænuñtiantur. Sed præstat hoc loco Cl. Ughelli sententiam referre, qui tom. VIII. pag. 89. edit. Rom. post descriptum Imp. Ottonis Diploma „quid admiror, inquit, in Regibus, Imperatoribusque, dignitate, & dominatione potentissimis; cum soli Beneventani Principes omnium in largiendo Ecclesiis exæquarint tum Regum, tum Imperatorum munificentiam? ... Quid si huic calculo adjicerentur ea, quæ in singulis ferè paginis sui Chronici refert Leo Ostiensis, de opulentissimis, ac frequentissimis Beneventanorum Procerum, & Civium oblationibus, in Monasterio Calfnensi factis, ut omittam alia, quæ ab unica Civitate Beneventana veluti ex unico Pietatis Religionisque alveario Monasterio S. Vincentii ad fluentem Vulturii collata sunt? Certè unusquisque in meam, ac Leonis Ostiensis sententiam deveniat, centupla scilicet retributione à Principibus, Proceribusque Beneventanis devastationem Calfnatis Monasterii compensatam extitisse. Præclara hæc quidem: sed ampliora, quæ Ducis Gisulfi religionem ac pietatem luculentius commendent, adhuc restant: non enim id diutius tulit, ut jamdudum instaurato, ac mox ad omnem rerum felicitatem evecto Calfnensi Virorum Monasterio, quæ Mulierum olim sub eadem Benedicti Regula vigere coeperant, Monasteria negligerentur.

Virorum agmen (inquit Vir summus Mabillonius (1)) duxit Benedictus, Virginum Scholastica choris prævit, Dux, & Magistra in Schola Fratris sui edocta. V. C. Bollandus in Commentario ad S. Scholasticæ Vitam, duplex excitavit dubium: unum, an Religiosa claustralis fuerit, monasticis addicta regulis, an *Devota*, modesto quidem, sed communi amictu, communique instituto religiosam vitam ducens: alterum, an juxta Calfnum habitavit: quorum istud negat, illud pia tantum ductus persuasione se credere profitetur. Quid verò Mabillonius? utramque rem contrariâ Bollandus sententiâ, constanter affirmat, explicatque S. Gregorii verbis, aliisque adductis monumentis, rationibusque manifestam efficit: & fanè, quod ad claustralem vitam attinet, non solum Gregorius Scholasticam Sanctimonialem, atque in *Cella* degentem scribit, quo utroque vocabulo rem ipsam ostendere satis habuit Mabillonius; verumetiam illud nobis alibi Gregorius narrat, non longè à Monasterio vicum fuisse, ubi quadam Sanctimoniales Foemina inerant, & crebrò illuc pro exhortandis animabus Fratræ suos mittere Benedictum curasse (2). An verò cum hisce Sanctimonialibus claustralem vitam Scholastica duxerit, vel in aliò juxta Calfnum Monasterio degeret, non satis liquet. Illud certum nosse fat fuerit, idoneo utriusque rei teste Gregorio, fuisse propè Calfnum Scholasticæ Cellam; fuisse in propinquo Vico Sanctimoniales, quibus instruendis Monachos suos Benedictus ablegare consuebat. An verò sine exemplo res fuerit? Immo fuisse alibi per eam ætatem Sanctimonialium Claustra indubia omnino monumenta testantur (3).

Enituit igitur hac quoque in re Gisulfi pietas, ac munificentia. Quum enim laudato sæ-

(1) In Præfat. ad Sæculum I. Benedict. §. 3. pag. 18. edit. Venet. 1740.

(2) Dial. lib. I. cap. XIX. qui locus Mabillonium alia plura ex Gregorio afferentem fugit.

(3) Celebratum pluribus extat Capuanum Sepulchrale Marmor an. 1689. in lucem erutum, Justine Abbatisæ positum, à Muratorio, Mazzochio, aliisque vulgatum in hæc verba. *Hic requiescit in somno Pacis: Justina Abbatissa Fundatrix: Sancti Loci hujus: Quæ vivit Plus Minus Annos LXXXV. Deposita sub Die Calendar. Novembrium. Inp. D. N. Justino PP. August. Anno III. P. C. Eiusdem Indictione I. I.* Habemus igitur Justinam Abbatissam hujus Sancti Loci (cujuspiam scilicet Monasterii) fundatricem, anno ætatis 85. Eræ autem vulgaris 566. fundatum; quam propterea S. Benedicto vel æqualem, vel supparem in Urbe Capua, Calfno non omnino re-

mota, Monasterium ad illorum instar, quæ juxta Calfnum essent, sub eadem Regula condidisse, ac gubernasse, satis certum videtur. Sed & in aliis regionibus Claustrali Sanctimonialium obtinuisse institutum, & anterior ætas, quæ SS. Augustinus, & Hieronymus floruerunt, & paulò Benedictini Ordinis origini posterior ostendit. Celebratum Monasterium à S. Gregorio habemus Dial. lib. IV. cap. 13. Romæ apud S. Petrum, nobilissimæ Viduæ, ac Sanctimonialis Gallæ sanctitatem illustratum; ex quo Gregorio discimus etiam vetustissimum fuisse morem, etiamnum servatum, Sanctimoniales, proventæ præsertim ætatis, *Matres* appellandi. Ad hæc Gregorius lib. X. epist. 43. petenti Venantio Episcopo Lunensi Ancillam Dei misisse se scribit, quæ in Monasterio, quod in ea Civitate situm erat, Abbatissa regere posset officium.

to sæpius Abbati Petronaci Casinatis Monasterii instauratori locus ille Alifani Terrorii in *Cingla* appellatus (ubi Beneventanus Sculdais Saracenus Ecclesiam construxerat, bonisque suis omnibus ditaverat) Sanctimonialium condendo Monasterio satis opportunus videretur; mox Gisulfus non modo Petronacis consilium probavit, verum etiam quicquid celeriter perficiendo, perpetuèque stabiliendo Operi necessarium, ac dignum videbatur, uberrimè præstitit. Constructo namque Monasterio plures cum earum prædiis Ecclesias subiecit; amplissimas & ipse possessiones attribuit; & quod maximè religionis argumento, præcipuèque laudis loco esse debet, Ganfanam, Pancritudam, & Gasibergam probatæ Sanctitatis Sanctimoniales, quarum altera alteri obienti succederet, eidem regendo Monasterio præficiendis voluit, ut illarum exemplis institutisque fervidiùs provecta loci religio non solum Dei honorem augeret, verum etiam in Reip. felicitatem redundaret (1).

Atque hoc omnium primum post Casinatis instauracionem, Puellarum Monasterium Longobardorum pietate, ac munificentia institutum reperio. Res tamen non sine exemplo erat, quod quidem satis luculentum ante annos circiter LXXX. præstiterat piissima Ducis Romualdi Coniux Theodorada: Superiore capite de insigni sub S. Petri titulo, Ancillarum Dei Monasterio à Theodorada ad Beneventi mœnia ædificato jam egimus: Illo autem adhuc flore, excitatum *Cinglense* fuit; cui mox Beneventanum alterum successit celeberrimo S. Sophiæ Templo adiectum, de quo paulò inferius cum eodem Templo agemus. Interim non abs re factum arbitror, ut de illo etiam Monasterio verba faciam, cui S. Mariæ in *Plumbariola* vocabulum fuit. Non illud quidem Beneventanos Longobardos agnoscat auctores, adhuc tamen Longobardorum pietati originem suam debet; ad Beneventanos etiam, in quorum territorio constructum fuit, nonnihil pertinet. Thasia igitur Regis Ratchisii Uxor, ac Ratrudes Filia, Viri, Genitorisque exemplum sequentæ Monasterium condiderunt. Ratchisius suscepto abdicandi terreni Regni consilio, quò cœleste sibi tutius compararet, Regia Coniuge, ac Filia, quibus idem propositum persuaserat, secum assumptis, Romam adiens, & à Pontifice Zaccharia in Clericum attonsus, monasticoque habitu indutus, stupente Romæ ad inopinatam bellicosissimi juvenitque Regis conversionem, in Montem Casinum secessit, seque monasticæ discipline tironem Petronaci Abbati instituendum tradidit, atque inter alios Religiosos communem vivendi rationem suscepit. Thasia vero, ac Ratrudes, eodem concedente, atque opitulante Petronace, Monasterium Puellarum in dicto loco *Plumbariola*, non longe à Casino, ubi S. Scholastica olim habitasse ferebatur, propriis sumptibus construentes, reliquos ibi vitæ annos religiosissimè transegerunt (2).

Sed

(1) Rem ex Olfienſe audire non pigeat, qui lib. 1. cap. 6. Ecclesiam Cinglensem à Beneventano Sculdai ædificatam, bonisque omnibus locupletatam refert; ac mox: Qui locus cum oculis Ven. Petronacis valdè utilis visus fuisset, cum consensu, ac maximo adiutorio ejusdem gloriosi Ducis Gisulfi, & Scauniberge Uxoris ejus construxit ibidem Monasterium Puellarum Dei, ad honorem S. Dei Genetricis, & semper Virg. Mariæ, concessa insuper ibi à predicto Duce Ecclesia S. Crucis cum omnibus territoriis, & pertinentiis ejus... necnon & aliis Ecclesiis, & Curtis non paucis in circuitu... Quod videlicet S. Dei Genetricis Monasterium, annuente præfato Abbate, idem Dux Gisulfus tunc confirmavit tribus Ancillis Dei, idest Gausanæ, Pancritudæ, & Gasiberge, quæ postpositis parentibus, & universis opibus suis peregrinari pro Deo in partibus istis elegerant: eo utique tenore, ut quandò quolibet earum advoheret, loci illius regimen teneret; post illarum verò excessum sit potestas, ut ordinatio ejusdem loci ad Casinensis Monasterii ditionem rediret. In membranaceo scripto Codice apud Moniales S. Mariæ Urbis Capuæ has Abbatissas hoc ordine, hisque nominibus recenseri, Gausam, Acelrudam, Pancritudam, observat Nucæus ad hunc Olfienſis locum num. 8. Ex domo Longobardæ suo se nomine producit, quæ Sanctimonialium vitam ducentes ex Transiberina fortasse Italia in nostras oras peregrinationis causâ advenientes, ibidem Sanctitatis merito satis probatæ, Gisulfo Duci innotescere debue-

runt, qui opportunam ipsarum operam recenti Cinglensi Monasterio instituendo delegit. Post illarum obitum ejusdem Monasterii potestatem, & ordinationem ad Casinates rediisse satis probat Privilegium Caroli Magni illis anno 787. concessum, in quo eis subiecta, Monasteria recensentur, S. Mariæ in Cingla, S. Mariæ Plumbariola, & S. Sophiæ intra Beneventum. Vid. Mabillonium Annal. lib. xxxi. num. 40. & lib. xxv. n. 61.

(2) Eodem Plumbariola loco Scolasticæ Cellam fuisset, eaque de causa Monasterium ibidem à Thasia excitatum censet Nucæus ad Olfienſis lib. 1. cap. 8. num. 5. assentiturque Mabillonius in Museo Ital. tom. 1. part. 11. pag. 36. & in Annal. lib. v. nu. 3. Interim Olfienſem audiamus: Uxor verò (Regis Ratchisii) nomine Thasia, & filia Ratruda, concedente, & adjuvante eodem Abbate (Petronace) Monasterium Puellarum non longe à Casino, in loco, qui Plumbariola vocatur, propriis sumptibus extruxerunt, multisque ditatum opibus, ibi sub magna cautela, & distributione regulari vitam agentes, ultimum diem clausuræ. Eodem quoque elogio Ratchisium ornat Olfienſis, post Religiosam satis, ac Deo placitam conversationem in Monasterio Casinensi defunctum. Nichil de Ratchisio Rege ex Paulo scimus: qui non ultra Liutprandum Historiam produxit. Olfienſis verò Ratchisii obitum nobis narrasse contentus, non sui esse instituti putavit, ea memoriæ prodere, quæ Ratchisius ex Rege Monachus, iterum ex Monacho Rex patrafæ traditur. Astolfo enim Fratre sine prole defuncto, mox c

Sed ad nostros Beneventanos redeamus, qui nos in Casino haecenus versatos, pa-
rumper adhuc non invitos detinebunt, ut quod restat insigne Religionis facinus ibi-
dem spectemus. De Gisulfo satis dictum est: De Scauniberga, seu (ut Paullus vocat) Co-
niperga illius Coniuge illud obiter ex solo loquente Ostiense auditum fuit, (not. 1. pag. 93),
par nempe eidem pro Monasterii Cinglensis ædificatione fuisse studium, collatam etiam
opem. Illud nunc solius Scaunibergæ illustre opus celebrandum erit; sublata nempe, quæ
adhuc Casini Religionem maculare videbantur, Idolatriæ monumenta. Templum vige-
bat adhuc insanā veterum Ethnicorum religione consecratum: Desertum illud opinari procli-
ve est quoad S. Benedictus vixerit, cuius operā factum scimus, ut quæ Casini olim essent,
omnes Idolatriæ reliquiæ subverterentur, incolæque ipsi ad Christianam Fidem converte-
rentur: at post ejus obitum, vel potius post Monasterii vastationem, Monachorumque
discessum, nihil facilius, quàm ut in rudi populo avitæ Superstitiones rursus pullulacerent,
promptam fortasse occasionem, aut certè offendiculum eodem Templo præbente, quod
etiam tum incolæ ad posteros evasisset. Rem itaque, aliis haecenus neglectam, ani-
madvertens, indignèque ferens Scauniberga, illicò æternæ oblivioni dandam curavit, il-
lud simul pro sua eximia pietate agens, ut illatæ haecenus Casino injuriæ sera emenda-
tio in majus Christianæ Fidei decus, amplioremque Casinatis Monasterii Religionem con-
verteretur: Templum Idolorum (ita de Scauniberga Ostiensis), quod antiquitus in Casino Ca-
stro constructum fuerat, in B. Petri Apostoli honorem convertens, Yconas ibi, & cetera Eccle-
sia officiis congrua ministeria in posterorum memoriam devotissima contulit (1).

Quid verò causa fuerit, ut tam ferè sacrilega illa Aedes, vetustis Superstitionem labe
expurgata, Christiano tandem ritu in veræ Religionis usum dedicaretur, facile conjecta-
re erit. Ac primùm illud observandum, satis S. Benedicto fuisse, ut Apollinis Idolum con-
tereret, Aram everteret, Lucos succideret. Templum vero demoliri, neque tum necessa-
rium, neque fas sibi duxit: Vetabat Constantini Lex, qui licet omnem Superstitionem pe-
nitens eruendam sanciverit, Aedes tamen Templorum, quæ extra muros essent posita, intactas
incorruptasque subsistere iussit (2). Quumque Impp. Arcadius, & Honorius, siqua in agris
Templa essent sine turba, ac tumultu dirui mandassent (3); mox ab ea sententia recesserunt,
latâ eodem anno novâ Lege, qua, ne prioris prætextu Aedes everterentur, inter-
dixerunt, contenti, ut depositis Idolis, in eos legibus vindicaretur, qui in iisdem Aedi-
bus cultum vanæ Religionis impenderent (4). Atque hæc quidem de ea re fuere Principum
Constitutiones. Quid tandem Ecclesia? Qui Anglorum Regi Edilbertho Fanorum ædificia
everrenda mandaverat (5), idem ipse Anglorum Apostolus Gregorius M., mutatâ senten-
tiâ, servanda illa, atque in Christianæ Religionis usum ritè transferenda decrevit: Dicit
ei (hæc ut Augustino mandata perferat, Mellito Abbati scribit) quid diu tecum de
causa Anglorum cogitans tractavi, videlicet quia Fana Idolorum destrui in eadem Gente mini-
mè debeant, sed ipsa, quæ in eis sunt, Idola destruantur. Aqua benedicta fiat; in iisdem Fa-
nis aspergatur; Altaria construantur; Reliquia ponantur; Quia si Fana eadem benè constructa
sunt, necesse est, ut à cultu Demonum in obsequium veri Dei debeant commutari; ut dum
Gens ipsa eadem Fana non videt destrui, de corde errorem deponat, & Deum verum cogno-
scens,

Monasterio in Aulam evolavit: Sed paullo post Ponti-
ficis Stephani II. suasu, cuius operâ Desiderius ad Longobardorum Regnum eversus fuerat, iterum in clau-
stra Casinensia se recepit, ibique susceptam repetens
monasticam vitam, tandem obiit. Audi Anonymum
Brixianum in Chronico apud Muratorium Script. Ital.
tom. IV. pag. 944. *Astilphus Rex obiit; gubernavitque
Palatium Ticinense Ratchis gloriosus germanus ejus, du-
dum Rex, tunc autem Christi Famulus à Decembrio usque
ad Martium: in mense verò Martio suscepit Regnum Longobardorum Vir gloriosissimus Desiderius Rex Anno Incar-
nationis Domini DCCLVII. Chronographus ille Ratchi-
sum rursus Palatio Ticinensi, idest Regni administra-
tione positum, Christi Famulum appellat, qualem atiam
in suo Diplomate mensis Februarii ejusdem anni DLVII.
Ratchisus ipse Rex sese inscribit apud eundem Murato-
rium Antiq. Ital. to. III. p. 1008; quid igitur Murato-
rius eodem loco, ac rursus in Annal. Ital. tom. IV. in
Ratchisum invehitur, tanquam Monasticæ Profes-*

sionis pertæsum, ad Regnum, & Sæculum ambitiosè
regressum? Non Regem, sed Principem se gerere, ad-
huc etiam Christi Famulum se profitebatur Ratchisus
(ut ex laudato Diplomate liquet) qui etiam non viri-
bus fractus, neque fæctione sua destitutus, sed Ponti-
fici suadenti morem gerens, quod salvam Remp. vide-
ret, eodem libenti animo, quo primùm ex Rege Mo-
nachum induit, iterum ex Palatio Ticinensi Casinum
repetiit; ita ut vera illa sint, quæ Ostiensis de Ratchi-
sio nobis tradidit, cum scilicet post Religiosam satis,
ac Deo placitum conversationem ex hac vita migrasse.

(1) Chron. lib. I. cap. V. in fin.

(2) Lege XII. Cod. Theodos. De Pagan. Sacrific. &
Templ. Data Constantio IV. & Constante III. AA. Cof.
idest anno CCCXVI.

(3) Lege XVI. ejusd. Cod. & Tit. Data Theodoro V. G.
Cof. idest anno CCCIC.

(4) Ibidem Lege XVII. Data cod. Cof. Theodoro.

(5) Lib. XI. epist. 66. al. 60.

seors. ac adorant, ad loca, quæ consuevit, familiaribus concurrat (1). At quæ vera, atque optima Gregorii ratio, ac providentia tunc fuit, cui etiam S. Augustinus præverat (2), haud omnino in sequuta ætatis morem recepta videtur. Exhorrebant Piorum animi, in iis *Adibus*, quas impurissimis Sacrificiis, sacrilegisque ritibus Ethnicorum Superstitio fœdaverat, Sanctissima Christianæ Religionis mysteria celebrari: quod de ipsis etiam Hæreticorum Basilicis statutum à Concilio Epaonenſe fuit (3). Atque hanc veri satis similem fuisse causam plerique observarunt, cur Romanum Pantheon adeo serâ ætate, post Sæculi videlicet VII. initia à Bonifacii PP. IV. ab antiquæ fœdibus Idololatriæ expiatum, veri Dei cultui fuerit consecratum (4).

Ex his itaque intelligimus, cur octavo progrediente Sæculo Templum Idolorum adhuc in Casino Castro erectum haberetur: Destruendum vetabant tum Sæculares, tum Ecclesiasticæ Leges: Quod minus in Christianorum usum converteretur, inconsulta quadam pietas fortassis in causâ erat, quæ alienis exemplis imbuta, indignum Christianis Mysteriis, ac veluti inexpressibilem locum reputabat, ubi Dæmonum cultus aliquando obtinisset. At non hæc ferventi devotissima Scaunibergæ pietati obstaculo fuere, quin profanum Templum expiari tandem juberet: illud etiam egit, ut *Ædes Christianorum* esset, ac præterea in Principis Apostolorum honorem dicata; attributisque congruis, atque ad posterorum memoriam perpetuis divinarum officiorum ministeriis perennem veri Dei cultum ibidem constabilivit (5). Cur vero in S. Petri honorem eam *Ædem* dicari libuisset, non id privato Gloriosissima Mulieris consilio, obsequioque gestum; sed ex communi illo, satique præcipuo Longobardicæ *Ætatis*, Gentisque erga Apostolorum Principem studio profectum sequenti mox capite opportunius ostendemus.

Augustiora nunc Longobardicæ Religionis, quæ hoc Caput spectant, Monumenta lustrabimus: Ad Arichim enim ventum est, cujus virtute magis, quàm ambitione factum fuit, ut quæ prostrata, atque excisa à Carolo Magno Longobardici Regni Majestas putabatur, in Beneventanum Urbem, Ducatumque, novam veluti Imperii sui Arcem, sese collegisse, ibique sua iterum jura explicare videretur. De Arichis rebus egregie gestis alio loco agendum erit; nunc quod attinet, illud de Summo Viro tutò pronuntiabimus, assumpto sibi cum Regis Insignibus Principis titulo, amplificatisque potestatis iuribus, paria ipsi Religionis quoque suæ fecisse incrementa. Præclarum ejus rei argumentum, specimenque præstabit insigne S. Sophiæ Templum, quod *is Beneventi* construendum curavit.

Bina S. Sophiæ Tempia, seu Ecclesias Beneventi olim fuisse, animadvertendum primo loco erit, ne in Cl. P. Augustini Lubinii incuriosam sententiam incidamus (6). Errorem is in Veteri Chronico S. Sophiæ in Bibliotheca Vaticana servato, atque ab Ughello publici juris factò deprehendisse se ait, quod *passim, & perperam Ecclesiam S. Sophiæ Virginis* appellet, quam non ad eandem Divam Sophiam pertinere constat. Sed falsum Virum doctum Chronicon ipsum ostendit, ubi nihil è Chronographi ingenio, manuque de ea Ecclesia, sed res tota ex antiquis Diplomatum constat, quorum fidem nemo, nisi injuriâ, in dubium revocaverit, vel erroris redarguerit: Quum igitur id sibi semel Lubinius persuasisset, in deteriorem lapsus ipse est errorem, dum ex duabus unam S. Sophiæ Ecclesiam statuens, ab Arichi fundatam, in loco *Ponticello non longè à muris Beneventanis* sitam, atque à Zaccharia Abbate S. Benedicti constructam simul affirmat. Nihil hac re, sive temporum, sive locorum, sive personarum diversitatem spectes, absurdus dici potuit. Constat enim multo antè Arichis tem-

(1) Eod. lib. epist. LXXVI.

(2) Non id modo licere, sed jam sua ætate usuenisse satis indicat S. Augustinus, cujus in epist. 77. ad Publicolum hæc sunt verba: *Quum Tempia, Idola, Luci ... in veri Dei honorem convertuntur, hoc de illis fit, quod de hominibus, quum ex sacrilegis, & impiis, in veram Religionem mutantur.*

(3) Anni DXXVI. in cujus Canone XXXIX. hæc leguntur: *Basilicas Hæreticorum, quas tanta execratione habemus excusas, ut pollutionem earum purgabiles non putemus. sanctis usus applicare despicimus. Contrariam Disciplinam servavit idem Gregorius Magnus uti constat ex Dial. lib. III. cap. XXX. ubi Arianorum olim Ecclesiam Romæ in regione Suburræ ritu Catholico à se dedicatam refert: immò nihil sibi jucundius contingere ait lib. III. epist. XIX. quàm hujusmodi Dedications per-*

agere: Cor nostrum (inquit) pia divinitatis inspiratione compungitur, loca quondam execrandis erroribus deputata in Catholicæ Religionis reverentiam dedicare.

(4) Vid. Labbeum in Collect. Concil. to. VI. pag. 1354. edit. Venet.

(5) Ad hunc Ostiensis locum Abbas Nucæus ab Abbate Joanne traditum observat num. 16., Scaunibergam tria in hoc Templo statuisse Altaria, B. Mariæ Virginis, S. Michaelis, & S. Petri: sed præcipuum fortasse S. Petro dicatum, unde in hujus honorem Templum conversum Ostiensis duntaxat meminit. Manent adhuc (eodem Nucæo teste) Templi hujus vestigia ad Orientem Casini veteris, cui propterea factum nomen *Casiri S. Petri*, ita etiamnum appellatum.

(6) Notitiæ Abbatiar. Ital. pag. 45. edit. Rom. 1693.

tempora; ac sub ipsa quidem Sæculi VIII. initia, hunc Zacchariam Abbatem in sui Monasterii (cui S. Benedicti titulus) fundo suburbano Ecclesiam ædificasse, quam in S. Sophiæ Virginis honorem dicavit (1). Certa, atque explorata res fit ex tribus Diplomatis Romualdi I.; ac binis Gisulfi II. in eodem Chronico relatis, in quibus disertissime exprimitur *Ecclesia Beata, Sanctissimæque Virginis Sophiæ, quam Zaccharias Venerabilis Abbas à fundamentis ædificavit in loco, qui nominatur ad Ponticellum, qui fuit de quodam Wandolfo &c.* (2). Quid igitur Arichis cum Zaccharia? Quid extramurana ad Ponticellum S. Sophiæ Virginis Ecclesia cum illa, quæ ejusdem quidem nominis, sed diversæ significationis intra Urbem ædificata longo post tempore fuit? Dum vero de priori Ecclesia præclarum, locupletissimumque testimonium prædicta Diplomata ferunt, quid vetat, Zacchariam Abbatem peculiarem eum cultum S. Sophiæ Virgini exhibere voluisse, ut in ejus honorem Ecclesiam in Monasterii fundo excitaret? Extare Virginem, eandemque Martyrem nomine Sophiam, ex Romano Martyrologio manifestum habemus (3); itaut nulla superasse queat dubitatio, quin Ecclesia aliquando Beneventi extiterit S. Sophiæ Virgini sacra, tum temporis, tum loci, tum conditoris differentiâ ab altera planè diversa, quæ tempore licet posterior, insignior tamen, celebriorque ita evasit, ut prioris extremurane nomen, atque cultum paulatim oblivioni dedisse videatur: quandoquidem neque apud inferioris ævi Scriptores ejus mentionem, neque nobis in suburbano Ponticelli, vestigia, aut rudera invenire est. Extat quidem in secundo Concilio Provinciali anni MLXII. ab Ulderico Archiepiscopo Beneventano celebrato, mentio *Amici, Abbatis Monasterii Sanctissimæ Virginis Sophiæ*; At manifestus error in ea nuncupatione habetur; etsi enim ad illud ævi extramurana illa Ecclesia ab Abbate Zaccharia olim ædificata, adhuc substitisset, non ipsa tamen vel olim, vel unquam Abbatiae titulo, ac prærogativâ prædita fuit: manifestus etiam is error ex hoc ampliùs fit, quod in primo Concilio præcedentis anni ab eod. Uldarico celebrato idem *Amicus* recurrit Abbas *Monasterii S. Sophiæ*, à qua *Sanctissimæ Virginis* nuncupatio omnino abest; uti videre est in Synodico Provinciali Beneventano p. 15. & 17 edit. an. 1695. itaut ad Amanuensum, qui Acta Concilii collegerint, vel descriplerint, incitiam referendus sit posterioris nuncupationis error. Ingens itaque utriusque nuncupationis, sive vocabuli S. Sophiæ fuit, eritque discrimen, diversaque Ecclesia; ac de priore quidem importuna fuit Lubinii observatio, ineptissima Concilii Beneventani nuncupatio, nullaque deinceps nobis erit loquendi occasio: Sed alacres ad alteram progrediemur, quæ adhuc superstes amplissimam differendi materiam præstabit.

Hanc igitur altetam S. Sophiæ Ecclesiam paucis ante Arichim annis Dux Gisulfus II. intra Beneventanam Urbem ædificare coeperat: Opus illius morte intermissum, neque à successore Duce Liutprando profectum, Arichis tandem Liutprandi successor periecit. Gisulfum Arichis *Parentem* appellavit Cl. Gattula, de S. Sophia agens T. I. pag. 90; quod omnino falsum; nihil enim ad Gisulfi genus Arichis pertinet, qui etiam non Gisulfo, sed Liutprando successit. At non ipse certe falsus Arichis, qui Templum ipsum à Gisulfo olim inchoatum, sese non absolvissè, sed potius à *fundamentis* exsistè in suis testatur Diplomatis: non tam enim perficiendum suscepit, quàm in augustiorem formam excitandum maluit, atque ad eam denique extulit molem, ac dignitatem, ut nihil eo magnificentius, nihil opulentius, nihil denique religiosius fieri posse videretur. Nomine S. Sophiæ decoratum voluit, scilicet Sanctæ Sapientiæ, quod Filii Dei, Verbi, Sapientiæque Æternæ nomen est, consecravit. Nihil hac re exploratius, quam suppetes Scriptores Erchempertus, atque Ostiensis præclare testantur (4): Sed non alius magis idoneus, quàm ipse Arichis, testis erit, qui in

(1) Nulla hodie ejus Ecclesiæ vestigia: Locus vero eandem Ponticelli appellationem retinet ex parvo, sed Remani operis Ponte non longè à Porta Aurca, Trajanam Viam super rivum colligante, qui in Calorem influit.

(2) Ital. sacr. edit. veteris t. VIII. à col. 607. usq; ad 612.

(3) Ad diem 30. Aprilis, ubi hæc notat Baronius. De qua (S. Sophia Virgine, & Martyre) etiam Tabula Firmantæ Ecclesiæ, ubi & Sacra ejusdem Pignora condita debito honore coluntur. Ferrarius etiam in Catal. SS. Ital. hanc sanctam Virginem Sophiam Ravenna, & aliibi in veneratione esse testatur. Fuit etiam altera, S. Sophia Martyr, de qua idem Martyrologium ad diem 30. Septembris, Mater Sanctarum Fidei, Spei, & Charitatis, quarum Reliquias à Romano Pontifice

acceptas Rinudius Episcopus Argentoratensis in Monasterio Benedictinorum Alchazienti ab se condito reposuit, ubi Raduna Religiosa Dei, & Addala Abbatissa portiones suas in honorem S. Sophiæ tradiderunt, uti à Mabillonio observatum est *Annal. Bened. lib. XXIV. ad ann. 778. num. 82.* Habemus in Codice MS. Sacculi XI. nostræ Bibliothecæ sign. 6. 2. A8a SS. tom. 1. hujus S. Sophiæ Filiarumque Acta à pag. 237. : nec minus, an his similia sint, quæ à Clarissimis Bollandistis prope diem expectamus.

(4) Erchempertus hæc sunt Chron. num. 3. de Arichi Beneventano Principe: *Intra Beneventi moenia Templum Domino opulentissimum, ac decentissimum condidit, quod Græca vocabulo Ἀγία Σοφία, idest Sanctam Sapientiam*

in Diplomate suo, quo eam Ecclesiam amplissimis possessionibus, privilegiisque locupletavit, *consecravi* (inquit) *Aulam tuam Sancta Sapientia, qui es vera Domini Sapientia Christe* (1). Denique rem ipsam non solum loquitur, sed oculis etiamnum spectandam exhibet vetustum Anaglyphum marmoreum, supra Januam ejusdem Ecclesiae appositum, de quo paullo inferius agemus.

Exemplum, Ecclesias, sive Tempa in S. Sophiæ, idest Divinæ Sapientiæ titulum, honoremque ædificandi, & consecrandi jam prior in Urbe Regia Constantinopoli præstiterat Imp. Justinianus; qui in eo opere ejusmodi magnificentiam adhibendam voluit, quæ & ejusdem Sapientiæ majestate, & conditoris excellentiâ digna esset (2). Haud dubito, quin illud præclarissimum Sapientiæ donum flagitanti Salomoni adeo largiter à Deo tributum, atque imperantibus Dei munere Principibus, ut intelligant, ac iusta decernant, adeo necessarium, in Justiniani mentem venerit, ut opus illud moliretur, quo magis supremi Numinis favorem sibi conciliaret: Si instaurandi, seu condendi iterum Juris sollicitudinem excipias; qua etiam in re temperantior optassemus, an alia Principis verè Sapientis monumenta reliquerit, alii judicent. Eum certè, si id pie intenderit, sive aliud quidpiam humanè cogitaverit, alii Principes æmulari postea coeperunt. In Hortis Gallicani Monasterii S. Medardi persant etiamnunc (Mabillonio teste) antiqua vestigia Basilicæ S. Sophiæ, quam ex emulatione Justiniani Imperatoris præci Francorum Reges Chlotarius, & Sigebertus condiderunt; supersunt etiam ejusdem Basilicæ Canonici duodecim, qui ad Divina officia singulis Dominicis cum Monachis conveniunt (3). Eadem procul dubio æmulatione ductus Arichis consimilem quoque Templum excitasse dicendus est; cui quidem Templo, pro sua, qua certè fervebat Christiana Pietate, proque sua pariter, qua eminere tunc coeperat, Principis Majestæte, Magnificentiam, Opulentiam, Religionem maximopere contulit.

A' Religione, ut par est, ordiemur. Hanc extracto Templo non solum exemplo suo conciliare studuit Arichis, qui ibidem nocturnas agere vigilias consuebat (nam Templum Principis Palatio contiguum erat, unde secretus illuc accessus); sed aliis modis quampluribus, quos sua sibi Pietas suadere nosset, augere satagit. Præcipuum illum censere debemus, quod eidem Templo Sanctimonialium simul Cœnobium tunc primum à fundamentis excitatum adjecerit. Eundem in Diplomate suo loquentem, iterum audire Arichim perjucundum erit: *Credo equidem* (inquit) *nec vana spe, divinitus inspiratus, consecravi Aulam tuam Sancta Sophia nomine, qui es vera Domini Sapientia Christe: in qua etiam Xenodochium Puellarum extruens, obruli de tuis donis, atque datis &c.* Nihil ea re religiosius, nihil eo novo opere dignius, nihil denique Divinæ Sapientiæ congruentius, aut acceptius fieri potuit, quàm ut ejus cultui perpetuo famulaturæ, ac domestico veluti obsequio addictæ sacre Virgines ibidem constituerentur; quarum etiam tunc primum Garimberga ejusdem Arichis Soror, fraternam pietatem sequuta, religioso habitu suscepto, regimen auspicata est (4).

Sed nec Religiosi deerant Viri, sacrum in eodem Templo munus subituri. Extabat eodem Urbis loco ante Arichis, quin etiam ante Gisulfi II. tempora Benedictorum Monasterium S. Benedicti nōmine nuncupatum, ut ex ipsius Gisulfi Diplomate constat, quo Zacchariæ

ALTER

N

ejus-

pietatem nominavit. Iisdem omnino verbis rem ipsam ex Erchemperto haust, ac in suum Chronicon transtulit Otiensis lib. I. cap. IX. Uterque vero iisdem verbis usus videtur, quæ Paulus Diaconus scripsit in nar-
rando Justiniani opere lib. I. cap. 25. *Extruxit* (inquit) *quodque idem Princeps* (Justinianus) *intra Urbem Constantinopolim Christo Domino, qui est Sapientia Dei Patris, Templum, quod græco vocabulo ATHANEOPHAN nominavit.* Quare fit, ut non solum de Tituli significatione, quem Arichis Ecclesiæ suæ dedit, satis constet, sed Constantinopolitani Templi magnificentiam ab eo spectatam Erchempertus, & Otiensis indicare voluerint.

(1) Exemplum dicti Diplomatis habes in Chronico S. Sophiæ apud Ughellum tom. VIII. editionis primæ col. 571. Hæc in ejus fine legitur temporis nota: *Adum Beneventi in felicissimo Palatio Anno decimosextimo* (ipsius Arichis) *Mense Novembris Inditione decimatertia.* Hoc est anno DCCLXXIV.

(2) Ejusdem descriptionem latissimè exequitur Pro-

copius de Edific. Justin. lib. I. ex quo discimus fuisse Constantinopoli ante Justinianum antiquum Sophiæ Templum, quod ab impiis concrematum Justinianus multo post ita reparavit, ut excolivit, ut quisquis de priore Templo audierit, monstrata presentī venustate, optare possit illud perisse, ut in presentem faciem mutatum cernat. At de hoc celeberrimo Templo omnino videndus Carolus Du-Gange in Constantinopoli Christiana lib. III. Inter Scriptor. Hist. Bizantinæ tom. XXI. edit. Venet.

(3) Annal. Benedic. tom. I. lib. V. ad an. 546. num. 28.

(4) Petrus Poggianus Hist. Monastic. part. III. cap. De Gariberga; eorum, quæ in laudem ipsius Garibergæ, seu Garimbergæ Arichis Principis Sororis sanctissimæ narrat, Herempertum laudat auctorem idoneum, cujus tamen fusioris Historiæ deperditæ, Epitomen nunc solum habemus: Poggianum etiam de Gariberga loquentem laudat Ant. Caraccioli in Propyleo ad IV. Chronologos Beneventanos.

eiusdem Monasterii Abbati, atque alterius, de qua superius diximus, suburbanae Ecclesiae S. Sophiae Virginis fundatori, nonnulla bona, atque exemptiones concessit (1): Ipsum autem, de quo nunc agimus, S. Sophiae Templum juxta hoc Monasterium ab Arichi constructum fuit eo quidem consilio, ut eidem Templo non solum à Foeminis Deo dicatis, sed à Viris etiam religiosus cultus certatim impenderetur: qua de causa praefatum Virorum Monasterium eidem Templo subiectum voluit, Xenodochiumque pro Peregrinorum susceptione, ibi antiquitus institutum, quò magis praclarissimi Operis religio augetur, exterique, ut ad eum invensum, venerandumque confluerent, allicerentur, novis reductibus communivit: Ecclesiam (sic in laudato Diplomate Princeps piissimus, ac munificentissimus) S. Benedicti, loco, qui vocatur Xenodochium, quod positum est juxta ipsum Monasterium cum omnibus sibi pertinentibus: Hoc & statuimus, ut ipse Praepositus jam dicti S. Sophiae Monasterii ibi sedeat, ibique sit porta ad hospites suscipiendos: Pro quo & addimus, ut Decima omnium frugum ibi annualiter ex Monasterio detur ad stipendium Peregrinorum: & sicuti ab antiquis Rectoribus praedicta S. Benedicti Ecclesia possessa fuit, amodo, & deinceps S. Sophiae Monasterii potestati subiaceat.

Alterum Religionis, quae Arichis operà Templo accessit, eximium caput est, pretiosissimum ille Sacrarum Reliquiarum Thesaurus, quo is locum locupletissimum, & verè religiosissimum efficere studuit. Ac primum Sanctorum Martyrum XII. Fratrum Corpora, diversis in locis per Apuliam, in quibus & decollati fuerant, quiescentia, honorabiliter allata, ad tutelam, & honorem Patriae in singulis Capsis pariter sub uno Altare recondidit (2). Postmodum vero Corpus pretiosum Martyris Mercurii (de quo mox digna, ac vera proferemus); nec non & aliorum tam Martyrum, quam Confessorum numero triginta & unum Sancta Corpora ex diversis Italiae partibus per tempora diversa indeptus, ibidem nihilominus attulit, & per diversa Altaria in circuitu majoris Altaris satis reverenter locavit: dignus planè, qui pro suo erga Sanctorum Reliquias conqui-
rendas, meritaeque venerationi restituendas studio, caelestis illorum praesentiae, tutelaeque & pignus, & honorem acciperet; nam (ut idem Officinis profequitur (3)) oranti noctu in eodem Templo (uti moris ei fuisse diximus) SS. Martyres XII. Fratres affiterunt: quos quum ipse juvenili specie apparentes ignarus increpuisset, quod locum Virginibus sacrum ingredi ausi essent, ita sibi serenà fronte alloquentes audivit: Nos sumus, o Princeps, quos tua de-
votio per diversa loca repertos, summo huc studio detulit, quod nobis quidem quàm bonum, quàm

(1) Extat hoc Diploma in eodem Chron. col. 589. cuius priora verba describere praestat: In nomine Domini Dei Salvatoris nostri Jesu Christi. Dum divina Omnipotentis Dñi Dei nostri gratia desuper inspirante misericordia, nostri piissimi Domini Reges nos in nostro Solio revocare dignati sunt; firmamus, atque concedere providimus nos Dominus Vir gloriosissimus Gisulphus summus Dux Gentis Longobardorum ea quae in primordio Ducatus nostri per nostrum Praeceptum vobis Zaccariae Rñi Abbati firmavimus, secundum qualiter à bona recordatione Domini Romualdi Genitoris nostri vobis ipsum Praeceptum concedere visus est, hoc est Xenodochium, uti Monasterium S. Benedicti Domino auxiliante tenere videtis cum domorum aedificia &c. Ex his quae superius diximus lux affunditur his, quae Gisulphus haec habet de sua revocatione ad suum solium, idest Ducatum Beneventanum, dum post Romualdi genitoris obitum in Regis Liutprandi tutelam, atque educationem in Aula Ticinensi susceptus, ætate jam major paterno Solio fuit restitutus. At quoniam Reges illi plurali numero à Gisulpho memorati? Cum Liutprando intelligebat is Hilprandum illum in Regno successorem, & aliquando consortem, de quo Herchempertus: Hilpran Nepos Liutprandi Regis post ejus obitum Longobardis praefuit, qui jam cum Liutprando oño regnaverat annos.

(2) Acta tum Passionis, tum Translationis horum XII. Fratrum Martyrum ex vetusto MS. Codice ad dictum Monasterium S. Sophiae olim pertinente, divulgavit una cum Actis S. Mercurii V. C. Victorius Giovardi, qui etiam Praefationes, Notasque adiecit. Romæ 1730. Eorundem Praefationum memoria die 1. Septembris in Romano Martyrologio recollitur, ubi Baronius Alphani Archiepiscopi Salernitani Carmen de iisdem SS. Fratribus lucubratum meminit, ab laudato Giovardo editum cum dictis Actis.

(3) Chron. Casin. lib. 1. cap. 1x. Non ingratus lectori fuerit, rem totam ex Epitome Chronicorum Casinensium apud Murator. Script. Ital. tom. 11. part. 1. pag. 367. audire. Huic (Gratiano Abbati Casinensi) praefatus Dux Arichis obtulit Templum opulentissimum, quod Beneventi condidit, & graeco vocabulo Sapientiam Sanctam nominavit, ditatum amplissimè, in quo Sanctorum Martyrum XII. Fratrum Corpora, diversis ex locis allata, honorabiliter in singulis Capsis pariter sub uno Altare recondidit. Postmodum Corpus pretiosum Martyris Mercurii; necnon & aliorum tam Martyrum, quam Confessorum, numero xxxi. Sancta Corpora ex diversis Italiae partibus, per tempora diversa adeptus, ibidem nihilominus attulit, & per diversa Altaria in circuitu majoris Altaris satis reverenter locavit. Ubi dum maximam devotionem (quoniam vicinum loco illi Palatium erat) frequentem consuetudinem in oratione pernoctandi habuit. Feriur, quadam nocte oranti illi Sanctos duodecim Fratres apparuisse, eumque pariter inclinati amicaliter vultibus saluasse; quod dum torvo nimis aspectu respiciens, exteros quolibet esse existimans, quoniam illi essent, qui nocturno tempore Clausura Sancti monialium sic audacter ingredi praesumpserint, inquireret, illi leviter aridentes: Nos, inquit, sumus, Princeps, quos tua devotio, per diversa repertos loca, summo huc studio detulit, ac studiosius delatos recondidit; quod nobis quidem quàm bonum, & quàm jucundum, tibi autem quam sit divina pietate prosequum, ultima dies ostendit. Et his dictis, subito Principis visio, quae videbatur, disparuit. In quo etiam Monasterio contulit Ecclesiam S. Modelli cum multa substantia intra Civitatem. Atque haec quidem Auctor, qui Officinis locum totidem fere verbis in Epitomen suam retulit.

jucundum, tibi autem quàm sit, divina pietate, proficuum, ultima dies ostendet. Quibus dictis ab ejus se oculis absconderunt.

Venio nunc ad Templi opulentiam, paucis tamen verbis rem grandem transacturus, quam satis perspicuè, prolixèque eloquitur laudatum Arichis Diploma: Jamdiù hoc Diploma apud Ughellum pervulgatum habetur, illustre illud quidem, ac propè singulare munificentissimæ, verèque Regiæ liberalitatis, ac pietatis monumentum: quod quicunque percurrerit, non sine admiratione adeò ingentes, amplissimasque opes in unum S. Sophiæ Templum coacervatas spectabit, ut in ipso Principatu Beneventano alterum veluti tum prædiis, latifundiisque, tum juribus, ac ditionibus insignem Principatum institutum ostenderent. At non sibi modum imponi Principis Pietas, ac Munificentia tulit, quam ipsius Principatus, universæ penè Cistiberinæ Italiæ tum dominantis amplitudo, adeò latè effusèque in ejus Templi ditationem, explicandam sinebant.

At de tali, tantoque Opere, tum Religione, tum etiam Opulentia præclarissimo quid posteritati servatum sit, fortasse quæres? Monialium Monasterium omnino evanuit; neque quo tempore, quave de causa defecerit, compertum hactenus mihi fuit. Monachorum Cænobium Benedictini Casinates ad annum usque 1595. obtinuerunt; quo tandem anno Pontifex Clemens VIII. Canonicis Regularibus SS. Salvatoris etiam nunc incolentibus attribuit (1). Abbatia ab Apostolica Sede jamdiù Clericis commendari cœpta, amplissimi Ecclesiastici Ordinis Viros habere solet Abbates *Commendatarios*, quippe quæ annuorum ducatorum ferè septem millium redditu dives, suo Territorio plerisque in locis gaudens, variisque aliis juribus, privilegiisque decorata, quædam veluti magni Corporis umbra, suis etiam præsentibus vestigiis, quanta olim illius moles fuerit, hodieque ostendit.

Restat nunc de Magnificentia, seu Ædificiis dicere, quæ tamen pejore fato nihil ferè nobis, quod nativum splendorem repræsentet, dicendum suppeditant. Templum eodem certè natalis sui loco, sed non eadem quâ primum prodiit, majestate, atque elegantia exurgit. Frequenti Terræmotuum vi labefactatum, ac demum dirutum, accedente quoque hominum incuria, novam accepit, explicatque formam: nam mediocribus contentum spatii in semicircularem quasi formam, quatuor marmoreis ingentibus columnis suffultam, ac tribus Aris super trinos ex eleganti marmore recentis operis Sarcophagos, seu Capsas Sac. Reliquiarum plenas erectis constat: Supra interiorem Januam, qua modo Templum aditur, lateralibus ex peregrino marmore columnis (quarum sola epythilia, basesque supersunt) spoliata, vetustum visitur Anaglyphum marmoreum, in posteriori Templi instauratione satis aptè ibidem adstructum, unicum fortasse, quod vix intueri nobis detur, prisce Operis monumentum; de quo mox plura pro ipsius dignitate loquemur. Janua prædicta Atrio subdiali succedit, satis ample in orbem patenti, ac muris circumsepto, quod majorem veteris Templi fuisse partem ipse loci aspectus demonstrat: nam ex ipso interiore Atrio per secundam januam in alteram publicæ viæ adjacentem aream exitus est, quæ satis ampla veteri Templo præsternebatur: In hac externa area Fons ille est, vetustissimo Romani operis marmoreo Anaglypho, Sabinarum raptum repræsentante insignis; cujus anaglyphi exemplar ære expressum Superioris Thesauri præloquio nostro præfiximus. Ad dexterum ejusdem areæ recentioris quidem operis, sed vetustioris Turris, in cujus locum, usumque substructa fuit, lapideam Inscriptionem adhuc servans; quam summa fide, descriptam, exculptamque heic exhibemus:

✠XPIFVLTVS	SPIRAMINE
GREGORIUS	PYRAMIDM
HANCIVNIOR	LAUDABILEM
NOVO STRVXT	FVNDAMINE
PRINCIPANTE	CVMFILIO
PALDULFO	ILLVSTRISSIMO
TVRRITUMHOC	EDIFICIVM
TNCEPTABBS	INCLITVS

Inscripti Marmoris ad septem plamos altitudini, ad quinque latitudini Literarum magnitudo respondet. Nihil de Arichi monumentum hoc nobis præstat, nihil de sequutis Principibus, nisi temporis notam, quo vetusta Turris altera construi coepit, uti sic legentibus eandem Inscriptionem patebit:

* CHRISTI FVLTVS SPIRAMINE
GREGORIUS PYRAMIDEM
HANC IVNIOR LAUDABILEM
NOVO STRVXIT FVNDAMINE
PRINCIPANTE CVM FILIO
PALDVLFVO ILLVSTRISSIMO
TVRRITVM HOC EDIFICIVM
TVNC CEPIT ABBAS INCLITVS.

Paldulfum, sive Pandulfum heic memoratum, ejus nominis III. Beneventanum Principem agnoscere licet, qui cum Patre Landulfo V. & Avo Pandulfo II. ab anno 1012., cum Patre ab anno 1014. solus ab anno 1033., cum Filio Landulfo VI. ab anno 1038., cum Filio, & Nepote Pandulfo IV. ab anno 1056. ad Martium anni 1058. Principatum administravit (1). Igitur inter annum 1038. & 1056. quo annorum spatio Pandulfus principabatur cum Filio solo, jacta à Gregorio juniore, idest ejus nominis Secundo Abbate S. Sophiæ ejus molis fundamina fuerunt, quam idem (ut videtur) Abbas inclitus ad fastigium perduxit, inscriptumque titulum, seu monumentum apposuit. Cur verò coepta duntaxat Operis, non autem (quod magis fieri assolet) absoluti tempus inscriptum sit, duæ mihi insuetam rem consideranti causæ occurrerunt. Una est,

(1) Videbis Principum Longobardor. Stemma apud Cam. Peregrin. inter Script. Ital. Murat. T. II. P. I. post p. 316.

est, quod ædificium illud tunc temporis perfectum fortasse extiterit, quum extincta cum ipso Principatu Longobadum Principum stirps jam fuisset: ab anno enim 1038. non longa quidem effluxere intervalla ad annum 1059., quo demum anno in dicto Pandulfo IV. Pandulfi III. ex Landulfo VI., Nepote, à Mòrtmannis occiso, Longobardi Principes defecerunt: Potuit itaque ejusmodi Ædificium aut ex ingentium sumptuum difficultate, aut alia quavis de causa nonnisi serò ad sua culmina, ad eaque tempora pervenisse, in quibus coepti duntaxat operis, non verò absoluti, certior epocha adhibenda visa fuit. Alteram veri fortasse similiorem causam ex ipso Pandulfo Principe excipere licebit: Sanè Pandulfum hunc in eodem S. Sophiæ Monasterio anno 1058. monasticum induisse habitum testatur breve Chronicon ejusdem Monasterii, à Muratorio editum (1) ubi ad dictum annum sic legitur. *Factus est Pandolfus Monachus in S. Sophiæ.* Mensē adhuc, & diem posterorum memoriæ commendavit Chronicon alterum à Peregrinio editum, ubi sub num. x. hæc habentur. *Regnavit Dominus Pandolfus an. XLVIII., & factus est Monachus in hoc Monasterio S. Sophiæ Mense Martii in Festivitate S. Benedicti, & vixit Ann. XLIII. (2):* Docet denique Sepulchralis Titulus eidem olim Principi, postea Monacho defuncto in eadem S. Sophiæ Ecclesia erectus, cujus jamdiu perperdit exemplar in hæc verba nobis servatum est:

*Hic Monachus situs est Pandolfus stemmare clarus
Princeps eximius, ò Benevente, tuus.
Ex coetu Procerum Monachus de Principe factus
Extitit hac celebri primus in Æde Dei.
Quem bonitas tanto pariter patientia compse,
Afforet ut cunctis charus amore Pater.
Corde nitens, humilis sensu transcendere annos
Cui canumque simul fulgida corda senum.
Ecclesiam venerans, argentum corpora texit,
Atque cibo recreans, verba sequendo Dei.
Sed quia culparum nullus sine labe recedit,
Dicite, da veniam Christe Redemptor, ei.
Bis duo lustra gerens carnis, bis quattuor annos
Cum Jani primo transiit ab orbe diem xx. k. (3).*

Dum igitur Pandulfum Principem, in eodem Monasterio S. Sophiæ reliquæ suæ vitæ spatio Monachum egisse constat, potuit ea de re illud quoque fieri, ut *Turritum Ædificium* eo perfectum fuerit tempore, quum is monasticum institutum jam profiteretur; proptereaque satius visum fuerit in Pandulfi Sophiani Monachi gratiam inchoati duntaxat ædificii tempus, quo is cum Filio principabatur inscribere. Hæc, donec alii meliora afferant, de temporis nota operi insculpta: pauca nunc de conditore dicemus.

Ædificii Auctor Gregorius Abbas in lapide memoratur: ipse idem proculdubio Gregorius (nam tempus, locus, munusque consentiunt) qui ab Leone Ostiensis tum ex aliis pluribus tum maxime ex eo commendatur, quod Desiderium, Virum videlicet illum, Genere, Doctrina,

(1) Antiq. Med. Ævi tom. I. pag. 254.

(2) Iterum à Muratorio vulgatum inter Script. Ital. tom. II. part. I. pag. 321. At mendum manifestum in re: latis vitæ annis deprehenditur; unde ad eum locum sic Peregrinius: *Scribo annos XLVIII. nam secus, minus vixisset, quàm regnasset.* Sed nec mendum sublatum est: nam æquè omnino tum Regi, tum Vitæ anni numerarentur, ut sic absurdum consequatur, à primo Natalis sui die Pandulfum regnare cepisse. Quid quod ex regnandi annis, tempus illud demendum quoque erit, quo Pandulfus Monachum egit? Itaque utraque numeralis tum Regi, tum Vitæ nota emendanda erit, ut scilicet Pandulfus ex statuta superius Chronologia, cum Avo, Patre, solus, cum Filio, & Nepote ab anno 1012. ad an. 1058. regnaverit annis XL. plus minus; vixerit verò annis XLVIII. quot sepulchralis illius inscriptio indicare videtur illo versu:

Bis duo lustra gerens carnis, bis quatuor annos.

(3) Camillus Peregrinius tom. III. pag. 317. edit. Neapolit. 1751. & Muratorius l. I. pag. 314. nescio quid ad hunc Pandulfi Tumulum somniatur, dum illum credit fratrem Principis Pandulfi Caputferrei, factumque Monachum in mortis articulo, more tunc consueto. Etenim Landulfus Princeps Beneventanus frater Capuani Pandulfi Caputferrei, Pater Pandulfi nostri fuit, ut etiam patet ex Chronico Comitum Capuæ ab ipsomet edito d. tom. III. pag. 153. Deceptus quoque ipse fuit, qui in d. Tumulo Landolfum pro Pandolfo scribit, qui solus Pandolfus fuit Monachus, ut ex superius relatis monumentis; neque in mortis articulo, sed à mense Martii anni 1058. Monasticum induit habitum, ac reverè Monachus factus post novem menses & dies decem obiit, idest Kal. Januarii anni sequentis; uti ex supradictis factis constat.

strina, Sanctitate, administrato denique sub Victoris III. nomine Pontificatu Maximo, præclarissimum Longobardicæ Gentis, Beneventanæque Urbis decus, ad Monasticum Habitum in eodem S. Sophiæ Monasterio suscepit. *Gregorius* (inquit illustris Casinenſis Chronographus) tunc *Vir valde prudens, ac strenuus eidem Monasterio* (S. Sophiæ) præerat in Abbatem, qui *Desiderium multa hilaritate recipiens, pro eo quod universis desiderabilis erat, tunc primum mutato ejus nomine Desiderium appellari præcepit; nam ad id tempus Dauferius vocabatur* (1). Verè itaque *inclitus* (quo epitheto in lapide exornatur) Abbas Gregorius, & quidem illustrior, qui è suo Monasterio ejusmodi Virum, universæ Ecclesiæ, Christianæque Reip. bono protulerit, quàm quum eà Pyramide laudabili Monasterium ipsum condecorandum curarit.

Dum verò semel coepimus, jucundam fortasse rem lectori præstabimus, si alia, quæ ejusd. ævi posterioris supersunt loci monumenta persequemur. Monasterii etiamnunc Templo adjacentis Claustrum, quâ, quadrata fronte sua, subdiale aream aspicit, circumdatque, undique marmoreis columellis, numero LX. superiores Aedes sustententibus adurgit: Earum verò Columellarum Epistylia omnia variis quaquaversus figuris, imagunculisque, quas vulgaris lingua appellat *Grotteschi*, pro ætatis more, rationeque affabrè elaboratis perornantur: atque eorundem una hos in epistylilio suo versus eleganter in sculptos, ac circumscriptos exhibet:

PERPETVIS ANNIS STAT QVARTI FAMA IOHANNIS
PER QVEM PASTOREM DOMVS HVNC HABET ISTA DECOREM.

Characterum forma nihil Longobardicum offert, sed Romanam æmulatur elegantiam; quam etiam Johannes ejus nominis IV. Abbas S. Sophiæ eidem Clauſtro adjicere fategit, expolit, instauratis, erectis prædictis Columellis, quas antiqui Monasterii, aut Templi reliquias non inaniter existimavimus. Certè istud Sculpturæ, sive etiam Picturæ genus, variis fabulorum animalium formis, lusuſque, atque aliis quarumlibet rerum figuris intertextum, peculiaris quædam mediæ ætatis exercitatio fuit, quæ pro sui ingenii ruditate, vel etiam ambitione, quâ se novum speciosiusque Architectonices genus, præter Græcum, Romanumque, invenisse videri vellet, ejusmodi ornamentis quammaximè delectabatur; Hic tum nobilium Aedificiorum luxus, hæc magnificentia; quæ etiam Sacras Aedes, Monachorumque Claustra pervasit: quod tamen à Religioſa paupertate, modestiæque alienum, ægrè ferens S. Bernardus, studiosâ rei descriptione, quæ lectu digna est, vividius insectari conatus fuit. In Clauſtris (inquit) coram legentibus Fratribus quid facit illa ridicula monstruositas, mira quædam deformis formositas, ac formosa deformitas? Quid ibi immunde Simia? Quid feri Leones? Quid monstruosi Centauri? Quid Semibomines? Quid maculose Tigrides? Quid milites pugnantes? Quid Venatores tubicinant? Videas sub uno Capite multa Corpora, & rursus in uno Corpore Capita multa: Cernitur hinc in quadrupede cauda Serpentis; illinc in Pisce cauda, quadrupedis: Ibi bestia præfert Equum, Capram trahens retro dimidiam; hic cornutum animal Equum gestat posterius. Tam multa denique, tamque mira diversarum formarum ubique varietas apparet, ut magis legere libeat in marmoribus, quam in Codicibus, totumque diem occupare singula ista mirando, quàm in Lege Dei meditando. Proh Deo! Si non pudet ineptiarum, cur vel non piget expensarum (2)? Hæc S. Bernardus, qui Cluniacensibus tum de eare, tum de gravioribus aliis quibusdam satis molestus, sed veridicus censor, veniam fortasse nostris Benedictinis Sophianis dederit, quorum Abbas non ad fovendum Monachorum otium, sed augendum Monasterii decorem, Claustra sua taliter exornata voluerit.

Quo tempore Johannes iste IV. S. Sophiæ Monasterio præfuerit, non satis liquet: alium certè, longèque posteriorem à Johanne item S. Sophiæ Abbate, cognomine Grammatico, par est, ut existimemus: Hujus autem memoriam heic quoque revocare præstabit, ut vel ex uno ipso quanta olim, & Sophianæ Abbatæ dignitas, & Monachorum observantia, ac multitudo extiterit, intelligamus. Mortuo anno 1120. Bernardo Abbate, Ademarius Monachus Madelmi olim Abbatis nepos à Monachorum parte in Abbatem sufficitur, alterâ parte, quæ monasticâ disciplinâ, sapientiæque magis quàm numero præstabat, electioni reluctante: Pontifex interea Callistus II. Beneventum advenit, deque Sophianorum Monachorum dissidiis certior factus, causâ diligenter cognita, priore rescissa,

(1) Chron. Casin. lib. III. cap. V.

(2) In Apolog. ad Ab. Guil. S. Theodori cap. XI.

sa, novam à Monachis electionem peragenda decrevit: Pontificiæ Sententiæ obtemperantes Monachi, numero fere quinquaginta convenerunt, & clamantibus illis personam illam Johannis Grammatici, Virum prudentem, ornatum moribus comprehenderunt, & eum invitum, & renuentem, jubilando Cathedram superfedere fecerunt: Ipse autem indignum se & infelicem coram omnibus clamitabat. Deinde facta est actio venerabilis sacra, & Monachus virgam in manu ejus pastoralem posuit, & eum ad locum Abbatis in Capitulo statuerunt; continuo Decanus primum, postea Fratres omnes pedibus ejus, ut moris est advolvuntur, & unicuique pacis osculum ipse donavit. Electo autem eo nuncium Callisto Pontifici dirigit Congregatio, significans Johannem Grammaticum electum fuisse: audiens igitur Apostolicus, quod regulariter electio illa fieret, complacuit ei, & confirmavit. Diebus autem non multis excursus prædictus Pontifex Callistus Monasterium S. Sophiæ advenit, & inter Missarum Solemnia XIV. Kal. Septembris præfatum Johannem Grammaticum, quem Congregatio Monasterii elegerat, in Abbatem consecravit. Hæc ex nostro Chronographo Falcone audisse non piguit; ex quo etiam illud scimus, huic Abbati Johanni Grammatico, anno 1128. defuncto Franconem successum, quem anno sequenti Pontifex Honorius II. Beneventum adveniens consecravit: Addam etiam ex eodem Scriptore ad an. 1139. icto ad Beneventanam Urbem inter Pontificem Innocentium II. & Regem Rogerium federe, ingressum mox eandem Urbem Rogerium religionis ergo, non modo S. Mariæ Basilicam, idest Episcopium, atque S. Bartholomæi Templum invadere voluisse, verum etiam intrasse Monasterium S. Sophiæ, & ante altare S. Mercurii se prostrasse, indeque processisse per claustra Monasterii, & Dormitorium, & Refectorium perambulasse; & Monachorum orationibus se commendasse. At hæc satis esse arbitror, ut quantum ipse initiis suis splendidissimus locus, & Religione sua, & Monachorum observantia, & Abbatum dignitate per sequiorem adhuc ætatem floruerit, quis facile arguat: Quàm magna Sophiani Abbates auctoritate pollerent, quantoque apud Pontifices Summos, Supremosque Principes in honore haberentur, innumera propè Beneventanæ Urbis tum in lucem emissa, tum, adhuc inedita monumenta passim testantur. Eorum seriem texere haud modo vacat; at, ne injuria temporum, deteriorique hominum negligentia Monumentum hæcenus ignotum fortasse pereat, eorundem Abbatum numero non levis mihi conjectura est, ut Guidenardus accenseatur, cujus Sepulcralem titulum in ejusdem Monasterii viridario adhuc extantem, ac fortè mihi observatum, eadem omnino, qua in vetusto lapide, literarum formâ, ne- xuque exprimendum curavi:

Quem

MARMORES VESTRE
 GRIDENARDVS NOMINE
 MAXIMAE GENERATVS
 ATQUE FAMOSISSIMVS
 QUÆ ET EMULSERTVM
 PRINCIPATUM ENUIT
 UNUM TANTUM GESTANN
 ET DUORUM MENSUUM
 UNDE DNM PRECEMVR
 UTE IPARCAT CRIMINA

Quem sic leges : MARMORE SVB ISTA CVBAT : GVIDENARDVS NOMINE : MAXIMA DE GENTE NATVS : ATQVE FAMOSISSIMA : QVE ET CVMVLOS VIRTVTVM : PRINCIPATVM TENVIT : VNVM TANTVM GESSIT ANNVM : ET DVORVM MENSVM : VNDE DOMINVM PRECEMYR : VT EI PARCAT CRIMINA .

At omiffis hifce posterioris ævi monumentis, ad Marmoreum Anaglyphum Templi Januæ fuperpofitum, vix fuperius indicatum, libentiùs properabimus: non enim aliud illi præftantius; quod Veteri Templo coævum, antiqui ejus decoris veftigium aliquod fpectandum relinquit. Ærea Tabula heic habes expreffum, cui Chalcographus, fervata in reliquis omnibus Archetypi fide, aliquid venuftatis indulfit. Nos meliore confilio, utiliore opera elegantius potius ex noftris obfervationibus monumentum repræfentabimus. Marmoreæ Immagines omnes funt, fed ea, quæ inter ipfas patet area, univerfa mufivo opere in auri fpeciem lapillis compacta fplendefcit. Primum inter eas Imagines locum habet Divinus Salvator Iefus Chriftus, qui fedens fuper Sedem columellis marmoreis fuffultam, ac pulvinari inftrectam, Thronique formam æquiparantem, elatâ, benedictis fpecie deftrâ, finiftra Librum fibulis claufum coxendici impofitum, atque erectum fuffinet: quo quidem Symbolo Sanctam ipfam Sophiam, feu Divinam Sapientiam demonftrari manifeftum eft. Adftat à dextris, fuo nempe promerito loco, ejufdem Sapientie Sedes, Genitrixque, Beatiffima Virgo Maria, brachia, palmasque fimul junctas, fupplicis more, ad Chriftum extendens, veluti pro Principis fundatoris, Principatusque univerfi incolumitate oratura. A finiftris verò S. Martyr Mercurius adftat, militaris potius Ducis, quam militis habitu apprimè confpicuus, qui dexterâ Clypeum humi fixum, laterique admotum, Crucem pro ftemmate præferentem, fuffinet; finiftram fupra Arichis in genua provoluti caput non tam protegentis, quàm eundem Chrifto oftendens, commendantisque fpecie porrectam habet. Sequitur denique poft S. Mercurium genuflexus, conjunctisque palmis orans Arichis.

De Salvatoris, feu S. Sophiæ, Deiparæque Imaginibus nihil explicandum occurrit; nifi quod illa B. Virginis diverfum ab eo, quod Chriftus, fimile autem, quod Mercurius, Diadema gerit, idèft Circulum lucidum, quem Nimbus vocant: nam quod Chrifti eft, Crucis formam intra ambitum fuum effigiatam præfert. Quod quidem Diadematum difcrimen in aliis quoque monumentis occurrit, ubi Chriftus Apoftolos, aliofve Sanctos adfociatos habet. Id (ut infigniora tantum hùc memorem) manifeftum ex Mufivo Abfidiſ Basilicæ S. Petri, quam exhibet, illuftratque Cl. Ciampinius in de Sac. Ædif. cap. IV. p. 42. ac rurfus Cl. P. Janningus Oper. Bolland. T. VII. Junii p. 136., qui ex altera Abſide Triclinii à Leone PP. III. ædificati rem ipfam confirmat, ratus ejufmodi difcrimen, non ex mero pictoris ingenio, fed ex induſtria Sapientum adhiberi coeptum, qui voluerint illo figno conſultum rudioribus, ut inde cognita Chrifti Domini præ aliis Persona, præcipuam ei venerationem deferrent, & Myfterium pictura repræfentatum, faciliùs caperent. Quam tamen explicationem libentiùs admitterem, nifi, & ubi folus Chriftus effictus eft, idem Diadema Crucigerum eidem tribuant Monumenta alia, quæ apud eundem Ciampinium, aliofque paſſim invenias: ut jam opinio mea fit, ideo adjunctam Chrifti Limbo Crucem, ut ejus Gloriam, quæ in Limbi fymbolo exprimitur, nonnifi per Crucem ſibi peperiffe Chriftus oftenderetur.

Adhuc vero in eadem B. Virginis Imagine illa palmarum conjunctio (quæ pariter in Arichis Simulacro viſitur) non antiquis fuetum, ac perpetuo veluti more ritue receptum orandi habitum, expanſis potius quàm junctis manibus, repræfentat (1). In Arichis Simu-

(1) Plures Deiparæ veteres extant Imagines, quæ erectis à cubito brachiis, expanſisque manibus orantis fpecimen præferant. Satis erit heic inſignem Gemmam retuliſſe, quæ olim Muſei Viſtorii, nunc Bibliothecæ Vaticanæ, brevi commentario tertia vice edito illuſtrata fuit Typis Romanis Palæariorum 1760. Deiparæ Imaginem expanſis vel ante peſtus, vel ad humeros fuſum manibus orantem paſſim exhibent Nami Auguſtorum Byzantinorum, quos videre eft apud Cl. Gangium in Familiis & Stemmatibus Imper. Conſtantinop. tom. XXI. Hiſt. Bizant. Venet. 1729. pag. 128. 137. & 141. cum hac epigraphe ΜΡ ΘΥ. Sed domeſtico exemplo li-

bentiùs utar, nam ejufdem Deiparæ Imaginem in eandem orantis fpeciem, expanſis nempe manibus, in quibus parvæ cruceſ depictæ funt, exhibet Ædícula eidem ſacra ſub nomine S. Mariæ de Libera extra Portam Ruſinam noſtræ Urbis, quæ eo loco traditur ædificata, ubi S. Barbaſtus eandem pro Beneventanis orantem Duci Romualdo oftendit; quam viſionem Urbis liberatio ab Imp. Conſtantis obſidione ſubſequuta eft; uti ejufdem Barbaſti Acta tradunt. Cæterum nihil in vetuſtiſ Chriſtianorum monumentis ſolemnius, quam ut expanſis manibus Orantes exhibeantur: Selectiora dedit V. C. Paullus Maria Paciaudius in Græci Anaglyphi Interpretatione.



Anaglyphum marmoreum ad Ianuam Ecclesiae S. Sophiae

Frans. La Motte Neap. del. et inc.



Simulacro Barbam, commune suæ Gentis insigne, aspicere licet, quæ tamen ipfius ori nihil ferum, barbarumque, sed decorem majestatemque conciliet: De Longobardorum Barba Dissertationis I. initio satis diximus: Regia ejusdem Arichis, quæ Simulacrum ostentat, insignia, Coronam scilicet, quæ ejus Caput redimitur, Chlamydemque humeris appositam, suo loco illustrabimus, Principis nunc tantum Religionem, pietatemque heic prosequuntur. Superest S. Mercurii Simulacrum, de quo plura observare operæ pretium erit.

Ac primum cur præ aliis præfatum Sanctum Arichis delegerit, quem in eodem Anaglypho representans, peculiari veneratione prosequi, patronumque sibi præcipuum adscivisse ostenderet, facilis explicatu res est. Inter alia Sanctorum Corpora, quæ is in S. Sophiæ Templum intulerat, *Corpus præiosæ Martyris Mercurii* recensuimus: Ejus autem Sancti, qui militiam professus, egregia tum vivus, tum post mortem facinora perpetrasse tradebatur, patrocinium promereri summopere Arichis intererat, qui bellicosus aliqui Dux, artificis militaris callentissimus, Longobardicum Cistiberinæ Italiæ Principatum adversus Gallorum molitiones tueri opus habebat. De hoc SS. Martyre superiore Libro differuisse contigit Dissert. VII. pag. 202., quum scilicet marmorea Elogia Juliano Augusto Apostataeque à Beneventanis dicata illustraremus: atque necis quidem Juliano coelitus illatæ B. Mercurium auctorem, illius scilicet nefariæ perfidiæ, ac crudelitatis vindicem à Deo Christianæ Ecclesiæ datum fuisse tunc probavimus. Persuasum inde Christianis Exercitiis esse coepit, hanc à Deo B. Mercurio militi, martyrique concessam prærogativam, ut bellatoribus Christianis ejus opem implorantibus, victoriam largiturus præsto esset. Ejus rei quamquam sequioris ætatis, illuſtre tamen exemplum nobis suppeditat Hierosolymitanæ Expeditionis Historia; cujus Synchronus Scriptor, Christianos milites viriliter pugnasse vidisseque, ait, *adjuvante eos Domino, & visibiliter mittente eis in adjutorium Sanctos suos bel-latores, quorum anima in Cœlo jam collocata erant, videlicet Mercurium multoties, aliquando Georgium, necnon & interdum Theodorum, aliquando totos tres cum suis dealbatis exercitiis, videntibus non solum Christi militibus, sed etiam ipsos Paganis inimicis, unde exterrebantur, & in fugam convertebantur* (1).

In Deciana Persequutione, & Urbe Cæsariæ Cappadociæ Mercurium martyrio coronatum, ibidemque sepultum, satis constat. De ejus Corporis translatione, quæ longo post tempore Beneventum facta est, dubitationem facere videtur Græcorum Menologium Basilii Imp. Rudio, ac jussu An. DCCCCLXXVI. lucubratum, binis propterea Seculis, translationi, de qua nunc agimus, posterius; in quo Mercurium in martyrii loco sepultum ad eam usque

ALTER

O

diem

terpretatione ipsam Typis Palæstinorum edita an. 1751. Sed & Cl. Boldettus in *De Sacris Coemeteriis* simili orantis forma in vetustis plurimis anaglyphis, titulisque Christianorum sepulchralibus insculptis imagines exhibet, pag. 329. 337. & 366. id quod antea uberrimè præstiterit Arius in *Rom. Subterr.* lib. VI. cap. XXVI. Ad veteres quod attinet Scriptores, præter Eusebium, in Vit. Constant. lib. IV. cap. 25. aliosque quam multos, pluries eundem Orandi habitum Christianis consuetum meminit Tertullianus Apolog. cap. XXX. De Oratione cap. XI. ac tum adversus Judæos cap. X. tum adversus Marcionem cap. XVIII. ubi etiam, *& genibus depositis, & manibus cadentibus pectus, & facie humi volutante, sanctas vero aliquando manus prostris flet; quem mox etiam præteritis eruditissimis piissimisque Cardinalis Bona, expansionem dumtaxat manuum veterem consuetudinem illustrasse contentus Rer. Litt. lib. II. cap. V. num. 7. Fateor, mihi curiosius junctarum manuum morem inquirenti, nihil adhuc occurrisse, nisi marmorei Sarcophagi anaglyphum à Cl. Bertolio Antiqu. Aquilejens. editum pag. 384. in quo Christus Salvator medius fedit dextra benedicens, sinistra librum gerens, ad utrumque vero latus duo viri adsunt genibus flexis, manibusque junctis ad illum supplicantes: ut nostrum Sophianum Anaglyphum Aquilejensi monumento exemplum dedisse dicas. Sed & Arichis (cum nihil à Latinis nobis suppetat) è Græcis fortasse sibi exemplum scisse videri debet: Restat igitur, ut &*

nos inter Græcorum mores cum orandi habitum perquiramus: id quod ex Nicolai I. ad Bulgarorum consulta responsis non tam offendere, quam coniectura licebit. Sic enim Pontifex habet cap. . *Dicitis, quod Græci sentent, quod in Ecclesia qui non confisidit ante pectus manibus steterit, maximum habeat peccatum: Hoc ut feret, præceptum fuisse nusquam, ni fallor, invenitur; ac per hoc nisi fiat, peccatum non est; nam quidem faciunt hoc, quidam aliud genus humilitatis. Et paulo post hæc de eadem re subdit in Græcorum moris probationem, siue excusationem: Quia in Evangelio reproborum ligari manus, & pedes reperiuntur, quid aliud isti agunt, qui manus suas coram Domino ligant, nisi Domino quodammodo dicant: Domine ne manus meas ligari precipias, ut mittas in tenebras exteriores, quoniam ecce ego eas ligavi, & ecce in flagella paratus sum. Ut autem contristatus ante pectus manus orando habere idem sit, ac junctis ad utrasque palmas manibus orare, facile ostendit noster Arichis, qui, ut alia perplara, ita eum morem à Græcis accepisse putandum est.*

(1) Historia Belli sacri apud Mabilionem, Musei Italici tom. I. part. II. pag. 138. Hujus Historiæ epitomen dederat Auctor ille, qui primo loco inter *Gesta Dei per Francos* editus est. Integrum Opus ab oculato teste post expugnatam Hierosolimam ad ann. MC. conscriptum, Mabilionio debemus, qui è Bibliotheca Casinensi descriptum publici juris fecit l. I.

diem quiescere, & curationes Fidelibus omnibus præbere adhuc legimus (1). Ejusmodi monummenti fidem reprobare impune nobis esset, dum omnes norunt, quàm antiquum, verumque illud sit, quod Poeta cecinit, quantum scilicet *Græcia mendax aude in Historia* (2). Cur enim ipsa se eo sacro Pignore orbatam fateri voluisset? Sed mendacii notam à Menologii Scriptore libenter abjudicamus, qui quum ex antiquis tabulis Mercurium Cæsaræ sepultum noster, ignarus fortasse translationis, illarum fidem sequutus fuit. Cæterum si qua superesse dubitatio cuiquam possit, ex vulgatis jam à laudato V. C. Victorio Giovardo Actis Translationis (quæ in Tabulario S. Sopie, Marii Viperæ testimonio, extantia, Ughellus edenda desiderabat) sublata omnino videri debet: Ex ipsis igitur Actis jamdemum scimus, qua occasione (eorum verba sunt) ipsum sacrum Corpus Cæsaræ Cappadocia, ubi primò humatum extiterat, Quintodecimum delatum fuerit. Nam Imperator Constantinopoleos Constantinus, qui & Constans est nominatus, concipiens animo Italiam à Longobardis invasam sub sui ditionem Imperii revocare, Exercitum numerosum præparavit: Sicut autem Romanis Principibus, in expeditionem proficiscentibus, moris erat secum deferre Simulacra, de quibus Deos falsos invocarent; ita Cæsares Christiani pergentes adversus Hostes Imperii debellandos, Corpora Sanctorum habere in suo consueverant comitatu, eorum duntaxat, qui extitissent in Saculo officii militaris. Itaque præfatus Augustus, exterminaturus, ut dictum est, in Italia Longobardos, robustissimi Athletæ Christi Mercurii juxta Prædecessorum consuetudinem, reverendum Corpus assumit cum trium aliorum Sanctorum Reliquiis, ac tribus tradidit Religiosis admodum Coenobitis diligentissima cura servandum. Rei exitum Acta eadem satis prolixè distinctèque prosequuntur, nam & Sacrum Corpus in Apulie Urbe Quintodecimo, quæ primò expugnata fuit, à Constante Beneventum properante depositum, ibique post ejus cladem, quam à Beneventanis Longobardis subiit, relictum, atque oblivioni traditum, post annos xcv. ab Arichi conquistum, repertumque, Beneventum denique translationem, atque in Ecclesia S. Sophiæ reconditum, Translationemque ipsam non ingenti tantum lætitia, ac pompa, celebratam, sed miris etiam Signis illustratam commemorant.

Compertum igitur satis probo locupletique testimonio nobis est, quâ occasione, cuius operâ, quo consilio S. Mercurii Corpus Cæsaræ in Italiam appulerit, qua demum de causâ in Urbe Quintodecimo conquieverit. Christianorum autem Principum, quem Actorum Scriptor indicat, morem Sanctorum Lyplana ad exercitus deferendi, jam inde ab ipso Christianorum Principum primo Constantino receptum fuisse scimus: atque is quidem sublati illis, quibus tota olim Religionis Castrensis summa continebatur, militaribus æquè ac superstitiosis Signis (3), Labarum inexit Christi monogrammate insigne, Crucemque pro vexillis, ac Sacrorum Ministros in Castris adhibuit (4): addidit sequutorum Principum pietas Sanctorum Imagines, mox Reliquias etiam, & Corpora, Victoriæ oratores apud Deum, ac veluti sponsores sibi comparasse arbitrata: quod & Lege Ecclesiastica probatum deinde fuit; nam in Germanicæ Synodi anni dcccxl. Canone 11. illis tantummodo *Servis Dei*, idest Monachis in Exercitum pergere permissum fuit, qui propter Divinum Mysterium, Missarum scilicet Solemnia adimplenda, & Sanctorum Patrocinia portanda delecti essent. Heinc Carolus Magnus adversus Saxones anno dcccxcv. bellum illaturus, Fardulfum Abbatem Dionysianum comitem adhibuit, qui Pignora Beatorum Martyrum secum deferri curabat, & custodes Clericos à Monachis, debitam Sacris Lyplanis custodiam, ac cultum pro suo munere impensuros; (5).

Num

(1) De Menologio Basilii Augusti videndus Guil. Caveus tum ad an. 976. Hist. liter. p. 505. tum in peculiari Dissert. De Libris, & Officiis Ecclesiasticis Græcorum, post d. Hist. pag. 187: qui tamen de semestri, seu dimidia ejus Menologii parte à mense Septembri, ad Februarium desinente loquitur, altera (inquit) partem vel desperdita, vel non dum eruta; quam tandem in Monasterio Cryptæ Ferratæ latentem erant, descripsit, ac in latinum vertit Jo. Franciscus Albanus, Pontifex deinde maximus S. M. Clem. XI. Patruj Optimi sapientissimique lucubrationem utriusque tum Ecclesiasticæ, tum Literariæ Reip. perutilem in commune commodum potestrem protulit Gard. Annibal Albanus, utraq; Menologii parte tum græcè, tum latine edita elegantibus Typis Urbinatibus an. 1727.

(2) Juvenalis Satyr. X. vers. 174.

(3) Omnium vice sit Tertullianus, ejus hæc sunt Apolog. cap. xvi. Religio tota Castrensis Signa veneratur, Signa jurat, Signa omnibus Diis præponit. Quæ propterea propria Legionum numina vocavit Tacitus Annal. lib. I. cap. 19. Videtis Havercampum ad Tertullianum locum; ad Tacitum verò Lipsium, qui rem latius prosequitur in De Milit. Rom. lib. IV. Dial. v.

(4) Eusebius in Const. Vit. lib. III. cap. 36. Miraculosa Salvatoris Imaginem à Constantinopolitanis Augustis eorumque Ducibus in Castris, Præliisque adhiberi solitam Græci plures Scriptores tradunt, quos laudat, recitatque Cl. Christianus Lupus in Dissertatione De Antiqua Disciplina Christiane militiæ cap. . to. XI. opp. edit. Venet.

(5) Auctor anonymus ejusdem ævi in lib. I. de Miraculis S. Dionysii; ex quo etiam modum, locumque dixi-

Num verò Imp. Constantis animo hanc inhaesisse Religionem putabimus, ut inter suae expeditionis apparatus S. Mercurii Corpus secum deferendum cogitaverit? Nihil certe ejus rei sollicitum hominem fuisse crediderimus, cujus nefariam impietatem, sacrilegasque manus in eadem ipsa Italica expeditione non solum omnis, quò Grecorum furor, & avaritia pervasit, Italiae pars subire debuit, sed Roma quoque ipsa experta fuit. Sed non id mirum, inquam, de Constante, qui priscum magis morem, quam suum ingenium sequutus, eà re, quæ nulli sibi vel incommodo, vel impendio foret, non inane ausis suis opem, atque eventum conciliari posse rebatur: Contra Longobardos, quos nempe homines barbaros, Imperii aequè, ac Religionis hostes reputaret, Sanctum Martyrem non modo sibi affuturum, sed id demum praestitutum sperabat, ut Classe Italiae oris appulsa, videret tantum, & vinceret; hinc ipsius Italicum littus vix ingressi consilium, ut *Solitarium* illum (quod ex Paulo Diacono superius observavimus) adiret non pietatis quidem studio, sed ut praconceptæ animo victoriæ certum è Coelo nuncium exciperet, ac veluti extorqueret. Sed sua illum vota fefellerunt, atque incassum bellici conatus omnes ceciderunt; Beatusque Mercurius, qui Græcorum Comes Longobardos vel in Italia deleturus, vel illinc saltem depulsurus credebatur, in horum potius partes transire, perpetuamque tutelam suscipere visus est: nam Græcos ingenti clade affectos, ac prædonum à tergo sibi timentium instar, ad sua revertentes omnino deferens, ipse in Italia, atque apud ipsos Longobardos remanere maluit, quorum Religionem, atque eximium illum, quem suo Corpori habituri essent honorem, certò nosset.

Ac non iis modo, quæ superius dicta sunt, sed aliis etiam insignibus Religiosi cultus argumentis piissimus Princeps Arichis Mercurium demereri studuit; nam quò magis ferventer suscepta, perennius erga illum propagaretur publica veneratio, ejusdem Martyris Acta proprio stilo lucubrata in lucem ipse edidit (1): ac alteram in ejusdem honorem Ecclesiam ædificavit (2): & pluries denique in anno memoriam solemniter celebrandam instituit: cujus rei præclarum nobis superest monumentum ex Chronicis membranaceis, ejusdem Sophianæ Ecclesiæ Breviario præfixis, in hunc modum:

FEBRUARIUS.

XV. F. XIV. KAL. MARTII. DEDICATIO S. SOPHIAE IN BENEVENTUM.
AVGVSTVS.

F. XVI. DEDICATIO ALTARIS S. MERCVRII MART. IN S. SOPHIA.

G. VII. (KAL.) TRANSLATIO S. MERCVRII MART. IN S. SOPHIA.
NOVEMBER.

XI. F. VIII. VIGILIA S. MERCVRII MARTYRIS.

G. VII. S. MERCVRII MARTYRIS IN S. SOPHIA.
DECEMBER.

C. IV. NONAS OCTAVA S. MERCVRII.

Ex quibus vides, quàm assiduus, religiosusque cultus Martyri Mercurio in S. Sophiæ Ecclesia exhiberi olim consueverit (3): Veterem quoque, ac non ita facile in Ecclesiastica Antiquitate obvium ritum illum agnosces, quo præter anniversariam Ecclesiæ Dedicationem,

ALTER

O 2

pro

discimus, in quo cum Exercitu Sacra Pignora deferrebantur, portatile scilicet fuisse Oratorium, domuncula instar, in quo Ara ex lignea tabula compacta habebatur, linteo adoperta, accensis circa eam luminibus in honorem Sacrarum Reliquiarum. Vid., Mabillonium Annal. Benedict. lib. xxvi. num. 1.

(1) Id certocertius ex iis Actis manifestum fuit, quæ Cl. Giovardus publici juris fuit; ex ipsorum enim autographo, cujus is specimen proferit pag. 8. Titulus characteribus Longobardicis exaratus ita se habet. *Passio S. Mercurii Martyris edita ab Arichis Principe*. Non autem id absurdum suspicetur, vel mirum habeat de hoc verè gloriosissimo Principe, quem ad cæteras præclaras animi dotes, Literatum etiam, quantum ætas illa ferret, extitisse, & ejus Leges, & aliorum testimonia (de quibus suo loco agemus) satis probant.

(2) Id præclare liquet ex ejus Principis Diplomate, quo Ecclesiam S. Sophiæ ab se ædificatam ditavit apud

Ughel. tom. viii. col. 35. edit. Rom.; nam præstatæ Ecclesiæ subicere, seu concedere ait *Ecclesiam S. Mercurii, quæ postea est in Jano nostro, & de ipso Jano circa ipsam Ecclesiam largiti sumus terram modiorum quingenta &c.* Hoc Jani vocabulum Gangio non ignotum, sed non explicatum in suo Glossario, ubi tantum ex uno Arichis supradicto Diplomate proferre satis habuit. De eo in ejusdem Diplomatis in Appendice exhibendi notis nos agemus.

(3) Sed neque hodie religiosus erga SS. Martyrem, Patronumque Urbis Mercurium cultus deseruit: nam non solum in Sophiana, sed in universa Beneventana Ecclesia, ejusque amplissima Diocesi bis in anno solemnisi illius memoria recolitur, die scilicet xxvi. Augusti, quo Translatio, die vero xxv. Novembris, quo Natalis occurrit; quibus diebus proprium in ejusdem Mercurii honorem Officium, ac Missa, ritu duplici celebrantur.

proprius etiam festus ille dies quotannis haberetur, quo primum Altaris ejusdem Martyris dedicatio facta est: Id quod diutius obtinuisse præclare probat Falconis nostri testimonium, qui ad annum mxxx. Johannem Grammaticum (de quo paullo superius egimus) electum S. Sophiae Abbatem, à Pontifice Callisto II. tunc Beneventi degente, inter Missarum Solemnia ipsa die consecratum narrat (i. e. xiv. Kal. Septembris, ut paullo ante dixit) quo Dedicatio Altaris B. Mercurii celebratur in S. Sophia (1). Ad hæc, digna sane, quæ heic describantur, verba illa sunt, quibus Veteres Sophiani Monachi in anniversario Translationis Festo eximiam, qua Mercurium colerent, venerationem, & ipsi profiteri, & in Beneventanorum animis fovere solebant, sic eorum Civitatem alloquentes: *Has nobiles Civitates (Armeniam, Romam, Cæsaream) Mercurii Sancti dignatio tibi postposuit Benevente... ad hoc tuum Studium enitatur, ut adeo in te sibi complacere, quatinus de te dicat: Hæc requies mea in Seculum, quoniam prælegi eam... Caterum Congregatio S. Sophia celestibus dedita disciplinis, in Dei justificationibus assidue se exercens, quæ sibi Martyrem Mercurium servat, ipsa sibi studet Martyrem complacere* (2).

Acceptissimum autem sibi ejusmodi cultum Mercurius demonstravit, qui vicissim tum Corporis, tum Patrocinii sui præsentiam assiduis beneficiis comprobavit: qua in re, ut alia plura nunc præteream, luculentum illud proferre exemplum libet, quod laudatus nobis superius, ac persæpe alibi laudandus Desiderius Abbas Casinensis, qui & S. Victor PP. III. posterorum memoriæ commendandum præcipue duxit. „ In eadem enim Urbe Benevento „ (inquit Dialogor. lib. III.) Monasterium est, quod S. Sophiae dicitur, in quo quidem „ à pueritia sanctæ conversationis, & magnæ humilitatis Monachus fuit, qui infra annos adolescentiæ nimio languore præventus ad extrema perductus est. Ad cujus exitum congregati Fratres, hymnis, & psalmis Deo coeperunt ejus animam commendare, Sanctorumque coetus in ejus auxilium invocare: qui crescente labore defunctus est. Sed cum „ ad lavandum ejus Corpus aqua præparatur, per unam ferè horam exanimis jacuit: cumque „ qui aderant orationi, & psalmodiæ insisterent, subito Corpus ejus omne contremuit, & paulatim reviviscens, cunctis mirantibus in lectulo confedit: Dein interrogatus, coepit illis, quæ egressus de corpore viderat, referre, dicens: Cum anima mea, „ vobis Litanias canentibus, de corpore egredieretur, mox ad preces vestras, Sancti, quos „ invocastis, meum in auxilium advenerunt: cumque illi ab eo requirerent, si illos, quos „ nunquam viderat, cognoscere potuisset, respondit: S. Benedictum, & S. Gregorium cognovi, B. Donatum, & Felicem cum reliquis, qui in hac Ecclesia requiescunt; inter „ quos B. Mercurius Patronus noster, velut splendidum Sidus, rutilans videbatur: quem cum „ interrogassent utrum nam in hac vita esset moraturus? minime, inquit, nam B. Mercurius hodie se ad me assumendum venire spondit; Quæ, ut dixerat, vera fuisse rei „ exitus comprobavit. Quod autem Religioso huic Viro S. Mercurius beneficiorum omnium maximum præstitit, præstituros se quoque SS. XII. Fratres Principi Arichi, qui eorum, ejusdemque Mercurii Corpora in eadem Ecclesia recondidit, ei (uti superius diximus)

(1) Discrepat noster Falco in assignando ejus Dedicationis diem à Chronicis Sophianis superius relatis, nam is ad xiv. illa ad xvi. Kal. Sept. referunt: mendum itaque in alterutro exemplari agnosci debet, quod facilius in Exemplari Giovardiano occurrere potuit. Dixi superius, difficile reperiri veteris illius Ritus monumenta, quæ anniversariæ Altarium Dedicationes celebrarentur: obtinuisse antiquitus ex S. Augustini *Serm. 252, de Tempore* probatum sibi credit Gavantus in *Rubr. Mis. part. xv. tit. 17. num. 12*. Verum id non clare Augustini verbis indicatum observat Guyetus Heortolog. lib. I. cap. 3. quest. 12., additque celebrandam quidem in ipsa Altaris Dedicatione propriam Missam, id autem eodem recurrente quotannis die, non licere, tum quia (inquit) nullibi præscribitur, aut permittitur Festum Dedicationis Altaris, tum quia comprehenditur in Dedicatione ipsiusmet Ecclesiæ. Adde nunc, præfatos Sermones falso Augustino tributos, ac proinde ab eruditissimis Benedictinis in *Appendicem* reiectos num. 129. 130. & 131. tom. v. opp. part. II. pag. 375. edit. Ven. 1731. Sed quicumque Auctor sit, antiquus sane, hunc titulum inscripsit: *In Dedicatione Ecclesiæ*,

vel *Altaris Consecratione*: idemque si non clare, non obscure tamen de anniversaria potius, quam de ipsomet Dedicationis, Consecrationisque die loqui videtur; nam in 119. sic orditur. *Quotiescumque Fratres Charissimi Altaris, vel Templi Festivitatem colimus &c.* Quicquid vero ex hisce Sermonibus ad eam rem probandam argumenti excipi queat; nihil deinceps nobis de ejusmodi antiquo anniversariæ Altaris Dedicationis celebrandæ Ritu dubitandum amplius erit, quem olim servatum, atque ad Seculum usque xiv. in Sophiana Ecclesia persistisse, non solum supradicta ejus Chronica docent, verum etiam Falco noster luculentissime testatur. In antiquo Seculi XII. Martyrologio, in nostra Bibliotheca asservato. ad diem xiv. Februarii hæc in fine leguntur: *Ipsa die Dedicatio Altaris beatorum Apostolorum Petri, & Pauli antiquæ Ecclesiæ.*

(2) Ex Actis Translationis S. Mercurii à d. Giovardo editis pag. 55.; quibus Actis in Lectione XI. juxta Monasticum recitandæ Divinæ Psalmodiæ, seu Officii Ritus, distinctis, Sophiani olim Benedictini utebantur. Verba autem superius relata ex postremæ Lectionis fine descripta sunt.

mus) apparentes sponderunt, promissaque sua erga piissimum Principem suo tempore implese, veri quidem simile, pium certè est, ut credamus.

Quam multiplex enim, atque undequaque singularis, vel in eo uno Opere ad Divinæ Sapientiae honorem excitando, perficiendoque Arichis eluxerit Pietas, ex iis, quæ hæcenus edisseruimus, manifestum fit. Quod si, quæ talis, tantique Operis fuerint fata, nunc quæris, breviter, ac penè invitus exponam: De præsentis Edificiorum statu, quæ observanda superunt, à me dicta jam tenes: Quod ad *Puellarum*, sive Sanctimonialium *Xenodochium*, sive Monasterium attinet, nulla ejus habemus vestigia; tempus etiam, causamque ignoramus, quibus evanuit: Ad medium Sæculum x. Sanctimoniales Sophianas permanisse credit Cl. Gattula tom. i. pag. 51., conjecturam sibi faciens ex binis Privilegiis Paldulsi, & Landolfi Beneventanorum Principum anni 961.; in quæ Abbas S. Sophiæ Azzo memoratur; nam antea *Prepositus* loco constituebatur: At non tanti ea conjectura est, ut non ad feriozem etatem Sanctimoniales pervenisse potuerint; dum nil repugnat, & Abbatem Monachis constitutum, & Sanctimoniales pristino loco constituisse. Longiori tempore Monachi perfitere, Benedictini ipsi quidem, sed à Casinensium subjectione, sive regimine segregati. S. Sophiæ Monasterium Princeps Arichis Casinensi subditum statuit: Successores Principes exemptum volvere: ac mirum est, quantà contentione Casinates sub Gregorio VII., Urbano III., Paschale II. sibi restituendum fategerint, uti ex Chronico Ostiensis, Regesto Petri Diaconi, aliisque monumentis idem Gattula ostendit l. l.: Sed frustra id fuit: Adest apud eundem Gattula Epistola Beneventanorum Consulum ad Præsidentem Casinatem scripta anno 1575., qua, vice præsentium Benedictinorum, iterum Cassinates invehendos efflagitant. Prælagii veluti loco Epistola fuit, brevi Sophianum Coenobium aliis, quàm Benedictinis cessurum: nam paullo post, anno nempe 1590. Pontifex Clem. VIII. in Benedictinorum locum Canonicos Regulares SS. Salvatoris, etiamnum incolentes suffecit (1): atque ubi olim frequentissima Monachorum Familia (quorum *quinguenos*, Abbatem electuros anno 1120. Falco noster superius recensēbat) Divinis mancipata obsequiis florebat, hodie vix duo, tresve loci custodes habentur. Vetus Monachorum Bibliotheca, quam hodie Archivum vocant, paucos, ac nullius monumenti MS. Codices superstites habet, vetustioribus, atque insignioribus aliis partim subreptis, partim in Vaticanam Bibliothecam inlatis (2). Ipsa quoque Ecclesia magnâ Sacrarum Reliquiarum parte spoliata; quæ ad Monasterium Montis Virginis translata, illius loci Religionem hodie auferunt. Abbatia denique à Callisto III. Roderico Borgiæ commendari coepta, amplissimi Ordinis Viros, habere solet Abbates *Commendatarios*; quippe quæ (uti diximus) annuorum ducatorum septem millium circiter redditu dives, suo quoque plerisque in Oppidis Territorio gaudens, aliisque juribus, privilegiisque fatis decorata, solum de præsentis rerum suarum statu, si cum veteri magnitudine comparetur, dolere possit.

At licet præsens, mihi pro Operis ratione indicandus rerum status, plurimum à pristina felicitate deciderit, nihil tamen Longobardicæ Religionis meritis, laudibusque detrachere debet; quandoquidem illa certè pro suæ ætatis spatiis, suaque florente Rep., ac Imperio vigente, præclara omnia, atque eximia, quæ in medium proferremus, uberrimè nobis suppeditavit: Immo, ex illatis ab eodem Principe Arichi in suam S. Sophiæ Ecclesiam, & Mercurii, & XII. Fratrum, & aliorum Sanctorum Lypianis, quod nonnisi obiter superius attigimus, illud jam pro servanda nobiliorum rerum serie, opportunè nobis præstat, ac ad novi argumenti tractationem viam veluti stravit videtur, ut non solum in Sacris Aedibus condendis, ditandis, condecorandis, quod hæcenus egimus; verum etiam in conquirendis, honorandisque Sanctorum Reliquiis Religiosissimos sese probasse Longobardos sequenti Capite demonstremus.

CAPUT

(1) Hist. Tripart. Ord. Can. Regul. lib. II. cap. 39. §. 4. Mar. Vipera Chronol. Ep. Ben. pag. 170.

(2) De vetustis MS. Codicibus, quæ in Monasterii Sophiani Bibliotheca servabantur, hæc Marius Vipera habet in Catal. SS. Benev. ubi de S. Benigno Martyre, atque Archidiacono Beneventano agit pag. 87. *Qui Codex* (ubi ejus Martyris Acta legebantur) non Beneventi in prædicta Ecclesia, sed Romæ in Bibliotheca Vaticana asseruatur ea occasione, annis non longè decursis, cum Ascianus Cardinalis Columna Ecclesie S. Sophiæ Commendatarius illum cum quibusdam aliis Codicibus MS. antiquis ex eodem Archivio extractis Romam asportandos

cuvasset, ipso mortuo, in posse Ducis de Altemps devenerunt, eoque de medio sublato Paulus V. Pont. Max. de eis notitiam habens, ne interirent, in Bibliotheca Vaticana servandos invenit. Quod ad futuram rei memoriam hic adnotare curavimus. Atque utinam reliquorum Codicum, quorum fatis locuples Sophianum Archivum erat, eadem fuissent fata. Nam ex Codice illo, Acta S. Mercurii, aliaque plura complectente, quem Cl. Giovannus nactus in lucem edidit, de aliis pluribus facile judicabis, vel prædationem, vel extremam Cladem tulisse. Videtis ejusdem Giovardi Præfationem generalem.

De Longobardorum erga Sanctos, eorumque Reliquias veneratione.

In conquirendis, honorandisque Sanctorum Reliquiis sollicitiores aliis Longobardi, quorum pium ejusmodi studium à criminationibus vindicatur: Tum ea de re, tum etiam peculiari cultu, quem S. Petro, Romanisque Pontificibus impendere satagebant, optimè de Christiana Religione, Apostolicaque Sede promeriti demonstrantur.

P Ræclaro huic Longobardicæ Religionis argumento quædam veluti fundamenta ab piissimo Principe Arichi jacta superiore Capite sunt: quandoquidem nobilissimam, quam ipse condidit, S. Sophia Ecclesiam, non spectabili tantum ædificiorum magnificentia, non ingentibus duntaxat opibus, non adjectis demum duorum utriusque sexus Monasteriorum obsequiis decorasse contentus, in id quoque ardentiori fortasse studio incubuisse visus fuit, ut Sacris Reliquiis undique comparatis, illucque invecitis, ejusmodi cœlestem Thesaurum ibidem reconderet, quo nil locupletius, splendidiusque, nihil etiam eo loco religiosius optari posset. Si Ostiensis verba superiore Capite recitata attentius perpendamus, præter SS. Martyrum XII. Fratrum, præterque Mercurii, de quo jam uberrimè egimus, alias tam Martyrum, quam Confessorum numero triginta & unum (ita ut quatuor supra quadraginta numerandi videantur) Sancta Corpora ex diversis Italia partibus per tempora diversa adeptus, ibidem nihilominus attulisse, & per diversa Altaria in circuitu majoris Altaris reverenter locasse, Arichis dicendus est: Esto verò priora Corpora speciatim memorata, sequenti Corporum numero accensenda existimentur, quantum Sacris Lyphanis præstantissimam judicabimus eam Ecclesiam, quæ unum supra triginta Sanctorum Pignora numeraret; quantum etiam is numerus eximiam Arichis pietatem commendabit.

Sed non ita serò nostrorum Longobardorum Religio ea in re enitere cœpit. Arichi II. Principi jamdiu præriterat Dux Arichis I., cujus precibus SS. Pontifex Gregorius Magnus Corpus S. Modesti Levitæ, & Martyris ex Urbe Beneventum transferendum concessit Anno DCCXI. Quod quidem Corpus ab Episcopo cum Clero, ab ipso Duce cum sua militia, universoque Populo, ingenti lætitiæ, gloriæque apparatu receptum, primum in Ecclesia S. Mariæ ad Olivulam, deinde in novam adjacentem Basilicam à nobilissima Beneventana Fœmina Doda-Parda eidem S. Martyri dedicatam inlatum fuit Anno DCCXLIX. (1). Hoc fortasse illud Xenium fuerit, quod dicto Duci Arichi Gregorius promiserat, ut pro trabibus ad instaurandas SS. Petri, & Pauli Ecclesias ex Brutiorum partibus transvehendis gratiam referret (2). Non tale quidem Xenium Pontifex promisit; id tamen ab eo impetrandum præclara Arichis pietas existimavit, ejus nempe Sacri Corporis munus; ut videas, quàm subito Longobardorum animis primævus Cupiditatis ardor deferbuerit, qui talibus locupletare Thesaurus maluisse probantur.

Antea verò quàm instituto itineri gradum faciam, submovendum mihi impedimentum video, diluendam maculam, quæ ex propositi argumenti occasione Longobardicæ Religionis infixa aliquando fuit. Scio enim, Summum Pontificem S. Paulum I. non Longobardorum Religionis, ac pietati, sed sacrilego quidem facinori olim tribuisse, quod Romana Cœmeteria, ablatis Martyrum Corporibus, depopulati fuerint; qua re illud inquit consequutum, ut religiofissima illa loca, diuturno trium Sæculorum spatio perpetuis priorum Fidelium orationibus, assidua Sacrorum Mysteriorum celebratione, innumeris Martyrum sepulturis consecrata, non modo venerationem omnem amiserint, sed in profanos etiam sordidosque usus redacta fuerint.

Igitur

(1) Videbis Marium Viperam in Catal. Sanctor. Benev. part. 1. ad 2. Octob. pag. 64.

(2) Lib. XII. epist. XXI. al. XIV. Facilius autem fuit id Sacrum Munus Arichim ab Gregorio impetrasse, cui in Legatione Constantinopolitana Benevento transeunti jam perspecta fuerat ejusdem Ecclesiæ, Monasterique, ubi hospitio receptus fuit, religio; quemadmodum capite 1. dictum est. Certè hanc Translationem omnino veram admittunt, ac probant eruditi PP. S. Mauri Gregorianorum Operum editores, qui in No-

tis ad Epistolam XXX. libri IV. Linianum Beneventanum Episcopum interfuisse ajunt solemnî Translationi Corporis Beatissimi Levitæ Modesti Martyris ex Urbe Beneventum die 3. Julii an. 591. ex concessione Magni Gregorii ad preces Arichis piissimi Beneventani Ducis, à Monachis S. Mariæ ad Olivulam extra Civitatem positis, quod ab Episcopo cum Clero, Duce, universoque Populo honorificè receptum, in ipsa Ecclesia collocatum, donec ipsa Basilica in ejus honorem dedicata esset.

Igitur (sic laudatus Pontifex) cum per evoluta annorum spatia diversa Sanctorum Christi Martyrum, & Confessorum ejus foras muros hujus Romanae Urbis sita Coemeteria neglecta antiquitus satis manerent dirutam, contigit postmodum ab impia Longobardarum Gentium impugnatione funditus esse demolita. Qui etiam, & aliquanta ipsorum effodientes Martyrum Sepulcra, & impie devastantes quorundam Sanctorum secum depopulata auferentes deportaverunt Corpora: & ex eo tempore omnino desidiore, atque negligenter eis debitus venerationis exhibebatur honor: Nam (& quod dictu nefas est) etiam & diversa animalia in aliquantis ejusdem Sanctorum Coemeteriis aditum habebant, & illic eorum existebant septa bovilia, in quibus foetoris egerebant squalorem &c.; Atque hæc quidem Card. Baronius ad ea plura concessit, recitavitque, quæ ad Annum DLXXII. adversus Longobardos studiosè collegit, ut ejus Gentis, quæ jam tumprimum Italiam occuparat, barbaros, impiosque mores demonstraret. At hæc ipsa duorum ferè sæculorum intervallo ab Longobardorum adventu distabant; Paulus enim I. qui ea de re Longobardos caussabatur, non ante annum DCCLVII. in Romana Cathedra sedere coepit, neque alium certè cogitare potuit, quàm regem Aistulphum biennio ante defunctum. Aistulphum fugillat Anastasius in vita Stephani III. tum ex aliis damnis Romanæ Urbi illatis, tum ex eo criminatus, quod multa Corpora Sanctorum effodiens, eorum Sacra Mytheria ad magnum anima detrimentum abstulerit. Neque id de Aistulpo tacuit, ejus licet nominis aliquantum studiosus Anonymus Salernitanus, qui eundem ablata multa Sanctorum Corpora ex Romanis finibus in Papiam detulisse testatur. Non ego ex hoc Scriptore unius Aistulphi (1), sed, quod ad præsentem rem attinet, communem Longobardorum causam tuendam suscipio.

Ac primum non id mirum videri debet, si ea Sanctorum Corporum ablatio Longobardorum crimini potius, quàm Religioni olim verteretur. Ecclesiastica tunc vigeat disciplina, quas Sanctorum Reliquias loco suo movere, atque aliò transferre piaculi loco habebatur. Laudati Gregorii Magni tum testimonium, tum auctoritas in promptu est, qui Constantinæ Augustæ Caput S. Pauli Apostoli, quod in recenti Ecclesia in ejus honorem ædificata recondideret, efflagitanti sic rescribit: In Romanis, vel totius Occidentis partibus omnino intolerabile est, atque sacrilegum, si Sanctorum Corpora tangere quisquam fortasse voluerit: Quod si præsumserit, certum est, quia hæc temeritas nullo modo impunita remanebit, Pro qua re de Græcorum consuetudine, qui ossa levare Sanctorum se asserunt, vehementer miramur, & vix credimus &c. (2). Sed neque id apud Græcos impune olim fuisse dicendum est, vetante Imp. Theodosii Lege, in qua hæc sancita adhuc legimus: Humatum Corpus nemo ad alterum locum transferat, nemo Martyrem distrahat, nemo mercetur. Habeant vero in potestate, si quolibet in loco Sanctorum est aliquis conditus, pro ejus veneratione, quod Martyrium vocandum sit, addant quod voluerint fabricarum (3). Qua ex Lege illud etiam discimus, non solum debitam Sanctorum Lypsanis reverentiam in causâ fuisse, ne tangerentur, neve locis suis amoverentur, verum etiam ne amota semel, ac passim asportari coepta, avaritiæ potiùs, quàm Religioni occasionem præberent. Et sane non defuisse Pseudomonachos S. Augustinus querebatur, qui circumeuntes Provincias Membra Martyrum, si tamen Martyrum Membra venditare consuebant (4).

Non isthæc tamen Disciplina constans omnino fuit: En tibi in alterutram partem ex Galliis exempla. In Gestis Dagoberti Regis, Chlodoveus, qui anno DCXL. apud Francos regnavit, brachium S. Dionisii Martyris abscidisse instigante diabolo dicitur, & per idem tempus concidisse Regnum, Francorum casibus pestiferis (5). Contrâ vero Caroli M. pietati vertebatur, quod Sanctorum Reliquias in Castra, & exercitus secum duceret; quemadmodum superiore Capite observavimus: adde nunc, illum quoque Galliæ Regibus morem solemnem quodam ritu receptum, ut eorum jussu Sanctorum Reliquiæ in Provincias circumferrentur, ad quas ejus fidei,

(1) Anonymus quidem Salernitanus Regis Aistulphi vitia non dissimulavit, ac præsertim assiduam ejus in Pontificiam Ditionem invasiones: quæ tamen omnia, quàm ad ipsius obitum pervenisset, hoc elogio temperanda sibi duxit. Aistulphus Rex, de quo præmissus regnavit annos VII. menses V. fuit audax, & ferox; & ablata multa Sanctorum Corpora ex Romanis finibus in Papiam detulit. Construxit eorum Oracula, ubi & Monasterium Virginum, & suas filias dedicavit. Idemque etiam fecit Monasterium in finibus Emilie, ubi dicitur Mutina, loco qui nuncupatur Nonantula, nam pro ejus cognato Abbate Arsenio ibi Virorum Coenobium fundatum est; nec non sibi ad Sacra Monachorum Coenobia per

certas Provincias multa est dona largitus: Sed valde dilexit Monachos, & in eorum est mortuus manibus. Cap. VII. Chronici inter opp. Cam. Peregr. edit. Neapol. tom. II. pag. 49.

(2) Lib. IV. Epist. xxx.

(3) Leg. ult. Cod. Theodos. tit. de Sepulchr. violat. data III. Kal. Martii Constantinopoli Honorio NB. P. (i. e. Nobilissimo Puero) & Evodio Cols.: i. e. anno CCCLXXXVI.

(4) S. August. De Opere Monachor. cap. CIII.

(5) Lib. de Gestis Dagoberti cap. LI. apud Mabillon. Præfat. Sæculi II. Bened. num. 42.

fidei, quæ Regi, ejusque Filio deberetur, Sacramenta à Subditis Populis præstarentur: Ex-
tat de hac re Marculphi Formula, cujus verba subjicimus: *Per loca, Sanctorum vel Pignora,*
que illuc pro eodem direximus, debeant promittere, & conjurare (1).

Variatum igitur ab veteri disciplina non solum pro temporis diversitate, sed eodem
etiam tempore atque ab iisdem personis est, quando iusta ratio succurrere probaretur; si
enim nulla subesset *mercandi*, ut Theodosiana Lex loquitur, nulla inquam nundinationis su-
spicio, nullam fortilegiorum, vel sacrilegi contemptus periculum, sed ex Reliquiarum
translatione, vel largitione, ipsarum honos vel restituendus, vel augendus curaretur, non
id amplius nefas, sed Religionis loco putabatur. Præstat illorum summorum Virorum, a
quibus Reliquiarum translationes tantoperè prohibitas paulò antea memoravimus, Augusti
scilicet Theodosii, ac Pontificis Gregorii exemplis rem omnem conficere: Ac prior quidem,
qui latè Lege violati Sepulcri reos edixerat, qui Martyrum Corpora transferrent, distrahe-
rentve, eandem ipse rem admisisse probatur; nam sub ipso Magni Theodosii imperio Reliquias
Sanctorum Martyrum Terentii, & Africani in Martyrium S. Euphemia in Petram x. Kal. Octobris
depositas testatur Sæculi vi. Scriptor Theodorus Lector; qua in re & decessorum exempla se-
quutum, & Successoribus Theodosium præbuisse idem Scriptor ostendit (2). Posterior verò
Magnus item Gregorius, qui rem *intolerabilem, sacrilegam, divinæque ultione dignam* ad
Constantinam Augustam ajebat, verbis factisque ipse aliquando comprobavit: nam eundem
è Legatione Constantinopolitana magnis muneribus, nimirum Sanctissimis Reliquiis, idest
brachio S. Andræ Apostoli, & Capite S. Lucæ ditatum rediisse, eaque Sacra Pignora ab Im-
peratore impetrata, in suo Romano Monasterio collocasse, refert Baronius (3): Alias præte-
rea & ipsum insignes Reliquias vel largitum fuisse, vel transferendas indulgisse non unum,
quod superius observavimus, S. Modesti Corpus Beneventanis concessum docet, sed plura
passim exempla confirmare possent (4); quorum unum non aliorum fide, sed ipsius Gregorii
verbis recitare satis fuerit: Ad Petrum liquidem Campaniæ Subdiaconum scribens, *quia Ec-
clesiam* (inquit) *quam superstitio diu Ariana detinuit, in honorem S. Severini cupimus consecrare,*
Experientia tua Reliquias B. Severini summo opere debita cum veneratione transmittat (5).

Patet

(1) Marculphus in *Formal. lib. vii. cap. xv. Vid. Thomassin. Vet. Disc. part. i. lib. ii. cap. cix. num. 2.*

(2) Colledaneorum lib. 11. in Bibl. Patr. edit. Lugd. tom. xxvi. pag. 89. uti etiam meminit à Constantino Constantini Magni filio sanctas Reliquias *Andræ, Lucæ, & Timothei Constantinopolim* iussu translatis (quod & S. Hieronymo in lib. contra Vigilantium affirmatum legimus); præterea ab Arcadio Magni Theodosii filio *S. Samuëlis Prophete* Reliquias in eandem Urbem allatas: ab juniore Theodosio dicti Arcadii filio Reliquias *S. Stephani, Laurentii, & Agnetis*, ac demum *S. Joannis Christofomi* in prælatam Regiam Urbem transvectas, Theodorus ibidem subdit. Ex Sozomeno lib. ix. cap. 2. habetur, Pulcheriam Augustam SS. XL. Martyrum Reliquias è rudibus eduxisse, quod Nicephorus quoque Gallitus tradit lib. xiv. cap. x. alias etiam plurium Sanctorum Reliquias translatis commemorans ejusdem libri capp. 9. 10. & 11. Atque hæc quidem in Oriente: Haud secus in Occidente res se habuit. S. Ambrosium Mediolanensem Episcopum SS. Gervasii, & Protasii Reliquias è veteri in novum transulisse locum; Perpetuum Turonicum S. Martini; Gregorium Lingonicum S. Benigni Martyris; Palladium Santonicum S. Eutropii Episcopi; Ebrezifilum Agrippinensem Sancti Mallosi Martyris; Monulfum Trajectensem S. Arvati; Germanum Parisiensem S. Ursini Biturigenis corpora è tumultis sustulisse, locoque decentiore recondidisse narrat S. Gregorius Turonensis De Glor. Mart. lib. i. capp. 51. 56. & 63. De Glor. Confess. cap. 72. & 80.

(3) Ad annum DLXXXVI. num. xxiv. Quod & ab eruditissimis Benedictinis S. Mauri animadversum fuit in ejusd. Gregorii Vita, quam studiosius elaboraverunt lib. i. cap. v. num. 13. tom. iv. opp. pag. 213.

(4) Quæ collegerunt Cl. Editores Benedictini in notis ad d. epist. xxx. lib. iv.

(5) Lib. i. epist. xix. Rursus ejusdem S. Severini

Reliquias, Venantio, ut in Oratorio in illius honorem propriis sumptibus ædificato conderet, concedendas, idem Gregorius mandat Paschasio Episcopo Neapolitano lib. xi. epist. xxxi. Quas autem ejusdem Sancti Reliquias sibi à Petro Subdiacono transmittendas Gregorius priore Epistola petit, non nisi pro ea Ecclesia, quæ Romæ esset, ab ipso Pontifice catholico ritu consecranda, transmissas existimamus. Verum quidem est, ex hisce Reliquiarum translationibus pluribus malis occasionem fuisse factam: hinc passim Piorum Virorum querelæ: Audi Guibertum Abbatem (qui an. 1101. floruit, pluraque scripsit edita à Cl. Luca Dacherio Paris. an. 1651.) De Pignoribus Sanctorum lib. i. cap. 19. *Certe si Sanctorum Corpora sua juxta naturæ debitum loca, idest sepulchra servassent, hujusmodi quos recensui errores (nimirum SS. Reliquiarum nundinationes, ac falsificationes) cessassent.* Per hoc enim, quod è tumultis eruantur, membratim huc illucque feruntur; & cum pietatis obtutu occaso circumlationis existerit, ad hoc subeunte nequitia detorqueri coepit est intentionis relictio, ut penè quæ simpliciter fieri consueverant, conrumperet universa cupiditas... Dicit quisque quod sensit, securus planè quæ inferam, non Deo, non Sanctis ipsi unquam fuisse placitum, ut eorum cuiuspiam debeat referri sepulchrum, aut dirimi per frusta corpusculum. Nescio an huc pertineat, aut probari illud possit, quod à Petro Abbate Cellensi admissum scimus ex ejus epist. 18. lib. i. & ep. 3. lib. iv. Circumferri enim per omnes Provincias fecit Reliquias B. Aigulfi, cujus Ecclesia incoars fuerat, ut Sanctus ipse mendicaret quodammodo stipem idoneam, qua Ecclesia instauraretur. In Concilio Parisiensi anni 1212. prohibitum est Quæstiones, aut Concionatores admitti, *sive Reliquias* portent, sive sine his accedant, nisi ex iusta causa, & cum literis Diocesani, uti à Cl. Thomassino observatum est part. i. lib. ii. cap. 74. n. 6. & 7. Insignis Neblonis à S. Gregorio Turonensi memo-

rati

Patet itaque ratio, cur Sanctorum Corpora à Rege Aistulfo ad magnum ejus animæ detrimentum ablata dixerit Anastasius, cur etiam eadem de re Pontifex Paulus in Longobardos vehementius inveheretur: Sacrilegum, pristino more, disciplinæque, admissum facinus Uterque rebatur, si solum ea Corpora tangerentur; quanto magis quum eadem loculis suis amota, aliòque translata fuerint; maxime verò quum Hosti invadenti, quasi profanæ prædæ loco cessisse existimarentur. At si rem omnem circumspicere libeat, nihil est, quod Longobardis jure exprobrandum videbatur; omnis verò querelarum summa adversus Romanos convertenda erat: Nam si ablati corporibus ablati quoque honos Coemeteriis fuit, addita quoque (ut inquit Pontifex) Coemeteriis injuria, Romanorum tantum hoc vitium fuit, qui & in Coemeteriis Sanctorum adhuc Corpora supereffe nossent, & quamvis ablata universa essent, suam adhuc Coemeteriis manere Religionem sciebant. Quid verò Romani ejusmodi loca venerari per eam tempestatem pergerent, quos idem Pontifex ex eo præcipue, ac speciatim redarguit, quod multò ante Aistulfi adventum, Sanctorum Corporibus nondum ablati, Coemeteria ipsa neglecta antiquitus satis manerent diruta? Si dicere fas sit, nullum Longobardorum Crimen, sed Divina magis Providentia ea in re agnoscenda erit; ut quæ scilicet infelicissimis illis temporibus apud Romanos (ipso teste Pontifice) Sanctorum Corpora, Coemeteriaque neglectui, atque contemptui esse coeperant, ad Longobardos transfrent, quorum operâ debitis illis honor, ac reverentia instauraretur. Res quidem ipsa vociferatur; nam quæ in Sanctorum Corporibus auferendis Aistulfi mens, quod fuerit consilium, rei ipsius exitus satis luculenter demonstravit, satisque idoneo Anonymi testimonio suffultis tutissimè nunc affirmamus, iterumque proferimus. *Ablata multa Sanctorum Corpora ex Romanis finibus in Papiam Aistulfus quidem detulit; at verò construxit eorum Oracula; neque his contentus in iisdem Oraculis & Monasterium Virginum, & suas Filias dedicavit.*

Sinatus itaque Longobardis, ut ejusmodi facinora patrare pergant. Religionis emolumenta illa sunt; dum Martyrum, seu Sacrarum Reliquiarum translationes in eorum instaurandam, aut amplificandam memoriam, venerationemque vertuntur. Id egit Aistulfus; id certè (ut ad nostra revertamur) Beneventani Principis Arichis exemplo superius probatum fuit; cujus etiam Religionem latius erga easdem Reliquias sese effudisse nunc erit inspicendum: Nam non solum, quas ingenti numero domum transferre studuit, & pientissime ipsæ colere, & publicum illis cultum maximopere comparare satagit; sed quæ alibi Sacra Lysana celebrari nossent, licet absens, splendidissimis tum pietatis, tum liberalitatis officiis honoranda sibi duxit. Qualem is erga S. Januarii Martyrem, cujus Corpus apud Neapolitanos tunc temporis quiescebat, se præstiterit, Neapolitanus vetustus, ac suppar penè Scriptor Johannes Diaconus non solum posterorum memoriæ, Beneventorumque gloriæ non invidit, sed fide optima, distinctaque narratione recensuit; nam dum Neapolitani Episcopi Stephani tempora, ac gesta prosequitur, sub eodem (inquit) Antistite Arichis Beneventanus Princeps, inter multa alia, obtulit in Ecclesia S. Januarii, per Præcepti Seriem, locum qui Planuria nominatur, cum omnibus rebus, & super Altare ipsius Ecclesie pretiosissimum cooperuit Mantum (1).

Atque hæc quidem Arichis religiosa munificentia, hic, inquam, Beneventanorum erga S. Januarii cultus tum etiam servebat, quum illius Corpus apud Neapolim servabatur. Non loci distantia, non Territorii diversitas, non veteres utriusque gentis Simul-

ALTER

P

tates

rati lib. ix. cap. 6. qui falsas Reliquias per Calliam circumferens, tandem Parisiis detectus poenam luit, meminere quoque laudati Patres S. Mauri ad d. Gregoriam Epist. xxx. lib. iv. atque utinam (subdunt) similia non vidisset ætas nostra; & Episcopi de tollendis tam nefandis Reliquiarum abusibus tandem aliquando, sed quidem, sed ferè cogitarent. Quid verò si nequissimum hominum improbitas, vigilantiam (quæ major considerari hodie nequeat) eluserit? Cæterum et si multa ex Reliquiarum translationibus suborta mala probentur, sanctissimorum tamen, sapientissimorumque Virorum, omnium ætatum auctoritate exemplo ratum id esse debet, fas aliquando, plerumque etiam opus esse, rem ipsam permittere; quod vel prætermissum instaret, aut amplius Sanctis honorem conciliare, Fidelium quoque pietatem vel excitare, vel fovere nesciat.

(1) In Chron. Episc. Neapol. inter Scriptor. Ital. Mu-

periendo S. Januarii Altari ab Arichi transmissum, ex pretiosissimi epitheto rectè existimabimus non aliud fuisse, quam quo is pro Regis sui Principatus insignibus paulòante sibi assumptis uteretur. Id à piis Regibus præstari consuetum: Sic Rex Liutprandus (ut à Longobardica Historia non discedamus) Romæ præfens, quæ fuerat indutus exiit, & ante Corpus Apostoli posuit, Mantum, Armilatum, Balneum, Spatium, atque enses deauratos, necnon Coronam auream; quemadmodum in Gregorio II. refert Anastasius. Sed de Corona aurea idem à Principe Sicome eadem S. Januarii præstitum mox audiemus. Interim illud animadvertere licet, Mantum (de quæ voce plurimis Cangius, non Regum modo, verum Pontificum quoque præcipuum olim, per quam investituram acciperent, vestem fuisse demonstrans) sive Pallium, sive Aulæ Veteres dixerunt, quibus cooperiri simulque ornari Altaria consuevisse, luculenter ostendit Cardinalis Bona R. L. I, t. c. xlv. n. xlii.

tates Januarii Episcopi olim, simulque Civis sui obliviosos Beneventanos efficere poterunt; quin insignibus ejusmodi muneribus, *inter multa alia* collatis, Princeps religiosissimus & suam, & suorum Civium observantiam testatam voluit. Quantum vero in Januario colendo ferventiores dehinc Beneventanos intueri licebit, qui ejus Corpore tandem potiti, reduncem ad patrios lares Civem, iterumque in propria Sede, ac in media Plebe sua quiescentem Pastorem habere lætarentur? Quibus lætitiæ, plausulque significationibus, quo sacræ pompæ apparatu, quâ sacræ ædis magnificentia Corpus translatum, receptum, locatum fuerit, ex vetustis ejusdem Translationis Actis audire jucundum erit: „ Omnes Cleri cum „ Reverendissimo Gurti Præsule inter densissima agmina cum hymnis, & lampadibus Sacra Offia ferebant: Sed Clericorum voces discerni non poterant propter agminum clangorem; suum namque Patrem se recepisse gaudebant... Princeps verò eximius tantæ lætitiæ copulatus est, quàm si Urbem illam (*Neapolim*) suæ sublitterit ditioni; lætaturque quod Patrem sibi, suisque reduceret, quem nullus potuit præcedentium Principum revocare... Fama verò jam Martyris Beneventanam Urbem invalerat; unde omnis „ Urbs, cum lampadibus, & hymnis obviam illi facta est, laudantes Dominum, & dicentes: Benedictus qui venit in nomine Domini: qui post tot tempora Patrem suum recipere meruerunt... Ecclesiam Martyri Januario miro ordine renovaverunt, in qua „ etiam Cameram marmoream elegantius constructam eximius Princeps fieri mandavit, „ in qua corpora SS. Martyrum locarentur, Januarii videlicet, Festi, ac Desiderii..... „ Omnis Civitas ad illam ædificationem confluit, etiam excellentissimus Princeps Sico, „ qui Coronam auro optimo, excellentemque gemmis pretiosissimis de capite suis manibus deposuit, & super Altarium B Januarii locavit, quod ipse simul cum Præsule auro optimo, gemmis pulcherrimis, figuris variis undique per totum fieri mandavit „ (1). Hactenus de Translationis solemnitate; quando, à quo, quaque occasione facta sit, meminisse operæ adhuc pretium erit.

Quod Neapolitani antiqua fœdera violare auderent, atque ubi occasio ferret, subdoli ingenii, græcæque fidei alumnos passim se proderent, Princeps Sico armis sibi subigendos suscepit; atque Urbs quidem valde obsessa tellure pontoque, & fortiter scorpionibus, & jaculis oppugnata capta esset, si defuisset ingenium (2) idest, si Neapolitani Ducis, Genitrice sua & duobus liberis obsidibus datis, Siconis ingressum ad sequentem diem remorantis, non adfuisset calliditas, uti Erchempertus tradit: vel (ut veri similis Salernitanus assert Anonymus (3) nisi Urbi Neapolitani Episcopi preces intercessissent. Tunc Ursus electus prædictum Siconem deprecatus est, ut etiam amplius malum non permitteret, nec sanguis effunderetur Christianorum. Exaudiendas Episcopi preces Sico exstimaivit, ita tamen, ut Neapolitani certo quotannis pendendo Tributo obnoxii, Beneventani Principatus imperium agnoscerent. Patrem inientes, atque in scripto Pactum affirmantes inter Neapolitanos, & Longobardos, & obsides Neapolitanos ipse Princeps abstulit: Spopondit ipse Neapolitanorum Dux cum universis suis hominibus sub terribili fortissimoque Sacramento, atque in ejusdem Pacti fœdere præscriptam paginam affirmavit, se daturum illicò omni anno Tributum, quod inter eos statutum fuit, atque suis numismatibus ad ipsam Civitatem pro mercimoniis graderent (4).

Hæc cum Neapolitanis Sico; atque hæc Siconis transferendi Beneventum Corporis S. Januarii occasio fuit. Quum enim in eo felici rerum successu quælibet Neapolitanis imperari fas videretur, haud diutius tulit Sico apud Neapolim peregrinum veluti, atque extorrem Januarium retineri, quem jure suo non Episcopalis modo Sedes, sed Patrii quoque Lares sibi vindicare videbantur. Itaque, uti idem subdit Anonymus, ipse Princeps Sico Januarii Sancti Martyris Corpus de Basilica, ubi per longa temporum spatia requievit, elevans, & cum magno tripudio Beneventum regreditur. Ingens profecto Siconis honos tum fuit, Neapolitanorum subjectionem statuto Tributo, aliisque sanctis juribus, sibi confirmasse, amplior tamen gloria, de qua etiam tripudium ageret, Januarii Corpus Beneventum transfuisse. Audi iterum Acta Translationis, in quibus post narratum religiosæ pompæ apparatum, Beneventanorumque plausus, quibus ea Translatio peracta fuit, hæc de eodem Principe prædicantur. Princeps verò eximius tanta lætitia copulatus est. quàm si Urbem illam (Nea-

(1) Apud P. Stiltingum in Commentar. ad Acta S. Januarii pag. 512

(2) Erchempertus cap. X. to. I. Opp. Peregr. pag. 86.

(3) Anonymus Salernit. cap. XLIX. tom. II. Opp. Peregr. pag. 116.

(4) Dux iste Neapolitanus Bonus nomine fuit, cujus epitaphium extat apud Peregrinum tom. II. Scriptior. Ital. pag. 342.

(Neapolim) suæ subdidit ditioni, laxaturque, quod Patrem sibi suisque reduceret, quem nullus potuit præcedentium Principum revocare: Idcirco immensas reseruit grates, quod suo tempore illi Christus miranda cessisset (1). Utraque certè res, & Tributaria Neapolis, & Januarii Corpus translatum inter egregia Siconis facinora, summæque laudis loco recensetur in Sepulchrali ejus Elogio, cujus quæ hùc spectant Carmina recitare libet:

Obsidione quatit Romanas sepe Cæteras
 Urbis Parthenope, falsidicosque Viros.
 Qui Dominis, solita, Samnitum, fraude rebelles
 Pellere Bardorum fortia jussa volunt.
 Quos Sico perdomitos congressu fortis in omni
 Servitia impellit solvere quaque jubet.
 Abstulit inde etiam Beneventi in Sede locatum
 Januarius quondam fortis Athleta dehinc.
 Cujus Tempia replens argento, auroque recocto
 His dedit, ut jaceat Corpus inane locis (2).

Digna autem tot monumentis celebrari res erat, qua nulla felicior, jucundiorque Beneventanis contingere unquam poterat, dum Episcopum Civemque suum Januarius accepissent, cujus Nominis, Martyriique claritas universi Christiani Orbis veneratione commendabatur, cujus Lyplanis receptis, præsentis jam Patrono amplius foveri, fortunarique sibi certò sponderent. Januarius Beneventanum Civem fuisse superiore Libro nostrarum Antiquitatum Dissert. III. p. 113. plurimis, validissimisque argumentis demonstravimus: Sed nonnullos nacti Adversarios pro Neapolitanis decertantes, iterum manum eidem tabulæ admoveere coacti fuimus novâ lucubratione, quam jamdudum in lucem editam, ne pro ejus modis exiguitate in posterum deperiret, in hujus Libri Appendice recudendam curabimus.

Restat nunc de Translationis tempore, sive anno dicere: Neque ad annum DCCCXVII. ea Translatio retrahenda est, uti Tutinus, & Caracciolus censuerunt; neque ex nostro Vespera in Chronol. pag. 50. ad annum DCCCXXV. producenda. Constat enim Siconem non ante ipsum ann. DCCCXVII. Principatum suscepisse, uti in suis Annalibus Muratorius statuit; quam sequentem statuendum malit Pagius num. 7. Eginhardi testimonio, qui circa initium hiemis anni DCCCXVIII. venisse ad Imp. Ludovicum Siconis Legatos tradit, qui illum de nece Grimoaldi Ducis antecessoris sui excusarent. Veri igitur simillimum fit, nonnisi confirmato sibi Principatu, Siconem finitimis Neapolitanis bellum intulisse, itaut tribus plus minus lapsis annis, & illato bello, & Translationi, quæ inter alia, ejusdem belli emolumentum fuit, annus DCCCXX. tribuendus videatur. Sed de nostri Januarii Translatione jam satis.

Mox verò Neapolitani novam transferendarum Beneventum Sacrarum Reliquiarum occasionem fecerunt. Datam enim juratamque pendendi quotannis Tributi fidem fallentes, Sicardum Siconis Principis Filium, ac Successorem, ut justis armis eorum Urbem adoriretur, impulerunt. Bellum hoc, nullâ licet expressa causâ Johannes Diaconus memorat sub Episcopo Tiberio, sive Johanne Scriba, atque Andrea Neapolitano Duce, contra quem Sicardus innumerabiles motus est irruptiones, pro quibus commotus Andreas validissimam Saracenorum hostem ascivit (3). Rei exitum meliori fide nobis indicabit ejusdem Sicardi Capitulare cum Neapolitanis sancitum, de quo suo loco agendum nobis erit: Interim non solum Tributum sibi à Neapolitanis, veteri ex foedere præstandum, Sicardus confirmavit; verum etiam pleraque Sanctorum Corpora apud illorum Urbem extantia sibi vindicans, Beneventum transferenda curavit. Rem omnem paucis Anonymus Salernitanus ita cap. LIII. enarrat: Ipso tempore Neapolitanus Dux quod jurejurando promissit Tributum distulit dare... Sicardus Neapolitanam advenit Urbem, quam & trium mensium spatio obsidens, & omni circum-

P 2

datam

(1) Eandem Translationem narrat quoque Leo Ostiensis lib. I. cap. 20. his verbis: Ipse Sico cum diu Neapolim obsideret, & affligeret, tandem S. Januarii Martyris Corpus auferens Beneventum detulit, & cum SS. Feo, & Desiderio in ipso Episcopo honorabiliter recondidit, sicut in Historia Erchemperti refertur. At in Erchemperto Neapolitanam obsidionem habemus, Janua-

rii vero Translationem desideramus; unde vel Erchemperti locum mutilum ad nos pervenisse, vel Ostiensis memorie lapsu Erchempertum pro Anonymo Salernitano laudasse dicendum est.

(2) Apud Peregrin. tom. II. Scriptor. Ital. pag. 311.

(3) In Chron. Episc. Neapol. tom. I. part. II. Scriptor. Ital. pag. 314.

datam parte quotidie fortiter expugnauit eam, omnia extra Urbem & igne; & ferro delectans, atque funditus demoliendo consumpsit, ut Neapolitanam capere potuisset Urbem: Nam & Corpora Sanctorum effodiens, eorum Sacra Myſteria abſtulit.

Non autem heic ſubſtitit in Sacris ejuſmodi comparandis, exportandiſque Beneuentum opibus huius Principis ſtudium. Quamvis enim ejus nomen ex pluribus impotenter geſtis inuidiæ plenum, & quadam execratione dignum ad poſteriorum memoriam peruenit (1); Religio tamen erga Sanctorum Reliquias, Majorum exemplo, ſerventior fortaſſe, ſucceſſu certè felicior, inſediſſe ejus animo viſa eſt. Inſtructa enim Claſſe quandam veluti Sacram expeditionem ſuſcepit, ut univerſa ea loca, inſulaſque omnes, quæ Tyrreno Mare alluebantur, perluſtrans, quæcumque nanciſci Sacra lypiana poſſet, quò major ipſis honos, religioque compararetur, Beneuentum transferret. Piſſimum Principis ſtudium non incuſſum ceſſit, immo obſecundare Deus viſus fuit, illiuſque non modo explere vota, verum etiam ſuperare. Illud enim felix tunc, fauſtum, fortunatumque contigit, ut SS. Apoſtoli Bartholomæi Corpus, quod in Sicilia Inſula Lipari, paulò ante à Saracenis vaſtata, haud debito tunc cum honore ſervabatur, Sicardus auferens, ejuſmodi pretioſiſſimo theſauro, ac glorioſiſſimo Patrono Beneventanam Urbem locupletarit. Teſtes huius Tranſlationis habemus tum Anonymum Salernitanum, tum Leonem Oſtienſem. Anno ſecundo Chronographum Cavenſem (2). Sed ne plura heic præclariffimæ rei dabimus; multa enim adverſus Tillemontium Liparitanam ex Aſia Tranſlationem in dubium revocantem, mihi diſſeruiſſe alibi occaſio fuit, peculiari Diſſertatione typis Venetis in T. IX. Collectionis Calogeria-næ edità. Interim in huius Libri Appendice vetuſta ejuſdem Tranſlationis Acta edita ex MS. Codice noſtræ Bibliothecæ exhibebimus.

Neque verò, ut ſolius Bartholomæi Corpore potita ſit, hodieque fruatur, Longobardorum Religioni Ciſtiberina debet Italia; etiam SS. Apoſtoli, Evangeliſtæque Matthæi Corpus acceptum reſert; quod Salernum tranſlatum in illa adhuc Urbe quieſcit. Iſdem vetuſtis Scriptoribus teſtata res eſt: Nam Oſtienſis, Abbatis Aligerni anno ſecundo, æræque vulgaris CMLIV. *Beatiſſimi Apoſtoli. & Evangeliſtæ Matthæi Corpus*, quod primò apud Ætiopiam, ubi paſſus fuerat, poſtmodum autem apud Britaniam per tempora diverſa quieverat, tandem ejuſdem Sancti Evangeliſtæ revelatione repertum, atque in Salernum tranſlatum narrat (3); Giſulphum Salernitanum Principem hæc Tranſlatio auctorem habet, cujus temporibus (inquit Anonymus Salernitanus (4)) *invenum eſt ſacraſſimum Corpus B. Matthæi in Lucania finibus, atque cum*

(1) Non id mihi diſſimulatum volui, quod de Principi Sicardo tum Erchempertus cap. x. ii. tum Anonymus Salernitanus cap. LV. & ſeq. prodiderunt. Turpiſſimam omnium maculam ejus nomini intuliſſe videtur ſacrilegum facinus, quo is Deodatum, ſeu Deuſdedit Caſini Abbatem carceri mancipavit, qua ex cauſa ille deſunctus inter Martyres referri meruit; ipſeque Sicardus à laudatis Caſinatibus Hiſtoricis tam malè audiit. Sed non ea quidem juſta haberi cauſa debet, ut Tyranni cognomen Sicardo aptari debeat, uti etiamnum ex Romano Martyrologio audire eſt ad diem ix. Octobris, quo Deodati memoria recolitur. Ac Mabilionius quidem, qui in Annal. Benediſt. lib. xxx. ad annum 828. num. 25. Sicardum ſpurciſſimum, & avariſſimum dixerat, ſequenti libro xxxi. ad an. 834. num. 28. paulò æquiorum cum Sicardo ſe habet, à quo ſeculari magis potentia, quam congrua ratione Deodatum depoſitum, & cuſtodiam mancipatum obſervat; additque ſub Authperto Abbate Sicardum cum Caſinatibus in gratiam rediſſe ob Gualdum, ideſt Silvam, vocabulo Martoranum, S. Benediſto datum. Rei ſumma, ac veritas hæc eſt; Flagitanti Sicardo pecuniam in Reip. neceſſitates erogandam a Monafterii opulentiffimi Abbate, crimen vium fuit, repulſam tuliſſe, quam illius depoſitione vinculiſque vindicare maluit, quam vim Monafterii theſauris inferre. Extorquendæ pecuniæ ſive neceſſitas, ſive cupido, facinoris occaſio fuit. Pro amore pecuniæ (inquit Erchempertus cap. xlii.) ſpectabilem, & Deo dignum Virum, ſanctitate conſpicuum, Deuſdedit nomine, Beatiſſimi Benediſti Vicarium, ſeculari magis potentia, quam congrua ratione depoſuit, ac cuſto-

dia mancipavit. Solius pecunia cauſam aſſert quoque Oſtienſis lib. I. cap. 21., à quo etiam aſciimus ſeq. cap. 22. eam facinoris notam, avaritiæque labem pia poſtmodum Sicardi liberalitate emendatam, qui Gualdum, qui Martoranum vocatur, per ſuum Præceptum S. Benediſto conceſſiſſe per fines, & terminos ſuos, cum ripis, & aquis ſeſſariis, & piſcationibus, & omnibus intra ſe poſſiſſis, quemadmodum ad Palatii ſus pertinere tunc temporis videbatur. Amplius verò veteris ſcleris, quam ſubierat invidiam, amoliri à ſe ſtuduſt Sicardus, quo (ſi Chronographum Vulturnenſem audivimus) nihil deinceps religioſius, nihil erga ſacras Ædes, Perſonaſque liberalius haberi poteſt. Beneventi Sicone deſuncto, Sicardus ejus filius ſuccedit. Hic multa dona Monafteriis Servorum Dei contulit, ſed præcipuè Beatiſſimi Vincentii. Ita is Chron. lib. III. tom. I. part. II. Scriptor. Ital. pag. 402.

(2) Anonymus Salern. cap. LXIV. Interea factum eſt, ut Tyrreni æquoris inſulaſ, Auſoniaque univerſa loca idem Princeps circuiret, ut quatenus corpora Sanctorum quotquot invenire poſſet, Beneventum cum debito honore deſerret. Atque per idem tempus ex Inſula Liparitana Bartholomæi beati Apoſtoli Corpus Beneventum cum magno gaudio deſerri juſſit. Ex eodem Anonymo habemus etiam, Corpus S. Triphomenis ab Amalphitanis ſervatum, ex occasione à Longobardis, illorum Urbe capta, Beneventum tranſlatum, uti is cap. LXV. & LXVI. pluribus narrat.

(3) Chron. lib. II. cap. V.

(4) Hiſt. cap. CLX. eadem habet Epitome Erchemperti in tom. V. Scriptor. Ital. pag. 32.

debito honore per *passionem* jam sati Principis Salernum deducitur. Non in solius tamen Salernitani Principatus, ejusque Urbis felicitatem cedere ea res debebat: oportebat enim, ut utraque Beneventanam Urbem, ejusque Principatum, unde se propagatos agnoscebant, consortem haberent. Hinc Pandolfo I. Beneventano Principi, mox ut ea innotuit Translatio, Corporis partem flagitanti, Brachium concessum fuit, quod Beneventum summa lætitia, atque honore translatum, conditumque est (1).

Pluribus aliis exemplis, quod hoc Capite jam longè progressum est, Longobardicæ Religionis argumentum illustrare promptum esset: nisi, quod semel initio præstiti, nunc iterum piissimum istud in concurrendis sacris Lyphanis Longobardorum studium adversus importunas quasdam, satisque inconsultas præclari Scriptoris observationes, seu potius criminationes tuendi necessitas mihi incumberet. Tantum autem abest, ut rem dissimulandam voluerim, ut ex ea, in medium allata, ac penitiùs inspecta, non solum non imminutum Longobardicæ Religionis decus, sed planè adauctum probare, optimis rationibus, tutissimè spondere mihi possim. Quæ igitur V. C. Ludovici Muratorii, *De Christianorum Veneratione erga Sanctos post declinationem Rom. Imperii*, differentis sententia fuerit, ejus ipsius verbis audiam volo: *Erant* (inquit) *ferreis illis Saculis incredibilis sacrarum Reliquiarum aviditas, atque inde sæpè, ac sæpius manabant furta illa, atque rapinæ; sibi que arridere fortunam putabat quisquis aut bello eripere hosti, aut fraude surripere incautus sacra hujusmodi pignora poterat.* Hæc autem à Muratorio pronunciata tunc demum leguntur, quum is paulo ante in Beneventanam Civitatem, suorum Principum curâ, Sanctorum Reliquis in immensum locupletatam hisce verbis stilum exacuerat. *Ira Civitas illa alienis spoliis locupletabatur, piumque arbitrata est triumphum, Tempia f-*

niti-

(1) Alterum Corporis S. Matthæi brachium, sive illius *os integrum* à Duce Roberto (post ædificatam anno 1080. Apostoli Basilicam, illucque Corpus illatum) *argentea theca reconditum, ad suam filiorumque tutelam reservatum narrat Id. Olfensis lib. III. cap. XLIV.* Relinquendum filio Rogerio mandavit in Constantinopolitana expeditione obtens Robertus (ut idem narrat cap. LV.) sed fortè Beneventi repertum anno 1122. Casinum transfereendum, Girardum Abbatem curasse subdit lib. IV. cap. LXXXII. Observanda hæc fuerunt, ne Brachium Casinum translatum cum altero Brachio confunderetur, quod in primæva Translatione Beneventani acceperunt. Bellocensis Ecclesiæ ejusdem Apostoli Caput servare se credit, uti tradit Tillemontius in *Matthæo tom. I. pag. 392. edit. Venet.* qui tamen, more suo, de antiqua, seu omnium prima Corporis Translatione, propterea quod non adhuc solidæ probationis sibi occurrerint, dubium facit: De diebus enim, quibus Apostoli memoria celebrari solet, agens, præter diem 21. Septembris, *le mettent* (inquit) *encore le 7. d'Octobre, & le 6. de May, auquel le Martyrologe Romain celebre aujourd'hui la Translation de son Corps.* Cur *ayant été, dit on, transporté d'Étiopie en Bretagne, ou en Bithynie, il fut enfin transféré à Salerne l'an 954.* *On trouve en cette ville l'anno 1080. Le Duc Robert y fit bastir une grande Eglise sous son nom, ou sous Corps fut mis du temps de Gregoire VII. Il est certain, qu'on prétendit l'y avoir trouvé à Salerne sous ce Pape; & qu'on luy bastit une Eglise.* *Nous n'avons pas encore trouvé de preuve bien solide du reste, non plus que de la prétention de l'Eglise de Beauvais, que croit avoir son Chef.* Ejusmodi scrupulos, quos passim subjicere Tillemontius solenne habet, in nostro, de S. Bartholomæo, Libello generatim removere satagemus: Nunc, quod ad rem attinet, duplicem, quæ Salernum ipsum respicit, ejus Corporis Translationem distinguere opus est: altera enim ea fuit, quum primum in Urbem pervenit; altera, quum anno 1080. in novam à Duce Roberto ædificatam Basilicam illatum fuit. Priorem, ac præcipuam Translationem vel ignorasse, vel neglexisse videtur Cardinalis Baronius in notis ad Martyrol. Rom. sub die 6. Maji. Ac Gregorius quidem VII. in epistola ad Alfanium Episcopum Salernitanum, ab ipso Baronio laudata (quæ ex ejus Registro datam inquit Anno octavo

ejus Pontificatus, tertio Indi. VIII. Kal. Maji anno Dom. 1080. in Collectione vero Conciliorum Labbeæ tom. XII. inter ejusdem Gregorii Epistolæ lib. VIII. epist. VII. pag. 487. hæc unam temporis notam habet: *Dat. Romæ XIV. Kal. Octobris* gratulatur de invento B. Matthæi Corpore, hortaturque Episcopum, ut illud debita veneratione prosequatur, ac moncat Ducem Robertum, ejusque Conjugem, ut tam insigni Patrono congruum honorem exhibeant. Quod Pontificis monitum in causa esse debuit, ut Robertus eam Basilicam ædificaret, quam eandem, non verò aliam ab se conditam (uti Tillemontius asserit) ipse postmodum Pontifex Salernum adveniens dedicavit. At si Apostoli Corpus ab an. 954. ad Salernitanos delatum, cur anno 1080. illa de eodem invento Corpore Gregorii gratulatio, cur adeo fera Basilicæ, ubi locaretur, constructio? Nil mirum. A priorè Translatione anni jam cxx. & amplius effluxerant, quo longo temporis intervallo sacrum Corpus in Ecclesiâ Cathedrali initio conditum, deservessente paulatim (ut hominum fert fragilitas) Civium cultu, oblivioni datum, sub Alfano tandem Episcopo sanctissimo in memoriam lucemque rursus prodit, ac debite venerationi restitutum fuit. Cæterum de præcipua Translatione anni 954. dubitari nefas esse debet. M. Antonius Marfilii Columna Archiepiscopus Salernitanus (quem tum Baronius l. l., tum Ughellus laudat tom. VII. in Bernardo Episcopo pag. 362. & in Alfano Archiepiscopo pag. 386.) in Vita S. Matthæi cap. VIII. ejus Translationis Historiam ex *Veteri Monumento* scripsit, quam ejusdem Scriptoris verbis recitare eidem Ughello libuit: ex qua denique habemus, ex eodem Apostoli Corpore Brachium, petente Pandolfo Principe, Beneventanis concessum, ab ipsique summo gaudio, atque honore receptum, cuius Translatio insigni quoque miraculo, reliquæ veritatem comprobante, fuit illustrata. Ne verò quis de ejus Scriptoris fide controversiam faciat, qui rem totam ex *Veteri Monumento* exceptissimè testatur, vetus ipsius monumentum (idem fortasse, quo Scriptori usus fuit) in hujus Tomi Appendicæ ex nostra Bibliotheca præferemus, quæ illud nobis suppeditat in vetusto Codice sæculi XI. Longobardicis characteribus exarato: cui adscriptus Titulus: *Acta Sanctorum, Sermones, & Homiliæ* à pag. 159. ad 166.

nitimorum expilare, ut sua ditaret. Ex quo, aliisque aliunde confarcinatis exemplis, hunc Dissertationi suæ Epilogum facit, reique universæ coronidem imponit. Ex quibus omnibus jam tandem colligimus, apud rudium Sæculorum homines sanctam quidem Christi Religionem vixisse, multos tamen ex iis (de Sæcularibus loquor) parum excolendis veris animi virtutibus, & solida pietatis officii operam dedisse: Satis quippe eis fuisse videtur, si Sanctorum patrocinia apud Deum sibi procurarent: Quod etiam crasso quodam modo, ac, ut ita dicam, sensuali devotione peragebant, eorum tantummodo Imagines, & sacra Lypfana venati, ac venerati: Fortassis etiam terrena potius utilitatis, quam pietatis intuitu, erga Sanctos tanta veneratione tenebantur (1).

Abfit, ut ingenii vitio tribuendum existimem, quod ad verum sincerumque Religionis cultum, atque obsequium vindicandum tum in vetustis Sæculis observavit, tum nostra quoque ætate, quasdam Christianæ Devotioni Regulas edicens, notavit Muratorius. Desideranda tamen in eo fuisset major sive Zeli, sive Critices sobrietas, diligentior autem temporum, ac personarum distinctio, rerum etiam pertractandarum investigatio, ne suscepti labores in Religionis incommodum potius, quam emolumentum verterentur: Ad rem quod attinet, Longobardis nostris Sanctorum Lypfana adeo flagranter concupientibus nullam avaritiæ labem exprobrare Muratorius valebit, dum in construendis locupletandisque illorum Ecclesiis adeo effusus Longobardos universi norunt, ut nihil ipsis liberalius fuisse constet. Ubi igitur quis tam largiter sua in Deum, ejusque Sanctos elargitur, Pietas certe, ac Religio illius animo insit, necesse est: Quæ verò virtutes Ecclesiasticorum, Religiosorumque hominum necessaria videntur ornamenta, in Sæcularibus optandæ quidem, haud verò sunt requirendæ. Sed rationes hæc libenter mittimus, uno, quo satis Muratorio faciamus, contenti argumento: argumentum autem ferrea illa (quæ is vocat) Sæcula, ac vicens tunc Christianæ Reip. status facile suppeditabant: quod ubi demonstratum à me erit, nonnemini persuasum iri arbitror, falsum omnino esse, quod incredibilis illa Sanctorum Reliquiarum aviditas aut ex sensuali devotione, aut ex captando ad scelus impunitatem Sanctorum patrocinio, aut alia quavis profana ex causa proficisceretur: Sic enim statuo, ut ea potius in re manifestum Divinæ Providentiæ consilium, ac satis tunc opportunam Catholicæ Religionis tutelam, necessariam denique Catholicæ Fidei propugnationem agnoscere, ac fateri necesse nobis sit.

Ecquis enim ingentem illam malorum colluviem ignorat, quæ ex Inomachorum Hæresi, in Oriente latius grassante, in ipsum exundavit Occidentem. Constantinopolitanum Augustum Leonem cognomento Isauricum ejus Hæresis auctorem scire suffecerit, ut nihil illà perniciosius unquam Catholicæ Ecclesiæ contigisse affirmemus. Monstrum ejusmodi non virulentis, ut aliàs, verborum blandimentis, non captiosis scriptionibus, non simulato in virtutis speciem aspectu subrepere, subdolisque artibus sensim adollescere, sed mox ortu in ipso immane, atque ingens ex ipso Augusti folio, natalis sui sede, erumpere simul, ac furerere coepit; paratumque nutibus suis imperialem gladium habuit, quo in omnes Romani Imperii, scilicet Christianæ Reip. Cives, cùm in Majestatis reos, ubique animadverteret. Res eò processit, ut post dejectam Christi Salvatoris effigiem, quæ supra æream Constantinianæ Ecclesiæ Portam, & suâ dignitate, & vetusta Civium veneratione insignis erat; indictumque quadriennio post, nempe Anno dccxxx. (qui ipsius imperantis erat xiv.) in universas sacras Imagines Bellum, furem hominem nec præsentis Constantinopolitani Patriarchæ Germani hortationes precesque temperare, nec crebra Gregorii Secundi, Tertii-que Romanorum Pontificum admonitiones, ac dirarum tandem imprecationes detertere, aut cohibere potuerint, quin potius pertinaciorem adhuc, atque effrationem reddiderint. Haud extinctum cum ipso Augusto id malum, qui Imperii æquæ, atque impietatis heredem Constantinum Copronymum reliquit: additum etiam ab successore novum Hæresi robur, Ecclesiasticæ scilicet auctoritatis velamen: nam anno dcccliv. coacto tercentum triginta octo tumultuario Episcoporum conventu, Imaginum cultum Ecclesiasticæ Sanctione mandandum curavit. Non ante annum dccclxxxvi., quo ea de re Nicæna II. eademque Septima universalis Synodus celebrata fuit, vindicatum Catholicæ Fidei Dogma, restitutum Sacrarum Imaginum cultus, ac proscripta Iconoclastarum Hæresis; cujus tamen non omnes evulsæ radices, Gallis Nicænum Decretum non omnino probantibus, Claudioque Episcopo Taurinensi damnatam Hæresim mordicus propugnante; itaut quod suas in Oriente vires amiserat, in Occidente malum ipsum recrudescente, superatisque Italiæ claustris in ipsam Religionis sedem irruere niteretur.

(1) Antiquit. Medii Ævi tom. v. Dissert. LVIII.

At Longobardorum Religione per eam ætatem omnem factum est, ut incolumis Italia fervaretur; illudque felix faustumque contigit, ut non solum intra ejus fines Catholica sese Fides contutaretur, verum etiam de validissimis tot Adversariorum conatibus triumphum veluti ageret. Dum enim in universo Oriente atrocissimum adversus Sacras Imagines Bellum flagrabat, memoratusque Taurinensis Claudius in Occidente Iconomachorum patronum ageret, eodem certè tempore Longobardorum, universæ ferè Italiæ tum dominantium, animis, diligentius conquendarum, religiosiusque quàm unquam colendarum Reliquiarum studium fervescibat; Eadem quippe Reliquiarum, atque Imaginum ratio, atque causa tum erat. In Romano Martyrologio ad diem xxiv. Augusti, & fusiùs in Græcorum Menologio S. Georgii Limniotæ Monachi memoria celebratur, qui quum impium Leonem Imperatorem reprehendisset, quod Sacras Imagines frangeret, *Sanctorumque Reliquias combureret*, ejus iussu manibus abscissis, & Capite incenso martyri occubuit: Sic idem paullo ante laudatus Dungalus adversus dictum Claudium Taurinensem scribens, *Picturas Sanctas, & Sanctam Domini Crucem, & Sacras Electorum Dei Reliquias, dignis, & congruis honoribus à Catholicis, & Orthodoxis in Deo, & propter Deum venerari oportere demonstravit* (1). Quidni igitur peculiari Dei providentiâ, qua Catholica Ecclesiæ prospectum iret, illud evenisse fateamur, ut ad honorandas Sanctorum Reliquias tanta animorum contentione Longobardi excitarentur? Certè alibi, ac per universum ferè Christianum Orbem ferro, atque igne adversus Sacras Reliquias, earumque Cultores ab Imperialibus Ministris sæviebatur: Ad hæc *de illis confringendis, proiciendisque, deque Cruce non adoranda amplius, quàm asinus quilibet, aut spinosa rubus, ac demum de Memoritis Sanctorum nullimode adeundis*, Claudius vociferabatur (2): At contrà quàm lætum, ac triumphale, quàm Catholica Fidei salutare, ac decorum, quàm deniquè Posterorum omnium laudibus celebrandum, Longobardos in media Italia videre est, in id maximopere intentos, ut conquiritis undique vel latentibus, vel neglectis Sanctorum Reliquiis debitus honos, cultusque vel instauraretur, vel augeretur: adhuc etiam munificentissimam Longobardorum Pietatem intueri, quâ sacris Aëdibus amplissimo attributo censu excitatis, non solum ipsi sese, reliquosque indigenas Italos Orthodoxæ Religionis assertores, ac propugnatores profiterentur, verum etiam certa, tutaque, atque in omne mansura ævum, ejusmodi sacrorum Pignorum & custodia, & veneratio confaret. Quæ quum ita sint, non amplius de hac re Muratorium audiemus; nam ex hæcenus dictis, animadversisque, Longobardos *ex sensuali devotione, terrenaque potius utilitatis intuitu Sanctorum Imagines, ac Lyssana venatos, veneratosque* qui dixerit, iniqui criminitoris loco habendus, inconsulti certè Scriptoris nomine censendus erit: Qui verò sincera virtute, divinoque consilio gesta hæc affirmavit, non is equidem à veritate aberasse, immò verò satis promeritam Longobardicæ Religioni laudem vindicasse existimabitur.

Sed de hac ipsa re præclariora adhuc suppetunt: Non enim illud Longobardis satis videri debuit, ut in eo Catholica Fidei discrimine, pro Sanctorum Imaginum, Reliquiarumque cultu, Religione suâ, ac solis privatæ Pietatis exemplis quodammodo decertarent: intererat quoque Romanæ Ecclesiæ, ut quos propiores, circumque sibi positos haberet, ac suo veluti sinu receptos aleret, ac confoveret, ipsos etiam Longobardos adversus Hostium conatus, qui in Italiæ simul, ac Religionis interitum irruere nitebantur, propugnatores experiretur: Ac Romanæ quidem Ecclesiæ spem, quæ in unius tunc Longobardicæ Gentis fide, viribusque posita erat, non solum non sefessisse, sed planè superasse Longobardi visi sunt: Horum enim constantissima ope, validisque præfidiis Christianæ Res tunc in Italia steterunt, ipsaque Religionis Caput, Romana Petri Sedes servata incolumis est. Singulare hoc Longobardorum Decus plurimis, indubiisque, mox recensendis, rerum gestarum monumentis comprobare promptum habeo; at priùs de causâ præfari libet, qua factum videtur, ut ad eam alacriùs exhibendam enixiusque implendam operam Longobardorum studia, viresque excitarentur. Communis quidem illa ratio fuit, quæ ex Catholici nominis professione manabat, ut Longobardi Orthodoxæ Fidei, quam semel suscepissent, imprimis studiosissimi, publicam Religionis causam tueri, atque in ejus, qui & verus Petri Successor, & veræ Religionis Antistes, ac Magister erat, partes transire, sui esse muneris existimabant: Urgebat verò, ac veluti currentibus stimulos addebat peculiare illud, quo erga ipsum Apostolum Petrum jamdiù eorum animi affecti erant, venerationis obsequium.

De S. Petri prærogativis etiam summatim loqui liberet, infinita prope res esset, atque omni-

(1) Apud Mabillonium in Præfat. Sæculi iv. Bened. Anni num. 39.

(2) Ibidem num. 23.

omnino supervacanea, quippe quæ innumeris passim omnium ætatum Scriptoribus celebrata, nemini certè, qui tantum Christianus audit, ignorata esse potest. Heinc illa universæ Christianæ Ecclesiæ, quæ super ipsum ædificatam, Christi ore, se noverat, quum adhuc Petrus inter homines ageret, amplius quum inter Cælites receptus est, perpetua, ac præcipua erga supremum Pastorem suum veneratio; Heinc certissima illa, ac tutissima Orthodoxæ Fidei nota, quam quisque profiteri censeretur, si unam Petri Sedem, eumque in Successoribus suis superstitem agnoscerent, colerentque; contrà verò exors mysterii intelligeretur esse *Divini, qui ausus fuisset à Petri soliditate recedere* (1): Hinc frequentissima à vetustissimis usque Sæculis, toto, quâ longè pateret, Christiano Orbe in ejusdem Petri honorem Ædes sacræ, Basilicæ, Oratoria, Aræ; quemadmodum à sapientissimo Baronio observatum est (2); cui id libenter adjicimus, ex quo scilicet per Occidentem Benedictinus Ordo propagari coepit, ex frequentissimis aliis pluribus intra solius seculi spatium erectis passim Monasteriis, ad nonaginta, & amplius illa fuisse, quæ in S. Petri honorem, ejusque nomine insignita numerarentur (3): Hinc denique (ut ad rem propius accedamus) illa ejusdem Occidentis universi in S. Petrum, ejusque Successores, Romanæ Cathedræ Præsides, tum observantia, tum fides, tum obsequium, ut instar Numinis, quod Deus Optimus Maximus moderando Terrarum Orbis præficeret, cuncti suspicerent, ab eoque tum privatam, tum publicam sospitatem, mundanarumque, ac Cœlestium rerum, bonorumque omnium dispensationem pendere, persuasum sibi haberent: Hanc Occidentalibus laudem Sanctissimus Pontifex Gregorius II. ad prædictum Imp. Leonem primo loco scribens, tribuebat: *Occidens (inquit) universus ad Humilitatem nostram convertit oculos, & licet tales non sumus Nos, illi tamen magnopere Nobis confidunt, & in Eum, cujus denuncias te Imaginem everfurum, atque deleturum, Sancti scilicet Petri, quem omnia Occidentis Regna velut Deum terrestrem habent* (4).

Inter Occidentis autem Regna hanc profecto laudem jamdiu sibi promereri cœperant Longobardi, qui per Italiam ferè universam constitutis sibi laribus, Regnique jurbus confirmatis, ex propinqua Roma, ubi Petri Sedes ejus tum Sanguine, tum Sepulchro consecrata vigeat, ferventiores erga Petrum effecti, non solum aliis non concedere Christianis Populis, sed cunctos ea de re anteire, ac præcellere nitebantur. Præcipuum argumentum illud erit, ut quam omnium primam à Longobardis Beneventi dominantibus Ecclesiam ædificatam scimus, illam nonnisi in S. Petri honorem, ejusque nomine decoratam voluerint. Fuit isthæc insignis illa Basilica cum adjuncto Ancillarum Dei Monasterio, quam (uti superiori Capite copiosius observatum fuit) piissima Theodorada Ducis Romualdi Conjug an. circ. dclx. haud longè ab Urbis pomœriis ad Sabathi ripam ædificavit. Cur verò eandem Basilicam extra muros eo loco, qui inferiori ætate *Planities S. Petri* Apostoli (5), nostrâ verò *S. Pietro da fuori*, dictus est, Theodorada extruendam curaverit, digna nunc observatu res erit: non enim illas, etsi pias, ejus rei causas probamus, quas in hisce extramuranis S. Petri Ecclesiis Vulgus excogitavit, nonnullique doctiores adoptarunt; sed potior hæc fuerit, ac verior, quam à Cl. Camillo Peregrinio satis aptè animadversam invenio, ut scilicet Theodorada eam extra Beneventi moenia construxisset videatur Ecclesiam, ut pio quodam affectu D. Petri in Vaticano Campo extra Romam conditam Basilicam imitaretur (6). Fervebat siquidem Theodoradæ, ejusque Gentis erga S. Petrum religio, sed quum Romanam Basilicam adire frequentius nequirent, satis congruum subiit consilium, ut constructâ ad Romanæ exemplum Beneventana Petri Basilica, pio affectui satisficeret.

Sed neque sacræ peregrinationis ad Romanam Basilicam à Longobardis Beneventanis susceptæ exempla defunt. Illud heic meminisse satis fuerit, quod tres illi Sanctissimi æquè, ac Nobilissimi Beneventani Fratres Tato, Tafo, ac Paldo præstiterunt. Horum quidem Pietas

(1) S. Leo I. epist. LXXXIX.

(2) Ad an. DLXXV. ubi sic habet num. XVII. *Quum in honorem Apostolorum omnium, atque Martyrum erigerentur à Majoribus nostris ubique Memoriae, quas sive Ecclesias, sive Tempia, atque Basilicas nominamus; nunc tamen ipsorum Principum Apostolorum Petri, & Pauli ubique locorum Christiani Orbis frequentiora, atque celebriora excitari consueverunt monumenta, præsertim in Galliis, quæ diversis in locis sunt à nobis superius dicta, fidem faciunt.*

(3) Ab anno scilicet DCCXI. ad annum DCCCL. uti obviū erit percurrenti Indicem secundum Monasterio-

rum tom. II. Annalium Benedictin. V. Cl. Mabillonii.

(4) In Epistola I. Gregorii IV. ad Imp. Leonem, recitata in Actis Concilii Nicæni II. apud Labbeum to. VII. Conciliorum pag. 671. Eandem posterioremque Epistolam Gregorio III. attribuit idem Labbeus De Scriptor. Eccles.: at à Gregorio IV. scriptas anno 930. contendit Pagius ad an. 726. num. 3., quo anno illas Baronius profert num. 28.

(5) Falco Beneventanus in Chron. ad an. MCXXXVII.

(6) In notis ad d. Falconem num. 53. tom. V. Scriptor. Ital. pag. 127.

tum in fundando Monasterio Vulturernsi, tum in Casinate instaurando amplissimam differendi materiam, superiore Capite, nobis suppeditavit: præsto etiam nunc est, ut præsentī argumentō digna proferamus: Quum enim Divini Numinis afflatu, propositum Viris piissimis fuisset, Patriā, suisque relictis, longinquis in regionibus monasticam profiteri vitam, Romam primū pergendi consilium fuit, & Apostolorum Principis Petri se suffragiis commendare, ejusque desiderata limina osculari. Quod & ab ipsis, Peregrinorum habitu, factum est, S. Thoma Farfensi Abbate comitem se præbente: Rem, quam verbis quoque celebrandam existimavit S. Authpertus Abbas, haud minus relatu dignam nos ducimus.

*Te simul ecce petunt, Petri dum limina quarunt,
Roma beata nimis, Fratresque, Senexque fidelis,
Quos trahit ipsa ferens Fidei per littora navis (1).*

Sed, ut ad Sacras Petri Aedes redeam, quā præclarum illud censi debet, quod in Casino Monte à Scauniperga Ducis Gisulfi Coniuge, superiore quoque Capite, factum audivimus. Templum ibidem Idololatriæ usui olim ædificatum, ad ea tempora permanebat, quod piissima Mulier Christiano ritu expiatum, consecratumque, sacris Iconibus, pretiosa suppellectili, certis redditibus, cæterisque aliis ad Ecclesiasticorum officiorum ministeria decorē, perenniterque peragenda necessariis instructum, in B. Petri Apostoli honorem convertit (2). Hunc, scilicet, honorem Petro deberi Scauniperga censuit, ut quæ tunc primū ex Idolorum cultu ad veri Dei venerationem Aedes convertebatur, illius potissimum nomine dedicaretur, quem Christus omnium Apostolorum dignitate primū, 'in consortium individue unitatis assumptum, id quod ipse erat, voluit nominari, dicendo: Tu es Petrus, & super hanc Petram ædificabo Ecclesiam meam (3).

Præter autem illud, quod à Theodorada extra moenia primitus constructum fuit, aliud quoque cum eadem S. Petri appellatione Sanctimonialium Monasterium, intra Beneventanam Civitatem situm, vetusta produnt monumenta (4). Fuit etiam Monachorum, uti ex Alcuini ad Carolum Magnum Epistola manifestum fit; denunciatur enim Carolo Alcuinus, se non sine dolore, & lacrimis audivisse Mangonfredum, Regis fidelem, sibi que carissimum amicum in Benevento obijisse, seque rogatum à Fratribus S. Petri literas Regi dirigere pro cellulis ad eam antiquitus pertinentibus Ecclesiam, ut aliquas ex his S. Petro restitueret, simulque spatium concederet pro atrio intra muros Civitatis, unde fratribus S. Petri honesta habitatio construī posset (5).

Adde nunc binas illas Ecclesias in S. Petri honorem à Principe Arichi constructas, quarum alteram, nempe S. Petri Principis Apostolorum, quæ ædificata est in Gato, Ecclesiæ S. Sophiæ in suo Donationis Diplomate is subjecit, alteram Salerni intra sui Palatii ambitum ædificavit; de qua Salernitanum audire Anonymum jam libebit: munita enim Urbe, in eaque miræ magnitudinis, imo & pulchritudinis Palatio constructo, ibidem in Aquilonis parte Ecclesiam in honorem Beatorum Petri, & Pauli instituit, quæ, ut ajunt, dum olim asylum Principis fuisset, & ipse Princeps Idolum jacens illic invenisset ex auro fabrefactum, inde ipsam Ecclesiam deauravit. Honoris ejusdem cum Petro Paullum locum voluit Arichis, quorum in Apostolico munere consortium, parique in Christianam Religionem promerita agnoscebat, ac venerabatur. Quantum vero Petrum ipsum venerari debuit Arichis, qui (quemadmodum Beneventi in Ecclesia S. Sophiæ Palatio proxima consuevit) etiam dum Salerni degeret, ejusdem Apostoli Ecclesiam suo item Palatio conjunctam frequens adire, nocturnæque vacare orationi solet: ita enim, si ejus Principis pietatem spectemus, illa Anonymi verba interpretari fas erit, quibus ea Ecclesia Principis olim asylum fuisse dicitur: Quam felix etiam, ac planè jucundum ejusdem Principis Religioni contigisse debuit, ut vetustum illud ex auro Idolum eodem in loco additum, sibi detegendum servaretur, ut quantumvis pretiosissimas illas, ac plurimi semper habitas, profanæ licet Antiquitatis Reliquias in Regium Cimeliarchium haud quidem inferri lineret, sed melioribus auspiciis, ac mirā nullius fortasse exempli pietate in ejusdem Ecclesiæ ornamentum, Sanctique Petri honorem statim converti maluerit.

ALTER

Hanc

(1) In Vita eorundem, præfixa Chronico Vulturernsi tom. 1. part. 11. Scriptor. Ital. pag. 340.

(2) Officinis in Chron. Casin. Lib. 1. cap. v.

(3) S. Leo in d. epist. 89.

(4) Apud Falconem in Chron. Benev. ad ann. 1121.

Quod tamen verisimile est idem ipsum à Theodorada ex-

tractum, videri, quod inferiore ævo intra Urbem translatum sit.

(5) Alcuinus epist. xxv.; de qua videndus Gl. Mabillonius Annal. Benedic. lib. xxvii. num. 5. qui de Monasterio S. Petri, ad Corpus dicto, quæ modo Ecclesia Parocialis est, locutum Alcuinum interpretatur.

Hanc Principis Arichis religionem erga S. Petrum, adeo præclare testatam, non æmulari tantum, sed studiosius quoque illius Successores exhibere adnisi sunt; ita ut, quos, ob eximium in colligendis, honorandisque Sanctorum Lyplanis, Imaginibusque studium, Catholica Fidei adversus Iconomachorum insaniam assertores antea demonstrare fas fuit, eodem nunc ipsos adversus illorum hostilem furorem propugnatores ostendere jam suppetat; idque denique, quod mihi propositum paullo antea fuerat, probatum modo præstem, haud alia scilicet in re Longobardorum Religionem, eorumque erga S. Petrum venerationem enituisse magis, quam quum ejus Apostolicam Sedem, supremosque Pontifices, Italiam denique universam ab Iconomachorum erroribus, insidiis, violentiis illæsam ferverint.

Interficere Sanctissimum Pontificem Gregorium Augustus Leo constituerat, propterea quod is nefariæ Hæresi, ne Romam, Italiamque pervaderet, fortiter obstitabat: Marino Imperiali Spathario, ac subinde Paulo Ravennati Exarcho in mandatis datum, ut sacrilegum facinus per insidias patrarent; sed ubi utriusque conatus in irritum cessit, ad apertam vim ventum fuit: *Denuò Paulus* (rem ita narrat Anastasius) *ad perficiendum tale scelus, quos seducere potuit ex Ravenna cum suo Comite, atque ex Castris aliquos misit: sed motis Romanis, atque undique Longobardis pro defensione Pontificis, in Salario Ponte Spoletini, atque hinc inde Duces Longobardorum circumdantes Romanorum fines hoc præpedierunt* (1). Vides igitur, Longobardis fatis opportunam validamque ferentibus opem, objectum irruentibus hostibus impenetrabilem veluti Clypeum, quo & illorum impetus retunderetur, ac cum ipsa Pontificis vita Catholica simul protegeretur Religio.

Dum vero Leo Augustus nova, ac deteriora in Pontificem, ac Religionem molitur, scelerior ipse, nonnisi Religiosiores, ac fortiores Longobardos effecit. Quid enim? Neapolim misit Imperator (sic pergit Anastasius) ut illud, quod Exarchus Paulus, Spasbarii quoque, & ceteri malorum consiliatores facere nequiverunt, perficeret ille. Piget profecto hæc attingere debuisse, quæ nonnihil veterum Neapolitanorum nomini officere videbuntur. Quantum enim piaculi, invidiæque tunc illud fuit, ut Græcos se, Græcique Augusti fideles subditos ostentarent, impiis illius conatibus operam suam contulisse; unoque ipsos, ex universa Italia, Pontificis vitæ, ac Religionis detrimento, Principis iussu, atque gratiam prætulisse: Scio equidem, à Viris Clarissimis plurimum laboratum, ut Neapolitanos ab ea adversus Religionem, ac Pontificem proditoris nota excusarent, id omnino unum Neapolitanis tum propositum arbitrati, ut nihil committerent, quo à Græci Imperii fide descivisse probarentur (2). At impiissimo Principi, qui tam sæva, ac sacrilega imperaret, obtemperasse tantum, nonnisi summi sceleris loco habendum erit: quid vero si non temporis, atque obsequii necessitate, sed unanimi quodam consilio non solum imperata fecisse, verum etiam prævertisse convincantur? Ac primum Dux Exhilaratus cum Adriano filio, qui ob sacrilega cum Epiphania Diacônissa Nuptias à Gregorio Pontifice percussus anathemate fuerat, arma cum Imperialibus Satellitibus conjungens in Pontificis necem, ac Romanos Pontificis fautores intulit, à quibus tamen suâ, suorumque iustissima cæde multatus fuit (3). Sergius præterea Episcopus trigesimus

(1) Anastasius Biblioth. in Vit. Gregorii II, tom. III. part. I. Script. Ital. pag. 156.

(2) Neapolitanorum causam ea de re quovis studio tueri conati sunt P. Giannettasius in Hist. Neap. Dec. I. lib. V. pag. 97. Petr. Jannoni lib. V. cap. III. pag. 341. Jos. Assemanus Ital. Hist. Script. tom. III. pag. 421. & seq. Sed Jannonium audiamus. *Quelli* (idest Pontifex Paulus I.) *non meno, che i suoi predecessori, era odio- so agli Imperadori di Oriente, i quali si erano impegnati à far valere il decreto di quel Concilio* (idest Pseudoconcilio Constantinopolitano) *anche nel Ducato Napoletano...* I Neapolitani, ancorchè avversi ad eseguirlo, come quelli, ch' erano più di tutti gli altri Popoli d' Italia attaccati all' adorazione delle Immagini; nulladimeno perchè ciò non s' imputasse à loro disubbidienza, procuravano in tutto il rimanente mostrarvi riverenti, ed esat- ti in adere al volere, e potestà de' loro Signori; laonde essendo in questi tempi accaduta la morte del lor Vescovo Calvo, ed essendo stato dal Pontefice ordinato Paolo Diacono della Chiesa di Napoli suo molto amico, e familia- re; ripugnava l' Imperadore, per esser costui aderente al

Papa, che fosse ricevuto in quella Chiesa, come quelli, che avrebbe in Napoli fatti riuscire vani i disegni di far ricevere il Decreto del Concilio di Costantinopoli. I Na- poletani aderirono in ciò al volere del loro Imperadore, e de' Greci. Rem totam, ejusque exitum ab Joanne Diacono, tanquam ex proprio sinceroque fonte superius hau- simus: Interim quod Giannettasio, Assemano, Jannonio observasse placuit, nihil est; quomodo enim illud con- ciliari potest, ut Neapolitani observantissimi sacrarum Imaginum cultores, Imperatoris edictum averfati di- cantur, cui non solum in omnibus obsequi, sibi fla- tuerunt: sed etiam, illius iussu, proprium Episcopum canonicè electum, sanctisque illustri moribus, quod Imaginum, idest Catholicæ Fidei causam tueretur, ex Urbe ejectum tamdiu divexarunt?

(3) Non à Romanis, sed ab ipsismet Neapolitanis oc- cisi Duxem Exhilaratum ex Sigonio, & Maimburgo contendit Petrus Jannoni Hist. lib. V. §. 3. pag. 113. *Era il Ducato di Napoli, siccome si disse, governato da un Duca, che anche da Costantinopoli solevan mandare gl' Imperadori Orientali, a' quali era sottoposto. Ne' tempi*

simus septimus Archiepiscopi titulum (etsi postea abjectum) à Pseudopatriarcha Constantinopolitano Anastasio, quem in Germani violenter dejecti locum impius Leo suffecerat, suscipere ausus fuit (1). Post hæc quadragesimus Episcopus Paulus, Orthodoxæ Fidei, Romanoque Pontifici addictissimus, propter detestabilem Imaginum altercationem (inquit Joh. Diaconus) que inter Apostolici tramitis auctoritatem, & foedissimam Constantinæ Imperatoris Caballini vertebatur amentiam, novem sunt menses elapsi, in quibus non potuit consecrari: quia tunc Parthenopenfis Populus potestati Græcorum favebat: attamen hic cum cuperet prædicto Papæ (scilicet Paulo I.) quasi amicus de talibus aliquo modo suffragari, clanculo Romam perrexit, qui statim consecratus Episcopus Neapolim est directus: sed propter Græcorum connexionem noluerunt illum recipere sui concives (2). Atque hæc quidem à Neapolitanis, impiissimo Principi suo plus æquo obnoxii, summa animi fideique constantia, seu potius pertinacia patrata certò scimus; quibus ii à Romanæ Ecclesiæ obedientia, Pontificisque obsequio omninò defecisse videntur: nam Paulum Episcopum à Romano Pontifice consecratum non recepisse, immo extra Urbem eiecisse quid aliud fuerit, nisi, ut non solum propter Græcorum connexionem (ut Diaconus inquit) idest Hæresis societatem Leoni faverent, verum etiam à Pseudopatriarcha Constantinopolitano (quod paulò ante Sergius in affectando Archiepiscopi titulo admittere ausus fuerat) proprium Episcopum, in manifestam Catholicæ Religionis, Pontificisque Romani injuriam, præstolarentur? Quasi vel parem cum Græco Antistite Christi Vicarium, Petrique successorem agnoscerent, vel etiam ab Imperiali Aula Fidei dogmata excipienda, ac sectanda arbitrarentur. Hinc novum illud atque æquè impium Neapolitanorum consilium, ut quos veteri legitimoque titulo reditus ad suum Patrimonium pertinentes Romana Ecclesia intra Neapolitani Territorii fines possidebat, ne deinceps eidem præstarentur, edixerunt; qua de re ejusdem Pontificis extat ad Regem Pippinum Epistola, ut illos ad restituenda Patrimonia B. Petro illic Neapoli sita constringat (3).

Prætereunda hæc facile mihi permisissimè, nisi Christianæ Ecclesiæ, Romanorum Pontificum, universæ Italiæ cujusmodi tunc temporis status haberetur, demonstrandus mihi fuisset. Omnia enim tum maxime ex Neapolitanis, intestinis veluti hostibus, Græcorum furorì faventibus, in extremum discrimen adducta videbantur. At nullus erat ex Græcis, Neapolitanisque metus, si soli Longobardi pro Pontifice, ac Religione steterissent: Hinc si solos Longobardos Græci expugnassent, omnia pro voto sibi cessura rebantur: quum verò recentibus edocti exemplis, aperto bello illatisque armis illorum vires aut frangere, aut cohibere desperarent, fidem saltem corrumpere, ac labefactare, auro, argentoque, eximiiisque promissis muneribus, cogitarunt. Frustrà tamen id quoque fuit: neque enim quales initio, iidem tunc Longobardorum animi, atque mores: In publica enim Religionis causâ, nihil Religione ipsa præstabilius esse ducebant, quam non modo nullâ divitiarum copiâ, nullis terrenis quibuslibet emolumentis prodendam, sed suis adhuc fortuneis, suoque capite, ac sanguine sibi propagandam statuerunt. Hujus rei testem quoque idoneum, atque adeo locupletem habemus Anastasium eundem, ut nihil luculentius, aut gloriosius pro Longobardis desiderari queat. Munera tunc (inquit) hinc inde Ducibus Longobardorum (Beneventano scilicet, ac Spoletino) & Regi Græci pollicentes plurima, ut ab juvenamine desisterent Pontificis, per suos Legatos Patricius ille suadebat. Qui rescriptis (fortè rescriptis, vel ex scriptis) detestandam viri dolofratem despicientes, una se quasi fratres Fidei catena constrinxerunt Romani, atque Longobardi.

ALTER

Q 2

tempi di Leone governava questa Città per l'Imperadore, Eflarato, successore di Giovanni, il quale spinto da precisi ordini di Leone, sollecitava i Popoli della Camagna à ricevere l'Editto, ed à seguire la Religione del loro Principe: aveva medefimamente subornati uomini per fare ammazzare il Papa, ... questa efecranda villà scoperta da' Neapolitani devotissimi, che furono sempre de' Pontifici, e tenacissimi in sostenendo la Dottrina della Chiesa Romana: parve loro illo errenda, e mostruosa ... che presero le armi ... rivolteronsi contra il Duce Eflarato ... l'ammazzarono insieme con Adriano suo figliuolo. Melioris fidei testes à Jannonio optassemus: aliter enim eam rem in Gregorio II. narrat Anastasius, qui non Neapolitanos, sed utique Romanos ejus cædis audores præclarè testatur.

(1) Joh. Diaconus in Chron. Episc. Neapolit. tom. I. Part. II. Scriptor. Ital. pag. 307. Hic (Sergius) dum à

Græcorum Pontifice Archiepiscopatum nancisceretur, ab Antistite Romano correptus veniam impetravit.

(2) Joh. Dia. l. I. pag. 309. Quem Constantinum cognomine Caballinum Chronographus Joannes hic appellat, Copronymum Scriptores alii ferè omnes vocant. Ideo verò Caballinum heic dictum notavit Muratorius, improprietatis causa, quod equino stercore, ut ferunt, delabaretur. Aptius dixerimus Copronymi græcum vocabulum, in barbaræ latinitatis Caballinum à Joh. Diacono conversum. Id unum enim apud Theophanem, Diaconum, Cedrenum, Zonaram, cæterosque convenit, ab stercore, quod Baptismo infans admotus eliserat, Copronymi cognomen Constantinum meruisse; ex quo S. Germanus Patriarcha, qui eum baptizabat, haud vanum impietatis illius omen accepit.

(3) Inter Pontificas Epistolas Codicis Carolini n. tom. III. Scriptor. Rer. Ital. pag.

gobardi, desiderantes cuncti mortem pro defensione Pontificis sustinere gloriosam, nunquam illum passuri perferre molestiam pro Fide vera, & Christianorum certantem salute (1).

Sed nullus melior testis, cujus omnium loco auctoritas est, quam ipse idem Pontifex Gregorius II. Ejus ad Augustum Leonem Epistolæ paullo antea meminimus: adhuc heic Gregorium loquentem libenter audiemus. Quod si nobis (inquit) insolenter insultas, & minas intentas, non est nobis necesse tecum in certamen descendere: ad quatuor, & viginti stadia secedet in Regionem Campania Romanus Pontifex; tunc tu vade, ventos persequere: Et post pauca: Scis Romam Imperium tuum ulcisci non posse, nisi forte solam Urbem propter adjacens illi mare, & navigia: sed si ad quatuor & viginti stadia Roma fuerit egressus Papa, nihil tuas minas extimescit: unum est, quod nos male habet, quod agrestes, & barbari mansueti sunt, & tu non mansuetus, contra agrestis, & ferus. Totus Occidens Sancto Principi Apostolorum Fidei fructus offert: Quod si quospiam miseris ad evertendam Imaginem S. Petri, vide, protestamur Tibi, innocentes sumus à sanguine, quem fursi sunt. Tutum sese, atque incolumem Pontifex ait, tantum ut Romam ad stadia xxiv. in Campaniam secedat, Longobardorum fidem, prædiciumque præsto sibi esse ostendens, qui tunc temporis ad Romanæ usque Urbis fides suam ditionem protulerant, atque in circumjacentibus Urbi locis sua Castra locaverant, & (ut satis verè, ac pulchrè aiebat Anastasius) quadam veluti Fidei catena fraternoque fœdere Romanis conjuncti, non solum in suam fidem, tutelamque Pontificem, si quando Romam egrediendum ei esset, fuscipere, verum etiam à Romanis finibus hostiles impetus arcere paratissimi erant (2). Quam decorum autem Longobardis Pontificium illud præconium fuit; quod scilicet agrestes olim barbarique ad eam animi mansuetudinem, ac pietatem informati essent, quæ in Christiano Imperatore jam desiderari videbatur; adeo ut is nunc agrestis, & ferus Longobardorum exemplis, aut condoceretur egeret, aut erubescere cogeretur.

Inter hæc verò Longobardorum omnium in Religionem, Romanumque Pontificem promerita, pleraque jam observasse fas erit, quæ peculiari Beneventanorum virtuti, præcipueque ipsorum laudi tribuenda sunt. Cur enim Pontifex Gregorius II., dum in transiberina Italia Longobardi æquæ Urbi proximi ditionem suam exercebant, in cistiberinam potius Campania Regionem secessurum se asseveravit? Probata sibi certè omnium fides Longobardorum, explorata Religio, roburque erat; amplius verò Beneventanis Ducibus fidentium tunc ostendit, apud quos non perfugium tantum, verum etiam validiorem sibi, ac Religionis rebus ferendam opem spondebat. Neque, si opus tunc fuisset, Pontificis consilium Beneventani Duces fessellissent, qui paullopostea in deteriori rerum discrimine, luculentiori quoque exemplo fidem suam comprobarunt. Ex Pontificis Gregorii III. ad Carolum Martellum Epistola testata res est: eo namque testimonio ipsum quidem Longobardorum Regem Liutprandum ab ea fide, quæ Romano Pontifici deberetur, defecisse scimus; at id simul novimus, Beneventanum scilicet, Spoletinumque Duces, spreto proprii Regis tum exemplo, tum etiam jussu in eadem fidei constantia perstitisse. Certè vivente adhuc Gregorio II. (uti Anastasius narrat) Eutychius Patricius, & Liutprandus Rex inierunt consilium nefarium, ut congregatis exercitiis Rex subiceret Duces Spoletanum, & Beneventanum, & Exarchus Romanæ, & quæ pridem de Pontificis persona jussus fuerat, impleteret. Qui Rex Spoletum veniens, susceptis ab utrisque Ducibus Sacramentis, & Obsidibus cum tota cohorte in Neronis Campum secessit (3). Compositæ tunc cum Pontifice res: Sed mox cum Successore Gregorio III. renovatæ in Pontificem, Romanamque Ditionem à Liutprando invasiones; ac Beneventano, Spoletinoque Ducibus imperatum, ut vires, atque arma conferrent:

(1) Anastasius I. l. to. III. Script. Ital. P. I. pag. 157.

(2) Nicolaus Alemannus in *De Variet. Lateran. cap. xv.* ad recitata superius Gregorianæ Epistolæ verba sic commentatur: Hæc non de Coemeteriorum Lateranensis, ut docti Viri opinantur, Gregorius dixit, sed de Beneventani Ducis præsidio: In eo tamen falsus, quod eandem rem ex Epistola ejusdem Gregorii III. ad Carolum Martellum confirmari posse ajat, quam quidem Epistolam ad Gregorium III. pertinere mox videbimus. Peregrinus etiam in Dissert. *De Ben. Duc. fin. ad Occid.* plurimum in ejusdem Gregorianæ Epistolæ verbis explicandis laborat; haud sibi persuadens Beneventani Ducatus fines ad muros propè Romanæ Urbis attigisse, ut proinde existimet Romæ vocabulum pro Romano Aggro, seu ditione usurpatum, à qua stadia illa xxiv. Pon-

tifici memorata, dinumeranda arbitratur. Illud potius obscurem, nec facile explicatu in eadem Epistola Peregrinii animadversionem merebatur, dum scilicet Gregorius inter Romanæ, atque Urbem discrimen quoddam faciens, Romam à Græcorum impetu tutam, non item Urbem fatetur. Scis (inquit ad Leonem) Romam Imperium tuum ulcisci non posse, nisi forte solam Urbem propter adjacens illi mare, ac navigia. Quæ sic intelligo, ut maritimis viribus non adeo instructi Longobardi, Imperialem Classem haud ita facile repellere valerent, ne Tiberim ingressa in Urbem penetraret: unde illud fuisse videtur Pontificis consilium Græcis appellentibus, in Campaniam secedendi.

(3) In Vit. Greg. II. to. III. part. I. Script. Ital. p. 157.

ferrent : his verò imperium detrectantibus, conversa in ipsos Regis arma fuere: quo in discrimine constans adhuc ipsis propositum fuit, & Ducatus, & capitis jacturam potius subire, quàm impiis armis se conjungere; neque enim, quam Principi debebant fidem, atque obsequium sese violare arbitrabantur, qui Pontificis, ac Religionis hostes esse nolent, atque utriusque causam tueri statuisent. At Gregorium tandem audire præstat, qui in communi periculo æquè pro seipso, ac pro dictis Ducibus Caroli opem adversus Liutprandum implorans, sic scribit. *Non credas Fili (inquit ad Carolum Gregorius) falsidicis suggestionibus, ac suasionibus eorundem Regum (idest Liutprandi, & Hilprandi, quorum paullo superius meminerat): omnia enim falsò tibi suggerunt, scribentes circumventiones, quod quasi aliquam culpam commissam habeant eorum Duces, idest Spoletinus, & Beneventanus: sed omnia mendacia sunt; non enim pro alio (satisfaciat tibi veritas, Fili) eosdem Duces persequitur capitulo, nisi quod noluerant præterito anno de suis partibus super nos irruere, & sicut illi fecerunt, res Sanctorum Apostolorum destruere, & peculiarem Populum depradare, ita dicentes ipsi Duces: Quia contra Ecclesiam Sanctam Dei, ejusque Populum peculiarem non exercitamus, quoniam & pactum cum eis habemus, & ex ipsa Ecclesia fidem accepimus, ideoque mucro eorum deservit contra eos. Nam ipsi prædicti Duces parati fuerunt, & sunt, secundum antiquam consuetudinem eis obedire; sed illi retinentes iram pro eo, quod superius diximus, per exquisitam occasionem volentes illos, & nos destruere, & invadere, ideo utrosque persequentes, vestre bonitati suggerunt falsa, ut & Duces illos nobilissimos degradent, & suos ibidem prave ordinent Duces, & multò amplius cotidie, & ex omni parte Dei Ecclesiam expugnent (1).*

Nihil utrique Duci desiderandum Pontifex Gregorius reliquit, quo ipsorum eximia fides, ac Religio tam præclaro commendata testimonio, amplissimas laudes apud præsentis tunc, posterosque promeretur: Qui vero Duces ii fuerint, quove vocarentur nomine, id unum nobis desiderandum, ac jure meritoque inquirendum Pontifex reliquit. Spoletanum Ducem fuisse eo tempore *Trafimundum* non obscurè *Paullus Diaconus* indicat (2), manifestum vero ex *Anastasio* didicerimus (3). Obscurior de Beneventano res est; & sane posteaquam de Beneventani Ducis præsidio, in Epistola ad Imp. Leonem, loquuntur Gregorium consentiat cum *Nicolao Alemanno Camillus Peregrinus*, hæc statim subdit: *Eo tempore erat Romualdus II. filii Pauli Diaconi stat supputatio, fin mea, quam suo loco aperiam, Gregorius Dux erat Papæ cognominis* (4). Sed neutrum certè Peregrinio concedimus, qui cum Alemanno deceptus ejus Epistolæ auctorem Gregorium II. existimavit: Falsum vero id superius notavimus, ac probatum nunc damus ex ipsarummet Epistolarum, in *Carolino Codice*, Sylloge, quibus eadem ipsa Gregorii III. ad Carolum Epistola exordium facit (5): rem adhuc ipsam eadem comprobant Epistola, ubi Reges Liutprandus, & Hilprandus commemorati leguntur; quorum posterior ab ipso patruo Liutprando in Regni consortium adscitus octo cum eodem regnavit annis, eique demum anno 743. vel sequenti succedens, solis mensibus septem superites fuit (6); adeout ea Epistola nonnisi Gregorio III. tribuenda sit, qui ab anno 731. ad 741. Pontificatum gessit, neque ante annum 736. eandem scripsisse debuit. Non igitur Romualdus II., neque Gregorius tunc temporis Dux esse poterat, quem vix ad ætatem anni 729. pervenisse ipsemet in sua Chronologia Peregrinus pronuntiavit; sed vel Godescalchus, qui Gregorio successit, vel ipsius Godescalchi Successor Gisulphus II. statuendus omnino erit.

Ac de Godescalcho quidem certa res ex Paulo Diacono affirmari posset, nisi is diversam plane, simulque justam causam, quâ Liutprandus in Ducem Godescalchum deservierit, in medium attulisset. Gisulphus puerum Romualdi filium à Liutprando in tutelam susceptum superius commemoravimus, qui interim Gregorium Beneventano Ducatui administrando præfecit: Gregorio post annos VII. mortuo Godescalchus (ut inquit *Paullus*) Dux effectus

(1) Inter Epistolas Pontificias Codicis Carolini Epistola hæc est ordine prima. Tom. III. part. II. Scriptor. Ital. pag. 76.

(2) De Gest. Longobard. lib. VI. capp. 55. & 57.

(3) In Vit. Zachariæ PP. tom. III. part. I. Scriptor. Ital. pag. 161.

(4) In ead. Dissert. De Ben. Duc. fin. ad Occid.

(5) Id omnium primus ejusdem Codicis editor observavit Jac. Gretserus. Ingolstadt, ann. 1613. hanc ad

ejusdem Epistolæ I. titulum, Gregoriique Pontificis nomen notam subjiciens: *Initi Pontificatus anno Christi 731. mortuus 741. Gregorius Da. Chesnius, Labbeus, atque Harduinus sequenti sunt. Vid. Scriptor. Ital. Murator. tom. III. part. II. pag. 75.*

(6) Vid. Descriptionem de postremis quinque Regibus Longobardorum, ex Pontificali Romano excerptam apud Camil. Peregrinum To. I. opp. edit. Neap. pag. 39.

Etus est, ambitiosè quidem, ut videtur, ac citra Regis Liutprandi auctoritatem. Dum vero Gisulfus ætate jam idoneus videretur, ab invito ac demum interfecto Godefridus armorum vi Ducatus abjudicandus fuit, quem Liutprandus Gisulfo restituit: Hæc profectò Diaconus (1); in quo nihil de his occurrit, quæ in sua ad Carolum Epistola Pontifex commemorat; ita ut ex ipsa Epistola nonnisi Gisulfus nobis offeratur, solo Beneventani Ducis titulo à Gregorio memoratus. Ne Liutprandi verbis fidem præstet, Carolus monet Gregorius, hoc unum omnino verum asseverans, ideò Liutprandum in Beneventanum Ducem *deservire*, quod is *noluerit de suis partibus irruiere, & res Sanctorum Apostolorum destruere*. Liutprandus autem, quod Beneventanus Dux *obedientiam* abnueret, quod Ducatum ipsum à Longobardico Regno divellere, Regisque imperio subducere eniteretur, hæc, aliaque ejusmodi, Carolo obtrudere, ac suadere conabatur: *Sed omnia* (inquit Pontifex, *cujus testimonium præ omnibus stare debet*) *omnia mendacia sunt; non enim pro alio (satisfaciat tibi veritas, Fili) eosdem Duces persequitur capitulo, nisi quod noluerunt de suis partibus super nos irruiere... ita dicentes ipsi Duces: Quia contra Ecclesiam Sanctam Dei non exercitamus, & ex ipsa Ecclesia Fidem accepimus, ideoque mucro eorum deservit contra nos.*

Sed & alterum eadem de re, pari Religione præclarum, qui Gisulfo II. succcessit, Beneventanus Dux Liutprandus adhuc nobis celebrandum exemplum suppeditat. Liutprandum hunc, quem dicti Gisulfi, simulque Regis Liutprandi Nepotem fuisse ferunt, (2) haud certè cum ipso sanguine, ac nomine illius in Romanam Ecclesiam hostilem animum in se transtulisse constat. Eo quidem tempore Benevento is præerat, quum Longobardorum Rex Desiderius, decessorum suorum Liutprandi, Aistulfique exemplo, Romanorum ditionem passim invadere, sibi que usurpare moliretur: Necessariam, uti olim Liutprandus, ita pariter Desiderius Ducatu spoliari passus est, quàm Ecclesiæ, ac Religionis hostibus Socium se præbere. Egregia hæc Beneventani Ducis Virtus meliori tunc fato digna, ampliori tamen præmio decorata est; nam id meruit Liutprandus, ut ejus fides Pontificio quoque commendata testimonio, exploratior, ac splendidior Posterorum memoria, laudibusque servaretur. Rem totam ex Pontificis Pauli I. ad Regem Pippinum Epistola compertam habemus; posteaquam enim Paullus vastationes illas narrasset, quas Desiderius tum Romanæ Ecclesiæ, tum etiam Beneventani Ducatus Civitatibus intulerat, quid de ipso Duce actum fuerit, sic scribere pergit: *Appropinquante autem eo (Desiderio) Benevento, illicò Dux Beneventanus fugam arripuit in Otorantinam (Hydruntinam) Civitatem, & dum diu immineret, ut ex ipsa sua Civitate exire eundem Ducem suaderet, & nequaquam in eo suam adimplens voluntatem, constituit Ducem alium in eodem Beneventano Ducatu, nomine Argis (3).*

Atque hic ille est, in Liutprandi locum à Rege Desiderio suffectus Arichis II. Beneventanus Dux, mox Princeps, Longobardicæ Gentis, cujus res, post Desiderii captivitatem, Regnique everfionem, instauravit, ac, quod magis est, Longobardicæ Religionis Decus eximium; de quo tam multa, ac præclara superius differuimus. Ut sibi obnoxium, ausisque suis, atque nutibus paratissimum Arichim Desiderius haberet, & Beneventanum Ducatum, & Regiam Filiam tradidit Conjugem: At tum pro ipsius Arichis virtute, tum pro familiaris illa, ac veluti hæreditaria Beneventani Ducatus laude, omnia in ampliora Religionis emolumenta cesserunt.

Ac cum ipso religiosissimo Arichi absolvenda tandem de Longobardorum Religione tractatio est, immo potius, quæ mox recitavimus, quantivis æstimanda, Sanctissimorum Pontificum Gregorii III., Paullique I. testimonia universæ rei, ac Dissertationi dignam præstabunt coronidem; illudque promptum, paratumque, atque tutò affirmandum sinent, non

(1) De Gest. Longob. lib. vi. cap. LVII.

(2) Sic vocat Anonymus Monachus S. Sophiæ in Chronico Ducum, & Principum Beneventi tom. II. Script. Ital. pag. 330: hæc enim post Gisulfum II. habet: XIV. Liutprandus Filius ejus (id est præfati Gisulfi) Nepos Liutprandi Regis sedet annis VII. mens. XII. Sed

hæc opportuniore loco illustrabimus.

(3) Inter Epistolas Codicis Carolini ordine XV. T. III. part. II. Script. Ital. pag. 122. Pro Argis Lambecius Argisem legit; Monui alise Arichim Beneventanum. Principem variis mendosis nominibus appellatum.

ambitiosam videlicet, sed satis promeritam Laudem fuisse illam, quam Beneventani Principes Genti suæ tribuere gestiebant, ut Catholicam nempe, Deoque dilectam nuncuparent. Ita certe Princeps Grimoaldus III. in suo Diplomate : *Dominus* (inquit) *Vir Gloriosissimus Grimoaldus, eximius, & Summus Princeps DOMINO DILECTÆ ATQUE CATHOLICÆ GENTIS LONGOBARDORUM* (1). Jure id factum videri debet; dum eam laudem antiquis meritis partam, illumque incomparabilis honoris titulum, multiplici fanè nomine, egregiisque ad Religionem pertinentibus rebus comparatum probavimus.

Sed illud modo reliquum est, ut (quoniam & ipsa rerum series, & instituti argumenti ratio id postulant) aliqua etiam ex inferiori eorundem Longobardorum, sive Beneventanorum nostrorum ætate, appendicis veluti loco, in medium proferamus. Hanc itaque, quam erga S. Petrum, ejusque Romanam Sedem à Majoribus suis imbibérant, ac quodam veluti hæreditario jure sibi propriam vindicabant Religionem, nunquam non suis inhæsisse animis, Beneventani Longobardi profiteri deinceps studuere : immò & præclariora alia adijcere argumenta faterentur, quæ non sine plausu, admirationeque excipienda videntur. Rem ex synchrono probatissimoque Scriptore audiemus, Wiberto scilicet Archidiacono Tullensis Ecclesiæ, ac Sanctissimi Pontificis Leonis IX. familiari, qui in Ejus Vita diligentissimo, atque uberrimo stilo conscripta, post narratum Leonis adventum in Urbem, electionem, consecrationemque, mox Beneventanorum erga novum Pontificem observantiam, munificentiamque commemorat, eò fanè spectabiliorem, quò magis è re Pontificis tunc fuit, illam accepisse. Sic itaque Wibertus. *Pater venerandus dum in initio sui adventus Romæ commoraretur, aliquanto angustia, & doloris mœrore perstringitur. Nam ibidem adveniens nihil Pontificalium sumptuum invenerat; jam enim erant in domesticos usus absumpta, imò in elemosinarum prerogationem cuncta, quæ secum attulerat, distributa: Defecerant cunctorum ejus Comitum plena delata crumena: non erat ulla spes opis, nisi proprias vestes ad minus pretium venderent; & quacunque sequuta arte benignissimum Patrem fugiendo in Patriam redirent. Quorum renitendo consilio Vir beatus, in Divino confidere solatio sagaciter admonebat; sed tamen illorum afflictionis misericordiam affectu ex intimis condebat. Instante autem die, quo cuncti Comites ejus disposuerant clanculo recedere, ecce adsunt LEGATI NOBILIUM BENEVENTANÆ PROVINCIÆ, deferentes Xenia Apostolica congrua Dignitati, ejus Benedictionem, atque solatium suppliciter deposcentes promereri: Quos Deo dignus Præsul, ut suam decebat honorificentiam, susceptos sacra Benedictione roboravit; non tam letus de oblatione munerum, quàm Deo rependens grates de devotione Fidelium* (2). Plura in hac Wiberti narratione animadvertenda nobis erunt. Primum illud, nihil tale ab aliis populis quibuscumque gestum, sive illis, qui in reliqua Italia manebant, sive iis præsertim, qui Sedis Apostolicæ subditi ad temporale Romani Pontificis dominium, principatumque pertinebant: Non eos certe Wibertus reticuisse, si Beneventanorum exemplum, aut præissent, aut fuissent consecrati: Singulare igitur id fuit *Nobilium Beneventanæ Provinciæ* exemplum. Alterum est, multò ante à Beneventanis hæc fuisse gesta, quàm idem Pontifex Leo (quemadmodum Officium in suo Chronico narrat) (3) Urbem Beneventanam pro Ecclesiæ Bambergeni ab Henrico Imperatore sibi tradendam curasset: Vigeat adhuc Principum Longobardorum Strips, atque dominatio, quæ anno demum MXXVII. cum Principe Landulpho IV. extincta fuit. Nulla itaque subjectionis ratio in causa fuit, ut ea Legatione, atque Xeniorum delatione Beneventani Romanum Pontificem adeundum, sibi que demerendum de liberarint; sed spontaneum id fuit illius veteris religionis testimonium, quam illi Apostolicæ Sedi profiteri perrexerunt, Pontificiam Benedictionem, uberrimum munificæ Legationis fructum, sibi, suisque à novo Pontifice largiendam, domum reportaturi: Id etiam Leo ipse factis demonstrat, rem totam devotioni, seu ejus Gentis pietati, religionique attribuens, cujus Legatos, ut eorum decebat honorificentiam, susceptos, sacra benedictione roboravit, non tam letus de oblatione munerum, quàm Deo rependens grates de devotione fidelium. Animadvertenda denique erit, tum Legationis, tum Munerum, seu Xeniorum magnificentia: Illa enim *Nobilium Beneventanæ Provinciæ* nomine gesta fuit; hæc ita copiosa fuisse videntur, ut exhausto jam Pontificio Ærario satis congruentem, opportunamque opem, atque subsidium afferre potuerint.

At majora adhuc suppetunt, præstita à Beneventanis erga Sanctissimum Pontificem eundem

(1) In Chronic. S. Sophiæ apud Ughellum Ital. sacr. Mabillonium part. II. Sæculi VI. Benedictini, & inter Scriptores Ital. Muratorii tom. III. part. II.

(2) Wibertus in Vit. S. Leonis PP. IX. lib. 2. cap. 2. apud Acta SS. Operis Bollandiani ad XI. Aprilis; apud

(3) Chron. Casin. lib. II. cap.

dem religionis argumenta. Grassabatur tunc per cistiberinam Italiam; cædibus prædiſque aſſueta Northmannorum Gens, quam Pontifex, Populorum calamitates, aſſiduæque querelæ miſeratus, primùm iteratis cohortationibus, dein juſtis minis, illatis denique armis compeſcere, ac delere molitus, infeſtam quoque ſibi ſentiit: nam proſtigato Pontificio exercitu, ipſoque Pontifice in hoſtium poteſtatem abducto, omnia ad Northmannos inclinare videbantur. Quid ad hæc Beneventani? Solâ tunc ipſorum religione ſervata Romano Pontifici reverentia, erectus Pontificis animus, recreata mentis corporiſque ægritudo: nam ab ea clade revertentem, *multò aliter, quàm is credidit, honorificè* in ſuam Urbem exceperunt. Rem hanc uberius pertractabimus in Vita ejuſdem Pontificis, quam nondum editam, ac commentario illuſtratam in Appendice hujus libri proferemus. Interim, quod ad præſens pertinet argumentum, verebatur Pontifex, ne non Beneventanorum religio, ſeu *devotio*, quam ſui Pontificatus initio probaverat, conſtans etiamtum in eo rerum diſcrimine ſibi adeſſet; ſed *multò aliter, quàm is credidit, honorificè* à Beneventanis ſuſceptus, talem reiſpâ illorum Civitatem expertus fuit, qualem S. Bruno Signienſis Epifcopus, Scriptorque ſynchronus, ejuſdem Pontificis res geſtas perſequutus, jure merito, eaque de cauſa appellat, *Civitatem utique B. Petro fidelem, ac familiarem* (1).

Ex hac Beneventanorum erga S. Petrum, ejuſque Succeſſores Religione, ſtudiique illis, quibus ipſum Leonem vix tunc Pontificem renunciatum proſequuti ſunt, factum arbitror, ut idem Pontifex Beneventanam Urbem Apoſtolice Sedi immediatè ſubjiciendam curarit; quò magis ſcilicet Beneventanorum animos adeò prolixè de B. Petro, ejuſque Succeſſoribus promeritos, in eadem fide, religioneque, quam diſſicillimis illis temporibus exhiberi Sedis Apoſtolice maximoperè intererat, non modo confirmaret, ſed vehementius etiam devinceret. Nullam certè vigentibus etiamtum Beneventanis Principibus injuriam intuliſſe videtur Leo, qui ruentem Principatum animadvertibat, ſimulque norat, jam olim à Pippini, Magnique Caroli ævo, amborumque largitione, inter alia plura Beneventanum quoque Ducatum Sedi Apoſtolice attributum. Sed de his opportuniore loco differemus, quum ſcilicet de Longobardici Principatus occaſu agendum erit. Nunc Leonem ipſum audire præſtat, qui Beneventanorum fidem, pietatem, religionem proprio ore ita commendavit, ut nihil eo elogio (ſi tempus, ſi verba, ſi loquentem ſpectemus) ſincerius, nihil præclarius atque honorificentius inveniri poſſit: Dum enim (eodem S. Brunone teſte) morti proximus, extremas funderet preces, Beneventanorum præcipuè memor, *Domine* (inquit) *Jeſu Chriſte, Paſtor bone, Fideles tuos Beneventanos, qui in tuo nomine tam honeſte me ſuſceperunt, tamque aſſuenter mihi ſervierunt, benedicere, & cuſtodire digneris*.

Hactenus veterem, egregiique teſtatum argumentis erga S. Petrum, ejuſque Romanam Sedem Longobardorum Religionem, dum Beneventanus ſtaret Principatus, demonſtravimus. Illud modo, coronidis veluti loco, ejuſdem veteris Religionis merito adſcribendum ſtatuemus, ut, quando demum Principatus ipſe pro humanarum rerum viciffitudine extremum ſubire fatum debuit, in ſuas illum manus exceptum Petrus voluerit. Fauſtum equidem, felix, fortunatumque Beneventanis fuit, ut ſolam Petri Sedem, quam hactenus Matrem colebant, Dominam pariter habere deinceps lætarentur. Addita exinde Beneventanorum animis ex avita religione majoris cultus, obſequiique obſervantioris occaſio: ac ſicuti (Paulli Diaconi teſtimonio) eorum laudi jampridem vertebatur, quod *ſuis Duſtoribus ſemper Fideles extiterint* (2); ita poſtmodum magnificentiffimo illo, aſſiduus egregiique factis comprobato, *Fidelium B. Petri* nomine ſeſe ipſi appellare, vocarique ab aliis gaviſi ſunt (3). Hanc autem fidem, non ut tantum ſubditi, ſed æquè ut filii, profiteri ſategerunt; immò major ipſorum animis religionis vis, atque ratio, quàm ſubjectionis; quæ tamen ſubjectio ex ipſa Religione ſincerioſiorem, utilioremque erga Petri Succeſſores fidem ſuam comprobavit. Hanc certè Beneventanorum fidem Romani Pontifices luculento, ac veluti perenni exemplo teſtata reliquerunt. Nam à Sæculo XI. ad XIII. ipſorum ſi duos, aut tres excipias, nemo extitit

(1) S. Bruno in Vit. S. Leonis PP. IX. Script. Rer. Ital. tom. III. part. I.

(2) De Geſt. Longob. lib. V. cap. LV.

(3) Eadem appellatio in Falconis noſtri Chronico ſæpiſſimè occurrit; itaut id olim in more poſitum videatur, ut Beneventani proprio veluti vocabulo, *Fideles B. Petri* vocarentur: Id verò tum ex Pontificæ Sedis

dominio, tum ex peculiari eorundem in ipſum Petrum veneratione proſeſum, idem Falco offendit, dum id Beneventanis conſtans, ac ſolemne tradit fuiſſe, ut tum in ſecundis, tum in adverſis rebus Deo ſimul, & B. Petro vel gratiarum actiones, vel ſupplicationes publicas peragerent.

titit unus, qui non Beneventanam Urbem non modo invisere, sed Privilegiis exornare, Conciliis ibidem celebratis illustrare, suamque temporariam Sedem, ac interdum asylum constituere, solemne habuerint. Erit postremæ ætatis, ac Pontificii magis, quàm Longobardici Ævi, hæc sigillatim ostendisse. Sit heic omnium instar, quod à Beneventanis cum Innocentio II. actum fuit; quem Pontificem (uti Falco noster ad an. 1139. enarrat) post deletam Pseudopontificis Anacleti factionem, sancitumque cum Rege Rogerio foedus, *Beneventanus Populus honore multo, ac devotione cordis suscepit, ET QUASI BEATUM PETRUM IN CARNE ASPICIENS, letatus valde gaudebat.*

Quæ igitur de ejusmodi argumento in lucem protulimus, pluribusque distincta Capitibus illustravimus, ea quidem simul collecta omnia, quàm multiplex Longobardorum, atque prolixa in Deum, ejusque Sanctos veneratio, ac liberalitas, quàm constans erga Ecclesiam, Romanosque Pontifices obsequium, quàm sincera, nec ullà unquam hæreseos labe maculata, Catholicæ Fidei professio fuerit, quantum denique Religione sua Longobardi excelluerint, manifestum efficit. Facebat itaque injuriosa illa invidia nota, quæ Longobardorum nomini semel inusta, præjudicatis potius opinionibus, quàm certis rerum gestarum monumentis sustineri visa est. Res igitur ipsas æquius, ac diligentius insipienti cuique illa statim veritas affulgebit, quæ vel invitum non Longobardorum modo Nomini parcere, sed plaudere etiam audietur. Sit omnium instar Clarissimus Muratorius, quem in hac ipsa Dissertatione adversus Longobardos plura carptim effutientem refutavimus: & tamen Muratorius, *De Moribus Italicorum post arreptam à Barbaris Italiae dominationem* differens, hæc tandem de Longobardis summatim quidem, sed satis serio, verèque pronunciat: *Ad Longobardos redeo. Illi, ubi Arianismo abjurato, Religionem Catholicam, & Leges amplexi sunt, tunc, ut ita dicam, cicurati, Pieratis, Clementia, Justitia, ac Humanitatis operibus cum aliis Nationibus corbarunt: itaut in eorum Regno, & sub eorum Regibus bene Populo fuerit* (1). Hæc verò Muratorius, Longobardicum Regnum, Longobardorumque Reges tantummodo contemplatus. Nobis non similia tantum, verumetiam ampliora de Longobardico Beneventano Principatu, ejusque Principibus pronunciasse fas tandem promptumque nunc fuerit; itaut diversa deinceps, ac nonnisi honoris, laudisque plena omnia, quicumque lucubrationes nostras perlegerit, de nostris Longobardis sentire incipiet; eorumque Principatum ad integra quinque Sæcula apud Beneventanos confirmatum cum vetustis, florentissimisque Principatibus aliis, non tam facile, quàm jure meritoque comparaverit. Quod si quis aliis de rebus primas ei tribuendas repugnaverit, non heic hanc litem instituiam. Dum verò de Religione res est, certa illa stare sententia debet, nullibi perfectò majora, vix etiam paria apud veteres Nationes quaslibet ejus Virtutis argumenta, atque exempla inveniri posse, quàm quæ ex Longobardis prodidiisse demonstravimus.

ALTER

R.

DISSER.

(1) Antiq. Med. Ævi. Diss. XXIII. T. II. pag. 301.



DISSERTATIO III.

DE NUMMIS

Principum Longobardorum.



RES Nummaria nostrorum Longobardorum, & ipsa labores nostros expostulat; nihil enim eo argumento præclarius videri debet, quo & Principibus Beneventanis Majestatis jura luculentius vindicare licebit, & insigniora ejusdem Principatus facta, varioque memorabiliore successus eorundem Nummorum subsidio in meliorem, quam hactenus, lucem proferri continget. Fateor quidem hujus rei materiam non cum ipsis Beneventani Ducatus primordiis simul exurgere, sed ad seriores ætatem initia referre sua; quando scilicet super ipsis Longobardici Regni ruinis non tam jacta ab eisdem Longobardis Beneventani Principatus fundamenta fuerunt; quam vetustâ prioris Regni instauratâ auctoritate, refluente simul Majestas visa est: Non, inquam, ante id tempus, binis videlicet, & amplius à Ducatus institutione, elapsis Sæculis, Beneventanorum Nummos spectare licebit: Quod alterutra hac ex causa evenisse putaverim, vel scilicet, quod qui ante id tempus cusi à Beneventanis Ducibus fuerunt Nummi, disperire omnes; vel potius, quod ii procudendæ monetæ prerogativam non habuerint, aut non exercuerint, servato Regibus suis hoc jure, quorum soli nummi in commercio, atque usu tum haberentur.

Priori causæ favere videtur V. C. Muratorius, qui in recensendis Ticinensis Urbis vetustis Nummis, Officinam Monetariam, quæ sub Gothis instituta ibidem fuit, sub Longobardis maximè, qui eam Italici Regni sedem statuerunt, viguisse ita affirmat, ut eodem quoque tempore, ac pari privilegio Mediolanum, Lucam, Tarvisium Urbes insignitas adjungat: neque (inquit) licuisse alibi signare nummos mihi persuadeo, si Beneventanum Ducatum excipias, de quo suo loco eris sermo (1). Adde nunc, quod veri similiorem eam causam efficiat, nil mirum videlicet, nullos Beneventanorum Ducum Nummos ad posteritatem pervenisse, quandoquidem ex Regiis ipsis Nummis, qui frequentiores esse debuissent, plures lectori exhibere cupiens Muratorius, vix duos spectandos dedit, alterum Regis Agilulphi; in quo facile adulterinam mercem agnoscentem voluit, alterum Liutprandi aureum, qui sitim curiosi incendere potius, quam reslinguere possit. At licet hæc generatim, ac sine ullo temporum discrimine animadversa, non levis conjecturæ loco haberi digna sint; si tamen temporum rationem (uti par est) spectemus, frustra ad eam rem confirmandam eos Beneventani Ducatus Nummi à Muratorio indicatos adhibebimus, quos non ante, immo etiam longè post erectum Principatum Beneventanum, ac primùm sub secundo Principe Grimoaldo percussos invenisse erit.

Satis igitur fuerit (neque id enim præter Beneventani Ducatus dignitati injuriosum erit) ut nulla, Italico Longobardorum florente Regno, Beneventanis Ducibus concessa, vel usurpata Nummos condendi facultas existimeretur: Quam in sententiam, ut pronior sim, primum Lex illa Regis Rotharis suadet, quâ is gravissimâ sancitâ poenâ omnibus monetam signandi potestatem sine regio permissu, aut indulgentia, generatim interdixit. Si quis (inquit) sine jussione Regis aureum signaverit, aut monetam confinxerit, manus ejus incidatur (2); ut videas quàm serio, rigidèque Reges Longobardi jus illud Majestatis inviolatum, sibi-

(1) Antiq. Med. Evi Dissert. xxvii. to. i. pag. 581. Regis Agilulphi Nummum, quem adulterinum agnoscit Muratorius, probum sincerumque censuit Cl. Ciampinus Vet. Monum. part. ii. cap. 17. pag. 14. ubi ex Angelo Breventano in Long. Reg. Gentilisio Arbore n. 4. illum exhibet, ac multis illustrat.

(2) In Cod. Legum Longobard. inter Leges Reg. Rotharis num. cccxvi. tom. i. part. ii. Scriptor. Ital. Murat. pag. 36. Dum verò Rex Rotharis confingendi verbum usurparit, ne quis putet, contra eos, qui Num-

mos adulterant, Legeque Cornelia de Falsis, sive Julia Majestatis tenerentur, eam Sanctionem promulgasse. Satis enim apertè eos intelligit, persequiturque, qui sine jussione Regis, non impetrato scilicet illius permissu, ac indulgentia, vel certe non ad Regis libitum emolumentumque in ejusdem monetaria officina, aureos signaret, aut quamlibet aliam, sive argentam, sive æream monetam confingerent; Etenim confingere heic idem, ac signare est; dum nullus sine effigie, signove nummus, qui proinde cudi, aut percussu dicebatur.

que unis servatum curarint; ut non ita facile, nisi certa suppetant documenta, suis Ducibus communicatum dicendum sit: Ex ipsa autem Beneventanorum Ducum conditione, difficilius adhuc videri debet, hanc illos sibi facultatem, jure veluti suo, propriæque titulo dignitatis, vindicare potuisse. Quod ut omnino liqueat, non abs re fore reor, si, quæ olim Beneventani Ducatus conditio obtinuerit, quodvisque illius præstantia progressa sit, quo demum Jurisdictionis, sive Imperii genere regeretur, in antecessum exponam. Ac Camillus quidem Peregrinus, inter alias plures, quas desideramus, de Beneventano Ducatu Dissertationes, an Ducatus ipse ad heredes transiret, scribere cogitabat (1). Hanc simul rem nondum exploratam modò explicabimus, operæ quidem pretium facturi, dum Rei Nummarie tractationem aggressi, de illorum, qui hoc jure potiti sunt, primævâ conditione dignum aliquid, atque argumento opportunum præloquamur.

CAPUT PRIMUM.

Beneventanos Longobardorum Duces, vigente Longobardico Italia Regno, Nummos percussisse, nullo certo exemplo probatur; Neque ejus rei privilegium sibi factum, neque arreptam auctoritatem ostendit dicti Ducatus primæva conditio, atque oeconomia; Cujus Ducatus Successiones ab Anno DLXXI. ad Annum DCCLXXIV. per singulos Duces à Zottone ad postremum Arichim II. tum chronologicè, tum genealogicè, præclarioribus illorum omnium rebus gestis in novam lucem erutis, recensentur.

Primum omnium Beneventanum Longobardorum Ducem Zottonem constitutum, certa res est; Incertum tamen illud, ac controversiæ plenum, quo is tempore, quo etiam auctore ad eum regendum Ducatum accefferit. De utrâque re dubitandi, ac curiosius inquirendi occasionem fecisse Paulus Diaconus existimatur, qui (uti in Dissert. I. latius observavi) tunc demum Beneventani Ducatus, Ducisque primi Zottonis sermonem instituit, quum Anno circiter DLXXXV. Italiam Cistiberinam ad Fretum usque Siculum à Rege Longobardorum Authari, victoris magis prælagio quàm emolumento, speque dominii potius quàm jure imperioque, peragratam narrasset (2). Qui Antonii Caraccioli sententiam probant, (probavitque olim Camillus ipse Peregrinus, sibi postea, ac Caracciolo discors, novusque malefanz sententiæ auctor) immo qui Pauli Diaconi locum, ubi ejus rei meminisse cœpit, ejusque in universo opere institutum adverterint, illud sibi (quod l. l. jam monui) facile persuadent, nullimode ab ipso inceptam Beneventani Ducis mentionem, ac statutam simul Beneventani Ducatus originem; Triennio post adventum, Alboino Duce, ac Rege, idest An. DLXXI. Longobardos in Italia dominari cœpisse, præclarus alibi ipsemet Paulus testis est (3); delectaque Regiâ Sede Ticinensi Urbe, tunc primum opportunis Italiæ locis, quasi necessaria novi Regni propugnacula, institutos fateri oportet tres illos Ducatus, idest Forojulensem, Spoletanum, ac Beneventanum. Beneventani autem Ducatus, ubi nihil antea memoratu dignum occurrerat, sicut & Spoletani, jam eo loco, temporeque, commemoravit Paulus, ubi rei potius occasio, cui inprimis servire solet, quàm Chronologiæ ratio postulabat: Sequi namque voluit Regis Autharis iter, sive excursionem, qua ille per Spoletum Beneventum perveniens, eandemque regionem capiens, usque Rhegium extremam Italiæ Civitatem, vicinam Sicilia perambulavit, ut Columnam illam in mari positam, Longobardi Regni statutum ab Authari terminum (quod ipse suorum famâ acceperat) posterorum memoriæ commendaret: Exin vero, occasione jam facta, quum semel Beneventi mentio incidisset, tum sibi Paulus duxit, sequenti mox Capite Zottonis primi Ducis mentionem quoque subjicere, quem tamen, neque ab Authari Ducis munus suscepisse dicit, immo eodem loco, unoque penè verbo, totum, quantum fuerit administrati à Zottone Ducatus tempus tum ante, tum post Autharim perstringens, illum in Benevento per curricula annorum viginti principatum fuisse, commemorasse satis habuit. Sit itaque non veri tantum simillima, sed constans mihi, atque indubia Beneventani Ducatus Epocha Annus ipse DLXXI., quo Longobardi in Italia dominari coeperunt; sitque Zotto non ab Authari quidem, sed ab Alboino Rege primus Dux constitutus; cui dum amplissima viginti annorum spatia tribuimus,

ALTER

R 2

angu-

(1) Vid. Indicem Dissertationum, quas sibi lucubranda, atque in Parte secunda edendas servavit Peregrinus tom. V. pag. 315, edit. Neap. an. 1754.

(2) De Gestis Longob. lib. XII. cap. XXXI. & XXXII.

(3) Hist. Miscell. lib.

angustos tamen, qui vix Urbem subjacentesque agros excederent, (ut exigua ferè sunt rerum omnium primordia) Ducatus fines assignamus, itaut Regionem omnem Autharis demum adventu subactam, prædationibus potius, quam ditioni suæ obnoxiam antehac Zotto obtinuerit.

Sed qualis post Zottonis obitum Beneventani Ducatus successio, statusque extiterit, ex eodem Paulo audisse præstat: *Mortuo* (inquit) *Zotrone Beneventanorum Duce, Arigis in loco ipfius à Rege Agilulpho missus successit* (1). Frustra è Paulli manu, qui talia aut neglexit, aut suscepto operis suis consilio non opportuna existimavit, designatum ejus Successionis annum didicerimus, quem tamen Ære Christianæ dxc. ex eo statuere licet, quod Anno præcedenti Agilulphus Reginae Theodolindæ, Regis Rotharis Viduæ electione, in Thalami simul ac Regni consortium evectus jam fuerat; ut ex hac quoque re, definitam superius in anno dxxx. Ducatus per annos xx. à Zottone administrati Epocham confirmatam habeamus (2). Sed quod nunc attinet, manifestum illud fit, hanc ab suis usque primordiis Beneventani Ducatus fuisse conditionem, ut qui illum administraturi essent, a Rege deligerentur. Fuit, inquam, Beneventana Regio Longobardici Regni pars, cum aliis pluribus Transfibrinæ Italiae, Regio veluti diademati infixæ, atque in sceptri dominio, imperioque constituta, cujus Regimen idoneis viris demandabatur, qui Ducum quidem titulo insigniti, ab Regis tamen nutu pendentes, vel temporariam, vel si liberet, vitæ spatiis tantum ampliata, ejus sive muneris, sive dignitatis administrationem gerebant.

Arichis igitur anno dxc. à Rege Agilulpho missus, primo Duci Zottoni successit, quem tamen non solum longeva Ducatus administratione, quam ad annos quinquaginta perduxit, sed felicioribus rerum omnium successibus, antecessisse probatur. Atque hanc quidem administrati Ducatus diuturnitatem, simulque ipsius posterioris Ducis in illo amplificando, exornandoque promerita, fuisse in causâ existimo, ut cum ad ejus Successorem deveniendum sit, non nihil mutata, quæ hæcenus obtinuerat, successionis legem inveniamus. Unicus Arichi filius fuit Ajo, quem in Ticinensi Aula, ubi Rex tum Rotharis imperabat, liberaliter educandum misit, optimè ratus non solum illi necessarias regendis populis virtutes expeditius comparandas, verum etiam magis conciliandam eidem Regis gratiam, qua paternam successionem, aliosque honores sibi pareret. Sed paternis votis, consiliisque infelix respondit successus; nam sive Romanorum malitia (uti Paullus refert (3)) propinata Ajoni Ravennâ transeunti, venefica potione, sive ex ingenito corporis vitio, adeo labefactata ejus mentis vis fuit, ut paterno regendo Ducatui omnino imparem eum ostenderet. Præsenti malo occurrendum duxit Arichis, ac ne quid detrimenti ex Successoris filii amentia Resp. caperet, mortî jam proximus Radoaldum, & Grimoaldum jam florem juventutis habentes, quasi proprios filios Longobardis, qui adierant, commendavit; eisque dixit, quod melius eos regere æsti, quam Ajo filius finis posset.

Plura ex hoc Arichis factis observanda nobis sunt: Spectare primum ejus virtutem licebit, quâ prima omnium Boni Publici ratio apud ipsum valuit; adeout non naturæ, sed virtutis hæredes sibi quærerent, nec tam qui nasci potuit, quam qui eligi debuit, successorem Ducatui potius, quam sibi deligeret. Tum ea in re Arichis prudentiam animadvertamus, quæ sui simul Filii honori, utilitati que prospexisse visus fuit: neque enim Successorem sibi declaravit; neque à successionem omnino repellendum edixit: alterum enim sive Regis, sive Longobardorum Procerum judicio irritum fieri potuisset: in altero autem, salva Resp. incolumitate, spem Filio reliquit, vel in meliorem mentem reverso, vel saltem Rodoaldi, Grimoaldique operâ adjuvando tum Ducatus successionem obtinendi, tum rectam illius administrationem gerendi; atque ea quidem res pro Arichis voto postea cessit, ut mox videbimus. Illud interim postremo loco, sed præcipua observatione dignum, nullam videlicet Regii Juris vel rationem, vel mentionem occurrere, quæ Arichis, quem successorem Ducem sibi haberet, vel a Rege deligendum, vel saltem confirmandum ostenderet. Sibi certè suisque præterea Longobardis rem totam attribuit, nam filium suum Ajonem legitimum quidem, sed

vix

(1) Lib. iv. cap. xix.

(2) Quod jam à V. Cl. Moratio Blanco in nota 64. ad hunc Diaconi locum iterum observatum fuit; Jam, inquit, liquidò constat ex Epistol. S. Gregorii PP. ad Johannem Episcop. Raven. (cujus verba recitavi) Indictione x. anno scilicet dxc. quo data est, Arichim ad Principatum Beneventanum jam elatum fuisse, atque Nea-

politane Civitati cum Ariulpho alio Duce insidias parasse; cumque Paulus noster Agilulphi Regis beneficio Principatum accepisse scribat, necessario dicendum paullo post Regis inaugurationem, id accidisse; unde si retro numerum xx. annorum duxeris jam ad Caracoli tempora (id est annum dxxx.) venies &c.

(3) l. l. cap. xlv.

vix idoneum sibi successorem ostendens, alios imperio digniores adstantibus Proceribus commendavit, aut potius designavit, Ajoni pro eorum arbitrio, judicioque vel consociandos, vel sufficiendos.

Rodoaldus itaque, ac Grimoaldus germani fratres ex nobilissimo quidem Longobardorum, sed non Beneventanorum genere, Gisulfi Ducis Forojuliani filii, ægrè paternum Ducatum à patruo Grafulfo susceptum, vel potius præreptum ferentes, cum sese inter illius subditos numerari abhorrerent, cui imperare debuissent, nec tamen per ætatem, ac vires aliquid moliri auderent, meliori, quod tempus ferebat, consilio apud Arichim Beneventanum Ducem sese receperunt. Perspectæ aliàs optimæ indolis Adolescentes gratissimè ab Arichi suscepti sunt; atque in ejus Aula enutriti iis sese moribus ornatos comprobarunt, ut non solum *filiorum loco habiti* ab illo sint, verumetiam jam *florem juventutis habentes* ab eodem moriente, uti jam dictum fuit, successores designati. Sed nec Ajonis ignavia, nec Arichis judicium illorum animos in ambitionem incenderunt; Ajoni enim, ut Ducatum iniret, suffragia sua contulere, eique sicuti *seniori Fratri, & Domino per omnia parere* sategerunt; donec ipse Ajo post annum, ac quinque menses Sclavis ad Sipontinam Urbem irruentibus temerè occurrere, nece sua vacuum illis Ducatum reliquit (1). Ajonis necem mox hostibus casis, profligatisque ultus est Rodoaldus, qui simul cum Grimoaldo fratre viventi illi in administrando Ducatu operam navarat; Eo vero defuncto Rodoaldus quidem Dux inauguratus; at Grimoaldum etiam sibi consortem habuisse, non obscurè Diaconus indicat; qui Diaconus Ajoni (ut dictum est) annum, mensesque quinque, Rodoaldo quinque annos, quinque autem supra viginti Grimoaldo superstiti assignat; quos tamen Grimoaldi annos nunquam in suo Ducatu transactos invenimus; nisi cum Ajonis (2) germanique Rodoaldi annis conjugamus (3).

Ex his igitur hæcenus observatis ab Arichis secundi Ducis morte, atque ejusdem quidem judicio mutata fuisse constat Beneventani Ducatus successionem; nam qui prius, uti Zotto, idemque ipse Arichis, ab suis Regibus Beneventum cum imperio mittebantur, novo postea more filios supersites, vel quos liberet successores sibi deligere coeperunt. Nec secus in insignioribus aliis Longobardorum Ducatibus obtinuisse per hæc posterora tempora invenio. Nam in Forojuliano Ducatu (ut paulo superius dictum est) mortuo Gisulfo Grafulfo Frater successionem sibi vindicavit, injuria quidem, propterea quod Gisulfi filios Rodoaldum, Grimoaldumque a paterno jure repulisset. In Spoletino autem Ducatu (ut Diaconus refert dicto lib. IV. c. XVII.) Ariulfo defuncto, inter duos Faroaldi superioris Ducis filios de ejusdem Ducatus

(1) Id. Diac. l. I. cap. XL. XLV. XLVI. & XLVII.

(2) Falsus est Editor Neapolitanus Operum Cam. Pægrinii, qui tom. V. pag. 40. not. (1.) Ajonem Rodoaldi Germanum affirmat. Rodoaldus (inquit) *Ajonis Germani sui à Sclavis trucidati necem dignissimè ulciscens, Princeps* (verius Dux, nondum enim Principatus obtinebat) *sufficitur*. Magna quidem hallucinatio, postquam explorata ex Paulo res esset, Rodoaldum, Grimoaldumque Gisulfi, Forojuliani Ducis filios fuisse, quos quidem Arichis nonnisi *filiorum loco* habuit; illi verò Ajoni sicut *seniori fratri, & Domino* paruerunt.

(3) Mortuus est Grimoaldus è Beneventano Duce Italiz tandem Rex an. DCLXXI. vel potius (ut Cl. P. Mansi in notis ad Criticam Baronianam Pagii tom. XI. pag. 586. censet) anno sequenti DCLXXII. Bis Diaconus Grimoaldi annos recenset; ac primò quidem Lib. IV. cap. 47. *postquam Dux Beneventanus effusus est, gubernavitque Ducatum Samniticum annis xxv.* Deinde Lib. V. cap. 32. ejus mortem narrans, sequitur ait, *postquam regnavit annis novem*. Hos novem Regni annos cum prioribus viginti quinque concludendos, enumerandosque statuit Camillus Peregrinus in *sua annorum Ducum Beneventi cum Paulo Diacono comparatione* t. V. pag. 41. ita ut anno DCLXXI. ejus Ducatus exordia agens excurrere exinde annos xxv. inter ipsum Ducatum, ac subsequens Regnum disperiat, priori annos xvi. posteriori ix. attribuens, quos ad annum supradictum emortualem DCLXXI. perducit. Sed qui Diaconi absurda notare voluit, in absurdiora prolapsus ipse est Peregrinus.

Ac Paulus quidem, qui priore loco Grimoaldi annos xxv. memorat, nihil de ejus Regno commeminuit, neque commeminisse potuit, voluitque: liquidem non eo tunc Regem, sed Ducem agebat Grimoaldus, gubernavitque (ita satis diserte Paulus) *Ducatum Samniticum annis xxv.* Annos vero Ducatus à Regni annis distinguere, omnino propositum sibi fuisse ostendit Paulus, nam post longum temporis, operisque sui intervallum idest d. Lib. V. cap. 32. ad ejusdem Grimoaldi jamdiù Regis obitum perveniens, nullam de prioribus xxv. annis rationem, mentionemque habens, defunctum ipsum affirmat, *postquam regnavit ix. annis*. Præclarissima igitur ex Pauli testimonio res istæc fit; cujus etiam optimam constare fidem comperio. Nam si emortuali Grimoaldi anno DCLXXII. novem illos demas Regni annos, annus tibi DCLXXI. occurret, a quo si retro annos Ducatus xxv. enumerare inceperis, eamque tibi tutorem in Chronologiæ ambagibus regulam statuas, non semper annos integros, solidosque, quos veteres Scriptores memorant, eique rei assignandos, quæ ad paucos ejusdem anni menses pertingere potuit, jam ad annum DCLXXI. Ducis Arichis emortualem ita proximum te habebis, ut jam certè attingisse tibi videaris. Ex hac autem Chronologia, facili ratione brevibusque verbis, sed certis documentis statuta, illud (quod superius agebam) manifestum est, Grimoaldum cum Ajone, tum à Rodoaldo in Beneventani Ducatus administrationem adscitum, proptereaque Ducatus annos xxv. eidem a Paulo rectè attributos.

catus successione ex primævis Paternæ possessionis iuribus decertatum fuit: atque unus ex ipsis victoriam adeptus, nomine Theudelapius, Ducatum suscepit. An vero ejusmodi Successionum incœpto mori Regius quoque accesserit assensus, nondum certum habeo. Adfunt quidem in Regis Rotharis Edicto Longobardicæ leges quàm plures, quibus Filii ad Paternas Hæreditates, exclusis Barbaris idest Patruis vocantur; Parentibus vero, ne filios sine iustis causis, certisque culpis exhærent, interdictum est (1). Sed nequaquam hisce Legibus obnoxium tunc putaverim Ducatum, aliorumque publicorum munerum successiones, quæ nullatenus inter paterna bona recensebantur, sed a Regis liberalitate, sive potius electione profecta, non solum ad ejus nutum revocari, verum etiam eorum, qui perfuncti fuerant, morte ad eum devolvi videbantur. Non dum autem in eisdem successionebus Feudorum Leges agnoscere licet, quas ab ipsis Longobardis Auctoribus seriùs invecas, usque receptas alibi dicemus, quum de Longobardorum Legibus peculiari Dissertatione agendum erit. In hisce igitur Ducatum successionebus, nihil tum juris fuisse hæreditarii par est, ut credamus: Poterat tamen quis sibi filium, aliumve successorem designare, sed à Rege probandum, in cujus arbitrio res posita erat; ita tamen ut etiam citra Regis vel ignari, vel dissimulantis iussu effectum aliquando sortiretur. Sed post recensitas Beneventanorum Ducum subsequetas successiones consultiùs de re ipsa iudicium feremus.

Ut igitur ad Ducem Grimoaldum sermo revertatur, postquam is Ajonis primum, dein Rodoaldi socius, ac solus denique Ducatum xxv. annis tenuisset, occasionem Italicum Regnum invadendi, ex ea discordia sibi fecit, quæ inter Bertaridum, ac Godabertum Regis Ariperti Filios hæredesque exardescere incœperat. Godabertus Grimoaldum in suas partes trahere, ejusque militarem opem, promissâ in matrimonium Regia germana forore, sibi comparare satagit: At Grimoaldus ex ipsis Legati à Godaberto missi cohortatione, ut scilicet ipse potius ætate maturus, consilia providus, & viribus fortis Longobardorum Regnum, quod adolescentes germani dissipabant, arripere, mox animum ad illud obtinendum erexit; ordinatque apud Beneventum Romualdo suo filio Duce, cum electa manu Ticinum profectus est (2). Facile Grimoaldo fuit, divisus, ac utrinque etiam non parum labefactis Longobardici Regni viribus, Godaberto cæso, Bertarido in Pannoniam secedente, in ejus se possessionem mittere. Fas vel nefas Grimoaldo id fuerit, in præsentem, quod Paulus reticere noluit, Longobardici Regni discrimine, judicandum aliis relinquo; illud animadvertere præstat, noluisse Grimoaldum Regni spe, vacuum relinquere Ducatum, sed potius tantam habuisse capefendi Regni fiduciam, ut Ticinum profecturus Romualdum filium suum ex priore conjugæ ita captivæ, sed tamen nobili Puella susceptum, apud Beneventum Ducem ordinaret. Quo jure, vel quo potius consilio id à Grimoaldo gestum sit, facile intelligemus, si rei tum præsentis circumstantias spectemus: non tam filio enim, quam sibi ipsi prospicere is voluit, veritus, ne ex infelici expeditionis suæ successu, irritisque conatibus suis, iusta Regibus, vel etiam Beneventanis Longobardis vacuum invadendi Ducatum causa, promptaque occasio pararetur (3). Cæterum posteaquam ipse rerum potitus est, hoc quoque in negotio

(1) In Cod. Leg. Longobard. cap. CLXIV. CLXVIII. seq. pag. 27. & 28. tom. I. part. II. Script. Ital. Muratorii: Porro Rex Rotharis Edictum suum promulgavit ann. DCLXIII. uti ex ejus Prologo liquet.

(2) Lib. IV. cap. LIII. Nihil magis inter Viros doctissimos disceptatum, quàm de Regis Ariperti postremo, primoque statuendo Regis Grimoaldi anno. Illum ad annum DCLX. Hunc ad sequentem DCLXI. refert Sigebertus in Chronico, à quo recentiores omnes, si unum excepias Sigonius de Reg. Ital. lib. II. sibi recedendum censuerunt. Ex his autem Panvinus in sua Chron. Eccl. rem ad annum DCLXVI. protulit: Baronius vero, Peregriniûsque, ac Mansus denique ad Crit. Pagii de anno DCLXIII. conveniunt. Præcedentem demum annum maluit ipse Pagius, Blancus in not. 271. ad Diacon. ac Muratorius in Annal. to. IV. pag. 123. Postremi hi eundem Grimoaldum testem sibi adhibent, qui in suis ad Rotharis Edictum additamentis, se sui Regni sexto anno, mense Julio Indictione XI. (quæ in an. DCLXVIII. incidit) ea promulgare proficitur: Hinc retrocedendo (ait Blancus) ad DCLXII. quo mors Ariperti est assignanda, veniemus: non animadvertit hæc Peregriniûs, nullaque

interposita mora inter mortem Ariperti, & initium Regni Grimoaldi, quod serius in sua comparatione statuit, (i. e. ad Kal. Jan. an. 663.) Paulum non bene probra-nismi arguit: At nihil hæc me movent; nam ut pro veris certisque habenda essent, verum illud, certumque esse deberet, sex illos Regni Grimoaldi annos jam tum integros, solidosque effluxisse: si igitur in primo sexti anni mense, vel die sextus Regni annus recte numerari, enunciarique potuit, quid vetat initium ab an. DCLXIII. vel etiam sequenti desumere? ac Grimoaldus certe non statim post Ariperti mortem (ut ex Diacono præclare colligitur, ipseque Blancus affirmat) Regno potitus fuit.

(3) Quod si Muratorius animadvertisset, non ita facile illud in Annal. ad an. 702. prononciasset: almeno sembra poco verisimile, che Grimoaldo nel partirsî da Benevento per andare à Pavia diebissasse Duca il Figliolo, senza sapere se gli riuscirebbe farsi Rê. Non solum autem fieri potuisset verisimile superius diximus, sed factum plane constat ex Paulo, de cujus fide nihil heic erat, ut Muratorius dubitaret.

gotio prisca Regum jura manifestè sibi asseruit, in usumque revocavit: nam quod ad Ducatus alios attinet, Grasilfo, cujus paullo ante meminimus, Duci Foro-Juliano, Theudalpio quoque Duce Spoletano, defunctis, alteri Ajonem, alteri Attonem, nullo, quod Paulus memoret, consanguinitatis jure suspectos legimus (1). Attone denique mortuo, Rex Grimoaldus Trasenundum Capuanum Comitem, qui ei ad percipiendum Regnum strenuissimè parerat, Spoletanum Ducem constituit (2).

Haud ita vero de Beneventano Ducatu actum fuit, quamvis post Regis Grimoaldi mortem, Rex iterum Bertaridus omnium votis Ticinum revocatus Regni administrationem suscepisset. Non solum enim illatas sibi a Grimoaldo injurias adversus filium Romualdum nullomodo vindicandas sibi duxit, verum etiam æquis eum fovere oculis, Ducemque Beneventanum ita agere tulit, ut nec ille Regio Imperio se obnoxium, nec Ducatus successione Regis arbitrio subjiciendam ostenderet. Cur ita res Romualdo cesserit, plures afferri causæ possunt. Ac prima illa est, quod Bertarido flagitanti Rodelindam conjugem, Filiumque Cunibertum, quos Grimoaldus sive obsides, sive captivos Beneventi custodiendos miserat, mox Romualdus dimiserit, sicque sibi Ducatus confirmationem, ampliataque, etiam illius jura à Bertarido impetrare potuerit. Alteram vero causam à Ducis potentia Ducatufque sibi revocare promptum est. Celebre tum erat Romualdi nomen, ex rei militaris præstantia, bellicæque virtute, quam tum in Beneventanæ Urbis obsidione adversus Imp. Constantem, tum adversus abscedentes ejus Copias ostendit; probavitque amplius in Tarentinæ, Brundisinaeque Urbium expugnatione, quibuscum omnem illam, *qua in circuitu est, latissimam Regionem sua ditioni subjugavit*. Satiùs igitur Bertarido, sequutisque Regibus permittere visum, ut Romualdus, ejusque successores in ejus Ducatus possessione consisterent, quem ad universam penè Cistiberinam Italiam suis illi viribus protulerunt; atque hi quidem tantam Beneventanæ Urbi rerum omnium præstantiam, ac felicitatem compararant, ut æquo licet, ac velut communi Longobardici nominis jure, etiam Ticinensi Aulæ potentiam, ac majestatem referret; qua de re decorum simul, atque utile Reges ipsi Longobardi sibi duxerunt, cum Beneventanis Ducibus traditis in Matrimonium Regis Fœminis adfinitates conjungere. Regis Godaberti Sororem, quamvis ille pacto non stetit, immo fidem violasset, Grimoaldus Regno potius (mortua jam priore conjugè Itta) sibi desponsaverat, ex qua etiam Gariboldum Filium, (de cujus fato nihil memoriæ ad nos pervenit) suscepit: ejusdem Regis Grimoaldi Nepoti Grimoaldo II. Ducis Romualdi filio, in conjugio sociata fuit Wigilinda Soror Guniberti, filia Bertharidi Regis (3). Ex quo videas similitudibus extinctis, juribusque quodammodo exæquatis, quanta inter Grimoaldi, Bertaridique posteros, interque Ticinensem, Beneventanamque Aulam obtinuerit necessitudo. Sed non dum prætereundus Romualdus nobis erit, nisi prius de ejusdem successione videamus.

Ac Romualdi quidem successionem per plures gradus recensens, sic uno loco, ac veluti summam Paulus Diaconus perstringit. Romualdus postquam sexdecim annos Ducatum gessit, ab hac luce subtractus est: post quem ejus filius Grimoaldus tribus annis Samnitum populos rexit: Defunctoque Grimoaldo Gisulfus ejus Germanus Duxor effectus est, præfuitque Benevento annis decem, et septem; huic sociata fuit Winiberta, qua ei Romualdus peperit (4). De quo posteriore Romualdo hæc alibi idem Diaconus: Romualdus denique Dux Beneventi, uxorem sortitus est Gunibergam nomine, qua fuit filia Aiora Liutprandi Regis Sororis, de qua filium genuit, quem nomine sui Patris Gisulfum appellavit (5). Ac rursus alibi: Romualdo antea mortuo juniore Beneventanorum Duce, qui viginti et sex Ducatum tenuerat annis, Gisulfus ejus Filius adhuc puerulus remansit (6). Subsistere hæc parumper operæ pretium erit, ut antequam novos extraneosque exhinc sequutos, sive potius interjectos successores attingamus, de tradita hæcenus successione, quam, Diacono duce fidissimo, excurrisse libuit, necessaria plura observemus.

Mortuus est Grimoaldus major Beneventi Dux exinde Italiæ Rex anno DCLXXII. exactis in Ducatu xxv., ix. vero in Regno annis, quumque is in ipsa ad Italicum Regnum capefendum suscepta protectione Romualdum filium Ducem Beneventi ordinasset, jam illud consequitur (quod in superioribus notis statutum fuit) ut Romualdus Ducatus sui tempus ab anno DCLXIII. auspiciat dicatur. De annorum sexdecim, quos in Ducatu Romualdus transe-

(1) Lib. iv. cap. LII.

(2) Lib. v. cap. XVI.

(3) Lib. iv. cap. & lib. vi. cap. II.

(4) Lib. vi. cap. II.

(5) Lib. vi. cap. I.

(6) Lib. vi. cap. xv.

translegit, numero, certa ex Diacono res est; hos vero non a tempore (ut mox dictum est) quo Pater Regnum invasit, sed ab ejus morte enumerandos contendit Cl. Bollandus, his rixus fundamentis, quod si anno DCLXIV. aut DCLXV. post Gracos à Beneventi obsidione depulso, casum Hunnorum opera Lupum Forojuliensem Ducem data est (uti Diaconus narrat L. v. c. 25.) Theodorada ejus Lupi filia conjux Romualdo secundum jam, aut tertium in principatu annum agenti, qui fieri verisimile filio (Grimoaldo II.) qui nonnisi triennio Patri superstes fuit, junctam Matrimonio Wigilindam filiam Bertharidi, adhuc penè puero (1) ? Vir summus plus nimio Paulo fidere potuit, sive potius narratarum a Paulo rerum seriem inconsultò sectari, ut ex illarum locis Chronologiam illam sibi certam statueret, quam in narrandis rebus vix, aut nunquam a Paulo servatam fuisse pluriès docti Viri animadverterunt. Id vero de præsentī re satis Bollandus animadvertendum præstabat ex ipsa, quam scribens illustrabat, S. Sabini Vita (2). Evidentius adhuc fit ex vita S. Barbati; ubi eodem tempore, quo Græcorum Imperator Constans Beneventum obsidebat, non modo Romualdi Conjux Theodorada tum exstitisse, sed eximia Pietatis, Religionisque exempla dedisse legitur (3). Quum igitur Romualdus circa Annum DCLXIII. quo Ducatum inchoavit, Theodoradam uxorem accepisset, annosque sexdecim in Ducatu translegisset, potuit certè Grimoaldum filium statim ex illa suscipere, qui quidem Grimoaldus licet Patri triennio solo superstes, ætatem saltem annorum 14. aut 15. attigisse potuit, sicque ante ejus obitum cum Wigilanda nuptias inire (4); Hæc certe non veri solum simillima sunt, contra quàm Bollandus argumentabatur, sed certa etiam nobis videntur: neque exinde, quod Bollandus verebatur, vacillaturam sequutorum Beneventanorum Ducum Chronologiam, sed potius constitutam magis efficient.

Scio in ea statuenda Chronologia improbum quidem a Camillo Peregrinio laborem susceptum, qui, ut sua Chronotaxis explicatio asset, *Comparisonem* cum Beneventanorum Ducum successione à Diacono tradita, distinctis, atque ad oram descriptis cujusque Ducis ad Arichim II. usque annis, lucubravit. At caligine adhuc res circumfusa visa fuit doctis Viris, quorum novas, discordesque inter se sententias sigillatim collegit Cl. Assemanus, qui sic eam Chronologiam statuendam concludit: ut Ducatus Romualdi initio ab anno DCLXII. deducto, attributis eidem Annis sexdecim, deinde ejus filio Grimoaldo II. annis tribus, mox alteri filio Gisulfo annis decem, & septem, ad annum tandem DCCXVII. veniendum sit, quem tamen neutiquam Gisulfi emortualem admittit, qui quum Johannis VI. à Kal. Nov. An. DCCII. ad v. Id. Jan. An. DCCV. Pontificatu perfuncti tempore, Campaniam invasisset, jam post dictum Annum DCCXVII. quo desinere Chronologia visa est, vivere adhuc Gisulfo debuit. *Quid igitur* (inquit) *si pro XVII. uti in Pauli Historia scribitur, anni XXVII Gisulfo sunt consignandi; ita ut ad Annum Ch. DCCV. deveniret? Hoc suadere videtur ipsa Gisulfi actio...*

qua

(1) In Comment. ad Vit. S. Sabini IX. Febr. tom. II. num. 61. pag. 320.

(2) Biographi hæc sunt cap. v. num. 16. pag. 327. *Eodem quoque tempore Longobardorum Regni gubernacula sustinebat Grimoaldus: qui filium suum Romualdum Beneventi Principem instituit, eique Lupi, qui è nobili prosapia existerat, filiam nomine Theodoradam, quam modo meminimus, in matrimonium dedit: Romualdus defunctus eam ad regendum Samnitum populum cum parvo filio reliquit. Vel igitur ante susceptum à Grimoaldo Regnum, Romualdumque Ducem institutum Theodoradæ nuptiæ celebratæ sunt, vel eodem saltem tempore, certè ante Lupi mortem, ac Beneventi obsidionem.*

(3) Vide quæ de Theodorada uberrimè dicta à me sunt Dissert. II. cap. III. p. 57.

(4) Eadem adversus Bollandum observavit Clariss. Assemanus Ital. Hist. Script. to. II. cap. xviii. pag. 572. Assemanus autem in Bollandum insurgit, plures illius, ut ait, *allucinationes* aperire, & emendare conatus in Commentario ad d. Vitam S. Sabini, ubi de Beneventanorum Ducum successione, scriptæque ejus vitæ temporè disseruit. Mendosum ejus Vitæ exemplar Bollandus nactus est, quod sic explicat. *Hæc principante viro gloriosissimo Emerith prole Grimoaldi scripta, cujus temporibus multa Salentinati populo prospera occurrere. Certè illud Salentinati, alterumque Emerith viciiosissima*

sunt, atque in causâ fuerunt, ut Bollandus meliori lectione destitutus, tum de *Salentinis* supervacue disserteret, tum de illo *Emerith*, cujus ex quatuor Grimoaldis Beneventi Ducibus filius fuisset, curiosus inquireret, atque ad primum, vel secundum se reciperet, quum (inquit Assemanus) non de filio Grimoaldi, sed de Grimoaldo ipso quisnam esset, cujus hic mentio ingeritur, investigare debuisset. Quid igitur Assemanus? Pro *Salentinati* populo legendum ait *Samnit*; ac rectè omnino: illud autem *Emerith*, sive *Ermerith*, & *Ermenrich*, loco *Arichis* positum arbitrat, illudque denique *planum* statuit, de Grimoaldo III. filio Principis Arichis mentionem ibi esse. At quis Assemano vaticinatus est, non de filio Grimoaldi, sed de Grimoaldo ipso ibidem agi, cum *70 prole* inter duo illa nomina æquè in consonantem T. Longobardica pronuntiatione, seripioneque desinentia, locatum, ambiguum rem faciat? Quis etiam vetabit, ut illud *Emerith* non in *Arichin*, sed potius, quod affine quoque mendoso vocabulo est, *Romuald* vertamus? Certè de Romualdo, ac Theodorada, eorumque filio Grimoaldo ejus Vitæ Scriptor plura in dicta Vita commemorat, ut potius scriptam putemus principante *Romualdi prole*, idest filio Grimoaldo II. quàm ad seram Principis Arichis, Grimoaldi que III. ejus filii ætatem præproperè profiliamus.

....que quum juxta Anastasium ad Joannis VI. tempora referatur, exinde non immerito colligitur, errorem in numero annorum XVII. cubare (1). Sed qui Bollandum erroris redarguit, aliam ipse ad eundem terminum iniens viam, errasse pariter dicendus est Assemanus, Ille siquidem ut Gisulfi Ducatum ad An. DCCVII. deduceret, Romualdi I. annos à Patris idest Regis Grimoaldi morte, spreto Diaconi præclarissimo testimonio, numerandos voluit; ipse vero, ut Gisulfi Ducatum ad Annum eundem protraheret, mendum in annorum numero, quos Diaconi exemplaria præferunt, agnoscendum, ac pro XVII. addito denario numero, XXVII. à Diacono scriptum censet. Tantum licentiæ sibi indulgere Assemanus nequibat, ut mendum pro suo arbitrio supponeret, corrigeretque: Non id certe Diaconus permittebat, neque nobis modo finit, quippe qui solos cujusque Ducis annos recensuisse contentus, in quos illi Eræ Christianæ annos incidere debeant, posterorum curæ, si tanti ea res videretur, investigandum servavit. Fateor quidem ex statuta, Diacono ipso nobis auctore, Beneventani Ducatus Epocha, admissique, ejusdem testimonio, superiorum Ducum Zottonis, Arichis, Ajonis, Rodoaldi, Grimoaldi, Romualdi, ac denique ipsius, de quo nunc agimus, Gisulfi annis, non alium nobis ex Paulo postremum occurrere Gisulfi annum, quam DCCXVII., qui tamen Gisulfi ex iudiciis aliorum testimonio ineunte Seculo VIII. sub Johanne PP. VI. adhuc vivebat. Sed non ideo tam liberaliter x. alii anni Gisulfo tribuendi sunt, ut non solum Pontifici Johanni advixisse, sed biennio etiam supervixisse tradatur. Atque Assemani quidem sententiam, sive opinionem nulla prorsus ratione niti ex eo dicit Cl. Pratillus, quod, ut alia omittam argumenta (quæ potius, si qua essent afferenda erant) *Charta Mon. Benev. S. Sophia, & S. Petri, nec non Cavaensis Archivi Vennsini, Mon. Sanctissime Trinitatis & Casinensis in annis 706. consignata habent Romualdi Ducis inscriptum nomen Ind. IV. quæ utique huic anno respondet.* Indicasset Pratillus Cl. Muratorio hanc ex tot conglomeratis Archivis Chartarum struem; opportune enim Muratorio Annales suos scribenti, ac talia ad eam delineandam quæstionem desideranti obtigissent (2). Nisi quod, quum Pratillus eas chartas ad Indictionem IV. quæ in annum incidit DCCVI. universas referat, parum subsidii ex his accipiendum ostendit, quæ vix ad unum retrò annum nos retrahunt. Sed de hisce Chartis catervatim sub una Indictione indicatis mox agemus. Interim haud alius. melior Pratillus, qui, Diacono posthabito, Catalogum Ducum, Principumque Beneventanorum, Chronico Anonymi Salernitani præfixum in quo Gisulfo annorum XIV. numerus adscriptus legitur (3), incertam nempe, mendosam, ac dubiæ fidei chartam sequi malens, huic potius annorum XIV. numero, quam illis XVII., à Paulo Gisulfo traditis, denarium numerum supplendunt, ac Gisulfum ipsum ad annum DCCIV. superstitem statuit (4).

Peregrinum non moror, qui præjudicata in Paullum, absurda (ut ait) loquentem, sententiâ in sua *Comparatione* de Gisulfi annis agens, illum juxta *supputationem* Paulli, quem secuti sunt Anastasius Bib., & Ado in *Chron.* sedente Joanne VI. anno circiter DCCIII., juxta suam vero *comparationem*, è regione appositam, sedente Joanne V. atque in anno circiter DCLXXXV. absurdissime ipse quidem defunctum censet (5). Quid igitur? veri quidem simillima, si Paulo, ut par erat, non adeo adversus fuisset, Peregrinus attigisset. Ajo itaque, relinquendos Gisulfo, quos ei Paullus tradidit, annos XVII. atque eundem Gisulfum ad Joannis VI. tempora pervenisse, sub quo, quum, (inquit Anastasius) in Campaniam veniret.... denominatus Pontifex, missis Sacerdotibus, cum Apostolicis donariis, universos captivos redemit, & illum cum suo hoste ad propria repedere fecit (6). Dum vero Johannes anno DCCI. Pontificatum gerere cepit, quid vetat, ut eodem, vel sequuto anno post Campaniæ invasionem defunctus Gisulfi statueretur? Id vero quum statuimus, a Paulli Chronologia parum, aut vix distabimus, quam etiam optime constare inveniemus; si cuilibet annorum numero, quos cuique Duci hæctenus Paullus assignavit, plures alios non integros annos addamus, menses scilicet illos, quos (integros dumtaxat annos, more suo, computasse contentus) Paullus neglexit: ut jam illud certum constet, ipsos Gisulfi annos XVII. verè ad annos DCCII. perductos, neque ultra sequentem Annum DCCIII. producendos videri. Dum enim Chartas, (quas a Pratillo generatim indica-

ALTER

S

tas,

(1) Ital. Hist. Scriptor. tom. II. cap. XIII. à num. VII. ad XI.

(2) In Ital. Annal. tom. IV. pag. 103. ad an. 701. Bollandi Chronotaxim contra Peregrini supputationem objiciens rem ipsam in medio relinquere maluit. Io per me lascio la questione come sà; à decider la quale ci occorrerebbe qualche documento di que medesimi tempi.

(3) Inter opp. Peregr. ab ipso edita tom. II. pag. 16.

(4) In notis ad Cam. Peregrin. tom. V. pag. 44.

(5) Tom. V. Opp. d. pag. 44.

(6) Simila habet ipse Paullus Diaconus lib. VI. cap. 27. & Joannes alter Diaconus in Chron. Episc. Neap. sub Laurentio Episcopo tom. I. part. II. pag. 306. Rer. Ital. Scriptor. Muratorii.

tas, satis tamen sedulo, sigillatimque ab Assemano ex Chronici S. Sophiæ antographo in Vaticana Bibliotheca servato descriptas invenio (1) consulere libeat, jam plura Romualdi, qui Gisulfo successit, Diplomata occurrent, non quarta solum, sed secunda, tertia, quinta, sexta, septima, decima, tertiaquedecima Indictione signata. Ac mirum quidem in Indictione secunda, ac tertia annum 719, & 720. duntaxat ab Assemano agnitum, definitivèque statutum, qui in Indictione quinta, sextaque (quod in ceteris servavit) alterutrum annum vel 707-vel 722. sicque vel 708., vel 723. intelligendum permisit. Eadem enim de omnibus Indictionibus ratio habenda erat, habendamque, quæ superius a nobis observata sunt, prorsus suadent, ut scilicet, quæ Secunda Indictio est ad Annum 704. referenda omnino sit; quo sane anno dum Romualdus Gisulfi successor Ducatus administratione fungebatur, id quod definitum superius nobis fuit, comprobatur magis efficere, nonnisi anno dccii. vel sequenti Gisulfo defuncto, ejusdem Ducatus regimen suscepisse.

Posteaquam hac temporum ratione semel statuta, præcedentium, sequentiumque Ducum annos præclarior quam hæcenus demonstrandas curavi, quid in eorum successione a Regis Grimoaldi tempore gestum sit, observandum modo erit. Postquam igitur, Arichi, ejusque filio Ajone defunctis, ad Rodoaldum, ejusque Fratrem Grimoaldum Beneventanus fuit delatus Ducatus, jam hic hæreditarium jus sibi quæsisse videtur; quandoquidem in Grimoaldi familia, quousque ejus posteritas viguit, constituisse probatur. Plures Ducum successiones à Grimoaldo deductas, atque ex ejusdem Grimoaldi sanguine propagatas ex Paulo superius audivimus: Nam Grimoaldus Romualdum filium sibi Ducem suffecit, cui defuncto, Grimoaldus II. ipsius filius successit; quem post triennium sine prole defunctum excepit Gisulfus germanus frater: qui filium Romualdum II. successorum reliquit: ex quo tandem posteriore Romualdo, Gisulfus II. (in quo superius substitimus) ex Aurona conjugis Regis Liutprandi nepte susceptus, ætate licet puer, ad paternum Ducatum vocatus fuit. Dum itaque has successiones attendamus, in quibus tam diuturno temporum spatio in unius Grimoaldi posteritate Ducatus possessio perseveravit, neque a tot successoribus Ducibus, ut rerum potirentur, Regia auctoritas unquam impetrata legatur, quid ni unico, ac pleno Hæreditatis Jure, *Auroropiarum* sive *Auroropiarum* adeptus Beneventanus Ducatus censendus sit? Sed sententiam proferre non dum licet, nisi de præfato Gisulfo II., ejusque successoribus, quemadmodum res se habuerit usque ad Beneventani Principatus institutionem, prius cognoscamus.

Ex Gisulfo I. qui (uti diximus) ad An. dccii. pervenit, Romualdus II. natus est, qui post exactos in Ducatu annos vigintifex, anno dccxxviii. mortuus Gisulfum II. filium adhuc puerum sibi successorum reliquit. At ipsa ætas, quæ impedimento ei fuit, ne Ducatus administrationem suscipere, in causa quibusdam etiam extitit, ut eo extincto vel exturbato, Ducatum invadere molirentur. Sed cœptæ machinationes in irritum cesserunt, primùm Beneventanorum fide, mox Regis Liutprandi providentiâ. Ac de Beneventanorum fide, quod, præclarior commendata habeatur, libet Diaconi verba in medium proferre, *Contra quem* (parvulum Gisulfum) *aliqui insurgentes, eum moliti sunt extinguere, sed Beneventanus Populus*, qui sui Ducatoribus semper fidelis extitit, eos peremerunt, sui Ducis vitam servantes (2). Regis autem Liutprandi providentia in eo fuit, ut ad sedandas turbas Beneventum adveniens, Gisulfum puerum sub sua tutela in Ticinensi Aula educandum suscipere, intereaque, ne Ducatus Gisulfo adultiori servandus, ambitioforum factionibus iterum pateret, temporaneo Duci administrandum reliquit (3). Quibus ex causis permotus Liutprandus fuerit, ut de incolumi servando, liberaliterque educando Gisulfo, deque altero illius vice ad Beneventani Ducatus regimen substituendo, adeo sollicitum se probaret, haud difficile intellectu erit, si ejus cum Gisulfo necessitudinem, ac præterea Beneventani Ducatus rationes animadvertamus. Liutprandi Nepotem Gisulfum vocat Diaconus, communi quodam vocabulo usus, qui alibi ex Guntberga natum affirmat, quæ fuit Filia Aurone Liutprandi Regis Sororis (4). Par igitur fuit, ut in eo gravissimo Ducatus, vitæque discrimine opem suam Gisulfo neptis suæ filio Liutprandus exhiberet: sed & ejusdem Regis intererat non solum Gisulfum incolumem esse, sed & Bene-

venta-

(1) Ital. Hist. Script. tom. ii. pag. 578. Eisdem Chartis legere est in dicto Chronico S. Sophiæ, quam ab Ughello vulgatum tom. vii. edit. Rom., modo tom. x. edit. Venet.

(2) Lib. vi. cap. lv.

(3) Verba Pauli l. l. hæc sunt. Qui Gisulfus cum propter ætatem puerilem idoneus ad tantum populum regen-

dum non esset, Liutprandus Rex Beneventum tunc veniens, eum exinde abtulit, & apud Beneventum suum Nepotem Gregorium Ducem ordinavit. Ita rebus compositis ad suum solium remeavit, Gisulfumque suum Nepotem paterna pietate erudiens, ei Conbergam, nobili ortam progeniem in matrimonium junxit.

(4) Lib. vi. cap. l.

ventanum Ducatum ab iis administrari, qui Regiæ auctoritati obsequentes Longobardici Regni jura, majestatemque in Cistiberina Italia tuta, atque integra præstare possent.

Itaque si Paullum, uti hæcenus factum fuit, sequamur, Romualdo II. defuncto, ejusque filio Gisulfo II. regendo Ducatui nondum per ætatem idoneo, mox Gregorius prædicti Regis Liutprandi nepos ab eodem delectus, ac Dux successor nobis occurret. Sunt tamen vetera monumenta alia, quæ inter Romualdum, Gregoriumque, Adelajum, seu Audelajum, aut potius Audoldum Ducem consignant, cui quidem Chronicon S. Sophiæ annos duos (1), Cavense vero annum unum, mensesque novem attribuunt (2). At non hæc Paulo adversantur, neque horum fides ex Paulli silentio labare debet. Ex Paulo enim nullimode contrarium evinci potest, sed vehemens potius conjectura est, in illa Ducatus; quem mox Romualdo mortuo, ac sub Gisulfo puero aliqui invadere moliebantur, perturbatione, Audoldum hunc sese in ejusdem Ducatus administrationem intrussisse, quem veluti raptorem, tyrannumque prætermisit Paulus, prætermisum etiam invenio in altero veteri Chronico Salernitano (3). Commemorandum vero, ac ob non exiguum administrati Ducatus tempus inter Duces recensendum sibi duxerunt auctores utriusque Chronici Sophiani, & Cavenfis; ac Cavense quidem ita habet: *Adileus sedit A. 1. Mens. ix. qui postea fuit occisus*. Ut jam videas hæc cum Paulo omnino convenire, qui factiosos homines, quorum signifer Audoldus esse debuit, Gisulfi pueri vitæ infidantes a Beneventano Populo peremptos testatur: ac cum a Beneventano quidem Populo peremptos sciamus, illud etiam satis certum consequitur, ut non illico, sed aliquo post Romualdi obitum temporis spatio, Regis Liutprandi adventum statuamus; itaut menses illi viginti, & unus, quibus Audoldus Ducatum occupavit, effluxisse potuerint. An vero temporis illius spatium, quo Audoldus Tyrannidem potius, quam Ducatum exercuit, separatim, atque sub ipsius Audoldi nomine numerandi sint, vel potius successori Gregorio adjudicandi, mox videbimus.

Licebit nunc post Audoldum ad Paullum redire, qui (uti diximus) Gregorium Ducem a Liutprando Beneventanis relictum, sive ordinatum tradit; qui dum apud Beneventum annis septem ducatum gessisset, *vita exemptus est* (4). Gregorii mors, Gisulfi que, qui adhuc in Tici-nensi Aula educabatur, absentia, Godescalcho Ducatus successionem aperuit. An legimus Gregorii successor Godescalchus fuerit, non rectè constat. Ac Leo quidem Ostiensis, qui Gisulfum juniorem nepotem Liutprandi Regis post Godescalcum Beneventanorum Ducem existisse. Lib. 1. cap. v. Chronici sui affirmaverat, mox cap. viii. inter decessorem Gregorium, successoremque ipsum Gisulfum præterire maluit. Diaconus vero post Gregorii obitum revera Godescalcum Ducem effectum, annisque tribus Beneventanis præfuisse tradit: at illud etiam innuere videtur, eundem Godescalchum, Transmundi (cujus narrationem eodem loco conjungit) Spoletanum Ducatum invadentis exemplo, in Beneventanum Ducatum irrepsisse, nam mox subdit: *Rex Liutprandus talia de Spoletro, sive Benevento audiens, rursus cum exercitu Spoletum petiit: expulsoque Transmundo, Agebrandoque suo Nepote Duce constituto, quum Beneventum properaret, Godescalchus audito ejus adventu, navem conscendere, atque in Graciam fugere molitus est. Qui postquam uxorem (Annam), & cunctam suppellectilem suam in navim imposuisset, & novissimè ille ascendere vellet, irrudentibus Beneventanis Gisulfi fidelibus extinctus est. Uxor sanè illius cum omnibus, quæ habebat, Constantinopolim perlata est* (5). Nihil ea re clarius haberi potest, ut Godescalchus facta sibi ex Gregorii morte, Gisulfi que absentia occasione, Beneventani Ducatus invalor existimandus sit. Neque ad eum profligandum solus Liutprandus excitavit, vel

ALTER

S 2

vel

(*) Tom. II. part. 1. Ital. Scriptor. Murator. pag. 310. & inter Opp. Peregrin. tom. v. pag. 21.

(2) Inter Opp. Peregrin. tom. v. pag. 6.

(3) Eodem tom. v. Peregrin. pag. 16.

(4) Lib. vi. cap. lv. & lvi. Cl. Assmannus tom. II. pag. 571. Garacciolum Beneventanorum Ducem successionem in Propolis contextem erroris redarguit, quod ab hoc Gregorio Duce Gisulfum puerum adnotatum scripserit; at à Liutprando (est obscurè) educatum Gisulfum Garacciolum potius dicit, qui Paullum, ex quo eam successionem hauriebat, præ oculis habens, manibusque tunc terens sic scribit: *Gisulfo ob pueritiam inepo regimini, Liutprandus Rex subinuit nepotem suum, cui nomen Gregorius, eique uxorem dedit Gisilbergam. Hic (scilicet Liutprandus, qui præcedentem loquu-*

tionem regit) Gisulfum puerum educavit, educatoque Conibergam Conjugem duxit. Idem Paullus lib. 6. cap. 55; quo loco Paullus de Liutprando educatore loquitur, à quo tandem (non à Gregorio qui septem post annis obierat) junctus est Gisulfo uxor Coniberga. In eo potius errare dicendus videtur Garacciolum, quod improprie nimis à Liutprando Patruo, qui proavungulus erat Gisulfum Ducatui restitutum eodem loco asserit. Sed & Assmannus ipse errasse videtur; qui l. l. Audoldum, sive, uti vocat, Adelajum, à Liutprando Rege amotum pro certo tradit, quem à Beneventanis Gisulfi fidelibus, fortasse etiam ante Liutprandi adventum, occisum testatur Chronici Cavenfis Auctor, cujus verba superius recitavimus.

(5) Lib. vi. cap. lvi. & lvii.

vel Regiæ auctoritatis contemptus, vel Gisulfi legitimi successoris detrimentum; sed illa quæ satis vehemens ejusdem Godescalchi cum Græcis foederis suspicio, ex quorum gente *Annam* conjugem habuisse verisimile est, ad quos etiam ipse transfretaturus confugere moliebatur. Sed injuriâ prorsus, suorumque factione (reliqui enim, idest *Beneventanus Populus*, Gisulfo fidem deponderunt) Godescalchus Ducatum surripuisse videtur: quamobrem dubitare subit, num tres anni illi quibus Beneventanis præfuit, eidem tribuendi sint, vel potius Gisulfi annis adnumerari debeant. Id quod paulo inferius statuendum erit.

Sed jam demum juniorem Gisulfum ad Paterni Ducatus possessionem admissum intueri suppetit; propere quidem, si adhuc ejus spectabimus ætatem; nam puer à Patre moriente relictus, post annos illos, quos interim Audoaldus, Gregorius, Godescalchus expleverant, vix ad xiv. ipse circiter annum adolevisse potuit; sed Ducem Gisulfum præfici maximè interessat, ne novis turbis, invasionibusque, & illius successio, & Reip. status amplius perturbaretur. Godescalcho igitur exturbato, interfectoque, *Tunc* (inquit Paullus) *Rex Liutprandus Beneventum perveniens, Gisulfum suum nepotem iterum in loco proprio Ducem constituit: rebusque ita compositis ad suum Palatium (idest Ticinum) remeavit* (1).

De posterioris, seu *Junioris* hujus Gisulfi annis, quibus Benevento præfuit, nihil habet Paullus, qui Historiam suam, cum Regis Liutprandi obitu (superstite quidem ipso Gisulfo, paulo ante, ut videtur, Ducatum ejusdem Regis ope adeptus) conclusam voluit. Ad veteres igitur Chronographos convertemur, quos inter sese discrepantes inveniemus. Qui Chronicon S. Sophiæ conscripsit, annos xvii. diesque x. Gisulfo II. attribuit (2). Pauciores præstat Chronicon Anonymo Salernitano præfixum, a quo Anni xiv. Gisulfo assignantur (3). Ex his partem aliquam demit Chronicon Cavense, ubi xxi. anni, mensesque vii. inscripti habentur (4); minorem adhuc numerum exhibet Salernitanum Chronicon, cujus auctor annos duntaxat vii. recensere satis habuit (5). Quid in tanto tot veterum Chronologorum dissensu dicemus? Obscurissima fortasse res videbitur; atque etiam desperata post aliorum parùm probatos labores, qui ad veri aliquam similitudinem eam perducere conati sunt; sed, quum perduxisse intererit summopere, an verisimiliora haberi queant, experiundum mihi nunc erit.

Ac primum flocci faciendum Cavenis Chronici testimonium ajo, quod, quum nulla ratione, vel aliis tribus Chronicis propius accedere, vel conciliari possit, mendosum omnino censi debet, aut (si genuina lectio est) non est, cur aliis tum numero, tum prærogativâ præstantibus Chronicis, illius fidem anteferamus. Respondea pariter est editoris Pratilli animadversio, sive nota illa (8.), quam ad ejusdem Chronici locum appinxit, ubi Anni xii., mens. vii. Gisulfo tribuntur: sic enim subdit: *Chronologus Sansophianus huic Duci (Gisulfo) annos tribuit vii.; sed quam male suo loco patebit. Male* equidem, si Chronologus Sansophianus Annos vii. scripsisset; at contra in omnibus editionibus, tum ipsiusmet Pratilli, tum Ughelliana, tum Muratoriana, Annos is constanter difertissimèque habet xvi., & dies x. Quid, si in ipso Chronico Caveni oscitanter fortasse descripto pro xvi. scriptum sit xvi.? nihil veri magis simile ut numeralis nota v. post numerum x. è describentis manu (quicunque is fuerit) effugere potuerit: neque enim Chronologus, aliorum Chronologorum in aliis ferè omnibus fidem sectatus, ejus duntaxat rei singularem se testem ostendisse censendus est.

Restat itaque ut ex S. Sophiæ Chronologo Annos xvii. Gisulfus sibi accipiat; quos quidem annos ab cæteris pariter Chronologis, si quis illos penitus advertat, facili negotio eidem Gisulfo attributos inveniat. Ad Salernitanum enim quod attinet Chronicon, quis numerum illum Annorum vii., adeo enormi temporum distantia ab aliorum annis remotum, ibi legens, non illico antecedentem notam x. (quæ ante illos vii. præscripta omnino erat) excidisse pronunciaverit? Ita sane res est; ut jam Chronologum hunc non vii. sed xvi. scripsisse, proptereaque cum nostro Sansophiano concordem affirmare liceat. Haud secus postremum Chronicon Anonymo Salernitano præfixum (admissa omnino, probataque, quam exhibet annorum xiv. scriptio) cum eodem Sansophiano convenire videtur. Etenim tres illos, quos in Gisulfo detraxit annos, decessori Godescalcho assignavit, ratus

fortaf-

(1) Lib. vi. cap. LVIII.

(2) Inter Opp. Peregr. edit. Neapol. tom. v. pag. 21., & inter Scriptor. Ital. Murator. tom. xi. pag. 320., & apud Ughellum Ital. Sacr. tom. x. pag. 419. edit. Venet.

(3) Inter Opp. Peregr. edit. Neapol. tom. xi. pag. 36.

(4) Edidit Patrillius inter eadem Opp. Peregr. tom. v. pag. 6.

(5) Ibid. pag. 16. & apud Murator. d. to. v. pag. 319.

fortasse Godescalchum, etsi haud legitimum Ducem, minime triennio suo privandum, quo Ducatum administrasse, seu occupasse à Diacono traditur. Chronologus autem Sanfophianus quamvis de Godescalcho non fileat, integros annos XVII. Gifulfo attribuisse videtur: Id quod ex Diacono præclarius fit, qui Gifulsum non tunc primum post Godescalchi necem, sed iterum in loco proprio, Ducem à Liutprando constitutum affirmat (1), ut jam a Gregorii morte, cui nullum alium Rex Liutprandus successorem dedit, proximum Ducem, successoremque reputandum Gifulsum, ac Godescalchum è Ducum Gatalogo expungendum Diaconus demonstrat; quemadmodum & is, Audelajo, seu Audaldo (qui mox post Ducis Romualdi II. mortem in Ducatum irrepit, ac sesqui anno circiter tenuit) nullum inter Duces locum tribuit, immo nullà prorsus memorià dignum existimavit.

Ut vero ex Gifulfi I. obitu, sequutorum Ducum hæcenus traditæ successiones, singulisque attributi administrati Ducatus anni, rectius consent, Christianæ Aetæ, cui illi alligandi sunt, ratio heic ineunda erit, quemadmodum ad præfatum usque Gifulsum I. superius factum fuit. In Anno DCCII. superius substitimus, quem dicti Gifulfi I. emortualem probavimus. Ab anno igitur sequenti DCCIII. Romualdi II. ejus filii, successorisque Ducis sumenda initia sunt; qui quum per annos XXVI. advixerit, puerumque filium Gifulsum II. reliquerit, anno certe DCCXXVIII. ineunte Audaldo Ducatum invadendi occasionem aperuit, Audaldo exturbato, sive extincto Gregorius Anno DCCXXXIX. successus est; septennii spatium Gregorio huic Diaconus assignat, qui quum Audaldum Ducem non agnoscat, immo post Romualdi II. obitum eundem Gregorium Ducem à Liutprando ordinatum proxime statuit, jam huic Gregorio septennio ab ipso Romualdi postremo anno DCCXXXIII. exordium faciendum suadet; Gregorius itaque septem post annos, vita, ducatuque suo perfunctus, Godescalcho quidem, ut ab anno DCCXXXIV. triennii spatio ejusdem Ducatus administrationem sibi usurparet, Gifulfo vero II. præstitit, ut ab eodem anno. (uti superius probatum est) Ducatus sui tempora enumeraret: quæ quum integro annorum XVII. spatio conclusa fuerint, id demum efficiunt, ut ab dicto Anno DCCXXXIV. ad annum usque DCCCL. Gifulfi vitam, ejusque Ducatus tempora metientes: (2) ad Liutprandum; demum perveniamus, qui post VIII. Ducatus sui annos, mensesque III. (quos ei tradit, reliquis accuratior, ac sincerior Chronologus noster Sanfophianus (3)) ad Arichim denique II. nos tuto itinere perducit; eum nempe Ducem in quo Ducum Beneventanorum Series definit, præclariorque altera Principum Epocha decurrere incipiet; quem Arichim Anni DCCLVIII. mense Febuario Ducatus regimen suscepisse apud omnes convenit, indubiæque fidei monumenta testantur.

Post statutam, quæ individua successionis comes erat, Beneventanorum Ducum Chronologiam, de postremis duobus paulò ante memoratis Ducibus Liutprando, atque Arichi adhuc

(1) Lib. VI. c. LVIII. Ac Frid. Lindenbrogius in sua Pauli editione pro: in loco proprio: legit: in loco proprio: ut semper illud utraque lectione certum sit, Gifulsum veteri jure, quo ad Paternam successionem vocabatur, pro vero legitimoque Duce semper habitum; neque eandem Godescalchi, sicut Gregorii rationem habendam, qui Gifulfi adhuc pueri vice a Rege Liutprando ad Ducatus administrationem legitime promotus fuerat.

(2) Ex Chronicis tum Sanfophiano, tum Vulturis Gifulfi, quæ extant, diplomata omnia recensuit Cl. A. F. semanus d. tom. II. pag. 580. seq. Ex Indictionibus, quæ singulis inscripta sunt, primus qui occurrit annus est DCCXLII. qui nihil turbare debet, dum non omnia Gifulfi diplomata, sed quæ ad rem suam pertinebant, Chronographi illi colligenda curabant. Sed quod ad postremum annum attinet duo obitare videntur Diplomata; alterum est ex part. 3. num. 5. Chronici Sanfophiani ubi Indictio IV. legitur, quod Diploma ad annum DCCCLI. quo ea Indictio currebat, Affermanus refert: Si quis itaque Gifulsum ad eum annum pervenisse malit, haud repugno, dummodo anni partem attigisse dicatur, reliqua parte successorii Liutprando relicta, quem ab dicto anno nos Ducem superius statimus. Car vero (quod probabilius fuerit) cum ipsa Indictione IV. ad an. DCCXXXV. non retrocessisse liceat, quo eadem Indictio locum ha-

bet, ac Gifulfus ipse Ducatum aspicatus jam fuerat? Alterum Diploma habetur in Chronico Vulturisensi apud Murat. tom. I. Script. Ital. part. II. pag. 336. ex quo Gifulsum ad annum usque DCCXLIII. pervenisse videtur: At suppositum, vel mendosum id Diploma jamdiu ante Affermanum consentientem Muratorius ipse animadvertit, pronuntiavitque.

(3) Tom. II. Script. Ital. pag. 320. num. XIV. & inter opp. Peregr. tom. V. pag. 21. & apud Ughell. tom. X. pag. 419. Ejusdem autem Chronographi (secus, ac Salernitani, qui falsò annos VI. & pro Liutprando Liutprandum habet; uti Cavenfi, qui annos III. mense VII. scribit) fides de tradito Annorum VIII. mense III. tempore optime constat ex ejusdem Ducis Liutprandi Diplomatis, quæ ex eodem autographo S. Sophiae Chronico laudatus Affermanus d. tom. II. pag. 586. recenset, nam, ut ea, quæ mediis temporis sunt, præteream, adest Diploma ab ipso Liutprando datum mense Martio per Indictionem septimam hoc est An. DCCLI., ut jam illud certum sit ab dicto An. DCCLI. Gifulsum defecisse, susceperatque à Successore Liutprando Ducatus administrationem. Adest alterum eodem loco relatum, datum mense Febuario per Indictionem decimam hoc est An. DCCLVII. atque eodem mense, atque anno, antequam idem Liutprandus Ducatu pulsus Arichi locum dedit, uti superius dictum est.

adhuc dicere restat: ut quo ipsi jure, subsidiisque ad Ducatum capeffendum accesserint, perferat, de ipsius Ducatus conditione (quod rei caput est) decernamus. Extitisse Ducem Beneventi Liutprandum (de quo plerique silent) certissima res est, quam præter Diplomata in Chronico S. Sophiæ extantia, alia etiam ejusdem Liutprandi Charta manifestam efficit, de qua noster Chronographus Falco disertè meminit in An. 1121. (1): obsecrum potius illud videri potest, ut de ejus profapia statuamus. Ant. Caracciolus nihil de hoc Liutprando Duce nactus apud Paullum Diaconum, non ultra Gisulfi II. exordia progressum, aliis vero vetustis destitutus monumentis, ac præsertim Chronicis, quæ postea in lucem prodierunt, post Gisulfum II. in quo Paullus conquieverat, Erchempertum sibi adhibuit, qui sequentium (inquit) Beneventi Principum seriem sic habet: ac mox: Liutprandus an. 8. m. 3. hunc puto Gisulfi filium. Convenit quidem sive Erchempertus, sive Caracciolus de Ducatus annis cum Chronographo S. Sophiæ, ut jam res isthæc superius a me statuta novo hoc testimonio amplius confirmata maneat; at quum Chronographus iste nondum Caraccioli ætate evulgatus haberetur (2), eidemque (ut videtur) ignotus omnino esset, hinc opinari tantum ei subiit, Gisulfi filium fuisse Liutprandum; quem certa sententia, & Gisulfi filium, & Regis Liutprandi nepotem Chronographus statuit, hæc post Gisulfum II. habens n. XIV. Liutprandus filius ejus, nepos Liutprandi Regis sed. An. VIII. mens. III. (3). Quod quum ita sit, mirum videri debet, cur Cl. Assemanus, cui ex ipso Chronographo res istæc omnino liquebat, Caraccioli opinionem, sive conjecturam falsitatis notaverit, quam potius ex verisimili omnino certam Chronographus effecisse videtur. Colligitur (inquit Vir summus) Scaunibergam Gisulfi II. uxorem, post viri obitum Liutprando nupsisse: hoc enim significant, quæ supra ex Cod. Vat. 4939. protuli Diplomata, in quibus nomen Scaunibergæ Liutprando præmittitur, & ambo Summi Duces Longobardorum dicuntur: Quare Ant. Caracciolus fallitur, dum de Liutprando sic conjectatur. Hunc puto Gisulfi filium: si filius fuisset, Matrem Scaunibergam in conjugium sibi non copulasset: quod autem Liutprandus Scaunibergam uxorem duxerit, ex eo arguitur, quod Dominus vir gloriosissimus post Scaunibergæ nomen appellatur: nam eadem Scaunibergæ nuptiis suis Liutprandum virum ad Ducatum Beneventanum extulit (4). Sed veniam dabit Vir doctissimus, si (seposito etiam Chronographi testimonio) parum feliciter processisse ejus argumentationem affirmarim. Nullam litem facio de Scauniberga, quam Gisulfi conjugem statuit: si fides Paulo, quam certe Assemanus præstitit pag. 569. quæ nobili orta progenie conjux Gisulfo à Rege Liutprando tradita fuit, non Scaunibergæ, sed Conibergæ est appellata (5): Effo tamen Scaunibergam; aut Conibergam unam, eandemque alterutro nomine, ipsamque Gisulfi conjugem haberi libeat, nam Scaunibergam appellat Paulli exemplar, seu Codex Bibl. Ambrosianæ (6), eodemque nomine vocat Ostiensis (7). Quis tamen sibi persuadeat, foeminam Gisulfi Ducis relictam non solum ex viri morte Ducatus successionem sibi comparasse, verum adeo pleno jure arbitrioque assequutam, ut ipse Regis auctoritate, nullisque Populi suffragiis, quem mallet Virum in Ducatus Thorique consortium delegerit. Divinat profecto Assemanus, dum commentitium illud pro certo, ac vero supponit, Scaunibergam nuptiis suis Liutprandum ad Ducatum extulisse. Sed, inquit, ex tot Diplomatum æquo Scaunibergæ, & Liutprandi nomine inscriptis id arguitur; in quibus Liutprandus ipse post Scaunibergæ nomen Dominus Vir gloriosissimus appellatur: Leviuscula, immo inanis ea conjectura est; si verò ea ex re conjecturam facere liceat, illud potius, vel æque saltem ex inscriptis utriusque nomine Diplomatum argui potest, vel Scaunibergæ Virum, vel potius Filium Liutprandum

(1) Apud Murator. tom. v. Rer. Ital. pag. 47. Agitationem Kal. Martii anni 1121. coram Callisto PP. II. Beneventi tunc degente causam inter Agnetem Abbatissam Monasterii S. Petri, & Bethlechem Abbatissam Monasterii S. Mariæ refert Falco, additque ab Agnete, seu ejus Advocato offensum Privilegium, quod Leoprandus olim Dux Civitatis Beneventanæ concessit, & tradidit prædictam Ecclesiam S. Mariæ sub jure, & Dominio prædicti Monasterii S. Petri. Adversus hoc Privilegium (de cuius fide nullum fuit dubium) Bethlechem quinquagenaria præscriptione suam libertatem tuebatur: Pontifex vero ita rem temperandam duxit, ut Monialibus S. Mariæ fas, liberumque maneret Abbatissam sibi eligere, a Romano Pontifice consecrandam, adjecto tamen onere annui census Monasterio S. Petri in veteris subjectionis signum persolvendo.

(2) Post Caracciolum primus omnium Camillus Pergrinus edidit non integrum Chronicon S. Sophiæ (quod postea ab Ughello factum est tom. VIII. num. X. Ital. Sac.). Sed quæ ipsi Chronico præit, solum Chronologiam Ducum, Principumque Beneventanorum ex Cod. Vaticano descriptam, quam sibi ignoranti ab Ab. Constantino Cajetano transmissam, summoque gaudio, ac subsidio exceptam inquit in Præfatione. Vid. tom. v. opp. pag. 19.

(3) Ibidem pag. 29. & apud Murator. Rer. Ital. tom. II. pag. 320.

(4) Tom. II. pag. 591.

(5) Lib. VI. cap. I.

(6) Ut Blancus animadvertit not. 225.

(7) Chron. Casin. lib. I. cap. V.

dum esse potuisse, ut scilicet Scaunibergam matrem post Gisulfi genitoris obitum, adhuc in Ducatus administrationem admiserit, atque honoris causa in suis Diplomatis secum memorandam Liutprandus voluerit. At cur demum Liutprandum Gisulfi, ideoque & Scaunibergæ filium ambigamus, quem Chronographus S. Sophiæ præclarissimè affirmat? An ex levissima illa, atque omnino ancipite conjectura, Chronographi testimonium contemni debeat (1)?

Breve admodum Liutprandi Ducatus, annorum scilicet VIII. ac Mensium III. spatium fuit, ac infelix exitus. Mortuo Aistulpho, Ratchisioque Monacho ejus fratre, qui in abdicatum Regnum rursus irrepere conabatur, in ordinem redacto, anno DCCXVI. Desiderius Longobardorum Rex successus fuit, qui violatæ Religioni, ingratis animi vitium adju- gens, in Romano Pontificem, cujus præcipua ope Regnum obtinuerat, ac in Pontificiæ Ditionis Urbes arma movit, atque undique invasiones molitus fuit. Paucis quoque ante annis hanc nomini suo labem Rex Liutprandus (Anno DCCXLIII. vel sequenti defunctus) conquiescit, qui ut expeditiorem rei successum pararet, Ducibus tum Spoletano, tum Beneventano (qui Gisulfi filius II. tunc erat) ut ex sua quisque parte Romanæ Ecclesiæ terras invaderent, imperavit; quod illi tamen facere detrectantes, regiam potius subire indignationem, quam eam Romano Pontifici injuriam inferre statuerunt, uti ex Pontificis Gregorii III. ad Carolum Magnum Epistola alibi memoravimus, ac paulo inferius observare adhuc oportebit. Regis itaque Liutprandi exemplo ductus, è re sua Desiderius duxit, si eisdem Duces facinoris sui socios haberet, ut scilicet Beneventanus Liutprandus in Cistiberina Italia positus Campaniam Romanam invadendam sibi arripere: sed qui cum ipso Ducatu paternæ simul Religionis successor fuit Liutprandus, piissima etiam seu devotissima (ut Ostiensis vocat) Scauniberga matre fortasse consulente, genitoris potius Gisulfi exemplum sequi voluit, seseque in illud discrimen iniecit, ut Regem Desiderium furentem hostem experiretur, à quo vix fuga evadens Ducatus de- mum privationem passus est. Aliter rem istam ab Anonymo Salernitano narratam invenio. Non is quidem Ducis Liutprandi meminit, sed illud duntaxat de Rege Desiderio prodit, in initio sui Regni Spoletanos, & Beneventanos rebelles fuisse: quas Desiderius hyemis tempore cum suo exercitu pergens per pugnam ad suum reduxit servitium: & paulo post: aliam præfatus Rex habuit filiam, cui nomen Adelberga fuit, quam nuptui tradidit Arichi Beneventanorum Duci (2); non inquam Anonymus hoc loco, atque hac occasione Liutprandi meminit, nec Liutprandi suc- cessorem Arichim ab eodem Desiderio Ducem constitutum aperit, immo alibi (uti mox vide- bimus) diversa de Arichis successione profert; sed & Regiæ expeditionis causam Beneventano- rum rebellionem generatim attribuit, qui à Desiderii fide, ac subjectione nullatenus defecisse probantur, sed in una ea re, quam diximus, illius iniquis jussis nequaquam sibi obsequendum cum suo Duce duxerunt: At nil mirum, rem istam ab Anonymo dissimulatam, immo sic expositam, ut in Beneventanorum potius, quam Desiderii invidiam verteretur; dum is eo- dem loco sese studiosissimum ejus Regis prodit, qui pessimè, & passim ab aliis audit (3). Fuerintne privatum erga Desiderium Anonymi, hominis certè Longobardi, studium, vel ob Longobardici Regni interitum, ejus animi ægritudo, ut Desiderium nulla alia ex causa, quam ex iniqua suorum cupiditate, ac prodicione Regi Carolò traditum affirmaverit, illud fa- tendum

(1) Majus negotium facessere videtur Chronogra- phus, qui Liutprandum Gisulfi filium, etiam Regis Liut- prandi nepotem appellat. Ex hoc Cam. Peregrinus Paulum Diaconum cavillandi occasionem arripuit, quod is Gisulfi filius II. ejus Regis nepotem effecerit, quando ex nostro Sanfophiano Chronographo constat, non ipsum Gisulfi, sed Liutprandum Ducem Liut- prandi Regis nepotem fuisse. Satis autem huic Peregrini objectioni a Cl. Affemano factum est d. t. II. p. 569. Quam igitur Gisulfi Regis Liutprandi nepos fuerit, quomodo Dux Liutprandi nepos quoque ejusdem Re- gis esse potuit? Potuit eo modo quo Gisulfi, nepos esse. Si enim Gisulfi nepos ab omnibus appellatus fuit, quamvis ex Regis Liutprandi nepote, idest ex Guni- berga filia Auarone Sororis Liutprandi natus: Liutprand- us quoque ejus filius, remotiore licet gradu, ejusdem Regis Liutprandi nepos appellari potuit.

(2) In Chronico cap. IX. inter opp. Peregr. t. II. p. 51.

(3) De Rege Desiderio hæc habet Brevis descriptio

de postumis quinque Regibus Longobardorum Italiae ex- cerpta ex Romano Pontifici apud Peregrinum tom. I. pag. 44. Desiderius cum Adelgisa filio regnavit Annis XIX. Hic cum diversis persecutiones faceret Republice, & nollet Romano Pontifici ablatis Urbes reddere, & iusti- tiam facere: vel quia filios Karlimanni fratris Karli cum Matre illorum ad se fugientes suscepit, super Pa- piam Carolus Rex advenit tempore Adriani Papæ ipsamque (uti subdit Fragmentum Historicum Paulo Diacono tributum, quod dictam Descriptionem (subla- quitur) obsidens fortiterque debellans, eandem Civita- tem, simulque & Desiderium Longobardorum Regem, at- que cunctos, qui cum eo erant, comprehendit, sueque po- testati subjungavit dominans Italiani Au. Domini Incar- nat. DCCXXIV. Præfatum vero Desiderium ejus conju- gem (nam Adelgisam filiam fuga elapsam Constantino- polim se recepisse paulo superius dixit) ad Fraciam misit. Finitumque est Regnum Longobardorum, quod man- sit per Annos CCVI. postquam ipsi Italiani intraverunt.

tendum semper erit, a Desiderio ipso, deterrima quæque contra sacramenti fidem auso, fuit ac communis Longobardicæ fortunæ occasui occasionem factam: Fatendum præterea non aliam, quam quæ superius exposita a nobis est, fuisse causam, cur Desiderius in Beneventanos, ac præcipuè in ipsorum Ducem Liutprandum deservit: Testem ejus rei fidelissimum, locupletemque habemus Pontificem Paullum I., qui in sua ad Pippinum Regem Francorum Epistola, post narratas injurias, vastationesque tum Romanæ Papatoli, tum Spoletino, ac Beneventano Ducatui a Rege Desiderio illatas, propterea quod in fide B. Petri sacramentum præbuerunt, mox hæc subdit: *Appropinquante autem eo (Desiderio) Benevento illico Dux Beneventanus fugam arripuit in Otorantinam (hoc est Hydruntinam) Civitatem: & dum diu immineret, ut ex ipsa sua Civitate exire eundem Ducem suaderet, & nequam in eo suam adimplens voluntatem, constituit Ducem alium in eodem Beneventano Ducatu nomine Argis: hoc est Arigis, seu Arichis (1): En igitur exitum, ejusque causam, quam Liutprandi Ducatus sortitus est: Quæ posteriora ejus fuerint fata prorsus ignoramus: Conjectare pronum est, postquam novi Ducis constitutione desperata sibi omnia, suæque vitæ sibi incumbere periculum conspexisset, ex Hydruntina Urbe, ubi se contutabatur, undeque meditatam fortasse iter arripere paratissimum sibi fecerat, in Græciam transfretasse, atque ad Aulam Constantinopolitanam se recepisse, consuetum nempe asyllum, quod sibi (uti superius observavimus) Godescalchus sibi comparabat; quod paulo post Adelgisus ipsius Regis Desiderii filius sibi quæsit: illud vero certum, Liutprando ibidem, aut alibi defuncto, cum ipso simul Ducum Beneventanorum, qui ex Grimoaldo I. Duce, ac dein Rege per annos fere cxx. floruerant, extinctam prosapiam.*

Beneventanus itaque Ducatus Februario Mense Anni dcccviii. (quod anni tempus Anonymus etiam indicat Salernitanus, qui Regem Desiderium Hyemis tempore in Beneventanos irruisse testatur) Arichi cessit, qui a Rege Desiderio ad eam dignitatem, tum ob generis nobilitatem, tum ob perspectas animi, corporisque dotes obeundo muneri pares, deligi promeruit; cui etiam Desiderius, quo magis probatam hæcenus Viri fidem sibi confirmaret, Adelbergam Regiam Filiam Matrimonio conjunxit. At satis nunc de Arichi, cui suscepti Ducatus modus attingendus hæc tantum fuit; administrati vero, ac Principatus majestate adaucti successum sequenti Capiti reservamus, ut jamdemum expleta omnium Ducum serie quod propositum initio nobis fuit) de ipso Ducatu judicium proferamus.

Ut vero de ea re rectè pronunciemus, colligere hæc præstat illam gestorum omnium varietatem, quæ, hæcenus in Beneventanorum Ducum successionibus observavimus; atque illud præcipuè animadvertendum, quid in iis successionibus Populus, quid ipsi Duces, quid denique Reges, jure factoque sibi vindicarint. Ad Populum quod attinet, cujus nulla superius mentio facta est, meminisse autem nunc interest, & ipsum aliquando in sui Ducis successionem, vel arbitrum, vel suffragatorem fuisse legimus. Paullus certe Diaconus id primum innuere probatur, quum ab moriente Arichi I. Grimoaldum, ac Rodoldum adstantibus Longobardis commendatos tradit, propterea quod melius eos regere isti, quam Ajo filius suus posset (2). Apertiùs alibi loquitur quum Ducem Romualdum II. Gisulfi I. Filium solo Populi suffragio paternam Ducatus successionem consequutum affirmat: *Defuncto (inquit) Gisulfo Beneventanorum Duce, Samnitum Populus, Romualdum ejus Filium ad regendum se sublimavit (3).* Paria de Arichi II. Anonymus Salernitanus nobis prodit, quem ab acclamante Populo universo Ducem adscitum scribit. *Dum (inquit) Dux nomine Liutprandus fuisset extinctus, una omnes Arichisum Principem acclamabant; quapropter in Principatus dignitatem honorificè illum asceverunt; nam non, ut solent plurimi per pecuniam, & per pollicitationem opprimere in mirum (alibi nimirum: sed puto legendum: arripere primum) honorem sed cuncti uno agmine coacti, licet non a se, sed ab illo, qui dixit: Ubi duo, vel tres fuerint congregati in nomine meo, ibi sum in medio ipsorum: illum Principem sublimarunt (4).* Nihil hoc testimonio præclariùs; nisi plura essent, quæ Anonymo narranti adhibendam fidem vetant: nam post Liutprandum (communi, vel violento fato) extinctum, Arichis electi onem statuit, quam vivente adhuc, ejecto licet Liutprando, evenisse constat: Principis, & Principatus pro ætatis, quæ is scribebat, ratione vocabula usurpat, atque ita ex proprio ingenio Ducatus & Principatus quæ diversa fuerent, communia successionis jura permiscet. At cur non poterit Samnitum Populum Arichim ad Principatum, sive Ducatum sublimare eodem jure, quo Romualdum olim Gisulfi filium

(1) Inter Epistolas Pontificias Codicis Carolini ordinis xv. apud Murator. t. iii. p. 11. Scriptor. Ital. p. 122.
(2) De Gest. Longobard. lib. iv. cap. xlv. apud Mu-

rator. Rer. Ital. tom. i. part. 1. pag. 471.

(3) Ibid. lib. v. cap. xxxix. pag. 523.

(4) In Chron. cap. xix. tom. ii. opp. Pereg. p. 72.

lium, teste Diacono, *ad se regendum sublimavit*? Falsus ex ipsa sua narratione Anonymus ostenditur: mendacem adhuc Pontifex Paulus I. convincit, qui Arichim a Rege Desiderio Ducem constitutum disertè affirmat; atque ita rem fuisse, & Adelbergæ Matrimonium, & Beneventanorum, si non rebellio, suspecta saltem Desiderio fides, omnino confirmant. De Romualdi autem exemplo incerta res est, non ut de Pauli fide, sed ut de Pauli lectione dubitare debeamus. Etenim, ubi Muratoriana editio, quam superius recitavimus, legit: *sublimavit*: Lindembogiana habet: *suscipit*: ita ut populus *ad se regendum* non ipsummet *sublimasse*, sed ab alio constitutum Ducem Romualdum *suscipisse* dicendus sit: præclarior, certiorque res ipsa sit ex utroque Diaconi Codice, tum Ambrosiano, tum Madoerensi, ubi pari consensu, iisdemque verbis ita scribitur: *Populum Romualdus ejus Filius regendum suscepit* (1). De Arichis I. denique factò sic videtur statuendum; Qui præ Ajone Filio, regendo Ducatui vix, aut nil idoneo præfatos Grimoaldum, Rodoaldumque Longobardis suis commendavit, id certè providere voluit, ut Ajone filio (quem tamen primo loco excludere noluit) regimen sustinere non valente, successores illos, oppignorata quodammodo sibi adstantium Longobardorum, qui ratum id habere deberent, fide, successores, inquam, suo quidem judicio designatos, ac secundos veluti hæredes, Rodoaldum, ac Grimoaldum certissimos sibi constitueret: Quod & postea factum est, utroque equidem sola Arichis designatione, Ducatum adepto, nullis vero Populi, aut Optimatum adhibitis suffragiis, quorum nullum prorsus, quum ad utriusque successionem ventum est, apud Paulum, aliòve vestigium occurrit.

Ad ipsos itaque Duces (quod secundo loco animadvertendum præmonebam) deducenda res modo erit. Atque si duos priores Duces Zottonem, atque Arichim: excipiamus, alterum a Rege Alboino, alterum a Rege Agilulfo Beneventanis datos, jam ab eodem ipso Arichi, jus hæreditarium in Beneventanum Ducatum invecum intueri erit; atque ea ampliori licentiâ uti coepit Arichis, ut suis non contentus hæredibus (quod paulo ante dictum est) extraneos Ducatus successores sibi deligeret: Dum vero post Ajonem, in quo ejusdem Arichis progenies mox deficit, ac post Rodoaldum, Grimoaldo fratri superstiti Ducatus delatus est, exploratior justiorque ejusmodi juris possessio Beneventanis Ducibus quaesita videri debet. Id enim jam paulo ante momoravimus, quod nunc ferè observare oportet: quotquot videlicet ab eodem primo Grimoaldo ad Gisulfum II. sive potius Liutprandum, ab Anno DCXLII. ad Annum DCCLVIII. Duces extiterè, eos quidem omnes, nunquam interrupta successionis serie, Grimoaldum ipsum Ducalis Prosapie, sive Familiæ auctorem agnoscere. Quod si aliquando Gregorio a Rege Liutprando Duci constituto Beneventum paruit (nam Audelajum, seu Audoldum, ac Godescalchum pari vi, qua Ducatum invaserant, brevi expulsos observavimus); non ea res hæreditariæ successionis jus turbasse, immo potius confirmasse videtur: Puerilis siquidem Gisulfi II. ætas sufficiendi, sive interiendi Gregorii causa fuit; quem Gisulfum in Regiam tutelam educationemque susceptum, ætate demum, ac virtute idoneum Rex Liutprandus pristino, seu proprio loco constituens, paternum scilicet ei Ducatum attribuens, id profecto ostendit, observatum hactenus hæreditarium jus, illæsum manere voluisse.

Restat, ut de Regio jure videamus: Nihil juris in Beneventanum Ducatum Regibus, Longobardis fuisse, aut si quid initio fuerit, paullatim ex ejusdem Ducatus, partim longinquitate, partim succrescente in dies, atque ad summum denique provectâ potentiâ, evanuisse, plura sunt, quæ ostendunt argumenta. Primum illud ex ipso Longobardicarum Legum Codice occurrit, ubi ipsi Longobardorum Reges, quum Leges, sive Edicta sua promulgarent, in iis condendis, subditurum sibi Regionum, Provinciarumque mentione factâ, Judices, ac Optimates ad Consilium accitos Proemio fatebantur. Sic in Legum suarum Prologo Rex Liutprandus: *una (inquit) cum omnibus Judicibus de Austria, & Neustria partibus, & de Tuscia finibus cum reliquis fidelibus meis Longobardis, & cuncto populo assistente, hæc nobis juxta Dei timorem, atque amorem sancta comparuerunt, & placuerunt* (2). Ita quoque Rex Rachisius in suas, quas promulgabat Leges præfatus, *dum (inquit) cum Gentis nostræ, idest Longobardorum Judicibus tam de Neustria, quam de Austria, vel de Tuscia finibus, universa, quæ ab Antecessoribus nostris statuta sunt, sollicitè considerassem, quedam ibi justa, & quadam purganda invenimus* (3). Nullam prorsus in tam gravi negotio Beneventanorum mentionem habere.

ALTER

T

mus:

(1) Sic testatur Cl. Blancus ad dictum locum Diaconi not. 155.

(2) In Codice Legum Longob. apud Murator. Script. Ital. tom. I. part. II. pag. 31.

(3) Ibid. p. 85.

mus : at Beneventani quidem , qui universæ penè Cistiberinæ Italiæ ditione , fatis amplam præclarissimamque Longobardici Regni partem constituiebant , adhiberi , vel certè memorari in iis Legibus debuissent , quæ Longobardis universis observandæ proponebantur : Quid ni igitur à Transiberinis Longobardis distinctos , propriis ipsos legibus vixisse , ac propterea à Regum auctoritate exemptos Beneventanos dicamus ? Adde nunc illam Regis Rachisi Legem , Anno DCCXLVI. promulgatam , qua sancitum est , ut si quis *Judex* , aut quicumque homo missum suum presumpserit dirigere Romam , Ravennam , Spoletum , Beneventum , Franciam , Bajoriam , & Alemanniam sine permissione Regis , anima sue incurrat periculum , & res ejus infiscantur (1). Haud ergo in Longobardorum Regno Beneventani fuerunt , qui inter Romanos , Græcos , Francos , Alemannos , externos scilicet peregrinosque Populos , ac veluti communi hostium nomine , locoque habitos , recensentur . Quid tandem supremi juris , dominiique in Beneventanum Ducatum obtinuissent ii Reges , qui nihil Tributi nomine exinde percepisse probantur : Instaurato post Anarchiam Longobardico Regno , Regia Lex ea fuit , ut singuli Duces , qui antea rerum potiti fuerant , quod veteri possessione locorum frui permetterentur , tertiam reddituum partem in Regium Ærarium deinceps inferrent : Non ea lex Beneventanos Duces tenuit , qui eodem titulo , diverso tamen jure , longèque majori auctoritate præstabant : neque enim ulla pensitati Regibus vel minimi Tributi mentio , aut vestigium aliquod ex universis Longobardicæ Antiquitatis Scriptoribus extundi potest ; immo potius supremi juris , dominiique compotes agnosci suis Ipsi titulis passim , palamque gestiebant , dum sese in Diplomatis suis *Summos Longobardorum gentis Duces* inscribere in more habebant . Atque hæc quidem non levioris momenti videri queunt , ut de Regia Auctoritate in Ducatum Beneventanum , dubitandum sit .

At quum rem ipsam penitiùs considerandam mihi proposuissim , non tanti ea esse argumenta perpexi , ut Duces Beneventanos Regibus Longobardis nullimodè obnoxios affirmemus ; quasi Longobardorum Regnum bifariam divisum in Transiberina Italia ei , qui Regis nomine , in Cistiberina vero ei , qui Ducis titulo gauderet , seorsim obtemperaret . At Beneventani quidem (ut a postremo ordiar) haud sane immeritò se *Summos* Longobardorum Gentis Duces appellare poterant , non Longobardicorum tamen Regum respectu , qui in universam Gentem supremi Domini jure potiebantur , sed quod ipsi inter eam Gentem *summam* revera dignitatem , qua nulla præstantior esset , obtinerent . Nec si nullum unquam Tributum iis Regibus pensitarent , certum libertatis , nulliusque prestandæ subjectionis argumentum erit , quam quidem subjectionem sine ullo licet Tributo , pluribus etiam aliis modis exhiberi posse , ac fovere perspicuum est . Ad Regis Rachisi Sanctionem quod attinet , mirum id certe Muratorio visum fuit , Beneventanos , Spoletinosque cum aliis populis extra Longobardorum Regum dominium omnino positos , enumeratos legi , neque ejus rei causam invenisse scivit . Nam cur (inquit) hac eadem lege involvitur Spoletum , ac Beneventum ? Nonne & in eas quoque Regiones Longobardis Principibus subiectas protendabatur Regis Longobardi potentia ? (2) Ita quidem : sed satis consultò Rex Rachisius cum Romanis , Francis &c. Beneventanos , ac Spoletinos commiscet , vetans scilicet , ne sine Regio permissu à suis Transiberinis Longobardis in illorum partes *Missi* dirigerentur ; licet enim Beneventani , Spoletinique ejusdem Gentis essent , eisdemque Regi subjectionem præstarent , suspecti tamen tunc erant , propterea quod a reliquæ Gentis seu Regni finibus remoti , ac divulsi , studiosiores , quam Longobardici Regni utilitas ferret , Romanorum Pontificum se ostendebant ; qui sane Pontifices non modo se suaque adversus Longobardorum invasiones tueri , sed Francorum validâ frequentique ope Longobardicum Regnum evertere moliebantur ; quemadmodum superiùs observavimus , ac mox luculentius dicetur . In Longobardicarum Legum denique Præmio Beneventanorum silentium , haud satis est , ut solutos Longobardicis Legibus Beneventanos conjectemus : Est siquidem inter Regis Liutprandi Leges , quæ Beneventanæ Regionis ita meminit , ut certe intra Longobardici Regni fines ditionemque constitutam demonstret ; nam Dominis fugitivos servos persequendi spatium definiens , pro varia ejusdem Regni locorum distantia breviorum , vel longiorum interpellationem permittit ; ut si fuerit (inquit) in Benevento aut Spoletum , habeat spatium Dominus ejus menses tres : quod si fuerit intra Tusciam , habeat spatium per menses duos : si fuerit de ista parte Alpium habeat spatium ad eum (servum) perquirendum in mensem unum (3) . Cæterum ipsimet Beneventani Duces eodem , quo ceteri Longobardi , jure se vixisse ostendunt ; quandoquidem tum Civilia , tum Criminalia judicia secundum Leges , vel secundum Edicta se de-

finisse

(1) Ibid. pag. 87. num. v.

(2) Ibid. dicta pag. 87. not. 14.

(3) Ibid. pag. 68. n. xxxiv.

finisse fatentur (1): has vero Leges, ipsaque Edicta, non alia esse, quàm quæ à Longobardis Regibus promulgata essent, ex eo potissimum patet, quod nullas profecto Beneventanorum Ducum Leges, aut Edicta habeamus; Legum enim ferendarum jus tunc primum exortum, quum everfi Longobardici Regni jura in Beneventanum Principatum ab Arichis magno institutum, uti in Dissertatione *De Legibus* observabimus, tandem concesserunt.

Quæ quum ita sint, de Regis jure, quod, quantumque in Ducatum Beneventanum olim extiterit, sic statuendum videtur. Ex eo quidem Jure, si rerum attendamus primordia, quemadmodum Zottonis primique Arichis exempla docent, Ducum Beneventanorum electio omnino repetenda erit: invecsta postmodum, sive permixta hæreditaria quædam Successionis species, quæ tamen supremæ Regis auctoritati obnoxia permanfit. Id aptius certe; ex ipso Liutprandi facto arguere licebit; nam qui Gisulfi pueri, quem *secum abstulit*, loco, apud Beneventum suum Nepotem Gregorium Ducem ordinavit; qui Godescalchum post Gregorii mortem, Ducatu exturbavit; qui demum Gisulfo possidendum concessit; jam is quod Regis interesset, vel etiam quod Regi luberet, de Beneventano Ducatu statuendi jus integrum fuisse, ac plane exercuisse demonstrat. Præclariorem rem efficient mox sequuti inter eodẽ Regem Liutprandum Ducemque Gisulfum rerum successus: Imperatas a Liutprando hostiles in Romanam ditionem invasiones Gisulfus exequi renuit: nulla apud Liutprandum valuit consanguinitatis ratio, qui nullam esse necessitudinem ostendens, quam revereri, aut agnoscere Majestatis jura sciant, animadvertere in Gisulfum, & Ducatu eum exturbare aggressus est; ac apud Regem Francorum, cujus patrocinii, auxiliisque communiri illum posse verebatur, violatæ sibi fidei, ac perduellionis reum exposulat: Sed opportunè Pontifex Gregorius III. Gisulfi simul Beneventani Ducis, ac Spoletini caussam suscipiens, ita Carolo Martello rei veritatem aperit. *Non credas (inquit) Fili falsidicis suggestionibus eorundem Regum (Liutprandi & Hilprandi), quod quasi aliquam culpam commissam habeant eorum Duces, idest Spoletinus, & Beneventanus. Sed omnia mendacia sunt. Non enim pro alio, (Satisfaciat tibi veritas Fili) eosdem Duces persequuntur Capitulo, nisi pro eo, quod noluerint præterito Anno de suis partibus super Nos irruere, & sicut illi (hoc est Reges Liutprandus, & Hilprandus) fecerunt, res SS. Apostolorum destruere, & peculiarem Populum depradare: ita dicentes ipsi Duces: Quia contra Ecclesiam Sanctam Dei, ejusque Populum peculiam non exercitamus, (hoc est Exercitum seu bellum gerimus); quoniam & pactum cum eis habemus, & ex ipsa Ecclesia fidem accepimus: ideoque mucro eorum deservit contra eos. Nam ipsi prædicti Duces parati fuerunt, & sunt secundum antiquam consuetudinem eis obedire; sed illi (Reges) retinentes iram, pro eo, quod superius diximus, per exquisitam occasionem volentes illos, & nos destruere, & invadere, ideo utrosque persequentes vestra bonitati suggerunt falsa, ut & Duces illos nobilissimos degradent, & suos ibidem pravorum ordinent Duces (2).*

Ex insigni hoc monumento, quid demum de Beneventani Ducatus jure certiore sententia judicandum sit, paratissimum habemus. Qui enim initio Duces a Longobardis Regibus eorum arbitratu delecti Beneventum cum imperio mittebantur, ita alios successores, qui sua ex prolapia essent, sibi postmodum reliquisse dicendi sunt, ut nihil nisi privati cujusdam Hæreditarii tituli jus tribuere viderentur, Regia postmodum auctoritate necessario confirmandum. Nulla, inquam, ex decessoris Ducis institutione, vel propinquitate acquirebatur successori possessio, quam non solemnis, vel saltem tacitus Regis consensus comprobasset: ritè verò qualitatè abjudicandi jus mansit, si ita è Rep. foret, aut Longobardici Regni rationes postulassent. Id Duces ipsi, Beneventanus, Spoletinusque ore suo profitebantur, qui (Pontifice Gregorio teste) *paratos se fuisset, & esse aiebant, secundum antiquam consuetudinem suis Regibus obedire: ita ut eam obedientiam, non præteritis periculi metus extorqueret, sed antiqua consuetudo, quæ videlicet ex ipsa subditi Ducatus primæva institutione, observatæque lege promanabat, Regibus vindicaret.* Id denique res geitæ demonstrant, nam quod Rex Liutprandus adversus Ducem Gisulfum sibi temperasse voluit, Rex Desiderius paulopost adversus Gisulfi successorem Liutprandum peregit, cui à Ducatus possessione dejecto, Arichim suffecit. Non aliter tamen suffecit, quam ut ex veteri Regni jure ejus sibi obsequia confirmaret, nec tam Beneventanos proprio Duci subditos traderet, quam se ejusdem Ducis Dominum comprobaret. Hoc certè jure Pippinus Caroli Magni filius, atque Italiæ Rex ejusdem Arichis Filium, ac successorem Grimoaldum obnoxium sibi efficere conabatur. *Agebas* (inquit Herchempertus num. VI.)

ALTER

T 2

per

(1) Vid. Chron. S. Sophiæ apud Ughellum tom. VII. idest Diploma Arichis pag. 575. Gisulfi pag. 590. Radelchis pag. 635. & aliorum passim.

(2) Inter Epist. Pontificias Codicis Carolini Epist. 1. apud Murator. Rer. Ital. tom. III. part. II. pag. 76.

per legatos suos Pippinus: Volo quidem, & ita potenter disponere conor, ut scuti Arichis genitor illius subjectus fuit quondam Desiderio Regi Italiae, ita sit mihi & Grimalt. Dum enim alter Italico Regno potitus esset, praestanda simul ab altero eadem obsequia contendebat, quae prioribus Italiae Regibus a primæva Ducatus Beneventani institutione, atque ab ipso nuper Arichi praestita fuisse videbantur.

Haecenus Beneventanorum Ducum Successiones tum Genealogica, tum Chronologica serie, rationeque deductas, breviori quidem sermone, sed aptiore methodo, ac tutiore veterum monumentorum fide comprobata exposuimus, ut hæreditarius, an non, Ducatus ipse fuerit, quidque juris in eo administrando sibi Duces vindicare possent, cognosceremus. Ad rem modo Nummariam redeundum erit, cuius tractatio præcipue instituta nobis fuit: tantum verò abest, ut ab eo proposito argumento divertisse videamur, ut id potius in antecessum cognosci, statuique oporteret, sine quo in ipso argumento progredi, deque eodem rectè judicare nequissimus. Clarissimi Muratorii initio meminimus, qui de Nummis Ticinensibus sub Longobardis Legibus agens, non licuisse alibi signare pecuniam sibi persuasum ait, Beneventano tamen excepto Ducatu, de quo suo loco sermocinaturum se pollicetur: Promissa quidem sedulò, eruditèque implevit, omnes, quotquot obvios habere potuit, exhibens, illustransque Nummos, qui ad Beneventanos Dynastas pertinerent: ac sic scribere orditur: *Præter tres Italici Regni Urbes Ticinum videlicet, Mediolanum, & Lucam, olim Duces quoque, & Principes Beneventani pecuniam cudisse deprehenduntur. Splendida plane fuit barbaricis temporibus illius Ducatus dignitas, amplitudo, atque potentia, utpote qui potiorem partem Regni nunc Neapolitani complecteretur. Attamen dum stetit Longobardorum Regnum sub suis Regibus, nunquam induxissent animum ad credendum, licuisse Ducibus illis signare Nummos, nisi ex iis unum nobis in Stemma Genealogico Regum Longobardorum servasser Angelus Breventanus, quem heic sisto sub Num. 1. Vistur ibi effigies Hominis cum Cruce, ac duabus stellis, & in postica altera Crux cum Monogrammate, idest cum literis OGRE, seu GREO, quæ idem Breventanus interpretatur GREGORIUS. Anno revera DCCXXXI. Beneventana Provincia præfuit Gregorius Dux, regnante tunc Liuprando Rege. Et sane in eo Monogrammate ne ego quidem alium legere potui, nisi: Gregorius. Verum durum adhuc mihi videtur credere, tantum auctoritatis fuisse Ducibus Beneventanis, ut sub Rege Longobardo, quem uti supremum Dominum colebant, & à cuius imperio pendebant, pecuniam cuderent, una sui effigie signatam, nullaque facta Regis mentione: Haecenus Muratorius (2) qui invitum licet, fidem tamen Breventano accommodasse videtur, ejusdem amplexus sententiam, qui de Gregorio Duce Nummum interpretatus fuerat; & sane Moratorius non alium ibi, quam Gregorium legere potuisse fatetur. At non omnino submotus Muratorio scrupulus, quo Beneventanis Ducibus permissam pecuniæ cudendæ auctoritatem agrè credidit, acuerit magis ejus ingenium, diligentiamque excitare debuisset, ut certiora, vel veri saltem similia de re ipsa, quam tum agebat, investigaret. Animadvertisset equidem ipse literis illis, quibus Nummi Monogramma componitur, sive Crux ibidem sculpta ad quatuor extremas partes, inscribitur, alium præterea, quam Gregorium Beneventanum Dynastam legi posse; nam ex literis GRTO sive potius (ut nummus ipse monet) GEOR, æque, imo promptius GEORGIUS legi potest, uti certe Georgium legendum ajo, alterum nempe ex binis illis Græcis Patriicis seu Strategis, qui Anno DCCCXC. Urbi Beneventani Principis tempore, in Beneventanam Urbem, ac Principatum invadentes quadriennii ferme spatio supremam ibidem dominationem exercuerunt. Sed de hac re opportunè, quum de eo Nummo inferius agendum erit, disseremus; Interea dum nullo ex alio certo Nummo, vel alio quopiam indubiæ fidei monumento, signandæ pecuniæ mos, sive facultas apud Duces Beneventanos probata extiterit; contrà vero exposita superius ipsius Ducatus a Regis Imperio omnino pendens conditio id sibi vindicare nequibat; vetabatque præterea Regis Rotharis Edictum, qui generatim (ut initio diximus) auri, pecuniæque signationem, in iussu Regis factam, manus abscissione puniendam sancivit; illud modo reliquum videtur, ut ex Beneventanis Ducibus ad Principes transeamus, quorum nova conditio, atque Majestas, quos hæcenus desideravimus cufos Beneventanos Nummos, non mediocri numero, maximarum autem ad nostros Longobardos pertinentium rerum indices, ac testes jamdémum nobis repræsentabit.*

CAPUT II.

Principatus Beneventanus post Longobardici Regni interitum à postremo Duce Arichi II. Regis attributis sibi Insignibus Juribusque institutus: Frustra à Carolo Magno, ejusque filio Pippino armis tentatus: Fœdera cum ipso Principe Arichi, ejusque filio, ac Successore Grimoaldo à Francis sancita: Nummi ejusdem Caroli inscripto nomine à Grimoaldo percussi:

Qui tamen paullopost aliis suo nomine cussis, pluribusque rebus domi, militiaeque egregiè gestis omnimodam libertatem, ac Majestatem sibi asseruit.

Posteaquam Italicum Longobardorum Regnum, Ticino Principe Urbe victricibus Francorum armis tandem expugnata, captivoque Rege Desiderio in Gallias abducto, in Caroli Magni potestatem concessit, spes adhuc manebat reparandæ Longobardicæ Fortunæ, dum Adelgisus superesset Desiderii Filius Regnique confors: Is incolumi vitâ, ac libertate, Veronâ, quam sibi tuendam susceperat, evadens in Constantinopolitanam Aulam, non Asylum tantum, sed opem quoque recuperando Regno opportunam quæsiturus se receperat (1). Non inanem spem faciebant, tum Græcorum Augustorum liberalis voluntas, quorum intererat Longobardos magis, quam potentiores Francos Italiæ dominari; tum præsertim Beneventani Ducis Arichis, cujus vires in Cistiberina Italia adhuc florebant, paratissima auxilia. Græcorum opem remorata primum fuit Constantini Copronymi mors, Leone Filio, ac successore relicto, cujus Conjux Augusta Irene post Viri obitum Imperii administrationem assequuta, nihil sibi magis cogitandum, enitendumque duxit, quo exundanti in Italiam Francici Regis potentia obliteret, quam ut Adelgisum in pristinam sedem restitueret. De Ducis Arichis conatibus testis est Pontifex Hadrianus in sua ad eundem Carolum M. Epistola, sequenti post subactum Longobardorum Regnum anno, idest an. 775. transmissa: Certiorem, Pontifex, Carolum fecit de severissimo consilio, quod Arichis cum aliis simul Ducibus, Spoletino, Foro-Juliano, ac Clusino, gerere non differebat. adhibentens (inquit) adversus nos perniciosum consilium, qualiter, Deo eis contrario, proximo Martio mense adveniente, utrosque se in unum conglobarent cum caterva Græcorum, & Arichis Desiderii Filio, & terra, marique ad dimicandum super nos irruant. necnon Longobardorum Regem redintegrare, & vestra Regali potentia resistere (2). Statim itaque, vehementerque in eam rem Arichis incumbere occœpit, ratus certe, sua id maximopere interesse, tum ex sua cum Rege Adelgisio necessitudine, cujus Sororem Adelbergam conjugem habebat, tum ob proprii Ducatus tutelam, qui regnantibus in Transiberina Italia Francis, summopere periclitari videbatur.

At dum hæc agitentur, novum Arichi consilium subit, qui Vir, Pauli Diaconi testimonio, consilio cautus, providus, atque sagax (3) rectè animadvertibat, parum certe Græcorum animis, viribusque fidendum, contrâ vero Longobardorum res in Transiberina Italia collapsas vix erigi posse post invecam, satisque confirmatam Francorum dominationem, cui & Romani Pontifices omnino assentiebantur, & favebant Itatorum animi, postremorum Longobardorum Regum impotentia pertæsi: Solas itaque vires suas non solum tantæ rei molientiæ impares, sed in certissimum etiam discrimen adducendas agnoscens, suæ potius statuendæ fortunæ servatas voluit: ac proprio tum Ducatu contentus, quò magis ejus sibi jura, possessionemque communiret, abjecto Ducis titulo, Principis appellatione Regium imperium, atque insignia sibi attribuit. Hic Arichis (præstat ab Erchemperto audisse) primus Beneventi Principem se appellari

(1) Qui Adelgisus, vel etiam Adelebis latinis Scriptoribus dicitur, Theodotus à Græcis, Desiderii filius appellabatur: Sic Theophanes ad An. xxxv. incip. Constantini Copronymi, idest A. D. DCCLXIV. Hoc etiam anno, inquit, Longobardorum Rex Theodotus in Urbem Imperatricem veniens ad Imperatorem confugit. Regem rectissime appellat, nam (ut superius dixi) Adelgisus vix lapso triennio, a quo Desiderius pater Regno potitus fuit, confors ab eodem adfectus fuit: Plurimas apud Muratorium legere est Chartas, utriusque Regis nomine, ac tempore signatas. Tom. I. Antiq. med. ævi p. 525. tom. II. pag. 229. & 1023. tom. III. pag. 573. itaut Anni Desiderii integro biennio Adelgisi annos superent: Diversum vero numerum inscriptum habet Charta à V. C. Marchione Massieo edita in sua Verona

illustrata lib. XI. pag. 379. ubi sic legitur: In X. D. I. X. regn. Dux Desiderius, & Adelebis ejus excell. Regis, annis Regni eorum octavo, & quindicesimo, pro Indict. duodecima de Mense Aprili. Assum Civitate Verona feliciter. Ac cum ex hac charta mense Aprili, ac Indictione XII. signatâ eruatur annus DCCLXXIV. jam illud constât, eodem licet anno, post mensem tamen Aprilis, tum Desiderii Captivitatem, tum Adelgisi fugam accidisse, nec ante Janium mensem Carolum fuisse rerum potitum.

(2) Inter Pontificias Epistolas Codicis Carolini Ordine LIX. apud Murator. Script. Ital. tom. III. part. II. pag. 112.

(3) In ejus Epitaphio l. I.

lari iussit, cum usque ad istum, qui Beneventa præfuerunt, Duces appellarentur, nam & ab Episcopis ungi se fecit, & Coronam sibi imposuit, atque in suis Chartis: Scriptum in Sacratissimo nostro Palatio: in finem scribi præcepit (1). Magna profecto, quæ fortasse haud ea temporum conditio ferret, ausum Arichim fateri oportet, sed tamen is, qui Stirpe Ducum, Regumque satus à Paulo Diacono celebratur, ab Herchemperto verò in Rebus Bellicis strenuissimus, Arichis, inquam, Animo sublimissimus, ac Ducatus sui amplitudine, situ, viribusque fretus audere scivit. Quale autem in eo fuscipiendo nomine, eoque in facinore ejus consilium fuerit, æquum est, ut paulo curiosius observemus.

Primum ominum, qui in Italia Principis nomen pro Honoris simul, ac Potestatis titulo inexit, Arichim Ducem Beneventanum fuisse, Viri docti, Erchemperto, atque Ostiensis consentientes, affirmant, eoque exemplo in reliquam Italiam, atque ab Italia in cætera Regna, etsi in quibusdam seriùs, profuxisse ejusmodi Principis titulum veteribus edocti monumentis testantur (2). Id vero sic accipiendum reor, ut non recens tum vocabulo ea vis, ac significatio accessisse, sed potius quæ veteri Latio olim probata, atque admissa, postmodum temporum, populorumque successionibus obsoleverat, novo usu recepta, ac revocata videatur. Ad rem satis appositè egregièque Tertullianus: *Possim* (inquit) & aliter Principium interpretari, non ab re tamen: nam & in Græco Principii vocabulum, quod est ARKH, non tantum ordinativum, sed & potestativum capit Principatum: unde & ARKONTAS dicuntur Principes, & Magistratus: ergo secundum hanc quoque significationem Principium pro Principatu, & Potestate sumetur (3). At rem ipsam celeberrimo sanè exemplo, quod Romana nobis Resp. suppeditat, comprobasse præstat: Postea enim quàm Augustus, Antonio prostrato, Lepido in ordinem redactò, rerum potitus est, cuncta (inquit Tacitus) discordiis civilibus fessa nomine Principis sub Imperium accepit (4); quo quidem titulo ambitionem ipse suam obtegere, tutius vero arceptam potestatem sibi confirmare arbitrabatur, dum non Regno, neque Dictatura, sed Principis nomine constitutam Rempublicam suo tamen nomine, arbitrioque administraret. Quod quum sibi feliciter processisse Augustus conspexisset, Principis nomine contentus, quod in Principe Senatus, aliisque Reip. muneribus Romanorum auribus jamdiu suetum, ab invidiosis illis nominibus, quorum tamen auctoritatem exerceret, constantissime abstinuit: Hinc & Domini appellationem (quam ejus Successoribus haud invitis sequuta ætas tum ore, tum scriptis, tum perpetuis in posteritatem omnem marmore, atque ære signatis, passimque ante Cæsarem nomen sigla illa D. N. vel si plures simul imperarent DD NN. vel etiam DDD. NNN. idest Dominos Nostros præferentibus monumentis tradere gestiit) ut maledictum, & opprobrium semper abhorruit. Qua in re illud etiam ex Svetonio scimus, quod quum spectante eo ludos, pronunciatum esset à mimo: ò Dominum æquum, & bonum: & universi quasi de ipso dictum exultantes comprobassent, statim manu, vultuque indecoras adulationes represserit, & insequentem di-gravissimo corripuerit edicto; Dominumque se posthac appellari, ne a liberis quidem, aut ne-potibus suis, vel serio, vel joco passus est (5). Atque huc quidem, turpiore fortasse adulat-one Augusti consilium potius, quàm animum sequutus, eum Romæ Conditori præferens, Ovidius respexit, hoc Romulum alloquens versu.

Tu Domini nomen, Principis ille tenet.

Augusti igitur, sive prudentiam, sive moderationem Arichis sectatus est, qui Antiquitatis non ignarus, hoc ab tanto Viro sibi accepit usurpandi nominis exemplum, quod ipse postea æmulantibus aliis præstare coepit. Supremam is certè potestatem, nullique amplius obnoxium imperium sibi vindicare enitebatur; itaut Ducatus in Regnum, & veteris auctoritatis prærogativæ in Majestatis jura transirent: At non sine quadam perfidiæ

nota

(1) In Chron. Num. 111. inter Opp. Peregr. tom. 1. pag. 38. Eadem ex ipso Erchemperto tradit Leo Ostiensis. lib. 1. cap. 12.

(2) Vide Du-Cangium Glossar. med. & infim. Latin. v. Princeps. Extat Muratorii Dissertatio Liv. Antiq. Med. ævi. De Principibus, aut Tyrannis Italiae, qui initio de Principis vocabulo pauca, nec plura, quam Cangius dedit. Tom. IV. pag. 700.

(3) Adversus Hermogenem c. XIX. p. 240. edit. Ve.

net. an. 1744. Consentient Tertulliano in significatione ἀρχῆς pro principatu, Xenophon. lib. 1. de imp. Aristot. Politic. 1. Plato de Rep., uti ad eum locum notat Pamelius. Sed & Glossæ Græcæ distinctè ἀρχὴ τὸ πρῶτον, idest exordium explicant, & mox ἀρχὴ idem ac imperium, magistratus, præsidatus.

(4) Annal. lib. 1. cap. 1.

(5) Sveton. in Aug. cap. LIII.

nota id consilium, discriminis præterea plenum fuisset, si rem ipsam factò exequutus, Regis quoque nomine confirmasset. Adhuc enim suus Longobardis aderat Rex, Adelgisus videlicet (ut Desiderium captivum mittam), qui jamdiu cum ipso Desiderio in Regni consortium adscitus, res suas tum Græcorum, tum maxime ipsius Arichis ope instaurare conabatur: An igitur fidei, atque etiam necessitudinis jura, Regium titulum præpropere assumens, non violasset Arichis? Quantum vero invidia apud Francos sibi consisset: eo certè titulo illorum adversus se arma quodammodo ciere voluisset, dum illi a Longobardo Homine, quem solo gentis nomine hostem reputarent, hanc novam injuriam acciperent, ut Longobardico Regno Ticini deletò, iterum Longobardorum Rex Beneventi salutaretur. Satis igitur visum Arichi fuit, *Principis* nomine Regium administrare imperium: qua re Regi suo illa jura servavit, integra sibi, dum rerum successus ita tulisset, usurpare paratus: Francos vero (quandoquidem Carolus Italico Regno potitus, mox Rex Francorum, & Longobardorum, in suis Chartis inscribatur, & ab Romanis Pontificibus salutabatur, & ab Transiberinis Italis agnoscebatur (1)) non asperiores adversarios habuisset, quos tamen nequaquam Dominos ipse habere, Princeps re, nomineque factus, palam demonstravit.

Res faustis inchoata auspiciis, in plures quoque annos feliciter processit: Profuit certè sequutus mox post eversum Longobardicum Regnum Caroli discessus, qui Saxonum Bellum suscepturus, Italia (ut Annales habent Bertiniani ad an. 774.) *sibi subjugata, & ordinata custodia Francorum in Papiæ Civitate, dimittens cum uxore, & reliquis Francis, cum magno Triumpho Franciam reversus est.* Iterum vero anno 776. (ut cum iisdem Annalibus pergam) Italiam ingressus, satis habuit, Foro-Julianam, Tarvisinamque Civitates, cum reliquis, *quæ rebellare fuerant, expugnare, suisque Francis custodiendas tradere, & iterum cum prosperitate, & victoria reversus est in Franciam.* Tertius Anno 781. Caroli adventus in Italiam fuit, *Orationis causa Romam petiturus, ubi ejus filium Pippinum a Pontifice Adriano baptizatum, & de sacro fonte susceptum, Italiæ Regem declaravit; ac Mediolanum pergens, abinde est reversus in Franciam (2).*

Nulla igitur adhuc contra Arichem Caroli expeditio; nullam etiam Carolus deinceps cogitasset, si ipsa rerum suarum felicitate, quæ prudentissimos quosque ad immoderationem plerumque transducit, rectius uti Arichis voluisset. Est inter alias ejusdem Hadriani ad Carolum Epistola, quæ de Neapolitanis vehementer queritur, quod, *præbente malignum consilium Arighis Duce Beneventano Terracinensem Civitatem, quam servitio (inquit) B. Petri, & vestro, atque nostro antea subjugavimus, ipsi nefandissimi Neapolitani cum perversis Græcis invasi sunt.* Deteriorem adhuc Arichis causam apud Carolum efficere Pontifex pergit, ex eo maxime criminatus, quod Neapolitanos injuriam, datis obsidibus, emendare paratos dissuaserit, novaque consilia de Adelgifo reducendo cum Græcis agitare: *Impedimentum jam fatus Arichis solus fecit, ut minime nos obsides à Neapolitanis reciperemus: quia quotidie ad istam perditionem Filium (Adelgisum) nefandissimi Desiderii dudum, nec dicendi Regis Longobardorum expectat, ut una cum ipso pro vobis nos expugnet.* Hinc illud Hadrianus a Carolo etiam, atque etiam exorat, flagitatque, utriusque Gentis Neapolitanorum, ac Beneventanorum expugnatione puniendum facinus, frangendas vires, opprimendam libertatem, ut eos (inquit) in omnibus subjugantes sub vestra, atque nostra sint ditione (3). An vero quæ de Arichi Hadrianus retulit,

(1) V. C. Mabillonius in *de Re Diplomatica* pag. 72. docet Carolum in suis Diplomatibus inscribendis, variis pro Dignitatum accessione usum titulis, in quibus tria (inquit) consideranda sunt tempora. Primum ab initio Regni Francorum, ad Regnum Longobardicum ab an. 768. ad 774. excurrente: alterum ab eodem anno ad annum 800. quo coronatus est Imperator: tertium inde ad finem vite. Primo ille tempore hanc formulam adhibuit. *Carolus Gratia Dei Rex Francorum Vir Illustris &c.* Secundo intervallo hac formula est usus. *Carolus Gratia Dei Rex Francorum, & Longobardorum, ac Patricius Romanorum:* Tercio. In nomine Patris, & Filii, & Spiritus Sancti. Carolus Serenissimus Augustus a Deo coronatus Magnus, & Pacificus Imperator Romanorum gubernans Imperium, qui & per misericordiam Dei Rex Francorum, & Longobardorum &c. Primum Pontificum autem, qui in Epistola Carolo Regis Francorum, & Longobardorum titulum dedit, Hadrianus fuit, a prima sua Epistola orsus, quæ in Codice Carolino est ordine XLIX. Eo namque Pontificatum jam

gerente, Carolus Italiam subegit, ac post Desiderii Captivitatem atque Adelgisi fugam a cunctis populis, ac præsertim Longobardis Transiberinis certatim subjectionis sacramenta recepit; Audi Blondum Hist. Dec. II. lib. I. Spoletini, Reatinique omnium primi postquam suos, qui ad Desiderii edictum invenerant, redisse, & rem Longobardam inclinasse viderunt, sese, & Urbes, agrosque B. Petro, & Rom. Pontifici subdiderunt. Eam dedicationem in hanc maxime formam invenio sacillam: Longobardi habita per internuncios fide publica, singuli Civitatum, Oppidorum, Castellorum, vicorumque Populi Romanam veniebant, & apud B. Petri Basilicam coegebantur; inde capillum, barbamque, à cujus nutrita longitudine id nominis eos diximus natos, detonsi, iurijurandi fidelitatis perpetuo servandæ ab Adriano Pontifice adacti religione B. Petro se, ac sua omnia subigebant. Sed de Blondi fide opportuniore mox loco videbimus.

(2) Tom. II. part. I. Script. Ital. Murator. pag. 498.

(3) Epistola ordine LXIV. cod. tom. III. pag. 219.

lit, vera fuerint (salva Pontificis fide, qui plurima aliorum relatione accepta in Epistolis suis nunciare passim fatetur) non leve ex eo dubium fit, quod nec tum Carolus in Arichim arma movit, atque vix ulla, aut certe non adeo concursus inter Arichim, Neapolitanosque obtinebat consuetudo, quâ sibi ea in re obsequentes illos, ac veluti obnoxios haberet: immo nihil Neapolitanis magis cavendum tum videbatur, quàm ab propinqua, ac succrescente Arichis potentia: & sane id certum constat, perpetuum illud Arichi fuisse consilium, ut ad amplificandos Principatus sui fines, Neapolitanos sibi subderet, quod tandem anno 786. indicto bello, atque Neapolitanæ Urbis obsidione molitus est.

Res ingenti apparatu suscepta, dum vehementius urgeretur, non tam Neapolitanorum viribus, quàm Caroli in Italiam adventu, interturbata est: Sub ejusdem anni exitum Carolus Italiam ingreditur, iter Romam *Orationis causa ad limina Beatorum Apostolorum* facturus, atque initio sequentis anni 787. jam Romæ consistens, adversus Arichim expeditionem meditatur, five ad id consilium Neapolitani Carolum perduxerint, ut Arichim ab se removerent, five bellicos Arichis conatus, quibus in media Italia Longobardi Principis potentia augetur, propriis tum oculis spectans, ipse Carolus iniquius ferret, maximum certè bello inferendo incitamentum ex Romani Pontificis sententia fuit, qui jamdiu id a Carolo expetierat; tunc vero iustis causis olim allegatis, recentes ex Arichis ambitione, ejusque armorum strepitu addebat, veritus ne deteriora, quàm à Duce Gisulfo II. paucis ante annis Romanam Campaniam aggresso, ab Arichi sibi imminerent, qui viribus, ac dignitate auctus, Neapolitani belli exemplo Principatus sui fines, circumquaque proferre nunquam destitisset. Hinc quum Arichis foedera ac pacem impetraturus Romualdum filium Romam ad Carolum ablegasset, suavorum Carolo Pontifex fuit, ne illius precibus aures, promissisque fidem præberet, uti præfatus Bertinianus Annalista testatur (1). Sed quis tandem rei exitus fuerit, ex aliis quoque Scriptoribus discere libet.

Exteros primum audiamus, quorum omnium vice unus satis sit Eginhardus; cujus hæc sunt: Arichim audito Caroli adventu, compertaque expeditionis Beneventanæ deliberatione, illum misso cum muneribus Romualdo majore filio suo ab eo proposito avertendum curasse: at Carolum Capuam properasse, inde bellum aggressurum, nisi Arichis iterum salubri consilio prævenisset. Nam relicta Benevento, qua caput illius Terræ habetur, in Salernum maritimam Civitatem, velut munitiorem, se cum suis contulit, missaque legatione utrosque filios suos Regi obtulit, promittens, se ad omnia, quæ imperarentur, libenter obediturum; cujus precibus Rex annuens, Divini etiam timoris respectu, bello abstinuit, & minore Ducis Filio nomine Grimoaldo, obsidis loco, suscepto majorem Patri remisit. Accepit insuper a Populo obsides XI. misitque Legatos, qui & ipsum Ducem, & omnem Beneventanum Populum per Sacramenta obstringerent (2). Hoc igitur modo rebus suis, quæ in extremum discrimen adductæ videbantur, tempori potius, quam Francorum imperio concedens Arichis prospexit; cujus etiam illud viri sagacissimi consilium animadvertere oportet, quod nunquam seipsum, etiam post arma deposita, fancitaque pacta, Caroli conspectui permittere passus sit, ratus, se uno incolume, ac libero, citius, ac tutius omnia in integrum restituenda. Illud etiam ex Eginhardi testimonio promptum erit, ut Bertiniani Annalista fidem spernamus, qui ad an. 814. de Lodovico Pio Caroli filio dicere exorsus, inter alia, quibus is paternam successionem auspiciatus fuit, cum Grimoaldo Beneventanorum Duce (non ipso Arichis Principis filio jamdiu defuncto, sed cum Grimoaldo altero illius succedere) pactum fecisse, & confirmasse ait, eo modo, quo & Pater: scilicet.

(1) Annalista Bertinianus sic Annum 787. orditur. Igitur Dominus Carolus Rex Romanus venit. & aliquot dies ibi moratus est cum Domino Apostolico Adriano. Et Arigis Dux Beneventanus misit Romualdum filium suum cum magnis muneribus postulare de adventu jam dicti Domini Regis, ut in Benevento non introisset, & omnes voluntates prefati Domini Regis adimplere cupiebat. Sed hoc Apostolicus minime credebatur, neque Optimates Francorum, & consilium fecerunt cum supranominato Rege, ut partibus Beneventanis causis firmando advenisset: quod ita factum est; & dum Capuam venisset Rex, Arigis reliquit Beneventum, & in Salernum se reclusit. Et timore percussus non fuit ausus per semetipsum faciem Domini Regis Caroli videre. Sed mittens missos, & ambos filios suos proferens, id est Romualdum, quem Dominus Carolus secum habebat, & Grimoaldum, quem prædi-

bus Arigis secum retinebat: & offerens multa munera, & alios obsides, ut petitionem ejus Rex annueret. Tunc Dominus, ac gloriosus Rex prospexit una cum Sacerdotibus, vel ceteris Optimatibus suis, ut non terra deleteretur illa, & Episcopia, & Monasteria non desertarentur: Elegit namque XII. obsides, & tertiumdecimum (id est, obsidem) filium supradicti Ducis nomine Grimoaldum, & acceptis muneribus juraverunt omnes Beneventani, tam supradictus Dux, quam & Romualdus: & reversus est supra nominatissimus Rex, & celebravit Pascha cum Domino Apostolico in Roma.

(2) Eginhardus de Gest. Caroli M. ad finem Anni 186. Similia (levioribus quibusdam diversè narratis) habent toties nobis laudatus Annalista Bertinianus; Metensis quoque, ac denique Chronicon Hildensheimense.

scilicet, ut Beneventani tributum singulis annis septem millia solidorum darent. Nihil hac se falsius; quam ipse Annalista (dum sub Carolo gestam distinctè narravit) omnino præterit. filetque cum ceteris aliis exteris Scriptoribus Eginhardus (1).

Rem itaque eandem ex nostratibus Scriptoribus didicisse proderit; in qua quidem enarranda uberior aliis, sed non omnino sincerior se habet Anonymus Salernitanus, multa intermiscens, quæ ex popularibus traditionibus accepta in posteros, quorum credulitatem ex suo ævo metiebatur, tradere laboravit (2). Non is igitur remorari nos debet, sed locum tum temporis, tum fidei prærogativam habenti Erchemperto concedat, à quo hæc tradita habemus: num. 11. Capta ac subjugata Carolus Italia Pipinum filium suum illic Regem constituit. Tunc ille stipatus innumerabili exercituum agmine, crebrius Beneventum adit capessendum. Quo tempore Arichis gener jam fati Desiderii, Vir Christianissimus, & valde illustrissimus atque in rebus bellicis strenuissimus Beneventi Ducatum regebat; qui audiens eos super se adventare, Neapolitibus, qui a Longobardis diutina oppressione fatigati erant, pacem cessit, eisque Diaria in Liburia, & Coemeterio per incolas sancita dispensatione misericordia vice distribuit, titubans, ut coniciit valet, ne ab eorum versutiis Franchi aditum introeundi Beneventum reperirent. Super Beneventum autem Gallico exercitu perveniente, prædictus Arichis viribus, quibus valuit, primo fortiter resistit, postremo autem acriter praeliantibus, universa ad locustiarum morem radice tenus corrodentibus, magis Civium salutem, quam Liberorum affectibus consu-

ALTER

V

confu-

(1) Solidorum septem millia ejus Tributi nomine, adhuc exigua Blondo Flavio visa sunt, qui in *luz Hist. Decad. 11. lib. 11. edit. Venet. an. 1484.* ad aureorum viginti quinque millia adauxit. *U. omnis* (inquit) Italia ubique quiesceret, concessit Carolus Grimoaldo Beneventano Duci, quem unicum in Italia, ex Longobardorum reliquiis superfuisset offendimus, pacem dari, tributo illi vigintiquinque millium aureorum in quot annos ex fœdere imperato: Sed hæc ex Blondi ingenio sunt, cujus illa etiam lib. 1. fuerunt; *Aregisium* Duceem Beneventanum, qui Romano Pontifici subiectas Campanie Urbes perterritas, & multis sæpe numero efficeret incommodis, a Carolo admonitum quiescere, & Childebrandus, & Grimoaldo filius Romam missi, pacem cum Pontifice integrasse, secundum quam pacem Carolo interveniunt constitutum obit Salevni Aregisius, & Fili Ducatum concordæ animo administrantes bellum Græcis accolis intulerunt. Ex quibus notis quanta huic Historiographo fides adhibenda sit, qui tanta uno loco falsissima coarctavit, uti ex eis, quæ superius legeris, comprobatur tibi erit. Quod vero ad Tributum attinet, negotii aliquid facessere nobis Paulus Diaconus videtur, qui in Epitaphio Arichis hæc cecinit:

Sollicitè gratiam paucis servavit amator

Consilio cautus, providus, atque sagax.

Cum Natis proprium nil ducens tradere censum,

Insper, & Patria promptus amore mori.

Dum enim his versibus, quæ Arichis ad bellum averterendum Carolo præstitisset, commemorata habentur, jam præter Filios obides, Tributum simul, Censum vocabulo expressum, traditum videtur potest. At aliam usurpato vocabulo significationem tribuendam præclarè, opportunèque docet Erchempertus, ex quo scimus, Arichim Carolo geminam prolem, simulque eundem The-saurum suum tradidisse; ut jam qui The-saurus Erchemperto memoratur, Censum æquo vocabulo a Paulo dictus fuit, non in singulis deinceps annos præstandus, sed ea sumtaxat occasione cum obitibus simul traditus.

(2) Veri quidem similis videri potest Episcoporum Beneventanæ Provinciæ legatio ab Arichi ad Carolum cum exercitu jam properantem missa, ut a belli proposito averteret; sed qui credat illud Caroli juramentum, qui audiens Arichim ejus jussa contempnisset pro eo, quod capiti suo præcisam deportaret Coronam, hæc protulisse traditur. Nisi scptem, quod in mea manu ge-

sto, Arichis percutiam pectus, vivere nolo? Dulex illud est: ut eorundem Episcoporum calliditate fatigatus Caroli juramento factum fuerit, exhibita illi pro Arichi, quem præsentem adducere spoponderant, pida illius imagine: cuius Rex se ex omni parte superatum cerneret, cum ingenti ira super illam imaginem venit, & seipso quod manu gerebat, illius imaginem percussit, pectus, & coronam quam in capite depictam gerebat, disrumpere fecit. Sicque res omnis transacta est, atque urgentibus Episcopis idem factus, Grimoaldo cum aliis oblide dato. Ad hæc illam denique vulgi traditionem flere noluit Anonymus, quæ ferebant plane nonnulli, quod ipse Rex Carolus in Legati (qui Salernum ad firmandam pacis telera, oblideque accipiendos milites fuerat) formam se transformasset, ut audiam Arichis magnitudinem cernere posset, & quod ipse Legatus, quem supra diximus, Carolus fuisset. Hæc aliaque ejusmodi omnino respuimus, respuissetque ipse Arichis, cui tot, tantæque suppetere argumenta veræ laudis, ut commentis hisce non eget. At Arichis imaginem, seu effigiem, cujus Anonymus meminit, in angulo Ecclesiæ depictam, veram credidisse licet, ex qua, adhuc fortasse ævo suo superstitè, fabulosa illa is construxit. Nihil enim veri magis simile, quam ut Arichis, qui Principis nomine, Regia insignia, honoresque cum ipsa Consecratione sibi attribuerit, etiam imaginem suam more Augustorum, aliorumque Regum tum maxime vigente, in subditas Civitates publico loco, ac præsertim in Ecclesiis afferendam transmiserit. Pædædarum inter alia plurima, exemplum illud est ex Appendice ad Epist. S. Gregorii M. Tom. 11. Opp. edit. PP. S. Mauri p. 1202. num. xxi. *Veneri* Icona Phœbe, & Leontia Augustorum Romanæ vxi. Kal. Maii & acclamatum est eis Tunc iussit ipsam Iconam Dominus Beatissimus, & Apostolicus Gregorius Papa reponi in Oratorio S. Cesarii Martyris. Haud quidem super Altare, sed in pariete, vel porticibus, vel foribus, ubi morem fuisse ostendit Bacchinius in notis ad Agnell. Rav. invit. Boni. Donatistarum olim calumnia fuit, quod Catholicis assentientibus Imperatorum imagines in Altari tempore Sacrificii repositæ fuissent: at falsum id ostendit Optatus Milevitanus lib. 111. De Schisma. Donatist. cap. 11. Falsum præterea ostendere possumus ex nostro Anonymo; ex quo hoc saltem emolumentum habemus, dum refert ab illis Episcopis offensam Carolo ingentem Arichis effigiem non in Altari, aut alio eminentiore, aut sacratiori loco, sed in angulo Ecclesiæ depictam, ac collocatam.

consulens, geminam Sobolem vice pignoris, jam dicto tradidit Cesari, hoc est Grimoaldum, & Adelgisam, simulque cunctum Thesaurum suum, ex quibus Adelgisam multis cum precibus proprio fuit restituta Genitori. Haecenus Herchempertus; quem suis verbis loquutum volui, ut ipsa rei narratione majorem præ aliis sibi fidem promereret, doceretque nos, quæ ab aliis Scriptoribus, ipsoque multiloquo Anonymo incassum discere est: Neapolitanam videlicet expeditionem, à qua, ne Francorum adventum conatibus vis adderetur, non sine tamen Arichis emolumento, atque honore recedendum fuit; tum Arichim, Francis propinquantibus non continuò perterrefactum (uti alii narrant) in Urbem Salernum sese abdidiisse: sed quibus potuit viribus, primò foriter resistisse: aucto denique rerum discrimine impetrandæ pacis condiciones obtulisse; quibus demum sancitis publica quidem salus curata est, at simul incolumis suscepti Principatus majestas, ac successio sustineri visa fuit; nam Grimoaldo cum aliis xxi. Beneventanis Optimatibus obside duntaxat recepto, atque universo Principis ablato Thesauro, non solum Adelgisam filia proprio fuit restituta genitori, verum etiam Romualdus major filius, qui initio Romam ablegatus adhuc à Carolo detinebatur, ad Paternos Lares abire permixtus. Ita tunc honestius, atque utilius, quam res ipsa permittere videbatur, sibi suisque Arichis prospexit: At quum ex eo discrimine se liberum nosset, pristina mox libertatis ac ditionis suæ jura integranda sibi duxit.

Quid post Caroli discessum, Arichis moliri cœperit, Adriano Pontifici Gregorius Presbyter Capuanus retulit, Adrianus verò Carolo mox nuntiavit: Legationem videlicet ab Arichi ad Græcum Imperatorem Constantinum, ejusque Matrem Irenem missam, qua sibi Patricii dignitatem, ac Ducatum Neapolitanum concedi postulabat, futurum propterea Græcorum subditus, quorum etiam vestes, tonsuramque adhibere paratus esset: mittendum quoque Adelgisum cum valido exercitu, cujus ope ipse in Cistiberina Italia, ille in Transiberina, Francorum dominatione deleta, primævis juribus potirentur: Faciles postulatibus aures Constantinum, atque Irenem præstitisse, missis in Siciliam Legatis suis, qui, Romualdo obside recepto, Arichim Patricium constituerent, allatis vestibus auro textis, simul & Spatha, cum pectine, & forcipibus, quibus & Patriciatus insignia, & Græci hominis formam susciperet: Adelgisi denique expeditionem quamprimum Ravennam versus maturandam (1). Atque hæc quidem cum Græcis agitare cœpit Arichis, cujus tum quidem intererat, Francorum ab se jugum excutere; Græcos vero Dominos agnoscere, non solum tolerabilius sibi, sed etiam Neapolitani Ducatus accessione imprimis opportunum. At cœptis, ne ad exitum perducerentur, obstitit mors. Nam ejusdem Anni 787. mensis Julii die 21. turbato naturæ ordine Romualdus decessit; cujus præcox fatum paucos post dies, nempe Augusti die 25. Arichis genitoris obitus consequutus est. Sic Beneventani Principis Aula, ex summo felicitatis Apice, conceptaque ampliorum rerum, qua tunc erigebatur spe, repente dejecta, ac penè radicibus solo prostrata in summum illum moerorem incidit, quem Paullus Diaconus in ejusdem Arichis Epitaphio, Adelpergam Viduam solatus, verè simul atque eleganter sic expressit.

Jam felix olim, nunc namque miserrima Conjux
Regali in thalamo, quem tibi junxit amor.
Eheu perpetuo pectus transfixa mucrone
Languida membra trahens, & moribunda dolet.

Viderat

(1) En Adriani verba ex ejus ad Carolum Epistola 88. Codicis Carolini pag. 256. edit. Muratorianæ. Gregorius Presbyter retulit nobis dicens, quia dum Dominus Carolus Magnus Rex præterito anno a Capuana Urbe reversus fuisset, Arichis Dux ad Imperatorem, Deo sibi contrario, emissi Missos, petens auxilium, & honorem Patriciatus una cum Ducatu Neapolitano sub integritate simul, & suam Cognatum Athalgisum cum manu valida in adiutorium sibi dirigi, promittens ei tam in tonsura quam in vestibus usu Græcorum perfrui, sub ejusdem Imperatoris ditione: Hæc autem audiens Imperator emissi illi suos Legatos scilicet Spatharios duos in ditionem Siciliae, ad Patricium eum constituendum ferentes secum Vestes auro textas simul & Spatham, vel Particum, & Forcipes, sicut illi prædictus Arichis indui, & condere pollicitus fuerat, petentes Romualdum ejusdem Arichis Filium in

obsidiatum. De Athalgio (Athalgis) vero cognato emisit ei dicens: quia nunc illum non dimisimus; sed eum dirigimus cum exercitu in Terviso, vel Ravenna. Qui venientes Dei nutu, per suffragia Apostolorum malignantium consilia dissipata reperierunt, eo quod Arichisum Ducem, vel ipsius Filium Waldonem (Romualdum) defunctum invenerunt. Epistolam hanc perperam anno 787. consignandam censet Muratorius in Annal. ad an. 788. pag. 397. All'anno precedente senza dubbio appartiene la lettera 88. del Codice Carolino.... Gregorio Prete avendo chiesto di poter parlare a Papa Adriano in segreto, gli aveva parlato, come nell' Anno precedente, dopo che Carlo Re grande si era partito da Capua &c. Si igitur, quæ anno præcedenti idest anno 787. gesta essent, ab Adriano nuntiantur, procul dubio ad sequentem annum 788. Epistola pertinere debet.

*Viderat unius nuper, heu funera Nati:
 At alium extorrem Gallia dura tenet.
 Huic gemine Nata vernanti flore supersunt
 Solamenque mali, sollicitusque timor.
 Has cernens reddi vultus sibi credit amatos:
 Heu trepidans fit, & fluctuabunda manet.*

Ex quo etiam Epitaphio discimus verum filiorum numerum, quos Arichis ex Adelperga suscepit, duos nempe mares, nempe Romualdum Patri præmortuum, & Grimoaldum Carolo obsidem traditum, ac in Gallia jam tunc manentem: totidem prætera foeminas, nempe Theuradam & Adelgisam, quæ posterior obles cum Grimoaldo fratre expetita, summis tamen precibus (ut ex Erchemperto didicimus) (1) in paternis laribus remanere permissa est, ipsaque cum Theurada sorore, solum supervelle videbatur, non satis validum Principis Familiæ munimentum, unicum, sed solliciti timoris plenum, Matris solamen.

Verendum certe Adelbergæ erat (quam propterea trepidantem, ac fluctuabundam Paullus nobis expressit) verendum, inquam, ne Arichi, Romualdoque defunctis, Grimoaldo autem non solum absente, sed obside, aut potius captivo sub Caroli potestate detento, novarum rerum molientiarum occasio vel Francis, vel ipsis etiam Beneventanis præberetur; ita ut vel hi, quem maluissent, alium sibi Principem deligerent, vel a Carolo missum accipere cogerentur. Interea Adelgisus, cum Græcorum classe non Tarvisum, aut Ravennam, ut Constantinus Imperator præmonuerat, sed in Calabriam appellens, in finibus Ducatus Beneventani confedit; ad quem contendere Adelbergæ cogitavit; ac ne ulla ejus consilii suspicio esset, rumorem sparsit, se suasque filias ad Garganicam S. Michaelis Basilicam orationis specie profecturas; re autem vera Tarentum aditura, ubi Thesauros suos recondendos curavit, ut Adelgisus fratris se adjungeret (2). Satis prudens utriusque consilium fuit, Adelgisum nempe non Ravennæ, sed Calabriæ oras petendi, ut mox inter Beneventani Principatus fines, atque adeo inter suos Longobardos positus tutiores, expeditioresque ausis suis progressus faceret: Adelgisus vero, Adelgisum se sociandi, ut ejus præsentia, atque viribus, non solum subditos in officio contineret, verum etiam adversus externos, ac communes hostes validiorem opem, ac tutelam nancisceretur.

At prudentiores in eo rerum discrimine Beneventani Optimates sese probarunt; Secum enim ii reputabant, non è Rep. fore, ut cum Græcorum copiis Adelgisus in Beneventanum Principatum pervadere fineretur; vel enim Adelgisus ipsi Regiam sedem vix reperituro, vel potius Græcis ferivendum deinceps esset, qui suo milite Beneventum, reliquasque Principatus Urbes occupassent; deterior denique eorum causa apud Francos efficeretur, qui asperiore bello ipsos divexandos, sibi que subiucendos contenderent. Satis igitur visum fuit, legationem ab eodem Carolo institui, ut obles Grimoaldus ad suscipiendum Paternum Principatum dimitteretur: Id certe Carolus abnuere iis nequiret, qui ad ejus æquitatem, magnanimitatemque confugere maluissent, a quo etiam pro constanti ea fide, quam erga naturales Principes suos ostenderent, exaudiendi simul, ac laudandi essent. At quum ea res

ALTER

V 2

moram

(1) Cl. Muratorius in Annal. ad An. 787. pro Adelgisam scribit Adelgisum: quare tres Arichis filios mares statuere videtur. Per sicurezza della promessa diede egli (Arichi) dodici obbagi al Re Carlo, e quei che più importa, gli diede ancora Grimoaldo, ed Adelgisio suoi figliuoli: tante poi preggiere si frapponero, che Adelgisio fu rilasciato in libertà. Nisi is Typographi error sit, vercor, ne Muratorio impulerit Chronologica adnotatio, quæ ab eodem Paulo Diacono Arichis Epitaphio subscripta fuit hisce verbis: *Vixit autem LIII. annis, Obiit VII. Kal. Sept. Anno ab Incarnatione Domini DCCLXXXVII.* ex Domina Adelbergæ Principissa filios Romuald. & Grimoald., Egisium Theuradam, & Adelgisam suscepit. An illum Egisium tertium Arichis marem filium putaverit, atque Adelgisum vocandum duxerit Muratorius? Sed pro mendoso illo seu monstruoso Egisio (quod adhuc in Muratoriana editione Script. Ital. tom. II. part. I. pag. 311. & Peregrini editione a Prætilo curata t. III. p. 306. servatum est) & filias; idest Theuradam, & Adel-

gisam, legere debemus, ei vocabulo mox succedentes: quæ mea emendatione omnes ejusdem Epitaphii partes sibi rectissime respondebunt.

(2) Hæc ex Epistola Hadriani ad Carolum, quæ in Cod. Carol. ordine xc. est, sic narratur. Sic enim (inquit Pontifex) de jam dicto nequissimo Adelgisio nuntiatus est, quia in veritate, Deo sibi contrario, cum Missi Imperatoris, in partibus scilicet Calabriæ resideret juxta confinium Ducatus Beneventani. . . . nempe quidem scimus, quia ipse iniquus, & perfidus Adelgisus pro nulla alia causa in istis declinavit partibus, nisi tantummodo pro vestra, & nostra contrarietate. . . . Tum Adelpergæ consilium Adelgisum fratrem conveniendi ita aperire pergit. Ego Episcopus secretè nobis sic fatus est, quia Adelbergæ relicta Arigibis, tale habet consilium, ut dum ipse Grimoaldus filius ejus Beneventanos fines introierit, ingeniose cupit duos filios suos secum deferre, & quasi Orationis causa ad S. Angelum in Garganum pergere, & deinde in Tarentum ubi & Thesauros suos reconditos habet.

moram postulare, Græcorum vero copiarum in Principatus finibus paratæ essent, Græcique jam adessent Legati, illud æquè prudens consilium subiit, ut Legati Beneventum ingredi vetarentur, sed Salernum convenirent, ubi Adelberga manebat: Datum autem illis responsum, expectari oportere Grimoaldum, quem a Carolo sibi mittendum flagitassent; ut quæ cum Arichi constituta erant, perficere ipse posset: Interea Neapolim græcam Urbem adirent, ibi rerum exitum præstolari. Quo certe facto, tum Græcorum, tum Caroli gratiam sibi fovendam duxerunt, ut nullam ab Grecis molestiam, à Carolo Grimoaldum acciperent (1).

Unus Beneventanorum Optimatum Legationi, ne felicem sortiretur exitum, obstitit Pontifex Hadrianus, qui Grimoaldi reverfioni intercedendum apud Carolum sibi duxit hisce verbis. Quapropter nimis poscentes, quesumus præcellissimam vestram excellentiam, ut nullo modo pro causa Grimoaldi filii Arichis credere plus cuiquam debeatis, quam nobis. Nam pro certo scitis, quia si ipsum Grimoaldum in Beneventum miseritis, Italiam sine conturbatione habere minime potestis. Italiam certe tranquillitas, Reip. salus, Populorum quies Hadriano imprimis cordi erant, præque ejus oculis versabantur, ut Carolum a dimittendo Grimoaldo detereretur: non inanis suberat metus, ne recenti malorum exemplo iterum Italiam res restitutis Longobardis pessumdarentur, atque in æquum diferimen tum Romanæ Ecclesiæ, tum Francici Regni ditiones rursus deducerentur: hæc sanè Pontificis Sanctissimi sensa erant, quæ is ad Carolum sic exprimere pergit: In hoc minime vestra à Deo premota excellentia considerare debeat, quod pro nostra aviditate ipsas Civitates acquirendum, quas Beato Petro Apostolo, & nobis condonastis, talia vobis insinuare studuimus: sed pro magna securitate Sanctæ Dei Catholice, & Apostolice Romanæ Ecclesiæ, atque vestre præcellæ Regalis exaltationis victoria, ea, quæ audivimus, & agnoscere potuimus, vestris regalibus auribus insinuare nullo modo negleximus. Vestra quoque Regalis excellentia, qualiter ei placuerit, & aptum prospexerit, in omnibus his disponere provideat (2).

At Carolus, cujus æquitati prudentiæque meliora fortasse perspicienti rem deliberandam Pontifex permittit, Beneventanorum Optimatum votis obsecundandum censuit; ratus, denega-

(1) Hæc pariter Carolo Hadrianus nuntiavit Epist. LXXXVIII. Beneventani ipsos Græcos minime recipere voluerunt, sed post reverfionem ipsius Attanis Diaconi, tunc eos terreno itinere à finibus Græcorum deferentes, Salerno receperunt, & cum Adelberga relicta Arichis, sed Optimatibus Beneventanis, tribus diebus persistentes consiliati sunt, suadentes ipsi Beneventani præsentibus missi Græcorum dicentes: Quia nos ad Regem Carolum emissimus Missos nostros potentes ab eo Grimoaldum Ducem nostrum recipere. Insuper, & per Attonem Diaconum ipso nobis pollicente, rogare emissimus, ut penitus eum Ducem consequenter suscipereemus. Sed propter hoc morari nos Neapoli convenit, dum usque ipsum Grimoaldum recipere possumus Ducem, & quod Genitor ejus Arigisus minime valuit adimplere, Grimoaldus filius ejus, dum culmen gaudis sui adeptus fuerit, proflus Imperialium voluntatem cum omni ditione, sicut cum suo constitit Genitore, in omnibus adimpleat pariter nobis promissa explentibus. Quapropter terreno itinere usque Neapolim eos cum magno deduxerunt honore.

(2) Ex laudata Epistola xc. pag. 262. Eadem rursus Sanctissimus Pontifex apud Carolum protestari voluit, postquam ab eo Grimoaldus ad Beneventanum capessendum Principatum dimissus fuit. Proflus nobis (inquit) regalis vestra excellentia credere velit, quia nunquam volumus, ut Grimoaldus filius Arichis in Beneventum remeasset, nisi propter inimicorum vestrorum, atque nostrorum machinationes, atque insidias, sed verum etiam, sicut vestra promissit nobis Regalis excellentia pro exaltatione, atque defensione Sanctæ Dei Ecclesiæ, & pro vestro, nostroque profectui. Tum Carolum promissionis, seu donationis suæ commonefacere pergit, illud efflagitas, ut quas ipse Civitates in partibus Beneventanis Beato Petro obtulerat, omnino Rom. Ecclesiæ dominio tradendas mandaret. Nam nulla alia (inquit) tradere voluerunt, nisi Episcopata, Monasteria, & Curtes publicas, simul claves de Civitatibus sine dominibus, & ipsi homines in eorum potestate introeuntes, & excurrentes manent. Et quomodo nos sine hominibus Civitates in-

las habere potuerimus, si habitantes earum adversus ea machinaverunt? Nos quippe in eorum libertate permanentes, sicut ceteras Civitates in partibus Tuscia, denis vestris regere, & gubernare eos cupimus, omnem eorum habentes legem: Unde petimus vestram excellentiam, ut nullus hominum sit, qui vestra sacra vota impedire valeat, & non meliorem faciat Grimoaldum filium Arigis, quam favorem vestrum B. Petrum Clavigerum Regni Coelorum. Atque hæc quidem Hadrianus in Epistola, quæ in eodem Codice Carolino ordine LXXXVI. est; ex qua duo animadvertere licebit, primum illud est, Pontificis Epistolas nullâ quidem servata Chronologia in eo Codice fuisse descriptas: nam hæc Epistola res commemorat, Grimoaldi redditum consequutas; qui Grimoaldus ex Epistola xc. adhuc in Gallis detinebatur, ut superius observavimus. Alterum est, quod ex hac, aliisque Hadriani ad Carolum Epistolis, ubi is assidue illud monet promissionis suæ, verissimum comprobatur Anastasii Bibliothecarii testimonium de iterata Caroli Donatione, qui aliam Donationis promissionem adinstar anterioris scribi iussit, per designationem confinium a Luni cum Insula Corsica, deinde in Sariano, deinde in monte Bardono, inde in Vereto, deinde in Parma, deinde in Reggio, & exinde in Mantua, atque monti Felicit, simulque, & universum Exarchatum Ravennatensem, sicut antiquitus erat, atque Provincias Venetiarum, & Histriam, necnon, & cunctum Ducatum Spoletinum, & Beneventanum. Nihil hac Donatione celebrius, de qua plurima nostra ætate, Viri eruditissimi scripserunt; Eius Archetypum in Archivio S. Ecclesiæ adhuc suo ævo servatum testatur Anastasius; specimen verò ex Codice Farnesiano protulit Gl. Blanchinus in Prolegomenis ad eund. Anastasium pag. 55. De hoc argumento opportuniore loco agendum nobis erit, quum ad Longobardici Principatus occasum, translatamque ad Sedem Apostolicam Beneventanam Ditionem pervenimus.

denegato Grimoaldo, deteriora Italiae contingere posse, dum Beneventani eam repulsam passi, Adelgiso, Græcisque sese addicentes, perpetui Rom. Ecclesiae, Francicque Italici Regni hostes evaderent; Grimoaldo vero concessio, etsi Italicis rebus superesset discrimen, levius illud tamen, cui etiam submovendo eae Leges accipiendi Principatus redeunti Grimoaldo dari possent, quibus servatis omnia in tuto posita essent: Hoc denique pacto Beneventanus Principatus legitimo Hæredi, Dominoque suo reddebatur, qui velut beneficii loco accepturus, non tanto sancitarum Legum sacramento, quam grati animi nexu, ne novas res moliretur, vel molituris faveret, obstringebatur. Permissum itaque à Carolo est, ut Grimoaldus ad regendum paternum Principatum abiret; atque Caroli consilium saluberrimum Italiae fuisse priora Grimoaldi gesta comprobarunt; nam is non solum in Adelgisi, Græcorumque partes transire renuit, verum etiam illos, velut suos æque, atque Italiae hostes reputans, armis aggressus, de illorum Copiis victoriam reportavit. Insigne profecto Grimoaldi id facinus fuit, perpetua laude dignum, hisque versibus in ejus Epitaphio celebratum.

*A' Patre pro Patria directus Regius obfes
Pacavit Patriam funus ad usque Patris.
Cum Danais Bellum felici sorte peregit;
Finibus expellit belliger ipse suis (1).*

Rem quoque ipsam his versibus Poeta Saxonicus commendavit apud Du-Chesniam ad An 788., dum Græcis in Calabria adversus Beneventanos procedentibus,

*Occurrere Duces Caroli, quibus illa tueri
Cura fuit loca; præcipue Grimoaldus in ipso
Dux anno factus patre pro defuncto Aragiso &c.
Cedit Achiva cohors, Danaum dant terga phalanges.*

Nihil certe felicius Italiae contingere poterat, nihil Regi Carolo utilius, ipsique Grimoaldo gloriosius, firmandoque Principatui congruentius: nam eâ partâ victoria, Adelgisi res omnino corruerunt; mox Caroli cum Græcis inita pacis consilia; utrisque probata Grimoaldi potentia, ac bellica virtus; Italiae demum tranquillitas fuit restituta.

In hujus victoriae partem, tum Ducem Spoletinum, tum etiam Francos vocare videntur Annales Bertiniani; at exiguus horum numerus, nec satis valide illius vires præcipuam (uti etiam Poeta Saxonicus superius fatebatur) rei gestae laudem Grimoaldo relinquendam ostendunt. Eodem quoque anno (sic ad an. 788. dicti Annales) commissum est bellum inter Græcos, & Longobardos, idest Duce Spoletino nomine Nildebrando, seu Duce Grimoaldo, quem Dominus Rex Carolus posuerat Ducem super Beneventanos: Misitque Rex Winegisum una cum paucis Francis, ut provideret omnia, quæ illi in pugna gessissent. Et auxiliante Domino victoria est facta à Francis, seu à Longobardis (2). Ex quo Annalium loco Grimoaldum Ducem super Beneventanos à Carolo positum discimus; sed nulla ibidem earum conditionum, quibus Carolus Grimoaldum sibi obstrinxit, mentio facta est, ut ex hoc etiam loco minor eidem ipsi Annalistæ fides adhibenda sit, qui ad ann. 814. Pactum de præstando à Grimoaldo in singulos Annos septem solidorum millium tributo, eo modo quo & Pater, idest Carolus sibi cavit, à Ludovico renovatum asserit.

Sed quæ demum eae conditiones fuerint, ex nostratibus didicerimus Scriptoribus, qui Francicis diligentiores majorem quoque fidem in ea re narranda merentur, quæ in Gentis suæ detrimenta vertebatur. Multus, more suo, Anonymus Salernitanus esse voluit, multasque in ejus rei narratione nugas inexit, cujus tamen vera illa, etiam Pauli Diaconi testimonio olim comprobata, Beneventanis tradita laus fuit, ut scilicet Beneventanorum Populus, qui suis Ductoribus semper fidelis extitit, nunciandum protinus Carolo Regi miserit, ut citius Grimoald Beneventum mitteret, & Principatum, quem suus Pater (morte) amiserat, ipse nempe occuparet. Verum illud quoque, Grimoaldum à Carolo jurejurando adactum, ut statim Salernum ingressus muros ejus à fundamento dirueret, sicque faceret Congiæ, simulque Acherentia (3). Sed plurâ adhuc fuere à Grimoaldo promissa, quæ Anonymo ignorata, vel potius dissimulata, diligen-

(1) Ex Epitaphio Principis Grimoaldi inter Opp. Peregrin. tom. III. pag. 307.

(2) Tom. II. part. I. Script. Ital. Murator. pag. 502.

(3) In Chron. cap. XXII.

diligentior ac sincerior Erchempertus recensens, suis ipse verbis nobis libentius audienda præstabit. Defuncto (inquit n. iv.) *Arichi consilio habito, Beneventanorum Magnates, Legatos ad Carolum destinarunt, multis eum flagitantes precibus, ut jam fatum Grimoald, quem à Genitore obsidens jam priore susceperant, sibi præesse concedere dignaretur. Quorum petitionibus Rex annuens, illic continuo prædictum contulit Virum, simulque jus regendi Principatum largitus est; sed prius pactis huiusmodi vinxit: ut Longobardorum mentum tonderi faceret; Chartasque vero, Nummosque sui nominis characteribus superscribi semper iuberet; Ac muros Salerni, Acherentia, & Congia funditus everteret. Accepta denique repedandi licentia a Beneventi Civibus magno cum gaudio acceptus est.*

Quatuor itaque prospexit sibi Carolus a Grimoaldo præstanda; i. tendendum Longobardorum, mentum, seu barbam. ii. signandas Caroli nomine Chartas: iii. signandos quoque Nummos: iv. diruendos denique munitiorum Urbium Muros. Quibus omnibus Beneventanum Principatum obnoxium sibi efficere satius duxit. Supremi Domini præcipua argumenta sunt, nomen Chartis inscribi, idemque nomen, vel imaginem in Nummis signari. Exemplum Erchempertus idem suppeditat, qui num. xlvii. ac post annum dcccclxxxii. ideo Pontificem Johannem VIII., spreto Bertharii Abbatis Cassinensis saniori consilio, Landonulfum, qui vivente Landolfo, in Capuanum Episcopatum se intruserat, diviso inter utrumque Episcopatu, approbasse, quod Pandonulfus illius frater, ac Capuæ Comes prius se subdiderat dicto Papæ, in cuius vocamine (idest vocabulo, seu nomine) & Charta exarata & Nummi figurati sunt. Sanciendæ de tendenda Barba legis consilium, occasionemque Carolo dedisse videtur memorata nobis superius Pontificis Hadriani Epistola, ubi illud ipsum velut subjectionis argumentum Arichis Græco Imperatori spopondisse nunciabatur; quamobrem, ut ipso quoque oris habitu cum reliquis Italiæ populis subditos se Longobardi profiterentur, implendum a Grimoaldo Carolus voluit: Hanc vero Cistiberinorum Longobardorum subjectionem ut sibi Carolus confirmaret, auferenda ipsis insigniorum Urbium propugnacula constituit. Durissimam certe utramque Legem, primam scilicet, ac prostremam Longobardis imposuit Carolus; æquum enim illorum studium nutriendæ ex avito more barbæ, libertatisque munitarum Urbium subsidio in adversis rebus tuendæ; non vero Carolo inofficiosior Grimoaldus videretur, secundam, tertiamque earum Legum observandas initio voluit. In suis Nummis (ita rem prosequitur Erchempertus) ejus nomen aliquandiu figurari placuit; Schedas similiter aliquanto jussit tempore exarari: reliqua autem pro nihilo duxit observanda. Harum autem Legum, quæ solæ observatæ sunt, certissima, quæ heic proferamus, monumenta superflua sunt.

Ac quod ad Chartas, seu Schedas attinet, inter plurima Grimoaldi Diplomata, quæ in Chronico S. Sophiæ descripta habentur, unum adhuc legitur ab eodem Principe per rogum Davidis Reverendissimi Episcopi Sanctæ nostræ Beneventanæ Ecclesiæ cuidam Trasulpo concessum, ac Caroli nomine præcipue inscriptum hisce verbis. In nomine Domini Dei Salvatoris nostri Jesu Christi. Regnante Domino piissimo Carolo Magno Rege Francorum, & Longobardorum, anno Regni illius 20. Firmamus nos Vir gloriosiss. Grimoaldus Summus, & eximius Princeps Gentis Longobardorum, &c. Sed & hujus Diplomatis clausulam audire libet. Quod vero Præceptum firmatis ex jussione nominati Domini nostri Viri Gloriosissimi Grimoaldi secundo an. Deo dispensante Principatus scripti ego Godepertus Notarius. Actum Beneventi in Sacro nostro Palatio Mense Junio per Indict. xii. feliciter admodum (1). Indictio xii. in annum incidit dccc. in cuius anni mense Junio nondum secundus expletus erat annus ex quo Grimoaldus Principatum auspicatus fuerat. Quamvis autem triennium prope excurrebat ab Arichis morte, quæ die 25. Augusti Anni dcccclxxvii. acciderat, Grimoaldi tamen à Gallis reditus non ante eundem mensem Junium sequentis anni evenisse potuit. Sed illud maxime ex hoc Diplomate animadvertendum erit, inscriptum quidem Caroli Regis Francorum, & Longobardorum nomen, annosque (2), at servatum simul Grimoaldo summi, & eximii Principis Gentis Longobardorum titulum; signatos quoque ejus Principatus annos; Principatum non Caroli indulgentia, sed Deo dispensante collatum; Princi-

(1) Apud Ughellum Ital. Sacr. tom. viii. primævæ edit. Rom. p. edit. vero Venet. tom. x. p. 466.

(2) Annus dccc. (quo Indictio xii. in Diplomate signata decurrebat) Caroli Regis Francorum, & Longobardorum vigesimus in eodem Diplomate numeratur; qui tamen non ad Regnum Longobardorum, seu Italiæ referri debet, non ante Annum dcccclxiv. Carolo comparatum, sed potius ad Franciæ Regnum quod is, viii. Id. Octobris anni dcccclxiii. (uti Annales

Bertiniani habent) assequutus fuit. Quamvis autem eo anno dccc. Rex Italiæ non Carolus, sed ejus Filius Pippinus haberetur (quem Anno dcccclxxii. unctum a Pontifice Italiæ Regem iidem Annales tradunt) voluit tamen Carolus supremus adhuc Italiæ Dominus a Grimoaldo agnoscere; qui certe Grimoaldus Caroli magis, quam Pippini potentiam, ac nomen fuisse reveriturus.

Principis Palatium sacrum; ipsum denique Grimoaldum *Dominum nostrum* appellatum; ut videas, quam tenuiter, atque ægrè in ea servanda Lege Grimoaldus se habuerit, non tam Carolum dominum, quam veterem suam libertatem contestatus.

De Nummis hic demum dicendum erit, quos sub Grimoaldo nunc primum spectare erit; sed ante Grimoaldum, ab ejus Patre, ac Principatus fundatore Arichi nummos percussos par est, ut credamus. Qui enim Regia quæque insignia, ac jura sibi vindicavit, an is monetam, qua per amplissimos Principatus fines subditi populi uterentur, signare neglexerit? Cur etiam Carolus sui nominis epigraphæ signandos nummos Grimoaldo futuro Principi imperasset, nisi jus, moremque cudendæ monetæ apud Beneventanos invaluisse comperisset? At quos olim extitisse affirmamus, nullos adhuc Arichis nummos spectare licuit: Grimoaldi vero nummos jam manibus contrectamus; eosque primo loco exhibemus, quos ille Principatum auspicatus, Carolo obsequutus percussit. Binos ejusmodi Nummos, sive bina, uti creditur, unius ipsius Nummi Eclypa protulit Cl. Muratorius, quorum alterum à Le-Blanco mutuatus fuit, alterum à Breventano, Garellio, ac Museo Sabbatino acceptum fatetur: utrumque autem edidisse simul voluit, ut quantum Le-Blancus in suo exprimendo incuriosus fuerit, utriusque Eclypi comparatione manifestum efficeret (1). De uno eodemque nummo rem esse, ut ipse olim credidi, ac, quum ipse Nummus apud me extaret, non solum cum Muratorianis Eclypis contuli, sed rursus, exactissimèque expressum Præfationi Tomi I. cum aliis Longobardicis Nummis præproperè tunc quidem, sed non omnino importunè adjectum volui, ut Le-Blancum non adeo oscitantem, Muratorium vero non satis diligentem ostenderem. Sors deinde fuit, ut alterum ejusmodi æque aureum nummum mihi compararem, qui cum priore collatus, de eadem quidem re, sed diverso tempore eum se prodit, uti ex utriusque adjecto Eclypo manifestum cuique erit:



Levis quidem utriusque apparet diversitas; satis ea tamen, ut alterum ab altero diversum judicemus: Ac primum iisdem insignibus, eodemque oris habitu insculpta utrique est Grimoaldi effigies, qui in capite Coronam pilei instar, cujus vertici Crux imposita est, gemmis, sive unionibus contextam gestat, atque ad utramque aurem, non capillos (uti perperam Muratorius expressit), sed ejusdem Coronæ victam offert in nexus modum utrinque productam: Globum pariter, cui altera Crux supereminet, dextrâ tenet, parique modo GRIM VALD solitario nomine sese prodit; sed in posteriore nummo paullo crassior faciem repræsentat: In altera vero parte paria sunt circumscripta verba DONS CAR. R. id est Dominus CAROLVS REX: paria Sigla illa S. R. ad Crucis hinc inde latus adscripta, ut in ipsa Cruce SALVS REGNI, vel R. R. P. vel demum SACRA RELIGIO, contineri significaretur, in ima vero parte prior nummus habet omnino V. I. R., posterior vero V. I. C. uti in priore scribendum fuit, non enim numeralis nota agnoscenda ibi erit, sed potius *Victoria* nomen, quod rectius, sive manifestius in posteriore expressum extat: amplius vero utriusque Nummi diversitatem materiæ pretium confirmat; etsi enim aureus uterque sit, eodemque pondere confiet, priore tamen auro prior coruscat, secus ac posterior, qui ad argenti pene colorem deflectit.

Semel itaque, atque iterum Grimoaldus in Principatus sui primordio eos cudisse nummos, in iisque signandis legem sibi a Carolo impositam servasse probatur. Quod in aureis tantum, haud vero in argenteis, æreisque nummis factum arbitror, ut paullo inferius ostendatur. In ipsis autem aureis aliqua adhuc observare licebit; ac primum Grimoaldi nomen non per O, sed per V scribendum, pronuntiandumque ipsi docent tum hætenus nobis conspecti, tum alii mox conspiciendi ejus Principis nummi, quorum auctoritas, quibusque aliis monumentis anteferi debet: at nos Grimoaldum, aliorum licentia & exemplo meliorique vocabuli sono usi scribimus. Sed quod magis interest, dum iidem Nummi Grimoaldum nobis adhuc *barbatum* repræsentant, nã is Carolo illudere voluisse videtur; cujus legem

(1) Antiq. Med. Evi Dissert. xxvii, pag. 618. seq.

legem in signandis Nummi ita servavit, ut alteram tondendi menti, sivè radendæ barbæ simul acceptam omnino contempnissè publico Nummorum suorum testimonio comproba- ret. Nec vero in ipsa nummorum lege servanda exactè se gessit Grimoaldus, qui illos Caroli nomine signare iussus, adhuc tamen ex altera parte, & nomen, & effigiem suam incul- pere gestiit. Effigiem in Nummis signare, supremæ potestatis indicium est, ad eumque per- tinet, qui summi domini iuribus pollet. Sic Italici Gothorum Regni initio, quum adhuc ipsi supremum Romani Imperatoris dominium agnoscere viderentur, suum quidem in Nummis inscribere nomen, sed illius effigiem adhibere cœperunt. Id quod præter alios Gothicos confimiles plures à doctissimo Cangio memoratos (1), Regis Athalarici argenteus Nummus etiam num ostendit, in cuius antica parte Imperatoris Justiniani imago capite coro- nata cum hac Epigraphe DN. JUSTINIANUS PF. AUG. visitur; in postica vero ejusdem Athalarici nomen in medio laureæ coronæ inscriptum legitur (2). Meminit ejus moris Proco- pius, Germanorum ambitionem caussatus, qui, ut Gallias sibi haberent ab eodem Imp. Justiniano permitti, contra aliorum Principum Rom. Imperio subjectionum exemplum suos ex Gallico auro nummos non Imperiali, sed propria effigie insignire auderent: *Aureum num- mum nativo à Galliarum metallo bi cudunt, non Romani Imperatoris, ut ceteri solent, imagine, sed sua impressa: Persarum siquidem Rex, etsi ad arbitrium argenteum numisma facit, aureo tamen non illi fas est, suam, ut imponat effigiem; nec barbarorum Princeps alius quispiam id fa- cere ausit* (3). Sed & ipsius Francorum Regis Caroli ævo præclarum servati ejus moris mo- numentum nobis offert argenteus Nummus Romæ percussus, & inter Pontificios Nummos à Johanne Vignolio relatus (4), in quo Caroli coronam capite, sinistra gladium, dextra sceptrum gestantis imago spectatur, attritis, quæ circum aderant, literis; in altera ve- ro facie: SCS. PETRUS: circum scriptum legitur; in medio: ROMA.

Sed Caroli effigiem nunquam, ejus vero nomen in solis aureis suis nummis aliquandiu (ut Herchempertus aiebat) figurari, Grimoaldo placuit. Mox verò contemnendam hanc legem sibi duxit, quæ una supererat in ejus subjectionis argumentum, quam Beneventanus Prin- cept Regi Carolo profiteri videbatur. Superfites adhuc habemus, damusque heic spectan- dos alios itidem aureos Grimoaldi nummos, quos ipse paullo post priores, sine ulla prorsus Caroli mentione cudendos curavit:



Majorum ex Angelo Breventano edidit Muratorius: Minor nunc primum in lucem prodit; Ac in antica majoris facie eadem, quæ in prioribus nummis, Grimoaldi imago expressa est, iidemque literis solitarium ejus nomen inscriptum: In postica vero idem quoque exurgit Stemma Crucigerum, eademque adjacentia figla S. R. hinc inde signantur: At hac Epigraphe Nummus

(1) In Dissert. De inferioris ævi, seu imperii nu- mismaticis num. LXXIII. Cur (inquit) Gothicorum Re- gum Italiae, qui sub Anastasio, utroque Justino, & Ju- stiniano floruerunt, Nummos, qui supersunt, aut quos videre contigit, eorundem Augustorum Nummis subje- cimus, jurat Latorum admonere: Ea vero potissimum causa fuit, quod horum plerique Augustorum effigies, & nomina, præferant, in averfa vero parte Regum illo- rum exarata nomina, & titulos, quod Byzantinis Prin- cipibus quodammodo obnoxii, hac Italiani conditione pos- siderent, ut ipsas tanquam supremos Dominos agnosce- rent, monetamque eorum imagine cuderent, nominibus suis iidem tantummodo inscriptis. Ejusmodi Gothico- rum nummorum ædypa ad Theodoricum, Athalaricum, Theododatum, Witigem, ac Baduelam spectan- tia exhibet idem Cangius in *Familiiis Augustis Byzanti- nis* pag. 43. edit. Paris. & inter Script. Hist. Byzant. tom. XXI. pag. 76. edit. Venet. 1729.

(2) Inter Nummos Ravennates a Cl. Murat. editos d. Dissert. XXVII. num. 1. pag. 581. Sub Justiniano

tantum a Gothici Regibus eos percussos nummos pu- tavit Muratorius, qui, an Theodoricus ei legi se sub- mitteret, ignotum sibi esse ait l. l. pag. 578. sed & sub Anastasio, ac utroque Justino percussos accuratior ob- servavit Cangius, cujus verba in superiore nota recita- vi, & Theodoricus nummum profert in d. opere *Fami- liarum Byzantinorum* dd. pp. 93. & 76.

(3) De bell. Goth. lib. III. pag. 389. edit. Basilæ an. 1576. vide etiam Barnab. Brissonium de *Regno Pes- sarum* lib. II. num. 245. Rem ipsam spectandam offe- runt extantes adhuc eorundem Regum Francorum, aurei Nummi, idest Theodoberti, Gholiderici, & Chlo- tarii, quos exhibet Cangius in *Familiiis Byzantinis* pag. 74. edit. Paris. & pag. 77. tom. XXI. Historie. By- zant.

(4) Iterum cum aliis Pontificis nummis editus est a Muratorio l. l. num. 17. pag. 555. attritas literas Vi- gnolias supplevit. CAROLO R. LEO PP. Sed Caroli duotaxat nomen ibi inscriptum Muratorius contendit.

Nummus circumferitur . VICTOR . PRINCI. idest *Victoria Principum*; vel potius *Principis*; ut se ipsam Grimoaldus indicaret, qui excusso Francorum iugo supremi sui juris compos, victorque evasisset: subtus vero CONOB. habet, formulam nempe illam nummariam, quam *Criticorum Crucem* Heumannus appellat (1).

At violatam à Grimoaldo promissorum omnium fidem, jam demum ulciscendam sibi Carolus duxit: sed ad annum usque dccc. eam rem moratus, non modo difficiliorem sibi effecit, sed planè irritò conatu susceptam expertus est: Annus enim tum duodecimus vertebatur, ex quo Grimoaldus Principatu potitus, pares animos, quos ab Arichi genitore acceperat, amplius erexit, confirmatisque interim viribus adversus Francorum motus, oppugnationesque se validius communiverat. Ac prædictum quidem annum ex solis Bertinianis Annalibus scimus, qui post alia, quæ Carolus Romæ præsens eodem anno dccc. gesserat, missa iterum in Beneventanos expeditione cum Pippino Filio suo, ipsum post Pascha à Roma digressum Spoletium, hinc Papiam venisse narrant. Iterata autem ea expeditio dicitur, non quod altera adversus eundem Grimoaldum præcessisse memoretur, sed quia primam illam subsequuta est, quam olim ipsemet Carolus contra Arichim initio susceperat. Quis autem fuerit ejus Pippinianæ expeditionis exitus, sequenti anno dccc. iidem Annales produnt: Ortonam Civitatem in Italia in ditionem acceptam: Luceriam quoque frequenti obsidione fatigatam Regis in ditionem venisse, præsidiumque nostrorum (idest Francorum) in ea positum: At paulo post, Grimoaldum in Luceria Winigisum Comitem Spoletii, qui præsidio præerat, adversa valetudine fatigatum obsedisse, & in ditionem accepisse, capiumque honorifice habuisse subdunt. Hæc pauca ex laudatis habemus Annalibus, qui subinde de Beneventanis rebus omnino silent, diù etiam post Grimoaldi obitum, scilicet usque ad Annum dcccxiv., qui simul Caroli emortualis, Piiq; Ludovici ejus filii successorisque primus numerari cœpit.

Non ita quidem Erchempertus, cujus fidem diligentiamque tum in aliis rebus superius observatis, tum in iis, quæ sub Grimoaldo cum Francis evenere, uberiùs prodidisse nunc licebit. Atque is quidem in ea expeditione, quam Carolus, Pippino Duce in Beneventanos motus fuit, nihil earum rerum dissimulavit, quas feliciter a Francis gestas laudati Annales indicarunt; quædam etiam addidit, quæ commemorasse operæ pretium erit: Nam non Ortonam tantum, sed Theatesum quoque Urbes a Francis expugnatas narrat, necnon Luceriam, quæ celeriter à præfuo Grimoalt acquisita est, apprehenso in ea Guinichiso Duce Spoletensium cum omnibus bellatoribus inibi repertis. Quid deinceps ab dicto Anno dccc. novarum rerum inter Francos Beneventanosque acciderit, narrare sic pergit: „Frequenter autem Karlus cum cunctis liberis, quos jam Reges constituerat, & cum immenso bellatorum agmine Beneventum præliaturus aggreditur: Sed Deo decertante pro nobis, sub cuius adhuc regimine fovebamur, innumerabilibus de suis peste perditis, cum paucis, nonnunquam inglorius revertebatur: Unde factum est, ut Pippino regnante in Ticino, & Grimoalt in Benevento præsidente, frequentissimum bellum vexarit Beneventanos, itaut nec ad momentum pax interfuerit illis viventibus: Erant enim utrique juvenili ætate, & ad concertationes, & bella declivi: Pippinus autem multorum præsidio bellatorum jugi continuoque prælio exagitabat eum: Grimoalt verò, & Civitatibus munitis, & Primoribus quamplurimis conspatus, parvipendens, ac despectu ducens illius persequutionem in nullo cedebat ei: Agebat itaque per legatos suos Pippinus: Volo quidem, & ita potenter disponere conor, ut sicuti Arichis genitor illius subiectus fuit quondam Desiderio Regi Italie, ita sit mihi & Grimoalt. Quibus è contrario Grimoalt asserebat. „

Liber, & ingenuus sum natus utroque Parente:
Semper ero liber, credo, tuente Deo (2).

Atque ex his certò noscimus, quibus iuribus Carolus, ejusque Filius Pippinus Beneventanum Ducatum sibi subjiciendum contendebant: Ad Italicum Regnum, quod Rege Desiderio debellato, in suam ditionem Carolus redegerat, suoque filio Pippino administrandum concefferat, Beneventanos pertinere persuasum sibi fecerat; eos suo quidem Duce regendos, qui tamen Regiæ Potestati obnoxii cum universo populo omnia, quæ Supremo

ALTER

X

Domi-

(1) In Sylloge Dissertationum tom. I. part. III. cui Titulus: De Cruce Criticorum nummarii CONOB. Göttingæ 1743.

(2) Hist. num. v. & vi. Inter Opp. Peregrin. to. I. pag. 83. seq.

Domino debebantur, obsequia præberet. Non id Beneventanis, seu Cistiberinis Longobardis novum videri deberet, neque ægre accipiendum esset, si Carolo, qui Rex Longobardorum a reliqua Italia salutatus, agnitusque fuerat, ea præstarent, quæ decessoribus Regibus suis exhibere consueverant; at contra Grimoaldus, extincto in Transiberina Italia Longobardico Regno, Beneventanos, eorumque Ducem veteri obsequio solutos, quo erga naturales Dominos obstringebantur, eodem certè naturæ jure atque ordine, sese in libertatem vindicasse existimabat: Hinc ritè, rectèque Arichim genitorem se in Principis nomen, ac majestatem erexisse, quæ Filio legitime possidenda, justè defendenda reliquisset: non eadem præsentis Regni esse jura: alios Longobardos, qui Italiam a bis centum, & amplius annis Romano Imperio ablatam, Imperatorum sive permissu, sive patientia, Populorum certè diuturno consensu subditam sibi habuissent: alios reputandos Francos, qui Regionem suam ejusdem Rom. Imperii olim prædam sibi adepti, finibus suis contenti esse deberent: Cedendum Desiderio fuisse, cujus tuendo Regno non justæ rationes, sed pares vires defuissent: Desiderio captivo, Adelgisio extorreo, adhuc Adelpergam Regiam sobolem, Beneventi vigere, quæ in Principem Familiæ, susceptoque liberis Regia simul jura post Patris, Fratrisque occasu servanda contulisset: Quas Carolus Grimoaldo subjectionis leges sanxisset, tam impune contemnendas, quàm coactè obsidi imperatas: Quod si viribus reputanda causa esset, Beneventanas Provincias, incolumes adhuc Longobardici Regni velut reliquias, non Hostibus cessuras, nisi eadem vi subegissent: Experiendum itaque Beneventanis, si modo iniustis Francorum armis petiti, Principatum, ac Libertatem propugnare valuissent. Uter melioribus uteretur juribus, Carolus ne, qui regiam imponere dominationem, an Grimoaldus, qui detractare nitebatur, aliis judicandum relinquimus: Dum vero rei eventum spectemus, melior certe Grimoaldi, Beneventanorumque causa effecta est, postquam propulsatis Francis, quæsitam olim Libertatem, ac Principatum sibi confirmarunt.

Præclarissimè igitur de Beneventano Principatu Grimoaldus promeruit, itaut rei monumentum ejus Epitaphio commendatum hisce verbis ad posteritatem transmissum fuerit.

*Pervulit adversus Francorum sæpe phalangas;
Salvavit Patriam sed, Benevento, tuam.
Sed quid plura feram? Gallorum fortia Regna
Non valere hujus subdere Colla sibi (1).*

Sed haud diù Beneventanis datum tanto Principe frui, qui *mire fortitudinis Vir, consilio cæsus, corde denique capax, & promptus ad omne bonum* ab Anonymo Salernitano deprecatur (2). Post exactos Principatus annos XIX. mens. VI. vitæ vero annos XLVII. post Juniumensem Anni DCCCXVIII. defunctus est (3). Tristius illud Beneventanis accessit, nullam defuncto Principi superstitem extitisse sobolem: expositus itaque alienæ ambitioni Principatus, robore suo deficere, hostibus vero Francis vires additurus videbatur. Godefridum.

Bene-

(1) Inter Opp. Peregr. tom. XII. pag. 308.

(2) Chronic. cap. xxvi.

(3) Annum vitæ septimum. & quadragesimum Grimoaldus vix excessit, ut ex ejus Epitaphii versu 39. colligi potest, cujus lacuna apud Muratorium adhuc extans tom. II. part. 1. Script. Ital. pag. 311. ex MSS. exemplaribus, ita suppleta est. VIXISTI SEPTEM bis ultra viceſimus anno: Vid. Anonym. Salern. inter Opp. Peregr. tom. II. pag. 84. In numerandis autem Principatus annis, Chronologi S. Sophiæ, Anonymique Salernitani testimonium sequi malui, quorum fidem, ac consensum in aliis quoque probatam habui. Chronologus Cavenſis menses duos addit. Tom. V. opp. Peregr. p. 7. Chronologus Salernitanus integros XX. annos attribuit ibid. pag. 33. amboque à prioribus non magnopere discedunt: alter enim Menses VIII. Librarii, vel Typographi oſcitantia, pro mensibus VI. habere videtur: Alter vero rotundo usus est numero. Discrepat vero Chronicon Ducum, & Principum Beneventi, & Salerni ibid. pag. 16. ubi nescias, an XVII. anni, vel XVII. Grimoaldo tribuendi sint; priorem enim numerum exhibet Chronicon, posteriorem in no-

ta (4) habet editor Pratillus, qui ad XIX. producendos censet, sed menses X. superaddit, quos in *Stemmata* tantum V. inscripſit, ut jam videas Pratilli arbitrio, seu inconstantia menses reliſtos: Sed ut jam dixi à Chronologi Sophiani, Anonymique Salernitani fide, discessisse nefas erit, quorum in enumerandis Principatus Grimoaldi annis XIX. mensibusque VI. consensum habemus. Ad emortualem vero annum quod attinet neminem decipere debuit inscriptus Grimoaldi Epitaphio titulus in hæc verba. *Tumulur Grimoaldi Principis Beneventi, filii Principis Arichi, qui obiit Anno DCCCXI.* Ipse enim (uti rectè animadvertit Pagius ad an. 806. num. 10.) è Peregrini manu est, qui nulum ab Arichis morte ad susceptum Grimoaldi Principatum intervallum agnoscens, in eum errorem incidit: Sed ut alia omittam ab aliis observata, ex Grimoaldi Charta superius relata, quæ anno secundo Principatus, ac Indictione XII. Junioque mense signata est, idest anno DCCCX., computatis Principatus an. IX. mens. VI. nonnisi post mensem Junium Anni DCCCXVII. cum obiisse certè constat.

Beneventani Principis Grimoaldi filium aliquando extitisse scimus ex illius Tumulo, qui olim in Ecclesia S. Sophiæ legebatur (1); at, eodem docente nos Tumulo,

Felices illo Genitor, Genetrixque fuissent.

Si concessa illi vita, salusque foret.

Sed neque hujus, de quo nunc agimus, Grimoaldi filium eum fuisse crediderim, sed potius ex altero Grimoaldo natum, qui illius successor ex Theaurarii munere ad Principatum conscendit; uti sequenti Capite dicemus. Certe decessorem Principem Grimoaldum Arichis filium post ejus è Galliis reditum cum Constantinopolitani Augusti nepte Wantia matrimonio junctum fuisse Erchempertus testatur, sed non modo nullam ex illa excepisse fobolem, quin maxime invisam ad suos abjecisse addit. *Hac etiam tempestate idem Grimoaldus neptem Augusti Argivorum in conjugem sumpsit nomine Wantiam, sed nescitur, quam ob rem ad fructum minime pervenit. In tantum enim odium primus eorum avidus erupit amor, ut sumpta occasione Francorum circumquaque se impugnantium, more Hebraico sponte eam a se sequestravit, & dato ei libello repudii, ad proprias lares eam vi transjecerit. Hoc quidem licet callide egerit, feritatem tamen supradictarum Barbararum Gentium minime quietavit (2). Ex uno igitur Erchemperto scimus, ex Byzantina Augustorum familia mulierem (in cujus tamen Wantia nomine mendum cubare videtur) conjugem Grimoaldo acceptam, eamque Regis Adelgisi avunculi, Adelbergæque Matris operâ, quod arctiore foedere cum Græcis conjungerebatur, redeunti è Galliis Grimoaldo oblatam, verisimile est. Sed in Græcorum partes transire tam abstinuit Grimoaldus, ut illorum potius se hostem declaravit, uti superius dictum est; itaut, vix eam causam ab Erchemperto allatam probari posse videam, ad Francorum scilicet demerendam gratiam, id necesse fuisse Grimoaldo, ut quam ex ea gente conjugem accepisset, ab se repelleret; non enim, uti Græcorum foederatum Grimoaldum, sed tunc temporis promissorum violatorem Franci debellare conabantur: ut nil mirum si ea re feritatem supradictarum Barbararum Gentium minime quietasse Grimoaldus dicatur. Alia igitur debuit esse causa, cur is tantopere Græcam Conjugem abominatus sit: hanc excogitare causam parum refert. Illud nosse satis fuerit, id conjugium ad fructum minime pervenisse, neque alteram posthac à Grimoaldo susceptam conjugem memorari; cui suscipiendæ assidui bellorum motus, vitæque brevitatis impedimento fuisse videntur.*

Sed ex recitatis Erchemperti verbis observare subit, qua is de causa Barbararum Gentium nomine Francos appellaverit. Erunt fortasse, qui absurdi loco id habendum velint, immo ex veteri inter Francos, Longobardosque similitate, satis iniquè, invidiosèque ab Longobardico Scriptore dictum judicabunt: at non ita quidem: Digna autem animadversione res est, de qua sic statuendum arbitror. Si Religionis veritatem, Legumque sanctitatem spectemus, soli quidem Hebræi id sibi jure olim tribuebant, ut cæteras præter se, Gentes Barbaras reputarent, nuncuparentque. Hinc *Barbarus* in Psalmis Ægypti populus vocatur (3), quamvis ea Gens sapientiam excoleret, rebusque sacris, politicisque, suorumque Regum magnificentiâ, potentiâque, quàm maxime floreret: quamobrem satis aptè eloquentissimus Salvanus Urian Ethæum, quia Judæus non erat, in Judæorum licet castris militantem, respectu Davidis Regis, *hominem barbarum* appellavit (4). Sed cum ab Hebræis discedamus, Græcos reperiemus, qui uti Gentes alias omnes moribus, institutis, legibus, scientiis, militia antecellere sibi videbantur, ita illas indiscriminatim Barbaras existimabant (5); Hancque Græcis laudem, Romanorum quamvis rebus suo ævo florentibus, atque ad ipsos scribens Romanos servare visus est Apostolus Paullus, dum ait: *Græcis, & Barbaris, sapientibus, & insipientibus debitor sum* (6): quibus verbis omnes Orbis Terrarum homines sub appellatione Græcorum, & Barbarorum censuisse probatur. Sed jam diù Romani id sibi cum Græcis commune effecerant; donec & ipsi Græcos veluti designati, universos homines inter Romanos duntaxat, cæterosque Barbaros distinguendos voluerunt: certè a M. Antonini ævo id à Romanis affectatum constat, quibus ita blandiebatur Aristides in sua *De Urbe Roma* Oratione: *Non in Græcos amplius, & barbaros, ridicula distinctione, debet genus humanum distinguî, sed*

ALTER

X 2

in

(1) Inter Opp. Peregrinii tom. II. pag. 308.

(2) Hist. cap. v.

(3) Psal. 113. v. 1.

(4) De Gubern. Dei lib. II. cap. IV.

(5) Sic Festus: *Barbari antiquitus omnes Gentes, exceptis Græcis; unde Plautus Nævium Poetam Latinum Barbarum dixit.*

(6) Ad Rom. I. v. 14.

in eos qui Romani, & non Romani essent, distribuita, longissime productio Orbis nomine (1). Amplius vero id obtinuit post Antonini Caracallæ Constitutionem, ab Ulpiano memoratam, qua in Orbe Romano qui sunt, omnes Cives Romani effecti sunt (2). At à vocabuli magnificentia ipsa longè res fuit, dum non ita late Orbis patebat Romanus, ut plurimis adhuc, ac penè innumeris gentibus, vel indomitis, vel etiam ignotis circumdaretur. Hinc & apud Ulpianum ipsum, & sequutos Constantiniani inferioris ævi Scriptores, atque Imperatores perseveravit Barbarorum mentio, ac distinctio (3): nam & Barbaros adesse liquebat: Hos laudatus Salvianus, qui medio sæculo v. florebat, alios Paganos, alios vero Hæreticos distinguens, inter priores, Saxones, Francos, Gepidas, Chunos, Alanos, ceterosque generatim recenset, posteriores Wandalos, Gothosque tantum affirmat (4). Quam divexatus hisce Barbaris, dilaceratusque Orbis Romanus fuerit, notius est, quam ut heic dicatur. De Gothis autem dicere attinet. Ac qui primus ex ea gente post ejusdem Sæculi v. initia in Hispaniis regnavit Athaulphus, quum esset (inquit Paulus Orosius (5)) animo, viribus, ingenioque nimius, ardens inhiabat, ut oblitterato Romano nomine, Romanum omne solum, Gothorum Imperium, & faceret, & vocaret, essetque Gothia, quod Romania fuisset, fieret nunc Athaulphus, quod quondam Cæsar Augustus: sed quod ambitiosius Athaulphus inhiabat, paulo post Theodoricus Italiâ potitus, aliqua ex parte sibi vindicavit; nam Italico Regno sibi confirmato, ita Remp. gessit, ut Romanos, Gothosque communicatis Legibus, Moribus, Magistratibus in unam veluti gentem coalescere fecerit. Sed feliciores, qui post Gothos in Italiam regnarunt, fuerunt Longobardi. Unis enim ipsis illustre, ac singulare contigit, quod ad nostra etiam tempora (quamvis non ita late) servatum est, ut Italia, cujus Domini essent, ex eorum quoque nomine in Longobardiâ appellationem concederet. Magnus ipse Carolus id Regnum adeptus, non Italiâ, sed Longobardorum Rex dici voluit, & tum in suis Capitularibus, se Missos in Aquitaniam, & Longobardiâ direxisse inquit, tum in suo Testamento Italiam nominans, mox addit: quæ & Longobardia dicitur (6).

Hæc itaque omnia si simul spectentur jam illud evincunt, vetustam Romani nominis dignitatem apud duos pene populos duntaxat servatam; præcipue quidem apud Græcos, qui cum Romani Imperii sede, jurium quoque omnium continuatam successionem retinebant: tum vero apud Longobardos, qui post postremum occidentalem Imperatorem Augustulum, postque breve Gothorum regnum, cum ipso Italiæ regno, primæva Romani olim Imperii sede, in ejusdem quoque jura ita sese invexerunt; ut & Domini diuturnitate, & aliarum rerum felicitate communem cum Græcis prærogativam sortirentur, cæteros nempe extra se populos Barbaros nuncupandi. Non injuriosus igitur Francis Herchempertus fuit, quorum etiam mores, resque omnes sub postremis primæ Prosapie Regibus in deteriorem statum collapsas, vix tum Carolus reparare satagebat; ut jam nec absurdum, neque mirum videri queat, si barbararum Gentium nomine Francos notaverit; hæc suæ quidem gentis sententia tum erat, quæ a duobus jam lapsis sæculis barbariem suam exuerat, at jam diu in Italia Patriam sibi, atque Imperium ita constituerat, ut prisca quæcumque veterum Romanorum decora atque jura ritè sibi vindicasse videretur. Hinc dum, everso Longobardico Regno, ad Beneventanum denique Longobardicum Principatum conterendum Franci incumberent, injusta simulque ingloria illorum arma caussari pergit Herchempertus, Deo, inquit, decertante pro nobis (Longobardis), sub cujus adhuc regimine vivebamus.

Neque

(1) Orat. in Romanos tom. 1. pag. 374. vid. Ezech. Spanhem. Orbis Rom. Exercit. 11. cap. 6.

(2) Ulpianus in Leg. xvii. Dig. De statu Hominum. Vetustum hoc, atque ab ipsa Romanorum Origine institutum, Romanorum suorum incrementis utilissimum, summis laudibus efferunt Scriptores; sic Imperator Claudius apud Tacit. Annal. xi. 24. 6. Conditor noster Romulus tantum sapientia valuit, ut plerisque populos eadem die hostes, dein Cives haberet. Hinc ante Antonini Constitutionem Romæ Patria communis appellatur a Seneca ad Helv. cap. vi. & cunctarum in toto orbe gentium Patria dicitur à Plinio lib. 11. cap. 5. & ad ipsam Romanam Ratil. Numatianus Itiner. lib. 1. v. 63. hæc satis eleganter habet.

Fecisti Patriam diversis gentibus unam:
Profuit injussis, te dominante, capi.

Dumque offers viliis proprii consortia juvis,
Urtem fecisti, quod prius Orbis erat.

(3) Ulpianus in Leg. 6. Dig. de Bonis Damnat. Leg. 1. Cod. Quæ res vendi non possunt. Leg. 2. Cod. quæ res expell. &c.

(4) De Gubernat. Dei lib. xv. cap. 14. Barbari, inquit, aut Pagani sunt, aut Hæretici: ut de paganis, quia prior illorum error est, dicam, Gens Saxonum fera est, Francorum infidelis, Gepidarum inhumana, Chunorum impudica, omnium denique Gentium barbararum vita vitiositas. Tum lib. v. cap. 11. de Barbaris Hæreticis agens, omnes (inquit) isti aut Wandalis sunt, aut Gothi.

(5) Hist. Lib. vii. pag. 512. edit. Colonizæ an. 1542.

(6) Apud Murator. Scriptor. Ital. tom. 1. pag. 115. cap. 11.

Neque profecto Beneventanus Principatus, dum adhuc stare, eâ prægativâ excidisse debuit, quam olim cum Longobardico Regno communem habuit. Non enim Transiberinæ duntaxat Italiæ contigit, ut Longobardia vocaretur; sed cum ipsa Longobardorum dominatione in Cistiberinam quoque id nomen sese effudit, quasi interjectâ, communi Religionis Capite, ac Sede, Urbe Roma, una ipsa hinc inde Italia eadem gente, iisdemque Dominis pari jure, ac majestate regenda demonstraretur. Factum inde fuit, ut utraque Italia in majorem, minoremque Longobardiam distingueretur: ac illa quidem *Major* dicebatur, quæ Regio titulo ac jure, amplioribusque finibus insignis, ab Alpibus in subjacentem Italiam progrediens, in Cispadanam, & Traspadanam dividebatur; sic Joannem Saccellarium ab Augusta Irene in Longobardiam missum una cum Adalgiso dudum majoris Longobardia Rege tradunt Auctor Historiæ Miscellæ lib. 23., & Theophanes in Chronographia; Minor autem Longobardia ea habebatur, quæ Ducatum Beneventanum, ejusque appendices continebat (1). Ac minor quidem alteri comparata, etsi ipsa non una re quoque maxima: quemadmodum enim Longobardiæ majoris Reges suis in Diplomatis, seipsos Dominos excellentissimos Reges Gentis Longobardorum appellabant; haud secus Longobardiæ minoris Dynastæ, summos, eximios, gloriosissimos Duces, seu Principes Gentis Longobardorum se ipsos in suis Chartis inscribebant; palam eo titulo demonstrantes, quemadmodum Reges Ticini, ita ipsos Beneventi sedentes quædam unius juris potestatisque in universam Longobardicam Gentem consortia retinere. Hinc satis aptè Anonymus Salernitanus in eo Carmine, quo Pandulfi Caputferrei laudes exequitur, Beneventanam Urbem Ticinum geminum appellat: *Mibi enim* (Peregrinii verba usurp.) *carmine illo*:

Ticinum geminum, eben viduata manes.

non aliud sonat, nisi Beneventum, quod plane fuit alterum Ticinum, sicuti ejus ditio pariter dicta est Longobardia, tum aliis (uti Chonographo Vulturicensi ad An. CMXXVI. Lupo Protospatæ ad An. MXXXI. I.) tum Græcis præsertim Scriptoribus, Constantino Porphyrogenito de Admin. Imperii Cap. XXIX. & Cedreno pluribus in locis (2). Si denique Beneventani Principatus fines spectemus, nihil augustius desiderari poterat. Censuram se tulisse queritur idem Peregrinus, quod priori Operis sui parti Titulum, etiamnum extantem, inscripserit, quo antiqua aliquot exhibere opuscula indicat *De Rebus Longobardorum Beneventanæ olim Provinciæ, quæ modo Regnum fere est Neapolitanum*. Occasionem doctissimo Viro censuræ iniquitas fecit, ut rem ipsam, quam meditate pronuntiaverat, editis de eo argumento quatuor Dissertationibus comprobaret; sic ad lectorem præfatus. *At in ipsius Operis limine perquam deformiter me offendisse, vanaque jactantia, atque ut autumant, assentandi studio, angustos terminos antiquæ Provinciæ, seu Ducatus Beneventani, quem cum Carolo Sigonio de Regno Ital. lib. 7. persuasum habent, antiquo ferme Samnio inclusum, finibus præstantissimi hujus Regni Neapolitani æquiparasse: hoc sane exploratissima scientia, maturaque observatione quum pronuntiaverim, nullo æquanimitate animo ferre possum: & qui meus in Beneventanos Civis amor, apud quos antehac ne notus quidem fuero, valuisse immeritam Gentis laudem impellere, ut adscriberem? &c.* (3). Debent id ita quæ Peregrinio Beneventani, ut facili alioqui negotio pertractandam, peractam accuratissime causam habeant: Uno verbo, si Hydruntum, atque aliquot inferioris Calabria littorales Urbes adhuc Græcis Imperatoribus subditas excipias, ac præterea cum Amalphi, Cajetaque Neapolim,

(1) Post Camillum Peregrinium, idem certum statuunt VV. CC. Muratorius in Antiqu. Med. xvi. Dissert. 11. tom. 1. pag. 72. atque Alesmanus Script. Hist. Ital. tom. 1. pag. 25.

(2) In Præfat. ad Hist. Anonym. Salernit. tom. 11. Opp. pag. 22. & inter Script. Ital. Murator. tom. 11. part. 1. pag. 285. Anonymi Carmen habes d. tom. 11. pag. 317. & apud Muratorium pag. 306. Peregrinii interpretationem (res enim ipsa clarissima per seipsam vociferatur) comprobat Muratorius l. l. nec non Cl. Alesmanus Ital. Hist. Script. tom. 1. pag. 28. Solus diffinit Peregrinii editor Pratillus, qui in Prolusione ad Pauli Diaconi scripta tom. 1. p. LXXI. *Ticinum geminum* tum de Benevento, tum de Spoleto intelligendum contendit, propterea quod Spoletini Duces ex eadem Longobardica Gente vix Beneventanis Principi-

bus inferiores reputandi essent. Beneventum quidem (inquit) illius Dynastiæ Principes Ticinum appellari expetebant, ut Longobardorum Regum majestatem adflecterent; quod utique non minus Spoletensium Duces eodem pacto exoptare poterant: Si res ex desiderio metiendæ forent, ipsi Longobardorum Galtaldi eadem exoptare poterant. At Beneventani Principes votis, faciliæ ad id fastidium revera pervenerant. Quid vero Spoletum cum Pandulfo (quem nunc Pandulfum, nunc Landulfum ibidem Pratillus scribit) huius enim is Longobardus Princeps, qui ut Peregrinus ait l. l. divisum olim in partes Principatum Beneventanum solus possedit; ad quem Principatum nunquam Spoletini pertinuerit, quos, invito prorsus Anonymo, Pratillus satis importunè in hanc Scenam produxit.

(3) Tom. v. Opp. pag. 193.

polim, Longobardis tamen aliquando vectigalem, sive *Tributariam*, Italia omnis Cistiberina, qua se late longeque inter utrumque mare à Romanorum finibus ad Fretum usque Siculum protendebatur, in plures distributa Provincias ad unum (uti in Dissert. II. à nobis uberrimè demonstratum est) pertinebat Longobardicum Principatum, cujus Sedes augusta fuit, atque ipsa (ut cum Paulo Diacono loquar) *harum Provinciarum Caput ditissimum Beneventum* (1).

Atque hic quidem Beneventani Principatus fuit status, quem unius Arichis magnanimitate, prudentia, religione, ad summum rerum omnium fastigium, ac felicitatem provectum, atque constitutum Grimoaldi Filii fortitudo incolumem servavit confirmavitque. Quæ posthac ejusdem Principatus fata esse coeperint, sequenti Capite observabimus.

CAPUT III.

Principis Grimoaldi I. Grimoaldus II. Thesaurarius, & Successor. Ipsius Gestis, ac varia apud Scriptores Nominis fama. Nummus argenteus ejusdem Principis Monogrammate insignis:

Cujus occasione de Longobardorum Principum Monogrammatibus, quæ in subscribendis Diplomatis adhibebant; accuratius agitur: ac quæ autographa quæque spectabiliora supersunt adhuc Diplomata, carptim illustrantur: ipsius denique Grimoaldi II. Nummus copiosè explicatur.

Grimoaldus Princeps cognominem habuit successorem, qui Quartus Grimoaldus, si cum Ducibus conferatur, inter sequutos vero Principes Secundus eo nomine censeretur debet. Is suscepta Principatus administratione jus quoque cudentæ Monetæ, quo Decessor posteriori tempore in supremi Domini argumentum usus fuit, nullo videlicet, nisi suo inscripto nomine, prosequutus est. En hujus Principis Nummum argenteum, apud me servatum, ubi ejus nomen Monogrammate expressum est: quæ mihi causa fuit, ut huic potius, quàm priori Grimoaldo Nummum adscriberem, qui in aureis suis, quos superiori Capite spectavimus, nullo unquam Monogrammate usus, nomen ipse suum extensis literis inscribere consueverat.



Antea verò quàm ejusdem Nummi explicatio institueretur, præstat de ipsius Principis Successione, rebusque gestis præclariora observasse.

An is ad Arichis, Grimoaldique Familiam pertinuerit, non omnino certa res est. Unum enim reperio Chronographum Vulturensem, qui Beneventanorum Principum seriem sic texere exorditur. *Defuncto Arichi, Beneventanorum precibus Grimoaldus à Carolo receptus revocatur; Grimoaldo vero mortuo, alter Grimoaldus Exadelfus ei succedit* (2). Grimoaldus igitur prioris Successor simul, atque Exadelfus appellatur, quo quidem græco vocabulo tum Fratris, tum etiam Sororis Filium sequior ætas æquè vocitare consuebat (3). Non is vero ex Romualdo, priore Arichis filio, genitus esse potuit, dum nullum illius conjugium, mortuum verò, vivente adhuc Patre fuisse scimus. An vero Theoradam, aut Adelgisam Matrem habuit, quas Arichis Filias, Grimoaldique Sorores accepimus? Veri quidem id simile non abnuerim, si Chronographi testimonium præclariùs se haberet, nec is aliorum silentio, aut etiam contrariâ sententiâ, testimonio suo decidere videretur.

Tutius itaque illud affirmaverim, ad Arichis, Grimoaldique Aulam potius, quàm ad Familiam hunc Grimoaldum pertinuisse. Ex Longobardica Beneventanorum Gente, atque illustri Genere *Udricum* parentem habuit, atque ex gesto in Principis Aula munere *Storejayz* cognov-

(1) De Gest. Long. lib. II. cap. XX.

(2) Chron. lib. III. apud Murat. Scriptor. Ital. t. I. part. II. pag. 401.

(3) Sic apud Julium Africanum lib. VI. Hist. Apost. Et accepit Hyrtacus Exadelfus imperium ejus. Sanctus

autem Petrus Damiani lib. VI. epist. 29. Idem qui supra meus Exadelfus dicitur, quem paulo ante Sororis suæ filium disertè dixerat. In eandem rem hunc, quem perpendimus, Chronographi Vulturensis locum citat Can-
gus, quem vide.

cognomen apud posteros nactus est; quod quidem vocabulum, si Anonymo Salernitano fides, lingua *Theodisca*, qua olim Longobardi utebantur, illius munus designat, qui ante obtutum Principum seu Regum milites hinc inde sedendo praordinat (1). Erchempertus vero differt *Theaurarium* appellat (2), nec aliter Leo Ostiensis, qui veteri *Theaurarii* cognomine à decessore Grimoaldo illum distinguit in Chron. Cassin. lib. I. cap. 17. Erant (inquit Cl. Muratorius (3)) Principibus Beneventanis Dignitates quadam Palatine, quarum nomina, aut à Latinorum, aut à Graecorum Imperatorum Aula mutuati fuerunt, uti Comitatus Palatii, Protospatarii, Gastaldi, Topotarii, Portarii, *Theaurarii*, Referendarii, *Actionarii*, Vestiarii, vel Vestiararii, Vicedomini, Pincernae, Bassici, Candidati, Strazigi, aliaque ejusmodi munera: ita ipsi quoque Italiae Principes jam tum cum Regibus magnificentia certabant. Adde his Comites *Stabuli* Anonymo Salernitano cap. xxxiii. memoratos, alioque jam plures mox recensendos. Sed non id de Beneventanis Principibus mirum, aut insolens Muratorio videri debuit, qui Regia jura omnia, insignia, majestatem ab illis sub eo nomine usurpata jam noverat. Id potius observatione dignum, etiam ante Principatus institutionem sub prioribus Beneventanis Ducibus, eas Dignitates, atque officia extitisse, ut exinde, quæ olim ejusdem Ducatus præstantia fuerit, præclarum quoque habeamus argumentum. Paulo post Ducatus institutionem Beneventani Ducis Arichis *Actionarios* in Brutiorum partibus constitutos meminit S. Gregorius in Epistola ad eundem Ducem scripta (4). In aliorum Ducum Diplomatis, quæ Chronographus S. Sophiae nobis servavit, occurrunt itidem non solum *Actionarii*, Referendarii, Vicedomini, Comites nostri, Vestiararii, Gastaldi, verum etiam *Stolefi*, seu *Stolefi*, aut *Stolefarii*, Sartarii, *Marepales* (5), alique aliis nominibus distincti, in quibus appellandis non Latinâ tantum, Græcâque, sed etiam *Teodisca*, seu *Teutonica*, idest gentilitiâ linguâ utebantur, ut in ipso *Theaurarii* vocabulo mos fuit, quem *Storefayz* nuncupabant (6). Ac nisi illud idem sit, ac *Stolezaz* in Diplomate Arichis (de quo in superiori nota egimus) memoratus, in aliis certè five Ducum, five Principum Beneventanorum Chartis frequens *Theaurarii*, dignitatis nempe Palatinæ mentio est, latino sermone usurpata (7): quam quidem Dignitatem Beneventani Principes Constantinopolitanos Imperatores æmulati in sua quoque Aula institutam voluerunt. Apud Græcos enim Augustos *Theaurarii* erant; custodiendis, administrandis, erogandisque Regiis *Theauris* peculiari munere delecti (8), qui & *Theaurorum* Comites dicebantur (9), alioque inferiores Officiales habebant *Theaurenses* appellatos (10). Quanti in Beneventana Aula ea Dignitas haberetur, ex eo conjectare licet, quod qui illaungeretur Grimoaldus, proximo veluti gradu ad Principatum conscendit; spectabiliorem certe is effecit; nam ejus exemplo post Principis Sicardi obitum Radelchis ejus *Theaurarius* etiam in Principatu successor evasit, ut inferius dicemus.

Non solum autem *Theaurarii* munus ad obtinendum Principatum, Grimoaldo gradus fuit, verum etiam, ut ad id perveniret fastigium, bellica virtute jamdiu etiam is viam sibi straverat. Sub decessore enim Grimoaldo egregiam navavit operam, cujus illud nobis exemplum memoratum voluit Anonymus Salernitanus, castra videlicet Regis Pippini Beneventum

(1) In Chron. cap. xxxiii.

(2) Cap. vii.

(3) Antiq. Med. Ævi tom. I. Dissert. IV. pag. 123.

(4) Lib. xii. epist. xxi. al. xiv.

(5) In charta Ducis Liutprandi pag. 460. ejusdem, & Scannipergæ p. 465. Gisleh. ibid. Godefrid. p. 467. Romualdi pag. 468. &c. Apud Ughellum Ital. Sac. in Append. tom. x. edit. Venet.

(6) Inter Regis Rotharis Leges cap. Cl. (edit. Muratorii tom. II. Script. Ital. pag. 26.) sic legitur. Si quis molinum alterius scapollaverit . . . componat solidos xx. in Palatio Regis diffidibus autorizat. Muratorius notat in Cod. Etsense legi: diffidibus ab asolifaz. In Cod. Cathedr. Mutinensi: asolifaz, ac subdit. Germanica lingua peritis divinare heic, & verba restitueri licet. Sed jam diu de hoc vocabulo egerat Cagnius in Glossario, citatque eandem Rotharis legem cum hac lectione: diffidibus ab stolizaz. quam retinendam præ aliis variantibus a Spelmanno indicatis monet; ac comprobat ex charta Arichis in eodem Chronico S. Sophiae (pag. 66.) Concessimus nos Dominus Vir gloriosissimus

Arichis summus Dux Gentis Longobardorum per regem Griferisfi Stolezari nostri &c. vocabulum autem sic interpretatur. Stolezaz Magistratus apud Longob. Glos. Stolezaz idest Missus Regis. Glosse alie: ab Stolezaz, ab eo, qui panem ministrat; sed videtur legendum pacem. An vero idem fuerit Stolezaz, ac Storefayz, non certò liquet: affinita certè vocabula sunt, in quibus tot vidimus variantes lectiones, ac significationes; nam & ipsum Storefayz aliud Anonymo Salernitano est, aliud Erchemperto, cujus tamen interpretationem sequi maluimus.

(7) In Charta Godefrid. pag. 460. Radelchis p. 463. ejusdem pag. 469. Apud eund. Ughellum I. I.

(8) In Cod. Just. lib. x. leg. I. De Canone Largitionum Titulorum.

(9) Ibid. lib. xii. leg. c. De Palatin. Sac. largit. & in Cod. Theod. leg. 14. De diversis officiis.

(10) In eadem lege & d. leg. 2. Cod. Just. lib. xii. Ammianus lib. xxi. meminit Ursuli, qui datis literis ad eum, qui Gallicanos tuebatur *Thesauros*, quicquid posceret *Cæsar*, iussu dari.

tum oppugnantis illum cum suis sodalibus, necessariisque noctu pervasisse, illatâque Francorum copiis ingenti clade, spem omnem debellandorum Beneventanorum Pippino sustulisse; unde maximis tunc muneribus à Grimoaldo donatus, eodem postea sine filiis defuncto, hac de re pervenit ad Principalem Dignitatem (1). Et sane ejusmodi Viro, qui Principatum simul administraret, ac tueretur, opus erat, dum Grimoaldo defuncto, iterum à Francis in Beneventanos expeditiones pararentur. Revera Francos, arma adversus Beneventanos rursus movisse ex uno eodem Anonymo scimus, qui ob Tributi onus, quod Franci postulerent, à Grimoaldo detrectatum, commisso prælio victoriam Beneventanis cessisse narrat, qui effugatis Francis magno tripudio revertentes cuncti lati manebant.... & exultabant, & non erant, qui exterrent eos (2).

Unum dixi ejus rei testem Anonymum adesse; nam nulla expeditionis, præliique mentio apud Annales Bertinianos, nulla adhuc apud Erchempertum occurrit: Ac Bertiniani quidem Annales ad Annum dcccxi. quinquennio videlicet post fulceptum à Grimoaldo Principatum, missum a Carolo in Italiam Bernardum, filium Pippini, Nepotem suum narrant propter famam Classis, quæ de Africa, & de Hispania ad vastandam Italiam ventura dicebatur: quo negotio feliciter expedito, statim hæc subdunt: Item pax cum Abulaz Rege Saracenorum facta; item cum Duce Beneventanorum Grimoaldo, & tributi nomine xxv. millia solidorum auri à Beneventanis soluta. Tum ad Annum dcccxiv. qui emortualis Caroli fuit, Ludovicum in Franciæ Regno successisse tradunt, qui Bernardum Italiæ Regem Nepotem suum ad se evocatum muneribus donatum ad Regnum remisit. Cum Grimoaldo Beneventanorum Duce pactum fecit, atque firmavit, eo modo quo & Pater: scilicet ut Beneventani tributum singulis annis septem millia solidorum darent (3). At non solum Anonymo, qui Tributum à Beneventanis victoribus, aut pensitatum, aut promissum omnino inficiatur, sed sibi quoque ipsis adversari Annales videntur, qui prius xxv. paullopost vii. millia solidorum soluta, aut statuta Tributi nomine asserunt; nec tamen posteriora illa vii. millia antiquiora fuisse constat, neque Ludovici constituisse intererat, sed potius Bernardi Italiæ Regis, qui, uti nuper Pippinus ejus Genitor, cum priore Grimoaldo contendebat, ita ipse eodem nomine, ac jure posteriorem Grimoaldum habere subditum debuisset.

Quid vero Erchempertus? Anonymo & ipse in pluribus contrarius, Annalibus quoque minuire fidem videtur. Nullius enim Belli, neque Tributi meminit, Grimoaldumque nequaquam bellicosum hominem, sed pacis apprime studiosum affirmat, itaut unum hoc ipsi consilium fuerit, perpetua cum finitimis, externisque foedera conjungere, quibus Reip. suorumque tranquillitas restitueretur, tutiorque sibi, ac felicior statueretur quæsitæ Principatus possessio. Grimoaldo (sic Erchempertus) de hac luce subtrahito Grimoaldus aliter suscepit Beneventi jura tuenda, Thesaurarius videlicet dictæ memoriæ Grimoaldi prioris: Vir satis mitis, & adeo suavis, ut non solum cum Gallis, verum etiam cum universis circumquaque gentibus constitutis inierit foedus: & Neapolitibus supramemoratis gratiam, pacemque donavit (4). Non itaque Tributum memorat Erchempertus, neque ex ejus verbis conicere licebit, ut scilicet sub eo foedere cum Gallis sancito intelligendum videatur: namque si Grimoaldus non solum cum Gallis, verum etiam cum universis circumquaque gentibus iniiit foedus, sequeretur non solum Gallis, verum, etiam finitimis se Tributi obnoxium effecisse: at cum Neapolitanis, quibus gratiam, pacemque donavit, ita se gessit, ut potius beneficium fecisse, quam accepisse videretur, eo certe contentus foedere, quod cum iis olim Arichis constituerat, qui

(1) In Chron. cap. xlv. in fine, & xlv.

(2) Ibidem cap. xxiv. xxv. & xxvi. quibus in locis inepta plura Anonymus innoxuit, quæ nos negligenda putavimus.

(3) Tom. II. Script. Ital. Muratorii pag. 509, & 510.

(4) Cap. vii. Hinc falsum omnino Petrum Jannonium argueret, qui ex hoc uno Erchemperti loco, Grimoaldum suscepit tunc primum Tributi onere pacem a Gallis impetrasse statuit. Fù questi (Grimoaldo Tesoriere) un Principe di genio tutto diverso dal suo Predecessore, di soavi costumi, e molto inclinato alla pace, il quale per liberare il suo Stato dalle continue scorrerie de' Franzesi, si risolse di pattuire con quelli una ben ferma pace..... Carlo contentandosi del Tributo of-

fèrito da Grimoaldo fermò con lui la pace. Da questo tempo in anzi il Principato di Benevento rinase tributario agl' Imperatori di Occidente come Re di Italia, ed i Beneventani per lungo tempo furono in pace con i Franzesi. Hist. Civ. di Napoli lib. vi. cap. v. tom. I. pag. 405. Horum omnium, quæ hic summam narrat, unum (ut dixi) sibi testem adhibet Jannonijs Erchempertum, in cujus loco superius recitato vel nulla, vel contraria reperies, neque ex alijs Scriptoribus probare possis. Stultus certe quis fuerit, qui in Historicis factis Jannonio acquiescat, qui neque vetustis Scriptores adire, atque ex eorum consuevit, neque, nisi ex uno vel altero neoterico haurire sua contentus, non magis Historiam, quam maledicta, & calumnias confarcinare laboravit.

qui, eodem Erchemperto teste, post diuinam oppugnationem pacem cessit, eisque diaria in Liburia, & Cemeterio per Incolas sancita dispensatione misericordia vice distribuit (1). Sed ea pace, ac gratia sibi a Grimoaldo donata, indignos se posthac Neapolitani probarunt; nam perduellum Dauferium, qui necem Grimoaldo inferre machinatus fuerat, in suam Urbem, tutelamque suscipientes iustam Principis iram experti sunt: qui in illos mox exercitum ducens, paratosque ad bellum aduersus ad quinque millia cæsit, reliquos ad Urbis portam insequentibus: ab expugnandæ autem Urbis consilio non aliter Neapolitani Grimoaldum deflexerunt, quàm Dauferio tradito, atque octomillibus præterea aureis in exenium, idest multa nomine persolutis: ut videas ex eodem, qui hæc memoriæ prodit (2). Erchemperto, eundem Grimoaldum, mitem suavemque antea deprædicatum, animi quoque fortitudine, bellicaque virtute (quæ præcipuè Anonymus commendabat) simul præditum, Pacificum, ac Belli, prout rerum, temporumque ratio postulasset, æqua laude studiosum.

Atque ex his quidem, quæ hæctenus inter Erchempertum, Anonymumque discordia fuit, conciliari facile poterit. Non ita tamen in reliquis, quæ de Grimoaldo contraria uterque prodit, fieri posse video. Atque Anonymus quidem Grimoaldi nomini nullo modo parcendum sibi statuit; nam excitatis sustentatisque inter Optimates simultatibus, ac dissidiis sibi Principatum confirmasse ait; administratum autem subdit Tyranni vice, qui omnia per crudelitatem, avaritiam, perfidiamque exerceret; itaut res omnes humanæ, divinæque, cunctique Civium ordines assiduè injuriis afficerentur: quæ omnia illata tandem a subditis nece proprio Grimoaldi sanguine expiata concludit. Sed contraria prorsus habet Erchempertus, qui etiam eximium mitissimi animi exemplum de Grimoaldo nobis reliquit, qui memoratum Dauferium ad pristinam reduxit gratiam, eique ad solitam misericordiam (quæ scilicet familiaris Grimoaldi virtus erat) donationem de rebus suis (ob perduellionis nempe crimen Principis Fisco vindicatis) præcepto firmavit. Alterum quoque paris clementiæ exemplum (ut eorum fides, quæ Erchempertus narrat, magis constet) ex ejusdem Principis Grimoaldi Diplomate, locupletissimo nempe, ac fideissimo testimonio addidisse proderit: Grasulpho enim, ejusdem fortasse perduellionis reo, qui extra Provinciam in finibus Græciæ fugam petierat, exoratus Grimoaldus facultates omnes Fisco ob ejusmodi crimen ad judicatas restituit: dignum autem id monumentum est, ut, si cui libeat, legendum præstemus (3).

Sed neque eorum, quæ ad Grimoaldi Religionem, pietatemque attinent, monumenta desiderantur. Utramque ab Ostiense testatam habemus, qui post prioris Grimoaldi donationes Monasterio Casinensi factas, ac in sui Chronici lib. I. cap. XIV. distinctè narratas, tum cap. XVI. posterioris, seu alterius Grimoaldi cognomine Thesaurarii sequutas alias recenset, præcipuè vero Præcepto suo confirmavit omnes foeminas liberas, quæ Servis Monasterii fuerant copulate in tempore prioris Gisulfi usque ad eam diem, cum filiis, & filiabus, & universis eorum (4).

ALTER

Y

Ad

(1) Cap. II.

(2) Cap. VIII.

(3) Ex Chronico S. Sophiæ apud Uzhellum tom. X. edit. nov. fol. 489. In nomine Domini Dei Salvatoris nostri Jesu Christi. Dominus Vir Gloriosissimus Grimoaldus eximus, & summus Princeps Domino dilectæ, atque Catholicæ Gentis Longobardorum, Tibi Grasulpho filio quondam Roderici. Quoniam obsecraſti clementiam nostram per Mallonem Grasulphum nostrum, quatenus tibi dare deberemus res facultatum tuarum, quæ pro merito culpe tue ad nostram sunt devolutæ eximietatem, pro quo extra Provinciam in finibus Græciæ fugam petere visus es, nostram vero celsitudo inclinavit aures nostras, & vestram obaudivimus petitionem. Quamobrem concessimus tibi superius memorato Grasulpho facultates tuas, quicquid nunc penes te habere visus fueris, tam casas, tam intrinsecas casæ condomas, res, & Ancillas, peculia, mobilia, & immobilia, omnia, & in omnibus præterquod per singulos fideles nostros, exinde à nostra gloria concessum est, placuit excellentiæ nostræ, ut absque requisitione tu qui supra Grasulpho, vel de tuis heredibus ipsi secuto nomine habere valeant; in ea videlicet ratione ut amodo, & deinceps habent, & possident sepenu-mero dictas res, ut superius legitur tam tu, qui supra

Grasulpho, quam & tui heredes, & a nullo ex nostris Judicibus, idest Comitibus, Gassaldis, aut cuiusvis loci Agentibus nostris contra ea, quæ nostra concessi sublimitas, quandoque ire presumat. Quod vero Præceptum concessionis ex iussione superius dicti Domini nostri in anno sexto, Domino propitio, Principatus ejus, scripsi Ego Theodua'dus Notarius. Actum in Curte, quæ dicitur Saba, mense Augusto per Indictionem I. feliciter. Anno 808. quo Grimoaldus Thesaurarius Principatum auspicatus fuit, Indictio I. decurrebat; quum igitur in eodem Diplomate Annus sextus Principatus numeretur, sequitur in Indictionis numero mendum adesse, ac quinarium numerum ante I. excidisse, dum Indictiones cum Principatus annis pari numero decurrere inceperant.

(4) Regis Rotharis Lex est cap. CCXXVIII. pag. 33. tom. I. part. II. Scriptor. Ital. Muratorii, quod si Alodio aut libera in casa aliena ad Maritum intravit, & Servum ad Maritum tulerit, libertatem suam amittit. Rex deinde Liutprandus in suarum legum lib. XV. cap. VI. ibid. pag. 56. id amplius sancivit, ut si mulier libera Servum tulerit, & parentes ejus intra anni spatium in eam vindictam dare neglexerit. . . . sit Ancilla Palatii, & ipse Servus similiter ad Palatium replicetur,

Ad eundem pariter Grimoaldum pertinet Diploma illud, a Cl. Gattula editum, in quo amplissima Privilegia Monasterio S. Mariae in Cingla concessa leguntur (1).

Quod denique ad hujus Principis attinet necem, non Optimatum Populique conspiratione, ut Anonymus innuebat, sed Siconis Gattaldi Agerentini Principatum inhiantis perfidia, Radelchique Comitissae Confini faventis ope patratam Erchempertus testatur. Ac Sico quidem, per summam impietatem, perfidiamque, maturandam ferro, quae morbi vi proxima erat, Principis sui mortem voluit, a quo externus ipse homo non solum Civitate donatus, sed plurimis quoque honoribus, maximisque beneficiis, non sine Longobardorum Procerum invidia, atque etiam injuria cumulatus fuerat. Interea (ita Erchempertus) Radelchis Comes Confinus, & Sico Agerentinus Gattaldus, quem Grimoaldus dudum prolelytum receperat, honoribus plurimis deferens, sub dolo insurgentes in eum, cum jam extremum spiritum traheret, gladio eum peremerunt: Interfecto eo innocenter praedictus Radelchis Siconem loco illius in Principem subrogavit. Vera nobis Erchempertum tradidisse probat Joannes Diaconus illustris Neapolitanae Ecclesiae Chronographus, qui Grimoaldi Beneventani Principis necem his verbis commemorat, quibus injuste patratam ostendat. Interea (inquit) Beneventani aliqui antiqui hostis instinctu, Grimoaldum Principem suum, penè unanimi in lecto languentem peremerunt; & Siconem Forjulensem, qui puerulus illuc cum sua Matre venerat Avola, Ducem fecerunt (2).

Quid igitur caussae fuerit, ut Anonymus Salernitanus adeò inique cum Grimoaldo se gesserit? Dicam, quod sentio. Decipi potius voluit, quam decipere ipse alios voluerit: Nihil enim facilius, quam, ut foeda illa, ac scelestæ de Grimoaldo Sico ipse illius successor, in praesentes, posterisque promulganda curaverit. Tyrannorum mos est, Decessorum nomini invidiam confare, ut non modo, quas ipsi administrandæ Reip. admoventur cruentas manus excusent, verum etiam scelerum plenas, pristinis objectis exemplis, acceptiores, aut tolerabiliores efficiant: Potuit itaque Sico, velut Bassianus alter Augustus, qui Getæ fratris parricidium non tantum excusandum, quam etiam collaudandum satagebat, potuit, inquam, Sico, ejusmodi probra adversus decessorem Grimoaldum pervulgasse, quæ vel literis, vel famâ accepta Anonymus, levis ingenii, credulique animi Scriptor suo operi consarcinavit. At stabit Erchemperti, aliis quoque monumentis comprobata fides, qui meliora de Grimoaldo nobis tradidit: atque ipsius Grimoaldi infelix potius fatum, quam nomen reputabimus: dum post Annos x. vix exactos nulla superstitie sobole (3) jam tum moriturus impiissimum interfectori, brevissimæ adhuc moræ impatienti, Principatum reliquit (4).

Venio

tur, & filii, qui ex eis nati fuerint, Curti Regiæ omnimodo serviant. Utrouque igitur jure dictas scæminas cum filiis, rebulque omnibus Casinatæ Monasterii dominio a Grimoaldo additas rectè observavit Cl. Nuccus ad d. Ostiensis locum. Nunc sequutus est Gattula tom. III. pag. 18., sed illud in utroque duplicet, idè Gislulphum ab Ostiense dictum primum, quod primus Beneventanorum Ducum Casinatæ Monasterii donator extiterit. Dicitur (inquit Gattula) a Leone primus, quia primus omnium Beneventi Principum largifusus illa sua donatione Casinensæ Monasterium ditavit: ergo à tempore Gislulphi primi, idè primi donatoris, ut optime explicat Angelus de Nuce in notis ad illud caput lxx. Quanquam enim verum illud sit, ab eo Gislulfo Monasterium Casinensæ munificentissimè locupletari ceptum: inepta tamen explicatio illa est: dum non ea de causa, sed idè primum hunc Gislulphum Ostiensem appellat, ut ab altero distinguat Gislulfo secundo, qui sub ejusdem sæculi vii. r. medium, eundem Ducatum administravit, ut priori hæjus Dissertationis capite diximus.

(1) In Anno v. Principatus, ac Indictione III. in hoc Diplomate notatis mendam subesse observat laudatus Gattula d. tom. III. pag. 98., ratus ad priorem Grimoaldum, filium Arichis, Diploma ipsum pertinere. At non illi, sed successori Grimoaldo Storsfayz, seu Thesaurario tribuendum Diploma est, annoque 810. respondet, ut animadvertit Pratillus in Chron. Principum Salerni tom. v. Opp. Peregr. pag. 16. Ex eadem certe utriusque Grimoaldi appellatione, proximaque Principatus successionem quam facile illud est, ut alterius res, chartæque eam altero confundantur, tam

difficile, ut suæ cuique tribuantur. Audi Muratorium in notis ad Chronicon Vulturense tom. 4. part. 11. pag. 176. Crucem mihi fixit Chronographus noster tum hic tum in Chartis subsequentibus, quas ejus incuvia in Notis Chronologicis vitiatas suspicabar, immo pro certo habebam. Sed distinguendi sunt (quod ille non fecit) Grimoaldi duo Beneventanorum Principes, quorum primus ab anno 788., alter Thesaurarius prioris, Erchemperto teste, Principatum tenuit ab Anno 807. (imò ab anno 808.) Hoc prænotato suos annos hisce chartis facile restituemus. Historicis hic nulla distinctione utitur, ut unum nobis obtrussisse videatur Grimoaldum Principem.

(2) In Episcopo Paulo Tom. 1. part. 11. Scriptor. Ital. Murator. pag. 312.

(3) Inter tumulos Principum Longobardorum a Peregrinio editos tom. III. habetur pag. 308. Tumulus Godofridi filii Principis Grimoaldi, olim in Ecclesia S. Sophiæ extantis, ex quo patet, Godefridum (cujus nomen ex initialibus Hexametrorum literis componitur) Patre vivente, obiisse: atque eum quidem non decessoris Grimoaldi, sed alterius (de quo nunc agimus) Grimoaldi filium fuisse jam superius observavi. Illud autem obiter animadvertendum prioris quidem adesse, sed posterioris Grimoaldi Tumulum desiderari: cujus rei causa Siconi tribuenda videtur, cuius gratia, vel opera Grimoaldo nullum fuit cretum monumentum, quod Successoris perfidiam, impietatemque exprobrare videretur.

(4) Grimoaldo huic annos Principatus xi. & menses vii. discrete tribuit laudatus Anonymus Salernitanus cap. XLIII.

Venio nunc ad Grimoaldi Nummum, cujus antica pars ejus Principis nomen Monogrammate expressum profert. Siglis, five *Singulis*, aut *Singularis* literis ad quædam certa verba, seu vocabula significanda usos passim Veteres etiamnum demonstrant vetulæ Inscriptiones; quod & in Senatus-Consultis, in Epistolis Familiaribus, præsertim vero in Prænomini- bus constanter obtinuit, unde Aufonius Epigr. xxxiv.

*Lucius una quidem, geminis sed diffisa punctis
Literæ Prænomen sic Nota sola facit.*

sed licet Aufonius *singulariam* literam L eandem ac *Notam* dixerit (1); alteram tamen ab altera discrepare certum est; sic Paullus (apud quem, uti apud ceteros veteres Jurisconsultos verbo- rum proprietatem servatam novimus) Notis scriptas Tabulas non contineri Edicto ait, *quia Notæ, literæ non esse Pedius lib. xxv. ad Edictum scribit* (2). Notas, sunt, qui a Tyrone Ciceronis liberto, quique à Mæcenate inventas, a Seneca vero patre auctas existimant; eas nobis spectandas Gruterus exhibuit, ut in eandem literarum significationem, diversâ ta- men formâ, usurpatis pro certo teneamus, Notariumque eum fuisse intelligamus, qui. (uti Manilius Astron. lib. iv. ait)

*... Notis linguam superet, cursumque loquentis,
Exciptions longas nova per Compendia voces.*

Ex Notis Monogrammata prodidiisse videntur, quorum usus satis vetustus, in propriis tamen nominibus exprimiendis præcipue obtinebat: quum scilicet quisque Nomen suum non consequentibus literis, sed certis illarum implexionibus compendio describeret, atque in unum Characterem redigeret. *Littera monogramma* (inquit Rabanus Maurus) *scriptæ nonnullis in locis inveniuntur, ubi pictura cum musæo in pariete imaginis, aut in velis, vel alicubi aliter facta fue- rit; ibi eorum nomina cum congerie litterarum unum characterem pictores facere soliti sunt, quod Monogramma dicitur* (3). Sed longe ante Rabanum Symmachus illud idem significasse videtur, ita ad Flavianum fratrem scribens: *Non minore sane cura cupio cognoscere, an omnes obsequatæ Epistolæ meas sumperis eo annulo, quo nomen meum magis intelligi, quàm legi promptum* est.

ALTER

Y 2

est.

cap. xlii. in fin. Catalogus ejusdem Anonymi Chroni- co præfixus habet Annos xi. m. i. & dies x. tom. ii. opp. Peregr. pag. 36. & 109. sed Chronicum alterum Salernitanum apud eundem Peregrinium l. i. pag. 16. ad Annos xxi. producit. Chronographus S. Sophiæ u- triusque editionis Ughellianæ inter Grimoaldum Ari- chis 6 ium, ac Siconem, pro Grimoaldo altero, idest *Tobiasaurio, Alexandrum* exhibet: mendose omnino, atque ex delictoris quidem officiantia, qui pro *Alter Grimoaldæ Alexandrum* confavit; uti ex ejusdem Chronographi catalogo, quem jamprimum Peregrinius edidit, habetque tom. v. pag. 22. satis patet, quæquam in Peregrinii exemplar deterior irrepsit error, ut Grimoaldus hic decessoris Grimoaldi filius dicatur: nam sic habet post Arichim. *Grimoaldus filius ejus sedit An. xix. mens. vi. Alter Grimoaldus filius ejus sedit An. xxi. mens. i. D. 3.*, ut jam videas Tô filius ejus ex priore Grimoaldo in posteriore perperam repetitum. Chrono- graphus denique Gaventis d. t. v. Peregr. p. 7. sic habet: *Grimoaldus alter Storafox per annos x. mens. iv. Quid in tanto Chronographorum editio statuemus? Oritur in Chronico Gasinensi edit. Laurenti lib. i. cap. xvi. ait, Apollinarem Abbatem electum eodem anno 813. quo Sico Beneventi Princeps effectus est. Si ita res fue- rit, longe breviorum habemus Grimoaldi Principa- tum, qui, ut superius diximus, Anno 807. præfice- cepit, sed in *finiera scripti exemplaris* lectione non annum 813. sed 817. haberi testatur Peregrinius in *Se- rie Abbatum Gasinen.* comprobata veteri charta in Regesto Petri Diaconi descripta, quæ data habetur *Principatus Siconis anno primo mense Novembris, indi- cione undecima*, quæ anno 817. (five potius 818.) de-*

currebat. Si igitur is annus Siconis primus fuit, id jam consequitur, ut decessor Grimoaldus decimum quidem excefferit annum, ac undecimum nullo modo expleverit.

(1) Quod etiam Festus docuit: *Nota nunc significat Signum, ut in pecoribus, nunc literas singulas, aut bi- nas.* Binæ autem literæ aliquando etiam in Prænomi- nibus usurpabantur, ut, quæ eadem literæ inciperent, inter se distinguerentur, sic T. Titus, & Ti. Tiberius. A. Aulus, & Ap. Appius &c. Ad hæc, quum pro *Con- sules, vel Consulis* eos conferberetur, non ea nota erat, sed ternæ literæ ex ipso vocabulo acceptæ, nempe duæ priores, ac postrema; quibus sequior ætas quartam ad- dens CONS. scribere postea fuit.

(2) In Lege vi. §. 2. Dig. De bonorum Possess. Sic in Lege xl. Dig. De Milit. Testam. Miles Notario suo Testa- mentum scribendum nobis distavit, & antequam literis præscriberetur, vita defunctus est, quæro, an hæc di- statio valere possit &c. Notæ itaque (quæ, an amanuen- sis manus distantis celeritati responderet, adhibeban- tur) in consuetam postea scriptionem redigebantur. Ipseque mos non apud privatos modo obtinebat, sed & publici Notarii erant, qui Acta Præsidum notis excipiebant, quorum meminit Marcellinus lib. xiv. ac J. C. Marcellinus in Lege 33. §. 1. Dig. Ex quibus causis. Vide Gothofredum ad d. legem; Cujacium *Ob- servat.* lib. xxi. cap. 3. Brissonium *De V. S. in v. Nota,* & Notarii; Baronium de Martyrum Actis differentem Annal. tom. ii. An. 238. num. 2. Aringhura Rom. Sub- ter. Lib. i. cap. 30.

(3) De Inventione Linguarum ab Hebræis usque ad Theoticam tom. ii. edit. Goldasti. Francofurti 1606.

est (1). Sed & ante Symmachum (ut Plutarchi locum in Catone nunc omittam (2)), celeberrimum omnium, Constantiniano ævo, esse coepit Christi Monogramma, quod ex duabus prioribus ejus venerandi Nominis Græcis literis XP ita componebatur, ut P per mediam X perducta efferretur (3).

Monogrammata igitur, quibus suum quisque Nomen literarum compendio efformabat, Principum ulsi esse coeperunt, qui tum in Operibus publicis suo ære, jussioneve ædificatis (4), tum præsertim in Subscriptionibus, ac Nummis adhibere consueverunt. Ad Subscriptiones quod attinet, Caroli Magni in scribendo difficultas ejusmodi morem invexisse videtur. Carolum Magnum scribendi imperitum fuisse, eamque imperitiam monogrammate, loco propriæ subscriptionis usurpato, supplere testatur in ejus vita Eginhardus: *nec id* (inquit Mabillonius) *maximo Principi vitio verri debet; quandoquidem tentabat & scribere, tabulasque, & codicillos ad hoc in lectulo sub cervicalibus circumferre solebat, & cum vacuum tempus esset, manum effigandis literis assuesceret: Sed parum prosperè successit labor præposterus, & serò inchoatiss.* Hæc ergo mihi videtur Monogrammatum occasio (5): Indeque etiam certius argumentum licebit desumere, ut quæ anteriorum & Regum Franciæ, & aliorum Principum quorumcumque Monogrammata Chartis subscripta proferuntur, commentitia censeamus (6). Potius igitur est, ut

(1) Lib. II. epist. XII. edit. Paris. an. 1580. cum Notis Jureti: Vid. ibid. eund. Juretum: ac vid. Joan. Kirchmannum de Annulis Francofurti. An. 1672. Uterque in Annulis Signatoris monogrammatum usum agnoscit, quæ nomen exprimebant, diversaque hæc erant ab aliis notis, symbolisque; quorum exempla apud laudatos Scriptores copiose satis, atque eruditè ex omni antiquitate selecta reperies.

(2) Ad comprobendam Monogrammatum vetustatem Plutarchi locus a Cangio, alisque affertur. Plutarchi autem hæc sunt in Catone, dum ejus in Catinam Orationem commemorat. Hanc solam (inquit) Orationem Catonis servatam ferunt, Ciceroni Consule velocissimos Scriptores deponente, atque docente, ut per signa quedam, & parvas, brevesque notas multarum literarum vim habentes, dicta colligerent: non dum enim reperti erant illi, qui notarii appellantur, sed tum primum hujus rei vestigium existisse ferunt: pag. 253. edit. Venet. 1716. At nihil in his Plutarchi verbis, quod monogrammatum aptari queat: De notis dumtaxat sermo est, de quibus superius egimus; quas inde dictas rectè S. Ildorus tradit, Orig. I. 21.; quod verba, vel syllabas, præfixis characteribus notent, & ad notitiam legentium revocent. Quod autem de Catonis Oratione Ciceroni factum voluit, de ipsius Oratione pro Milone postea alios fecisse Afconius memorat, ut scilicet, dum Cicero recitaret, Notarii scripto exceperint. Sed ex Plutarchi loco illud verius animadvertemus Ciceronem potius, quam ejus libertum Tyronem Notarum inventorem habendum: Sane ipse Cicero notis scribere aliquando delectabatur: Sic ad Atticum lib. XII. Ep. 32. Quod ad te de decem legatis scripsi, parum intellexisti: credo; quia diu quæsi scripseram, id est notis. Discipuli nam igitur invexit Cicero, in eaque Tyro ejus libertus profecit; alii deinceps, ut Mæcenas, ac Seneca perfecerunt.

(3) An ante Constantini tempora Sacrum id Monogramma obtinuerit, dubitare non sinit Aringhus Rom. Subter. lib. VI. c. 23. Vid. Jo. Burchardum Menchenium in Diatribæ De Monogrammate Christi: ac Dom. Georgium in Dissertatione ejusd. argumenti: Nullum Constantini Nummum eo Monogrammate signatum invenire est apud Cangium in Familiis Byzantinis: Sed tantum in Constantii filii nummis spectatur pag. 21. & 23. Inter Scriptores. Hist. Byzant. tom. XXI. edit. Venet. 1729. An sub Constantio primum id factum, ut quod jamdiu alibi inscribi consueverat, id etiam Monogramma adhiberi in nummis coepisset, non satis constat; Neque enim omnes Constantini nummi ad nos pervenerunt. Ex eodem Monogrammate ejusdem Christi Vicarii Pon-

tifices Romani Monogrammata quoque sua jure mutuari olim consueverunt: Leonis III. nomen ita Monogrammati innectitur, ut L & O proxime adjacentibus media E in media X orbiculo impressa locetur. Sed Xist III. monogramma, quod in Basilicæ Liberianæ arcu majiori insculptum est, idem Christi Monogramma præfert, quod tamen ejusdem Pontificis proprium est, latinis literis expressum, ut X sit prima sui nominis litera; P vero Papam indicet, cujus sequens litera A in sinistra ejusdem Monogrammatum inferiore parte transversa lineola efformatur. Ita Cangius in Glossario, ubi ipsum Xist Monogramma exhibet. At falsus is de loco convincitur: nam in dicto Arcu majiori, quod multo expressum est Monogramma, adjectæ literæ A & w ad Christum pertinere ostendunt: sunt vero in aliis ejusdem Basilicæ locis similia Monogrammata, quæ Pontificis nomen repræsentant. Vid. Joan. Ciampinum Vet. Monument. cap. XXII. p. 301.

(4) Imperatoris Justiniani, Augustæque Conjugis Theodoræ nomina certis in locis Ecclesiæ S. Sophiæ monogrammate insculpta refert Paulus Silentarius, in ejus Ecclesiæ descriptione verbis lucubrata part. II. vers. 295. In mediis autem Tabulis, quæ Sacerdotes circumstant, eosque separant, literam describit scripturam unicam, sed quæ plura verba complectitur; colligit enim Imperatoris, & Imperatricis nomina. Ex versione Cangii in Constantinop. Christ. lib. III. cap. LXX.

(5) De Re Diplom. pag. 164. Hinc facile statuendum erit, illas satis affabiles, & jucundas litteras metricè compositas; quas à Carolo Magno ad Paulum Diaconum, jam Monachum Casini agentem missas memorat, ac partim recitat Leo Oficiensis Chron. Casin. lib. I. cap. XV. a Carolo quidem, ejusque nomine missas, verum non ejusdem, sed alterius, qui à Secretis esset, ac fortasse Flacci Albini Alcuini fretum esse, cui is lucubrandas mandavit. Doctissimus P. Janningus tom. VII. Janii Operis Bollandiani de Basilica S. Petri agens, ubi ad Epitaphium Adriani PP. I. devenit, Dissertationem peculiarem, sed (ut vocat) intercalarem insinuat, in ipsum Epitaphium, quod Caroli M. nomine circumfertur, ab ipso Carolo verè compositum fuerit, & multis quidem argumentis contra Favonium, Pagium, Ciampinum, Lambecium &c. illud Caroli jussu, auctoritateque, non ingenio, illoque compositum probat: sed quod omnium maximum manifestumque erat argumentum præterit, Caroli nempe non modo Carminum contextorem, sed sui proprii nominis literis consignandi ignorantiam.

(6) Monogrammata Regum Franciæ, Chlodovæci I. Chlotarii I. ex Perardo in Burgundis, Dagoberti, & Pi-

ut exemplo suo Carolus successoribus suis tam in Imperio, quàm in Regno præstare dicatur; immo eandem Monogrammaticam formam illis imitandam tribuisse; scilicet, ut quemadmodum ipse signum Crucis, quo priores Francorum Reges in Literis suis usi fuerant, distributis in eam formam nominis sui literis, representandum curavit, ita etiam plerique ejus successores in eam Crucis formam Monogrammata sua exprimere studuerint (1).

Eundem itaque morem, qui ex Caroli Magni recepto usu novam veluti majestatis notam accepisse videbatur, Beneventani Principes, ostentandæ dignitatis suæ haud incuriosi, sibi quoque in Chartis subscribendis vindicare coeperunt. Atque ea quidem nostrorum Principum Monogrammata, vel in Chartis ipsis exarari, vel cereis, plumbeisve pendentibus sigillis imprimi solebant. In votis sibi fuisse, inquit Cl. Muratorius, celebre Tabularium Monasterii Casinensis adire, ut eas Chartas invideret; & ignorato, vel dissimulato Cl. Gattulæ opere, nonnulla Sigilla, uti & Monogrammata, quæ ad imitationem Regum, Principes ii (Beneventani) adhibere consueverunt, à Cl. Bacchio accepta exhibere contentus fuit (2). Nullum horum Monogrammatum exemplum occurrit ante Atenulfum, qui Anno cm. ex Capuano Comitatu Principatum Beneventanum assequutus fuit. At non insuetum ante id tempus Beneventanis Principibus Monogrammaticum usum fuisse, satis constat ex ipso Grimoaldi Nummo, quem modo illustramus, atque altero Siconis Principis, de quo sequenti Capite agendum erit; sed morem eundem in Chartis vetustioribus servatum nusquam apparet, siquæ quod illarum Autographa maxima ex parte disperire; siue potius, quia prioribus Principibus (uti ex eorum Chartis in Chronico Sophiano, atque alibi relatis patet) non is ritus, seu mos fuerit, Diplomata sua Nominis sui subscriptione muniendi, quæ duntaxat per Referendarios, Notariosque suos subscribi sinebant. Primus itaque Atenulfus in suis Chartis, & subscriptionem, & sigillum inexistere videtur. Extat in Tabulario Casinense ejusdem Principis Autographum Privilegium Coenobio S. Mariæ in Cingla concessum, atque a dicto Gattula editum Tom. III. pag. 44. quod (inquit Atenulfus in fine) tibi Petre Clerice Scriba nostri Palatii scribere precepimus, adque inferius anulo nostro sigillari precepimus. Anno tertio Principatus supradictæ Potestatis Mense Junio Indictione quinta (3). Sigillum cereum adhuc in eadem Charta superstes laudatus Gattula spectandum dedit in Appendice ad T. IV., Nosque iterum in nostra Tabula cum aliis nostrorum Principum Monogrammatibus representandum curavimus n. 1.

Porro alterum Atenulfi II. Monogramma, quo is in subscribendis chartis utebatur, describere mihi curæ fuit ex Originali Diplomate anni 927. quo Landulfus I. & Atenulfus II. ejus Frater filii majoris Atenulfi (qui ut superius dictum est, ex Capuano Comite Beneventanus Princeps evasit) donant Monasterio S. Salvatoris prope Portam Rufinam duas foeminas liberas, nomine Ermengandas, in Matrimonium conjunctas cum duobus servis dicti Monasterii, una cum earum filiis, & filiabus, qui omnes ad Sacrum nostrum Palatium legaliter (idest ex lege Longobardorum à Rege Liutprando sancita, cujus superius meminimus) devenerunt. In fine autem sic habent. Porro ut hoc, quod jubetur, ab omnibus immobiliter observetur, manus propria scripsimus, & anulis nostris jussimus sigillari. Signum (heic inscriptum est Monogramma) Domini Atenulfi Excellentissimi Principis. Ursus Clericus & Scriba ex jussione supradictæ Potestatis scripsi. Datum VII. Kl. Majas in anno vicesimo sexto Principatus Domini nostri Landulfi gloriosi Principis, & sexto decimo Anno Principatus Domini nostri Atenulfi eximii Principis Indictione quinquadecima. Actum Beneventi. Sed & characterem, quibus prædictum Diploma in Pergamena conscriptum est, Specimen exhibere libuit in eadem nostra Tabula n. 11. (4).

Idem Atenulfi Monogramma spectare est in altero Originali Diplomate anni 936. quo Landul-

& Pipini senioris ex Walde Hist. Lobienf. exhibet Cangius in Glossar. tom. III. edit. primæ pag. 666. qui mox pag. 668. hæc addit: Hæc porro quatuor Monogrammata, absq, ut tanquam genuina hic proferamus, quinimo ea omnino adulterina, & ficticia censemus, cum viro eruditissimo Daniele Papebrochio in part. 2. ad tom. II. Aprilis, qui bina ista Waldensia jure proseripsit.

(1) Vide Mabillonium l. I, pag. 110., & Cangium l. I. (2) Ant. Med. & Differt. xxxv. tom. III. p. 92. quod opus prodit an. 1740. septennio scilicet post Gattulæ libros, qui anno 1734. lucem aspexerant.

(3) Temporis nota huic Privilegio inscripta optime constat; nam cum indictione quinta in annum 902. incidat, recte is annus Principatus Atenulfi tertius dicitur,

qui uti superius dictum est, anno 900. Princeps Beneventanus inauguratus fuit; ac sequenti anno consortem sibi adiecit ejus filium Landulfum I. qui sedit cum Patre ab anno 901., eoque defuncto cum Fratre Atenulfo II. ab an. 911. ad 940. cum eodem & filio Atenulfo III. ab an. 933. adjunctoque altero filio Landulfo II. ab an. 940. ad 943. quo obiit. Vid. Cam. Peregrinum in Stemmate accurate exposito Principum Longobardorum, qui ex genere Atenulfi prodierunt usque ad postremum Principem Pandulfum IV. Opp. t. v. p. 88.

(4) Autographum Atenulfi Diploma servatur in nostra Bibliotheca inclusum Stamneo Tubo I. Exemplum legitur in Audario Bullarii selecti fig. vol. 29. part. 1.

Landulfus I. Atenulfus II. ejus frater, & Atenulfus III. ejus filius concedunt Odelprando Presbytero custodi Ecclesie Sacri Palatii, vocabulo S. Joannis non longe à Porta Aurèa, ut bona ejusdem Ecclesie ab injustis possessoribus vindicet, & vindicata pro suo arbitrio disponat in perpetuum. Et quidem ut hæc nostra concessio plenius in Dei nomine habeat vigorem, manu propria scripsimus, & anulis nostri iussimus sigillari. Signum (heic extat Monogramma) Domini Atenulfi eximii Principis. Petrus Clericus, & Scriba ex iussione supradictæ Potestatis scripsi. Datum pridie Idus Mensis Januarii in tricesimo sexto anno Principatus Domini Landulfi gloriosi Principis, & vicesimo sexto anno principatus Domini Atenulfi eximii Principis, atque quarto anno Principante Domino Atenulfo filio Domini Landulfi gloriosi Principis, Indictione nona. Actum Sacro Beneventano Palatio (1).

Pandulfi Principis Monogrammata, è binis originalibus Diplomatibus à me descripta sunt, in quorum altero anni 981. Pandulfus I. concedit Johanni Abbati SS. Lupuli, & Zofimi Monasterium S. Anastasie de Ponte, & facultatem construendi Castella, & extraneos ad habitandum conducendi, qui in dominatione ipsius Abbatis permaneant; in cuius fine eadem verborum formula, quæ in Atenulfi Diplomatibus conscripta est, adhibetur, signaturque anno tricesimo septimo Domini Pandulfi gloriosi Principis, & duodecimo anno Principatus Domini Landulfi excellentissimi filii ejus, nona indictione; scriptus in Sacratissimo Beneventano Palatio (2). In altero vero anni 978. confirmat Landulfo Beneventano Archiepiscopo Ecclesiam, & Castrum S. Michaelis Archangeli in Monte Gargano, & integrum Episcopatum Sipontinum, sancit in ejus confirmationis violatores, aut contradictores multà, in eadem Sacro Archiepiscopo auri purissimi librarum centum; ac post eandem clausulam subscriptionis manu propria, atque anuli oblationis, notamque temporis, idest anni xxxv. Principatus, sic explicuit. Actum in Sacratissimo Beneventano Palatio (3). Hæc Pandulfi monogrammata habes in eadem nostra Tabula n. v. & vi.

Landulfi denique Monogramma spectatur in binis Originalibus Diplomatibus. In altero anni 1010. Princeps Landulfus V. ad preces Rosfridi Comitit dilecti nostri parentis (idest consanguinei) confirmat Azzoni Abbati Monasterii Sanctorum Confessorum Lupuli, & Zofimi, qui constructus esse videtur intus nobam (idest novam) Beneventanam Civitatem, donationes fuorum Decessorum, aliorumque Principum, aliasque Ecclesias, cum earum bonis subdit (4). In altero vero (cujus insigniora verba describere, subjectisque notis illustrare licebit (5)) anni 1013. idem Landulfus concedit Amato Abbati Ecclesie S. Benedicti, quæ constructa est extra hanc civitatem Beneventanam fluvio Caloris, ut in Ecclesia Beati Pauli Apostoli subdita ejusdem sue Ecclesie atque Monasterii, quæ constructa esse videtur intus hanc Beneventanam Veterem Civitatem secus murum (6), universas donationes, ac privilegia, quæ hactenus ab decessoribus Principibus, Regibusque obtinuerat: similiterque concedimus, & confirmamus in præfata Ecclesia vocabulo S. Pauli quatenus pars ejusdem Ecclesie, ejusque Rectors potestatem habeant de quantum con-

(1) Exemplum est in Bullario selecto pag. 15.

(2) Originale servatur inclusum Tubo IV. Exemplum habetur in dicto Audario pag. 7.

(3) Exemplum legitur in d. Bullario selecto p. 57.

(4) Originale servatur inclusum Tubo VII. descriptumque est in dicto Audario pag. 26.

(5) Autographum extat inclusum Tubo VI. Exemplar vero in Audario pag. 17.


(6) In priore Diplomate Princeps Landulfus Civitatem nobam novam memorat, atque in hoc posteriore veterem Civitatem. Sic in charta Chronici Vulturnenfis ap. Murator. Script. Ital. tom. I. part. II. pag. 376. Temporibus viri præcellentissimi Grimoaldi Dei providentia Beneventane Provinciae Principis x. Ind. quidam Alahis offert Coenobio Vulturnenfi omnes servos, & ancillas suas in Civitatibus, tam in Veteri Benevento, quam in Salerno &c. In altera ejusdem Chronici charta anni 1022. pag. 500. mentio est Adalberti Abbatis Monasterii Sanctorum Lupuli, & Zofimi, qui constructum esse dnoscit intus hanc novam Beneventani Civitatem. Detectis an. 1119. in Episcopio Sanctorum aliquot Reliquiis, ad celebrandam eam inventionem convenisse ait Falco primum Presbyteros Porta Summa, secundum Presbyteros Porta Auræa, tertium autem Porta Rufinæ, Quartum Porenseti, Quinto Civitatis novæ, postremum vero Civitatis totius Presbyteros: ac mox: Civi-

tatis autem novæ Presbyteri, ut studiosiores præ omnibus viderentur, lignorum machinam quandam circumquaque cereis lampadibusque immensis obductam ad Sanctorum Corpora perduxere. Ad hæc in vetulis Beneventi Statutis anno 1230. promulgatis (quæ autographa adhuc servantur, atque in hujus Tomi Appendice a me prædantur) inter alios subseribit: Ego qui supra Judex Contrubertus novæ Civitatis. Patet itaque Beneventanam Urbem à nono saltem Sæculo usque ad xiii. in veterem, ac novam dispersitam. Rei causam, originemque prorsus ignoraremus, nisi (quod Erchempertus, Anonymus Salernitanus, alique siluerunt) Chronographus Vulturnenfis nobis servasset. Audierem, seu conditorum is memorat Principem Arichim, qui post sanctum cum Francis fedus, illorum metus occasione juxta Beneventani moenia Civitatem novam construxit. l. I. pag. 402. Non autem ea nova Civitas a veteri, nisi hujus muro sejuncta fuit, muro & ipsa cincta ac propugnaculis, quorum unum adhuc superest ad Fluvium Sabati, quod ipsa protenditur, & quæ itur ad S. Cosmum, atque ubi adhuc focus ejus murum rudera extant Monasterii S. Nicolai de Turri pagana de nova Civitate Beneventana, uti vocatur in insigni veteri Charta anni 1097. quæ autographa servatur in Tubo IX. & descripta habetur in Audario pag. 36.


Atenolfi.
N. I.




Landolfus.
N. IV.




Sigillum.




Paldolfus.
N. V.




Ejusdem Monogramma.
N. II.




Paldolfus.
N. VI.



Landolfus.
N. III.




Robertus.
N. VIII.



N. IX.



In nomine Domini Salvatoris nostri Iesu Christi Dei aeterni. Landolfus et Atenolfus Divina ordinante providentia




Lanuvardorum gentes Principes



Quapropter novit omnium fidelium nostrorum

Presentium ac Futurorum Sagacitas quoniam pro mercede et redemptione anime nostre &c



Signum

domini Atenolfi excellentissimi Principis



tinere videtur Casus ejusdem Ecclesie intus murum hujus nostra Civitatis rumpere, & clausisse de arco, & aliud adificium in eodem murum facere, & desuper platea illa, quæ vadit erga eundem murum itaut in prædictum murum pars ejusdem Ecclesie, ejusque Rectores potestatem habeant foramina facere, unde semper discurrat ipsa aqua foras eundem murum, quod discurrat ad Balneum ipsius Monasterii &c. (1); & post alia: ut autem hæc nostra concessio ab omnibus immobiliter observetur, manu propria subscripsimus, & annulis nostris super jussimus sigillari. Signum (heic adest Monogramma) gloriosi Principis. Joannes Clericus & scriba ex jussione prædictæ Potestatis scripsi. Datum (sic) enim vobis quinto decimo Kalendas Januarii in anno tricesimo secundo principatus Pandulfi gloriosi Principis, & vicesimosexto anno principatus Domini Landulfi magni Principis, & anno principatus Domini Paldolfi filius. supra scripti Domini Landulfi undecima Indictione.

Actum in sacro Beneventano Palatio. Landulfi Monogrammata habes n. III. & IV.

Sequitur Gisulfi Salernitani Principis Monogramma in nostra Tabula n. VII., quod Ughellus in Autographo illius Diplomate in nostra Bibliotheca extante inspexisse, atque descripsisse, affirmat (2). At recognitum mihi Diploma nullum omnino Monogramma spectandum obtulit, nullam etiam Gisulfi subscriptionem, sed affixum duntaxat sigillum, cujus vix ulla vestigia supersunt. An Monogramma ipsum sigillo, nondum Ughelli ætate abolito, inculptum fuerit, chartæque impressum? Non equidem puto: nam Ughellus inter conclusa verba Monogramma ipsum exhibet, idest: Signum Domini * Gisulfi Principis, quæ cum ipso Monogrammate desiderantur; sed nec desideranda voluit Gisulfus ipse, qui subscriptionis suæ nullumode meminit; meminere autem de more Beneventani Principes, quibus sollemnis illa formula, seu Diplomatum clausula fuit: Manu nostra subscripsimus, annulique nostris jussimus sigillari (3).

Sed loco commentitii, aut fortasse aliunde, quàm ex recitato Diplomate, descripti Gisulfiani Monogrammati, genuinum aliud in nostra Tabula n. VIII. exhibere libuit, non ad eundem Gisulfum, neque ad nostros Principes, eorumque ætatem pertinens, sed ad Ecclesiam Beneventanam, quæ in sua Bibliotheca autographam Chartam adhuc servat. Roberti id Monogramma est, Comitissæ Agathæ, qui anno 1109. Beneventi degens, Landulfo II. Archiepiscopo plura concedit, facto Diplomate, quod ab Ughello mendosè (ut in aliis omnibus nostrorum Principum se habet) editum tom. VIII. col. 146. rursus heic subjicere consilium fuit, quòd insignia multa ad ejus ævi ritus, mores, formulas spectantia ob oculos ponat (4).

Dum.

(1) Tantumne curæ, inquit, huic Abbati, ut adeo ingenti impendio fluviale aquam in Urbanum sibi subditum Monasterium ad Monachorum Balneum derivaret? Sed non ea mira res, quæ inter Monasticæ Disciplinæ ritus, atque instituta præcipue recensetur. M. Cassiodorus Monasterii Vivariensis Conditor, se illic Balneæ quoque congruenter præparatas corporibus jussisse ædificari, ubi fontium perspicuitas decenter illabitur, quæ potui gratissima, & lavacris, ait Divin. Lectionum cap. 29. Sed ut ad Benedictinos Monachos, de quibus agimus, statim accedamus, Sanctissimus ipsorum Pater, & legislator in Regulæ cap. xxxvi. infirmis, quoties opus esset, sanis, & juvenibus tardius Balnearum usum indulgendum statuit. Hinc Leo Ostiensis in Chronico Cassinense lib. III. cap. 57. edit. Laureti refert Ducissam Sicelgaitam Ducis Roberti Viduam posuisse in Capitulo quinque libras auri, & duas dedisse in infirmario, unam pro expensis, alteram pro balneo conficiendo. Illud potius mirum, quomodo fieri potuerit, ut noster Abbas Amatius aquam fluvii Caloris per marium Urbis, atque arcuatim in Monasterii ædes duceret. Extat etiam nunc S. Pauli ædes in ea Urbis Regione, quæ ad murum Civitatis, dictumque fluvium respicit, eandemque ipsam affirmare pronum est, five eundem locum, ubi vetus Ecclesia, Monasteriumque extruda erant. At ei Urbis regioni adeo profunde calor subterfuit, ut nullo prorsus modo aqueductus in superiores ædes haberi potuisse videatur. Quid quod in alia Urbis regione Balnea publica olim exstebant,

quò ejusdem fluminis aqua derivatam scimus; unde hodieum loco nomen: Cortile de' Bagni; quorum etiam vestigia supersunt?

(2) Ital. Sac. tom. VIII. col. 83. edit. Rom.

(3) Autographum Gisulfi Diplomate inclusum extat Tabo II. descriptumque habetur in Bullario Selecto pag. 27. emendatius quidem, quàm in Ughelli exemplari.

(4) Divina ordinante Clementia Ego Robertus Comes, & Filius pie memorie Rannulfi Comitissæ Domno Landulfo secundo Dei Gratia Beneventanæ Sedis Archiepiscopo in PP. idest in Perpetuum (Ughellus habet in P. F. M. Quia fraternam Charitatem, & pii amoris respectum circa religiosa loca se habere decenter cognovimus, & religiosorum Principum precibus paternam benignitatem favere: ideo factum est, ut ego præphatus Robertus Comes precum instantia, & supplicatione sedula requisitus tibi confirmavi Ecclesiam S. Vincentii in Oppido. cum nonnullis aliis Ecclesiis, & hereditatibus suisque pertinentiis sicut in nostro Privilegio obtento ab antecessore nostro veneranda memorie Ruffido concessimus pertinentiam Ecclesie B. Petri infra munitionem Civitatis S. Agathæ, & ei dedimus pertinentiam quoque ejusdem Oppidi de Dominio Comitissæ Roberti, & militum, qui sunt Decimanam Ecclesiam S. Vincentii, ea videlicet ratione, ut Abbas supradictæ Ecclesie obedientiam inde exhibeat exclusa quarta parte Decimarum, & oblationum, quas Sacerdotes ipsius Oppidi, & Casalium colligunt, & Sinodalibus Causis. Concessit etiam, & confirmavit præphatus

Dum vero de hisce Chartarum Monogrammatibus pro re nata dicere semel coepimus, alia quoque observare pergamus, quibus explicatio res ipsa, aut certe ornatior incedat. Ac primum illud videri debet animadversione dignissimum, ea Beneventanorum Principum Monogrammata Crucis formam, seu signum ita manifestum præferre, ut cujusque Nominis literæ eidem Cruci adjectæ, varietate distributæ concinniore ipsam efficiant. Mos adhibendi Crucem in subscriptionibus ad nostros Principes non tam ex Caroli Magni exemplo manavit, qui ut superius dictum est, nominis sui Monogramma in Crucis formam effingebat, quàm ex communi omnium ritu, qui Christiano nomine censerentur. Certè Carolus ipse, ut superius ex Mabillonio observavimus, decessorum Franciæ Regum, qui Crucis signo literas suas subscribere consuebant, morem sequutus est, ut tamen unicum illud signum & Crucem, & illius nomen simul exhiberet. Apud alios Principes eundem viguisse morem plurima passim monumenta probant, ex quibus illustre exemplum Constantinopolitana Synodus VIII. nobis suppeditat, in qua Imp. Basilii post Legatos Sedium Patriarchalium subscriptionem suam apposuit ante reliquos Episcopos cum additamento *Signi Sanctissime Crucis*, quod etiam Episcopi omnes ex more fecerunt (1). Atque huc etiam spectat ritus ille in Imperialibus Chartis aliquando servatus, ut tres quoque Cruces in earum fronte purpureo colore, ipsaque Augustorum manu inscriberentur, per quas tacite scilicet jurabant, rata se ea velle, quæ scriberent. Hujus ritus locuples testis est Phranzes, qui lib. III. cap. IV. Imperator, inquit, manu sua Cruces cinnabare in fronte Bullæ ad confirmationem pro consuetudine exprimit, bullamque auream legato tradit: sed & aliam Crucem subscriptioni addebatur. Liceat & addere primi Beneventani Archiepiscopi, primi simul ejus nominis Landulfi Diploma anni 971., quod autographum in nostra Bibliotheca servatur Tubo III. nunc in-clusum. Ibi enim Beneventanæ Ecclesiæ Archiepiscopus, Archidiaconus, Presbyteri, Diaconi, Subdiaconique sigillatim subscribunt, nominibus, manibusque suis, subscriptioneque suas singuli a Crucis signo ordiuntur. Sed de Ecclesiâ Beneventana, ejusque Antistiti Diplomatis, sigillisque aliâs.

Idem quoque apud privatos mos obtinuit, ut ex vetustis donationum, venditionumque Chartis Papyraceis sæculi VI. à V. C. Marchione Maffeo editis constat, in quibus post Crucis signum propria contrahentium manu adscriptum, testes rogati adhibebantur, qui se præ-

senti-

phatus Archiepiscopus quæcunque eidem Ecclesiæ Beati Petri, ab Ecclesiastica, vel Seculari persona iuste sunt oblata vel fuerint: Et ut ista concessio præfati Archiepiscopi forma, & illibata in pp. maneat. Ipse ego Comes mea bona voluntate, & remedio anime mee remisit Subdiaconos, Diaconos, Presbyteros, qui uxores, vel concubinas publice non habent, quietos ab omni datione, vel publica exactione, & centum Canistrâ ordei, que de Silva mea dabantur ab hominibus de Monte Sarcho. Et ipse prephatus Archiepiscopus auxilium sue protectionis circa Canonicos prephate Ecclesiæ, tanquam circa dilectos filios paternæ charitatis affectum exhibere promisit.

Datum Beneventi anno ab Incarnatione Domini nostri Jesu Christi MCVIII. Pontificatus autem Domini P. II. PP. (Paschalis) X. & Domini Landulfi secundi Archiepiscopi primo & XXI. anno Comitatus prephati Roberti Comititis, & II. anno Comititis Rannulfi filii ejus bone indolis pueri Indictione II. tertio Kalendas Sept. Per manus Alexandri Clerici, & Scribe. Signum (hæc Monogramma) Comititis Subtus aderat Sigillum. Ex hoc itaque Diplomate hæc præcipua observanda erunt; I. ea ratione, seu lege Ecclesiæ S. Vincentii, & S. Petri Archiepiscopi Beneventani jurisdictioni subjectas, ut tamen nullam ex earum Decimis Quartam solvere, nec ad Synodales Conventus causas suas Presbyteri deferre tenerentur. II. Subdiaconos, Diaconos, Presbyteros omni datione, vel publica exactione immunes tunc fore, si uxores, vel concubinas publice non habuissent, ut videas fecidissimam illorum temporum faciem, quando sacrilegas Ecclesiasticorum turpitudines occultas, si tamen occultas, tolerasse opus videbatur. Sed ne putes per eam ætatem in hisce Clericorum flagitiis corrigendis desideratam Sacrorum Præfulum vigilantiam. In vetusto codice Sacramentarii Ecclesiæ Mutinensis quædam in margine

alia manu adnotata observavit Muratorius de Reb. Liturgic. Cap. VI. inter quæ hæc ad rem præsentem. Ab hac hora in antea promitto ego Joannes Archiepiscopus tibi Wario Episcopo (qui florebat anno 1018.) quod diebus vite mee cum muliere alterius adulterium non faciam, neque cum illicita meretrice fornicationem, & si fecero, me ipsum confirmo in periculum. Altera sic habet: Ego Naira Presbyter promitto coram Deo & omnibus Sanctis, & tibi Guarino Episcopo, quod carnis commisionem non faciam, & si fecero, & honoris mei, & beneficio Ecclesiæ perdam. At quid hæc cum Sacramentario? Ideo in eo Codice scripta reor, ut quæ promissa essent, facilius præsto fierent, ac religiosius servarentur. III. Eo solo titulo Rannulfum filium a Roberto exornatum, quo non splendidior alius, dum bone indolis puer denunciatus egregiam futuræ probitatis spem tribuebat. Quamquam eo titulo, vel elogio, solemniter veluti honoris formula, illustres Pueros decorari per eam ætatem consuetum facile coniecimus ex loco Alexandri Abb. Telechini, qui in De Reb. gest. Rogerii Regis lib. 3. cap. 27. tom. V. Scriptore Ital. pag. 639. narrat a Rege Rogerio filium suum nomine Ansfum, bone indolis puerum, cum favore optimatum, militumque Principatus Capuani per Vexillum bonore sublimatum. Quod anno 1135. accidisse constat. Porro recitatum Roberti Comititis Diploma autographum Tubo sign. num. X. involutum servatur in nostra Bibliotheca, de qua Bibliotheca id impræcætiarum moneam, me opportunius, ac pro ejus dignitate acturum, quam de Ecclesiâ Beneventana Dissertatio influenda erit.

(1) Card. Baronius ad Ann. 869. num. 57.

(2) Vid. Cl. March. Scipionem Maffejum Istor. Diplom. pag. 144. & 153.

sentibus (2), eos signum Sanctæ Crucis fecisse subscriptione sua testabantur. Idque a contrahentibus literarum gnaris, ignarive pari modo servatum videtur, hoc tamen discrimine, ut qui scribendi peritus esset, præter ipsam Crucem, sua manu sic scriberet. *Signum* † N.N. *donatoris*, vel *venditoris*: sin verò Tabellio, seu Notarius ea verba ad factam Crucem conscribebat. Sic in Charta venditionis anni 540. in Bibliotheca Vaticana modò servata legitur. *Signum Domnici V. H. 53.* (idest Viri Honesti superscripti) *venditoris literas nescientis*. subsequuntur testium subscriptiones, quorum quisque inter alia id quoque testatur, venditorem in sua *presentia signum fecisse* (1). Eundem ritum in ejusdem sæculi vi. (anno nempe Justiniani 38., Christi 563.) Charta Ravennensi (quam Brissonus in *Cortice*, idest Papyro scriptam ajens ex Bibliotheca Regia edidit in *de Formulis* lib. vi. cap. 195.) servatum invenio; sub cujus finem ita legitur. *Signum isti Gratiani V. S. Subdiaconi literas nescientem; & paullo post; Motanus Vir . . . rogatus a isto Gratiano V. S. Subdiacono, qui me presente signum fecit, & ei relitum est* (idest *relictum*, nam iterum, quæ chartis scripta erant, relegi contrahentibus, literarum ignaris solebant) *Testis subscripsi*. Duplicem hunc ritum agnoscere licebit in Regis Rachiis Lege iv., ubi Chartæ venditionis mentio est, à *Scriba publico scripta, in qua tam ipse venditor, quam testes se subscripserint, aut manum posuerint*: Subscribere enim ad eos pertinet, qui literarum gnari nomen suum in calce inscribebant: Ponere vero manum, de iis intelligendum est, qui scribere nescientes, Crucem manu, idest Calamo facto, in charta delineabant (2). Sed & præclarissimum hujusce ritus exemplum facilius addisces ex insigni vetusti Monasterii Vulturnenis Charta, anno quatuordecimo, & septimo Caroli, & Pippini Regni Francorum, & Longobardorum, idest anno 788. celebrata, cui Episcopus Senvaldis, præmissa Crucis signo, primus subscribit, mox post idem Crucis signum à singulis præmissum decem testes; inter quos Felix, Barolus, ac Tronto sic habent. † *Ego Felix pro ignorantia literarum in hunc brevem interfui & signum Crucis feci*; sicque Barolus, & Tronto (3); ut videas, quàm vetustus mos ipse sit hodieque servatus, quo ignari literarum subscriptionem suam Crucis signo supplere solent, reliquis tamen nulla, ut olim, apposita Cruce, sui nominis subscriptione contentis: sed uti jam probatum est, omnes præscâ ætate five Principes, five Privati, five Ecclesiastici, five Sæculares, five literati, five illiterati, indiscriminatim Crucis signum subscriptioni suæ præmittebant; cujus moris illam arbitror fuisse causam, rationemque, quod eo signo Majores nostri satis consultum conferent, uti eorum omnium, quæ in Chartis gesta, promissa, assertave essent, nedum fides constaret, sed, additâ Crucis Religione, inviolabilis sibi observantia indiceretur. Nondum enim Juramentum in Contractibus, aliisque rebus, quæ scripto tradebantur, adhibere veteres consuebant. Ex sexdecim Papyraceis vetustissimis Chartis venditionum, donationum &c., quas V. C. Marchio Maffei edidit l. l. vix unam, alteramque, idest xiii. & xiv. invenias, ubi Testes asserunt, contrahentes ad Sanctæ Evangelia me presente præbent sacramenta: in reliquis omnibus id solum legitur: *me presente signum fecit*: Summa, ut par est, Juramento tunc stabat reverentia, quod nec ubilibet, neque ab omnibus præbatur: illud dixisse sufficiat, quod inter *Purgationes Canonicas* præcipuè statutum, probatumque, nonnisi extremi remedii loco adhiberetur. Vitiosorem progeniem, quam sequuta tempora tulerunt, Juramenti religione passim obligandam invexere; sed verendum maxime, ne jurandi assiduitas in Religionis contemptum, pejerandique facilitatem, impunitatemque devenerit.

Nostorum autem (quæ posterior observatio est), uti & aliorum Principum subscriptiones Crucem simul, ac proprium nomen complexæ, hisce verbis solemnem veluti formulam continentibus, hinc inde intercludebantur: idest: *Signum * Domini Pandulfi Excellentissimi, vel Gloriosissimi Principis*; quæ quidem verba non ex ipsius Principis manu erant, sed ab ejus Referendario, vel Notario, vel Sacri Palatii Scriba addebantur, eodem semper characterum, seu literarum ductu, atque forma, qua in superiore Diplomatis parte, idest primâ lineâ Titulus inscribebatur. Atque hi quidem Notarii, Scribæque nonnisi improprie, quæ revera subscriptio erat, *Signum* vocabant. Ulpianum audire proderit. *Si quis ex testibus nomen suum non adscripserit, verumtamen signaverit, pro eo est, atque si adhibitus non esset: & si adscripserit se, non tamen signaverit, adhuc idem dicemus: Signum autem, utrum anulo tantum impressum*

ALTER

Z

adhi-

(1) Ibid. pag. 156.

(2) In Codice Legum Longobardorum apud Murator. Scriptor. Ital. tom. 1. part. 11. pag. 366.

(3) In Chronico Vulturneni apud Muratorium Scriptor. Ital. tom. 1. part. 11. pag. 366.

adhibemus, an vero etsi non anulo, verum alio quodam impresso, variè enim homines signant; & magis est, ut tantum anulo quis possit signare, dum tamen habeat *Χαρακτήρα*, idest formam, insculptamque signis imaginem (1).

Ad hæc id quoque observasse par est, diversum a Sigillo Monogramma fuisse. Id audisse erit ex ipsis Diplomatis, in quæis, receptâ quadam formulâ, ut superius dixi, Principes tum subscribere, tum anulis sigillare testantur; Id etiamnum autographa ipsa Diplomata ostendunt, ubi præter Monogrammata, seu subscriptiones, seorsim habentur impressa Sigilla. Optassem, & ejusmodi sigillorum ectypa heic proferre, sed nullum in nostris Chartis ætatem tulit, in quibus Rubræ ceræ vestigia tantum restant, & Chartarum ipsarum ad Crucis, vel Stellæ modum incisio, per quam cera ex utraque ejusdem chartæ parte, intimâ videlicet, extimâque conglutinabatur, atque sibi cohærebat, ut nempe Sigillum ipsum non uno, sed duplici caractere utrinque impressum haberetur. Exemplum habes in Atenulsi Sigillo, quod in nostra Tabula n. i. ex Gattula mutuati sumus, in cujus antica parte ejus Principis imago, in postica alterum ejusdem Monogramma ab ejus subscriptione diversum conspicitur; atque altera quidem facies anteriori chartæ, altera vero posticæ impressa esse debuit, priori respondens, ac repercussa. Cl. Muratorius commentitium censet Caroli Magni Diploma, Ecclesiæ Regiensi concessum, Ughello licet, ac Mabillonio probatum, tum ex aliis, tum ex eo præsertim, quod in postica parte minime repercussa, ac dilatata erat cera, sed ea ratione in scissuram pergamænæ immissa, ut inde nullo negotio educi possit; Hinc discas (inquit) quanta circumspèctione, & quàm intentis oculis exploranda sit fides veterum Diplomatum: quare si qui sunt, qui quoties sibi offertur aliquod antiquorum Regum Præceptum, sigillo suo adhuc munitum, nihil ultra quærendum putant, ut Archetypum judicent, egregie falluntur: Nam ne hoc quidem satis est ad certum eorum Criterium, quum ceræ Sigilla pergamenis infixa ex postica parte, attenuata per calorem ceræ, detrahi potuerint, & in aliam commenticii foetus charta transferri (2). Sed illud Muratorianæ animadversioni necessarium adjiciendum, pseudigrapha adhuc ea Diplomata existimanda, vel saltem in justam suppositionis, imposturæque suspitionem adducenda, quæ ante Sæculum xi. vel Chartæ appensa Sigilla habeant, vel aliter, quàm superius demonstrata sunt, infixa exhibeant. Audi Petrum Boerium Episcopum Urbevetanum: In quibusdam Monasteriis antiquis Privilegia quamplura Caroli Magni Regis Franciæ, & Augusti vidi integra: In quibusdam non appenduntur sigilla per corrigiam, vel fila, sicut hodie, sed sunt affixa literis, tenentia chartam amplexam ab utraque parte cum bona quantitate ceræ (3). Sed Boerio præisse omnino videtur Petrus alter Caroli VI. Francorum Regis Capellanus, qui in Chronicon Damasi Papæ, vel potius, in Catalogum, & Vitas Romanorum Pontificum commentatus, olim, inquit, non appendabantur sigilla per corrigiam, vel fila sicut hodie, sed affigebantur literis, tenebantque Chartam amplexam ab utraque parte cum bona quantitate Ceræ. Idque observatum est usque ad Ludovicum Crassum, qui regnare cepit A. D. mcx. Hic enim primus coepit appendere sigilla, quum ejus patris Philippi primi, & anteriorum Regum Privilegia, quæ in nostro Chartophylacio extant, habeant illa affixa, atque ab utraque parte pergameni apparentia (4). Eodem itaque ritu, quo alii Reges tunc temporis, Beneventani quoque Principes in apponendis sigillis suis utebantur: nondum enim eorum ævo sigilla Chartis appendebantur, auro, argento, plumbo, ceræque impressa, quas Bullas serior ætas vocare coepit, eodem postea nomine ad ipsas Chartas significandas translato. Sed de hoc argumento opportunius agemus, quum de Ecclesiâ Beneventanâ, ejusque Antistitem Chartis plumbeum Sigillum (quod etiam nunc obtinet) appendere consuevit, sermo erit.

Sed præter sigillandi communem cum aliis supremis Dominis morem, augustiorem adhuc ritum in sua, quæ Monogrammate continebatur, subscriptione Principes nostri æmulati fuere, ut scilicet non atramento, sed rubro liquore propriam subscriptionem exararent. Inter alios honoris titulos, atque insignia, quibus post Constantinianum ævum Constantinopolitana Aula plus nimio splendescere studuit, ambitiosior ille mos videri debet, quem Imperatores in suis subscriptionibus observare coeperunt. Peculiarem primùm literarum formam Augusta manus adhibebat, quam æmulari cæteris nefas esset, quavis etiam Dignitate pollentibus. Hinc Festo Vicario Africæ, ne, quod coeperat, affectare pergeret, aliisque imitandi occasionem præberet, Imperat. Valentinianus, & Valens sanctione lata vetuerunt anno

(1) Leg. xxi. Digest. Qui Testam. facere poss.

(2) Antiq. Med. Ævi Dissert. xxxv. tom. III. p. 87.

(3) Apud eund. Murator. l. i. pag. 90.

(4) Apud Joan. Kirchmannum de Anulis cap. viii. pag. 33. Francofurti 1672. qui Petri locum exceptit ex Jacobi de Breul notis ad cap. x. lib. II. Aimoini.

anno cccclxvii. *Serenitas nostra* (inquiunt) *prospexit inde Coelestium literarum coepisse imitationem*, quod his apicibus tue gravitatis officium consultationes, relationesque complectitur, quibus *Scrinia nostra* perennitatis utuntur: quamobrem ipsius Sanctionis auctoritate precipimus, ut posthac communibus literis universa mandentur, quae vel de Provincia, vel à iudice fuerint scribenda; ut nemo *Styli Imperialis exemplum*, aut privatè, aut publicè sumat (1). In quibus *Imperialis Stylli*, seu *Coelestium literarum apicibus*, quibus Augustorum *Scrinia* diversis a comuni scribendi ratione characteribus utebantur, facile Monogrammatum, quorum postea usus apud Principes obtinuit, originem agnoscendam crediderim. Habes interim *Imperialis subscriptionis Literas coelestes* appellatas; quid demum de Imperatoris manu, quae illas scriberet, expectabis? En tibi *Divinam* eam manum appellatam: Id sibi eadem manus tribuebat; nam subscriptionem ipsam singulares illae litterae ET. M. D. idest ET MANU DIVINA: recepto more, ac solemnis formulæ instar antecedere solebant (2). Sed ad *Coelestes Literas, divina*, si Diis placet, manu perhibendas, indecorum fuisset communem liquorem adhibuisse: omnium igitur, qui *Imperiali Purpure* responderet, præstantissimum statuere libuit, quem *Leo Augustus* describens, ad eam *Scriniolorum Imperialium* proprium voluit, ut adversus eos, qui usurpassent, *Majestatis poenam*, capitis, fortunarumque amissione, sanciret. *Sacri* (inquit) *affatus*, quoscunque nostra mansuetudinis in quacunque parte paginarum scripserit, auctoritas, non alio vultu penitus, aut colore nisi purpurea tantummodo inscriptione lustrentur; scilicet, ut costis muricis, & triti concillii ardore signentur. Hanc autem *Sacri Encausti* consecutionem nulli sit licitum, aut concessum habere, aut quarere, aut à quocunque sperare: Eo videlicet, qui hoc aggressus fuerit tyrannico spiritu, post proscriptionem bonorum omnium, capitali non immerito poena plectenda (3).

Sed non id *Encausti* genus a Leone expressum, perpetuo usui Augustis fuit, qui quod illum liquorem non ferebatur obviu habere possent, purpureis quidem literis subscribendis morem retinere, sed *Cinnaberim* ad eam rem adhibebant. Præclarum id ex Pontificis Gregorii II. ad Imper. Leonem Epistola 1. : *Illud* (inquit) *præcipuum est, quod Litera tue, & non aliena sigillis Imperatoris obsignata diligenter sunt, & accuratè intus subscriptiones, per Cinnaberim propria manu tua, ut mos est Imperatoribus subscribere* (4). Scio, Virum doctissimum Nicolaum Alemannum in ea fuisse sententia, ut Pontifex Gregorius in ea Epistola nonnisi ob coloris similitudinem *Cinnaberim* vocasse, quod nonnisi *Imperatorium Encaustum* esse debuit ex murice confectum; quod dicta Leonis lege probari ait (5). Exemplum verò Impera-

ALTER

Z 2

lium

(1) Leg. III. Cod. Theodof. Ad leg. Cornel. de Falsis Dat. Lupicino, & Jovino Goss.

(2) Vid. Briffonum de Formulis lib. III. cap. 79.

(3) Leg. VI. Cod. de Diversis Rescriptis. Dat. VI. Kal. April. Jordane, & Severo Consul. an. 470. Encausti vocabulum in hujus Legis lectione Haloandro probatum, in Encautum corriggit Cujacius, observatque ad eandem legem Gothofredus. Sane Encauti meminit Imp. Constantinus in Lege IV. Cod. Theod. De Extraord. mun. ibi. Manu propria perscribant, atque encauto nomina advertant: Sic quoque Imp. Arcadius, & Honorius in Lege I. ejusdem Codicis De Veteranis, se Veteranis post missionem certa per edictum indulgisse ajunt, quo scribendi tabulis, vel Encauto, & cerussa conscribere detur eis licentia. Sed quicquid de Encauto sit, fuisse etiam Encaustum satis constat, ex quo Encaustica pictura Plinio memorata lib. XXV. cap. XI. & lib. XXXVI. cap. XXV. Quomodo vero sacrum id Encaustum, quo Augusti in subscribendo uterentur, conficeretur, aperit Leo tradit, ut scilicet ex cocto murice, tritoque concillio simul commixtis liqueretur. Illud vero vocabulum ad liquorem tam ingentis pretii, nobilitatisque olim significandum, serior ætas ad atramentum, quo passim chartæ scriberentur, transiisse pluribus exemplis probat Cangius in Glossario, itaut Encaustum, aut ut loquebantur, Incaustum, idem postea fuerit, quod nobis Italis Incisioffa, quam vocem ab ipsius Encausti corrupto vocabulo derivatam arbitror.

(4) Apud Baronium in Annal. ad An. 726. & P. Lab-

beum Concil. tom. VIII. pag. 651. edit. Venet. 1729. Epist. I. Concilio Niceno XI. præmissa.

(5) In Commentario ad Anecdota Procopii pag. 29. ubi in illa Procopii incidit: Colore imbutus, quo scribere mos est Imperatoribus. Pergit porro Alemannus plura ad rem nostram dicere, quæ libenter describemus. Encaustum hodie in Italia dicimus Enchiostro: liquor ille purpureus, quem hic non atramentum, sed purpuramentum vocare liceat, servabatur in atramentario, nisi dicere malis etiam purpuramentario, quod cum Caniculi formam effigiemque præferret (quales atramentarium formas hodieque usurpamus) ob id Caniculus est appellatum. Et a Caniculo erat, qui Cæsari ejusmodi purpuramentarium ministrabat. Anastasius Bibliothecarius ad Octavam Synodum An. 10. Præpositus Caniculi est, qui curam, & custodiam gerit Caniculi, idest Atramentarii, ex quo Imperator Phœniceas litteras scribit in Chartis. Ad nomen si quid præterea Cæsari subscribendum erat, id Præpositus Caniculi manu sua exarabat, quod in calce ejusdem Synodi Christophorus Bassili Imperatoris a Caniculo fecisse liquet. Hactenus Alemannus, cujus dictis verba dictæ Octavæ Synodi ab ipso indicatæ adscribere præstat. Porro in dicta Actione 10. cui Anastasius suam notam adiecit hæc leguntur. Post hos piissimi, & amatores Christi Imperatores, Bassilius, & Constantinus figentes quidem propria manu in quinque voluminibus pretiosæ Crucis figuram, Basilio Magno Imperatore, similiter etiam Constantino figente Crucem pro se, & Fratre suo Leone subscribente quoque nomina trium Imperatorum præ-

ium ejusmodi subscriptionum sive *Encausto*, sive *Cinnabari* factarum heic congerere otiosum esset, nam passim apud Veteres Scriptores illarum mentio est, pluraque, atque insigniora a Viris doctissimis indicata habemus (1). Neque Encausti, sive Cinnabaris in subscribendo usum nullis, ut Leo sanxit, *licitum aut permixtum habere, aut quærere, aut à quocumque sperare deinceps fuit*; Nam sequuti Imperatores id privilegium, sive Majestatis insigne tum Filiis Imperii confortibus, tum etiam Generis suis concesserunt: Imo Isaacum Angelum Augustum Theodoro Avunculo suo, cui summam rerum commiserat, non solum purpureas phaleras, simileque Pallium equitando, sed etiam eundem colorem in subscribendis publicis libellis, literisque permisisse, Nicetas testatur (2).

Sed & alii mox non impunè modo, sed propriæ auctoritatis jure, Græcorum exemplo Augustorum, eum subscribendi ritum sibi arripuerunt; nam qui in ipso Imperio ad occasum suum inclinante Principatus alios constituerunt, non solum ab Imperiali obsequio se subducere, verum etiam eadem majestatis insignia æmulari coeperunt. Hinc Beneventani Principes, qui post excisum in Gistiberina Italia Longobardicum Regnum supremi Domini prærogativam sibi fecerunt, id inter alia sibi mox usurparunt, ut *purpureis literis subscriptiones suas decorarent*. Coeptum ab ipso Principatus conditore Arichi morem crediderim; nam qui ut sæpe audivimus ex Erchemperto, in suis Chartis: *scriptum in Sacratissimo nostro Palatio*: scribi præcepit, purpuream quoque subscriptionem adhibuisse, par est, ut credamus, eumque ritum Successoribus suis servandum reliquisse, quorum tamen nulla ut dixi ante annum cm. autographa supersunt Diplomata: Quæ autem Principis Atenulfi, Pandulfi, ac Landulfi incolumes Chartæ ad nos pervaserunt, illorum subscriptiones, seu illa, quæ edidimus, Monogrammata purpureis literis cum ipso Crucis signo cinnabari, seu minio conscripta exhibent. Quid quod & seriore ævo Robertus Comes non solum Monogramma suum, quod aliis addidimus, rubricatis literis exaravit, verum etiam colore eodem adjacentia verba (idest *Signum Roberti Comitis*) manu sua conscripserit, ut in ejus autographa charta spectare est? Sed jamdiu ab inferioris dignitatis personis id usurpatum ostendit Privilegium Caroli Calvi, in quo illud præcipuum Mabillonius observat, quod Caroli Monogramma Cinnabari, seu minio pictum est more Græcorum Imperatorum, quin etiam Gozlini Cancellarii nomen adscriptum est literis *iridem Rubricatis* (3). Adde demum, quæ in Vetere Notitia, seu Judicato ad res Siculas spectante habentur, ac pluribus superius observatis opportunam lucem præstabant; Nam sic in ejus Chartæ fine scriptum est: *Unde ad certitudinem dictæ Sententiæ posuimus nostra sigilla, & Dominus Rex posuit suum signum per literas rubeas, & signum Crucis fecit ad suam confirmationem, & fecimus instrumentum Episcopo, & Domino Gilberto cum Alphabeto cum incausto (perperam in castro) rubeo de donatione, & contrahibus* (4). At de Monogrammatibus, subscriptionum loco adhibitis, eorumque varia forma, ac coloribus jam fati.

Redeo nunc ad ea Monogrammata, quæ Nummis insculpi solebant: atque in eorum censum non solum referri, immo aliis anteferri Monogramma meretur, quod in nostri Principis Grimoaldi Nummo spectamus. Non illud quidem in Crucis formam se offert, quam in Chartis subscriptionem continentibus servatam vidimus. Quare opinari illud fuit, non unum ab eodem Principe usurpatum Monogramma, qui alterum in Nummis, Sigillifve suis, alterum in suis subscriptionibus adhibendum sibi duceret: De Atenulfo certa res est, cujus subscribentis Monogramma diversum omnino ab eo, quod Sigillo exprimebatur, superius conspeximus. Nummarium autem Grimoaldi Monogramma hæc tantum ejus nominis literas exhibet, GRIMOAL, eo quidem compendio, atque formâ, ut nihil præclarior, nihil etiam concin-

propria manu, & subscriptionis residuum subscribente Christophoro Protasceretis & Præposito Caniculi; Vide-
lis Jac. Gretserum in observation. ad Georg. Codinum de Offic. Constantinopol. pag. 242. tom. xviii. Scriptor. Hist. Byzant.

(1) Vid. Briffonius lib. l. & Gothofredum ad d. leg. vii. Cod. Theod.

(2) Nicetas Choniates in Isaac Angelo lib. xii. c. v. inter Scriptores Hist. Byzantin. tom. xii. pag. 230. edit. Venet. ex quo Niceta illud etiam discimus, Tutori Imperatoris impuberis viridi colore subscribendi privilegium ritumque fuisse: Sic in Alexio Manuele Comneni Filio lib. vii. cap. 4. pag. 123. tradit Alexium

Protosebastum edictum impetrasse, quo continebatur ea, quibus manus Imperatoris adhuc impuberis subscrip-
sisset, non aliter rata fore, nisi prius Alexius ea vidisset, & colore viridi subscripisset: RATA SUNT. Sed neque illud præteream, Patriarchis Constantinopolitanis Cæruleum colorem in subscriptionibus proprium fuisse, eumque morem sub primis Palæologis incæptum, utl Cantacuzenus testatur lib. xii. cap. 36. Patriarcha qui gradum permutare non poterat, habitu se augustiorem fecerat, & in subscriptionibus colore Cæruleo usus est.

(3) De Re Diplom. lib. v. pag. 404. edit. Paris. 1681

(4) Apud Ruchum Pirrum Notit. Sicil. tom. i. p. 311.

concinnius, atque elegantius excogitari possit; dum ab apice partis dexteræ litera G. exordium faciens in R. descendit, atque ad reliquas sibi succedentes literas perducit.

Antea verò, quàm de hoc nummario Grimoaldi Monogrammate dicam, reliqua heic omnia, quæ in utraque Nummi facie expressa habentur, simul exponere, paucisque illustrare pergam. Ac primum, utrobique *Crucis* signum insculptum voluit Grimoaldus, alterum quidem exiguum ad dextrum Monogrammatiatus, quasi adhærentem sibi, individuumque è salutari Signo tutelam auspicatus, alterum verò in postica Nummi facie sublimiter erectum, cui hinc A, inde Ω , atque in circulo BENE-BENTV. insculptum est, quasi iteratà ea insigniori Cruce Urbi Gentique suæ eandem tutelam, præsidiumque adprecaretur. Sed nec dissimulanda est, quæ in Monogrammati facie occurrit nota illa, trianguli instar inversi, eidem Monogrammati imposita, sed nullo ei nexu coherens, non otiosè quidem insculpta, sed explicatu difficilis. Fortasse Denarii nota illa fuerit, qua Nummi valor, qui revera Denarium pendit, demonstraretur: Certe apud Græcos Sigla, seu Nota Δ idest *Δεκα* Decem significat. In marmore Oxoniensi, aliisque pluribus Græcanicis monumentis eadem Sigla decem annos, vel drachmas denotat; uti apud Sponium *Miscell. Sect. x. p. 356.* & Gruterum p. 495. 1. Nihil similis veri, quàm ut à Græcis eandem Notam ad suos Denarios indigitandos Beneventani principes mutuati sint, qui in suis nummis & illud adhuc inextricabile CONOB, & reliqua Pserè omnia Majestatis insignia, quæ in præcedentibus nummis jam spectavimus, passim usurparunt. Sed de Monogrammate jamnunc agamus.

Longè ante hoc ævum insculpi Nummis Monogrammata consuetum fuit: ac, ut nunc præteream venerandum Christi Monogramma à Constantini, seu potius (ut superius notavi) à Constantii ævo, ac sæpius deinceps in Byzantinorum Augustorum nummis obvium (1); extat quidem Marciani Imperatoris Numisma, ubi ejus Monogramma conspicitur (2). Extat & Nummus Ravennensis ab Exarchis sub Augusto Mauritio percussus, in cujus postica parte in medio laureæ Coronæ ejus Urbis Monogramma insculptum est, R. videlicet, cui A. implexum est (3): Utque aliquid ex primæva, cultissimaque Antiquitate in hanc rem conferam, pulcherrimus se offert Nummus præclarissimæ olim Urbis Tyri, Phœnicie Metropolis, in quo Monogramma est ingeniosissimè insculptum ab ingeniosiore Viro, Cardin. Noriisio in Epochis Syro-Macedonum Dis. XV. cap. III. ita explicatum: *In antica parte visitur Caput Herculis laureatum: in altera verò parte sculptum est Monogramma Tyri, itaut Clava, Hercules in signe, restant lineam literæ T suppleat, in illius summitate superiori literæ Y parte apparente, litera verò P loco transversaria literæ T ponitur, ut epigraphe sit ΤΥΡΟΥ ΜΗΤΡΟΠΟΛΕΩΣ, que posterior dictio in Nummi area Monogrammati hinc inde adjungitur.* Extant denique apud Muratorium Pontificii Nummi noni, decimique sæculi variis Monogrammatibus passim signati; sed ut ad alios Principes, propinquaque Grimoaldo tempora progrediamur, mirum in modum rem nostram illustrat Edictum Pittense Caroli Calvi, qui anno Christi 875. & Francici Regni 36. Ludovico II. Impertatori successit. Edixit itaque Calvus cap. II. ut in denariis novæ nostræ monete ex una parte nomen nostrum habeatur in gyro, & in medio nostri nominis Monogramma: ex altera vero parte nomen Croizatæ, & in medio Crux habeatur (4). Habes itaque ex hoc monumento receptum per eam ætatem signandorum in Nummis Monogrammatum morem, ac eadem penè ipsa a Carolo de denariis novæ suæ monete constituta, quæ paucis ante annis Grimoaldus in nummis suis, suoque jure perfecisse probatur.

Hoc amplius verò suis nummis addidit Grimoaldus, ut scilicet sigla illa A & Ω , seu ω ad Crucis latera adscriberentur: qua re & illustrius Religionis suæ argumentum prodidit, & nobiliora sibi proposuisse exempla videtur: Hos Characteres A & Ω Græci Imperatores suis Nummis fere semper insculptos voluere, ubi vel Crux, vel Christi Monogramma insculptum esset, itaut hinc A, inde Ω sive Cruci, sive Monogrammati sociaretur: de quorum quidem characterum vi, ac significatione multa alii commentati sunt: at illud non omnino convenit, quo scilicet tempore ea Sigla adhiberi in nummis, aliisque Christianorum monumentis incoeperint. Sunt enim qui post Arii nefariam hæresim exordium faciant, ut scilicet Christi Divinitas ex ejus oris testimonio confirmata amplius extaret, quandoquidem seipsum esse Alpha, & Omega, Principium, & Finem in Apocalypsi cap. I. declaravit: heinc itaque illorum Characterum invecito passim usu solemniss veluti contra Arianorum errorem Catho-

(1) Vide Gangium in Familiis Byzantinis in nummis Constantii, Joviani, Theodosii &c.

(2) Apud Orl. Stradum pag. 249.

(3) Apud Gang. in Diss. de Infer. Ævi Numism. nu. 74.

(4) in Fam. Byzant. in Mauritio pag. 86. sed & idem Gangius alios tres Iustini junioris Nummos protulit vario Monogrammate insignitos in laudato Opere Fam. Byzant. pag. 73. (4) Apud eund. Gangium in Glossario.

licorum professio. At libentius in eorum sententiam descenderimus, qui ab vetustiore ævo morem repetunt: nam & in Martyrum monumentis, qui sub Ethnicis Imperatoribus occubuerunt, insculptos etiamnunc spectare licet (1). Cur vero hanc præclarissimam Divinitatis notam ab ipso Dei ore acceptam, Christo tribuere non studuissent priores Christiani, qui eundem Deum, Hominemque, Salvatorem, Redemptoremque frequentibus adeo Symbolis aliis ex Sacrorum Librorum auctoritate, ac testimonio acceptis, ab Ecclesiæ exordiis demonstrare, ac revereri vehementer amarunt? Sed hæc alias.

Supereft, ut de Epigrapha illa BENE-BENTV. quæ Grimoaldi nummo inscripta est, pauca observemus. Duplicem in eo vocabulo pseudographiam agnoscimus. Prior illa est, qua B pro V usurpatur: quod ne ad Longobardorum barbariem referas; jamdiu enim in vetustis sequioris ævi monumentis alteram pro altera litera passim obtinuisse constat, ut *Bidua*, pro *Vidua*, *Baleria*, pro *Valeria*, *Vibis* pro *Vivis* (2), & alia sexcenta, quæ jam Viri docti observarunt (3). Altera est, quod ab eodem vocabulo litera M, in qua definire debuit, rejecta sit: Quod nec Longobardorum vitio tribuendum; sive quod nullum in Nummi Circulo spatium, ut videtur, eidem addendæ literæ superfuisset; sive potius quia quum dicta litera in dictionum sine exilem, obscurumque redderet sonum, facile ab Romanorum usque ævo, nec enunciari, nec scribi solebat, ut tradit Quintilianus (4). At hæc minifcula: illud graviore animadversione dignum, cur scilicet Grimoaldus nomen suum solo Monogrammate in eo nummo exposuisset contentus, in altera facie non se Beneventi Principem, sed duntaxat ejus Urbis nomen recto casu inscriptum voluerit. Ideo factum si quis putaverit, ut (quod Carolus Calvus faciendum edixit) qua in Urbe, sive officina Monetaria Nummus percussus esset demonstraretur, non omnino recte opinatum dixerim. Inscribi quidem nummis Urbium nomina, ubi illi signarentur, & mos, & sanctio fuit; sed dum ea duntaxat de causa memorandæ Urbes essent, earum nomina in inferiori parte nummi vix prioribus literis indicare satius fuit: sic (ut CONOB, idest ut vulgo volunt, CONSTANTINOPOLI OBIgnata, nunc omittam), jam TROB. AQOB. THEOB. nihil aliud, quam TREveri, AQuilejæ, THEssalonicae OBIgnatos quamplures nummos, qui eas literas infernè inscriptas exhibent, Cangius observavit (5).

Alia igitur ejus inscriptionis verisimilior causa quærenda est, quam facile ex ipsius Urbis dignitate repetendam reor. Sunt quidem Nummi quamplures veterum Romanorum, tum Rep. stante, tum Cæsaribus Dominis, tum Imperio inclinato percussi: quibus in nummis Romæ imago capite plerumque galeato insculpta est, cum harum inscriptionum alterutra, vel subtus, vel ad latus, vel in gyro, vel utrinque signata: ROMA. URBS ROMA. ROMA RENASCENS. INVICTA ROMA (6). Eadem ROMA, distributis in Crucis formam literis, in vetustioribus noni, decimique sæculi Romanorum Pontificum Nummis, digniorem, idest mediam illorum faciem inscripta occupat (7); memorandusque heic iterum est Nummus Ravennensis superius observatus, cujus alteram faciem Monogramma ejus Urbis nomen complectens exornat, alteram vero Mulieris corona murali redimitæ effigies, quam hæc inscriptio circumdat: FELIX RAVENNA. Quis itaque id sibi persuaserit, propterea Romæ, Ravennæque vocabula iis Nummis inscripta, quod ibidem percussif designarentur? Illud potius affirmare proclive erit, demonstratam ea inscriptione utriusque Urbis dignitatem, ut alteri, Augustorum olim, mox Pontificum Sedi, alteri Imperiali Italicae Aulæ, suus cuique honos haberetur. Pari itaque consilio inscriptum Grimoaldi nummo BENE-BENTV censeretur debet; itaut non solum ea inscriptio nativum, sive proprium Urbis Decus ostenderet, aut augeret; verum etiam ex altera facie *Principis* nomen, qui tunc regnaret, ex altera Urbis, quæ *Principatus* Caput, atque augusta Sedes erat, vocabulum præferens, parem utrique deberi honorem, commonere videretur.

CAPUT

(1) Ita eam sententiam confirmat V. C. P. Lupus in Epitaph. Severæ pag. 142. ex monumento Eraclii Martyris apud Aringum Romæ Subterranean. lib. 111. cap. 22. pag. 605. Addam inscriptionem sepulchralem Thoribii cum Monogrammate Christi adjectis A, & M, quam procul dubio primorum temporum statuit Mabillonius in *De Cultu SS. Ignor.* post Dissert. ad Sæc. Bened. Venet. 1740. pag. 575.

(2) Apud Fabretum cap. VIII. pag. 545. & seq.

(3) Reinesius *Inscript. Class.* 1. num. 10. Spanhemius de *Præst. Numism.* cap. 11. pag. 87. alique passim.

(4) *Inst. Orat.* lib. 1x. cap. 4.

(5) In d. Dissert. de inf. ævi num. n. XLVII.


(6) Apud Ant. Augustinum *Dial.* 111. pag. 93. edit. Rom. 1737.

(7) Apud Murator. *Antiq. med. ævi Dissert.* xxvii. pag. 556.

CAPUT IV.

Plures Siconis, qui Grimoaldo II. successit, Nummi, tum alias, tum non antehac editi, exhibentur; altero addito ejus filii, Successorisque Sicardi. Siconis Genus, Resque praesertim adversus Neapolitanos gesta. Quae olim a Beneventani Ducatus exordia, vario tempore eisdem adversus Neapolitanos Beneventanorum Ducum, Principumve praelia, victoria, foedera: quidque illis juris, potestatisque in Neapolitanos quaesitum. De ipsius denique Siconis, & Sicardi Nummis explicatio traditur.

P Rincipem Grimoaldum II., cognomine *Storefayz*, seu *Thesaurarium* excepit Siconis Principatus, nefaria (uti jam diximus) decessoris caede partus, ac suis quoque Nummis insignis. Plures Principis Siconis Nummos superstitēs habemus, praecipuum aureum, argenteos alios, quorum haec ad archetyporum fidem expressa exemplaria proferimus.



Aureum, quem primo loco exhibui, accuratius expressum nunc habes, quam olim ego in Præloquio Tomi I. ex Muratorio edideram: Aureum excipit *Argenteus deauratus* ab eodem Muratorio vulgatus, cui *Argenteum* alium addo, apud me servatum, ac nunc primum lucem aspicientem: Siconis Nummis alterum quoque aureum Sicardi filii subjecimus, ut qui olim Principatus Confors fuit, eodem etiam nunc loco Nummorum focus incedat. Sed prius de ipso Sicone videamus.

Quo anno, seu potius tempore Longobardicum Regnum Carolus Magnus adeptus est, Beneventum secessit Sico, ex Longobardorum Transiberinæ Italiæ illustri genere ortus, non asylum modo, verum etiam lares apud Beneventanos quaesiturus. Patriam silet Erchempertus cap. VIII., Siconem *Profelytum*, idest advenam, aut hospitem appellasse contentus:

tentus: nec ejus rei, nisi leve vestigium, aut potius certi loci divinandi occasionem præstat ejusdem Epitaphium, ubi hæc legimus.

*Natus in Ausonia præstanti Corpore terra,
Francorum postquam cado subacta fuit.
Quem Mater cornens eleganti luce nitentem,
Ad loca se rapuit non nocitura pio (1).*

Johanni Diacono Neapolitano Chronographo id deberi censet Cl. Muratorius, ut ea res manifesta esset; nam is, Grimoaldo extincto, Successorem ab ipsis datum tradit *Siconem*, *Forojulensem*, qui puerulus illuc cum sua Matre venerat *Avola* (2); ad quem Diaconi locum ita Muratorius. *Siconem Principem Beneventanum à Forojulii originem suam duxisse, fortassis ignoraremus, nisi rem nobis hic Scriptor servasset: ac recitatis Epitaphii versibus, Ausoniam solam memorantibus, nunc (subdit) horum verborum sensum assequimur. Postquam Longobardicum Regnum anno 774. Franci sibi subjecere, Mater (de cujus nomine Avola mendi suspicio esse debet) Siconem eodem anno natum à Forojulii derulit Beneventum, quò nondum penetrarant Francorum arma, aut si penetrarant, Principibus Beneventanis pacem, ac penè integram auctoritatem reliquerant. Sed non unus Neapolitanus Diaconus Siconis Patriam nobis detexit, quam satis præclare prodiderunt tum Anonymus Salernitanus, tum Cavenensis Chronographus, ab ipso tamen Diacono omnino discordes; nam quem *Forojulensem* Diaconus dixit, *Spoletinum* illi pari testimonio affirmant (3). Adde his bina ea vetusta Chronica, Principum Beneventanorum successiones, annosque summatis exhibentia, quorum alterum sic habet: *Sico Spoletinus, qui Comes, per annos xv. M. VII.*; alterum vero: *Sico Spoletinus Ann. xv. (4)*. Quale igitur Neapolitano Scriptori meritum? quæ etiam, refragantibus Longobardicis Scriptoribus, fides?*

Majus certe nobis negotium ipsi Longobardici Scriptores facefunt, ea de Sicone prosequuti, quæ non ipsum cum Matre puerulum, sed grandævum cum Uxore & filiis virum, Beneventum, Grimoaldo II. Principe, advenisse narrant. Ita præ aliis Anonymus Salernitanus l. 1., neque aliter Erchempertus, qui Siconem a Grimoaldo dudum profelytum receptum, atque honoribus auctum affirmat. Contra vero Epitaphii Auctor Siconem tenella ætate Beneventum advenisse testatus, sequentibus versibus amplius rem ipsam aperit, nam a Principe Arichi lætanter susceptum, atque in ejus, ac dein Grimoaldi filii Aula præclare educatum subdit.

*Cujus ad adventum lætatus Duxor Herilis
Excepit gaudens spem, Benevente, tuam.
Mox Arichis Princeps arcana in mente puellum
Collocat, & spondet proles habere loco.
Nec minus & Grimoald natus de Principe Princeps
Sublatum erudit, jura tenendo patris.*

Epitaphii fidem libentiùs sequimur; nam Synchronum Auctorem habet, Neapolitani adhuc Diaconi testimonio comprobatum. Illud ex Anonymo, atque Erchemperto tutò accipiemus, Siconem scilicet sub Grimoaldo III., quum ætate idoneus jam esset; honores accipere coepisse, atque Agerentino Gastaldatu donatum; quæ fortassis causa fuit, ut quem hominem exterum cuncti noissent, uterque Scriptor tunc primum advenisse crediderit, quum Grimoaldi beneficiis notus esse coepisset. At nihil de posteriore hoc Grimoaldo in Epitaphio; cujus Auctor omnia dissimulanda sibi duxit, quæ Siconi de Decessoris sui nece invidiam conflare viderentur.

Sed de Grimoaldi nece Scriptores quoque dissidentes invenio. Occisum a suis habet Cavenensis Chronographus; patratum à Beneventanis aliquibus facinus generatim memorat Johannes

(1) Inter Opp. Peregrinii tom. III. pag. 309. edit. Neapol. 1751.

(2) Tom. I. part. II. Scriptor. Ital. pag. 312.

(3) Anonymus Salernit. cap. xxxvii. Hæc tempestate erat quidam Vir insignis in Civitate Spoletina nomine Sico &c. Chronographus Cavenensis ad Annum 817.

Obiit Grimoalds Princeps a suis occisus, & Sico de Spoletio electus est &c. Tum ad An. 833. Sico Spoletius (id est Spoletianus) moritur.

(4) Opp. Peregr. tom. v. pag. 7. & 17. edit. Neapol. 1754.

hannes Diaconus; Radelchi Comiti Confino, & Siconi Agerentino Gastaldeo Erchempertus attribuit, qui *sub dolo insurgentes in eum, cum jam extremum spiritum traheret, gladio eum peremerunt*. Anonymus vero Salernitanus Grimoaldi necem, Radelchis quidem suffragio, sed à Dauferii filiis, quos ille injuriis affecerat, patratam asserit Agelmundi scarii opera, qui *abstracto gladio cum paucis plagis eum vita privavit* (1). Chronographus denique Sophianus non ferro, sed veneno extinctum Grimoaldum famâ se accepisse, ait his verbis ad ann. DCCCXVIII. *Electus est Sico Princeps in Benevento, de quo fama fuit venenasse Grimoaldum Principem* (2). Ut hæc dissidia componamus, haud nobis magnopere laborandum ipsemet præstabit Sico, qui mox post Grimoaldum de medio sublatum, nec pudori, nec discrimini, sed propriæ securitati, emolumentoque sibi duxit, se ejus necis auctorem profiteri. Annales Bertiniani ad eund. ann. DCCCXVIII. Legatos à Sicone Principe ad Augustum Ludovicum submissos narrat, dona deferentes, eumque de nece Grimoaldi antecessoris sui excusantes (3). Præclariis de eadem legatione Chronographus Cavenfis ad eund. annum. *Sico nuncios suos misit in Francia ad Lugduicum Imp. Rathpertum nempe Gastaldum Vennisa, & Rifonem Consanguineum ipsius Principis, qui dona multa illi ferentes, de nece Grimoaldi eum excusarent, ne Imperatoris iram incurreret; quod & obtentum est per illos, & cum magna latitia reversi sunt* (4). Ita Parricidum (sic vocasse par erit) non solum impune cessit, sed Auctori adhuc præmii loco Principatum attulit, quem Optimatum inter se æmulationes, contrariaque populi studia scelesto, atque alienigenæ homini deferendum maluerunt (5).

Principatum sibi non immerito delatum, ostendere voluit, superiores Principes bellica virtute superare conatus: Rem perficere aggressus est, quam Deceffores sui ab ipsa pene Beneventani Ducatus institutione moliti fuerant, ut nempe Neapolitanos sibi subderet. Quid Deceffores ante Siconem in eam rem præstitierint, percurrisse, unumque sub conspectum collegisse præstabit. Urbem Neapolim vix tum orto Beneventano Ducatu, à Longobardis obsessam fuisse tradit clausula illa, quam Petrus Notarius Collectaneis ex Libris S. Augustini ab Eugipio Presbytero lucubratibus adjecit. Opus iusta Reducis Episcopi Neapolitani ab se emendatum, ait Petrus *sub die Iduum Decembrium Imperatore Domino nostro Tiberio Constantino Perpetuo Augusto anno septimo, post consulatum ejusdem Augusti anno tertio, indictione quinta decima, obsidentibus Longobardis Neapolitanam Civitatem* (6). Nihil hac re certius, quam non solum à Synchro, verum etiam præsentem, publicæque calamitatis consorte Scriptore testatam habemus. Certum quoque illud, eandem obsidionem anno 582, cui adscriptæ temporis notæ singillatim respondent, susceptam à

ALTER

A a

Longo-

(1) Cap. XLIII. Sed & Cap. XLVIII. rem ipsam amplius confirmare pergit, datas ab Agelmundo divinitus sui sceleris pœnas enarrans. *Agelmundus* (inquit) *de quo supra mentionem fecimus, dum deambularet juxta Siler fluvium Accipitrem in manu ferens cum paucis suis sodalibus, cum se unusquisque, ut mos est, sequestraret ad capiendas aves, subito ipse Agelmundus conspexit Grimoald Principem, quem ille dudum extinxerat, furentem cum albo Equo, sicuti sedere solitus erat, evaginatoque gladio contra se venientem &c. Rei exitus fuit, ut Agelmundus frustra evadere fuga molitus, percussus paullo post interiret. Credat qui volet Anonymo, à quo tamen illud, vetustum nempe morem fuisse libenter accipimus, Accipitres ad venationem, seu aucupium adhibendi.*

(2) Apud Murator. Antiquit. Med. ævi to. I. p. 254. & inter Opp. Peregr. tom. IV. pag. 360.

(3) Apud Murator. Scriptores Ital. tom. II. part. I. pag. 512.

(4) Inter Opp. Peregr. tom. IV. pag. 390.

(5) Rem, uti gesta fuit, distincta, ac satis verisimili narratione prosequitur Anonymus Salernitanus c. XLV. *Dum talia* (inquit) *post Grimoaldi necem patrata fuissent, intestinus gladius inter Beneventanos exortus est pro Principali ambitione, sed maxima pars Populi Radelchis adhaerebat. . . . Rostri denique, de quo superius fecimus mentionem, exinde omnino decertabat, quare tantum dignitatis præmium obtineret, unde fecerat Siconi iusjurandum. Quid multa referam? Inter agmen Populi se Radelchis objecit, atque vocem emisit magnam, & inquit; Ex nostris prorsus omnimodo mini-*

me Principem faciemus, sed externum Dominum Siconem Principem sublevemus, & forsitan, Deo volente, nostræ Patriæ invidiam exturbemus. *Dum talia Radelchis promeret, omnis denique vulgus, & sublimes voluntati ejus obtemperantes adjecerunt: Bonus est sermo, qui ex ore tuo processit; quod inchoasti, etiam perfice. Idipsum Rostri agebat dicens, dignum fore talem Virum, tante dignitatis fastigium obtinere. Na Omnipotens Deus disposuit, ut sine ulla animarum periculi tatione, antedictus Sico, jam disti Radelchis concursu eandem, quam ambiebat, assumeret Principalem Dignitatem.*

(6) Scripsi: *Tiberio Constantino Augusto pro Tiberio Constantinopolis Augusto* (uti cum aliis habet Mabillonius Vet. Anal. pag. 60. novæ edit. Parisi. ann. 1723.) V. G. Mazochii opportunam, atque omnino veram emendationem sequutus in Comment. ad Kal. Marm. tom. I. pag. 130. Sed de anno (quem 582. statuit Mazochius not. 78.) libentius Mabillonio adhaerem, cuius hæc sententia est: *observatu dignæ sunt præmissæ chronologica notæ, ex quibus intelligimus Tiberium dictum fuisse Augustum triennio ante initum a Iustini morte imperium; & Neapolim à Longobardis obsessam fuisse anno DLXXXII. qui Indictione XV. prædictus erat. Atque à Mabillonio quidem, quem etiam à Pagii censura defendit, non dissentire postea videtur Mazochius in not. 93. dum tamen more Constantinopolitano is annus numeretur: Ceterum Zottonem primum Beneventanorum Ducem obsidionis auctorem non inficiatur Mazochius d. not. 78.*

Longobardis fuisse; eumque annum in Zottonis primi Beneventanorum Ducis undecimum incidere; qui quidem Zotto, durante etiam tum Longobardorum Anarchia, Ducatus sui fines proferre studens, in finitimos Neapolitanos vires suas explicare coepit. Irritum Zottonis conatum instauravit successor Arichis, qui anno 592. ipso nempe suscepti Ducatus exordio, novam Urbis Neapolitanæ obfidionem molitus fuit: id ex magno Gregorio scimus, cujus etiam vigilantia factum videtur, ne Arichis, Imperialibus copiis ad Neapolitanorum auxilium Ravennâ accitis, Urbe in extremum discrimen redacta potiretur: *De Neapolitana Urbe* (sic is ad Joannem Episcopum Ravennatem) *excellensissimo Exarcho instantèr imminente vobis indicamus, quia Arigis, ut cognovimus, cum Ariulpho se fecit, & Republica contra fidem venit, & valde infidiatur eidem Civitati, in quam si celeriter Dux non mittatur, omnino jam inter perditas habetur* (1). Sed non multis post annis eandem moliri rem cogitavit Dux Romualdus; cui post propulsatas, ac mox profligatas Imperatoris Constantis copias, amplificatosque ad Tarentum, ac Brundisium usque Beneventani Ducatus fines, id prosperè contigit, ut Cumano castrò, Neapoli satis propinquo, ac Neapolitanorum propugnaculo potiretur: sed coepitis obstitit æqua alterius Gregorii Pontificis vigilantia, quemadmodum uterque Paulus, & Joannes Diaconus, Anastasiusque Bibliothecarius testantur (2); Communem enim sibi Neapolitanorum, seu Græcorum Imperatorum causam Romani Pontifices effecerant, veriti, ne Longobardorum arma post reliquas Cistiberinæ Italiæ Urbes suo imperio adjectas, in Romanum Ducatum, Urbemque Romam postremò converterentur.

Feliciores conatu rem ipsam a sequutis Ducibus intermissam, Arichis alter repetiit; ratus, haud ferendos Neapolitanos a Longobardico Principatu exemptos, quem is in univerfa Cistiberina Italia sibi confirmaverat. Ac Neapolitanos quidem pleno Domini jure sibi subegisset Princeps Arichis, nisi Caroli Regis Francorum, seu Pipini Italiæ Regis ad Beneventanum invadendum Principatum properantis rumor in id melio-

(1) Lib. II. Epist. XLVI. al. XXXI. Indict. X., quæ in dictum Annum DCCXII. incidit: Porro Ariulphus ille, cum quo Arichis se fecit, idest consilia, viresque conjunxit, Dux Spoletinus fuit, Faroaldi successor, non verò Beneventanus, uti perperam dicitur à Gussavilleo in not. ad eand. Epistol. lit. a, alibi quæ me observatum fuit.

(2) Neapolitanus Scriptor Johannes Diaconus inprimis audiendus, qui in vita Sergii XXXVII. Episcopi sic habet: *Hic (Sergius) dum sub habitu adhuc Presbyteri degeret, Romualdus Dux Longobardorum pacis fraude simulans, misso exereitu, Cumano castrum quoddam tradente, invadit. Ad quem cum Joannes Magister militum cum suis adire festinaret, ad exequendam Benedictionem divinitus ille, de quo dictum est, Sacerdos inventus est. Data illico oratione Dux ille præscius votum Deo votis dicens. Si Domino annuente prosperè recepturus Castrum advenero, post decessum Pontificis, si adviro, istum Episcopum ordinabo. Quod & factum est. Abierunt, ipsum Castrum intrantes receperunt, atque stabiles, incolumes sunt omnes reversi. Satis opportune Cl. Aſſemanus tom. II. pag. 598. inſigne mendum, quod in editione Cl. Muratorii tom. I. part. II. Script. Ital. irrepſit, ex vetuſtiſſimo Johannis exemplari in Bibliotheca Vaticana ſervato ſublato curavitnam pro Romualdo Rex, qui nullus eo nomine Longobardorum fuit, Romualdus Dux, in d. exemplari ſcriptum monet, ſed & ipſe Aſſemanus in ejuſdem Johannis loco recitando parum ſibi cavit, dum præviuſ habet pro præſcius. At dum verò de Johannis codice mentio incidit, volupe mihi aliquando fuit, illum contrefcare in Bibliotheca Vaticana, ubi nunc aſſervatur, inter Codd. lat. num. 5007. Iſs codicibus accenſetur, quos ex Beneventano Archivio S. Sophiæ ad landatam Bibliothecam tranſiſſe conſtat: At in ejus fine characteribus ſæculi XIV. plus minus ſic ſcriptum inveni: *Iſte liber eſt D. Bartolomæi Apoſtoli de Benevento*. An ex ejus Eccleſiæ Tabulario in Archivum poſtmodum Sophianum tranſlatum? An potius vetuſtos Codices Beneventi ſervatos, unde quæque excipere, inque Bibliothecam Vaticanam*

aſportare ſtudium fuit? Sed ad Johannem, ut redeam, nihil is de Gregorii Pontificis ſollicitudine, ut Cumano caſtrum a Neapolitanis recuperaretur: quod tamen ei non ignotum, qui Paulum, & Anaſtaſium ſibi plerumque præloquentes habuit; nec proſecto ſilere debuit. Audiendus itaque Paulus Diaconus, qui de Geſt. Longobardorum lib. VI. cap. XL. ita ſcribit. *Superſiſte adhuc B. Papa Gregorio Romana Sedis, Cumano caſtrum a Beneventaniſ Longobardis percuſum eſt, ſed a Duce Neapolitano noſtri ſuperveniente quidam & Longobardis capti, quidam perempti ſunt. Caſtrum quoque ipſum a Romanis eſt receptum; pro cujus Caſtri redemptione Pontifex ſeptuaginta libras auri, ſicut primitus promiſerat, dedit. Ubertiori ſtilo rem ipſam aperit Anaſtaſius in vita Gregorii II. Cumano caſtrum ipſo fuerat tempore a Longobardis pacis dolo percuſum, quo audio omnes ſunt redditi triſtes; Abortans eis Sanctiſſimus Pontifex, & commonens Longobardos ut redirent; nam & munera eis dare, ut reſtituerent, voluit multa. Sed illi ſurgida mente, neque momitis audire, neque reddere ſunt paſſi: Unde nimis idem Sanctus indoluit Pontifex, ſeſequæ ſpei conſulit divina, atque in munitione Ducis Neapolitani, & Populi vacans, ducatum eis qualiter egerent, quotidie ſcribendo præſtabat. Cuius mandata obediētes, conſilio inito moenia ipſius Caſtri verſuti ſub nocturno ingreſſi ſunt ſilentio; Johannes ſcilicet Dux cum Theodino Subdiacono, & Reſore, atque exercitu, & Longobardos pend trecentos cum eorum Gaſtaldione interfecerunt, vivos etiam amplius quingentos comprehendentes, captos Neapolim duxerunt. Sic Caſtrum recipere potuerunt. Pro cujus redemptione ſeptuaginta auri libras ipſe Sanctiſſimus Papa, ſicut promiſerat ante, dedit. Quibuſne adeo ingens auri pondus a Pontifice datum? Utique Longobardis; quibus, ut Caſtrum redderent, dona multa promiſerat; Itaque vix puto, Caſtrum a Neapolitanis receptum ea Longobardorum cæde, & captivitate, quam Paulus, & Anaſtaſius commemorant, Johannes vero Patritiarum rerum ſcriptor omnino ſilere.*

melioris tum consilii ipsum perduxisset, ut scilicet tributarios tantum habere Neapolitanos contentus esset. Rem totam Erchemperti verbis audire libet. *Capta, & subjugata Carolus Italia, Pipinum filium suum illic Regem constituit; tunc ille stipatus innumerabili exercituum agmine, crebrius Beneventum adiit capessendum. Quo tempore Arichis gener jam fatis Desiderii, vir Christianissimus, & valde illustrissimus, atque in rebus bellicis strenuissimus Beneventi Ducatum regebat: qui audiens eos super se adventare, Neapolitibus, qui a Longobardis diutina obsidione fatigati erant, pacem cessit, eisque diaria in Liburia, & Cemeterio per incolas sancita dispensatione, misericordia vice, distribuit. Istud vero, quod Erchempertus memorat, novissimum omnium Pactum, ab Arichis cum Neapolitanis initum, censet Peregrinius; nam ex Pacto, quod is in lucem edidit, manifestum subdit, Arichim, nec semel, nec una forma, cum Neapolitanis foedera junxisse (1). Quæ quidem foedera ita intelligenda ajo, ut suis legibus Neapolitanos vivere, veterique libertate frui fineret Arichis, qui tamen non una re sibi obnoxios haberet. Certam rem habeo ex Cæsarii Neapolitani Consulis Epitaphio, quo monumento, seu testimonio, nihil tutius, simulque locupletius haberi potest. Ac primum Epitaphii auctor, inter alia ad Cæsarium sic loquitur.*

*Sic blandus Bardis eras, ut Foedera Graiis
Servares sapiens inviolata tamen.*

Idest; sic Longobardis Cæsarius obsequabatur, ut non ideò a veteri Græcorum Augustorum imperio deficere probaretur. Utrorumque enim gratiam tenere satagebat; tenuissetque, Neapolitanos magnopere intererat, ut Reipublicæ suæ administrationem servare sibi possent. At non id satis vilum Arichi, qui illorum subjectionem, eodem Cæsario oblide accepto, amplius confirmatam sibi voluit: quemadmodum ex eodem Epitaphio manifestum habemus.

*Nutritus obfes Arichis moderamine Sancti,
Salvasti Patriam prememorande tuam (2).*

Idest; pro Foederum, pactorumque observantia, ac securitate, obfes nutriti, ac diutissime permanere apud Arichim Cæsarius maluit, quàm patriam Neapolim in amittendæ penitus libertatis discrimen adducere.

Arichis filius, ac successor Grimoaldus assiduis Francorum armis exagitatus, rata cum Neapolitanis paterna foedera habuisse videtur; cujus quidem exemplo successor Grimoaldus alter, antiquo foedere contentus Neapolitibus gratiam, pacemque donavit (3). At paullo post perduellem Dauserium, qui fuga evaserat, non sine conspirationis suspitione, perfidiæque labe Neapolitani in suum asylum, tutelamque suscipientes, dignas dederunt poenas Grimoaldo, qui admoto statim exercitu ad Urbis muros, quinque illorum millia cæsit, Urbem mox ipsam invasurus, nisi Dauserio tradito, atque octo millibus præterea aureis in exenium (idest multæ nomine) oblatis, ab expugnandæ Urbis consilio deflexissent (4). Hæc ex Longobardis Scriptoribus: parcius fortasse, quàm ad ejus gentis gloriam ipsa tunc rei veritas fuerit; ut ipsorum fidem adhuc probes, teneasque, qui nullo partium studio scripsisse ostendantur: Amplius igitur quid sibi Grimoaldus à Neapolitanis jure quidem optimo sibi conquirit, uti à Neapolitano Scriptore proditum memoriæ est: ac Auctor quidem vetusti Chronici Neapolitani, quod nuper inter Opera Cl. Peregrinii T. III. pag. 37. editum habetur, sic

ALTER

A 2

de

(1) Tom. III. pag. 191.

(2) Apud Murator. Scriptor. Ital. tom. II. pag. 342. & apud Peregr. tom. III. pag. 324. Ex Sancti Epitheto, quo Neapolitani, insensu potius Longobardis, quam ejus gentis studiosi, Principem Arichim sponte, atque ultro exornant, maximum consequitur ejus virtutum argumentum; nec tam Stephano ejusdem Cæsarii Genitori, ut Neapolitanos suos in officio, quæ Arichis sponderant, contineret, quàm ut filius Cæsarius in Arichis aula optimis moribus institueretur, nutriti obfidem, consilium fuit: sed de Arichis virtutibus alibi jam dictum.

(3) Erchempertus cap. VII. inter Opp. Peregr. t. I. pag. 86. Anonymus Cavenensis ad ann. 808. t. IV. p. 488.

(4) Rem distinctè narrat idem Erchempertus c. VII. & VIII. sed nihil de eadem re apud Anonymum Salernitanum, qui falsò eidem Dauserio necem Principis Grimoaldi adscribit, quàm a Radelchi, & Sicone multo post Dauserii conspirationem, patratam superius probavimus. Meminit tamen ipsius rei post Erchempertum Chronographus Cavenensis ad ann. 816. hinc verbis: *Dauser Grimoald aggressus est propè Salernum, sed à suis revelata nequitia fugit ad Nuceriam cum paucis sociis, atque alii à Principe necati sunt: Post quæ exercitus comparavit, & Nuceriam profectus est, sed fugiens Dauser Neapolim, Grimoald Neapolites multos pro despectu vapulari fecit, & occidi, & agros incendi.*

de ea re ad annum 813. scribit: Grimoaldus Dux Beneventi ad obsidendam Neapolim cum sua gente profectus est: nam Dominus Dux Theotiflus voluit contra voluntatem Grimoaldi hospitare Dauserium Salernitanum: Videns Theotiflus non posse resistere, pariterque sciens, quod durum est contra homines fortes dimicare, coactus iuravit Grimoaldo in omnibus obedire, & donavit illi non paucam summam auri, & argenti. Habes itaque ex Neapolitano Chronographo, teste nimirum, quod ad Longobardorum res attinet, omnium fidelissimo, non solum agnitam, commendatamque Longobardorum Fortitudinem, cui nequicquam resistere Neapolitani valerent, verum etiam iustissimam inferendi belli, subjiendæque Urbis causam: Habes non solum Dauserii perduellis deditionem, aurique, atque argenti ingentem vim simul traditam, verum etiam, quod maximum, ac præcipuum censei debet, habes à Neapolitanis Grimoaldo juratum, sese illi in omnibus obedituros.

Atque Beneventanorum Ducum, Principumque ante Siconem, ita cum Neapolitanis res se habuerunt. Studio vehementiori, ac validiore conatu Neapolitanos aggressus ipse Sico est; occasionemque sibi effecit ex depulso non sine injuria a Neapolitanis Theodoro Duce, Stephanoque cognominis Episcopi nepote in ejus locum suffecto (1). An hæc, vel alia moliendæ rei fuerit causa, illud tunc Siconi consilium subiit, ut expugnata demum Urbe, Neapolitanos sibi subditos omnino haberet; atque Urbs quidem valide obfessa tellure, pontoque capta esset, si defuisset ingenium: idest, si in extremo illo discrimine Dux Neapolitanus ad dolos se non convertisset; nam Siconis ingressum ad sequentem diem, quò pacatius, atque honestius ageretur, Matre interim, ac duobus liberis obsidibus datis, remoratus, dirutum murum (quocum simul Neapolitanis spes omnis servandæ Urbis corruerat) noctu instauravit. Hæc Erchempertus (2). At capiendæ Urbis acrius exinde studium Siconem incesserat; resque ipsa tandem pro voto, ac viribus successisset, nisi Urbi Neapolitani Episcopi preces intercessissent: Facti exitum Anonymus Salernitanus nobis servavit. Tunc, inquit, Ursus electus presentem Siconem deprecatus est, ut etiam amplius malum non permitteret, nec sanguis effunderetur Christianorum. Exaudiendas Episcopi preces Sico non aliter duxit, quàm indicto Neapolitanis Tributo, Beneventanis Principibus perpetuò, obsidibus receptis, solvendo, ablatoque pariter S. Januarii Corpore, quod Beneventum transferendum curavit. Ad hæc Sico Beneventanorum Princeps admonitionem predicti Electi audiens destitit, & pacem intuentes, atque in Scripto Pactum affirmantes inter Neapolitanos, & Longobardos, & obsides Neapolitanos idem Princeps abstulit: spondens ipse Neapolitanorum Dux cum universis suis hominibus sub terribili, fortissimoque Sacramento, atque in ejusdem Pacti foedere perscriptam paginam affirmavit, se daturum illico omni anno tributum, quod inter eos statutum fuit, atque suis numismatibus ad ipsam Civitatem pro mercimoniis graderent; & ipse Princeps Sico Januarii S. Martyris Corpus de Basilica, ubi per longa temporum spatia requievit, elevans, & cum magno tripudio Beneventum regreditur (3).

Egregium hoc Siconis facinus præclarè, copiosèque celebratum adhuc legimus in ejus Sepulchrali Elogio, cujus quæ huc spectant, verba recitare libet.

Obsidione quatit Romanas saepe Catervas
 Urbis Parthenope falsidicosque Viros.
 Qui Dominis solita Samnitum fraude rebelles
 Pellere Bardorum fortia jussa volunt.
 Quos Sico perdomitos congressu fortis in omni
 Servitia impellit solvere quaque jubet.
 Abstulit inde etiam Beneventi in sede locatum
 Januarium quondam fortis Athleta dehinc.
 Cujus Templi replens argento, auroque reposito,
 His dedit, ut jaceat Corpus inane locis.

Non ipsimet denique Neapolitani, quas acceperant a Sicone, clades, libertatisque suæ detrimenta reticuerunt; ac vetustum Chronici Neapolitani scriptorem audire rursus libet, qui ad

(1) Hæc belli adversus Neapolitanos a Sicone instituti causam affert Johannes Diaconus in Episcopo xl.iii. Tiberio: Eodem (inquit) in tempore Neapolitani Theodorum successorem Theophylacti Ducis propellentes, Stephanum nepotem præscripti Stephani Præsulis Consulem levaverunt. Cujus invidia commotus Sico Beneventano-

rum Princeps, multa mala nunc obsidendo, nunc depredando, Parthenopensem irrogavit Civitati, cupiens eam aliquo modo suo pessimo dominatui subjugare.

(2) Cap. x.

(3) Inter Opp. Peregr. tom. i. pag. 309. & apud Murator. Scriptor. Ital. tom. ii. pag. 311.

ad ann. 817. n. x. de postrema Neapolis obsidione a Sicone facta agens sic ait. *Sicon Beneventi Princeps Neapolim venit cum sua gente, & obsedit eam; Dux Bonus, quantum potuit, valide Civitatem defendit, & demum venit ad Conventionem cum Sicone, & promisit quolibet anno Tributum ei dare; & sic ab obsidione liberata est Civitas; Dominus Deus justus & potens, tantum scelus Ducis Boni punivit in hoc mundo cum pessima, & horribili infirmitate ignis infernalis, de qua mortuus est, & in alia vita cum eterno igne (1).* Vides quàm ægrè posteriores Neapolitani se Tributarios Beneventanorum fuisse tulerint, ut quod publico bono ab eorum Duce gestum fuit, ne omnino subditi redderentur, satis temerè, impièque in illius probrum, scelusque converterint: At non ita priores ipsi Neapolitani, qui publico monumento, defuncti Boni Ducis sui, erecto marmoreo titulo, promerita sincerius testati sunt. Diruta celebrantur ab eodem Duce Castella, quæ Aceris, Atellæque Longobardi ædificarant; quod etiam nunc scisse è re nostra fuerit, ut quos tunc in angustos fines Neapolitanum Territorium a Longobardis redactum fuerit, compertum habebimus: at quid Neapolitani à Longobardis subierint, Epitaphii exordium ita præfatur.

*Baridum Bella invida hinc inde vetusta
Ad lacrimas, Parthenope, cogit saepe suos.
Ortus, & occasus nunt, quo Sico regnavit,
Suadendo populos munera multa dabat.
Nam mox hic recubans ut Principatu refulsit,
Eoque perdomuit bellis, triumphis subdit (2).*

Postrema hæc de Longobardis ipsis, eorumque Principe Sicone accipienda erunt, nisi Neapolitanus Auctor Epitaphii ad horrendam stili barbariem, manifesti, putidissimique mendacii in suorum gestis extollendis labem conjunxisse dicatur. *Vetusta* autem, & *lacrimosa* *bella* recte appellat, etiamsi, non de anteriori, sed de Siconis tantum tempore intelligat; a quo, ejusque filio Sicardo Neapolitanos per sexdecim continuatos annos bellis oppressos, Erchempertus testatur (3). Ducis autem Boni, qui a Sicone pacem impetravit, mors Indictione duodecima, idest An. 834. accidit, anno post Siconis obitum, quem antecedenti ann. 833. Chronographus Cavenis mortuum tradit (4).

Sed ad Anonymum Salernitanum redire præstat, qui Pacta omnia à Sicone cum Neapolitanis sancita singillatim recensuit. De ablato S. Januarii corpore nihil heic dicere sappetit post plurima, quæ de ea re in Dissert. II. cap. VI. observavimus. Observandum modo est Pactum illud, quo Sico Neapolitanos adiecit, ut *Numismata sua* recipere deberent, dum scilicet Longobardi *ad Civitatem suam*, idest Neapolim, pro mercimoniis *graderent*. Hinc conicere proclive est, non ita facile à Neapolitanis olim Longobardicos Nummos admissos, non quod ii minoris ponderis, deteriorisve materiæ essent, quàm quos ipsi cuderent, vel Constanti-nopoli, Ravennæque cufos in usu, commercioque haberent; sed ne ea re Beneventanorum Principum majestatem, ac supremos veluti dominos Longobardos agnoscere viderentur. Sed veterem difficultatem indicta lege submovit Sico, non solum ad promovendam Mercimonii frequentiam, atque utilitatem, sed ad stabiliendam quoque, quam Neapolitani refugisse videbantur, supremam Beneventani Principatus potestatem.

Sed præcipuum, manifestumque supremæ Potestatis argumentum, Tributum fuit, quod *sub fortissimo, terribilique Sacramento*, atque *obsidibus* præterea receptis, *omni anno* Sico a Neapolitanis præstandum sibi cavet. Quid, quantumque pecuniarum eo Tributi nomine statutum fuerit, Anonymus, diligens licet rei gestæ narrator, præterit: Illud ex Cavenis Chronographo compertum habeo, anno 865, annis circiter 20. ab eo foedere lapsis, Neapolitanos ad pendendum Byzantinorum aureorum ccc. Tributum à Beneventanis adactos. *Neapolites apud Nuceriam, & Sarnum à Beneventanis capti sunt, & Tributum dare coacti (i.e. coacti) sunt in bisanteis aureis ccc. (5).* Non de alio certè Tributo à Beneventanis tunc decertatum crediderim, quàm de illo ipso, à Sicone olim Neapolitanis imposito, sed in edito aureorum numero (quem amplio-rem fuisse jure suspicabimur) mendum vel ab Amanuensi, vel a Typographo admissum videri debet. Quid quod nec Siconis filius ac successor Sicardus in eo posteriori foedere, quod cum Neapo-

(1) Inter Opp. Peregr. tom. III. pag. 40.

(2) Ibidem pag. 335. & pag. 342.

(3) Eod. cap. X.

(4) Tom. IV. Opp. Peregr. pag. 391.

(5) L. I. pag. 396.

Neapolitanis fancivit, nihil certum de Tributaria pecuniâ pondere, nisi *consuetam Collatam*, & *Pristinam* vocabulo præstationem expressit: addidit tamen, vel fidei violatæ, vel etiam admisse moræ poenam, qua Neapolitani *auri solidos Beneventanos numero tria milla componere tenebantur*; qua quidem ex poena non mediocris auri quantitas, quæ pro *consueto* Tributo pendenda erat, argui facile possit.

Ac Sicardus quidem Neapolitanis consuetum Tributum solvere detrectantibus, non semel bellum intulit; Illi viribus sese impares agnoscentes, primi omnium pessimi exempli auctores, Saracenorum, qui paucis ante annis ex Africa prodeuntes, in Sicilia confederant, opem conquirere maluerunt, quàm pactorum fidem servare. Sed frustra id fuit, ut ex prædicto foedere manifestum sit. Dissimulatum a Neapolitanis Scriptoribus id foedus invenio, quo tamen nihil celebrius esse potuit (1). Præclarissimus, indubiæque fidei, ac vivus veluti testis manavit ad posteros ejus Foederis exemplar, quod primum Camillus Peregrinus luce promerita donavit: Et Peregrinio quidem tum ex aliis, tum ex hac, vel una re plurimum debere Beneventani profitentur: itaut vix illud ferendum mihi sit, in novissima Peregrinii editione (obtrusis passim aliis ab aliena manu, non omnino Operis dignitate respondentibus lucubrationibus) ea desiderari, quæ Vir doctus ad id exemplar præfatus fuit, quæque Cl. Muratorius servanda curavit (2): ex quibus postrema, quæ ad statuendam monumenti fidem, pretiumque pertinent, heic retulisse proderit. *Quæ autem* (inquit Peregrinus) *& qualia illa fuerint Foedera, ex Capitulari, quod sub jicio, a Principe datum, antiquissimum sane, maximeque memorandum, multiplicique excusum bono cognosces: Namque ex eodem ritus multos, multasque Longobardorum leges, necnon Neapoli adjacentia, & subiecta olim loca, aliaque pariter antiquitatis non injucunda rudimenta fient manifesta: Idque ex istis antiquissimis exemplaribus Papyraceis excepi, quibus Erchemperti Historia, aliaque exhibentur Opuscula, mutilum quidem, nec levi mei animi angore* (3). Atque utinam integrum ad posteritatem pervassisset: nam ex XLIX., quibus constat capitibus, vix XIX. legenda supersunt; quanquam singulorum omnium summa, quæ initio præscripta habentur, brevi licet reliquorum servata notitia, non adeo iniquè ferendam ipsorum jacturam efficiant.

Non heic mihi consilium, vel Chartam ipsam recudere, vel singillatim illustrare, quam in Libri Appendice cum aliis nostrorum Principum Capitularibus legere erit. Pauca nunc recitare, atque observare sufficiet, quæ præfens sibi postulat argumentum. Ac primum nihil in eo Foedere est, quod non Victoris, ac Domini jure sanxisse videtur Sicardus: *Postquam* (ad Neapolitanos inquit) *desiderantes concordia pacis, Domino permittente, a nobis Dapno Viro gloriosissimo Sicardo Principe percipere meruistis &c.* At quibus præcipuis conditionibus largitus sit, mox subdit cap. II. *Sed ad firmandam vobis libertatis, & pacis caritatem, per quam vos creditis illa gubernari, spondidistis nobis, cui supradicto eximio Principi Sicardo a modo, id est quarta die Mensis Julii Indictione XIV. per unumquemque annum dare nobis Collatam, & Pristinam, quam consuevi fuisse dare. Si vero ante quinque annos expletos, sicut superius scriptum est, Pactum nostræ Gloriæ irritum feceritis, Nos licentiam habeamus omnibus modis pignora infra Civitatem: Et si antestare nostris hominibus præsumperitis, antequam tanta pignora apud nos habeamus, per quæ ad nostram plenam justitiam pervenire possimus, tum de istius Pacti corruptione nostri ante quinque annos expletos, vel si ante pignus steteritis de istis supradictis Capitulis componere nobis debeatis secundum vestram promissionem auri solidos Beneventanos numero tria millia; & insuper per Scamaratores, seu cursas, & publicum exercitum oppressionem facere usque ad nostram satisfactionem. Quod si Domino juvante, & nostra gratia comitante, in his, quæ nobis pacti estis, immobiles steteritis usque ad prædictos quinque annos expletos, & hæc nobis supradicta singulos annos persolveritis, hoc repromittimus, ut securi, & illasi a nostra parte, in nostris finibus permanearis.*

Tum pergit Sicardus plura constituere, quæ tum ad privatorum jus, ac judicia, tum ad publica Vectigalia, tum denique ad jus Principis pertinent. Atque ad Principis jus Nemora servat, Lacusque Patriensis piscationem; ut non præsumat (inquit) aliquis absque consilio

(1) Nullum ejus Foederis vestigium in Chronico Neapolitano, cujus auctor ad an. 834. non aliud narrat, quàm Sicardi Bellum ob conventum Tributum cum Duce Bono non acceptum; peritum à Neapolitanis, qui inferiores viribus se recognoscerent, adjutorium à Saracenis Cietila, qui statim venerunt: ad hæc imploratam etiam Imp. Lotharii opem, qui misit ad Sicardum suum Ambaxiatorem Contardum, ut rogaret Principem ex parte

ipsius Imperatoris, ne vellet amplius Civitati Neapolitis molestiam dare: Contardus venit Neapolim, dum Sicardus jam mortuus erat &c. Similia habet Johannes Diaconus in Johanne Episcopo XLIV. tom. I. part. II. Script. Ital. pag. 314.

(2) Scriptor. Ital. tom. XI. pag. 256.

(3) Ibidem.

filio Principis lignum excidere: Ut non liceat piscare in Lacu Patriensi absque conscientia Principis (1). Inter vectigalia sibi debita recenset *Sigillaticum, Nuptiaticum, Responsaticum, Modiatricum* (2), pluraque loca, sive Castella commemorat, Urbi Neapoli adjacentia, veluti *Lavari, Angri, Stabi &c.*, nec ipsum silet *Vesuvium Montem*, ejusque colonos (3), a quibus omnibus prædicta fortasse vectigalia præstanda erant. De Amalphitanis summarium Capitis XLIV., & sequentis ita præfert. *De Amalphinis, qualiter pagantur. De Aqua. Herba, & Collata.* Amalphim, & Surrentum ad Neapolitanorum ditionem pertinere in eodem Foedere fatetur Sicardus, qui tamen Surrentinos obsidione tentaverat, Amalphitanos multis cladibus antea affecerat (4). Captam etiam *Malsiam*, idest Amalphim, cum dolo, a militibus Sicardi Principis tradit Chronographus Cavenfis (5). Hinc Sicardus peculiari sanctione sibi cavit de *Amalphinis qualiter pagantur*, idest solvere deberent, quos scilicet Neapolitanorum ditioni relinquebat. Sed duo adhuc in dicto foedere observanda erunt. Primum illud, quod pleraque Sicardus edixerit, quæ (uti diximus) ad privatorum jus, idest contractus, judicia, crimina pertinebant; qua certè re amplius sibi obnoxios Neapolitanos efficisse voluit, ut non solum statuta Tributi pensitatione, verum etiam in vecta Longobardicarum legum observantia supremum Beneventanorum Principum dominium agnoscerent. Alterum est, quod *quinquennale* id sancire foedus Sicardus maluerit, ut ea *pacis concordia, quam tunc percipere meruerunt*, temporariâ veluti indulgentiâ Neapolitani in officio continerentur, diuturnioreque posthac foedere dignos se probarent.

Atque hæc quidem diversis temporibus, nec sine felici successu ex vetustis, indubiisque rerum gestarum monumentis excepta, sinceroque stilo simul exhibita, Beneventanorum Ducum, Principumque adversos Neapolitanos fuere molimina. Cur Ducatum, seu Neapolitanam Urbem nunquam expugnare Longobardis contigerit, duplicem affert causam Petrus Jannionius, Classium scilicet ex Longobardorum parte defectum, adeoque rei maritimæ militaris ignorantiam, ex parte vero Neapolitanorum, tum natura, tum arte munitissimam Urbem: Hinc præcipuum illud ei genti decus adscribit, nunquam Longobardis paruisse; Blondumque Flavius erroris redarguit, quod Longobardis posterioribus subditam affirmaverit (6). Idem decus ante Jannonium Caracciolus altisonè deprædicaverat, *Neapolim Civitatem aiens solum Coronatis capitibus, iisque præclis, & potentissimis fuisse subjectam, inferioribus vero Dynastis nequaquam* (7). At falsam, quam priorem Jannionius attulit causam convincit Erchempertus, a quo paullo ante audivimus, Urbem Neapolim a Sicone *valide obsessam tellure, pontoque*: Longobardicam classem disertè meminit Anonymus Salernitanus, qui Sicardum Tyrreni æquoris insulas, Ausoniaque universa loca circuisse tradit, ut Corpora Sanctorum, quotquot invenire posset, Beneventum cum debito honore deferret, atque per idem tempus ex insula Liparitana B. Bartholomæi Apostoli Corpus Beneventum cum magno gaudio deferri jussit (8). Qui verò fieri potuisset, ut Sicardus ipse tum Surrentinis, tum Amalphitanis bellum, obsidionemque admovent, ac antea plurimæ aliæ maritimæ Urbes expugnatae, Beneventano Principatui accesserint, si Classibus Longobardi caruissent? Sed nec Blondus omnino falsus, qui vel Pandulfum Capuanum Principem cogitare potuit, qui subactæ Neapoli, addito sibi *Neapolitanorum Ducis* titulo, aliquando dominatus fuit (9), vel potius ea foedera spectasse debuit, quibus Bene-

(1) Cap. XXVIII. & XXXIII.

(2) Cap. XXVII. & XXXV.

(3) Cap. XXXVI. XXXVIII. XXXIX. & XLII.

(4) Vid. Chronicon Neapolitanum pag. 42.

(5) Ad Ann. 837. pag. 391.

(6) Istor. Civil. lib. IV. cap. IV. p. 259. edit. an. 1753. Anche questo Ducato Napolitano sarebbe passato sotto il dominio de' Longobardi, come passarono nel correr degli anni tutte le altre Città mediterrane, e dappoi la marittima ancora, toltono Gaeta, Amalfi, Sorrento, Otranto, Gallipoli, e Rossano; se due ragioni non l'avesse impedito: Cio sono, il non essere i Longobardi forniti di armate di mare, ne molto esperti negli assedi di Piazze marittime; e per avere i Napolitani per ragione anche de' loro siti ben fortificata Napoli: tanto che potrà meritamente vantarsi Napoli col suo picciolo Ducato, che non ostante di essere passata sotto la dominazione de' Longobardi, quasi tutte le Città del Regno, ed essersi reduiti i Longobardi Signori di quasi tutto ciò, che ora è Regno, non poterono però mai soggiogare affatto i Napolitani, ancorchè da poi negli ultimi anni a' Principi di Benevento fossero fatti Tributarii: in guisachè non è condonabile l'errore del Biondo (Dec. I. lib. 8.) che scrisse, i Longobardi non molto tempo dopo il governo de' Duchi aver soggettata Napoli. Causas easdem excogitavit Anonymus Mediolanensis, idest D. D. Gaspar Berettus in Tabula Chorographica Italiae mediæ ævi num. 141.

(7) Sac. Monum. Eccl. Neapol. cap. 10. pag. 195.

(8) Cap. LIV.

(9) Anno MXXXVII. uti ex Ostiensis lib. II. cap. 58. Anonymo Gassinenf. aliisque liquet. In Chronico Vulturturnensi binæ habentur Chartæ, quibus hic inscribitur titulus. In nomine Domini nostri Jesu Christi Dei æterni XIII. anno Principatus Domini Paldolfi, & IX. anno Principatus Domini Paldolfi ejus filio gloriosi Principibus, & primo anno Ducatus Neapolitanorum ipsorum gloriosorum Principum, quarum altera Mensum Martium, altera Aprilem, utraq. Indictionem XI. idest Annum MXXXVIII. signatum habet. Scriptor. Ital. tom. I. part. II. pag. 505., & seq.

Beneventani Principes, Tributo indicto, aliisque sancitis legibus, Neapolitanos sibi obnoxios, subditosque effecerunt: Atque hanc verisimiliorem crediderim causam, cur ab immediato Longobardorum dominio, imperioque incolumis Neapolis evasisse potuerit. An enim Neapolis Romanæ Reip., sequutisq; Augustis nunquam subdita fuisse diceretur, propterea quod proprias simul leges, ritus, magistratus servare permitteretur? Romanorum ea fuit indulgentia, qui Tributorum exactione, Colonorum deductione, aliisq; rebus supremum dominium testantibus, contenti essent (1). Par equidem (nam ex rerum eventu comparationem instituere licet) Longobardorum, vel indulgentia, vel consilium videri debet; neque enim ab expugnanda Neapoli unquam defiterunt, nisi eò rem deduxissent, ut Neapolitani sese Longobardorum subditos inficiari nequirent. Qualis itaque Neapolitanorum pudor hodieque fuerit, si Longobardorum olim subditos sese fateri cogantur: nam & eorum Principum caput (quod sibi postulant) coronatum fuit, & eorum Principatus (diutina alioqui quingentorum annorum successione præ cæteris nobilitatus) in eisdem prope fines proferebatur, quibus florentissimum ipsum Neapolitanum Regnum hodieque continetur.

Hæc itaque Siconis, hæc Sicardi erga Beneventanum Principatum latius proferendum fuere promerita, quibus amplificandæ Religionis studium accessit, Beneventanam Urbem Sanctorum Lipsanis (de qua re in Dissert. II. cap. VI. uberius actum est) locupletiore efficere curarint. Duos autem Sico filios habuit, Sicardum, & Siconolfum (2), tres vero filias, quarum primam Julendam nomine, uti reliquas, nobilissimis Beneventanorum Uxores dedit (3). His ipse artibus, maximam etiam non sine liberalitate erga Beneventanos comitatem præferebat (4), quem per nefarium facinus adeptus fuerat, Principatum sibi confirmare, in suamque familiam perpetua successione transferre fategit: Quamobrem majorem natu filium Sicardum vivens sibi Principatus locum constituit (5). Sed Sicardi moribus factum est, ut paterna consilia perturbarentur: Quin etiam Principatus ipse, præsentibus malis penè contabescens, tristitia futurorum præfagia tulit, quibus paullopost in duas partes disiectus, dilaceratusque ab sua majestate, viribus, rerumque omnium, quò hactenus provectus fuerat, felicitate dilabi cœpit. Mortuo Sicone (ita Erchempertus) Sicardus Monarchiam solus obtinuit, qui jam cum Patre per aliquot feliciter annos imperaverat; cœpitque populum sibi commissum ex levitate animi belluina voracitate insequi, ac crudeliter laniare (6). Hanc itaque geminam faciem, crudelitatem, & avaritiam intulit in Principatum Sicardus; alterâ in Optimatum, aliorumque Civium vitam, ac libertatem grassatus, nec a Siconolfo Fratre divexando abstinuit, quem perpetuo damnavit exilio, seu potius Tarento inclusum, majoribus Beneventanorum malis, ob sequutam Principatus divisionem, servasse visus est: alterâ vero privatorum fortunas depopulatus, sacrilegas adhuc manus divinis locis diripiendis admovit; nam pro amore pecunie spectabilem, & Deo dignum Virum, Sanctitate conspicuum, Deus dedit nomine, Beatissimi Benedicti Vicarium, seculari magis potentia, quam congrua ratione deposuit, ac custodia mancipavit (7). Talem Principem (Svetonii verbis utar, qui de Nerone loquitur cap. XI.) Nerone quidem alterum per annos à paterna morte plus minus septem Beneventanus Principatus perpeffus est, quem tandem publico malo natum, Beneventani, Dauserio auctore, in ipsis foribus Sacri Palatii promerita cæde extinctum, a cervicibus suis sustulerunt. Nullam, veluti Tyranni, servari memoriam placuit; nullum enim Sicardi, uti Siconis, aliorumque Decessorum, ac Succel-

(1) Vid. eund. Jannonium lib. I. cap. IV. §. I. & II.

(2) Anonymus Salernit. cap. 38.

(3) Idem cap. 47.

(4) Idem d. cap. 47. Ipse supradictus Sico Princeps omnibus hominibus benignissimus, ac mansuetus nimirum se commendabat, atque plurima comitati condonabat.

(5) De Siconis morte ita laudatus Anonymus cap. LII. Tenuit Principatum annis XII. menses III. Fuit autem corpore validus, audacia primus, stature procerus, non minus consilio, quam viribus decoratus. Paria, ac si majoris, non sine attentione augustiora concinit Epitaphii auctor, hæc de animi, corporisque dotibus Siconi tribuens.

*Tulchra illi facies, oculique per ora nitentes,
Candida Cesaries, candida colla tegens.
Celsus ab excelsa Bardorum gente stature
Corporis, ut cunctis aliorum foret.*

*Antebat cunctis animo, formaque nitenti,
Virtutisque nova robore, & arte fluens.
Pacifcus, mitis, prudens, sanctusque, suavis,
Largus, & in cunctis pauperibusque pius.*

Obiit Sico juxta Chronicon Cavense an. 833. sed alii anno antecedenti defunctum statuunt.

(6) Cap. XII. Animadvertenda tum Monarchia, tum Imperandi vocabula, quæ heic usurpat Erchempertus; non ipse quidem suæ gentis ambitioni blanditus, sed jure, meritoque Beneventanis Principibus ea tribuens, quæ sibi illi satis legitime vindicarent: Sic regnandi verbum de ipsis alii passim Chronographi usurpant.

(7) Idem Erchempertus cap. XII. Eadem narrat Otienfis lib. I. cap. 21. & Chronographus Cavenis ad ann. 834.

Successoris Radelchis, Epitaphium occurrit: nec nisi *Tyrannum Sicardum* in Tabulis Ecclesiasticis legere est (1). Iustissimum Beneventanorum in ejus familiam odium ex eo quoque manifestum fit, quod, superstiti Siconolfo fratre posthabito, Radelchim sibi Principem delegerint: quæ tamen deterioris mali origo fuit, dum Siconolfus improborum factione, atque ope ad invadendum Principatum excitatus, tunc demum à cruentissimo, diuturnoque bello destitit, quum iniquissimo fœdere Beneventani Principatus partem, proprio deinceps jure administrandam, sibi vindicasset. Sed de his in sequenti Capite, ubi nummus Principis Radelchis illustrari debet, opportunior disserendi erit locus.

Age nunc de Siconis, ac Sicardi Nummis, quos superius spectandos dedimus, videamus. Siconis aureus non suâ tantum materiâ, sed Archangeli quoque Michaelis a parte antica, ejusdem Siconis a postica, imaginibus expressis præstantior reliquis censendus est. A digniore ordiar. In Archangeli effigie duo nunc sunt ad exactissimam nummi fidem expressa, quorum alterum falsò repræsentatum, deesse alterum videntur in ejusdem Nummi ectypo, quem Muratorius protulit, ipseque ex Muratorio in Præfatione Tomi I. retuli. Vides nunc, quæ antea deerant, adesse Archangelo *Alas*, quæ ab humeris exurgentes ex utroque effigiei latere leviter expansæ descendunt. Quis (nisi sola Epigraphes docuisset) eandem sine Alis imaginem pro Archangelo accepisset, simulque alarum defectum temporum ruditati adscripisset? Sed rudis quamquam imago ipsa, insignior nunc ex præcipuâ ejusdem Archangeli notâ evasisse videtur. Jam ante Siconem Nummus aureus in S. Michaelis honorem a Longobardorum Rege Liutprando percussus habebatur; propagato tunc (uti alibi dixi) a Longobardis Cistiberinis ad Transiberinos, veteri ex Garganicæ Basilicæ occasione Archangeli cultu: Eum nummum videre est apud Blancum in not. ad Paul. Diac. lib. IV. cap. 23. simul cum Agilulphi corona repræsentatum; edidit quoque Muratorius *Antiq. Med. ævi Dissertat. XXVII. T. II. pag. 588.* Archangeli effigies in eo Liutprandi nummo obliquè se habet, ac dexterâ Crucem, humeris appositam Alam satis amplam ostendit. Non igitur Siconi ex sua gente, Michaelis in nummis effigendi exempla deerant: sed, ut Michael Alis insigniri deberet, obviū æquè, ac satis congruum videbatur.

Alas Diis ferè omnibus veterum mythologia tribuebat, quas vel eorum Capiti ad designandam Naturæ Divinæ obscuritatem, vel Humeris ad providentiæ, protectionisque erga homines argumentum, vel pedibus ad divinæ mentis, motusque velocitatem indicandam effigiebant (2): ejusmodi autem Symbolum, ut alia quam plura, ex Sacris Libris hausisse Ethnici videntur: nam & ipse primum verus Deus ejusdem Symboli cœlestibus Spiritibus adhibendi auctor comprobatur, vel quum Moyse mandavit, duobus illis Cherubim Arcæ lateribus utrinque assidentibus Alas addendas, quibus expansis illam contegerent (3); vel quum sacris vaticiniis, Isaïæ, Ezechiel, ac demum Johanni adstantes suo Throno Seraphim conspiciendos dedit, non binis tantum, sed senis Alis instructos (4): ac ne supervacua, otiosaque ejusmodi alarum multitudo putaretur, ex ostenso illarum diverso usu, motuque satis præclare incomprehensibilis Dei majestas, ardentissimus eorum Spirituum in eundem Deum Amor, paratissimum denique eorumdem divinis mandatis implendis obsequium, significata habentur: Hinc, qui facit Angelos suos Spiritus, & Ministros suos flammam ignis, tales habet, qui potentes virtute faciunt verbum ejus, ad audiendam vocem sermonum ejus (5). Quàm meritò igitur Michaeli Nummus attribuit, nosque olim prætermisissas restituimus Alas, quibus is inter administratorios Spiritus, in ministerium missos propter eos, qui hereditatem capiunt salutis, Principatum tenens, majorem quoque tutelæ suæ vim, ac celeritatem demonstrat.

Id verò in eodem Nummo alias edito falsum occurrit, quod Archangelus dexterâ quamdam

ALTER

B b

dam

(1) Martyrologium Romanum ad diem x. Octobris. *Apud Casinum Sanctus Deusdedit Abbas, qui a Sicardo Tyranno in carcerem trusus, illic fame, & ærumnis confectus reddidit spiritum.* De Sicardo plura dixi in not. ad Dissert. XI. cap. VI. ubi de Translatione Corporis S. Bartholomæi Apostoli agens, ex eo ingenti beneficio, quod Sicardo Beneventana Civitas acceptam refert, plerique in scelestissimi Principis excusationem adducta tunc volui, quæ tamen sic intelligenda nunc volo, ut incolumis veritas, ac nullis, vel levibus injuriis affecta habeatur. Non illud tamen ex Chronographo Vulturvensi fideam, cujus vix locum alias indicavi: Etenim Chronici lib. III. hæc habet. *Beneven-*

ti Sicone defuncto, Sicardus ejus filius succedit. Hic multa dona Monasteriis Servorum Dei contulit, sed præcipue Beatissimi Vincentii. Script. Ital. tom. I. part. II. pag. 402.

(2) Amorem, seu Cupidinem aligerum vocat Virgilius *Æn. I. 667.* & *Alas* Mercurii plantas dixit *Æn. IV. 259.* quarum symbolum explicat Macrobius *Saturn. I. 19.* Vid. Cl. Huetium *Demonstr. Evang. Trop. IV. cap. IV. num. 8.* & *cap. VIII. num. 3.*

(3) Exodi xxv. v. 10.

(4) Isaïæ vi. v. 2. Ezech. I. Apocal. IV. v. 8.

(5) Ad Hebr. I. Psalm. 102. 21.

dam veluti securim gestare effingatur. Non enim, (uti in Liutprandi nummo) Crux Michaeli dexteræ in nostro Nummo iterum apponi debuit, qui jam Crucem ipsam sinistrâ fati conspicuam gestat: Hasta itaque illa est, cujus vertex ab uno tantum latere ferrum effert, in *Securis* speciem prominentem. Nihil magis insolens, ac revera falsum: Vetus Archangeli Imagines nonnulli gladium dexterâ elato brachio in subiectum Draconem vibrantem ostendunt; utque à veterum nummorum exemplis non discedamus, extant Ludovici XI. Francorum Regis aurei, & argentei varii ponderis nummi, in quibus effictus S. Michael, gladium dexterâ, levâ scutum cum tribus liliis tenens, pedibus Serpentem proterens repræsentatur (1). Hos inter monetas perperam annumerari observat D. Le Blanc pag. 249., qui ob institutum a Ludovico Ordinem S. Michaelis cusos contendit, non ut in publico usu essent (2); sed quis tute id affirmare audeat, postquam eorundem nummorum varium habetur pondus, non una materia, diversa denique a parte postica aliarum rerum effigies? Nihil vero vetat, ut ipsi Nummi ad institutum Ordinis servandam memoriam, honoremque augendum percussi, in publicum quoque usum adhiberentur: nam & mos ille passim obtinuit, publicis monetis Sacras imagines, ac præsertim Sanctorum, qui gentem in tutela haberent, vel beneficiis affecissent, vel effigies, vel nomina insculpi: Id certe ex nostrorum Principum nummis manifestum fit. An igitur gladius censendum ille fuerit, quo S. Michaelis dexterâ in nostro Nummo armata conspicitur? Sed ne id quidem dicere sinit ea armaturæ forma, quæ nullum superiore parte Capulum, sed omnino in alteram Cuspide inferiori omnino similem, infernè scilicet, supernèque cuspidatum apparet, quid si *Fulmen* repræsentatum dicemus? nihil certe ad eam armaturæ formam interpretandam verisimilius, nihil etiam Archangelo congruentius.

Fulmina in Heroum insignia transisse, profanis veterum monumentis docemur; Alexandri imaginem, quam depinxit, fulmen dexterâ jaculantem voluit Apelles, quo ejus bellorum, victoriarumque rapiditatem, felicitatemque, atque ex his nominis immortalitatem demonstraret (3). Hoc quoque assentionis genus Romanorum pervasit animos in Augusti honorem effusissimos. De eo sic Virgilius (4).

..... *Cesar dum magnus ad altum
Fulminat Euphratem bello, victorque volentes
Per populos dat jura, viamque adscitat Olympo.*

neque id verbum ad bellicam Augusti magnificandam virtutem, qua longinquos quoque fortissimosque populos pervaderet, ac sibi prosterneret, metaphoricè usurpavit Poeta; nam & in illius honorem percussos nummos invenio, in quibus verum fulmen eidem tribuitur. Extat apud me æreus medii moduli Augusti nummus, in cujus antica parte ipsius imago cum diademate radiato expressa est, cum hac Epigraphe: DIVUS AUGUSTUS PATER; in postica vero Fulmen cum siglis hinc inde S.C. (5). Mortuum quidem jam Augustum demonstrant, tum *Divi* appellatio, tum *radiatum* Diadema; at nihil minus assentionis fuit erga mortuum, quam viventem. Id nobis proderit, Fulminis formam, uti effingi solet, ex eodem nummo certo nosse. Medium jaculum supra infraque æquè acutissimum alas ex suis lateribus emittit, atque utrinque simul ascendentes, descendentesque duos subtiliores serpentes radios, quibus omnibus suam vim, rapiditatem, seque trifidum ostendit. Non omnia hæc, scilicet alas, radiosque in eo fulmine intueri licet, quod in nostro Nummo Michaelis dexterâ perstringit: sed dandum id temporum barbariei, quæ in tota Michaelis imagine sese manifestat: quamquam & sine

iis

(1) Apud Hautinum pag. 173., & Gangium in Gloss. tom. 111. pag. 924.

(2) De eo Militari Ordine, ejusque insignibus, atque honoribus passim Galli Scriptores agunt, meminitque Bart. Chassaneus in *Catal. Glor. Mund. part. 1. pag. 38.*, & *part. 1x. pag. 331. edit. Genevæ 1682.*

(3) Pier. Valer. de Fulm. signifi. Thef. Antiq. Rom. Grævii tom. v. pag. 690.

(4) Georg. iv. v. 560. Sic idem Vates . . . geminos duo fulmina belli Scipiadas, vocavit Æn. vi. v. 843.

(5) Alterum pene similem exhibet Ez. Spanhemius de Preli. Nymism. pag. 395. edit. Elzivir. cum eodem

scilicet fulmine; sed ex averfa parte inscriptum est. AUGUSTA EMERITA, qua in Urbe cusus in Augusti honorem nummus demonstratur. Cæterum satis celebris illa est Romanorum Militum Legio, Fulminatrici vocabulo decorata, cujus insigne fuisse Fulmen in Glyceis figuratum disertè tradit Val. Placcus vt. 33.

*Cuncta Phalanx, insigne Jovis, celataque gestat
Tegmina, dispersos trifidis ardoribus ignes.
Nec primus radios, miles Romane, coruscæ
Fulminis, & rutilas scutis diffuderis alas.*

iis alarum, radiorumque additamenti Fulmina occurrunt in aliis veterum nummis (1), ut jam nullum nobis dubium superesse debeat, quin ea Archangeli imago nonnisi habitu iuculantis Fulmen accipienda sit: ac jure quidem Fulmen in dextera, Crux vero in læva gestanda Michaeli tribuitur, de quo canit Ecclesia.

*Explicat victor Crucem
Michael salutis signifer.
Draconis hic dirum Caput
In ima pellit tartara,
Ducemque cum rebellibus
Coelesti ab Arce fulminat.*

At ne plura heic de Sanctissimo Archangelo addenda sunt (de cujus tamen promeritis, laudibusque nihil satis): quandoquidem in Dissertatione II. cap. IV. rem ipsam pro viribus præstiti, ejus in Longobardicam Gentem Tutelam, hujusque in Michaellem studia uberrius prosecutus. Id nunc a Principe Sicone additum, ut rem utramque, cuius cum Archangeli effigie nummis, celebriorem efficere; præberetque sequutis Principibus exemplum, quo & ipsi in suis deinceps nummis ejusdem Archangeli nomen insculptum vellent: uti in Sicardi nummo aureo, quem superius edidimus, manifestum fit, atque in Principis Radelchis argenteo nummo, quem sequenti Capite illustrabimus, spectare erit.

Altera nunc ejusdem auri nummi facies observanda erit, ubi Siconis effigies præsto nobis est cum hac Epigraphe SICO PRINCES. In sequioris ævi nummis, quando in universas artes, præcipueque in nummarias officinas foedissimam ruditatem Barbaries invexit, Principum vultus ad vivum expressos, seu viventis imaginem quærere frustra est, demonstrare stultissimum. Id solum spondere certum nobis licebit, ut ex iis nummis, quæ præcipua tum fuerint ipsorum Principum Insignia, discamus. Haud inferiora certe Siconi nummus attribuit, quam quæ Regibus, Augustisque; Globum nempe Crucigerum, ac Coronam gemmatam. De Globi usu ambitiosior certe censendus Sico est, quamquam præverit Princeps Grimoaldus in ipso illo Nummo, quo *Dominum Carolum Regem* inscribere jussu fuit. Ab ipso Jove, cujus dexterae binos globulos Orbes Martianus Capella (2), ternos ejusdem Statua Constantinopoli posita gestatos refert (3), mutuatus videtur Augustus, qui (uti ait Isidorus (4)), *pilam in Signo constituisse fertur propter nationes sibi in cuncto Orbe subjectas, ut magis figuram Orbis ostenderet*. Ab Augusto in Imperii successores promanavit hoc insigne, adjectâ aliquando Epigraphe, quæ globi rationem, significationemque explicaret: RECTOR ORBIS, aut DOMINUS MUNDI (5); Quod & Occidentales Imperatores sibi quoque usurpandum duxerunt, saltem à Caroli Calvi aëvo, cujus effigies dextera sceptrum, sinistra globum sustinere, conspicitur (6); mox singulis quibuscumque Regibus commune id fuisse variarum gentium Scriptores testantur (7); non quod eadem, qua Augusti, arrogantia Orbis dominium affectare viderentur, sed potius, ne Imperatoribus sese inferiores, aut subjectos ostenderent, quibus cum paria insignia præferre gestirent. Eodem certè consilio Globum cum Regiis aliis Insignibus Principes Beneventani sibi vindicarunt, quo liberi omnino, nullisque potentioribus Dynastis subjecti, genti sibi subditæ supremo imperii jure dominari comprobarentur. Ejusmodi vero Globum nonnisi in Nummis adhibitum crediderim, in quibus Byzantinam monetam adamussim æmulari Principibus nostris solemne fuit; secus vero de Corona judicandum est, quæ non modo in nummis expressa erat ab ipso primo Arichi Principe cœpto more, servatoque deinceps jure, sed re quidem vera ad potissimum Majestatis argumentum eorum Capite gestabatur.

Ac de Sicone quidem, de quo nunc agitur, bina in promptu sunt satis præclara, certæque

ALTER

B b 2

æque

(1) Hos nummes videre est apud Ant. Augustinum *Dial. v. pag. 141. & seq. edit. Rom. 1736.*

(2) Lib. I.

(3) De qua statuta Codinus in *Orig. Const. & Suidas v. 2405.*

(4) Orig. lib. 18. cap. 3.

(5) Passim tum in nummis, tum in Inscriptionibus is titulus occurrit. Vid. Gruter. pag. 1086 num. 7. Ammianum lib. xv. & xxx.; Basilius Seleuciæ Episcopus Sermon. II. observat Imperatorum Imagines aspi-

cientibus admirationem asserre. *Clamydem marino flore collucentem, Diadema lapillorum lumine coruscans, Manum denique, quæ Orbem terrarum in modum Sphære formatum digitis gestare creditur.*

(6) Apud Mabillonium *Mus. Ital. tom. I. pag. 224.* Vide, quæ is de ead. effigie observat pag. 68. & 69., præsertim de Monogrammate eidem Globo inscripto.

(7) Hos omnes recenset Cangius in *Dissert. De infen. Aevi Numismat. num. XIX.*, ubi plura de eadem re satis erudite observavit.

tæque fidei monumenta, quæ & sumptuosissimam Coronæ magnificentiam, & piissimam Coronati munificentiam maximopere commendabunt. Ac primum, post translatum in Beneventanam Urbem S. Januarii Corpus, exædificatamque eidem recondendo elegantissimam Eadem, etiam excellentissimus Princeps Sico Coronam auro optimo, excellentemque gemmis pretiosissimis de capite suis manibus deposuit, & super Altarium B. Januarii locavit, quod ipse simul cum Prasule auro optimo, gemmis pulcherrimis, figuris variis undique per totum fieri mandavit (1). Alteram quoque Coronam auream smaragdinis gemmis mirifice decoratam pro solidis tribus millibus aureis æstimatam, ab odem Principe Sicone Ecclesiæ Casinenfi oblatam, fidissimus ejus rei testis memorat Ostiensis (2): Ut jam videas, quantum splendoris Principes Beneventani in ea re collocarint, qui plures etiam, variasque Coronas suo usui servabant, ingenisque pretium in illarum opus profundeabant. Quæ vero ejus Coronæ forma fuerit, tum ejusdem Siconis, tum aliorum Principum Nummi ipsi ostendunt: Non in Diadematis speciem illa erat, qualem a Regibus Longobardis gestatam etiamnum ostendunt ternæ ille coronæ in Modoetienfis Ecclesiæ Gazophylacio servatæ. Agilulphi scilicet, ac Theodolindæ, quarum Eclypæ exhibet Cl. Blancus (3): Sed quæ in Calyptræ, seu Cassidis speciem exurgens, ac Crucem vertici infixam habens integrum caput operiebat, qualem à Constantino primum adinventam, à Successoribus receptam, in varias dein abiisse formas, Nummi, Scriptoresque docent (4): Codinus vice omnium sit. Scire oportet illud, quod nunc vocatur Stemma, olim appellatum esse Diadema. Id autem erat lata vitæ ex unionibus, & margaritis, posita quidem in Imperatoris fronte, sed circa cerebrum (seu occiput) retrò ligata, unde & Diadematis, quasi dicas ligamenti, nomen obtinuit, quod paulatim mutatum evasit tale, quale hodie visitur, & nominatur Stemma: & mox: Imperator in capite diversa habet gestamina, interdum, id quod vocatur τροπαιχία Tropeuchia, aliquando Ιουστινιανέου Justinianæum, aliquando adhuc ὑπέρπρος excellentius, quorum figuras particulatim declarare non est hujus loci. Ex his igitur gestaminibus gestat Imperator, quodcumque voluerit (5). Maluerunt igitur Principes nostri, Auræ potius Constantinopolitanæ tum florentis, quam, cui successisse videbantur, Ticinenfis, eo Capitis gestamine, seu tegumento majestatem referre. At de auro Siconis nummo jam satis.

Sequitur Argenteus deauratus, qui a Cl. Muratorio ex Museo Alexandri Bertacchini editus, simillimam, ut in superiore auro, Siconis effigiem exhibet eadem Epigraphe SICO PRINCE; alterâ vero facie Crucem cum duplici transtro præfert, & huic inversam S. inde C., quas Muratorius interpretatur Salus Christianorum; in limbo vero S. MICHAEL ARHANCELU.

Præstantior est alius argenteus Nummus, apud me extans, ac Muratorio ignotus, quem in fronte hujus Capitis exprimendum curavi. Crux itaque in antica illius facie tribus lineis insistentis insculpta est. Quid sint lineæ illæ Cruci gradatim substratæ, unus, quem sciam, observavit Antonius Augustinus, qui utique scalas, seu gradus representatos existimat, antiquamque exinde adversus recentiores Hæreticos Crucis adorationem probari affirmat (6). Illud eandem in rem observasse præstabit, non ab ipsis Iconomachis Augustis denegatam Crucis adorationem, quam in suis nummis adhuc insculpi sinebant (7). Illud verò huic

(1) Ex autographis Actis ejusdem Translationis in nostra Bibliotheca servatis, quorum exemplar nuper a Bollandianis, seu Cl. P. Stiltingo editum est in Commentario ad acta S. Januarii.

(2) In Chronico Casin lib. I. cap. xxv.

(3) In not. ad Paul. Diacon. lib. IV. cap. 33. pag. 460. Script. Ital. tom. I. part. I.

(4) Hujus moris, quo posteriores Augusti Diademata sua Crucis Signo decorarint, auctorem Justinum ex nummis colligi observat Gangius d. Dissert. n. xvii. At longe ante id obtinuisse affirmat S. Hieronymus ad Læram ita scribens: Regum purpuras, & ardentes Diadematum gemmas, patibuli Salvatoris pictura condecorat. Unde morem ab ipso esse Constantino conjicit Lipsius de Cruce lib. III. cap. 16.

(5) Codinus Caropol. de Offic. Aulæ & Eccl. Constantin. cap. vi. num. 33. 36. & seq. inter Script. Histor. Byzant. tom. xviii. pag. 70. Venet. 1719. Ut veterem

Diadematis notionem assequeremur, nummos exhibet Jac. Gretferus de Cruce lib. I. sed & ipse videndus Gretferus in additionibus ad eund. Codinum l. I. p. 342. ubi de eo Diadema, quod Justinianæum vocabatur, Alemanno non assentitur, qui in Comment. ad Anecdota Procopii illud ex Mulo Ravennate demonstrasse putavit: non enim negat Justinianum tali capitis tegumento usum, sed hoc esse ipsum Justinianæum ex tabula illa probari posse Gretferus inficiatur.

(6) Dialog. viii. edit. Rom. 1636. pag. 130.

(7) In locum everitæ celeberrimæ Imaginis Salvatoris Crucem Leo Isaacus substituit. Præterea Michael, & Theophilus Imperatores in Epistola ad Ludovicum Imperatorem relatâ a Baronio an. 824. de Christianis imagines colentibus hæc habent: Primum quidem visificas, & honorificas Cruces de Sacris Templis expellebant, ac in eadem loca imagines statuabant &c. ubi etiam falsum sit ejusce ævi Christianos Cruces ab Edibus sacris

huic Nummo est prorsus insigne, quod in ejus postica parte Monogramma suum conspiciendum SICO nobis præbeat: atque hæc quidem quatuor ejus nominis literæ quadratæ Crucis angulos claudunt, dum S. & I. transversæ hastæ, C. & O. rectæ angulis affixæ sunt, atque supra ipsam C. altera Crucicula adjecta est, quæ inter circumscriptam Epigraphem locum obtinet. Epigraphes autem hæc tantum est. PRINCES BENEVENTI: nullius addito nomine, quod in ipso Monogrammate Nummi areæ insculpto satis expressum haberetur.

Supereest Sicardi Nummus, Principis magis infamiâ, quàm auro, repræsentatisque rebus insignis. Ipsa eadem Sicardus, quæ in Siconis patris Nummis conspeximus, regia gestat insignia, Crucigeram Coronam, Crucigerum Globum. In altera facie Crux simili prorsus, quemadmodum in Siconis, ac in Græcorum passim Nummis, formâ, tribus insitit gradibus cum litteris hinc inde S.I., quæ fortassis significant *Salus Imperii*. In circuitu VICTORIA PRINCIPU. infra CONOB. Ex quibus vides, nihil Sicardo prætermissum, quo Imperialis Græcorum Aulæ morem in suis Nummis adamussim exprimeret. At magis Principatus Beneventani majestati ipse consuluisse, si mores suos Principe dignos in Reip. administrationem attulisset. Ruentem in scelestissima quæque Principem cædes sustulit, quâ tamen & ipse ruere Principatus cœpit, in duas exinde partes, successionesque dissectus; uti sequenti Capite dicendum erit.

CAPUT V.

Principis Radelchis argenteus Nummus nunc primum editus. Is Principis Sicardi olim: Thesaurarius, postea, Beneventanorum electione, Successor. Diuturna, atque exitia. inter ipsum, ac Siconolfum Sicardi fratrem Bella, ac denique Principatus Divisio. Quæ in ea Divisione Imp. Ludovici II. partes. Quid in Radelchis Nummo insculpta symbola denotent. Reliqua ejusdem Nummi partes explicantur.

MOEStissimis Erchemperti verbis hoc Caput exordiar, quibus is *Historiolam Longobardorum Beneventi degentium condere aggressus*, nihil de iis sua ætate dignum, ac laudabile reperiri conqueritur; idcirco (inquit) *non Regnum eorum, sed excidium, non felicitatem, sed miseriam, non triumphum, sed perniciem, non quemadmodum profecerunt, sed qualiter defecerunt, non quomodo alios superaverint, sed quomodo superati ab aliis, ac devicti fuerint, ex intimo corde ducens suspiria ad posteritatis exemplum succincto licet, & inerti prosequar calamo*. Postrema malorum summa, Principatus divisio fuit, quem antea diuturno civili bello labefactatum, Saracenorumque in utriusque partis auxilium, sed verius perniciem decertantium, rapinis, cædibusque vastatum, exangue veluti Corpus, Radelchis, ac Siconolfus bipartiti inter se fuerunt.

Sicardo extincto, Beneventani de Siconolfo fratre, quem ille Tarenti adhuc carcere inclusum reliquerat, nullimode cogitarunt, publico quidem in familiam præconcepto odio, maximè verò, nec temerè veriti, ne eum fraterni Principatus, morumque successorem sortirentur. Bono itaque publico prospecturi, solemnibus celebratis comitiis, Radelchim, seu Radelgum Beneventi Principem renuntiarunt, in cujus electione (uti laudatus Erchempertus tradit) *omni Beneventi Provincia consensit, quod vir esset blandis, ac bonis moribus polens, qui primatum promeruit* (1). Radelchim decessoris Principis Sicardi *Thesaurarium* fuisse disertè idem memorat Erchempertus, consentitque Ostiensis (2). Immo & Sicardus ipse testis est, qui *Aroni Gafaldi nostri filio* (corrupte *Aktioni Gafindio nostro filio*) terram *vacuam in Fulcre* (lege *Furcula*) concessisse ait *per rogum Radelchis Thesaurarii nostri*, uti legitur in *Diplomate in Chronico S. Sophiæ* part. III. num. 14. pag. 461. al. 631. Sed & Sicardi *Gamalum* fuisse addit *Chronographus Cavenfis* (3). Unus *Ignotus Casinenfis* pro *Thesaurario Secretarium Palatii Radelchim* appellat (4). De *Thesaurarii* munere satis diximus. cap. III., ubi

eris abjectis, inde saltem colligitur, Iconomachos, abdicato cæterarum Imaginum cultu, Crucem coluisse: Vid. *Greterum* in *Horto S. Crucis* p. 1., *Gangium* in *Constantin. Christ.* l. 11. De *Imagine Chalces.* & d. *Dissert.* n. 23.

(1) Cap. XIV.

(2) *Chron. Caf. lib. 1. cap. XXIV.*

(3) *Ad ann. 839. Inter Opp. Peregr. tom. IV. p. 393.*

(4) *Cap. VIII. Inter Opp. Peregr. tom. 1. pag. 201.*

ubi posterioris Grimoaldi Principis Nummum illustravimus. An qui Ignoto Casinenſi Secretarius Palatii, idem videri debeat, qui aliis *Theſaurarius* dictus eſt, meritò dubitabimus: Uti de *Theſaurario* obſervavimus, ita de Secretario, ab Aula Byzantina, unde Principes noſtri Palatina officia mutuabantur, petenda muneris explicatio. Codinus itaque *Primi Secretarii munus ex ipſo vocabulo innotefcere*, inquit, nam *primus eſt in Senatu* (1). Itaque, niſi Ignoratus falſè, vel mendosè ſe habeat, quum de munere diverſitate aliunde conſtet, poterit Radelchis utroque tum *Theſaurarii*, tum Secretarii Palatii ſimul munere in Sicardi Aula perfunctus exiſtimari. Dum vero & ipſum Radelchim Sicardi *Gamalum* fuiſſe, Chronographus Cavenſis præclare teſtatur, jam nunc ejus vocabuli explicanda ſignificatio eſt. Inter Leges Regis Rotharis illa extat num. CCCXLVII., qua cavetur, ut ſi aliquis de Sacramentalibus mortuus fuerit, poteſtatem habeat ille, qui pulſat, in locum mortui ſimilem alium nominare de proximis legitimis, aut de naturalibus, aut de Gamalibus, id eſt Conſabularis (2): non alios igitur *Gamalos*, ſive *Gamales* Viri docti in dicta Lege agnoſcunt, quàm filios ex juſtis Nuptiis natos, præcedente pacto maritali, quod *Fabula* vocabulo ſignificatum affirmant (3). An igitur Sicardi filius, & quidem legitimus Radelchis? Nihil falſius affirmare, vel etiam conjectare poterimus: Conjugem Roſtriti cognatam Sicardum non multo ante ejus necem duxiſſe, narrat Anonymus Salernitanus (4): Mulieris nomen ex ipſomet ſcimus Sicardo, qui res quædam per rogum Adelchiſe dilecta conjugis noſtræ Attulo aurifici noſtro conceſſiſſe, ait in altero Diplomate, quod paulò ante memorato adjectum eſt: ex qua tamen Conjuge nullo ſuſceptum filium reperire erit; ſuſceptus vero ſi unquam fuiſſet, nonniſi puerulus Sicardo Patri paulpoſt interempto ſuperſtes, nullimodè ipſe idem Radelchis dici poteſt, provecſtæ ætatis vir, & Sicardi olim *Theſaurarius*, ejusque ſucceſſor a Beneventanis electus. Satiùs igitur fuerit, latiori ſignificatione Radelchim Sicardi *Gamalum* appellatum credere, quod conſanguinitate, vel affinitate conjunctus eidem fuerit: equidem tres Sicardi Sorores, à Sicone Patre cum Beneventanorum nobiliſſimis matrimonio junctas ſuperiùs obſervavimus.

Reſtituta Reip. felicitas, Radelchi jam Principe, videbatur, dum pacata omnia duobus annis, menſibusque ſex perſiſterunt. At non tam Siconolſi ambitione, quam improborum hominum conjuratione, nova undique malorum omnium colluvies Principatum invaſit; Vindex criminum Radelchis Dauforium, alioſque plures in exilium egerat: Landulfus Capuæ Gaſtaldus multis crudelitatis, aliorumque flagitiorum exemplis famoſus non ſolum poenas effugere, ſed perpetuam impotentia ſuæ libertatem ſibi ſtatuerè cogitavit. Salernum itaque coeunt, Urbem ab Arichi olim munitionibus, regioque Palatio ad Beneventanorum Principum ſecefſus illuſtratam, ibique Siconolſum Principem proclamaverunt (5).

SICO-

(1) Georg. Codinus Curopalata de Officiis Conſtanti-nopolit. cap. vi. num. xxxiv. inter Scriptores Hiſt. Byzant. tom. xviii. pag. 57. ad quem Codini locum hæc ad rem noſtram obſervat Gretſerus pag. 173. *ἡ πρωτοεμπύρις* nomen ex Latio in Græciam tranſlatum; digniſſimis Palatinæ index, & quidem multo majoris, quam habet is, quem nos primum Secretarium, ſeu primum a Secretis nominamus. Eſt enim iſte primus in Senatu, ſeu Senatu. . . . Illud obſervatione dignum eſt, latinos Græcorum imitatione ſcripſiſſe, & uſurpaſſe vocabulum *Aſcretæ*, ut videre eſt lib. xv. cap. 19. ejus Operis, quod Carolo M. perperam attribuitur, ubi eſt Leon-tius *Aſcretæ*. Apud Hincmarum Epiſc. 3. cap. 16. habes *Aſcretis*, quod olim ſummi Cancellarii nomen fuiſſe ait; hæcenus Gretſerus. Ejusmodi Palatii, ſive Curia, aut Aulae munus vix novit Gangius, de Eccleſiæ Secretariis egiſſe contentus: Habes tamen ex ipſo Secretarium, vel Secretarium locum appellatum, in quo Judices juſtiſſimi, vel alii de rebus ſeris deliberaturi conſident; ſic apud Ammianum lib. xv. *Judiciale Secretum*, & in Conſt. 2. Append. ad Cod. Theodol. Sit ejusmodi perſonis illicitum tenore hujus legis Sacra noſtra adire ſecreta, & impetrare reſcripta. Briſonius in De Verb. Signif. lib. xvi. Secretarium, inquit, locus eſt, in quo Judices cauſas examinant; eſt enim Se-

cretarium Judicum, ut Conſiſtorium Principis: L. ult. Cod. Ubi Senator &c. Hoc verbo auctor Paſſionis B. Cypriani ſtatim utitur: Unde dictum ſit, vide Caſſiodorum Ep. 1. lib. 11.

(2) In Cod. Leg. Longobardorum apud Murator. Script. Ital. tom. 1. part. 11. pag. 46.

(3) Vide Gangium d. v. *Gamales*, ubi & ejus vocis Etymologiam ex Germanica Lingua deducit.

(4) Cap. Lvi.

(5) Utrique, id eſt Dauforio cum aliis Beneventanis, ac Landulfo Capuano rebellionem tribuit Erchempertus cap. xiv. & ſeq. Capuanos præcipuè auctores voluit Oſtienſis in Chron. Caſin. cap. 24. *Interea* (inquit) Capuani, quibus tunc Landulphus Gaſtaldus præerat, propter multas nequitias ſuas prædictum Radelchim valdè inſenſum habebant: qua de cauſa illum nimium formidantes, ineuntes conſilium ad Siconolſum filium ſupradicti Principis Siconis, qui tum apud Tarenium exul morabatur, ſe conferunt, eumque ſibi in Principem eligunt. Qui Siconolſus, tam cum eiſdem Capuanis, quam cum maxima Beneventanorum manu, qui prædictum Radelchim exoſum habebant, Salernum ingreſſus contra eundem Radelchim modis omnibus inſurrexit; coeperuntque ad invicem totis niſibus litigare &c. Eadem narrat Ignotus Caſinenſis num. viii.

Siconolfum Sicardus frater affectati Principatus nomine vinculis mancipavit; mox, ut iustam quoque successionis spem præcideret, invitum Clericorum ordini adscriptum voluit; postremo Tarentum relegatum arctissimo carceri custodiendum curavit (1). De Siconolfi Clericatu, aliis silentibus, testem habemus Anonymum Salernitanum, qui ad *Diaconatus honorem eum per vim sublimatum, etiam Evangelium in Ecclesia legisse* narrat (2). De Salernitani fide dubitandum vetat Anastasius, sive quicumque is sit vetustus sanè auctor Brevis Chronici Casinensis, qui Siconolfum *Diaconum* fratrem Sicardi Principis semel, atque iterum appellat (3): & sanè, ut a Principatu arceretur, Diaconus is erat constitutus; an verò ritè, valideque, nos omnino negabimus; de more autem id fuit illorum rudium, simulque improborum temporum, quando Principes sibi maiestatis suspectos, æmulosque, attonfos, vel invitos in Ecclesiis, Monasteriisque perpetuis Clericorum, Monachorumque institutis mancipatos volebant (4). Non deest Sicardo ex Gente sua, idest Regis Liutprandi exemplum, qui (teste Paulo Diacono lib. vi. cap. 57.) *Spoletum perveniens Trasimundum Ducatu expulit, eumque Clericum fecit*. Plura etiam exempla ejus rei ex Aula Constantinopolitana per idem ævum prodierunt, improba quidem, sed quæ improbus Princeps inter alia plura æquè sectatus est (5). At Siconolfo magis Principem, quàm Diaconum agere libuit: moxque Capuanorum, Beneventanorumque factione excitatus, suisque è latebris prodians teterimam faciem universo Principatui intulit.

Ad malorum cumulum Saraceni accessere. Hi paulo ante id tempus ex Africa in Siciliam pervaserunt; mox ex Radelchis, ac Siconolfi dissidiis occasionem sibi fecerunt in Calabria oras invadendi; atque exinde Tarento captâ, per Apuliæ fines omnia cædibus, depopulationibusque complere coeperunt. Radelchis, qui duos teterimos hostes domi habebat, Saracenos sibi foederatos, auxiliariosque efficere maluit, deteriores scilicet Siconolfo hostes, quibus ad reparandas, confirmandasque adversus Siconolfum vires suas uteretur. At mox malefani consilii poenituit; nam Saraceni eo foedere audaciores, Barium dolo occupant; atque ita Radelchi adversus Siconolfum militarem operam præstant, ut utrumque sibi veluti hostem proponentes, in universum Principatum cædibus, rapinisque debacchati, hac una re illius partes sustinere viderentur, quod pecuniæ inopiâ laborantem ex Beneventanæ Ecclesiæ thesauris ad Militaria stipendia sibi persolvenda coegissent (6).

Haud inferiorem, seu meliorem Radelchi Siconolfus probare se voluit, illius exempla secta-

(1) Non a Sicardo fratre, sed a Successore Radelchi, Siconolfum exilio damnatum, ac carceri mancipatum ex Anonymo Sophiano certum asserit Pagius ad Baronium an. 840. num. 14.; Tu ne asserenti credas, quod nec Anonymus, nec reliqui omnes Radelchi, sed Sicardo tribuunt? Hæc certè scribens Pagius dormitabat.

(2) Cap. LXVII.

(3) Tom. II. part. I. Script. Ital. Murator. pag. 366.

(4) Huc referendum videtur antiquus offerendorum in Ecclesiis, Monasteriisque *Thyrorum* mos, atque ritus. Ex S. Basilii Regula mutuatus est S. Benedictus, qui in Regulæ suæ cap. 59. illud, quod Basilii liberum reliquerat pueris ex voto parentum oblatis, adultæ ætate, quum velle, & nosse jam scirent, ratum manere sanxit, & revertendi ad sæculum facultatem ademitt. Nonnullis displicuit hæc ex oblatione parentum imposita pueris necessitas, eaque de re S. Benedicti Regulam carpere ausi sunt, quos Rhabanus Libro singulari refutavit. Variam tamen ejusdem rei disciplinam antiquitus fuisse offendit doctissimus Mabillonius, pluribus de hoc argumento effatus *Veter. Anal.* pag. 157. edit. Paris. 1723.

(5) Theodosius Adramylenus Anastasium Artemium Imperio exturbatum Monachum agere compulsi. Mox Leo Isaacius eundem Anastasium cum filio suo in Clericum detonderi coegit. Celeberrimum S. Ignatii Patriarchæ Constantinopolitani nomen est, tum ex iis, quæ eandem adeptus dignitatem pertulit, tum ex antea vitæ eventis; nam is Michaelis Cæropalata Imperatoris filius, à Leone Armeno Castratus, atque in Monasterio inclusus, inde Patriarchatum obtinuit Anno 847. Annales Bertiniani ad Annum 849. apud Mu-

rator. Script. Ital. tom. II. pag. 533. referunt Carolum filium Pippini comprehensum ob perfidiam in Regem Carolum Patrum suum, sententiam quidem Capitalement meruisse, sed elementis respectu servatum; unde apud *Orbem Carnutum Carolo Rege Conventum habente post Missarum solemniam ambonem Ecclesiæ conscendens innotuit omnibus voce propria, se ob servitutis divinæ amorem Clericum nullo cogente velle fieri: ibique ab Episcopis, qui præsentibus aderant, benedictus, & ad Clericum tonsus est*. An revera volens id egerit, alii judicabant. Sed & ipsum Pippinum Aquitanicæ Regem a dicto Carolo patruele captum, Episcoporum consilio tonsum, Monachum Sueffione in Monasterio S. Medardi factum narrat Otto Frisingensis Chron. lib. I. cap. I. Sed audiendi iterum Annales Bertiniani ad Annum 854. Pippinus Pippini filius, qui in Monasterio S. Medardi tonsus Monachi habitum susceperat, & juramentum permanserit fecerat, Aquitaniam ingreditur, parvæ maxime Populi terræ ad eum convolat. . . . & paulo post: *Karlus Pippini frater jam Diaconus ordinatus a Corbejensi Monasterio recedit. Karlus Rex Karolomanum filium suum tonsura Ecclesiastica dedicat*. Vides improbum sequioris ætatis morem, quo tonsura tum Ecclesiastica, tum Monastica Regiarum familiarum personis, sive luendæ pœnæ, sive auferendæ successionis causa, adhibito etiam Episcoporum consilio, factaque, invitis imponebatur. Vides etiam, quàm facili, dum facultas suppeteret, ab ejusmodi Tonsis sperneretur: quod utrumque in nostro Siconolfo factum intuemur.

(6) Vid. Erchempertum cap. xv. & xvii. Anonymum Salern. cap. LXXIII. & seq.

sectatus. Uti enim Afros ille, ita Hispanos ipse Saracenos in suas partes evocavit: atque in Salernitanæ Ecclesiæ opes sacrilegas manus admovisse non contentus, ingentes Casinensis Ecclesiæ thesauros expilavit. Rem hanc ex Ostiensi audire libebit, ut ex ejus dictis, quantis tum Casinensis Ecclesia divitiis afflueret, speciatim noscamus. Septimus jam præsentis Abbatis (Bassatii) annorum circulusolvebatur (idest Christi annus 843), cum præfatus Siconolfus ad B. Benedicti Monasterium veniens sub præstationis nomine, Hispanis tribuendum Agarenis, universum fere Thesaurum, quem gloriosa memoria Reges Carolus, & Pippinus frater ejus, & Carolus Magnus, & Ludovicus filii ejusdem Pippini, & alii quam plures seu Reges, seu Principes religiose ibidem consulerant, abstulit. Prima siquidem vice tulit in Calicibus, & patenis, Coronis, ac Crucibus, phialis quoque, & amulis, batis, & fibulis auri purissimi libras centum triginta, Saricam insuper sericam de sylphori cum auro, & gemmis, pro quibus promisit se redditurum solidos ficulos decem millia (1). Item secundo trecentas sexagintaquinque in argento libras, & quatuordecim millia solidos aureos figuratos. Item bazias de argento pensatas libras triginta, & fundatos duplices octo. Item in Anaglis Baziam unam, & Scattonem unum Constantinopolitanum, utrumque argenteum, & inauratum. Alia vice post octo circiter menses tulit in Coronis, & bazis atque amulis, garalibus, & colearibus argenti simul quingentas (libras). Item post menses decem venit, & rupit ipsum Monasterii vestiarium, & abstulit inde solidos prædolosos duo millia. Alia vice, quando Spoletum perrexit, Majo cognatus ejus abstulit item solidos duo millia. Iterum quando Romam perrexit (2), venit idem Siconolfus, & abstulit Coronam auream smaragdinis gemmis mirifice decoratam, quæ patris ejusdem Siconis Principis fuerat, pro solidis tribus millibus. Et hæc quidem omnia ipse Sacrilegus S. Benedicto auferens, neque sibi, neque Patriæ, aliquid inde profecit, neque ab illo tempore aliquam deinceps victoriam habere promeruit (3). Hæc tum fere opes, quæ præter effusissimas prædiorum donationes, præcipua Beneventanorum Principum pietate, in Ecclesiæ Casinensis Thesauros confluerant; nunc unius Siconolfi ambitione, atque impietate, in Saracenorum stipendia, ac prædandam, in avaritiæ, perfidiæque præmium, ac trophæum, in ipsius denique Principatus malum, interitumque conversæ, atque absumptæ.

Infelicissimas Cistiberinæ Italiæ tunc temporis calamitates domestici passim Scriptores pluribus verbis deplorant; faciem vividius exprimit Erchempertus: Erat (inquit) inter Siconolfum, & Radelgisum frequentissima pugna concertatio, & quotidiana litium seditio, unde ex diversa parte ii, quibus iustitiæ via displicebat, alternatim ab uno in alterum confugiebant, fiebantque crebra rapina, incessaque fornicationes; erant universi erronei, & ad malum prompti, quasi bestia sine pastore aberrantes in saltu: Sed cum jugiter Civili bello invicem lacerarentur, essetque omnium perniciēs, & ut ita dicam, anima, & corporis extrema perditio; maxime quia Saraceni Beneventi degentes, quorum Rex erat Massari, infra, extraque omnia funditus denecaverant, itaut etiam Optimates illius (Orbis) pro nihilo ducerent, atque ut ineptos servulos, taureis duriter flagellarent (4). Et Saracenorum quidem quædam veluti inundatio universas, quæ longe paterent, Beneventani Principatus Regionem non tam opplere, quam oppri-

(1) Nummorum, aliarumque pretiosarum suppellectilium species, nominaque, quæ ab Ostiensi heic memorantur, explicare supervacuum erit. Plura explicavit Cam. Peregr. in notis ad Historiam Ignoti Casinensis, qui rem ipsam distinctè ante Ostiensem memoriam tradidit num. x. Vid. tom. i. Peregr. pag. 206. Edition. recent. Reliqua Cangius in suo Glossario præstat.

(2) Spoletum primum. Romam postmodum Siconolfus adiit, ut Guidonem Ducem Spoletinum Cognatum suum in suas partes traheret. Guido non modo id negotium sibi facessere noluit, sed in sui emolumentum convertere cogitavit, nam pro cupiditate pecuniarum, quibus (inquit Erchempertus) maximè Francorum subiecit genus, ut Siconolfum à Beneventi oblatione removeret, accepit a Radelchi unam Sellam pro septuaginta millibus nummis aureis: mox obtinendi Principatus spem Siconolfo pro quinquaginta millibus nummis aureis vendidit; quare Siconolfus Romam adiit, aureos tribuit, sacramentum dedit, iurjurandum suscepit, nihil proficiens inanis abscessit. Hæc tum Beneventani Principatus in præceptis reuatis fure fata, cujus vices,

opesque corrodere, nemo sibi nefas ducebat. Spoletinum Ducem Guidonem ex Francorum genere præclare habet Erchempertus; & sane Ducatum illum sibi obnoxium Franci servarunt, cui suos Duces præstiterant: Siconolfi autem Cognatum Guidonem putaverim, vel quod ex Sororibus suis, quas Princeps Sico Beneventanorum nobilissimis Conjuges dederat, quæpiam fortasse secundis nuptiis Guidoni juncta sit, vel potius ex veteri alio vinculo ejusdem Siconis familia, qui domo Spoletinus, aut Forojulienfis fuit, ut superiore Capite observavimus, cum Guidone necessitudinem habuerit; vox enim Cognatus, variè accipi se quiore ævo solebat.

(3) Chron. Casin. lib. 2. cap. xxv. edit. Laureti.

(4) Cap. xviii. Audiendus etiam Ostiensis lib. i. cap. xxvii. Tunc temporis Massari Saracenorum Dux in auxilium præditi Radelchis Benevento residens, eosdemque ipsos Beneventanos vilipendens, quocunque modo posset, vehementer affligeret, Monasterium S. Mariæ in Cingla devotissimè, Castellum S. Viti cepit, Thelesnam Civitatem sibi ad deditionem coegit, & universa in circuitu depopulatus est.

opprimere videbatur, jamque angustam sibi cædium, rapinarumque sedem spernens, in Romanos fines, atque in ipsam Religionis arcem se effudit. *Mense Augusto* (inquiunt Annales Bertiniani ad Annum dcccxlvi.) *Saraceni, Maurique Tibri Romam aggressi Basilicam B. Petri Apostolorum Principis devastantes, ablatis cum ipso Altari, quod tumba memorati Apostolorum Principis superpositum erat, omnibus ornamentis, atque thesauris, quemdam montem centum ab Orbe millibus munitissimum occupant* (1). Hæc eadem Annalistæ, Chronographique omnes; qui tamen falsos Bertinianos ostendunt, id quoque in ejusdem anni finem referentes, Ludovicum nempe Lotharii filium Regem Italiæ cum Saracenis pugnasse, victumque vix Romam pervenisse: Nondum enim, ut Italiæ malis occurreret, aderat Ludovicus; sed qui Spoleti cum suo Duce stationem habebat, Francorum Exercitus in Saracenos missus, turpiter superatus extremam cladem fugâ vix evasit (2).

Advenerat quidem biennio ante, idest anno dcccxliv. in Italiam Ludovicus à Lothario Augusto genitore missus, ut sive Italici Regni, sive Imperii à Sergio II. nuper in Rom. Pontificem electo coronationem reciperet, simulque ipse (uti Sigebertus, ac dictus Annalista Bertinianus ajunt) Pontificis electionem, Imperatoriâ, quam sibi perperam afferebat, auctoritate confirmaret (3). Nihil læti tunc attulit Ludovicus, qui Italiam cum exercitu ingressus, non tam juvenili ardore, quam improba dominandi cupidine abreptus, cui etiam prava suorum consilia stimulos addebant, ita se gessit, ut paria, quæ alibi a Saracenis patrabantur, in reliquam ipse Italiam mala invexisse videretur. Sed hæc sequenti Capite opportuniùs; ubi de Ludovici Nummo Beneventi percussio agendum erit. Ad rem nunc quod attinget, haud eam sibi negligendam occasionem duxit Siconolfus, ut scilicet Ludovici gratiam, opemque præriperet. Unicum, sed satis locupletem, fidumque testem Anaftasium invenio; cujus verba in Vita Sergii libenter describam. *Per idem tempus, cum Rex Ludovicus Romæ degeret, Siconolfus Beneventanorum Princeps magno cum exercitu Romam venit. Quem cum prædictus Rex honorificè suscepisset, omnia, pro quibus venerat, ipsi indicavit. Cui Rex gratanti animo, quicquid petierat, tribuit, atque concessit: Et cum simul Franci, & Longobardi, & Beneventani congregati fuissent, facta est ingens populi multitudo, itaut omni ex parte Roma circumdata videretur; quorum multitudine omnia sarsa deleta sunt. Ipse vero Siconolfus ardenti pectore præcipuum desiderabat videre Pontificem, & ab eo benedictionem accipere: Quem Præsul cum suscepisset, solo prostratus pretiosos ejus pedes humiliter est osculatus, & ab eo benedictione suscepta, ab ejus conspectu alacriter, Deo gratias referens, regressus est. Lætus quidem Româ abire potuit Siconolfus, Pontificia benedictione suscepta, sed non aequè lætus rebus sibi à Ludovico concessis. Qua de re Romam Ludovicum alloquiturus Siconolfus accesserit, non explicat Anaftasius, qui tamen omnia, quæ petierat, ei tributa, & concessa à Ludovico subdit. Nil dubium, causam suam adversus Radelchim tunc egisse Siconolfum, cui Ludovicus annuisse videtur. At nihil certè tunc negotii de Principatu Beneventano Ludovicus sibi fecit, quem Civilibus bellis, Saracenorumque gladiis, & rapinis adhuc divexandum reliquit.*

Faultior certe anno 851. (tamdiu enim malorum fuere incrementa) fuit Ludovici adventus: Rebus in extremum interitum jam ruentibus, communi Longobardorum voto ad Augustum Lotharium, qui opem solus ferre posset, transmissæ preces; quas ut ille facilius ad-

ALTER

C c

(1) Sacrilegam, opimamque prædam secum Saraceni abducentes Cajetæ confederunt. Vid. Io. Diaconum in Episcopo Neapolitano Joanne, Anaftasium in Vit. Leonis IV., Ignotum Casinensem, Ostiensem &c.

(2) Sic Leo Ostiensis lib. 1. cap. xxvi. Ignotus Casinensis nam. 1x. His diebus Saraceni ingressi Romam Oratorium totum devastaverunt Beatissimum Principis Apostolorum Petri, Beatique Ecclesiam Pauli, multisque ibidem peremerunt Saxones, aliosque quam plurimos utriusque sexus, & ætatis, Fundensque capientes Orbem, vicinaque deprædantes loca, Septembris quoque mense secus Cajetam castramentati sunt; contra quos pervenit Francorum Exercitus, sed superatus à Saracenis quarto Novembris idus iniit fugam, quos persequentes Saraceni, illorumque omnia capientes, tandemque ad Sanctum deveniunt Andream, cujusque Celam igne cremarunt. Missum à Lothario exercitum confirmat Joannes Diaconus l. 1. Africani (inquit i. e. Saraceni) in forti brachio omnem hanc Regionem devastare cupientes, Romam superaverunt, atque jaculato de

Coelo judicio, Ecclesias Apostolorum, & cuncta, quæ extrinsecus repererunt, lugenda pernicie, & horribili captivitate diripuerunt. Idcirco motus Lotharius Rex Francorum ferocem contra eos populum misit. Franci vero ignorantes calliditates eorum conabantur civiliter contra eos descendere: At illi de latibulo exilientes, irato Deo, primum ipsorum percusserunt signiferum, quo perempto, cunctis terga vertentibus, validissimum occidebantur. At si mense Augusto deprædatio facta est, Novembris initio pugna, quis credat tam cito Exercitum è Galliis à Lothario missum advenisse? Stat igitur Ostiensis fides, non alios fuisse eos Francos, nisi qui Spoleti stationem habebant; ubi & Guidonem Ducem ex Francorum Genere, Siconolfi Cognatum superius novimus in not. 2. pag. antecedentis: id solum dici potest ejusmodi Spoletinorum expeditioni Lotharii mandatum accessisse.

(3) Vid. Gard. Baronium ad d. Ann. 844. num. v., & Pagium ibid.

mitteret, Venerabilis Casinensis Abbas Bassatius Legatorum Princeps delectus fuit. Hujus Francorum in Italiam expeditionis Ludovicum auctorem (nulla Lotharii mentione facta) agnoscunt Ostiensis, ac qui longè Ostiensem præcessit, Synchronus Scriptor Ignotus Casinensis, à quo etiam habemus Ludovicum Imperatorem Augustum appellatum, & ipsius de ea expeditione Edictum hoc titulo promulgatum: *Constitutio permotionis exercitus observationis partibus Beneventi sub indictione quinta decima, fortasse, quarta decima, quæ dicto anno 851. respondet. At non fraudandus laude sua Lotharius, qui Lodovicum filium, atque Imperii jam confortem, expeditionis Ducem in Italiam tunc ablegavit. Rem totam breviter, ac diligenter ex Joanne Diacono accipies: Eodem quoque anno supplicatione hujus Sergii, Principumque Longobardorum direxit Lotharius Imperator filium suum Lodovicum bona adolescentia Juvenem propter catervas Saracenorum Apulia sub Rege commanentes, & omnium fines depopulantes, quæ adveniens, coelesti comitatus auxilio, de illis Hismahelitis triumphavit: & sagaciter ordinata divise Beneventani & Salernitani Principum, victor reversus est* (1).

Felicia tantum avertendis Beneventani Principatus malis auspicia Ludovicus posuit; nam non omnes fractæ Saracenorum vires, quibus Barium, ac Tarentum pro validissimis propugnaculis supererant; unde & pristinas depopulationes adorsi, ad plurimos sequutos annos Cistiberinam Italiam divexarunt; sed gravissimum omnium Reip. detrimentum, ac nullo unquam medicamine sanandum vulnus ipsa fuit Beneventani Principatus divisio. Quod pejus est (ita queritur Erchempertus n. xx.) quod pejus est, Beneventi Provincia in multis divisa ad exitum magis, quam ad salutem de die in diem à Dominatoribus ducebatur. Ita tum factum oportuit: nec Ludovicus abnuere noverat, Regiæ suæ domus exemplis, in qua ex Caroli Magni instituto omnia in partes, ac Civilia Bella abire consueverant, atque ipso tunc Ludovici ævo Francicum Regnum in plurimas Dynastias dissectum non tam demiratur, quam indignatus Otto Frisingensis, Vide (ad lectorem exclamat) ad quantum defectum Romanum Imperium devenit, ut, in tres partes Francorum Regno diviso, tertia partis tertia pars fuerit (2). Hunc quoque defectum in Beneventano Principatu agnoscemus ex ea divisione, quæ inter Radelchim, Siconolfumque peracta fuit. Ex eo certè capite potius quàm ex Saracenorum invasionibus eum Principatum ad occasum suum fuisse queruntur vetusti nostræ Scriptores (3). Ingens quidem malum, in duas partes Principatus divisus; quod tamen præsentis majoris mali, vel origo vel fomentum fuit: in tres enim partes revera divisio fuit; ac Salerni æmula Capua altius se ipsam extollere, alienumque imperium aspernari coepit. Landulfus, qui, ut superius diximus, Siconolfi ausibus adversus Radelchim præcipuam opem contulit, ipse *Gastaldi* titulo, Capuæ Comes dici voluit, atque ex Principatus divisione occasionem Capuani Comitatus supremo dominii jure sibi afferendi nactus fuit: Hæreditarium dein Comitatum filius reliquit,

(1) Chron. Episc. Neap. in Joanne pag. 316. tom. 1. part. 11. Scriptor. Ital. Audire quoque præstat Ostiensem lib. 1. cap. viii. Veniens igitur Ludovicus Beneventum, à Radelchis, Beneventanisque receptus est, eique omnes Saraceni contraditi, quos omnes ipso die vigiliam Sancti Pentecostes extra Civitatem duci, & jugulari præcepit, inter quos etiam Dux Massar capite plebatur. Moxque idem Imperator, convocatis omnibus Longobardis, totam Beneventanam Provinciam inter Radelchis, & Siconolfum æquo discrimine est partitiis Anno Domini 851. sicque post dies paucos prospere est ad sua reversus. Ni stupidissimos faciamus Saracenos omnes Beneventi degentes, vix credemus more pecudum se comprehendi, occidique passos. Nulla autem Chronographo Cavenfi fides, qui ab universo Principatu expulso tunc Saracenos affirmat ad annum 850. Ludovicus (inquit) filius Lutarii venit Beneventum pro Saracenis expellendis. Tum facta est pax inter Radelchis, & Siconolfum divisio inter utroque Principatu, factio foedere cum Sacramentis ab ipsis. Hinc Ludovicus Saracenos omnes, qui aut Radelchis, aut Siconolfo favebant, facile subire poterat, & a totius Principatus locis eos expellere.

(2) Chronic. lib. vi. cap. 1. ubi de Lothario, ejusque filiis Ludovico, Lothario, Carolo agit, inter quos Pater propriam regni partem divisit, alias partes Carolo, ac Ludovico Lotharii fratribus obtinentibus. Id enim notavit Erchempertus num. xix. & descriptis Erchemperti verbis Ostiensis lib. 1. cap. 29. Per idem

tempus defuncto jam dicto Lothario pensitavit (i. e. in quinque partes) Regnum Francorum divisum est: nam Ludovicus, & Carolus Germani ipsius Bajoriam, & Aquitaniam regabant. Primogenitus vero filius ejus Ludovicus nomine, est fortius Italianus: secundus Lotharius potius est Aquis; tertius autem Carlitus Saxoniam obtinuit.

(3) Erchemperti ea de re lacrimosos questus initio audivimus: luctum suum miscet Ignotus Casinensis n. iv. Omne Regnum (inquit) in se ipsum divisum desolabitur: & quod quis serens seminaverit, hoc & metet; propterea divisus Israeliticus Populus in omnem ventilitatus est Mundum. Sic & hæc Longobardorum gens dissidentes mentibus etiam suos interfecere Principes: ob id Patriæ facta divisio, Beneventanorum Principatus duabus equidem partibus exiit divisus. Ostiensis quoque lib. 1. cap. xxiv. in eandem rem idem pariter ex Evangelio usurpat. Omne Regnum in se ipsum divisum desolabitur; illudque ex Salustio satis appositè addit: Concordiæ parvæ res crescunt, discordiæ maximæ dilabuntur. Erchemperti, quæ supra retulimus, verba ex num. xx. ipse quoque usurpavit Chronographus Vulturanensis pag. 402, sed fœle corrupta in hunc modum: Provincia multis divisa ad exitum magis, quam ad salutem de die in diem à multis damnatoribus ducebatur. Quæ ex Erchemperto ita restituit: ad exitum magis, quam ad salutem de die in diem à multis dominatoribus ducebatur.

liquit, quibus hereditarium quoque illud monitum (quod Erchempertus *Edictum* appellat) tradidit: ne unquam, quantum ad se pervineret, *finerent Beneventum cum Salerno pacisci*; quia non erit (inquit) vobis præsuturum: Cujus monitum filii audientes, opere pariter patrarunt: atque suis heredibus in jus perpetuum, sicut à Patre acceperant, reliquerunt. Magnum sane hereditatis scelus suæ reliquit soboli. . . . Accepto itaque jure regnandi nullo modo Siconolfo (in cujus partem Capua assignata fuit) obsequuntur, parvipendunt imperium ejus. Hinc fortasse fuit, ut Chronographus Vulturturnensis in tres partes Beneventanum Principatum initio divisum affirmaret. Hoc tempore divisio facta est inter Beneventum, & Salernum, & Capuam (inquit pag. 390.). Id omnino certum, Salernitanum ipsum Principatum non dum penè exortum, in duas partes discerptum, eundem Capuanum Comitatum amisisse, qui non diù post, videlicet anno 900. Atenulfo auctore, in tertium Principatum erupit. Sed hæc alias; propius nunc spectanda nobis erit ipsa inter Radelchim, ac Siconolfum Principatus divisio; cujus videlicet consilio, auctoritateque, quibus denique sanctis foederibus gesta sit.

Salernitani quidem Scriptores, Anonymus, Romualdus, ac Chronographus Cavenfis, nullam ejus rei partem Ludovico attribuunt (1). Imo si Anonymum audimus, ipse Beneventanus Princeps Radelchis malorum pertæsus, iterumque Siconolfi obsidione pressus, Principatus divisionem excogitavit, ac Guidone Spoletino Duce arbitro, cum Siconolfo perfecit (2). At Erchempertus præcipuum rei auctorem Ludovicum agnoscit, qui, præsentibus omnibus Longobardis, inter duos prædictos viros (Radelchim, & Siconolfum) totam Provinciam Beneventanam aequitatis discrimine sub jurejurando dispartivit (3). Erchempertum sequitur Osthensis; sequemur & nos, celebratam quidem, Ludovico præsentem, Divisionem agentes, cui tamen hortantis potius, suadentisque, quam imperantis, jubentisque partes tribuimus. Id enim, ut tutò pronunciemus, ipsa Divisionis Charta suppeditat.

Meminit ejus Chartæ Anonymus Salernitanus, qui adhuc suo ævo, idest sub sæculi x. exitum Salerni servatam testatur (4). Ex vetusto membranaceo Codice Bibliothecæ Casinensis exceptam, in lucem hominum protulit Cl. Camillus Peregrinus, Capitulis xxviii. distinctam, quorum summa isthæc est.

In Cap. i. ii. iii. Radelchis Siconolfo, eique, qui per Siconolfi voluntatem post ejus decessum principandi potestatem fulceperit in Civitate Salerni, partem Principatus Beneventanæ Provinciæ concedit inter Consiam, Salernum, & Capuam per singularia integra Gastaldata, & Ministeria, quæ Capp. ix. & x. exactissimâ descriptione recensentur: sanciturque perpetuum Fœdus, quo neutra pars alteri injuriam suis, vel alienis viribus inferat, inlatamque ab externis hostibus mutua ope propulset.

In Cap. iv. v. vi. vii. exceptis Casinensi, & Vulturturnensi Monasteriis, quæ sub defensione Domini Imperatoris Lutharii, ejusque filii Domini Ludovici Regis sunt, Episcopatus alterutrius Principatus, ubi sita sunt, cum antiquis, integrisque suis juribus, & possessionibus permaneant; Clericisque quibusque ad suas Dioeceses, Monachis, Monialibusque ad sua Monasteria redeundum indicitur, exceptis Clericis, qui in Palatio serviunt, aut per vim clericali fuerint.

In Cap. viii. Salernitani Principatus subditis recto (ut hætenus) itinere per Beneventanum Principatum Garganicam B. Archangeli Michaelis Basilicam adeundi facultas tribuitur.

In Cap. xi. xii. xiii. xiv. xv. xvi. xvii. xviii. nemini alterutrius partis, siue Principis sui permisso ad alteram, vel asyli, vel habitationis causa transeundi fas deinceps sit; res vero, ac substantias utrobique possidere liceat.

In Cap. xix. xx. De Homicidiis, Prædis, atque Zalis, seu incendiis retroactis nihil inquirendum, vindicandumque: Si qua in posterum a parte una in alteram patrata sint, By-

ALTER

Cc 2

zanti-

(1) Romualdus Salernitanus in Chron. apud Murator. Script. Ital. tom. vii. pag. 158., nulla Ludovici facta mentione, hæc tantum habet. Tunc quoque divisus est Principatus Beneventi, ac Salerni; & Beneventi quidem Princeps Radelchis; Salerni vero Siconolfus factus est Princeps. Chronographi Cavenfis verba in not. i. pag. antecedentis recitavimus.

(2) Cap. lxxvii.

(3) Cap. xix. Pagini memoriâ lapsus inter Adelgisum, & Siconolfum divisum Principatum affirmat ad An. 866. num. vii. pag. 61. tom. xv. Annal. Baron.

edit. Lucenf. Verba ejus hæc sunt: Supra diximus, Ludovicum II. Imp. Principatum Beneventanum in partes duas distaxisse, & Adelgisum ab eo iustum præesse Benevento, Siconolfum vero Salerno, & Capue, sicque inter duos Duces illos de Principatu Beneventano contententes pacem constituisse. Hoc animadvertendum duxi, ne quis Pagii locum legens, ita rem esse sibi suadeat. Pagio vero nequaquam succensemus, quia levibus hæc maculis non offendimur, quarum veniam damus, petimusque vicissim.

(4) Cap. lxxix.

zantinorum aureorum trium millium in Nobiles multa sancitur, in Rusticos, plebeiosque Lege animadvertendum.

In Cap. XXI. quicquid hactenus ab alterutro Principe, de causa Palatii, idest de Bonis, juribusque ad Principatum, seu Fiscum pertinentibus per Breve, aut per Præceptum, cuiuspiam donatum sit, quod non in ipsius Donantis parte nunc remanet, non aliter ratum, quam si Princeps velit.

In Cap. XXII. XXIII. Uxor cum Filiis, ac substantiis, Viris, qui alterius partis sunt, requirentibus reddendæ: Captivi dimittendi.

In Cap. XXIV. nova cum Saracenis foedera perpetuo interduntur, immo conatus omnis usque ad summam virtutem adhibendus, ut quicumque in universo Principatu supererint Saraceni, expellantur, præter illos, qui temporibus DD. Siconis, ac Sicardi fuerunt Christiani, si magarizati non sunt, idest, si ad Musulmanismum non redierint, uti ex hac nostra Charta, aliifque explicat Cangius.

In Cap. XXV. XXVI. XXVII. ejus divisionis perficiendæ, observandæque veluti arrham, præsentialiter, antequam Dominus Ludovicus Rex cum suo exercitu exeat de terra nostra, Radelchis tradit Siconolfo Gastaldatum Montellam cum omnibus Castellis ejus, & medium Gastaldatum Acerentinum, omnia, quæ edixit, observaturus absque omni fraude, vel malo ingenio, vel quocunque argumento, occasione, seu disruptione; violaturus verò multam sibi x. millium Byzantinorum aureorum Domino nostro Imperatori exolvendam indicit.

In postremo denique Capitulo XXVIII. Quum Pactum istud (inquit Radelchis) firmatum fuerit, reddam tibi Siconolfo præsentialiter Petrum filium Landonis, & Poldefrit filium Pandulfi, si tu mihi reddideris Adelgisum, & Ladelgisum filios meos, & Potonem Nepotem meum (1).

Non alia itaque ex hac Charta ad Imperatorem Lotharium, Regemque Ludovicum pertinere novimus, quam Monasterii tum Casinensis, tum Vulturnenfis defensionem, idest Patronatum (2), adjudicatamque iidem ex Pactorum violatione decem aurorum millium Multam: Non ipsorum Nomen Chartæ inscriptum, nulla ab utroque Principe emissa subjectionis Professio, nullum memoratum Tributum, nulla denique supremi Domini index accessit Lotharii, vel Ludovici subscriptio, aut confirmatio. Sed nec præconceptum Ludovici studium erga Siconolfum, qui (uti superius diximus) Anno MCCCLIV. illum Romæ convenerat, Siconolfo profuit, ut, eo præsentem, integro Principatu potiretur. Neque demum Radelchis res ita corruerant, ut, nisi sanctius consilium publicis calamitatibus finem imponendi subiisset, delatum sibi legitimè Principatum tueri nequiret, unde & turpissimum illud mendum, heic animadvertendum, simulque abolendum ducimus, quod neque a Pagio olim, neque a Mansionio in nupera Annalium Baronianorum editione sublatum fuit ex Ostiensis loco ab eodem Baronio in an. 851. n. r. descripto ex Chron. l. 2. c. 31., ubi Ostiensis Ludovici adventum Beneventum, Saracenorum cadem, Principatusque divisionem complectitur. Ludovicus (inquit Ostiensis apud Baronium) Beneventum venit, eique Radelchis, ac Beneventani Saraceni omnes traditi sunt. An igitur Radelchis cum Saracenis simul traditus? Ita certè corruptum, quod Baronius nactus est, Ostiensis exemplar, atque istud idem ejusdem Lucensis editionis Index T. XIV. semel, iterumque confirmat; nam V. Ludovicus sic habet: Radelchim Captivum accipit, tum V. Radelchis: Ludovico Imperatori traditur. Mendum ex eo manavit, quod rō Radelchis

(1) Tom. III. Opp. Peregrini pag. 214. & apud Murator. Scriptor. Ital. tom. II. part. I. pag. 200.

(2) Mirum, quanta solitudine Monachi tum Casinenses, tum Vulturnenfes Imperatorum Lotharii, & Ludovici protectionem sibi conquisierint, atque ad posterorum memoriam servatam curarint. Audi Ostiensem lib. I. cap. 28. Prædicti Principes Radelchis, & Siconolfus Pactum divisionis Principatus inter se firmantes hoc Monasterium S. Benedicti, & Monasterium S. Vincentii extra sortem esse decreverunt, dicentes: Hæc Monasteria ad nos minime pertinent, quoniam sub tutela, & immunitate Dominorum Imperatorum Lotharii, atque filii ejus Ludovici constituta sunt. Haud certe talia ore loquutos Principes audivit Ostiensis, sed ex rei eventu, ita loquentes ad immunitatis confirmationem adducit. Eadem, iidem verbis Ostiensis, de suo Monasterio habet Chronographus Vulturnenfis tom. I.

part. II. Script. Ital. pag. 390., additque Caussam, quod non solum Bissacius Casinensis Abbas, sed pariter Jacobus Abbas Vulturnenfis, & adventus Ludovici, & victoriæ auctores fuerint: Siquidem (subdit) Imperator per Jacobum venerabilem Abbatem B. Marij Vincentii, & Bassacium B. Benedicti invitatus adveniens, & victoriam obtinere, & maxima rebus utilia illorum consilio consequi meruerat. Falsus certe Chronographus, qui Jacobo Abbati Vulturnenfi has partes præpropter (uti mox observabimus) adscribit. Sed aliam comparatæ Angulorum Tutelæ, & Immunitatis causam utrique Monasterio fuisse video. Exemplo Sicardi, qui Deusdedit Abbatem Casinensem vexavit, Siconolfi, qui Thefauros expilavit, uti adversus consimiles conatus in postero Imperatorum tutela muniti possent, Casinates, atque Vulturnenfes satagerunt.

chis nominandi casu acceptus fuit, unde præpositio à, quæ antecedebat, erasa quoque fuit, invito quidem Ostiensi, qui *Radelchis* nomen, barbaricorum nominum more, qui nullam declinationem accipiebant, auferendi casu, etiam præmissa præpositione à, manifestè usurpavit. En Ostiensis verba lib. I. c. 29. ex editione Laureti anni 1616. *Veniens igitur Ludovicus Beneventum a Radelchis, Beneventanisque receptus est, eique omnes Saraceni contraditi.* Haud secus editio Nucæi apud Murat. T. IV. Scriptor. Ital. pag. 303. lib. I. cap. 30. *Veniens igitur Ludovicus Beneventum, a Radelchis, Beneventanisque* (aliud Ostiensis exemplar, uti Nucæus notat, addit *honorificè nimis*) *receptus est, eique omnes Saraceni contraditi &c.*: non igitur a Beneventanis traditus simul cum Saracenis Radelchis, qui Ludovici opem postulavit; advenientem *honorificè* cum suis suscepit; Saracenis trucidandis, expellendisque operam suam contulit: ac denique, ut omnes præsentium malorum radices evellerentur, Fœderis cum Siconolfo, parte Principatus tradita, fanciendi auctor videri voluit: *Ego Radelchis Princeps* (sic ipse Divisionis Legem dicere orditur) *concedo tibi Siconulfo Principi Salernitano firmissimam pacem de integra parte Principatus Beneventana Provincia, qua tibi nominatim evenit per singularem integræ Gastaldatæ, seu Ministeriæ, qua hic descripta sunt &c.* Ipse demum Radelchis cum suis Optimatibus Chartam subscribit: atque uti Radelchis edixit, ita servandum placuit: atque ita demum Siconolfus Beneventani Principatus partem, cujus caput Salernum, obtinuit, quem tamen Principatum eidem mors illicò abstulit, mox ejus filio Siconi, quem infantem reliquit, Petri, & Ademarii perfidia surripuit (1).

Neque ipse diù Radelchis celebratæ divisioni advixit, anno MCCCIII. defunctus, exactis sexaginta vitæ annis, Principatus vero duodecim mense minus, si Anonymo Salernitano fides (2), aut decimo duodecimi anni mense, si Chronographus S. Sophiæ veriora habet (3): At neutrum de eo mensium numero admittendum ostendit ejusdem Radelchis marmoreum Epitaphium, cujus fides potior esse debet: sic enim habet.

*Undenis lapsis duodenus coeperat annus,
Bardorum Princeps nescitur esse quibus.
Sexaginta suæ vitæ compleverat annos,
Cum moriens mundo vivit in arce poli (4).*

Habes itaque completos quidem vitæ annos sexaginta, sed nonnisi cœptum duodecimum Principatus annum, cui propterea numerosi menses, quos Anonymus, Chronographusque recensent, convenire nequeunt. Quoti ii menses fuerint, non tanti est, ut divinare laboremus. Quot, quantisque virtutibus Principe dignis excelluerit Radelchis, præstat potius ex eodem Epitaphio nosse, ubi nihil ex assentandi studio irrepsisse, satis ostendit præter alia ejus Principis facinora, una supradictæ divisionis Charta, in qua luculentissima Religiosis, Justitiæ, Pacis argumenta exhibentur. Duodecim quasi Principatus annis respondentes Filios superstites sibi reliquit Radelchis, utriusque sexus, felicior certè eo filiorum numero, quibus in longum ævum Principatus successores ex suo genere habuit, quàm Principatus sui administratione, in qua ingentibus jactatus calamitatibus meliora, quæ voluisset, præstare non potuit. Hunc filiorum numerum marmoreum alterum Caretrudæ conjugis Epitaphium nobis prodit; Caretrudam enim, fœminam nobilissimam, eo nomine ipse quoque Radelchis conjugem suam appellat in Diplomate n. 16. Partis III. Chronici Sophiani; sed Epitaphium audiamus, ubi post alia hæc habentur.

*Nam summi conjux Radelchis Principis extans
Germine quod tenuit duxit honore decus.
Inde viri solum in Natis ex ordine firmans
Sancivit Patria hos caput esse suæ.
Sicque sui magno fructus ab culmine ventris
Ter quartum vidit fructificasse gradum.
Pontificem, & Comites genuit, Procereque sagaces
Undique conspicio fultra vigore fuit.*

Ac

(1) Vid. Erchempertum cap. XIX. & XX. ac Anonymum Salernitanum cap. LXXXVI. & LXXXVIII.

(2) Cap. XCV.

(3) In Chronico Ducum, & Principum Beneventanorum apud Peregr. tom. V. pag. 22. & apud Ughell. tom. X. pag. 419.

(4) Tom. III. Opp. Peregr. pag. 312.

Ac in tertio disticho ipsa *ter quartum gradum fructificasse* Caretruda dicitur, idest *ter quatuor*, seu duodecim filios genuisse, ex quibus illa alios *videre* lætata est in paterno folio ex ordine sedentes, nempe Radelcharium, mox Adelchum, deinde Gayderisum Radelcharii, Radelchum denique alterum Adelchis filium: *Vidit* alios vel Comites, vel Procures, quorum nomina (si Radelgisum excipias à Radelchi Patre in Divisionis charta postremo Capitulo memoratum) quorum etiam gesta ignoramus: *Vidit* Pontificem, idest Ayonem filium Beneventani Episcopatus dignitate potitum, cujus nomen datæ ad illum Johannis PP. VIII. Epistolæ 33. & 157. Diploma Ludovici II. quo Ecclesiam Garganensem ejus jurisdictioni confirmat, Anastasii denique Bibliothecarii dicatus eidem Sermo S. Theodori Studitæ de S. Bartholomæo in latinum conversus, satis celebrem posteritatis memoriæ reliquerunt. Ac *vidisse* quidem Caretruda potuit, quæ

*Bis tria post annos quadragenos lustra recurrens
Hæc Caretruda solo terrea membra dedit.*

idest transacto septuagesimo vitæ anno defuncta est, diutissimè quidem Radelchi viro superstes, ætate tamen longe inferior, cui adeo numerosam, simulque gloriosam sobolem genuerat. Sed de Radelchi ipso jam satis: nunc de ejusdem Nummo dicemus.

Nullus hæcenus, quem sciam, Beneventani Principis Radelchis Nummos protulit, aut meminit. Pretium igitur, hoc quoque nomine, ei Nummo accedit, quem argenteum apud me servatum, exhibeo.



Habes anticæ partis limbo inscriptum MICHAELIS ARCHANGELI nomen. Præcipuum Longobardicæ Gentis Patronum in nummis inculpi consuetum, in superiorum Principum nummis jam demonstravimus: sequutus eum morem Radelchis fuit; cujus erga Archangelum religiosissimus cultus ex eo quoque enituit, quod veritus, ne ex Principatus divisione Salernitanorum frequentia ad Garganensem Basilicam minueretur, liberum iis per Beneventanum Principatum consuetum iter patere voluerit, tantique eam rem putavit, ut peculiari Capitulo, non tam Salernitanos certiores facere, quam ultrò accire, eorumque veterem religionem fovere satergit. In ejusdem autem partis aræ Crux quadrata inculpta est, quæ inter æquales suas quatuor hastas totidem ex suis lateribus breviores veluti, atque acutos radios emittit, ita ut ad stellæ quodammodo effigiem accedat: Hastarum vero acumina (nam & ipsæ hastæ acuminatæ sunt) globulis clauduntur, ut in ea effigie nonnisi Crucis signum expressum indicaretur.


Postica pars RADELCHIM PRINCIPEM legendum offert, qui Spicam in medio positam circumdat, ex cujus extremo culmo duo curvæscen-tes ramusculi prodeunt, ambo in tres veluti bacchas desinentes. Quid rei ejusmodi Symbolo indicatum voluerit Radelchis, conjecturâ assequi tantùm licet. Ac primùm Spicas in nummis representari antiquus mos fuit ad earum Urbium, ubi cuderentur, agrorum fertilitatem demonstrandam, uti de veteris Hispanorum Urbis Carmonæ numismatibus docet Ant. Augustinus (1), deque Alexandria Egypti Sebastianus Erizzo (2), addens illius nummum ideo in Augusti honorem cum Spicarum fasciculo, seu manipulo percussum, quod is teste Svetonio Cap. 18. *Egyptum in Provincie formam redactam, ut feraciorem, habilioremque annone Orbica redderet, fossas omnes, in quas Nilus exæstuat, oblimatas longa verustate, militari opere deteraserit*. Quid ni igitur Radelchis eam Spicam adhuc erumpentibus iis fructiferis ramusculis insignem nummis suis sculpsit, ut Beneventani Principatus Regiones, eo quoque nomine vetustis Scriptoris celebratas, omnium fecundissimas demonstraret? Sed & altera (si conjecturis paulò liberius indulgere fas sit) ejusdem Symboli interpretatio afferri potest: Dum enim contra frumenti naturam est, ex proprio culmo alias minores spicas, veluti proles suas, progignere, sed ex una duntaxat radice procedentes sibi associare, jam in ipsa media Spica Beneventanum Principatum agnoscere proclive erit, ex quo Salernitanus Principatus, vel etiam, si mavis, Comi-

(1) Dialog. vii. pag. 233. edit. Rom. 1736. ubi & a liis addit pag. seq.

(2) In Nummis Augusti pag. 168. edit. Venet. 1571.

Comitatus simul Capuanus illis ramusculis designati, & contra jus, fasque propagati, & longe inferiores, veterem illius majestatem sibi observandam indicare videbantur. Si res ita fuerit, post factam divisionem, atque extremo Radelchis anno, percussum eum Nummum dicere oportebit; eique symbolo opportuniorem dederit occasionem sequuta mox Siconolfi mors, cui Sico filius nondum anniculus sub perfidi tutoris Petri cura successit. At hæc (inquit) illis rudium temporum ingeniis sagacitas, ut tantam rem eo Symbolo expressisse scirent? Non id certè contenderim: Quare priorem interpretationem si quis probare, aut meliorem afferre malit, non veto; illud interea certum, faustumque mihi attribuiam, eo singulari Radelchis Nummo, nunc primùm in lucem eruto, non mediocre nostris Longobardicis Antiquitatibus pretium adjecisse.

An suos quoque Nummos recens Princeps Salernitanus Siconolfus cuderit? Affirmat Cl. Muratorius, cujus locum libenter afferam. *Scriptit (inquit) ad me ex Urbe, quum in vivis esset, P. Eduardus de Vitry Soc. Jesu, Vir doctissimus, & Nummaria peritissimus, atque insignis Musæi institutor, ad se delatum fuisse Nummum ex Ære inaurato, quem pro aureo incautè acceperat. Ibi effigies erat Principis, qualem in Sicardo conspeximus, cum inscriptione SICONOLFUS, & in averfa eadem Crux cum literis S. I. & VICTOR. PRINCIP. CONO. Is est Siconolfus Princeps primus Salerni, inter quem, & Radelchisum Beneventi Principem Anno Christi dcccxi. teterrimum bellum exarsit, in longum tempus productum, & Beneventani Ducatus (Principatus) divisione tandem compositum (1). An dictus Nummus ante Beneventani Principatus divisionem, vel post Salernitani concessionem Siconolfus percussisset, ex recitata Epigraphe dignosci nequit: Potuit Siconolfus, postquam Salernitano Principatu potius fuit, suprema, quæ sibi à Radelchi permilla fuerant, Majestatis jura exercere; ac Beneventanorum Principum exemplo monetam instruxisse; si tamen id cogitare, sinereque quiverint pauci illi menses, quibus Principatu suo frui potuit. Sed per ipsam divisionem, jus monetæ cudendæ Siconolfum sibi usurpassè nunc certò scimus ex ejus argenteo Nummo:*



Siconolfi nomen Monogrammate expressum legitur, Epigraphe hac circumdatum. PRINCES BENEVENTI: altera verò facies Crucem consuetâ formâ insculptam exhibet, atque in circulo: S. MICHAEL ARCHANGELVS. E re quidem sua fore existimavit Siconolfus, si Beneventani Principatus titulum, quem Paternæ, Fraternæque successionis jure sibi debitum, armis tum sibi vindicare conabatur, velut proprium adhiberet. Id certè in plerisque Chartis factum invenio, quæ, flagrante adhuc civili Bello, ejus nomine inscriptæ sunt (2). Id etiam in Nummis ab eo cussis factum ostendit editus superius à nobis Nummus; quem à Siconolfo, nondum Salerni Principe, sed ad Beneventanum Principatum conatus suos admovente percussum certò statuimus.

Qui verò Siconolfo successerunt, Salernitanos Principes, monetâ suâ usos unicus probat Nummus ab eodem Muratorio editus, atque hisce verbis illustratus: *Nummus æreus, in Musæo Chiappinio Placentiæ adseruatus, ad Gisulfum Salerni Principem spectat. Ejus Effigies conspicitur cum Epigraphe GISULF. In postica Orbis aspectus superpositis literis CIVITAS SAL. GISULFUSNE primus, an secundus heic designetur, ignoro. Nec scire magnum est, nec nostra refert; quare, missis Salernitanorum Nummis, ad reliquos nostros illustrandos Nummos libentius progrediemur.*

CAPUT


(1) Antiq. Med. Ævi tom. II. Dissert. XXVII. p. 619.
(2) Certe Principatus sui Siconolfus annos à Sicardi fratris obitu numerare affectavit, idest ab anno 839. si veræ sunt binæ veteres Chartæ, quarum alteram edidit Erasmus Gattula in *Accession. ad Hist. Casin.* p. 1. pag. 36. quæ data est: Anno decimo Siconolfi mense Ma-

Vulturense pag. 392. tom. I. p. II. Script. Ital., ubi *Domnus Vir gloriosissimus Siconolfus Dei providentia Longobardorum gentis Princeps Anno Regni nostri Deo propitio, decimo mense Novembris xlii. indictione, quondam bona cum Monasterio Vulturaneli commutat: quæ quidem Chartæ in eundem annum 899. incidit, cuius anni mense Majo Indictio XII. decurrebat.*

CAPUT VI.

Imperatoris Ludovici II. aureus Nummus Beneventi cufus cum ejusdem Orbis epigraphe . Is Nummus , inter graviora alia , Captivitatis occafio , quam idem Auguftus à Principe Adalgifo , Beneventanisque paffus fuit . Ad ipfum Principem Adalgifum à Superiore Radelchi Principum Series continuatur ; ipforumque cum Saracenis certamina , ac varia fortuna . Adalgifi factum , nomenque ex Ludovici Captivitate à calumniis strenuè vindicatur .

Multa Beneventanorum rebus communia de Imperatore Ludovico II. Lotharii filio superiore Capite differvimus ; plura adhuc , ac fortasse graviora in hoc alterum Caput dicenda fervavimus , quibus ejusdem Ludovici Nummus Beneventi cufus promptam occasionem , ampliffimamque materiam præftabit . En Nummum ipsum , cujus Eclypon primus omnium Le-Blancus edidit in *De Nummis Regum Francorum* , atque inter Principum Beneventanorum Nummos Muratorius jure merito retulit (1) .



Nulla Nummus ipse explicatione indiget , in cujus altera facie HLVDOVICVS IMPERATOR , in altera BENEVENTVM legitur . Explicanda tamen cudendi caussa est : explicandi quoque maximarum rerum successus , quibus & ipse nummus occasionem fecisse , aut addidisse videtur .

Radelchi Principi defuncto , Radelgarius filius successit plenis quidem Beneventanorum suffragiis , quibus ejus electionem tribuunt tum Erchempertus , tum Salernitanus Anonymus (2) . At confirmatam potius , adprobatamque à Beneventanis Radelgarii successionem rectius dicemus , qui à Radelchi Patre post compositas cum Siconolfo res , Principatus socius adscitus fuit , uti mox ex ejus Sepulchrali monumento probabimus . Res illius fortiter gestas minime ad suam notitiam pervenisse subdit Anonymus ex sua potius incuria , quam ex brevissimo Principatus spatio , quod vix ad Annos XII , ac Menses VI . attigisse testatur . At præter Marmoreum Monumentum , quod in Ecclesia Beneventana Radelgarii memoriam , virtutes , resque gestas perpetuæ posterorum memoriæ inscripta habebat , Erchempertus quidem Radelgarium Principem , *Virum planè fortem viribus , & animo pium , & corpore cunctis gratum* fuisse ait . Præcipuum , quod tunc maximè intererat , Radelgarii studium fuit , ut Saracenorum reliquias extingueret , sivè potius excrecentes iterum ex Bario munitissima Urbe inundationes cohiberet . Impares huic expeditioni vires suas animadvertens , nihilque auxilii ex Salernitanis sibi pollicitus , qui sub puerulo Sicone erant , iterum Augusti Ludovici opem sibi expetendam duxit , eundemque Bassacium Casinensem Abbatem , adjuncto quoque Vulturensi Abbate Jacobo , oratorem misit . Ad Annum DCCCLII . hic Ludovici adventus referendus est : nam hoc Anno Ludovicus Lotharii filius (uti narrant Annales Bertiniani) Beneventum adiens , Baitam Civitatem oppugnat , interruptoque muro pessimis usus consiliis à coepto refilit : nam dicentibus consiliariis suis , magnam illic partem esse Thesaurorum , quæ penitus fraudaretur , si passim omnibus intrandi copia daretur , in Castra sese recipit , prohibitis omnibus ab irruptione Orbis . Quibus recedentibus , Mauri ita noctu muri interrupta trabibus muniunt , ut venientem in crastinum hostem nullatenus formident . Proinde incassum tanto labore dedu-

(1) Antiq. Med. Xvi t. II. Dissert. xxviii. p. 620. num. VIII.

(2) Erchempertus in fin. num. XIX. Quo (Radelchi)

migrato , Radelgarius filius ejus in Principatum loco ejus electus est . Anonymus num. xciv. Ejus filium Radelgarium Beneventani Principem sublimarunt .

deducto, Ludovicus cum exercitu suo ad propria remeat (1). Civitatem Baitam in Beneventano Principatu nemo unquam novit, sed eo vocabulo Barium, vel ab Annalista intellectum, vel corruptè scriptum omnes fatebimur, a quo etiam Mauros pro Saracenis appellatos legimus. Sed quod hæc posterior Ludovici expeditio infelicem habuerit successum, non aliam causam affert Erchempertus, nisi Capuanorum perfidiam, quorum videns supradictus Cæsar fallaciam, & se nihil proficere, sine emolumento recedens abiit (2): Ut videas, quàm constantes in susceptæ, aut potius subreptæ libertatis studio Capuani fuerint, veriti, ne, Saracenis deletis, antiquis Dominis servire cogerentur; sed impiissimi consilii poenas paucos post annos ab ipsis eidem Ludovico datas inferiùs observabimus: Interea abcedens tunc Ludovicus Ademario Salernitanum Principatum permittit, abducto secum Sicone puero Siconolfi filio, qui non diù post redux scelestiori ejusdem Ademarii perfidiâ veneno extinctus, majoris Siconis Principis Beneventani familiam, quæ sceleribus eam dignitatem sibi comparaverat, secum tumulavit (3).

Sed ad Radelgarium revertamur, qui, uti superiùs diximus, a Radelchi patre post Foedus cum Siconolfo sancitum in Principatus societatem admissus, paucis cum Patre mensibus, tribus post illius obitum annis circiter Principatum tenuit, atque post unum, ac triginta ætatis annos vivere desit. Hæc omnia ex ejus marmoreo Tumulo certò scimus, ubi, inter alia plura ejus virtutum elogia, de Principatu ante, & post paternum obitum administrato sic legitur.

*Sub Patre nam Princeps solium, regnumque paternum
Post Patris excessum rexit ad omne decus.*

idest Princeps sub Patre, nempe vivo Patre, esse incipiens, eo mortuo, Princeps remansit: De ætatis vero, Principatusque spatiis hæc inferiùs sequuntur.

*Bis tria post lustra, annumque unum carnea claustra.
Deferuit jussu, Christe tremende, tuo.
At, Benevente, tibi bis binis præfuit annis,
Quo tua regnante gloria pulchra fuit.*

Atque utinam sic res se habuisset; ac vera illa quoque fuissent, quæ paullo superiùs de ipso Radelchi celebrata pariter in eodem Epitaphio legimus, idest.

*Fortia Francorum sedavit Regna, suosque
Confines vinxit undique pacis ope.*

Perturbata potiùs omnia tum fuere Saracenorum excursionibus, qui licet olim Benevento expulsi, ex Urbe tamen Bario, aliisque Oppidis, quæ in suam potestatem redegerant, in Beneventanos fines, audaciores quidem ex susceptæ ab Imp. Ludovico expeditionis infelici successu, debacchabantur. Sed quod ad illos bis binos attinet Principatus annos, quos Epitaphium Radelgario tribuit, facili conciliabis cum Annis III. & Mens. VI., quos Anonymus Salernitanus numeravit; aut enim Epitaphii auctor rotundum numerum carmini aptiorem usurpavit, vel potiùs Anonymus Principatus post Patris mortem gesti tempus duntaxat agnovit.

Radelgario anno DCCCLII. defuncto, Adelchis, sive Adalgisus germanus in Principatu successit, Vir (inquit Erchempertus) mitissimus, & amabilis cunctis, tantaque mansuetudinis, ut ab exteris diligeretur. Infelicissimum nactus est Reip. statum, Saracenorum excursionibus vehementiùs perturbatum; unde & eorum Regi Saodano Barii, quasi tutissimo Tyrannidis suæ, latronumque domicilio, manenti, ut a consuetis cædibus, depu-

ALTER

D d

(1) Annales Bertiniani ad An. DCCCLII. Inter Script. Ital. tom. II. pag. 332.

(2) Cap. xx. Eadem habet Ostiensis in Chron. Casin. lib. I. cap. xxx. Iterum Saracenis Bavi degentibus Calabriam totam, omnemque Apuliam, universamque Provinciam Beneventanam affligere, ac devastare nitentibus, rogatus a Primatibus Patriæ Bassianus Abbas una cum Jacobo Abbate S. Vincentii Franciam adiit, præsumptumque

Ludovicum rursus ad has partes venire cogit; qui veniens, Barium protinus adiit, cumque Saracenis per dies aliquot sine effectu aliquo dimicavit; sed Capuanorum calliditate, ac fallacia cernens se nil proficere, Siconolfi filio de Salerno exiliato, & Ademario Principatu concessio, reversus est.

(3) Vid. Anonymum Salernitanum cap. LXXVIII.

pulationibusque desisteret, & annuam pensionem polliceri, & Filiam suam cum aliis obfidibus tradere coactus fuit (1). Quum verò neque eo fœdere Saraceni prœdis assueti con- quiescerent, in id consilii ventum est cum Guaiferio Salernitano Principe (qui Anno DCCCLXI. Ademario, Principatus. atque oculorum orbatone poenas perfidiæ luenti, successit), ut jam tertio ad Imp. Ludovicum, quatenus cum valido exercitu veniret, & una cum ipsis Agarenis de finibus Italiae exturbaret, Legatio mitteretur (2). Legationem diù post, nempe anno DCCCLXVI. sequutus est Ludovici adventus, validiore, quàm olim. Exercitus apparatu, atque uxoris suæ Ingelbergæ comitatu insignis, sed Saracenis æquè, ac Salernitanis, Capuanisque metuendus (3). Ac Salernitani quidem apud Ludovicum offenderant, quod cum Ademario, ejus nutu Prin- cipe constituto, tam sèviter se gessissent, ejusque loco, ac proprio arbitratu Guaiferium suffe- cissent. Gravior fuit Capuanorum causa, qui (uti superius diximus) priorem Ludovici expedi- tionem adversus Saracenos eluserant: nullus excusationi, aut veniæ locus fuit: nam ad vete- res fallacias vergentes Capuanos animadvertens Ludovicus, trimestri obsidione pressos, ac frustra indulgentiam deprecatos, diruta eorum Urbe, mensuris Francorum judicibus non tam gubernandos, quàm diripiendos, divexandosque tradidit (4). Agnosces hac in re, non dissimilis criminis reos, eandem Capuanos à Ludovico subiisse poenam, quam olim, quum ad Annibalem defecissent, à Romanis reportarunt; dum in Præfecturæ formam redigen- dam Capuam Romanis placuit, atque habitari tantum, frequentarique, sed nullum Corpus Civitatis, nec Senatus, nec Plebis Concilium, nec Magistratus esse, Præfectum ad jura reddenda quotannis mittendum (5). Adhuc verò Ludovicus duriorum Capuanorum conditionem esse vo- luit, qui pro nihilo ducti, non quotannis, sed omni fere mense diversis judicibus injurias po- tius, quàm jura, reddituris dabantur in prædam. Certè inter res egregiè à se gestas Capuæ expugnationem reputandam voluit Ludovicus, utque ejus celebritatem posteris commenda- ret, in suis Diplomatis inter alias temporis notas adhibuit. Sic in Privilegio Monasterio Vul- turnensi concessio Anno sequenti DCCCLXVII. hac in fine leguntur. Data III. Idus Junii, Anno, Christo propitio, XVII. Imperii Domini Hludovici piissimi Augusti, Indict. XIV. & postquam cepit Capuam, Anno primo. Actum Capua Civitate in Dei nomine feliciter (6). Sed quæ tandem Ludo- vici res cum Saracenis fuerint, accuratius observabimus.

Sequenti anno DCCCLXVII. Ludovicus adversus Saracenos exercitum admovit. Sed adversam, quam primo prælio expertus est, fortunam, mox tardo licet gradu, sibi tamen obsecundantem, faustamque habere coepit. Fractæ passim Saracenorum vires, recepta oppida; sed dum Ba- rium vigeret, stare adhuc Saracenorum res videbantur, nec victor Ludovicus videri pote- rat. Hinc omnes Francorum, ac Longobardorum Copiæ ad ejus Urbis expugnationem conver- sę; nec nisi post diutinam obsidionem (id enim Saracenorum studium, atque cona- tus, ut sibi Barium servarent) tandem ab hostium manibus erepta est, postquam ab Anno DCCCLXI., quo Saraceni à Radelchi auxiliares admissi, eam dolo occuparunt, triginta circiter annis Saraceno jugo, pessimo universi Principatus fato, oppressa fuit. De expugnata Ur- bis anno apud vetustos Chronographos non convenit: ad Annum DCCCLXVIII. rem gestam retulit Lupus Protospata: Anno 868. (inquit) Indictione prima exierunt Agareni a Bario per Francos, tertia die intrante Mensis Februarii (7). Sequenti anno attribuit utrumque Chronicon Sophianum, & Cavense (8). Post quadriennii obsidionem Urbem Barium à Ludovico expugna- tam disertè testatur Ostiensis (9): quare dum non ante annum DCCCLXVIII. in Saracenos

arma

(1) Vid. Erchempertus num. XXIX. Inter obsides Radelgisi Filiam filiet Erchemptum, quam tamen scimus ex Anonymo Salernitano, qui cap. CXVI. Barii expugnationem Ludovici ope factam referens, Sado- num Regem, ut capitis poenam evitaret, se in Adalgisi fidem tradidisse ait, hoc merito, quod Filiam ejus ob- fidem incontaminatam apud se servasset.

(2) Anonymus Salernitanus cap. XCV.

(3) Annales Bertiniani ad Annum DCCCLXVI. Ludo- vicius Italiae Imperator una cum uxore sua Ingelberga in Beneventum contra Saracenos venit.

(4) Erchempertus num. XXXI. Landulfus ad solitam vergens fallaciam Capuanos, quos Cesari præsentaverat, fugere compulsi; ipse solum cum eo remansit, quasi sa- tisfaciens, se nihil culpabile penes eum gessisse. Pra- dictus itaque Augustus Landulfum tum pro nihilo ducens, Capuam adiit, obsessamque tribus hinc inde mensibus,

funditus circumcirca delevit, & cum civibus illius quod- cumque placitum dare nollet, Landberto Comiti illius se tradiderunt, putantes se facere rectè, corruerunt. Unde postea pro nihilo ducti, omni fere mense diversis Judi- cibus dabantur in prædam.

(5) Livius lib. XXVI.

(6) In Chronico Vulturnensi pag. 395. Scriptore Ital. tom. I. part. II.

(7) Inter Opp. Peregr. tom. IV. pag. 18, & inter Scriptores Ital. Murator. tom. V. pag. 37.

(8) Ac in Chronico S. Sophiæ id ipsum mendosius sta- tutum leges in anno DCCCLXI., quod in alio MS. ad DCCCLXX. protrahitur. Vid. tom. IV. Opp. Peregr. pag. 162., in quo tomo Chronicon Cavense invenies de hac re loquutum pag. 397.

(9) In Chronico Casin. lib. I. cap. 36., ubi post nar- ratum Ludovici adventum anno 866., reliquæ ab eo di- cio

arma movit Ludovicus, nonnisi ad annum demum *ccccxxi*. deducenda res erit. Ostensi consentire videtur Anonymus Salernitanus, nihil de quadriennio, sed tamen de prolixo obsidionis tempore testatus hisce verbis: *Dum per prolixa tempora eam (Barium) undique obsidisset, postremò à Francis, & Longobardis est capta. Ipse namque Segdan (quem superius Seodam appellavit: Constantinus Porphyrogenitus in Vit. Basilii Macedonis Soldanum hunc ipsum vocavit, ut videas, non personam, sed dignitatis id nomen fuisse) in unam Civitatis illius turrem se communiavit, & nominativè Beneventanum Principem Adelchisum acclamavit, inquit: In fide tua me suscipe, quia, teste Deo, tuam filiam incontaminatam penes me habeo: habuerat enim eam nuper obsidionem (obsidem), & minime, licet infidelis, adhuc contaminaverat; quo audito, Princeps Adelehis statim ad Imperatorem eum expetiit, & accepit, nec non & duos alios sodales: Et tota Apulia, simulque etiam Calabria, Deo propitio, ab hostibus potenter erepta, cum ingenti tripudio Beneventum venerunt (1). Rei exitum ex Anonymo audire libuit, ut non solum de diuturno obsidionis tempore Ostensis testimonium comprobaretur, verum etiam, ut non solum Ludovici viribus Barii expugnationem, reportataque de Saracenis victorias sciremus. Rei gestæ quidem meritum, ac laudem integram Ludovicus sibi vindicat in ea præclara Epistola, qua non multo post tempore ad Basilium Græcorum Imperatorem respondens, de catero (inquit) Frater carissime, noveris cum virtute summi Opificis nostri, exercitum nostrum ordine prænotato, Bari triumphis nostris submissa, Saracenos Tarenti pariter, & Calabria mox mirabiliter humiliaße pariter, & comminuisse (2). At non is suas quoque partes Adalgiso Beneventano Principi, neque Adalgiso laudem invidere debuit: servavit certe Anonymus, cujus testimonium jam audivimus: servavit Erchempertus, qui Ludovicum sequenti anno (postquam advenerat Beneventum, idest anno *ccccxxvii*.) multis fultum auxiliatoribus Barim perrexisset, tradit (3). Unde verò auxilia hæc, nisi ab ipsis Beneventanis? Hinc ab expugnata Bario, totaque Apulia, & Calabria in Beneventani Principatus potestatem restituta, Ludovicum simul, & Adalgisum cum ingenti tripudio Beneventum venisse, ait Anonymus Salernitanus; ambos, videlicet Augustum Beneventum cum ejus Principe cum gaudio magno receptos ab Episcopo cum suis Sacerdotibus, & Monachis testatur Chronographus Cavenis (4): Unde & quandam celebrati Triumphis speciem habemus, eumque Triumphum, quem Ludovicus ad Basilium scribens sibi uni arrogavit, cum Adalgiso fuisse communem fateri debebat.*

At non diù stetit hæc læta rerum facies, ipsius Ludovici, ejusque Augustæ Conjugis Engelbergæ Captivitate, in mororem, ac luctum conversa. Ejus facti auctor Adalgisus ipse, adversus quem à Scriptoribus penè omnibus, ad ipsum facinus, non ad facinoris causam intendentibus, dire conclamatum est. Ab Erchemperto ordiatur, qui post narratum ex Saracenicis Bello Ludovici reditum in Beneventanam Urbem, hæc statim subdit. Quibus ita patrat, videns Diabolus suos eliminari, Christoque universa restaurari, principia recotens, & damna inferni dolens, suo instinctu coperunt Galli graviter Beneventanos persequi, ac crudeliter vexare: qua de re & Adalgisus Princeps adversus Lodovicum Augustum erectus cum suis, Beneventi infra mœnia degentem, ac securè quiescentem astu dolo Sanctissimum Virum, Salvatorem scilicet Beneventane Provincia, cepit, & custodiis mancipavit, bonaque ejus diripiens, ditatus est, cunctosque Viros exercitales expoliavit, & fugere compulit, & ex bonis eorum onustatus est. Consistente itaque Augusto in Custodia, excitavit Deus Spiritum Ismaelitem, eosque ab Africa Regione protinus evexit, ut ulciscerentur Augusti opprobrium, sicuti filii Dei passionem Vespasianus, & Titus ultri sunt; sed defensione Dei dilata est in *xlvi*. juxta Prophetiam Elisei, qui *xlvi*. pueros, à quibus illusus est, duobus Urbs dedit in commessionem; hujus autem contemptum nec in *xl*. distulit dies, ex quo datur intelligi, qualis, quantusque vir ille fuerit, qui tam citò defensus est (5). Nescio, an

ALTER
 ito anno gessas, mox sequenti anno hæc subdit: *Apud Luceriam, universo congregato exercitu, cum Saracenis congregitur, à quibus primo Certamine superatus, deum ex bis, opitulante Deo, v. Bariam triumphalem adeptus universis illorum castris pignitur. Inde Barium contendens quatuor illam annis o sedit. Materam interim munitionem illorum Civitatem capiens, igne illam, ferroque consumpsit. Post hæc venit Venusiam, & tam in ea, quam in Canuso pugnatorum presidio posito, Barium hinc inde coepit graviter expugnare; sicque rediit Beneventum.*

(1) Anonymus Salernitanus in Chron. cap. *cxvi*. tom. *ii*. opp. Peregr. pag. *211*.

(2) Apud eundem Anonym. Salern. cap. *cxv*. p. *208*.

D d 2
 ipse
 Satis prolixa eam Ludovici ad Basilium Epistolam diù optasse, ac lætanter tandem se reperisse ait Magnus Baronius in scripto Codice Historia Longobardorum Beneventanorum Principum ab Erchemperto conscriptæ: unde lectu dignissimam reputans, integram in Annales suos descriptam exhibuit ad An. *971*. à n. *li* & *lxxi*. Sed ad Erchempertum Codicem illum pertinere Baronius credidit, quem Anonymi Salernitani opus esse omnino constat; uti a me in *De Re Litteraria Beneventanorum mediæ ævi demonstratum est*.

(3) Cap. *xxxiii*.

(4) Cap. *xxxiv*.

(5) Tom. *i*. part. *ii*. Scriptor. Ital. pag. *403*.

ipse desipuisse Erchempertus, an potius Ludovico illuisse dicendus sit, cuius parem, ac Christi Domini causam facit, celeriore etiam tolerati opprobrii vindictam; sed qualis, quantusque vir fuerit Ludovicus, mox videbimus, tum ex aliis, tum (quod præcipuum est) ex ipsomet Erchemperto, qui palinodiam pro Beneventanis cecinisse voluit: Rei narrationem ex Erchemperto iisdem verbis excepi, in suumque opus retulit Johannes Chronologus Vultur-nensis. At Leo Ostiensis, qui Erchempertum sibi serè semper præeuntem habet, rem ipsam modestiore stilo in pauca sic contrahit. Ludovico apud Beneventum posito, Adelchis Princeps ipsius Civitatis Diaboli invidia ductus, inventa occasione, quod Franci multa in Civitate insolenter agerent, adversus eum securè degentem protinus insurrexit, eumque capiens custodia mancipavit, cunctos milites illius dispolians fugere compulsi. Sed non in longum Deus passus est, innocentem hominem frustra affigi; moxque intra quadraginta dies innumerabili Saracenorum exercitu ab Africa adveniente, Ludovicus a custodia extemplo dimissus est, & Sacramentis obstrictus, recedens à Beneventa intra tres dies abiit Barulum (1). Sed & Neapolitanus Chronographus Joannes Diaconus rem ipsam referens, his verbis detestatur. Beneventi itaque eo (Ludovico) degente, Beneventani, & Salernitani anulatores tanta bonitatis prædicti Imperatoris, insurrexerunt cum consilio Sergii Ducis contra eum; quo capto, unaque cum Coniuge sua recluso, plurimi Franciam a missio Pastore, Lucifero ululatu reversi sunt in Regionem suam. Postmodum vero Beneventani, Salerno jam à superventu Saracenorum obfesso, dimiserunt ipsum Imperatorem sub sacramento districtum, quo nullatenus pro tanta inhumanitate, quam ei ingesserant, redderet eis meritum (2).

At asperiora in Adalgisum, Beneventanosque habet Rhythmus ille, quem ex MS. Codice Veronensi in lucem edidit Cl. Muratorius, qui à Synchro auctore lucubratus censet (3); ut videas, quam famosum in universa Italia illud factum tum fuerit, quod etiam Carmine celebrari libuisset. Nihil certè omittitur, quod non Beneventanis invidiam conflet, nihil quod non Ludovico misericordiam conciliet, irà ut in illis *Judei*, in altero *Christus*, usurpatis etiam ex Evangelio Divinæ Passionis verbis, repræsententur. Sed nihil certè eo Rhythmo mendosius, nihil ineptius, ut non tam rei veritatem, sæculique ruditatem agnoscas, quàm similem illis Fabellis Historiolam putes, quæ in Plebeculam ingentium eventorum curiosam à quibusdam malefieriatis sciolis etiamnum in foris, & triviis lectitari, obloque venditari solent; legendi cupidus infernè, qualem Muratorius exhibuit, cum ipsius notis descriptum Rhythmum habebit (4), cui & pauca adnotavimus.

Inte-

(1) Chron. Ostien. lib. I. cap. xxxv. edit. Laureti.

(2) In Episcopo Athanasio t. I. p. 11. Script. Ital. p. 317.

(3) Antiq. med. ævi tom. III. Dissert. XL. De Rhythmica Veterum Poësi pag. 711.

(4) Rhythmus de Ludovico II. Imperatore per Adelchum, sed Adalgisum Beneventi Principem capto, compositus anno 871., aut 872.

Audite omnes fines terræ (1) errore cum tristitia
Quale scelus fuit factum Benevento Civitas.
Lhuduicum compenderunt sancto pio Augusto (2)
Beneventani se adunant ad unum consilium.
Adalferio loquebatur (3) & dicebant Principi:
Si nos eam vivum dimittimus, certè nos peribimus:

Celus (4) magnum præparavit in istam Provinciam:
Regnum (5) nostrum nobis tollit: nos habet pro nihilum:
Plures (6) mala nobis fecit: rectum est, ut moriamur (7)
Deposuerunt Sancto (8) pio de suo Palatio:
A Iulferio illum ducebant usque ad Pretorium;
Ille vero gaude (9) visum tanquam ad martirium.
Exierunt Sado (10) & Sado (11) inmovabant Imperio:

(1) Legendum puto: Horrore.

(2) Si legibus Massii amici parendum est, Augustio, legendum erit. Sed iis legibus veteres rigidè se obstrictos minime videntur. Carpit hic quodammodo Muratorius V. C. Maichionem Massijum, qui in Dissertatione sopra i Versi Ritmici post Hist. Diplomat. Mant. 1737. hæc in fine habet pag. 108. Non perè, Theodorus, do-rebbe scriversi, che ripugna al Verso, ma Theodorus, come nel Ritmo Veronese l'idiotus det dirsi, non l'idiotus: non già per la ragione di doverli dar sempre Crisidiorius, cioè per la triplicata testimonianza del Manoscritto più antico di ogni altro, che ne pubblicato, o della Regola di nomi Romani, quando un Cognome conspuato a più famiglia passava in Gentilizio, come voi accennai, ma in questo luogo solamente, e in grazia del Ritmo. Carpendi causam Muratorio præbuit Massijus contrerancos suos fugillans, quod Rhythmum (de quo nunc agimus) Muratorio subidum, latere sibi maluerit. Vidi (inquit Massijus l. I. p. 195.) tre mesi sono fuor di Verona un Ritmo, simile al nostro, trovato in Codice Veronese, e mandato all' erudito, e principal Raccoltore delle cose Italiane. Epida fu la Cura usata qua da certuni per tenerlo nascosto, e segreto, quasi l'ajutario à trascurarlo, e l' emendario, o il por-

lo tra gli Anecdoti Veronesi avessi potuto farmi salire sul carro della gloria. Da lodarsi per altro è molto, l'averlo mandato in buona mani, e per una Collezione, alla quale ho cercato io, e cercato di contribuire ben altro. Hæc mihi observasse opportunum, attis audisse jucundum: ut noscimus, vicinamque simul hæc animi agilitudine, à quibus aliquando Viri doctissimi cavere sibi nesciunt.

(3) Adalferius, unus à Primatibus Beneventanis.

(4) Pro Scelus, ut puto.

(5) Vidi domales Bertinianus, & Anonymum Salernitanum.

(6) Plures, scribo Plures.

(7) Idem moriet, cum bona Prisciani venia.

(8) Pro Sandium Plinio, idem Ludovicum Augustum, quem Erchempertus Sanctissimum appellat.

(9) Forte gaudens ibat.

(10) Sado, seu Sadoan, Sudean Princeps Saracenorum, tunc Beneventi Captivus. Narrat etiam Anonymus Salernitanus, ejus consilio ad hoc facinus usum esse Adalgisum.

(11) Sadocto novitabant. Quid hæc scribendum sit, majori etiam fruentibus devinandum relinquo, nam qui obviabant Imperio? Nihil minus. Tu, me auctore, sive interprete, integrum verum sic lege:

Interest vero, quæ cum Erchemperto, Ostiense, ac Chronographo Vulturnenſe, idem Rhythmi Auctor de Saracenis *divino iudicio* in Salernitanos immiſſis fabulatur, hoc loco, atque in anteaſſum reſutemus. Ac primùm ſi Beneventani peccarunt, quare peccati poenas luere Salernitani debuiffent? Præterea, etſi nonnihil mali à Saracenis ex Africa tunc recens appulſis Salernitani, alique finitimi tulerint, res tamen eò devenit, ut Saraceni paullopoſt partim caſi, partim in fugam acti fuerint: immo idem Erchempertus, qui illam irruptionem Divino Numini Ludovici injuriam vindicanti attribuit, ipſe poſtea Erchempertus Deum, veluti facti poenitentem adducit, quippe qui fugientium Saracenorum claſſem non ſine inſigni miraculo, tempeſtate conſumpſerit: Prius enim (ait), quàm fugam arriperet nefanda Gens, huiusmodi ſignum de Coelo Deus multis oſtendit; ſaculam igneam permaximam præpete curſu in medio navium jecit, quam mox ſequuta eſt tempeſtas, quæ cunctas Liburnas fruſtraſtim diſrupit (1). Satiſ igitur fuerit, Chronographo Cavenſi fidem accommodaſſe, qui poſt narratam Ludovici Captivitatem, nullam ad eum liberandum in novo Saracenorum adventu Divinam agnoſcit vindictam, aut coeleſte conſilium; ſubdit is quoque infeliçiſſimum Saracenicæ expeditionis exitum, quem Beneventanorum, aliorumque Sociorum virtuti attribuit. Saracenorum (inquit) Claſſis ab Africa in Salernum venit prope Octob. Kal., & Civitatem obſiderunt. Sed Dei ope à Beneventanis, Melfitanis, & Sergio Conſule cum Neapoliticis ſuis ſubſidium attulerunt nobis: exinde in anno ſequenti etiam per Francos ob preces Landulſi Episcopii Capuæ, & noſtri Abbatis de S. Benedicſi in Caſino ſubvenitur. Qua de caſſa obſidio ſtatim abſoluta eſt, & Saracenorum Claſſis fugiit in Calabria; ſed multum contraſta propter pelagi procellas, quæ illam triduo reholberunt (2). Si igitur ex humanarum rerum eventis Divina arguere, ac conjecturare iudicia licebit, non equidem Saracenos veluti Dei ſatellites ad Beneventanorum ſupplicium delectos dicere locus erit, ſed ex caſis, fugariſque, ac denique tempeſtate conſumptis Saracenis, gratum Deo potius Beneventanorum factum, toleratamque Ludovico pro ejus merito (quod Erchempertus ipſe paullo poſt agnoſcit) ejuſmodi calamitatem fateri oportebit.

Sed

(1) Cap. XXXV. Ejuſdem Saracenicæ Claſſis, nec ipſe ſiluit Oſtienſis l. l.

(2) Tom. IV. Opp. Peregr. pag. 397. ad Ann. 870.

Et ipſe Sancte pius incipiebat dicere:
Tantum ad latronem veniſſis cum gladiis & ſulſibus.
Fuit jam namque tempus vos allevavi (1) in omnibus;
Mox vero ſurrexiſtis adverſus me conſilium:
Nefcio pro quid (2) cauſam vultis me occidere:
Generatio crudelis (3) veni interficere
Ecceſte que Sanctis Dei venio diligere:
Sanguine veni vindicare, quod ſuper terram ſuſus eſt.
Kalidus ille tentator (4) ratum adque nomine
Coronam Imperii tibi in caput ponet (5) & dicebat populo:

Ecce Summus Imperator: poſſum (6) vobis regere.
Leto animo habebat (7) de illo quo fecerat.
A Demonio vexatur (8) ad terram conſiderat.
Exierunt multæ turmæ videre mirabilia.
Magnus Dominus (9) Jeſus Chriſtus iudicavit iudicium;
Multæ gens Paganorum exit (10) in Calabria
Super Salerno venerunt poſſidere Civitas (11).
Juratum eſt (12) ad Sancta Dei Reliquia
Ipſe Regnum defendendum, & aliam requirere.

lege: Exierunt Sado (id eſt Sodom) & ſimil capto improperabant Imperio, id eſt Imperatori. Certe improperandi cauſam tum Sodom habebat à Ludovico debellatus, tum cum ipſo Sodom Beneventani, qui Ludovicum, Francoſque Saracenis omnibus deterior experiebantur; ut ſuperius oſtendimus.

(1) Pro allevavi. Beneficia innoſci in Beneventanos collata.
(2) Scribe, pro qua cauſa.
(3) Veni illum interficere, qui huc venit, ut Eccleſias Sanctas Dei à Saracenorum iugo eriperet. Hoſtium ſuorum ſanguinem, qui ſuper terram ſuſus eſt, veni vindicare.
(4) Quis tentator iſte? num Adalgiſus, an Sodom, an alius quilibet? noſtrum faciunt verba illa: ratum adque (pro atque) nomine.

(5) Pro ponit.
(6) Latine volens eſſeſſe Italianum vi poſſo regere, ignoravit, an illud vi Aſſuſativo reſponderet poſſui, quàm Dativo. Superſtitione hæc Muratorii obſervatio: An enim Synchronus (ut is cenſet) Rhythmi auctor Italianum linguam nondum ſeculo IX. natam noſſe, ac reſpexiſſe poterat?

(7) Pro abibat, ut puto, latus de illo, quod fecerat. Immo Leto animo habebat de illo (pro illud), quod fecerat Adalgiſus videlicet Princeps, quem nunquam in hoc Rhythmo memoratum mireris.

(8) Et hoc incertum, ſuſtine Adalibi Princeps, an Sodom vexatur à Demonio. Neuter certe, ſed fabellam hanc, ut alias plures videbimus.

(9) Scriberem Dominus, ut manſura prioris verſiſſi reſtituiſſet

procederet: ſed legiſſi ſyllabarum videri aliſi negleſſas. Ita eſt; ut non deberet Muratorius de hac emendatione videri ſollicitus: Ceterum nuſquam forſitan melius ſe habuit legatiſſimus Rhythmi Auctor, cui notum, uti eidem Muratorio, vetuſtiſſimæ Carmen omni ævo vulgaſſimum, eſſe debuit: Coſeſtem Dominum, Terrenum dicite Dominum.

(10) Pro à Calabria. Rectius ſtatit in Calabriam, quæ tunc ex Africa Saracenos advenſe omnes tradunt, inde veto ad Salernum expugnandum proceſſiſſe.

(11) Exeunte ſupramemorato anno 871. Salernum obſidione preſſum eſt à Saracenis: Pro poſſidere, ſcriberem obſidere.

(12) Strophæ hæc ſpectans ad litteram l. ſupra deſideratur. Nefcio, an ſuo loco ſit reſtituenda. Videtur autem heu innoſci Sacramentum, quo ſe obſtrinxit Ludovicus, ſe vindictam aliquam ex calumnia, quæ tunc preſtatur, nunquam exſultum, ut ſcribit Regino: Ceterum manca eſt hæc Strophæ, & alia integra forſitan deſiderantur; neque enim Rhythmus per reliquas Alphabeta litteras progreditur. Non equidem progredi poterat, dum quæ in poſtrema Strophæ leguntur, univerſæ rei exitum nobis exhibent; quæ quidem Stropham, ſeu binos ejuſdem verſus ſic legerim. Juratum eſt (ſcilicet à Ludovico) ad Sanctas Dei Reliquias: Ipſo Regnum deſerendum (pro defendendum), ut ſcilicet Beneventanum Principatum deſereret, ab eoque oculus abſtineret, & alia (pro aliam) id eſt loci requirere: aut à Ludovico ſtatim factum eſt, ſed plura, quæ oportere, decretere; huius Rhythmi decimus, qui tanti certe non eſt, ut Muratorius præſcriptæ vulgaſſe gloriaretur, aut præſcriptam ſibi Maſſicæ editionem indiſtincte.

Sed quid de Ludovici Captivitate exotici Scriptores memoriæ mandarint, nunc audiamus. Annales Bertiniani ad Annum *ccccxxi*. nuncios ex Italia in Gallias plurimos ad Carolum Regem missos ajunt, qui cum inevitabam Italianam ire, quoniam Nepos suus Ludovicus in Benevento Civitate cum uxore, & filia a Beneventanis occisus foret. Sive ab novarum rerum cupidis ii nuncii fuerint, sive per seipsam rei fama in Gallias pervaserit, fama, inquam, malum, quo non velocius ullum, viresque sibi eundo tum quæsisset, ut pro Ludovici captivitate, paulatim necis rumorem apud longinquos perfunderit; Carolus rem tandiù sibi incertam esse voluit, donec a Missis suis ex Italia reversis nunciatum sibi fuerit, quod ipse Imperator Ludovicus viveret: Nam Adalgisus cum aliis Beneventanis adversus ipsum Imperatorem conspiravit, quoniam idem Imperator factione uxoris suæ, eum in perpetuum exilium deducere disponebat. Et cum idem Adalgisus noctu super ipsum Imperatorem irrumpere disposuisset, isdem cum uxore suâ, & cum eis, quos secum habebat, quandam turrin valde altam munitissimam ascendit, & ibi per tres dies cum suis se defendit. Tandem Episcopus ipsius Civitatis obtinuit apud Beneventanos, ut, acceptis ab eodem Imperatore sacramentis, illum virum, & sanum abscedere permitterent. Juravit autem ipse, & Uxor ejus, & Filia ejus, ac omnes sui, quos secum habebat, quia nunquam, vel nusquam pro eadem causa ullam vindictam, vel per se, vel per quemcumque de ipsa causa erga se perpatrata requireret, & nunquam cum hoste in Beneventanam Urbem intraret. Sicque egressus per Spoletium versus Ravennam iter arripuit, mandans Apostolico Adriano, ut obviam illi in transitu itineris sui veniret, quatenus de ipso Sacramento illum, & suos absolveret.

Facti narrationem, quam à Nunciis suis Carolus, nosque ab Annalista Bertiniano suscepimus, in eo duntaxat falsam deprehendunt plerique, quod Ludovicus ab Hadriano II. Pontifice juramento solutus dicatur, qui tamen a Successore Joanne VIII. voti compos est factus (1). Regino quidem Anno sequenti 872. (quod tamen ad annum 873. referendum, adversante Pagio, Baronius statuit), Ludovicum Romam venisse narrat; ibique conventum celebrans coram summo Pontifice multa super Adalgisi tyrannide conquestus est. Tunc à Senatui Romanorum idem Adalgisus Tyrannus, atque hostis Reip. est declaratus: Joannes Papa Imperatorem à juramento, quo se obligarat, auctoritate Dei, & S. Petri absolvit, affirmans nihil obesse, quod ad mortis periculum evadendum coactus fuerat, nec sacramentum esse dicendum, quod contra salutem Reip. quamvis cum multis execrationibus, fuerit prolatum. His adhortationibus Principis animus ad rediit certamina provocatur: tamen ne à suis perjurus diceretur, nequam ipse contra Tyrannum procedit, sed Reginam cum exercitu dirigit. At Reginonis postrema hæc absurdi loco habenda sunt: Si enim Ludovicus rite juramento solutus fuit, idque in Concilio ea de re Romæ celebrato adeo solemniter gestum sit, qui scrupulus ille esse debuit, ne adhuc a suis perjurus haberetur? Sed nonne Ludovicus nec per se, nec per quemcumque Beneventanos molestandos juravit? nonne demum Augusta Coniux, quam expeditionis ducem a Ludovico factam Regino ait, & ipsa eodem juramento obstricta, a quo nullam obtinuisse solutionem memoratur? Falsum denique illud Reginonis est, Ludovicum noluisse per seipsum in Adalgisum, Beneventanosque bellum inferre, quod non semel, sed irritò conatu, per seipsum præstitit, ut inferius dicitur. Sed hæc obiter: De Pontifice Joanne, qui Ludovicum absolvit, testatur etiam Hermannus Contractus in suo Chronico ad Annum 871. his verbis. Ludovicus Imp. Adalgiso Tyranno per sacramentum repacificatur: quo tamen sacramento eum post Joannes Papa absolvit, & eum contra eundem Tyrannum incitavit ad bellandum (2). Consentit denique de Joanne Otto Frisingensis, qui Reginonem iisdem pene verbis describit (3). Sed quantumvis verum illud sit, non ab Hadriano, sed a Joanne Ludovicum Sacramento solutum, haud tamen falsus Annalista Bertinianus dicendus est, qui Ludovicum statim post captivitatem Benevento Ravennam versus abscedentem, ab vivente tunc Hadriano ejusdem juramenti solutionem postulasse narrat, quam, Hadriano defuncto a Joanne successore anno 872., ut Regino habet, vel 873., uti Baronius maluit, in Concilio Romano tandem obtinuit.

Sed

(1) Vid. Cl. Georgium in not. ad Annal. Baron. ad ann. 871. tom. xv. pag. 243. edit. Lucens. Friderici Episcopi Leodiensis testimonio contentus fuit Georgius; quod exceptit ex illius Epistola vulgata *Pet. Mon. t. i. col. 653.* ubi Fridericus, qui in eunte Sæc. xii. Roavit, hæc ait. *Temporibus vii. (lege viii.) Johannis, qui Adriano II. successit, Ludovicus Imperator ab Adalgiso Beneventano Duce confectus timore vite jurejurando*

firmavit, se nunquam Beneventi fines ultra intraturum... Ab hoc juramento postmodum prædictus Papa Johannes Romæ absolvit eum &c. sed præter Fridericum multos ejusdem rei testes gravissimos superius dedimus.

(2) Inter Scriptores Germanicos ab Utilio editos tom. i. pag. 307.

(3) Inter eisd. Scriptores. Germ. tom. I. pag. 121.

Sed ad Ortonem Frisingensem redire præstat, qui de Ludovici Captivitate, non tam copiose, quam ex proprio ingenio differuit; Ac primum Ludovicum adversus Saracenos, qui Beneventanam Regionem vastabant, expeditionem parasse Frisingensis tradit; sed mox Saracenorum omnino oblitus, bellicos Ludovici conatus adversus unum Adalgisum conversos subdit, propterea quod is fiducia Græcorum Ludovico Imperatori, ascitis sibi Samnitibus, Lucanis, Campanis, rebellare parat. Nihil profecto falsius excogitari potuit, non enim adversus Adalgisum Ludovicus moveri potuit, qui ab Adalgiso exoratus, & accitus, Adalgisi quoque militaribus copiis suffultus in Saracenos feliciter dimicavit. Pergit Otto, aitque, a rebelle Adalgiso, cui nulla tunc ab Imperiali exercitu evadendi spes esset, conciliatum munere Ludovicum Beneventanis finibus egredi persuasum, qui tandem, expulsis Græcis, omnes Lucania, & Campanie Urbes Romano Imperio restituit. Melius Otto, pro Græcis Saracenos, & pro Romano Imperio Principatum Beneventanum dixisset: Hinc Ottoni merito objiciemus Joannem Diaconum, qui de Ludovico sic verè ait: *Beneventi commorans magnam de Cæla accepit victoriam, itat Agarenis fame, & gladio interemptis, & Rege eorum Seodam capto, Civitates, quas ceperant, auferret, & in pristinum revocaret dominium* (1). At quid tandem de Ludovici captivitate Frisingensis edisserat, audiamus: Inter hæc Adalgisus dolis iterum Regem (Ludovicum) circumvenire tentat, occurrensque ipsi, suadet, ut militem dimittat, regioni parcat, adiciens, necessarium non esse, Regem subjectum sibi inaniter consumere populum, Rex ad monitum Ducis, omnibus præter paucos ad propria remissis, Beneventum ingreditur, nihilque perperam sperans, dum circa meridiem strato cubat, subito a Beneventanis irrudentibus arma arripere cogitur. Civēs autem cum Duce suo Adalgiso Palatium incendere volentes, Principem pacem petere, ac interposito iurejurando, ne amplius sue voluntate ipsorum fines illorum ingrederetur, promittere cogunt. Imperator, hac ignominiosa pactione facta, Romam venit, ibique coram Summo Pontifice Joanne, qui Adriano successerat, totoque Senatu causam suam exponit. Proinde Adalgisus à Senatu hostis, ac Tyrannus pronunciatur, Augustusque à Pontifice, auctoritate Dei, ac B. Petri, a Sacramento, quod nolens, & pro conservanda vita fecerat, absolvitur. Verum Princeps, quamvis a Sacramento liberatus justè videretur, tamen ad removendum scandalum, per se ad compescendum Tyrannum ire recusat; collecto tamen milite, Reginam ei destinas. Audiens hoc Adalgisus, ac timore percussus ad Corsicam Insulam fugis, & sic iram Principis declinavit (2). Hactenus Frisingensis, cujus narrationem plura, quæ superius recitavimus, sinceriora, aliorum testimonia magna ex parte commentitiam declarant.

Ut verò res ipsa tot Scriptoribus celebrata luculentius constet, operæ nunc pretium erit ex illorum verbis duo præcipua colligere, ut, quorum nempe ope, consilioque, quam denique ob causam Adalgisus Ludovicum custodiæ manciparit, certò statuamus. Annalista Metensis, & cum eo Regino ad an. 871. ajunt, Adalgisum Græcorum persuasionibus corruptum id facinus adversus Ludovicum fuisse molitum (3). Ea in re Græcorum vassrismi ipse quoque agnovit, & fatetur Chronographus Cavenfis (4): & sane Byzantios Augustos iniquius semper Francorum potentiam tulisse, eamque, quibuscumque possent modis, artibusque, deprimendam curasse satis constat; ac ipsa ostendit Basilii ad eundem Ludovicum Epistola, cujus mentio superius facta est. Sed ad rem quod attinet, Constantinus Porphyrogenitus Ludovici captivitatem pluribus licet commentis conspersam narrare instituens in Vita Imp. Basilii Avi sui n. lvi., & sequi., nihil de ipso Basilio, vel sua gente habet, sed eam perfidiam Soldano, seu Seodano homini vasso, & affuto attribuit, qui annos duos cum Rege Francorum Capue moratus fuerat. Et si verò falsum id sit, Capue apud Ludovicum commoratum Soldanum, qui ipse Seodam, aut Segdam est Saracenorum Dux, in expugnatione Barenfi in Adalgisi fidem, seu custodiam receptus, apud quem Captivi specie Beneventi tunc servabatur; Verum tamen est illius consilio usum Adalgisum, qui, teste Anonymo Salernitano, quum ab eo sciscitaretur, utram apprehenderet, & ex Urbe eiceret Imperatorem, an non, adderetque, pluribus rem prædictam innotuisse; tum Segdam, ut erat sagacissimus, in hunc modum verba depromit: Quod inchoasti, perforce, ne forte consilium promulgetur (5). Ex quibus vides, non Græcis suadentibus, quibuscum Longobardi veteres similitates fovebant, sed fuomet, fuorumque Beneventanorum molimine Adalgisum patrandò facinorosi animum, manumque admovisse: Beneventanis Salernitanos commiscet, ac præterea Sergii Ducis Neapolitani consilium

(1) L. l. tom. I. part. II. Scriptor. Ital. pag. 357.

(4) Tom. IV. Opp. Peregr. pag. 897. ad ann. 869.

(2) Otto Frisingens. in Chron. lib. vi. cap. IV.

(5) Anonym. Salernit. cap. xcvi. tom. II. Opp. Per-

(3) Vide Pagium in Critica Baronii ad d. annum 871.

regr. pag. 213.

num. vii., & ad annum 873. num. I.

filium adjicit Joannes Diaconus (1). Sed sicuti Seodamus, ita nec Salernitani, nec Sergius, auctores, adjutoresque ejus facti, nisi quod faciendum fortasse probassent; Adalgisi itaque Principis, suorumque Beneventanorum id facinus duntaxat fuit, quod tamen, ne in illorum invidiam (uti passim ab aliis, temerèque factum est) adhuc vertatur, patrandi causas sincerius nunc, atque penitiùs observare præstabit.

Duas causas, seu duplex causarum genus in hac Ludovici calamitate, spectare erit; alterum, quod aliundè, alterum, quod a Beneventanis Ludovicus sibi effecit. Ut de primo probè constet, ab eodem excipimus Erchemperto, qui antea pro Ludovico peroravit: Cur autem jam dicto Augusto supradictum opprobrium, Domino permittente, Beneventani inferre quiverunt, de multis duo inferam. Primum, quia veniens quodam tempore Romam, ut duos Episcopos condemnatos ad pristinam reduceret dignitatem; & dum nollet ei consentire Nicolaus Papa, Vir Domino plenus, secundum antiquum morem obviam ei venit candidatum Sacerdotale agmen, & ille, spreto timore Dei, fustibus Clerum cadi fecit; Cruces vero, omniaque sacra mysteria pedibus calcari, Romanæque pene milliari spatio deprædatus est, Vicariumque B. Petri, quasi vile mancipium, ab officio sui ministerii, nisi Dominus restitisset, privare voluit. Secundum, quia, capta Bari, & Saugdam omnium hominum flagitiosissimo, non juxta voluntatem Domini cum protinus, ut dignum erat, crudeliter interfici fecerit, oblitus videlicet, quid Samuel coram Saule de Agag pinguisimo Rege Amalechitarum egerit, quomodo eum in frustra discerpi fecerit &c. (2).

Posteriorem causam ab Erchemperto allatam non moror. Priorem teneo, ut jam ex Erchemperto noscere incipias, qualis, quantusque vir fuerit Ludovicus, quem sanctissimum ipse paulo ante Erchempertus deprædicaverat, ac nonnisi manifestè, præsentissimamque Dei ope a captivitate liberatum volebat. Verissima autem de impiissimo Ludovici, suæque Gentis in Rom. Pontificem, Clerum, ac præcipua Christianæ Religionis insignia furore ab Erchemperto nobis tradita fuisse docent Annales Bertiniani ad An. MCCCLXIV., ex quibus etiam duos Episcopos illos ab Erchemperto nullo nomine indicatos, Gunthardum Archiepiscopum Coloniensem, & Theutgandum Archiepiscopum Trevirensensem fuisse scimus, eorumque causam, ob quam à Pontifice sanctissimo Nicolao justè, ac ritè depositi, eà indulgentiâ, quam Regia freti legatione extorquere satagebant, se indignos probantur. Qui Erchempertum audit, multo magis Bertinianis Annalibus auditis, de hoc Ludovici facto horrebit, necesse est (3). Interim ex ipso Pontifice Nicolao rem ipsam comprobabimus, qui in sua ad Orientales Epistola de Rodaldo queritur, prævaricatore Pontificiæ Sedis Legato, ac cum prædictis Archiepiscopis simul deposito, qui, ubi (inquit) non reperiit tutum sua tergiversationis latibulum, tandem aliquando Romam redire ausus est; Et cum nos inter furentium adversariorum linguas, & manus apud B. Petrum Apostolum degeremus, ipse inasperatus super nos hostis inter hostes irruii (4).

Sed nec primum hoc, nec postremum fuit à Ludovico proditum, animi ad omne sacri-legii, crudelitatis, ambitionis genus paratissimi, exemplum. Nihil calamitosius Religionis, atque Italiæ contingere potuit, quam quum is primum anno MCCCLXI. Italiam invadere cœpit.

(1) Verba Joannis Diaconi superius recitavimus.

(2) Cap. XXXVII.

(3) Annalista Bertinianus hæc scribit. Ludovicus Imperator Italiæ nominatus, incensore Gunthario ad suam insuriam referens, quoniam Legatos sui fratris Lotharii per ipsius fiduciam, & interventionem Romam directos Apostolicus, ut supra monstravimus, degradavit, & ipsum furore non capiens, comitantibus secum eisdem Legatis Theutgando, atque Gunthario, cum Coniuge ea intentione pergit, quatenus aut Papa Romanus eosdem restitueret Episcopos, aut hoc facere non volenti novè quodammodo manum mitteret. Quod audiens Apostolicus cum Litanis, generale jejunium sibi, & Romanis indicxit, ut Deus Apostolorum suffragiis præfatus Imperatori mentem bonam, & reverentiam erga Divinum cultum, & Apostolicæ Sedis auctoritatem donaret. Imperatore autem perveniente Romam, & secus Basilicam B. Petri degente, Clerus, & populus Romanus cum Crucibus, & Litanis jejunium celebrantes B. Petri memoriam adeunt, & ab hominibus Imperatoris, cum gradus ante Basilicam B. Petri coeperunt ascendere, in terram prostrati, & variis illibus flagellati, & Crucibus, ac vexillis confractis, qui evadere potuerunt, fugati sunt.

In quo tumultu, & Crux mirabilis, & veneranda à Sanctæ memoriæ Helena decentissimè fabricata, in quo lignum mirificæ Crucis posuit, & S. Petro munere maximo contulit, confracta, & in lutum projecta est. Que fugitia ut Apostolicus in Lateranensē Palatio degeni comperit, & paulo post illum capiendum non incerto nuncio didicit, latenter navem intravit, & per Tyberim ad Ecclesiam S. Petri se contulit, ubi duobus diebus, ac noctibus sine cibo, ac potu mansit. Cessit tunc Roma, cessit tunc Pontifex Ludovici furori, sed improbitati non cessit; atque demum Apostolicam Nicolai justitiam, ac constantiam expugnare non valens Imperator, post paucos dies patratu a Comitatu suo multis deprædationibus, & mansionum destructionibus, ac Sandimonialium, cæterarumque fornicinarum conspurationibus, atque hominum cadibus, necnon & Ecclesiarum infractionibus, Roma exiens Ravennam venit &c. At non ita pauci illi, tam nefarii facinoris, tantæque calamitatis fuere dies, quos duos, & quinquaginta numerat Libellus quidam, per eam occasionem a Romanis scriptus, relatusque in Codice Uldarici apud Eccardum in Hist. Med. ævi tom. II. col. 190.

(4) Apud Baronium ad an. 864. num. III.

coepit. Ab Lothario Patre Romam tunc primum missum post Gregorii IV. obitum, Sergiique II. electionem tradit Sigebertus, acturum, ne deinceps, decedente Apostolico, quisquam illie præter sui iussionem, Missorumque suorum præsentiam ordinetur Antistes. Ex Adonis testimonio, qui Ludovicum ad suscipiendam Regni, seu Imperii coronam, à Genitore missum tantummodo narrat, Baronius Schismatici Sigeberti impudentiam redarguendam sibi censuit; sed allatam à Sigeberto causam antiquiores Sigeberto Annales Bertiniani iisdem verbis prodiderunt; nosque veram ducimus, non ut Lotharii, Ludovicique læsum in ea Pontificis electione jus statuamus, sed ut manifestam utriusque injuriam, quam Romanæ Ecclesiæ inferre conabantur, noscamus. Sed scelestius quid animo tunc concepisit Ludovicum, ut scilicet non solum Romanæ Ecclesiæ libertatem, verum etiam Romanam Urbem, ejusque ditionem omnem suo dominio, seu potius Tyrannidi subiceret, manifeste ostendit copiosissimus, optimæque instructus ille Exercitus tum militum, tum pessimorum consiliariorum, quibus stipatus Italiam ingressus est; ostendit sequutus mox rei eventus; ostendunt res ipso in limine à Ludovico, ejusque exercitu gestæ, quas Anastasii verbis describere præstat. *Ipsi vero, ex quo in oras Bononiæ Civitatis teligeris exercitibus sunt ingressi, tantas cades, tantasque strages in populos peregerunt, ut qui per Urbes, & agros erant tyrannica crudelitate perterriti, relictis propriis locis, per loca abdita, & latebras se absconderent. Cum vero hæc per omnem locum, singulasque Urbes, atque vicos, & agros sæva operarentur nequitia, ad pontem pervenerunt Capelle &c. Audisti ne, lector, aut potius vidisti, non, ut olim, Francicos exercitus ex Alpibus descendere Italiæ salutares, sed ex Septentrionali plaga irruere iterum in Italiæ exitium, ac vastitate novos Getas, Hunnos, Alanos, & cetera, quæ olim fuerunt Barbaricarum nationum monstra: Sed deteriores adhuc Francos dicere licebit, quos nec fulminibus armata Divini Numinis dextra cohibuit: nam ad dictum Pontem Capelle, subitâ tempestate, cum multorum nece concussî, hoc videntes horribile signum, nullatenus mentis ferocitatem deponentes atroci voluntate ad Urbem velociter properabant. Altero igitur signo opus fuit, quando jam Ludovicus cum suis non solum irreligioso, sed planè hostili animo in Atrio Basilicæ S. Petri consisteret; in quo Atrio unus de exercitu à Damiano arreptus in conspectu omnium Francorum valde vexatus est. Sic ipse è Coelo Deus Pontificis inermis constantiam, prudentiamque adversus Ludovici ambitionem, ferociamque compunxit, ita ut demum discedenti, nihil omnino aliud, præter Italici Regni Coronam, obtinere contigerit. Tunc vero lati omnes cum conjugibus, ac liberis Senatus, Populusque Romanus, tam ingenti peste liberati, & à jugo tyrannica immanitatis redempti Sanctissimum Sergium Presulem, velut salutis auctorem, & restitutorem pacis venerabantur (1). Hæc fuerunt Ludovici exordia, quæ deteriora postmodum sunt consequuta, ut paulò superius demonstravimus, quibus & avaritiæ studium in nefarium usque Simoniacæ scelus erumpens, & alia plura addere promptum esset, quæ cum Erchemperto, qui de multis duo inferre contentus fuit, libenter prætermittimus.*

Accessit ad malorum cumulum, grande & ipsum malum, Foemina, scilicet Augusta Conjux, Ingelberga. Nihil ea arrogantius, nihil avarius, quæ propria sexus vitia, si cum Principatu coalescant, in immensum inolescere solent: Quamobrem universæ Italiæ odium sibi Ingelberga comparavit, atque votis communibus indigna fuit habita, ut Ludovici thalamo, ac lateri adfaret. Patrium, idest Francicum, proindeque indubiæ fidei Scriptorem Annalistam Bertinianum audire satis fuerit. *Primores (inquit) Italiæ Ingelbergam propter suam insolentiam habentes exosam, in loco illius filiam Winigisi Imperatori subfidentes, obtinuerunt apud eundem Imperatorem, ut Missum suum ad Ingelbergam mitteret, quatenus in Italia degeret, & post illum non pergeret, sed cum in Italiam reversurum expectaret. Ipsa autem non obaudiens illud mandatum, post eum ire maturavit (2). Quocunque vero nomine, vel Conjugis, vel Pellicis, filiam Winigisi, Ingelbergæ uxoris vice, Ludovico substituendam curarint Primores Italiæ, alterutrum nefas fuerit, necesse est; atque istud quidem Ludovico admisisse novum scelus fuit, Italis vero proposuisse flagitium, quo tamen scelestiora illa, quæ ex Ingelberga sibi pertimecebant, à cervicibus suis avertere nitebantur.*

Sed quid hæc (iniques) ad Beneventanos? Ac Beneventani quidem (ut ad ipsorum causam descendamus) talem virum Ludovicum, talem sceminam Ingelbergam, cum suis Francis diuturnâ quadriennii morâ domi sustinere debuerunt. Ferenda quidem quæcunque aspera fue-

ALTER

E c

RANT,

(1) Anastasius in Vita Sergii II. tom. III. part. I. Script. Ital. pag. 227. & seq.

(2) Annal. Bertiniani ad ann. DCCCLXXII. tom. II. part. I. Script. Ital. pag. 558.

erant, quando adversus communes Hostes pugnandum fuit, quibus debellandis ita necessaræ erant Francorum vires, ut tamen sine Beneventanorum conatibus vix essent profuturæ. Jam initio hujus Capituli observavimus, sola Capuanorum defectione priorem expeditionem, quæ adversus eosdem Saracenos ab eodem Ludovico Anno DCCCLII. suscepta fuit, incassum cessisse. Prostrati postea Anno DCCCLXXI. Saraceni; expugnata Barium; parta tunc victoria est; quum conjuncti Francis Beneventani suas vires omnes (uti par erat) contulissent, suumque sanguinem in eam rem profudissent. Sed & ingens tunc à Francis beneficium non abnuebant acceptum, perpetuisque grati animi significationibus obtestaturi fuissent Beneventani, nisi Franci ipsi beneficium suum perire fecissent, atque eò demum rem omnem deduxissent, ut Beneventani, mutato tantum Saracenorum nomine, idem, aut etiam acerbius à Francis subire jugum cogerentur.

Ac de Francorum exercitu testatissima res est ex ipsismet Scriptoribus, qui de Ludovici Captivitate Beneventanos adeò criminosè infectantur. Erchempertus, qui aliis præit, *Diaboli instinctu Gallos graviter Beneventanos persequi, ac crudeliter vexare coepisse* affirmat. Parum, aut certe nihil Diabolus laborare debuit, ut Gallorum animis hunc instinctum injiceret, quos satis superque suo ingenio, ac more ad prædam, & sanguinem, atque ad omne flagitiorum genus exardescentes, paulò ante Italia, atque ipsa Roma experta fuit. Quid verò malorum in Beneventanos non addidissent Galli, qui Saracenica victoriâ insolentiores effecti, illos ea de re sibi obnoxios reputabant? Quantum denique Gallis incentivi ex ipso Augusto Ludovico, ex ipsa Augusta Ingelberga, quorum tum auctoritas, tum exempla non illorum cohibere, aut temperare licentiam, sed augere insolentiam videbantur?

De Ingelberga nunc videamus. Chronographus Cavenfis, qui (uti superius diximus) in Ludovici Captivitate Græcorum *vassitiam* admittebat, præcipuam tamen causam in Ingelbergæ improbitatem refert: nam *pro sua Uxoris malignitate in carceribus traditum Ludovicum* adtestatur. Annalista Bertinianus, quem etiam superius audivimus, mali causam, eandem Ingelbergam agnoscit, *cujus factione Adalgisus Princeps in perpetuum exilium a Ludovico ejiciendus* parabatur; scilicet ambitiosæ Foeminae, quæ sibi cuncta per impotentiam subjecerat, illud molestum videbatur, illud reliquum erat, ut legitimum, innoxiumque Beneventanorum Principem non solum paterno Principatu, sed paternis adhuc laribus perpetuò extorrem efficeret. Sed jamdemum Anonymum Salernitanum audire libebit, cujus testimonium de univèrsa re in hunc locum servavimus. *Cumque Beneventanos Civis nimis hostiliter insequeretur sua Conjux; atque mulieres illorum omnimodis nimirum foedaret, & ipsa Beneventanos variis injuriis afficeret, asserens ad suos; quia minime se sciunt communire Beneventani Clypeis: dum fere spatio trium annorum ipse memoratus Ludovicus una cum dicta uxore Beneventanis præfesset, Beneventani eum extra Urbem expulerunt in hunc modum, quemadmodum sequens sermo declarat. Ignis undique succenditur, ubi ipse Imperator cum sua Conjuge degebat; & sic arma tulerunt, & ibi cum grandi strepitu adierunt. Ille Imperator veniam postulabat, & inter hæc verba suam Conjugem cum magna ira injuriis afficiebat asserens: Numquid dicebas, quia Beneventani minime se sciunt munire clypeis? Cerne nunc qualiter undique se communiunt? Quapropter per jusjurandum juravit, ut citius una cum suis Beneventum linqueret, & sine mora Galliam properaret, & nulla damna, vel oppressionem in illorum amplius arva iniret; & statim cum suis omnibus exinde est motus, Galliamque properavit, licet aliquanto tempore eum in custodia habuissent (1).*

Restat Ludovicus, de cujus moribus, quum satis jam superius dictum sit, nunc de ejus in Beneventanum Principatum juribus, quæ vel ei deberentur, vel ipse sibi usurpabat, agendum erit; Utque in summam illa contraham, unumque sub aspectum statuam, quæ à secundo hujus Dissertationis Capite, ab ipsa nempe Beneventani Principatus institutione, servato dein temporum ordine, hæctenus dicta sunt, constat, primum Arichim Principatus fundatorem, post varia belli discrimina, ita demum pacem a Carolo Magno impetrasse, ut tradito duntaxat obsequio Grimoaldo Filio, non solum invidiam omnem à sulcepto Principis titulo exuerit, verum etiam supremum illud dominii jus, quod post extinctos naturales Dominos Longobardicos Reges sibi vindicaverat, amplius sibi confirmaverit. Traditas ab eodem Carolo inundi Paterni Principatus Leges Grimoaldus obsequio suscepit, sed *Princeps* contempsit; suamque libertatem adversus frequentissimos Francorum exercitus victor sibi restituit, vel potius constabiliavit. Ejus Thesaurarius olim, mox successor Grimoaldus alter fœdera duntaxat cum

(1) Cap. CXVII. Inter Opp. Peregr. tom. II. p. 212.

cum Francis junxit, non ut Dominos agnosceret, sed ne hostes haberet. Tum Sico per nefariam Grimoaldi necem, Principatu potitus, legatione, ac muneribus non Francorum consensum, sed gratiam, eosque sceleris sui veluti patronos comparavit; nam quum res suas apud Beneventanos in tuto positas conspexisset, nullo Francorum nutu Sicardum filium Principatus consortem, mox hæredem reliquit. Sicardum excepit Radelchis, qui Princeps omnibus Beneventanorum suffragiis salutatus cum Siconolfo Principatum dividere maluit, quàm bellis civilibus, ac Saracenorum depopulationibus diutius vastatum, in extremum interitum, ac cineres perducere. Fuit quidem ea divisio, Ludovico præsentem, celebrata, cui tamen nulli supremi Domini partes tum impletæ, nullum tum quæsitum jus, superius demonstravimus. Hinc neque Ludovici partes ullæ fuerunt, ut, Radelchii defuncto, Radelgarius filius, ac mox Adalgisus frater in Principatus successionem admitterentur: constans enim, ac perpetuum illud fuit ab ipsius Ducatus temporibus coeptum, instituto vero Principatu, quàm maxime observatum, ut Principatus Hæredem sequeretur, nullius, nisi Beneventanorum adhibitis suffragiis, penes quos integrum jus mansit, summaque servabatur potestas probandi, eligendive Principes suos. Ineptissimum autem foret, & recentibus meritis Ludovici dominium in Beneventanum Principatum argumentari; An enim in collatæ opis mercedem Principatus ipse transire debuisset? vel Adalgisus, qui cum suis communem, strenuamque operam in profligandis Saracenis conjunxit, ita auxilium Ludovicum voluerit, ut is nedum Victoris gloriam sibi perciperet, verùm etiam integram Principis auctoritatem ambitiosius sibi usurparet?

Huc igitur *Nummus* ille referendus procul dubio est, a quo huic Capiti exordium fecimus. Habemus in altera facie *Ludovicum* inscriptum, in altera *Beneventum*: Nihil de Adalgiso Principe; nihil de Principatu; ut certum illud constet, non tam quandam supremi juris auctoritatem, quàm plenissimam ipsius Principatus administrationem, dominiumque Ludovicum exercuisse. Atque utinam Princeps tantum Ludovicus, non etiam Tyrannus: quanquam & illud dicere fas erit, utinam uno modo Tyrannus, quod in alienum Principatum duntaxat invaserit: sed deterrimus adhuc Tyrannus, qui, uti ex pluribus indubiæ fidei monumentis superius demonstratum fuit, cum Coniuge suæ, suisque Francis in Civium sanguinem, honorem, fortunas debacchari numquam desinens, legitimum, innoxiumque Principem, fortasse paullopost trucidandum, interim in perpetuum exilium ejicere cogitavit.

Quæ quum ita sint (neque enim ullus Scriptorum est, qui Ludovici Captivitatem, Beneventanorum criminali vertens, non etiam Ludovici in Beneventanos injurias plus minusve, vel pro aliquo partium, vel pro solo veritatis studio in medium proferat) dum Ludovicus diutius Beneventi moratus nullam pene discedendi spem faciebat, an sub perpetuo Francorum jugo ingessere Beneventani debuissent? an diutius ferenda Adalgiso Ludovici impotentia, qua & sui Beneventani adeo misere divexabantur, & sibi libertatis, ac vitæ discrimen jam propè immineret? Vociferabantur certè non solum violata Hospitii jura, proculcata Juris Gentium placita, sed ipsa quoque vociferabatur Naturæ Lex, quæ injurias propulsari, iniquam repelli vim, dum fas, jusque privatorum semper fuit, quàm maxime Principibus licebit, in quorum majestate, & ferendarum legum potestas, & Magistratuum omnium auctoritas continetur. Nihil verò mirum, Ludovico apud Senatum, Populumque Rom. causam suam agente, atque multa (uti Regino agebat) super Adalgisi tyrannide conquerente, Tyrannum, atque hostem Reip. Adalgisum à Senatu declaratum, bellumque adversus eum decretum. Facile id fuit Ludovico cum militibus suis præsentem obtinuisse, necessarium Romanis, vel præteritorum malorum recordatione, vel etiam adulatione permotis, annuisse. Causa denique, absente, inauditoque Adalgiso, peracta fuit; quæ nonnisi Posteritatis judicio servata, neminem profecto inveniet, qui non Adalgisum absolvat, atque æquiore sententia, & Tyranni, atque Hostis infamiam in Ludovici caput convertendam pronunciet. Quin etiam parum videri debet absolvisse tantummodo Adalgisum; collaudasse opus erit: dum in illo extremo rerum omnium discrimine, nihil contra Ludovici vitam molitus fuit, nihil de illius, ejusque Conjugis, Francorumque sanguine, ac nece cogitavit, sed singulari usus moderatione id tantum permisit, quo Beneventani non Francorum spoliis ditescerent, sed ablata sibi a Francis repeterent, id denique fas sibi duxit, quo Ludovicus cum suis discedere tandem compulsus, nunquam ut nec hostis, nec amicus rediret, juramento obstrictus, Beneventanos, eorumque Principem à præsentem Tyrannide, futurisque injuriis perpetuo liberaret.

Rediit tamen hostis Ludovicus, nec semel rediit, sed irritò semper conatu; ut obiter

videas, quid sine Adalgiso, Beneventanisque Ludovici vires contra Saracenos valuissent: Ludovici certè viribus solus cum suis Adalgisus restitit, iteratosque animi vindictæ ardore ferocientis bellicos conatus omnes facile propulavit: adeo ut neque illud demum Ludovicus, ne discessisse prorsus inultus videretur, efficere potuerit, ut scilicet Metropolitico Jus Beneventanæ Urbis, Ecclesiæque ad Capuanos transferretur. Audi Erchempertum num. xxxvi. *Per idem tempus jam dictus Cesar Landulfum in familiaritatem alliciens, tertium in Regno suo constituit. Qua electione indeptus, Archiepiscopatum totius Beneventi omni aviditate, & ut Capua Metropolis fieret, quævisit, sed, non Domino finente, ad perfectum minime pervenit. Ludovicus autem volens Beneventum acquirere, sed minime valuit, ad propria recessit.*

Habes denique ex his omnibus, quam pro Adalgiso statuere debeas, causæ justitiam. Quod si manifestiora argumenta desideras, ex ipso totius rei exitu, ut in medium proferam, jam præsto erunt. Quid enim? jam tertius labeatur annus, quo Adalgisus fu-
rentis Augusti conatus eluserat, rumorque tum falsò percubuit, etiam Græcos advenire Beneventanorum auxilios: Ludovicus igitur, *quoniam* (sic Annales Bertiniani ad Annum DCCCLXIII.) aliter Adalgisum obtinere non poterat, mandavit Apostolico Joanni Compatri Adalgisi, ut ad eum ad Campaniam veniret, & sibi Adalgisum reconciliaret. Volens ostendere, quod, quasi intercedente Beati Petri Vicario, ipsum Adalgisum reciperet; de quo juraverat, quod nunquam de illis partibus rediturus esset, antequam illum caperet; quem revera virtute sua obtinere non posset. Hæc ex Annalista Bertiniano, gente quidem, ac studio Ludovici partibus addicto: atque hæc demum justæ captivitatis injustam vindictam a Ludovico susceptam, vel ipso fatente Ludovico, demonstrant: Adalgiso verò (cujus cum Pontifice Joanne necessitudinem, proindeque summam erga Apostolicam Sedem observantiam ex eodem Annalista sci-
mus) perpetuum laudis monumentum præstabunt; quandoquidem domesticum hostem Ludovicum summa moderatione depulerit, redeuntem ea fortitudine distinuerit, ut simulatione opus fuerit, quò novæ Augusti, Francorumque ignominie parceretur; pacemque, quasi intercedente B. Petri Vicario, exorasse, impetrasseque Adalgisus fingeretur, quem Ludovicus vera virtute sua obtinere, ac debellare nequiret.

CAPUT VII.

Qui Gregorio olim Beneventano Duci falsò adjudicabatur, Georgio Græcorum Augustorum Duci Nummus restituitur, atque illustratur. Quo tempore, quæve occasione Græci in Beneventanam Orbem invadentes, in suum dominium, regimenque redegerint. Ejectis Græcis, iterum Principes Longobardi restituti: Quorum series à Superiore Adalgiso usque ad Atenuis initium, idest Seculi IX. exitum, novis observationibus locupletata recensetur.

Postremum locum huic Nummo damus, à quo, Beneventanorum Principum nummos Cl. Muratorius exhibens, exordium sibi fecit. An revera ad Beneventanos is Nummus pertineat, dum nihil Beneventanum ibidem appareat, vereor, ne quis suspicetur. Dubitare de ea re nefas mihi fuerit post Muratorii judicium, à quo libenter id excipiam, quo nummaria nostra penus lucupletior evadat, ægrè tamen id feram, ut ad antiquiora Beneventani Ducatus tempora referendus existimetur. En tibi Nummum, cui eadem simul omnia subji-
cere libuit, quæ ad illum Muratorius observavit.



Dum stetit Longobardorum Regnum sub suis Regibus, nunquam indaxissem animum ad credendum, licuisse Ducibus Beneventanis signare Nummos, nisi ex iis unum nobis in Stemmata Genealogico Regum

Regum Longobardorum servasset Angelus Beneventanus, quem heic fisco sub numero 1. Visitur ibi effigies hominis cum Cruce, ac duabus stellis, & in postica altera Crux cum Monogrammate, idest cum literis OGRE, seu GREO, quæ idem Beneventanus interpretatur, Gregorius. Anno revera 731. Beneventana Provincia: præfuit Gregorius Dux, regnante tum Liutprando Rege. Et sane in eo Monogrammate non ego quidem alium legere potui, nisi Gregorius. Verum durum adhuc mihi videtur credere, tantum auctoritatis fuisse Ducibus Beneventanis, ut sub Rege Longobardo, quem uti supremum Dominum colebant, & à cujus Imperio pendebant, pecuniam cuderent, una sui effigie signatam, nullaque Regis facta mentione (1). Hactenus Muratorius; qui licet dubitabundus, in Gregorio tamen Duce conquievit: atque aliis, ut vel ita rem esse crederent, vel potius verisimiliora perquirerent, integrum reliquisse videtur.

Ajo igitur (quod & alibi monui) de ejus Nummi possessione, in qua, Muratorio iudice, hactenus stetit, deiciendum Gregorium Ducem, Nummumque ipsum Gregorio, sive Georgio Græcorum Patrio, qui longè posteriore ævo Benevento præfuit, adjudicandum videri. Ac priori Gregorio non ea tantummodo obstat Beneventani Ducatus conditio à Muratorio animadversa generatim, verum etiam angustior quædam ejusdem Gregorii auctoritas, qui (uti priore Capite hujus Dissertationis latius explicavimus) Gisulfo Ducis Romualdi filio, adhuc puero, atque in Ticinensi Aula educando, à Rege Liutprando suffectus, temporariam, ac veluti precariam, donec Gisulfus adolefceret, Ducatus administrationem suscepit. Ineptum igitur omnino fuerit de hoc Gregorio cogitare, ut is videlicet nullo aliorum Ducum exemplo, inferiore etiam ipse jure, pecuniam tamen cudere ausus fuerit. Contrà verò plura sunt, quæ Gregorio alteri, sive Georgio (cujus verè Græci hominis vocabulo Monogramma consentit) nummum tribuendum suadeant, quæ ut luculentius consent, æquum est, ut ab sua origine cognoscantur, explicanturque prius, & modus, & tempus, & auctoritas, quibus Beneventanus Principatus in Græcorum potestatem pervenerit.

Post extinctum Ravennatem Bærchatum, solius Ducatus Neapolitani, ac præterea Hydruntinæ Urbis, ejusque Regionis reliquum Græcis mansit dominium. Hydruntum per se ipsos, suosque Magistratus integro jure administrabant: Neapolim verò tanquam supremi Domini subditi retinebant, cui regendæ ex ipsis Græcis Duces aliquando adscitos novimus (2). Sed præclarissimum omnium ejus rei monumentum præstabit Epistola Augusti Ludovici II. ad Basilium Augustum, qua ad aliarum rerum probationem superiore Capite usi sumus. Conquerebantur Neapolitani apud Basilium de Ludovico, quod is post Bari expugnationem, Beneventi consistens, pleraque moliretur, quæ Græci Imperii dominium, ipsorumque Neapolitanorum libertatem læderent: Expostulanti Basilio respondet Ludovicus, se minus, quam ex veteri jure deberetur, à Neapolitanis exegisse, id vero præcipuè curasse, ut quæ in Italix perniciem adhuc fovebatur, Neapolitanorum cum Saracenis societas discinderetur. *Postremo* (inquit) *de Neapoli nobis in Christo Fraternitas tua monuit, quasi miserimus populum nostrum ad incidendas arbores, & messes igne cremandas, & hanc ditioni nostræ subdendam. Cum licet ab olim nostra fueris, & Parentibus nostris piis Imperatoribus tributa persolveris; verum nos ab ejus Croibis præter solitas functiones nihil exigimus, nisi salutem ipsorum, videlicet ut desererent contagia perfidorum, & plebem desisterent insequi Christianorum: nam Infidelibus arma, & alimenta, & cetera subsidia tribuentes, per totius Imperii nostri litora eos ducunt, & cum ipsis toties Beati Petri Apostolorum Principis fines furtim deprædari conantur; ita ut facta videatur Neapolis Panormus, vel Africa sedes Saracenorum* (3). Pergit tum Ludovicus ea Basilio subnectere, quæ propius ad rem nostram accedunt: nam satis sibi virium suppetere inquit, quibus Saracenorum reliquias in Apulia, & Calabria superstites conterat, sed Saracenorum copias nunquam defuturas, nisi ex Sicilia, & Africa ad Italix oras appellere prohibeantur: huic malo facile occurri posse, si Basilius Classem in eam rem mittat; nam (inquit) ipse *Stratigus Georgius* (qui Hydrunto scilicet præerat, Gregorius alibi appellatus) licet solerter invigilet, & strenuè pro suo posse deceret, non tamen sufficere obviare, si plures inimicorum naves ex parte qualibet apparuerint (4). Quid rerum post hæc Ludovicus gesserit, superiore Capite, ubi de ejus

Capti-

(1) Antiq. med. ævi. tom. 11. Dissert. XXVII. p. 677.

(2) Johannis Diaconi, domestici scilicet Scriptoris, insigne ejus rei extat testimonium: nam in Episcopo Paulo post Anthimi Consulis obitum, ut in Successore deligendo nullus esset ambitioni locus, subortaque discordia amputaretur, Neapolitani, inquit, miserunt Siciliam (quæ tum Græcis Augustis parebat) & inde

advenit quendam Theodistum sibi Magistrum militum statuerunt: Cui, aliquantis decursis temporibus (ut Græcorum moris est), successit Theodorus Protospatharius. Scriptor. Ital. tom. 1. part. 11. pag. 311.

(3) Apud Anonymam Salernitan. cap. CXLV. & apud Baronium ad An. 871. num. 69.

(4) Apud d. Anonym. Salern. cap. CXLV.

Captivitate differimus, jam dictum est: Quæ deinceps Saracenorum molimina, quomodo ex his Græci profecerint, nunc erit observandi locus.

Si quid mali Ludovici captivitas tulit, id certè fuit, audaciores, quàm hæcenus, Saracenos effecisse, qui post ejus discessum à Francorum armis jam tuti, Beneventanorum vires haud sibi formidabant, quæ in novi Hostis acceptam injuriam atrocius vindicaturi repellendos conatus distinenda erant. Innumera igitur ex Africa, Siciliaque Saracenorum agmina mox in Apuliæ, Calabriaque oras, Imano Duce, inundarunt; ipseque Imanus, Tarento iterum recepta, Rex ibi à suis salutatus est. Ne nova isthæc malorum colluvies latius effunderetur, quàmmaximè laboravit Beneventanus Princeps Adalgisus, ter Saracenos cum suis aggressus, sed adversam belli fortunam expertus, illud etiam durissimum subire debuit, ut *Saugdanum*, seu *Seodanum*, quem in expugnatione Barenfi receptum, adhuc Beneventi Captivum servabat, Imano petenti liberum dimitteret. Perculit ea res Barensum Civium animos, qui in communi metu, ibique pristinam tyrannidem instaurare moliretur: Infelix Principis sui Adalgisi rerum exitus in id consilii eos perduxit, ut cum illius viribus Græcorum auxilia sibi adscicerent. Audivimus paulò ante Ludovicum in sua ad Basilium Epistola exhortantem, ut is Classem mitteret, novas Saracenorum irruptiones faciliè cohibituram. Præstitit id Basilus diverso tamen consilio, ut rerum exitus probavit, aliquam Italix partem ea occasione sibi facile recuperandam ratus. Classis Præfectus Gregorius fuit, ad quem extat Pontificis Johannis VIII. Epistola data x. Kal. Maii Indiæ. x., idest anno 877., qua de collato munere, felicique adventu cum eo gratulatus, auxilium petit adversus Saracenos Romana litora incurstantes. Gratulati (inquit) sumus, audientes gloriam tuam directam cum Deo conservandis exercitibus à prædicto divinitus protegente Imperatore (Basilio) in partem Beneventanorum venisse, tum quia (gratias Deo) ipsius divinitus provectum Imperium in defensionem Christianitatis pio Zelo succensum, classem, & militarem validam manum contra inimicos Crucis Christi mittere procuravit; quàm quod Te præ cæteris ad tantum opus cum Dei auxilio peragendum elegit, quem audivimus in omnibus strenuum, & Dei cultorem industrium..... Quapropter bene visum est, nobis literas nostras tibi transmittere, ut vel decem bona, & expedita Achelandia (Navigiorum genus) ad portum nostrum transmittas, ad litora nostra de illis furibus, & piratis Arabibus expugnanda &c. (1). An Gregorius obsequutus Pontifici fuerit, ignoramus: Barensum certè preces magis è re sua exaudiendas censuit; atque Barenfes Gregorium, cum ejus milite in suam Urbem recipientes, ejus tutelæ se commiserunt: Gregorius autem Barium ingressus, Græca fide usus est, nam spreta juris-jurandi religione, Beneventani Principis Gastaldeckum, Urbisque Primores vinculis mancipatos, Constantinopolim misit, Urbemque universam in Græci Imperii potestatem redegit (2). Sic Græci eodem, quo olim Saraceni, exemplo, eadem fide, ex auxiliariis hostes eandem Urbem Barium occuparunt; quæ res, utpote novitate sua insignis, non solum ab Erchemperto, & Anonymo Salernitano, litterarum monumentis consignata fuit, verum etiam ab omnibus ejus ævi Chronologis celebrata, quorum alii ad annum dcccclxxv., alii ad sequentem annum evenisse tradunt (3): insignior verò res eadem evasit, quæ paulò post Græcis ipsis ad expugnandam, sibi que subdendam totius Principatus Caput Beneventanam Urbem promptam occasionem, facilioremque aditum præbuit. Id accidit anno dcccxcx. sub Principe Orso, ad quem ab Adalgiso, in quo substitimus, deducta aliorum Principum serie, citò pervenimus.

Adal-

(1) Inter Epistolas Johannis VIII. num. XLVI. apud Labbeum tom. xi. Concil. p. 38. edit. Venet. Titulum *Pædagogus* Gregorio tribuit Pontifex, qui postea in Epist. 169. & 178. *Præmicerium* appellat. Fortasse, quum in Italiam ablegatus fuerit Gregorius, *Pædagogus* muneris in Aula Constantinopolitana fungebatur, cui scilicet educandi Pueros honorarios cura esset, qui in Palatio ministerio Principis militantes, *Pædagogiani* appellantur ab Ammiano lib. 16. & 29. & in Notitia Imp. Orient. cap. 91.: Post verò Italianæ expeditionem feliciter ceptam mox ab Imperatoribus ampliori *Præmicerii* munere decoratum Gregorium putabimus.

(2) Erchemperto cap. xxxviii. Anonymus Salernitanus cap. cxxxii. Ita certè utriusque corruptus locus intelligendus est. Hoc audientes, qui Bari resedebant, Gregorium Basilium Imperialem Græcorum, qui

tunc in Odronto degebat, cum multis exercitibus adieverunt, & Barim introduxerunt ob Saracenorum metum. Qui statim Appochenfum Gail., illiusque Primores Constantinopolim misit, ut quibus jurejurando fidem dederat.

(3) Lupus Protospatha ad an. 875. ita habet: Intraverunt Græci Barum mense Decembri die Natalis Domini ser. 3., & Gregorius Stratego, qui & Basilus dicebatur. Tom. iv. Opp. Peregr. pag. 18. Chronicon Ignoti Barenfis l. i. pag. 315. dcccclxxv. Ind. viii. Intravit in Baru Basilus Stratego. Chronicon S. Sophiae ad eundem annum l. i. pag. 362. Græci ingressi sunt Parum. Chronicon denique Cavenfe l. i. pag. 399. ad an. dcccclxxvi. hæc inter alia scribit. Gregorius Basilus cum Græcis in Barim Urbem introgressus est.

Adalgisus igitur, Anonymi Salernitani elogio, *Vir audax, & sagacissimus, nec non mirissimus* appellatus (1), qui certè se ipso, suisque viribus, ac adversà semper fortuna major, ruentem Principatum aequè adversus Saracenorum, ac Francorum furorem sustinuit, post diuturnam Annorum xxiv., ac mensum sex illius administrationem, deteriores Saracenis, Francisque domesticos hostes expertus tandem fuit. Ipsum Radelgario fratri, omnium suffragiis successorem datum superiore Capite diximus: sed ex Radelgario Gayderius filius tum aderat, qui à paterna successione ob ætatem exclusus, Principatum demum nefaria Patruicæ anno dcccclxxviii. sibi vindicavit (2). Hunc fuisse emortualem Adalgisi annum, manifestè evincit Pontificis Johannis VIII. consolatoria ad Ajonem Episcopum Beneventanum Adalgisi fratrem Epistola, data Indictione xi., quæ dicto anno respondet (3), ut videas ipsius Pontificis moerorem de impiissimæ cæde Adalgisi, cui Compater erat, uti superiore Capite observavimus: Parricidii infamiam auxit Saracenorum consilium, & opera, quibus Gayderius usus est (4), cui tamen haud diù patratum facinus impune cessit; quamvis enim Galionem, & Dauserium Adalgisi necessarios, ac plerosque alios Primores Beneventanos cum suis familiis ex Urbe ejecerit, ne novi aliquid molirentur (5): vix ipse tertium Principatus sui attigit annum, mense Januario anni dcccclxxxii. ab ipsis Beneventanis expulsus: qui mox in ejus locum Radelchim Adalgisi filium, paternam cædem, ac legitimam successionem vindicantes, elegerunt. Sic Chronicon S. Sophiæ dcccclxxxii. *Ejectus est de Benevento Gayderis Princeps mense Januario, & electus est Radelchis junior* (6). Gayderii ejectionem paulò post, ne ex ejus ambitione sceleribus affluat, Reip. status perturbaretur, captivitas subsequuta est; atque Gayderis (ut narrat Erchempertus) *Franchis traditus in custodia, fuga lapsus, pervenit Urbem Barensem, qua morabantur Greci, à quibus missus est ad Urbem Regiam Basilio pio Augusto, à quo honoratus, ditatusque donis Imperialibus Oriam Urbem accepit ad convivendum* (7). Sic Gayderius rebus suis consuluit: Sed vides simul, Græcos Barri dominos paulatim in finitimam Regionem, ubi Urbs Oria erat, dominationem protulisse: vides quoque Græcorum astutiam, qui Gayderium à Beneventanis ejectum in suam tutelam recipere, honoribusque afficere studuerunt, ut ejus ambitionem, odiumque in Beneventanos in emolumenta sua derivarent.

Sed Radelchim Gayderii loco electum, neque diù Beneventani sustinuerunt, quod is in administrando Principatu eorum opinionem sefellisset; In Radelchis igitur locum Ajonem ejus fratrem, atque itidem Adalgisi filium, Principem Beneventani salutarunt; quod Anno dcccclxxxv. prædictum Chronicon Sophianum contigisse narrat (8). Variam expertus fuit Ajo belli fortunam, pro suæ virtutis varietate, nam, ut Erchemperti verbis utar, & ante Principatum, & postea, *partim imbecillis, partim roboreus existit* (9). A Guidone Spoletino Duce, qui in Capuanorum auxilium advenerat, per fraudem, immo per summam Capuanorum perfidiam, Capuam amicus, & Princeps veniens, captivus factus fuit; unde & Guidoni Beneventum ingredi, atque occupare facillè contigit, sed facili aequè negotio Ajo

(1) Cap. cxxxiv.

(2) Chronicon S. Sophiæ l. i. pag. 363. ad ann. dcccclxxviii. electus est Princeps Gayderius filius Radelchis (idest Radelgarii) & occisus est Adalchis Princeps frater ejus, idest ejusdem Radelgarii. Chronicon Gavenf. ann. more suo anteverit.

(3) Apud d. Labbe l. i. pag. 102.

(4) Anonymus Salernit. cap. cxxxiv. *Adalchis vero cum Castrum Treventense obsideret, & dum voluisset, & dum maluisset propriam Urbem (Beneventum) adire, à longe conspexit suos contra se properare. . . . nequaquam ab eorum conspectibus declinavit, sed ut eis approximavit, dubia verba deprecatur & illi salutarunt eum. Sed dum paulisper simul ambularent, ab Agarenis simul, & Neponibus extinctus est.*

(5) Extat ad Dauserium, sed Dauserium ejusdem Johannis PP. VIII. Epistola num. clviii., qua Comitatus Titulum ei tribuit, ac Principis Gayderii consanguineum appellat. Certè Dauserius si Adalgisi, etiam Gayderii consanguinitate junctus esse debuit. At quum Pontifex in ea Epistola, utrumque idest Gayderium, & Dauserium pari laude, & amore prosequatur, videtur plane Gayderius, loco Adalgisi, in ea Epistola

mendosè irrepsisse: par judicium de Epistola clvi. ferendum est, Gayderio inscripta, ubi Pontifex illum, consolatur de damnis ab Agarenis illatis, auxilium pollicetur, sequè in ejus partes venturum: nam mox altera sequitur, cujus superius memioimus, *consolatoris* ad Ajonem Episcopum de obitu Adalgisi fratris, ad quem propterea præcedens Epistola pertinere debet.

(6) Apud Murat. Antiq. med. ævi tom. i. pag. 234, & inter Opp. Peregr. tom. iv. pag. 362. Chronicon, Principum Salerni apud eundem Peregr. tom. v. pag. 22. Gayderio annos v. mens. vi. dies xix. perperam attribuit.

(7) Erchempertus cap. xlviii., Anonymus Salernit. cap. cxxxix. Chronographus Gavenfis inter Opp. Peregr. tom. iv. pag. 401. ad an. 882. *Gauderius Princeps Beneventanus carceribus mancipatur a suis, & Radelchis est elevatus.*

(8) Radelchis ejectionem, Ajonisque fratris electionem tradunt etiam laudati Erchempertus, & Anonymus l. i.

(9) Cap. lvi. Eadem repetit Anonymus Salernitanus cap. cxlii.

Ajo restitutus fuit, Sipontinis fidem erga Principem suum præclarissimo opere, ac inopinato exhibentibus; nam cum Sipontum ingressus esset Guido, & Ajonem, quem secum captivum ducebat, foris reliquisset in Castris, Sipontini, re cognita, *supra dictum Ducem unanimiter irruentes, clausere in quodam Templo, captis ejus Optimatibus. Hac, illacque tunc missum est, & abductus est Ajo, redditusque est suis: alio verò die Sacramento dato, vix cum dedecore (Guido) elapsus est* (1). Interea Theophylactus, qui in Barii regimine Gregorio successerat, manifestum se Ajonis, Beneventanorumque hostem prodens, post acceptum in suam tutelam Marinum Gastaldum Castris S. Agathæ, Ajonis rebellem, multa Apulizæ oppida vi sibi subegit (2). Sed Theophylacti audaciam non solum Ajo cohibuit, sed Græcos etiam Barenfi ex Urbe expulit, quam iterum Beneventano Principatui restituit (3). Quotidiana deinceps inter Ajonem, ac Græcos certamina (4). Missus post Theophylactum Constantinus Auguſtorum *Aulicus, & Patricius*, Barium obsedit, adversus quem Ajo primo certamine victor; dein victus Urbem ingressus est, quam tandem, Atenulfi Comitis Capuani, qui ad Græcos descivit, perfidiâ, Græco Duci concessit (5). Sed Barii amissionem gravior Beneventano Principatui subsequuta est calamitas, ipsa videlicet Principis mors, qui post sex Principatus annos vix exactos Ursum filium satis puerum sibi successorem reliquit (6). Erecti hinc animis, & viribus Græci, novo Duce Symbaticio Patricio anno dcccxcj. ad ipsius Beneventanæ Urbis expugnationem magno impetu properarunt. Incepta 111. Id. Julii obsidio, ad xv. Kalend. Novembris perduravit, accerrimos hostium conatus sagacissimis, ac robustissimis Beneventanis propulſantibus; qui tandem externa ope destituti, se Symbaticio, fausta Urbi quælibet à Græcis futura pollicenti, pacificè dederunt. Fidem Beneventanis Symbaticius contra suæ gentis morem servavit, nihil in eorum detrimentum molitus, quos etiam, ut sibi, ac Græco Imperio obsequentiores efficeret, donis cumulare studuit. Eâdem moderatione, eâdem liberalitate Symbaticii successor Gregorius, sive Georgius usus fuit, ut subditorum Longobardorum animos, quos Græcorum regimini, ac moribus non omnino pronos animadvertebat, sibi conciliaret (7).

Ad Georgium igitur Græcorum Ducem, ac Beneventi Dominum ventum est: cui quidem,

(1) Erchempertus cap. LIX., Anonymus cap. CXLIII.

(2) Erchempertus cap. LXVI.

(3) Meminit Chronicon S. Sophiæ tom. IV. Percegr. pag. 362. his verbis: dcccxxxviii. *Perditi sunt facta in Varo (Bario) per Græcos. Biennio ante statuit Lupus Protospata in suo Chronico l. I. pag. 19. his verbis. Anno 886. facta fuit prodicio in Baro mense Junii, quando Princeps (Ajo) fecit prælium cum Stratego Trapezæ, & Græcis.*

(4) Erchempertus cap. LXXI. *Ajo autem tunc Bari degens impugnabat Græcos impugnantes se.*

(5) Erchempertus cap. LXXVI. & cap. LXXX. Interea Ajone obsesso intra Urbem Barim à Græcis, atque auxilium efflagitante à Gallis, & suis, Atenulfus titubans Athanasi (Ducis Neapolitani) minas, legatos suos ad Constantinum Patricium destinavit, qui residebat super d. d. m. Urbem, & foedus cum ipso statuens pacis, vires restituendi Ajonis, astu doloſo avertit. His, & hujusmodi argumentorum decubitis diſſus Ajo cernens se deluſum, doluit, tandem neceſſitate coarctatus cum memorato Patricio pacem faciens, Urbem remisit, & ad propria remavit. Vid. etiam Chronicon Cavenſe ad A. 888.

(6) Lupus Protospata l. I. Ajonis mortem anno 890. assignat, eique Ursum fratrem mendosè successorem tribuit, qui revera fuit filius; sequenti verò anno Græcorum ingressum Beneventum mense Octobris accidisse subdit; qua in re cum Anonymo Salernitano concordat. Protospatæ hæc sunt: Anno 890. obiit Ajo Princeps, & surrexit Ursus Frater ejus. Anno 891. intraverunt Græci Beneventum mense Octobris, & Strategus Sabbatichi in Siponto mense Junii. Chronicon S. Sophiæ l. I. pag. 163. mortem Ajonis ad An. 891. Græcorum ingressum ad sequentem refert sic: An. dcccxcj. Ind. ix. obiit Ajo Princeps mense Octobris, & electus est Ursus puer filius ejus an. dcccxcij. Ind. x. Intravit

Symbaticius Stratego cum Græcis in Benevento mense Octobris &c. Septennem puerum Ursum tradit Catalogus, seu Appendicula Ducum, Principumque Beneventanorum apud Peregrinum tom. v. pag. 27., at decennem fuisse statuit aliud Chronicon l. I. pag. 34. ubi sic legitur: *Ursus filius Ajonis puer decimus anno uno. Decimus autem per decennis*, scriptum est: Chronicon Principum Salerni l. I. pag. 22. *Ursus filius ejus puer decennis sedit an. i. mens. vi.*, ejus temporibus Symbaticius &c.

(7) Libet, quæ summam tradidimus, quibus narrantur verbis, ex Anonymo Salernitano distinctius nosse cap. 248. & seq. Sabbaticius Stratego per idem tempus cum valida manu Beneventum venit.... sed dum à 111. Id. Julii prædictam Urbem diversis machinis (Græci) expugnassent, & Beneventani fortiter resistissent, præsertim, quod jam multos Græcos laniasſent, callidus ille Stratego cernens Longobardorum duram cervicem, mollia verba promere est exorsus, quatenus per pacem Urbem ingredi mereretur. Beneventani namque, qui semper fuerunt sagacissimi, & robustissimi, dum viderent tempus non esse, quatenus Græcis resisterent, & copias non haberent, unde exercitus coadunarent, ut palam cum Græcis certamen inirent, inter se consilia habito, Græcorum Phalangem pacificè Beneventum introduxerunt, quia iam eam undique obsederant, ut diximus à 111. Id. Julii usque ad xv. Kal. Novembris. Sed dum prædictam Urbem Græci dominarentur, & licet dona plurima Longobardi haberent, illi tamen valde etenim durum gerebant de moribus Græcorum.... Cumque duobus annis Sabbatichius degeret Beneventum per subjectionem Auguſtorum, Beneventum deseruit, Regiamque adeptus est Urbem; & quidam Georgius Beneventum direxerat: Sed dum, & ille Longobardos donis augeter, atque nimirum omnimodo altrifecus honoraret, illi verò omnia pro nibilo ducebant.

dem, veri magis similis, quàm Gregorio olim Beneventano Duci, adjudicandum Nummum initio hujus Capituli exhibitum, jam diximus. Indubitatum id profectò erit, si, dum nummus Beneventanus sit, ex ipso Monogrammate, qui quatuor hisce Literis GREO, vel OGRE constat, ferenda sententia erit. Nomen Gregorii ex ipsis extundit Breventanus, & *Janè* (subdit Muratorius) *in eo Monogrammate ne ego quidem alium legere potui, nisi Gregorius.* Sed dabit uterque veniam, si ambos perperam legisse dixerò: Fateor in Monogrammatibus nullum servari literarum ordinem, quas vel simul nexas, vel ad Crucis signum, angulosque affixas, ità colligimus, ut vel integrum nomen, vel anteriores Nominis Syllabas nobis referant. An igitur ex dicti Monogrammatibus literis, in quibus secunda G. desideratur, legerit quis *Gregorium*? aut *Greorium* pro *Gregorium* rectè scriptum putaverit? Nihil igitur tutius, nihil præclarius, quàm ut pro GREORio GEORgium excipiamus, qui in ejus nummi Monogrammate, & in Beneventani Principatus administratione æquè conspicuum se prodit.

Illud fortasse durum alicui videbitur, Georgium Patricium, qui non suo, sed suorum Augustorum jure, ac nomine Beneventanis dominabatur, eam sibi supremæ veluti majestatis auctoritatem arripuisse, ut & nummos cuderet, & in ipsis effigiem, nomenque suum duntaxat exprimeret. Ad nummum quod attinet, nihil insolens nobis offertur; arrogantius aliquid in effigie animadverti potest, quum suam Gregorius, quàm Augustorum suorum repræsentandam maluisset: at nihil eà effigie modestius, in cujus dextrâ sola *Crux*, quæ etiam Capiti nullo Diademate ornato insidet, in qua demum nulla majestatis insignia spectantur. Quid si *Stellæ* illæ, quæ hinc inde ad Georgii vultum radiantes spectantur, Augustos Leonem, Alexandrumque Basilii filios, ac successores repræsentasse dicantur? Id verò certum, tum Symbaticii, tum Georgii, eodem, quo Benevento dominarentur, tempore, Diplomata haberi, quibus non Augustorum, sed sua uterque nomina, honorumque titulos duntaxat præfixos, atque inscriptos esse voluit. De Symbaticii Diplomate locuples testis est Leo Ostiensis: *Hic Symbaticius* (inquit) *cum esset Imperialis Protospatarius, & Stratigo Macedonia, Thraciæ, Cephaloniæ, atque Longobardiæ* (quo nomine Italia Cistiberina, sive Principatus Beneventanus, cui Longobardi præerant, à Græcis appellari consuebat) *Entilma*, idest Mandatum, seu Privilegium, *fecit prædicto Abbati Ragemprando* (Casinensi) *de Monasterio S. Sophie de Benevento, & S. Mariæ de Cingla &c.* (1). Quemadmodum pro Casinensi Symbaticius, ita pro Vulturnenfi Monasterio Georgius Diploma suum promulgavit, quo privilegia, & immunitates confirmat, tum ipsi, tum cæteris ei subjectis, inter quæ Monasterium Beati Petri Apostoli præcipuè recensetur, *quod edificatum est foras Beneventum erga fluvio Sabbati.* Ejus Diplomatis exemplar à Joanne Chronographo Vulturnenfi nobis servatum, ita exorditur. *In nomine Domini. Ego Georgius Patritius, Imperialis Protospatarius, & Stratigos Cephaloniæ, atque Longobardiæ, dum residerem in Dei nomine intus Palatio Beneventi, Entilma facio tibi Majoni Venerabili Abbati Monasterii S. Vincentii &c.* in fine verò hæc habet: *Quam vero Entilmam nostram bullavimus cum Bulla nostra plumbea Mense Augusti. Decima Indictione* (2): mendum fortasse in Indictionis numero vel à Chronographo, vel ab amanuense admissum fuit, nam, etsi mense Augusti anni 893. Indictio x. à Septembri anni præcedentis, more Græcorum incepta, adhuc decurreret, nondum tamen Georgio locum cesserat Symbaticius, qui ab Octobri anni 891. binis, & amplius annis Benevento præfuit: quapropter numeralem notam i. post x. excidisse, ac *Decima* pro *Undecima* scriptum fuisse videtur: At de his paullò inferius. Quod nunc attinet, vides Georgium nomine suo, suorumque honorum titulis omnimodam Diplomati auctoritatem tribuisse; & quod magis est, vides ad illius fidem probandam, observantiamque demerendam, *Bullam suam plumbeam* appendisse: qua quidem in plumbea Bulla, tum Georgii nomen, tum ipsius vel effigies, vel peculiare aliud signum inculptum

ALTER

F f

esse

(1) Chron. Casin. lib. 1. cap. xLIX. Hoc Symbaticii Entelma, seu Diploma ex Originali in Archivio Casinensi extante edidit Cl. Gattula in Hist. Casin. tom. 1.

(2) Chronicon Vulturnense inter Scriptor. Ital. t. 1. part. 11. pag. 413. Præter superius dicta Symbaticii, & Georgii Diplomata, tertium adhuc Græcorum Diploma, seu *Entelma* ex nostra Bibliotheca prodidit Ughellus tom. VIII. pag. 68. ubi à *Cosma Antibio* Protopatrico, aliisque Græcis Magistratibus Beneventi

residentibus juratum fuit *Conservato* Episcopo Beneventano de libertate, & tuitione omnium jurium, & bonorum Ecclesiæ Beneventanæ absque Ecclesiæ S. Angeli, quam in potestate Dominorum Imperatorum reſervant. Diploma signatur mense Januario indict. xi., idest an. 893. quo tempore reverà Græcis Beneventum suberat: At plura sunt, quæ falsitatis hanc chartam suspicam reddant, quæ, quum de Ecclesiâ Beneventana agemus, opportuniùs animadvertenda servamus.

esse debuit. Eodem itaque modo, exemploque potuit Georgius, citra ullam Augustorum suorum injuriam, Nummum cudere, quo novum Græcorum Dominium in Beneventana Urbe confirmaretur, quo etiam Nummo is fortasse uteretur, vel in plebem missili, vel inter ea dona præcipuo, quæ, uti superius diximus, ad conciliandos sibi Beneventanorum animos largiter adhibebat. Atque hæc ad Græco-Beneventani Nummi illustrationem sint satis. Sed Longobardis nostris injurius videbor, si Græcos, quos ferebant, Beneventi Dominos heic reliquerim: antequam de tabula manum auferam, illorum quantocius sequutam expulsionem subjiciamus.

De temporis intervallo, quo Græci Benevento dominati fuere, primus omnium controversiam nuper movit Cl. P. Mansius. Occasionem sibi fecit ex Ostiensis loco, qui ejusmodi est: *His temporibus Symbaticus Patricius Constantinopoli profectus obsedit Beneventum menses ferme tres, cepitque illam xv. Kalend. Novembris, Anno Domini dcccxc. i., expletis à Zotrone primo Beneventi Duce annis cccxxx., quo toto tempore Longobardorum Ducis, ac Principes eandem Urbem tenuerant Post Symbaticum Benevento præfuit Georgius Patricius, qui cum præfuisset in ea tribus annis, & mensibus novem, adveniens Guido Dux, & Marchio, pulsus inde Græcis, duos ferme ibi annos resedit (1). Quid igitur Mansius? Non in assignandis (inquit) tantummodo annis Longobardorum in Principatu Beneventano errat Ostiensis, sed & mancus est in Catalogo Principum Græcorum, qui Benevento alter post alterum dominati sunt. Nam Gregorio Patricio successit Barfacius Patricius, cui Guido Urbem eripuit. Insuper peccatum est etiam ab Ostiensi in Chronologia; nam si Longobardi à Græcis pulsati sunt anno 891., & ex illis Sybbaticus Principem egit annis tribus, mensibus novem, diebus 20., cui dein & Patricius succedens annis tribus, & mensibus novem rerum potitus fuit, eundemque demum Barfacius excepit, si inquam hæc vera sint, non potuerunt Græci à Widone expelli, qui anno 894. è vivis excessit. Porro tres annos, ac menses, diesque assignavi Sybbatico, quia totidem illi tribuit Chronicon Vulturense. Melius igitur reputaremus, ante aliquot annos captum à Græcis fuisse Beneventum, nec receptum, nisi hoc anno 891. à Widone nondum Imperatore coronato. Namque in eodem Chronico, tum & a Leone, captum dicitur a Widone Duce, & Marchione, non verò Imperatore: sed neque hoc postremum sustineri potest, cum Indictione x. mense Augusto, idest anno 892. Gregorius Patricius adhuc Beneventi principaretur; ut ex Charta in eodem Chronico relata. Obscura sunt igitur omnia, & confusa. At nihil obscurum, nihil confusum, nisi Mansio, qui in hac re statuenda unum Chronographum Vulturensem, non satis fidum, ac diligentem Scriptorem consuluisse contentus, omnia perturbavit (2).*

Nihil igitur magis constans, & omnium veterum Chronographorum consensu exploratum, comprobatumque, quam ut Græci, tum sub Symbatico, tum sub Georgio, tum etiam, si libet, sub Barfacio, non ultra Annos tres, menses novem, diesque viginti Beneventum tenuerint. Chronicon Principum Salerni. *Cujus (Ursi) temporibus Symbaticus Straticus cum valida Græcorum manu venit Beneventum 111. Id. Julii: & tenuerunt eam ann. 111. mens. ix. & d. xx.* (3) Appendicula à Peregrinio edita. *Ursus filius Ajonis puer septennis an. 1., cujus tempore Sibbaticus Straticus cum valida manu Græcorum venit Beneventum 111. Id. Jul., obseditque eam usque ad xv. Kal. Novembriarum diem, quo Beneventanis paciscens in eam ipse ingressus est eodem die. Tribus denique annis, novemque mensibus, & diebus xx. dominatio Græcorum tenuit Beneventum, Samnitiæ Provinciam* (4). Iisdem ferè verbis habet Chronicon alterum ex Codice Cavenfi apud eundem Peregrinium. *Tribus denique annis, novemque mensibus, & diebus vigintibus dominatio Græcorum tenuit Beneventum, Samnitiæ Provincia* (5). Chronicon S. Sophiæ apud Muratorium

(1) Chron. Casinen. l. l.

(2) Mansius in notis ad Annales Baronii, & Criticem Pagii ad an. 891. tom. xv. pag. 433. edit. Lucen. Libet heic Chronographi Vulturensis locum referre ex tom. 1. Scriptor. Ital. part. 11. pag. 408. (mendose Mansius habet pag. 480.) ut quo solo teste usus sit Mansius, melius noscamus. Gaiderio (inquit Chronographus) annis duobus, mensibus sex, diebus decem & novem Beneventi exstitit, Radelchis filius Radelchis (salsum; nam fuit filius Adalgisi Principis, ut supra dictum fuit) successit. Et hic annis tribus, mensibus octo, diebus viginti & uno expletis, Ajonis Principatum reliquit, (verius invitum concedere à Beneventanis coactus fuit). Quo similiter decedente post annos

septem (haud completos) Ursus Principatus sedem suscepit (septennis, vel decennis Ajonis filius), & hic non plus, quam unius anni spatio (& mensibus sex) administrato, Sibbaticus Straticus cum valida Græcorum manu adveniens, Beneventum cepit. Cujus Dominium cum annis tribus, mensibus novem, diebus viginti exegisset, Georgius Patricius ei successor exiit. Post Georgium verò sequitur Barfacius Patricius; adveniente autem Guidone Duce, & Marchione in auxilium Beneventanis, Græci inde miserimè sunt expulsi, & in Græcias redire compulsi.

(3) Apud Peregr. tom. v. pag. 22.

(4) l. l. pag. 27.

(5) l. l. pag. 34.

rium anno uno seriùs rem protrahit, sed quadriennium non excedit: *ccccxciii. Indict. x. Intravit Sybaticus Stratis cum Græcis in Benevento Mense Octobris: & mox: cccxcv. Indict. xiii. Expulsi sunt Græci de Benevento per Guidonem Marchionem* (1). Chronicon Cavenſe anno 891. Græcorum ingreſſum, ſed anno 896., ſive veriùs anno 895. (ut fidenter emendo) ipſorum ejectionem attribuit (2). Lupus denique Protospata ſic in ſuo Chronico habet: *Anno 891. intraverunt Græci Beneventum mense Octobris: & mox: Anno 894. exierunt Græci de Benevento mense Augusti* (3). Ex quibus omnibus illud manifeſtum conſequitur, non ultra quadriennium, imo minus quadriennio Græcos Beneventi conſediſſe. Certum autem ejuſdem quadriennii tempus, illud par eſt, ut credamus, quod pleraque Chronica ſuperiùs relata, ſpeciatiim nobis aperuerunt, ideſt annos tres, meſes novem, ac dies viginti. Adde nunc his diſertiffimum Anonymi Salernitani teſtimonium, qui cap. 149. Sybaticio Beneventi degenti duos annos, Georgio verò ſucceſſori annum unum, meſes novem, & dies viginti attribuit cap. 152., ſub quo Georgio Græcos Benevento expulſos affirmat.

Nec alia certe fuit Oſtienſis ſententia, immo nec Chronographi Vulturneſis. Meminit utriusque annorum trium, meſium novem; ſed alter poſt Georgium, alter verò poſt Sybaticum. Putavit inde Manſius utrumque tempus utriusque ſeparatim tribuendum, ac præterea ſuum quoque tempus Barſacio addendum voluit; ſicque diuturniora Græcæ dominationis ſpatia, nunc antevertere, nunc protrahere, cogitavit: ſed omnino perperam. Oſtienſis certè, qui ex plerique ſupradictorum Chronographorum, Scriptorumque, ſibi ætate anterioribus Chronicon ſuum compegit, nec hilum ab iis, qui ſibi præbant, diſceſſit, ſed uno illo temporis ſpatio integram Græcorum Beneventi dominantium ſeriem conſecluit. Nam poſt Georgium ſeparatà Oratione ita ſubdit. *Qui* (ſcilicet Græci) *cum præſuiſſent* (ita omnino legendum pro præſuiſſet) *in ea tribus annis, meſibus novem, diebus viginti, adveniens Guido &c.* Neque etiam Oſtienſis (ut omittam, quæ Manſius adverſus illius de Ducum, Principumque Beneventanorum annis Chronologiam notavit (4)) in Catalogo Ducum Græcorum, qui Beneventi alter poſt alterum dominati ſunt, eodem Manſio notante, *manus* dicendus eſt, propterea quod Sybaticii, Georgiique mentionem faciens, Barſacium, qui tertio loco Beneventum præſuit, ſilentio præterierit: Nam neque Barſacii meminit Anonymus Salernitanus, qui Græcorum expulſionem diſtincta narratione proſequutus, ſub ipſo Georgio eveniſſe affirmat.

Ac Beneventani quidem, qui Græcis aſſueſcere nesciebant, Græcæ tandem dominationis pertæſi, ut qui præſſe cæteris gentibus ſoliti erant, ad tempus quaſi ſubeſſe ſe videbantur, Widonis Ducis Spoletini (exorante Guaimario Salerni Principe, cui Guidonis ſoror matrimonio juncta erat) opem ſibi compararunt. Georgius Beneventanorum conſilii ignarus illos in fide permanſuros exiſtimavit, quam hætenus donis, tunc verò laudibus ſibi conciliare ſtudit, fortiſſima Majorum recolens exempla, quum ſcilicet Conſtantis Auguſti, Urbem obſidentis, conatus non modo eluſerint, ſed vires quoque frugerint. Adeſſe ſe iuſdem animis Beneventani affirmant, ſi tamen una ex Urbis Portis ſibi cuſtodienda tradatur, quæ ſurtim in hoſtes irruere, regredire in Urbem promptum eſſet. Annuit Georgius: At Beneventani Urbe egreſſi fugam ex hoſtium metu ſimulantes inſequentem Widonem, ejuſque exercitum ſecum redire in Urbem permiſerunt: Quamobrem Georgius cernens ſe deſuſum, *veniam poſcebat, quam adeptus eſt: nam quinque millia aureos dedit, conſuſus, & illaſus abſceſſit. Præſuit & ille Beneventanis anno uno, & meſibus novem, & diebus viginti* (5).

ALTER

F 2

Nihil

(1) Antiq. Med. ævi tom. 1. pag. 254.

(2) Amanuenſis, ſive editoris oſcitantià factum apparet, ut in hoc Chronico ad annum 896. Græcorum expulſio referatur. Non enim eo loco continuata annorum ſeries (ut in univerſo ipſo Chronico) ſervata habetur, ſed ab anno 894. ad annum 896. tranſilitur: quare quæ hoc anno narrantur, partim ad prætermiſſum annum 895., uti Græcorum expulſio, partim ad ſequentem referenda ſunt. Vid. id. Chronico. tom. 1v. Peregr. pag. 404.

(3) l. l. pag. 19., & apud Murator. Scriptor. Ital. t. v. pag. 38.

(4) Modèſtiùs certe Manſio Pagius ſe habuit, qui ad eundem annum 891. num. 1v. haud quidem Oſtienſem erroris, ſed amanuenſem mendoſæ ſcriptionis redar-

guit. Quam enim Oſtienſis exemplar à primo Duce Zottone ad Græcorum ingreſſum annos effluſiſſe, cccxxx. præſeferat; nihil veri magis ſimile, quam ut tertia nota x. oſcitanter in illum annorum numerum irreperit; ab Oſtienſi verò cccxxx. ſcriptum tantummodo fuerit: Quo fit, ut ab eo tradita Ducum, Principumque Beneventanorum Chronologia rectiſſimè conſiſt, dum ab anno 671. quo primum Beneventanus Ducatus inſtitutus, ad annum 891. quo ad Græcos pervenit, anni cccxxx. numerantur. Sed de hæc re vid. Garacciolum in Propyl. ad 1v. Chronol., Peregrinium in Diſſert. Quando Ducatus Benev. inſtit. ſed & jam plura à me in Diſſert. 1. hujus libri in eandem rem obſervata habebis.

(5) Anonymus Salernitanus in Chron. cap. clt. & clt.

Nihil de Græcis Beneventi dominis Erchempertus nobis reliquit, Historiam suam, sive Historiæ Epitomen non ultra annum DCCCLXXXVIII. profectus; id tamen eodem anno de Græcis, veluti pro sui Operis coronide reliquit, quod æternam Græco nomini infamiam creare possit; nam post narratam cladem, quam illorum Classis in Siculo freto à Saracenis eodem anno accepit, *salia Divinam aequitatem permisisse illi belluina Genti*, arbitratur, cujus Gentis mores describens, *Achivi* (subdit) *ut habitudine similes sunt, ita animo aequales sunt bestiis; vocabulo Christiani, sed moribus tristiciores Agarenis. Hi videlicet per se fideliū omnes prædabant, & à Saracenis emebant, & ex his alios venales Oceani litora sarciebant, alios verò in famulos, & famulas reservabant* (1). Hæc ex Erchemperto haud frustra præmissimus, ut vera illa esse existimemus, quæ Anonymus Beneventanus ipsius Erchemperti continuator de postremo saltem tempore, quo Græci Beneventi perfringere, sincerius certè, ac diligentius Anonymo Salernitano memoriæ mandavit. Extat Historiæ ab Anonymo Beneventano conscriptæ fragmentum, à Peregrinio editum, ac præ Erchemperto ipso, Anonymoque Salernitano laudatum, de quo pluribus in *de Re Litteraria* nostratium agemus. Noster itaque Anonymus pluribus à Salernitano discrepat, plura etiam ab illo prætermissa commemorat. Ac primum post narratum sub Principe Urlo puero decenni Græcorum ingressum sub Duce Symbaticio, Georgium Patricium huic tribuit successorem, sub quo Beneventanam Urbem conflagrasse, eoque incendio dimidiam penè absumptam tradit n. iv. Denique hinc factus est *eisdem diebus fere per omnem Samnium, & Apuliam terramotus ingens: subsequuta est inde sub præfato Patricio (Georgio) concrematio formæ media Civitatis Beneventane ab Ecclesia S. Renati sursum usque ad Portam Auream eodem die, jam tertio anno completo, postquam obsideri coepta fuerat Civitas. Accidit igitur ejusmodi incendium III. Id. Julii anno 894., dum ante triennium eodem die Græcos Benevento obsidionem admovisse superius observavimus; ac tum annus jam effluerat, quo Symbaticius biennio dominatus, locum Georgio reliquerat: Modico autem tempore elapso (subdit post pauca Anonymus) Georgius Patricius molestia tactus est corporali; paralyssa enim subito dissolutus, diu jacuit mutus, & infelicitè diem clausit extremum. Obiit igitur Georgius paullo ante gentis suæ expulsionem, cui propterea haud integri novem menses, ac viginti dies quarti anni tribuendi sunt; sed ex his spatium aliquod, breve tamen, Theodoro Turmachæ assignandum est, qui post Georgii obitum Benevento præfuit. Theodorus autem (ut Anonymus pergit) de Widonis adventu admonitus, Barsatum, Copiarum ducem, qui hostibus occurrens, manus conferere pertimuerat, in Urbem revocat, ad Beneventi moenia conservanda, seu Longobardos capiendos secum morantes, quos valde pavebat (2).*

Justam Longobardos pavendi causam Theodorus habebat, qui Symbaticii, ac Georgii decessorum suorum moderationem, sive simulationem contemnens, torrentis instar, diuturno obice magis turgescens, in Beneventanæ Urbis exitium irruere coepit. Audi Anonymum de postremo Græcorum dominantium tempore, ac Theodori moribus. *Beneventi quidem Cives, veluti proprios servulos captabat, minis, verberibus, angariis diversis, terroribus assiduis, nulli honorem, reverentiamque servando, nulli unquam veritatem dicendo, nullique fidem custodiendo, perjuriam quoque, seu adulterium publicum, vel privatum, & diversas fornicationes, & multimoda furia pro ludo habebat. Si quando verò aliquis videntatus ad eos proclamare præsumperat, pugnis, alapis, taureis, fustibusque casus recedebat; ut clarum fieret, nihil in eis esse boni, quos Christus odit, quos Sathanas diligit, cujus discipuli sermone, & opere comprobantur. Hæc de Græcis Beneventi dominantibus Synchronus, ac Beneventanus Scriptor Anonymus: in cujus Historiæ fragmento, seu potius lacinii Græcorum ejectionem mox subsequutam desideramus: At Græcos tandem post annos tres, menses novem, diesque viginti ab eorum ingressu, Benevento expulso, Widone Spoletino Duce opem conferente, aliorum testimonio*

fatis

(1) Cap. 81. apud Peregr. tom. i. pag. 177., & apud Mutator. Scriptor. Ital. tom. II. part. i. pag. 237. repetita tom. v. pag. 30.

(2) Græcorum militum Ducem dixi Barsatum sub Theodoro Turmachæ, qui Benevento præerat, ut distictè dicit Anonymus. Non tunc primum Barsati meminit Anonymus, quem prædictum ibi scribit. Plura itaque desiderantur, quæ Anonymus scripserat; quæ verò pauca ad nos pervaserunt, eisdem temporum injuriâ, haud continuatâ ferie sunt perducta. In loco autem superius recitato Turmachæ cognomen, quod Theodoro tribuitur, Turmachæ, vel Turmachus scribi de-

bet. Sic certè hunc Anonymi nostri locum emendat Cangius in Glossario verb. Turmachæ ubi hæc ait. Turmachæ Turmæ, seu Regionis Præfectus. Theophylactus Turmachus apud Johannem VIII. PP. epist. 140. Fragmentum Hist. Longobard. editum à Cam. Peregrinio pag. 146. His diebus Theodorus Turmachæ Benevento præerat. Legendum ibi indubiè Turmachæ ex Græco-Barbaro *τοῦρχης*. Ita etiam emendandum, apud Ughellum tom. I. pag. 995., ubi pro Turmachis legitur Curmachis: Porro Turmachæ meminerunt Constantinus Porphyrog. De Them. lib. I. part. II., & Leo Imp. in Tactici cap. 4. §. 8.

fatis probavimus; unde eorum ejectio, si à mense Julii, quo obsidio coepta fuit, numeretur, in mensem Maii incidit anni 895., si verò ab Octobri, quo Urbis deditio facta est, ad mensem Augusti cum Lupo Protospata veriùs referemus, qui tamen falsò annum 894. pro anno 895. inscriptum habet.

Ejectis Græcis, rerum Wido potitus est. De Urso nihil cogitatum, quem nemini Scriptorum deinceps memoratum, veri satis simile est, circa ea tempora defunctum opinari: ut propterea cum altero Urso confundendus non sit, Radelchis prioris filio, ac ipsius posterioris Ursi patruo, cujus meminit Erchempertus n. xvi., extatque adhuc ad nostram Majorem Ecclesiam Sepulchralis Titulus (1). Sed ut ad Widonem redeam, ut Principatu Beneventano potiretur, non unam is sibi ex ejectis sua ope Græcis occasionem fecit, verum etiam ex Ageltruda, seu Recheltruda Coniuge, Adalgisi Principis filia, cui (Radelchi fratre ejecto, cæteris extinctis) Principatus successio deberi videbatur. Ageltruda Widonis viri sui variâ fortunâ, post illius quoque mortem suâ virtute illustri eorum temporum foemina fuit. Regina Italiæ, atque Imperatrix, ut eam dignitatem, quam Wido adeptus fuerat, tueretur, plurâ virili animo gessit; post illius mortem, ut Lamberto filio vindicaret, nonnihil molita fuit (2): sed ex eo illustrior, quod post annum unum, & octo menses Principatum Beneventanum non in Viri sui Widonis ad Italicum Regnum properantis potestate remanere, neque Guaimario Salernitano Principi, quem Wido malebat, tradi passa sit; sed Radelchi fratri olim ejecto, jure debitum, re ipsa restituendum curavit. In hoc præclaro Ageltrudæ factò Anonymi nostri fragmentum explicat, cujus postrema verba libentiùs audiemus: Postea vero præfata Ageltruda Imperatrix, anno uno, & octo mensibus elapsis, postquam Graii Benevento fuerunt expulsi, in eadem ingressa est pridie Kal. Aprilis, & paullo post longè superiùs nominatum Radelchis fratrem suum Beneventano Principatui restituit, qui ferè xlii. annis ab eo fuerat expulsus (3): Eadem habet Chronographus Cavenfis ad annum 897. (4): Eadem Sanfophianus ad annum 898. (5): Eadem denique Anonymus Salernitanus, qui Radelchim, Augustâ Sorore agente, & quod magis intererat, cum consensu Beneventanorum, pro sua simplicitate à Beneventanis terque quaterque expulsus, ad dignitatem pristinam revocatum affirmat (6). Sed nibilo melior Radelchis, adhuc etiam Virialdi scelesti hominis consilio, operaque in aministrando Principatu usus, graviùs, quàm olim apud Beneventanos offendit, qui tandem Anno cm. ejus loco Atenulfum sibi Principem elegerunt (7).

Atenulfus Capuæ Gastaldus, dein Comes, Beneventanus denique Princeps Sæculum novum, nostramque Dissertationem simul claudet. Nova exinde Principum prosapia, nova Principatus forma, novum differendi argumentum præstabant, tum quum de Beneventani Principatus Occasus agendum erit; ad quam postremam nostri Operis partem, reliquam, quæ ad sesquisæculum adhuc perduravit, illius Principatus ætatem illustrandam seposuimus. Interim nobis solatio erit, legentibus voluptati, Longobardos nostros, quos hæctenus ex suis Nummis illustres effecimus, suis etiam Legibus (quod sequentis Dissertationis argumentum erit) ad posteritatis memoriam, atque etiam fortasse emolumentum, adhuc florescentes, saltem redi-vivos intueri.

CAPUT

(1) Habebis inter alios Principum Longobardorum Titulos in Appendice hujus Tomi, etiam prioris Ursi Titulum, ubi is non Ajonis, ut posterior Ursus, sed Radelchis filius dicitur.

Hunc genuit Princeps Bardorum Stemmata clarus
Radelebis, Patria vita salusque sue.

annis verò xxxiv., & mense uno vixisse dicitur.

Ter denos complevit hic, sed quatuor annos,
Ter denos pariter vixit & ille dies.

(2) Præter nostros Scriptores agunt de Augustâ Ageltruda Liutprandus Ticinensis in Hist. lib. i. cap. ix. & x. Scriptor Ital. tom. ii. pag. 431. Annalista Bertinianus ad an. 896. (quem annum cum anno præcedente ab editoribus perperam conjunctum Pagius animadvertit) ubi inter alia tradit Ageltradam adversus Atenulfum Francorum Regem Româ potitum, ipsam Urbem sub sua custodia tenuisse, sed Arnulfo demum im-

perium adepto, à singulis Romanis juramentum præstitum, in quo id signanter juratum. Lamberto filio Ageltrudæ, & Matri suæ ad sæcularem honorem nunquam adiutorium præbebo, & hanc Civitatem Romanam ipsi Lamberto, & Matri suæ Ageltrudæ, & eorum hominibus per aliquod ingenium, aut argumentum non tradam.

(3) Anonymi Beneventani Fragmentum extat inter Script. Ital. Muratorii tom. ii. part. i. pag. 279., & inter opera Peveri. tom. iii. pag. 293.

(4) An. 897. Rechetrudis Augustâ post Widonis discessum Radelchis (id est Radelchim) fratrem suum ad Beneventum regredi fecit Principem post ann. xi. cum consensu Ben. Procerum.

(5) Apud Murat. Antiq. Med. Ævi tom. i. pag. 254. Ann. dcccxcviii. Ind. i. Radelebis Princepi junior recuperatus in Principem.

(6) Anonym. Salern. cap. cl. liii.

(7) Idem Anonymus cap. clvii. & seq. Chronicon S. Sophiæ superiùs citatum an. dcccc. Ind. iii. Beneventani ejecerunt Radelchim Principem de Principatu, & elegerunt Atenulfum cognatum ejus à Capuâ.

CAPUT VIII.

Nummorum Longobardicorum Series altero Principis Sicardi Nummo augetur: Omnium Nummorum superius editorum fides constabitur. His adduntur Nummi argentei duo, nunc primum in lucem prodeuntes, post Longobardici Principatus occasum Beneventi percussi; quorum atas, causa, characteres explicantur: Praclariora denique ad Rem Nummariam Beneventanorum infima etatis illustrandam afferuntur.

Hactenus longum, difficillimumque iter feliciter evasimus, quo nostrorum Longobardorum Principum Nummos, horumque occasione, ac subsidio Res illorum praeclare gestas, Profapias, Successionesque, qua potuimus, accuratiore operâ, sinceriori fide, meliori luce illustravimus. Quumque ab ejusmodi argumento, quod pro viribus absolutum videbatur, jam mihi quiescendum esset, ejusdem mox repetendi non una accessit occasio. Prima illa fuit, ut novum Principis Sicardi Nummum publica luce donarem. Ejusdem Principis aureum Nummum superiore Capite IV. pag. 183. evulgavi; cui nunc hic alter argenteus addendus est, metalli quidem pretio inferior, sed longè illo praestantior ex ipsius Sicardi Monogrammate, quod nunc primum nobis spectandum exhibet.



Novum dixi, sive haecenus ignoratum hunc posteriorem Sicardi Nummum, quem Vir Summus, ac Neapolitanarum Antiquitatum consultissimus Johannes Carrafa, illustris Dux Nojæ in suo locupletissimo Museo reconditum habet cum aliis sane pluribus ingentis pretii Cimeiliis quamprimum evulgandum: Sed non ego novus, sive primus editor videri volo, ut vel Viro summo, qui ejus nummi exemplar perhumaniter largitus fuit, vel alteri æquè summo, doctissimoque Viro, Beneventanas inferioris ævi Antiquitates in praesentiarum illustranti, qui eundem Nummum nuperrimè edidit, debitam utrique laudem mihi praeipiam: Id enim operis mei ratio, institutumque postulabat, ut quum de nostrorum Principum Nummis tam copiosè disseruissem, si qui erunt, quibus nostra vel placere continget, vel saltem probanda videantur, non illis certè hunc alterum Sicardi Nummum, vel alibi exquirendum, vel omninò desiderandum relinquerem. Nam dum mea isthæc de Nummis Dissertatio sub prælo esset, prodijt Illustrissimi, eruditissimique Praefulus Stephani Borgia Pontificii Gubernatoris Tomus I. ejus Operis, vulgari, seu Italicâ linguâ conscripti, quo is *Memorias Historicas Civitatis Beneventanae ab VIII. ad XVIII. Saeculum*, in alios continenter Tomos duos recensendas complecti, atque illustrare sibi proposuit. Is itaque inter alias notas, quibus eum Tomum locupletavit, illam quoque adjecit pag. 50., ubi Nummos omnes nostrorum Principum haecentis compertos, aereâ Tabulâ uno obtutu conspiciendas exhibens, sic de ipsis praefatur: *Nella seguente Tavola vedrà il Lettore due serie di monete Beneventane. La prima è di quelle, che abbiamo noi acquistate, e queste disegnate sono, o si riguarda la grandezza, o la forma delle lettere, con tutta la dovuta diligenza, e fedeltà corrispondente agli originali: il che finora, che noi sappiamo, non è stato fatto da altri, perchè quelle pubblicate dal Muratori Diss. 27. Antiqu. Ital., e ristampate poscia di bel nuovo dal Canonico De Vita in Praeloquo. ad Thesaur. Benevent. Antiqu. non hanno tutta la somiglianza colle monete originali. L'altra serie è di quelle, che noi non abbiamo, e perciò i disegni non sono simili dell'intutto alle stesse monete per rapporto alla loro grandezza. Brevemente di ciascuna daremo ora la spiegazione &c. Tum praecipuum (uti par erat) ei aureo Nummo locum tribuit, quem Princeps Grimoaldus Primus percussit cum epigraphe*

graphie DOMS. CAR. RX., nosque superius Cap. I. pag. 159. edidimus, atque uberrimo commentario illustravimus. At tunc quidem, quum priorem Librum, seu Thesaurum Antiquitatum Beneventanarum ederem, Nummus ipse originalis apud me extabat, extatque hodie cum altero, æquè aureo, quem simul in eadem pag. 159. hujus Libri edidisse ideò consilium fuit, quod etsi eandem causam, ac formam, diversum tamen percussione tempus præferre videretur. Non igitur in eo Nummo recudendo, qui originalis, seu archetypus præ manibus mihi esset, solam Muratorii fidem, sive Muratorianum exemplar sectatus sum; uti in ipso *Præloquio* præclare monitum Lectorem tunc volui. At Muratorius quidem, reprobato ejusdem Nummi Ectypo, quem olim tum Angelus Breventanus, tum Le-Blancus ediderant, alterum exhibet, quem sinceriores pronunciat, à Cl. Garello Cæsareæ Bibliothecæ Præfecto sibi transmissum; ex qua postea Cæsarea Bibliotheca, seu Museo eundem ipsum Nummum evulgatum reperio à Petro Jannonio, qui Operi suo novum veluti pretium facturus, in ejus additionibus quasi tunc primum, post aliorum, quos asserit, errores, ab se uno ritè, rectèque explicatum jactitavit (1). Sed quod ad Muratorium attinet, post recitata ipsius verba, sic ego in eodem *Præloquio* aiebam pag. 10. *Quod ejus Nummi exactiorem formam spectat, tot gravissimis testibus, repetitisque ex ejus Ectypo descriptionibus comprobata, quis fidem Muratorio negare unquam ausit? Immo post Muratorii solertiam, nullam amplius de Le-Blanci Nummo rationem habendam eruditi omnes pronuntiabunt. At Le-Blancum cum esse ego ajo, qui suam Nummi fidem servavit. Unde sciam, queris? Ex ipso aureo Nummo originali, quem ego nactus, penes me servatum, atque exactissimè expressum heic conspiciendum exhibeo.* Non igitur, inquam, uni Muratorio debitor sum, ut quos, qualesque ipse prodidit nostrorum Longobardorum Principum Nummos, in meum opus tunc derivarem: immò potius à Muratorio exhibitos ad sinceriores fidem, originalium, qui tunc mihi præsto erant, ope, restitutos curavi. Quemadmodum id modò mihi Præful doctissimus debet, ut secundam Nummorum seriem in eadem sua Tabula expositam, duobus Nummis locupletior, atque illustriorem fecerit; altero nempe (qui ordine primus est) ad Grimoaldum II. spectante cum Monogrammate: *La prima moneta* (sic ipse satis ingenuè, ac liberaliter) *l'abbiamo veduta presso il Canonico De Vita* (2): Altero verò nondum ab aliis edito, atque omni-

bus.

(1) In nova edit. Hist. Civil. Neapol. Hagæ 1753. lib. vi. cap. iv. tom. I. pag. 392. ex ipsius Jannonii additione hæc leguntur. *Questo articolo di pace (inter Carolum, & Grimoaldum) riceve maggior fermezza, e lume, e nello stesso tempo spiega nettamente quella moneta di oro di Carlo M. rapportata da Monsieur Le-Blanc, che diede a più di uno de' nostri Antiquary gran travaglio per intendere le iscrizioni; perchè portando da una parte il nome di Carlo M., e dall'altra quello di Grimoaldo, credendo, che si volesse dinotare Grimoaldo Re de' Longobardi, ed i tempi non concordando, si videro in maggiori involuppi. Queste monete si coniarono così in esecuzione di questa Pace; ed il nome di Grimoaldo dinota questo Principe di Benevento, e non già Re alcuno de' Longobardi. Nel Museo Cæsareo di Vienna fra le altre monete di oro, che conserva, si vede ancor questa d'indubitata fede, ed antichità. Tum Nummum ipsum spectandum subjicit, nec ipsum quoque exactè expressum; quod descriptoris, vel chalcographi incurià factum videri debet.*

(2) Pag. 61. Ex hoc Monogrammate in Grimoaldi Nummo insculpto, occasionem sibi aperit Vir eruditissimus agendi tum de aliis nostrorum Principum Monogrammatibus (de quibus jam hujus Dissertationis cap. I. I. peracta à me tractato est), tum de antiquo eorumdem Monogrammatum universim recepto usu. In eandem, quum ego statueram, sententiam is descendit, Caroli M. scilicet ævo, hujusque exemplo, invaluisse potius, quam coepisse morem: Fallitur is verò, dum in re Caroli potius voluntatem, arbitriumque, quam ex scribendis imperitià factam necessitatem agnoscere voluit: Eginardo (inquit) scribere, che Carlo M. fu il primo fra i Re di Francia, il quale, ut imperitià hanc (cioè di scrivere) honesto ritu superlet, Mono-

grammatis usum loco proprii signi invenit: lo che vuol dire, secondo a me sembra, che Carlo per ricoprire, non già che esso non sapesse scrivere, ma sì bene l'imperizià sua in formare buon carattere, introducesse nella Corte di Francia la pratica di munire le Carte col Monogramma, essendo ben noto agli Eruditi, che Carlo M. oltre essere stato fautore, e propagatore delle Arti liberali nella Francia, nella Germania, e nell'Italia, egli medesimo le coltivò, e le apprese sotto la Scuola di Pietro Diacono Pisano, Maestro di Grammatica da lui creato Presidente delle Scuole del suo Palazzo in Francia, e poscia sotto la direzione del celebre Alcuino, Presidente delle medesime Scuole, e ristauratore delle lettere nella Gallia, studii Rettorica, Dialettica, ed Astronomia, e ne fece del profitto, locchè può ben congetturarsi per averlo lo stesso Alcuino scelto per uno de' interlocutori de' due Dialogi, che compose de Rhetorica, & Dialettica, ma anche dalle lettere, che scrisse in versi a Paolo Diacono, dall' Epitaffio, che compose per il Sepolcro di Adriano I. &c. At contraria prorsus de hac re prolata a me sententia fuit d. Cap. I. I. cui nihil certè ista eberit ingeniosa Eginardi verbis facta interpretatio. Quæ enim ratio, aut causa esse debuit, cur Carolus, si scribere unquam nosset, in exarando tamen suo Monogrammate, elegantiorum Characterum formam, novo studio, ac labore addiscendam, adhibendamque sibi necessariam duceret? Adde, quod nullis literarum nexibus, compendiisque Caroli Monogramma constiterit, sed ipsa sunt simplices, genuinæque ipsius nominis literas præterulerit, in Crucis formam dispositas, atque distributas, quemadmodum ex exemplis a Cangea vulgatis in suo Glossario, & ejusdem Caroli Diplomate, Beneventano Episcopo Davidi concessio apud Ughellum, satis liquet. Invitum etiam, ac traditè sibi inter-

bus fortasse ignorato, Principis Radelchis, de quo sic etiam ipse: *La terza moneta si possiede dal Canonico De Vita: In una facciata vi è impressa una spiga di grano, o d'altro frutto, aperta, e divisa in due rami colle lettere nel contorno RADELHHS PRINCEPS* (1). Quos Nummos quum ipse originales non modò vidisset, verum & manibus contrèctasset, descripsissetque, non video, cur exemplaria, quæ in eadem Tabula exprimenda curavit, originalibus non omninò similia se prodere profiteatur: Fortasse id in mente habuit, non integram eorum Nummorum fidem præstitam videri, qui paulò amplioris formæ, quàm quæ originalium est, conspiciendi exhibeantur; tamen id non innocuè tantum, sed etiam consultò, ac necessariò quandoque ad integriorem, certioreque Nummorum notionem Viri quique doctissimi, Nummaria rei Scriptores faciendum exemplo suo passim docuerunt: Vel potiùs vadem se præstare noluerit ejus diligentia, fideive, quam Chalcographus fortasse in iis effingendis oscitantius adhibuisset. Quam certè Chalcographi negligentiam non ipse evitaſſe videtur in illis ipsis Nummis apud se extantibus, quos certo certius spondet esse designati, o si riguardi la grandezza, o la forma delle lettere, con tutta la dovuta diligenza, e fedeltà corrispondente agli originali. Nam in eodem ipso omnium principe Principis Grimoaldi I. Nummo aureo, elegantiore videas in utraque facie expressam literarum formam, quæ satis rudis, ac barbarica in originali spectatur. Quid quod in altera facie DOMS pro DONS. insculptum legitur? In altera verò Grimoaldus juvenili, venustoque, & quod magis est, imberbi, sive in quo vix primam agnoscas lanuginem, vultu, effingitur? (quam ementitam vultus, literarumque formam sequens ejusdem Grimoaldi aureus item Nummus ostentat); qui tamen Grimoaldus in utroque Nummo (typi, quod nunc Conio vulgò dicimus, barbaricà ruditate naturalem formam deterius fortasse representante) non ipso tantum vultu, sed etiam barbâ horrentem propè se spectantibus offert. Desiderabis denique Crucem intueri, quam vulgò dicimus *reeruciatam*, Cangio memoratam in *Dissert. De Num. infer. ævi num. xxxiii. in fin.*; scilicet extremo vertice, extremisque brachiis ex transversis lignis, sive transversis in globulos desinentibus conclusam, qualem originalis Nummus exhibet, & nostra exemplaria representant. At hæc, ut dixi, Chalcographorum oscitantia, qui nostram diligentiam fallere nonnunquam solent, tribuenda sunt. Hæc autem simul omnia breviter animadvertenda mihi fuerunt, non quod Illustrissimi Præfules vel nomini, vel eruditioni detractatum vellem, cui potiùs plurima me, lucubrandarum Beneventanarum infimæ ætatis Antiquitatum labore relevatum, plurima Beneventanam Urbem eâ postremâ temporum parte satis egregiè, præclarissimèque illustratam, pari observantiâ debere pro-

interpretationi omnino repugnantem dixi Eginardum, qui non scribendi *Ruditate* (quæ nulli unquam vitio, mori etiam, immò fastui Principibus quandoque esse solet), sed *imperitiâ* discretissimè affirmavit; quæ neque (uti ex ipso Eginardo opportunè observat Cl. Mabillonius in de Re Diplom. pag. 164.) maximo Principi vitio verti debet; quandoquidem tentabat & scribere, tabulasque, & codicillos ad hoc in lectulo in cervicalibus circumferre solebat, ut, quum vacuum tempus esset, manum effingendis literis assuefaceret: Sed parum prosperè successit labor præposterus, & serò inchoatus &c. Cur verò Caroli ad Paulum Diaconum epistola? de Hadriano PP. I. Epitaphium? aliaque literaria ipsius monumenta? De his jam superius dixi in cap. xxi. Nam de Hadriani Epitaphio (quod legimus inter opera Alcuini edit. Parif. 1617.) re post alios clarissimos Scriptores diligentissimè perpensa, Cl. P. Janningus in de Basilica S. Petri tom. vii Junii Operis Bollandiani pag. 129. seq. id tutò pronunciat, quod de quibusque monumentis aliis literariis Carolum auctorem præferentibus statuendum censet, ejus scilicet jussu, auctoritateque, non item ingenio parto, calamoque conscripto. Sic enim (post plurimam conclusit Janningus) & nos quæ fieri jubemus eadem censetur scisse; & Ministri Principum multa scribunt, componuntque in persona Dominorum suorum, quæ hisce adscribuntur, quanquam ab his nec scripta, nec composita sint. Ex Caroli denique in literas propagandas, excolendasque studio, & providentiâ non necessario consequitur Hominem literatum fuisse, sed Optimum Principem, qui quantum emolumenti ex literis in Reip. dimanaret, animadvertens, eadem vehementi, neque infelici conatu excitandas ubique curavit.

Illud quoque observare fas mihi sit, in quinto Nummo ejusdem secundæ Classis, sed Sciei, haud rectè Illustrissimum Præfulem illius Scriptoris cognomen prodidisse, a quo Muratorius, & a Muratorio ambo nos eundem Nummum accepimus. Ita enim habet pag. 68. Nel Rovescio si osserva un Monogramma contenente quattro lettere, che noi disponiamo a questo modo GEOR. Il Muratori seguendo l'opinione di Angelo Beneventano, le ordina così GREO, e quindi le spiega per GREGORIUS, sospettando, che questa Moneta possa appartenere à Gregorio eletto Duca di Benevento circa l'anno 722. Veri tamen similis in eo Nummo GEORGEUM legendum arbitrat ipse est, qui Georgius post occupatam à Grecis anno 891. Beneventanam Urbem, Byzantinorum Augustorum nomine Principatum post Symbaticum administravit: Quam perspicacissimi Viri sententiam mihi communicatam olim collaudavi, ac dein confirmatam mihi volui cap. vi. Sed quod ad Angelum Beneventanum attinet, qui eum Nummum nobis servavit, quæsitit & olim a me Vir Summus de hocce Scriptore, quem frustra inter nostrates querendum respondi: nam is non domo Beneventanus (uti etiamnum se falsò prodit) sed cognomine Breventanus (uti ab ipsomet Muratorio rectè scribitur) Civisque Papiensis fuit, qui eum Nummum edidit in *Stemmata Genealogico Regum Longobardorum*. Præter Muratorium Clarissimus quoque Præful Johannes Ciampinus Angelum Breventanum laudavit, nummum Regis Agilulphi ex illius Longobardorum Regum gentilitia arbore num. 4. mutuatus in sua part. ii. Veter. Monum. c. iv. pag. 14. edit. Rom. 1699.

(1) Pag. 65.

profiteor ; sed ne mea in evulgandis nostrorum Principum Nummis fides, industria, labor, apud eos, qui Viri summi verba non, ut æquum sit, accepturi essent, periclitari videretur. Stabit itaque nostrorum Nummorum hætenus editorum fides, quæ ipsorum Archetypis, sive originalibus ex nostro Museo in Bibliothecam Ecclesiæ Beneventanæ transferendis, recondendisque, sicque publici juris faciendis, omnibus, quibus libebit, comperta, comprobataque erit, ac perpetuò constabit.

Alteram utiliorem sane, ac jucundiorē huic adlucubrando Capiti occasionem fecerunt Beneventani Nummi duo argentei, nuper in lucem hominum eruti, quos nunc etiam primū evulgamus. Utrumque Nummum ab antica solū parte spectandum exhibeo; neque enim posticam repræsentare opus fuit, quæ eadem ipsa cum antica est, nisi quod ipsum illud, quod incusum posticæ apparet, hoc est cavā sculpturā impressū, in antica redeat prominenter repræsentatum.



Veteres Nummos incusos, sive cavis literis insculptos, rarò quidem, sed invenire tamen nobis continget. Extat apud me Nummus argenteus, binis denariis pendens, in cujus antica parte *Janus biceps* conspicitur, consueta scilicet nummorum nota, qui in veterum Romanorum commercio fuerunt, in altera vero *Quadriga* visitur, quam subtus, ROMA legitur, literis tamen ab ipsa nummi superficie in cavitate recedentibus. Sed ut ad sequiorem, seu infimam, ad quam nostri Nummi pertinent, ætatem statim descendamus, nullius, quem sciam (ac scisse quidem consilium, sed inanis hætenus labor fuit) nullius inveni numismatis exemplum, cujus literæ, ceteraque omnia, uti in nostris, cava sint ex parte una, eademque ipsa ex parte altera prominenter respondeant. In Sepulchro S. Cyriaci nuper Anconæ detecto tres argenteos nummos sæculi xii. ad Imp. Henricum IV., aut V. pertinentes, inventos refert Cl. P. Corfinius, atque ita describit. *Queste tre monete fino al giro, o contorno del Conio sono di grandezza uguale a quella de i mezzi grossi Romani di argento, ma vi rimane però d'intorno una porzione di lamina tagliata, e ritondata rozzamente, e quasi con forbice, e tutte tre sono incavate per la percossa del conio, e ciascuna di queste è di grani 17. (1). Ediderat olim eundem Nummum Lirutus, a cujus errore haud sibi cavit Cl. Zanettius, qui pro ENRICUS IMPERA, legit KNDNVS, quod explicat: *Christus Dominus Noster Imperat*. Sed ex ipso demum Zanettio aliquid, quod ad nostros Nummos propius accedat, libentius mutuabimur: De origine enim, antiquitateque Monetæ Venetæ sermonem is instituens, vetustissimum ante alios nummum exhibet, de quo sic ait. *La prima moneta è di argento di bassa lega; il peso è di carati cinque; sicchè considerato il suo intrinseco valore, verrebbe a valere intorno a cinque de' nostri soldi correnti. E' sottile, alquanto Concava, e di quel conio, che appunto per la sua Concavità da' Greci de' bassi tempi chiamavasi *καυλιος*. Nel campo del dritto avrai una Croce entro a un circolo, e la leggenda intorno *Christus imperat*. Nel rovescio poi entro al frontespicio di un mal rappresentato Tempio leggi VENECE, e più sotto A. cioè Venetia (2). Sed eos Nummos tum a Corfinio, tum a Zanettio editos, incusos quidem, sive percussione cavitatem faciente, conditos agnosces; in utraque tamen facie, et si nostris tenuiores sint, diversam ex formæ diversitate percussione præferentes reperies. In Corfiniano enim antica pars S. Marci effigiem, atque in circolo: *S. Marcus. Venetia*: postica Crucem, & in circolo *Henricus Imper.* repræsentat. Zanettianus item nummus in una Crucem, in altera *Ediculam* cum suis epigraphis superius memoratis spectandam offert. Contrà verò in nostris Nummis una, eademque utriusque faciei repræsentatio est; nam quicquid in una incusum, cavumque extat, ob laminæ tenuitatem in altera sese rursus spectandum prodit, aliorum nummorum more, prominenter insculptum.**

ALTER

G g

Dum

(1) Relazione dello Scuoprimento, e Ricognizione fatta in Ancona dei Corpi di S. Ciriacò &c. Roma 1756. De eodem Nummo post Pasqualigum, adhuc Cornelius amplissimus Senator Recl. Venet. Decad. xii. part. 1.

pag. 76. & Cl. Carlius Delle Zecche d'Italia &c. diffuerunt.

(2) Ragionamento dell' Origine, e Antichità della Moneta Veneziana pag. 32. Typis Albriziorum an. 1750.

Dum igitur in nostrorum Nummorum percussione, atque forma nonnihil insuetum occurrit, suboriri fortasse cuique suspicio possit, an verè inter Nummos censerentur eos fas sit. Sed nihil in ea re dubii supererit, si, quemadmodum in lucem hominum prodierint, speciatim aperiā. Quatuor ab hinc annis rusticus homo inter agelli sui rudera vasculum testaceum reperit, argenteis nummis, variae ætatis, oppletum: antiquiores ad Augustos Ottones pertinere ipsa epigraphe $\tau \theta$ ostendit, quales a Muratorio exhibentur: tam denarii

Papienses cum epigraphe $\rho \alpha \pi$, quos etiam apud eundem Muratorium invenias (1): ade-

rant etiam permixtæ laminæ aliquot tenuissimæ, rotundæ, sed aliis nummis duplo majores, argenteæ, atque auro obductæ, in quibus nullæ literæ, sed characteres quidam Arabicorum instar, qui in Siculis inferioris ævi nummis spectari solent: maximus vero eorum Nummorum numerus fuit, quos heic conspiciendos dedimus: in quorum altero, concavus a postica, prominens ab antica parte idem *Orbiculus*, duas veluti erectas *Claves* repræsentat, atque in circulo BENEVENTVS; in altero vero Nummo quedam veluti *Facies radiata* visitur sine ulla epigraphe. Totus is thesaurus vix Ducatorum Neapolitanorum septem lucrum rusticæ retulit apud Aurificem, qui mox (uti ejusmodi hominum mos, sive vitium est) comparatos nummos conflavit, paucis aliquot apud Proxenetam (qui ad me rem gestam omnem, nummosque superstites multò post detulit) adhuc servatis, idest Ottonianis, ac Papiensibus senis, una lamina argentea sub auro, ac duobus tum ex primo, tum ex secundo nummo, quos heic edidimus; ex quibus alterum, atque alterum præfato illustrissimo Stephano Borgiæ possidendos concessimus, non solam meæ erga illum observantiæ, verum etiam integræ in iis nummis evulgandis fidei meæ testes. Itaque si Nummos alios, quibus nostri permixti erant, in commercio olim fuisse nemo dubitaverit, neque alii usui nostros fuisse fateri debet: quisquis enim (cui profectò satis curta supellex fuit) eam promiscuè pecuniæ quantitatem in eodem vasculo recondidit, haud certè alios, nisi nummos commiscuisset in commercio receptos; quorum etiam major copia in eodem vasculo inventa id magis suadet. Sed manifestam magis rem ipsam adhuc illa efficient, quæ de hisce illustrandis nostris Nummis modò edisseremus.

Jas cudendæ Monetæ inter Regalia præcipuum fuisse, hodieque haberi, ab universa quantumvis remotissima Antiquitate, notius est, quam ut heic probemus. Qui veteres diversarum singularium Urbium, Populorumque nummi ad nos pervenerunt, atque magnorum, doctorumve Virorum vel Musea, vel Volumina exornant, id solum, certumque probare queunt, illos aliquando Autocratæ gavisos, aut supremi Principis, cujus majestati obnoxii essent, permissu, cudendæ monetæ facultatem adeptos: Hæc omnino certa, dum Romanum staret Imperium; quo postea collapsio, nihil admodum ejus rei immutatum per mediam ætatem videtur: ex qua quidem ætate Nummos, qui ad Augustos, aliosque Reges, seu Principes pertinent, excipere quamplurimos promptum erit, nullos tamen privatarum Civitatum contrectare suppetit. Vulgata satis, atque in hujus Dissertationis Proemio explicata a nobis Regis Rotharis lex est, qua, sancitâ *manus incisione*, cuique auream *signare*, aut monetam *confingere*, sine *jussione Regis*, interdictum fuit. Inclytæ Venetorum, Reip., quamvis a longiore ævo nobilissimam originem suam repetenti, non antè tamen sæculi x medium, cudendorum nummorum initium attribuit ipsi Veneti Scriptores Sanutus, Samorinus, alique, qui id demum, Imperatore Berengario II. largiente, creptum affirmant. Sed Cl. Zanettius nobis superius laudatus post recentiores alios ejusdem Gentis Scriptores ad tempora altiora, necnon ad propriam, qua omni ævo prædita Resp. fuit, Autocratiam, supremamque potestatem, rem ipsam extollere conatus est (2); cui sententiæ non leve adminiculum præstitit Cl. Muratorius occasione *Denariorum Veneticorum*, quos a Rothario Episcopo Veronenſi, Imperatoris Berengarii coævo, memoratos legit; Muratorii autem verba libentius recitabimus, qui a Beneventanorum Principum exemplo Venetorum Ducum singularem eam fuisse prærogativam confirmat. *Quæ sanè* (inquit) *prærogativa prodit, quanta jam tum foret eorum Ducum (Venetorum) dignitas, atque præstantia. Si enim Beneventanos excipias, qui ut supremi Domini agebant, & Principes appellari mauerunt: Si Neapolitanos quoque excipias, quibus id juris concesserunt Græci Imperatores; nulli alii in Italia Ducibus antiquis temporibus licuisse puto signare suo nomine Nummos* (3).

Sed post Sæculum x. diversa sane ejus rei condito esse cœpit; quandoquidem Civitatibus

(1) Antiq. med. Ævi Dissert. xxvii. l. II. pag. 557.

(3) Muratorius d. Dissert. xxvii. pag. 648.

(2) Zanettius l. l. pag. 22.

tibus quampluribus Italicis, sive novam prærogativam, sive libertatem affectantibus, immo & præclariorum quarundam Sedium Episcopis temporalem dominationem adeptis (1), officinas monetarias aperire, Nummosque suo nomine signatos in commercium effundere, solemne fuit. Ad eam potestatem liberius, atque impunè arripiendam accedebat illa obtinendi Privilegii facilitas, qua Augusti rogantes vix Civitates alias eodem jure, ac prærogativa donabant. Sic Aquilejæ Conradus II. Anno MXXVIII., Ravennæ Henricus IV. An. MLXIII., Genuæ Conradus II. An. MCXXXIX., Patavio Henricus III. An. MXLIX., Bononiæ Henricus VI. An. MCLXXXI., Cremonæ Fridericus I. An. MCLV., Bergamo idem Fridericus An. MCLVI. id jus contulerunt (2). Neque in eo concedendo jure Romani Pontifices difficiles fuisse videntur; cujus rei satis luculentum, ac vice omnium exemplum illud est, quod de Honorio III. prodidit Odoricus Raynaldus in suis Annalibus; a quo quidem Pontifice cudendæ monetæ Firmænæ Urbis potestas facta fuit hoc brevi Diplomate. *Honorius &c. Universitatis vestre devotis precibus inclinati, habendi proprium concum. ad cudendam monetam citra valorem Imperialis, liberam vobis, auctoritate presentium, concedimus facultatem. Datum Laterani VI. Idus Decembris, Pontificatus nostri anno v., hoc est Anno MCCXX.*

Quæ quum ita sint, nihil certè insueti, aut singularis exempli fuerit, si Beneventanæ Urbis Nummos, antehac ignoratos, ac per ea tempora percussos, in lucem nunc prodidisse demum contigerit. Etsi enim Nummis ipsis, quos modo contrectare licet, adhuc caruifsemus, plura sunt argumenta, quæ non id tantum conjectare sinunt, verum etiam fieri potuisse, debuissetque, suadere planè videntur. Eadem siquidem prærogativa Beneventanæ Urbis post Sæculum XI. delata, immo potius servata est, qua retroactis temporibus potita fuit; quandoquidem totius olim Principatus Caput, atque Sedes officinam monetariam sub Principibus suis habere consueverat, ex qua præcipuè Italicæ monetæ, quæ ubique in commercio esset, perennis copia potissimum proferebatur. Non inviti autem Romani Pontifices, dum eam Urbem sibi subditam habere coepissent, eandem ei prærogativam, vel tacito consensu, vel privilegio facto, confirmasse dicendi sunt; dum ea res non solum Urbis nobilitati congrueret, sed in commercii quoque commodum, utilitatemque redundaret. Vix enim Pontificia moneta sufficere, vel non satis promptè, opportunèque Beneventanis suppeditari poterat, qui a reliquarum regionum, sive Provinciarum Sedi Apostolicæ subditarum finibus longius positi, alieni etiam domini interjacentibus spatiis tunc sejungebantur. Adde nunc, quod a Vignolio, Floravante, Muratorio observatum est, a tempore Paschalis PP. II., a Sæculo scilicet XI. nullos per tria ferme Sæcula in posterum ab ipsis Romanis Pontificibus cufos apparere Nummos; eam scilicet auctoritatem Populo Romano sibi vindicante, qui Arnaldi Brixiani verbis seductus, rebellionem adversus Petri successores, legitimos Urbis Dominos, primum instituit, Remp. nempe, atque Senatum in antiqua jura restituere ausus, inter eas turbas monetæ quoque Romanæ jus, atque usum arripuit. Potuerunt igitur Beneventani per eadem tempora, sed non eodem perduellium Romanorum exemplo ducti, ad supplendam Monetæ Romanæ penuriam, atque ad commercii sui utilitatem, proprios sibi Nummos cudisse, salvâ erga Romanos Pontifices non suâ tantum reverentiâ, sed servatâ etiam subjectonis notâ, quam in iisdem nummis insculptam voluerunt.

Neminem itaque dubitaturum reor, quin, quæ in media area, seu orbiculo, aut globulo prioris nummi insculptæ spectantur, *Claves* illæ sint, rudi quidem (ut ætas illa ferebat) formâ expressæ, sed quæ non aliam, quam Clavium effigiem nobis exhibere queat. Nihil enim turbare debet, quod eadem claves non sint *decussatæ*, quales in antiquis plerisque Romanorum Pontificum Nummis adhibitas, hodieque intuemur. Nam de Clavium insigni, atque forma, ad Pontificios Nummos quod attinet, distinguenda temporum conditio est: Nullus profectò ante Sæculum XI. Pontificum Romanorum Nummus inspiciendas nobis Claves offert (3). Nullum igitur Beneventanis exemplum præverat, quo ipsi, ut *decussatas* potius, quàm *erectas* claves in suis Nummis insculperent, commonescerent. Postea verò quàm Sæculo XIV. Romani Pontifices monetæ jus (uti par erat) sibi revocarunt, jam primus, qui ad nos pervasit, Benedicti XII. nummus Claves ipsas nonnisi *erectas* exhibet: Simillimâ formâ insculptas refert alius Nummus Johannis XXII., cujus tamen Pontificis alius nummus *decussatas* ostendit; quam deinceps formam posteriores omnes Pontificii Nummi fer-

ALTER

G g 2

valse

(1) De Episcopis jus cudendæ monetæ olim habentibus vid. Thomassinum Eccl. Discipl. part. I. lib. I. Hos autem plerumque Episcoporum Nummos protulerunt Le-Blancus, Cangius in Glossario, alique.

(2) Zanettius l. I. pag. 22.

(3) Vid. Pontificiorum Nummorum priorem Classem apud Murator. l. I. pag. 556.

vasse videntur (1): Quare quum noster Nummus intra Sæculi XII. spatia (ut mox videbimus) percussus sit, si non ipse exemplo aliis factus est, ut Claves, atque illas initio erectas, in Pontificii domini argumentum, adhibere cœperit, saltem ex dictis Benedicti XII., Johannifque XXII. posterioribus Nummis, eum communem, receptumque in erectis Clavibus efformandis morem viguisse ostendit.

Præclarissimum autem Pontificiæ tum Dignitatis, tum Potestatis, Dominationisque Insigne, aut Symbolum fuisse tum unam, tum quandoque tres (ut alibi observavi), usitatis vero binas claves, explorata satis res est: idque tum in aliis publicis monumentis, tum præsertim in Nummis signandis obtinuisse satis constat. Perusinae Urbis Nummos exhibens, explicansque Muratorius, quum in postremo, seu quinto argenteo (cujus antica facies Gryphum alatum, Perusinarum insigne, refert, postica verò S. Herculani Perusinarum Patroni inscriptum nomen cum duabus clavibus superiori parte insculptis) ex dictis profectò clavibus, quæ in antecedentibus Nummis desunt, rectè is infert, indicio illas esse, eo tempore, quo Nummus ille post alios cusus fuit, jam tunc Perusinos dominationi temporali Romani Pontificis subsuissè (2): Sic in Anconitanæ Urbis Nummo tertio (3), atque in Alculanæ Nummo secundo, ac tertio (4) claves insculptæ spectantur, Pontificiæ Dominationis testes. Ex quibus illud jam conficitur, non uni Benevento, sed aliis plerisque Urbibus, Romano Pontifici subiectis, jus cudendæ monetæ olim expressum: at illæ vel proprium insigne, seu stemma, vel Sancti Patroni nomen, effigiemve (uti Ancona S. Quiriaci, seu Cyriaci, Alculum S. Emygdii), additis clavibus, insculpere consueverunt: Beneventani verò solum Urbis suæ nomen adhibendum maluerunt, qua epigraphæ clavibus in medio insculptis circumscriptâ, subjectionem suam Sedi Apostolicæ luculentius testatam reddebant.

Quod autem ad percussu nostri Nummi tempus attinet, veri mihi simillimum videtur, Sæculi XIII. spatio non illum excessisse. Hoc ut ita statuam, ipse paullo ante mihi commemoratus Pontifex Honorius in causâ est, non ullo quidem, quod Beneventanis concesserit, quemadmodum Firmanis, cudendæ monetæ Diplomate, sed illo quidem satis celebrato Libro Censuum Romanæ Ecclesiæ, quem is nondum Pontifex, sed ejusdem Ecclesiæ Camerarius nomine Cencius conscripsit ann. MCXCV. In hoc itaque Libro Regalia omnia singillatim recenset, quæ Sedes Apostolica in Urbe Beneventana sibi servavit in hunc modum.

Proprietates, quæ remansit Curia de Regalibus Beneventanis.

Hæc sunt Regalia, quæ in dominicatu Papæ remanserunt. Quatuor molendina de Donno: Duo Molendina de S. Barbara: & Molendina de Burgo: Turres, & Plateaticum Porta Summa: Hortos, & de Turre Ceruola: Plaza de Ponte Majori: & omnes Planas cum Plateatico Piscium. & Foliorum: Tigneta Judæorum (5): Plateaticum de Ponticello, & Pontili: Domos, quæ sunt circa Palatium: Alanatum totum, & Salicetum de Ponte leproso, & Vineas Scultais, & Vineas de Nardia, & Vineas de Cirlo, & Vineas Principis: Isela de Cellarulo (6): Cumposita: Pratum Dominicum: Viridarium: Balneum: & Furnum: Planca Piscium: & Curatura de Brudo Porta Rufina: Vineam de Cantaro: Terra de vinea Veterana: Ecclesias omnes: Vineas de Cellarulo medietatem: Domum Christiani de Burgo Porta Aurea: MONETAM: & Elektam, idest Bannum: Medietas reddituum de Placitis, de Forfaturis, & Scadentiis Peregrinorum, & Extraneorum: Scadentia Beneven-

(1) Murat. l. I. pag. 576. num. I. VII. & VIII.

(2) D. Dissert. XXVII. pag. 715. & pag. 720. in Nummis Perusinae num. VI.

(3) Ibidem pag. 654.

(4) Ibidem pag. 860.

(5) Fortasse scriptum erat: Tributa, aut Tindura, aut Tindia; quod nunc etiam dicimus a verbo tingere: quum scilicet Judæi tunc Beneventum incolentes, ex ea, quam callerent, excercentque, pannos, telas, aliaque ejusmodi tingendi arte, tributum pendere tenebantur. Sic in Diplomate Imp. Frederici II. an. 1210. apud Rochum Pirum in Archiep. Panormit. *Donamus totam tindiam nostram ipsius Civitatis . . . cum fundico &c.* & infra: *Omnia jura ipsorum Judæorum, & redditus ipsius tindie &c.* Judæi autem Beneventum incolere ulque ad annum MDXI. quo anno a Napoli, atque universo Regno expulsi sunt. Vid. Summontium Istor. tom. IV. pag. 85.

(6) Quam sint antiqua hæc tum Isela, tum Cellaruli vocabula ex hoc loco discimus: Ac Cellaruli quidem loco proprium ad ripam Caloris, (quæ Sabbatus in illum influit) ita fortasse dictum a Cellulis, sive Ediculis antiquitus ibidem constructis, quarum rudera, ac vestigia passim apparent; inter quæ paucis ante annis Ruri Dominorum de Mariella Pavimentum palmorum XX. quaquaversum detectum fuit, musivo opere varia animalia, aliisque ornatus eleganter elaboratos repræsentans; sed effodiendi imperitiâ (cui subsidium præbuit eruditissimus, ac postea Eminentissimus Furletius in suo præclaro Opere de Musivis cap. II. pag. 32.) partim in suos primigenios lapillos dissolutum evanuit, partim congesta rursu humo, obrutus jacet. Ad vocabulum Isela quod attinet, nullum ipsius in Cangiano Glossario vestigium. Nos adhuc eam terram, seu agrum vocamus Iscam, quæ plana sit, & flumine alluatur; uti de Isela Cellaruli satis constat.

neventanorum tota (1). Gratum fortasse hæc audisse fuerit, ut certò sciremus, quæ olim in subdita Urbe Benevento Apostolicæ Sedis Regalia fuerint (2). Quod præsentis argumenti caput est, habemus MONETAM, cujus *propietas Curia* (idest Pontificiæ Potestati) *relicta* fuit: Opinari igitur æquum est, ante Sæculi XII. exitum jus monetæ cudendæ vel solam penes Civitatem omnimode constituisse, vel pari, communique potestate cum ipsa Curia, seu Camera Apostolica conjunctim Beneventanos exercuisse: Deinceps verò, uti ex dicto Censuali libro rectè liquet, id jus, inter alia Regalia, solis Romanis Pontificibus Dominis adjudicari, servarique coepit.

Sed illud modo perferuari opus erit, quo nomine, qua etiam æstimatione is Nummus, apud Beneventanos olim constitit: Quod ut facilius assequamur, id primò nosse proderit, quo scilicet, quotuplicique monetæ genere per eadem tempora Beneventani uterentur. Tutissimam profectò, et si non undequaque manifestam viam nobis sternit Beneventanus ipse Chronographus Falco, qui Sæculo ineunte XII. floruit. Quatuor igitur monetæ species a Falcone, dum is rerum gestarum narrationes exequitur, obiter commemoratas invenio: scilicet *Romanatus*, *Follares aureos*, *Romefinas*, *Denarios*.

De Romanatis (quorum anno 1130, & 1131. mentio est occasione Horti Rospotonis. per duellum jure Fisci divenditi *pro sexaginta Romanatis*, quam pecuniam Pseudopontifex Anacletus II. Beneventi tunc degens in suam mox crumenam induxit) præclara res est, cum nummum aureum CPolitanum fuisse, ab Imp. Romano Diogene percussum: ut jam videas Augustorum Orientalium nummos etiam in Italico commercio, atque apud Beneventanos diù etiam post, fuisse usitatos. In vetustis Constitutionibus Beneventanæ Ecclesiæ ab Archiepiscopo Hugone II. anno 1371. promulgatis, Archidiacono assignantur in confirmatione Episcopi duo Romanati: *item in consecratione Episcopi*, tantundem. *In confirmatione Abbatis* unus Romanatus: *Item in benedictione ejusdem*, tantundem: Sic Archiepysbytero unus Romanatus; ac subinde aliis ejusdem Ecclesiæ Dignitatibus certa pecuniæ quantitas, seu merces statuitur, uti suo loco dicam, quum de Beneventana Ecclesia differendum erit. Sed & Occidentalium Imperatorum Nummos Beneventi potissimum receptos satis ille probat, *Augustalis* appellatus, cujus non modò in nostris antiquis Chartis, verum etiam in nostris recentioribus Statutis, anno 1588. conditis mentio servata est; pluribus enim in locis, quod multæ nomine solvendum statuitur, non aliud pecuniæ genus, quàm ipsius *Augustalis*, expressum legitur; transducto quidem ex vetustioribus Statutis, ac exinde recepto vocabulo, quando scilicet ea

mone-

(1) Hunc locum integrum disti Libri Censuum Rom. Ecclesiæ a Cencio Camerario compositi edidit Cl. Muratorius in Antiq. Med. Ævi Dissertat. XI. tom. I. pag. 13.

(2) D'xi superius ex Censuali libro Cencii prodita nobis, quæ olim fuerint in Beneventana Urbe Romanæ Sedis Regalia; nam, aliis postea insititis, non eadem nunc esse sanè constat. Molendina omnia in privatorum dominium obvenire, quorum unum, vel alterum levissima annui census pensione Sedem Apostolicam Dominam agnoscat. Plateaticum, & alia quævis Vestigialia, Dationesque, vulgò *Dazii*, in ipsius Civitatis, seu Communitatis jus, dominiumque cesserunt: cui etiam Communitati attributum est emolumentum omne utriusque Cancellariæ, tum Civilis, tum Criminalis Tribunalium tam Pontificii Gubernatoris, quàm Judicis Civilis, qui Vicarii nomine ab eadem Sede judicando præfuit. Quæ hæc de causa, quo tempore facta sint, non est hujus loci longius explicare: quin Pontificia auctoritate gesta sint, nulli dubium est. Longè ante hujus libri Censuali tempus, Pseudopontificis Anacleti II. Diplomate Plateaticum, quod ex Paradiso, seu Atrio, ac Foro Beneventanæ Ecclesiæ Apostolicæ Sedes percipiebat, Archiepiscopo Rossimando, ac Successoribus adjudicatum fuit. Interim ad Pontificium jus, ejusque Regaliæ nunc pertinent Vestigialia illa, quæ Veteres Portoria vocabant, ac *Dogane* nobis nomine appellantur, quæ nuper ipsa Pontificia Sedes eidem Communitati sub certo annui census onere in Emphyteusm concessit: Sunt etiam, præter rusticum Feudum Villæ Francæ, rustica alia, urbanaque prædia, ex quibus eadem Sedes directi domini jure an-

nuos redditus percipit, diversa quidem ab his, quæ in Libro Cencii memorantur; sed ex eo ejusdem Libri Capite profecta, quo ipsa Sedes *medietatem de Forfaturis*, & *Scadentias Peregrinorum*, & *exstantorum*; *Scadentiam* verò Beneventanorum totam sibi servavit: *Scadentiam*, sive *Excadentiam* Du-Gangius interpretatur, *Bona Caduca*, quæ in Fiscum cadunt, seu *ex commissio*, seu *ex alia quavis ratione*. Verius videtur eo nomine significari duntaxat hæreditates hominum, sive Civium, sive Peregrinorum, Advenarumque, qui sine postremis tabulis, & sine legitimis hæredibus decesserint. In nostrorum Principum Diplomatis in Chronico San-Sophiano collectis, plures ab his donationes Ecclesiis factæ leguntur illorum bonorum, quæ ex intestatis hæreditatibus nullos legitimos Successores habentibus ad *Sacrum Palatium* pervenissent: eadem non uno hujus libri loco recitavimus, atque illustravimus. Quid ni igitur, quæ in eorundem Principum suprema jura, dominiumque successerat, hæc quoque antiqua Regalia sibi Pontificia Sedes ritè vindicaverit? Ceterum ad *Commissa* quod attinet, hæc non ad *Scadentias* (ut Gangius putat) sed ad *reditus de Forfaturis* pertinere debent, quos eodem loco *Curia* Romanæ speciatim servatos legimus; atque Bonorum publicationem, sive etiam certam *Multam* indicant, quæ ex patratò delicto in Pontificium Fiscum inferebatur. Vocabulum autem *Forfatura*, sive *Forisfactura* satis obvium apud mediæ ætatis Scriptores ex verbo *Forisfacere* oritur (qua significatione vox *Forisfactura* hodie usurpatum dimanasse videtur); idque verbum Ugutioni *offendere* est, sive *nocere*, quæ *facere foris*, idest *extra rationem*. Vid. eundem Gangium.

moneta vigeat; ut qui multæ reus esset, tantam pecuniæ quantitatem solvendam sibi sciret, quantam olim Augustalis pendebat. Non enim id novum, ut obsoletæ pecuniæ tum nomen, tum valor in commercio remaneat: nostrisque temporibus plures sunt veterum monetarum species, quæ cum ipso nomine usum quoque, etiam imaginarium, atque cum præsentium Nummorum valore æstimandum, retineant; uti de *Libra Sterlingorum* apud Britannos, de *Bononina*, seu *Bolognina* apud Lombardos, de *Ducato Aureo de Camera* apud Romanos, deque aliis satis constat. Fuit autem *Augustalis* Nummus aureus ab Imp. Friderico II. percussus, quem in Apuliæ, Siciliæque commercio, ejusdem Imperatoris jussu quàm frequentissimè positum testatur Richardus a S. Germano in Chronico ad annum MCCXX. hisce verbis. *Nummi aurei, qui Augustales vocantur, de mandato Imperatoris in utraque Sicilia Brundisii, & Messane cudentur: paulòque inferius: Mense Junii quidam Thomas de Pando novam monetam auri, quæ Augustalis dicitur, ad S. Germanum detulit, distribuendam per totam Abbatiam. . . . & ipsa moneta utuntur homines in emptionibus, & venditionibus suis juxta valorem ei ab Imperiali providentia constitutum, ut quilibet Nummus aureus recipiatur, & expendatur pro quarta uncie. . . . annotata figura Augustalis erat, habens ab uno latere caput hominis cum media facie (idest obliqua, sive ex una parte apparente, cujus caput laureatum, & a collo ad pectus paludamento contextum), & in alia Aquilam, quæ scilicet obtorto collo alas expandit. Nihil Richardi testimonio sincerius, atque præclarius, ut non solum otiosæ, sed importunæ videri debeant, quæ de ejus Nummi appellatione, ac valore plerisque observasse libuit (1). Sed ad Falconem redire præstat.*

Alias tres simul monetas, dum Regis Rogerii res gestas prosequitur, ita Falco memorat. *Inter cetera suarum dispositionum Edictum terribile induxit, totius Italiae partibus abhorrendum, & morti proximum, & egestati, scilicet ut nemo in toto ejus Regno viventium Romefinas accipiat, & in mercatibus distribuatur; & mortali consilio accepto, monetam suam introduxit, unam vero, cui Ducatus nomen imposuit, octo Romefinas valentem, quæ magis magisque area, quàm argentea probata tenebatur: induxit etiam tres Follares æreos, Romefinam unam appetiatis; de quibus horribilibus monetis totus Italicus Populus paupertati, & miseriæ postus est, & oppressus; & de Regis illius actibus mortiferis mortem ejus, & depositionem Regni optabat. Habemus igitur Ducatum, novum monetæ genus a Rogerio inventum, eo nomine propterea appellatum, quod ab eo fortasse tempore, quo Rogerius Ducis titulo præditus tantum erat, cuius ab ipso fuerit; vel quia Rex inauguratus, pristinae dignitatis memoriam servatam voluerit; vel demum eo vocabulo Nummi valorem, numerumque ipsum denarium indicaverit; atque ut Nummum ipsum a reliquis Denariis argenteis distingueret, Ducatum elegantius, quàm Decatum appellavit: Mansit enim ab eo tempore, hodieque inter alias Neapolitanas monetas viget Ducatus; qui Nummus decem denariorum argenteorum, quos Carolinos, sive Carolinos dixerunt, valorem exæquat. Habemus præterea Follares æreos, in quibus id tantum novi, iniquique Rogerius induxit, ut cum tribus ipsis Romefina una compararetur, seu appenderetur: antiquissimum autem Follarium nomen, usumque fuisse constat, tum ex ære, tum*

(1) Hujus Nummi effigiem exhibet Cangius in suo Glossario v. *Augustalis*, quem etiam *Augustarium* olim dictum observat; nunquam verò *Agostalem*, ut mavult Muratorius in dicta Dissert. xxvii. pag. 788. ex Joannis Villanei loco, qui Hist. lib. vi. cap. 21. hæc de illo sature. *L' Agostaro d' oro valea l' uno d' un Fiorino, e quarto d' oro; e dall' uno lato dell' Agostaro era improntato el viso dello Imperatore, e dall' altro un' Aquila al modo de' Cesari antichi; ed era grosso di Carati venti a paragone.* Nam Villaneus, vernaculâ, seu ita lica vulgari linguâ scribenti nummus ipse *Agostaro* vocatus, derivatus fuit ex latino *Augustario*; sicuti ab *Augusto* latino, est italicus *Agosto*: Non itaque ex solo *Agostaro* Villanei (dum latina exempla omnino desunt) *Agostalem* latinum coningere sibi debuit Muratorius. Ita verò appellatos *Augustales*, quod ab *Augusto* Friderico cusi, ejusdem effigiem præferrent, non nisi hanc rudis vulgi opinionem esse, idem Muratorius censet; qui ejusdem Villanei verbis, atque Apostoli Zeni monitu, sic vocatos ait, non ab *Augusto* Friderico, sed ab *Augusto Cesare*, cujus vultum in numismate Frideri-

cus expressit. Unde verò id probari queat, prorsus ignoro. Ex ipso nummo, satis rudi formâ signato, sive *Augusti Cesaris*, sive ipsius *Augusti Friderici* faciem aut agnoscere, aut distinguere nemo certè sciverit. Hanc verò fuisse Friderici mentem, aut consilium, dicere, non aliud, quàm divinasse erit; immo nulla ratio tunc suberat, cur alterum magis, quàm seipsum repræsentare Fridericus voluerit; quasi non & ipse, ut olim *Cæsar*, tum nomine, tum re *Augustus* tunc esset: Qua quidem ex Dignitate sua cum nummum *Augustalem* appellavit, quemadmodum *Imperiales* tunc etiam alii nummi dicebantur ab decessoribus *Augustis* cusi, quorum est mentio in Diplomate Honorii III. superius à nobis recitato, quo Firmianis officina monetaria conceditur: ad quorum certè *Imperialium* jamdiu extantium differentiam, novam, quam is cussit monetam, *Augustalem* vocari præcepit Fridericus; itaut ea vocabuli diversitas, etiam eandem significaret dignitatem, ipsum tamen Friderici Nummum speciatim indicaret.

tum ex argento, ut idcirco *Follares* aereos memorasse Falco noster debuerit (1). Quod Beneventanos spectat, Apostolicæ Sedis subditos, qui fuerit ejus rei successus, Falco idem post alia subtexuit: *delegationem* scilicet a Rogerio Johanni S. R. E. Subdiacono, ac Beneventano Rectori, ut *monetas illas intra Civitatem susciperet*: tum Beneventanos Cives, ne contra jus, fasque Regiâ impotentia opprimerentur, Romani Pontificis opem, auctoritatemque interpellasse: Pontificem verò, *de factis Regis*, ac *Monetarum suarum inventionibus ne terrentur*, quoniam *transitura sunt*, & *cito possunt emendari*, seque non modò præsentibus avertendis calamitatibus, sed in Beneventanorum quoque commoda universa sedulo prospecturum, respondisse. An *emendata* deinde res fuerit, ex Falcone haud nosse datur, cujus Chronici, ad eam rem pertingentis, pars reliqua perijt. Pronius est, ut affirmemus, gravioribus negotiis in illa temporum difficultate Pontificiam mentem, animumque aliò avocantibus, *emendatam* rem tunc relictam, Beneventanosque Cives in ejusmodi Monetarum receptione, universi Italici populi fortunam fuisse.

De *Romesinis* nunc dicendum, cujus pecuniæ genus Beneventi tunc usitatissimum Falco demonstrat: Et mirum quidem, nullibi ejus pecuniæ mentionem hactenus occurrisse, quam nisi unus nobis Falco servasset, extitisse olim *Romesinas* prorsus nesciremus. Non enim peculiaris quedam Beneventanorum pecunia fuisse illa existimari debet, quam proprium nomen *Rome* percussam, indeque in Italiæ Cistiberinæ commercio positam satis probat Rogerii interdictum, ut *nemo in toto ejus Regno viventium Romesinas accipiat*. Ex solo itaque Falconis testimonio id pecuniæ vocabulum Glossario suo adtexuit Cangius, atque ex Cangio didicisse satis habuit Muratorius (2). Ac Muratorius quidem in ea sententia est, ut ea pecunia inter nummos *vili metalli* recenseri debeat, proptereaquod, eodem teste Falcone, ad annum MCCCXIX. Barenfes oblatione pressi ab eodem Rege Rogerio, *emerent panem unum sex Romesinis*. At ex ipso recitato Falconis loco contrarium potius de ejus pecuniæ metallo, ac valore Vir doctus argumentari, ac definire debuisset: Si enim in ea oblatione Barenfes Cives (ut Falco commemorat) *famis asperitatem*, & *stetis sustinentes*, *panem unum sex Romesinis* emebant, & *carum equorum comedeant*, certissimum illud consequitur, *Romesinas* non ex ære, sed argento constituisse; quid enim *asperitatis* talissent Barenfes, qui ad equinæ carnis comedendæ necessitatem redacti, sex solis alioqui nummis æreis (quod in ea rerum angustia leve addidum, immo vilissimum pretium reputandum erit) panem unum sibi facile comparare putissent? Adde nunc, *Ducatum* a Rogerio invectum, monetam scilicet argenteam, octo *Romesinis* ab eo æstimatam, & rursus tres *Follares aereos* ad unius *Romesina* valorem adauctos, ut jam certum, persuasumque nobis manere debeat, *Romesinam* non ex *vili metallo* constituisse, sed argentei nummi genus omnino fuisse, qui Denarii argentei loco esset, sive decem obolorum valorem contineret.

Sed jamdemum de *Denario* ipso agendum superest. Meminit speciatim ejus Nummi idem Falco ad An. MCCCXIV. quum ait: *Hoc anno tanta fuit fertilitas vini, quod nobis, & multis aliis videntibus, centum Sauma pro triginta denariis vendebantur* (3). Errorem certè vel in *Saumarum*, vel in *Denariorum* numero admissum ab Amanuensis reor; si enim *Sauma*, seu *Sagmus* (quæ nunc

(1) Aureos quoque *Follares* admisit Gutherius de Offic. Dom. Aug. lib. III. cap. 17., quem tamen Eruditi omnes deceptum volunt. Ceterum *Follares* (quos *Folles* antiqui dicebant, uti apud S. Augustinum De Civ. Dei Lib. XXI. cap. 8., Ammianum Marcellinum in Chron. ad an. 498., & veterem Inscriptionem Græcorum pag. 810. num. 1. alioque) sive *Follerales*, & *Follera*, uti sequior ætas vocabat; ita a Saculis, in quibus recondantur, dictos affirmat Papias; non alios verò æreos, quam ipsos obolos fuisse tradit Svidas. De *Follam* tum æreorum, tum argenteorum valore quædam adnotavit Sirmundus ad S. Augustini Sermone XL.: Plurimæ verò observavit Petavius in Diatriba in S. Epiphaniæ opusculum De *Menfuris*, & *Ponderibus*.

(2) In Dissert. xxvi. II. De *diversis Pecuniæ generibus* Græc. Antiq. Med. Ævi tom. II. pag. 826.

(3) Meminit quoque *Denariorum* Falco ad An. 1137. sive potius Denarii memorantur in Privilegiis Regis Rogerii, qui (uti in exemplo a Falcone recitato legi-

tur) Beneventanis dimittit, & *condonat fidantias subscriptas, videlicet Denariorum redditus, salutes, angarias, terraticum, herbaticum, carnaticum, kalendaticum, vinum, olivas, relevium* Græc. Sic eodem anno Comes Rogerius de Ariano, flagitante apud Imp. Lotharium tunc in Beneventanis finibus agentem Innocentio PP. II., ab eodem Augusto jussu jurejurando cum multis suis Baronibus pollicitus est, se a Beneventanis non abieturum deinceps *fidantias, terraticum, olivas, vinum, salutes, nec ullam dationem... nec mercatum Civitati disturbaturum* Græc. Ut videas, Beneventanos per ea tempora non ab ipso tantum Rogerio Rege, sed a finitimis quoque Baronibus undique divexatos; qui ab ejusmodi calamitatibus ut se relevarent, non Regis Rogerii subditos, uti a Neapolitanis anno 1140. factum refert idem Falco, sed auxiliares se declarasse. Fuit siquidem hoc perpetuum Beneventanorum studium, immortalis laus erit, a Sedis Apostolicæ fide semel præstita nunquam defecisse, futuros certè, quo nomine gloriantur, perpetuos B. Petri Fideles.

nunc nobis *Salma*, & *Soma*) onus erat, quæ equis, asinisque vehenda imponebatur (1), quis credat, tantum pro centum *Saumis* pecuniæ, seu pretii ab emptoribus persolutum, quantum pro colligendis, exprimendisque uvis ad decem vini *Saumis* vix venditoribus sufficissent? Quamvis vero Denarius tum argenteus, tum æreus esset, immò pro minutiore moneta, seu minimo omnium nummo acceptus aliquando fuerit; quâ certè nomenclaturâ simul, & æstimatione Johannes de Cabrospino, Apostolicæ Sedis Nuncius medio sæculo xiv. Denarium reputasse legitur, in illa speciali Nummorum omnium recensione, quam pro Regno Sicilia citra Pharium, evulgavit, sic aiens. In Regno Sicilia citra Pharium maximè, Libra est lx. Carlenorum Liliatorum. Tarenus est duorum Carlenorum. Carlenus valet x. grana. Granum valet sex Denarios (2): atque hæc etiamnum Denarii species in usu sit, minimus videlicet æreus Nummus, sextam oboli, seu assis ærei, idest Neapolitani *Grani* partem duntaxat attingens; haud quidem veteribus ignotus, aut infuetus; dum apud Macrobius *Denarii* in puerorum lusu ponuntur, & quæ in Marci Evangelio cap. xi. *ἀπὸ δύο*, in Lucæ x. *δύο δηνάρια*, duo Denarios a Falcone memoratos, nulla metalli mentione adjecta, uti de Follariis fecit, nonnisi argenteos fuisse; servatâ scilicet usitatore ejusdem Nummi significatione, quam inferior ætas a prisca Romanis excepit; apud quos Denarium suomet nomine argenteum Nummum, primò decem assibus æstimatum, fuisse satis constat (3).

An igitur, qui nuper in lucem prodit, estque a me nuncprimum vulgatus argenteus Nummus, BENEVENTI nomine, ac *Clavium* effigie signatus, ipse fortasse *Denarius* fuerit, usitator olim Beneventanorum Nummus, quem in sua officina percussus, atque a Pontificiis *Romefnis* omnino diversum, solo *Denarii* nomine in proprio commercio ipsi aliquando adhibuerint? Non id certè, nisi conjecturæ loco præstitum a me velim; illud interea certum, talem nobis præstò esse, manibusque contrectari Nummum, qui non modò suomet aspectu ad veteres Beneventanos, Sedis Apostolicæ subditos, omnino referri, verum etiam propriâ, quâ percussus fuit, formâ, pluris apud Eruditos æstimari debeat. Nihil tandem eo Nummo jucundius, nihil opportunius ad manus pervenisse potuit; quandoquidem mihi in illustrandis Longobardici ævi, Principatusque Nummis longo labore antea perfuncto, hanc novam occasionem attulit, ut in inferiorem ætatem, seu Pontificium ævum progressus, absolutissimam universæ Rei Nummarie ad Beneventanam Urbem pertinentis tractationem cumulatius exequerer.

DISSER-

(1) Vide exempla apud Cangium in d. vocabulo *Saumis*.

(2) In charta ex MS. codice Jacobi Grimaldi descripta a Muratorio d. Dissert. xxviii. p. 784.

(3) Sic Varro de ævo suo scribens Lib. iv. De L. L. *Denarii*, quod denos æres valebant. Sic etiam Charisius Lib. i. *Sesterius* unde appelleretur, solet quæri, quod manifestum erit, si sciamus, apud antiquos Denarium

decem asses habuisse: ideoque in rationibus faciendis Denarium decussis x. indultum notamus, cujus quarta pars dupondius semis, sextertius dicitur, quod de tribus assibus semis deficiat. Quamvis vero ad asses sexdecim Denarii valor adaugetur deinde fuerit, primævam tamen, uti etiam sesterius, retinuit appellationem. Vid. Volsum in Etymol.



DISSERTATIO IV.

De Legibus Longobardorum.

CAPUT I.

Longobardis Italicarum Rerum positis, Romanum Jus filere coepit: Illorum Leges, seu Consuetudines longo tempore, ac sola traditione, memoriaque servata, scriptis denique à Rege Rothari traditæ, ab eoque, aliisque Regibus, subinde à Francis, Germanisque auctæ, Juris Longobardici Codicem pepererunt. Eiusdem Juris, pro temporum ratione, præstantia ostenditur; cuius etiam apud volentes Italos diutina ad quinque ampliusque Secula, præ Jure Romano, observantia viguit. Qua de Duelli permissu, Poenisque pro quovis crimine pecuniariis objici solent, diluuntur. De Legislationis Ritu apud Longobardos servato, Virorum doctorum judicium, atque laudes. Idem Ritus, atque auctoritas post Reges Longobardicos ad Beneventanos Principes translata: Horum, sicut decessorum Regum, Leges ad Religionem pertinentes illustrantur.



OMANI Juris fata, Romanis declinantibus Rebus, nil opus est, heic longo sermone edisserere post Viros doctissimos, quorum operâ satis de ea re, præclarissimæque est tractatio instituta. Id modò observandum accuratius erit, quid tandem de Romanis Legibus actum sit, tum quum post aliarum Gentium Barbararum incursiones Longobardi in media Italia Lares sibi, atque Imperium constituerint. Quo in argumento erunt fortasse, qui me non satis providè, immo temerè, imprudenterque ejusmodi operam suscepisse judicabunt, quia Longobardorum nomini invidiam magis, quàm laudem ullam conquississe laborarim. Quid enim? Quotquot ante Gothicum ævum

Barbari in Italiam invaserunt, eos quidem universos, si rerum gestarum monumenta penitiùs spectare velimus, solo Romano Jure incolumi, cæteris rebus omnibus vastationes, clades, interitum attulisse reperiemus; non quòd ejus Juris dignitati, sivè sanctitati parcendum sibi existimarint; sed quòd crebri illorum adventus, discessusque, ac succedentes sibi veluti inundationes, barbaricas simul Leges in Italiam invehere, aut constabilire nequiverint. Ad Gothos verò quum ventum est, nihil felicius, aut certè commodius Romano Juri contigisse visum fuit; cui Juri illa Gens non solùm derogandum noluit, sed quò magis fieri potuit, vetustos Romanorum Magistratuum titulos, munera, dignitatem, servanda curavit. Id certè sub elegantioris ingenii, animique caltioris viro, Theodorico Rege, quàm maxime obtinuit: Is enim in Edicti sui Proœmio, querelas ad se plurimas pervenisse præfatur, quod intra Provincias nonnulli Legum præcepta calcarent, atque pleraque pro eorum temporum, rerumque publicarum subortis rationibus speciatim, appositèque adjicere aggressus, eadem non, nisi salva Juri Publici reverentia, & Legibus omnibus cunctorum devotione servandis, edicere profitetur (1). Præcipuam itaque, integramque Juri publico, hoc est Romano auctoritatem servandam, devotionem præterea Romanis Legibus ab universis Populis præstandam jubebat Theodoricus in eunte Sæculo VI.; quo quidem Sæculo longius progresso, major eidem Juri accessisse vis, atque dignitas videbatur Imperatoris Justiniani operâ, qui pluribus ex fontibus ad id tempus copiosius quidem, sed turbulentius effusum, intra certos limites, statutumque veluti sinum coercuit, selectisque, atque simul digestis potioribus, opportuniolibusque Legibus, in unum Corpus redegit: Variam ea de re nominis famam Justinianus apud posteros nactus est, quorum alii ex eo reprehendunt, quod ingentia illa Juris universi volumina, quibus genuina veteris Jurisprudentiæ facies repræsentabatur, multaque alia eruditionis Capita continebantur, exin neglecta, ac magna ex parte deperdita, nobis desideranda reliquerit: Alii verò probandum consilium, atque in opere difficillimo, ac Fori,

ALTER

H h

Reique

(1) Edictum Regis Theodorici apud Cassiodorum pag. 651. edit. Coloniz 1656.

Reique publicæ commodis maxime consentaneo laudandam Justiniani diligentiam jure merito arbitrantur. Sed qui Gothos Romani Juris cultores in Italia defendos voluit Justinianus, nolens ipse tum Italiam, tum Jus Romanum in æquum discrimen adduxit; utrique enim irruentes paullo post Longobardi extremum interitum attulerunt.

Longobardi igitur postquam rerum potiti fuerunt, sive quod, primo Rege Alboino defuncto, in decem illis subsequente Anarchiæ annis, effreni suorum Ducum impotentia ad ceteras Italiæ calamitates, non quievisse tantum, sed omnes planè Leges intercidisse debuerint; sive quod superstitem earum memoriam, atque auctoritatem odio, ac contemptui habuerint, partim ex rudi tum, agrestique ingenio, partim ex suscepta in illarum auctores simultate, ne scilicet cum Romani Juris observantia adhuc Constantinopolitani Imperatores suis Legibus Italiæ dominari viderentur; satius sibi duxerunt novas condere Leges, quæ post confirmatum sibi Italicum Regnum, subditis Populis servandæ proponerentur. Id certè Rotharis consilium fuisse videtur; qui Anno dcccxxvi. Rex à Longobardis salutatus, octennio post, idest Anno dcccxlvi. novi omnino Juris auctor esse voluit, quod plurimis Legibus compositum, *Edicti* nomine promulgavit: Nulla quidem in ejus Edicti præfatio Romanarum Legum, quarum apud Italos vel observantia aliqua, vel saltem recordatio vigeat, mentio à Rothari facta est; nulla, inquam, Romani Juris ratio, atque dignitas apud Rotharum valuit, quem potius mireris, in id unum, animum, auctoritatemque suam contulisse, ut ex propria Gentis moribus, ac consuetudinibus Jus scriptum constitueret: *Necessarium esse prospeximus (ait) præsentem corrigere, & componere Legem, quæ priores omnes & removeat, & emendet, & quod deest, adjiciat, & quod est superfluum, abscindat, & in unum providimus volumen complectendam, quatenus licent cuique, salva lege, & justitia, quietè vivere, & propter operationem contra inimicos laborare (fortasse liberari), seque, suosque defendere fines* (1). Removendas, emendandasque priores Leges omnes primo loco jubet Rotharis, earumque vitio vertit, quod partim deficientes essent, partim superflue: Jamverò de Romanis Legibus (præsertim post Justinianæ Juris Corpus, quod jamdudum in Italia percrebruisse debuerat) non ipse loquutus Rotharis dicendus est, quippe quæ ob rationes superius observatas, ubique ferme obsoletæ jam suo ævo haberentur: Patrias igitur respexit Leges, quibus ad id tempus, ex quo in Italia confederant, Longobardi utebantur: Longobardis autem Legum vice erant antiquæ Consuetudines quedam, à Majoribus investæ, & solâ traditione servatæ, quibus Judicia omnia tam Civilia, tum Criminalia, satis celeri, quandoque tumultuaria cognitione expediebantur. Contractus quoque omnes, Testamentaque celebrabantur secundum Jura naturæ, & Gentium, Avorumque exempla: quæ tamen omnia ex illiteratæ Gentis ruditate, non dum ad cultiores mores, disciplinasque composita, potentiorum violentiis, privatorum fraudibus, Judicum arbitrio subdebantur. Heinc, uti diximus, Rotharis Longobardorum Remp. certis, conscriptisque Legibus utiliùs regendam animadvertens, non solum Leges (uti Paulus Diaconus de eo tradit), quas solâ memoria, & usu retinebant, scriptorum serie composuit, Codicemque ipsum Edictum appellari fecit (2); verum etiam, eodem ipso Rothari testante, plurimis remotis, emendatis, rescissis, aliisque adjectis, atque promulgatis, novi, ac scripti Juris auctorem, ac conditorem se præstitit.

At, inquires, post septuaginta propè Italici Regni annos adhuc illiterati, scribendique ignari Longobardi, ut ipsas Leges, quibus viverent, referre in tabulas vel nescirent, vel etiam negligerent? Ita quidem: Non eam rem Paulus (uti paullo ante audivimus) dissimulavit: sed nec manifestam prodidisse pudit Legislatorem ipsum Rotharum, qui in Edicti fine sic loquitur: *Leges Patrum nostrorum, quæ scriptæ non erant, condidimus... augentes constituimus, & in hoc membranum scribere constituimus*. Quin etiam Rotharis ipse, post traditas in Prologo Edicti ejusdem promulgandi rationes, alterum (quod æquè miremur) de Gentis suæ ruditate testimonium prodit, parem necessariè item rei providentiam conferre conatus. Nihil ad ea usque tempora apud Longobardos aut Codicum, aut Membranarum erat, quibus Originis, Regum, rerumque suarum fides, ac memoria conscripta constaret: omnia majorum ore tradita, auribusque excepta posteris demandabantur: Heinc Rotharis à Legibus jam exorsus, id præterea negotii sibi fecit, ut in eodem Prologo decessorum Regum nomina, seriemque contexeret: *Utile perspeximus pro futuro temporis memoria nomina Regum antecessorum nostrorum, ex quo in Gente nostra Longobardorum Reges nominasti coeperunt esse*,

(1) Ex Codice Legum Longobardicarum. Inter Scrip-
tor. Ital. Muratorii tom. I. part. II. pag. 17.

(2) Paul. Diac. De Gest. Longob. lib. IV. cap. XLIV.

esse, memorari, in quantum per antiquos homines didicimus, & in hac membrana adnotari iussimus. Atque ex hoc fonte eorundem Regum nomina, successionesque Paullus Diaconus in Historiam suam derivasse affirmat Lib. v. Cap. xxi., plurima & ipse attexens ad Longobardorum suorum origines, priorumque temporum eventus, gestasque res pertinentia, quæ tamen ex sola fama, sive antiquorum traditionibus se enarrare, ac scribere passim testatur (1). Interim vides Regem Rotharim adeò Scriptorum, immo & membranarum inopem, ut in altera ipsa re paris utilitatis, atque nobilitatis, literis consignanda, eodem sui Edicti Prologo, eademque membranâ uti debuerit. Sed ea tum temporum erat infelicitas: Quæ tamen nihil obfuit, quin felicibus auspiciis facta Juris Longobardici fundamenta haberentur.

Regis itaque Rotharis Edicti Grimoaldus è Beneventano Ducatu ad Italicum Regnum evectus, plures Anno dclxviii. adstruxit Leges, ajens, pleraque in eo Edicto occurrere, quæ dura, & iniqua videbantur, proindeque in id consilii devenisse, ut ad meliorem statum, quem sequuta temporum ratio, cultioresque mores postulerent, corrigeret, atque revocaret (2). Grimoaldi exemplum, sive, ut ait, normam sectatus Rex Liutprandus An. dccciii. supremam Juri Longobardico imponere manum conatus est: nam quæ postea à Rege Rachisio Anno dcccxvi., ac postremò à Rege Aistulpho An. dccciv. eidem Codici, sive Edicto adjectæ sunt Leges, exiguae numero, rebusque ipsis leves, vix appendicis loco haberi merentur: Coeptum à Liutprando Opus dicto Anno dccciii., qui & primus ejus Regni fuit; tum deinceps quinto, octavo, nono, decimo, ac duodecimo, sexies videlicet, totidem, idest sex Libros Legum promulgavit (3): His itaque gradibus, sive additamentis Jus Longobardicum ita adolevit, ut jam Corpore suo præstans, validissimas vires in Italico solo, altasque veluti radices sibi fingeret; quibus factum est, ut melioribus, quàm quæ Juri Romano contigerant, fatis, partim subjectionis necessitate, partim recepti usus successione, partim denique utilitate illa, quam temporum rationes ferebant, diutissimam sibi auctoritatem compararet; Populusque Italicus, etsi Longobardica dominatione solutus, legibus tamen obnoxius, ad plura dein sæcula Longobardicum se adhuc profiteri gavissus sit.

Ac mirum illud profectò, ut post Longobardici Regni interitum, Longobardicæ nihilominus Leges dominari deinceps in Italia sinerentur. Et Carolus quidem Magnus postquam rerum potius est, nihil in ipsa Italia, quod ad Leges pertinebat, immutandum sibi dixit. Credidisset quis, cum suis auctoribus conterendas simul Longobardicarum Legum tabulas, ac restitutam optasset, dignam Italico populo, atque olim consuetam, Romani Juris observantiam: nihil quippe dignius Carolo, nihil tunc agi à Carolo facilius poterat; cui tamen diversâ omnino sententia fuit; sive quòd non id è re sua fore animadvertisset, sive quòd Longobardicis Legibus ubique obtinentibus, tenuia tantùm, atque exigua repererit Romani Juris vestigia; sive demum, quòd ipse Romani Juris ignarus, non ipsum pluris æstimavit, quàm peculiaries illas Leges alias, quæ cum ipsis novis Dominis, idest Francis, colluviem veluti quandam in Italiam fecisse videbantur. Et sanè Carolus non Longobardicum Jus solum, quod commune Italis, ac velut patrium jam evaserat, in Italia perstitisse, verum etiam plures alias peregrinas Leges eò confluisse permisit, quas ipsi scilicet Franci, Germani, alique Populi, qui vel militiæ, vel munerum, vel mercimonii causa in Italia lares suos statuere coeperunt, secum invexerant. Heinc Leges, *Salica*, *Ribuaria*, sive *Ripuarica*, *Bajovarica*, sive *Bavarica*, & *Alamannica*, quas singularum ejusmodi Gentium homines in media Italia seorsum profitebantur. Tantum præterea abest, ut inter hæc Carolus de Romanis Legibus in usum revocandis cogitaverit, ut, quemadmodum suis Francis proprias edixit Leges, *Capitularium* nomine satis notas, ita Rex Italiæ, sive (uti se inscribebat) Rex Longobardorum constitutus, alias ipse leges Italis dictaverit, alias deinceps dictandi exemplum Pippino, & Ludovico successoribus Italiæ Regibus reliquerit; quibus Legibus in eundem Longobardici Juris Codicem relatis, maxima eidem Juri accessio facta est, simulque auctoritas confirmata.

Ad Jus verò Romanum quod attinet, æquius denique de ipso judicari coeptum est, postquam inter alias supradictas Leges id saltem promeruit, ut parem cum illis locum, suos scilicet cultores, sive sectatores obtineret. Id primum sub Pippino factum videtur, qui pa-

ALTER

H h 2

terni

(1) Quid inter Rotharis Catalogum, Paullique Diaconi narrationes de priorum Regum Longobardorum nominibus, ac successibus, discordiæ sit, diligenter observavit Cl. Blancus in Commentar. ad lib. i. c. xiv.

not. 99. Tom. i. part. i. Scriptorum Italic. pag. 413.

(2) Ex Prologo ejusdem Regis Grimoaldi suis legibus præmissio, in d. Codice LL. Long. pag. 89.

(3) In eodem Codice à pag. 55. ad pag. 88.

terni Italici Regni successor, Patrisque exemplo excellentissimum Gentis Longobardorum Regem se appellare, atque inscribere gaudens, plurimas tulit Leges, in quibus illa est Romani Juris instauratrix, his verbis concepta. Sicut Consuetudo nostra est, ut Longobardus, aut Romanus, si euerit, quod causam inter se habeant, observamus, ut Romani successores juxta illorum Legem habeant; similiter & omnes scriptiones secundum Legem suam faciant; & quando jurant, juxta legem suam jurent: Et alii similiter: & quando componunt, juxta Legem ipsius, cujus malum fecerint, componant. Et Longobardos, illos condemit similiter componere (1). Illam igitur, quæ obtinere cœperat, Consuetudinem scriptâ Lege roborandam voluit Pippinus, ut Romani scilicet, quo vocabulo Itali omnes originarii intelligendi sunt, Romanis Legibus Successores habere, idest testatas, intestatasve hereditates capere, contractus, juramenta, ceterosque publicos, privatosque actus celebrare permitterentur: idque non inter sese duntaxat servandum; sed etiam, si inter Romanos, Longobardosque lis ageretur, Romanis Legibus judicandum tunc esset; excepto criminali judicio, in quo non ipsius Rei, sed accusatoris Lex quoad poenæ, damnique præstationem servanda erat. Prædicta omnia tum de Longobardis, tum de aliis similiter, qui suis Legibus vivebant, æquo jure constituta declarantur; quin & ipse Pippinus aliam subdidit Legem, prioris caput illud ad delicta pertinens ita confirmantem: De diversis generationibus hominum, quæ in Italia commanent, volumus, ut ubicunque culpa contigerit, unde fayda crescere poterit, pro satisfactione hominis illius, contra quem culpaverint, secundum Legem ipsius, cui negligentiam commiserint, emendant.

Dum verò ex hac multiplici Populorum, ac Legum diversitate, five (uti Pippinus paullo ante agebat) diversis generationibus hominum, quæ in Italia commanebant, omnia fraudibus impleverentur, ex eo præsertim, quod cuique mos, atque fas esse cœperit, non sui Populi, sed cuius vellet, Legem profiteri, ac mox, si sua interesset, arbitratu suo ad aliam Legem transire; huic tandem malo Imperator Lotharius, uti Rex Italiæ, occurrendum existimavit; quamobrem anno dcccxxiv. dum Romæ consisteret, hanc saluberrimam Legem, quæ inter ipsius Leges Longobardicas adhuc legitur, promulgavit: Volumus, ut cunctus Populus Romanus (cui vocabulo latiore significationem dedisse videtur, ut scilicet universos homines intelligeret, ex quibus tunc Italicus Populus coalescebat) interrogetur, quali lege vult vivere, ut tali, quam professi fuerint vivere velle, vivant. Quod si offensionem contra eandem Legem fecerint, eidem Legi, quam profiterentur, subjaceant (2). Ut ergo palam omnibus fieret, quæ quisque Lege viveret, idest cui Legi in hereditatibus, Contractibus, Judiciis, Delictis, aliisque legitimis actibus obnoxius haberetur; & ne cui deinceps suppeteret, simulatâ, vel variatâ Lege, aliis fraudem parare, jam opus singulis Italiæ Civibus, incolisque fuit, certam, quam semel maluissent, Legem apud suæ Urbis Magistratum profiteri: Heinc in Contractibus à Sæculo ix., ac deinceps in Italia celebratis solemnis illa formula adhiberi cœpit, quum scilicet contrahentes post proprium nomen, propriam etiam, quam sequerentur, Legem adjicerent, præclareque commemorarent his omnino verbis: Ego N. N. vivens, vel qui professus sum vivere Lege Romanorum, vel Longobardorum, vel Salica &c. Quorum Contractuum exemplis, five Chartis suam De Legibus Medii Ævi Dissertationem conflavit Muratorius (3).

Prædicta verò apud alios quovis, minimè apud Ecclesiastici Ordinis Viros obtinebant. Servata his enim quædam veluti prærogativa fuit, ut non aliis Legibus, quàm Romanis vivendum sibi esset, quibus etiam legibus Ecclesiarum res, atque jura administrari debebant. Id Ludovicus Pius statuit inter suas Longobardicas Leges cap. lv. hisce verbis: Ut omnis Ordo Ecclesiasticus secundum Legem Romanam vivat: & sic inquirantur, & defendantur res Ecclesiasticæ (4): Nihil & Ecclesiastico Ordine, & Romanis Legibus dignius excogitari, decernique à Ludovico potuit: Cujus tamen Constitutio (quis credat?) non ab omnibus Ecclesiasticis, neque in universis Ecclesiis recepta fuit. Extant adhuc quamplurimæ Chartæ, Ludovico æquales, ac supiores, in quibus tum Episcopi, tum alii inferioris Ordinis Clerici, se Lege Longobardorum vivere in suis contractibus disertè profitentur (5). Repe-

(1) In d. Cod. Leg. Longobard. Inter Leges Pippini cap. xxviii. & xlv. pag. 124.

(2) Ibidem inter Leges Lotharii cap. xxxvii. p. 140.

(3) Antiq. Med. Ævi Dissert. xxii. tom. ii. pag. 234.

(4) In d. Cod. Leg. Longob. pag. 135.

(5) Sic Andreas humilis Sanctæ Derthonensis Ecclesiæ

Episcopus filius bonæ memoriæ Aripandii de loco Ræle, Lege vivens Longobardorum, in suo Testamento Anni 833. Item Wido Episcopus Sanctæ Ticinensis Ecclesiæ, nec non & Johannes Presbyter filius quondam Andree, qui professus ex natione sua Lege vivere Longobardorum, in permutatione Anni 1007. Aldebrandus Dia-

conus,

Reperias etiam (quod magis miraberis) celebris Monasterii Farfensis Monachos, qui se non Legibus Romanorum, sed Longobardorum regendos, judicandosque acerrimè contenebant: nam quum Presbyteri Romanæ Ecclesiæ S. Eustachii à præfati Monasterii subjectione quasdam Ecclesias avellere conarentur, datusque esset Monachis Advocatus Romanus, qui ipsorum jura tueretur, restitit Abbas, exclamans: *Res nostri Monasterii sub Longobardorum Lege vigent; propterea nolo Advocatum Romanum*: ad quæ Presbyteri: *Velis, nolis, Legem Romanorum facere habebis*. Quod quum Imp. Otto III. tunc Romæ degens, causam ipsam judicaturus audisset, suâ, qua hæcenus vixerat, Lege, Monasterium judicandum pronuntiavit: *Si ipsum (inquit) Monasterium per Legem Longobardorum fuit defensatum, à sua Lege nullatenus illud subtraho* (1).

Si quis nunc quærat, cur Farfenses Monachi, alique passim Viri Ecclesiastici adeò amarint legibus vivere Longobardicis, ut Romanas non modò despiciendas, verum etiam, si cogerentur, detrectandas sibi ducerent; respondeo, rei hujus causam non omnino repetendam esse à naturali illo, sed inconsulto plerumque studio, quod homines cum patriis moribus imbibere, suisque animis infigere solent erga Gentis suæ leges: Ex ipsis namque legibus Longobardicis iusta tunc causa emergebat, quamobrem Romanis anteferendæ viderentur. Si Longobardicas Leges cum Romanis generatim conferamus, longo istæ intervallo illarum dignitatem superabunt; quin indignæ prorsus Longobardicæ erunt, ut in ejusmodi comparationem extollantur: At si Romani Juris statum non ex eo tempore, quo, Pandectis repertis, reflorescere cœpit, spectemus; sed ad retroactam illam, quam *mediam* vocamus, ætatem revertamus, quando apud Italos ex Justinianæo Codice, nec satis obvio, notum tantummodo Jus Romanum erat, atque *Novella* ejusdem Justiniani, aliorumque Augustorum Constitutiones illæ circumferrentur, quæ non magnoperè Italarum personis, rebus, moribus prospiciebant, aut congruebant: immo verborum plenæ, pristinam legum gravitatem amisisse videbantur; haud temerè, aut pervicaciter, sed satis scitè, prudenterque ab illius ætatis hominibus factum censebimus, quod præ ipso Jure Romano Longobardicas sequi leges, hisque potissimum regi, judicarique maluissent.

Spectatis igitur temporum rationibus, illud affirmare ausim, Longobardicum jus meritò primas sibi aliquando vindicasse: dum verò universim, sive generatim attendatur, plura nobis facillè occurrent, quibus, quod olim sibi promeruit, idem, nec mediocre pretium etiamnum Juri Longobardico tutò statuamus. Ac primùm si verborum breviteratem quæras, qualem in legibus ferendis vetustior, sanctiorque Jurisprudencia adhibendam demonstrat, non illam certè in Jure Longobardico desideraveris, immò ubique, ac veluti more suo ita servatam intueberis, ut facillè, si quid ruditatis occurreret, ætatis vitio, seu potiùs necessitati tribuendum censeas. Sed nec à ruditate ipsa verborum proprietas abest, qua ceteris barbarici ævi monumentis ipsæ Leges præcellere, ac veluti præfulgere probantur. Sunt quidem vocabula aliquot, à quibus Latinaris lingua prorsus abhorret, sed illa necessariò adhibenda fuerunt, ut, quandoquidem in loquendi communi tunc usu haberentur, sic quoque Populis servandarum Legum notitiam magis perspicuam efficerent. Ejusdem Vocabulorum syllabum, explicationemque ad suam Historiam Gothicam adnexuit Grotius, qui morte præreptus dignos adhuc, quos meditabatur, Legibus Longobardicis Commentarios nobis desiderandos reliquit. Falli autem eos constat, qui quæcumque vocabula peregrinum aliquid, asperumque personantia audiunt, ipsorum originem ab ipsa Barbarie repetentes, ingeniosas quasdam, ac plerumque inanes, ridiculasque etymologias ex variis Populorum linguis extundere enituntur. Perspicua satis, ac meditata eruditissimi Cujacii sententia est, in Legibus Longobardicis pleraque esse, quæ barbara multis esse videntur, quum tamen originem suam repetant à Græca, vel Latina lingua (2).

At

conus de Ordine Sanctæ Placentinæ Ecclesiæ, qui *profiteor ex natione mea Lege vivere Longobardorum*; Anno 949. In charta autem Anni 988. occurrit Sigulfus Episcopus Sanctæ Placentinæ Ecclesiæ, qui *professus sum ex natione mea Lege vivere Salica*. Videtis laudatum Muratorium l. l. pag. 264. & seq.

(1) Ex Charta *Judicati*, quam ex Chartario Monasterii Farfensis deprompsit V. G. Mabillonius, in suorum Annales Benedictinos retulit ad An. 998. Qua ex

Charta ejusdem *Judicati* historiolam contexuit Chronographus Farfensis in suo Chronico tom. II. part. II. Scriptor. Ital. pag. 502. & seq.

(2) Cujacius in Commentariis ad lib. De Feudis lib. I. tit. II. Tom. II. opp. edit. Neap. 1722. Exempli causâ, quod in leg. 6. De Malef. & pub. crim. dicitur *Assilium facere*, idem illud est, ac *frustrari*, & *decipere*; uti in leg. 4. De Furtis. Leg. 15. *Qualiter quis se defendere debeat* &c. quod dicitur *asfo animo fieri*, idem est, ac

animo

At potiora observemus: quid enim eo Jure æquius, atque utilius, cui condendo id veluti sollempne fuit, ut quicquid ad publicas, privataeque rerum, ac personarum rationes pertinere videretur, non solum ex Juris naturæ, Gentiumque fontibus, verum etiam ex Divinis, Ecclesiasticisque functionibus passim repeteretur? Id certè in suarum Legum Procemiis Reges Longobardici testatum voluerunt. Ac primus omnium Rotharis, se ad suum componendum, promulgandumque Edictum, animum, ac regiam auctoritatem applicuisse ait, præcipue tam propter assiduas fatigationes pauperum, tam etiam propter superfluas exactiones ab his, qui minorem virtutem habent, quos etiam vim pati cognovimus; & ob hoc considerantes Dei misericordiam, necessarium esse propeximis præsentem corrigere, & componere Legem &c. Quum sextum Legum suarum Librum ederet Liutprandus, ita præfatur: Si pro Gentis nostræ salvatione, aut pauperum fatigatione aliquid posuimus, quod in Edicti corpore adjungamus, quum quæ in quinque Voluminibus adjunximus, credimus, quod Dei misericordia nobis restituat eam causam, quod pro solo Dei timore, & in elemosyna hoc faciamus, ut omnis causa per rationem, & justitiam terminetur, nec sit aliquis error, sed magis in nobis justitia, unde sine intermissione nomen Domini benedicat. Audiri adhuc Rachis meretur, qui hoc suis legibus exordium facit: Christi Jesu Domini nostri, & Salvatoris assidue nos convenit præcepta complere, cujus providentia ad regiminis culmen pervenimus, & ipsius auxiliante misericordia, quæ Gentis nobis commissa conveniunt, idest Gentis Catholica, & dilecta Deo Longobardorum statuendo prævidimus. Quoniam gloriosissimus præcessor Rotharis Rex, Longobardorum Princeps, sibi Deo inspirante, Leges inseruit, atque innovavit, ut omnes intentiones, ac diffensiones malorum Regali studio resceret. Et quidem statuit, ut cuncti successores ejus, quando, sibi Deo inspirante, aspera, & dura cognoscerent, ad molliciem, & pietatis gratiam adducerent. Deinde successor ejus Grimoaldus, excellentissimus Rex, dum studiosè, ac vigilanter singulorum cognosceret necessitatem, ea, quæ illi melius complacere, ad cultum salutis emendavit, & correxit, & plura etiam necessaria augendo in unum adjunxit. Post hunc verò gloriosissimus, & Orthodoxa Fidei cultor, atque hujus Gentis Gubernator, & noster per misericordiam Dei omnipotentis nutritor Liutprandus, eximius, & præexcellens, ac sacratissimus Princeps persistens in Dei operibus quotidianis, vigilis, omni

animo doloso, ac callido. Hinc Plautus in Pænulo. *Mea Soror ita stupida est, sive animo asilo.* Et Accius apud Nonium: *Nisi ut asila ingenium lingua laudem.* Et quamvis Rex Rotharis in Lege cxi. ix. asilo animo pro voluntario explicuerit his verbis: *Si quis Molinum alterius asilo animo incenderit, idest voluntariè, in tripulum eum restituat &c.* nil certè ab ejus vocis significatione recessit, dum calliditatem, seu dolum, non à fortuito casu, sed voluntate criminis labem, ac penam suscipere declarat. Hinc in Charta Judicati pro Monasterio Farfensi, nobis superius memorata, Romani Judices una voce concorditer dixerunt, non debere Longobardum jurare sine basto: quæ iisdem verbis referuntur ab ejusdem Monasterii Chronographo, qui tamen ab eo vocabulo rectè aspirationem rejicit. Tom. II. part. II. Scrip. Ital. pag. 505. Utque alia exempla ex multis hinc afferamus, jam quod in ejusdem Rotharis Lege, ccc. lxxiv. occurrit vocabulum *Arga*, Nicolaus Boetius ridiculè *Cucurbitam* interpretatur, dum non aliud, quam ignavum, & inertem significet, à Græco ἄργος. Sic Didymus de Demothene: *ἀνὴρ τῶν πρὶ τῶν ἐνέργειαν*, ἄλγος ἄργος. Id autem vocabulum, si cui quis objecisset, convicii tenebatur: uti apud Paulum Diaconum lib. iv. cap. xxiv. Argaidus Sculdafius de convicio ex proprio nomine sibi facto conqueritur hisce verbis: *Meminis, ut me inertem, ac inutilē dixeris, & vulgari verbo Arga vocaveris.* Ad hæc, pluries in Legibus Longobardicis Strige memorantur: quod vocabulum tum Plautus, tum Festus usurparunt, ut *lamias*, seu *maleficus* significaret: Vetus autem ab ipso Plauti tempore vulgi, seu Popelli persuasio fuit, Striges hæc vivorum hominum intestinis vesci consueta: Sic enim ille: *Strigibus vivis convivis intestina quæ exedunt.* Perdurabat adhuc sequiore ætate error hic, quem confirmaverat Lex Salica tit. III. cap. 67. in qua sic legitur: *Si Stria hominem*

comederit, & convicia fuerit &c. Factum inde, ut non modo impune, sed bono publico consuluisse quis sibi duceret, si ejusmodi mulieres interficeret: Inquisitam rem animadvertens Rex Rotharis, tum injuriarum teneri eam statuit, qui eo vocabulo mulierem compellasset, ut in Leg. 197. tum maxime in eam, si occidisset, velut homicidam animadverti jussit in Leg. 379. atque ut falsam credulitatem, quæ ex lege Salica vehementius inoleverat, omnino submoveret, hæc rationem subdidit, quis Christianis mentibus nullatenus esse credendum, nec possibile est, ut hominem mulier virum intrinsecus possit comedere. Denique (ut alia præteream) Toloni, seu Tolonenis vocabulum, atque usus, quem à Vegetio, Festo, Isidoris, aliisque discimus, occurrat inter leges Liutprandi lib. vi. cap. 83. eadem significatione, ut scilicet sit trabs illa transveria, ac mobilis, imposita duabus rectis trabibus super puteum ad hauriendam aquam cum vase è sine pendente: *Annunciarum est nobis* (ait Liutprandus), quod quidam habebat puteum in Curte sua, & secundum consuetudinem furcam, & Tolenum, ad hauriendam aquam: veniens autem homo stetit sub ipso Toleno &c. Sed præter vocabulorum proprietatem, plura sunt in iisdem Legibus eruditionis vestigia, quæ satis opportune ad contraversiones decidendas adhibebatur. In Rotharis Lege 328. & seq. sic sancitum legitur. *Si quis, peccatis imminenti, homo rabiosus &c. & mox: Si quis Canis, aut Caballus, aut quolibet Peculium (idest Pecus) rabiosum factum fuerit, & damnum fecerit in homine, aut in peculo (idest pecude), non requiratur à Domino; & qui ipsum occiderit, simili modo non requiratur: tantum est, ut sine culpa non occidatur.* Habes heic non solum Canes, quos solos rabiei obnoxios asseveraverat Galenus, sed etiam Homines, ceterosque quovis pecudes; quos ejusmodi morbo affici posse, Ablyrtus, & Hierocles Mulo medici cum Porphyrio censuerunt.

puclitia, & sobrietate ornatus, sicut à Deo promeruit, per ipsius inspirationem omnia decenter exposuit, & in Edicti pagina cum suis Longobardis Judicibus confirmavit. Idcirco ego Divino auxilio Rachis Rex, dum . . . quæ ab antecessoribus nostris statuta sunt, sollicitè considerassem, quadam ibi iusta, & quadam purganda invenimus: Quia dum pravi homines ea, quæ ab inde pertinent, non considerant, magis hujus Seculi lucrum, quàm animarum suarum remedium intendunt, & per humanam astutiam debiles, & egenos opprimere non desistunt &c. Præclara denique, nec nobis prætereunda hæc Regis Aistulphi sunt: Quoniam Prophetica nos vaticinatio admonet dicens: Iusta judicate Filii hominum: Et alibi: Justitiam dicite, qui habitatis Terram, quia justus Dominus justitiam diligit: illa nos sedulo convenit scire, ut Gentes nobis commissa in iudicio non graventur, & Omnipotenti Deo, cujus opitulatione regnamus, in omnibus placere valeamus . . . Idcirco . . . communi consilio in Edicti pagina affigi statuimus, quæ excellentia nostræ iusta, & Deo grata comparuerunt, quatenus & iustitia maneat, & nostrorum iudicum iudicio omnis obscuritas illuminetur.

Quæ autem fuere præfati, re quidem vera in suis condendis Legibus Reges Longobardos præstitisse multis probare possemus; sed, quæ præclariora sunt, atque præsertim ad necessariam fortasse nostrorum temporum disciplinam pertinent, indicasse præstat. Ac primum mirum est, quantà ipsi sollicitudine prospexerint, ut à Testibus, qui in omnibus penè iudiciis adhiberi solebant, quodcumque abesset partis studium, aut falsitatis suspicio. Testes (ait Liutprandus) tales sint, quorum opinio in bonis præcellat operibus, & quorum fides admittitur, vel quibus Princeps, aut Juxta credere possit (1). Extat inter Longobardicas Leges Caroli M. Sanctio his verbis concepta. Non admittantur Testes ad juramentum, antequam discutiantur, si aliter discuti non possunt, separentur ad invicem, & singulariter inquirentur, & non soli accusatori liceat Testes eligere, absente suo accusatore. Et omnino nullus, nisi jejunos, ad juramentum, vel testimonium admittatur: Et ille, qui in testimonium adductus fuerit, si refutatur, dicat ille, qui eum refutat, & probet, quare eum recipere nolit: Et ut de ipso pago, non de altero Testes eligantur, nisi facta extra Comitatum causa sit longius querenda: Et si quis convictus fuerit de perjurio manum perdat, aut redimat (2). Desideraveris profectò hæc omnia in nostrorum temporum usum, seu praxim revocanda; quamvis enim frequentissimum sit, ac quotidianum hujusmodi judicialis probationis genus, eademque, ut olim, ratio, atque vis, ex qua scilicet privatorum sæpè fortunæ omnes, ac Capita pendeant, multaque proinde in eam rem ritè gerendam Juribus novissimis sint sapienter constituta: sæpè tamen sæpius, quæ ex ore testium in lucem prodire debet, vel ipsorum improbitate enecari, vel Causidicorum, Rabularumque forensium cavillationibus, tenebris offundi veritas solet.

Sed sapientissimi Legislatoris eximium munus est, ut non solum dignas, ac pares patratio crimini statuatur poenas, verum etiam, quo fieri cumque possit modo, patrandum impediatur: non enim poenæ formido homines magnopere deterret, quibus alioqui parata delinquendi occasio relinquatur. Poenas igitur adversus Testes perjuros sancitas audivimus; sed ne homines ejusmodi scelere polluerentur, res adhuc erat legibus statuenda: statutam autem habemus à Rege Rachi, qui perjuriis non solum modum imponere, sed occasionem quoque ipsam amputandam ratus, dignam rem existimavit, quæ Edicto suo luculentum hoc exordium faceret: Quoniam peccatis facientibus, multos homines negligentes, & humana cupiditate compulso in Perjurium cadere cognovimus, eò quia gloriosus Rex Rotharis in Edicti pagina statuerat, inter creditorem, & debitorem, seu fideiussorem contentione orta, quod in eo tenore Vadia dedisset, & debitor statuta causa tenorem negaret, licentiam ei esse, aut per Sacramentum, aut per Arma sacra ipsam tenorem negare: sed nobis, & nostris Judicibus, atque Longobardis adstantibus iustum apparuit, ut Perjurium fieret rescacatum (3). Vides heic quàm sapienter, providentissimèque cautum sit, ne ab his, qui facile pejuraturi essent, juramentum exigetur: edoctum Rex Rotharis se offendit à S. Augustino, cujus illa sunt: Qui provocat hominem ad jurationem, & scit falsum juraturum, vincit homicidam, quia hic corpus occisurus est, ille animam (4). Præisse verò Rachis videtur Carolo Magno, qui in suis Longobardicis Legibus Decimarum fraudatores anathemate magis, quàm Juramento ad illarum solutionem adigendos constituit: Qui Decimas (inquit Carolus) post crebras admonitiones dare neglexerint, excommunicentur: Jura-

(1) In d. Cod. Leg. Longob. lib. 11. Legum Liutprandi cap. 11.

(2) Ibid. inter Leges Caroli M. cap. XXI.

(3) Ibidem pag. 85.

(4) S. Augustinus, relatus à Gratiano in Can. v. XXI. Q. v.

Juramento verò eos *constringi* nolumus propter periculum *perjurii* (1). Vides præterea, quanti habita à Longobardicis legislatoribus fuerit Juramenti religio; quandoquidem, ubi necessitas tantum foret, tuncque non sine magna circumspectione præstandum permetteretur, potiusque probationem per *Sacramentum*, idest *Jurjurandum*, quam per *Arma Sacrata*, idest *Duellum*, sive *Pugnam*, prohibendam vellent: rectè enim utrumque illud cogitabant, nihil scilicet Christiano homini supervacuum magis esse debere, quam ut Juramento fidem suam, sive testimonii sui veritatem comprobet, quam sola Christianæ Legis professione sibi demereri apud alios debeat: maximum verò violatæ Religionis crimen illud esse, à Christianis admissum, ut, qui Veritas est, ad falsitatem prætexendam præfens Deus, ac præcipuus veluti testis advocetur.

Sed quum in *Arma Sacrata* noster incidit sermo, ac *Duelli* mentionem recitata superius Regis Rachis Lex heic injecerit, antequàm ad luculentiora alia exempla progrediar, quæ Longobardicarum Legum præstantiam comproben, id nunc exequar, ut quæ illarum vitio verti solent, non modò non dissimulata, sed planè expòsita, opportunisque observationibus pertractata mihi velim. Sunt igitur, qui iniquas, impiasque eas Leges pronunciant, quæ in Causis Juramenti religione dirimendis difficiles, faciles tamen (quod deterius videtur) in ipsis causis *Duello*, idest humano sanguine, injustisque cædibus, belluarum magis, quam hominum ritu, ac more decidendis, auctoritatem suam contulissent. Sed importunè omnino adversus Longobardorum Leges, Gentemque ea de re conclamatum reperio. Quicquid enim criminationis esse potest, non magis in Longobardos, quam in reliquas nationes alias converti debet, quæ eadem Christianæ Religionis professione, suis etiam moribus, atque institutis præclarissimæ, per eandem, quæ Longobardi, ac posteriores longè ætatem, fas, jusque sibi duxerunt, ut causas omnes, quantumvis levissimas, singulari certamine, Martis magis arbitrio, quam Magistratum sententia, ac vi potius, quam ratione deciderent. Et sanè Duellum more veterum Francorum, Germanorumque scuto, & iuste fieri consuevisse passim, non sine cruoris effusione, quandoque etiam cum cæde, observavit Cl. Mabillonius (2): Improbum morem, qui adhuc in Clericorum, Monachorumque animos pervasit, pii quidam homines, Sacrique aliquot Antistites detestabantur, dehortabantur, interdicebant aliquando: Atto Vercellensis id sui Sæculi vitium notat in Presbyteris, qui Duellum in causis dubiis subire, aut certè pugilem pro se exhibere cogebantur, hæc *De Pressuris Ecclesiæ* pag. 55. post multa Scripturarum testimonia subdens: *Hæc tamen omnia, & alia Scripturarum documenta maligni, & improbi parvipendentes, ad pugnam Sacerdotes impingere querunt, nullam amplius reverentiam illis observantes, nisi quod non propriis manibus, sed per submittas personas illis in tali discrimine indicant dimicare: & quibus prohibitum est armatorum cuneis, vel etiam publicis spectaculis interesse, ad pugnam producere, heu, nostros compellimur Vicarios, ut vel istorum cæde victi, vel ipsorum quasi absoluti esse videamur, ne purgari à crimine, nisi perpetrato crimine valeamus. Grande quidem malum Attoni videbatur, si vel inviti Clerici, nec per se ipsos, ad Duellum à Laicis traherentur: Quid si ab ipsis demum Clericis, immo & Monachis Laicos ad Duellum provocatos invenias? Insigne exemplum affert Cl. Sirmondus in causa HaimERICI Vicecomitis cum Theodorico S. Albini Abbate, à quo ille pro relevatione equum unum centum solidorum, aut centum solidos exigere volebat, quod Abbas denegabat: In hac igitur contentione Abbas Vicecomiti optionem dat, jus suum, aut calidi ferri judicio, secundum Legem Monachorum per suum hominem, probare, aut scuto, & baculo secundum Legem Sæcularium defendere; Duellum elegit Vicecomes, sed, ut erat vir pius, sanguinem, & cædem veritus remisit pugnam, remisit & consuetudinem, Monasterii Spirituali societate sibi in posterum concedenda contentus (3): Theodorico Abbati S. Albini deteriore exemplo illustrior alter Abbas præcesserat, Hugo videlicet Monasterii Farsensis, qui in controversia, quam habuit coram Pontifice Gregorio V. cum Gregorio Abbate SS. Cosmæ, & Damiani de Urbe, Chartæ ab eo offensæ falsitatem per pugnam discernere voluit, à qua re vix Pontificia auctoritate deterri potuit (4).*

Nec

(1) Vide, quæ de hac re latius dixi in lib. De Orig. & Jur. Decimarum cap. v. pag. 147.

(2) In Præfat. ad Sæc. vi. Benedictin. ac Christi xi. num. 43.

(3) Sirmondus in notis ad Goffridum Vindocinensem Abbatem pag. 62.

(4) Chronicon Farsense inter Scriptor. Ital. tom. II. part. II.

Nec satis Clericis, Monachisque visum fuit, sæcularem ejusmodi morem æmulari, sed quandam ea in re prærogativam agnoscere cœperunt, à qua ne deciderent, hanc Duelli committendi facultatem sibi à Principibus speciatim confirmandam curarunt. Sic Gaufridus Carnotensis Episcopus eo nomine secundus à Ludovico VI. Francorum Rege obtinuit, ut *adversus omnes tam liberos, tam servos* in omnibus causis, placitis, & negotiis liberam, & perfectam haberet testificandi, & bellandi licentiam (1). Id etiam inter cetera Regalia à Rege Roberto in Concilio ad Casam Anno M VIII. San-Dionysiano Abbati confirmatum legitur, ut scilicet *Legem Duelli* sibi propriam haberet: *Damus* (inquit Robertus) *quasdam res juris nostri, hoc est, Bannum hominis vulnerati, vel interfecti, & infracturam intra, vel extra Castellum ipsius Cœnobii, & Legem Duelli, quod vulgò dicitur Campus, & totum prociñctum, sicut antiqui Reges ei dederunt* (2). Heinc alter in eam rem abusus manavit, ut ad ejusmodi Pugnas, tanquam ad ludicrum spectaculum Sæcularium promiscuè, Clericorumque concursus fieret, nec ipsos Episcopos adesse pueret; quod de seipso testatur Hamelinus Episcopus Redonensis in literis ab eodem Sirmundo relatis super controversia quadam, Duellum in prato Episcopi commissio juxta flumen Isolam, *presentibus nobis*, inquit, & *Comite Covano, aliisque*. Quid quod tempore S. Ludovici Regis Monomachia ista adhuc vigeret? nam in controversia quadam, quam ipse Rex cum Episcopo Auxelianensi habebat, commissio fuit pugna in quadam ablatio Miciacensis Monasterii, cui Petrus de Elcanvilla Balivus Domini Regis, & Adam de Monte regali Balivus Domini Episcopi, ne id in Monasterii præjudicium verteret, fidejussorias literas dederunt Anno M C C L V I. (3).

Dum verò Leges (quod in hac re præcipuè animadvertere cœpimus) nunc spectemus, plures certè ab aliis, quàm à Longobardicis Regibus, immo & hos temperandæ rei, seu abusus minuendi studiosos præ aliis invenire erit. Qui post deletum Longobardicum Regnum rerum potitus fuit, Carolus Magnus, haud religioni sibi duxit, in suis legibus Duelli usum, non permittere tantum, sed disertis verbis, regiæque auctoritate probare (4). Nec verò, ut Italici Regni recens tunc sibi acquisiti instituti, seu Longobardorum moribus se accommodaret, Duellum probasse existimandus est Carolus, qui illius usum, legitimam videlicet in rebus dubiis probationem, apud suam Gentem, seu Francigenos præclarè testatur in Capitulari An. M C C C V I., sive celebratissima illa Charta divisionis Regni Francorum inter Karolum, Pippinum, & Ludovicum ejus Filios. Ita enim habet Cap. XIV. *Si causa, vel intentio, sive controversia talis inter partes propter terminos, aut confinia Regnorum orta fuerit, quæ hominum testimonio declarari, vel definiri non possit, tunc volumus, ut ad declarationem rei dubia, Judicio Crucis, Dei voluntas, & rerum veritas inquiretur, nec unquam pro tali causa cujusmodi generis pugna, vel Campus ad examinationem judicetur* (5). Ne igitur, quod inter alia Judicia Dei passim tunc obtinebat, Duellum inter Filios admitteretur, bellorum veluti inter ipsos excitandorum aut prælagium, aut incentivum fore veritus, speciatim Carolus cavere debuit: Cæterum ipse Caroli dignissimus filius, successorque Ludovicus, cui etiam Pii cognomen propria virtus effecit, nihil impium in Duello agnovit, suæque lege usum comprobavit. *Si quis* (inquit) *cum altero de qualibet causa contentionem habuerit, & testes contra eum per judicium producti fuerint, si illos falsos esse suspicetur, liceat ei alios testes, quos meliores potuerit, contra eos opponere, ut veracium testimonio falsorum testium perveritas superetur; Quod si amba partes testium inter se ita dissonaverint, ut nullatenus una pars alteri concedere voluerit, eligantur duo ex ipsis, idest ex utraque parte unus, qui cum scutis, & fustibus in campo decerent, utra pars falsitatem, vel veritatem suo testimonio consequatur. Et Campio, qui convictus fuerit, propter perjurium, quod ante pugnam commiserit, dextra manus amputetur* (6). Adde demum (ut alios præteream) alterum æquè

ALTER

I i

Pium

(1) Mabillonius Veter. Anal. tom. II. pag. 561.

(2) Apud Thomassinum Eccl. Disc. part. III. lib. 2. cap. XXX. num. x.

(3) Eas literas refert Mabillonius in Præf. ad Sæc. VI. Benedic. num. 44. pag. 467.

(4) Vid. ejusdem Caroli Leges in Codice Legum Longobardicarum pag. 110., & 117. Sic ei, qui turtem passus est, potestatem Carolus tribuit, ut adversus furem Campo (idest Duello), vel Cruce contendat.

(5) Ibidem post Leges ejusdem Caroli M. pag. 117.

(6) Ibidem inter Leges Ludovici Pii cap. III. p. 126.

Eam autem legem superius recitavi tum ex editione Baluzii tom. I. col. 601. cap. x., tum ex editione Muratorii Rerum, seu Scriptur. Ital. tom. I. part. II. d. p. 126. At Cl. Mabillonius in Museo Italico tom. I. pag. 48. eandem Ludovici legem, sed capitulare ex veteri Codice ante annos ferme octingentes scripto Bibliothecæ Chisianæ, olim Monasterii S. Pauli ad Urbem pluribus supplet, quæ Muratorium latuerant, atque hec subnectenda censui, ut appareat, quàm fixum, ratumque fuerit eidem Augusto, ut non solum pro qualibet causa inter Laicos, sed etiam in ipsis Causis Ecclesiasticis, inter-

Primum cognomine, sed Ludovico multò præstantiorem, quem Sanctum prænomine inter Coelites veneramus, Henricum inter Augustos I., cujus de committendo Duello Lex, non modo verbis præclarissima habetur, verum etiam solemnè, quo promulgata fuit, modo summam celebritatem obtinuit. Parricidii scelus, Bonorum duntaxat publicatione, publica quoque Parricidae poenitentia puniendum statuit Henricus; quod si ille (inquit), cui crimen mistitur, negare voluerit, per se Pugnam faciat, nec liceat Campionem pro se dare, nisi decrepita ætas, aut juvenilis, aut infirmitas pugnare prohibuerit. Vide, quàm levibus tunc poenis Parricidae ipsi subderentur, quibus & poenas ipsas Duello elusisse promptum erat: & tamen eam Legem Henricus non solum Comitum, Nobilium, Sapientum, Judicumque suorum consilio, verum etiam attestatone laudis quamplurimum astantium Archiepiscoporum, & Episcoporum, idest Archiepiscopis, Episcopisque quampluribus, in Proœmio speciatim commemoratis, laudantibus, ac comprobantibus, se promulgasse ait (1): Scilicet persuasum tum erat non solum Principibus, aliisque laicis, verum etiam ipsis pænè universis Ecclesiæ Primoribus, reliquisque Clericis, Monachisque, nullum in ea re adversus Divinam Legem piaculum adesse, nullamque Religionis, ac pietati injuriam parari, sed potius solemnem quandam erga Deum humanæ fiduciæ actum exhiberi, ad virtutem referendum, dum videlicet ad declarationem rei dubie (ut Carolus M. aiebat) Dei voluntas, & rerum veritas inquireretur; sicque Deus tam Duello, quàm aliis diversis Judiciis pari more, usuque receptis rem quamlibet dubiam declarare omnino velle crederetur.

Apagè verò noxium errorem, falsissimamque opinionem: ac gratulandum quidem nostris temporibus, quod Christianorum animi, post summorum Pontificum, ac Principum iteratas Constitutiones, sapientiùs, ac mitiùs in hoc negotio agere edocti, in melius profecerint, falsamque ejusmodi persuasionem, improbamque consuetudinem exuerint. Gratulandum etiam (dicere adhuc liceat) nostris Longobardis, qui tantum abest, ut vel suo exemplo, vel Legibus ejus rei auctores extiterint, ut (quod ab aliis Principibus nusquam factum superiùs novimus) potius, ne in improbum morem deteriores abusus irrepent, atque ipsum denique morem coercere, aut detestari Legibus suis saterentur. Primus igitur, atque solus (quem sciam) Rex Rotharis, fortilegia illa, seu veneficia, quæ in hujusmodi Monomachiis ad aucupandam victoriam patrari solebant, speciali sanctione prohibuit. Nullus (inquit) Campio presumet, quando contra alium pugnando vadit, herbas, quæ ad maleficia pertinent, super se habere, nec alias tales, aut similes, nisi tantum arma sua, quæ conveniunt. Et si suspicio fuerit, quod eas occultè habeat, inquiratur à Judice, & si inventa fuerint, evellantur, & jactentur. Et post ipsam inquisitionem tradat manum ipse Campio in manu parentis, aut colliberti sui, ante Judicem satisfacere, & dicat, quod nullam talem rem, quæ ad maleficia pertinet, super se habeat, & tunc vadat ad certamen (2). Præclariùs verò in ea re se gessit Rex Liutprandus; cui impia Lex non tantum visa, sed palam proclamata illa fuit, quæ Duellis peragendis favorem, auctoritatemque hæcenus præstitisset, idest incerto eventui, dolis, violentiisque, armis denique, atque viribus, non rationi, atque justitiæ res dubias submisisset; quia incerti sumus (inquit) de Judio Dei; Et multos audivimus per pugnam sine iusta causa suam causam perdere: sed propter consuetudinem Gentis nostræ Longobardorum Legem impiam vetare non possumus (3): Vide igitur, in illa Sæculorum caligine sanioris doctrinæ lucem primo omnium Liutprando affulsisse, qui in ejusmodi probationibus Divini Judicii incertitudinem profitetur, optimè ratus, neque passim, neque ab omnibus, neque humano consilio, arbitratoque manifestam Dei voluntatem inquirendam, idest Deum tentari oportere. Quid verò, si pro neutra parte, anceps adhuc, victoria stetisset? Vide inferiùs pulchrum exem-

interque eosdem Clericos Monomachia adhibenda esset. In Ecclesiasticis verò negotiis Crucis judicio rei veritas inquiratur: Hoc de simidis, sive infirmis, atque imbecillibus, qui pugnare non solent, ut nullatenus propter eas justitia sua careant, censuimus faciendum. Sed & hoc alterum (quod in aliis editionibus deest) ex eodem Codice eodem loco Mabillonius supplevit ad ejusdem Ludovici Capitularia: Si duo testimonia de qualibet re fuerint, & inter se discordent, tunc Comes eligat unum ex una parte, & alium ex altera parte, & illi duo decerent cum sentis, & iustis; nam si stebiliores (fortassis debiliores) fuerint ipsi testes, tunc ad Crucem examinentur: Quod si majoris ætatis sunt, & non possunt

ad Crucem stare, tunc mittant aut filios, aut qualemcumque hominem, qui pro eis hoc contendat, & ille, qui de illa falsitate convictus fuerit, dexteram manum perdat.

(1) Ibidem inter Leges Henrici I. Augusti pag. 175.
(2) Ibidem inter Leges Regis Rotharis cap. CCCLXXI. pag. 46. Qui autem in hac Lege, & alibi sæpe, dicitur Campio, is erat, qui pro alio pugnam suscipiebat, à Campo dictus, ubi certamen, seu Duellum committebatur, unde & ipse Campus Pugnae, seu Duelli Synonymus aliquando legitur.

(3) Ibidem inter Leges Liutprandi lib. vi. cap. LXV. pag. 74.

exemplum (1): nunc enim oculos in Liutprandum adhuc sistere, remque omnem cum Liutprando conficere præstas, qui Pugna, seu Duelli Legem impietatis redarguit, ut ea saltem obtestatione vires suas, ac veluti nervos ei consuetudini succideret, quam vetare omnino cupidus, tolerandam sibi tamen, nonnisi ægrè, ostendit; religiosior certè, ac in suis regendis Longobardis sapientior, quàm qui, ex Francis, Germanisque sibi subditis majori scilicet auctoritate præditi, eidem Liutprando in Italiæ Regno successores, impiam Duelli legem passim probarunt.

Latius fortasse, quàm par erat, excurrissè in veterem Duelli morem videbor; à quo tamen argumento diligenter pertractando haud temperandum mihi duxi, ut quam hætenus Longobardicis Legibus infixam animadverterim, invidiam omnem penitus submoverem. Libentius nunc ad earundem Legum præstantiam aliis exemplis comprobandam redeam; ex quibus bina hæc retulisse satius fuerit, ut quantum Legibus suis de Christiana Religione, atque Ecclesia, ejusque summis Antistitibus Longobardici Reges promereri studuissent, exploratum habeamus. Quæ fuerit Regis Rotharis sollicitudo, ut Monomachias omni Maleficio rum labe expurgaret, paulò superius demonstravimus: Memoranda nunc Regis Liutprandi lex illa est, quæ is Longobardos suos (non ipsos certè aliis gentibus ea in re tunc deteriores) ad superstitiones varias pronos animadvertens, enixius prospexit, atque facit, ut ab ejusmodi erroribus deterritos, atque alienatos, ad Christianæ fidei, ac Pietatis puritatem adduceret. Si quis (inquit) timoris Dei immemor ad ariolos, vel ariolas pro aruspiciis, aut qualibuscunque responsis accipiendis ambulaverit, componat in Sacro Palatio medium pretii sui, sicut appetiatus fuit, tamquam si eum aliquis occidisset: Et insuper agat poenitentiam secundum Canonem instituta. Similè modo, & qui ad Arborem, quem rustici Sanctum vocant, aut ad Fontanas adoraverit, aut Sacrilegium, aut incantationem fecerit, vel similiter, medium pretii sui componat in Sacro Palatio. Et si quisque sciens ariolum, vel ariolas, & non eas manifestaverit, aut ipsos celaverit, qui ad ipsos ariolos, vel ariolas vadunt, & non manifestaverit, suprascriptæ poenæ subjaceat (2). Omni quidem ævo, ubi Lex Christiana cum ipsis Principibus regnare coepit, Ariolos, Incantatores, cæterosque divinationibus operam dantes, velut humani generis pestem, ac Reip. hostes Leges Sæculares infectatæ sunt: Id planè offendit Titulus utriusque Codicis De Maleficiis, & Mathematicis, & ceteris similibus, in quo Imperatorum Constantini, Constantii, Valentini, Theodosii &c. Sanctiones digestæ sunt. At nihil Liutprandi Lege sanctius, atque consultius; in qua non solum Multa adversus nefarios ejusmodi homines animadversum fuit, sed, quò sincerior, constantiorque admissi criminibus emendatio esset, illud quoque imperatum, ut ei poenitentia, quam Sacri Canones statuissent, subderentur: Ad hæc, ne latebris suis contextum crimen impune serperet, non solum, ut in aliis publicis criminibus, Popularis actio, seu accusatio permissa fuit, sed universi ad denunciationem æquâ poenâ adacti: Illud præterea à Liutprando in Lege sequenti de Magistratibus constitutum fuit, ut si ejusmodi homines inquirere, & invenire neglexissent, aut inventos vel præmii, vel pietatis causa condemnare destitissent, eidem poenæ obnoxii manerent.

Memorata Legi insigniorem alteram addemus, qua Liutprandus, quemadmodum in Maleficio rum poenitentia, denunciationibus Sacrorum Canonum auctoritati obsequitur, ita nunc in Matrimonialibus Causis, Impedimentisque non modò eorundem Canonum exequutorem se præstat, verumetiam supremam Romanæ Ecclesiæ, ejusque Pontificum potestatem luculentissimo elogio proficitur. Vetat igitur Liutprandus, ne quis relictam de Consobrinis, aut sobris suo uxorem ducat, indicta omnium bonorum amissione, ac filiis, qui ex ejusmodi injustis nuptiis suscepti fuerint, illegitimis, paternæque hæreditatis exortibus declaratis: Ferendæ autem ejus Legis hanc fuisse occasionem, seu necessitatem subdit Liutprandus, quod, Deo teste, Papa Urbis Roma, qui in omni Mundo toto Caput Ecclesiarum Dei, & Sacerdotum est, per suam Epistolam nos adhortatus fuit, ut tale conjugium fieri nullatenus permitteremus (3). Celeberrima in Annalibus Ecclesiasticis quæstio illa fuit, quam de Oecumenici, sive Universalis titulo adversus Romanos Pontifices CPolitani Patriarchæ per summam

I i 2

(1) Gl. Dacherius in sui Spicilegii tom. III. pag. 336. ex veteri Charta Anni 967. exemplum vulgavit causæ, quæ post Monomachiam adhuc incerta remansit. Sic enim in illa Charta legitur. Duellum probatum est, Ecclesiam S. Saturnini Monasterio Bellilocensi debere attribui: nam contententibus coram Raymundo Comite duobus honorabilibus Viris, Bernardo, & Gerberto de diâ Ecclesia, & certamine indilto, quo Dominus manifestare dignoretur veritatem hujus rei, cum à secundâ

diei hora usque ad occasum nullus certantium vicisset, judicaverunt memoratus Raymundus Comes, ceterique in circuitu sistentes, cuique eorum, Bernardi, & Gerberti, nihil ad possidendum jure debere in usus usurpare; sed potius Domino omnium Creatori, & S. Petro Bellilocensi Apostolorum Principi in usus Monachorum inibi desertium expendi &c.

(2) Inter Leges Liutprandi Lib. VII. cap. XXX. & seq. pag. 67. (3) Ibidem Lib. V. cap. IV. pag. 59.

arrogantiam excitarunt: Hunc certe Titulum Patriarcha Johannes, cognomento *Jejunator*, sibi arripuit sub Pontifice Gregorio Magno, qui primum privatis cohortationibus, paternisque monitis illum ab ejusmodi insania revocare fategit, sed pervicacioris expertus, hominis hypocrisis Imperatori Mauritio depingens, ejusdem superbiam, qua ob ambitionem eum titulum Ecclesiam universalem, venerandas Synodos, sanctissimas Leges, Christi denique ipsius mandata turbabat, Imperiali auctoritate infringendam, datâ prolixâ gravissimâque Epistolâ, postulavit; affirmans, se perpetuum Johannis, nisi nomen illud *blasphemie* deponeret, adversarium futurum, restitutumque imperterritè invictèque de ea re, in qua non propriam causam agere, nec privatum propulsare injuriam nitebatur, sed causam Dei, causam universalis Ecclesiae tueri debebat (1). Sed neque Causæ justitiæ, neque Pontificis scribentis dignitati faciles aures præbuit Mauritius, apud quem Johannes plurimum gratiæ pollebat: Ipsis autem omnibus diversa sorte defunctis, Bonifacius hujus nominis III. qui Gregorio post Sabinianum successit, sedente in Constantinopolitana Ecclesia Cyriaco, obtinuit tandem apud Phocam Principem (Mauritii successorem), ut Sedes Apostolica B. Petri Apostolici Caput esset omnium Ecclesiarum, idest Ecclesia Romana, quia Ecclesia Constantinopolitana primam se omnium Ecclesiarum scribebat. Ita Anastasius in dicti Bonifacii Vita, cui Paulus Diaconus paribus verbis consentit (2): Sed ambitionis virus non omnino e Græcorum animis diffusum; immo exstare mox coepit, repetitis inter Phocam, & Cyriacum simulatibus; quomobrem nonnisi ex ejusdem Augusti in Patriarcham odio ab Constantinopolitana Ecclesia primatum abdicatum se putare, idque palam affirmare, posterisque tradere ausus sit Theophanes (3). Malum ab Oriente, seu à Græca Ecclesia semel coeptum non heic restitit; sed sequuto mox sæculo in deteriora erupit ob teterrimam, ac nefariam Iconomachorum hæresim, quâ factum est, ut Constantinopolitani Imperatores, Patriarchis eorum insanißimos errores probantibus, atque foventibus, asperissima quæque, atque impia tum in Catholica Fidei detrimentum, tum in Romanæ Ecclesiæ, ejusque Antistitem injuriam, atque perniciem moliti sunt: Quorum quum vehementius exardesceret furor, in tibi, quem mireris, irruentibus malis factum veluti à Deo obicem, en ejus, quæ Romanæ Ecclesiæ deberetur, prærogativæ assertorem, supremæque Romanorum Pontificum auctoritatis propugnatorem, Liutprandum videlicet Longobardorum Regem, Leges suas, propositis in media Italia Edictis, promulgantem. His certè Legibus utriusque CPolitanae tum Ecclesiæ, tum Aulae arrogantia refelli, errorque omnis, atque impotentia opportunè compesci, ac propulsari videbatur; quandoquidem Liutprandus non modò Criminum, quibus Christiana violaretur Pietas, vindicem se præstitit; verum etiam Sacrorum Canonum, Romanique Pontificis obsequissimum; cujus etiam Romani Pontificis illam esse singularem prærogativam palam pronuntiavit, non humano quidem consilio, vel Principum indulgentiâ partam, sed Divino Judicio, ac Christi sententiâ attributam, ut scilicet *Papa Urbis Romæ in omni Mundo Caput Ecclesiarum Dei, & Sacerdotum sit*.

Hæc verò, aliaque multa ejusmodi, quæ Longobardicarum Legum præstantiam commendant, ex eo profecta non incongruè putabimus, quod Longobardorum Reges non antea Leges suas vel condere, vel promulgare consueverint, quàm illas, advocatis ad Regni Comitibus ex omnibus sibi subditis Provinciis, tum Magistratibus, tum Viris quibusque sapientioribus, ad Religionis, atque Aequitatis regulas, morumque, ac temporum præsentium rationes, communibus consiliis, suffragiisque examinassent. Is ritus, sive consuetudo ex ipsis Proœmiis, sive Prologis, quos quisque Rex Edicto suo præfixit, manifesta habetur. Sic primus scriptarum Legum conditor Rotharis præfatur. *Incipit Edictum, quod renovari cum Primatibus meis Judicibus &c. atque in fine: Præsentis dispositiones Edicti, quæ, Deo jubente, atque propitio, & summis vigiliis ad coelestem favorem præstitis, inquirentes, & renovantes antiqua, Leges Patrum nostrorum, quæ scriptæ non erant, condidimus, & pro communi omnium Gentis nostræ utilitate expediunt, parrem (leg. pari) consilio, parique consensu cum Primatos, Judices, cunctumque felicissimum Exercitum nostrum, augentes constituimus.* Sic Rex Grimoaldus per suggestionem Judicum, omniumque consensum ea, quæ in Rotharis Edicto temperanda, declaranda, addenda videbantur, proponere inquit. Sic Liutprandus, unâ cum omnibus Judicibus de Austria, & Neustria partibus, & de Tuscia finibus, cum reliquis fidelibus meis Longobardis, & cuncto Populo assistente, singulos Edicti sui Libros composuit, promulgavitque. Pari modo, iisdemque verbis Rex Rachis: tum denique Aistulphus, qui

(1) Lib. v. Epist. xx. alias xxxi. Vid. etiam alteram de eadem re sequentem Epistolam xxi. al. xxxiv. ad Constantinam Mauritii Conjugem.

(2) De Gestis Long. lib. iv. cap. 37. Hic (Phocas), ro-

ganis Papa Bonifacio, statuit, Sedem Romanæ, & Apostolicæ Ecclesiæ Caput esse omnium Ecclesiarum, quia Ecclesia CPolitana primam se omnium Ecclesiarum scribebat.

(3) Apud Card. Baronium ad Ann. dcvi.

qui Leges suas, convocatis ex diversis partibus Regni nostri Judicibus, communi Consilio in Edicti paginam affigi statuisse se, ait.

Quantum ex hoc ipso Ritu Longobardicis Legibus accesserit pretii, atque utilitatis, quanta etiam apud praesentes, posterisque observantia, qualis denique apud gravissimos, eruditissimosque tum superioris, tum nostrae aetatis Viros aestimatio comparata sit, unius (qui nunc omnium vice nobis erit) Petri Jannonii testimonio, ac judicio probabimus; cuius etiam integrum locum recitasse intererit, ut quid in Jannonio probandum sit, quid (quod ad hoc argumentum pertinet) respuendum, opportunè animadvertamus: sic itaque ille: Il modo, che tennero, e la somma prudenza, e maturità, che praticarono i Rè Longobardi, quando volevano stabilire le loro Leggi, merita ogni lode, e commendazione. Essi convocavano prima in Pavia gli Ordini del Regno, cioè i Nobili, e Magistrati; poichè l'Ordine Ecclesiastico non era da essi conosciuto, nè aveva luogo nelle pubbliche deliberazioni; e nemo la Plebe, la quale, come disse Cesare parlando de' Galli, nulli adhibebatur consilio. Si esaminava quivi con maturità, e discussione ciò, che pareva più giusto, ed utile da stabilire; e quello poi stabilito era pubblicato da' loro Re negli Editti. Maniera, secondo il sentimento di Ugon-Grozio (in Proleg. ad Hist. Goth.) forse migliore di quella, che tennero gl'Imperadori stessi Romani, le di cui Leggi dipendendo dalla sola autorità loro, soggette a varj inganni, e suggestioni, cagionavano tanta incostanza, e variazioni, che del solo Giustiniano vediamo, di una stessa cosa aver tre, e quattro volte mutato, e variato parere, e sentenza. Presso i Longobardi prima di pubblicarsi le Leggi per mezzo de' loro Editti, erano dagli Ordini del Regno bene esaminare, e discusse, onde ne seguivano più commodi. Il primo, che non vi era timore di potersi stabilire cosa nociva al Ben pubblico, quando vi erano tanti occhi, e tanti sarj, a' quali non poteva essere nascosto il danno, che ne avesse potuto nascere. Il secondo, che era da tutti con pronto animo osservato ciò, che piaceva al comun sentimento di stabilire. E per ultimo, che non così facilmente erano soggette a variarsi, se non quando una Causa urgentissima il ricercasse (1).

Rectè, scitèque Jannonijs se habet, quum ex Grotii, aliorumque doctorum virorum sententiâ, Legum Longobardicarum praestantiam ex ipso condendarum, ac promulgandarum ritu, sed modo, sibi concelebrandam suscepit. At quæ virulento calamo interjecta ab ipso observationes sunt, non adeo rerum gestarum gnarum, nec veritatis studiosum, ostendunt. Jannonijs itaque observatio est, in Longobardicis ferendis Legibus nullas fuisse Populi partes, cuius etiam suffragia, allato veterum Gallorum exemplo, nullimodè adhibenda existimavit. Sed ea de re manifesti mendacii Jannonium convincunt ipsimet Reges Longobardici; quorum primus Legislator Rotharis iterum erit audiendus, qui Edictum suum pari consilio, parique consensu cum Primatis, Judicibus, omniumque felicissimum Exercitum (idest reliquum Populum) constituisse se, ait. Haud secus Grimoaldus per suggestionem Judicum, omniumque consensum, idest universæ Longobardorum Gentis suffragium, suas Rothariano Edicto Leges adjecit. Praclarior se habet Liutprandus; qui semel, atque iterum Leges suas, non solum una cum omnibus Judicibus, verumetiam cum omnibus fidelibus Longobardis, et cum eo Populo assistente, constitutas praefatur. Pervenisset certe Longobardos veterum Gallorum exemplum sectari, quod exemplum Jannonium non puduit, quasi praecipuum, ac venerandum universæ Antiquitatis monumentum, in eam rem protulisse. Et mirum quidem Jannonijs oculis inter Alpium juga Gallos cernentibus, ipsos in media Italia dilapsos, neglectosque veteres Romanos, quorum celeberrimæ, optimæque institutæ Reipublicæ formam ipsi quoque spectasse, sibi quæ in negotio æmulandam proposuissent Longobardi videntur. Nihil in Romana Republica solemnius, nihil sanctius, atque salutarius, nihil etiam in Romana Historia magis obvium, atque protritum formulâ illâ: Consul Populum jure rogavit; Populus jure respondit: quum scilicet Leges primum rogari, et ferri ad Populum, dein, postquam à Populo probatæ accipiebantur, perferri, et perrogari deberent (2).

Sed iniquior altera Jannonii observatio est, quâ universum Ecclesiasticum Ordinem ita Populo exaequat, immò cum Populi facie ita commiscet, ut veluti hominum genus, omnis sapientie, consilii, dignitatisque expertis, à Longobardis flocci habitum, à Reip. negotiis repulsum (l'Ordine Ecclesiastico non era da essi conosciuto, nè aveva luogo nelle pubbliche deliberazioni) affirmare ausus fuerit. Fateor quidem, nullam in Longobardicorum Edictorum Procemiis factam Ecclesiastici Ordinis mentionem: sed ex solo ejusmodi silentio non illud veluti

cer-

(1) Storia Civile di Napoli lib. v. cap. v. pag. 350. edit. Hage 1753.

cap. 19.; Cicero Orat. 1. in Anton. cap. x.; Videlicet Brisonum de Formulis Vet. Rom. lib. 11. cap. xvii. & seq.

(2) Livius lib. 11. cap. 57., & lib. 14. c. 49. & lib. xxx.

certainum, necessariumque consequitur, quod non sine utriusque partis, Ecclesiasticorum videlicet, æquè ac Longobardorum pari injuriâ, à Jannonio statutum audivimus: Jam observavimus, quantâ veneratione, quali etiam obsequio Longobardi Legislatores Ecclesiam prosequuti fuerint; ita ut & Canonicas Sanctiones, & Pontificias cohortationes, aut etiam jussa, præcipuè Legis instar, religiosissimè sectarentur. Ecclesiastici autem Ordinis Viros ideo sibi in Regni Comitibus assistentes, consiliariosque non adhibuerunt, quod ipsorum Leges ad sæcularia potissimum negotia, Reique publicæ statum, atque œconomiam moderandam pertinerent. Quid verò, si silentio præteritos, re tamen ipsa in condendis, probandisque Legibus accitos, consultosque dicemus? optimam ita affirmandi conjecturam præbebit luculentum, ac sanè indubium Radelchis Beneventani Principis exemplum, qui Monasterio Vulturnenfi post Saracenicam vastationem generale Privilegium facturus de antiquis juribus, rebusque omnibus eidem recuperandis, seu revindicandis, non id, nisi Beneventano Episcopo, Abbatibus, Optimatibus, Judicibus assistentibus, promulgasse voluit: En illius verba. *Dum nos Vir Gloriosissimus Radelchis Dei Providentia Longobardorum Gentis Princeps in Sacro Palatio nostro Beneventi habitator, confedissemus ad utilitatem Reipublicæ exhibendam, necnon & nobiscum pariter assistentibus Petrus Episcopus, Abbatibus, Optimatibus, Judicibus, & ceteris Nobilibus Longobardorum &c.* Sed, ut ad ipsum, quem adhuc terimus, undeque sua Jannonius confingere voluit, Longobardicarum Legum Codicem revertamur, quum ad ea tempora ventum est, in quibus Franci, Longobardici Regni administrationem adepti, se se Ecclesiæ, quò magis ejus status resloresceret, non Dominos, sed Patronos, Ecclesiasticorumque Canonum non conditores, aut interpretes, sed exequutores, & ministros præstiterunt, agique tunc enixius; atque frequentius de Ecclesiasticis negotiis opus fuerit, jam in ferendis Legibus servatus ille, quem à Longobardis acceperant, convocandorum Comitiorum saluberrimus Ritus, cum aliis Regni Ordinibus universos quoque Ecclesiastici Ordinis Primores admittere cepit; quinimò his primas in ea re partes, primaque subsellia concessa fuisse constat; neque in solis tantummodo Ecclesiasticis, sed in Sæcularibus etiam negotiis quibusque illorum perquisita consilia, atque admissa suffragia. Id certè ipsius Caroli Magni Leges pro Regno Longobardico promulgatæ nobis ostendunt, quarum illud est exordium. *Factum est Capitulare, qualiter congregatis in Synodali Concilio Episcopis, Abbatibus, Virisque illustribus una cum piissimo Domino nostro Carolo secundum voluntatem Dei pro causis opportunis consenserunt decretum* (1): *Paternum exemplum sequutus Pippinus Rex Italiæ hoc Legibus suis initium fecit. Audire, qualiter placuit mihi Pippino excellentissimo Regi Gentis Longobardorum, cum adessent nobiscum Episcopi, Abbates, & Comites, seu reliqui Fideles nostri Franci, & Longobardi* (2). Si de Germanis quæras, qui in Italico, seu Longobardico Regno Francis successerunt, en tibi ternos Augustos Ottones (3), Henricos quoque binos, quorum posterior, dum (inquit) in Regni universali conventu Longobardorum sedebamus, hujusmodi Legem Episcoporum, Marchionum, Comitum, aliorumque multorum fidelium consensu, & auctoritate probare sancimus; cujus etiam præclara illa sunt de Canonum supra Leges præstantia: *Omnia, quæ Sancti Canones, & Sacre Leges nostrorum Prædecessorum instituerunt, summa auctoritate confirmamus* (4). Hæc pro Historici munere scisse, vel potius haud dissimulasse debuit Jannonius; qui tamen nulla de re, atque ex quapiam sibi quæsitâ occasione nusquam Ecclesiastico Ordini sibi parcendum, ratus, æquè eidem (ut dixi), ac supremis Legislatoribus injuriosum se prodit. Quid enim? illa scilicet Jannonii esse videtur sententia, arcendos Ecclesiasticos à Reip. negotiis, Legibusque statuendis, quarum rationes ii duntaxat, qui Sæcularis Prudentiæ, Jurisque Regii studium profitentur, expendere, ac probare, ii denique dictare debeant, quibus illud, ab Ethnico Poeta usque adeo reprobatum, placere solet, ut nempe

Sit sola utilitas justi propè mater, & equi (5);

contrà verò Principes ipsi facto, exemploque suo nihil magis è Republica fore, nihil sibi sapientius, ac religiosius gerendum duxerunt, quàm si publicum statum, publicæque Leges, quibus omnes justitiæ partes erga subditos populos implere student, eorum præcipuè consilio dirigant, qui Juris Divini, Ecclesiasticique, ac Christianæ Ethices documenta pro sui Instituti ratione, atque Ordinis munere, nullo nisi publicæ salutis studio, penitiùs, ac sincerius cognoscent.

Interea, ne cum unius Jannonii judicio de Longobardicarum Legum præstantia rem confecisse

(1) In eod. Codice Legum Longobard. pag. 94.

(2) Ibidem pag. 118.

(3) Ibidem pag. 169., & 174.

(4) Ibidem pag. 178. cap. 11. & 111. Defunt in d. Codice Proceres, seu Præfationes Legum Longobardica-

rum Ludovici Pii, Lotharii I., Ludovici II., & Guidonis Imperatorum, è quibus similia haussemus, si incolumes cum ipsis Legibus ad nostra tempora evassent.

(5) Horatius lib. II. Serm. v.

fecisse statim videamur, in ipso, quem hactenus expendimus, Ritu, ipsorum quoque Regum tum prudentiam, tum moderationem animadvertere licebit, dum hi Leges perpetuò duraturas, atque universo Regno imponendas non ab uno sui arbitrio, ac providentia, neque solius sui, Concistorii sententiâ contenti, tum reliquorum Judicum, Procerumque, tum denique Populi, aliorumque ad Comitia confluentium consensione discussas, ac promulgatas voluerunt: Itaque hunc honorem (uti in hac re observat Muratorius) Populo suo habebant Reges ii, quos nunc Barbaros tanta facilitate appellamus, & ego in primis (1): Hunc etiam honorem (addere mihi liceat), hoc etiam Legibus suis decus, atque pretium Longobardi Reges pepererunt, ut tum ex Ritu ipso, tum ex aliis multis in eam rem studiosè collatis, non solum diuturnam illis apud posteros observantiam, verum & laudis immortalitatem compararint. Ac Posterorum quidem alii ad septem, & amplius sæcula Longobardicis Legibus sibi omnino vivendum, non modò honestissimum, verum etiam commo- dissimum, ac saluberrimum existimaverunt: Alii vero, post restitutum Romani Juris usum, non tantum Longobardicum non despiciendum, proculcandumque, sed etiam, uti de Romano fieri coeperat, Longobardico pariter interpretando, atque illustrando ingenia, operaque suas conferendas censuerunt (2). Quorum literatæ Cohorti signiferum merito assignabimus Guntherum, Imp. Frederici I. à Secretis, sui que ævi illustrem Poetam, qui Longobardos tum aliis pluribus animi virtutibus, tum præsertim Jurisprudentiæ studio, Legumque dignitate luculento hoc elogio commendavit.

*Gens astuta, sagax, prudens, industria, solers,
Provida Consilio, Legum, Jurisque perita.*

Fuit itaque Longobardici Juris hæc olim sive dignitas, sive felicitas, ut non solum post extinctos Auctores, Dominosque, idest deletam Regiam Longobardicæ Gentis successionem, verum etiam post Romanam restitutam Jurisprudentiam, diutius, quam credere quis possit, viribus suis constans, Italiam universam subditam sibi agnoverit. Jam illud à nobis superius probatum est, everfis scilicet Longobardorum rebus, atque ad Francos translatis, nihil de eo Jure excidisse, tantumque tum abfuisse, ut Carolus Magnus de eo abrogando, vel rescindendo cogitavit, ut potius Longobardici adhuc Regni titulum, atque jura prosequutus alias ipse Leges adjiciens, aliasque addendi successoribus Italiæ Regibus tum Francis, tum denique Germanis exemplum relinquens, id certè effecerit, ut posteriores Leges cum veteri Corpore coalescentes validiorem Longobardico Juri auctoritatem compararint. Dum verò Cistiberinæ Italiæ regiones sub Northmannorum jugum, ac in peculiare Regnum, Sicilia nomine primum appellatum, concessissent, rata tunc etiam permansit ejusdem Juris auctoritas; immò tunc fortasse primum ad eam prærogativam pervenisse videtur, ut non modò *Juris Communis* nomine, verum etiam *Juri Romano*, dum alterum alteri adversaretur, antelatum à Rege Guilielmo legatur (3). Post Northmannos Fridericus II. eo Regno potitus, is scilicet, qui ejusdem Regni Constitutiones, intertextis, digestisque decessorum Regum Legibus, adauxit, atque in unum Corpus, seu Codicem, regia auctoritate promulgatum, redegit, Fridericus, inquam, Jus, sive Legem Francorum, quâ plerique, ex veteri facultate ab Imperat. Lothario olim facta, adhuc vivere malebant, omnino abolevit, veterem verò honorem, atque auctoritatem Juri Longobardico servavit, nisi recentioribus Constitutionibus antiquatum nosceretur (4): immò Grotii animadversio est,

quod

(1) In d. Dissert. xxv. pag. 256.

(2) Jus Longobardicum commentari Hugo Grotius sibi statuerat, sed morte præventus, desiderandum id opus nobis reliquit. Præter antiquiores editiones prodierunt Leges Longobardicæ Venetiis anno 1537., tum etiam anno 1621. apud Jundas; quibus adjectæ sunt perpetuæ Glossæ, seu Commentarii antiquissimi Jurisconsulti Caroli Cotti Siculi, qui ante annos cccc. floruerat; præterea scholia Nicolai Boherii Galli Jurisconsulti, tum Glossæ quædam ex veteri MS. excerpta; & denique *Andree de Barulo* Commentarii. Si paucos Legulejos exceperis, quibus præire cœpit Lucas de Penna in leg. un. Cod. De Gladiatibus, asfirmare ausus, Leges Longobardicas factas fuisse à be- ficialibus, neque mereri appellari Leges, sed Ecce; atque mox concinens *Andreas de Isernia* in cap. i. s. item sciendum. In notis Feudorum, Jus Longobardicum, æquum, & sine ratione conditum criminatus; qui

bus potius cavendum fuisse inquit Muratorius in *Præfat. ad Cod. Leg. Longob.*, ne æquinam ipsi judicandi rationem hac in re sequerentur: satis constat, Jus Longobardicum nostrâ ætate insignes habuisse patronos, Muratorium, Jannonium, Heineccium, aliosque diligentes rerum indagatores, justosque æstimatores.

(3) In Constitutionibus Regni Siciliae lib. i. tit. lxxiii. sive Cap. *Puritatem* pag. 88. edit. Venet. 1590.

(4) Ibidem lib. ii. tit. xvii. sive Cap. *Speciale* p. 160. uti Glossa hæc habet. *Fridericus remouet quasdam abusos, & vult, ut omnes subditi indistincti, non habita personarum discretionem, eadem Lege vivant, Francus sit, sive Romanus, aut Longobardus. Multi enim in Regno semper vixerunt Jure Francorum, multi Jure Romano, & multi Jure Longobardo. Sed in aliis servarentur potius Jura Longobarda, quàm Romani: supra De Off. Mag. Cam. Leg. Præfati, & Leg. Puritatem, & supra de Off. Judicis &c.*

quod illæ ipsæ, quæ in Regno Neapolitano, Siculoque valent Constitutiones, à Friderico II. collectæ, ferè omnes à Legibus Longobardorum fluxisse videantur (1). Adde nunc (uti ejusdem Grotii, ac Gothofredi pariter sententia est) Feudale Jus, quod hodieque nobiliorem, usitatioremque Juris Communis partem apud Nationes omnes obtinet, à Jure Longobardico originem suam ducere, eoque veluti sibi factò fundamento varias dein sibi consuetudines, edictionesque adstruxisse (2): Quo de argumento sequenti Capite, loco nempe suo, accuratius differemus.

Illud modo instituti nostri operis ratio postulat, ut ex Jure Communi Longobardorum, seu Regis Legibus, in eam quoque illustrandam Juris Longobardici partem properemus, quæ Beneventanos Principes auctores habet. Beneventanorum Principum Leges, quo tempore in Ticinensi Aula Longobardicum stetit Regnum, nullas reperisse erit. Ambitiosum enim, aut certè supervacuum sibi duxissent Beneventani Duces, nondum Principum titulo, ac majestate potiti, Leges ferre; dum satius eorum subditis fuisset, iis vivere Legibus, quas Regum auctoritate, ac providentiâ constitutas, cum universo Italiæ populo sibi servandas accepissent: quod si pro peculiari proprii Ducatus ratione statuendum quidquam contingeret, non id profectò solemnè proponi debuit. Quemadmodum igitur de Nummis cudendis superioris Dissertationis Capite I. demonstratum fuit, ita de ferendis Legibus nunc affirmandum erit, nullatenus scilicet à Beneventanis Ducibus hanc supremi Domini, idest Legislationis, vel arreptam, vel sibi vindicatam prærogativam: quamobrem, quum in vetustis illorum Chartis aliquid vel Multæ nomine, vel Contractuum, vel Hæreditatum occasione, secundum Legem aut secundum Edicta judicatum, memoratumve occurrit, non id ad Leges, Edictaque, quæ ipsimet, sed Longobardici Reges statuissent, referendum à nobis erit. Dum verò, Regibus sublatis, horum jura, ac majestatem Beneventani Duces, accepto Principum nomine, attribuerent sibi coepissent, jam demum ab ipsis, uti de Nummis factum constat, ita de publicis condendis Legibus explicatam pariter auctoritatem inveniemus. Ipse itaque Beneventani Principatus Fundator Arichis II. non tam seipsum Regis Insignibus condecorare, quàm Regii muneris, Potestatisque partes omnes implere studens, recentem Reip. suæ statum non solum armis, sed etiam Legibus constituendum, ac communiendum curavit: quare Edicto proposito, quod & Capitulare pro illius ætatis more appellatum est, plura sancivit, quæ in universo Principatu pro Jure communi dein haberentur, publicarumque Legum vim, atque auctoritatem obtinerent. Bina Arichis Capitularia ad nos pervenerunt: Alterum est, quod is cum finitimis Neapolitanis Pactum initurus, de Campo Liburiæ, aliisque rebus, juribusque ad Principatum pertinentibus constituit, diversum quidem ab alio, novissimoque Pacto, de quo (uti Peregrinus jam monuit) loquutus est Erchempertus num. II., inquit Neapolitanis Diaria in Liburia, & Coemeterio misericordie vice distributa ab Arichi fuisse (3): Sed hoc Capitulare tantummodo indicasse nunc satis habemus, ex quo eas duntaxat Leges discimus, quæ de finibus regundis, oneribusque ferendis, Neapolitanis datæ sunt. Alterum verò, in quo non solum publici Edicti, ab universis subditis servandi rationem, atque auctoritatem, verum etiam Principis Legislatoris Religionem, Sapientiam, Prudentiam, Æquitatem manifestam habemus, diligentius observasse operæ nunc pretium erit. Capitibus, sive Capitulis XVII. id Capitulare Arichis conclusit; solis scilicet necessariis rebus prospiciens; ac faciliorem, promptioremque populis ex ipso brevi Legum numero observantiam reportaturus. Integrum Capitulare ipsum cum aliis nostrorum Principum Constitutionibus, in appendice hujus Libri, mendis expurgatum, notisque illustratum proferemus: interea, quæ Arichis ipse, ejusque Successorum Leges extent, ad Religionem pertinentes, hoc Capite expendemus (4).

Primum locum habet Lex illa, num. IV. proposita, quæ Arichis, Ecclesiastici, ac Monastici Ordinis dignitati consulens, adversus Clericorum, Monachorumque occisores, quod hæctenus nullibi factum legebatur, novas, asperioresque pro Criminis gravitate, poenas sancivit.

(1) In Prolegom. ad Hist. Gothic. &c.

(2) Feudalis Juris librum secundum Obertos de Orto his verbis orditur. *Causarum, quarum cognitio nobis frequenter committitur, aliæ dividentur Jure Romano, aliæ verò Legibus Longobardorum, aliæ autem secundum Regni consuetudinem &c.* ubi Dionysius Gothofredus hæc notat: *Causæ Feudales deciduntur, vel Jure Romano, vel Longobardo, vel consuetudine Regni. Longobarda*

Legis Libros authenticos esse hinc colligit.

(3) Edidit hanc Chartam Peregrinus cum sua Præfatione, quam habes in nova edit. T. III. pag. 191.

(4) Hoc Principis Arichis Capitulare, cum aliis Beneventanorum Principum Capitularibus idem Peregrinus edidit, ex quo recensit Muratorius Scriptor. Ital. t. II. p. 336, ac denique Pratilius t. III. p. 184.

vit. Ea verba: Nonnulla flagitiorum veteres Jurisperiti, dum fieri posse non crederent, decernere præcipientes, posteritati erronea reliquere vestigia. Ad (at) nunc crevescentibus (crebrescentibus) malis, & fieri posse creduntur, & quod dictum nefas est, facta videntur. Hactenus Religiosorum homicidia, eo quodpote (utpote) aut inermis genus, aut in omnibus venerandum haberetur, nullus Compositionis & aperta Lex judicialia (judiciaria) calculo claruit: & si quondam forsitan contigisset, aut sub ostensa Legalis negligentia, vel oblita rationis obmittebatur, aut certe Censorum opinione, aut illud, quod cuique libitum erat, desernebatur. Ideo, sicut omnibus simul equissimè placuit, sancimus, id precepimus, ut si quis deinceps occiderit Monachum, vel Presbyterum, aut Diaconum primatum tenentem, componat soli. (solidos) cc., vel supra, ut Principi patria placuerit usque trecentos. De ceteris verò personis inferioris gradus, quæ in Palatio deferuntur, ducentorum Solidorum compositio proveniat: De reliquis autem Ecclesiasticis, qui extra Palatium degant, cl., sicut de laicis, qui exercitalibus militant armis. Quod igitur hoc Capitulo Arichis constituit, id omnibus simul equissimè placuisse ait; ut videas, eundem à Beneventanis Principibus ferendarum Legum servatum Ritum, quem sui olim Reges tenuerunt, ut scilicet quas promulgarent Leges perpetuò duraturas, atque universim observandas, Procerum antea Consultatio, ac Suffragium ad æquitatis, sive iustitiæ, publicique boni normam examinaret, probaretque. Sed de Lege ipsa videamus.

Satis elegans huic Legi proœmium apposuit Arichis, qui non solum veterum Jurisperitorum, idest Jurisprudentiæ inferioris ævi scientiæ imbutum, verum etiam Antiquitatis universæ eruditum sese ostendere voluit: Id enim de Ecclesiasticorum, Monachorumque cæde evenisse innuit, quod olim de Parricidii crimine factum constat. Parricidii enim nomine Romulus (ut inquit Plutarchus) cuiuscunque hominis cædem est complexus; nihil de Parentum cæde statuens; propterea quod neminem tam nefarium esse arbitraretur, qui tanto scelere se obstringeret: quin etiam serò admodum Romæ tale facinus est patratum; primusque post Hannibalis Bellum L. Hostius Patrem interfecit: qua flagitii novitate Romani admoniti dignam scelerei poenam fencerunt (1). Quod ad Monachos, seu Religiosos igitur attinet, paulò iniquius de ipsis sequior ætas judicare coepit: satis erit S. Hieronymum audisse, cujus in De Laude Marcellæ, illa sunt: Nulla eo tempore nobilium Foeminarum noverat Romæ propositum Monachorum, neque audebat propter rei novitatem, ignominiosum (ut tunc putabatur), & vile in populis nomen assumere. Hac... non erubuit profiteri, quod Christo placere cognovit (2). Ex ipso nomine, quod Solitarium indicat, horrore potius, quam honori habebatur ejusmodi hominum genus, qui à ceteris hominibus se procul dissociassent: etsi enim ex illorum Secessione non mediocriter commodum in Rempublicam promanabat, quod videlicet deleta ab ipsis, vel plerumque ipsis concessa ad habitandum loca, inhospita, inculta, latro-num latibula, ac ferarum cubilia, sensim vel suarum labore manuum, vel adscitorum deinceps colonorum operâ, in frugiferos agros, amcenosque Campos evaserint: quin & ipsæ Insulæ ab hominum commercio prorsus divulsæ; excoli, ac frequentari cœperint; uti de Lirinenſi Galliarum, ac de Tremitenſi nostrarum Regionum, satis constat: Nihil tamen ex Monachorum instituto, vel in Humanam Societatem, vel in commune Reip. emolumentum proficisci vulgo persuasum erat; propterea quod sive ii ad poenitentiam agendam, sive ad innocentiam contutandam, virtuteque excolendas ejusmodi vitæ institutum suscepissent, iner-tem plerumque vitam, quæ vix sibi unis prodesset, ducere putabantur: quam vulgarem illorum temporum persuasionem, nostra ætate non defuit, qui probaret, aliisque incautè legentibus adoptandam proponere ausus fuit (3): Ex his itaque factum fuit, ut qui Mona-

ALTER

K k

sticam

(1) Parricidii poenam pulchrè describit Cicerò in Orat. pro Sex. Ròcio; dum enim Parricida culeo in-fusus in mare projiciuberetur, quid tam commune (inquit), quam Spiritus vitæ, terrâ mortuis, mare flu-quantibus, litus ejiciis? Ita vivunt, dum possunt, ut ducere animam de Cœlo non queant, ita moriuntur, ut eorum ossa terram non tangeant, ita jaciuntur fluctibus, ut nunquam alluantur, ita postremò ejiciuntur, ut ne ad saxa quidem mortui conqueſcant.

(2) Epist. Lib. III., ep. IX. pag. 393. edit. Rom. 1731.

(3) De primævo Monachorum instituto hæc scribit doctæque Van-Elſen part. 1. tit. XIV. cap. 1. num. 4. Patet insuper hanc Seceſſionem Monasticam non publi-

cum, aut commune Ecclesiæ bonum (nisi in quantum pri-vatorum virtutes, & vitæ sanctitas totam Ecclesiæ exornant, & juvant) sed privatam ipsorum recedentium, seu eam vivendi normam amplectentium com-mo-dum, & emolumentum, sive salutem propriam princi-paliter spectasse; eumque in finem à primis illis Mona-chis fuisse arreptam; quod & manifestum est ex iis, quæ passim à Patribus de Monachis, & eorum vivendi insti-tuto dicuntur. Basilii enim ait: Monachorum vitæ ratio, unum sibi tantummodo propositum habet, ani-mæ salutem, & quicquid prodesse ad eum finem po-terit. S. Hieronymus de se, & Vincentio ad Johannem Constantinopolitanum loquens idem asserit: Ob id & ego

Antio-

ficam profiterentur vitam, non solum inter Laicos recenserentur, verumetiam ipsis Laicis quodammodo deteriores, vel certe inferiores existimarentur: Quare haud major de Monachorum, quam de Laici cuiusque caede ratio habebatur, mitioreque fortasse poenâ Monachi, quam Laici necem vindicandam non ipsius modo vulgi, sed & Magistratuum opinatio ferebat.

At longè diversa, uti sapientissimum, religiosissimumque Principem decebat, Arichis animo infidebat sententia. Quanto is studio in Res Divinas, Deique cultores flagraret, ex magnificentissima, opulentissimaque Ecclesia S. Sophiae, adjectoque sacrarum Puellarum Monasterio, aliisque erga Religiosos viros, sive Monachos Pietatis, munificentiaeque assiduis argumentis, in Dissert. II. uberrimè demonstravimus. Liceat nunc ex ipsius Lege superius recitata luculentius id comprobare. Parricidii instar Monachorum caedem arbitratus est, cui vindicandae, quod nemo id crimen patraturus crederetur, nulla aperta Lex constituta habebatur: Quid enim tam impium, atque nefarium, quam in Monachorum sanguinem, ac vitam machinari, atque inlevere, utpote inerte hominum genus, quod denique in omnibus venerandum haberetur? Quibus rationibus satis verè, opportunèque ab Arichi traditis, jam demonstratam habes Monasticae vitae praestantiam, cui ad exactissimam Evangelicae Legis normam, quum non alia debeant esse arma, quam jejunia, vigiliae, orationes, fletus, & quae sibi Poenitentiae Virtus associare solet, cruenta plerumque voluntariae castigationis instrumenta; atque illud praecipuè Monachis propositum sit, alienam vim non contrariâ vi, sed oblatâ patientiâ excipere, proque acceptis injuriis non odium, aut vindictam, sed amorem, ac beneficium rependere: inauditum profectò crudelitatis genus esset, quod ipsae propè Belluae, Monachos plerumque reveritae, in eorumque obsequio nonnunquam concursantes, exhorruisse quodammodo videbantur, si Monachus quicumque iniusta nece afficeretur. Id autem Crimen tantò atrocius reputandum declaratur, quantò venerabilior Monachorum Ordo, seu, ut loquitur Arichis, ejusmodi Religiosorum hominum genus in omnibus venerandum haberetur. Hoc igitur Monastico Ordini praestitit Arichis, ut primus omnium eam Sanctionem ferret, qua non modo vita, sed ipse quoque honos incolumis Monachorum esset; qua etiam Sanctione praestitit videtur Carolo Magno, similia deinceps de Monachorum credibus in suis Longobardicis Legibus statuenti (1): Id tandem, quod ex ipsius Arichis erga Mona-

Antiochiam, & ille Constantinopolim Urbes celeberrimas reliquimus, non ut te in populo praedicantem laudaremus, sed ut in agris, & solitudine adolescentiae peccata desentes, Christi in nos misericordiam desisteremus. Haftenus Espenius; à quo libenter Basilii, Hieronymique loca excepiimus, ut ex ipsis vera loquentibus, falsa nobis obtrulisse Espenius convincatur. Si enim privatorum virtutes (uti ipsemet Espenius vel invitatus fatetur) & Vita Sanctitas totam Ecclesiam exornant, & juvant, cur non secessu Monastica publicum & commune Ecclesiae bonum spectasse dicenda est? Si cum privatis secedentium commodis, emolumentisque non ipsa quoque publici, communisque Ecclesiae boni ratio conjuncta fuisset (quandoquidem illi suis exemplis, precibusque (etsi nil aliud praestent) tam Ecclesiae, tum Reip. mirum in modum profuisse, prodesseque fiant, ac probentur) cur Patres de condendo, promovendoque Monachorum instituto tandiù, ac tam sedulò laborarunt? Ac Monachis quidem cavendum opportunè monet Monachorum, atque Ecclesiasticae, Monasticaeque eruditionis lumen Mabillonius in Praefatione Saeculi IV. Benedictini n. LXVI., ne à primario instituti sui proposito, atque scopo retrahantur, sive exemplo aliorum, qui alienae salutis promovendae sese totos addixerunt, sive querelis hominum Saecularium, qui eos quasi Reip. Christianae inutiles tradunt: Jamdudum adversus hunc scopulum Eugenius PP. III. praemovit Cistercienses suos, sic illos in Capitulo generali congregatos Epistola alloquutus: Quoniam filii Saeculi hujus vos etiam renitentes ad regimen sui trahere moluntur, & de quiete contemplationis, & deserti silentio volunt vos aliquoties ad occupationes, & negotia revocare; ad mentis oculos Patrum vestrorum instituta reducere: & propheticum habemus exem-

plum, eligite magis abjelli esse in domo Dei, quam habitare in tabernaculis peccatorum. An verò desidiosum hominum genus instituisse Antonius, Pachomius, Basilii, laudasset Athanasius, defendisset Chrysostomus, sectati essent cum Basilio, & Chrysostomo, Gregorius Nazianzenus, Martinus, Hieronymus, Augustinus, Fulgentius, Caesarius, & (ut innumeros alios praeteream) Gregorius Magnus? Itane otiosos approbaret Ecclesia, Concilia, Patresque laudarent, tanquam illustriorem Christi Gregis portionem, confirmarent, fovrentque piissimi quique Principes, Reges, Imperatores? Audiat Espenius, audiant, qui tunc maxime sapientes, eruditique sibi esse, aliisque videri volunt, si in Monachos oblatæ sciant, audiant, inquam, quid de Monachorum instituto pronuciaverit Imp. Justinianus in Novell. cxxxiii. Singularis vita, hujusque contemplatio res est sacra, & ex hoc eveniens animus ad Deum; & non solum juvant eos, qui ad hoc accedunt, sed etiam alii omnibus pro ejus puritate, & supplicatione ad Deum prebent inspectam utilitatem: Unde & praefatis Imperatoribus studii fuit, & à nobis non pauca sancta sunt de eorum bonestate, & ornatu. Hanc verò, quam Resp. à Monachis reportat, utilitatem his verbis Justinianus mox explicat: Si enim alii puris manibus, & nudis animabus pro Republica supplicant Deo, manifestum, quod & Exercitus habebunt bene, & Civitates bene disponentur: Deo quoque placato, & propitiis existente, quomodo non universa plena totius pacis, & devotionis? Sed & terra nobis feret fructus, & mare, quae sua sunt, dabit, illorum oratione Providentiam Dei ad omnem rem publicam deducente.

(1) Ita quidem: nam quae habentur in Lege ci. Caroli M., ut pro Monachi caede Solidi cccc. persolverentur, recentius ab eo constituta fuisse constat.

Monachos veneratione proficisceretur, ejusdem fuisse judicium videtur, ut (quod postea Ecclesiæ Legibus ritè, justèque definitum est) Monachi, et si nullo Ecclesiastico Ordine insigniti tunc essent, inter Sacras tamen Personas censerentur, quippe qui illorum interfectores eadem poenâ afficiendos statuit, ac si Presbyterum, vel Diaconum primatum tenentem interfecissent.

At mitius fortasse, quàm & ipsa Monastici Ordinis dignitas, & sua erga illum venerationis postulassent, Arichim in ea Sanctione se gessisse, quispiam existimabit. Quàm enim facile, aut etiam peccasse impune erit, si peccatum redimi pecunia queat? Quàm etiam leve, ac contemnendum planè illud, ut Monachi cædem, idest sacrilegum facinus, Parricidio proximum, vix una sequeretur, ac omnimode absolveret, dilueretque ducentorum solidorum poenâ? Adde quoque supremæ Potestati impositum modum, ac coercitam veluti Principis auctoritatem, ut scilicet supra ducentos solidos, si Principi Patriæ placeret, poenâ augetur, sed fas Principi nequaquam foret, trecentos excedere. Jamdiù à Viris doctis animadversum reperio, quod à pluribus etiam non sine admiratione audiri solet, nullum videlicet quantumvis gravissimum Crimen per sequiorem ætatem capitale fuisse. Certè si Majestatis crimen, à quo Rex Rotharis Legibus suis exordium fecit, si Domini, Maritive cædem excipias, cetera quævis atrocissima scelera non alio prorsus, quàm pecuniæ solvendæ supplicio, seu veriùs indulgentiâ emendabantur, sive, uti ætas illa loqui consuebat, componebantur. Sic uni Episcopum occidisset pccc. solidis, qui Presbyterum dc., qui Diaconum cccc., qui Subdiaconum ccc. solidis persolutis, aut fortasse minori pecunia (nam in utroque numero mendum ex nostri Arichis Capitulari suspicari liceat) liber, atque illæsus evadebat; uti habetur in Lege Longobardica c. Caroli Magni, & in Legibus Ludovici Pii. Ita quoque homicidæ Nobilis Viri, aut uxoris immeritis, aut Sculdascii, sive Actoris Regii, idest Magistratus, incendiarii, fures, latronesque, ad Compositionem, leviorisque pecuniæ solutionem admittebantur, aut si contumaces essent, bonorum publicatione damnabantur. Hanc autem consuetudinem non Longobardis tantum, sed omnibus fere Populis à Septemtrionali in Meridionalem Plagam dilapsis placuisse demonstrant Leges omnes, Salica, Ripuaria, Bajoarica, aliæque: Adoptatam etiam ab Italicis Civitatibus invenias, quarum, quæ postmodum emerferunt Municipales Leges, sive Statuta, ad seram usque ætatem servarunt: immo ipsi quoque Romani Pontifices non solum probarunt, sed etiam in Pontificii Fisci consuetæ emolumenta verterunt: Heinricus Gregorius IX. in confirmandis consuetudinibus Castri Serronii servatos statuit Curie solidos Provenientes xx. pro Homicidii compositione solvi consuetos: ac præterea, de Sanguine (inquit) debes solvere Curie x. solidos: Item si quis committit furtum intra Castrum de die, debet solvere Curie v. solidos; si de nocte, x. solidos: Si autem extra Castrum, v. solidos; uti legitur in Pontificio Diplomate, quod Cencius Camerarius suo Regesto adnexuit (1). Quare id olim tam communi Principum, Populorumque consensu uluvenerit, plures afferri possunt causæ; quarum primam faciliè repetendam dixerim ex summa illa tum bonorum egestate, tum pecuniarum inopiâ, quæ ex assiduâ Barbarorum prædationibus Italia laborabat, neque, dum agri adhuc inculti, artesque intermortuæ essent, relevare se poterat; Heinricus pauperimis populis satis aspera ea poenâ incumberebat, quæ pecuniam vitâ fortasse ipsâ cariorem, solvendam imperabat; neque enim novum tunc fuit, immo penè quotidianum (uti aliàs observavi), ut libertatem ipsam pro sola servanda vitâ à se quisque abdicaret, ac perpetuæ servituti mancipatus, maximum beneficium consequutus videretur, si pactâ Domini tenuia alimenta tantum præbituri ope, laboriosam, ærumnosamque deinceps vitam transigere posset: Dum verò ex ipsa solutionis difficultate, gravior pecuniariæ poenæ evadebat conditio, exinde quoque Principes (quæ altera causa est) Ærario, seu Fisco suo consulebant, cujus profecto Fisci necessitatibus pauperum subditorum pensiones, seu tributa nullatenus sufficere videbantur. Accedit denique assiduarum illarum Cædum causa, quibus per ea tempora, perpetuo prope, Bellorum motu, ac furore; Italicum solum humano sanguine redundavit: quare diminutus populorum numerus, ac fortasse diminuta etiam homicidiis criminis atrocitas, id efficere videbantur, ut Homicidarum, vel aliorum gravissima quæque crimina patrantium vitæ parcendum existimaretur, ne Respublica, si occisus, occisorque simul extinguerentur, duos simul Cives amitteret; itaut, quum majorem poenarum asperitatem Criminum frequentia postulare aliqui soleat, jam tunc temporis Civium infrequentia Legum indulgentiam

ALTER

K k 2

SIAM

(1) Integrum exemplar exhibet Muratorius Antiq. Med. Ævi tom. II. pag. 36.

tiam mereri debuerit. Utut verò de hac re judicare aliis libeat, nihil certè Arichi exprobrandum erit, cui satius visum fuit, ejusmodi poenæ genus sequi, sancireque, quæ aliorum Legislatorum exemplis, temporumque rationibus congruebat; id verò ipse aliis Legislatoribus sectandum, nobis verò non sine laude commemorandum, exemplum præstitit, ut primus legem tulerit, quâ homines non solum à Monachorum cædibus deterrentur, sed in debitam Monastico Ordini venerationem perducerentur. Hacenus de Monachis, seu Religiosis viris. Quid adhuc de Religiosis foeminis Arichis edixerit, modo videamus; Utriusque enim Monachorum, Monialiumque Ordinis, sive Status commodis, decori, disciplinæ consulendum sibi duxit Arichis, qui certè *Florem quandam, & pretiosissimum lapidem inter Ecclesiastica ornamenta Monachorum, & Virginum Chorum esse*, ex S. Hieronymo rectè norat (1).

Christianæ Religionis perpetuum illud, ac singulare decus est, ab suis natalibus comparatum, ut Virginitatem, seu Castitatem Nuptiis anteferreret: Fundamentum (inquit S. Epiphanius), ac veluti crepido quadam in Ecclesia Virginitas est, quæ à plerisque colitur, & observatur, & in illustri quadam gloria, & predicatione versatur (2). Obstupere certè Gentiles ipsi, qui quum ceteras Virtutes quodammodo sibi communes jactarent, sibi tamen Religioni Christianæ concedendum fatebantur, cujus sanctimoniam in tam numerosis intaminatarum Virginum Choris, innatas cupiditates supra naturæ vires proculcantibus, radiantem animadverterent: Heinc S. Chrysostomus: *Inter Græcos sanè quidam, licet pauci, ita philosophati fuerunt, ut opum essent contemptores, & iram vicerent. Virginitatis autem Flos nullo modo apud illos fletit, in qua semper concesserunt nobis primam dignitatem, ingenuè fatentes rem supra naturam esse, & non humanam, & eapropter omnibus gentibus summæ admirationi fuimus* (3). Quod igitur insolens, ac poenè inauditum, quod naturæ Legibus adversum, quod humanæ conditioni difficillimum, atque etiam impossibile reputaretur, quod denique Evangelii consilio, Apostolique suasionem commendatum tantummodo fuit, id quidem tum, omnique deinceps ævo propositum Mulieres quælibet, divinâ favente ope, perliberenter amplexæ, ad eam profitendam virtutem, sive coelibis vitæ professionem certatim convolarunt, inviolatèque excoluerunt. Frequentissimos *Ancillarum Dei*, seu Sanctimonialium Choros, S. Gregorii M. ævo, Urbs Roma, tanquam validissimum in præsentis discrimine præsidium fovebat, ac Romana Ecclesia, velut illustriorem gregis sui portionem, sedulo alebat: Nam illarum numerum ad tria millia constitisse, earundemque vitæ sanctimoniâ, atque precum assiduitate factum esse, ne publicis illorum temporum calamitatibus Roma penitus obrueretur, idem Pontifex testatur. Gregorii testimonium libenter audiemus, quo nihil luculentius, ut quæ illarum Virtus, quæ præterea ipsius erga illas fuerit paterna sollicitudo, ac mira liberalitas, simul discamus: Quum enim Gregorius triginta auri libras à Theoclista Patricia CPolitana dono accepisset, in piam, quam is vellet, causam erogandas, medietatem quidem in Captivorum redemptionem absumpsit, de altera verò medietate *Ancillis Dei, quas vos* (inquit ad Theoclistam) *Græca lingua Monastrias dicitis, Lectisternia emere disposui, quia in lectis, sui gravi nuditate, in hujus hyemis vehementissimo frigore laborant; Quæ in hac Urbe multe sunt; nam juxta notitiam, quæ dispensantur, tria millia reperiuntur. Et quidem de S. Petri Apostolorum Principis rebus octoginta annuas libras accipiunt. Sed ad tantam multitudinem ista quid sunt, maxime in hac Urbe, ubi omnia gravi pretio emuntur? Harum verò talis vita est, atque in tantum lacrymis, & abstinentia districta, ut credamus, quia si ipsæ non essent, nullus nostrum jam per tot annos in loco hoc subsistere inter Longobardorum gladios potuisset* (4).

Virginitati Castitatem conjunxi, quam scilicet Foeminae matrimonii lege solutæ, secundis posthabitis nuptiis, sibi servandam proposuissent. Ac Viduæ quidem à Sacris Asceteriis Virginum, communique cum illis castitatis professione, religiosæque vitæ instituto sicubi admitti, aggregarique postulassent, non excluderentur: Erant verò, quæ, si id ex aliquo justo impedimento obtinere nequirent, aut magis Apostoli consilium placeret, in habitu sancto, idest Religiosis vestibus indutæ, ac castitatem suam Deo devotentes, Domi suæ religiosam vitam ducebant. Viduarum, quæ in Sanctimonialium Claustra sese abdidissent, frequentissimum fuisse numerum Sæculo VII., ac sequenti ostendit Lex Regis Liutprandi, quâ cautum voluit, ne mulieri, nisi transacto viduitatis anno, liberum foret Monasticum habitum induere, optimam hanc ferendæ legis rationem adducens, quia post mortem viri sui, *dum*

dolor

(1) Lib. II. epist. 7. pag. 122. edit. Rom. 1731.

(2) S. Epiphanius in exposit. Fid. Cathol. cap. 21.

(3) S. Jo. Chrysost. in. Tract. Quod Canonice cum Vi-
vis cohabitare non debeant.

(4) Lib. VII. Epistol. XXVI. al. XXIII.

dolor recens est, in quamcumque partem voluerit, animum ejus inclinare potest: dolore autem refrigerato, facile desideria carnis ita redeunt, ut nec Monacha esse inveniatur, nec Laica esse possit (1): Sed eam postea Legem Carolus Magnus Longobardici Regni administrationem adeptus, Mulierum viduarum precibus, & querimoniis fatigatus abrogavit (2). Quod tamen non satis providè à Carolo Viduis concessum Lotharius nepos expertus, utramque tum Liutprandi, tum Caroli Legem temperandam sibi duxit, ut scilicet nec satis diuturna, nec omnino nulla, sed unius saltem mensis mora à Viri morte Viduis statueretur, quademum transactâ, sibi monasticam vitam deligere, ac profiteri fas esset (3).

At tum in Virgines, tum in Viduas Deo Sacras, morum corruptelam sensim penetrasse, facile is sibi persuaserit, qui non modò mollioris sexus conditionem, sed sequioris quoque ævi infelicitatem animadvertat: Heinc violatas ab earum pluribus castimonie leges ex alia ejusdem Liutprandi sanctione deprehendimus, qui statuit, ut de persona ejusdem foemina, qua tale malum commiserit, judicet Rex, qui pro tempore fuerit, qualiter illi placuerit, aut in Monasterium mittendo, aut qualiter secundum Deum melius providerit (4). Ex qua Lege haud certè desides, incuriososque, sed providos potius, atque sollicitos Reges Longobardos didicerimus, eaque, quæ Pontifex Hadrianus I. ad Carolum Regem Francorum scribit, non generatim, indistinctèque esse accipienda: conqueritur siquidem Pontifex, fugillatque errorem illorum, qui in Gente Longobardorum callide regnare in stupris, & spurciis diaboli non desinit: semel quippe se vorantes, & veste fusca Monachico habitu induentes, iterum retrorsum revertentes, quod dici nefas est, saculares vestes circumferentes, illicito copulari matrimonio perhibentes (5): Non enim ex ipsa Epistola communis error ille fuisse videtur, quem unico exemplo comprobat Hadrianus, justè tamen veritus, ne facilè, ac passim imitatores haberet: Raginaldus (inquit) & Raginaldus nolentes acquiescere, filiam Ermenaldi monachico habitu circumdatam suo nepoti nomine Nazario diabolica verjuria copulaverunt; & nostris Apostolicis adhortationibus assensum tribuere noluerunt, & eorum adimplentes iniquam præsumptionem iniqui diabolici effecti sunt, & plures in Italia eorum invitari exemplo non desinunt. Privatorem igitur hæc erant flagitia, non communi certè usu, sed aliquorum improbitate patrata; quæ tantum abest, ut Longobardi Reges dissimularent, ut gliscentia reprimere, atque opportunis sanctionibus coercere saterent: quemadmodum ex dicta Liutprandi Lege manifestum est.

Ex eadem autem Liutprandi Lege haud rectè Muratorius deducendam putavit consuetudinem illam, barbaricis temporibus in Italia vigentem, mulieres Religiosas in adulterio, vel fornicatione deprehensas in Gynæceum detrudendi, locum videlicet, ubi pensiles Ancillæ ad nendum, telasque, ac pannos elaborandum reclusæ custodiebantur, majori propterea prostitutionis periculo, atque occasione sub infidis custodibus expositæ (6). Ac Muratorius quidem,

(1) In Cod. Leg. Long. lib. vi. Legum Liutprandi cap. xlvj. pag. 70. Vocabulum Monache raro admodum occurrit; unum enim Cangius offert exemplum ex Anastasio, qui de S. Leone hæc habet: Hic constituit, ut Monacha non acciperet velaminis Capitis benedictionem, nisi probata fuerit in virginitate sexaginta annorum. Addere nunc liceat ex dicta Liutprandi Lege alterum exemplum: Itaque Mulieres, quæ Deo se devotissent, à primis usque sæculis, ac Persequutionibus adhuc serventibus, non Monachas, sed Sanctimoniales Ecclesia appellare cepit. Acta S. Saturnini, & Sociorum qui sub Diocletiano passi sunt, Mariam ejusdem Saturnini filiam Sanctimonialem fuisse tradunt; ajunt enim, à Stationario milite fuisse apprehensum Saturnino juniore, & Felice Lectoribus, Maria Sanctimoniali, & Felice infanti. Idem Sanctimonialis vocabulum suo ævo passim usurpatum docet S. Augustinus, cujus hæc sunt in Sermon. xxlii. Nam mihi videtur hæc Parabola ad eas solas pertinere propria & excellentiore Sanctitate Virgines, quæ in Ecclesiâ nominantur, quas etiam usitato vocabulo Sanctimonialis dicere consuevimus.

(2) Ibidem inter Leges Caroli M. Leg. cxxx. p. 109. cujus hæc sunt verba: De Foeminis, quas defunctis Viris Lex Longobardorum prohibet ante anni spatium vestem Religionis mutare, Velumque suscipere, petunt nostram licentiam, ut mox, dum divina pietas Dei inspi-

rauerit, eas indenimes liceat suscipere. Nos autem considerantes, quia præterito tempore pro ipsa dilatione multæ etiam captæ intra idem spatium ad aliam partem distractæ fuerunt, ideo petitionem earum, quam censuimus esse justam, suscepimus, & eis fieri ita concessimus.

(3) Ibidem inter Leges Lotharii I. Leg. lxxviii. pag. 145. ubi sic legitur: De Foeminis, quæ Viros amittunt, placet nobis, ne se, sicut hætenus, indiseret velent, sed ut per xxx. dies post decessum Viri sui expectent; & post tricesimum diem per consilium Episcopi sui, vel si Episcopus absens fuerit, cum consilio aliorum suorum Sacerdotum, suorumque parentum, atque amicorum, id quod eligere debent, eligant. Hanc Legem non Lothario, sed Ludovico Pio tribuit Concilium Parisiense anni 829. lib. v. cap. i. illud etiam prudentius statuens, nihil, inconsulto Episcopo, ab ejusmodi Viduis de religioso statu deliberandum: Stantimus, ut hujusmodi Viduæ amissis viris repente non velentur; sed cum convivia Episcopi sub triginta diebus, ut à glorioso Principe Domino Ludovico, cum consilio Sacerdotum jamdudum confirmatum est, expectent; quibus peractis, aut nubant, aut si potius Deo se sacrari exposculaverint, admonentur, & instruantur, &c.

(4) Ibidem inter Leges Liutprandi lib. v. cap. i.

(5) Inter Epist. Pontificias Codicis Carolini n. xciv. Tom. II. part. II. Scriptor. Ital. pag. 268.

(6) Antiq. Med. ævi tom. vi. Dissert. lxxv.

quidem, quo praesertim tempore, quoque auctore usus ille tradendi Gynæceo Sanctimoniali-
les lapsas inuictus sit, incompertum sibi ait; sed ex supradicta Liutprandi Lege, *de ipsis*
Legibus Longobardis dubitari posse subdit. At, ne id ita temerè affirmaret, ipsa Liutprandi Lex
satis commonere videbatur: id namque à Liutprando statutum præcipuè legitur, ut ejus-
modi mulieres in *Monasterium mitterentur*, idest Sacrum locum, ac Sanctimonialium domi-
cilium, ubi reclusæ eandem Religiosæ vitæ rationem, sed nullam egrediendi li-
bertatem deinceps haberent: neque verò qui *vel aliter* sibi, successoribusque suis de ejus-
modi mulieribus *secundum Deum providendum* reliquerit, id postea aut ipse, aut successo-
res providisse existimandi sunt, quod manifestè *contra Deum commissum* videretur, ut sci-
licet pro Monasteriis, virtutum domiciliis, Gynæcea substituerentur, ubi & ipsæ in dete-
rius ruere, & aliis offendiculo esse possent. Heinc illud mihi verisimile sit, servatam ali-
quando Liutprandi Legem; sed quum postea Monasteriorum, in quibus Sacrae Virgines ale-
rentur, detrimento ea res esse coeperit ob ejusmodi mulierum multitudinem, quæ eò
mittebantur, statuta his propria Monasteria, seu Clausura postea fuerunt, intra quorum
septia recluderentur; unde factum est, loca isthæc, quæ verè Monasteria essent, ob la-
xiorum vivendi disciplinam, Gynæceorum, quorum corruptelam præferrent, etiam ap-
pellationem meruisse: Atque ita intelligendam arbitror illam Imperatoris Lotharii I. Legem,
quæ inter Longobardicas extat cap. LXXXVII, hisque verbis loquitur. *Statuimus, ut si*
Fœmina vestem habens mutatam (idest abjectis secularibus vestibus, Monasticas induerit)
moecha deprehensa fuerit, non tradatur Geniceo, sicut usque modo, ne forte qua prius cum uno,
postmodum cum pluribus locum habeat mœchandi; sed ejus possessio (idest facultates) *Fisco rediga-*
tur, & Episcopi ipsa subiaceat judicio (1).

Fateor quidem sub Longobardis Regibus Gynæcea extitisse; uti ex Regis Rotharis Le-
ge cxxxii. præclarè constat, in qua mulier libera, aut puella servo nubens, necessariis
eam injuriam dissimulantibus, à Gastaldio Regis, aut Actore, aut Sculdasio in *Curtem Regis*
ducenda, ac inter pensiles ancillas constituenda jubetur. At illud inficior, apud solos Longo-
bardos Reges Gynæcea fuisse (2), eandemque Sanctimoniales lapsas subiisse poenam; quæ uti
ex Lotharii verbis omnino discimus, præteritam culpam non dilueret, sed faciliorem peccandi
occasionem præberet: Quod si ejusdem Lotharii ævo id tandem obtinuisset, ut Sanctimoniales
lapsæ Gynæceis traderentur, non Longobardicæ, sed posterioris ætatis, quæ a Regibus Longo-
bardis extinctis ad Lotharium fluxit, vitium esse debuit. Certè nihil sollicitioris providentiæ
Longobardis Regibus prætermittebatur, uti Sanctimonialium castitas in tuto esset, vel si peri-
clitaretur, arctiori custodiæ obnoxia maneret; quemadmodum ex dicta Lege Liutprandi satis
liquet, qui non Gynæceis, sed Monasteriis tradendas mandavit: Sed & ipsum Liutprandum
in eadem Lege adhuc de Sanctimonialibus præclarè loquentem libenter audiemus. *De his*
Fœminis, quæ velamen Religionis in se recipiunt, aut à Parentibus suis Deo vocentur, aut ipsæ
elegerunt Religionis habitum, aut vestem Monachicam induere videntur, quamquam à Sacerdote
consecrata non sint, sic nobis justum apparuit esse pro Dei amore, ut in ipso habitu in omnibus
perseverent, nec sit excusatio malis hominibus, quod consecrata non sint. & ideo si copulantur,
culpam non habeant; sed, ut supra præmisimus, quæ tale signum supra se habeant, idest ve-
lamen, aut vestem Sanctæ Dei Genitricis Mariæ quocunque ingenio in se suscipiunt, postea ad
Secularem vitam, vel habitum nullatenus transire præsumant. Quia considerare debet omnis
Christianus, quod si quisque Secularis homo parentem nostram Secularem sponsat, cum solo
anulo eam subbarrat, & suam facit, & si postea aliam uxorem duxerit, culpabilis invenitur
solidis

(1) In d. Cod. Leg. Longob. inter Leges Lotharii I. cap. LXXXVII. pag. 148.

(2) In omnium Principum Aulis, Gynæcea, sive Gynæcia, aut Gynæceia fuisse satis constat, loca videlicet, sive Conclavia ad conficiendas Principum vestes constituta. Celebre exemplum ex Aula Constantinopolitana habemus, cujus occasione Longobardos in Italiam à Narsete accitos vulgò ferunt, quod ei Sophia Imp. Justinii conjux, inter cetera, quod Eucnuchus esset, hoc fertur mandasse, ut cum Puellis in Gynæcio lanarum pensa divideret, uti Pauli Diaconi rem ipsam narrantis verba describit Aimoinus Monachus De Gest. Franc. lib. III. cap. x. Heinc illos, qui Gynæceis præerant, Regiis Texturinis præpositos appel-

lat Jul. Firmicus lib. III. cap. 7.; quamvis autem Gynæcei vocabulum ex sua derivatione Græcæ vocis γυνή ædes indicet secretiores, ubi solæ exstant femine, habebant tamen Imperatores Gynæceorum suorum usibus deservientia utriusque sexus mancipia, uti apparet ex Leg. II. Cod. Theod. De Muriis. De Ancillis autem Gynæceiarii testes habemus ipsosmet Principes in Leg. VI. ejusd. Cod. De Judæis. Quapropter ingenue mulieres, quæ se Gynæceiariis junxissent, si con-
ventu denunciatione solemnii, splendorem generis con-
tubernii vilitate præferre velint, suorum Maritorum
condicione teneri constituent Imp. in Leg. III. Cod. Justin. lib. XI. De Muriis, & Gynæceiariis.

solidis v. : quanto magis debet causa Dei, & sanctæ Mariæ amplior esse, ut quæ ipsum velamen, vel habitum suscipiunt in se, in eodem debeant permanere ? Hæc si animadvertisset Mura- torius, nullam certè dubitandi causam sibi effecisset, ne non Sanctimonialia in Gynæcea de- trudendi mos à Regibus Longobardis promanarit : Neque Pontifici Hadriano apud Carolum Magnum conquerendi de Sanctimonialium nuptiis occasio fuisse videtur ; dum in Italico Regno eæ Leges à Longobardis Regibus sancitæ haberentur, quæ non solum id facinus coer- cuerunt, verum etiam Sanctimonialium statu digna, ac eximie pietatis, religionisque plena, ad nostrorum etiam tum temporum, tum ingeniorum eruditionem conducentia statuiffe probantur (1).

Adde nunc asperrimas Legi suæ adjectas à Liutprando sanctiones, quibus tum ipsi mulieribus, tum criminis fociis patrati facinoris poena erat subeunda ; nam ipsi mulieri omnis substantia adimebatur, potestati Palatii adjudicanda ; atque in Monasterium detrusæ, de victu, & vestimento, qualiter ipsi Principi placuerit, suppeditandum erat, parcè scilicet, angustæque, ut poenitentiam agenti congruebat : Tum par multa solidorum dc. tam in illum, sub cuius mundo, idest cura, ac regimine illa erat, si malo consensiens fuerit, quàm in illum, qui eam tollere præsumpserit, constituitur : Atque id totum, si de Nuptiis, sive attentato matri-

(1) Plura in hac Liutprandi Lege observatione digna sunt. Primum illud, nullum à Liutprando factum discrimen inter eas mulieres, quæ aut à Parentibus suis Deo voverunt, aut ipsæ elegerunt Religionis habitum, imposita utrique pari necessitate Religiosam vitam, perpetuò profitendi. Siquidem Liutprandus ætatis suæ morem, seu disciplinam respexit, ex Regula S. Benedicti cap. lxx. iunctam ; nam antea ex S. Basilii Regula integrum erat illis, qui à parentibus oblatis Mona- sterio essent, ad Sæculum redire. S. Benedicti institutum probavit postea Ecclesia variis in Conciliis, & pri- mum quidem in Toletano xv. can. 49. & 57. Heinc liti- giorum in Regule cap. 1. Quicumque à parentibus pro- priis in Monasterio fuerit delegatus, noverit se ibi per- petuò permanfurum ; & quidem Samuelis, quod mox subdit, exemplo. Sic in Wormatiensi Synodo anni 866. can. 22. Si Pater, vel Mater filium, filiamve infra septa Monasterii in infantiæ annis sub regulari tradidit disci- plina, non liceat eis, postquam ad potestatis annos per- veniunt, egressi, & matrimonium copulari. Hoc ergo om- nino devotandum est, quia nefas est, ut oblati à Paren- tibus Deo filiis voluntatis fræna laxentur. Quæ verba de sumpta sunt ex Gregorii PP. II. Epistola ad Boni- facium. Ejusmodi disciplinæ Contradictores, tempe- ramentumque in ea adhibuit qui nosse cupit, adeat Mabillonium *Veter. Anal.* pag. 157. edit. Paris. 1725. Observandum illud quoque est, parcem etiam conditio- nem à Liutprando habitam tum illarum mulierum, quæ induerent ipsæ sibi religiosum vestem, tum illa- rum, quæ ab Episcopo solemniter ritu Velum Consecra- tionis acciperent, quærum meminerunt S. Hieronymus in Epistola ad Demetriadem, S. Ambrosius in *Exhort. ad Virg.* & ad Virginem lapsam cap. 5. qualis fuit con- secratio B. Genovefæ à S. Germano Episcopo Alti- fiodorensi celebrata, ut in ejus Vita narratur. Utrarum- que igitur apud Liutprandum erat irrevocabilis pro- fessio : quamquam enim longè sanctius, atque augustius erat hoc Consecrationis velum, quod cum sacra pom- pa Episcopus imponebat, aliæ tamen, quæ non susce- pissent, ipsæ velis mutatione, quæ pro solemniter voto habebatur, ita se obstrictissime censcebant, ut ad Sæ- culum redire, magis verò ad Nuptias irreperere, omni- no vetarentur. & vide illam, quam optimè adduxit Liutprandus ex Carnalibus nuptiis, sive sponsalibus ad Spirituale Connubium potiorern rationem ; Persua- sum igitur tum erat, Sanctimonialibus hisce, etsi non consecratæ, imo extra Monasteria ægentibus, ex sola Monastici Status professione perpetuam servandæ continentie inductam legem ; ac licet cogitari possit, votum illud, quod emississent, simplex fuisse, fieri ta-

men potuit, ut iis temporibus, ac locis, ubi ita ex- pedire Ecclesia existimabat, cum eo minus solemniter voto dirimeretur, si quod subsequeretur, matrimo- nium. Heinc in Concilio Foro-Julienfi anni 791. sub Patriarcha Paulino, id quod ante paucos annos à Liut- prando sancitum fuerat, constitutum pariter legitur, ut mulieribus hisce, quæ religiosas vestes semel in- duissent, nuptias inire nefas esset, nubentes verò à marito separandæ, ac perpetuè poenitentia essent ad- dicendæ. Placuit (sunt verba Canonis xi.) de Puellis, vel Viduis, quæ virginitatis, sive continentie propositum spontaneè pollicentes Deo mancipatæ fuerint, & ob con- tinentiæ signum nigram vestem, quasi Religiosam, sicut antiquus mos fuit in his Regionibus, induta fuerint, li- cet non sint à Sacerdote sacratæ, in hoc tamen proposito eas perpetim perseverare mandamus : Si publicè nups- rint, separantur ad invicem &c. Non solus Rex Liut- prandus, sed Patriarcha quoque Paulinus in ea viden- tur fuisse sententiæ, ut Sacerdotum potestas fuerit, ejusmodi Sanctimonialia consecrandi, contra quam ex Augustino, Ambrosio, aliisque demonstravimus, qui soli Episcopo id munus, seu prærogativam tribuebant ; itaut vix invenias in Africana Ecclesia, jubente tamen Episcopo, eam potestatem Presbyteris mandatam ; uti ex Concilii Carthaginensis can. 91. tradit Ferrandus : *Ut Presbyter, inconstituto Episcopo, Virgines non con- secret ; Christina verò nunquam conficiat.* Sed fortal- se Sacerdotis nomine (quod non semel factum constat) ipsum intellexisse Episcopum potuere Liutprandus, & Paulinus : Illud interim ex Paulino, sive ex Con- cilio Foro-Julienfi discimus, religiosarum, seu monasti- carum vestium colorem in Longobardicis Regionibus nigrum fuisse. Sanctimonialium, sed earum, quæ Deo se devovissent, Pallam vestem fuisse scribit S. Hieronymus tum in Epist. ad Gaudentium de educatione *Pacatule*, tum in Epist. ad *Astellam*, & passim alibi : dixere alii eam vestem fuscam : sed tum pullam, tum fuscam à nigro discrepabant colore, quippe qui subnigri erant, partim lanæ nativi, ut Canusianæ, cui pulliginem suam tribuit Plinius, partim ex albo vestium usu, ac fœdibus in pullum degenerantes. Pullo autem colore apud Romanos utebantur in funere, utebantur Philosophi, ac denique Plebeji, de qua re late Ferrarius de Re vestiari. part. 1. lib. 1. cap. 23. & part. 11. lib. 14. c. xvii. Eundem itaque colorem congruè usurpabant, quæ mundo mortuæ, ac severioris vitæ instituto, etiam contemptibiles haberi volebant : Sed hæc adhuc omnia Nigro colore, uti apud Longobardos obtinebat, congruentius demonstraban- tur.

matrimonio ageretur, edixit Liutprandus; neque illud postea prætermisit, si mulier illa solo fornicationis scelere se commaculasset; tunc enim *Religiosa Foemina* (inquit in ejusdem Libri Lege xxii.) *quæ vestem, & habitum sanctæ Religionis in se suscepit, & contigerit ex peccato, ut adulterium voluntariè committat, quicumque ipsam Sanctimonialem Foeminam adulteraverit, componat solidos cc., quia de Secularibus foeminis Edictum continet, ut componantur pro adulterio solidi c. Et nos prospeximus veram esse justitiam, ut Dei Omnipotentis causse, & Sanctæ ejus Genitricis Mariæ, cujus vestem suscepit, duplicentur. De pecunia autem ejusdem Religiosa Foemina, quæ, quod absit, adulterium perpetravit, sic fiat, sicut jam antea de Religiosis foeminis statuimus, quæ se marito copulaverint. Ejusmodi itaque mulierem, quæ se Deo semel devovisset, eo irrefolubili vinculo obstrictam censebat Liutprandus, ut non solum adultera loco, nomineque habendam voluerit, verum etiam graviore pœna, quàm quæ carnalis matrimonii fidem fregissent, afficiendam decreverit. Sic à Concilio Moguntino anni 888. sub Arnulpho Rege, Can. xxvi. Synodi Elvirensis Constitutio innovatur, ut si quæ Virgines, Viduæve propositum castitatis assumpserint, ac postea nubere, in adulterium numerum referrentur. Sed pulcherrimum adhuc illud ex utrâque Liutprandi Lege nobis observandum occurrit, ut præter Divinam Mariæ Maternitatem cum perpetua Virginitate conjunctam, adeò luculenter assertam, atque testatam, uni ipsi Mariæ tribuatur, ut adducentur Regi Virgines post eam: itaut in Monasticis vestibus peculiare quoddam Deiparæ Insigne constiterit, ac quæcunque Virginitatem, vel continentiam suam Deo devovissent, veluti Mariæ pedissequæ, ejusdem vestes accepissent, ac deferre propria quadam nuncupatione, suoque veluti jure censerentur.*

Qui adeo fervens Longobardorum Principum in Monialium conservanda disciplina, earumque flagitiis corrigendis studium, atque zelum perspexerunt, haud jure dubitare poterunt, quin & ipsi rigidi suarum Legum exactores extiterint. Id certe ex nostro Principe Arichi (nam ad Arichim revocandus tandem noster sermo est) probare promptum habeo: Atque is quidem in Donatione facta Monasterio S. Sophiæ (de qua plura diximus in Dis. I. r. cap. v., alia adhuc in hujus Libri Appendice observabimus, ubi integrum exemplar profereamus) inter alia tradit *Substantiam Aliberge Domini Ancilla, quæ, derelicto Religionis habitu, Tatro filio Ranisoni illicito se tradidit matrimonio, unde secundum Edictum, & ejus tenorem omnis substantia ad nostram devenit potestatem. Ac vides primum non alias ante Arichim in Beneventano Ducatu obtinuisse Leges, nisi quas Reges Longobardi statuerint, qualesque Edicti nomine consueti Arichis appellat; Illud igitur Arichis exequitur, quod jamdudum à Liutprando sancitum fuerat, ut scilicet Alibergam Ancillam Domini (idest è Sanctimonialium in ædibus suis degentium numero, quas Ancillas Dei vocitatas alibi observavi) universis bonis multaverit, propterea quod, derelicto Religionis habitu, illicito se tradidit matrimonio: qua in re non modo justitiæ, sed munificentissimæ adhuc pietatis cultorem Arichim intuemur, qui bonis illis potius Sacram Ædem, Deique causam, quàm Fiscum suum locupletatum voluerit.*

Sed quid ipse tandem sapientissimus, religiosissimusque Princeps de Sanctimonialibus statuerit, ex ejus Capitulari Num. xii. audire præstat. Satis infamis, & illicita consuetudo temporibus istis inolevit, dum quedam muliercule, defunctis viris, maritali dominatura (idest dominatione) soluta, licentiis proprii arbitrii libertate fruuntur: Abitum Sanctimonialis in secreto domi suscipiunt, ne vim maritalem perpatiantur, quippe tuta sibi cuncta fore arbitrantur, si maritali dominatui non subjiciantur: sicque fit, ut sub obtentu Religionis, dempta omni formidine, quidquid animo delestantur, licentiis assequantur: Namque deliciis affluunt, comessationibus student, potibus vineis ingurgitantur, lavacra frequentant, & quanto magis assequi possunt, tanto in eodem Abitu in molliem, delectationemque vestimentorum habuuntur: Itaque si quando in Plateas processure sunt, facies poliunt, manus candidant, incendunt lividinem (i. e. libidinem) ut vescentibus (legendum viscentibus) incendia misceant: seque etiam formosas videre, atque videri impudentius appetunt: & ut breviter dicam, ad omnem lasciviam, voluptatemque animi frena relaxant. Hoc quoque, procul dubio, luxuriante vita fomite successu, exurunt eas carnis incentiva (i. e. incentiva), adeo ut non solum unius, sed quod dici nephas est, plurimorum prostitutionibus clanculò substernantur; & nisi uterus intumuerit, non facile comprobatur. Talem itaque pestem estrictandam modis omnibus detestantes constituimus, ut cujuslibet affinitate junctæ, innuptæ, vel viduæ velamen Sanctæ Religionis induerunt, & intra anni circulum eas, quatenus voluerit, vel poterit, in Monasterium tradi dilataverit, propterea si stupri crimine detectæ fuerint,

runt, componat Guidrigild suum in Palatium: Princeps videlicet ejusdem temporis cum ipso Guidrigild, rebusque propriis retrudat eas in Monasterium (1).

Ne putes verò hoc aut Sæculi, aut Gentis fuisse vitium: De ejusmodi mulierculis, Sanctimonialium veste, ac professione improbitatem suam velantibus, invenies S. Hieronymum vehementius conquerentem: *Vestis ipsa vilis, & pulla, animi tacentis indicium est, si rugam non habeat, si per terram, ut altior videaris, non trahatur, si de industria dissuta sit tunica, ut aliquidi intus appareat, operiatque quod foedum est, & aperiat quod formosum; caliga quoque ambulantis nigella, ac nitens, stridore ad se juvenes vocat: Papilla fasciolis comprimuntur, & crispanti cingulo angustius pectus arctatur: Capilli vel in frontem, vel in aures desiliunt: Palliolum interdum cadit, ut candidos nudet humeros, & quasi videri noluerit, celare festinat, quod volens detexerat; Et quando in publico, quasi verecundam operit faciem, lupanarium arte id solum ostendit, quod ostensum, magis placere solet (2).* Damnat etiam hanc ævi sui corruptelam S. Chrysostomus, Religiosarum mulierum impudentiam his verbis infectatus: *Ubi Pulla tunica fuerit pectori cingulo diligenter astricta, ad earum instar, quæ in scena saltant, rugas circa pectus intendens pariles quam serica vestis illecebram hac arte non superet? ... Quid calceus pullæ vestis subjectus, ad imitationem in acumen venisset desinens? Quid insulsus autem, quàm nigri pallii affectatio, ut vultus candor, & nitor magis splenderet? Ac denum pallium imponis, ut sub nigro colore facies decentior videatur, & gratior (3).* Eloquentiores certè nostro Arichi judicaveris Hieronymum, Chrysostomumque, quibus & eloquentissimum S. Ambrosium addere poteris (4), harum ementitarum Sanctimonialium affectatam elegantiam vivaciùs depingentes potiùs, quàm describentes, haud verò Arichi feveriores, cujus illud fuit studium, atque consilium, illa Lex, ut succrescenti malo radices ipsas amputaret; nam si qua mulier velamen sanctæ Religionis induisset, *cuyuslibet affinitate juncta*, idest nullâ de generis, seu familiæ nobilitate, aut vilitate ratione habitâ, innupta, vel vidua, idest nullo inter Virgines, Viduasque facto discrimine, non in propriis ædibus, suique arbitra permanere sineretur: sed intra anni circulum Monasterium ingredi, ibique vitam ducere juberetur: Quod si, lapsò anno, vestium, professionisque sanctitatem polluisent, invitæ in Monasterium detrudendæ, ac præterea facultatibus omnibus privandæ essent.

Age nunc, quid in Ecclesiarum commoda, atque utilitates Arichis edixerit, videamus:

ALTER

L I

Ipse

(1) Quid sit Guidrigild, seu Widrigild explicare conatur Muratorius in notis ad Leg. xi. Regis Rotharis pag. 18. ubi sic ait: *Concedit Eccardus in notis ad Salicam Legem pag. 168. differentiam intercedere inter Weregildum, & Widrigildum; prior enim vox compositionem hominis significat, quæ in Salica Lege Leudis dicitur: Widrigild vero compositionem cujuslibet rei. Verum (subdit Muratorius) Codices nostri unum agnoscunt Widrigild, sive Guidrigild, ut significant compositionem hominis, sive nullam pro homine occiso, quæ stabilis non erat, sed secundum æstimationem hominis interempti statuabatur. At latius ejus vocabuli significationem accipiendam esse ostendit hoc Arichis Capitulare, ubi non tantum mortuæ, sed viventis quoque personæ æstimatio ad Guidrigildum flauendum, fieri consuevisse legitur. Quid si ipso quoque Guidrigildi nomine omnium bonorum amissio, seu publicatio continebatur? Non obscure ex eodem Capitulari id colligi potest, cujus postrema verba hæc sunt: *Componat Guidrigild suum in Palatium; ac mox hæc ejusmodi verborum sequitur explicatio: Princeps videlicet ejus temporis (quando scilicet facinus patrari contigerit) cum ipso Guidrigild, rebusque propriis (idest facultatibus omnibus ejusdem mulieris Filco vindictis) retrudat eas in Monasterium.**

(2) S. Hieronymus de Vitando suspecto contubernio. lib. xi. epist. xx. pag. 133. edit. Rom. 1731.

(3) S. Jo. Chrysostomus Homil. viii. in epist. i. ad Timoth.

(4) S. Ambrosius Virgines Deo Sacras, à mundi vanitatibus, & illecebris exemplo Sanctæ Soteris Virginis, & Martyris, cognatione sibi conjunctâ, evocat in

lib. De Exhortatione ad Virgines, his verbis: *Multa autem, quum studium castitatis proficiantur, adflectant adminicula pulchritudinis, ut compiores prodeant, nitidiori vultu, quàm Sacras Domino decet, quibus Apostolico illo Sermone respondeo: Quæ mortuæ essis cum Christo, ab elementis hujus Mundi, quid adhuc velut viventes de hoc Mundo decernitis? Ne tegeritis, inquit, ne adtaminaveritis, ne gustaveritis, quæ sunt omnia ad corruptelam. At non Sancta Soteris, ut domesticum pie parentis proferamus exemplum (habemus enim nos Sacerdotes nostram nobilitatem Presbyteris, & Consulibus præferendam; habemus, inquam, Fidei dignitates, quæ perire non norunt), at non, ut dixi, Soteris vultus sui curam gerebat, quæ quum esset decora facie valde, & nobilis Virgo majorum Prosapia, Consulatus, & Presbyteratus sacra possidebat Fide, & immolare iussa non adquevit; quam Persequitur immensis palmis cædi præcepit, ut tenera Virgo dolori cederet, aut pudori. At illa ubi audivit hanc vocem, vultum aperuit, soli invelata, atque intellâ martyrio; & volens injuriæ occurrir, vultum offrens, ut ibi Martyris fieret Sacrificium, ubi solet esse tentamenium pudoris &c. Sed quum semel cœpimus, Ambrosium adhuc audire tam jucundum, tum salubre erit, de ejusdem Soteris Martyrio hæc alia præclare scribentem in lib. iii. de Virginitibus. *Quæ persecutionis ætate servilibus quoque contumeliis ad satigium passionis coacta, etiam vultum ipsum, qui inter cruciatus ipsius Corporis liber esse consuevit injuriæ, & spectare potiùs tormenta, quàm perpeti, carnifici dedit, tam fortis, & patiens, ut cum teneras poenæ offerret genas, prius Carnifex cædendo desereret, quàm Martyr injuriæ cederet.**

Ipsius temperantiam paullo superius spectavimus in Alibergæ bonis, quæ non in Palatii, seu Fisci sui, sed in Ecclesiæ S. Sophiæ ab se ædificatæ emolumentum convertit: studiosior autem is fuit, ut non tam exemplo suo, quàm Lege lata, omnia illa impedimenta removeret, quæ ad bonorum largitiones Ecclesiis faciendas, aliis parabantur. De Bonorum Legatis, donationibusque Ecclesiæ faciendis, ut integra quibuscque facultas esset, jamdiu edixerat Rex Liutprandus. *Si quis Longobardus (inquit), ut habet casus fragilitatis humana, agro-
raverit, quanquam in lectulo jaceat, potestatem habeat, dum vivit, & recte loqui poterit, pro
anima sua judicandi, vel disponendi de rebus suis, quomodo, aut qualiter voluerit, & quod
judicaverit, stabile debeat permanere (1).* Digna non Christiano tantum, sed Religioso etiam Principe Lex: nec tum primum quidem lata: quippe quæ ab ipso penè temporis momento, quo Christiana Pax Ecclesiæ affulsit, ac Christi Crux Augustorum, Regumque frontes decorare cœpit, ab ipso scilicet Imp. Constantino promanavit. *Habeat (sic primus omnium
Constantinus reliquis deinceps prævit Christianis, Religiosisque Principibus) habeat unuf-
quisque licentiam sanctissima Catholica (Ecclesia), venerabilique Concilio, decedens, bonorum, quod
optaverit, relinquere (2).* Utinam, qui pudori fortasse sibi duxerint, per Longobardi Regis vestigia incessisse, Magni saltem Constantini Legem, atque exempla sectari, Principes ple-
rique honori sibi tribuant: sed nostris temporibus illud omnino pudendum, ut Regem, quem dicimus, volumusque Barbarum, Constantini æmulatorem sciamus, a cujus sanctis-
simis Legibus, contrariis sanctionibus in Ecclesiarum detrimenta dictatis, discedendum Ci-
vilis prudentia docet, ac suprema auctoritas cogit. Sed & plura ex Liutprandi Religio-
ne in eandem rem constituta huc conferemus. Minorem ætatem, quam Romanæ Leges
annorum xxv. spatio definitam volunt, intra xviii. annos Liutprandus sapientiori consilio
redegit, quibus transactis, tunc demum fas cuique foret de rebus suis pro libitu disponendi,
interdicta ante id tempus illarum alienatione, nisi in Ecclesiæ utilitatem facta, aut celebrata
probaretur. *Et statuimus (ait), atque definimus, ut cuicumque, ante ipsos xviii. annos evenerit
agritudo, & se viderit ad mortis periculum tendere, habeat licentiam de rebus suis pro anima
sua in Sanctis locis pro causa pietatis, vel in Xenodochio judicare quod voluerit; & quod judica-
verit, stabile debeat permanere (3).* Atque heinc intelligis (sunt Muratorii verba, quibus
eam Legem jure, meritoque commendat) non postremam virtutem Longobardi Regibus fuisse Pie-
tatem, quando liberum Pupillis, & Minoribus reliquerunt, quiquid haberent, sacratis Deo locis,
& Xenodochiis legare.

Ejusmodi Legibus, atque exemplis Arichis Pietas excitari nullimodè egebat; dum nihil eidem solemnius, ac proptè quotidianum, quàm ut erga Ecclesias ædificandas, ac di-
tandas studiosissimum se ostenderet. Quos Liutprandus contraxerat minoris ætatis fines,
ratos ipse habuit, atque illud etiam adjecit in suo Capitulari n. vii. ut scilicet *Adolescens
ante decem & octo annos ætatis non possit solius oris sui manifestatione condemnari.* At quod ad pias
donationes, legataque attinet, insignis existimari debet ea Lex, qua is Viduis filios ha-
bentibus, ut certam bonorum quantitatem, seu ratam partem pro anima sua, five in Ecclesiæ
utilitatem sine ullius contradictione relinquerent, facultatem concessit. De Parentibus, qui filios
habentes Ecclesiam hæredem instituerent, varia Sanctorum Patrum fuere judicia, varix
etiam prodire Principum Constitutiones. Ex Patrum choro præclara illa sunt, quibus
Salvianus Christianæ Pietatis, atque Ecclesiæ causam omnibus naturæ officiis, ac carnalis
necessitudinis rationibus anteferebam docuit: *Intelligere (inquit) possunt, quicumque ex Chri-
stianis filios non habent, cui relinquere substantias suas debent... Si autem habent, discant,
quid etiam ipsos oportet facere, cum illos videant, tum parentes amorem filiorum Dei filiis
prætulisse. Habet igitur omnis atas, habet omnis conditio, quod sequatur: quicumque est par-
ticipes*

(1) Lib. i. Legum Liutprandi cap. vi. pag. 51. In Le-
gibus Longobardicis verbum *judicare* usurpatur pro *le-
gare*, seu postremis tabulis, ac testamento de rebus
suis disponere.

(2) Leg. i. Cod. Justin. De Sacros. Eccl., & Leg. xv.
Cod. Theod. De Episcop. Vide quæ in hanc rem latè
dixi in meo libro *De Origine, & Jure Decimarum* c. vii.
pag. 204.

(3) Lex isthæc à Rege Liutprando constituta lib. iv.
cap. i. quæ breviori ætati terminus decretus est,
adhuc in Regno Neapolitano vim obtinet; nam con-
firmata fuit ab Imp. Friderico II. in *Constitutionibus*

Regn. Neap. lib. ii. tit. xlvi. his verbis. *Minores tam
masculos, quàm foeminas intelligimus eos, casus, qui,
vel quæ non dum ætatis suæ decimum octavum annum
excesserint: quo completo, ipsos tam in contradibus,
quàm in judiciis, & in omnibus perfectæ ætatis volu-
mus reputari.* Sapienter quidem à nostris Longobardis
de hac re actum est, dum ex brevitate vitæ, ac præ-
matura hominum caliditate satis morosa videri debet
illa minor ætas, xxv. annorum spatio Jure Romano de-
finita; immo & fraudum occasio, & litium Semina-
rium, quibus privatorum, & Reipublicæ tranquillita-
tem maximopere perturbari, experimento probamus.

ticeps Fidei, participem se beati faciat exempli: Si illi tum pro Deo donantes omnia sua, etiam seipsos exhereditare viventes, discite vos quasumus bona vestra vel ipsi hereditare morientes (1). At hæc non placuere Augustino, qui eas repudiare solitus hereditates, quas Parentum in malemeritis filios iracundia Ecclesiæ obtulisset, hanc propositi sui afferebat dignam Augustino rationem; nam si quis irascitur filio suo, & moriens exhereditat eum, si viveret, non eum placarem? non eum filio suo reconciliare deberem? quomodo ergo cum filio suo volo ut habeat pacem, cuius appeto hereditatem (2)? Verùm etsi nulla iracundia, sed ferventior quædam in Deum pietas in causa fuisset, neque is tamen induci potuit, ut ejusmodi hereditates admitteret. Quid plura? quicumque vult, exhereditato filio, hæredem facere Ecclesiam, querat alterum, qui suscipiat, non Augustinum, imo Deo propitio neminem inveniet. Hanc sibi manere sententiam voluit Augustinus, loculentissimo comprobata exemplo, quod adhuc ex ipso audire jucundum nobis erit. Quàm laudabile factum Sancti, & venerandi Episcopi Aurelii Chartistæ? quomodo implevit eos omnes, qui sciunt, laudibus Dei? Quidam enim cum filios non haberet, neque speraret, res suas omnes, retento sibi usufructu, donavit Ecclesiæ: Nati sunt ei filii; reddit ei Episcopus, nec opinanti, quæ ille donaverat (3).

Ad Principes quod attinet, satis aspera Lex illa Imp. Valentiniani fuit, ad Damasum Episcopum Urbis Romæ scripta, & in universis Ecclesiis ejusdem Urbis promulgata an. cccclxx. quâ Clerici, ac quicumque continentiam profitentes ex Viduarum, aut Sanctimonialium successionebus quidquam accipere vetabantur (4). Hujus Legis rigorem paulisper temperavit Imp. Theodosius, inter illas Diaconissas, Viduasque distinguens, quibus liberi essent, deessentve; atque priores quidem nullam Ecclesiam, nullum Clericum, nullum Pauperem scribere hæredes nisi de foliis prædiorum redditibus, quos de sua parsimonia sibi ser vassent, fundos verò, monilia, gemmas, supellectiles aureas, argenteasque, ceteraque clara domus insignia, universa, atque integra in liberos transferre jubentur (5): Amplius quid alterâ Lege paulò postea latâ indulgisse voluit Theodosius (6): Sed tum Valentiniani, cum Theodosii Leges rescidit Imp. Marcianus, qui Generali, perpetuæque victura Lege sancivit, ut sive Vidua, sive Diaconissa, sive Virgo Deo dicata, vel Sanctimonialis mulier, Testamento, vel Codicillo suo, Ecclesiæ, vel Martyrio, vel Clerico, vel Monacho, vel Pauperibus aliquid vel ex integro, vel ex parte in quacunque re, vel specie credidit relinquendum, id modis omnibus ratum, firmatumque consistat (7).

Inter has tum Ecclesiasticorum Antistitem, tum Sæcularium Potestatum dissonas sententias, quid Arichis de ea re statuendum censuit, ex ejus Lege audiemus, quæ in ejus Capitularis nu. xiv. his verbis promulgata legitur. Quæcunque Mulier proprias res habens, mortui mariti lectum casu servaverit, & de rebus suis aliquid pro anima sua judicare voluerit, quæ ejus minime consenserint; sic prospeximus; si duos filios habuerit, tertiam partem de rebus suis disponere liceat; si quidem tres, septimam partem; si quatuor habuerit, nonam; si verò amplius, per hanc numerorum ratiocinationem, ut contigerit, sorte dividantur. Nihil profecto hac Lege æquius, atque sapientius haberi potest, ubi satis congruenter, honestèque, & Naturæ, & Pietatis officia servata, atque impleta intuemur: neque enim sine alterutrius injuria fieri potest, ut totum una pars sibi vindicet, dum æquo jure debitores utrique sumus. Heinc Sanctus idem Augustinus, qui Naturæ causam superius tuebatur, in illis oblationibus, quas illustis foemina Ecdicia in Ecclesiam, pauperesque profundeabat, moderationem adhibendam tantummodo voluit, non quidem nullas, sed condignas oblationes

ALTER

L I 2.

ei

(1) Salvianus *Ad Eccl. Cathol.*, sive *adversus Avaritiam* Lib. III.

(2) S. Augustinus *De Diversis Sermon.* XLIX. c. III.

(3) Possidius in *Vit. S. August.* cap. xxiv.

(4) Leg. xx. Cod. Theod. *De Episc. Eccl.*, & *Cler.* De qua Lege hæc S. Hieronymus habet in *Epist.* ad Nepotianum. Pudet dicere, Sacerdotes Idolorum, Ministri, & Auriga, & Scorta hereditates accipiunt: Solis Clericis, ac Monachis hoc Lege prohibetur; & non prohibetur a Persecutoribus, sed a Principibus Christianis. Nec de Lege conqueror, sed doleo, cur meruerimus hanc Legem. Cauterium bonum est; sed quod mihi vulnus, ut indigeam Cauterio?

(5) Leg. xxvii. ejusd. Cod. *cod. Titulo.*

(6) Ibidem Leg. xxviii. ubi potius anteriorem à se latam Legem penitus revocasse videtur Theodosius. Legem (ait) quæ Diaconissis, vel Viduis nuper est pro-

mulgata, ne quis Clericus, neque sub Ecclesiæ nomine mancipia, suppellectilem, prædam veluti infirmi sexus, dissipator invaderet, & remotis adfinibus, ac propinquis ipse sub prætextu Catholice discipline se ageret viventis hæredem, eatenus animadvertat esse revocata, ut de omnium Chartis, si jam nota est, auferatur, nec quisquam aut litigator ea sibi utendum, nec fudeat noverit exequendum. Meminit hujus Legis Cl. Thomassinus *Eccl. Disc. Part. III. Lib. I. cap. 28. num. 5.* putavitque, non Prædam, sed Prædium in ejus Legis contextu legendum, quod sane (inquit) magis consentaneum est. Sed importuna prorsus ea correctio est: dum Legis lectio, ejusque sensus rectè constat eo vocabulo prædæ, quam ex infirmi sexus spoliis, idest Viduarum bonis Clericos sibi ducere solitos aiebat Theodosius.

(7) Novellæ Imp. Marciani Tit. vi. *De Testam. Cleric.*

ei suadens, quid videlicet thesaurizandum esset in Coelo, quid ad vitæ hujus sufficientiam, vobis, vestroque filio relinquendum, ne aliis sit refectio, vobis autem angustia (1). Quinimo nec is abstinuit a suscipienda Fundi donatione, quam Dives quidam Carthaginensis, filium habens Ecclesiæ suæ fecerat, oblationem libenter accipiens, quod æterna suæ memor esset salutis: Sed quum ille per suum filium syngrapham repeteret donationis, ejusque loco centum nummos obtulisset, ingemuit Sanctus, hominem vel finxisse donationem, vel de bono opere poenituisse: tabulas reddidit: pecuniam respuit: atque rescriptis eundem, sicut oportuit, & arguit, & corripuit admonens, ut de sua simulatione, vel iniquitate cum poenitentia humilitate Deo satisfaceret, nec cum gravi delicto de Sæculo exiret (2): Qua quidem in re non solum id probavit Augustinus, ut par Filiorum, ac Pietatis causa existimetur, Filiisque suis ita prospicere quis debeat, ut suæ quoque salutis memor sit; verumetiam objurgato illo, quem factæ donationis poenituerat, eos, qui facere neglexissent, damnare videtur.

Hanc tamen regulam probare nunquam, vel raro novit inexplabilis Filiorum, propinquorumve ad universas facultates inhiantium cupiditas: Ingenti malo, quo non solum Testatorum libertas, sed salus etiam æterna periclitari videbatur, occurrendum censuit Arichis, eaque sustulit impedimenta, quæ Viduis, quominus de bonis suis pro anima disponerent, parabantur: sic enim illa Legis verba intelligenda sunt: quæ ejus minime consenserint: quo certè loco, ante illud quæ, excidisse filiorum vocabulum debuit; ut lectio sit: pro anima sua judicare voluerit, filique ejus minime consenserint. Filiorum autem commodis satis abunde consulit Arichis. Extat Regis Liutprandi Lex, quæ Parenti filiam in Capillo, non tamen filium legitimum habenti permittitur, ut de rebus suis amplius per nullum titulum cuiusque per donationem, aut pro anima sua facere possit, nisi partes duas, tertiam verò relinquat Filie suæ (3): Liberalius autem in filios se habuit Arichis, qui nullam sexus differentiam agnoscens, pro vario illorum numero majorem, minoremve eam partem esse voluit, quam Vidua pro anima sua disponere tantummodo posset: ac satius quidem habuisse videtur, eandem fervare proportionem, quam Filii Naturales cum Legitimis ad paternam successionem concurrentes ex Legibus Longobardicis obtinebant (4): neque enim deterioris conditionis, quam Filii Naturales, ipsius Testatricis animam, aut Piam causam esse passus est.

Addam nunc, quæ de eodem argumento proximè in eodem Capitulari sublequitur, ejusdem Arichis Legem, his verbis num. xvi. constitutam. Si quispiam rem propriam inspiratus pro anima sua Locis venerabilibus decrevit, non reputetur extraneus, vel inimicus parentibus, sicut in Lege nephas scriptum est: sed sit sacramentum talis, si opportunitas incumbit, & heres proximorum modis omnibus habeatur. Quæ ex Lege illud scimus, improbum aliquando morem invaluisse, Legem etiam sæcularem extitisse, ut extranei, inimique loco a consanguineis (hos enim parentum vocabulo passim Leges Longobardicæ appellant) ille haberetur, qui res suas in Ecclesiam transfudisset; quare qui aliis bonorum suorum partem acquirendi spem omnem ademisset, is sibi rependendam vicem sustineret, ac velut extraneus, atque hostis, in alienis bonis, consanguineorumque hæreditatibus, jus omne amitteret. Sed contrà Arichis, ne à piis donationibus homines retraherentur, atque Pietatis causa emolumentum potius, quam damnum sibi demerent, jus illorum integrum, atque illæsum fore statuit, ita ut heredes proximorum modis omnibus haberentur.

Dum verò in Bonis acquirendis tam Legibus, quam exemplis tantopere favit Arichis, eò magis ut Ecclesiastica Bona illæsa servarentur, observantissimum reperiemus. Extat in Chronico S. Sophiæ ejusdem Principis Judicatum inter Mauritium Abbatem Monasterii S. Benedicti, & nonnullos Homines, qui cum suis Familiis à Theodorada, ejusque filio Gisulfo, in servitutem ejusdem Monasterii olim oblatis, permisso postea Zacchariæ Abbatis, Ducum

Gi-

(1) S. Augustinus Epist. 199.

(2) Possidius l. 1.

(3) Inter Leges Liutprandi Lib. vi. cap. xi. p. 64. edit. Muratorii.

(4) Inter Leges Rotharis cap. cliv. pag. 26. Si quis dereliquerit filium unum, quod forboram (id est legitimum, five ex justis Nuptiis natum), & filios Naturales unum, aut plures, filius legitimus tollat duas portiones de Patris substantia, Naturales verò tertiam; & si sunt duo legitimi, habeant quatuor partes, Naturales quin-

tam, quantumque fuerint; & si tres fuerint legitimi, habeant Naturales septimam partem: Si quatuor fuerint legitimi, habeant Naturales nonam partem: Si quinque fuerint legitimi, habeant Naturales undecimam partem: Si sex fuerint legitimi, habeant Naturales tertiam decimam partem. Si septem fuerint legitimi, habeant naturales decimam quintam partem. Si autem plures fuerint, per hunc numerum dividant Patris substantiam.

Gisulphi junioris, & Godescalchi Diplomatibus communito, sese in libertatem vindicaverant: fatebantur Homines veterem, justamque servitutem, sed libertatem legitime conquistam contendebant: quibus Abbas reponebat: *Verum est, sicut asseritis, quod vos quandoque Zaccharias liberos constituit, sed non secundum Legem, & Sanctorum Patrum institutionem, seu Canonicam Sanctionem: & ideo vobis ipsa libertas firma, & stabilis esse non debet.* Post alias altercationes, quid tandem Arichis, qui causae cognitionem in Consistorio suo habendam voluit? Chartis relictis, & agnitis eorum altercationibus, praecipimus, inquit, sacros adduci Canones in nostram praesentiam, quorum capitula ita continentes invenimus, in SS. Apostolorum, seu Nicano, nec non & Ancyrano, atque Silvestri Papae Urbis Romae Conciliis, ut nullus Episcoporum, Presbyterorum, Diaconorum, & Clericorum, qui sacris, & venerabilibus locis praesent, res Ecclesiae distraherent, aut alienare presumerent, & qui praesumerent, a proprio gradu discederent. Quid vero de junioris Gisulphi, & Godescalchi praeceptis, seu Diplomatibus, quibus ea libertas confirmata legebatur? Irrita, atque inania omnia pronuntiavit Arichis: nam & Theodoradae Praeceptum, & oblatio rata successibus Ducibus habenda erant, & derogationi in Ecclesiae damnum factae Sacri Canonis obviare videbantur: idcirco (subdit) decernimus, atque statuimus, ut nominati Homines cum suis Familiis... obediant, & deserviant in ipso sancto loco &c. Insignem sane chartam, cui lubebit, legendam inferius exhibemus (1): Interim videre licet, in saecularis

(1) Ex Chronico S. Sophiae apud Ughellum to. VIII. pag. 618. edit. Rom. & tom. X. pag. 452. edit. Venet. Utroque vero Charta ipsa fidelissimis mendis scatur, quam, ut fieri potuit, emendandam curavimus; & à primo quidem verbo, quod *Indidum* corruptè legitur, pro *Judicatum*. Porro Charta sic se habet. *Judicatum Arichis. In Dei nomine conjungimus nos Dominus Vir Gloriosissimus Arichis Summus Dux Gentis Longobardorum in Curie nostra, quae vocatur Montella, ubi veniens (Ughellus habet vivens) Mauritius Venerabilis Abbas Monasterii S. Benedicti, quod scum dignissimum esse intra Civitatem nostram Beneventanam, ubi Xenodochium esse invenitur, & successit (jussit) nobis, ed quod Condemnam, quam bone recordationis Domina Theoderada, cum Domino Gisulpho filio suo obulervit in dicto Monasterio, quae habitare videtur in Prata, Zaccharias, qui fuit Abbas, contra Canonicam Regulam liberavit, sicque modo à suo servitio subtrahere querant. Nos quippe dum talia audissemus, continud jussimus ante nostra vestigia ipsos homines, idest Coelestinum, Lupum, & Ursum, qui causam suam de germanis agebant, & inquisivimus eos, pro qua ratione se à servitio ipsius Venerabilis Monasterii subtraherent? Qui adserentes dixerunt: Certè verum est, quia & nos à parentibus nostris Domina Theoderada cum Domino Gisulpho Duce filio suo contulerunt in ipso Monasterio, & servi exinde sumus ei; postea Zaccharias, qui ibi Abbas fuit, liberos nos constituit per Praecepta gloriosissimae memoriae Domini Gisulphi junioris, seu Godescalchi Ducum, & per legem, qualiter liberi constituti sumus, in nostra libertate permanere debemus. Ad haec respondebat nominatus Mauritius Abbas: Verum est, sicut asseritis, quod vos quandoque Zaccharias liberos constituit, sed non sicut secundum legem, & Sanctorum Patrum institutionem, sed Canonicam Sanctionem, & ideo vobis ipsa libertas firma, & stabilis esse non debet, sed qualiter secundum offerentiam istam, quam Mauritus Abbas Monasterii ostendebat, & inferum ibi invenimus, qualiter Domina Theoderada cum Domino Gisulpho filio suo Duce ipsorum nominatas Condamas ibidem concesserunt per suum firmissimum Praeceptum: Deinde jussimus legi & Praecepta alia, quae Coelestinus cum nominatis parentibus suis de sua libertate ostendebat; ubi legebatur qualiter eos Dominus Gisulphus junior Dux, seu Godescalchus, qui fuerat Dux, per rogum quandam Zacchariae liberasset, sed etiam firmitatem de ipsi Prae-*

ptis, quam eis emiserant Scauniperga cum Liutprando filio suo. Quibus relictis, & agnitis eorum altercationibus, praecipimus sacros adduci Canones in nostram praesentiam, quorum Capitula ita continentes invenimus, in Sanctorum Apostolorum, seu Nicano, nec non & Ancyrano, atque Silvestri Papae Urbis Romae Conciliis, ut nullus Episcoporum, Presbyterorum, Diaconorum, & Clericorum, qui sacris, & venerabilibus locis praesent, res Ecclesiae distraherent, aut alienare presumerent, & qui praesumerent, à proprio gradu discederent. Post haec, ut irreprehensibiliter praesente Domino, judicium dare possemus, jussimus adduci Edictum Gentis nostrae Longobardorum, quod sciscitantes invenimus, qualiter bone recordationis Dominus Liutprandus Rex judicavit, & instituit, ut Praecepta sacra, quae anteriora essent, firmiora, & stabiliora essent: sicut volumus, ut nostra Praecepta semper robur obtineant: Idcirco decernimus, atque statuimus, ut nominati homines, Coelestinus cum Uxore, & Germanis suis, atque Lupus cum Genitore, Uxore, & Filiis suis, & Nepotibus, idest filiis Butte, & Galbuli, sed etiam & Gemulus cum Uxore, & filiis suis, qualiter ad potestatem praedicti Monasterii sunt concessi, obediant, & deserviant perpetuis temporibus in ipso Sancto Loco, & ipsius custodibus, cum omnibus rebus suis, & cum filiis, & filiabus, quos & in praesentia saepius dicto Abbati Mauritio in manum tradere jussimus, & Praecepta ipsorum ante nostrum conspectum cassari fecimus; tantum de filiis Coelestini, pro causa pietatis, & animae nostrae salute, quos assererat de Animato (fortasse de libera matre natos) esse, decernimus, ut libera, & absoluta permaneret persona eorum, unde & eis Praeceptum fieri jussimus: Ipse vero Coelestinus cum Coniuge sua, & omnibus suis, seu Fratres ejus, & cuncti omnes superiorem, & cum rebus, & filiis, & filiabus suis, atque conjugibus, omni in tempore essent servi jam nominati Monasterii Sancti Benedicti, sicut & alii ibidem deserviant. Unde pro firmitate Venerabilis Loci, hoc nostrum Praeceptum Judicatum fieri jussimus, ut nullo tempore praedictus Coelestinus, Lupus, & Ursus, vel eorum haeredes de sua libertate agere presumant, sed ab hodierna die, & perpetuis temporibus tam tibi, qui supra, Mauritio, quam & Successoribus tuis obediant, & deserviant, cum omnibus rebus suis, omni repetitione cessante, & in vestra sint potestate faciendi ex eis Canonice, quidquid vobis placebit. Quod vero Judicatum definitionis ex jussione nominatae Potestatis dictavi ego Gaydemarius tibi Beato Notario scribendum. Actum in nominata Curte nostra Montella.

cularis, ac Longobardi Principis Consistorio decertantes Sacros Canones cum Principum Præceptis, Diplomatumque, his rejectis, illos victores recessisse. Hoc de Bonis Ecclesiæ, ad quam pertinerent, vindicandis, religionis, justitiæque plenum fuit Principis Arichis iudicium: Hoc ille Ecclesiasticis Legibus obsequium præstabat, ut quod illæ statuissent, potissimum sibi observandum proponeret; majori certè laude dignus, quum juxta sacros Canones sibi judicandum arbitratus sit, quàm si ullam ipse de eadem re propriam legem consentientem protulisset.

Venio nunc ad aliam ejusdem Principis Legem, quæ aliàs mihi non modò commemorata, sed, ut argumenti tunc ferebat occasio, congruis observationibus fuit illustrata. Superioris Libri Dissertationi XI. amplissimam disserendi materiam prestitit insignis Sepulchralis Titulus V. C. Mamercii Marcellini, qui FLAVIUS SYMMACHO ET BOETIO VV CONSS DEPOSITVS fuit. Ejusmodi lapidi, nuper apud nos effosso, ac tunc primùm evulgato uberimam explicationem dedimus, Capite 1. lucubratam; mox ex ipso Christiano Lapide alterum Caput eidem Dissertationi adicere consilium fuit, quo *Veram, constantemque Ecclesiæ disciplinam de sepeliendis apud Aedes Sacras Christianis Defunctis*, accuratius, quàm hactenus factum ab aliis esset, ostenderemus. E re nostra siquidem id fore visum est, si adversus Heterodoxorum criminationes nondum relictas, id diligentiori operâ præstaremus, quod jamdudum Cl. Muratorius, iteratis licet curis, nondum confecisse animadvertebamus. Dum igitur per ætates singulas, perque diversos hominum mores, atque sententias quid de ea re tum Ecclesiasticæ, tum Civiles Leges sancivissent, seriatim recensere suscepissimus, jam inter ipsas sæculares Leges non solum Regis Theodorici, verum etiam nostri Principis Arichis sanctiones, *nondum aliis in eam rem observatas*, in medium protulimus (1). Porro Arichis sanctio sic habet. *Siquis hominum causâ temeraria (legendum, ausu temerario) absque permisso Pontificum, vel Consulodum*

tella Mense Augusto per Indictionem decimam quintam feliciter

Ex hac Charta luculentius comprobatur, Beneventanum Ducem Liutprandum non fuisse Maritum. Scauniperger, uti Cl. Adelmanus statuit tom. II. Scriptor. Neapol. pag. 591., sed revera, ac omnino filium, quem admodum contra laudati Assemani sententiam à me probatum est heic Cap. I. pag. 242. tum validioribus rationibus, tum præclaro testimonio Chronographi Sanphiani ibidem recitato, cui hæc etiam Charta manifestè consentit, ubi legimus Præcepta Gisulfi, & Godescalchi, quæ servi pro sua libertate obtinuerant, fuisse communita *per firmitatem, quam eis emisserant Scauniperger cum Liutprando filio suo*.

Indictio xv., qua hæc Charta signata legitur, incidit in annum 777. à quo jam triennium effluxerat suscepti ab Arichi Beneventani Ducatus: Dum verò is adhuc Dux in ipsa Charta appellatur, qui jam Principis titulum sibi attribuerat, descriptoris mendum vel in Ducis appellatione, vel potius in Indictionis numero arguere, Chartamque ipsam ad Arichis exordia referre debemus. Extabat ante Arichim Monasterium S. Benedicti cum suo Xenodochio, ut ex ipsa Charta satis liquet, ac præterea ex ipsius Arichis donatione Ecclesiæ S. Sophiæ facta, cujus Ecclesiæ quum in hac ipsa Charta nulla sit mentio, eo magis eadem ad Ducatus primordium redigenda videtur.

Huc autem Chartæ debemus, ut quid *Condoma*, vel *Condoma* fuerint, compertum habeamus. De ejus vocabuli significatione diversa multi, sed omnino falsa tradiderunt; nempe ab accurata rei inspectione *Viros doctissimos* (scilicet Du-Cangium, La-Cerdam, Marcium, PP. Benedictinos S. Mauri &c.) qui hanc vocem interpretandam susceperunt, hactenus defecisse observat Cl. Muratorius *Antiq. Med. Aevi Diss. xiv. tom. I. p. 792.* idque certum statuit ex pluribus Chartis Chronicis Vulturnenis, non alias fuisse *Condomas*, quàm Familias Servorum, qui in agris ad excolendum sibi traditis adscripti, in eadem simul domo, seu sub uno tecto consistebant: Exploratum id quoque ex hac nostra Charta efficitur; manifestumque etiam habetur ex Diploma-

te dictæ donationis Ecclesiæ S. Sophiæ ab Arichi factæ, in quo plurimæ donatur variis in locis positæ *Condomæ*, variis etiam nominibus appellatæ, eorum videlicet Servorum, qui Principes, seu Capita familiæ essent, vel (ut Diploma loquitur) *qui casus regeant cum Uxoribus, Filiis, Germanis &c.*

(1) Verè nondum ab aliis (quos tunc norim) has Theodorici, atque Arichis Sandiones observatas heic affirmare rursus ausim; alioqui pari censura me asserere non abstulisset Illustrissimus Borgia in suis *Memoriis Historiæ Orbis Beneventani* pag. 166.: ibi enim me notatum voluit, propterea quod ad probandam Ecclesiasticam Disciplinam Sæculi v. locum S. Maximi Episcopi Taurinensis proferens *haud aliis observatum asseruissim*; quem tamen locum Cardinalis Baronius jamdudum prodiderat ad An. 383. ubi de sepultura intus Ecclesiam à S. Ambrosio Satyro fratri data, observat, id ex majorum instituto servatum, eundem affirmare *Ambrosium ipsum, siue velimus Maximum Taurinensem (cujusvis alterutrum sit sermo ille) quum ista haberet &c.* Post quæ sic pergit Vir Summus: *Questo è il passo di S. Massimo Vescovo di Torino nel v. Secolo, nell' Omelia xix. in Natal. SS. Tauricorum Martyrum Octavii, Adventitii, & Salvatoris, che il Canonico de Vita adduce a provare il suo assunto, scrivendo di non essere stato osservato da altri prima di lui, haud aliis observatum, eppure molto tempo innanzi il diligentissimo Baronio l'osservò, e lo comentò esiziano.* Sed non unum fuisse Baronium, incertum ipsum tamen, an Ambrosii, vel Maximi is sermo esset, verum etiam Cl. Saxium in *Dissert. Apolog. De Corporibus SS. Protasti, & Gervasti*, & quod magis est, Muratorium ipsum mihi laudatum in *Dissert. xvii. T. I. Anecdor. Latin. p. 187.* mihi jam de S. Maximo asserendo præstare, modeste me monuit Cl. F. Zacharias in specimine Operis mei, factis accuratè, humaniterque lucubratò, editoque in sua *Historia Litteraria Anni MDCCCLIV. vol. x. p. 321.* Quid igitur? Ita mihi ignotus fuit Baronius (quem certè pro magno mihi duxissem, in meam rem collaudare), uti perspicissimum Præfati tum Saxii, tum Muratorius ignoti prorsus fuisse. Latuit autem me Mu-

studium Ecclesiasticorum, mortuum in Basilica sepelierit, hac ratione perpendimus, componat Sol. quarraginta ejusdem Venerabilis loci Rectoribus; de sepulto quidem supradictis personis, ut libeat, conveniatur. Plura in hac Arichis Lege notari posse tunc dixi, quæ summam hic referam; ac primò quidem, nequaquam eam Legem pro Ecclesiis quibusque, sed tantum pro Urbis Basilica, idest Ade majori, seu Cathedrali latam videri: Tum neque in ipsa Basilica sepulturas interdictas, si Pontificis, idest Episcopi, aut etiam Custodum, idest Aduorum Ecclesiasticorum permixtus accederet: quo demum permixtu posthabito, non cadaveris exhumationem, sed multæ duntaxat imperatam solutionem. Igitur dum ejusmodi Legem nequaquam rei mihi tunc proposita adversam ibi ostenderim; neque nunc à Religiosissimi Principis sapientiâ alienam, neque laude sua fraudandam affirmo. Quid enim? A Concilio Bracarenfi Anni DCLXIII. prohiberi certis ex causis in Hispaniarum Ecclesiis Christianorum sepultura cœpta est; pleraque deinde in Galliis Concilia, idest Arelatense, Triburiense, Nannetense interdictum ipsum, non sine tamen temperamento aliquo, Sæculo IX. confirmarunt: Non hæc autem Galliarum Concilia, quæ longè sibi posteriora fuerunt, Arichis respexisse potuit, sed neque quod sibi præcesserat, Bracarense attendisse dicendus est. Explorata ei potius esse debuit Romanæ Ecclesiæ, non modò sibi proximæ, sed cæterarum etiam Matris, Magistræque disciplina; quæ Magni Gregorii doctrinâ, auctoritateque probatâ, non solum licitum, sed planè usitatissimum morem sepeliendi Christianos defunctos in Ecclesiis, obtinuisse demonstrat. Cur igitur (inquies) ab Arichi contraria audivimus? Immo potius, quæ à more ipso abusu omnem auferrent, ab ipso sancita ostendam: Itaque condendæ Legis causa illa fuisse videtur, quæ à Principum, Sacrorumque Antistitum perpetuis ferè exemplis promanabat: Principibus quidem mos ille, ad feram usque ætatem perductus, atque à nostris quoque Longobardis Principibus perpæse servatus fuit, ut in Ecclesiis Atriis sepeliri se vellent, qua demum re hanc saltem mortui Christianam humilitatem profiterentur, aut ostenderent, quam viventes in suæ dignitatis fastigio sociam habere nequissent, aut nolissent; unde Imperatores ipsos pro magno habuisse, ait S. Chrysostomus, si juxta Apostolorum saltem vestibula eorum Corpora sepelirentur, fierentque Reges janitores Apostolorum (1): Non alia de seipsis Sacrorum Antistitum sententia, postremaque morientium jussio fuit; idque passim servatum plurima demonstrant exempla, aliâ mihi relata. Indignam itaque rem existimavit Arichis, ut quod Summi Viri, Religionis, ac Reip. Præsides, Spiritu Christianæ humilitatis ducti, submissioremque erga Domum Dei reverentiam testari, sibi ipsis interdixissent, Fidelium vulgo in ipsa Basilica, passim permitteretur. Rem itaque omnem Ecclesiasticorum Præsulum, Ministrorumque arbitratu subjectam constituit, ut Loci simul Sanctitati, venerationique confuleret, ac Fidelium pietati, quos nec omnino extra Ecclesiam humari præcepit,

Muratorius, quem tantum noram, laudaveramque ex Anecdosis Græcis Dissert. XII. De Antiquis Christianorum sepulchris, Edit. Patavii 1709. p. 258. ubi de S. Maximo ne hilus quidem: & tamen ad idem argumentum secundas curas detulisse Muratorius ibidem affirmat, ut jam quas primas dedisset, uti leviores, haud mihi perquirendas, consulendaque existimarim: Quod doctissimo Zacchariæ erat animadvertendum: Muratorii igitur secundæ curæ, idest exactiores, quæ de S. Maximo silent, haud aliis observatum S. Maximum (quem ex suo fonte, idest Homiliis p. 361. post Opera S. Leonis PP. editis Venet. 1741. didiceram) mihi affirmandum permiscerunt. Quid si, & S. Maximi loco alterum quàm simillimum nunc adjecerim. (adjecisse autem libuit, quò de præcipua re à me peracta luculentius constet) ipsumque neque aliis habendus observatum affirmari? Fors certe mihi dudum illum legisse fuit in Actis SS. Martyrum Tharachi, Probi &c. apud Cl. Ruinartium p. 393. edit. Peron. In eodem sepulchri loco, ubi eorum Corpora fuere tumulata, ibidem (inquitur Martius, & Felix, & Verus Christiani fideles, qui sepelienda curarunt) reliquum vite nostræ tempus facere cupimus, ut cum ipsis digna sint corpora nostra poni. Lubet adhuc eandem rem novo exemplo nunc confirmare, ex sepulchrali videlicet Titulo Ducis Dostrulsi. Ac Dostrulsi quidem, siue (ut Paulus Diaconus vocat De Gest. Long. Lib. III. c. 19.)

Dostrulsi, Suevorum, siue Alemannorum gente oriundus, inter Longobardos verò tum educatione, tum gestis, tum Ducatus dignitate sub Rege Authari clarissimus, dum Ravennæ moritur, se in S. Vitalis Martyris Templo sepultum voluit, ut ejus auxilio vivus in bellicis expeditionibus triumphaverat, mortuus patrocinia sentiret.

Martyris auxilio Vitalis fultus ad istos

Pervenit, victor sepe triumphet evans.

Cujus & in Templis petiti sua membra jacere:

Hæc loca post mortem bustis habere juvat.

An uterque locus, nunc primùm à me proditus, aliis unquam observatus sit, Illustrissimo Præfili investi-gandum relinquo. Interea qui Baronium prorsus ignoratum silenti mihi obiecit, haud me ipse filere debuit, qui dum ad Legis ab Arichi latæ explicationem à me factam, Lectorem ablegat, Lectorem tamen de ejusdem Legis loco à me emendato certiorum facere omisit: eamque Legem recitans sic habet: Si quis hominem causa temeraria (cui leggesi pressio il Pellegriani, forte era scripto ausu temerario) absque permixtu &c. quod quidem mendum ut à Peregrini, Muratorii, Pratilli editionibus auferretur, auctor ego jam fueram.

(1) S. Jo. Chrysost. Hom. XXVI. in Epist. I. ad Corinth.

cepit, nec iis spiritualibus emolumentis privatos voluit, quæ ex Ecclesiastica sepultura, sibi legitimè, idest Episcopi, ejusque Sacerdotum permisso impetrandâ, sibi conquirenda curassent.

Hactenus Principis Arichis Leges ad Religionem pertinentes spectavimus; quid in eandem rem Princeps Radelchis in Capitulari suo constituerit, nunc videamus. Capitularis titulo inscriptum legimus Pactum illud, quod Radelchis cum Siconulfo Anno DCCCII. sancivit de dividendo Beneventano Principatu, seu ex amplissima ejusdem Principatus ditione altero constituendo Principatu, qui ex nova illius sede, ac capite Urbe Salerno, Salernitanus dictus fuit. Plura de eodem Pacto scribendi occasio fuit in superiori Dissert. III. cap. v., ubi argenteum ejusdem Radelchis Nummum illustrandum suscepimus. Nunc Capitularis nomine ejusmodi Pactum jure appellatum affirmamus, quippequod Edicti, sive generalis Legis vim, rationemque obtinuit, quâ deinceps utriusque Principis jura, sive Regalia, Reique publicæ status, subditorumque Populorum privata res, in novam quodammodo regiminis formam translatæ fuerunt. Diutino Bello, quod ante eam divisionem inter Radelchim, & Siconulfum, Saracenis utrinque auxiliariis, exarserat, Religionis res non tam labefactatæ, quàm in extremum redactæ interitum videbantur; quamobrem quum ad Pacis fœdera ventum est, prima instaurandæ, constabiliendæque Religionis cura esse debuit; nullus autem præcipuæ ejus rei felix videbatur successus, si Saraceni olim auxiliarii, adhuc fœderati, vel etiam coloni, subditique consistere intra utriusque Principatus fines sinerentur. Ab iis enim, qui Christianæ Religionis Hostes essent, immo nullam nossent Religionem, sanguini duntaxat, ac prædis, tum vi, tum dolo, per summam æquè crudelitatem, perfidiamque assueti, eadem, quæ olim, vel etiam deteriora mala imminerent. Heinc Saracenorum omnium rescissa fœdera, expulsio procuranda. Et amodo (hanc uterque Princeps Legem sibi dicit) nullum Saracenum in meum, vel populi, vel terræ meæ adjutorium, seu amicitiam habere querimus, tam de his, qui in omni Provincia Beneventani Principatus sunt, quàm etiam de illis, qui extra omnem Beneventanam Provinciam sunt, & nunquam eos contra vos irritans irritare faciam, & nullum eis adjutorium impendam, vel impendere faciam, & adjuvabo vos absque omni injusta dilatione usque ad summam virtutem, sicut melius potuero cum populo meo parvis, ut pariter expellamus de ista Provincia nostra omnes Saracenos, quomodocumque potuerimus, & amodo, ut dictum est, nullum Saracenum recipiam, vel recipere permittam, præter illos, qui tempore DD. Siconis, & Sicardi, qui fuerint Christiani, si magarizati non sint: hoc est, si non abdicata Christiana Religione, iterum ad Saracenicam Sectam redierint (1).

Necessarium hæc statuisse fuit; sed sublati tantummodo impedimenti, quæ extrinsecus adversari videbantur, nondum satis Religioni prospectum videbatur. Internis quoque malis erat occurrendum, sive ab ipso Principatus corpore, ejusque membris, lethiferi, qui percrebuerant, amputandi morbi, venena extinguenda: atque ipsis primùm Religionis administris, Clericis, Monachisque, in morum corruptelam dilapsis, ea adhibenda remedia, quæ facile in reliqui corporis medicinam converterentur. Heinc illud sancitum cap. v. ut omnes Monachi, & Monache redeant ad sua Monasteria, ubi prius habitaverunt, ut habitent, & militent ibi Deo, sub magisterio illic præordinatorum (idest Abbatum, Præsidumve illis regendis legitimè constitutorum) sicut ratio, & consuetudo est; exceptis illis, qui per virtutem (hoc est injustam vim, atque metum) aliorum illic introjerunt, aut in Palatio serviunt. Eadem de Ecclesiastici ordinis Viris sequenti capite sunt constituta, ut scilicet Episcopi, & omnes Clerici, & quocumque gradu Clericatus, vel sine gradu, redeant ad suos Episcopatus, cujuscunque Diocesis fuerint, & si redire noluerint, & nobis cognitum fuerit, absque omni injusta dilatione faciemus eos redire invitatos, ut sint sub potestate præordinatorum in ipsis Episcopatibus, & habitent, sicut illi eos justè constituerint, exceptis Clericis, qui in Palatio serviunt, & qui per vim Clericati fuerint; Scilicet quos, flagrante Civili Bello, vis, metus, pronaque malo indoles, vagos, errabundos, dyscolosque effecerat, ad proprias Ecclesias, Monasteriaque revocatos austerior disciplina ita corrigeret, ut suæ ipsi professioni paribus moribus, ac virtutibus respondentes universo populo non exemplo tantum præluere, sed verbo etiam, opereque prodesse possent.

Ad hæc suppeditanda, aut etiam confirmanda Populis opportuna quæque ad Religionem fovendam sive incentiva, sive adminicula. Nihil in eam rem validius, atque congruentius, quàm si vetusta, plurimisque tum spiritualibus, tum corporalibus beneficiis

omni

(1) Vide quæ de hoc Pacto superius observavimus Diss. III. Cap. v.

omni retrò tempore locupletata, universi Beneventani Principatus erga S. Michaelē Archangelum, ejusque Garganicam Basilicam veneratio constabiliretur. Dum igitur de colendo Archangelo, ejusque Basilicæ orationis causâ adeunda ageretur, nihil ex Principatus divisione derogatum, cujus unus ipse, ac communis Michael permaneret Patronus; quique utriusque Principis distinctæ deinceps potestati divisi inter se Populi obtemperaturi essent, eandem animorum consensionem, Religionisque consortium retinerent. *Et dimittam* (inquit Radelchis n. vii. x.) *omnes homines vestra potestatis* (scilicet Salernitani Principatus subditos) *ire ad venerabilem Ecclesiam B. Archangeli Michaelis recto itinere, quomodo temporibus nostrorum Antecessorum illuc ibatur, sine omni contrarietate, vel damnitæ, atque contradictione mea, & omnium hominum, qui in mea potestate habitant, vel habitaverint, me vivente, & salvi vadant, & redeant à nostra parte per meam voluntatem, excepto Divino judicio.* Sed de vetustissimo, præcipuoque Beatissimi Archangeli Michaelis Patronatu, eximioque erga illum nostrorum Longobardorum cultu uberrimè à nobis superioris Dissertationis Capite v. habita est pertractatio. Satis etiam nunc de eorundem Longobardorum Legibus ad Religionem pertinentibus, disseruisse sit.

CAPUT II.

Longobardorum Regum, Principumque Leges, quæ ad Jus publicum pertinent, recensentur, atque illustrantur. Feudorum institutio, progressus, leges non Romanis, neque Francis, aut Germanis, sed Longobardis vindicantur. Auctoritates, & exempla in eandem rem afferuntur. Criminum vindices Longobardi quid de Parricidii, Plagii, Furti sceleribus sanciverint. Talionis poena Longobardorum legibus instaurata: Stigmatum quoque inusitio. Ad exteras gentes abire sine Principis permisso, inter Majestatis Crimina recensetur. Tabellionum publicum munus apud Longobardos: Probata illis tum Fides, tum Scientia requirebatur.

Post explicatam superiori Capite Juris Longobardici originem, progressum, præstantiam, ejusque partem, quæ ad Religionem pertinet, alteram nunc partem illustrandam aggredimur, quæ in Jure Publico versatur, atque ex iis Legibus, aut etiam moribus, consuetudinibusque constat, quæ Feudorum institutionem, Delictorum vindictam, Munerum administrationem complectuntur. De his igitur omnibus singillatim disseremus.

Nulla olim pars Juris pejori conditione fuit, quam illa, quæ de Feudis est, donec apud prudentiores æstimatores pretium suum invenisset: inter quos Jurisconsultorum maximus Cujacius, se Commentariis suis habitationem ei, tamquam matrone elegantiori, muniorem, epulasque, quibus exciperetur, conquiritores parasse affirmat (1): qui neque illud abnuit, Feudale Italicum Jus ab aliis Gentibus libenter observatum, ut idem planè de Feudorum Libris statui queat, quod de Lege Rhodia Imperator Antoninus, eam in rebus nauticis Romanos sequi, nisi si qua in re adversetur Juri publico Populi Romani: *Et nos quoque Galli* (inquit) *Jus Feudorum, quo Italia utitur, sequimur non inviti, nisi si qua in re pugnet cum legibus, aut moribus nostris* (2). Illud tamen nondum extra controversiam positum est, atque adhuc incompertum, quibus auctoribus Feudorum origo, enatumque ex Feudis peculiare Jus tribuendum sit: immo & de ipsa barbarici nominis etymologia, deque tempore, quo primùm audiri coepit, nec dum inter doctos Viros convenit (3). In ea igitur originis obscuritate facilè illud in variarum Gentium, earumque Scriptorum animos incescit, ut rem ipsam, veluti in medio positam, non tam primo, quam potiori rationum vi occupanti concedendam quisque sibi contenderet, ac inter patrias Antiquitates præclarum decus duceret, atque jactitaret.

ALTER

M m

Inter

(1) In Epist. nuncupatoria ad Thomam Redigerum.

(2) In Præfatione ad Libros Feudorum.

(3) Quod *Feudum* passim dicitur, plerumque *Foedum* dictum invenitur; itat à *Foedere* vocem deductam statuat Isidorus: At Obertus de Orto, qui secundum, tertiumque Feudorum libros composuit, a *Fidelitate*, vel *Fide* derivatum maluit. Sunt verò alii, qui

vel à Germanica, vel à Danica, vel Saxonica, aut etiam Hungarica voce deductum vocabulum censent, quos vide apud Cangium. Major autem dubitatio est, quando primùm *Feudi* vocabulum emerferit; nam veteres Chartas sæculi ix. ad eam rem probandam à variis Scriptoribus adductas, falsi suspensas idem Cangius pronunciat.

Inter Gallos fuit Carolus Molinæus, qui ex sua Gente si non manifestam Feudorum originem, Feudorum tamen, quæ in Gallis vigerent, antiquissimam omnium memoriam accersendam affirmavit (1): Id enim præclare evinci posse arbitratur tum ex Aimonii testimonio, qui lib. I. cap. 14. *Franc. Hist.* narrat Regem Chlodovæum, qui sæculo v. floruit, *Milidunum Castrum Aureliano cum totius Ducatu regionis jure Beneficii concessisse*; & lib. III. cap. 81. Regem Guntranum *Leudis suis benevolum fuisse testatur*: tum etiam ex Gregorii Turonensis auctoritate, qui pactiōnem inter eundem Guntranum, & Childebertum Reges referens, *Leudes commemorat, qui Domino Guntrano Sacramenta præbuerunt*: & inferius: *Convenit, ut nullus alterius Leudes nec sollicitet, nec venientes excipiat* (2). At quæ de Chlodovæi concessione *Jure Beneficii facta* habet Aimonius, sæculi XI. Scriptor, eadem ex Aimonii ingenio, non ex certis rerum monumentis profecta satis demonstrant vetustiores quique Francici Scriptores à Du-Chesno editi, apud quos altissimum illius *Juris Beneficarii* silentium est. Quamobrem si res ipsa ad Regis Guntrani ævum, relique gestas deducatur, idest ad sæculi VI. exitum (3), vix de ejus rei antiquitate Galli decertare jure poterunt cum Longobardis, qui multis ante annis in Italia confederant, suoque Duces instituerant, ut mox videbimus. Nec audiendus est Molinæus, illud etiam affirmans, se *vidisse antiqua Instrumenta donationis antiquorum Feudorum facta per Childebertum I. Chlodovæi filium Monasterio S. Germani Prætenfis*: Ex ipso enim Diplomate nihil profusus extundas, quo vel levia Feudorum vestigia deprehendas, sed solam Prædiorum donationem, quæ Monachis possidenda tradebantur. Molinæo haud melior Bignonius, qui in notis ad Marculphi formulas scribit, *Beneficii nomine ea prædia dicta, quæ pro servitio militari à Rege, sive etiam ab aliis concedebantur, quæ Feuda Posteritas dixit*: qua in sententia aded sibi constans Bignonius est, ut quotiescumque in dictis Formulis, vel in Capitularibus Regum Francorum nomen *Beneficii* occurrit, ibi non aliud, quàm quæ nunc Feuda appellamus, intelligenda contendit. Sed si hoc verum esset, non à Gallis, sed potius à Romanis, apud quos longe antiquior Beneficiorum usus obtinuit, Feudorum primordia essent repetenda.

Ac Romanis quidem, nihil de Gallis suis sollicitus Cujacius, hanc prærogativam tribuendam opinatus fuit, nam si Feudorum *Jus antiquissimum* fuisse dicatur, nobis (inquit) *nunquam id persuaseris, nisi id liquidò deduxeris ex moribus Populi Romani*; quod ex *Hominum* vocabulo apud illos pro *Servorum*, *Actorum*, *Procuratorum*, *Custodum*, *Insulariorum*, *Emphyteuticariorum*, *Precariorumque* possessorum notione (unde *Hominis* vox pro *servitii*, *fidelitatisque* præstatione, in Feudale *Jus* promanasse videtur) fieri commodissime affirmat. Sed multò commodius ex *Beneficiis* (uti paulò ante dixi), quæ apud Romanos tum Reip., tum Imperii ævo in usu erant, deducere Vir perspicacissimus potuisset (4): Nisi quæ apud Romanos *Beneficia* erant, plenum dominium, nullam verò jurisdictionem (quæ duo ad Feudi cognoscendam naturam, atque jus constituendum potissimum pertinent) Beneficiariis contulissent. Romani igitur non inviti de medio se tolentes, aliis Gentibus de re ipsa decertantibus, locum relinquunt.

Germanis Feudorum originem tribuendam contendit Struvius (5): idque satis probatum sibi credit ob ea, quæ inter vetustos Germanorum mores de Principum Comitibus veterum Scriptorum testimonio celebrantur. *Gradus* (inquit Tacitus) *& ipse Comitatus habet, judicio ejus, quem sectantur: magnæque & Comitum æmulatio, quibus primus apud Prin-*

(1) In Commentar. ad Confect. Paris. tom. I. cap. Des Fiefs. num. 13.

(2) Gregor. Turon. Hist. Franc. lib. IV. cap. 45.

(3) Regis Guntrani obitum anno DCCII. assignant Henfchenius, & Papebrochius tom. II. Mensis Martii Operis Bollandiani.

(4) Quæ Romani rerum domini Prædia bello parta, vel quovis modo ad Fiscum devoluta, militibus in fidei, ac laborum præmium assignabant, *Beneficia* fuisse appellata, docere videtur Hyginus, qui sub Trajano floruit, in libro de *Limitibus constituendis*, ajens: *Si quæ Beneficia concessa, aut assignata Colonia fuerint, in loco Beneficiorum adscribimus*. Præclarius est de Imp. Alexandro Severo Lampridii testimonium: *Dabat hæc in Beneficiis, quæ famam ejus non laderent, Bona privatorum, Præposituras locorum Civilium, Administrationes &c.* Sed illud quoque, quod quandam Feudi imaginem præfert, ipse Lampridius narrat,

eundem nempe Augustum sola, quæ hostibus capta essent, limitaneis Ducibus, & militibus donasse, ita ut eorum ista essent, si hæredes illorum militarent. Id quod ab Augusto Probo pariter factum tradit, qui quædam Isauriæ loca Veteranis donavit, addens, ut eorum filii ab anno octavodecimo ad militiam mitterentur. Vides, jam solo militiæ adjecto onere, nullam donatarii concessam jurisdictionem, nullam donantibus servatam, supremum dominium: quibus deficientibus, quæ apparere coeperat in hisce Beneficiis Feudorum imago, jam tota evanuit. Adde nunc, nihil in Romanorum Legum Libris occurrere, quod sub ipso adhuc Beneficiorum nomine, de Feudorum institutione, Jure, aut consuetudine, cogitatum tum à Romanis fuisse, vel leviter ostendat; & tamen ex utroque Codice tum Justiniano, tum Theodosiano, ejus rei vestigia saltem nobis apparuisse.

(5) Syntagm. Juris Feudal. lib. III. cap. III.

Principem suum locus: & Principum, cui plurimi, & acerrimi Comites, hæc dignitas; hæc vires, magno semper electorum juvenum globo circumdati, in pace decus, in bello præsidium. . . . Jam vero infame in omnem vitam, & probrosum superstitem Principi suo ex acie recessisse: Illum defendere, tuert, sua quoque fortia facta ejus gloria assignare præcipuum Sacramentum est: Principes pro victoria pugnant, Comites pro Principe (1). Sed quod ex recitato Taciti loco Struvius rei sibi propositæ statuit fundamentum, deridet, immo certè ridiculum Dietmarus pronunciavit in notis pag. 27. Dietmari judicium ægrè tulit Heineccius, qui illius argumenta Struvianæ sententiæ opposita non ejus momenti existimat, quæ ipsam infringant, tantum abest, ut ridiculam esse demonstrant. An enim (inquit) apud Germanos Viri Principes, quia non territorii Domini, sed in Conciliis electi, non potuere habere vassallos? an necessariò requiritur superioritas territorialis, ager, & sedes Domini fixa, si quis Vassallum habere velit? & quid aliud sunt illi Comites Gesellen, Warfelo, quàm Vassalli; maxime quum Tacitus de eorum fide in Dominos, & de stipendiis pro servitio militari datis disseret testetur? Nihil ergo impedit, quò minus Feudorum flamina cum Struvio jam apud Tacitum quaramus. In novis istis rationibus Heineccius Struvium adversus Dietmarum feliciter juverit, aliis judicandum relinquimus; nam & nos præclaros hosce Germanicos Scriptores inter se decertantes, suoque certamine deteriorem Gentis suæ causam efficientes, indicasse satius habebimus, ut melioribus auspiciis Longobardos nostros in mediam palæstram, palmam hanc nullis adhuc Gentibus justè præreptam, sibi vindicatuos proferamus.

Longobardos Feudorum auctores, Feudaque ipsa cum ipso simul Longobardico Italico Regno suborta fuisse, indubia rerum gestarum monumenta, si nullâ animi præsumptâ sententiâ, feriq; inspiciantur, certò nobis demonstrabunt. Illud namque satis constat, tres Longobardici Regni initio Ducatus institutos, opportunisque Italiæ locis distributos, idest Forojulianum, Spoletinum, Beneventanum, quibus non modò externos adversus hostes quibuscumque veluti propugnaculis Longobardi uterentur, verum etiam quem sibi subdiderant, Italicum Populum in officio facilius continerent. Hanc Longobardici Regni formam primus in Italia Rex Alboinus reliquit, nisi ternis illis majoribus Ducatibus minores quosdam alios adjicere libeat, quorum ope, sive ministerio expeditius, ac validius Regiæ potestati exercendæ sive subsidium, sive modus adhiberetur. Mortuo autem Alboino universi Regni auctoritas, Rerumque Longobardicarum summa ad ipsos Duces translata est, quorum quisque in eadem, qua olim potiretur Civitate, Longobardos suos, reliquosque Cives regere cœpit, servatâ tamen inter ipsos Duces virum, & consiliorum societate, quæ veterem Longobardici Regni majestatem repræsentaret, supremamque auctoritatem sustineret (2). Sed quum ad Reges iterum redire libuisset, postque annos decem Rotharis communi consilio datus Alboino successor fuisset, manere adhuc Duces statutum fuit, quibus quæ ante Anarchiam, eadem jura, oneraque essent, additum verò, ut ad reformationem Regni omnium substantiarum suarum medietatem Regalibus usibus tribuerent, ut esse posset, unde Rex ipse, sive qui ei adhererent, ejusque obsequiis per diversa officia dediti, alerentur (3).

Ad Ducis titulum quod attinet, jam illud à me Dissertatione I. demonstratum est, Longobardos à Romanis ejusmodi munus, seu dignitatem fuisse mutuatos: Eandem enim regendæ Italiæ formam retinuisse videntur, quam paulò ante suum adventum à Longino primæ Italiæ Exarcho institutam repperant, qui munitioribus Italiæ Urbibus tuendis Duces præfecerat: Sed diversa planè à Romanis Longobardicorum Ducum conditio esse cœpit: Illi enim non alio munere præditi erant, nisi ut militarem operam præstarent, Urbesque suæ fidei, ac custodiæ traditas ab externis hostibus, qui in Italiam irruerant, propugnantes, Romano Imperio incolumes servarent: Longobardici verò Duces ita administrandis Urbibus, earumque regionibus constituebantur, ut non militiæ tantummodo obnoxii essent, dum scilicet militari Sacramento obstricti opem, ac præsidium Principi imperanti exhibere tenerentur; verum etiam ipsarum Urbium, earumque Territorii tum civilem auctoritatem, sive jurisdictionem, tum usumfructum adipiscerentur; quæ quidem omnia simul conjuncta omnimodam Feudorum imaginem repræsentant, immo naturam ipsam exprimunt, jusque universum Feudale complecti videntur.

ALTER

M m 2

Tria

(1) Tacitus De Moribus Germanorum cap. XIV.

(2) Paulus Diac. De Gest. Longob. lib. II, cap. 32.

Tota cujus (Alboini) mortem Longobardi per annos de-

cem Regem non habentes sub Ducibus fuerunt: unusquisque enim Ducum suam Civitatem obtinebat &c.

(3) Idem Paulus lib. III, cap. XVI.

Tria igitur isthæc, quæ ad Feudi naturam agnoscendam, statuendamque præcipue pertinent, ante Longobardos Italiæ dominos, frustra in Italia ipsa quæras; nullibi etiam reperisse erit: A Longobardis autem posteaquam invecata fuerunt, omni deinceps ævo ab ipsis quàm diligenter servata, eorum postmodum recepto exemplo cæteras Gentes didicisse, atque in suum quoque morem, novique juris disciplinam, institutumque exceperisse, plura indubiæ fidei monumenta, atque exempla luculenter ostendunt. Ac primum, audivimus jam ejusmodi onus Longobardicis Ducibus additum, ut dimidiam partem eorum reddituum, quos ex propriis Urbibus, sive Ducatibus perciperent, in Regium Ærarium inferre deberent: qua ex re id liquidò colligitur, assignatorum locorum usumfructum, seu utile, quod vocant, dominium his Ducibus datum, qui fructus, emolumentaque omnia ita sibi conquirerent, vindicarentque, ut scirent tamen, se, suumque Ducatum supremo Regis dominio obnoxium manere, cum quo redditus suos partiiri, sive certam aliquam pecuniæ quantitatem quotannis, tributî nomine, pendere tenerentur. De Jurisdictione autem, qua Duces ipsi præditi essent, nulla potest esse dubitatio; quandoquidem Urbibus, Populisque suæ potestati traditis, tum per seipso, tum per suos Magistratus, idest Gastaldos, Comites, Judices, jura reddere, judiciaque omnia tum Civilia, tum Criminalia exercere, deque suorum subditorum capite, fortunisque decernere consueverunt: atque hac etiam in re non modò veteres, communesque propriæ Gentis mores, consuetudinesque, sed Principum potissimum suorum Constitutiones, sive Edicta sectanda sibi proponebant; ut vel sic Falces suos, sive Gladii jus, reliquamque Jurisdicundi potestatem illorum beneficio, ac concessione in seipso prophanasse testarentur. Reliquum Militiæ onus, in quo fides erga Principem præcipue continebatur, subire Duces omnino debuerunt; adeò ut si imperata detrectassent, vel ad alios Principes defecissent, rebellium loco haberentur, perduellionique poenis afficerentur. Heinc Rex Autharis Droctulphum, quem Ducem Brexellenfis Urbis constituerat, ad Græcos descendentem, Ducatu privavit, vitam quoque adepturus, nisi is Ravennam, confugisset (1). Sic Rex Agilulphus Minulphum, Gandulphum, & Ulfarim Duces, rebellionem molitos vel interfecit, vel custodiæ mancipavit (2). Utque ad Beneventanos Duces progrediamur, jam Rex Liutprandus Gifulpho, Rex Desiderius Duci Liutprando, ut in Romanum Ducatum milites inducerent, vario tempore imperarunt; quod quum illi ob suam erga Romanos Pontifices reverentiam facere abnuissent, ambo Ducatu spoliati sunt; quem admodum Dissert. II. Cap. ultimo uberiùs demonstravimus.

Dum verò ad Beneventanum Ducatum sermo jam evasit, ibidem libenter consistemus, unde ad rem propositam comprobendam satis illustre exemplum excipere licebit. Celebris apud Longobardicos scriptores est Alzei, sive Alzeonis Ducis Bulgarorum, cum gentis suæ exercitu in Italiam adventus, Grimoaldo, Beneventano olim Duce, Italicum Regnum administrante. Obsequium, ac fidem Regi Grimoaldo sponpondit Alzeus, si certa, ac perpetua sibi, suisque sedes in Italici Regni finibus traderetur: Grimoaldus advenam Gentem ad Romualdum Filium Beneventanum Ducem ablegavit, qui paterna jussa exequutus plures illis Urbes incolendas tradidit, ipsumque Alzeum, mutato in Gastaldum Ducis nomine Genti suæ præesse concessit. Rem distinctè narrat Paulus Diaconus, cujus verba mox afferemus: Interim quid de hoc facto Cujacii sententia fuerit, ex ipsius verbis audire quoque præstabit: *Ut Custos, ita Gastaldus Feudatarius propriè non est, quia quodammodo in præsens tantum constituitur, non ut perpetuò eo munere fungatur: Itaque Paulus Diaconus Lib. v. Hist. Long. Cap. xi. (xxix. juxta Muratorii, sive Blanci editionem) cum scribit jussu Grimoaldi Longobardorum Regis in Italia certas possessiones datas Alzeconi Duci Bulgarorum, ita tamen, ut non Dux, sed Gastaldus vocaretur, hoc significat jure Gastaldia datas, non perpetuo, proprioque Feudi jure (3). Cujacio jamdiù occurrit Camillus Peregrinus, falsam Viri alioqui doctissimi sententiam inclamans, nam minimè (inquit) simplex, & una duntaxat, sed multiplex, ac mixta (uti in antecessum præclare ostendit) fuit Gastaldorum prerogativa: & insuper nec Alzeus, sicut Ducis dignitatem, & nomen deposuit, ita vel acceptas ad incolendum Urbes, & Oppida, vel suæ Gentis, transacto sui Gastaldatus anno, dimississe videtur curam; quum Paulus disertè asserat Bulgaros susceptas sedes, usque ad suam aetatem incoluisse, qui in iis locis habitantes, quamquam etiam latine loquerentur, lingua tamen propria usum non amiserunt; nec amiserunt (ego adda m) habere ex propria Gente Gastaldum. Renuit itaque, me arbitro,*

(1) Paulus Diaconus Lib. III. cap. XVIII.

(2) Idem Lib. I v. cap. LXXI.

(3) Cujacius in Præfat. ad Lib. I. de Feudis.

tro, Rex Grimaaldus nomen Ducis permittere Alzeo, non quod perpetuum ei nollet dare Gastaldatum, sed quod ille sub Beneventano Duce constituendus primitivam retinere non posset dignitatem, qui namque cum esset advena, temporaneam in locis sibi, suisque inhabitandis accipere debuisset dynastiam (1)? Peregrinio subscripsit Cl. Horatius Blancus, eum Pauli locum, uti integram illius Historiam, eruditis sanè notis commentatus; qui, etsi (inquit) minime à Cujacio discefferim in iis, quæ pertinent ad jura Gastaldatus ejus generis, de quibus sermonem habuit, Alzeconis tamen variam fuisse speciem opinor, nihilque illi commune cum ceteris Gastaldis præter nomen; cumque revera jure perpetuo Feudum habuisse, deposito Ducis nomine, ne par Romualdo domino suo, a quo beneficium acceperat, haberi posset (2).

Neminem certè futurum arbitror, qui non, Cujacio posthabito, Peregrinio, ac Blanco consentiendum sibi existimet; tum maximè Pauli loco animadverso, quem sic scribentem habemus: *Per hæc tempora Bulgarorum Dux, Alzeo nomine, incertum quam ob causam, a sua gente digressus, Italiani pacifice introiens cum omni sui Ducatus exercitu, ad Regem Grimoaldum venit, ei servitutum, atque in ejus patria habitaturum promittens: Quem ille ad Romualdum filium suum Beneventum dirigens, ut ei cum suo populo loca ad habitandum concedere deberet, præcepit: Quos Romualdus gratanter excipiens, eidem spatiosa ad habitandum loca, quæ usque ad illud tempus deserta erant, contulit, scilicet Sepianum, Bovianum, & Iserniam, & alias cum suis territorii Civitates; ipsique Alzeconem, mutato dignitatis nomine, de Duce Gastaldum vocitari præcepit: Qui usque hodie in iis, ut diximus, locis habitantes, quanquam & latine loquantur, lingua tamen propria usum minime amiserunt. Multa in hunc Diaconi locum, tum de Alzeo, tum de transmigrationis causa, tum de Gastaldi nomine, Latineque sermonis, quem cum vernacula, sive Bulgarica simul lingua didicissent, vera acceptione, superius differui pag. 20., ubi de pristina forma, quæ Beneventanus Ducatus regebat, agendum fuit; plura verò in hunc locum observanda seposui, quæ ad præsens argumentum pertinebant. Quid igitur? Putabimuse Alzeum cum sua Gente, traditas sibi, intra fines Beneventani Ducatus, Urbes ita cum suis incolendas accepisse, ut non mediocri illa ejusdem Ducatus portio, à Beneventani Ducis dominio divulsâ in Bulgarorum habitationem simul, & ditionem translata sit? Nihil hac re absurdius dici poterit: Accepit enim Gastaldi nomine, ac jure; non ea tamen Gastaldi significatione, quæ (uti Viri docti observarunt) Actorem, Procuratorem, ac temporaneum Custodem demonstraret: Sequitur itaque ampliore jure in eam locorum habitationem, possessionemque admissum Alzeum, qui scilicet quandam inferioris domini prærogativam cum jurisdictione conjunctam habere permittebatur: Et sanè Romualdus Alzeum ipsum, mutato dignitatis nomine, de Duce Gastaldum vocitari præcepit; ut videas non dignitatis munus, prærogativam, potestatem, sed nomen duntaxat mutatum; scilicet ne, continuato cum dignitate ei tradita Ducis nomine, nihil dissimularet cum Beneventano Duce interesse videretur: Servata igitur Alzeo sub Gastaldi nomine pristinae suæ dignitatis auctoritas fuit, ita tamen, ut Beneventani Ducis beneficio accepta, supremo ipsius dominio subderetur, hoc est Beneventani Ducis Feudatarius Alzeus constitueretur: Nihil ea re præclarius esse potest, quæ in ipsis Pauli verbis nitidissima elucet: *Alzeus se servitutum promisit; quæ in promissione habes militiæ susceptum onus, ceteraque oblata servitia, quæ Feudi jure præstari solent, & debent: Hac accepta, juramento confirmata promissione, Romualdus Urbes cum suis territoriis Alzeo tradidit: Hanc denique traditionem non simplicis Gastaldi nomine, idest non custodiæ, procurationis, temporariæque administrationis causâ, sed ad Alzei vitam, immo ejusdem Successorum commodis factam disertè demonstrat idem ipse Paulus, qui Bulgaros in iisdem locis olim sibi traditis adhuc sua ætate superstites affirmat, neque tantum suæ linguae usum, sed suorum etiam ex propria gente Gastaldorum jus, sive prærogativam adhuc servantes ostendit: Qui profectò Gastaldi eodem, quo primum Alzeus se obstrinxit, servitii onere erga Beneventanos Duces tenebantur; eadem quoque, quæ Alzeus, emolumenta, auctoritatemque obtinebant, ut scilicet Jurisdictione, atque Usufructu gauderent; quibus si addas Tributi aliquid ab Alzeo, ejusque Posteris Beneventano Duci, velut supremo Domino pensitatum (quod vel ipsum Romualdum, vel successores Duces haud neglexisse credendum est), jam nihil omninò erit desiderandum, ut quod nondum nomine explicatum priore**

(1) Cam. Peregrinius in Dissert. Ducatus Beneventanus in antiquas Provincias an tributus?

(2) Blancus in Paul. Diss. Lib. v. cap. 29. inter Scriptor. Ital. Muratorii T. I. P. I. pag. 484.

priore illo tempore erat, re quidem ipsa Feudum Alzeo concessum, Feudorumque auctores certissimos, atque praecipuos Longobardos nostros agnoscamus.

At quo, inquires, modo fieri potuit, ut qui Feudi vice, atque jure Beneventanum Ducatum Romualdus administrabat, uti initio affirmavi, alterum is in eodem Ducatu, atque ex ejus portione prognatum veluti Feudum constituere, Alzecumque Feudatarium sibi conquirere potuerit? Ajo primum, id Romualdo licuisse non solum permisso, verum etiam jussu Regis Grimoaldi, qui Alzecum ad Romualdum filium suum Beneventum dirigens, ut ei cum suo Populo loca ad habitandum concedere deberet, praecepit. Sed etsi Regia defuisset auctoritas, poterat quidem Romualdus, poterant, inquam, Beneventani Duces, quantumvis Regum suorum Feudatarii, inferiores sibi Feudatarios rite, ac merito constituere: Ut enim Beneventanus Ducatus in eos latissimos fines succresceret, quae universam penè Gistiberinam Italiam complecteretur, Beneventanorum id Ducum opus, ac labor fuit: Ac Romualdus quidem ipse, eodem teste Diacono, Tarentum expugnavit, & cepit, parique modo Brundisium, & omnem illam, quae in circuitu est, latissimam regionem suae ditioni subjugavit (1): Quemadmodum à Romualdi Successoribus alia Beneventano Ducatu accessiones factae sunt, uti à me in Dissertatione I. uberimè est demonstratum; Cum ipsa igitur Ducatus amplitudine propriis viribus, industriaeque parta extulit se quoque Beneventanorum Ducum dignitas, quàm non solum minoribus aliis Longobardorum Ducibus, verum etiam Spoletino, ac Foro-Juliano praestantiores, ita sese Regibus suis obnoxios praestabantur, ut maximam, ac quodammodo liberam regendi, administrandique Ducatus auctoritatem sibi vindicarent: Hac certè auctoritate factum fuit, ut Dux Gisulphus II. amplam illam Regionem Monasterio Casinensi circumjacentem, quam suis certis, designatisque circumquaque finibus studiosè describit Leo Ostiensis, eidem Monasterio perpetuò possidendam tradiderit; atque amplam adeò regionem, quae plura Castella, & Oppida, nedum Campos, & montes complectebatur, suo jure concessisse Ducem Gisulphum notavit ad Ostiensis locum praclarus ejus commentator Nuceus; qui exinde Casinensis Ditionis temporalis vetustissimam, splendidissimamque originem repetens, Excursum Historicum satis prolixum de ea re adtexuit (2); quod postea argumentum uberius à Cl. Gattula pertractatum est, qui Temporalis Domini, sive Principatus Casinensis, ut vocat, auctorem statuit eundem Beneventanum Ducem Gisulphum (3): Si igitur Gisulphus regionem, quae non solum Campestria, & Montana, sed Castella quoque, atque oppida continebat, Casinatibus, contulit in scriptis (ut Ostiensis ait), atque in perpetuum eadem posteris habenda concessit, factumque propterea fuit, ut non solum fructuum, reddituumque emolumenta, sed Jurisdictionis etiam facultas in ejus universae Regionis incolas exercendae, in Casinates esset translata, non illud profecto cum Nuceo, & Gattula dicendum est, Monasterium videlicet Casinense, Principatus, sive supremi, independentisque domini jure tunc fuisse potitum, seu potius donatum, sed hoc unum affirmare fas erit, ac manifestè consequitur, Gisulphum, servata sibi, suisque successoribus supremi, seu altioris domini auctoritate, Feudalia duntaxat jura in ipsum Monasterium transulisse; itaut qui eidem praesset, non liberi Domini, sed primi omnium, qui in Regno Neapolitano constituti subinde fuerunt, Feudatarii, seu Baronis, ut vocant, praerogativam adeptus, hoc jus duntaxat, hoc decus etiamnunc ostentare jam queat.

Atque hæc quidem in eo Beneventanæ Dynastiae statu observavimus, quæ Longobardicis Regibus suberat: postea verò quàm illis extinctis, ipsa in Principatum, Regiaque insignia, atque jura se extulit, non solum id à Beneventanis Principibus non fuit praetermissum, sed potiore, quo jam pollebant, Majestatis suæ jure gestum, ut Feuda, ac Feudatarios sibi constituerent. Illustre hujus rei exemplum praestabit Sico, genere Longobardus, Spoleti summo loco natus, Agerentinus dein inter Beneventanos Gastaldus, Beneventanus denique Princeps; de quo plura diximus Dissert. III. Cap. IV., ubi ejus Nummos illustravimus. Francos Spoleti dominantes, apud quos offenderat, fugiens Sico Beneventum contendit, atque à Principe Grimoaldo Storefaiz grante exceptus, non solum praediis ditatus ab eo fuit, verum etiam Agerentiae Urbis Gastaldatu auctus; dum audis autem Gastaldatum, ne putes Cujacii sententiam, quam superius cum Peregrinio, & Blanco confutavimus, hoc

(1) Paul. Diac. lib. V. cap. X.

(2) In notis ad Chronicon Casin. lib. I. cap. V. num. 7.

& seqq.

(3) P. Erasmi Gattula in Accessione ad Hist. Casp. tom. XII. ejus operis à pag. I.

hoc exemplo confirmatam, sed validius nunc demum, ac manifestius prostratam: quandoquidem qui essent, quidque apud Longobardos nostros valerent Gastaldi, quibus eo nomine Urbes proprio Feudi jure concedebantur, ex hoc Siconis factò exploratissimum erit. Dum igitur Princeps Grimoaldus erga hominem advenam adeò liberaliter, munificèque se gessit, non parvam (inquit Anonymus Salernitanus) *moestitiam Beneventanis, simulque sevitiā innoxit*; & inter se planè *musitantes, non ipsam Civitatem* (idest Agerentiam) *proscripi* (alii melius legunt *profelyti*), sed Beneventani geniti *obtinere quippe debuerant, & magnum murmur exinde inter eos erat* (1): Audistis Beneventanorum *musitationes*, *mur-* *murationes ad sevitiā usque, idest ad iram, ac ferale odium in Principem erumpen-* *tes, quod is, Beneventanis Genitis, idest Civibus posthabitis, proscripitis, sive profelytis, id-* *est Siconi, homini advena Civitatem obtinendam, sive possidendam tradiderit?* An itaque si precarium, temporariumque Gastaldi, sive Actoris, Procuratorisve munus Siconi in Agerentina Urbe exercendum Grimoaldus detulisset, adeò agrè, indignèque tulissent Beneventani Cives, Procuresque? Sola igitur, ac satis iusta querelarum causa fuit, traditam externo homini Urbem conspicuam, ex Feudi jure possidendam intueri, quam indigenæ ipsi promereri debuissent: Et sanè sub Gastaldi nomine, sed nonnisi ex Feudi jure Agerentiam Siconi à Grimoaldo concessam præclarè evincunt res gestæ, eodem loco ab ipso Anonymo commemoratæ; nam quum inter dictum Siconem Agerentinum Gastaldum, ac Radelchisium Comitum Confinum similitates, ac jurgia exorta essent, finitimaque Agerentiæ Urbs Coasta esset, his verbis Radelchisius Siconis famulos, verberibus affectos objurgasse traditur: *Non sufficit vobis Agerentia? Consiam vobis jungere quaritis?* mox verò cum ipso Principe Grimoaldo ita conquestus: *Unum superbum advenam hic tenuisti, necnon Agerentiam ei tribuisti; si placet, Consiam quoque ei concede, quam valde jam depradatus est: Præclarior res est, quam ut pluribus explicetur verbis; Agerentiam videlicet Siconi ita traditam, ut ditionem omnem, quæ Feudi jure debetur, ibidem obtinuerit.*

Sed ex ipso Siconis exemplo, qui simul prodiit, Radelchisius Comes Confinum luculentiora nunc præstabit Feudorum à Beneventanis Principibus constitutorum monumenta. Præter Gastaldos etiam Comites apud Longobardos ex proprio, ac primævo ejus Gentis instituto frequentes extitisse, aliàs probatum à me fuit, præclaro in primis S. Gregorii M. testimonio, cujus hæc sunt: *Si ego in morte Longobardorum misceri voluisssem, hodie Longobardorum Gens nec Regem, nec Duces, nec Comites haberet* (2). Habes itaque Longobardici Regni formam, qualem Gregorii ætas, quæ ejusdem Regni primordia attingebat, nobis demonstrat, Regem videlicet, deinde Duces, postremò Comites: atque his quidem Comitibus non solùm rei militaris administratio mandabatur, verumetiam & oppida, & regiones sive à Rege, sive à majoribus Ducibus ita tradebantur, ut servato supremi domini jure, tributique, ac militiæ onere, ea cum jurisdictionis prærogativa, atque ususfructus emolumento perpetuò possidere, atque in suos plerumque posteros transmittere permitterentur. Hoc certè jure præfatus Radelchisius Comitatum Confinum possedisse dicendus est, ut scilicet, dum Sico Agerentiam Gastaldi titulo, ipse Consiam illustriori Comitibus nomine, uterque verò ejusdem Beneventani Principis beneficio, in Feudum acceperit. Exploratum id magis erit, si ad Capuanos Comites, in Historia Longobardica passim celebratos, oculos conjiciamus. Eosdem modò Comites, modò Gastaldos appellatos legimus, alterutro tamen nomine ita Capuæ confedisse scimus, ut non modò civili, militarique Jurisdictione fungerentur, sed eam quoque domini auctoritatem sibi vindicarent, ut Comitatum ipsum hæreditarium effecerint. Constat autem, Capuanos Comites Beneventanorum Principum subditos, Feudatariosque fuisse, quod ex ipso vetusto Comitum eorundem Chronico manifestum sit, cujus hoc est exordium: *Landulph Maricu fil. Paldi Gast. Capue a Sicone Ben. Gastald. factus est* (3): idest à Sicone Beneventano Principe Gastaldus factus est. Si igitur Landulphus post Paldum ejus Patrem eundem Gastaldatum Capuanum Principis Siconis beneficio adeptus fuit, certè sequitur, non alio, quam Feudi jure eam successionem promeruisse: Heinc diviso inter Radelchim, ac Sicomulphum

(1) Sic apud Erchempertum num. xxix. occurrunt circiter ann. 850. *Majepotus Thelesinus, & Guandelperus Bovianensis Gastaldi*, quorum alter Thelesium, alter Bovianum, Feudi jure à Principibus Beneventanis acceperant.

(2) S. Gregorius lib. iv. ep. xlvii. ex edit. PP. S. Mauri: quo Gregorii testimonio tum Peregrinium, tum Be-

rettium falsos offendi, alterum scilicet, qui Longobardicos Comites ex Gallorum exemplo, seu more accersendos, alterum verò, qui *varios* Comites Longobardis tribuendos existimavit. Vid. Dissert. I. pag. 18.

(3) Chronicon Comitum Capuæ tom. i. l. Opp. Cam. Peregrinii pag. 146. edit. Neapol. 1751.

nulphum Beneventano Principatu, Capua ipsa supremo instituti tunc Principatus Salernitani dominio adjudicata fuit (1): Quamquam ea divisio Capuanis Comitibus ambitiosius se gerendi, atque veterem subjectionem Principibus suis abnuendi occasio fuit; non solum enim ex ea divisione, quâ debiliores antiqui Principatus vires effectæ erant, dilapsaque quodammodo pristina Majestas videbatur, verum etiam ex discordia, quam inter utrumque Principem fovere studebant, ipsi crescere moliti sunt Capuani Comites: quæ in re flagitiosior ceteris fuit Landulphus Episcopus Capuanus, Landulphi Comitibus filius, cujus æquè in suos domesticos, ac in proprium Principem insignis memoratur perfidia: Nam quum morienti Comiti Landoni fratri cum Pandone altero fratre jurasset, ut Comitatus successio Landoni filio natu majori incolumis servaretur, non diu (uti narrat Erchempertus) ad juramentum persistere fraternum, nam subdole pro cupiditate Gastaldatus (idest Comitatus ejusdem Capuani) & Landonem, & ceteros fratres Urbe repulerunt; & à Guaiferio (Principe Salernitano) alienati sunt, cui sacramenta recentia dederunt (2): Quum verò Princeps Guaiferius eam injuriam tum Landonis Filio, legitimo Comitatus successori, tum maxime sibi, qui supremi Domini, ac Principatus jure eam adprobare successionem debebat, ulciscendam sibi proposuisset, ausus & ipse Landulphus fuit, contra Christum Dominum (uti Guaiferium vocat Erchempertus) pugnam instituire. Atque hæc quidem Landulphus, Vir (uti in Chronico Comitum Capuæ describitur) providus, sed lubricus, & flagitiosus, & ad mala semper paratus: Qui tamen viribus suis fretus per summum nefas exiit suis Civibus non solum Episcopus, sed & Comes, & Judex, non solum Praeful, verum etiam Gastaldus; neque tantum Pontifex, quin & velut Miles super cunctos præerat per annos duodecim (3). Plura autem in hoc facto observare operæ pretium est: Primum illud obiter animadvertemus, Guaiferium, Christum Dominum ab Erchemperto appellatum; quæ quidem appellatione non obscurè ostenditur, Salernitanos Principes eum quoque Regium morem, ritumque sibi adrogasse, quo Principes Beneventani ex Arichis Magni exemplo, atque instituto utebantur, ut in Principatus inauguratione Sacram unctionem Episcoporum ministerio reciperent. Sed quod ad rem attinet, duo præcipue ex Erchemperto colligere licebit, quæ in Gastaldatu, quo adhuc nomine eum vocat, sive Comitatu Capuano Feudum Beneventani olim, tunc verò Salernitani Principatus agnoscendum demonstrant: Unum est Sacramentum, quod recentior, idest post Landonis Comitibus obitum, sive Landulphus Episcopus, ejusque Fratres suo nomine, sive etiam nomine Filiorum defuncti ipsius Comitibus Landonis Principi Guaiferio præstiterunt; quo quidem Sacramento non solum illum supremum Dominum professi sunt, sed Fidelitatem quoque, ceteraque ex Feudi jure præstanda despondisse putari debent: Alterum verò, indigne id tulisse Guaiferium, ut legitima Feudi successio perturbaretur, quam non defuncti Comitibus Fratribus, sed Landoni filio, natu majori, deferendam voluit.

Plura de Capuano Gastaldatu, seu Comitatu diligentius nobis observanda fuerunt, ut vel ex ipso uno, qui maxime celebris, præpollensque sub Longobardicis Principibus floruit, ceteros Gastaldatus, Comitatusque alios in Beneventano Principatu olim extantes, eodem Feudi jure institutos intelligeremus. Longum enim, ac proflus otiosum fuisset, in singulis Gastaldatibus, ac Comitatus, qui passim à Scriptoribus nostratibus memorantur, totidem Feuda demonstrare. In ipsa siquidem Principatus divisione, quam superius memoravimus, nova adhuc recentis Feudi, quod ad alia antiqua accederet, instituendi occasio facta fuit; nam Princeps Radelchis Totonius, qui in utriusque Principatus limitibus statuendis sagaciter se gesserat, ad obtinendum Castellum cum suis Optimatibus tradidit (4). Ejus Castellum nomen siliuit Anonymus Salernitanus, qui tamen traditionem ad obtinendum Totonius, velut ejus operæ egregie præstitæ mercedem, à Radelchis cum Optimatibus suis, idest Optimatum consilio, suffragiisque factam disertè commemorans, non aliud, quam Feudi concessionem, ipsamque Totonem Gastaldum, sive Comitem tunc primum creatum demonstrat, ut scilicet Castellum illud, sive Oppidum ita Totonius acquireretur, ut Principis beneficium fuisse sciret, cui fidelitatem, tributum, ceteraque Feudalia servitia, atque onera præstare deberet.

Neque

(1) Anonymus Salernit. cap. LXXVII., & Charta Divisionis Principatus Beneventani tom. III. Opp. Peregrinii pag. 217.

(2) Erchempertus in Chron. num. XXVIII.

(3) Historia Ignoti Cassinensis cap. XXXII. tom. III. Opp. Peregrinii pag. 227.

(4) Anonymus Salernit. cap. LXXX.

Neque aliter Comitatum Larinensem (ut hoc demum exemplo rem conficiam) Sæculo ineunte XI. Tesselgardus obtinebat. Exeat in Tabulario Monasterii Tremitenfis Charta originalis ipsius Comititis Tesselgardi, qua is Alberico Abbati dicti Monasterii donat Civitatem Gaudia ad suum Comitatum pertinentem: Insigne monumentum in subiecta nota, cui libebit, legendum exhibemus (1): Quæ ad rem præsentem faciunt, heic observare

ALTER

N n

præ-

1 Donatio Civitatis Gaudia facta à Tesselgardo Comite Larinensi Alberico Abbati Monasterii Tremitenfis anno MXLV. apud Muratorium Antiqu. Med. Evi tom. II. pag. 16.

In nomine Domini. Anno quadragesimo primo Principatus Domini Pandolfi gloriosi Principis, & septimo anno Principatus Domini Landoisi filii eximii Principis filii ejus, Mense Julii, XIII. Indictione. Postquam à Pandolfi gaudia Humanum genus in primo Parente expulsum esset, & casibus, atque ruinis pluribus crebrentibus, una mors rapit homines mille modis, & nunquam prævenit mors languorem, antequam languor præveniat mortem; & quidem, ut experimento cognovimus, est ordo nascendi, & non moriendi; hæc tam omnia pertractans Ego Tesselgardus Comes, filius bonæ memoriæ Tesselgardi Comititis ex Civitate Benevento, ex corde sollicito cogitare cepi, & ante oculos mei cordis hæc omnia jugiter constitui: & cum effem incolumis, & sanam habens mentem, & rectè loqui me profiteor (per hujus) Edicti tenorem, subitò inspiratus Divina Clementia, compunctusque mente consideravi, qualiter mea commissæ celare non valerem, nisi elemosinis, & misericordiarum operibus. Quapropter Ego prædictus Tesselgardus bona mea voluntate ante præsentiam Joannis Judicis, alisque subter scriptis Testibus offero, atque concedo in Monasterio, quod situm est in Insula, quæ vocatur Tremii, cujus vocabulum est Sanctæ Dei Genitricis Mariæ, & cujus regimen annuente Domino gubernat, & regit Dominus Albericus Venerabilis, & Religiosus Abbas, ipsam Civitatem, quæ vocatur Gaudia, quæ videtur esse partem nostræ Comitatus Larinensis, habente hos fines. De prima parte incipit à fonte fluminis Fortoris, cum medietate aque, & sicut pergit per littorem Maris, & vadit usque ad stagnum Rantine, quæ facit Vallonem de vena de causa, & deinde revolvente per ipsam viam carraram, & pervenit in ipso Casale Genitrino, & descendente in ipso Colle Petri . . . eo quomodo descendit per ipsam viam, & pervenit in ipso Molino Roffridi fratris mei, & vadit in vetere Ponte Fortoris flumine, & descendit per medietatem ipsius fluminis, usque in foveæ Maris. Et cum omnibus suis pertinentiis, & cum transitis, & exitis suis, & cum terris cultis, & incultis, vineis, vineis cum arboribus fructiferis, & infructiferis, silvis, pratis, agnis, pascuis, cum superioribus, & inferioribus, & cum omnibus intra se habentibus. Et hæc omnia offero, & trado prædictæ Ecclesie, & tibi Domino Alberico Venerabili Abbati, & tuis Successoribus, & omnibus Fratribus tecum degentibus, quantum pertinet est mihi; tali igitur ordine, ut perpetuis temporibus potestatem habeas tu, & tuis Successoribus conducere homines ibi ad habitandum, & Civitatem construendam, & Molina in ipsa aqua fluminis faciendam, & vineas propagandum, & passinandum. Et omnia quæ, & qualiter vestra voluntas fuerit, sine contrarietate mea, meisque hereditibus, & de omnibus homi-

nibus, excepto portum Fortoris, quod reservavi in mea potestate hoc tenore, ut si voluntate Dei ex hoc migravero Sæculo ego Tesselgardus, & si filios relinquo, & si filii mei filios dimiserint, habeant illum; si autem filios non habuerint, revertatur ad prædictam Ecclesiam. Parentes vero alii nullam ibi habeant potestatem loquendi ex eo, aut ereditandi. Et si navfragium patiatur quilibet navis in ipso mare, quantum pertinet in nostræ offeritionis, obligo me ego Tesselgardus, ut nullam exinde tollam, sed tue sit potestati, tuisque successoribus, liberos dimittere absque omni lesione. Et hæc nostram offeritionem, sicut superius legitur, & cum omnibus, quæ supra diximus, optulimus, pro anima patris mei Tesselgardi, & genitricis meæ Mariæ, & Bertæ Materteræ meæ, & pro anima mea, qui supra, Tesselgardi, mearumque uxorum mortuis, & vivis, quarum nomina sunt Marada, & pro anima filiorum meorum, Tesselgardi, Bernardi, & Potoni, necnon & fratrum meorum Roffridi, & Malfridi. Et ex his omnibus nihil eis, vel nobis reservavimus potestatem, sed omnia tradimus tibi prædicto Domino Abbati, tuisque successoribus ad possidendum, dominandum, & faciendum quæcumque volueritis. Excepto hoc, quod volumus, ut quotiescunque necesse nobis fuerint equitantes ad præliandum, vel ad loquendum ab ipsa parte fluminis, in qua habitamus nos, omni tempore sequantur nos quanti equitantes inventi fuerint contra Græcos, vel contra Apulos, & finitimas Civitates. Obligo me, meoque heredes aliquando illos non querere. . . Quando uxor mea Beneventum itura est, omnes habitantes Civitatis illius dent illi duos equos pro isto itinere, quos iterum recipient apud. Quoniam Ego mulier nomine Alarada Comitissa filia Malenolfi Comititis, quæ sum Uxor prædicti Tesselgardi Comititis, similiter offero, atque concedo coram præscripto Judice, & Testibus, qui subter scripti sunt, totam, & integram meam Cartulam, quam, & in præphatam Civitatem, & pertinentiis ejus habere videor, consentiente mecum, & una mecum tradente ipso prædicto Viro, & Mundaualdum meum, in qua legitur præphata nostra offeritione, quam pro salute anime nostræ, nostrorumque parentum fecimus: Nec ego Tesselgardus Comes, nec ego Alarada Comitissa reservavimus aliquam potestatem, nec nostris hereditibus, nec quibuscumque hominibus, sed totam, & integram, sicut superius legitur hæc nostram offeritionem, securo nomine habere, & possidere valeatis. De qua igitur ante ipsum præphatum Judicem Joannem, & alios bonis hominibus, qui subter scripti sunt, Guadia dedimus nos Tesselgardo, & Alarada tibi Domino Alberico Abbati, & una tecum assistentibus, atque recipientibus Sifredo filius Adammi Advocatore tuo, & mediatorem tibi posuimus Roffridum, & Malfridum fratres meos pro eadem Gaudia, & jam dicto mediatore posito obligamus nos, qui s. Tesselgardus, & Alarada, & nostros Heredes tibi Domino Alberico, tuisque Successoribus, ut ipsa prædicta nostra offeritione ab omnibus hominibus antecessoribus,

mus,

præstabit: Ac primum illud est, Beneventanorum Principum nomine inscripto, numeratisque pro certa temporis nota Principatus annis factum ejusmodi Chartæ titulum, atque exordium. Nihil ea re certius, ut qui ejus loci, ubi Charta conscriberetur, earumque personarum, quæ Contractum celebrarent, supremus esset Princeps, manifestum haberetur, itaut & Charta publicam fidem, & Contractus perpetuam firmitatem exinde obtineret. Heinc Carolus Magnus (ne à domesticis discedam exemplis) Grimoaldo, quem ob fidem retinebat, Beneventani Principatus successionem hac lege permisit, ut non solum Nummos, verumetiam Chartas sui Nominis characteribus semper superscribi juberet (1). Sed mox hanc subjectionis notam excussit Grimoaldus, qui sibi, suisque successoribus supremam auctoritatem vindicavit. Id itaque ea inscriptione Tesselgardus proficitur, se videlicet Beneventanorum Principum beneficio Comitatum Larinensem possidere, eisque Feudi jure obnoxium manere: ac dum se ipsum nominat filium bonæ memoriæ Tesselgardi Comitæ ex Civitate Benevento, illud etiam nobis ostendit, ex Beneventanorum Procerum familia suum duxisse genus, proptereaque majores suos id Beneficium à Beneventanis Principibus olim assequutos, ut Larinenſi Comitatu ex Feudi jure potirentur. Sed & Patriam adhuc Beneventum sibi esse, seque, suamque uxorem in Principis Aula sistere debere satis ostendit ea lege in ipsa Donatione adjecta, ut quando (inquit) uxor mea Beneventum itura sit omnibus temporibus, habitatores Civitatis illius dent illi duos equos pro isto itinere; à quibus denique ejusdem Civitatis Gaudia habitatoribus illud etiam sibi præstandum cav-

vit

mur, & defendamus eam vobis. Quod si antestare, vel defendere eam non poterimus, aut si nos ex eadem nostra offensione vobis accusaverimus, aut vestris successoribus contendere voluerimus, vel de predicto Monasterio subtrahere voluerimus, omni tempore omnes nostras questiones sint tacitas. Et insuper nos, & nostros heredes vobis, vestrisque Successoribus ordo Monachorum centum Libras auri componamus, obligamus, & omnia adimpleamus, sicut superius legitur. Unde ipsi qui s. mediatores obligaverunt se, & suos heredes ad pignrandum tibi magnifico Domino Alberico Venerabili Abbati, tuisque successoribus, vel cui ipsam Cartulam nostre offensionis in manu eris pro parte vestra, sanctique Monasterii omnia suorum pignora legitima, & illegitima per oppositos boves, seu caballos, servi, vel ancillæ, caſis, vel vineis, sic nos qui s. Tesselgardus, & Alarada obligavimus nos, nostrosque heredes vel pignrandum supradictos mediatores, eosque heredes ad pignrandum, donec perveniat ad verum finem. Et hanc Cartulam offensionis subscripsi Ego Petrus Diaconus, & Notarius, eo quod interfui.

Acta intus in Castello de Serra Mense, & Indictione superius subscriptis feliciter.

† Signum manus Tesselgardi Comitæ, qui hanc Cartulam offensionis fieri rogavi.

† Ego Dauserius Comes.

† Ego Sennualdus Judex.

† Ego qui supra Joannes Judex signavi manu mea. Pretium huic Chartæ augere debet ipsa Gaudie Civitas à Tesselgardo Monasterio Tremitenſi donata, in Comitatu Larinenſi ad fontem fluminis Fortoris, olim Frontonis posita, atque territorio suo ad mare protensa; latuit enim Urbs isthæc non modo Camillum Peregrinum in ejus Tabula, seu Descriptione Ducatus Beneventi adjecta ad cap. 80. Anonymi Salernitani tom. III. Opp. edit. Neap. verum etiam Cl. ac diligentissimum Gasparem Berettium in ejus Tabula Chorographica Italiæ Medii ævi, edita inter Scriptor. Italiæ tom. x. Muratorius ad eandem Chartam observat, inanem fore illorum suspensionem, qui hanc Gaudiam cum Gaudio, sive Gaudio Hirpino-

rum Oppido ab Anonymo Ravennate lib. iv. cap. 33. memorato acceperint: an verò Civitatem à Mare hoc nomine designetur, aliis inquirendum relinquit. At nullus inquirendi erit locus, si utriusque vocabuli diversitatem attendamus; neque enim Gaudia, quæ ita ex nostra Charta clarissime vocatur, ipsa potest unquam esse Civitas, eo nomine proprio, non appellativo vocata, quæ in eadem Regione olim posita, Episcopalis, & Ecclesiæ Beneventane suffraganea fuit, de qua plura dicemus in Dissertatione sequenti, & in notis ad Vitam S. Leonis PP. IX. in Appendice proferendam. Restat igitur, ut hæc Civitate Gaudia, quæ nunciprimus ex nostra Charta prodit, utramque suppletam demus tam Peregrinii, tum Berettii Tabulam. Ceterum nonnullis mendis, quæ in ipsam Chartam, a nanuensibus fortassis incuria, irreperant, Muratorianum exemplar expurgavimus; in quibus manifestum illud: De qua (offensione) autem ipsum præphatum Joannem Judicem, & aliis bonis hominibus, qui subter scripti sunt, Gaudia dedimus nos Tesselgardus & Co. ubi quis iterum de ipsa Civitate Gaudia loquentem Tesselgardum intelligat, quem tamen hoc loco non Gaudiam, sed Guadium dedisse, legi debet. Guadia, quæ etiam Guadium, uti Wadia, & Wadium, idem est, ac Vadimonium, Fidejussio, Pignus: de quibus plura Cangius in Gloss. Lat.: Ac Tesselgardus quidem pro perpetua suæ offensionis, sive donationis observantia pluribus vinculis ita se obstrictum voluit, ut nullibi fortasse solemniorum contractuum, reique gestæ cautionem invenias: nam præter poenam librarum auri centum, mediatores dati sunt, sive fidejussores ipsius Tesselgardi ambo fratres Rosfridus, & Malfredus, quos Rosfrida, & Malfria corrupte legas apud Muratorium. Denique data Monasterio potestas est capiendi Pignora tum legitimis tum illegitimis, quorum nomine, quid Media Ætas intelligeret (ne heic longius, quam æquum sit, excutramus) in sequenti Dissertatione observabimus.

(1) Erchempertus in Chron. num. xv.

vit Tesselgardus, ut quotiescumque necesse fuerit, sequantur nos quanti equitantes inventi fuerint contra Græcos, vel contra Apulos, & finitimas Civitates: ut videas ita eandem Civitatem Gaudiam Monasterio Tremitenſi à Tesselgardo donatam, ut non ipsa militari onere, seu servitio soluta intelligeretur; quod quidem onus ex Feudi jure debitum non tam sibi, quàm supremo Principi exhibendum erat; neque enim Tesselgardus Comes Beneventano Principi, cui erat obnoxius, damnum, aut fraudem ex ea donatione inferendum voluit, aut inferre profecto poterat.

Larinensi Comitatu addimus Triventinum, cujus pariter insigne extat monumentum in Diplomate eorundem Beneventanorum Principum Pandolphi, & Landolphi, qui Civitatem Triventinam, quam & Castellum Anglonum, & Caccaronem, & Cantalupum, Radoisio Comiti dilecto Fideli nostro, & filio Berardi Comitis concedunt, confirmantque, sic quomodo tu illam modo tenes, & dominaris (1): Qua in Concessione Radoisium Comitem à Principibus suis dilectum fidelem appellatum disertè legimus, quo nomine eum demonstrari, qui Locum aliquem ad Regium Jus pertinentem cum usufructu, jurisdictioneque à Principe recepiſſet, quique alio nomine Vassus, sive Vassallus dicebatur, notius est, quàm ut heic exemplis, atque aliorum auctoritate confirmem (2): Ejusmodi Fideles non siluerunt Leges Longobardicæ tum Regis Liutprandi, tum Regis Rachisi (3); ut jam videas, in Legibus Longobardicis esse nonnihil, cujus ope, ac subsidio, etsi aliunde clariora deessent argumenta, Feudorum originem, usumque Longobardis adscribamus; quin & illud nunc nobis verisimillum sit, ipsum Feudi nomen non aliundè esse repetendum, quàm à Fide, seu Fidelitate; quam etymologiam Obertus domo Longobardus, jurisque Feudalis primus compilator disertillimè tradidit, atque ut à Fide, seu Fidelitate esset Feudum, barbaricæ ætatis more illo, seu vitio factum est, quo pleraque nomina corrumpebantur. Sed & in eadem Charta legimus traditam, & confirmatam Radoisio Comiti Civitatem Triventinam, aliaque Castella non solum ad habendum, & possidendum perpetualiter, verumetiam ad dominandum: Ejus autem dominationis genus, sicutum erit, ad omnimodam proprietatem referre, quasi Principes ipsi omni suo dominio sese spoliare, integrumque, ac liberum jus in alios transferre voluerint: sed utile (quod superius dixi) dominium, solo usufructu contentum, ac propterea jurisdictionem iis tribuebant, quos sibi Fideles, sive Vassallos, Feudatariosque constituiebant.

Idem quoque dicendum erit, si Urbes ipsæ, atque oppida ad habitandum traderentur. Eadem enim ejus verbi vis, ac significatio erat; nec minor habitationis, quàm dominationis traditæ effectus, atque emolumentum conſequebatur. In Tractatu de Feudis, olim per Patriarcham Aquilejensem concessis (qui Patriarcha, si Rom. Pontificem excipias, reliquos in Italia Principes Ecclesiasticos post se relinquebat amplitudine temporalis domini) inter alia Feudorum ge-

N n 2.

nera,

(1) Extat id Diploma in Chronico S. Sophiæ P. 111. n. XL. apud Ughellum T. x. p. 471. ex quo Chronico meliori lectioni restitutum, satis dignum putavimus, ut in novam lucem proferremus. In nomine Domini Dei Salvatoris nostri Jesu Christi. Domini etenim Landolphi, & Pandolphi, qui Divina Providentia ordinante Longobardorum Principes. Cum Principalis excellentia petitionibus dilectorum suorum justa petentium faveat. Igitur novit omnium fidelium nostrorum, presentium scilicet, ac futurorum sagacitas, Radoisium Comitem dilectum nostrum fidelem, ac filium Berardi Comitis per Rodfridum Comitem dilectum nostrum fratrem, nostram adipsi à Domino protegendam Principalem dignitatem, deprecans, ut concederemus ei cuncta qualiter hic inferius declarantur, habendum jure quieto, de quibus petit sibi à nostra excellentia, ut munitionis apices exinde ei fieri juberemus; cujus petitioni usquequaque libenter adſensum prebentes nos nostre munitionis apices exinde ei fieri jussimus, per quos omnino sancimus, & perpetualiter per presens hoc nostrum roborem preceptum concedimus tibi eidem Radoisio Comiti, tuisque heredibus, Civitatem Triventinam, sic quomodo tu illam modo tenes, & dominaris, cum terris sic quomodo tenent, & dominantur homines, qui in predicta Civitate modo habitant, quam, & Castellum Anglonum, & Caccaronem, & Cantalupum, sic quomodo eas tenent, & dominantur, & predictas terras, sic quomodo tenent, & dominantur, inter fluvium Trivium, & San-

grum, homines, qui in predictis Castellis habitant, ea quidem sanctione supradictam nostram Concessionem tibi Radoisio Comiti, tuisque heredibus illas concessimus ad perpetualiter habendum, & possidendum securiter, atque omnia exinde faciendi, quemadmodum volueris, sine ullius Comitis, Galfaldi, sive Judicis, vel Schuleri nostri, aut cujuscumque persone magne, aut parve contradictione, qui sub nostra potestate habitant. Quod si per aliquam contrarietatem supradictam nostram concessionem invadere, aut ulla occasione molestare quis presumpserit, sciat se esse compositurum auri purissimi libras ducentas, medietatem Sacro nostro Palatio, & alteram medietatem tibi supradicto Radoisio Comiti, tuisque heredibus. Ut hæc autem ab omnibus immobiliter observentur, manu propria subscripsimus, & annulis nostris jussimus super sigillari. Ego Madulbertus Scriba ex jussione supradicti Potestatis scripsi. Datum undecimo die invante Mensi Augusti in anno undecimo Principatus Domini Pandolphi gloriosissimi Principis, & sexto anno Principatus Domini Landolphi magnifici Principis. Indictione quinta. Actum in Beneventano Palatio feliciter.

(2) Vid. Muratorum Antiq. Med. & Ri Dissert. xx. T. i. pag. 579. & seqq.

(3) In Cod. Leg. Longob. p. 88. T. i. P. 11. Scriptores Ital. Muratorii, qui ad Legem Rachisi l. l. not. 27. Fideles Regis eodem, ac Vassallos interpretatur. Vid. Gangium in Gloss. verb. Fideles Regis.

nera, recensetur quoque Feudum *Habitantia*, de quo hæc habentur: *Pauca nobis dicenda sunt de Feudo Habitantiæ. Tenebatur is Feudum, cui assignatum fuerat, inhabitare. Est enim ab habitando deductum: Quod si ædificiis nudum contigisset, aut inhabitabile ruina postea repræsentasset, à fundamenti debitas instaurare, vel collapsa reparare, ut Habitantiæ feudum suas figendo sedes cum conjugibus, & liberis pro vocabuli proprietate retinere honestissime posset* (1). Hoc autem Feudi genus, quod fortasse ad infimam ætatem pertinere videbitur, à superioris certè ætatis Feudis derivatum censeretur debet, tum scilicet, quum Longobardi rerum potirentur. Animadversum id reperio à Cl. Peregrinio, eos videlicet, qui in antiquis passim Chartis Urbium, & oppidorum habitatores dicuntur, earundem *Dominos* fuisse; quod domestico exemplo confirmat Adelgrimæ Comitissæ, quæ apud Petrum Diaconum appellatur *habitatrix in Territorio Carseolano in Cassello, quod vocatur Auricola* (2). Quocirca locum olim à Rege, seu Principe quopiam ad habitandum petere, vel obtinere, idem erat, atque ad possidendum, fruendumque illum suscipere. Sic apud Paulum Diaconum Carolus Martellus Renginfrido unam, idest *Andegavensem, Civitatem ad inhabitandum concessit* (3): Quod idè commemoratum mihi volui, ut tum ejus verbi, pro illa ætate, significationem, tum ipsius Pauli locum alterum, superius illustratum, ubi Alzezi factum nobis narravit, præclariorem nunc efficere: Nam si Alzezo plures Urbes in Beneventano Ducatu ad habitandum traditæ à Duce Romualdo fuerunt, tantum abest, ut ejusmodi verbum fraudi, aut suspitioni cuiquam esse debeat, quasi nihil tum de feudo instituendo, aut concedendo fuerit cogitatum, ut potius sola ejus verbi vi, significationeque per id tempus usurpata, vetustam Feudorum originem, atque usum apud Longobardos querendum, fateri jamdemum possit.

Ex hisce omnibus hucusque observatis certum, frequentissimumque evincimus apud Longobardos Feudorum usum; quo ex usu validissima illa erit argumentatio, ac probabilissima exurget sententia, ut ab Longobardis iisdem Feudorum ipsorum originem repetendam statuamus: Quare audiendus non est Cl. Muratorius, Scriptores illos, quamvis gravissimos, doctissimosque, respuendos ratus, qui Feudorum usum è Longobardis præcipuè derivandum censere; quibus (inquit) assentiri nequeas, quum neque in Longobardorum Regum Legibus, neque in veteris Gentis illius monumentis quicquam occurrat, unde eluceat apud eos Populos Feuda in usu fuisse (4): Occurrunt namque, quæ nos superius observavimus, aliaque plura passim obvia nostrorum Longobardorum monumenta, unde luce clariùs appareat, usitatissima apud eam Gentem, ac præsertim in Principatu Beneventano Feuda fuisse, in iisque constituendis, conservandisque omnes ferè, vel certè præcipuas leges impletas, ex quibus hodièque Jus Feudale conficitur. Est quoque in Longobardicis legibus, quod luculenta ejus rei indicia demonstret, veluti de *Fidelibus Regis*, superius memoratis; sed nil opus est ex ipsis Legibus ea vestigia relegere; dum Legum vice, ac Legibus ipsis validiores Longobardicas Consuetudines extitisse certò scimus, quæ quum ab antiquissimo tempore in Italia circumferrentur, tandem à Gerardo Nigro, & Oberto de Orto simul collectæ, in Juris Feudalis libros, qui omnium manibus hodiè teruntur, digestæ fuerunt.

Non placuit Cujacio (neque enim id mihi dissimulandum nunc erit) Feudalis Juris origo, quam laudatus Gerardus antiquissimam Longobardis attribuit (5): ita enim habet: *Quum Jus Feudorum antiquissimum esse Gerardus scribat, qui ipse fuit Longobardus, in præ id repetieris ex Longobardis ipsis, sive Gothis, quorum Leges nihil de Feudis habent palam, nec antiquissimum esse nobis unquam persuaseris, nisi id deduxeris ex moribus Populi Romani, quod fiet ita commodissime &c.* Hæc Cujacius, dum de Feudorum origine præfatur, nosque initio jam observavimus; eadem quoque, quum ad Gerardi locum pervenit, vehementius urget his verbis: *Nunc incipit Gerardus tractare de origine, processu, & successionibus Feudorum, quorum jus fuisse antiquissimum ait; non igitur nuper à Longobardis in Italiam introductum.* An igitur à Romanis? ita sanè Vir summus, quem tamen superius confutavimus, id Romanis tribuere frustra conatum, quod Romani nunquam norunt. Sed nec in ea sententia perstitisse ipse voluit Cujacius, qui recentissimam paulò post Feudorum originem agnoscere maluit, atque ex Imp. Conradi Lege, qui Feudorum possessionem produxit ad *Aviaticos*, idest nepotes ex masculo filio progenitos, his quidem verbis rem omnem

(1) Apud Muratorium Antiq. med. Ævi Dissert. XI.

T. I. p. 648.

(2) Camil. Peregrin. De Stemmate Atenulphi Opp.

T. I. p. 93.

(3) De Gest. Longob. L. VI. cap. 42.

(4) Antiqu. Med. Ævi Dissert. XII. tom. I. pag. 547.

(5) De Feudis lib. I. tit. I. §. 2.

omnem concludit. *Quam aliam originem Feudorum querimus? His veluti incrementis parlarim Feuda constituta sunt, quæ & post Conradum usus recepit, ut transfrent ad liberos omnes in infinitum.* At non video, cur tanta Cujacio mora sustinenda fuerit, expectandaque Conradi tam sera ætas, atque Lex illa, quæ demum audita, Feudorum originem nobis repertam, ac patefactam proclamaret. Multa quidem post Feudorum jus, atque usum à Longobardis invecum sancita à sequutis Principibus fuere, veluti à dicto Conrado de Feudi *successione*, ab Henrico de causis Feudi *amittendi*, à Lothario, & à Friderico de interdictione Feudi *alienatione* (1): quorum Constitutionibus prostrum Juris Feudalis Librum compositum habemus; sed ea profecto non alia sunt, quàm ejus Juris longè antea, Longobardicis Consuetudinibus constituti quedam veluti appendices, accessiones, declarationesque, sive quibus Jus ipsum vigere jam coeperat, atque in posterum subsistere potuisset. Quod verò Gerardus Jus Feudorum *antiquissimum* affirmaverit, non ideo sequitur, ut altius, quàm necesse sit, ad ipsam scilicet Populi Romani antiquitatem rem ipsam extollamus, quum & *antiquissimum* rectè dici potuit, si de ipsis tantum Longobardis agatur. Scribebat Gerardus sub Imp. Friderico I. Conradi successore, quando scilicet sextum propè Sæculum ab Longobardici Italici Regni institutione effluerat (2). Parumne id temporis fuerit, ut cuilibet rei summam tribuamus antiquitatem? immo brevioribus fortasse spatiis contenti erimus: ut jam illud tam verè, quàm jure, atque merito dictum à Gerardo censeamus, qui Jus Feudorum ante annos circiter sexcentos à Longobardis invecum *antiquissimum* pronunciavit.

Ratum itaque manere id debet, Feudorum usum, æquè ac originem, Longobardis esse adscribendam, atque Feudale Jus, quod moribus primùm, dein scriptis ejus Gentis Consuetudinibus, adhuc post Longobardorum Principum occasum, in Italia circumferebatur, ab ipso denique Longobardo homine, qualem Gerardum fuisse Cujacius non abnuvit, in unum Codicem, sive Librum accuratè collectum, atque dispositum; cui alios duos adjecit Obertus de Orto, ejusdem Gerardi in Consulatu Collega, ac Genere affinis: His Libris Quartus accessit, ex variis, incertisque antiquis Auctoribus conflatus; quem tandem Quintus excepit, qui Feudales Constitutiones Conradi III., aliorumque Imperatorum completitur (3). Atque hoc quidem integrum Feudalis Juris Corpus, quinque Libris absolutum sub titulo *Decime Collationis* Novellis Constantinopolitanorum Augultorum Hugolinum J.C. Bononiensem adtexuisse testatur noster Beneventanus Odofredus (4). Ità paulatim Feudale Lon-

(1) Inconsultior Cujacio Feudorum Leges Imp. Lothario adscribit Gervasius Tilleberienfis apud Cangium his verbis: *Legem Feudorum primus instituit, sancienti, ut nullus Feudum audeat vendere, sed impignorare, aut quocumque modo alienare sine permisso majoris Domini, ad quem Feudum spectare dignoscitur.* Huic sanctæ Constitutioni, quia futuris tantum, & non præteritis formam dabat negotii, Fridericus Imp. addidit hæc: *Nos autem ad pleniorum Regni utilitatem providemus, non solum in posterum, sed etiam omnes hujusmodi primò factas alienationes cassamus.* Apud Longobardos profecto non erat prohibita Feudi alienatio, uti ostendit donatio Civitatis Gaudie, facta à Tesselgardo Monasterio Tremisensi, superius nobis memorata; an verò qui primus Legem sanciverit, ne Feudum sine Domini permisso alienaretur, Jus ipsum Feudale instituisse dicendus sit? Pro nugis certè hæc acceperit, quicumque novit Feudale Jus non in prohibita alienatione consistere, sed in iis Legibus, oneribusque Feudi qualitate, naturamque præcipuè demonstrantibus, quæ jamdù apud Longobardos auctores receptissimæ erant.

(2) Meminit Gerardi Nigri, & Oberti de Orto Otto Frisingensis in *De Gestis Friderici I.* lib. II. cap. XII. tom. II. Script. Germ. ex edit. Urstili 1670: quum scilicet Fridericus An. MCIV. (juxta Ottonem de S. Blasio continuatorem Chronici ejusdem Frisingensis to. I. pag. 201. ejusdem editionis) Italiam ingressus, & apud Roncalias Curiam celebrans querelas Laudensium excepit adversus Mediolanenses, præsentibus duobus Consulibus ejusdem Civitatis Oberto de Orto, & Gerardo Nigro. Tam illud etiam de Gerardo subdit cap. XXV.,

illius *Edes* ob rem cum Friderico non bene gestam, à Mediolanensibus solo fuisse æquas. Mediolanenses (inquit) non solum damno præsentium, sed & metu futurorum stupefacti, Gerardi Consulis, tanquam hujus mali auctoris, domum Principis iram mitigaturi dirimunt (leg. diruunt): Quod flere noluit Guntherus ejusdem Friderici Secretarius, qui de ea re sic cecinit Lib. II. Ligurini:

*Hoc stupefacta malo plebes, cladique futura
Territa primitiis, jam nunc præsentia damnaus,
Et ventura timent, Gerardi Consulis Edes,
Quippe hic præcipuus famosi Criminis auctor,
Et iuasor fuerat, rabido fremebunda tumultu
Diruit.*

(3) In recensendis Juris Feudalis Libris sequutus sum formam à Cujacio traditam. Vide eundem tom. II. Opp. pag. 1178. edit. Neap. 1721. quam quidem Cujacianam divisionem Viri quique docti probarunt; quibus tamen satius visum fuit veterem servare ejusdem Juris Compilationem, in duos Libros dispersitam, longoque Fori usu, ac Principum auctoritate receptam.

(4) In Auth. Cassa Cod. De Sac. Eccl. Quicumque Juris Romani scientiam vel à limine salutarant, probè norunt, eas Constitutiones post Codicem repetitæ Prælectionis à Justiniano editas, non modò *Novellas* dictas, scilicet quod *novissimè* promulgatæ essent, non quod *novæ*, & aliæ à veteribus jura contineant, ut Gerdrenus putat; verum etiam ab antiquo Interprete Latino, qui è Græco eas transtulit, in Collationes xx. fuisse

gobardorum Jus inter Romani Juris Libros non sedem modò, atque locum invenit; verùm etiam eandem sibi dignitatem, atque auctoritatem vindicavit. An verò privatum Hugolini studium, ratum Fridericus II. habuerit, non satis constat (1): Illud interea certum, quod Cujacius ipse fatetur, ut hoc quidem Jus, quod his Libris digestum est, alia Gentes, si qua in re propriis moribus deficiantur, libenter observant: Adde etiam, quod nostram tractationem conficiat, inanes deinceps doctissimorum Virorum, illustriumque Principum fuisse conatus, irritaque studia, ut Jus ipsum concinniore faciem indueret: Ceperat hoc consilium An. 1428. Antonius Minucci (non Maricutus) de Prato Vetere Jctus Bononiensis, scripseratque auspiciis, ut videtur, Imp. Sigismundi, *De Feudis* Libros sex, quos à Sigismundo, & Friderico III. confirmatos affirmat Schilterus, qui hocce Minucci opus è diuturnis tenebris in lucem optatam edidit (2). Nec aliud fuit institutum Bartholomaei Baraterii Placentini, qui privatà industrià confecit Libellum Feudorum reformatum, quem anno 1442. Academiæ Papiensi commendavit, atque ex Bibliotheca Regum Franciæ, in quam eum Libellum cum reliqua Bibliotheca Papiensi Ludovicus XII. transtulerat, primus edidit Nicolaus Rigaltius, dein Jo. Phil. Schmidius (3). At neuter Libellus (ut Cl. Heineccii sententià, ejusque verbis rem omnem concludamus) JURIS FEUDALIS LONGOBARDICI LUMINIBUS OFFECIT (4).

Hactenus de Feudorum origine, ac Jure non solùm pro rei dignitate, verùm etiam pro ipsorum, qui ejusdem rei auctores fuerunt, nostrorum scilicet Longobardorum vindicanda laude disseruimus. Sequitur nunc, ut de Publicis Judiciis, Delictorumque vindicta, quas ipsi Leges Longobardi sanciverunt, pari studio attingamus. Nihil, aut certè parum in hoc posterius argumentum è Regiis Legibus heic conferam; quandoquidem amplissimam nobis materiam nostrorum Principum Constitutiones suppeditabunt; ex quibus etiam non omnia, sed præclariora quædam, unde ipsorum in criminibus coercendis constans propositum, ardensque studium deprehendi queat, in medium afferemus. Primùm itaque, quid Princeps Arichis de Fratricidii Crimine statuerit, ex ejus Capitularis num. 11. describemus: Si Germanus alterum Germanum oborta lite primum percusserit, posteaque percussus dolore stimulatus, se defendendo, percussorem occiderit, hoc itaque censemus, ut iuxta personam interfecti qualitatem tale Fratricidium componatur. Morem mediæ ætatis apud Gentes qualibet crimina quæcunque quantumvis atrocia poenis pecuniariis plectendi, superiori Capite observavimus; eorumque temporum rationibus accommodatum offendimus: Non igitur mirum, si pro Fratricidii crimine multatiam pecuniam exigendam jussit Arichis, pro qualitate interfecti æstimandam, quam Guidrigild, sive Widrigild appellare tunc solebant: mirabimur potius, eam adhuc poenam ab Arichi statutam, etiamli defensionis causâ Fratricidium patratum esset; ut videas causæ justitiam non tanti ab Arichi habitam, ut non etiam criminis atrocitati prospectum vellet, à quo, ut subditi detererentur, impunitatem, quam mereri videbatur, submovit.

Præ-

fuisse distributas. Hinc factum, ut Liber Feudorum, qui iisdem *Novellis* accessit, publicique Juris auctoritatem habere cepit, Decimæ Collationis titulum, ac dignitatem nactus sit. Ejus appellationis auctorem Bartholomæum putavit, objurgavitque Molinæus in *Consuet. Paris.* l. i. quod is in *Leg. 17. §. differentia* num. 4. *Dig. De æq. poss.* Libros Feudorum *Decimæ Collationis* nomine laudaverit. Sed jamdiu id vocabulum Feudorum Libris inhæserat, uti ex nostro Odofredo, aliisque Jctis, qui diù ante Bartholomæum floruerunt, satis constat: inhæsisse autem facile fuit ex auctoritate illa, quam non multo post editionem sibi compararunt, cujus etiam testem habemus illustrem alterum Beneventanum J. C. Rodfredum, qui sub Friderico II. floruit, affirmans in suis *Questionibus Sabbatinis*, Consuetudines Feudales, his libris conscriptas, *servari in Regno Apulicæ*.

(1) Injuriâ nostrum Odofredum reprehendit idem Molinæus in *Consuet. Paris.* tit. 8. num. 105. quod is in d. *Auth. Cassa De Sac. Eccl.* alios in errorem induxerit, ejus auctoritate affirmantes, Fridericum II. Libris Feudalibus vim Legis dedisse, ejusque jussa in Libro v. collectas ab Ugolino Principum Constitutiones

ad Feuda pertinentes, eumque Codicem ab eodem Friderico Bononiensi Academiæ submissum, ut cum ceteris Juris Libris publicè explicaretur. Nihil horum tradidit Odofredus, qui id tantum scribit, à Friderico Bononiensibus Doctoribus demandatum, ut suas, aliasque Principum Constitutiones, quibus Jus Romanum correctum erat, quemadmodum ab Irnerio de aliis factum fuerat, ita ipsi in Codice Justiniano interferendas curarent: Id jam laudati Bononienses præstiterunt: proptereaque vera nobis Odofredum tradidisse demonstrant, tum d. *Authentica Cassa*, excepta ex Constitutione ejusdem Friderici *De Statut. in Consuetud.*, tum *Authentica Sacramenta Puberum*. Cod. Si adversus vendit. &c. hausta ex Constitutione Friderici I. *De Pace tenenda*, tum *Authentica Habita*. Cod. *Ne Filius pro Patre &c.* derivata ex altera ejusdem Friderici Constitutione *De Privilegiis Bonorum*, & alia plura, quæ observavit Panciroli in *Theaur. Vet. Leg.* lib. 1. cap. xc.

(2) Argentinæ an. 1695. in 4.

(3) Alter Parisiis 1612.; alter Argentinæ 1695.

(4) *Hist. Jur. Roman.* lib. 1. cap. vi. §. 412.

Præclariora autem sunt, quæ de Plagii Crimine idem Princeps constituit n. xiii. his verbis: *Divina Legis auctoritas comminans (leg. comminans, sive comminans) testatur: Si quis in Captivitatem duxerit, in Captivitatem vadat. Hactenus adeo hec Patria crudelis limine perviciem (leg. crudelissimam, aut crudelem nimis perniciem) perpetitur, ut etiam transmarinis paganitatis gentibus ejus habitatores indifferenter vendant. Propterea presenti judicio sententiam damus, ut si quis hominem furtiva arte, vel quolibet modo extra Provinciam vendiderit, sic eum componat, sicut his (idest is) qui infra (idest intra Provinciam) venundant; ita tamen, ut venditoris persona ultra mare venundetur: Si verò pauperimus fueris, nichil habens, unde compositionem procedant, quod superest, persona ejus, ut supra, trans mare vendis vadat.*

De Plagii crimine heic agi nemo non videt; cui tamen id persuasum nolim, aut novum videlicet, aut frequentissimum apud Longobardos fuisse ejusmodi crimen, cui cohibendo, coerendoque adeo asperam sanctionem edidisse Arichis debuerit. Fuit olim à S. Gregorio Magno Longobardorum vitio, criminique datum, quod hostes bello captos, quamquam Christianos, prædæ loco habuerint, nec nisi accepto pretio, libertate donaverint. Ita cum Crotoniatis actum Pontifex conqueritur, ex qua (inquit) Civitate, que super Adriaticum mare in terra Italiæ posita transactò anno à Longobardis capta est, multi Viri, & multe Mulieres nobiles in prædâ ductæ sunt, & filii à parentibus, parentes à filiis, & conjuges à conjugibus divisi, ex quibus aliqui jam redempti sunt; sed quia gravia pretia eis dicunt, multi apud nefandissimos Longobardos adhuc remanserunt (1). At hæc inter Longobardos tunc audiebantur, quum amplificandi Beneventani Ducatus paucis ante annis instituti recens studium, ejusque Gentis nondum ad mores humaniores condescenda barbaries, Jus Belli ex patris magis institutis, quam ex Christiana Lege exercebant; quibus etiam non solum ab aliis Christianis Populis, ac Græcis præsertim, verum etiam à finitimis Neapolitanis, similia patrare consuetis, exempla non deerant (2). Leve autem id crimen reputaveris, quo Christianis hostibus bello captis, servatissime Libertas pretio redimenda esset: gravius verò Plagium, quo quis hominem ingenuum, libertinumve celaverit invitum, aut vinctum habuerit, venderit, emeritve dolo malo: quod crimen, ut dixi, non omnium primi Longobardi, nec aliis usitatis admisserunt.

Quamvis de Nominis etymologia non satis constet (3), antiquissimum tamen Plagii crimen fuisse

(1) S. Greg. lib. vii. epist. xxvi. al. xxii. quæ data legitur Indictione xv. idest an. 579.

(2) Id liquet ex ejusdem Gregorii Epistola xxxv. al. xxxvi. lib. vi. ad Anthemium R. E. Subdiaconum Neapoli constitutum, cui ad redemptionem captivorum hominum tum liberorum, tum servorum pecuniam mittens, mandat, ut in ea re diligentissime se gerat. Porro quum Gregorius gravi se merore affectum scribit de his, que in partibus Campaniæ contigerunt, ex quibus videlicet eorum hominum captivitas sequuta erat, nec tamen explicat, ubi, & à quibus Captivi detinerentur, palam est, eos in potestate Neapolitanorum fuisse, qui quum Græcis subditi essent, non solum cum Longobardis (quorum Dux Arichis anno 592. obsidionem eorum Urbis admoovit, ut ex ipso Gregorio alibi observamus) verum etiam cum aliis bella gerebant.

(3) Plagium (inquit Vossius) dici legas apud Perottum, itemque in Calepino toties recocto, quod Plagii convictus plagis damnetur Lege Fabia &c. Sed quod scribit Perottus, & Calepinus de Plagio ajunt, unde id hauserint, nescio. Sic Vossius, qui potius ludo- rum audit, cui Plagium est à πλάγιος, quod proprie notat obliquum, metaphorice autem pro dolo sumitur. Heinc doctissimus Facciolatus in suo novo Lexico, seu Calepino, veteris errorem, seu commentum evitans, Vossii, atque lisdori etymologiam sibi adeptavit: Hanc etiam etymologiam probatam invenio à Brissonio in De V. S. Lib. xvi. sed & tutò amplexus quoque fuit J. Vinc. Grævina in De Legibus & S. C. de vii. ajens Plagium à Græco πλάγιος dictum, quod significat obliquum, in latius versus, transversus, ut hujus natura criminis exprimitur, quod tota componitur à dolo, fraude, versutia. At si verum esset, crimina quæcum-

que, quæ numquam sine dolo patrari solent, Plagia dicenda essent: quid verò si in ipso Plagii crimine non dolo solus, sed vis quoque adhiberi solet? Nam vis certe ei inferitur, qui invitus celatur, custoditur, vinculisque mancipatur, ut in servitutem abducendus vendatur. Itaque Plagium, ejusque Criminis reus, idest Plagiarius (quos etiam Plagiatores dixit novorum verborum faber Tertullianus adv. Marcion. lib. i. c. 24.) à Plagis dictos crediderim, non eâ quidem, qua Perottus, Calepinusque significatione, sed ab iis maritimis stationibus, quæ apud vetustos Scriptores Plagæ dicebantur. Neque enim Plagæ vocabulum (ut alias nunc significationes præteream) spatium amplum Cæli, Terræ tantum significat, quod etiam dicitur Tractus, à πλάγ, æquor, planities; verumetiam Maritimam stationem, quæ Naves appellere solent: Hinc Servius ad illud Virgilii Æn. ii. v. 23. Nunc tantum sinus, & statio mala fida cavinis: sic inquit: Sinus. Reductus historis secessus: Statio, ubi ad tempus stant Naves. Portus verò, ubi hiemant. Statio est, quam Plagiam dicunt: Nobis hodièque Italici Piaggia, seu Spiaggia. Servavit hanc vocabuli significationem Media Ætas, uti pluribus exemplis docebit te Cangius in suo Glossario. Quod autem huc attinet, si Plagii crimen illud est, quo homo sive Ingenuus, sive Libertinus, sive Servus surripitur invitus, ut alteri vendatur, jam id quoque palam est, non solum Principis Arichis tempore, sed omni retro ævo fuisse usitatissimum, ejusdem hominem trans mare, sive in transmarinas gentes abducendi, ne si intra Provinciam venundaretur, suis in præsentibus querelis crimen detegeret, seque in libertatem vindicaret. Ad Plagas igitur, seu Stationes maritimas ducebatur, Peregrinis, sive transmarinis

fuisse manifestum est, vel ex ipsis Sacris Libris, ubi divina Lex non tam ex sui atrocitate, quam ipsa frequentia capitale esse constituit (1): Quam Legem dum Apostolus Paulus scribit *postquam esse scelestis*, inter hos disertè *Plagiarios* commemorat (2). In Romana autem Antiquitate nihil eodem crimine celebrius, cui coercendo Leges quamplurimas ferri oportuit. *Crimen Legis Cornelia incurram* (inquit Apulejus), *si Civem Romanum pro Servo vendidero* (3). Lata deinde Lex Fabia fuit, cujus multo ante Digestorum, atque utriusque Codicis Libros, apud Ciceronem mentio quoque est (4). Ac Lege quidem Cornelia in Plagiarios solis nummariis poenis animadvertebatur, neque enim id crimen inter publica Judicia relatum erat; quod postea ob sui frequentiam, Lege Fabia factum fuit: & sanè Ulpianus *frequentem Legis Fabiae cognitionem in Tribunalibus Praesidum fuisse* testatur, eamque cognitionem, uti de atroci Crimine, Romæ ad Praefectum Urbi, in Provinciis non ad Procuratores Cæsaris, sed Praefides ipsos pertinere (5). Olim igitur ejusdem Legis Fabiae poenam nummariam fuisse, Paulus ait (6). Subdens id postea crimen extraordinariam meruisse animadversionem, ideoque humiliores aut in metallum damnatos, aut in crucem sublato fuisse, honestiores, adempta dimidia parte bonorum, in perpetuum relegatos. Sed Capitale ejusmodi Crimen sancivit Imp. Diocletianus, si in Urbe patreretur, ut poena genere deterri ceteri possent: quò minus vel servos, vel liberos ab Urbe distrabere auderent (7): quam Capitis poenam extendit Imp. Constantinus in eos, qui filios, viventibus parentibus, abducerent, jubens, ut ejusmodi Plagiarii, qui olim pari cum ceteris Plagiariis metalli poena tenebantur (uti legendum in ea Lege est, pro terreatur), in posterum, si servus sit, aut libertinus, *bestiis subiciatur*, ingenuus autem gladio consumatur (8). Mitigandam denique Plagii poenam, immo ad antiquum, primævumque jus redigendam statuit Imp. Leo Novell. LXVI., ubi, posteaquam acriter in Diocletiani Legem invehitur, qui Capitis poenam primus sanciverat, dum graviore (inquit), quàm pro merito, delictum poena feriri, sub specie justitiae rem injustam aggredi est; atque non pro delicti modo delinquentem punire, injuria afficere, nequaquam verò justitiam exercere est: eadem Lege rescissâ, eum, qui alieni servi Plagiarius fuerit, eundem servum, ejusdemque pretium, tum etiam quicquid ex industria ejus ipsi accessit, & quantum Dominus, non amisso Servo, ejus nomine percipere poterit, tantundem reddere jubet. At quum Leo de Servis abductis tantummodo loquatur, ratam alioqui tum ejusdem Diocletiani, tum Constantini Legem habuisse videtur, si de Lege ageretur, quod in ingenuos, libertinove, aut filiosfamilias patrari contigisset.

Quid verò inter hæc noster Arichis? Mediam ipse viam tenuisse voluit, sive inter nimiam poenæ acerbitem, atque lenitatem, temperamentum aliquod adhibere. Itaque quum adversus Plagiarios Legem dicere sibi proposuisset, oculosque ad Divinas potius, quàm Humanas Leges intendisset, ex illis quidem *Talionis* poenam sequi maluit, quàm *Capitale* id Crimen, uti in Exodo, Deuteronomioque habetur, constituere: Heinc illa speciatim commemorans, exequendaque juxta literalem sensum sibi statuens, quæ in Apocalypseo cap. XIII. 10. leguntur: *Qui in Captivitatem duxerit, in Captivitatem vadat: Talionis*, ut dixi poenam, in vindicando Plagii Crimine, servandam sancivit: qua quidem sanctione, nec ipse nimius fuisse Arichis censetur, si ejus poenæ natura, quique in ea repetenda servari modus consuevit, diligentius spectetur.

In *Talionis* poenâ, quam *reciprocam* in Juris Libris appellatam invenies (9), vindictæ pari-

mercatoribus illuc persæpè adventantibus venalis expositus; unde à loco, ubi crimen patrari perficique solebat, *Plagium* dictum, Plagiarii que, qui admittissent, vocati congruentius videntur; quam quidem Etymologiam prior utriusque vocabuli *Plagæ*, ac *Plagii* syllaba, quæ æquè corripitur, veriorum demonstrat.

(1) Exodi XXI. 16. *Qui furatus fuerit hominem, & vendiderit eum, convicius noxæ morte moriatur*: Deuter. XXIV. 7. *Si deprehensus fuerit homo sollicitans fratrem tuum de filiis Israel, & vendito eo acceperis pretium, interficiatur, & auferas malum de medio tui*. Versio Hebraica, & LXX. Interpretes pro sollicitans, habent *furans*, nempe, uti Tirinus observat, vel aperta vi, vel dolo, vel promissis falsis pelliciens, ut se ei subiciat, & sequatur ad alienigenas, quibus eum tunc vendat: *Jubet ergo hic Plagiarium, vel evi-*

dentia falli, vel in judicio convictum capite plecti.

(2) Ad Timoth. ep. I.

(3) Metamorph. lib. VIII.

(4) In Orat. Pro Rabirio.

(5) Ulpianus De Offic. Pro-Cof. Vid. Legem 4. Cod. Justin. Ad Legem Fabiam De Plagiariis.

(6) Sententiarum lib. V. apud Auctorem Collectionis Legis Mosaicæ, & Romanæ tit. XIV. De Plagiariis: ubi *Summaria poena* in editis legitur, pro qua, *Nummaria*, legendum rectè monet post Pitheum Petrus Faber Semepr. lib. II. cap. II.

(7) Leg. 7. data ad Maximum P. V. Cod. Justin. Ad Leg. Fab. de Plagiariis.

(8) Leg. ult. cod. Cod. & Tit.

(9) Leg. 7. Cod. Theodos. De Accusat. Leg. 3. cod. Cod. De exhibend. reis.

paritatem, sive similitudinem contineri jam constat, ut scilicet taliter quis puniatur, ut fecit: hoc enim & Natura, & Lege est institutum, ut ledentem similis vindicta sequatur (1). Hanc Talionis poenam Divina Lex (nondum enim ab ea discedemus, quam Arichis præ oculis habuit) non solum agnovit, sed & disertissimis verbis, ac in omnibus delictis generatim indixit. Ita planè Moyses: Animam pro anima, oculum pro oculo, dentem pro dente, manum pro manu, pedem pro pede, adusionem pro adusione, vulnus pro vulnere, livorem pro livore &c. (2). Qui literam sequuntur, non ipsi tantum Sadducæi olim, sed plerique quoque Interpretes nihil in ejus Legis sensu, exequutioneque lenimenti, aut moderationis admittunt, eam, quæ in simili alia Lege affertur, rationem attendentes, nullam scilicet reo miserationem, aut indulgentiam impartientiam, ut audientes ceteri timorem habeant (3). Sic Josephus tradit, integram permitti læso potestatem, ut pro illata sibi injuria ultionem reipsa prosequatur, nec invitum cogi posse, ut jus suum remittat, acceptâ ab adversario pecuniâ (4): Heinc cum Rabbini non illud discrimen idem Josephus admittit, quod Philoni omnino placuit, docenti, temperandum ejus Legis rigorem, si alteri, quàm ingenuo homini, injuria irrogata sit (5). Sed Judæi reliqui cum pluribus Christianis Commentariorum Scriptoris, mitiori sensu eam Legem intelligendam ajunt, quam non sine maximis incommodis servari oporteret, adeoque poenam, aut pecuniâ redimendam, aut in aliam pro culpæ modo commutandam Magistratibus permittunt; quam in sententiam ivisse S. Augustinum hæc ejus verba satis demonstrant: *Injustorum injustitia est, Lex par pari reddi permittens, non quia iniquum est, ut recipiat unusquisque quod fecerit, sed quia ulciscendi libido vitiosa est* (6).

Nec secus apud veteres Romanos de Talionis poena, quæ à Lege XII. Tabularum constituta erat, judicium, atque opinio fuit: quod pulcherrima illa Disceptatione inter Sex: Cæcilius Jctum, & Favorinum Philosophum, ab A. Gellio relata, demonstrasse satius erit. Ac Favorinus quidem, inter alia, quæ Legum XII. Tabularum vitio vertebat, Legem illam consistere posse inficiabatur, his verbis conceptam: *Si membrum rupit, ni cum eo pacit, Talio esto*. Nam (uti objiciebat) præter ulciscendi acerbiteriam, ne procedere quoque exequutio justa Talionis poterat; nam cui membrum ab alio ruptum est, si ipse itidem rumpere per Talionem velit, æquilibrium omnino servare debet; nequaquam enim reus patietur, aut altius se lædi, aut latius; quod cujusmodi librâ, atque mensurâ caveri possit, nemo repe-riat: quin etiam si plus erit, aliterque commissum, res fiet ridiculæ atrocitatis, ut contraria actio mutue Talionis oriatur, & adolescat infinita quadam reciprocatio Talionum: Ad quæ Cæcilius satis scitè, eleganterque: Decemviros minuire, atque extinguere volentes hujusmodi injurias, ejus poenæ metu coercendos homines putasse; arbitratos etiam adversus eum, qui membrum rupisset, & pacisci tamen de Talione redimenda nollet, Talionem non ita demum exequendam, ut adamussim æquiparari, aut in librili perpendi deberet: Sed quoniam (subdit) acerbum quoque esse hoc genus poenæ putas, quæ, obsecro te, ista acerbitas est, si idem fiat in te, quod tu in alio feceris; præsertim quum habeas facultatem paciscendi; & non necesse sit pati Talionem, nisi tu eam elegeris: quod Edictum autem Prætorium de æstimandis injuriis probabilis esse potest? Nolo hoc ignores, hanc quoque ipsam rationem ad æstimationem Judicis redigi necessariò solitam... atque ita si reo & pæctio gravis, & acerba ultio visa fuerat, severitas Legis ad pecuniæ multam redibat (7).

Quæ quum ita sint, nihil profectò acerbiteris in Arichis Lege reprehendere licebit; præsertim quum Cistiberina Italia tunc temporis, idest Beneventanus Principatus Plagii crimine non sine crudelissima pernicie perturbaretur. Statuit itaque Arichis, ut si quis hominem furtiva arte, vel quolibet modo extra Provinciam vendiderit, ejus hominis æstimationem solveret, sicut is, qui intra Provinciam vendiderit. Parem igitur poenam Plagiario utrique indicit, tum ei videlicet, qui hominem intra, tum ei, qui extra Provinciam, idest Principatum venumdederit: Sed quia atrocius illud Plagium erat, quo quis extra Principatum vendebatur, ad hostes scilicet barbaros, infideles, seu (uti ipse Arichis ait) ad transmarinas paganitatis gentes abducendus, ubi miserrimam servitutem fubire deberet, undeque in libertatem difficilior revocare se posset, æquum profectò fuit, ut ejusmodi Plagiarios duriori poena afficeret, ac Talioni (quò etiam ceteri ab eo patrandò Crimine de-

terre-

ALTER

(1) S. Isidorus lib. v. cap. 27. Festus: Talionis mentionem fieri in XII. Tabulis, ait Ferrus hoc modo: Si membrum rupisset, ni cum eo pacit, Talio esto: Permissit Lex patrem vindictam.

(2) Exodus XXI. 23.

(3) Deuteronom. XIX. 18.

(4) Antiqu. Judaic. lib. IV. cap. VIII.

(5) Philo De Legibus.

(6) Enarration. in Psal. CVIII.

(7) A. Gellius Noct. Attic. lib. XX. cap. I.

terrerentur) obnoxius maneret: Dum verò is Plagiarius, qui intra Provinciam hominem vendiderit, pauperrimus fuerit, nihil habens, unde compositione procedant, idest æstimationem solvere posset, tunc quod superest, persona ejus, ut supra, trans mare venalis vadat; idest, ne ex paupertate sua emolumentum, atque ex bonorum inopia impunitatem referret, eadem esse conditione debebat, ac si extra Provinciam vendidisset, Talionis propterea damnandus.

Ante Arichim non siluere Longobardicæ Leges de Plagii Crimine: Nam Rex Liutprandus in Edicti sui lib. v. cap. xix. ita statuisset legitur: *Si quis liberum hominem foris Provinciam venderit, & probatum fuerit, componat Guidrigild ejus* (idest ejus æstimationem solvat) *tantum si eum occidisset*: Hæc de libero homine; de servo autem hæc Capite sequenti subdit idem Liutprandus: *Si quis Servum alienum foris Provinciam venderit, & probatum fuerit, in quadruplum componat, sicut appretiatæ fuerit ipsa persona*. Ac latet quidem ratio, seu causa, cur Liutprandus pluris Servum fecisset, quam liberum hominem videatur, sive flagitiosiores Servorum, quam liberorum hominum Plagiarios judicaverit, hos in simplum, sive sola personæ æstimatione damnassee contentus, illos autem ad eandem æstimationem in quadruplum perfolvendam compellens: nisi dixerimus, poenam quodammodo æquare voluisse ex personarum qualitate, quarum, qui Servi erant, multo minorem, quam Liberi, æstimationem recipiebant. Sed nec Liutprandus rationem ullam ejusdem Criminis tenuisse videtur, si intra Provinciam patratum esset, ut propterea impune tunc sub Longobardis Regibus fuisse videatur. At universæ rei Arichis opportunè prospexit, atque utroque Plagiarios congruis poenis est persequutus.

Post Arichim verò adhuc adversus Plagiarios Beneventanus Princeps Sicardus sanctionem suam tulit in eo Capitulari, quod An. dcccxxxvi. cum Neapolitanis constituit. Is igitur post diutinum bellum Pacem ad quinquennium Neapolitanis concedens, inter alia plura, quæ iis servanda sancivit, hæc habet num. 11. *Hoc stetit, ut Longobardum nullatenus comparatis, nec super mare venundatis; quod si factum fuerit, ipsa persona nobis tradatur, qui comparavit, cum illo, quem comparavit, ut simul qui comparavit, quam etiam qui venundavit, ambo nobis tradantur; & si non hec dilatio pervenerit, componat solidos centum, & supradictæ persone tradantur, & si super mare venditi fuerint, componat solidos ducentos, qui hoc malum fecerit* (1). Nihil de Talione in hac Sicardi sanctione statutum fuit; Reorum duntaxat traditio (qui fortasse servituti addicendi erant), & Multa imperata. Itaque si Neapolitanus Longobardum comparaverit (idest emerit, unde ortum postea nobis Italicum verbum *comprare*), ut *super mare*, idest peregrinis, sive *transmarinis* gentibus venderet, non solum Neapolitanus ipse comparator, sed is quoque, à quo comparaverit, sive Longobardus sit, sive alius quicumque, tum scilicet emptor, tum venditor tradi jubentur in Beneventani Principis potestatem, inter Palatii servos conscribendi: Ad hæc Multæ nomine ab ipso Neapolitano solidi centum, si Longobardum, quem comparavit, tradat, idest libertati restituat, si verò jam vendiderit, ut tradere nequeat, solidi ducenti perfolvi jubentur. Cur verò adversus Neapolitanos eam rem speciatim sibi cavere Sicardus voluerit, ratio in promptu est: Frequentissimum, ac suis veluti moribus receptum Græcis per ea tempora fuit Plagii Crimen; dum in quasque Gentes exteras, ejusdem licet Christianæ Religionis consortes, passim prædatum ibant, non res tantum, sed personas simul surrepturi, quas vel pro Servis sibi habebant, vel eodem nomine aliis vendebant. Audi Erchempertum hoc, inter alia, consuetum flagitii genus Græcis vehementius exprobrantem: *Achivi, ut habitudine similes sunt, ita animo aequales sunt bestis; vocabulo Christiani, sed moribus tristiores Agarenis: Hi videlicet per se Fidelium omnes prædabant, & à Saracenis emebant; & ex his alios venales Oceani litora farciebant, alios verò in famulos, & famulas reservabant* (2). Quid nō igitur Neapolitani, qui Græcis subditi, Græcos mores cum ipso genere ducebant, finitimosque Longobardos hostium loco habebant, ab eo facto sibi crimine, ea Principis Sicardi sanctione, durioribusque in posterum indictis poenis fuerunt compescendi? Sed de Plagii Crimine jam satis.

Plagiarios Fures sequuntur, quorum etsi Crimen minus atrox censetur, quod hi aliena bona, illi (quod iniquius est) Personam furripiant; satis rigidè tamen in ipsos Fures animadvertendum Longobardi legibus suis voluere. Atque ut aliquid ex Regiis legibus huc

(1) In Capitulari Principis Sicardi n. 111. tom. III. pag. 205. opp. Peregrinii edit. Neap. 1751.

(2) Erchempertus Hist. cap. LXXXI.

huc afferam, sancitum à Rege Rothari fuit, ut si quis liber homo furtum fecerit, & in ipso furto tentus fuerit, idest fingendi, si furtum ipsum usque ad decem Siliquas fuerit, sibi novum reddat, & componat pro tali culpa LXXX. solidos, aut animæ suæ incurrat periculum (1). Paria deinde de Servo idem statuit Rotharis his verbis: Si servus furtum fecerit, & tentus fuerit in ipso furto usque ad decem Siliquas, sibi novum reddat, & componat solidos XL., aut certe occidatur. Itaque si multæ quantitatem excipias, quæ major, idest solidorum LXXX. à libero homine, minor, idest dimidia à Servo præstanda erat, par utrumque Capitalis poena manebat, si solvendo non essent: nam idem in Rotharis Edicto est, occidi, atque animæ periculum incurrare, uti patet ex ejus legibus, de Majestatis Crimine in ejusdem Edicti principio promulgatis, ubi si quis contra animam Regis cogitaverit, vel consiliatus fuerit, animæ suæ incurrare periculum, & res ejus infiscari jubentur. At si quis Siliquas duntaxat decem furatus sit (idest dimidiam partem solidi aurei (2)), atque in ipso furto tentus fuerit, idest furtum manifestum extiterit, ipseque Fur manifestarius, uti Plautus vocat, vel uti sequior ætas, furtum ipsum in manibus, aut inter manus habens, deprehenderetur, solidorum LXXX. si liber, XL. verò si servus, multam subire debebat. Quantum verò severitatis, immo severitiæ in eo fuit, quod solvendæ ejus multæ impotes, Capitis damnerentur? Nisi putes, ob solum metum eam poenam adjectam, quam certè Reus, vel ipsi læso se servum addicens, vel cuique alteri, accepto pretio ad multæ solutionem necessitat. Non illud autem novum, ut furti Crimen ultimo supplicio plecteretur. Draco Atheniensium Legislator cruentus omnia genera furtorum Capite punienda sancivit; quam Legem temperavit Solon, qui furtum ad drachmas L. duplione multavit, & carceri; supra verò eam quantitatem, XL. virorum arbitrio augendam poenam reliquit; cum verò, qui noctu, vel in balneo, vel in gymnasio furaretur, tunc demum Capite puniendum constituit (3). Fur nocturnus si occidatur, jure cæsum esse, diurnus verò, sive interdiurnus, si se telo defenderit, impunè interfectum Leges XII. Tabularum statuerunt. Hoc autem, (inquit S. Augustinus) in antiquis Legibus secularibus invenitur, impunè scilicet occidi nocturnum furem quoquo modo; diurnum autem, si se telo defenderit, jam enim plus est, quam fur (4). Etiam Divina Lege cautum fuit, ut nocturnum furem necari, quoscunque autem fures, si non habuerint, quod pro furto redderent, venundari fas esset (5): Sunt, qui eadem Divina Lege furtum extremo supplicio vindicatum aliquando putant (6).

Hæc autem, quæ de furti poena ex aliarum Gentium Legibus, moribusque summam observavimus, vix tandem Rotharis Legem probabilem nobis efficient, si furti valorem tenuissimum ingenti multâ punitum, multæ autem vice eadem furis imperatam spectemus: Eam quidem Legem inter illa referas, quæ Regi Grimoaldo dura, & iniqua in Rotharis Edicto visa fuere, sibi que corrigenda, & revocanda existimavit (7): nihil tamen de Furibus in ejusdem Grimoaldi Legibus: Est verò, quod Rex Liutprandus sancivit, eodem, quo coeperat Grimoaldus, consilio, ea, quæ in Rotharis Edicto minus congrua videbantur,

ALTER

O O 2

tur,

(1) In Codice Leg. Longob. T. II. F. I. Script. Ital. Muratorii pag. 37. cap. 208. & seq. In hac autem Rotharis Lege verba illa: idest fingendi; omnino mendosa sunt, pro quibus, testante Muratorio, Codex Eftenfis mendosiora hæc habet: idest segangi: alter Codex: idest Figangus. Tu, me arbitro, tunc legas: fugiendi: ut scilicet fur in furto ipso tentus, seu deprehensus, non habuerit potestatem fugiendi: idque in ea Lege omnino scriptum habebatur, verbis aliquot partim ab amanuensis omisiss, partim corruptis. Quid verò sit illud: sibi novum reddat: haud facile intelligemus, nisi pro novum legerimus novum: ut scilicet Fur sibi, idest ei, cui furtum fecerit, novum, præter multam Fisco, seu Judici præstendam, reddere cogatur: sic in aliis ejusdem Rotharis Legibus, ubi novum reddi editus Codex habet, Codex Eftenfis novum semper præfert, uti notat Muratorius ad Legem CCLII. Huc etiam spectat, quod in Lege CCLII. idem Rotharis statuit, ut is, qui Pignus injustè cepit, reddere ipsum Pignus Domino cum Ostigild jubeatur; idest præter ipsum Pignus ostigild præstare deberet, itaut cum ipso Pignore jam Novum sit: quod si Murato-

rius ipse animadvertisset, non ibi affirmasset, idem videri Ostigil, ac Novum, sive Novum, etenim Ostigild omnino est ostigilum, quod cum ipsa re, quæ reddi debet, ad Novum progreditur.

(2) Siliqua S. Isidoro Lib. 10. c. 24. vigesima pars solidi est, eamque vocatam ait ab arboris lamine, de qua vide Lexicographos. At solidum siliquis viginti quatuor appendi consuetum ævo suo docet S. Gregorius M. L. IX. ep. 38. al. 37. ibique observant eruditi editores Benedictini; qui etiam ad Epist. 33. Libri III. uberius de solidi aureo, à Gregorio sæpius memorato, ejusque partibus commentantur.

(3) A. Gellius Noct. Att. Lib. X. cap. XVIII. Diodorus Siculus Lib. I. Pollux Lib. IV. cap. 6. Videtur Pertit. ad Leges Att. Lib. VII. Tit. V.

(4) S. Augustinus, relatus in Cap. III. extr. De Homicid. volunt. & casual.

(5) Exodi cap. XXXII. 2.

(6) Vide Calmet in Dictionario S. Scripturæ V. Fur, & Furtum.

(7) In Proemio Legum Regis Grimoaldi.

tur, subtrahere, ac minuire prosequutus. Liutprandus itaque hanc adversus Fures sanctionem promulgavit: De Furibus unusquisque Judex in sua Civitate faciat carcerem sub terra, & cum inventus fuerit cum ipso furto, componat, & comprehendat eum, & mittat in ipso carcere ad annos duos, vel tres, & postea dimittat eum sanum: Et si talis persona fuerit, ut non habeat, unde ipsum furtum componere debeat, Judex debet eum dare in manibus illius, cui furtum fecerit; & ipse de eo faciat quod voluerit. Et si postea ipse iterum in furto tentus fuerit, decalvet eum, & cadat per disciplinam, sicut decet Furem, & ponat in eo Signum in fronte, & in facie: Et si nec emendare voluerit, & post ipsas distractiones in furto tentus fuerit, vendat eum foris Provinciam, & habeat sibi pretium ipsius (1). Nihil igitur sanguinis, sive cædis in Fures Liutprando sancire placuit, qui tamen plura notatu digna, nobisque cursum observanda suppeditat.

Ac primum, carcerem, quod Fur conjiciendus esset, sub terra fieri, sive construi Liutprandus jubet. Hoc carceris genus æquè Latomiam, ac Tullianum rectè appellaveris: Prius vocabulum Lapidinam propriè significat, ad eum tamen carcerem speciatim indicandum, derivatam, quem Dionysius Rex Siciliae Syracusis extruxit, opus (ut Cicero describit) ingens, magnificum, Regum, ac Tyrannorum, totum ex saxo in mirandam altitudinem depresso, & multorum operis penitus exciso, nihil tam clausum ad exitus, nihil tam septum undique, nihil tam tutum ad custodias, nec fieri, nec cogitari potest: In hac Latomia si qui publicè custodiendi sunt, etiam ex exteris oppidis Sicilia deduci imperantur (2): Romani verò carceris pars, quæ sub terra erat, Tullianum dicebatur, ideo quod additum (ut Varro docet) à Tullio Rege, quod Syracusis, ubi simili de causa custodiuntur, dicuntur Latomia (3): Porro Anco Martio regnante, ad terrorem incrementis audaciæ, Carcerem Foro imminens media Urbe ædificatum refert Livius lib. 1., cui postea Tullius subterraneam partem addidit, quam & Tullianum, & Latomiam pariter, sive quod ibi quoque Lapidina fuerint, ut idem Varro subdit, sive à Syracusano carcere jam satis tum celebri, accepto vocabulo, dictum demonstrat non uno loco laudatus Livius (4). Subterraneum igitur carcerem Furibus coercendis Liutprandus constitutum voluit; quem locum etiam ad continendos homines, non ad puniendos haberi debere scribat Ulpianus (5), etiam ad poenam plerumque adhibitum omnino scimus (6): Nec mediocrem quidem poenam ipsis Furibus Liutprandus iudicavit, sive diurnam duorum, vel trium annorum detentionem spectes, sive loci qualitatem, quo non modò nihil tam clausum, septum, tutum, ut de Latomiis Cicero agebat, verum & nihil tetius, atque squalidius fieri, nec cogitari potest.

Prædicta ad publicam Criminis vindictam pertinent: De privato autem jure ejus, qui Furtum passus sit, ita cavit Liutprandus, ut si Fur non habeat, unde ipsum furtum componere debeat, Judex debet eum dare in manibus illius, cui furtum fecerit, & ipse de eo faciat, quod voluerit. Hoc igitur Rotharis Legi lenimentum Liutprandus attulit, ut furem non mortis supplicio, sed læsi dominio addiceret; qua in re nihil insolenter, aut acerbè sancitum videri debet: Hoc enim & creditoribus olim adversus debitores solvendo impares jus fuit: sic Vidua illa apud Elisæum quæstæ, venturum mox defuncti viri creditorem, ut ambos ejus filios in servitutem raperet, opem à Propheta promeruit, qui olei modicum, quod illa domi servabat, ita affluere fecit, ut æri alieno solvendo superesset (7): Sic etiam in Evangelio obæratu ille, mille talentis solvendis impar, in creditoris servitutum una cum uxore, & filiis ductus est (8): Eo igitur magis ea res locum habere debuit in iis implendis obligationibus, quæ ex delicto nascebantur. Quare & ipsa Divina Lege statutum superius observavimus, Furem, non habentem, quod pro furto redderet, vendendum: quod idem est, ac eum servitutis damnare, itaut is, cui furtum factum esset, vel illum

(1) Inter Leges Liutprandi Lib. vi. cap. xxvi. p. 66. d. T. II. P. 1. Scriptor. Ital.

(2) Cicero in Verr. v. cap. 27.

(3) Varro de Ling. Lat. Lib. ix. cap. 32.

(4) Livius Lib. xxi. c. 26. Triumviri Carceris Latomiarum interiorem custodiam habere jussi, & Lib. xxxvii. cap. 3. Principes Aetolorum Roman deduci, & in Latomias conjecti sunt.

(5) Leg. 8. §. solent. Dig. De Pœnis.

(6) Probare potest ex eodem Ulpiani loco, ubi is ait, solvere Præfides in Carcere continendos damnare, ut in vinculis continentur; uti quoque idem Ulpianus Car-

ceris poenam ab Imp. Antonino Pio dictam refert in Leg. 4. Dig. De Cust. & exhibit: Reor. Carcerem perpetuum poenæ loco apud Romanos fuisse probatur pluribus exemplis, ex quibus G. Vatinius ea poena à Senatu affectus fuit, quod sinistra manus digito, ne Bello Italico militare cogeretur, sibi amputasset, ut narrat Valer. Maximus Lib. vi. c. 3. Plato tres Carceris species in Lib. x. de Legibus statuendas voluit, idest custodiæ, correctionis, & supplicii.

(7) Reg. Lib. iv. 4. 1.

(8) Matthæi xviii. 25.

illum in suo dominio retineret, vel alteri, pretio sibi accepto, vendendi facultatem haberet; ita enim intelligenda sunt illa Liutprandi verba, ut traditus Fur in manibus illius, cui furtum factum fuerit, ipse de eo faciat, quod voluerit, incolumi scilicet vita, amissa tantum libertate.

Pergit Liutprandus eadem Lege de iisdem statuere Furibus, qui delictum iterarint: atque si iterum, ac tertio in furto deprehensi fuerint, quibusdam veluti graviorum poenarum gradibus in illos animadvertendum jubet: Heinc pro secundo furto, *decalvandum* furem, *cadendumque per disciplinam*, ac præterea *Signum in ejus fronte, ac facie ponendum*; pro tertio autem furto *foris Provinciam vendendum* sancivit. Furi igitur, qui in secundo furto tentus fuerit, omnia servorum supplicia, ignominiaque subeunda erant, idest *decalvatio, verbera, Stigmata* (1). Servis quidem fugitivis stigmata, notæ, signa, puncta scribi, iniurique consuevisse innumera sunt, quæ doceant, veterum testimonia (2); à quibus etiam ejusmodi servos *litteratos, Stigmatos, sive Stigmatas* appellatos legimus (3). Præter servos autem fugitivos quicumque Calumniæ convictus esset, ex incertæ ætatis Lege Memmia, seu Remmia, litteram K fronti inusitam gerere debebat, quâ *Kalumniator* (uti veteres ex Terentii, Scauri, Velii Longi, Diomedis Orthographia liquet, Calumniam scribebant) perpetuam, manifestamque Criminis sui poenam præferret (4): Heinc illa Papiniani facile intelligemus, qui quum Calumniæ damnatos testimonium in Judicio publico, Lege Remmia non prohiberi animadvertisset, ad *Judicantium tamen officium pertinere* ait, *ejus quoque testimonii fidem, quod integra frontis homo dixerit, pendere* (5): nam ille Papiniano *integre frontis* homo heic est, qui nullatenus corruptam, atque infami cicatrice signatam ferret. Denique quicumque ad metallum ob crimen quodcunque, eo supplicio dignus damnetur, eidem notam, seu stigma in fronte, peculiare veluti promeritæ poenæ indicium, iniuri consuevisse, manifestum est ex Imp. Constantini Lege, qui stigmatis inuisionem probavit, inuisionis tamen locum interdixit: *Si quis (ait) in metallum fuerit pro Criminum deprehensorum qualitate damnatus, minime in ejus facie scribatur; cum & in manibus, & in furis possit poena damnationis una inscriptione comprehendi: quod Facies, quæ ad similitudinem pulchritudinis est coelestis figurata, minime maculetur* (6): Hanc Constantini Legem attendisse videntur Imp. Arcadius, & Honorius, qui *stigmata, sive notas publicas Fabricensium* non in facie quidem, sed in brachiis ad imitationem Ironum, ut hoc modo saltem possent *lavitantes agnosci*, infligendas jusserunt (7). At Furi, qui iteratò deliquisset, ipsam frontem, seu faciem signo inurendam Liutprandus maluit, ut vel sic alii hominem furandi solitum pernoscere, ab eoque sibi præcaverent; Fur verò ipse inexpiabili litterarum nota per summam oris contumeliam inusit à patrando deinceps crimine detereretur: Quòd si tertio in furto deprehensus esset, velut suorum Civium hostis, quorum bonis assidue insidiaretur, ab eorum societate eliminandus, atque *foris Provinciam vendendus* jubetur, sub exterarum scilicet, barbararumque gentium dominio perpetuam, durissimamque servitutem toleraturus.

Hæc-

(1) Sic Petronius in *Saty.* Servos intellexit, dum scribit: *Diffa in Caloor, Stigmaticosque jaculari &c.*

(2) Cicero *Offic. 12. c. 7.* *Thracem compunctum notis Threiciis* dixit. Plinius in *Panegy.* *Exanguem, & ferream frontem, nequicquam convulserandam præbeant punctis, & notas suas videant.* Val. Max. *Lib. vi. c. 8.* *Servus ab eo vinculorum poena coercitus, inexpiable literarum nota per summam oris contumeliam inusit.* Quintilianus *Lib. vi. c. 4.* *Si quis fugitivo stigma scripserit &c.*

(3) Ita post Plautum *Jul. Pollux in Onomast. L. 3. æ Petronius* superius laudatus. *Stigmatum* græca declinatione usurpavit Cicero *De Offic. Lib. 11. c. 7.* ubi Alexandrum Phœræum miserum dixit, *qui fidiorem, & barbarum, & stigmatum putaret, quam propriam conjugem*: Eundem autem Barbarum, notis Threiciis compunctum paulò ante dixerat, non quòd (inquit Turnebus ad d. locum) *eum servum intelligeremus, sed in immani Barbarie natum.* Thracæ enim, ut aliz quædam Barbaræ Nationes se stigmatibus notabant, seu notis compungebant, teste Strabone *Lib. 17.* *Dione Chrysost. Orat. 1. De servitute.* Phanoles etiam canit, irrogatam in Thracia à viris esse poenam mulieribus corporis notis pungeudi ob Orphei necem, ut sceleris re-

cordarentur. *Dio Cass. Hist. Lib. XLVII.* *Servus quidam Ziryuctias, compunctus notis, non modo non prodidit Dominum, qui notas inusserat, sed & magno studio conservavit.*

(4) Valerius Max. *Lib. 111. c. 7.* hanc Legem vocat *Memmiam*; quam lectionem etiam editiones pleræque Ciceronis in *Orat. pro Sex. Roscio c. 21. x* præferunt; quum tamen in *Mss. Codicibus* constanter legatur *Remmia*; quo nomine etiam appellavit Papinianus, quem inferius laudabimus. Porro ex dicta Ciceronis *Orat. c. 21.* non obscure colligitur, poenam calumniatoribus a Lege *Remmia* indictam, stigma fuisse fronti inusitum; sic enim ille: *Sin autem se agatis, ut arguas aliquem, Patrem occidisse, nec dicere possitis, aut quare, aut quomodo, aut tantummodo sine suspitione latrabitis; Crux quidem vobis nemo suffingat: sed si ego vos bene novi, Literam illam, cui vos usque eo inimici estis, ut etiam eos omnes oderitis, ita vehementer ad caput vobis affingent, ut postea neminem alium, nisi fortunas vestras accusare possitis.*

(5) Papinianus in *Lib. 1. de Adulteriis* relatus in *Leg. 13. Dig. De Testibus.*

(6) *Leg. 17. Cod. Justin. De Poenis.*

(7) *Leg. 4. Cod. Theodos. De Fabricensibus.*

Hactenus de Legibus Regiis. Fuit autem, quod Principes quoque nostri de Furibus edixerunt. Primum itaque audiri meretur Princeps Arichis in ea Sophianæ Donationis Charta pluries nobis memorata, ubi inter alia, concessimus (inquit) etiam dicto Monasterio S. Sophia substantiam, quæ fuit Gayderis, filii Joannis, quam Legibus per culpam suam perdidit, eo quod contra animam nostram consiliatus est, & furatus est nobis decem millia solidos, de quibus nec unus comparuit; & pro his duobus perfidis offensus omnis ejus substantia ad nostræ potestatis manum pervenit; ideo dum Legibus ad nos pertinuit, prædicto Monasterio S. Sophia in integrum concessi possidendum, Servos, & ancillas, & universas Curtes, Casas, Campos, vineas, territoria, sylvas, prata, mobilia, & immobilia quæcumque habere nominatus Gayderis visus fuit. Duplici Crimine obstrictum Gayderisum ait Arichis, Majestatis, & Furti; geminoque eo nomine universa illius bona Fisco suo adjudicata affirmat; itaut incertum maneat, an quæ ex Majestatis Crimine sancita erat, Furtum quoque Bonorum publicatio sequeretur. Sed certum pariter in solo Furto id poenæ genus admissum fuisse, docebit Arichis idem, qui paullo inferius eidem Donationi addit substantiam Theusprandi, & Joannis, & Farolsi in rota, quam propter furtum solidos sex millia, quos nobis furati sunt, unde non plus, quàm quatuor millia recollegimus solidos, & Legibus omnes res eorum ad nostram pervenerunt potestatem, nostra quidem potestas ipsum locum in rota S. Sophia Monasterio concessimus possidendum. In Legibus Longobardorum Regum superius memoratis nihil de Bonorum publicatione, sed de Multa tantum, aliisque suppliciis adversus Fures sancitum legimus: quum verò Arichis omnem substantiam eorum hominum, qui ingentem illam solidorum quantitatem sibi furati fuerant, ad suam potestatem Legibus pervenisse affirmat, alterutrum putare possumus, aut Legum illarum auctorem ipsum fuisse Arichim, aut potius Furtum, quod in Principis bonis, pecuniisque patratum fuisset, inter Majestatis Crimina locum habuisse, ut propterea Bonorum publicatione puniretur. Interim, in posteriore Furto solidorum sex millium, se quatuor tantum millia recollegisse, idest recuperasse Arichis fatetur; de aliis verò solidis decem millibus, qui antea subrepti sibi fuerant, nec unus (inquit) comparuit; quibus verbis se ingentem illam pecuniæ jacturam ægriusculè tulisse ostendit; sed & illud simul ostendit, primam animo suo semper fuisse Pietatem, ac Christiano Principe dignam munificentiam; nam qui ex Furis substantia, quam satis copiosam superius spectavimus, indemnem præstare seipsum potuit, maluit tamen eam in Monasterii Sophiani emolumentum, atque in piam causam convertere.

De Furibus speciatim quoque Princeps Sicardus legem tulit in suo Capitulari, superius memorato, ubi sic legitur num. x. Si quisquam homo super furtum (idest in flagranti Crimine) inventus fuerit, & non dederit manum ad prendendum se, & mortuus fuerit, non requiratur; tamen tres persona de loco, ubi factum fuerit, quales quæsierint parentes, aut patronus mortui, dent Sacramentum, quia mortuus ille in furto inventus est, & non dedit manum ad ligandum, & amplius non queratur, minus nec homicida ipse tradatur: Quod si vivus deprehensus fuerit ipse Fur, in hoc modo sicut superius legitur, tres persona præbeant Sacramentum, quia super furtum deprehensus est, & de presenti tollantur ei oculi, & post datam (idest executioni mandatam) sententiam recipiant eum Parentes, aut Dominus ejus. Impunè igitur manifestum furem in ipso furto deprehensum occidi permittit Sicardus, si is prehendenti se, sive vinculis mancipanti restiterit: quod Legibus XII. Tabularum consentaneum videtur, quæ diurni furis telo se defendentis necem nequaquam vindicandam voluerunt: Illud verò acerbius, ac fortasse ejus, qui Tyrannus dictus fuit, cruenti Principis ingenio dignum, ut aliis quibusque poenis, antea in Fures statutis, posthabitis, illorum oculos effodiendos maluerit: Sed ante Sicardum id poenæ genus auditum fuit in Legibus Longobardicis, atque, quod mirum videri debet, à Carolo Magno conditis, & superiorum Regum Longobardorum Edicto adjectis; sic itaque in ipsius Caroli Lege XLV. habetur: De Latronibus ita precipimus observandum; ut pro prima culpa non moriatur, sed oculum perdat, de secunda nasus ei scapellatur (idest abscindatur), de tertia verò, si se non emendaverit, moriatur. Eadem iterat in Lege LXXXV., cujus lectio ex MS. Codice Eitenfi hæc est: Si quis Latro de uno furto probatus fuerit, oculum unum perdat; & si de duobus furtis probatus fuerit, oculum (idest alterum oculum) perdat, & nasus ei curretur; & si de tribus furtis probatus fuerit, moriatur. Quid inter Latrones, & Fures interfit, omnes norunt; ut tum pro atrocioris Criminis qualitate, tum pro compescenda illorum temporum licentia, acerbiorum illam poenam mitioris licet ingenii Princeps Carolus sancire debuerit.

buerit. Acrius itaque in ipsos solos fures, quorum minor certè, quàm Latronum culpa erat, sèvere voluit Sicardus, qui pro primo tantùm furto, ut iterandi Criminis omnis deinceps facultas amputaretur, utriusque oculi effossionem præcepit; qua supplicii acerbitate, non tam ingenio suo ad crudelitatem prono indulgere, quàm finitimos Neapolitanos, quibuscum Capitulare illud constituit, assiduus furtis Longobardos divexantes, coercere curavit. Sed ne plura de Furtis.

Inter judicia publica Longobardicis Legibus instituta illud etiam recensebatur, adversum eos, qui sine Regis, aut Principis venia, sive permissu extra Regni, Principatusve fines secederent. Primus omnium legillator Rex Rotharis inter *Majestatis* crimina tertio loco id retulit, extremoque supplicio, ac bonorum publicatione ejusmodi reos affectit; sic Legum suarum cap. III. loquutus. *Si quis foris Provinciam fugere tentaverit, mortis periculum incurrat, & res ejus infiseantur.* Tum cap. CCLXIX. *Si liber, aut servus voluerit foris Provinciam fugere, & Judex, aut quicumque in loco, aut finibus Provincie residet, eum comprehenderit, teneat eum, & res, quas secum habuit, salvas faciat, & mox mandet ad Judicem de loco, unde fugam cepit. . . Et si fugax ille manus ad ligandum non dederit, & occisus fuerit, non requiratur.* Sed qui subditos suos in alienas Dynastias transmigrare nolebat, alienigenas tamen in sui Regni fines libenter Rotharis ipse excepisse probatur ex ejus Lege CCCXC. ubi sic habet: *Omnes Gargangi, qui de extremis (fort. externis) finibus in nostris finibus adveniunt, seque, suosque Potestati nostra subdiderunt; Legibus nostris Longobardorum vivere debent, nisi Legem suam à pietate nostra meruerint. Si legitimos filios habuerint, heredes eorum in omnibus sint, & filii legitimi Longobardorum existant. Et si filios non habuerint legitimos, non sit illis potestas absque iussione Regis res suas cuicumque thingare (i. e. donare), aut per quodlibet ingenium, aut per quemlibet titulum alienare (1).* Car Longobardi adeò rigide adversus fugaces hocse se gesserint, illa esse ratio videtur, quod alias extra se Gentes pro publicis hostibus reputarent, ad quas subditi aufugientes, non modò subjectionem detractare, sed fidem quoque Principi suo debitam fregisse censerentur. Jure Romanorum Transfuga (uti docet Paullus in Leg. 19. §. 8. Dig. De Captiv., & Postlim.) non is solus accipiebatur, qui aut ad hostes, aut in bello transfugeret, sed & qui per induciarum tempus, aut ad eos, cum quibus nulla amicitia est, fide suscepta, transfugeret: Cujus poenam *Vivicomburum* fuisse idem Jcetus docet in Leg. 38. §. 2. Dig. de Penis. At latius id Crimen Leges Longobardicæ accepisse videntur, ut etiam ab iis patratum videretur, qui vel post aliquod delictum poenæ declinandæ causâ, vel etiam non dolo malo, sed mutandi soli, aut privatæ utilitatis causâ ad externas gentes transfugeret.

Apud nostros Beneventanos Principes ejusmodi Crimen haud *Capitale* fuisse videtur, nisi id factum dixeris ex ejusmodi fugacium, sive Transfugarum absentia, in quorum personas animadverti nequibat: At Bonorum omnium publicatio usitatissima fuit: Sic Dux Grimoaldus benignè restituit Grasolpho res facultatum tuarum, quæ pro merito culpa tue ad nostram sunt devoluta eximietatem, pro quo extra Provinciam in finibus Gracie fugam petere visus es (2). Sic Princeps Pandolphus donat Gerhardo Curtem quandam cujusdam Civis, quæ ob culpam, scelus-

(1) Vocabulum *Gargangi*, sive *Wargangi* eos significabat, qui profugi, exules, vel etiam sponte ex Patria sua in Regnum Longobardorum se recipiebant: His, si nulli essent filii legitimi, bonorum suorum tum inter vivos, tum mortis causâ dispositionem, sine Regio permissu, ademittit Rotharis; ut scilicet illorum bona fierent *caduca*, & sicto acquirerentur. Sic ex ejusdem Rotharis Lege CCCXIV. moriente aliquo sine heredibus, sive is advena, sive Civis fuerit, *Res ipsius ad Curtem Regis* perveniebant. Hæredes autem erant usque ad septimum generulum, sive gradum. In Principatu Beneventano ex Leges perpetuò obtinuerunt, ut constat ex chartis in Chronico Sophiano relatis: Sic Princeps Radelchis donat Vilo *Fideli nostro omnes res, & substantiam* Stornini liberi hominis . . . qualiter secundum Legem res ipsa ad nostram devenit potestatem, pro eo quod sine herede decessit: & Monasterio S. Sophiz omnes res, & substantias Qualprandi, & Malonis . . . veluti Legibus ad Sacrum nostrum Palatium devenit, pro eo quod sine heredibus decesserunt. P. I. n. 29. & 35. Tum P. II. n. 18. & P. III. n. 21. donat Ladelgilo *germano nostro*

ipsam rerum substantiam Dragonis ex genere Francorum orti, liberi hominis, idest mobile, atque immobile, sicut Legibus ad nostrum eونت Palatium, eo quod absque heredibus mortuus est. Post Principum Beneventanorum occasum, mansit adhuc apud Sedem Apostolicam, Romanosque Pontifices ejusdem Principatus successores antiquum Jus istud, Longobardicis Legibus inventum, atque servatum, uti liquet ex MS. Codice Cencii Camerarii, qui inter illas *Proprietates, quæ remanserunt Curie de Regalibus Beneventanis*, habente tunc Sæculo XII. recenset *medietatem de Scadentis Peregrinorum, & extraneorum: & scadentiam Beneventanorum totam.* Edidit integrum hunc Cencii locum ad Regalia Beneventana pertinentem Muratorius Antiq. Med. Ævi T. II. p. 23. nolque recitavimus in superiori Diss. III. cap. VIII. p. 237. ubi vocabuli *scadentie*, sive *excadentie* significationem eam esse probavimus, quæ Jus Principis, ejusque Fisci demonstrabat in eorum bonis sibi vindicandis, qui sine legitimis hæredibus extremum diem obissent.

(2) In Chronico S. Sophiz P. III. n. 6. pag. 459.

scelsisque suum ad nostrum Sacrum Palatium, & Curiam nostram devenit, quia extra Provinciam, inscio Iudice, ac Senatoribus omnibus, Neapolim clam, occultèque aufugit (1): Sic Princeps Radelchis donat Monasterio S. Sophiæ, res Addoli, & Waldiprandi, qui habitare videntur in Decimoquinto, veluti ob meritum culpæ illorum, eo quod à Siconolfo fugerunt, & ad sacrum nostrum Palatium evenerunt (2). Quam in Chartam mendum irreplisse videtur, nam non à Siconolfo, sed ad Siconolfum fugisse legendum est, idest ad Principem Salerni Siconolfum. Et sanè in Capitulari ejusdem Principis Radelchis, quod pro Beneventani Principatus divisione cum dicto Siconolfo sancivit, ita habetur n. x. in fine: *De Hominibus autem, qui inter partes sunt, si à vestra parte in nostra parte fugerint, si potuerimus eis gratiam rogare, rogabimus, & si non, reddemus eos absque ulla injusta dilatione.* Et n. xi. *Si verò vester homo in substantia in mea terra ad habitandum venerit, & plusquam vestra voluntas est, steterit, ubi cognitum mihi facietis, ego eum sine ulla injusta dilatione transmittam ad vos.* Et mox n. xii. *De Warengangis Nobilibus, Mediocribus, Rusticis hominibus, qui usque nunc in vestra terra fugiti sunt, habeatis eos.* Quo postremo Capite iterum obvios tibi habes Wargangos, seu Gargangos illos, quorum significationem in Lege Rotharis superius memorata explicuimus. Sed jam satis de Judiciis dixisse sit, quæ olim Legibus Longobardorum institui solebant.

Ad Munera tandem properabimus, quibus Longobardicæ Leges publicam auctoritatem tribuebant. Inter ea Munera, operæ nunc pretium erit, Notarios observasse. De Notariis extat Lex Beneventani Principis Adelchis, in ejus Capitulari n. vii. his verbis conscripta: *Inconveniens usque modo consuetudo extitit, ut jam quisquis voluisset, si nosset scribere, Breve undeunque opportunitas exegisset; Anodo autem discernimus, ut soli Notarii Breve scribant, sicut & cetera munimina; & quisque deinceps Brevis fuerit absque Notarii subscriptione ostensus, nullam retineat firmitatem; quoniam multos ex illis deprehendimus fuisse falsos, quod, Deo opitulante, cupimus, ut ulterius non fiat.* Vetusissimum fuit Notariorum munus, quos ita inferior Ætas vocare coepit, Tabelliones verò, Actuarios, Scribas, Logographos, Cancellarios, Chartularios appellabat Antiquitas (3): Ac Tabelliones quidem apud veteres vocabantur Scribæ, qui Magistratibus, aut Civitatibus in publicis, privatisve negotiis cautiones, & acta, hoc est gestas res, in tabulis referebant, (unde ipsis nomen factum) & fide publica instrumenta conscribant: Vetus Glossarium apud Brissonium: *Tabellarius, vel Tabellio est publica persona Sacramento districtus in Civitate, qui Civitatis rationes scribit, & in acta redigit: & alibi: Tabellio est scriba publicus, qui ea tantum, quæ gestis publicantur, scribit: quæ quum ita sint, mirari nunquam desinas, cur ejusmodi munus, à cuius fide, industriaque non privatorum tantum fortunæ, sed publicæ quoque rationes, ac ipsa denique Magistratuum auctoritas penderet, à servis, libertinisque gerendum Romani non tam ferrent, quàm etiam pro quodam more haberent: Consultius profectò Ætas posterior se habere visa est, quæ non solum liberos, five ingenuos homines ad id munus deligendos voluit, verum etiam in eam existimationem provexit, ut honestissimi quique, immo & nobiles Viri Notarios agere non dedignantur (4):* Heinc illa etiam Principum sollicitudo, quorum auctoritate Notarii creabantur, ut ii Fidei suæ, quam

(1) Ibidem P. vi. pag. 531.

(2) Ibidem P. ii. c. 16. pag. 454.

(3) Illi à Veteribus propriè Notarii vocabantur, qui Notis loquentium verba celeriter excipiebant. Sic S. Augustinus De D. R. Christi. Lib. ii. Ex eo genere sunt notæ, quas qui didicerunt, propriè jam Notarii appellantur: quæ postrema verba in Orig. i. 21. transtulit S. Isidorus. Vide, quæ dixi in Diss. iii. cap. iii. Adde nunc, non alia significatione eos accipiendos Notarios, quos S. Clemens PP. ad Martyrum Acta conscribenda in septem Urbis Romæ Regionibus instituit, de quo sic Anastasius: *Hic fecit septem Regionem dividi Notariis fidelibus Ecclesiæ, qui gesta Martyrum sollicite, & curiose, unusquisque per Regionem suam diligenter perquirerent.* Eodem enim ipsi Ecclesiastici Notarii munereungebantur, quo Notarii Judicum, sive Præsidum, ut exciperent gesta, dicta, responsa Martyrum, quæ difficile admodum, ac plerumque falsa, & corrupta ab Ethnicis habebantur, prompta autem, & sincera, ut in Ecclesiis legerentur, habere intere-

rat. Acta S. Pionii apud Ruinartium p. 122. hæc habent: *Post hæc Polemon, quum ceræ Notarius, quæ respondebantur, imprimeret, ait ad Pionium: quid vocaris? Pionius ait: Christianus &c.* Ecclesiæ igitur suos quoque Notarios submittebat, qui præsentibus eadem Martyrum verba, & gesta exciperent: Immo & Notariis usum ipsam Ecclesiæ Seculo v. docet Collatio Carthaginensis cum Donatilis apud S. Augustinum, cujus in Collatione secunda diæ hæc sunt cap. 3. *Quum se notas ignorare dicerent petentes, ut prius eis ederentur gesta conscripta, Cogitor justis, ut quod eorum Notarii exceperant, eis recitarentur; & in Collatione 2. cap. 43. Notas non novimus, neque ea natura verum est, atque ipsarum, ut ita dixerim, literarum, ut quisquam notas legat alienas: In Codicibus legere non possumus, nisi edita fuerint gesta in paginis, non habeo, quod traheam, non habeo, quod legam &c.*

(4) Vid. Muratorium Antiq. Med. &vi Dissert. xi. Tom. i. p. 663.

quam in suo administrando munere integram, optimamque præstare debebant; necessariam quoque scientiam conjungerent. De Scribis, idest Notariis (sic Rex Liutprandus) hoc prospeximus, ut qui Chartas scripserit, sive ad Legem Longobardorum, quæ apertissima, & penè omnibus nota est, sive ad Legem Romanorum, non aliter faciant, nisi quomodo in illis Legibus continetur; nam contra Longobardorum, aut Romanorum Legem non scribant. Quod si nesciverint, interrogent alios; & si non potuerint ipsas Leges penè scire, non scribant ipsas Chartas; & qui aliter præsumpserit facere, componat Guidrigild suum &c. (1) Audi quoque Imp. Lotharium I. in suis Longobardicis Legibus ita loquentem: Notarii Legibus eruditi, & bona opinionis constituentur, & jurjurandum præbeant, ut nullatenus falsitatem, vel colludium scribant, & qui hoc fecisse præterito tempore inventus fuerit, præsentialiter damnetur (2).

Hanc verò Principum providentiam (ut temporum illorum infelicitas, sed improbitas erat) Notarii plerumque falsebant. Ac primùm contra publicam muneris fidem peccare sæpe deprehendebantur. Frequens Falsitatis Crimen à Notariis commissum vel una ostendit memorata sæpius nobis Donationis Sophianæ Charta, in qua tria leguntur ejus rei exempla, quorum primum est de quibusdā servis, per Præceptum falsum liberatis, quorum res, personæque Princeps Arichis Filco suo adjudicaverat: Alterum sic habet: *Nec non & Casam in Papiano super Trano, quæ fuit de servis Palatii nostri, quam Joannes Notarius per Præceptum falsum possidebat, unde Legibus ad nostram devenit Potestatem*: Tertium tandem his verbis legitur: *Sed & substantiam Thalarici Notarii, qui pro multis Chartulis falsis est condemnatus, & insuper extra Provinciam, idest in Neapolim fuga lapsus est; unde Legibus omnis ejus substantia ad nostram pertinuit potestatem, quam integram Monasterio S. Sophiæ concessimus possidendam*. Heinc Imp. Lotharius, nullam fidem iis Chartis adhibendam jussit, quæ absque mense, & die mensis à Notariis scriptæ essent (3): Sed providentissimus omnium Guido Augustus in suis Longobardicis Legibus rei universæ ita consuluit. De Chartis, vel quibuscumque Scriptionibus, quæ à quibusdā personis falsæ appellantur, statuimus, ut si Notarius supervenerit, & testes, ut idem Notarius cum legitimis Sacramentalibus suis XII. similiter cum ipsis testibus, qui in Charta scripti sunt, ipsam Chartam veram, & idoneam faciat Si autem Notarius se subtraxerit, & Chartam suo nomine scriptam, idoneam minime confirmare poterit, nulla redemptio ei concedatur, sed manum propriam amittat (4).

Sed & in Legum peritia, sive scientia, ex quarum præscripto Chartæ, ac Contractus perficiendi, celebrandique erant, deterius à Notariis peccabatur: Immo tantum abest, ut Notarii ex Liutprandi, Lothariiue Constitutionibus Legibus eruditos se reddere satagerent, ut si legere vix, ac scribere tantum nollent, satis suo muneri se fecisse existimarent; atque utinam id probè præstare scissent! Nihil unquam infelicius Latine lingue contingere unquam potuit, cujus facies in mediæ ævi Chartis adeo deformis, ac foeda conspicitur, ut legentibus horrorem injiciat: Singulas penè dictiones immanis Notariorum ruditas solocismis contexebat, atque barbarismis, quibus ea accedebat verborum, & structuræ confusio, ut quis scripturæ sensus, quæve sit contrahentium voluntas, quid denique gestum sit, postquam seriò meditatus fueris, vix conjecturâ assequaris. Heinc factum, ut Chartæ ipsæ Notariis tantum scribendæ, exarandæque, plerumque ab aliis peritioribus dictarentur. Sic memoratam Sophianæ Donationis Chartam ab Principe ipso Arichi dictatam ejus clausula docet, in qua sic legitur: *Quod Præceptum oblationis ex jussione, & dictatu nominatè Potestatis scripsi ego Leopold Notarius*. Haud secus in Donatione Ducis Gisulphi facta Monasterio S. Stephani legitur in fine: *Quod verò Præceptum concessionis ex jussu, & dictatu nominatè gloriosissimi Domini Gisulphi scripsi ego Joannes Notarius* (5). Ex eodem autem Chronico Sophiano passim habentur exempla Chartarum, quas Vicedomini, Referendarii, Gastaldi scribendas Notariis dictabant (6): Heinc etiam factum fuit, ut Viri Ecclesiastici adhiberentur, earundem publicarum Chartarum dictatores; uti in Chronico Vulturvensi Diploma Ducis Grimoaldi hæc in calce habet: *Quam verò membranam concessionis dictavi ego Wigo Subdiaconus ex jussione supradictæ Potestatis tibi Pergaldo Notario scribendam* (7). Immo id positum in more fuisse videtur, ut à Clericis, qui literas didicisse debuerant, ipsum tandem Notarii munus exereretur; unde, qui Scribæ Sacri Palatii apud Beneventanos Principes essent,

ALTER

P p

iplos

(1) In Cod. Legum Longob. inter Leges Liutprandi Lib. v. cap. XXXVI. p. 68.

(2) Ibid. inter Leges Lotharii I. cap. xciv. p. 149.

(3) Ibid. cap. LXXIX. p. 147.

(4) Ibidem inter Leges Guidonis Augusti c. vi. p. 167.

(5) Chron. S. Sophiæ P. II. n. XIX. apud Ughellum T. X. novæ edit. p. 455. Vid. etiam P. III. n. III.

(6) Ibid. passim P. II. & III.

(7) Rer. Italicar. T. I. P. II. pag.

ipſos ſimul Clericali profeſſione excelluiſſe, eorum ſubſcriptiones in publicis Chartis adjectæ præclare teſtantur: Sic in duobus Diplomatiſus Principis Pandolphi, *Urſus Clericus, & Scriba ex juffione ſupradictæ Poſteſtatis ſcripſiſſe* affirmat; & in altero ejuſdem Pandolphi *Maldefrid Clericus, & Notarius, atque Scriba ex juffione ſupradictæ Poſteſtatis ſcripſiſſe* pariter ſateſtur; quod & paſſim in aliis Chartis occurrit (1). Scio interdictum Preſbyteris à Carolo Magno Notarii munus; ſic enim inter ejus Longobardicas Leges habetur cap. xcvi: *Ut nullus Preſbyter Chartam ſcribat, neque conduxtor exiſtat ſuis Senioribus* (2), quam Legem ita Muratorius rectè explicat: *Hoc eſt, nulli Preſbytero Notarium agere liceat, neque Oeconomus munus præſtare Laicis, aut, quod verius puto, prædia excolenda conducere a Senioribus ſuis*: Animadvertebat quippe Carolus Notarii munus, ſi non Eccleſiaſtica Militiæ ſtudiis facilè averterentur. At illud pariter perſuaſum Carolo eſſe debebat, ubi idonei Sæculares deſſent, intereſſe Reip., ut publicum munus ab probatæ fidei, literaturæque viris exerceretur: ut propterea nequicquam ea Caroli lege mos antiquus interciderit, ad inſimam uſque ætatem ſervatus, ut Eccleſiaſtici Notariorum munere fungi permetterentur.

His itaque omnibus in antecellum obſervatis, promptum nunc nobis erit intelligere cauſam, cur Princeps Adelchis eam Legem ſtatuerit: Nam quum per eam ætatem, qui literas tantum ſcirent, perpauci, atque ſpectabiles haberentur, deſſetque propterea is Notariorum numerus, qui frequentiffimis Actis tum publicis, tum privatis ſcriptionem ſuam adhiberet, jam mos ille inolevit, ut quicumque ſcribere noſſet, operam ſuam poſtulantibus paſſim præſtaret, ac ſatis illud eſſe credebatur, quo Contractus, Teſtamenta, aliaque id genus Acta legitima munimen, ideſt firmitatem, atque auctoritatem, fidemque publicam reciperent, ſi tantum ſcriptis à quovis traderentur. Id proſectò vocabulo *Brevis* intellexit Adelchis, cujus vocabuli ſignificatio etſi *Inventarium, Rotulum, Indicem*, ſeu *ſummariam* rei cujuſpiam deſcriptionem præcipuè indicet; ad Inſtrumenta nihilominus, atque Acta Notariorum deſignanda aliquando proferri ex hac ipſa Adelchis Lege docet Cangius, qui & hoc Lampridii loco in Alexandro Severo confirmat: *Eum Notarium, qui falſum cauſæ Brevem in Conſilio Imperatoris retuliſſet . . . deportavit*. Res igitur fraudibus aſſiduus, ac falſitatibus, quibus & privati læderentur, & Reſp. perturbaretur, latiffimam aperuit viam; quandoquidem ejuſmodi Scriptores nulla Sacramenti religione, nullo poenæ metu tenerentur, quæ ſolos Notarios publicum munus gerentes manebat. Huic malo Adelchis proſpexit, nullam in poſterum ejuſmodi Chartis fidem adhibendam ſtatuens, quam ſolis Notariis ritè ad id munus conſtitutis, ſi ipſi ſcripſiſſent, aut ſubſcripſiſſent, ſervatam voluit.

DISSER-

(1) In d. Chron. Sopiano P. III. n. 41. 42. & 43. P. 471. & ſeq.

(2) In Cod. Leg. Longob. inter Caroli Magni Leges n. xcvi. p. 105. Quos in hac Lege, & in aliis paſſim Carolus appellat *Seniores*, ipſos intelligas ejus loci *Dominos*, ubi Preſbyter degit; à quo *Seniorum* vocabulo, ac ſignificatione media ætate uſurpato, manavit ſubinde ad nos Italos vulgaris vox *Signore*, Gallis *Seigne-*

ur. Sic mediis illis temporibus occurrit *Senioraticum*, ideſt *Dominatio*, nunc *Signoria*: uti etiam *ſeniorari*, ideſt *dominari*, nunc *ſignoreggiare*. In Chronico S. Sophiæ P. v. Charta ſignata Ann. xli. Imp. Baſilii, Chriſti Mxiii. ita habet: *Et ſumus reſidentes in iſta Civitate Luceria ad ſenoriandum, judicandum, regendum &c.* Alia plura de his vocabulis videlicet apud Cangium in *Gloſſ. Lat.*



DISSERTATIO V.

De Ecclesia Beneventana.



ON solum Operis partem Ecclesia Beneventana sibi vindicat, verum etiam præcipuum operæ meæ pretium factura, in medium sese jamdemum profert. Quæ enim ex rebus aliis quamplurimis hæcenus pertractatis, in lucem, æstimationemque hominum emerferunt, splendidiorem certè faciem Sæcula ipsa Longobardica induent ex ejus Ecclesiæ dignitate, quæ antehac præstantissima, tum verò maximè effloruisse, ac veluti se ipsam excellere visa est, quum Longobardorum Imperio Beneventum pareret. Neque id verò unum in causâ est, ut majori, quàm unquam, conatu hanc in rem nitendum mihi sit. Illa quoque me impellit honestissima summæ necessitudinis ratio, illud adhuc stimulos addit æquum obsequii studium, quibus erga eandem Ecclesiam devinctum me sentio; ut unde mihi & spiritualis vitæ primordia, & Sacrorum Ministeriorum prærogativæ, & Ecclesiasticorum munerum honores quamplurimi procefferunt, eò qualis, quantaque sit, omnis ingenii mei vis, ac laboris industria convertatur. Accedit denique cogitatio illa, plena jucunditatis, quod non in ea modo re versandum mihi sit, quæ quantumlibet ex interitu suo in novam veluti vitam revocata, sui tamen ipsius non aliud, quàm umbram, atque inane simulacrum præferre (uti de Longobardicis rebus contigisse videtur), solum videlicet nomen, veteremque famam ostendere in præsens possit: Ostendet enim Ecclesia Beneventana seipsam, eadem profectò ipsa, quæ olim, eademque in omne ævum permanens; itaut quam ei dignitatem, quod decus, quæ ornamenta, & Originis antiquitas, & vetustissimæ ætatis Religio, Pietas, Munificencia contulere, nullo confecta senio, aut temporis, hominumque injuriis labefactata, adhuc cum illa vitam agant, & perpetuâ honoris, aliorumque commodorum successione collucescere pergant. Ut igitur Beneventanæ Ecclesiæ res, uti dignitate, ita ordine quoque suo procedant, prius de ejus origine, amplitudine, prærogativis, jurisdictione, aliisque id genus ad Antistites suos pertinentibus differemus; cui argumento tria hujus Dissertationis priora Capita dabimus, tribus videlicet temporum intervallis respondentia, quæ ab ejusdem Ecclesiæ origine, deinde ab Longobardorum ævo, atque imperio, denique ab Archiepiscopali, seu Metropolitico quæsito sibi Jure effluxerunt. Sequetur Caput quartum, ubi de Clero Beneventano, ejusque tum vetere, tum recenti numero, disciplina, dignitate, ceterisque juribus, atque ornamentis peculiarem sermonem instituemus. De sacris denique Ædificiis Capite quinto, ac postremo agemus; quorum Ædificiorum aspectu, atque splendore illud quoque pretium Beneventanæ Ecclesiæ accedet, ut ipsâ loci majestate parem Dignitati suæ decorem præferre videatur.



CAPUT PRIMUM

Beneventana Ecclesia Christianae Fidei coeva . S. Januario Martyre , Civis , Episcopo illustrata . Mox Theophilo , & altero Januario Episcopis . Horum Pontificia Legationes in Romano , & Sardicensi Conciliis . Beneventum , ejusque Ecclesia nusquam in Campania , cujus Capua Metropolis tantummodo Civilis ad Saeculum x. uti Beneventum Samnii . De Civilibus , & Ecclesiasticis Metropolibus plura ad rem observantur . Nulli ad Saeculum x. Metropolitanis in Suburbicariis Provinciis Romano Pontifici obtemperantibus : quamquam in unaquaque Provincia Metropolitanis Juris apud primum Episcopum vestigia quadam : qua de Beneventano Episcopo satis explorata ex pluribus rationibus , monumentisque . Id praclare de Episcopo Barbaro S. Gregorius M. , de Amilio S. Paulinus asseruerunt . Ejusd. Episcopi Emilii vindicata Sanctitas , Pontificiaque Legatio pro S. Jo. Chrysostomo . Pauli etiam Diaconi , & ejus Legationis Comitibus Sanctitas . Nemo ad Saeculum v. Beneventanus Episcopus , nisi Civis : Cur dein S. Tammarius , & mox S. Sophius externi homines ad eum Episcopatum elevari . S. Sophii cum Archidiacono Benigno martyrium illustratur .

Ecclésiæ Beneventanæ Originem ab ipsius Christianæ Religionis primordiis repetendam non est , ut heic longius edisseram . De hoc argumento in antecessum elaboratum mihi est in Tom. I. Dissert. III. cujus Titulus , atque argumentum fuit : *De Tempore , quo primum Beneventi suscepta est Christiana Fides : Apostolorum Principis Petri prædicatione , operaque (vel cum is Hierosolymis Romam , Romæ Hierosolymas bis saltem petiturus , quater verò ita , redituque Cistiberinam Italiam transieisset , vel cum demum Romæ perpetuam Pontificatus sui Sedem constituisset) Christi Fidem Beneventanis affuisse , iisque Photinum primum datum Episcopum jam olim probavimus .* Sequuta temporum satis diuturna infelicitas , non equidem fausta illa , quæ pullulascere coeperant , Religionis germina sustulit , sed in eo tantum nocuit , quod sequutorum Episcoporum nomina , quorum sollicitudine , prædicatione , sanguine illa adoleverant , posteritatis memoriæ , ac venerationi inviderit . Postrema tempore omnium , omniumque etiam immanitate sua asperissima , ac sævislima Diocletiani Persecutio , nulli fortasse Ecclesiæ amplius , quàm Beneventanæ profuit ; in cujus certè maximam felicitatem cessisse illud ipsum præcipuè videtur , quod acerbius in ejus Episcopum , sacrosque Ministros Persecutorum furor , gladiusque se gesserit . Habuit enim exinde Christiana Ecclesia , quem inter maximos Athletas suos referret , atque etiamnum sanguine suo viventem ostendere lætetur , Januarium Beneventanum Episcopum , habuit ejusdem muneris , ac Martyrii consortes Festum Diaconum , Desiderium Lectorem : Sed & ipsa habet Beneventana Ecclesia , unde à retroacti temporis oblivione sese subducere queat , vetustioreque illam faciem , qua inter effusissimas dominantis Idololatriæ tenebras coruscare nitebatur , hilariùs demonstret ; nam quibus Beneventum communis Patria fuit , iisdem gloriosissimis Martyribus , Episcopo , Sociisque suis manifestum efficitur , quàm uberes fructus suscepta primitus apud Beneventanos Fides , nunquam interrupta Christiani Gregis , ejusque Pastorum successione , protulerit ; quandoquidem sub Saeculi tertii exitum , ac difficillimis adedò Christianæ Reip. temporibus talis è Beneventanæ Ecclesiæ gremio Antistes , tantæque virtutis Sacri Administri prodiiisse probentur . A Photino itaque ad Januarium , quales Christianæ Religionis felices successus apud Beneventanos extiterint , conjecturâ assequimur ; quandoquidem Episcoporum Nomina , non Numerum ignoramus : Quum enim anno MCXIX. Landolphus II. Beneventanus Archiepiscopus plura Sanctorum Lysana in honestiorem locum recondenda curasset , inter eos quoque (inquit noster Chronographus Falco) *Corpus associavit Beati Joannis XXI. Beneventani Archiepiscopi , qui triginta & tres annos , sicut titulus testabatur , in Episcopatu advixit (1) .* Ex vetustis Ecclesiæ Beneventanæ monumentis Johannem hunc S. Emilii , qui à PP. Innocentio I. ad Imperatorem Honorium in

(1) Inter Scriptor. Ital. Muratorii tom. v. pag. 94. & inter Opp. Cam. Peregrinii tom. iv. pag. 183. Utrobique verò , uti in antecedentibus Falconis editionibus , tam constans est lectio , quæ eundem Numerum XXI. refert , quàm Archiepiscopi nuncupatio Joanni tributa ; sed quàm vera prior illa est , tam falsa , ac præpostera posterior , quam (si è Falconis manu est) pro ævi sui ratione , quando jam Beneventana Ecclesia ,

Archiepiscopalis erat , usurpasse is videtur ; quamquam ipse sese mox emendasse , aut explicuisse voluit , qui Joannem non in Archiepiscopatu , sed in Episcopatu triginta , & tres annos advixisse subdit . VV. GG. Vipera , Ughellius , & Sarnellius in eodem Falconis loco tacita emendatione , Episcopum , pro Archiepiscopo legunt , ac recitant ; sed contra editionum fidem , ac Falconis scriptiorem , cui satis à me factum est .

in causa S. Johannis Chrysostomi ablegatus cum aliis fuit, successorem, Dori verò Episcopi, qui S. Leoni PP. I. coævus fuit, decessorem fuisse pro certo habent Vipera, Ughellius, Sarnellius, ac quotquot Ecclesiæ Beneventanæ Fastos Chronologicos conscripserunt; qui & hunc Johannem circiter annum ccccxlviii. floruisse statuunt. Quum igitur à S. Januario ad Johannem hunc novem duntaxat numerentur Episcopi, qui Ecclesiam Beneventanam administrarint, certum illud consequitur, à Photino ad Januarium undecim alios interjicientes esse Episcopos, qui ad tria propè Sæcula eidem Ecclesiæ præfuerunt, ut scilicet Johannes ipse unius & vicesimi numerum implere possit, qualem certissimo Falconis (qui ex eodem certè monumento, seu sepulchrali Titulo didicisse debuit) testimonio accepimus. Proderit autem maximopere, hunc saltem Beneventanorum Antistitem novisse numerum, qui tribus illis prioribus Sæculis Beneventanam Ecclesiam rexerint; dum enim undecim fuisse jam patet, illud pariter ex eo quidem numero persuasum erit, nunquam Episcopos Ecclesiæ Beneventanæ defuisse, qui perpetua successione, assiduisque laboribus propagare illius Religionem faterentur, eamque eidem comparant dignitatem, quæ, mox pacatis, ac florentibus Christianæ Reip. rebus, luculentius sese explicavit, atque universo Christiano Orbe præfulgere coepit.

Itaque præclarissimo Martyri Januario anno cccv. ad coelestem gloriam evocato Theophilus mox successit Episcopus; eo nempe tempore, quo vix Diocletiani Persecutio defuerat, immo post illius abdicationem vehementius sub Maximiano, ac Licinio recrudescere coeperat; ut ejus Viri virtutem intelligamus, qui manifesto Capitis periculo Beneventanum Gregem sibi pascendum accipere non detraxerunt, perspectumque simul Ecclesiæ Beneventanæ morem habeamus, quæ de Pastore sibi deligendo sollicita semper fuit. Non heic mihi consilium est Beneventanorum Antistitem continuatam seriem contexere, quam in Appendice dabimus, multò quidem castigatorem, ac tutiorem, quàm ab aliis hæcenus lucubrata est. Horum nunc Antistitem duntaxat recolenda memoria erit, quorum illustriori virtute, gestisque præclarioribus vel parta, vel amplificata Beneventanæ Ecclesiæ dignitas fuit. Id certè is, de quo sermo est, Episcopus Theophilus præstitit, cujus nomen non in privatis tantum Beneventanæ Ecclesiæ Fastis, sed in Ecclesiasticis quoque Tabulis celebratum invenio. Melchiade Summum Pontificatum gerente, funestissimo Donatistarum Schismate Ecclesiæ vehementer divexabatur; huic malo abolendo Imp. Constantini, ad cujus Judicium Schismatici importunè diverterant, suavis potius, quàm imperio, Cæcilianus Romæ præfens sistitur, à Pontifice, delectisque Episcopis judicandus. *Convenerunt* (inquit Optatus Milevitanus) *in Laterano, Constantino ter, & Licinio ter Consulibus* (idest Anno cccxiii.) *sexto nonas Octobris, die feria sexta. Cum confedisset Miltiades Episcopus Urbis Romæ, & inter ceteros decimo tertio loco THEOPHILUS A BENEVENTO, his (subdit Optatus) decem, & novem confidentibus Episcopis Causa Donati, & Cæciliani in medium missa est à singulis Cæcilianus omnium supramemoratorum sententiis innocens est pronunciatus* (1). Præclarum equidem tum ex Sedis suæ, tum ex propriæ virtutis præstantia Theophili nomen tunc esse debuit, qui de gravi adeò negotio, cum ipso Pontifice, aliisque delectis Episcopis cognoscere, sententiamque suam ferre promeruit.

Sed præclariore fuere partes, quibus paulò postea, nempe anno cccxlviii. functus est Januarius eo nomine secundus, decimus verò octavus Beneventi Episcopus in celeberrimo Concilio Sardicensi. Pontificii Legati manus cum Osio Cordubensi, Vincentio Capuano, & Calepodio Neapolitano, Episcopis, Januario simul attribuit Beda, cujus verba in suam Decretorum collectionem transtulit Gratianus. *Quarta* (inquit), scilicet post Nicænam (immo quæ & Nicænæ appellatione non tam confundi, quàm condecorari solet, utpote Nicænorum Canonum explicatio, vel confirmatio) *Sardicensis, in qua Patres sexaginta statuerunt Canones xxi., quorum auctor maximè Osius Cordubensis Episcopus, & Vincentius Capuanus Episcopus, & Januarius Beneventanus, & Calepodius Neapolitanus Sanctæ Romanæ Ecclesiæ legati extiterunt* (2). Ac Severinus quidem Binus præ universis Italicis Episcopis sapientiâ, ac sanctitate adeò excelluisse Januarium statuit, ut solum cum paucis aliis præclariorum Italicarum Sedium Episcopis, ad eam Synodum profectis, memorandum existimaret:

(1) Optatus Milevitanus lib. 1. adversus Donatistas, apud Labbe tom. 1. pag. 1429. ubi omnia ejusdem Concilii Romani Acta exhibentur. Meminit ejusdem Concilii S. Augustinus epist. 152. & cap. 3. *Collationis, Ro-*

maque habitam testatur Constantino, & Licinio tertio Cons. dicto nempe anno 313.

(2) Beda de Temporibus cap. 65. Gratianus in Decreti part. 1. distict. xvi. cap. xi.

marit: Ex Italia verò (inquit) lumina clarissima eandem Synodum illustrarunt, nobiles sanctitate, & Illustrum Sedium Episcopi, Protasius Mediolanensis, Severus Ravennas, Lucillus Veronensis, Januarius Beneventanus Episcopi. Hæc ad Italiæ laudem, Beneventanæ Ecclesiæ decus, ac Januarii gloriam Binius; qui tamen de Januarii, uti cæterorum, quos retulimus, Pontificia Legatione controversiam movit in suis ad dictum Concilium adnotationibus, ajens, pluris S. Athanasii faciendum testimonium, qui Pontificis Julii I. Legatos, ejusque Synodi præfides solos commemorat Romanos Presbyteros, Archidamum, & Philoxenum. Verum, uti Binius ipse ibidem de Episcoporum, qui ei Synodo interfuerunt, numero Athanasium nihil definiti habentem, vix audiendum censet, adhibendamque potiùs Sozomeno, & Sozocrati fidem velit, qui Occidentalium Episcoporum trecentos, Orientalium septuaginta sex interfuisse testantur: quid ni, Ofio, Januario, cæterisque præteritis, solos Archidamum, & Philoxenum indigitasse contentus Athanasius fuit, cui certè non illud propositum, institutumque erat, accuratam ejus Concilii historiam contexere, sed suam ex ipso Concilio Apologiam conficere? Cur verò Ofius eidem Concilio omnium primus subscriptus? Binas ex totidem vetustis MSS. Ofii subscriptiones exhibet Labbeus, atque in prima Ofius ante omnes alios sic habet: *Ofius ab Hispania Episcopus Civitatis Cordubensis*: in altera vero: *Ofius ab Hispania Cordubensis* (1). Opinatur Binius, Ofium Patronum Synodi egisse, definienda nimirum proposuisse, & singulorum sententias (quod ad officium Patroni Synodalis pertinet) rogasse (2). At Binii opinionem de Ofii patronatu, ex proprio ingenio deductam facillè rejiciendam existimabimus, ut Ofii potiùs, nostrique Episcopi Januarii Legationem, tum Bedæ, tum Gratiani testimonio affirmatam tutiore sententiâ retineamus.

Atque id profectò retinendum suadent Acta Concilii, in quibus scuti Canonum condendorum præcipuum Ofii munus fuisse legimus, ita (ut de Januarii Legatione simul constet) eandem muneris partem Januarius implevit, cujus rogatione Canon XVIII. in hæc verba sanctus fuit: *Januarius Episcopus dixit: Illud quoque Sanctitas vestra statuat, ut nulli Episcopo liceat alterius Civitatis hominem Ecclesiasticum sollicitare, & in sua Dioecesi ordinare Clericum, quia ex his contentionibus solent nasci discordia; & idè prohibeat omnium sententia, ne quis hoc facere audeat* (3). Quid, quod quemadmodum Ofius, ita ante alios, sed post Vincentium Capuanum, Calepodium Neapolitanum, ejusdem muneris consortes, Januarius ceteris Episcopis subscriptionem suam præmittit? Ita certè quinto loco is habet: *Januarius Episcopus Beneventanus*; ut in præcipuo ejusdem Concilii exemplari ex interpretatione Isidori Mercatoris legere est (4). Immo, quod rem omnino conficit, est ejusdem Concilii antiquus MS. Codex, ubi (uti laudatus Labbeus observat) post Ofium recentur hi tres: *Vincentius de Capua Legatus Sanctæ Ecclesiæ Romana: Januarius de Benevento Legatus Ecclesiæ SS.* (idest superscriptæ): *Calepodius Neapolitanus Legatus Ecclesiæ SS.*; ut jam de ea re vix ulla dubitatio superesse possit; veraque nobis Bedam, ac Gratianum narrasse credamus; quorum etiam fidem de tradito Episcoporum numero, horum subscriptionibus sexagenarium circiter numerum in vetustissimis Exemplaribus non excedentibus, jure merito tueri possumus (5).

Sed nondum à dictis præfati Concilii subscriptionibus discedere nobis licet; ex quibus dum nobis Januarii Beneventani Episcopi Pontificiam Legationem comprobasse datum est, arrepta aliis aliquando occasio fuit, ut Beneventanam Ecclesiam inter Campaniæ fines, ac ei propterea Urbi, quæ Campanæ Regionis Metropolis esset, veluti subditam comminiscerentur. Ac

(1) Vid. P. Labbeum tom. II. Concil. p. 687. & 691. edit. Venet.

(2) Apud eund. Labbeum l. l. pag. 719. Præter Binium, eandem quoque sententiam propugnavit Cl. Christianus Lupus Dissert. De Synodo Sardicensi cap. 2. tom. I. Opp. p. 315., cui jam pag. 155. not. (a). tom. I. Antiq. Beneven. à me responsum est.

(3) Apud d. Labbeum l. l. pag. 679. & iterum 686., sed eo in MS. Justelliano eidem Canonum numero XVII. atque hæc verba tribuantur: *Januarius Episcopus dixit: Illud præterea statuat sanctitas vestra, ut nulli Episcopo liceat, alterius Civitatis Clericum sollicitare, & in suis Parochiis ordinare. Universi dixerunt; quia ex his contentionibus solent discordia nasci, prohibet omnium sententia, ut ne quis hoc facere audeat.* Ibid. pag. 689.

(4) Ibid. pag. 687.

(5) Duo subscriptionum Episcoporum exempla Lab-

beus exhibet; alterum ad calcem Canonum ejusdem Concilii ex interpretatione Isidori Mercatoris; alterum ex MS. Justelliano. In utroque exemplo non alii, quàm novem supra quinquaginta Episcopi nominatim subscripti leguntur. Horum subscriptionibus hæc in posteriore exemplo præfixa sunt: *Item nomina Episcoporum, qui Synodo Sardicensi adfuerunt, & subscripserunt iidem in judicio.* Post traditas autem singulorum subscriptiones ita in fine legitur: *Episcopi omnes numero, unus de sexaginta; vel, ut ex alio MS. Codicè Labbeus ibi in margine notat: sexaginta, & unus.* Non ego ex his, veriori, ac sane ingenti Episcoporum numero, quem superius indicavimus, litem moveri velim; excusandum potiùs dixerim Bedam, qui in vetustis Exemplaribus eas subscriptiones nactus, ex iis, non tam universis Episcopos, qui Concilio interfuerunt, quàm illos duntaxat, qui præcipuè Canones statuerant, intelligere voluit.

Ac Camillus quidem Peregrinius Beneventanam Urbem, tum ex aliis, tum ex eo Campaniæ adscribendam contendit, quod in Synodo Sardicensi Beneventanus Januarius subscriptionem suam hisce verbis exaraverit: *Januarius à Campania de Benevento*: morem scilicet satis tum receptum sequutus, quo singuli Episcopi non solum Urbium, quibus præessent, verum etiam Regionis, seu Provinciæ, cui adscripti essent, simul nomina commemorare consueverint. Has Peregrinii observationes, siue dixeris commenta, Tomo I. Dissertatione IV. refutavimus, ubi de *Veteribus Magistratibus Beneventanis* agentes, singulis illius argumentis satisfacimus à pag. 150. ad 154. Ad Januarii subscriptionem quod attinet, satis etiam tunc, ac nunc quoque veluti in antecessum fecisse videmur, quum genuinam Januarii subscriptionem paullo superius recitavimus: non aliud enim, quam *Januarium Episcopum Beneventanum*, vel *Januarium de Benevento Legatum Ecclesiæ Romanæ*, qui antiquioris ætatis, meliorisque fidei sunt MS. Codices, legendum nobis offerunt. Est præterea in ejusdem Synodi fragmento, quod ex MS. Justelliano Labbeus adjecit, altera Januarii subscriptio superius relata: sed Peregrinius non tam usus illa videtur, quam suo abusus ingenio, qui, verioribus aliis subscriptionibus vel ignoratis, vel potius dissimulatis, ex eo *Fragmento*, quo nihil habetur mendosius, quodcunque fortuitum reliquis argumentis suis adminiculum comparare sategit. Non equidem negamus, neque etiam Capuæ invidemus, quod inter Campanas Urbes Princeps Urbs ipsa constiterit; hoc ei decus, hanc prærogativam ipsius Sardicensis Concilii Acta, siue S. Athanasii testimonium manifestè adjudicat, qui in sua ad Solitarios Epistola disertè commemorat Vincentium Episcopum Capuæ, quæ Metropolis est Campaniæ. Missis (inquit) à S. Concilio in legationem Episcopis Vincentio Capuæ, quæ Metropolis est Campaniæ, & Euphrate Agrippinæ, quæ Metropolis est superioris Gallia &c. Sed id primò statuendum erit, non de Ecclesiastica, sed Civili Metropoli loquutum fuisse Athanasium; quod quum Archiepiscopus Petrus de Marca non satis animadvertisset, Capuam Athanasii testimonio Ecclesiasticam Campaniæ Metropolim intellexit, quæ tamen minuta Capite pristinam dignitatem circa annum DCCCCLXXX. recuperavit beneficio Joannis Papæ (1). Fucum certè Viro docto facere debuit Hominis conditio, idest Athanasii Ecclesiastici, atque Episcopi, à quo id tradebatur testimonium: hinc & alibi eodem utitur testimonio, ut Coloniam Agrippinam simul commemoratam pro antiquissima Ecclesiastica Metropoli accipiendam arbitretur. Athanasius quoque (inquit) quæ eas oras lustraverat, cum in Comitatu ex Aula Principis apud Treveros versaretur, inter ceteros Episcopos suæ communionis recenset Euphratem, Episcopum Agrippinæ *μετροπολεως τῆς ἀνω Γαλλίας* in Epistola ad Solitarios... Itaque post Athanasium de jure Metropolitico Colonia amplius disputare nefas esse duco (2). Immo fas semper, & ubique erit, id non disputare modò, sed planè inficiari, dum disertissimis, indubieque fidei monumentis satis liquet, multo quidem seriùs Coloniam Agrippinæ Metropolitici juris fuisse exordia, quæ non ante Sæculum VII. ac Zacchariæ Pontificis indulgentia, auctoritateque agnoscere licebit. En Zacchariæ verba, Epist. IX. ad Bonifacium Archiepiscopum, quæ vel Marcæ ignota, vel dissimulata fortasse fuit: De Civitate illa, quæ nuper Agrippina vocabatur, nunc vero Colonia, juxta petitionem Francorum, per nostræ auctoritatis præceptum nomini tuo Metropolim confirmavimus, & tuæ sanctitati direximus pro futuris temporibus ejusdem Metropolitane Ecclesiæ stabilitatem (3). Cur verò, non tam pro ejus Civitatis dignitate, quam Bonifacii Archiepiscopi meritis, eam Sedem in Metropolim extulisse voluit Zaccharias, quam à Sæculo IV. eo jure præditam nosset? Sed eo jure excidisse potuit, uti Capuam Capite minutam, rursus Sæculo X. restitutam Marca affirmavit; nihil inanius: neque enim Capuam, Agrippinamque hanc Capitis diminutionem aliquandò passas legere est; neque juribus suis semel, legitimeque quæsitis sese tam facile spoliari, aut ipsæ negligentius uti putandæ sunt Ecclesiæ: congruentius itaque fuerit, ut Athanasium de Civili Metropoli loquutum dicamus; vel si Ecclesiasticam cogitavit, is certè Ægypti sui more, ubi veræ Metropoles tunc temporis habebantur, non aliarum Regionum, præsertim Suburbicariarum jure, cujus ignarus fortasse fuit, id vocabulum usurpavit, eandem, quas Civiles ejusdem Regionis nosset, Ecclesiasticas simul esse Metropoles arbitratus.

Haud fecus de ea re erravit Michael Monachus, cui tamen durum visum fuit, ut universæ tunc temporis Campanæ Ecclesiæ uni Capuanæ subessent. Ingenue (inquit) fateor ex Epistola S. Athanasii necessariò non concludi, cunctas Ecclesias Campaniæ fuisse sub una Capuanæ consi-

(1) De Concord. Sacerd. & Imper. lib. I. cap. VII.

num. IV.

(2) De Primatu Lugdunensi, & aliis Primatibus.

(3) Apud Labbeum tom. VIII. Concil. pag. 53. Vid. etiam Epist. X. in fine.

stitutas; nam ille Sanctus phrasi quadam consueta sibi usurpat genitivum pro ablativo loco, ut notat Baronius anno 355 n. 12. ideo appellare Capuam Metropolim Campaniæ, est, eam in Campaniâ Metropolim appellare (1). At dum rem componere Monachus nititur, in graviorem incidit errorem: non enim, nisi absurdum sonat, ut scilicet plures ejusdem Provinciæ, seu Regionis essent Metropoles Urbes, quales is, Capuam non Campaniæ, sed in Campania Metropolim approbans, statuere cogitavit.

At de Civili quidem Metropoli, non nisi singulis Provinciis singulas Urbes eo jure, sive majestate præditas, certò docet (ut alia plura præteream) Spartianus cap. 14. Vit. Hadriani, qui Antiochenſes ita odio habuit, ut Syriam a Phœnice separare voluerit, ne tot Civitatum Metropolis Antiochia haberetur; docet & Strabo, qui lib. xvi. Tyrum, ac Sydonem Urbes antiquas, ac illustres appellans, controversum manere addit, ultra eam Phœnitiâ Metropolis dici debeat. Separandam itaque a Phœnicis regione Syriam opus fuisset Hadriano, potius, quam ut in eadem regione alteram, Antiochiæ æmulam, Metropolim simul constituere sibi fineret: Inter Tyrum verò, ac Sydonem litem adhuc esse ait Strabo, nam quod utrique attribui nequaquam poterat, alterutri certè Metropoleos jus adjudicari oportebat. Res autem ex eo quoque comprobari videtur, quod singulis regionibus, sive Provinciis unus, qui præficeret, præficeretur, isque in ea Urbe, quæ Metropolis esset, sedem tenere consuebat: qua ratione Metropoles Provinciarum passim dignoscebantur: quo etiam exemplo factum postea fuit, ut idem nomen ad Ecclesias transferretur, illaque Ecclesia Metropolis appellaretur, ubi Episcopus totius Provinciæ primas resideret (2). Sed manifestius id patebit, si Ecclesiasticam Metropolim, de quo mox sermo erit, attendamus. Interim mirari subit, absurdum Monachi sententiam Episcopo Sarnellio adeò placuisse, ut collaudandam, adoptandamque sibi duxerit, nihil incommodi ex eo processisse ratus, quod Beneventum, antiqua Samnii Metropolis, modò Apuliæ, modò Campaniæ regionibus adjudicata fuisse permittatur, quandoquidem suam Metropolitancam prærogativam, cum aliis simul earum regionum Metropolis incolum sibi servavit. Metropolis quidem nunquam esse desit Beneventum, non quod aliis adscripta regionibus, veteri dignitate sua defecisse nequiret, aut frui quodammodo fineretur; sed ideo factum fuit, quod è Samnii sui finibus nunquam divulsa Beneventum, ejus Provinciæ antiquum decus, & nomen præclarissima ipsa Samniticarum Urbium Princeps, ac perpetua Metropolis retinuerit; atque uti Consularis in Campania, ita in Samnio Præfæs, distinctis utriusque Territorii finibus, ultra quos neutri fasces suos proferre fas esset, ille Capuam, hic Beneventum imperii sui sedem haberet; ut latius in dicta Dissertatione demonstravi.

Idem verò, quod hæcenus de Civili, statuendum pariter de Ecclesiastica Metropoli erit: Metropolitanum nomen ex eo derivatum docet Rhabanus, quod præſideat illi Civitati, quæ cæteris Civitatibus in eadem Provincia constitutis quodammodo Mater sit (3). Quamquam verò non id perpetuum fuerit, ut Ecclesiasticæ Metropoles Civilium finibus continerentur, sed modò angustiores, modò latiores terminos fortirentur, sicuti Christianæ, Ecclesiasticæque Reip. utilitas, aut necessitas postulare (4), ipsæ tamen Civilium divisionem, ac Territorium ferè semper consecrabantur, illisque, quoad fieri poterat, respondebant; ita ut eadem Urbs, Civilis æquè, ac Ecclesiastica Metropolis esset, quæ sicuti Provinciæ Caput habebatur, neque ipsa Provincia, uti diximus, biceps esse, alteramque Metropolim, duosque, aut plures æquos Magistratus admittere poterat, ita & unum Episcopum Metropolitanum agnoscere debe-

(1) In Sanſuar. Capuan. part. III. pag. 382.

(2) Vid. Norſum de Epoch. Syr. Mac. Dissert. IV. cap. 3.

(3) Rhabanus Maurus de Instit. Cleric. lib. I. cap. v.

(4) S. Iſidorus Etymol. lib. VII. cap. I. relatus à Gratiano Distinct. XXI. cap. I. Metropolitanam a mensura Civitatum vocantur: singulis enim Provinciis præſident, quorum auctoritati, & doctrinæ cæteri Sacerdotes subſecti sunt, sine quibus nihil reliquos agere licet Episcopos: Solitudo enim totius Provinciæ ipsis commissa est: ubi Glossa in verbo (a mensura) numerum Civitatum declarat, quibus Metropolitanus constitui solet: Quia (inquit) decem, vel undecim (Civitates) debet sub se habere, ut 6. q. 3. c. Scitote. Hunc quidem Civitatum numerum requirit Pelagius II. Episc. VIII. ab

eadem Gratiano relatus in C. Scitote 6. q. 3. Sic Anglis recens conversis ad Fidem, Magnus Gregorius ad Augustinum scribens lib. XI. epist. Lxv. al. xv. duas Metropolitanas Sedes constituit in Britannia, unam, Londini, alteram Eboraci, ita tamen, ut per singulas Metropoles ordinarentur duodecim Episcopi: quod & meminit Beda lib. I. cap. 29. Sed is Episcoporum numerus non semper constans esse in singulis Metropolis potuit, dum aliæ Provinciæ majores, aliæ minores fuere pro arbitrio, nunc paucioribus, nunc pluribus prædicto numero Urbibus cuique Metropolitanæ attributis. Hinc Zaccharias PP. I. Moguntinam Ecclesiam Metropolitanam instituit, quinque duntaxat Civitates eidem attribuit epist. XIII. apud Labbeum t. VIII. Concil. pag. 262.

debeat, qui reliquis ejusdem Provinciae Civitatibus, illarumque Episcopis praeerat. Hanc Ecclesiastici regiminis oeconomiam, quae jamdiu ex majorum instituto servabatur (1), dum melioribus jam temporibus licuit, lata lege constabiliendam Patres Nicæni duxerunt, unum scilicet Provinciae singulis Metropolitanum praeficiendum decernentes, cui cum Episcoporum Comprovincialium consensu ipsius Provinciae Antistites constituere, atque ordinare jus esset: apud quem bis etiam quotannis Episcopi Comprovinciales convenire, deque omnibus, quae ad eorum res, & negotia pertinerent, consilium habere, ac statuere deberent (2). Consentanea *Sacris Regulis* Imperat. Justiniani constitutio fuit, in qua, *Illud* (inquit) *observari sancimus, quod de Metropolitanis antea disposuimus. Is enim jure Metropolitanus vocatur, qui in Episcopos minores ex Sacris Regulis eam potestatem habet* (3). Sed ex Justiniano ipso rei, de qua agimus, comprobandae praeclarissimum exemplum nobis suppetit: Quae fuerit Justiniano causa partitionem illam reprehendendi unius olim Provinciae, quae (uti Zosimus testatur lib. 1.) a Constantino facta est inter Helenopontum, & Pontum Polemoniaco, haud facile constat: in unam denuò Provinciam, ambos illos locos *tredecim comprehensos Orbibus contrahere*, servato solum Helenoponti nomine, atque ab uno tantum Civili Magistratu, Moderatoris vocabulo, administrandam, Justinianus maluit: Hec tum nova Civilis regiminis forma: sed Ecclesiasticarum rerum nihil immutatum. Omnes autem (subdit Imperator) *illae tredecim Urbes unius sunt Provinciae, ut tamen neque alterutri in iis Metropoli (Amaseae scilicet, & Neocaesarea) Metropolitanus nomen detrahatur; & Dei amantes earum Episcopi, Metropolitanus quidem in hac Orbe, qui verò sub Metropolitanis collocati sunt, ab his, qui Metropoles sub cura sua habent (ut hactenus in more fuit) ordinentur: nihil enim circa Sacerdotium illorum innovamus; cum multas ejusmodi institutiones inter Dei amantissimos Episcopos in una etiam Provincia existere, tam vetustum Saculum, quam quod per nos modò exornatur, noverit* (4). Habes igitur in ea Provincia in binas olim partes dissecta binos pariter distinctos Metropolitanos, qui subinde, eadem Provincia ad veterem formam redacta, intactis pristinis Ecclesiastici Territorii finibus, Metropolitanus alter Amaseam Metropolim in Helenoponto, alter Neocaesarem in Ponto Polemoniaco separatim retinerent: Habes, inquam, duos quidem in una Provincia Metropolitanos deinceps permixtos, qui tamen, quod ad Ecclesiasticas Metropoles attinet, non recentem Civilis Provinciae formam, sed veteri servato jure, duas adhuc discretas inter sese, ac sibi peculiares Provincias habuisse re ipsa ostenduntur.

Cave autem, ne Justiniano omnino credas, qui multas ejusmodi institutiones existere affirmat, ut plures nempe in una Provincia Metropolitanos consistere tum vetusto, tum suo aëro solerent. Nihil magis falsum ipsemet prodit Justinianus, qui non in una Helenoponti Provincia duos generatim Metropolitanos constituere novit, sed id duntaxat declaravit, ut duobus illis Metropolitanis rata ejusdem Provinciae vetus divisio, partitioque permaneret. Falsum praeterea demonstrat celebris illa Innocentii PP. I. responsio ad Alexandrum Episcopum Antiochenum: nam quod *sciscitaris* (inquit Pontifex Ep. xviii. Cap. 2.) *utrum divisis Imperiali Judicio Provinciis, ut duo Metropoles fiant, sic duo Metropolitanus Episcopi debeant nominari: non ergo visum est ad mobilitatem mundanarum necessitatum Dei Ecclesiam commutari,*

ALTER

Q q

hono-

(1) Ex Constitutionibus scilicet, quae vulgo *Canones Apostolici*, sive *SS. Apostolorum* vocantur. Audiendus Zaccharias Pontifex Sanctissimus, qui in eam rem eodem *Canones* laudat in Epist. viii. ad Pipinum, Episcopos, & Proceres Francorum sic scribens cap. 1. *Quomodo honorari debeat Metropolitanus Episcopus, eorum Episcopos, & Parochialibus Presbyteris in Canone Sanctorum Apostolorum Capitulo xxxv. scriptum est. Episcopos gentium singularum scire convenit, quis inter eos primus habeatur, quem velut caput existiment, & nihil amplius praeter ejus scientiam gerant, quam illa sola singuli, quae Parochiae propriae, & villis, quae sub ea sunt, competunt: sed nec ille praeter omnium scientiam faciat aliquid: sic enim unanimis erit, & glorificabitur Deus per Christum in Spiritu Sancto. Item in Canone Concilii Antiocheni cap. ix. . . . Item ex libro *Decretorum Beati Leonis C. xxxii.* Quorum verba Pontifex in eadem epistola recitat; apud Labbeum tom. viii. Concil. pag. 242.*

(2) Concilium Nicænum Can. v. & vii. apud Labbeum tom. ii. pag. 328. S. Leo PP. i. epist. 88. cap. 2. *Secun-*

dum Sanctorum Patrum Canones Spiritu Dei conditos, & totius Mundi reverentia consecratos, Metropolitanos singularum Provinciarum Episcopos jus tradite sui antiquitus dignitatis intemeratum habere decernimus; itaut a regulis praestitutis nulla aut negligentia, aut praescriptione discedant.

(3) Cod. Justin. Lib. 1. Tit. xv. De Episc. Audient. Leg. xxix. §. ultimo.

(4) Novell. Justiniani xxxviii. De Moderatore Helenoponti cap. 2. Idem jus in Paphlagonia Justinianus ipse sancivit Novell. xxxix. itaut, etsi illius Edicto ea gens in unam Provinciam coalescit, nihil a veteri forma, quoad Sacerdotium, & duorum Metropolitanorum dignitates innovatum sit. Idem denique in Civilium Provinciarum ampliatione servari placuit, Armenia tributa erat in primam, & secundam, & suis Metropolitanis parebat; Justinianus, devictis Barbaris, eum Armeniae fines protulisset, in quatuor eam Provincias divisit. Quae verò (inquit Novell. xxxi.) ad Sacerdotia spectant, ea, ut saepe diximus, volumus in pristina manere forma.

honoresque, aut divisiones perpeti, quas pro suis causis faciendas duxerit Imperator. Quod si Imperatoribus circa Ecclesiasticam formam, dispositionemque, auctoritatem suam proferre aliquando libuit, irritum id fuit. Theodosius junior, surreptitiis precibus Eustachii Episcopi Beryti deceptus, eam Urbem ad Metropolis dignitatem extulit, latâ lege, sive potius privilegio his verbis: Propter multas, iustasque causas, Metropolitano nomine, & dignitate Civitatem Berytum decernimus exornandam, jam suis virtutibus exornatam. Igitur hæc quoque Metropolitanam habeat dignitatem: Tyro nihil de suo jure derogatur: sit illa Mater Provincia Majorum nostrorum beneficio: hæc nostro. (1) Honorariam certè Metropolis dignitatem Beryto indulgisse disertè Imperator demonstrat, qui Tyro, antiquæ nempe Metropoli, nihil de suo jure derogatum voluit: at ubi derogari coeptum fuit Eustachii ambitione, qui Tyri Metropolitæ Dioecesim invadere, multasque sibi Urbes subdere ausus fuit, in Synodo Chalcedonenſi Actione IV. integrum jus Tyrio Metropolitanæ assertum est, Episcopo Berytenſi in ordinem redacto. Atque eo quidem temperamento Concilium Taurinenſe anni CCCXCVII. uti voluit, ut exortas inter Episcopum Arelatenſem, ac Viennensem controversias componeret. Verba libenter afferam, quibus utramque rem, de qua hucusque egimus, confectam dabimus: Illud inter Episcopos Orbium Arelatenſis, & Viennensis, qui de Primatus apud nos honore certabant, a Sancta Synodo definitum est, ut qui ex eis approbaverit suam Civitatem esse Metropolim, is totius Provinciae honorem primatus obtineat, & ipse juxta Canonum præceptum ordinationum habeat potestatem. Certè ad pacis vinculum conservandum hoc consilio utiliori decretum est, ut, si placet, memoratarum Orbium Episcopis unaquæque de his viciniore sibi intra Provinciam vindicet Civitates, atque eas Ecclesias viſitet, quas Oppidis suis vicinas magis esse constitit; ita ut memores unanimittatis, atque concordie non alter alterum inquietet (2). Exemplum alterum ex eadem Synodo Chalcedonenſi habetur; etenim Act. VI. hæc ibi gesta leguntur: Post hæc Diviniſſimus, & piſſimus Dominus noster (Marcianus) ad sanctam Synodum dixit: ad honorem sanctæ Martyris Euphemia, & vestræ pariter sanctitatis, Chalcedonenſium Civitatem, in qua Sancta Fidei Concilium gestum est, Metropolis privilegia habere sancimus, nomine tantum hanc honorantes, salva videlicet Nicomediensium Civitati propria dignitate. Cui sanctioni ab universis Episcopis hiſce verbis acclamatum fuit: Justum judicium Imperatoris (3). Ex quibus profecto exemplis dum Theodosius Berytenſi Urbi, Tyri jure nullatenus derogato, Marcianus Chalcedonenſi, salva Nicomediæ dignitate, Metropolis privilegia communicata voluerunt, id nomine tantum, honorisque specie factum omnino liquet. Constans itaque illud, perpetuumque fuit, quod Coelestinus PP. I. sanxit, ut juxta Canonum decreta, unaquæque Provincia suo Metropolitanæ contenta sit (4). Ratumque, atque indubitatum manere debet, plures in una Provincia Metropoles tum Civiles, tum Ecclesiasticas, nunquam extitiſſe, aut extare potuiſſe, nisi nudo nomine, honorisque tantummodo caussa, vel nisi Provincia ipsa in duas, pluresque partes dissecta, in plures distinctas Provincias, totidemque Metropoles propagaretur. Stet igitur incolumæ Capuanæ Urbi decus, illustri etiam S. Athanasii testimonio comprobatum, Civilem eam Campaniæ, non in Campania, Metropolim extitiſſe: dummodo nihil Beneventanæ Urbis dignitati detrahatur, quæ non in Campania simul cum Capua Metropolis fuit, sed nunquam a nativæ Provinciæ suæ finibus ejecta, nunquam, avulſo veluti Capite, Samnium deſeruit, nunquam Samnii Metropolis esse deſivit.

Hactenus de Benevento Civili Provinciæ Samnii Metropoli præloquendum fuit, ut eo veluti jacto solidiſſimo fundamento, Ecclesiasticam in eadem Urbe Metropolim celerius exurgere inspicere, quàm ut seriſſimæ ætatis addita Privilegia expectentur. Scio hanc Metropolitanæ dignitatem, in iis Italiæ regionibus, quæ Orbicariæ Dioceſeos nomine, ac finibus continebantur, nunquam admiſſum, neque fortasse ante Sæculum X. Metropolitanorum, aut Archiepiscoporum nomen auditum: Ea siquidem Viris eruditissimis infedit sententia, quibus persuasum illud extat, eam amplissimam Dioceſim Pontifici uni Romano, veluti Metropolitanæ, seu potius Patriarchæ subiectam fuiſſe; indeque Nicæni Concilii Canonem VI. manasse, quo inter Romanum Pontificem, Alexandrinumque Patriarcham comparatio instituta fuit, ut (quemadmodum Rufinus eundem Canonem explicat) apud Alexandriam, & in Urbe Roma vetusta consuetudo ſervetur, ut ille Aegypti, vel hic suburbicariarum Ecclesiarum sollicitudinem gerat (5), idest Alexandrinus Patriarcha Aegyptiæ Dioceſeos

(1) Leg. un. Tit. XXI. Cod. Justin. De Metropoli Beryto.

(2) Apud Labbeum tom. II. pag. 1383.

(3) Apud Binium tom. III. pag. 362.

(4) S. Coelestinus PP. I. in epistola ad Episcopos Provinciæ Viennensis, & Narbonensis Cap. IV. apud Labbeum tom. III. pag. 480.

(5) Rufinus Hist. Eccl. lib. X. cap. VI.

quoriam habere debeat eodem jure, quo Episcopus Romanus utebatur in Diœcesi Urbicaria, seu (ut Rufinus elegantissimè loquitur) in Ecclesiis *Suburbicariis*, quæ decem Provinciis Suburbicariis contentæ, quoad Synodum, & Ordinationem, & plenam, liberamque administrationem ad Episcopum Romanum pertinebant. Hinc ille ipse Coelestinus Pontifex, à quo paulò ante audivimus Galliarum Provincias suis quasque Metropolitanis contentas esse debere, ad Episcopos Apuliæ, & Calabriæ (quæ quidem inter Suburbicarias Regiones recensentur) scribens, illarum Ecclesiarum Ordinationes manifestè sibi adjudicat, aliquot Civitatum detestatus errorem, quæ, Clericis posthabitis, Laicos sibi Episcopos eligere pertentabant, *tantumque* (inquit) *fastidium tam vile credere, ut hoc his, qui non Deo, sed Seculo militaverunt, æstiment Nos posse conferre; non solum male de suis Clericis, in quorum contemptum hoc faciunt, judicantes, sed de Nobis pessime, quos credunt hoc posse facere sentientes* (1). Auditum quidem in Italia Cistiberina Archiepiscoporum nomen fuit Sæculo VIII; sed per summum nefas post impiissimi Leonis Haurici tempora eam rem moliri Græci ausi sunt, qui in manifestam Romani Pontificis injuriam hoc pacto auctoritatem suam in Occidentis Ecclesias protendere cogitarunt, si suos ibi Metropolitanos, futuros certè sibi obnoxios, constituerent: excitatæ inter alias tum fuerunt in Calabria antiqua, & in Apulia, Hydruntina, & S. Severinæ Metropoles, quarum meminit Diatyposis Leonis Philosophi, ubi quatuor S. Severinæ Episcopatus submissi leguntur, nullus verò (quod nuperum fuit Græcorum inventum) Suffraganeus Hydruntinæ attribuitur (2). Celebre illud Sergii Neapolitani Episcopi facinus fuit, qui dum à Græcorum Pontifice Archiepiscopatum nancisceretur, ab Antistite Romano (idest Gregorio II.) correptus veniam impetravit (3): abiecit scilicet Sergius eam novam dignitatem, quam sibi ambitiosius ab illegitimo Largitore furripuerat magis, quam sibi comparaverat; ita ut suo Episcopatu contentus, quem Pontificiâ indulgentiâ confirmari sibi obtinuit, summam illius potestatem, quam à nascente Christi Ecclesia Romano Patriarchatui singulæ Occidentis Ecclesiæ profiteri cœperunt, aliarum exemplo, & ipse agnoscere fatiùs habuit.

Quantumvis enim vera hæc videri queant, verum tamen quoque illud stare debet, Metropolitanicam Dignitatem in Suburbicariis Provinciis, si non nomine, plenoque jure, aliqua tamen ex parte, pluribusque de causis permissam constituisse. Non ego quidem ambis pedibus in Petri de Marca sententiam iverim, qui Viris Eruditis *assentiri non posse*, ait, Suburbicarias Provincias Metropolitanis destitutas putantibus, *quum vera ratio in contrariam sententiam impellere debeat* (4). Vera autem ratio in contrarium illa Viro doctissimo visa fuit, quod pleræque ex illis, veluti Campania, Apulia, Brutii, Sicilia, Sardinia, revera in Provinciarum censum adscribendæ sunt, quas certè Romani Pontifices in suis ad peculiare earum Episcopos datis Epistolis veras, atque distinctas inter se Provincias agnoverunt, in eandemque rem, inter alia, Athanasii testimonium de Metropoli Capuæ, ac Gregorii regeſta, Calabriæ, Siciliæ, Sardinia, Metropolitanos commemorantia adducit: Tunc denique concludit, Ordinatione eo modo ab Episcopo Romano celebratas, quo Alexandrinus Episcopus, ex Nicæni Concilii Constitutione, atque etiam Thessalonicensis ex Pontificis Leonis I. delegatione utebantur, nempe, ut, electis Cleri, & Populi consensu Episcopis, Metropolitanis primùm accederet auctoritas, deinde ad ejus relationem decretum Apostolicæ Sedis interponeretur (5). Non, inquam, Marcæ sententia indiscriminatim admittenda erit, quam partim falsam prolata ab eo argumenta produunt. De Capua enim Metropoli, frustra (quod superius jam monebam) Athanasii testimonium adducitur, qui Vincentium Episcopum Capuæ, non *Metropolitanum Campaniæ*, sed Episcopum Capuæ, quæ *Metropolis est Campaniæ*, appellans, non Ecclesiasticam, sed Civilem ejus Urbis Metropolitanicam dignitatem designavit; neque enim plus honoris, quam sibi ipsi Vincentius in suis subscriptionibus in Concilio Sardicensi factis, ac superius recitatis, vel eidem Vincentio alii unquam tradidisse inveniuntur, Athanasius tribuisse dicendus est; ut qui inter Episcopos Campaniæ recensentur, eorundem Episcoporum Metropolitanos audire solius Athanasii ore jam tum inciperet. Nec Marcæ fides, qui lectores suos ad Gregorii Regeſta ablegat, *in quibus* (inquit) *Apulia, Calabria, Sicilia, Sardinia Metropolitanos videre est*. Si Sardiniam excipias, quæ insula, satis diverso jure à cæteris Pro-

ALTER

Q 9 2

Pro-

(1) Epist. xxi. ad Episcopos Apuliæ, & Calabriæ apud d. Labbeum l. i. pag. 482.

(2) Apud Petr. de Marca de Concord. Sac. & Imp. lib. 1. cap. 7. num. 4.

(3) Johan. Diac. in Chron. Episc. Neapol. Scriptor. Ital. tom. 1. part. 11. pag. 307.

(4) De Concord. Sac. & Imp. lib. 1. cap. vii.

(5) Ibid. num. 7.

Provincia Suburbicariis censebatur (1), contrarium omnia eadem Gregorii Regesta nostris oculis exhibent: quod de Sicilia, etsi ipsa Insula esset ab extrema Italia separata, manifestissimum erit. Nullum Gregorii ævo, idest ad Sæculum VII. fuisse in Sicilia Metropolitanum ostendunt primò Epist. 18. Lib. I., & Epist. 24. Lib. II., quibus Pontifex Episcopos pro Sicilia ordinandos Romam transmitti jubet. Secundò Lib. II. Epist. 7. ad Maximianum Syracusanum Episcopum, cui Sedes Apostolicæ vices committens, ipsi de minimis in Sicilia causis judicare permittit. Tertiò Lib. VII. Epistolæ 5. inscriptio, ad plurimos Metropolitanos distinctè nominatos, & omnes Episcopos Siciliæ, quibus si Metropolitanus fuisset, cum aliis præmemoratis & ipse nominatus legeretur. Quartò, quod Episcopi Siciliæ Romam ad celebrandam Synodum triennio quoque convenire obstricti, non ea quidem subjectione soluti, sed ut quinquennio quoque ob loci distantiam, ac maritimi itineris difficultatem, adirent, à Gregorio impetrarunt (2). Denique prima omnium Gregorii Epistola, à qua Liber I. exordium habet, præclarissimum omnium rei testimonium est: Data enim legitur ad Universos Episcopos Siciliæ, quos ad annuas Synodos, vel Syraculis, vel Catanæ celebrandas compellit. An verò, si alterutra Civitas Ecclesiastica Metropolis fuisset, vel alibi Siciliæ Metropolitanus constitisset, eam sollicitudinem ostendisset Gregorius? vel non præcipuè Metropolitanò, reliquisque Episcopis mandandam, duxisset? Immo & videas Gregorii œconomiam, qui tantum abest, ut de Metropolitanò cogitaret, aut jus aliquod induceret, ut non unam, certamque Civitatem, sed duas permixtum, Episcoporum arbitratu, designaverit, ne si illarum alterutram ipse statuisset, constituere ibi simul Metropolim quodammodo videretur. Adde etiam, quod eas vices, quas Gregorius Maximiano Episcopo Syracusano commisisse superius memoravimus, non loco, sed personæ se tribuisse Pontifex disertissimè declaravit, ne scilicet ejus Cathedræ Successores in eadem quoque successisse dignitate, aut Primatus, siue Metropoleos jus aliquod sibi vindicare molirentur (3).

Latiùs de Sicilia, per tractanda, comprobandaque res mihi fuit, ut ejus exemplo certissimum argumentum de aliis Suburbicariis Provinciis mihi compararem. Si enim nullum in Provincia Sicilia Metropolitanum, Gregorii ætate, fuisse constat; immo tam cautè Gregorius egisse videtur, ut Metropolita jura sibi servaret; quis unquam Metropolitanos somniare poterit, aut obtrudere ausit in reliquis Provinciis, quæ nec regionis distantia, distat, nec ullo freto disjunctæ, sed verè suburbicariæ ad Romanam Cathedram, ipsæ etiam locorum continentia, pertinebant? Nullus itaque Gregorio locupletior, nullus sincerior testis adhiberi potest, ut nullum ad septimum usque Sæculum in nostra Cistiberina Italia Metropolitanum fuisse sciamus; nullum etiam in Transiberina pari modo ex eodem Pontifice discimus, qui Epistolam XVII. Lib. I. dedit ad *Universos Episcopos Italia*, monens, ut, Rege Authari jam mortuo, filios Longobardorum in *Ariana heresi baptizatos ad Christianam fidem statim conciliarent*. Non, inquam, ad singulos Metropolitanos Italiæ (quem morem in aliis Regionibus, ubi Metropolitanis aderant, constanter servavit) sed ad universos Episcopos Italiæ, quorum ipse Romanus Pontifex Metropolitanus erat, scripsit Gregorius: siue is verò Italiam, quâ longè ad Fretum Siculum excurrit, siue quæ ab Alpibus ad Tiberim terminatur, intellexerit, utramque profectò Metropolitanis caruisse jam probavimus; utque ad nostras Regionem, ipsamque Campaniam redeam, rem omnem insigni Erchemperti testimonio concludam, qui de Capua, ejusque Episcopo Landulfo circiter annum 873. hæc habet n. xxxvi. *Per idem tempus jam dictus Cæsar (Ludovicus II.) Landulfum in familiaritatem alliciens, tertium in Regno suo constituit. Qua elatione erectus Archiepiscopatum totius Beneventi omni aviditate, & ut Capua Metropolis fieret, quaesivit: Sed, non Domino sentente,*

(1) Metropolitanum Sardinie meminit Gregorius lib. IX. epist. VII.

(2) Tempore S. Leonis PP. I. Episcopis Siciliæ quotannis ad Synodum Romanam conveniendum fuit, hac tamen indulgentia, ut non omnes, sed terni ad diem tertium Kalendarum Octobrium Romæ se sisterent. Ita ipse Leo in epistola IV. ad universos Episcopos per Siciliam constitutos data anno 449. ubi cap. VII. sic habet: *Quare illud primitus pro custodia concordissimæ unitatis exigimus, ut quia saluberrimè a SS. Patribus constitutum est, binos in annis singulis Episcoporum debere esse con-*

ventus, terni semper ex vobis ad diem tertium Kalendarum Octobrium Romam æterno Concilio sociandi occurrant. Qua ex epistola, ejusque inscriptione, illud semper comprobatur manet, nulum in Sicilia fuisse Metropolitanum, sed jus omne Metropolitanicum apud Romanum Pontificem extitisse, uti liquet ex altera ejusdem Leonis Epistola CIV. pag. 101., & pag. 179. Operum S. Leonis edit. Venet. 1741.

(3) Vid. notas PP. S. Mauri ad distam epist. I. Libri I., & epist. V. Libri VII.

nente, ad perfectum minime pervenit (1). De hoc Erchemperti loco mox sermo redibit: Interim satis certum, exploratumque retinemus, Capuam (nisi de Civili Metropoli agatur, quam solam Athanasius intellexit) ad Sæculum decimum nunquam Ecclesiasticam Metropolim extitisse; si enim fuisset, cur Episcopus Landulfus, non tam Augusti Ludovici gratiâ fretus, quàm ex ejus in Beneventanos odio, a quibus Captivus factus fuerat, occasionem arripiens, Archiepiscopatum totius Beneventi (idest universi Beneventani Principatus) & ut Capua Metropolis fieret, quaesivit? Sed neque Landulfi ambitioni, neque Ludovici impotentiae optatus rei successus respondit: Maximi quidem res illa momenti erat; nec ita facile Ecclesia Beneventana juribus suis spoliari poterat, quibus supra reliquas Regionis Ecclesias, à Sæculo usque quarto dum Samnii sui Caput erat, mox præ universis Italiae Cistiberinæ Ecclesiis, augusta Longobardici Principatus sedes effecta, quammaximè eminebat. Arduum verò, ac planè difficillimum, Archiepiscopatus, & Metropolis vocabula, prærogativæque in his Regionibus instituere, ubi Romanus Pontifex à nascentis Ecclesiæ primordiis eo jure potiebatur.

His adversus Petri de Marca sententiam ritè animadversis, qua nunc parte eadem sententia probari possit, aperiā. Et quidem non aliunde tutius, atque opportunius, quàm ex eodem Magno Gregorio rem statuere libet. Primum itaque, illud mihi satis probatur, universos Episcopos per Suburbicarias illas decem Regiones distributos, uni licet, ac soli Romano Pontifici, suo nempe Metropolitano subjectos, non unius tamen Provinciæ jure, nomineque censitos; Heinc, quum de Episcopis ageretur, eorumque Metropolitano, non ex Regiones in unam veluti Provinciam coaluisse videbantur, sed distinctæ invicem, seque inter separatæ, quoad ipsas etiam Ecclesias, Civilem formam, ac dispositionem sequebantur. Sic Pontifex Innocentius I. peculiares Epistolas dedit, alteram ad Maximum, & Severum Episcopos per Brutios constitutos, alteram ad Agapitum, Macedonium, & Maurianum Episcopos Apulos, quibus sic scribere orditur: *Multa in Provincia vestra contra Canones Ecclesiasticos, Decretaque Majorum usurpari a plurimis, & relationes diversorum, & suggestiones fidiissime retulerunt* (2). Ita quoque Pontifex Coelestinus I. eam, quam paullò superius memoravimus, Epistolam ad Episcopos Apuliæ, & Calabriae dedit. Sed & Pontificis Leonis I. Epistolæ sunt non solum ad Universos Episcopos per Campaniam, & Picenum, Tuscaniam, & per universas Provincias constitutos, idest reliquas Provincias Suburbicarias, quas Romanus Pontifex Metropolitani jure administrabat, verum etiam ad universos Episcopos per Campaniam, Samnium, & Picenum constitutos (3), ut videas, peculiarem de singulis Provinciis rationem à Summis Pontificibus habitam, earumque antiquam divisionem illorum judicio, auctoritateque probatam; videasque simul (quod heic animadvertisse præstat) inter eas Provincias Samnium memorari, recenserique, quod nunquam vel aliis Provinciis adjudicatum, vel nomine, ac dignitate sua collapsum evanuit; sed adhuc Leonis ævo, adhuc Gregorii tempore, qui pluries de illo meminit, feliciter consistebat.

Quum igitur hæ Provincie omnes inter sese distinguerentur, ac suis quæque Episcopis censerentur, qui ex propriis Parochiis, sive Diocæsi-bus, quas singuli suo jure administrabant, unam simul omnes proprio nomine appellatam, suisque finibus, ac territorio contentam Diocæsim, sive Ecclesiasticam Provinciam constituebant, necessariò consequitur, eorundem Episcoporum aliquem, inter alios Coepiscopos, quendam veluti Primum obtinere debuisse; apud quem cæteri de Ecclesiasticis Provinciæ suæ negotiis consultaturi convenirent; eumque Romanus Pontifex adhiberet, cui sua decreta, gravioreque res in eadem Provincia expediendas, exequendasque dirigeret. En quid pro Provincia Siciliæ sancivit Gregorius in dicta Epistola 1. Libri 1. Illud quoque (ait ad universos Siciliæ Episcopos scribens) fieri debere perpeximus, ut semel per annum ad Syracusanam, sive Catanensem Civitatem universaliter honore, quo dignum est, Fraternitas vestra conveniat: quatenus que ad utilitatem ipsius Provinciæ Ecclesiarum pertinent, sive ad necessitatem pauperum, oppressorumque sublevandam, sive ad admonitionem omnium, atque correctionem eorum, quorum excessus contigerit, demonstrari, congrua debeatis moderatione disponere. A quo Concilio procul absint odia, faci-

(1) Inter Opera Cam. Peregrini edit. Neapol. tom. 1. pag. 124. qua sanitur corruptus locus Editionis Muratorianæ inter Scriptor. Ital. tom. v. pag. 22. & vicissim editio Neapolitana emendatur, ubi pro: *elatione cre-* bus: perperam legitur: *electione indeptus*. In Mura-

toriana vero deest: *aviditate*.

(2) S. Innocentii PP. I. Epist. v., & vi.; apud Labbeum tom. II. Concil. pag. 21.

(3) Epist. 1., & Epist. LXXX. pag. 97., & pag. 149. dictæ edit. Venet. 1741.

facinorum nutrimenta, atque invidia interna tabescat, & nimis execrabilis animorum discordia. Sacerdotes suos concordia Deo placita, & caritas recognoscant. Adhuc etiam Gregorius in deligendis, ordinandisque pro eadem Siciliae Provincia Episcopis alicui Provinciae Antistiti, qui tum Cathedræ, tum virtutis dignitate præfulgebat, id negotium commendabat, ut scilicet, si quem idoneum repererit, eum (sunt Pontificis verba ad Maximianum Episcopum Syracusanum Lib. II. Epist. 24.) diligenter examinet; & si ad hunc gradum provehi dignum esse perspexerit, ad nos fudeat destinare, ut eum, disponente Deo, loco, cui præviderimus, possimus ordinare Pastorem. Ex ipso itaque Gregorio, atque ex ipsa simul Sicilia, unde pro excludendo à Suburbicariis Regionibus Metropolitanorum nomine, atque jure manifesta documenta superius habuimus, argumenta nunc nobis uberrima suppetunt, ut qui in hisce Regionibus ad Sæculum usque decimum Ecclesiasticæ Oeconomix status viguisset, revera agnoscamus. Erat siquidem iis Regionibus, sive Provinciis suum discrimen, quo & numero, & nomine, & territorio inter se distinguebantur: Erant singulis Provinciis sui Episcopi, qui earum vocabulo, & finibus continebantur: Metropolitanus autem non erat; Cujus dignitatis jure cum Patriarchatus munere Romanus Episcopus per universos, quaquâ paterent, Suburbicariarum Regionum, seu Provinciarum finesungebatur; ita tamen, ut iis regulis, quæ Ecclesiastico Regimini ritè, rectèque administrando Christiana Ecclesia à suis initiis sibi statuisset, locus esset, scirentque Episcopi singularum gentium (uti vulgati Canones Apostolorum ajunt Cap. XXXV.) quis inter eos Primus haberetur, quem velut Caput existimarent: atque hic quidem in singulis Suburbicariis Provinciis Metropolitanus veluti vices, seu potius munera quædam pro Ecclesiarum necessitate, aut utilitate præfentialiter obeunda exercebat, ejusdem is Regionis Episcopus, cui præter privata merita Sedis suæ præstantia hanc prærogativam vindicabat; hoc etiam honore semper ei Civitati servato, quæ Civilis Provinciae Metropolis habebatur.

Atque hac quidem prærogativa saltem ad Gregorii ævum, seu ad Sæculum usque septimum pro Samnii Provincia, Beneventum contentam esse volumus; dumque nos (ne plus æquo Ecclesiæ Beneventanæ tribuisse videremur) rem totam universam pro aliis Provinciis ad certam sententiam restituentes, ad parem cum cæteris Ecclesiis primatum habentibus conditionem Beneventanam redeamus, neminem futurum arbitror, qui iniquius de Ecclesia Beneventana, quam de reliquis judicare velit: Invidum se, aut certè stipitem se prodet, cui vel dissimulare libeat, vel nescire adhuc contingat vetusta Beneventanæ Urbis decora, ampliora fortasse sub Romano Imperio, quam quum veterum Samnitum res floruisse; excisis enim Boviano, ac aliis maximis Urbibus, quæ sive pares, sive æmulæ Beneventi habebantur, una ipsa Samnii Metropolis effecta, ejus Provinciae nomen, dignitatem, atque imperium servavit. At hæc superiori Libro, suo scilicet loco, edisseruimus, indicemque percurrentibus obvia statim dedimus. An verò, quæ in ipsa splendidissima Samnii Metropoli Urbe exorta cum ipsa Christiana Fide est Ecclesia, nihil exinde sibi præstantiæ, ac majestatis super reliquis suæ Provinciae Ecclesias vindicare vel potuit, vel debuit? Quid verò conjecturis utar? dum documenta præsto mihi sunt, ut id certum, ac manifestum demonstrem.

Magnus ipse Gregorius, qui dux hæctenus nobis fuit, facemque prætulit, ut contrà quam diversà sententiâ, contrariis studiis, vel plus, vel minus æquo alii arbitrati sunt, veteriora de primatialibus Suburbicariarum Provinciarum Ecclesiis nosceremur, vera illa esse, quæ mox à me de Ecclesia Beneventana pronunciata sunt, speciatim demonstrat. Hortonenfis Ecclesiæ Pastore suo viduatæ Visitationem Barbaro Episcopo Beneventano à Gregorio commissam docet ejus Epistola ad Clerum, Ordinem, & Plebem illius Civitatis data, ubi sic ad eos scribit: *Vestri Antistitis obitum cognoscetes, cura nobis fuit destituta Ecclesiæ Visitationem Fratrum, & Coepiscopo nostro Barbaro solemniter delegare* (1). Quod verò Barbarus hic, Beneventanus fuerit Episcopus, ex posterioribus aliis ejusdem Pontificis Epistolis fati liquet, quibus illi Panormitanæ quoque Ecclesiæ Visitationem commisit (2). Cur autem Gregorius præter

morem

(1) Lib. IV. epist. XLII., al. XXXIX.

(2) Lib. XLII. ep. XLII., al. XVI., & seq. Hunc Barbarum Episcopum Beneventanum, qui sub Gregorio PP. floruit, ignorans noster Vipera, desiderandum in sua Chronologia reliquit. Novit, atque recensuit inter Beneventanos Antistites Ughellus, atque ex eo

Sarnellius, illius notitiam ex Gregorii epistola adepti. Variæ ejus Epistolæ XIII. ex MS. Codicibus habentur inscriptiones; quæ in nupera PP. Benedictionum editione legitur, ita habet: *Gregorius Barbaro Episcopo Beneventano*: ad quam eraditi editores hæc notant: *In recentioribus editionibus legitur: Episcopo Beneventano*.
Præ.

morem Beneventano Episcopo tam longè disito Ecclesiam Panormitanam visitandam commiserit, non videre se ajunt Eruditi Editores Benedictini in ejusdem Epistolarum notis, nisi forte (subdunt) quia iis in locis aliis negotiis gerendis detinebatur, vel etiam quia illum virum industrium noverat, & qui aliàs in eo munere praeclare se gesserat, ut cum ei Ecclesiam Hortonensem visitandam commisit. Veri quidem hæc similia, si de Ecclesia Panormitana res sit: sed ad Ecclesiam Hortonensem quod attinet, certum illud affirmari debet, ideo illius Visitacionem Episcopo Beneventano à Gregorio videri commissam, quod ille Primatus jura in Provincia Samnii repræsentaret. Hortonam, Ortium Straboni, Ortonam Plinio (Episcopalem adhuc Urbem Aprutii citerioris sub Archiepiscopo Theatino) inter Samniticas Urbes non mediocrem olim fuisse, atque intra Provinciæ Samnii fines contentam, veteres Geographi docent, memineruntque laudati Benedictini Editores in notis ad priorem Epistolam: censuit itaque Gregorius necessariò illud Visitacionis munus, non propinquiori cuiuspiam Episcopo, sed Beneventano committere, qui in Civili Metropoli constitutus, omnium ejusdem Provinciæ Episcoporum juxta Nicænum Canonem Primus, ac Caput existimabatur; qui propterea illius Ecclesiæ Visitacionem solemniter delegasse testatus, tum Ecclesiasticorum Bonorum administrationem, tum Clericorum Ordinationes, tum denique sufficiens Episcopi electionem cum amplissima facultate permittit. Sed non uno ex Gregorio rem hanc conficiemus; quam is superiorum temporum exempla sequutus pro Ecclesia Beneventana servasse potius, quam instituisse putandus est.

Jamdù igitur ante Gregorium Beneventanæ Ecclesiæ Primatum agnoverat, disertisque verbis Sanctus Paulinus Nolæ Episcopus testatus fuerat: Paulinus Romani olim, post Ecclesiastici Senatus præclarissimum lumen, qui Musas Religioni subdens, si non venustiores, utiliores certè effecit, satis prolixum, atque elegans Epithalamium cecinit in Nuptiis Juliani, & Jæ. Infame admodum in Ecclesiasticis Sæculi v. tabulis occurrit Juliani nomen: Episcopi Memorius filius, & ipse dein successor Episcopus Eclanensis Provinciæ Samnii, S. Augustini antea necessarius, mox illius, imò Orthodoxæ Fidei infensissimus hostis, atque (uti rectè à S. Prospero vocatur) fastidiosissimus Pelagiani Erroris assertor, primo juventæ flore, ac Clericali militiæ cum Lectoris munere adscriptus, conjugem accepit (1). Jæ illius Conjux fuit, nobilissima Fœmina, & ipsa Episcopi Beneventani Æmilii filia. Celebres profecto ex nuptiæ ob utriusque Sponsi, Genitorumque nobilitatem, ac dignitatem fuisse videntur, quæ Paulinum è Nola Ecclesia ad plausus, gratulationesque excitavit; celebriores adhuc ipsius Paulini Epithalamio evasisse dicendæ sunt; qui non solum fausta omnia uberrimo stylo apprecatus, sed tum in Juliani, tum Jæ, tum etiam in utriusque Episcopi Æmilii, Memorisque laudes latius excurrens, ita de his inter alia plura cecinit:

*Hic Vir, hic est Domini numerofo munere Christi
Dives, Vir superi luminis Æmilius.*

Surge,

Præteritus lesionem veterum excusorum, quod firmatur auctoritate R'mensi, quatuor Vaticanorum, duorumque Colbertinorum, & aliorum. In uno ex Colbertinis dissimulato Episcopi titulo, extat solum: Barbaro Carinensi Carinensis Urbis fuit olim Episcopalis apud Brutios non longe a Regio: exilimatur autem Rocbus Pirrus t. xi. pag. 461. intelligendum esse de alia bujus nominis Urbe in Sicilia haud procul Panormo ex ruinis Hyccaris Oppidi constructa, quem tamen an ullum olim habuerit Antiquitatem, incertum sibi esse ait. Nugari igitur voluit Pirrus, qui ex una mendosi Codicis inscriptione, cui cæteri omnes refragantur, Barbarum Siculæ Urbeculæ Episcopum opinari voluit, quam nunquam Episcopalem fuisse Sedem fatetur. Sed non ineptè minus, Theatinorum animos, atque ingenia pervasit opinio, de eodem Barbaro inter suos Episcopos recensendo: Ughellum audiamus in Episcopis Theatinis t. vi. pag. 678. novæ editionis in tertio Episcopo: Barbarum Episcopum, de quo S. Gregorius lib. xv. cap. 39. (veter. edit.) mentionem facit, scribit Theatinum Episcopum fuisse anno 594. conjectura duci quod Gregorius, defuncto Orthodoxo Episcopo, ejus Ecclesiæ visitacionem illi delegavit, quod viciniore Episcopo competere videbatur, finitimus

tunc erat Theatinus Episcopus, quamobrem asserere conantur Barbarum, sive Barbarum Episcopum illam hanc potuisse esse, nisi Theatinum; an vacillet conjectura hæc, illis examinandum relinquo. Hæc Ughellus, qui satis flocci faciendam hanc (si tamen conjectura dici queat) lenissimam conjecturam ostendit tum hoc loco, tum t. viii. in Beneventanis Episcopis, quibus certo calamo Barbarum accenset. Cur verò Gregorius Hortonensis Ecclesiæ visitacionem Beneventano Episcopo delegavit, nunc demum discant Theatini; quod silicet ea Ecclesia ad Samnii Provinciam pertineret, cujus primus, caputque erat Beneventanus Episcopus. Illud verò jam norunt ex Erchemperto, Theatensium telles, & Urbes ad dominium Beneventanorum sub Longobardis Principibus olim pertinuisse. An tandem noster Episcopus Barbarus, vel Barbatus vocandus sit, haud temerè cum Ughello controversiam faciam; quum de Barbaro omnes MS. codices consentiant.

(1) Juliani Episcopi Eclanensis, novique Pelagiani Patriam, Parentes, Nuptias, Episcopatum, Hæresim satis accuratè, eruditèque exponit Card. Norisus Hist. Pelagianæ lib. i. cap. xviii.

Surge, Memor, venerare PATREM, completere FRATREM.

Uno UTRUMQUE TIBI NOMEN in Æmilio est.

JUNIOR, & SENIOR Memor est: mirabile magni

Munus, Opusque Dei; qui MINOR, hic PATER est.

Posteriùs natus SENIOR; qui SEDE SACERDOS

Gestat Apostolicam pectore canitiem.

Filius est, FRATERQUE Memor; latatur adesse

Communem sibimet, pignoribusque PATREM (1).

Hæc tantum carmina, quæ ad rem nostram pertinent, recitare satius duxi, remque ipsam verbis illis Romano charactere expressis perspectam legenti, paulloque attentius consideranti perspicuam fecisse reor. Cur enim Memori Episcopo Æmilii Episcopus PATER simul & FRATER? nisi quod ambo Episcopali munere FRATRES; adhuc verò PATER Æmilii Beneventanæ Ecclesiæ dignitate, quæ Eclanensem subiectam habebat. Cur JUNIOR, & SENIOR Memor? Cur Æmilii MINOR, & tamen PATER? Posteriori natus, & tamen SENIOR? quia etiam Ætate, atque Ordinatione Memori posterior, SEDE tamen SACERDOS, ejusdem Sedis prærogativâ Apostolicam Canitiem, idest Primatus dignitatem referebat. Præclariora hæc sunt, quam ut longiori explicatione opus habeant. Adde nunc hæc eadem à Paulino, tum doctrina, tum sanctitate perillustri profecta, ab eo nempe, qui etiam Episcopus in finitima Regione Campaniæ, Ecclesiasticam disciplinam, juraque omnia in Suburbicariis Regionibus tum servata probè norat, quæ iis vocabulis, phrasibusque tum appositè, tum elegantissimè demonstravit. Hinc nullum invenire erit, Virum doctum, eruditumque, qui non ex hoc Paulini loco eam vetustissimam Beneventanæ Sedis prærogativam supra Eclanensem, reliquasque Samnii Ecclesias manifestam statuerit (2): Camillus ipse Peregrinus probatam, studiosèque confirmatam eam sententiam sibi voluit, atque contraneum suum Michaelem Monachum, qui de fraterna Æmilii, Memorisque consanguinitate (3), priorique Æmilii ordinatione loquutum Paulinum existimavit, acriter refutavit, objurgavitque (4). Habes igitur

(1) S. Paulinus Nol. Poemat. xxxii. vers. ccx.

(2) Johan. Garnerius in notis ad cap. iv. Subnotationum Marii Mercatoris pag. 42. Petrus Jof. Cantelius De Metropolitanis Urbibus P. iii. Dissert. iii. §. viii. Dom. Georgius De Orig. Metropolis Ecclesiæ Beneventanæ, Romæ 1725.

(3) Lapsus etiam in hunc errorem est Ughellus in Ital. Sacr. tom. viii. pag. 16., atque Ughellum totidem penè verbis oscitanter sequutus Sarnellus in Chronol. Benev. pag. 23.: nihil autem falsius, nihil absurdius, ut Memor Episcopus Episcopi Æmilii sanguine frater fuisset putetur, dicaturque. Haud enim tam magnum erat, ut ob solam ætatis, aut ordinationis præstantiam tot Patriis, Fratribus, Minoris, Junioris, Senioris vocabula, phrasisque adhibuisset, ac tam multa carmina de ea levi re effudisset Paulinus. Adde, si ii Episcopi fratres fuissent, haud ita facile inter Julianum, & Jam, idest inter patrueles, repugnantibus Ecclesiasticis Regulis, eas Nuptias permisissas. Plura adhuc peccavit Ughellus, Memorem (quem perperam Memorium vocat) Episcopum Capuanum, Julianum autem non Capuæ, neque Atellæ, sed Calenæ Episcopum affirmans; nam nec ille Capuanus, neque hic Calenæ, sed uterque Eclanensis fuit Episcopus, in qua Cathedra Julianus Memori Genitori successit. Vid. Gard. Norisium l. i., ac Cam. Peregrinum in nota sequenti.

(4) Pauca ex hoc Peregrinii loco, quæ satis tunc videbantur, descripsi Libri superioris Diss. iv. pag. 155. ex ejus Opere in linguam latinam versò à Dukero, quod tunc ad manus erat in tom. ix. P. i. t. Theauri Antiq. & Hist. Ital. à Burmanno editi Lugdun. Batav. 1723. integrum modo locum ipsum dedisse proderit, qualis è Peregrinii vernaculâ linguâ scribentis proprio stilo emanavit Nell' Apparato alle antichità di Capua, e

vero Discorsi della Campana Felice Discorso 1. §. viii. pag. 52. edit. Neapol. 1651. Totus ibi est Peregrinus, ut à Capuanorum Episcoporum albo, ubi à plerisque inscripti fuerant, tum Memorem patrem, tum Julianum filium expungat; ac rectè is quidem tum ex aliis, tum ex hisce, quæ subdit: Leggesi ancora onorevole mentione di questo Giuliano in uno Epitalamio, scritto da S. Paolino Vescovo di Nola nelle sue nozze, mentre egli ancora giovinetto assai applicato agli studi dava buona speranza del suo sapere, ma nulla io vi ritrovai, che dimostrasse nè lui, nè il suo Padre Memorio, il quale similmente fu Vescovo, esser Capuano. Ben più tosto ciocchè di suo Padre vi si ragiona in riguardo di un tal Vescovo Æmilio, dal medesimo Monaco ragionevolmente creduto Beneventano, può appartenere ad un Vescovo Eclanense, o diremo Ercinetino; perciocchè Memorio vi è appellato Fratello, e Figliuolo suo, dinotandosi con questi figurati vocaboli la sua dignità Vescovile, inferiore a quella di Emilio, il quale esser doveva suo Metropolitanus, com'è tutavia della Chiesa Ercinetina la Beneventana; il che della Capuana non sappiamo essere stato giammai, e molto meno in quei Secoli, quando era ancor ella della Metropolitana dignità ornata; del che ne fa certissima Atanasio nel fine dell' Epistola ad Solitarios, della quale dissimularono aver avuta notizia Antonio Caracciolo nella Sett. 10. del cap. 1. de' Sacri Monumenti di Napoli, e Bartolomeo Chioccarelli nel Libro, o sia Catalogo de' Vescovi, ed Arcivescovi della medesima Città. . . . Sicchè parmi, che molto sconsigliamente dal suddetto nostro Michel Monaco, al quale si ben noto nel suddetto suo Libro la suddetta Epistola, sia stato creduto il Beneventano Emilio carnal Fratello di Memorio, e militarmente Padre, nè per la sua Dignità maggiore, ma perchè era asceso a quel grado prima di lui; uscitiogli di men-

tur Sæculo v. Eclanensem Ecclesiam Beneventanæ inferiorem, hancque, ipsius Eclanensis exemplo, à reliquis veteris Samnii Ecclesiis, *Matris* loco, ac jure agnitam, itaut Episcopus Beneventanus aliorum Episcoporum in ea Provincia consistentium *Pater* diceretur, & co-leretur.

Quàm benè autem, quàm egregiè principis Samniticæ Regionis Ecclesiæ dignitatem Æmilii virtus æquavit! Sistendum parumper in Episcopo Æmilio est, ut quibus ipse Sanctitatis, Doctrinæque radiis effulserit, quibus in Christianam religionem, universamque Occidentis, Orientisque Ecclesiam meritis excelluerit, luculentius, quàm hæcenus ab aliis factum est, ostendamus. Æmilii igitur, quem tum ex Episcopali Sede (1), tum ex læ filia nuptiis cum nobilissimo juvene Juliano Eclanensi (2), Beneventanum civem, ac summo loco natum procul dubio affirmamus, genere illustris, præclarior verò moribus fuit; quorum merito per Ecclesiasticos gradus conscendens, in Beneventana tandem Cathedra ritè electus confedit. Utrumque tum electionis, tum obitus annum ignoramus, ut, quæ fuerint ejus Episcopatus spatia, neque monumento aliquo, neque conjecturâ statuere liceat: Atatis, quum Episcopatum adeptus fuit, non admodum provectæ extitisse facilè discimus ex superius recitatis S. Paulini versibus, qui eum *junior* Memore Episcopo Eclanensi, *Seniorem* verò dignitate affirmat; quod & uberrimum laudis argumentum est, dum ante longævam ætatem ita maturefcere virtus visa sit, ut amplissimam dignitatem promeruerit; Ejus virtutis locupletem, fidumque testem Paulinum ipsum habemus, quem de Æmilio audire iterum libet, præclara isthæc, inter alia plura, deprædicantem;

*Hic Vir, hic est Domini numerofo munere Christi
Dives, Vir superi Luminis Æmilius.*

Quantis autem virtutum muneribus à Deo ditatus Æmilii fuerit, quo cœlesti Sapientia lumine, non in Beneventana modò, sed universa Christi Ecclesia coruscavit, illud maxime ostendit, quod Sæculi v. initio difficillimis Reip. Christianæ temporibus præcipuâ ejus operâ Rom. Pontifex Innocentius I. usus sit. Sævissima tunc improbiſſimorum hominum factione, quorum signifer, imprimisque totius mali auctor Theophilus Episcopus Alexandrinus fuit, contra S. Joh. Chrysoſtomum tempeſtas infremuit, qua tempeſtate ipſa ſimul, quæ unum eum Virum præcipuum non modò ornamentum, ſed columen ſibi habebat, tota etiam Orientis Eccleſia jaſtabatur; jamque naufragio proxima in id periculi Chriſtianum Orbem adduxerat, ne Schiſmate Oriens ab Occidente dirimeretur. Terribimam ingentis mali faciem nemo ſincerius, diſertiusque, quàm ipſe Chryſoſtomus nobis depinget: *Scitis* (ait ad Arabum

ALTER

R. r

bium

di mente, che miſtica ancora poteva eſſer la lor fra-
tellanza, e che la precedenza del tempo non poteva
far giuſta proporzione, onde ſoſſe dovuto appellarſi Pa-
dre dall' altro; del che, non ſò, come non teneva fa-
cil memoria l' Uomo ne' ſacri Canoni, e nelle ſacre Lec-
ture aſſai verſato: eſſendo coſa ben manifeſta, che il no-
me di Chieſa Metropolitana val lo ſteſſo, che di Chieſa
Madre, ed i loro Arciveſcovi poſſon diſci Padri de' lo-
ro ſoſſraganei, i quali ſecondo la ſteſſa Metaſora ſon loro
Figliuoli, come Figliuole delle Città maggiori ſon
chiamate le minori nel cap. 5. del lib. x. de' Maccabei ben
due volte. Cepit (ſon le parole del ſacro Teſto ſecondo
la verſion volgata) Gazer Civitatem, & filias ejus; e
appreſſo: Et percuiſit Chebron, & filias ejus: e inten-
do io delle Città, non de' Popoli minori, come alquanto
impropriamente Gaſpare Sancio ha interpretati queſti
luoghi. Ma per qual ragione io laſcierò di recare i pro-
pri verſi del ſudetto Epitalamio Grc. Epithalamii Carmi-
na ſuperius recitaviſimus. Fulconem Remenſem Ar-
chiepiſcopum, primum, aut inter primos, qui Epifco-
pos ſibi ſuffraganeos filios appellavit, obſervat Mabil-
lonius Sæc. v. Benedic. num. 22. id eſt Chriſtiano Sæcu-
lo x., alibi à me notatus. Cæterum neque Garaccio-
lo, neque Chiocearello indignari debuit Peregrinius
de diſſimulato (uti ſuſpicatur) Athanaſii loco, dum
hi vel certè ignorarunt, vel gnari, de Civili Metropoli
loquutum Athanaſium cenſuerunt, meliori quidem
ſententia, quàm quod Peregrinius ipſe ſibi, Capuz-

que ſuæ blanditus putavit; ſed de hac re ſuperius ſatis
diximus.

(1) Neque enim ſecundùm Canonum ſtatuta, niſi
qui Civis in eadem Eccleſia innutritus, morum, doctri-
næque ſplendore apud univerſum Clerum, Populumque
ſe perdiſ probaſſet, Episcopum præſicere cuique Ci-
vitatis ſas erat, uti uberrimè, quàm de S. Januari Pa-
tria ſemel, iterumque diſſeruiſſimus, comprobavi-
mus; alique in eam rem mox opportunè adjiciemus,
quum de S. Sophio, ſive Qadoco Beneventano Epifco-
po, Martyreque ſermonem inſtituimus.

(2) Nobili familia Julianum ortum diſcere licet ex
Mario Mercatore ejuſdem Juliani Antagoniſta, cujus
Libellus, ſeu Codex MS. extat in Bibliotheca Vatica-
na inter Codices Palatinos num. 234. quem *Commonita-
rium* ipſe nominat, atque iſthæc Juliano exprobat p. 5.
Tu ne Sanctæ, ac Beate recordationis Memoris Epifco-
pi filius? Tu Julianæ primariæ foemina, & qua nihil
honeſtius inter reverendiſſimas Matronas invenias, aut po-
tius editus? Eclani (quod poſtea Frequentum, aut potiùs
Quintodecimum fuit, xv. P. M. Benevento diſtans)
natum Julianum cenſet Card. Norſius l. l. idque altera
conjectura indicatum ſubdit, quod *Æmilii Beneven-
tanus filiam Juliano in vicina Urbe degenti, ac proinde
ſibi ſatis ſuperque noto deſpondit; haud certè deſpon-
ſurus, niſi & ipſe Æmilii non modò Episcopatu, ſed &
domo Beneventanus fuiſſet.*

bium) perspicue, inquam, scitis, omnia tumultibus, ac perturbatione plena esse, nec pro Constantinopolitana tantum Urbe, sed pro Uniuerso terrarum Orbe preces fundendas esse; quandoquidem malum initio hinc ducto pestiferi cuiusdam profluvii instar effusum, per Uniuersum Terrarum Orbem Ecclesias peruastat (1). A Petri Cathedra opem flagitavit Chrysostomus, quam sibi praesentissimam statim expertus est, gliscientibus malis opportunè occurrente, validissimumque remedium parante Pontifice Innocentio. Synodus is ex Italicis Episcopis pro rei gravitate consulturis, Romae coegit; quorum unâ sententiâ Concilium Thessalonicae fieri deliberatum; quam in Urbem facilius possent utraque partes Orientis, Occidentisque coire: ex Occidente Episcopos quinque, Presbyteros duos, Diaconum unum deligendos, ex Oriente Patres non tam numero frequentes, quam merito praestantes accerendos, quò magis certa, atque irrefragabilis ferretur sententia: utque rei successus expeditior haberetur, impetrandæ ab Imp. Honorio ad Imp. Arcadium Constantinopoli degentem Literæ, ab electis Occidentalibus Patribus perferendæ: Dedit eas literas Honorius ad Augustum Fratrem, Regiâ quidem gravitate, ac pietate plenas, ubi inter alia, rursus, inquit, scribo pacis Ecclesiasticae avidus, & ingenti cura sollicitus (pacatis enim Ecclesiis, Imperio quoque nostro pax provenit) ut Episcopos Orientales jubeas Thessalonica convenire: Nosti quippe, quod Occidentales Episcopi electos viros miserunt severa constantia, & qui neutram in partem inclinentur amore, vel odio, Episcopos quinque, Presbyteros Romana Ecclesia duos, unumque Diaconum: Quos, ut cum omni honore suscipias, queso (2): Hæc ex Honorii Epistola decerpimus, ut non solum Romanæ Synodi iudicio, sed ejus quoque Augusti testimonio eximiam, Occidentalium Patrum virtutem, quæ perturbato Orienti pacem allatura erat, perspicuam haberemus.

Hujus itaque Occidentalis, sive Pontificiæ legationis ad Thessalonicense Concilium Æmilii Beneventanus Episcopus Princeps fuit: quam ei prærogativam tum Sedis suæ dignitas, tum præsertim spectatissima Sapientiæ laus, Apostolice pectoris robor, contulerunt: Tanto Viro opus erat, qui Sociis veluti præluere debuit, qui scilicet Orientem, utpote turbulentissimæ profunditatis Oceanum, ingressurus intumescentes undique, tum ex Aula, tum ex Ecclesia fluctus, constantia severitate, atque animi puritate compositurus accederet. Quum igitur (rem Palladii verbis prosequemur) Sanctus Æmilii Episcopus, & Cythegius, & Gaudentius, una cum Valentiniano, & Bonifacio Presbyteris accepissent Literas Imperatoris Honorii, & Pape Innocentii, & Italorum Episcoporum Chromatii Aquilejensis, & Venerii Mediolanensis, atque aliorum Epistolâ, necnon Commonitorium Synodi totius Occidentis, publica evocatione Constantinopolim profecti sunt (3). Tres solum ex quinque Episcopis nominat Palladius, ac primi omnium Æmilii Sedem, Sanctitatemque indicasse contentus, reliquorum Cathedras reticet, quas nec Baronius quærendas duxit, Æmilium Episcopum Beneventanum solo Metaphrastis testimonio comprobasse, aut potius reperisse ratus, quem tamen Palladius disertissimè indicaverat (4). Presbyteros dein duos Rom. Ecclesiæ, scilicet Valentinianum, & Bonifacium memorare pergit Palladius, qui tamen eo loco Diaconum silet. Sed neque hic Diaconus ex ipsomet Palladio desiderandus nobis erit, immo mox summa cum laude prodiet, novum adhuc Episcopo Æmilio, atque Ecclesiæ Beneventanæ pretium facturum. Qui Occidentales Patres in ea legatione manerent labores, quæ pericula, ærumnæque, præmonita à Deo narrat apud Palladium Theodorus, adeout (inquit) Sancti etiam Æmilii Diacono Paulo, Viro mississimo, & prudenti, in navis apparuerit Beatus Paulus Apostolus dicens ipsi: Videte quomodo ambule-

(1) S. Jo. Chrysost. epist. cxxi.

(2) Apud Baronium anno ccccv. num. xiv., qui eam descripsit ex Palladii Dialogo de Vir. S. Chrysostomi.

(3) Palladius Episcopus Helenopolitanus in Dialogo de Vita S. Jo. Chrysost. cap. xv. ex editione Græco-Latina Emerici Bigotii Lut. Paris. mdcclxxx. ex qua hunc locum, à Baronio ex alia editione recitatum, emendamus: nam apud Baronium d. ann. 405. num. 15. vix intelligas, quid illud sit, Æmilium, sociisque Constantinopolim conditionibus publicis concessisse: Legendum itaque: evocatione publica, sive evocationibus publicis. Evocationis appellatione cursus publicus, ejusque exhibitio, & concessio significatur: Evocationem autem publicam nonnisi Principis rescripto, ac diplomate concedi, ejusque datæ formam, & licentiam excedere ne-

fas esse, docent passim Leges Codicis Theodosiani Tit. De Cursu Publico. S. Augustinus Ep. i.v. Zenobius Magister Memoriae factus est, & misit nobis Evocationem cum Annonis. Sulpitius Severus Hist. lib. xi. Hilarius quartum jam exilii annum in Phrygia agens, inter reliquos Episcopos, per Vicarium, ac Præsidem data evocationis copia, adesse compellitur. Symmachus epist. 105. lib. 7. de impetratis evocationibus in administrum Pretorie functionis gratias agit.

(4) Ex superiori nota iam liquet, Baronium in mendosam Palladii versionem incidisse, qua ipse usus pleuraque contra scriptoris genuit unum textum exhibet. Palladius itaque sic Græcè loquitur: καὶ ὁ ἁγίος τὸν ἀπὸ τοῦ ἁγίου Ἐπιφάνου ἀποστολὴν ἐπέστειλεν, καὶ καθύπερθε, καὶ ἐπὶ τῇ ἐκκλησίᾳ &c.

buletis, non ut insipientes, sed ut sapientes, videntes, quod dies mali sunt (1). Num Paulus hic Diaconus ille fuerit cum ceteris Legatis ab Romana Synodo delectus, an potius privatus Episcopi sui Æmilii comes, non satis liquet, neque id nosse magnum erit; maximum verò illud est, Viri sanctitatem habuisse compertam, ut, quibus mercibus pretiosissimis onusta Navis ditatura Orientem contenderet, quibus scilicet sanctissimis Viris salutem Orienti præstiturus Occidens eam Legationem instituisset, exploratum habeamus.

Salutem autem suam in profundum malorum prolapsus Oriens suscipere noluit, non averfatus tantum, sed illos etiam, qui afferrent, apertâ vi rejicere, atque ad necem usque infectari ausus. Delectus in Romana Synodo Legatos anno 405. non antè sequutum annum 406. Constantinopolim pervenisse constat, postquam scilicet Atticus (teste Palladio) & ipse alienæ Sedis nefarius inceptor, Arsacio, qui, expulso Chrysothomo, prior Cathedram occupaverat, suffectus fuit: Veriti autem Adversarii, ne non, si iidem Legati Urbem ingrederentur, populus Chrysothomi restitutionem vehementius flagitaret, turbas etiam, si voti compos non esset, excitaturus, non illos admittendos, immo quibuscvis artibus, fallaciisque in suam sententiam pertrahendos, fin verò, minis, injuriis, cædibus, velut adventantes Reip. hostes, arcendos, ac repellendos statuerunt. Tentata igitur primùm Æmilii, Sociorumque constantia est, avaritiæ illecebris, tribus Numismatum millibus oblatis: sed non id tanti erat, neque Thesauri universi valuisent virtutem labefactare. Ad sæva, & crudelia ventum est; quæ neque à barbaris populis, à quibuscvis agrestibus, inhumanissimæque gentibus, quas ferarum more extremus Septemtrio alit, subituri Legati fuissent: nam non Christianæ pietatis tantum Leges fuerunt ignominiosissimè proculcatæ, sed ipsa Naturæ, Gentiumque jura scelestissimè violata: ita ut abscendentes re infectâ Legatos adhuc persequuti Adversarii, deterimæ navi impositos ad naufragium condemnarint, perituros certè, nisi manifesta, & præsentissima Dei providentia, ut incolumes ad sua redirent, servasset. Hæc, quæ a furentibus Chrysothomi, immo Justitiæ, Religionis, Orthodoxæque Fidei Adversariis patrata fuere, satis appositè *Facinora Babylonica* appellat Palladius (2). Verè enim in Orientem, alteram veluti fornacem Legati se iniecerunt, cujus exæstuantibus in immensum flammis Æmilii, sociorumque virtus, ac constantia, assiduo quatuor mensium intervallo excruciatâ, probatio evasit, ac præclarior eluxit; Testem, Laudatoremque Chrysothomum audire operæ pretium erit, qui ad Æmilium, Legatosque, cæterosque ex Oriente revertentes scribens sic eos alloquitur: *Amplissimas vobis ob tantam animi firmitatem, ac studium, & curam, laboresque, & sudores, ac denique ob longam hanc peregrinationem, quam utilitatis Ecclesiarum causa suscepistis, gratias agimus. Etenim*

ALTER

R 1 2

(1) Eadem Apostoli verba habes ad Ephesios 5. 15. in editione Bigotiana legitur Græcè *Επιστάς*, quod amussim latine redditur *Emmelius*. At Bigotius ex scripto Georgii Alexandrini Archiepiscopi emendat in margine *Αποστόλου*, ut jam ex hac emendatione, immo ex ipsa rei narratæ serie, ac contextu nihil dubii superest, eundem hunc fuisse ipsum Æmilium Beneventanum Episcopum, ejusque Diaconum Paulum, cui Apostolus apparuit.

(2) Digna res est, ut ipsius Palladii, five colloquentis cum Palladio Theodori verbis legendi cupidis integra describatur. Prefecti (Legati) Constantinopolim, post quatuor menses redierunt, narrantes Facinora Babylonica: Cum præter Græciam, Athenas navigaremus, detenti sumus ab insecto quadam Tribuno militum, qui statim Centurionem unum nobis adjunxit, non sinens nos Thessalonice accedere. Illic enim propositum nobis erat literas primùm dare Anysio Episcopo. Conjectos igitur nos in duo navigia dimisit: ingruente postea Austro vehementi tribus diebus *Εγεμ* mare, & freta sine cibo trajecimus: circa duodecimam tertiæ diei horam appulimus ante Urbem Regiam juxta suburbana Viæ: *Ὅτι* retenti ab exactioribus portuum, retrò discessimus, cujus autem fussi ignoramus, & conclusi sumus maritimo Thraciæ Castello, Atbyra dicto, Romani quidem in una domuncula, in pluribus verò qui cum Criaco erant, illicque vexati: itaut ne famulus quidem prelo esset, qui ministraret. Cum Literas petissemus, non dedimus, dicentes: *Quid fieri potest, ut qui*

legati sumus, Literas Imperatoris, & Episcoporum, ipsi Imperatori non reddamus? Cum autem eas non dare persisteremus, primus venit ad nos Patricius Notarius, deinde quidam alii, postremum venit quidam Valerianus, e Cappadocia Præpositus unius Militaris numeri, & rupio Mariani Episcopi pollice, signatam Imperatoris Epistolam cum reliquis abstitit. Postridie igitur miserunt ad nos, an Aulici Imperatoris, an Atticus nescimus (ipse enim dicebatur Ecclesiæ Thronum invasisse) qui nobis tria millia numismatum dabant, orantes ut persuasi Attico communicaremus, & de Johannis (Chrysothomi) Judicio taceremus. Quibus non assentientes, perstitimus orare, cum nihil pacificum perageretur, ut sine periculo ad nostras Ecclesias rediremus, visa tali inhumanitate. Idipsum variis revelationibus Servator Deus nobis declaravit, adeo ut Sancti etiam Æmilii Diacono Paulo, Viro mirissimo, & prudenti, in navi apparuit B. Paulus Apostolus dicens ipsi: Videte quomodo ambuletis, non ut insipientes, sed ut sapientes, videntes, quod dies mali sunt: Significante somnio variam illorum fraudem, eamque donis & blanditiis ad adulterandam veritatem. Instans igitur idem ipse Tribunus Valerianus conjectit nos in deterrimam navem, mercede, ut rumor ait, Naclero data, ut perderet Episcopos navigantes, cum viginti militibus variorum officiorum, & statim nos Atbyris expulsi. Cum navigassemus Hadia plurima, & jam jam perituri essemus, appulimus Lampacum, & inde mutata nave vigesimo die appulimus Hydruntum.

quantò gravius eos, qui omnia perturbant, iudicium manet, tantò quoque majus, uberiusque vobis pramium expectandum est, qui ad ea, quæ ab aliis sceleratè, ac nefarie admissa sunt, corrigenda tantum patientia, studiique adhibuistis Nam etsi nihilo meliore statu res est, tamen ipsi, quod muneris vestri erat, præstitistis; eoque nomine plena, numerisque omnibus absoluta merces à Deo vobis constituta est; ut qui ad medicinam admissis sceleribus afferendam, tanto studio, tantaque animi alacritate perpetuo usi essis (1). Hæc ad Æmilium, Comitæque legatos Chrysostomus, quæ, quia ex Chrysostomo sunt, maximi elogii instar habebimus, quo præclaro veluti Epilogo Æmilii Sanctitas tot virtutibus comprobata, aliorumque præconiis celebrata illustrior reddatur.

De Æmilii sanctitate rem incertam relinquit doctissimus Papebrochius, qui in Actis Sanctorum ad diem XII. Maji inter Prætermisissos, & in alios dies reiectos, hæc de illo habet: Æmilii Episcopus Beneventanus xx. missus ab Innocentio PP. I. & Concilio Romano Constantinopolim in causa S. Joannis Chrysostomi, laudatur in Dialogo Palladii de Vita S. Chrysostomi, & à S. Paulino Episcopo Nolano; ut Vir Sanctus, quem Marius de Vipera Catalogo Sanctorum Beneventanorum adscripsit ad hunc 12. Maji. Idem in Chronologia Episcoporum Beneventanorum etiam appellat Sanctum: at quo die obierit, aut colatur, silet. Ughellus Tomo VIII. Italia sacra id in Archiepiscopis Beneventanis, ex Vipera asserit, se elogium scribere, sed absque titulo Sancti. Nos etiam in Bibliotheca Vaticana reperimus Martyrologium MS. quod fuerat Ecclesie Beneventanae, ex eoque decerpimus, quæ de Sanctis Beneventanis reperimus, sed absque mentione S. Æmilii. Quare dum clarius nobis innotescat ejus cultus, hæc retulisse sufficiat (2). Sed, quod ad Martyrologium MS. attinet, haud æquum fuerit, ex eo negativo argumento Æmilii sanctitatem inficiari, tum præsertim, quod Martyrologium prædictum (ut alibi notavi, & ex ipso Codice palam est) non ad Ecclesiam Beneventanam, sed ad Monasterium S. Sophiæ pertinebat, quod licet Beneventi situm, non universos Beneventanos Sanctos peculiari cultu prosequi poterat, aut tenebatur. Fateor autem nullum fortasse tributum olim, nullum hodièque publicum cultum ab Ecclesia Beneventana Æmilio exhiberi: quod tamen impedimento non erit, quin (uti de innumeris Sanctis accidit, de quorum Sanctitate certò liquet) illum Sancti titulo appellemus, & observemus. Quæ in re, non amplius quidem certi, definitivè nobis statuimus, quàm quod hominum fides mereri potest; quanti verò fides isthæc æstimanda sit, ii, à quibus profecta est, homines ostendent. Virum Sanctum appellant Synchroni Scriptores Paulinus Nolanus, Palladius Helenopolitanus, par hominum, quibus nihil dignitate præstantius, sapientiâ excultius, sanctimoniâ religiosius, atque sincerius; quibus denique non ex incerta fama, aut aliorum scriptione, sed ex ipsa rerum præsentia, atque experimento comprobata, asserta quæ Æmilii Sanctitas est. Virum Sanctum non ea solum testimonia, sed facta ipsa ostendant, quæ indubiis commendata monumentis ad posteritatis memoriam pervenerunt: ut jure factum à nostro Mario Vipera videatur, qui Vir doctissimus (uti meritò appellatur à doctissimo Bollando ad diem xxiv. Januarii pag. 603.) in suo Catalogo Sanctorum Beneventanorum, non modò Æmilium Episcopum ad dictam diem 12. Maji, verum etiam ad initium Novembris Paulum Æmilii Diaconum, eorundem Sanctorum albo accensuerit, satis ea fore ratus, quæ de utriusque Sanctitate Paulinus, atque Palladius deprædicarunt; quæque hæcenus à nobis uberius illustrata ex Æmilio Episcopo, Diaconoque Paulo ad antiquum, maximumque, quod per sese Ecclesia Beneventana præferebat, novum aliud, ac majus eidem decus comparabunt.

Sed & ipsum, in quo versamur, sæculum v. non ita statim nos dimittet, novis adhuc luminibus, quibus Ecclesia Beneventana præclarior facta est, illustratum. Nihil eo sæculo infelicius Italiæ esse cœpit, quod & maximarum calamitatum Epocha fuit, Barbaris nationibus, quæ hæcenus intra natales terras conclusæ fuerant, in Italiam tunc primum irruentibus. Post Attilæ Hunnorum, mox Genferici Visigothorum Regis temporarias excursiones, Turcilingorum Rex Odovacer anno cccclxxvi. eandem Italiam occupavit: ubi Orestis cæde, ejusque filii Momylli, seu Augustuli in Campaniam relegatione, Occidentale extinxit Imperium; ex cujus ruinis, interituque Italicum Regnum Regio nomine sibi arripuit, tenuitque annis circiter xvii. antequam Ostrogothi, Theodorico Rege, Imperatoris Zenonis hortatu, advenientes, devicto, interfectoque ipso Odovacre anno cpxliii. Gothorum in Italia Regni fundamenta jecerunt. Malorum tunc colluvies quædam tum Remp., tum Ecclesiam labefactavit, assiduus bellorum motibus pervastatas, alteram

(1) S. Johan. Chrysost. Epist. 167.

(2) Afla SS. Maji tom. III. pag. 3. lit. A.

teram hostibus, tyrannisque, alteram Hæreticis pari furoris immanitate divexantibus. Atque ex Odovacre quidem, sive Theodorico, quibus utrumque crimen Tyrannidis, Hæresisque pro laude fuit, sua quoque in Beneventanam Remp., Ecclesiamque irrupit calamitas; quamquam non ea dicenda calamitas est, quæ duos Beneventanos Martyres, Episcopum, ejusque Archidiaconum Cælo peperit, triumphalibusque laureis sacros Beneventanos Fastos redimivit.

Post S. Tammari obitum, qui sub medium Sæculi v. floruit, Beneventanam Ecclesiam S. Sophius, qui & Cadocus dictus, regendam suscepit; atque ambo quidem peregrini homines, alter domo Afer, alter Britannus, nulla re, priusquam Episcopi deligerentur, ad eam Ecclesiam pertinebant. Rarum admodum, ac prope singulare ejus ævi fuit (quod heic curiosius animadvertisse præstat) immo contra jus, fasque agi videbatur, si externus, ac peregrinus homo cuique Ecclesiæ præciceretur. Ab Apostolico ævo, atque ab ipsis Apostolis tradito documento receptus mos in præcipuam sequenti temporis Ecclesiæ disciplinam evasit, quam Ecclesiarum bono maxime consentaneam, religiose custodiendam Romani Pontifices iteratis Decretis sanxerunt. Nullus invitis detur Episcopus (ait Cœlestinus I): Cleri, Plebis, & Ordinis consensus ad desiderium requiratur: Tunc alter de altera eligatur Ecclesia, si de Civitatis ipsius Clericis, cui est Episcopus ordinandus, nullus dignus, quod evenire non credimus, poterit reperiri. Primum enim illi reprobandi sunt, ut aliqui de alienis Ecclesiis meritis præferantur. Habet unusquisque Clericorum sue fructum militia in Ecclesia, in qua suam per omnia officia transegit ætatem. In aliena stipendia minime alter obrepit, nec alii debitum sibi alter audeat vindicare mercedem. Sit facultas Clericis renitendi, si se viderint prægraviari: & quos sibi ingeri ex transverso agnoverint, non timeant refutare (1). Plura vetustiorum, sed & eorum plurima, qui hoc Sæculum sanctitate, & sapientia illustrarunt, Pontificum ea de re Statuta congestimus, quum superiore libro pag. 117. de S. Januarii Martyris Patria differimus, ut eâ quoque cum aliis multis ratione, eundem, quem Beneventi Episcopum fuisse constabat, Beneventanum simul Civem manifestum probaremus. Atque ita certè res se habuit, ut ab ipso Januario ad Tammaram usque quotquot Beneventano Episcopatu potiti sunt, hi certè ad unum omnes, & domo Beneventani, & sacro Beneventanæ Ecclesiæ Ministerio perfuncti fuerint. Quærenda igitur causa est, cur eodem Sæculo v., quo maxime tempore in veterem servandam disciplinam Summi Pontifices incubuisse videntur, externi homines Tammarus, atque Sophius, alter post alterum, Beneventanam Cathedram conscendere permitti sint. Haud longè quærendam causam finit idem ipse, quem paulò ante audivimus, Pontifex Cœlestinus, qui tunc alterum de altera Ecclesia eligi posse decernit; Si de Civitatis ipsius Clericis, cui est Episcopus ordinandus, nullus dignus, quod evenire non credimus, poterit reperiri. At longè id ab aliis Ecclesiis fore existimavit Pontifex, longius quidem à Beneventana Ecclesia fuisse constat: quæ quos sibi summos Sacerdotes constitueret, idoneos Clericos alere antehac consueta, quantum eodem ipso Sæculo v. optimis, sanctissimisque Civibus, Alumnisque suis foecundaretur, etiamnum læta demonstrat; quandoquidem ex his duo illa fidera gremio suo parta, atque æternum colluentia ostendit, Paulum nempe, de quo jam diximus, Æmilii Episcopi Diaconum, ac Benignum Sophii Episcopi Archidiaconum, de quo mox dicemus.

Causam itaque potissimam, ac satis quidem manifestam ex utriusque Tammari, ac Sophii sanctitate repetemus, qui Divini Numinis nutu natalibus egressi Sedibus, Beneventique confidentes, eos Angelicorum morum, cœlestisque sapientiæ radios perfuderunt, ut qui dignos ex propria Civitate habere poterant, digniores ex externis gentibus præesse sibi Episcopos, Beneventani maluerint. Ac Tammarus quidem unus ex illis Episcopis, Christiique Confessoribus fuit, qui anno 440., sævient in Africa Wandalorum Persecutione,

ob Ca-

(1) Epist. 11. cap. v. apud Labbeum tom. 111. Concil. pag. 480. & refertur à Gratiano in Decreto Distinct. 111. Id etiam Sæculo vi. ac vii. servatum constat ex plurimis S. Gregorii Magni Epistolis, ex quibus binas adduxisse satis sit, alteram, quæ est xlii. al. xl. lib. x. ad Clerum, & Nobiles Cives Neapolitanos, quibus denunciat, tum Johannem, tum Petrum Episcopos electos indignos comperisse, monens alterum eligendum, qui sit idoneus: nam grave (inquit) Cleri illius eris opprobrium, ut si hic fortasse approbatus non fuerit,

alius se dicant, qui eligi debeat, non habere. Altera, quam etiam superius audivimus, lib. xlii. Epistola est xlii. ad Barbarum Beneventanum Episcopum, cui committens Gregorius Panormitanæ Ecclesiæ visitationem, novique Episcopi electionem, inter alia, inquit: Commoneat etiam Fratemitatem tuam, ut nullum de altera eligi permittas Ecclesia, nisi fortè inter Clericos ipsius Civitatis nullus ad Episcopatum dignus, quod evenire non credimus, poterit inveniri.

ob Catholicam Fidem variè afflicti, mox navibus cariosis impositi, ac, Deo gubernante, ad Campaniæ litora appulsi, Christianam Disciplinam in iis locis dispersi, diversisque Ecclesiis præfecti, mirificè propagarunt. Horum primum, seu Ducem Priscum affirmat Romanum Martyrologium ad Kalend. Septembris, cui socium nominatim addit Tammarum, ac præterea Castrensem, Rosium, Heraclium, Secundinum, Adjutorem, Marcum, Augustum, Elpidium, Canionem, & Vindonium. Nullus hac die inter eos Confessores locus *Quod-vult-Deo* Carthaginiensi Episcopo à Martyrologio Romano tribuitur; nulla ejusdem mentio est in Actis S. Castrensis, quæ Michael Monachus in Sanctuario Capuano vulgavit, correctiora Henschenius ad x1. Februarii recuit. At Victor Vitenfis, qui ejus Wandalicæ Persequutionis historiam summa fide, ac prolixo stilo executus est, principem locum *Quod-vult-Deo* tribuit, cujus quidem locios non Episcopos, sed Clericos, neque de nomine memorans, nobis tradit. Tum verò (inquit lib. 1. num. v.) *Rex (Gensericus) memoratæ Orbis Episcopum, idest Carthaginis, Deo, & hominibus manifestum, nomine Quod-vult-Deum, & maximam turbam Clericorum navibus fractis impositos, nudos, atque expoliatos expelli præcepit. Quos Deus miseratione bonitatis sua prospera navigatione Neapolim Campaniæ perducere dignatus est Civitatem.* Narrationis, quæ primo intuitu apparent, discrimina satis commodè sustulit V. C. Mazochius, qui, quod ipse Victor plures tunc naves diserte fatetur, censet, illarum uni, aut pluribus *Quod-vult-Deum* cum suo Clero impositum, Neapolim pervenisse; Castrensem verò, ac Priscum cum sociis diverso navigio commissos, ad alia ejusdem Campaniæ litora appulisse; quin & illud dici posse subdit, diversas, diverso ejusdem Persequutionis tempore, ac loco extorrium Episcoporum, Clericorumque Colonias, marinis fluctibus fuisse permissas: itaut *Quod-vult-Dei* navigatio cum Castrensis nihil præter eandem Fidei causam habuerit commune (1). Certè eandem Fidei, persecutionisque causam, idem supplicii genus, sed planè diversum tempus, diversos socios agnoscat Romanum Martyrologium, cujus post illa, quæ ad Kal. Septembris recitavimus de Prisco, ac Sociis, hæc ad diem 7. Kal. Novembris separatim habet de *Quod-vult-Deo*, qui una cum Clero, à Genserico Rege Ariano in navibus fractis absque remigiis, & velis impositus, præter spem Neapolim appulit, ibique in exilio positus Confessor occubuit.

Stat igitur certa rei fides ex vetustis S. Castrensis Actis hausta, atque Romano Martyrologio comprobata, inter primos duodecim illos Episcopos Afros, Tammarum extitisse, qui (uti ex plurimis antiquis monumentis Vipera refert (2)) Beneventum secedens, quum prope eam Urbem solitariam ageret vitam, famâ sanctitatis erumpente, dignus habitus fuit, ut qui ad cæteras animi dotes Episcopalis Ordinis honore jam polleret, eundem sibi Episcopum Beneventi Cives constituerint: Neque ii certè, aut sacris Regulis, aut propriis Civibus injuriam fecisse, visi sunt, qui externum hominem, quem strenuum Christi Confessorem, quem jamdiu Episcopum probè nossent, cujus denique sanctitatem diutius probassent, propriæ Ecclesiæ regendæ Tammarum præfecissent. Sed de Sophio nunc videamus.

Sophius, antea Cadocus appellatus, S. Gundleum (non Guiglieum) Regem Walliæ Australis (non Septentrionalis) Genitorem habuit. Ejus vitam ab Auctore Anonymo lucubratorum ex MS. Rubæ-Vallis exceptam, ac cum Joannis Capgravi editione perantiqua collatam edidit, illustravitque Cl. Bollandus ad diem xxiv. Januarii. Quomodo factum, ut Cadocus ex toto divisâ Orbe Britannis ad Beneventanos transmearet, eorumque Episcopus adhuc extiterit, ex ipso Biographo perlibenter audiemus, qui cap. III. de ea re sic scribit: *Apparuit Angelus Domini B. Cadoco dicens: Deus decrevit, te jam de Terra Britannia discessurum. Et ille: Omnia, quæ mihi præcepta fuerint à Domino, libens effectui pro posse mancipabo: sed qualiter hinc discedam, penitus ignoro. Angelus ait: Cras ad locum, in quo post prædicationem solebas quiescere, perges, & ibi subito nubes lucida operiet te, atque sic super eam transvehieris ad Civitatem Beneventanam. Eadem hora, quæ de nube descendes, Abbas illius Orbis in tua præsentia sepultura honorificè tradetur, in cujus loco Monachi & Abbatem constituere maturabunt. Eadem nocte idem Angelus Priori Beneventana Civitatis in visu apparuit dicens: Cras quidam Clericus sapiens Britannus, servus Dei electus, ad vos hic*

(1) In Commentariis ad Marmor. Kalendar. Neapolitanum tom. 1. pag. 39.

(2) In Catalogo SS. Benevent. ad diem xv. Octobris, quo die etiamnum Ecclesia Beneventana ejus anniversariam memoriam ritu duplici recolit; ejusque sacras

reliquias sub Ara majori servatas veneratur. Extrabat olim ejusdem Tammarii Ecclesia in agro Beneventano, ubi is fortasse confederat, quæ temporum vetustate deleta, fluvio trans Pontem Valentinum excurrenti, Tammarii, quo hodieque appellatur, nomen fecit.

venturus est, quem Abbatem super eos ordinari, & constitui à Pontifice obnixius supplicare. Ipsum enim elegit Deus, ut Abbas vestri vice vobis subrogetur; Sophiaeque apud vos vocabitur, quia Sapiencia Dei plenus est. Cadocus autem mane surgens Ellenum discipulum suum loco sui ordinavit Abbatem. Et cum adhuc discipulis sermonem faceret, ecce claritas Dei repente omnes circumfulsit, & non valentes tanti luminis ferre claritatem, proni pariter in facies suas super terram ceciderunt. Sanctus autem Cadocus in nube candida raptus, ab oculis eorum evanuit, & quasi palpebra motu in Civitate Beneventana de nube descendens inter sepelientes Abbatem visus est. In eadem hora cuncta Monachorum congregatio, cum Episcopo Abbatem cum constituit, & Sophiam illum nuncupavit. Defuncto demum illius Civitatis Episcopo, apparuit Angelus Domini B. Sophiae, precipiens ei, quatenus Episcopatus ordinem susciperet. Eadem vero nocte idem Angelus Archidiacono in somnis iussit, ut sequenti die, remota dilatione, B. Sophiam ad Pontificatus gradum divina iussione promoveret. Quo mane cunctis Clericis per ordinem revelato, unanimi omnium consensu ad Episcopatus gradum assumptus est.

Quae castigatione indigent, jam Bollandus notavit, cui narratus travestitionis Cadoci à Britannia Beneventum modus minimè probatur. Et si enim non ei difficile sit, qui ambulat super pennas ventorum, & Prophetam suum à Iudaea in Mesopotamiam Angeli operà statuit, momento tam immenso terrarum spatio quempiam deportare: nulla tamen heic videtur tanti, tamque novi miraculi causa. *Credibilius est Hierosolymam redeuntem Cadocum* (ter enim Hierosolymam, septies Romam peregrinatum ait idem Biographus cap. 11. num. 11.) Beneventi retentum, ac dein Abbatem, post Episcopum factum. Ac rectè quidem Bollandus; sed neque illud is animadvertit, quod vix mihi probatur, de Monasterio, de Monachorum congregatione, de Abbate, de Priore &c. Scio Bollandum in Commentarii num. 5. feriolem aetatem Cadoco tribuisse, quem ex Nicolao Harpsfeldio Hist. Anglica lib. 1. cap. 27. nonnisi anno 570. mortuum arbitratur. At de hac re mox videbimus: Nunc quis sibi suaferit non solum sub saeculi v. exitum, quam Chronologiam Vipera sequutus est, sed & sexto, quod Bollandus maluit, flectente saeculo, illa omnia Beneventi existisse, quae vix post saeculum vi., quando jam S. Benedictus, institutaque ab eo Monastica professio florere coeperint, admitti possunt? Hæc quidem non Cadoci, sed ipsius Biographi ætate fortasse florebant tum Beneventi, tum alibi (nam diu post Cadocum Biographus scripsisse videtur), qui celeberrimum S. Sophiae Monasterium Beneventi extare audiens, occasionem sibi arripuit, eam Historiæ partem ex illo interpolandi, fortasse etiam ex ejusdem Monasterii, seu Ecclesiæ nomine, tituloque aliquid illustrius Cadoco comparandi.

Interim illud certum ex eodem Biographo recipimus, unum ipsum Cadocum, & Sophium fuisse, non duos, uti existimat Ferrarius à Bollando notatus; existimaverat quoque Anglicani Martyrologii Auctor, qui quod in prima editione (quæ Ferrarium decepit) diversum statuerit Sophiam Episcopum, & Martyrem à Cadoco Martyre, in posteriore correxit, illud confirmans multa in illius honorem in Wallia, & Glocestrensi ditione fuisse Tempia dicata: Cadoci igitur nomen, quod is Sapiencia Dei plenus esset, Angeli monitu, in Sophiae, aut (uti aliis placet) Sophii mutatum jam novimus: Novimus etiam (quod rei caput erat) ex eodem Biographo, eodem quoque admonente Angelo, Sophium, posteaquam apud Beneventanos Monasticam, aut potius Eremiticam vitam eximii coruscantem virtutibus aliquandiu duxisset, universis Civium suffragiis Episcopum electum; quam electionem divino Numine gestam, sequuta Viri sanctitas, etiam Martyris palma coronata, luculentius comprobavit.

Unde promerendi Martyrii occasio facta sit, ejusdem Biographi verbis describere præstat: Angelus Domini demum in visu noctis apparuit ei dicens: En à Domino Deo tuo datur tibi optio, nunc elige, quo exitu hanc letalem vitam deserens ad Regnum velis migrare perpetuum. Qui respondit: Quoniam enim Martyrium omni morte in conspectu Domini pretiosius invenitur, illud eligens præ cæteris exopto. Et Angelus: Robustus, inquit, esto corde, & animo, quia Dominus tecum est. Cras enim Rex quidam crudelis, Civitatem hanc ingrediens depopulabitur eam, & miles quidam ipsius, Monasterium ingressus, Divina Mysteria te celebrantem super Aram atrociter haste cuspidē terebrans trucidabit. S. Sophiae inde gratias agens Deo dixit: Promptus ad Martyrium factus sum: hac enim nece Dominus noster Jesus Christus, & Apostoli ejus, multique alii mundum triumpharunt, & coelestis Regni gloriam adepti sunt. Hora prima cum Missam celebraret, Tyrannus cum suo exercitu Suburbia devastavit, & Eques quidam

cum

cum furore Ecclesiam intrans, S. Sophiam Dominici Corporis, & Sanguinis consecrationem libantem lancea penetravit.

Nihil apud Biographum de ejusdem Martyrii consorte Benigno Episcopi Sophii Archidiacono. Archidiaconum Ecclesiae Beneventanae is superius commemoravit, nullo tamen nomine distinctum, quem ad eligendum Sophium Episcopum ab Angelo monitum testatur: prout igitur opinari est, hunc ipsum Benignum fuisse, qui pro suo munere Episcopo tum sacra facienti assistens, lancea & ipse confossus, super eandem aram altera Christi Hostia effectus est. Ad hanc meam opinionem, sive conjecturam antiqua accedit Traditio, cujus ad eundem diem xxiv. Januarii S. Sophii natalem, Vipera est testis: Qui & illud addit, S. Benigni Beneventanae Ecclesiae Archidiaconi, & Martyris sacros cineres in augustissimo S. Sophiae Templo aservatos probari ex MS. Codice Longobardicis literis scripto, ibi olim existente, postea in Vaticanam Bibliothecam cum aliis Codicibus translato, in quo Sanctorum nomina sunt adnotata, quorum Corpora, & Reliquiae ibi tumulata sunt, qui nil aliud docet, nisi quod Martyr Beneventi occubuerit ob Fidei Catholicae defensionem.

Agit etiam post Episcopum Beneventanum S. Sophium de S. Benigno Archidiacono Beneventano Martyre Cl. Bollandus, qui, quod noster Vipera de eo Sancto edidit, recitato elogio, statutam à Vipera Chronologiam respuisse videtur; nam cum ille Benigni Martyrium anno 490. tempore Odoacri Regis Ariani, Italiae tunc dominantis, evenisse statuatur, non alium, quam seipsum ejus Chronologiae auctorem Viperam habuisse notat, qui quod in Sophio asseruerat, in Benigno recinuit. Hinc concludit: Si verè ejus (Sophii Episcopi) Archidiaconus fuit Benignus, probabile est fortassis primis Longobardorum temporibus occubuisse. Perfuasum quippe Bollando fuit, Cadocum non ante annum 570. obiisse, auctore supradicto Harpelsfedio, cujus haec verba profert: Celebratur etiam ad haec tempora Cadocus Monachus Monasterii Lancervanensis auctor, cui Ellenius à tali praepatore nihil degenerans successit. Obiit ad annum quingentesimum septuagesimum sub Maglocuno ix. Calendarum Februarii: Memoriam Cadoci Ecclesia in honorem ejus apud Cotinniam constructa ad hunc usque diem conservat. Hanc igitur Chronologiam sibi adoptans Bollandus, de Longobardis cogitavit, qui partim Gentiles adhuc, partim Christiani, sed plures Ariani ea circiter tempora in Italiam invaserunt: ut propterea Sophii, ac Benigni eadem ipsis Longobardis tribuendam innuat. At de ea gente istud asserere, adhuc intempestivum erit, quæ etsi (teste Auctore Miscellæ Lib. xvi.) anno 568. Indictione i. Kalend. Aprilis de Pannonia egressa, secunda verò Indictione prædari in Italia, tertia tandem Indictione, idest An. 570. dominari coepisset; vix tamen sequenti Anno (post scilicet assertam Sophii, ac Benigni eadem) Beneventum pervenit, qua tunc in Urbe Longobardici Ducatus jacta fundamenta aliàs demonstravimus. Sed ut ad Harpelsfedium redeam, non ego quidem Bollando perspicacior; at Cadocum Monachum in Harpelsfedio duntaxat video, eumque in Anglia, & in suo Monasterio defunctum: Cadocum non video, qui postea Sophius vocatus, qui Episcopus Beneventanus, qui denique Martyr Beneventi occubuit. Nonne qui Harpelsfedii Cadocus est, a nostro diversus esse potuit? Ita sanè: Sin verò de nostro loqui Harpelsfedius voluit, erravit is quidem: neque enim pluris ejus faciendum testimonium est, qui præclariora alia de Cadoco vel filuit, vel ignoravit, quam Martyrologii Anglicani fides, in cujus postrema editione (ipso Bollando teste) Cadoci, sive Sophii Episcopi Beneventani martyrium circiter annum 490. contigisse, statuitur.

Sed neque ego nostro Viperae assentiar, qui non solum Odoacris tempore, idest anno 490., sed ipso demum Odoacre auctore, quem Arianorum peste contaminatum affirmat, Martyrio affectum Sophium arbitratur. Annus tunc vertebatur xiv., quo Odoacer Italicum Regnum administrabat: nam anno (ut superius diximus) cccclxxvi. illud adeptus, diu pacatum sibi habuit, donec anno cccclxxxix. Theodoricus Rex Gothorum, Imperatore hortante Zenone, Italiam adiens illum gemino prælio ad Montium fluvium, & ad Veronam superatum, mox Ravennæ triennio obessum, ac postremò fraudolenta pacatione de communicando Italico Regno, ad convivium admissum interfecit anno 493., quo initium habuit Gothorum in Italia Regnum. Hæc cum ita sint, nulla adeffe causa videtur, cur Odoacer, qui jamdiu cum cæteris Italicis Urbibus, subditam sibi Beneventum haberet, quique tum longissimè ab ea Urbe, ac pluribus præliis à Theodorico devictus in maximo rerum suarum discrimine versabatur, Beneventum cum exercitu advolaret, injurias, & clades tum Civitati, tum Fidei Catholicae allaturus. Veri igitur similis fuerit, hæc omnia

omnia de ipso Theodorico affirmasse, qui anno 489. Italiam ingressus, ac geminâ jam victoriâ adversus Odoacrem potitus, potuit certè sequenti anno 490. vel per seipsum, vel per exercitus sui partem in reliquam Italiam excursions facere, quibus munitiores quæque Urbes occuparet: De Beneventana Urbe à Theodorico occupata conjectare proclive satis fuerit, dum eandem Urbem paucis post lapsis annis à Totila successore iterum captam, murisque spoliata ex Procopio scimus, ne in munitissima Urbe hostes vigere, Gothisque negotium facessere possent (1). Id certè consilium Theodorici antea fuit, qui posteriore sui adventus anno 490. ea facta excursionem, non solum suburbii Beneventi (ut Biographus inquit) devastationem, sed tum Odoacris, cujus neci, ac Regno inhiabat, tum Catholicæ Fidei hostis, quam Arianus ipse omnium pertinacissimus oderat, Episcopo Sophio, ejusque administro Benigno Martyrii subeundi occasionem fecisse dicendus est.

Sed quum ad Gothicum ævum pervenimus, subsistere heic consilium est, ac priori Beneventanæ Ecclesiæ Epochæ cum ipso Gothorum Regno finem imponere. Beneventanam itaque Ecclesiam Christianæ Fidei coævam, inter Samnii Ecclesias primatus prærogativâ illustrem, Antistitibus præterea suis, quorum plures, vel Martyrio celeberrimi, vel Sanctitate conspicui, vel Apostolicis legationibus, difficillimis Religionis, & Ecclesiæ temporibus, egregiè perfuncti inclaruerunt, illustriorem, suis demum Sacerdotibus, inter quos Festum, Desiderium, Paulum, Benignum, maxima scilicet coruscantia suo Cælo lumina, enumeravit, præclarissimam hæcenus spectavimus. His veluti jactis ingentibus fundamentis, in præcellam dehinc amplioris dignitatis molem, cum ipsa veluti Ætate progredientem, atque asurgentem eandem Ecclesiam sequenti Capite demonstrabimus.

CAPUT II.

Ex Beneventano Ducatu, ac dein Principatu à Longobardis instituto amplificata Beneventana Ecclesiæ auctoritas. Titulus S. Mariæ eidem ab origine statutus. Ducis Arichis I. in eam beneficentia. Episcopi Alfani Diploma illustratur. Episcopus Beneventanus, uti olim Provincie Samnii, ita deinceps totius Beneventani Principatus Primas. Sipontina Ecclesia Beneventana subdita. Scriptoris Neoterici criminationes ea de re adversus S. Barbatum Episcopum refelluntur. Pontificis Vitaliani Literæ ad eundem Barbatum genuinæ probantur: Pontificia in eandem rem Diplomata alia: ex quibus plures Beneventanorum Antistitum prærogative colliguntur, illustrantur.

Longobardicam ætatem ingredimur; cujus Resp. Civilibus rebus domi, forisque gestis, pacis, bellique studiis ornatiſſima, toto hoc Opere hæcenus celebrata, Ecclesiasticis, quibus æquè inclaruit rebus, modò illustranda est. Nec verò, dum posteriorem locum huic argumento tribuerim, detractum Longobardorum laudi velim, quasi minus studii, quàm Resp., ac secundas veluti partes Ecclesia Beneventana apud illos promeruerit; Qualis, quantaque Longobardorum Religio fuerit, in ipso Operis exordio peculiari Dissertatione uberrimè explicatum est: Nullus ibi de Ecclesia Beneventana sermo fuit, de qua (quod mihi præstandum nunc est) singulari Dissertatione, quæ continuatam temporum, rerumque seriem simul complexa, universum illius aspectum exhiberet, agendi propositum erat; Proderit tamen illa in antecessum ostendisse, ut quos in instaurandis, condendis, locupletandis, decorandisque Sacris Ædibus, eximiam Pietatis, ac Munificentiæ laudem assequutos Longobardos jamdiù probaverimus, facile ex iis ipsis conjecturam, aut certè judicium modò statuamus, ampliora Longobardos in eam Ecclesiam contulisse, quam in Urbe totius Principatus Metropoli positam ob oculos haberent, suamque Matrem, ac Magistram, post Romanam, venerarentur.

Beneventani Ducatus à Longobardis instituti primordia, nihil præclarum ad præsens argumentum reliquisse videntur. Si ad originis annum DLXXI., si ad sequutos Zortoni primi Ducis annos XX. oculos intendamus, obscura illa tempora nobis erunt, ac fortasse dissimulanda magis, quàm in memoriam, lucemque revocanda. Postea verò quàm, Zortone sublato, anno DXXI. ad Arichim secundum Ducem rerum summa pervenit, æquâ fecunditate tum Beneventana Resp., tum ipsa simul Ecclesia frui coeperunt. Primum igitur illud

ALTER

S f

satis

(1) De Bell. Goth. Lib. I.

fatis constat, anno DC., qui decimus Ducis Arichis numerabatur, Davidem Beneventanum Episcopum Cathedralem Ecclesiam XVI. Kal. Decembris in honorem SS. Virginis Dei Genitricis Mariæ solemni ritu consecrassse, cujus rei testis adhuc superest Sermo, ab eodem Episcopo ea occasione, ipsoque die ad Populum habitus, quem in nostra Bibliotheca asseruat, Vipera, Ughellus, Sarnellius, alique meminerunt. Consecrationi autem occasionem fecisse, putare debemus, non ejusdem Ecclesiæ novam constructionem, sed potius instaurationem, quâ in ampliorem, magnificentioremque formam excitata fuit. Erat enim Beneventanis Episcopis sua Cathedralis Ecclesia, quam initio, quum Christiana Fides Beneventi suscepta esset, pro illorum temporum ratione satis exigua, immo abditis in locis, nec certa statione constitutam, opinari licet: Dum verò pax Ecclesiæ reddita est, ædificæque Sacris publicè construendis, Imp. Constantini tum lege, tum exemplo, potestas facta; haud certè Beneventanorum Antistitem, qui post S. Januarium Martyrem Sæculo IV. floruerunt, minor cura fuit, Idololatriæ reliquias extirpandi, quam illius Ecclesiæ exædificandæ, ubi ad Plebem suam Christianis documentis erudiendam, sacrisque Mysteriis alendam considerent.

De S. Apollonio, qui circiter annum CCCXXXI. inter S. Dorum, ac S. Cassianum, Episcopatum tenuit, illud à nostro Vipera memoriæ proditum est, ab hostibus Fidei acerbius divexatum, extra Urbem secessisse, ibique extructâ Ædiculâ, Episcopali munere perfunctum fuisse (1). Non id certè mirum eo tempore, quo non Beneventi duntaxat, sed Romæ, aliisque præclarioribus Urbibus Idololatria non dum excisa, magnam adhuc plebis partem addictam sibi retinebat, pluresque ex ipsis Potentioribus habebat Patronos, quorum improbitati cedendum aliquando fuit. Id verò constanter affirmaverim, Ædiculam illam suburbanam ab Episcopo Apollonio ædificatam, non nisi temporariam Sedem, sed Cathedralam fuisse, ubi is, quoquo posset modo, Episcopum ageret. Extat etiamnum ad Pontem Leprosorum secus veterem Viam Appiam, quâ Ager suburbanus celeberrimi Monasterii extramurani S. Petri limitem habet, sacra Ædícula humi penè sepulta, sed fornice adhuc, parietibusque integris constans, qui ex interiori facie sacris imaginibus undique depictis ornantur: omnia summam vetustatem ostendunt: locusque vulgo *Hierusalem* nomen hodieque servat; quod à majoribus antiquissimâ traditione acceptum, plerosque in eam opinionem adduxit, eam primis Sæculis fuisse Beneventanorum Episcoporum Cathedralam Sedem: Nullæ tamen ejus rei probabiles conjecturæ: ac libuisset certè de eo singulari vocabulo, si id Beneventanæ Ecclesiæ primum nomen extitisset, certiora reperisse, quibus plura in eam rem observari potuissent: sed quum ex sola vulgari traditione nihil mihi statuere propositum sit, suspicari duntaxat malim, Apollonii Ædiculam illam fortasse videri, quæ ex ejus Episcopi secessu, ac sanctitate apud posteros religiosiorem cultum aliquando sibi comparavit; facto etiam *Hierusalem* vocabulo, ut qui ad eam in suburbano positam accederent, quò magis ad pietatem excitarentur, Hierosolymitanam veluti peregrinationem suscepisse viderentur: quemadmodum de finitimo S. Petri in eodem suburbano extructo templo, aliàs mihi observatum fuit.

Ad Titulum itaque Beneventanæ Ecclesiæ quod attinet, neque illum quidem, quum ab Episcopo Davide consecratio facta est, tunc primum inditum credere debemus. Antiquius enim, ac satis illustre ejusdem Sæculi monumentum in promptu est, unde Cathedralam ipsam Ecclesiam Beneventanam in honorem SS. Virginis Dei Genitricis Mariæ, ac sub ejus venerabilis Nominis invocatione decoratam scimus. Quum enim S. Arthelays Virgo (cujus aliàs meminimus, Actaque integra in Appendice dabimus) Constantinopoli Beneventum apud Patrum Narsetem in ea Urbe degentem advenisset, *disceat pedibus intravit cum multo Comitatu per Portam, quæ dicitur Aurea, & venit orando Deum, usque ad atrium Dei Genitricis Mariæ per mediam Civitatem: Cumque ibi venissent, fecerunt sonare omnes Campanas ejusdem Ecclesiæ: Clerici verò suscipientes eam cum hymnis, & laudibus, ingressi sunt Ecclesiam Beate Mariæ.* Hæc circiter annum DL. contigisse dicenda sunt, quum scilicet post Gothicum Bellum Narses in Italiæ ab se liberatæ administratione confirmatus (teste Imp. Porphyrogenito in *De Administr. Imper.* cap. XXVII.) Beneventi consideret; ut jam constet quinquaginta circiter ante annis, quàm David Ecclesiam Cathedralam consecrasset, eandem prædicto S. Mariæ titulo insignem extitisse. Sed neque eodem Sæculo v. subsistendum erit; ortum enim cum ipsius Ecclesiæ origine Titulum S. Mariæ satis aptè con-

(1) In Catal. SS. Benev. ad diem VII. Julii pag. 38.

conjectare fas erit ex recepto more, seu ritu illo ab ipsius Christianæ Religionis primordiis servato, quo quæ passim ædificarentur, Cathedrales præsertim Ecclesiæ, Deo quidem sacræ, in honorem tamen Beatissimæ Virginis, ejusque titulo, præcipue vero in ejus Assumptionis memoriam dedicarentur, ut per quam salus Mundi credentibus apparuit, continuatis ipsius suffragiis militans adhuc in terris Ecclesia, præteritorum memor, nova à Deo beneficia sibi compararet.

Non igitur omnium primus David Episcopus eum Titulum Ecclesiæ Beneventanæ attribuit: neque (uti jam monui) eandem, quam consecrasset memoratur, Ecclesiam primus exædificavit. Veteris Ecclesiæ consecrationi occasionem fecisse debuit nova illius instauratio, quam Antistes moliri tunc temporis potuit. Beneventanum Ducatum Longobardi sibi jam confirmarant; illorumque res florere cœperant Arichis virtute: Hujus (quæ ad præsens argumentum pertinet) Pietas, ac Religio à Sanctissimo Pontifice Gregorio Magno luculentum testimonium etiamnum accipit, servatâ tum in ejus Regestis (1), tum à Paulo Diacono (2) Epistolâ, quâ ab Arichi (*de cujus gloria, sic confidere ait, sicut reverâ de Filio suo*) transvehendas è partibus Brutiorum trabes efflagitat, quibus ad Ecclesias SS. Apostolorum Petri, & Pauli reparandas opus habebat. Hoc sanè exemplo perspicuum est, quantum studii, munificentiaque in Beneventanæ Ecclesiæ opus, quod ab Episcopo Davide curabatur, Arichis contulerit. Utriusque exemplo factum crediderim, ut eodem tempore Beneventanorum Civium pietas ad sacrarum Ædium constructionem vehementius excitaretur: Extat in Chronico S. Sophiæ Diploma Episcopi Alfani, qui post Barbarum Davidi, vivo adhuc Duce Arichi, successit; concessitque Trasamundo Patronatum Ecclesiæ S. Martini, quam ille à fundamentis erexerat: Insignis hæc Charta, quæ omnium ad nostros Episcopos pertinentium haud fortasse prima, sed aliarum superstitum vetustissima est, tum brevitate, tum reliquis rebus, ita commendatur, ut heic describendam duxerimus.

IN NOMINE DOMINI NOSTRI JESU CHRISTI,
EJUSQUE SANCTISSIMÆ GENITRICIS.

*Temporibus Domini Viri Gloriosissimæ Arichis
Summi Ducis Gentis Longobardorum
Anno vigesimo-quarto gloriosissimi
Ducatus, qui Mense Martio, Indictione
Quarta firmatus (3).*

Nos Dominus Vir Beatissimus hujus Sanctissimæ Sedis Beneventanæ Alphanus Reverendissimus Episcopus (4) ob solutionem Ecclesiæ S. Martini tibi Trasemundo Scholdachis, qualiter tu nominatè Trasemundo ipsam sæpius dictam Ecclesiam à novo fundamine usque ad culmen Consecrationis perducere visus es, in tuo proprio Territorio, loco, qui vocatur Monsbonionis, qui esse

ALTER

S f 2

vide-

(1) Lib. XII. Epistol. XXI., al. XIV.

(2) De Gest. Longob. lib. IV. cap. XX.

(3) Alteratram temporis notam, quæ huic Chartæ præfixa est, mendosam esse oportet, ex librarii quidam oscitantia, cui fortasse deteriora addiderunt Typographicæ operæ; quare factum est, ut Chronicon S. Sophiæ ab Ughello editum post to. VII., nunc to. X. fœdè corruptum Viri docti merito conquerantur. Ex dicti Chronici parte I. num. 20. eandem pluribus verbis discordem retulit idem Ughellus in dicto Episcopo Alfano: aut itaque in Arichis annis, aut in Indictionis numero mendum cubat: si enim Ducis Arichis, qui anno 591. Ducatum auspicatus est, annus tum vigesimus quartus decurrebat, ad ann. um 604. pervenimus, cujus anni mense Martio, non Indictio quarta, sed sexta anni antecedentis, aut etiam septima numerari cœpit: atque in Indictionis numero describendo peccatum potius videtur, quàm in ejus Ducis annis, qui ad Ducatus annos quinquaginta pervenit.

(4) Non insolenter, aut etiam arrogantius egisse Episcopum David existimandus est, qui in suo Diplomate non modo Reverendissimi, sed etiam Beatissimi titulum sibi attribuit. Uterque honoris titulus ævo illo ab Episcopis passim usurpabatur, non invito, immo e-

tiam Romano Pontifice largiente: Alfani cœvix Magnus Gregorius, ad plures Episcopos scribens, Beatitudinis, ac Sanctitatis titulos eos compellat, uti lib. X. ep. 35., & 39. Crebrius verò Reverendissimus vocat, ut Dialogorum lib. 3. cap. 31., & epistolarum lib. 2. ep. 7. ubi Guffanvillæus notat in MS. God., & prioribus editionibus tam in ea epistola, tum in aliis passim semper legi: Reverentissimus: subditque invaluisse postea, ut scribatur Reverendissimus; sed non rectius (inquit) secundum regulas Grammaticorum, nam reverens idem est, ac qui honorem præstat, reverendus, cui honor redditur. Guffanvillæo refragantur eodem loco eruditi Monachi S. Mauri, subnotantes, rationem à Viro docto prolatam probare contra ipsius mentem legendum Reverendissimus, non reverentissimus: at cùm in MSS. passim legitur reverentissimus, non derivatur à reverens, reverentior, quasi qui honorem plus cæteris præstat, sed idem sonat, ac Reverendissimus, hoc est, cui major debetur honor, usurpato, t, pro d, quod sæpè fieri apud veteres, non ignorant Grammatici. Sed missis his leviuſculis, non solum de more is titulis Alfani Episcopus usus est, sed, cùm sibi deberentur, tum maxime in ferendo Diplomate, veluti auctoritatis suæ insignia, adhibere debebat.

videtur in Buente loco, Canonica ratione absolvimus eam prædictam Ecclesiam, ut non Presbyter, Diaconus, vel Subdiaconus habeat potestatem eam dandam in Plebutea à parte esse voluerint per quemlibet titulum, excepto Presbytero, quem tu nominare Trasemunde Plebutea (1) parte esse voluerunt, aut subtrahendam per quemlibet titulum, excepto Presbytero, quem tu nominare Trasemunde, vel tui heredes per tempora volueris, qui in ipsa jam fata Ecclesia nobis, vel à nostris Successoribus in nominatam Sanctam Sedem nostram pervenit consecrandus secundum Canonicam Sanctionem: nam aliam nullam rerum habeat potestatem dandi eam, neque à me Alfano Domini gratia Episcopo, neque ex Posteris meis nunquam habeas aliquam requisitionem, aut reprehensionem de hac mea absolutione, sed ex nunc, & usque in perpetuis temporibus, qualiter superius legitur, in ipsa ratione permanere valeat ipsa nominata Ecclesia. Quod monumentum absolutionis tibi Nicolao Notario nostro, ut scriberes, præcepimus, & ut robur habeat, effigiem Sanctæ Crucis affiximus.

Actum Beneventi in Episcopio, Mense & Indictione nominata feliciter.

Ego Majorachi Presbyter & testes scripsi astantibus Sacerdotibus nostris, vel cuncto Clero.

Ego Aripaldus scribere me iussi, & testes ascribere.

Plura quæ ad explicandam, illustrandamque hanc Chartam necessaria videbantur, in subjectas notas reposuimus. Ex Crucis effigie affixa, de ipsius monumenti vetustate, ac sinceritate certiores efficitur; quandoquidem nondum eo sæculo Beneventani Antistites sigillum cereum, ac plumbeum Chartis suis adhibebant, quod postea factum, nosque sequenti capite sedulo observabimus. Animadvertendum quoque est Sanctissima epitheton, quod Beneventanæ Sedi tribuitur; animadvertenda denique non solum Domini Jesu Christi, verum etiam ejus Sanctissimæ Genitricis invocatio, quæ chartæ inscripta est, ut cuius titulo Ecclesia Beneventana insignis habebatur, ejus pariter nomine Episcoporum Diplomatis decus, & robur accederet.

Sed jam ad Sæculum VII. læti properabimus, intra cujus spatia cum ipsa Longobardici Ducatus amplitudine, ac majestate, Ecclesiam quoque Beneventanam prolatis Territorii sui finibus angustiora pristinae dignitatis suæ incrementa accepisse inveniemus. Ex summo illo discrimine, quo Beneventanus Ducatus ob Imp. Constantis adventum recidisse videbatur, felicior emerit Longobardicæ Reip. status, partaque Beneventanis fuerunt ingentia maximarum rerum emolumenta. Conceperat animo Constantis Imperii Sedem à Byzantio Romam transferre, non ullâ publici boni permotus causâ, sed ejus invidiæ pertæsus, impatientisque, quam

(1) Vocabulum hoc *Plebutea* ex uno hoc Chronico S. Sophiæ retulit in suum Glossarium Gangius, qui tamen in eo describendo hallucinatus pro *Plebutea*, legit *Plebitæa*, contra ejus Chronicon, quo usus est, fidem, ac manifestam lectionem: sic enim habet in dicto Glossario primæ edit. Francof. 1681. t. 3. pag. 310. *PLEBITÆA. Vetus Charta in Chronico Beneventani Monasterii pag. 588.*, ut habeat potestatem eam (Ecclesiam) dandam in Plebitæam partem esse voluerunt, aut subtrahendam. *Puto legendum: in Plebem eam &c. idest Parochiam.* Hæc ad eam dictionem Gangius, in cujus Glossarii nova, atque auctiore editione ab eruditis Benedicthinis S. Mauri curata idem mendosum vocabulum servatum legitur tom. v. pag. 362. edit. Veneta 1721. At (ut dixi) Charta habet *Plebutea*, tum in dicto Chronico ab Ughello edito post tom. 8. d. pag. 388. (Romæ 1662.) tum in dicto Episcopo Alfano p. 20. ejusd. to. 8., tum denique in nova edit. Veneta 1722. to. x. (quod idem Chronicon rejectum fuit) pag. 432. Sed & illud, quod verè legitur, *Plebutea*, falso scriptum adhuc est: sequenda enim est postrema litera, a, ut remaneat *Plebutea*, quod sanè vocabulum haud quidem in Plebem, uti censet Gangius, sed pronom, atque affine magis est, ut *Plebatu* legatur. Alfano itaque Ecclesiam à Trasemundo ædificatam Canonica ratione absolvis, ut non Presbyter, Diaconus, Subdiaconus potestatem habeat eam dandam in Plebatu (quod vocabulum *Plebatu* uti etiam *Plebanatus* ad significandam administrationem,

vel etiam districtum Parociæ in dicto auctiore Gangiano Glossario, vetustis aliis chartis comprobatum recensetur) à parte esse voluerint (id est in suas partes vindicandi, vel possidendi, vel adjudicandi facultas sit; hanc enim *Paris* vocabulum sequiore ævo significationem habuisse ex eodem Glossario distes, docentque aliæ passim ejusdem Sophiani Chronici Chartæ) sed subtrahere debeant per quemlibet titulum (ita in eo Diplomate edito, in dicto Episcopo Alfano p. 20, nam recitum in Chronico d. pag. 588., & 432 Typographi negligentiâ legitur: per quam & titulum) excepto Presbytero, quem nominatus Trasemundus, vel ejus heredes per tempora ordinare, idest in ejus Ecclesiæ curam, & possessionem deligere, voluerint &c. Sic enim verbum *ordinare* heic accipiendum est, consuetæ ejus ævi significatione, ut scilicet non modo Ordines Sacros, & Ecclesiasticos conferre sit, de quo laudatus Gangius agit: verum etiam quamlibet potestatem, sive munus, aut etiam jurisdictionem politicam tribuere. Paulus Diaconus lib. 4. cap. 53. Grimoaldus hæc audiens, mox animum ad Regnum Longobardorum obtinendum erexit: ordinatoque apud Beneventum Romualdo suo filio Duce &c. Et sanè Alfano Presbyterum à Trasemundo ordinandum in dicta Ecclesia, à se, suisque Successoribus consecrandum secundum Canonicam sanctionem distertè cavet; quæ quidem consecratione Sacrorum Ordinum collatio præclarè intelligitur.

quam apud Cives subiverat ob casum fratrem Theodosium, patrata in Pontificem Martinum, ac Maximum facinora, adoptatamque Monothelitarum Hæresim: quemadmodum Zonaras, Theophanes, Cedrenus, alique Græci Scriptores affirmant: Rem tantam moliri, exequique vix posse ratus, nisi Longobardis, Cistiberinæ præsertim Italiæ Dominis, è medio sublatis, ingenti comparata classe anno DCLXII. Tarentum applicuit, indeque immensi furoris raptus, captis in itinere, direptisque Urbibus aliquot, Beneventum, Ducatus sedem, expugnaturus properavit: Rei (de qua uberius alibi egimus (1)) fuit exitus, ut incassum Constantis conatus cesserint, qui, soluta Urbis obsidione, ingentem adhuc à Longobardis sui Exercitus stragem tulerit; quare fractis viribus satius sibi duxit Neapolim subditam Græcis Urbem se recipere, perlustratæque Romæ, in Siciliam (futurum mox sepulchri sui locum) secedere, ita ut relicta Longobardis Italiâ, amplius ejus Gentis fortunas, ac dominationem, quam evertere satagebat, constabiliverit. Hoc primum Longobardicæ Reip. emolumentum: Alterum Religionis fuit: Dum enim Constantis Urbis expugnationi vehementius incumberet, Civisque jam pavor occupasset, ne in sævissimi hostis potestatem redigerentur, opportuna Viro Sanctissimo Barbato ea occasio visa fuit, ut Ducem Romualdum, suosque Longobardos de extirpandis avitis quibusdam superstitionum reliquiis publicè commoneret, pollicitus præfentorem, validioremque ipsis fore Divinam opem, quam quæ à Rege Grimoaldo Patre postularentur auxilia: Obtemperarunt Longobardi, quibus lætissimum fuit, non solum à cervicibus suis Hostem submovisse, verum etiam discedentem multa clade affecisse; majus verò, atque omnino salutare illud, superstitiones illas delesse, veteremque à suo nomine infamiam, atque a Longobardorum religione superstitem maculam jamdemum sustulisse (2).

Hæc quidem de Beneventana Urbe satis læta: lacrymosa verò de aliis Urbibus illa sunt, quas (uti dixi) Imperator Constantis Italiam ingressus primo veluti impetu vastavit, diripuitque (3). Ejus calamitatis confors inter alias Sipontina Urbs; satis illa dives, ut ei invadendæ immanissima Constantis avaritia inhiaret; cui etiam novas faces addidit proxima Urbi S. Michaelis Archangeli Basilica tam religione, quam opibus suis præclarissima. Non ignotus Græcis is locus, qui paucos ante annos sacras illas opes prædam sibi facere aggressi fuere, memorandaque ea res evalit digno sacrilegi conatus successu, dum Beneventanus Dux Grimoaldus (teste Diacono Paulo) *super eos cum exercitu veniens, ultima eos cade prostravit* (4). At Constantis furori cedendum postea fuit, qui exaturatâ avaritiâ, inauditum adhuc impiissimæ crudelitatis exemplum reliquisse voluit; cuncta enim ferro, ac igne ita vastavit, ut non modò loci religio, sed & nomen, ac memoria (nisi Barbatum malo occurrisset) perpetuò periisse videretur. De Barbato plura diximus in Dissert. II. Cap. IV., quo loco Viri Sanctissimi genus, institutum, virtutes, posthumam denique gloriam demonstravimus. Nihil præstantius ab ejus virtute profectum, nihil immortali laudum præconio celebrari dignius, quam quum à gentilibus suis eam labem dispulit, Longobardisque, etsi Christianos, etsi Orthodoxos, ad purioris pietatis, sinceriorisque religionis semitas revocavit: Sed nihil quoque Beneventani Populi sanctissimum studium, æquissimamque judicii œconomiam magis ostendit, quam quum, Ildebrando Episcopo paullo post defuncto, Barbatum de Patriæ salute, ac religione optimè tunc meritum, Pastorem sibi delegerunt. Ampliora ex ejus Dignitatis accessione spatia Barbatum virtus invenisse sibi visa fuit, qui in id unum incumbere cepit, ut non modò plebis sibi commissæ mores ad solidioris pietatis officia informarentur, verum etiam Religionis rebus, sicubi collapsæ viderentur, undique reparatis, universi Longobardici Ducatus felicitas refloresceret. Haud diù itaque tulit Sipontinæ Ecclesiæ interitum, non Garganicæ Basilicæ deletum cultum passus est. Qua in re id primum nobis animadvertendum erit, non aliam, vel certè potissimam Episcopo Barbato ejus sollicitudinis fuisse causam, quam illud Primatus jus, prærogativamque, quâ Beneventana Sedes potiebatur; uti superiore Capite præclarius fuit demonstratum. Quamvis autem Primatum ipsum non nisi intra Samnii Provinciam porrectum tunc statuerimus, ita ut qui ad finitimam Apuliæ Pro-

(1) Dissert. II. cap. 2.

(2) De Viperæ simulacro, cui Longobardi cultum adhibebant, deque superstitionis ad certam Arborem eorum ludis, actum superius à me fuit in eadem Dissert. II. cap. 3.

(3) Sic Paulus Diacon. De Gest. Longob. lib. V. cap. 7. Igitur cum Constantis Augustus Tarentum venisset, egressus

exinde Beneventanorum fines invasisit, omnesque penè, per quas venerat, Longobardorum Civitates cepit: Luceriam quoque opulentam Apuliæ Civitatem expugnatam fortius invadens diruit &c. Eadem narratur in Actis S. Barbatum, de quibus egimus l. I.

(4) Lib. IV. cap. XLVII.

Provinciam pertinerent Episcopi, inter quos Sipontinus certè numerabatur, nullam Episcopo Beneventano subjectionem præstare tenerentur; tenenda tamen nunc sequutorum temporum, successorumque Principum ratio est, quâ utraque Provincia, immo aliæ plures, quas Cistibantina Italia complectebatur, propterea quod uni Domino jam parerent, in unum Ducatum Beneventanum coaluisse videbantur, cujus Ducatus non solum Sedes, sed (ut Pauli Diaconi verbis utar) *omnium Provinciarum*, quibus Ducatus constituebatur, *Caput erat dissimula Beneventum* (1). Exhinc igitur factum oportuit, ut pari ratione, iisdemque iuribus superiore Capite demonstratis, quæ solius antea Samnii termino continebatur, paulatim Episcopi Beneventani auctoritas cum ipso simul Beneventanorum Ducum Imperio in latiores fines propagata fuerit: Id probatum videri potest ex ea Episcoporum legatione, quam sequenti sæculo Princeps Arichis ad Carolum Francorum Regem pro impetrando fœdere transmissit; quorum Episcoporum ex universa Beneventani Principatus ditione coactorum Princeps, & Caput Beneventanus Episcopus fuit, uti paulò inferius observabimus. Interim dum ex Grimoaldi factis, qui paucos ante annos Græcos ad Garganicam Basilicam diripiendam adventantes profligavit, Sipontinam Urbem, ejusque Regionem Romualdo ejus filio, Beneventanoque Duci subditam fuisse constat (2), sui muneris duxit esse Barbatus, ut qui tunc Beneventanus esset Episcopus, atque antiquo Primatus jure, eam regionem sibi accessisse animadverteret, de reparandis Sipontinæ Ecclesiæ detrimentis, instaurandaque Garganicæ Cryptæ religione seriò cogitaret. Quod, uti gestum ab eo sit, ex ejusdem Actis didicisse præstabit.

Barbati Episcopi electionem, ad quam *userque sexus, & ætas unanimiter consenserunt latantes*, eo quod talem mererentur habere Patrem, non solum probavit Dux Romualdus, qui eam rem in votis jam habebat, *optimo* (ut aiebat) Patri sui, suorumque curam commissurum se certò nescens, verum etiam tum accepti beneficii, tum promissionis suæ memor ingentibus locupletare opibus Barbatum aggreditur. Ille verò, qui *non honoris, aut divitiarum avidum, sed de Civium salute anxium* se ostenderat, Pastoris quidem munus, velut in aliorum utilitatibus procurandis onus divinitus sibi impositum suscepit, divitias verò constanter recusavit. Harum tamen loco illud Deo acceptius, Ducique salutaris fore adiecit Barbatus, ut Garganica Basilica cum Sipontino Episcopatu suæ curæ, jurisdictionique concederetur, quò facilius Religionis detrimenta, quæ ibi acciderant, submoveri possent, instaurandisque felicius, quàm olim, rerum omnium status, Beneventani Antistitis operâ, auctoritateque stabiliior deinceps permaneret: Qui ampliora largiri paratus erat, atque suscipere nolentem vehementius rogabat, postulata quàm libentissimè præstitit Romualdus. Sed Acta audiamus: *Quo (Barbato) electo in ordine Episcopatus, voluit eum Romualdus, sicut pollicitus fuerat, per singulas Provincias Urbes, prædii, colonisque ditare: quæ Vir Domini Barbatus accipere renuit. At ille coquebat eum dicens: Non me inter filiorum tuorum numerum aggregari credo, si munus, quod pro mea salute offerre studeo, recusas. Coactus itaque ejusdem precibus, ait Beatissimus Barbatus: Si munus tuæ salutis offerre studes, unum impende Sacrificium, ac Beati Michaelis Archangeli Domum, quæ in Gargano sita est, & omnia quæ sub ditione Sipontini Episcopatus sunt, Sedi Beatissimæ Genitricis Dei, cui nunc indignè præsum, in omnibus subdas. Et quoniam absque cultoribus omnia depravantur, unde nec sedulum Deo illic officium persolveri potest, melius à nobis disposita tibi proficiant in salutem. Illico Princeps Viri Dei consensit petitionibus, & eo ordine, quo pactus est, sicut mos est, per Præceptum Genitricis Dei Sedi universa concessit, & ut resonat, in futuro anathematizaverunt, qui contra hæc agens irritum hanc facere voluerit concessionem* (3). Pulcherrimum illud est (quod primum in recitato Actorum loco observasse interest) ut Ecclesia Beneventana, non alio tunc vocabulo, quàm *Sedes Beatissimæ Genitricis Dei* semel, atque iterum appellata legatur; non solum enim summam ejus tituli vetustatem, de qua superius egimus, comprobasse licebit, verum etiam is titulus, quo veluti *κατ' ἐξουίαν* Ecclesia Beneventana significari consuebat, ejus supra cæteras Provinciæ, siquæ Beneventani Ducatus Ecclesias primatum ostendisse videtur. Id Romualdus ipse innuisse dicendus est, qui

(1) De Gest. Long. lib. II. cap. XX.

(2) Non solum Sipontina Urbs, atque maxima Apuliz pars jamdiu Beneventano Ducatui accesserat, sed mox post Imp. Constantis discessum universæ pæne Regionis, quas adhuc Græci obtinebant, eidem Ducatui adjectæ. Et enim Romualdus (ut narrat Paulus Dia-

conus lib. VI. cap. I.) Beneventanorum Dux congregata exercitus multitudine Tarentum expugnavit, & cepit, parique modo Brundisium, & omnem illam, quæ in circuitu est, latissimam regionem suæ ditioni subjugavit.

(3) Apud Bollandum in actis SS. Februarii ad diem 19. tom. 3. ejusd. Mensis pag. 141.

qui eandem Genitricis Dei Sedem per singulas Provinciae Urbes praediis, colonisque ditare congruum existimavit; ut quae Provincialium Ecclesiarum princeps latissimos in fines spirituales jurisdictionem exercebat, inde quoque temporalia subsidia reciperet. Provinciae verò vocabulum Romualdus, sive Actorum auctor usurpavit, non ut vetus Samnium, sed ut Ducatus Beneventani, quaquà tunc temporis ejus fines paterent, amplitudinem significaret, eo pari modo, quo Patriae vocabulum latissimam significationem, sequiore aeo, accipiebat, ut scilicet non certam Urbem, aut cujusque natale solum, sed universam Regionem, sive Dynastiam sub unius dominio, imperioque constitutam demonstraret (1). Nihil praeerea eo concessionis Praecepto, seu Diplomate solemnius fuit, quod Romualdus acerrimis indictis poenis, ne cui violandi locus esset, perpetuò observandum sancivit (2). Illud demum de Episcopo Barbato observabimus, non aliud videlicet fuisse ejus studium, quam ut collapsum Garganicae Cryptae cultum, & religionem, labefactatamque Ecclesiae Sipontinae pastorem curam restitueret: illatae iis locis injuriæ, ingentesque illius Plebis jacturae, atque calamitates, quæ in manifestum animarum detrimentum diutius permansuræ videbantur, ad Barbatum (qui pro suo in alienam salutem, divinumque honorem studio, qui etiam pro suo munere opem ferre poterat) respicere, ac quodammodo clamare videbantur: aures, manusque admovit Barbatus, qui quod animo conceperat, ac Romualdo prædixerat, fore scilicet, ut melius ibi ab se disposita, in ipsius quidem largientis Ducis salutem prefectura essent, opere mox complevit; eo quidem felici rerum successu, ut Garganica Basilica, atque Ecclesia simul Sipontina, postquam in Beneventana Ecclesia

(1) Ut exempli omittam, quæ Gangius in Glossario protulit, satis fuerit nostros Scriptores Longobardos observasse, quibus illud familiare, ut tum Patriæ, tum Provinciae vocem pro universo Principatu significando adhiberent. Sic Princeps Arichis in suis piarum Donationum Diplomatum (in Chronico S. Sophiæ p. 1. n. 2. & 3. ac deinceps) donare se ait, pro redemptione animæ suæ, & Salvatione Gentis nostræ, & Patriæ. Sic etiam (ut alia omittam) in ejus filii Principis Grimoaldi elogio sepulchrali apud Anonymum Salernitanum cap. xxvi.

Salvarit Patriam sed, Benevento, tuam.

In Charta Principis Sicardi in Chron. Wiltunensi to. 1. part. 11. Scriptor. Ital. pag. 388. sic legitur: *Usus hujus nostræ Provincie sic est judicari: Ubi Provincia pro ipso Principatu omnino accipitur. Adde, quod Principes ipsi in Chartis suis se Beneventanæ Provincie Principes aliquando inscribere solebant, ut ex eodem Chronico pag. 376, & seqq.*

(2) Verbum *Anathematizare*, etiam plurali numero usurpavit Actorum Scriptor, qui tamen partim corrigi, partim explicari debet; ubi enim legitur: *Sicut mos est per Praeceptum Genitricis Dei Sedi universa (Romualdus) concessit, & ut resonat (sc. Praeceptum) in futuro anathematizaverunt, qui contra &c. legendum videtur: anathematizavit: id est ipse idem, qui concessit: nam si ea pena in eodem Praecepto resonabat, non equidem nisi ad unum Romualdum facientem referenda est. Quid igitur? an quod ipsius Barbati, id est Episcopi erat, sibi usurpavit Romualdus? Minime quidem. Non ut pena Ecclesiastica ibi accipiendum est verbum *anathematizare*, sed veteri significatione, ac latissime sumpto *anathematis* vocabulo, quo capitis maxima diminutio, aquæ, & ignis interdictio, & alia id genus atrociora supplicia significabantur; quæ, ut verbo uno simul comprehenderet, indicaretque, ipsum *anathematizandi* verbum Actorum Scriptor opportunum sibi censuit. Ejusmodi *Anathematismum*, quæ à secularibus Principibus infligebantur, illustre exemplum occurrit in Charta Edgari Regis Anglorum anni 966. de Foundatione Monasterii Wintoniensis; in cujus Chartæ (apud Labbeum to. 11. conc. pag. 901.) cap. x. in Canonico primùm ab eo loco eliminatis hæc sancta ab Edgario legantur: *Si autem qualibet occasione, diabolo insigante contigerit... ut decessit Canonici Monachorum gregem... deicere insidiando voluerint, aga-**

*tur de iis, quod assum est de Angelis superbientibus, ut Paradisi videlicet limitibus ejedi, baratbri incendiis detrussit, jugi crucientur miseria: Nec inde evulsi se gloriantur evasisse tormenta, sed cum Juda Christi proditore, ejusque complicitibus Acheronte conglutinati, frigore strident, fervore perusti, letitia privati, moerore anxii, catenis igneis compediti, licorum metu percussi, scelorum memoria confusi, totius bonitatis recordatione semoti, eterno lugubres puniantur cruciatu. Tum cap. 11. in alios quosque sic Edgarus pronunciat: Qui autem jam prædictos novi Wintoniensis Ecclesie Coenobii Monachos Monasteriis, quæ vitiorum spurcitiis expurgant, Jesu Christo Domino nostro acquisivi, eliminare præsumens voluerit, anathema sit; & eadem maledictione, qua Cain parricida, qui fratrem suum Abel, stimulante invidia lividus interemit, maligna adductus est, sine termino teneatur obnoxius; atque in Dei persecutione continuo perseverans, in hac vita nullum dignitatis acquirat honorem, nec in futuro sine miseria nunquam perfrict, sed cum Anania, & Sapphira una Styx voragine ejulantem crucians completatur. Confecta ea Charta fuit coram Anglorum Proceribus, atque Episcopis, qui post suas subscriptiones hæc addiderunt: Omnes, qui nominatim huic Privilegio Regis jussu descripti videntur, posteritatis nostræ prosepium subnixæ deposcimus, ut manuum nostrarum vadimonium Christi Cruce firmatum nequaquam violantes irritum faciant: Si successorum quispian violare præsumpserit, Corporis, & Sanguinis Christi participatione privatus perpetua damnatus perditione anathema sit. Utamque Anathematis formulam descripti, tum à Rege Edgario, tum ab Episcopis usurpatam, ut jam illud ex hoc Monumento discamus, quid inter utrumque *Anathema* interfit. Vides enim quod à Rege sancitum est, dirarum plenum anathema, sed nil aliud in violatores penæ nomine indicens, quam ut in hac vita nullum dignitatis acquirant honorem; Episcoporum verò *Anathema* id amplius exprimit, quod illorum tantummodo potestatis sancitum erat, ut scilicet transgressores Corporis, & Sanguinis Christi participatione privati essent. Stat igitur certa, & evidens illius Anathematis ratio, quod à nostro Duce Romualdo sancitum fuit; quod si ejus Diplomati etiam Barbati tum subscriptio, tum anathema (supradictæ Chartæ exemplo) accesserit, Actorum lesionem retinere licebit, in qua, *anathemizaverunt*, legere est; diversum verò utriusque tum Romualdi, tum Barbati anathema fuisse, dicendum est.*

clesiæ potestatem pervenissent, Beneventanorum Episcoporum curæ, auctoritatisque conceditæ, præsentibus malis liberatæ, ac recreatæ, meliorem adhuc statum, quem Episcopi Barbatii opera assequutæ fuerant, dein Successorum curâ ad quatuor propè Sæcula conservarint.

Sunt tamen, qui hac in re diversum omnino de Episcopo Barbato iudicium pronunciare ausi sunt; quodque à nobis Barbati virtuti, laudique tributum hætenus est, vitio illi vertunt, ac probro. Barbatum ambitionis spiritu, sive æstu ductum arbitrantur, propterea quod Territorio suo, sive Dioecesi non contentus, Episcopalem iurisdictionem, conquisito Sæcularis Potestatis suffragio, sibi amplificandam curaverit. Ac vir quidem Clarissimus Ludovicus Ant. Muratorius in suis Medii Ævi Antiquitatibus *de vario statu Dioeceseon Episcopatum* Dissertationem instituturus, de iis Episcopis dicere exorsus, qui in alienas Dioeceses suas immittere manus moliti sunt, id iustis aliquando de causis factum primo loco non abnuat, interdum verò sine causa perpetratum subiungit, atque ut ambitioni quorundam fieret satis, Principibus Laicis, non verò Pontificibus Romanis, usurpationes huiusmodi contra Sacros Canones fovendis. Rem ipsam totam, uno nostri Episcopi Barbati facto, satis, superque probatam sibi voluit, quasi id præclarissimum foret exemplum, quod vice omnium stare posset, vel exinde paria de aliis Episcopis passim argumentari liceret; in eam autem ferendam sententiam alacriorem Muratorius effecit quædam Chronici Vulturnenfis Charta anni 839., binis propè Sæculis Barbati ætate posterior: Quæstionem instituit in Auditorio Beneventati Principis Sicardi *Iustus* Archipresbyter S. Ecclesiæ Beneventanæ, nomine *Hermessii* Episcopi sui adversus Præpositum Monasterii S. Mariae de loco sano, de Ecclesiâ quadam Baptismali sub titulo S. Felicis, quam ille Episcopus antiquitus subjectam usque ad tempus Domni Gisulphi Ducis, & Munoaldi Reverentissimi Episcopi, posthac vero contra Sacros Canones à Donna Escauniperga, & Domino Liutprando præfato Monasterio perperam concessam contendebat: Contra hæc Theopertus Præpositus Monasterii, & Theodoricus Procurator Palatii usum, Provincia in iudicando obtendens, frustra ejusmodi concessioni Canones objici reponebant, quos Principes, & Antistites, & Edicta Gentis Longobardorum in oblivione ponere consueverant: attamen (subdebant ambo simul Procurator, & Præpositus) si hoc minime stare potest; quia ad Canones judicare vultis, quomodo Sanctus noster Barbatus Episcopus obtinuit à bonæ recordationis Domino Romualdo, ut usurparet Sanctam Sedem Sipontinam, & per ejus observationem usurpata esset, & contradita esset Sancta Sedi Beneventana, & ab eo tempore usque nunc ibidem nullus fuit consecratus Episcopus? Si enim de hac Basilica (ipsa scilicet Ecclesiâ Baptismali) quia Canones, & per usum Provincia minime stare potest, vultis vos observare Canones, fiat in præfata Civitate Sipontina ordinatus Episcopus, & destruetis plurima Monasteria, quod antecessorum Ducibus per suum Præceptum donaverunt, sicut & vobis de nominato Sipontinum, & ejus Parrocchia per Præceptum Domni Romualdi fuit concessa, quod & nobis esse videtur, & hoc contra Canones factum fuisse. Tunc Sicardus (ita Judicati Charta narrare pergit) haud sibi de proposita exceptione curiosius inquirendum, neque de controversiæ Baptismalis Ecclesiæ origine, atque utriusque partis primævo jure, seu dominio disceptationem protrahendam duxit, sed de præsentis negotii possessione cognoscere maluit; auditisque testibus, qui eam Baptismalem Ecclesiam non Episcopio, sed Palatio subjectam asseverabant, satiùs habuit, immo è re sua esse censuit, ratam habere Scauniperga, ac Liutprandi concessionem, eamque Ecclesiam Monasterio adjudicandam definivit. Tunc (sic Judicatum pronunciantem Sicardum Charta profert) nostra qui supra gloriosa potestas per eorum testimonium consideravimus, quomodo Principes, & Antistites hujus Provincia per usus essent judicaturi, placuit nostræ Potestati, quod gloriosa Scauniperga, & Vir gloriosissimus Liutprand per suum emiserunt præceptum in prædicto Monasterio firmiter, atque inviolabiliter debeat permanere: & per ampliorem definitionem fecimus dare guadium superscripto Theoperto Præposito, jam dicti *Iusti* Archipresbyteri, ut ei præferet Sacramentum à parte Monasterii secundum Legem Romanam sibi quinta persona dicendo, quod Ecclesiâ S. Felicis tantum Palatio obaudiuit: nam nihil ad Episcopium quandoque obedientiam habuit, & esset causa finita (1).

Hæc non uti à nobis exposita sunt, sed multis dissimulatis, adhibuit sibi Muratorius, ut ex recriminatione illa, qua Præpositus Monasterii adversus Ecclesiam Beneventanam usus est, certum sibi educeret argumentum, quo Sipontinam Ecclesiam contra Canones Ecclesiæ Beneventanæ subjectam demonstraret, atque Episcopum Barbatum, qui id Romual-

(1) In Chronico Vulturnenfi tom. I. P. 11. Scriptor. Ital. pag. 388.

Romualdo Duce duntaxat auctore impetravit, ambitionis convinceret. Sed neque heic subſtitit Muratorius; occaſionem ex eadem Charta ſibi quoque arripuit, ut Barbatu Succellor, vel certè poſteriores Beneventanos falſi expoſtular, quod vel Barbatu nomi- ni, ne contra Canones peccaſſe videretur, vel Beneventanæ Eccleſiæ juribus conſervan- diſ proſpecturi, Apoſtolicas literas conſinxiſſent Pontificiſ Vitaliani, qui Barbato Eccle- ſiam Sipontinam cum Garganica Baſilica, atque alias præterea Eccleſiaſ ſpeciatiim con- firmavit. Præpoſiti exceptionem audiens Sicardus Princeps (itã diſſerere, aut potiùs ar- gumentari pergit Muratorius) petiit à Juſto Archipreſbytero Sanctæ Beneventanæ Eccle- ſiæ, ibi agente pro Epilcopo Hermeriſſo, an ipſa Sedes Sipontina cum Canonica Sanctiõne (hoc eſt ſecundum Canones, & probante Apoſtolica Sede) fuiſſet ſublata. Et ipſe nobiſ claruit, dicens, quod contra Canones facta eſt uſurpatio prædictæ Sedis Sipontina. Habemus heic (en Muratorii argumentationem) unde falſi poſtulemus Literas Vitaliani Pape, à Mario Vipera productas, quibus unio Sipontina Eccleſia cum Beneventana probatur. Ut alia omittam, pugnat textus, pugnant & notæ Chronologica Bulla illius cum Hiſtoria; quod & Camillus Pe- regrinus, & Ughellius ſunt ſuſpicati; quamobrem nil mirum ſi anno DCCCXXXIX., quo ſcri- pta fuit Charta Vulturneſis, hæc literas ignorabant veteres Beneventani; ſed tantummodo norant, factam unionem illam fuiſſe per Præceptum Romualdi Ducis Beneventani, & quidem, ſi mendo caret charta, per uſurpationem (1).

At mendoliſſimam, immo mendaciſſimam Chartam (ſi præjudicatã ſententiã ad rem ſtatuendam, ſive diſſerendam non acceſſiſſet) animadvertere Muratorius debuiffet: Cur id tam fidenter affirmem, ipſe in cauſa eſt Muratorius, ipſe mihi auctor, & iudex. De Chronico Vulturneſi, quod ſerã admodum ætate, ideſt anno 1120. à Joanne illius Mo- naſterii Monacho conſarcinatum fuit, primamque lucem aſpicere meruit inter Scriptores Italicos ſuã egregiã curã editos, deterrima quæque ſentit Muratorius, de earum præ- ſertim Chartarum fide, quibus integrum penè opus coaleſcit, & in multam molem con- ſtat: Quum enim ad eas Chartas perveniſſet, hæc in limine, ac ſatis ſeriõ obſervat, pronuntiãque not. 1. Antiquiſſima iſta Charta quacunque à Chronographo noſtro producun- tur, aut aperta falſitate laborant, aut certè ſuppoſitionis ſuſpicionem relinquunt (2). Om- nium autem fociarum Chartarum digniſſima ea, de qua nunc agimus, eſt, quam, Mu- ratorianã ſententiã generatiim prolata, ſpeciatiim damnemus. Non heic moror foediſſimas illas ſordes, quibus horret informis, atque inconditus ſequioris ævi foetus; ita ut nihil barbaricæ faciès relinquantur, immo nullibi tantum invenire erit, quod non factã veluti illuvie in eam Chartam exundarit (3); neque levis illa falſi ſuſpicio eſt, eodem ſcilicet an- no 839. Chartam inſcriptam legi, quo Sicardus ab Erchemperto, Anonymo Salernitano, aliſque Chronographis interfectus traditur: Id tamen à Muratorio quærendum erit, an ſimile illud veri eſſe queat, ut Juſtus Archipreſbyter, qui Canonum vi, auctoritateque munitus Ædem illam Baptiſmalem ad Eccleſiæ Beneventanæ dominium, poſſeſſionemque revocare nitebatur, eò quod (inquit) inſtituta Patrum Canonica ratione nullo modo permittit fieri de Eccleſia, quæ lavacrum Baptiſmi videtur habere; nequaquam ſe ſubtrahere poſſet ab Epilcopali Sede; ipſe, inquam, Juſtus exceptionem illam, quã Adverſarii, exemplo Si- pontinæ Eccleſiæ in medium prolato, Monafterium, & Palatium tueri obnitebantur, tam facile adprobat? Sed ita fert Charta: Unde nos Dominus Vir glorioſus Sichardus inquitſi- mus ſupradictum Juſtum Archipreſbyterum, ut ſi ipſa Sedes Sipontina cum Canonica Sanctiõne fuit ſublata, & ipſe nobiſ claruit, dicentes eo, quod contra Canones facta eſt de uſurpatione prædictæ Sedis Sipontina. Ita vulgatam Chartam legere eſt: at falſo quidem verba hæc ex Beneventani Archipreſbyteri ore prodiſſe aſſerunt, ſive id maleferiatuſ Chartæ auctor aſſerat, ſive aſſerat incautus Chartæ interpres; Poſterior hoc, ſi magis lubet, ex ipſa Charta facili ne- gotio dignoſci poſſet, ubi plurali numero leguntur: dicentes, eo quod contra Canones facta eſt de uſurpatione (ſic Charta; at Muratorius, uſurpatio) prædictæ Sedis Sipontina; non igitur eſt ipſe Archipreſbyter, qui dixerit; quicquid illud fuerit, quod is ad Sicardi in- quiſitionem reſponderit, deſiderandum reliquit Charta, quæ eo loco lacunam habere de- buit, conjectandum verò faciunt ſubſequentia verba multitudinis numerum exprimentia; nam certè, ne tam citò cauſa caderet, inſiciari eam rem Archipreſbyter debuit, cui

ALTER

T t

quidem

(1) Antiquit. Med. Ævi t. v. Diſſert. LXIV. pag. 355.

(2) In notis ad d. Chronicon Vulturneſe pag. 347.

(3) Ex locis ſuperiùs recitatſ id maniſeſtum ſit: Ad-

de paſſim ſpretas ſingulas penè Grammaticæ leges. Au- dies etiam ibi abſultum, pro ablatum; obaudire, pro obedire; & alia id genus potiùs monſtra, quàm verba.

quidem inficianti facclamare perseverarunt Theodoricus, & Theopertus communem Monasterii, ac Palatii causam agentes, dicentes eo quod contra Canones facta est de usurpatione praedicta Sedis Sipontina. Dum verò ea res nihil, aut vix ad praesens negotium pertineret, neglecta à Sicardo fuit, qui de Ecclesia illa Baptismali, de qua tunc erat quaestio, diversà incedens viâ, iudicatum suum tulit: ut jam mirum certè sit, tanti eam rem momenti Muratorio visam, ut non solum impune, sed decorum sibi duxerit, tot criminationes induxisse, quas potius ex patefacta rei ejusdem ineptitudine, vel saltem levitate, atque incertitudine calumnias, aut certè cavillationes jure, meritoque appellare licebit.

At paulò iniquior, aut certè inconsulto studio adversus Chartæ Vulturnenfis fidem egisse videbor, ex qua id saltem commodi in Ecclesiam Beneventanam promanat, ut duos Episcopos, antehac sibi ignotos, nuncdemum sciat. Haud neglexit rem Muratorius, de qua sic statuit: Nullam Hermerisfi Beneventani Episcopi mentionem habet Ughellus, qui propterea statuendus est inter Ursum, & Ayonem Antistites anno 839. Ad hac in eadem Charta legitur, Baptismalem illam Ecclesiam usque ad tempus Domini Gisulphi Ducis, & Monoaldi reverentissimi Episcopi fuisse in dominio Sanctæ Beneventanae Ecclesie; & hic Monoaldus Episcopus ibidem Beneventanus ignotus fuit Ughellio. Ab anno 732, usque ad 749. Ducatui Beneventano praefuit Gisulfus II. secundum Peregrinii calculos. Ergo inter Ardericum, & Ambrosium, qui ex fide Marii Viperae Cathedram Beneventanam tenuerunt post annum dcc. collocandus erit Monoaldus. Hactenus Muratorius, qui criminationes suas hoc saltem beneficio compensari posse existimavit, quod Ecclesiae Beneventanae ignoranti duos Episcopos, Chronici Vulturnenfis editione facta, lucratus fuerit, ac suum cuique locum invenire, & attribuire adhuc laboraverit. Sed cur is in priore Hermerisfo, dissimulato Mario Vipera, Ughelli catalogo utitur: In posteriore verò Monoaldo, Ughellio neglecto, ad Vipera confugit? Citò dicam: Ajonem Urso (quamquam inter utrumque anni saltem xxx. effluxerint) proximum successorem dedit Ughellus Carolum, ac præterea duos Joannes aspernatus, à Vipera interjectos, quos ab ea serie expunxisse, ait, veluti gratis ab eodem suppositos. Promptum igitur Muratorio fuit inter Ursulum, & Ayonem, idest inter illam Ughellianam diuturnitatem Hermerisfum immittere. At non gratis à Vipera Carolus, ac duo Joannes Ursi Antecessores, atque Ayonis decessores locatos probat Sarnellius pag. 47. De altero Joanne, Ayonis decessore præclarissimum adhuc testimonium jampridem prodiit cum Chronico Cavenfi, ubi ad annum 869. Joannis Episcopi mentio est, ad cujus intercessionem Imperator Ludovicus II., quem Beneventani captivum detinebant, liberatus traditur (1). Cæterum si idem annus in Charta signatus, ejusdem Sicardi emortualis fuit, ut superius probatum est, ac mense Augusti anni antecedentis 868. ab eodem Principe Corpus S. Bartholomæi Apostoli Beneventum translatus fuit (2), nihil certè Hermerisfius ille, qui potius Hermeris Muratorio placet, ad Sicardi tempora pertinet, cui supradictus Ursus Episcopus superstes fuit. Nihil hac re præclarior, quàm pervetusta Acta dictæ Translationis literis Longobardicis scripta, atque in nostra Bibliotheca servata in Cod. III. Actorum SS. abundè testantur. En ipsa verba: *Prefatus Princeps anno VII. principatus sui jam capiente principium, morte præventus Apostoli Basilicam dimisit, quam inceperat, imperfectam..... Ursus, qui jam pridem fuerat in Pontificatum electus, nolens edificium imperfectum relinquere, ad honorem Apostoli Basilicam instanter studuit consummare.* Facessat igitur Hermerisfius Vulturnenfis, sive Hermeris Muratorianus, nisi ipse Ursus fuisse dicatur, in illud satis insolens vocabulum transformatus. Ad Monoaldum quod attinet, vix est, ut is intra Ducis Gisulphi tempora locum sibi inveniat; quæ sibi integra vindicant, tum Toto Episcopus in veteri Charta annum secundum regiminis Gisulphi præferentis memoratus, tum *Cesarinus* (perperam Ambrosius, à Vipera, & Ughellio vocatus) qui anno 748. (paulò scilicet ante Gisulphi obitum) sub Pontifice Zaccharia Romano Concilio interfuit. Sed hæc vel obiter attigimus, ut malesanam fidem Chartæ Vulturnenfis penitus agnosceremus, aliàs de Chronologica nostrorum Antistitum serie studiosius acturi.

Age nunc ad id, quod rei caput est, ad ipsas Pontificis Vitaliani literas accedamus. Has triplici ex capite falsi expostulat Muratorius; ex veterum scilicet Beneventanorum ignorantia; tum ex doctorum Virorum judicio; tum denique ex earundem literarum vitio. Quibus anteaquam satis faciamus, præstat, Cassianum illud obijcere, cui nempe bono in

(1) Inter Opp. Peregrinii to. IV. p. 397. edit. Neapol. vense pag. 391. Tom. IV. Opp. Peregrinii; de qua re jam
(2) Chronicon S. Sophiæ pag. 361. Chronicon Ca- plura scripsi in Dissert. II. cap. V.

animum quis sibi induxisset, ut improbam industriam confingendo monumento adhibendam voluerit. Primum illud, quod in falsi crimine spectari solet, peccandi occasio est, ac peccantis emolumentum. Nihil horum omnino de Beneventanis excogitari potest, quamobrem patrare rem debuissent; sed nec quo tempore patrasse potuerint, unquam invenies: nam dum ad quatuor propè sæcula Beneventani Antifites Ecclesia Sipontina potiti sunt, non opus profectò habebant, fraude, atque dolo eam sibi prærogativam contutari, quam nemo unquam hominum in controversiam vocavit, sed iustam, legitimam, ac secundum Canones quæsitam non solum Barbati Canonum scientissimi, atque observantissimi auctoritas cum longissimi temporis præscriptione, rectè, ac ritè, seu *Canonicè* comparatam suadebat, verùm etiam Pontificia plura, quæ mox afferemus Diplomata, Vitaliani Literas subsequuta, optimo jure detentam demonstrabant. Minus etiam, postquam Sæculo xi. Sipontinæ Ecclesiæ proprius restitutus est Episcopus, ei commento locus esse potuit, unde nihil emolumenti in Ecclesiam Beneventanam derivare videbatur: neque enim ita amantes fuissent Beneventani posteriores Antifites, ut antiquum jus, pristinamque ditionem instaurare cogitassent in ea Ecclesia, quæ eadem, qua olim Beneventanæ Ecclesiæ subiecta fuit, auctoritate, suo juri restituta, adhuc etiam Archiepiscopali dignitate adaucta, & condecorata reperiebatur.

Venio nunc ad Beneventanorum ignorantiam. Beneventanos universos unius hominis, videlicet solius *Justi* Beneventani Archipresbiteri præsentia, atque ore contineri posse putavit Muratorius: Sed nec *Justus* vice Beneventanorum omnium haberi debet, itaut quod is fortasse ignoraret, ignoratum etiam à reliquis dicendum sit: quamvis etsi *Iustum* ignorantem finamus, neque turpe, neque damnosum ei, suæque Ecclesiæ fuisset. Septuagesimus tunc supra centesimumolvebatur annus, ex quo Vitaliani Litteræ acceptæ fuerunt; nulla ad id tempus de Canonica Sipontinæ Ecclesiæ subjectione quæstio suborta excutiendis è Tabulario Ecclesiæ, inspiciendis, exhibendisque Literis occasionem fecit. Quæ tunc, idest anno 839. coram Principe Sicardo quæstio agitabatur, ad diversam omnino Ecclesiam pertinebat; proposita de Sipontinæ Ecclesiæ concessionem objectio aliena prorsus ab eo negotio erat, atque ex improviso in medium prolata. Non igitur mirum, si *Justus*, qui ad eam rem imparatus accefferat, earum Literarum ignarum se ostendit, sed, uti jam diximus, nec *Iustum* ignarum dicere licet, cujus responsum ad Sicardi *inquisitionem*, seu interrogationem, vel in Charta Vulturneni dissimulatam, vel potiùs oblitteratam jam probavi; neque si *Iustum* ignarum cum Muratorio fingamus, ex *Justi* ignorantia ad omnium Beneventanorum tunc præsentium, minùs etiam ad posterorum ignorantiam statuendam recta argumentatio erit; immo manifestè falsa erit, dum, quando opus paullo post fuit, Vitaliani Literas se probè scisse, ac nosse Beneventani ostenderunt: Quum enim sequuto mox Sæculo x., & xi. Beneventana Ecclesia è re sua duxerit, ut vetera Privilegia, ac Jura sua à Romanis Pontificibus confirmata reciperet, tunc nullo modo ignorata, sed (quod ita tunc res postularet) erutæ ex Archivo in lucem, hominumque memoriam Vitaliani Litteræ, offensæ tunc Romanis Pontificibus, Privilegia confirmaturis, ab iisque *diligentissimè* inspectæ, probatæque fuerunt, ut inferiùs dicemus.

De Virorum doctorum judicio, quæ habenda sit ratio, ipsimet Viri docti demonstrant. Primum omnium Camillus Peregrinius de illarum Literarum fide, suspicionem sibi, aliisque injicere cœpit, cujus verba sibi adoptavit Ughellus. Peregrinius itaque sic de ea re loquitur: Barbato, ut ipse a Duce Romualdo petierat, demandaram fuisse *Angelica Sacra Crypta*, & Sipontini Episcopatus curam, eadem perhibent *Acta*, Literisque probatur *adventis tunc Romani Pontificis Vitaliani*, datis eidem Barbato, quas recitat *Marius Viperæ Lib. 1. Ep. & Archiep. Beneventi*, etsi in multis adeò corruptas, ut de illarum sinceritate suspicari merito quis possit, nisi ex pluribus aliis fidelioribus monumentis, ab eodem *Vipera* relatis pag. 61. 63. 70. 81., & 85. aperiretur, Gargani Montis Specum, & Sipontinam Ecclesiam diu etiam post Vitaliani tempora *Præsulibus Beneventanis commendatas mansisse* (1). Proderit certè Peregrinium audisse, suis verbis loquentem, hominem scilicet, qui monumentum illud Campanæ Ecclesiæ fortasse adversum oculis non omnino æquis respexisse videtur; & tamen non continuò, temerèque de illius falsitate pronunciat; corruptum asserit; atque ex ejus corruptione vix, ac satis timidè illud non sibi, sed cui libeat permittit, ut de sinceritate suspicari possit: quam tamen suspicionem ipse mox, immeritò habendam

ALTER

T t 2

dam

(1) Dissert. De Fin. Duc. Benev. to. v. Opp. pag. 273. edit. Neapol., & inter Script. Ital. Muratorii to. v. p. 183.

dam fatetur, ex sublequitis Pontificiis Diplomatis, Vitaliani Literas comprobantibus, omnino sublatam. Patronum igitur, quantivis æstimandum Peregrinium proferre possumus magis, quàm Adversarium; à quo neque unum illud audisse magnopere nobis displicet, Literas nempe in multis corruptas videri: nemo enim sanæ Critices studiosus, ne dicam sanæ mentis compos, ex Scriptionis corruptione certum argumentum falsitatis, vel etiam probabilem conjecturam, immo nec justam suspensionem sibi efficit: potius id unum sibi suaserit, Ætatis barbariem, temporis edacitatem, amanuensium negligentiam, ignorantiamque, vel partim, vel simul omnes, ejusmodi labis, quam in hisce Literis videre sibi visus est Peregrinius, causam fuisse.

At Peregrinio perspicacior alia sanè multa vitiosa, & manifesta quidem falsitatis indicia vidit Muratorius: *Ut alia (inquit) omittam, pugnat textus, pugnant & notæ Chronologica Bullæ illius cum Historia.* Quæ sint omissa illa, nescire me fateor; scio non ea omisurum fuisse Muratorium, qui tanto æstu in Vitaliani Literas, seu, ut is appellat, *Bullam* exaruit: Fortasse tamen, cur contra illarum fidem vehementius pugnaret, pugna illa in causa fuit, quam inter textum, notasque Chronologicas, atque Historiam adesse animadvertit. Sed non ea quidem ejusmodi pugna est, quæ nullo unquam foedere extinguipossit, immo levis fortasse illa, quæ

Pulveris exigui jactu compressa quiescet.

nulla denique, si Literæ ipsæ æquis lectoribus spectandæ, dijudicandæque afferantur.

*Vitalianus Episcopus Servus Servorum Dei Reverendissimo Domino Carissimo
Beneventanæ Ecclesiæ Episcopo, & in eodem Venerabili Episcopio
in perpetuum.*

Cum sicut Apostolica dignitatis apertè in hoc Divini profectus nitore dignoscatur præfulgere; & in exercendis Dei laudibus, seu impensius studeat laboris exhibere certamen, ob hoc debita nos ejusdem Apostolica Pastoralis compulsi sollicitudinis cura, quæque ad stabilitatem piorum locorum promulgari, & Apostolica institutionis censura confirmari. Igitur quia postulasti à nobis, quatenus reverendissima Beneventana Ecclesiæ, Deo favente, reverendissima Sedis Apostolica decoraretur; idcirco tuis piis desideriis faventes, ac nostra auctoritate id, quod exposcis, effectui mancipamus; concedentes tibi, tuæque præfate reverendissima Beneventanensi Ecclesiæ, idest Bibinum, Asculum, Larinum, & Ecclesiæ S. Michaelis Archangeli in Gargano, pariterque Sipontinam Ecclesiæ, quæ in magna inopia, & paupertate esse videtur, & absque cultoribus, & Ecclesiasticis officiis nunc cernitur esse depravata, cum omnibus quidem eorum pertinentiis, & omnibus prædiis, cum Ecclesiis, Familiisque utriusque sexus, & massis, totaque loca ditioni antiquæ possessa tuæ Sanctimonie, Successoribusque tuis concedimus hæc omnia dominanda, & possidenda, atque canonicè disponenda, cum omnibus suis ubique pertinentiis, sive sint in præfatis Civitatibus, sive in quibuscumque castris consistentia, siquidem insuper Apostolica censura sub divini judicii obtestationibus, & validis, atque atrocibus anathematis interdictionibus, ut nullus unquam Successorum vestrorum, vel alicujus dignitatis potestate præditus reverendissima Beneventana Ecclesiæ aliquam vim facere, vel in cunctis jam supradictis Ecclesiis, vel de iis, quæ pertinere videntur, quoquo modo auferre, aut alienare, vel ejus minuire terminos, & nec quamlibet malitiam, aut jacturam molestiam in easdem inferre quocumque tempore, nec licentia sit, ut dictum est, ex earum pertinentiis antiquam magnæ, parvæque persona auferre, sed omnia superius taxata sub potestate, ac dispositione Beneventani Episcopatus perpetuò consistent; ut profectò juxta id, quod à nobis statutum est, eadem Venerabilis Reverendissima Beneventanensis Ecclesiæ Apostolicis constitutionibus, aut privilegiis consistens, ornata, inconcussa, dotata permaneat. Si quis autem (quod non optatur) nefario ausu præsumpserit hæc, quæ à nobis ad laudem Dei pro stabilitate dicte Ecclesiæ Beneventanæ statuta sunt, refragare, aut in quoquam transgredi, sciatur anathematis vinculo innodatum esse, ac cum Juda Domini traditore, & cum omnibus impiis æterni incendii supplicio condemnatum: at verò, qui pio intuitu observator, & in omnibus extiterit custodiens hujus nostri Apostolici Constituti, ad cultum Dei respiciens, benedictionis gratiam à misericordissimo Domino Deo nostro multipliciter consequatur, & vitæ æternæ particeps effici mereatur. Scriptum per manum Adriani Scrinarii Reverendissima Romanæ Eccle-

Ecclesie in mense Februario Indictione xi. Benevalet. Datum 3. Kal. Febr. per manum Anastasi Primicerii Defensorum Reverendissima Sedis Apostolica anno Deo propitio Pontificatus Dñi Vitaliani summi Pontificis, & universalis Pape in Sacratissima Sede B. Petri Apostoli primo, Indict. xi. (1).

Nihil insolens, aut quod ab ejus ævi stilo, ac diplomaticis formulis alienum sit, hæ Literæ præferunt, sive honoris titulos spectes (2), sive pœnas in transgressores sancitas, Anathemata inflicta, execrationes obnunciatas (3). Quæ autem pugna illa sit Literarum cum Historia, non video: lego potius commemoratam in Literis Garganicæ Basilicæ vastationem, Sipontinæ Ecclesiæ divinum cultum collapsum, atque extinctum; lego inopiam, paupertatem, depravationem, quæ omnia vera fuisse, vetusta, quæ superius protulimus, indubia fidei monumenta attestantur; eaque omnia, dum promptam occasionem, legitimamque causam Pontifici Vitaliano præstiterunt, ut Garganicam Basilicam, Sipontinamque Ecclesiam Beneventano Episcopo, qui unus suppetias ferre poterat, debebatque, subiectam declararet, ejusdem Literarum fidem luculentius confirmant. Ad notas verò Chronologicas quod attinet, pugnat quidem cum anno Pontificatus Vitaliani primo undecima, quæ in literis notatur, Indictio: At, etsi in Literarum archetypo ita scriptum fuerit, nullum id nobis facessere negotium debet. Muratorii satis meditata sententia isthæc est, qui in Berengarii Regis Italicæ Diplomate ingens inter notas Chronologicas dissidium offendens, non ideò de ejus chartæ sinceritate dubitandum censet: Privilegio (ait) nullum deest authenticitatis indicium: attamen nihil aliud ibi ego legi, nihilque ceteri inspexerunt, quibus legendum exhibui, nisi annum dcccc. quum contra conscribendus ibi tantum foret annus dccccxc. Sed quid minus hæc refero? Ut minus periti in re Diplomatica ex novo hoc exemplo intelligant in Autographis ipsis, minimeque apographis Diplomazibus occurrere interdum Notariorum

[phal-

(1) Apud Ughellum Ital. Sacr. to. viii. pag. 23. edit. Rom.

(2) De Reverendissimi titulo superius egī not. 4. p. 323. ad Ep. Alfani chartam: ubi à Gregorii M. ævo, ejusque exemplis prolatis, Romanos Pontifices, probavi, cum honoris titulum Episcopis detulisse. Haud pigebit ex pluribus, quæ passim occurrunt, unum exemplum hæc addere ex Bulla PP. Stephani II. anno 752. facta ad favorem Ecclesiæ Aretinæ, inter finceas quidem Charitas à Muratorio relata to. vi. Antiq. Med. ævi pag. 388., cujus ejusmodi legitur exordium: Stephanus Episcopus Servus Servorum Dei. Reverendissimo, ac Sanctissimo Fratri Stabili Episcopo Sanctæ Ecclesiæ Aretinæ, & per eum in eandem Ecclesiam in perpetuum &c. Insolens illa in nostris Literis appellatio videri potest, cui Carissimi adhuc titulus adjectus est: at quum ibi Barbari nomen pervulgatum exemplar desiderandum relinquat, quid ni Reverendissimo, ac Sanctissimo Barbato, in Autographo exaratum fuit, quod vel temporis injuria deletum, vel oisitante descriptum in Dominum Carissimum facile evaserit?

(3) Dirarum obnunciations adhibere passim in Titulis sepulchralibus Ethnicis consuebant, ut sepulchrorum violatores detererent: collegit ex Gruteriano Thesuro Cl. Fabrettus, earum censum adaugens cap. xi. pag. 109. seq. Morem eundem à Christianis adoptatum ægrè tulit Reinesius Clav. xx. n. 440., qui in Lapide apud Ardingum Rom. Subt. Lib. iv. cap. 27. clausulam illam legens: Male pereat insepultus, jaceat, non resurgat. Cum Juda partem habeat, si quis sepulchrum hunc violaverit: verba isthæc pietati, & mansuetudini Christianæ dissimilia censet. At Reinesii importunum, indiscernitumque zelum contemnit laudatus Fabrettus, tanquam (inquit) si impius, & sacrilegus (tale enim sepulchrorum violatoris existimavit ipsamet erronea Paganorum religio) denunciations divine ultionis dissolvere immitte aliquid facinus fuerit apud veræ pietatis cultores. Itaque non ad eam unam rem Diras illas adhibere mos, fasque Christianis persuasum fuit, verum etiam in plerisque aliis ejusmodi execrationes adjectas volebant, quibus dirorum, gestorum, statutorumque suorum observantiam commendarent. Sic in facere illo inter Milites, & Consules Nepeinos isto apud

eund. Fabrett. p. 111. n. 275. si quis eorum societatem frangeret... cum Juda, & Caypha, atque Psylato habeat portionem. Sed & in bonorum donationibus, quæ Ecclesiis ad earum cultum, Deique honorem faciæ publicis, ac pierumque marmoreis tabulis inscribantur, ejusmodi execrationes adversus invatores addebantur. Duo exempla afferre satis sit ex Cl. Blanchino in Præfatione ad Vitas Rom. Pontificum Anastasi tom. i. Script. Ital. pag. 86., & 88., quorum alterum Romæ in porticu S. Mariæ in Cosmedin post singulorum bonorum descriptionem sic pergit: Si quis verò Beatissime Martyr (Valentine) ex his, quæ tibi à jam dicto Teobaldo concessa sint, vel ab illo, aut ab aliis concedentur, temerario ausu aliquid abstrulerit, distraxerit, vendiderit, vel fraudaverit, sit separatus à Domino, omniumque Christianorum consortio, quia & perpetuo percussus anathemate, atque cum Diabolo, & omnibus impiis junctus eterno incendio exuratur. Alterum ab. 731. Ravennæ prolat ad Eadem S. Apollinaris, cujus do verba ipsa: Si quis..... fundum..... ex parte, vel totum per quovis ingenio ad usum Servorum Dei hic deservientium alienare præsumpserit... eternam condemnationem sustineat cum traditore Juda, & his, qui petierit & qui largire temptaverit, conscriptis anathemati vinculis eorum trecentordeceto patrum. Ubi vides inflicto anathemati vim additam, sive majorem ex eo anathemate immisum terrorem, tanquam si à sanctissimis illis centum decem & octo Patribus, qui Nicænum Concilium celebrarunt, sancitum esset; An verò talia in Bullis suis usurpasse Romanos Pontifices invenire erit? Ita sanè. En ex ipso Muratorio tom. v. Antiq. Med. ævi pag. 470., Nicolai I. Bullam pro Monasterio Sublacensi: Si quis (ait Pontifex) quod non optamus, temerare ausus fuerit, sciat se Domini nostri, & Apostolorum Principis Petri, anathematis vinculis innodatum, & cum Diabolo, & ejus atrocissimis pompis (fort: pœnis) & cum Juda traditore Domini Dei, & Salvatoris nostri Jesu Christi, in eterno igne concremandum, & in voragine, tartareoque Chaos demersurum. Qui verò pio intuitu cultus, & obediens, atque observator hujus nostræ salutiferæ præceptionis extiterit, gratiam, & coelestem retributionem, & æterna gaudia à justo Judice Domino nostro consequi mereatur.

spalmata, ad quorum aspectum non continuò impostura crimen est injiciendum. Nempe Cancellario, uti ejus Amanuensi, excidit in hac archetypa pergamina numeralis nota x. ante postremam c. uti & alibi factum (1). Jucundissimum mihi accidit, hæc olim me, uti minus peritum in re Diplomatica, à Muratorio didicisse; opportunum, ac veluti peremptorium nunc est, ad tuendam Literarum Vitaliani fidem Muratorio docenti objecisse. Quadrant enim amissim, nec ipsa excepta numerali nota x., nostro monumento Muratorii documenta, velut is non tam de Berengarii *Privilegio*, quàm de Vitaliani *Bulla* pronunciaverit. Erratum itaque in Chronologicis ejus Bullæ notis, sive in Autographo, sive potiùs in exemplari, non abnuimus; illud verò non in Indictionis numero, sed in Pontificatus inscripto anno cubare manifestum est. Pontificiam Cathedram Vitalianus conscendit anno 656., quo Indictio xiv. decurrebat; non igitur eodem anno primo, qui in literis signatur, ipsæ literæ prodiiisse potuerunt, repugnante non solum Indictione undecima ibidem adnotata, verum etiam rerum gestarum fide, idest Sipontinæ Ecclesiæ calamitatibus, quæ multò post, circiter annum 663. acciderunt. Adde nunc ad Vitaliani annum i. præscriptam numeralem notam x., quæ Amanuensium oscitantia omiſsa fuit; & annus quidem 668. attingetur, qui Vitaliani xi. fuit, Indictionem ipsam xi. numeravit, qui denique verus earundem Literarum annus statui debet. Plures habemus adhuc superstites ejusdem Vitaliani Epistolas, quæ eadem sub Indictione xi. datæ leguntur (2); vixit enim is in Pontificatu annis 14., mensibus sex, anno 671. die 27. Januarii defunctus: Nemo autem jure dixerit Barbatum eas Literas, vel anno 663., vel mox post dictum annum à Vitaliano impetrasse (3), quo scilicet tempore is Episcopatum Beneventanum adeptus Garganicam Basilicam, Sipontinamque Ecclesiam sibi attribui à Duce Romualdo postulavit. Illud liquidò constat, dicto anno 663. Constantem Imperatorem Beneventanam Urbem obsedisse, ejusque conatus tum Beneventanorum virtute, tum præsertim Divina ope Barbati precibus impetrata, irritos cessisse. Post hæc, Barbati Acta ejusdem electionem in Episcopatu narrare pergunt; deinde eidem Barbato Episcopo factam à Duce Romualdo Garganicæ Basilicæ, ac Sipontinæ Ecclesiæ concessionem. An posteriora hæc in eundem annum 663., necessariò erunt conjicienda? Non id certè ex Actis assequimur, immò ex ipsa gestarum rerum serie veri omnino simillimum sit, ea, quæ subsequuta narrantur, non ad ipsum annum 663. sed ad sequentes pertinuisse: itaut potuerit Barbatum post acceptum Episcopatum, post obtentum Ducis Romualdi præceptum, seu consensum, quo Ecclesiam Sipontinam sibi subderet, anno demum 668. rem totam Pontificia auctoritate confirmandam curasse: Immo id certè egisse Barbatum Vitaliani Literæ ostendunt; quarum Literarum sinceritatem ab aliorum tum suspitionibus, tum criminationibus hæctenus vindicatam, evidentior adhuc ex alio capite, ex ipso videlicet Barbato, demonstrare pergam.

Ac pro Barbato quidem, cui tantum Beneventum debet, tamdiù huic rei incumbere opus nobis fuit: adhuc verò adlaborandum est, ut quam ejus nomini maculam, virtuti labem, sanctitati injuriam Muratorius temerè intulit, amoliamur. Si Barbatum Muratorius nosset, vel oculos tantum in ejus Acta intendisset, non is profectò adeo inconsultè, atque ità iniquè importunas illas criminationes effutisset. Puduisset certè Muratorium, Divini cultus in Garganica Basilica, atque in Sipontina Ecclesia penitus collapsi instaurationem, futuramque conservationem, quam unicè præ oculis habuit Barbatus, ad Barbati ambitionem traducere: tam enim ab ambitione alienum, quàm ab cupiditate omni Barbatum norunt omnes, qui non solum splendidissimarum opum, possessionumque contemptorem, sed adhuc Duci Beneventano vehementiùs offerenti invictè oblectantem mirantur. Non, inquam, in Sipontina Ecclesia Episcopale imperium sibi amplificandum Barbatus affectavit, sed Episcopi sollicitudines, laboresque adjicere sibi voluit, ut Ecclesiam S. Michaelis Archangeli, pariterque Sipontinam Ecclesiam, quæ in magna inopia, & paupertate erat, & absque

(1) Antiq. Med. Evi to. i. Dissert. vii. pag. 280.

(2) Apud Labbeum to. viii. Concil. pag. 459.

(3) In quadam Dissertatione nuper edita à Francisco Pratlilo, cui Titulus *Della Origine della Metropoli Ecclesiastica della Chiesa di Capua*, pag. 60. Vitaliani Literas Ann. 688. tribuitur adversus Beneventanos, qui Ann. 663. sibi vindicant. De Anno 663. quid Beneventani sentiant, superius docetur: At de anno 688. (nisi Typographi erratum sit, quod tamen inter alia

errata ante pag. i. haud invenire eſt) absurda nobis dedit Pratlilus, qui Vitalianum undecim ante annis defunctum, adhuc inter vivos recenset: Vitaliani autem Literas nihil æquior Muratorio Pratlilus supposititias contendit; quibus verò argumentis id ostendat, citò dicam: Muratorium totidem verbis describit, quem tamen flet. At de hoc Pratlili opusculo sequenti Capitæ judicium erit.

absque cultoribus, & Ecclesiasticis officiis depravatam, pristino decori, atque cultui restitueret; quod & religiose, & felicius quàm olim, præstitit. Puduisset Muratorium sæculari fretum potestate alienæ Dicecesis invasorem, Canonumque violatorem, ac contemptorem Barbatum pervulgare, qui in statuta Ecclesiasticorum reddituum distributione Sacrorum Canonum scientissimum sese, observantissimumque tantoperè probavit; immo Canones, uti Dei mandata, suspiciebat, nam memor mandatorum Dei in quatuor partes cunctum Ecclesia redditum omnî tempore sanxit fideliter dispartiri; unam egentibus; secundam his, qui Domino sedulas in Ecclesiis exhibent laudes; tertiam pro Ecclesiarum restauratione distribui; quartam suis peragentis necessitatibus Episcopus habeat. Tantum abest, ut in subdenda sibi Ecclesia Sipontina prævum illud, ac exitiale exemplum (quod ex uno Barbato Muratorius excepiisse scivit) Episcopis cæteris Barbatu relinqueret, ut potiùs, quas in res, quas in personas, quos in usus ex Canonum statuto Ecclesiastici redditus, facultatesque essent erogandæ, exemplum, ac legem Successoribus suis perpetuò constituerit; apud quos (sic Actorum auctor prosequitur) sicut ab eo disposita sunt, in præsentî cuncta videntur; universis etiam omnium ætatum, omniumque Ecclesiarum Episcopis servandæ ejusdem rei Dux, & Magister Barbatu extiterit.

Cur verò, qui à Duce Romualdo Sipontinam Ecclesiam sibi subdi curavit, ratum id à Romano Pontifice haberi Barbatu neglexisset? Si Ducis consensum, quem Leges, aut potiùs Principatus œconomia, temporumque conditio impetrandum suadebant, præmittendum sibi duxit Barbatu, an minùs sibi necessariam, quam Canones præcipiebant, Pontificis auctoritatem reputasset? An verò id difficile fuerit, ut Sæculari contentus auctoritate novam illa prærogativam, clam, ac veluti furtim comparasse satius habuerit? Immo verò nihil facilius, quàm ut Pontifex Vitalianus Barbato postulanti annueret, idque perlibenter imperiretur, quod Sipontinæ Ecclesiæ status, quod animarum salus, quod divinus cultus, quod Canones, ac jura omnia concedendum postulabant; quod denique non ad id tempus in Ecclesia Christiana inauditum, sed alibi factum, exempla ipsa, pari, simillimaque de causa, faciendum commonebant. Anno 531. Medardus Veromanduorum Episcopus post dirutam ab Infidelibus Urbem, alias etiam veritus irruptiones, Sedem suam (ut scribit Vitæ illius auctor apud Surium die 8. Junii) Noviodunum transtulit: Anno 532. idem Medardus post Eleutherii obitum Episcopum eligitur Tornacensis: Quo ex tempore per annos amplius quàm sexcentos, Ecclesiæ utriusque quamvis unus tantum Episcopus fuerit, neutra tamen Sedes in juribus, & privilegiis suis quicquam passa est detrimenti. Et hæc quidem duorum Episcopatuum sine confusione conjunctio, ejusdem Biographi testimonio, Pontificali, Metropolitani, & Comprovincialium, auctoritate Regis, Procerum assensu, Plebis acclamatione facta tunc est, ac dein sex Sæculorum spatio rata permanfit. Plura posterioris ævi exempla addidisse frustra erit; nam vides jam omnia hoc exemplo contineri, quæ sequuto postea Sæculo de Ecclesia Sipontina facta cognovimus, faciendaque sibi Pontifex Vitalianus omnimodè duxit, ut ejus Ecclesiæ necessitati, utilitatique confuleret.

Sed quod à Vitaliano facillimè concedendum, atque adeò concessum argumentati sumus, est denique, quod ab ipso re ipsa concessum, demonstrat: Nihil enim ea Concessione certius, quam (etsi Vitaliani Literæ deessent) manifestam efficit, tacita quidem, sed omni voce sonantior, successoris Pontificis Agathonis approbatio. Agathonem, qui anno 678. post Adeodatum, & Domnum Vitaliano successit, ea res latere non poterat; Barbatum scilicet Beneventanum Episcopum jamdiù Sipontinæ Ecclesiæ Episcopum simul se gerere. Quid ergo? Synodo Romanæ in causa Monothelitarum ab eo Pontifice celebratæ anno 680. Barbatu interfuit, ac subscripsit (1). Si Barbatu nullas à Vitaliano Literas accepisset, si Barbatu contra Canones peccasset, redargutus certè ab Agathone fuisset; sed Agatho Barbatum non redarguit, quem etiam præsentem habebat; non Ecclesiæ Sipontinæ, cui ad id tempus restitutus erat cultus, proprium Episcopum restituit: agnovit igitur Agatho rem totam ritè, rectèque gestam, approbavit Vitaliani literas, Ecclesiæ Sipontinæ subjectionem Barbato confirmavit: Id denique ab Agathone factum affirmamus, quod sequutos Romanos Pontifices fecisse, superstites ipsorum Literæ etiamnum demonstrant.

Exstat profectò S. Leonis PP. IX. Diploma, quod autographum in nostra Bibliotheca servatur, sequenti Capite nobis illustrandum. In ipso legere est Vitaliani literas, non modò disertissime commemoratas, verùm etiam ab eodem Pontifice diligentissime perlustratas:

Dili-

(1) Ejus Synodi Epistola, in qua post Rom. Pontificem cæteri Episcopi subscripserunt, habetur in sexta

generali Synodo contra Monothelitas A.D. xv. apud P. Labbeum tom. vii.

Diligentissime (Leo ait) nostrorum antiquorum Prædecessorum Privilegia perscrutantes, Vitaliani videlicet, & aliorum Romanæ Sanctæ Ecclesiæ Præsulum, atque iustitiam Beneventana Ecclesiæ considerantes, ad ejus jus, & proprietatem revocamus, & in perpetuum subdimus, & tradimus videlicet Ecclesiæ S. Michaelis Archangeli in Monte Gargano, & ipsum Castellum, ubi jam dicta Sacra, & venerabilis sita est Ecclesiæ, atque Sipontinam Ecclesiæ &c. Nemo certe Vitaliani Literis fidem non præbere poterit, qui Leoni, Vitaliani literas diligentissime perscrutanti fidem præstare debet: Ac fide quidem dignissimus Leo, etiam si tantum affirmasset: dignior adhuc ex eo est, quod Beneventi pluribus moratus mensibus, Literas illas autographas, quarum fidem probare debebat, oculis perspexerit suis, manibusque contrætarit, diligentissime denique fuit perscrutatus. Ante Leonem sunt etiam alii Romani Pontifices, qui easdem Literas sibi rite perspectas innuerunt. Adest etiam Leonis Successor Stephanus IX., qui præcipuam illarum mentionem adjectam voluit in suo Diplomate, de quo pariter sequenti Capite agendum erit. Hæc tamen in antecessum protulisse opus mihi fuit, ut de Vitaliani Literis rem demum ipsam à Rom. Pontificibus constantissime judicatam, absolutissime verò à me consecratam præstarem. Nunc de reliquo præsentis Epochæ tempore, deque Ecclesiæ Beneventanæ succrescentibus juribus, ac prærogativis sermonem repetemus.

Longa quidem à Barbari ævo tempora percurrenda nobis sunt, ut ad alias Pontificias Literas gradus sit. Quæ primùm occurrunt, ad Pontificem Marinum II., atque ad annum 944. pertinent. Ante id tempus non defuisse decessorum Pontificum id genus Literas, ex receptissimo inferioris ævi more illo conjicere licebit, quo Ecclesiarum, ac Monasteriorum Præsules à Summis Pontificibus, aliisque Viris Principibus suarum Immunitatum, prærogativarum, bonorumque omnium confirmationem recepto Diplomate, obtinere solliciti erant. Plena ejusmodi Diplomatum Monasteriorum Chronica sunt, plena Ecclesiarum Episcopali Tabularia: nec pro illorum temporum conditione inanis ea cura fuit, quando ad cohibendas jurium, rerumque Ecclesiasticarum rapinas, quæ tunc maximè grassabantur, sacrilegas manus debita anathemati reverentia, iustique metus detertere solebat. Ad Beneventanam Ecclesiæ quod attinet, non id ex sola conjectura statuimus, manifestum ex dicti Pontificis Marini Literis ostendisse præsto erit: Marinus itaque postulanti Joanni Episcopo Beneventano ea omnia confirmat, quæ decessores Pontifices, antiquitus Beneventanæ Ecclesiæ concesserant, atque inter alias subditas Ecclesias, Sipontinam, cum Garganica Basilica speciatiim recenset: *Quia postulasti à nobis (inquit) quatenus Sedis Apostolicæ* (lacunam heic occurrentem sic facile implemus) *Privilegio sanctæ tuæ Ecclesiæ Beneventanæ decoraretur, & antiquos terminos eidem concessos ab antecessoribus nostris Pontificibus confirmaremus, piis tuis desideriis faventes, hac nostra auctoritate id, quod exposcitur, effectum (effectui, vel ad effectum) mancipamus, concedentes tibi, tuæque sanctæ Beneventanæ Ecclesiæ, quacunque legaliter, & rationabiliter, antiquo jure tempore prædecessorum tuorum visa est possidere, idest Bivinum, Asculum, Larinum, Sipontum, & Ecclesiæ S. Michaelis Archangeli in Monte Gargano cum omnibus earum pertinentiis &c. (1). Nihil novi Pontifex Marinus Episcopo Joanni concedit, nihil, quod non Beneventana Ecclesiæ jamdiu obtinisset, ac tunc temporis legitime, pacatèque possideret: nonnisi antiquos terminos eidem Ecclesiæ ab antecessoribus Pontificibus concessos confirmat: hosque intra terminos Sipontum concludit: ut videas Marinum, tum Vitaliani, tum aliorum decessorum vestigiis adhæsisse, non alias profectò Diploma suum emissurum, nisi Ecclesiæ Beneventanam amplissimis illis terminis, splendidissimis illis juribus, quibus tunc re ipsa fruebatur, Pontificia auctoritate potitam, prolatis etiam, inspectisque tabulis exploratum sibi, ac probè compertum habuisset: Id addidisse videtur Marinus, ut Concessionem, sive confirmationem suam atrocioribus (uti ait) anathematis interdictionibus communitam voluerit, statutasque adversus transgressores poenas, novâ fortasse tunc invecâ formulâ, speciali Licet Græcorum facta mentione, sanciverit (2).*

Sed

(1) Apud Ughellum to. VIII. pag. 73. edit. Rom.
(2) Bis in dictis Literis Græcorum meminit Pontifex Marinus: *Nullus unquam (inquit) alterius dignitatis potestate præditus homo præsumat, sive illa magna, sive parva persona, aut Græcus, in tua sancta Beneventana Ecclesiæ aliquam vim facere, &c. & mox: Si quis autem nefario ausu præsumpserit hæc, quæ à nobis ad*

laudem Dei pro stabilitate jam diu Ecclesiæ Beneventanæ, refragari, aut in quocunque transgredi, sive Græcus sit, sive quicumque alter homo, qui dominationem, aut primatum habere voluerit per se, aut per alterum quemlibet in præfatis Ecclesiis, sine voluntate, & jussione Beneventani Episcopi &c. Eandem formulam legere est in Literis Joannis XII. ad Landulfum Episcopum anni 957.
apud

Sed ampliora adhuc, ac splendoriora Pontificis Agapiti II. Literæ nobis præstabant. Neque enim *Bivinum, Asculum, Larinum, Sipontum*, omnes illas putabimus Ecclesias fuisse, quæ Beneventani Episcopatus antiquis terminis continebantur; neque Præsulis Beneventani solum illud jus fuisse dicendum est, ut suæ auctoritati, jurisdictionique subiectas, ac (uti loquebatur Marinus) *dominandas* haberet, deque illarum pertinentiis, personis, bonis *disponere* posset. Vacantibus Ecclesiis Triventina, ac Termulana, Leo Presbyter & Monachus illam, hanc Benedictus Presbyter circa annum 945. invaserunt: quamvis enim, & electus à Cleris, & consecratus à Romano Pontifice uterque fuisset, electio tamen non solum Simoniaca labe infecta, sed ignaro etiam Episcopo Beneventano facta probabatur. Rem itaque Beneventanus Episcopus Pontifici detulit, conquestus Sacrorum Canonum, suæque auctoritatis contemptum. Monuit primum Pontifex novos Episcopos datis ad illos literis, quibus Romæ se sistere, atque accusationibus satisfacere jubebantur: prostrema contumaces, cognita utriusque accusationis veritate, à subrepta dignitate dejecit, atque in ordinem redegit. *Misimus jam vobis literas* (ita ad Pleudoepiscopos illos Pontifex Agapitus in Condamnatoriis literis) *quatenus veniretis ad Nos, & satisfaceretis accusationibus, & querelis, quas adversus vos habet Johannes Episcopus Sanctæ Sedis Beneventane, qui interpellavit super Nos, atque ostendit Privilegia facta à Nostri Antecessoribus Pontificibus S. R. E., & Apostolica Sedis cum districto anathemate, ut nullus aliquis presumat minuere terminos prædictæ Beneventanæ Ecclesiæ, & quod Triventina, & Termulensis Ecclesiæ antiquitus subdita fuissent Beneventano Episcopo, pariterque, & omnes aliæ Ecclesiæ, quæ constructæ, & construendæ sunt infra terminos istarum, & aliarum per Civitates, & Castra, cunctaque loca Principatus Beneventani ditioni subiecta, & quia renuistis venire, & rationem reddere, cognovimus, vos non per ostium intrasse, sed furtivè, ut fures, & latrones aliunde irrupisse, & indebitè Episcopale ministerium usurpasse; cumque nova presumptio, sicut videmus, surrexit, ut plebes, quæ subdita sunt sub Dioecesi, & Parochia Episcopatus ipsius Beneventanæ Provincia contra instituta Canonum per præmium, & datum elegerunt vos sibi per Simoniacam heresim Episcopos, idè excommunicamus vos ex auctoritate B. Perri Apostolorum Principis, ut neque in eisdem Plebibus, hoc est Triventina, & Termulana Ecclesiæ, Episcopalem Cathedrali præsumatis, nec in ulla alia Ecclesiæ permissum habeatis aliquod Episcopale officium peragere (1). Nihil hisce literis lucentius haberi potest, quæ unæ nobis antiquos Episcopatus Beneventani terminos, præstantissimamque Episcopi Beneventani dignitatem, ac prærogativam ab oculis ponant. Non enim Sipontinam, aliasque Ecclesias Marino memoratas, neque his Triventinam, ac Termulanam ex Agapito modò addidisse suffecerit; ampliores terminos Ecclesiæ Beneventanæ agnoscebat, non brevioribus contenta finibus, quàm quibus Beneventanus Principatus longè, latèque, per universam penè Cistiberinam Italiam effundebatur. Pari gradu, atque æqua, ut ita dicam, majestate, utriusque tum Principis, tum Episcopi Beneventani potestas, atque auctoritas progrediebatur, illo Reip., hoc Ecclesiæ jura universam administrante: *Ostensa*, sibi ait Agapitus, *hæc Ecclesiæ Beneventanæ Privilegia ab antecessoribus Pontificibus concessa, ut scilicet Beneventano Episcopo subderentur omnes Ecclesiæ, quæ constructæ, vel construendæ sunt infra terminos istarum, vel aliarum per Civitates, & Castra, cunctaque loca ditioni Principatus Beneventani subiecta*. Ita verò liquiddò Agapito id ostensum, ut eadem occasione, confirmanda speciatim ea Privilegia sibi duxerit: *Nos denique cognoscentes, quod licet illud**

ALTER

V u

ab an-

apud d. Ughellum l. I. p. 80., atque hanc formulam in posterioribus hisce Literis animadvertens Ughellus, ad referendam observat, quia tunc temporis Beneventanæ Provincia assidue premebatur Græcorum incursionibus, qui se a solo Patriarcha CPolitano anathemate feriri posse jactabant. De Græcorum incursionibus, quæ sæculo x. in Beneventano Principatu acciderunt, videndus Anonymus Salernitanus cap. cxiv. pag. 293. tom. II. Opp. Peregr. ed. Neap. Quod verò Græci Romani Pontificis auctoritati se obnoxios negarent, ex Photiano schismate manabat, quod schisma, necdum bene per id tempus obducta cicatrice, acrius recurrit sæculo xi. Michaelē Cerulario auctore. Ad hæc Patriarcha CPolitanus eodem cum Augustis suis studio assidue decertabat, ut, quemadmodum illi armis in Principatum Beneventanum Civilem dominium proferre nitebantur, hæc fecus in Ecclesiasticam jurisdictionem quoquo modo protendere conaretur; utrique rei, summæque suæ

in universum Christianum Orbem potestati consultum iri Pontifex censuit, adjecta ea formula, aliisque verbis, quæ illius Patriarchæ ambitionem retundebant.

(1) Ex Bullario Selecto nostræ Bibliothecæ num. VII. ex quo menda correximus, lacunasque implevimus, quæ in editione Ughelli occurrunt pag. 76.; Titulus autem ejusmodi Literarum ita se habet: *Agapitus Episcopus Servus Servorum Dei. Leoni Presbytero, & Monacho, & Benedicto æquè Presbytero irrationabiliter consecratis a Nobis Episcopis, & ipsum ordinem rei nescientibus. De Termulani Episcopatus institutione non satis constat: Non ante annum 1060. primus Termulanus Episcopus Scio occurrit Ughello, qui cum Episcopatum antiquiorem censet, quàm opinentur nonnulli. Ughelli sententiam probare valent Agapiti Literæ non Ughello ignotæ: non enim Benedictus Presbyter anno 946. Termulani Episcopatus electionem affectare potuisset, nisi ea Ecclesiæ Episcopalis tunc esset.*

ab antiquis possessum est (fort. concessum) Pontificibus, ita omnia, & Parochias, & Dioeceses, ex integro Beneventano Principatu, retradimus, renovamus, atque confirmamus eidem Joanni Beneventano Episcopo, ejusque successoribus in perpetuum possidendum, à nulloque nostro successore aliquid minuendum.

Præclarius verò illud ex eisdem Literis didicisse proderit, rescissas scilicet Episcoporum electiones in Episcopalibus Principatus Beneventani Civitatibus celebratas, quibus Beneventani Episcopi scientia, atque auctoritas deesset. Videas jam (quod superiori Capite prælibatum fuit) in nostris secundæ hujus Epochæ Episcopis (si Metropolitanis appellationem, si Episcoporum inferiorum Ordinationes Pontifici Romano adhuc servatas tantum excipias) nihil Metropolitanici juris, potestatisque desideratum; propria Episcoporum Beneventanorum ea Canonum statuta dicemus, quæ Pontifex Innocentius I. edixerat, ut nullis eligere, nemini Episcopum ordinare extra conscientiam Metropolitanam, audendum esset (1); observatam denique Canonicam Sanctionem à Pontifice Zosimo adjectam, ut quisquis, contra Apostolicæ Sedis statuta, & præcepta majorum, omisso Metropolitanæ Episcopo, Episcopum eligere, aut ordinare præsumpserit, is, qui eligi, ordinarique se illicitè sciverit, Sacerdotio se carere cognoscat (2).

Accedebant ad hanc singularem prærogativam Episcopo Beneventano vindicandam publicæ Principatus Beneventani rationes. A Sæculo VII. S. Baratus Episcopus non sine Ducis Romualdi consensu Ecclesiæ Sipontinæ haud novum sufficiens Episcopum, sed eam sibi adjudicandam impetravit, duo simul eo facto ostendens, tum scilicet Episcopi Beneventani præstantiam, à cujus arbitratu Episcopales universi Ducatus Ecclesiæ pendere videbantur, tum Ducis Beneventani auctoritatem, cujus protectio intererat, universos Episcopos Beneventano Antistiti subditi, qui in Urbe Metropoli, ac principe Ecclesiæ consistens in illorum electionibus, Episcopalisque muneris administratione, in id maxime incumberet, ut non solum, quæ Ecclesiæ essent, sed Reip. simul res universæ salvæ ubique, atque incolumes servarentur. Hinc illud fuit, ut Beneventani Duces Beneventanam Ecclesiam nostram appellare solerent, non quod sibi subditam, sed ad parem cum Civili imperio, Ecclesiasticam jurisdictionem protectam ostenderent. Sic Dux Arichis II. ad Sacrum Palatium pertinere deinceps ait, Ecclesiam à Garo, seu Gardino Abbate ædificatam, quam prius à sua potestate exemptam Joannes Episcopus Beneventanus declararat, secundum (inquit) qualiter per suum membranum firmitatis, & absolutionis, quod Joannes venerabilis Episcopus Sanctæ Sedis Ecclesiæ nostræ Beneventanæ prædicto Gardino suo annulo sigillatum emisit (3). Ubi & illud animadvertendum, nonnisi emissio prius Episcopalis Privilegii membrano, eam Ecclesiam in Palatii, idest Ducis patronatum ab Arichi receptam: ea namque tunc Ecclesiasticæ potestati, Ecclesiasticisque juribus habebatur reverentia, debitumque is rerum ordo inter Sacerdotium, & Imperium servabatur.

Sed plura idem Arichis nobis præstabit, quibus Beneventanorum Antistitem splendior apparebit conditio. Quum enim is, Regio tantum excepto nomine, regalia omnia tum jura, tum insignia, Principis appellatione, suscepisset, id etiam voluit, ut Regum more, statutoque ritu, Episcoporum manu sacram unctionem acciperet: nam Arichim, inter alia, ab Episcopis ungi se fecisse, præclare testatur Erchempertus (4). Qui verò, quotque hi fuerint Episcopi, non ille meminit; eos tamen non aliunde (quod plena incommodi, periculi etiam res plena fuisset), sed ex solo Beneventano Principatu accitos tutò affirmabimus: obsequutos autem Episcopos non tam Arichi, quam Beneventano Episcopo dicimus, qui Principis consilium probans, evocatos in Urbem Metropolim sibi adstantes voluit, sibi que eam unctionem præcipue celebranti ministrantes habuit. Res tunc lætitiæ plena; sed, quæ paullò post cum moerore fuit, adhuc eandem Episcopi Beneventani præstantiam uberius declarabit. Rex Francorum Carolus Arichim, qui deletum Ticini Longobardorum Regnum Beneventi instaurasse videbatur, debellare jam properabat, validoque cum exercitu in Principatus Beneventani fines jam prope irruerat: avertendo præsentem discrimini non animus Arichi defuit, adversus hostes se undique munienti: at satius visum fuit, si ea res non armis, sed fœdere componeretur: haud verò id securius, atque honestius fieri posse, quam si Beneventani Antistitis, si aliorum Episcoporum sui Principatus opera adhiberetur.

(1) Epist. II. apud Labbeum T. III. pag. 8.

(2) Epist. V. l. I. pag. 409.

(3) In Diplomate Arichis Indictione VII., idest an. 769, quo ipse adhuc Dux (uti ibidem se inscribit) non dum

Principis titulum susceperat. In Chronico S. Sophiæ p. III. num. XXII., apud Ughellum T. VII. pag. 636.

(4) Apud Hoftensium in Chron. Casin. lib. I. cap. IX.

tur. Legatus igitur David Beneventanus Antistes, cum reliquorum Episcoporum comitatu ad Carolum mittitur; in qua legatione nihil secularis pompæ, sed una Apostolica simplicitas resplenduit (1); neque alii, nisi Principatus Episcopi recensebantur; quos Carolus jam Lirim fluvium transgressus, duriusculè excipiens, quod Arichis factum non modò probarint, verùm etiam Sacra unctione, Coronæque impositione confirmarint, eos universim *Beneventanos Antistites* appellavit. Tum, qui reliquis præerat Beneventanus Episcopus David, ante omnes Legationis causam exponit, Caroli animum in cædes, & vastationes, etiam iurejurando obfirmatum demulcet, ac ne sanguis Christianorum effunderetur, *fagaci*, ac gravissima oratione obtestatur; hinc Carolum Capuam cum reliquis Episcopis prosequutus, ibidem, datis obsequiis, optatum foedus inter Beneventanos, & Francos impetrat, quod mox Arichis, Salerni tunc, ubi se muniverat, degens, ratum habuit. Stetit igitur Principatus Beneventanus, natalis simul, interitusque sui memoriam fortasse posteritati tunc relicturus, nisi Episcopi Beneventani ruinæ occurrissent, nisi Episcoporum primus David avertendis armis, pacando hosti, faciundo foederi præcipuam operam præstitisset: Primus, inquam, Episcoporum David, cui non solùm Comites in ea Legatione se præbuerunt, sed obnoxios sese ceteri Episcopi profitebantur. Post Episcopum Beneventanum secundum locum Salernitano dabimus, cui secundas partes in eadem Legatione fuisse legimus (2); secundas etiam vindicare videbatur Civitas, quam Arichis summo studio tum ornandam, tum muniendam, velut secundam Principatus Sedem, susceperat. Post Salernitanum Capuanus, si non inferior, pari certè jure cum Salernitano esse debuit; nam præclaram imprimis Urbem Capuam, tunc Benevento subditam fuisse liquet; quò Beneventani Episcopi cum Rege Carolo foedus statuturi convenire; in cujus Ecclesia effigies Arichis, more aliorum Principum, locata, pro ipso Arichi, Carolo ab Episcopis ostensa fuit, ubi denique sancito foedere ad invicem sunt sequestrati; Episcopi arma repedaverunt sua, & ipse Rex cum suo exercitu reversus est itinere, quo venerat.

Antea verò quàm Carolus Capuà discedat, audire ejus quoque præstat de Ecclesiæ Beneventanæ prinatu testimonium. Maximum omnium Beneventanæ Reip. collatum ab Episcopo Davide beneficium, satis jam probavit felix Legationis successus; curavit is quoque, ut eadem ex legatione suum etiam Beneventana Ecclesia referret emolumentum. Caroli religionem, ac munificentiam David probaverat; hujus ille virtutem noverat, atque dignitatem. Factum propterea, ut postulanti Episcopo quàm libenter annueret Rex, regiumque Diploma largiretur, quo Ecclesiæ Beneventanæ res, jura, possessiones, privilegia, prærogativæ amplissimè confirmata, perpetuæque immunitatis beneficio donata leguntur. Diploma, seu Privilegium istud, nobile appellat Ughellus, ac multo labore, fideliterque à *Celestino Guicciardino* ab Autographo Bibliotheca Beneventanæ exscriptum in lucem emisit (3). In eo tamen ipse falsus, quod anno 788. conscriptum afferat; dum anno præcedenti prodidiisse dicendum sit. Quæ enim in fine Chronologicæ adscriptæ sunt notæ, ita habent: *Datum 11. Kal. Aprilis anno 18. & 14. nostri Regni. Actum Capua in Dei nomine feliciter.* Non solùm autem (si exactius ratio ineatur) annus suscepti Regni Francici decimus octavus, inchoati postmodum à captivo Desiderio Longobardici decimusquartus anno 787. respondent; sed Annales quoque *Bertiniani* in ipsum annum DCCXXXVII. Caroli adventum in Italiam referunt, ejusque

ALTER

V u 2

in Be-

(1) Fasti hujus seriem prolixo satis filo nobis servavit Anonymus Salernitanus cap. x., & seqq. De suscepto ab Episcopis ad Carolum itinere hæc habet: *Tunc singuli Episcopi cilicis sunt induti, humilibusque vehiculis, & assillis superpositi profecti sunt obviam ei: cumque simul facerent iter, nihil aliud nisi orationibus vacabant. . . . & non procul ab ejus castris de asinis se egerunt, & singulis Clericis ante se, unusquisque cum ferulis, incedere jusserunt. Quod cum à longe ipse Rex saluta cerneret, admiratus est valdè. Cumque à suis relatam fuisset, quod Beneventani Episcopi essent, ipse Rex dixit: Pro qua re advenimus Beneventani Antistites, cum ipsi suo Principi Coronam in capite jam detulerint? &c. Nihil de his legere est in Annalibus Bertiniani, qui ad ann. 787. missum ab Arichi alterum filium Grimoaldum cum aliis obsequiis, & muneribus ad Carolum Capuam jam ingressum narrat: addunt verò, Carolum profectuisse unà cum Sacerdotibus, vel ceteris*

*optimatibus suis, ut non Terra deleteretur illa, & Episcopia, vel Monasteria non desertarentur: quibus verbis Beneventanorum Episcoporum, qui Sacerdotes illi videntur, legatio significata habetur, quam peregrinus Scriptor non ita distinctè scire potuit. Sed in nostri Anonymi narratione animadvertendum illud Baculi genus, quod *Ferule* vocabulo Episcopis itinerantibus attribuit. Jam inter alios plures laudatur Anonymus noster à Cangio in ejus vocis explicatione, qua *Baculus pastoralis*, & insigne pastoralis dignitatis, atque adeo Papalis significari ait; de ejus forma, usque apud solum Pontificem Romanum servato vid. Sarnellum in Chronol. Bent. pag. 42., & quem uberius de ea re agentem laudat Joannem Ciampinum in Dissert. edita Rom. an. 1690.*

(2) Id. Anon. Salern. cap. xi.

(3) Tom. VII, pag. 49. edit. Rom.

in Beneventanum Principatum expeditionem, sancita in Urbe Capua foedera, receptos obfides; quibus ita gestis, *reversus est* (subdunt) *Rex, & celebravit Pascha cum Domino Apostolico in Roma* (1); quæ omnino consonant cum dictis notis Chronologicis; nam verè 11. Kal. Aprilis, sive 21. die Martii Carolus Capuæ morabatur, qui pauld post, Pascha (quod eo anno 787. in diem 8. Aprilis incidit) cum Domino Apostolico celebraturus Romam se recepit. Dignum autem id Diploma visum fuit, ut ad veram Chronologiam pauld studiosius restitueretur; quandoquidem Beneventanæ Ecclesiæ præstantiam præferat, Caroli testimonio comprobata, qui præ cæteris Beneventani Principatus Ecclesiis, quarum Episcopi præsentibus tunc Capuæ aderant, amplissimo eo privilegio condecorandam existimavit.

Hinc factum jam censebimus, cur sequenti Sæculo ejusdem Caroli abnepos Augustus Ludovicus II. nefas sibi duxerit, quicquam moliri, quod Ecclesiæ Beneventanæ primatui detrimentum asserere posset: attulisset is quidem, in Beneventanos, à quibus captivitatem passus fuerat, infensior, contrà verò, erga Capuanos, quorum Episcopum Landulfum familiarissimè habebat, studiosior, si Ecclesiæ Beneventanæ dignitatem validissimis veluti fundamentis innixam everti, vel saltem concuti posse vidisset. Ac Landulfus quidem, quem hominem callidum, lubricum, petulantem, ambitiosum omni homine Erchempertus describit (2), id à Ludovico efflagitabat, id assequi vehementius enitebatur, ut Episcoporum ipse primus in Beneventano Principatu constitueretur, ablataque Beneventano antiqua Metropolis jura, Capuano Antistiti adjudicaretur: rem ipsam ejusdem Erchemperti verbis audire præstat: *Per idem tempus jam dictus Cæsar (Ludovicus) Landulfum in familiaritatem alliciens, tertium in Regno suo constituit. Qua electione indeptus, Archiepiscopatum totius Beneventi omni aviditate, & ut Capua Metropolis fieret, quaesivit; sed, non Domino sinente, ad perfectum minime pervenit* (3). Nihil hac re certius, nihil luculentius, quo antiquissimus, atque singularis in universo Beneventano Principatu Ecclesiæ Beneventanæ primatus comprobetur. Locupletissimus testis Erchempertus est, qui Sæculo IX., longissimè videlicet antequam Ecclesia Beneventana Archiepiscopalis, & Metropolitana titulum, reliquosque honores, ac jura, Pontificia auctoritate solemnitus accepisset, *Archiepiscopatum totius Beneventi* agnovit, disertissimique verbis commemoravit: Disertior Erchemperto Landulfus ipse Capuanus Episcopus: cur enim is Archiepiscopatum totius Beneventi sibi tribuendum, cur Capuam Metropolim constituendam tanta aviditate à Ludovico quaesivit? Noverat se profectò parem Campaniæ suæ Episcopis, parem Erchempertis, quos reliquæ Beneventani Principatus regiones numerabant, sibi, quem, admodum illis, unum præesse Beneventanum Episcopum; hujus subjectionis impatiens, modumque ambitioni suæ imponere nescius, non id tantum agere voluit, ut Ecclesiæ suæ libertatem, exemptionemque impetraret, neque (quod magis erat) ut Campanorum Episcoporum primus ipse declararetur: sed *Archiepiscopatum totius Beneventi* affectavit, id est omnium Episcoporum, qui in toto Benevento, universo scilicet Principatu Beneventano, continebantur. Primatum sibi subripere gestiebat; id profectò ea re testatus, ac planè confessus, solius scilicet Episcopi Beneventani prærogativam tunc fuisse, ut Archiepiscopus haberetur, uniusque Episcopatus, sive Ecclesiæ Beneventanæ extitisse jus, atque decus, ut ab ipsa Principatus origine, Civilis Metropolis dignitatem sequuta, non solum Ecclesiasticæ Metropolis dignitate polleret, verum etiam Archiepiscopatus munere, ac nomine præfulgeret: Sed, non Domino sinente, ut nempe Beneventana Ecclesia atrocissimà ejusmodi injurià afficeretur, ad perfectum minime pervenit; Irritus igitur Landulfi conatus id tantum perfecisse, eò rediisse videtur, ut hominis ambitionem sciremus; quâ tantum abest, ut is Ecclesiæ Beneventanæ detrimentum attulerit, ut profuisse potius videatur; quippe qui *Archiepiscopatum totius Beneventi* obtinendi cupidissimus, ipse unus eo facinore disertissimus omnium, ac vice

(1) Annales Bertiniani ad dictum Ann. DCCLXXXVII. pag. 501., tom. II. Scriptor. Ital. Muratorii.

(2) Hist. cap. XXXI. pag. 118., to. I. Opp. Peregr., & inter Script. Ital. tom. II. pag. 244.

(3) Cap. XXXVI. pag. 124., & 246. Fuit autem is, quo hæc narrantur, annus DCCLXXXIII. Ad hunc verò Erchemperti locum hæc in Peregrini editione notantur: *Capue Presulatum ad Metropolitanam Dignitatem elevandum Summi Pontificis auctoritate Imperator exogitavit*, (nihil certè minus, quam Pontificem exogitavit Ludovicus, neque Landulfus Episcopus, qui Ludovi-

ci gratia, & auctoritate abuti nitebatur) *argue hoc insigni honore primo cohonestandum Landulfum tunc Campaniæ Episcopum, illumque totius Beneventi (id est totius Principatus Beneventi in odium Adelchis Principis, qui in eum multa iniquè molitus fuerat) Metropolitanam constituturè putabat, quod tunc, Deo sic volente (immo veritate, vel, ut Erchempertus ait, non sinente) haudquaquam contigit. At quod sequenti Sæculo, anno scilicet 967. Johannes PP. XIII. indulsit &c., de qua re sequenti nos Capite etiam videbimus.*

vice omnium stare jam possit, vetustissimæ, quæ in Ecclesia Beneventana perpetuò viguit, Metropolis, atque Archiepiscopatus assertor.

Si qua verò fuerit in universo Beneventano Principatu Episcopalis Ecclesia, quæ supparem, aut æquam dignitatem cum Beneventana aliquando explicuerit, ea quidem Sipontina dicenda est. Non enim eadem, uti aliarum omnium, Ecclesiæ Sipontinæ conditio fuit, quæ à S. Barbati ævo, Beneventanæ conjuncta, ac cum Beneventana veluti coalescens, in ejusdem confortium à Beneventanis Antistitibus admittenda videbatur; ita ut eadem ipsi sollicitudine, quâ Beneventanam, Sipontinam quoque procurarent, ac qui Beneventani essent, Sipontini adhuc Episcopi inscribi vellent. Ad regimen quod attinet, ingentia quidem in Ecclesiam Sipontinam, dum Episcopis Beneventanis paruit, profluxerunt beneficia: Nam Ursus Episcopus circa An. 833, non solum novam Ecclesiam Archangeli Michaelis in Gargano monte ædificavit, verum etiam Castrum ibidem, quo major loco accederet, tum tutela, tum cultus, hominum habitationi construxit. Castrum exhinc S. Angeli appellari coeptum, sub Ursi conditoris, ejusque successorum dominio permansit, tum Imperatorum, tum Principum nostrorum permisso; quorum Diplomata ea de re hæcenus facta anno 978. Princeps Landulfus rata habens, concedimus (inquit) pro augmento S. Ecclesiæ, nostræque Patriæ salvatione, atque confirmamus in Archiepiscopio Sanctæ Dei Genitricis Virginis Mariæ Sedis Beneventanæ, in quo Landulfus venerabilis, & egregius Episcopus spiritualis noster Pater præesse dignoscitur, ad potiendum, habendum, ac possidendum integram Ecclesiam S. Michaelis Archangeli, quæ constructa est in Monte Gargano, cum omnibus ejus pertinentiis, & possessionibus, simulque cum integro ipso Castello ejusdem S. Angeli, quod quidam Ursus electus præfata Sedis in proprio territorio jam dicta Ecclesia à novo construxit fundamine, pariterque cum integro Episcopatum Sanctæ Sedis Sipontinæ, cum omnibus ejus pertinentiis, sicut hæcenus ibidem in eadem reverenda Sede concessa, atque confirmata sunt à Domino Romualdo Duce Beneventano, & à Domino Gisulfo Duce ejus filio, & à Domino Carulo, & Domino Ludovico, & à Domino Lamberto, & à Domino Ottone Imperatoribus præcepta &c. (1) An verò præter Episcopale regimen, Episcopalesque redditus, nec non præfati Castri S. Angeli dominium, Beneventanos Præfules Dominos Sipontinæ Civitas agnovit, tutò affirmat Ughellus, fidem sequutus veteris Chartæ anni 973. sub eodem Archiepiscopo Landulfo, cui obsequium, atque omnimodam fidelitatem, additis sacramentis, & vadibus præstant non solum Clerici (uti Ughellus ait), verum etiam Judices, ac universi Nobiles, & Ignobiles ejusdem Civitatis. Præclarum etiamnum in nostra Bibliotheca superstes monumentum, ita lacunis, & mendis foedatum exhibet Ughellus (2), ut puduerit me profecto, pulcherrimum ejus ævi foetum, adeo deformi facie in lucem editum vidisse; nec pigeat modò hæc recudere, eo certè consilio, ut lectoris judicium sit, num de Ecclesiastico Dominio verba illa intelligenda sint, Civilem potius potestatem demonstrantia, cui Cives Sipontini universi subjectionem profitentur; Ea ratione, ut si aliquando tempore adveniente, aliquam contrarietatem fecerint in qualicumque pertinentia de Civitate Sipontina, quæ est de ipso supradicto Domno Archiepiscopo, sive de qualicumque ordinatum illius Domini Archiepiscopi, quem ordinaverit, in qualicumque sua Ministerio de Civitate Sipontina, & aliquam contradictionem, vel contrarietatem fecerint per qualemcunque modum, vel ingenium, obligaverunt se omnes componere ad partes Domini Archiepiscopi, vel ejus Successoribus mille solidos Constantinopolitanos &c. Certam de Civili dominio Chartam facere videtur; quod si certiores ex aliis monumentis Lector fortasse velit, non ipsum tamen aliis de rebus insignem Chartam inferius descriptam legisse pœnitebit (3).

Inter-

(1) Extat adhuc autographum hoc Diploma in nostra Bibliotheca vol. XXXII. n. VI., & habetur apud Ughellum to. VIII. pag. 99., exactius verò descriptum in Bullario selecto ejusdem Bibliothecæ n. XIV. pag. 57.

(2) T. VIII. pag. 96.

(3) IN NOMINE DOMINI. Primo Anno Imperii Domini Johannis, & cum eo regnantibus Domno Basilio, & Domno Constantino Sanctissimis Imperatoribus nostris. Mense Augusti. prima Inditio. MEMORATORIUM factum à me Alone Diacono, & Abbas, qui sum commorant. Civitate Beneventi, eo quod intus Civitatem Sipontinam ante præsentiam Procopii Trumorce Sipont. Civitatis, & aliorum subscriptorum testium, quatenus in vice Domini Landolfi Archiepiscopi San-

ctæ Beneventanæ, & Sipontinæ Sedis, guadiam mihi dederunt Simeon Clericus, & Judex, & Radualdus Diaconus, & Johannes item Diaconus S. Rodelgardi Presbyteri, & Nardus Clericus, & mediatorem posuerunt mihi Gayderis de jam dicta Civitate Siponti. Similiter Tammarus Clericus S. Passari guadiam mihi dedit, & mediatorem mihi posuit Milum fratrem suum. Similiter Sparano Clericus S. Martini, & Ylaram Clericus guadiam mihi dederunt, & mediatorem mihi posuerunt Jacobum Clericum, & Judicem. Iterum guadiam mihi dedit Griso Clericus, & mediatorem mihi posuit Andream Diaconum, & Abbatem. Iterum Lademarius Clericus, & Petrus Clericus S. Johannis Archipresbyteri, & Martinus Clericus S. Accaptapode

Interim magnum illud videri debet, ad quatuor propè Sæcula apud Beneventanos Antistites Ecclesiæ Sipontinæ administrationem viguisse. Nemo (si Muratorum excipias, qui

guadium mihi dederunt, & mediatorem mihi posuerunt supradictum Simonem Judicem. Similiter guadium mihi dederunt Frustraldus Diaconus, & Jacobus Presbyter, & Bonus Presbyter, & Grimoaldus Presbyter, & Folinus Clericus, Petrus Clericus S. Griseldardi, & summus Amandus, & Regilio Diaconus, Johannes filius Nandanis, & Simeon S. Ragiperti Presbyter, Johannes filius Anuperti, & Passius filius Leonis, toti isti Clerici, & mediatore nobis posuerunt supradictum Lademarium Clericum, & Petrum S. Archipr., ea ratione, ut si aliquando, tempore adveniente, aliquam contrarietatem fecerint in quacunque pertinentia de Civitate Sipontina, QUÆ EST DE SUPRADICTO DOMINO ARCHIEPISCOPO, sive ad qualemcumque ordinatum illius Domini Archiepiscopi, quem ordinaverint in quacunque suo Ministerio de Civitate Sipontina, & aliquam contradictionem, vel contrarietatem fecerint per qualemcumque modum, vel ingenium, obligaverunt se omnes componere ad partes Dñi Archiepiscopi, vel ejus Successoribus mille solidos Constantin. per dictas guadias, & supradictos mediatore, qui tribuerunt se nobis, vel cui ista Breve in manu parverit ad pignorum boves suos, & ancillas, ceteraque omnia sua pignora legitima, & illegitima, sicut & ipsi eisdem suis mediatoribus, donec perveniamus ad nostram iustitiam, & idem hunc bb. (Breve) scripsi ego Johannes Subdiaconus, & Notarius, quia ibi fui ex principali & Ego Ticius. & Ego Ursus. & Ego Nando. & Ego Milo. & Ego Azzalu. Promitto, & juro Ego tibi Domino Landolfo Archiepiscopo Beneventi, & Siponti per Patrem, & Filium, & Spiritum Sanctum, Trinitatem inseparabilem, & hæc quatuor Sancta Dei Evangeliorum mysteria, & per hoc vivificum lignum Sanctæ Crucis, quia amodo, & deinceps nullum inimicitiam vestras Sanctæ Ecclesiæ, aut vestram, aut cuiuslibet vestri ordinati (personam) neque in quolibet vestro ministerio faciam aliquo modo, neque facere volentibus assensum præbebo nec ego, nec quilibet habitator Siponti me volente, & quicumque ex nostræ Civitatis habitatoribus qualitercumque facere temptaverit, modis omnibus, & totis viribus certabo illud (illum) destruere secundum meum posse per omnia. Sacramentum hoc juraverunt Nobiles, & Innobiles Sipontini, Procopius Trumarcha, Tammarus, & Rosandus Paganus, & Gaudius Pinutius ex malo Saxo, & Sarappus, & Ayo Joannes, & Paltinus Alefantus, & Andreas Landolfus, & Cinnamus Madelfridus, & Bassus Ticius, & Nandos, Majo, & Cardus Folius, & Gayderis Traccho, & Joannes. & Judex hoc firmet Simeon quod chartula signat. & Judicis hoc signum iustum manet, & bene firmum. & Lector ne damnes, Judex probat ista Joannes. & Scribet libens testis, scribens Julianus inest hic.

Habes Lector Chartam, uti autographa membrana legendam exhibet: sed nec pigeat, quæ observatu maxime digna sunt, adjecta percurrere. Chronologicæ notæ, nempe Imperium Johannis, & Indictio prima, quæ inscripta habentur, anno 973. celebratum à Sipontinæ fidelitatis Sacramentum demonstrant. Johannes enim Trinitates ab anno 965. Bassus, & Constantino Romani olim Imperatoris filius collegis tibi adhibitis, Orientale Imperium tenuit, usque ad Annum 975. Sed quid, inquit, Græci Augusti cum Siponto, quam Urbem Beneventanis Principibus olim subditam scimus? Immo quod magis mireris, nullam ab Archiepiscopo Beneventano Principum Beneventanorum mentionem in ea Charta fassam invenies: adde his, si Imperatoris nomen inscribi libuisset, non equidem Orientalis, sed Occidentalis inscribendum potius, idest

Otonis I. qui ab Anno 962. Occidentis Imperium aspexit, Græcos Calabriæ, & Apuliæ expulit, ut refert Witikindus, vel ut Ditmarus narrat, tributarios effecit, ipsoque, quo Charta scripta est, Anno 973. defunctus est Nonis Maij. Sed si verum illud Ditmari est, Græcos non expulsos, sed tributarios in Calabriæ, & Apuliæ affirmantis, Chartamque ipsam Mense Augusto celebratam animadvertamus, lapsis scilicet quatuor jam mensibus ab Otonis morte; facile Græcorum dominium in Civitate Sipontina agnosceremus, adversus quos etiam Apuliam, & Calabriam tenentes Otto II. anno 982. infelicissime præliatus fuit. Quid autem inter hæc valeret Beneventani Principes, cujus jamdiu imminutæ vires, ruentem Principatum sustinere haud tunc satis erant? Satius igitur Beneventanus Archiepiscopus tunc putavit, supremum Græcorum dominium agnosceret, quod facilius Sipontinam Civitatem, cujus Ecclesiæ administrabat, suæ ditioni acquireret, vel confirmaret.

Cæterum in ea Charta nihil, nisi Græcum occurrit: Habes solidos Constantinopolitanos multæ nomine in transfegressores inditos: sed quod magis est, habes Procopium Turmacem Civitatis Sipontinæ, proprium scilicet Græcorum Magistrum, qui eo vocabulo Turme, vel Regionis Præfectum appellabatur. De hoc vocabulo jam dixi in Diss. de Re Nummaria cap. VII. not. 2. p. 228. ubi Theodorus Turmac, Græcis Beneventi dominantibus Anno 899. ab Anonymo Beneventano memoratus occurrit: sed ut ibi jam monui, huic quoque restituenda vocabulo lectio est, ut Turmareba, vel Turmarebus sit, quem illo ævo corrupte Turmacem scribebant. Porro quum in vocabula sermo incidit, quid Guadia sit, in eadem Charta pluries memorata, facile intelligitur ex obligatione, quam sibi certi homines nomine Sipontinorum susceperunt, quos scilicet Vades, Fidejussores, Sponsores promissionis suæ Sipontini dederunt. Id enim Guadia (quod & Vadia, & Vadium scribebatur) significatum sequiori ævo docent plures passim Chartæ à Gangio prolatae, qui & hanc nostram Chartam in verbo Mediatore, pro unico exemplo affert, ut idem quod Guadia, adhuc Mediatorum vocabulum ibi usurpatum significet, idest Prædes, Sponsores. Notanda adhuc ingens illa mille Solidorum Constantinorum, at quidem aureorum, summa penæ nomine statuta: pro qua exolvenda data etiam facultas fuit ad pignorum boves suos, & ancillas, ceteraque omnia sua pignora legitima, & illegitima. Erant tunc siquidem aliquot rerum species, quas in Pignoriscautionem venire Leges vetabant, & vetare hodieque videntur. Imperator Constantinus Lege ad universos Provinciales lata ann. 312. quæ est VII. Cod. Just. Quæ res pignori obligari possunt, vel non, sic statuit: Executores à quocunque Juicio dati. Servos aratores, aut Boves aratores, aut instrumentum aratorum. Pignoris causa de possessionibus non abstrahant: Quod & Impp. Honorius, & Theodosius Anno 414. sua quoque Lege observandum edixerunt. Huic beneficio Sipontini, ipsorumque vades renunciarent, tum boves suos, tum ancillas solvendæ penæ subijcentes, ceteraque sua omnia pignora legitima, & illegitima, quæ scilicet capi, abstrahique Leges sive permitterent, sive prohiberent.

Quantà verò religione, quod promiserant, observaturi essent Sipontini, ostendit illa Juramenti formula, quæ Chartæ interjecta fuit, ad quam Nobiles, & Innobiles jurasse leguntur. Varias, diversasque juramenti formulas modo per Crusem, modo per Evangelia, modo per Patrem, & Filium, & Spiritum Sanctum innumera sequiori ævi monumenta ab eodem Gangio collecta testantur.

qui ex Charta Chronici Wlturnensis nugas nobis dedit, quas superius exhibuimus) tam diuturno temporum intervallo hanc Ecclesiæ Beneventanæ prærogativam, velut usurpationem ambitione partam, conclamavit, aut in controversiam revocavit. Ipsi Sipontini Cives Sæculo x. solemniter ea charta, quam Memoratorium appellarunt, testatam, ac ratam voluerunt. Beneventano Præsuli, ex quo sibi plurimum honoris, utilitatique comparatum norant, illius Ecclesiæ, ac Civitatis subjectionem professi. Ac ipsi quidem Beneventani Præsules, simul & Sipontini appellari passim ab aliis, suisque in chartis inscribi consuebant: quo tamen titulo non illud censeretur debet, Sipontinam nempe Ecclesiam æquo jure Beneventanæ Sedi sociatam fuisse, quam sibi *subdi* disertis verbis S. Barbatus à Grimualdo postulavit, *subditamque* Romani Pontifices Vitalianus, Marinus, Agapirus, Johannes XII, ac XIII, alique quamplures, ac ipsi denique Cives Sipontini declararunt. Ut verò Sipontinorum titulum sibi adjicerent, Garganicæ Basilicæ dignitatem in causa fuisse, arbitrari debemus: Quantum ea Basilica S. Barbato debeat, quantum deinceps illius Successoribus, ut illustrior religione sua efficeretur, satis probat illius celebritas, qua totius Orbis venerationem promeruit. Quantum Longobardicæ Gentis erga B. Michaellem Archangelum extiterit studium, quem summum sibi Patronum ab initio delectum agnoscere deinceps, ac studiosius colere nunquam Longobardi destiterunt, jam aliàs mihi demonstratum uberrime est. Quid ni igitur Beneventani Præsules Sipontinos quoque se inscribere, appellari malebant? quo posteriore titulo tum sua erga Garganicam Basilicam, Ecclesiamque Sipontinam promerita, tum suam quoque erga Sanctissimum Archangelum venerationem testabantur: erat id quoque apud Longobardos universos præfens veluti, ac perenne incitamentum, quo alacrioribus obsequiis Beneventani Principatus Patronum assidue prosequerentur; erat denique eidem Basilicæ, quæ æquo titulo cum Beneventana Ecclesia conjungebatur, maximum comparatum ornamentum, novumque additum decus, quo se, licet subditam, parem quodammodo cum principe Ecclesia dignitatem præferre videbatur.

Debitus idem Archangelo honos in causa dein fuit, ut suis postmodum Sipontinæ Ecclesiæ restitueretur Antistes; quod circiter annum mxxxiv. à Benedicto IX. factum constat.

testantur: haud tamen omnia isthæc, uti in nostra Charta, simul adhibita invenire erit. Jurant itaque Sipontini *per Patrem, & Filium, & Spiritum Sanctum inseparabilem Trinitatem*, quod etiam se Orthodoxos profiterentur: jurant adhuc *per hæc quatuor sancta Dei Evangeliorum mysteria*, ac denique *per hoc vivificum lignum Sanctæ Crucis*: ubi notandum est non *super hoc, & hoc*, sed *per hæc, & hoc* idem dictum, quod non manibus ad Evangelia, & Crucem appositis, ut aliàs fieri solebat, sed *in scriptis*, sed *propositis* Evangeliiis (quod Episcoporum proprium esse cepit, qui super Sacra jurare vetantur in Concilio Meldensi An. 845. cap. 48.) adhibitaque præfenti Crucis juratum fuit.

Libet denique ex hac Charta Cognominum usum jam Sæculo x. in Italia receptum comprobare. Habes enim Rolandum *Fasanum*, Gaudium *Pinutium ex malo saxo*, Pastinum *Alesantum*, Andream *Landsium*, Cardum *Folium*, Gayderim *Traccho* &c. atque hos quidem Sipontinos *nobiles* facile agnoveris, distinctisque ab aliis, qui in eadem Charta nullo cognomine præditi, *innobiles* fortasse erant. Id enim satis constat, apud Viros illustres, prius quam apud Plebejos usurpata cognomina. Innotuit sensim dicti Sæculi x. hominibus, magis verò persuasum posteris, quam utile, quam necessarium humano commercio esset cognomina adhiberi, ut non tantum personæ, sed etiam familiæ inter se dignoscerentur, caverenturque errores gravissimi, atque etiam fraudes in contractibus, criminumque impunitates vitarentur; quod tunc Reip. damno erat, nunc etiam Historiæ, quam ex cognominum defectu obscuriorem ab illo ævo accepimus. Hinc laudanda Chronographi nostri Falconis diligentia est, qui Beneventanos Procures, quò diversi tunc inter se, & notiores posteris essent, suis cognominibus plerumque appellavit. Sic Anno 1114. meminit *Roffridi Foligaderisi*, & *Roffridi à Porta Aurea*, & Vitalis filii *Johannis Galli*, ad quem locum Camillus Peregrinus illud *Foli-*

gaderisi emendat in *fili Gaiderisi*; & revera idem Falco An. 1130. electum Beneventanum Archiepiscopum memorat Landulfum filium *Roffredi de Garderisio*, seu Gaiderisio; at si *Foligaderisi* cognomen conjunctum *Filigaderisi* legatur, rectè etiam se habebit ex similibus exemplis, quæ habet V. C. Muratorius in peculiari Dissertatione de Cognominum origine tom. III. *Antiquæ Med. Ævi* pag. 780. Plurima autem (addit Peregrinus) talia gentilitia ex parentum nominibus exorta cognomina facillimè ab omnibus nunc eam interoscantur; sunt tamen nonnulla, quæ nisi antiquioribus peritioribus, nec iis omnia quidem patent. At jam hoc argumentum laudatus paulò ante Muratorius pro sui Operis instituto luculenter pertractavit, Cognominumque originem ad quatuor Capita redegit. I. *Ex loco dominationis*, quum parentes in filios, & nepotes eandem ditionem transmitterent. II. *Ex parentum nomine*, quod in filiorum, & dein Familiæ cognomen transibat. III. *Ex Agnomine* (quod nos *Sopranome* appellamus) quod sive honorificum, sive contumeliosum à vulgo cuiquam impositum, ipsi etiam nobiles sive ultro, sive invito cogebantur retinere ad se, suamque gentem à reliquis fecerendam. IV. Tandem à *Dignitatibus*, aut *Artibus* Majorum, Cognominum originem repetit Muratorius. An verò is argumentum exhauserit, vix sibi quique persuaserit: sunt enim alia plura, quibus Originem tuam cognomina debent: ipsa Urbium, aliorumque locorum nomina, unde quis aliò transmigravit, ei cognomen (quod cognominum genus usitatissimum nunc videmus) efficere solebant: Ab ipsa etiam propriæ Urbis regione, quam quis incolet, adscitum sibi, vel ei tributum cognomen ostendit Beneventanus Civis *Roffridus à Porta Aurea* à nostro Falcone superius memoratus. Quantis etiam Cognominibus sola ambitio originem præbuit? sed non hæc nunc agimus, ac plura fortasse, quam par erat, Sipontinæ Chartæ non immeritò illustrandæ jam dedimus.

stat. Qui primus à memorato Pontifice Sipontinus Antistes institutus fuit, Leo appellatus traditur; qui quum Ecclesiam Sipontinam non solum ad pristinum Episcopatus titulum revocatam, verum etiam Archiepiscopali nomine, atque jure, ob Archangeli Michaelis reverentiam adauctam probè nosset, tum in grati animi argumentum, tum pro sui muneris ratione, tum denique veteri Beneventanorum Præsulum exemplo edoctus, ita Garganicam Basilicam excolere cœpit, ut sedem ibi, quàm Siponti, constituere sibi maluerit, ac sicut olim illi Beneventani, ac Sipontini, ita is Sipontinus, & Garganicus Archiepiscopus appellari gauderet. Leonem verò in ea re non satis prudenter se gessisse ostendit postea inconsultior Garganici Cleri adversus Sipontinam Ecclesiam concertatio, qua sibi æqua, & planè communia cum Sipontinis Archiepiscopalia jura asserere cœpit: Diuturnam litem vehementi partium contentione agitatam Pontifex Innocentius III. tandem definivit, edita Decretali Epistola, ex qua pauca hæc describere libet, quibus superiùs dicta comprobabimus: *Benedictus Leonem quendam Sipontinum Archiepiscopum, non in Sipontinum, & Garganicum, sed in Sipontinum tantum (licet obtentu Angeli) se asserit promovisse* (1).

Sed post primi Archiepiscopi Leonis obitum (nam & id heic nosse præstat) iterum Ecclesia Sipontina ad Beneventanos Archiepiscopos rediit: Manifesta res est ex Pontificio Diplomate, quo Sanctus Leo Papa IX. Beneventi degens anno MLIII. Ulderici Archiepiscopi electionem, Beneventanæque Ecclesiæ antiqua jura confirmans, ad ejus (inquit) jus, & proprietatem revocamus, atque in perpetuum subdimus, & tradimus, videlicet Ecclesiam S. Michaelis in monte Gargano positam, & ipsum Castellum, ubi jam dicta sacra, & venerabilis sua est Ecclesia, atque Sipontinam Ecclesiam cum omnibus justitiis sibi legaliter pertinentibus &c. (2). Etsi verò paullo post, anno scilicet MLXVI. ab Alexandro II. proprium Archiepiscopum Ecclesia Sipontina receperit, Gerardum Monachum Casinensem, post quem Sipontinorum Archiepiscoporum servata successio est, id tamen ex Leonis Diplomate argumentari licebit, Sipontinam Ecclesiam, propriis Pastoribus quamvis commissam, non omnino à Beneventanæ auctoritate se subtraxisse, in eo saltem obnoxiam, ut suis deficientibus Pastoribus, ad antiquam, satisque sibi salutarem Beneventanorum Archiepiscoporum jurisdictionem revocaretur, aut etiam convolaret. Cæterum quum Ecclesia Sipontina à Beneventana se jungeretur, novumque simul Archiepiscopatus honorem recepisset, decus Beneventanæ Ecclesiæ id fuit, ut ea dignitate auctam à se dimisisse videretur. Merebatur id profectò Sipontina ob Archangeli reverentiam, sive obtentu Angeli, uti Innocentius III. ajebat: sed, ut Archiepiscopalis esset, etiam Beneventani Archiepiscopi jamdiu effecisse videbantur. Pontifex Johannes XIII. in Diplomate erectionis Archiepiscopatus Beneventani anni 969. ita Landulfum Archiepiscopum compellat: *Johannes Episcopus Servus Servorum Dei. Dilectissimo nobis Landulfo venerabili, atque merito honorabili Beneventanensis, & Sipontinæ Sanctæ Ecclesiæ, & amodo per nostræ auctoritatis Apostolica concessionem Archiepiscopo*; Hunc sibi Titulum deinceps servarunt Beneventani Archiepiscopi, qui sicut olim Sipontinos simul Episcopos, ita deinceps utriusque Ecclesiæ Archiepiscopos se appellare consueverunt. Ex veteri igitur consortio, atque ex Beneventanæ Ecclesiæ præstantia factum est, ut Sipontina Ecclesia pari nomine Archiepiscopalis audiret, atque alienæ dignitatis splendore collucescere lætaretur; dum verò propriis unaquæque Præsulibus distinguenda erat, prospiciendum quoque fuit, ne deterior posthac Sipontina appareret, æquumque fuit visum, ut ad illius amplificationem Beneventanæ merita redundarent.

At jam rerum, temporumque series ad Landulfum nos perduxit, primum omnium, quem Pontificia auctoritas ad Metropolitanæ dignitatis plenitudinem provexit, Beneventanum Archiepiscopum. Satis igitur heic sit cum Pontifice Johanne XIII. Landulfum salutasse, ejusque audito tantum nomine, sinem secundæ huic Epochæ imposuisse. Novum decus, quod Ecclesiæ Beneventanæ ex solemnī Archiepiscopatus erectione accessit, felicia tertiæ Epochæ auspicia, ac nobiliora pertractandarum deinceps rerum argumenta præstabit.

CAPUT

(1) Inter Opera Innocentii III. tom. I. edit. Basilij. Vid. Ughellum, & ad illud notis Lucentii in Episcopis Sipont. tom. VII. pag. 822, & 830. edit. Venet.

(2) Ex originali Diplomate existente in nostra Bibliotheca Tubo VII. & ex exemplari Bullarii Selecti pag. 86.

CAPUT III.

Archiepiscopatus Beneventani erectio in Concilio Romano à Johanne PP. XIII. celebrata.

Prima omnium in Italia Cistiberina Ecclesia Beneventana ea dignitate prædita.

Suffraganeorum numero alias dein Ecclesias Metropolitanas olim antecelluit,

hodieque superat. Quæ fuerint eorundem Suffraganeorum erga

Archiepiscopum Beneventanum obsequia. Veteres ipsorum

Archiepiscoporum de gestanda Tiara coronata, &

præferenda SS. Eucharistia prerogativa; ad

hæc Plumbei Sigilli, cujus usus hodieque

obtinet, privilegium pluribus

observationibus illustratur.

Beneventanos Antistites, etsi Episcopali nomine, Metropolitana tamen potestate perfectos, non ab an. 668. quo Pontificis Vitaliani Literas S. Barbatus accepit, uti Viri doctissimi, gravissimique censuerunt (1), sed ab ipso, quo Christianæ Ecclesiæ pax, & libertas restituta est, sæculo IV. tum quando Samnii Provincia Romano Imperio parebat, tum verò maximè, quum Longobardos Beneventani Ducatus institutores, Dominos habere coepit, hæctenus uno, & altero Capite, duobus scilicet Beneventanæ Ecclesiæ Epochis in antecessum constitutis, atque satis operosè illustratis, superius demonstravimus. Id verò Ecclesiæ Beneventanæ dignitati debebatur, ut manifesto Archiepiscopalis, ac Metropolitanæ nomine, ac titulo, reliquisque Metropolitanæ potestatis juribus, atque insignibus ornata tandem fulgesceret. Sæculo X. id factum constat; ac serius fortasse factum, quàm res postulare, quispiam arbitrabitur: Sed si supremam illam Romani Pontificis Metropolitanam in universas Urbicarias Provincias auctoritatem, adhuc illa ætate vigentem, animadvertamus, nihil serum Ecclesiæ Beneventanæ contigisse videtur, quod primum sibi concessum, atque ante alias omnes Cistiberinæ Italiæ Ecclesiæ accepisse promeruit. Accepit autem tantâ solemnitate, ac magnificentia, ut nihil honorificentius, atque splendidius excogitari potuerit. De modo igitur, quo res gesta sit, primum videamus, dein de tempore, quo alias Ecclesias præcessit, sermonem facturi.

Ut Ecclesiam Beneventanam Archiepiscopalem constitueret Romanus Pontifex Johannes XIII. Synodum Romæ coegit: insolens enim, novique exempli, ac gravioris momenti ea res videbatur, de qua non sine Romanæ Ecclesiæ, atque Italicorum Episcoporum, aliorumque Sapientum Virorum consilio, adhibitaque consensione agi, decernique oportebat. Præverant rei deliberandæ, ac statuendæ non modò interventiones, preces, hortationes Pandulfi Beneventani Principis, verùm etiam Augusti Ottonis I., qui in eadem Synodo astantes, tum præsentia, tum subscriptione peractam comprobarunt. Actorum ejus Synodi (quant in suam Conciliorum collectionem retulit Labbeus (2)) nullus dignior, ac locupletior testis, quàm Pontifex ipse Johannes, ejusque superstes adhuc originale Diploma, quo rei gestæ sincerissimam fidem, ac perpetuam auctoritatem comparavit. Sic igitur Pontifex: *Presidentibus nobis in Sancta Synodo acta ante Confessionem B. Petri Apostolorum Principis, septimo Kalendas Junias, propositis in medio Sacrosanctis quatuor Evangeliiis, præsentem Domino Ottone gloriosissimo Imperatore Augusto, Carissimoque nostro Filio, nec non Romanis, atque Italicis, & Occidentalibus Religiosis Episcopis, quamplurimis etiam Catholicis, & Sapientissimis totius Ordinis Viris; hortatu siquidem benigno ipsius præfati Domini Ottonis Clementissimi Imperatoris Augusti, una cum consensu supradictorum Præsulum, atque Sacerdotum, omniumque Ordinum Clericorum Sanctæ Romanæ Ecclesiæ, qui insertis se subscripserunt, quibus (pariter complacuerunt) Beneventanam Cathedram velle exaltari, intervenientibus videlicet Paldulfo Beneventana, & Capuana Urbium Principe, seu Spoletini, & Camerini Ducatus Marchione, & Duce, simulque Landulfo Excellentissimo Principe Filio*

ALTER

X X

ejus.

(1) Marius Vipera in *Benevent. Chronol.* pag. 69. Ferdin. Ughehus *Ital. Sacra* tom. VIII. pag. 91. edit. Rom. Petr. Cantelius de *Metropolitanis Urbibus* P. III. Dis.

sert. III. §. VII., Dominicus Georgius in *Dissertat. De Orig. Metropolis Ecclesiæ Benev.* §. V. Romæ 1725.

(2) Tom. XI. pag. 938. edit. Venet.

ejus (1). Atque hic quidem modus fuit, quo rem pro sui gravitate, ac dignitate celebrari tunc libuit.

Ad annum quod attinet (nam de Mense, ac die satis liquet), inscriptus & ille in Diplomate fuit, sed quum temporis injuria oblitteratus in membrana sit, ex aliis simul adjectis notis Chronologicis facili negotio, certaque sententiâ suppleri, atque statui potest: Datum enim Diploma legitur *die vii. Kalendas Junii per manus Widonis Episcopi Sanctæ Silve Candidæ Ecclesiæ, & Bibliothecarij Sanctæ Sedis Apostolicæ Anno Pontificatus Domini nostri Johannis XIII., Papa III., Imperij verò Ottonis Majoris VIII., & Minoris II., Indictione supradicta XII., Anno Dominicæ Incarnationis DCC.* Ex anno igitur Quarto Johannis XIII., qui Pontificatum anno 965. auspiciatus fuit, atque ex anno Octavo Ottonis I., qui anno 662. dejecto Berengario, Imperio potitus est, atque ex anno Octavo Ottonis II., qui anno 667. paterni Imperij consortium, ac coronam Romæ accepit, ex Indictione denique xii. Annus dati Diplomatis nongentesimus sexagesimus nonus nitidissime affurgit.

Atque hunc quidem instituti Beneventani Archiepiscopatus annum rectè agnovit, discretissimeque in sua Chronologia expressit noster *Vipera* pag. 69. injuriâ quidem ab Ughello notatus, quod in adjecto Diplomate loco anni 969. annus 964. culus legatur: atque Ughellum quidem temperatiorem optassem in iis, quæ heic, ac passim adversus Virum Beneventanæ Chronologiæ parentem, per quem ipse profecit, satis importunè, nonnunquam iniquè, ac falsè objecit (2).

Corrigendus potius erit vetustus ille Beneventani Monasterii S. Sophiæ Chronographus, quem è Codice Vaticano à Nicolao Aloisia descriptum, ejus notis illustratum primus omnium Muratorius vulgavit (3). Non enim ad annum 969. sed sequentem, factam Beneventani Archiepiscopatus erectionem ipse refert his numeralibus tum anni, tum Indictionis notis, ac verbis: DCCCCLXX. XIII. Papa Johannes primum consecravit Landulfum Archie-

(1) Verba recitavimus ex Originali, ejusq. Exemplari, summa fide, diligentique descripto in *Bulario Selecto* nostræ Bibliothecæ num. xi. pag. 42. ex quo plura menda determinavi, lacunasque supplevimus, quæ in Labbeana, & Ughelliana editione occurrunt. Integram verò Exemplar, quod heic non satis commodè inferetur, in Appendice dabimus.

(2) Capite superiori observatum jam fuit, perperam ab Ughello *Viperam* notatum, quod inter Ursium, & Ayonem Episcopos Carolo, geminoque Johanni loco dederit, quos (ille inquit) ab hac serie expunximus, veluti gratis ab eodem suppositos: etenim de altero saltem Johanne, cui Ajo successit, satis luculentum habetur Geronici Cavenensis testimonium. Nunc quod attinet ad Erectionis annum, de quo agimus: Corrigendus (ait Ughellus) est *Vipera*, qui hanc Archiepiscopatus erectionem asserit fuisse factam anno 964. ut ex Diplomate per eum transcripto, & in sua Chronologia relato, liquiddè apparet: quod puto accidisse Typographorum incuria, vel falsum eorum qui correctioni typographica adjecerunt; ipse namque *Vipera*, ut qui jam senex ægræ valetudinis, hoc munus per se explere non potuit, sed alijs (ut verum fatear) incuriosis viris eam demandavit curam, ex quo factum puto, quod tot in ea Chronologia irrepererint errores, quibus maximè inter alia scaturit Erectionis Privilegium, quod a me accuratissimè cum suo exemplari collatum heic subnectere judicavi. Sed non ipsam Ughellianam exemplar errorum expers, quorum numerus ex nostro exemplari in Appendice edendo facile constabit: Quid quod in describendis ejusdem Diplomatis notis Chronologicis ipsum Ughellum peccatè deprehendit Cl. Georgius in dicta Dissertatione §. ix.: *Annus* (inquit Georgius) *Dominicæ Incarnationis DCCCCLXX.* in ipso autographo exactus erat, licet carè consumptum fuisse testatur Ughellus pag. 93., qui illud inspicit. Sed non sine mendis excerpit annos Imperij Ottonis Augusti Senioris: Septimus enim in Diplomate per ipsum vulgato notatur, quum

Octavus notari debuisset: Otto major Imperator Romæ initio anni 962. à Johanne XII. coronatus fuerat. ex Baronio ad hunc annum. Sed post probatum Diplomatis suum exemplar, quid adhuc de *Vipera* Ughellus subdat, ausiamus: Falsè divinavit *Vipera*, vel Typographus hoc loco ponendo notas numericas indicantes 964. quum ipse *Vipera* in principio asserat, erectionem fuisse factam de anno 969., qui quidem est verus annus. Si igitur *Vipera* verum annum 969. jam agnovisset, assimulaveratque, cur tantum irarum ex eo, quod in eadem Diploma Typographicæ curæ negligentes fuerint? Quis sibi à Typographicis erroribus cavere omnino potuit? Ipse certè Ughellus imprimis hanc veniam dare, ac petere vicissim debebat, de quo hæc pronunciat Muratorius *Antiq. Med. Ævi* tom. vi. pag. 386. occasione Diplomatis Caroli Magni pro Ecclesiâ Aetiva: In Privilegio illo occurrunt, quæ non immeritò suspicionem ingerant co-fictæ mercis, si tamen errores non transferendi sunt in Ughellum, quem in describendis, & emendandis vetustis monumentis sapientissimè necessaria diligentia defecit, quum non rardè in ejus libris Diplomata dissentiant ab ipsius Archivorum membranarum. Utut de alijs sit, de nostris Chartis verissimum Muratorij judicium reperio, ut jam monui, ac deinceps monere opportuè pergam.

(3) Muratorius *Antiq. Med. Ævi* tom. i. post Diss. v. pag. 254. qui de eodem Chronico hæc præstat pag. 248. Quum facta mihi supra fuerit mentio Ducum, & Principum Beneventanorum inter Italiæ Principes diù existimiorum, quamquam eorum seriem multis pertractatam habeamus ab Historicis nonnullis, quorum opuscula Camillus Peretrinus divulgavit, atque ego rursus edidi P. I. tom. xi. *Reg. Ital.* nihil tamen secus tenebris subductum heic volo brevè Chronicon, quod acceptum refero Nicolao Aloisia amico viro, & Antiquitatum Medii Ævi præcipuè amantissimo. Descripsit ille Opusculum hoc à perperitissimo MS. Codice Bibliothecæ Vaticanæ, notasque etiam addidit, quas simul Lector accipiet.

Archiepiscopum Beneventanum. Ex lacuna, quæ in dicto Chronico occurrit, antecedentis anni DCCCCLXIX., qui omnino desideratur, errorem hunc non Chronographi, sed Descriptoris fuisse putaveram, qui rem gestam ad sequentem annum oscitanter rejecisset: at ipse Aloisia præsto fuit, sic ad eum locum commentatus: *In Concilio Romano Metropolitanæ Dignitas Beneventana primum accessit Ecclesie, postquam Capuana ea prerogativa fuerat insignita; quiquid perperam in Retractione sua dicat nuperus eruditus Criticus. Extat tom. ix. Conciliorum col. 1238. editionis Labbeana Epistola Johannis XIII. Pape, data Romæ VII. Kal. Junii, Indictione XII., Pontificatus anno IV. Quare in antecedentem annum protrahenda sunt ea, quæ ad hunc annum (sc. DCCCCLXX.) Chronographus noster consignavit. Probavit igitur diligentiam suam Aloisia; qui Chronographi errorem animadvertit, castigavitque; at erravit is certe, dum Beneventani Archiepiscopatus erectionem anno 970. antiquiorem, sed Capuani Archiepiscopatus erectione posteriorem, nuperi eruditi Critici retractioni illudens, pronunciat. Inter Beneventanam, & Capuanam Ecclesiam summo partium studio diu lis isthæc agitata est, cujus graviora momenta heic referre operæ pretium erit, brevi tamen stilo, ne æquos Lectores, quorum debet esse judicium, audisse pigeat (1).*

Litis instituendæ auctor, innoxius fortasse, Leo Ostiensis fuit, qui in suo Chronico Casinensi Archiepiscopatus Capuani erectionem à Johanne quidem Papa XIII. factam commemorat, sed quoto anno, quave occasione facta sit, incertum reliquit. Ostiensis locum ex Veneta editione anni 1513. sic recitat Baronius ad annum 986. num. 9. *Hujus Abbat. (Aligerni) anno XIX. Johannes Papa Roma pulsus exilio Capuam venit, & à memorato Principe (Pandulfo) rogatus, tunc primum in eadem Civitate Archiepiscopum constituit, consecrato Fratre ipsius Principis Johanne in Archiepiscopum*. Conveniunt de Aligerni Abbatis anno decimonono posteriores Ostiensis editiones, tum quæ à Laureto Neapoli ann. 1616., tum quæ à Nuceo Parisiis ann. 1668. curata est; neque in reliquo, nisi *ovovovvix* à Veneta discrepant. Quid verò ad Ostiensem Baronius? Porro (inquit) *consignatum tempus non ad Johannis exilium, quod longè ante contigit* (videlicet anno 965. ut idem ipse ex indubiis monumentis jam statuerat) *sed ad collatam illi Ecclesie Archiepiscopatus dignitatem referri necessario debet*. Baronius itaque, quæ simul gesta ab Ostiense narrantur, quatuor annorum intervallo inter se discriminanda, ac scindenda decernit; sicque Ostiensis fidem de ea re vel suspectam, vel male tutam agnoscens de Archiepiscopatus Capuani erectione ad dictum Abbatem Aligerni annum XIX., æræque Christianæ 968. referenda, nonnisi subtimidè, atque accuratiorem

ALTER

X x 2

ea in

(1) Ejus litis exordia, progressus, fata, patroni, status potius, quam exitus, sic se habent. Primus Ecclesie Capuane eam prerogativam Baronius asseruit, quem Camillus Peregrinus sequutus est. Utrique, etsi rem ipsam non satis certa, ac meditata sententia affirmant, Marius Viperæ Beneventanæ Ecclesie Archidiaconus, editæ Præfatum Beneventanorum Chronologiæ, adjectisque plerisque Beneventanæ Ecclesie monumentis, factio potius, quam verbo occurrisse statim visus est. Sed Capuanis de ea prerogativa adhuc sibi blandientibus, longo post tempore silentium imposuit Pompejus Sarnellius Episcopus Vigiliensis, qui anno 1691. eandem Viperæ Chronologiæ castigationem vulgavit. Ac siluere quidem Capuani ad triginta & amplius annos, Sarnellio, qui Beneventanæ Ecclesie causam egregiè peregerat, acquiescentes; donec anno 1721. V. G. Dominicus Georgius occasione Historiæ Exercitationis *De Antiquis Italiae Metropolitibus*, scilicet Civilibus, obiter quidem, sed satis operosè, studiosèque de Ecclesiastica Capuæ Metropoli, posthabito Sarnellio, Baronium, ac Peregrinum sequi maluit: At non diu licuit Capuanis novum Patronum invenisse Georgium, qui mox anno 1725. re rursus ipsa ad sincerius examen revocata, Dissertationem edidit de *Origine Metropolitæ Ecclesie Beneventanæ*, illo Epilogo usus: *Erustra opinionem eximii præfatis Vigiliensis Pompei Sarnellii vexavimus, qui primam omnium in Neapolitano Regno Beneventanam Ecclesiam ad Metropolitice Dignitatis fastigium erecllam irradiderat: Neque nos pudet, palinodiam canere, quam recantare toties parati sumus, quoties nos errasse confiteris*. Atque hunc illum esse *nuperum eruditum Criticum* jam nolis, superius ab Nico-

lao Aloisia memoratum, cujus retractatio haud certè Muratorio, qui (ut in superiori nota diximus) nihil in Chronici Sansophiani editione addidit, sed Aloisii ipsi, nullam reddenti rationem, displicuit: at non eundem V. C. Franciscus Orlandio displicuit, qui in suo *Orbe Sacro, & Prophano* P. II. lib. 4. cap. 20. Georgii Palinodeiam probans, pro Ecclesia Beneventana sententiam suam tulit. Litem, ut videtur, jam judicatam, hoc in statu ego inveni, quum priori Tomo Beneventanarum Antiquitatum adlaborarem, coque in Opere, dum de Metropoli Civili Sarnii differerem, statius habui quoad Ecclesiasticam Metropolim (nondum enim ejus loci, temporisque ratio id tunc agendum fenebat) Georgii Dissertationem laudare pag. 155. not. 6. ad quem Lectorem ablegavi. Paucula hæc tunc ego, nec omnino mea, neque tanti profectò, ut Capuanos ad controversiam inflaurandam excitasse viderer, nisi id legissem, in ejus Operis Præfatione, quod post superiorem librum meum Romæ an. 1754., non an. 1756. (uti falsò ibi asseritur) editam, quinquennio post, vernaculè, prolixèque obloquutus Franciscus Præfatus edidit *Della Origine della Metropoli Ecclesiastica della Chiesa di Capua*. Napoli MDCCCLVIII. Prætereundum mihi silentio Præfati opus duxeram, quòd iis libris adnumerandum viderem, quibus tunc solùm, si illos confutaveris, & famam, & pretium fecisse videris; sed meminisse tantum consilium fuit, ne, si ex industria dissimulatum putaretur, hac una re prodessem Capuanis, quibus id opus nec satis probatum intellego: Beneventanis certè nihil incommodi, aut detrimenti attulit, quibus in optima, ac manifesta causa, nonnisi pauca, & vera modeste, ac præclarè loqui mos fuit.

ea in re operam adhibendam ostendens, concludit: *Prima omnium, quod invenerim, Ecclesia Capuana ea Archiepiscopatus dignitate in Regno Neapolitano fuit illustrata* (1). Camillus autem Peregrinius in serie Abbatum Casinensium de Aligerno agens, Baronio assentitur, tum de Johannis exilio anno 965., tum de Capuano Archiepiscopatu anno 968., sed veritus, ne non ex scripto Ostiensis loco ejus fides periclitari videretur, Baronio ingeniosorem se ostendere voluit, ac non novo quidem exilio iterum Johannem Roma expulsam dicto anno 968., sed novam exilii vocabulo, quo Ostiensis usus est, significationem excogitavit: *Exulare enim* (inquit), *ut sexcenta alia proximiora omni aevi exempla missa faciam, Servio ad Aeneid. lib. II. proprie dicuntur, qui extra solum eunt*. An hæc citra absurdum dici queant, judicium Grammaticis relinquimus, quorum quæstiones non hujus loci sunt. Ostiensis certe non extra solum ivisse, idest spontè Româ abcessisse, sed Româ pulsam exilio, vel, ut aliæ editiones habent, exiliatum Johannem, atque adeo invitum, Capuam venisse scribit. Hoc apparatu instructus Peregrinius Capuanos suos alacriores reddere studuit, ut eam sibi prærogativam assererent; at rem non sine controversia futuram prævidens, contradictorios Beneventanos, ut sua tandem monumenta proferrent, amariùs, quàm par erat, laceravit: *Nec de futili* (inquit) *nunc dicam quorundam recentiorum argumentatione, qui nescio quas etiam nullius, vel minimi momenti Chartulas, nec sibi quidem visas, alicubi servari testantur, quibus se demonstrasse jactent, Capuanam Ecclesiam non omnium antiquissimè in Regno Neapolitano fuisse Archiepiscopali honore exornatam; quod fortè verum: sed integras illas, solemnique pariter approbatione roboratas ad rem tantam contradictoriis non vacuam, stabilendam produci oportuisse negabit nemo* (2).

Quæ Capuanam Ecclesiam non omnium antiquissimè in Regno Neapolitano fuisse Archiepiscopali honore exornatam demonstrent, Chartæ à Beneventanis producendæ frustra petuntur; producere ipsi debebunt Capuani, qui eam prærogativam ex malefano Ostiensis loco sibi conquiritantes, male tutam causam hæcenus egisse videntur. Satis Beneventanis fuerit, ea Diplomata Pontificia produxisse (eidem Peregrinio dein perspecta occasione Chronologiæ, à nostro Vipera editæ, atque ab eodem Peregrinio alibi probatæ (3)), quibus à Sæculo saltem VII. jus Metropoliticum Ecclesiæ Beneventanæ vindicatum est, Archiepiscopale tandem nomen, atque dignitas anno 969 in Romana Synodo, Literisque Pontificis Johannis accessit. Donec igitur Capuani locupletioribus, ac sincerioribus monumentis assertum annum 968. comprobaturis, meliorem, ac verisimiliorem causam suam efficiant (4), fas, jusque

(1) Non etiam de fuisse Baronio aliquid Capuanae Ecclesiæ gratificandi studium ex iis apparet, quæ eodem loco subnectit: *His verò diebus, quibus hæc scribimus (quod non tacendum) maximum accessit eidem Ecclesiæ ornamentum, dum vacante eadem Sede obitu Cesaris Costa Archiepiscopi, mei in Jure Civili publicè interpretando olim in Urbis præceptoris, delectus est à SS. D. N. Clemente PP. VIII. (die 25. Februarii anno 1602.) ad nobilissimam Ecclesiæ regimen Vir doctissimus, ac religiosissimus Robertus Bellarminus S. R. E. Cardinalis, virtutum meritis toto Christiano Orbi conspicuus, exoptatus votis, collaudatus suffragiis, atque exceptus plausu, illustra sacro Collegio conclamante: Dignus Dignus.*

(2) In serie Abb. Casin. opp. to. v. p. 155. edit. Neapol. 1754., & inter Scriptores Ital. Murator. to. v. p. 183.

(3) In Dissert. de finibus Ducatus Benev. ad Septem. tom. v. pag. 273. ubi de Pontificis Vitaliani Literis ad S. Barbatum Episcopum Beneventanum datis agit, quas (inquit) recitat Marius Vipera lib. I. Chronologia Episcoporum, & Archiep. Beneventi, etsi in multis adde corruptas, ut de illarum sinceritate suspicari merito quis posset, nisi ex pluribus aliis fidelioribus monumentis ab eodem Vipera relatis p. 61. 63. 70. 81. & 85. (scilicet literis aliis Pontificum Marini, Agapiti II. Johannis XII. aperiretur, Gargani Montis Specum, & Sipontinam Ecclesiam diu etiam post Vitaliani tempora Presulibus Beneventanis commendatas manifestis, immo subditas fuisse cum aliis Episcopalibus Ecclesiis, uti ex dictis Literis præclare habetur; sed vide, quæ uberius de Vitaliani Literis, & Peregrinii observatio. ne dixi superiore Cap. II.

(4) Sunt quidem alii veteres Chronographi, qui Archiepiscopalem Capuanæ Ecclesiæ erectionem commemorant, Ostiensis tamen suppare, atque ex eo fonte haurientes, rem ipsam, uti Ostiensis, ipsi æquè turbidam nobis tradiderunt.

Johannes Monachus Vulturturnensis, qui sui Monasterii Chronico conscribendo laborabat anno MCVIII. (de quo vide Muratorium in Præf. ejusd. Chron. inter Script. Ital. tom. I. p. 11. pag. 322.) Ostiensis ætate posterior, illius ex Chronico Casinensi verba in suum Opus derivavit, sic agens lib. II. pag. 462. Tunc temporis Johannes Papa de Roma exiliatus venit Capuam, & rogatus à Pandulfo Principe tunc primum Archiepiscopum in eadem Civitate constituit, Johanne ejusdem Principis Fratre inibi consecrato: ubi vides à Chronographo Vulturturnensi Ostiensis locum totidem verbis descriptum, præteritis tantummodo Aligeri annis XIX. ab illo memoratis; ita ut quæ res exilii temporis, ex Baronii, ac Peregrinii sententia, alligari nequit, nescias prorsus ex eo Chronographo, qui anno tribuenda sit.

Incertum quoque annum reliquit Romualdus Archiepiscopus Salernitanus, anno 1181. defunctus, qui in suo Chronico (tom. VII. Script. Ital. pag. 163.) inter annum DCCCCLXXII., & annum DCCCCLXXVI. tum Imperatoris Ottonis, tum Pontificis Johannis res gestas, nullo facto interjacentium annorum discrimine, simul complexus, hæc ab exilio quidem omnino sejuncta subdit: *Hic etiam Papa Johannes nobilitavit Capuanam Archiepiscopatu, in qua Civitate tunc principabatur Pandulfus cognomento Capudiferreus.*

jusque Beneventanis semper erit, ut Ecclesiam suam, quam anno 969. Archiepiscopatu auctam, luculentissimè constat, primam omnium Regni Neapolitani, sive veriùs Italiæ Cistiberinæ Archiepiscopalem affirmant.

Id verò legitimum, ac tutissimum Beneventanis semper fuerit; quorum possessionem Viri gravissimi, doctissimique, non solum nullo partium studio detenti, sed Capuanæ Ecclesiæ addictissimi justissimam declararunt. Ludovicus Thomassinus de *erectione novarum Metropoleon* ex instituto agens, rem scilicet ipsam penitiùs, ac seriò perscrutatus, post perpectam, perpenfamque utriusque Metropolis tum Beneventanæ, tum Capuanæ erectionem, alteram Synodi Romanæ decreto, ac Pontificis Johannis XIII. Diplomate, alteram Leonis Ostiensis testimonio memoratam, Capuanæ Beneventanam antetulit, primam omnium pronuncians Metropolim Beneventanam, quam & rei tum celebratæ solemnitas, & superstitis monumenti perspicuitas, satis insignem, ac testatam reddebant (1). Michael Monachus, domo Capuanus, Capuanæque Ecclesiæ eruditus illustrator, Capuanam Metropolim non ante annum 971. erectam, proptereaque Beneventanæ secundam statuit, quam ab anno 969. ea prerogativa decoratam probè norat (2). Liceat nunc mihi (fas enim pro re præsentis erit) Baronio, qui, *quod invenerit*, affirmare se ait, quique Johannis Diplomatum nonndum norat, Thomassinum opponere, qui novit, ponderavitque: liceat Peregrinio opponere Monachum: liceat demum Ostiensis mendosissimo loco Romanæ Synodi, ac Pontificis Johannis auctoritatem opponere: & nemo non licere Beneventanæ Ecclesiæ jam demum pronunciabit, ut eam dignitatis simul, ac temporis prærogativam jure sibi, meritoque tribuendam contendat.

Beneventanæ Ecclesiæ causam, quam paucis hisce superiùs animadversis confectam dedimus, amplius peragere ipse idem videbitur Pontifex Johannes, si erectionis *modum*, quem servavit, *precatores*, quos admisit, *verba*, quæ effatus sit, *causas* denique, quibus motus fuit, paulò diligentius observemus.

Primò igitur Pontificis Johannis XIII. ætate, nova Archiepiscopatus alicujus erectio, præsertim in Italia, novi, ut diximus, exempli, gravissimique momenti res erat, quam non

Sequitur *Atinensis* Ecclesiæ Chronicon ab Ughello primùm vulgatum ad calcem tom. I., nunc tom. X., atque à Muratorio cum altero Chronico majori Monasterii *Fossenovæ* recensum inter Script. Ital. tom. VII. pag. 912., de quo hæc idem Muratorius præstat: Chronico huic (idest *Fossenovæ*) adjecti alterum breve Chronicon *Atinensis* Ecclesiæ ab eodem Ughello vulgatum. Huic quoque spalmata non pauca animadvertas, quorum partem adscribas *Auctor*, seu *Auctoribus* in vetustissima *Historia* non satis peritis, reliquam Ughello, atque amanuensibus ineptis utentis, aut non eam diligentiam adhibentis, quæ eruditum Virum decet, quàm aliena describit, ac edit. Et tamen si rem præsentem spectemus, nihil mendosius, aut etiam mendacius scribi potuit: Audi Chronicon: *Tempore Aligeri Abbatis Casinensis decimo octavo anno, Johannes XV. Papa de Roma profectus venit Capuam, & rogatus à Pandulfo Principe, tunc primum in eadem Civitate Archiepiscopum constituit, consecrato ibi Johanne Fratre ejusdem Principis Archiepiscopo. Cui etiam tradidit cum multis aliis Civitatibus Episcopum Atinensem, & ordinatus est in eodem Episcopatu ab Atinulfo Capuano Episcopo Leo Episcopus, qui vixit in Episcopatu annis viginti octo.* Audisti Chronographum Atinensem (quem Cænobii forsitan *Fossenovæ* Monachum circa annum MCC., vel paulò post floruisse putat Guil. Caveus Hist. Lit. pag. 603. ad annum 1200.) Ostiensis verba mutuatum, sed in Aligeri annis ab Ostiensis aberrantem, Pontificem Johannem XVII., pro XII. obtrudentem; eundem non exiliatum, sed profectum affirmantem; Atinensem Ecclesiam Capuanæ traditam; in qua tamen non Johannes primus Archiepiscopus, sed mox nullo intervallo *Atinulphus*, qui post Leonem, & Gerbertum Johanni successit, Leonem Episcopum ordinavit. Quis inter has tenebras instituta Metropoles Capuanæ annum divinat?

Superest Chronicon *Caveus*, non illud quidem à Muratorio vulgatum inter Script. Ital. tom. VII., sed

alterum nuper in lucem editum in nova editione *Opera* Peregrinii tom. IV. ubi ad annum 966. pag. 413, sic legitur: *Papa Johannes per multos menses egrotavit in Capua, & in solemnitate Deiparæ Virginis post id. Aug. cum multis Episcopis, & Abbatibus Johannem germanum Pandulfi Principis fecit Capuæ Archiepiscopum, subiciens illi decem Episcopos.* Habes ex hoc Chronico Pontificem non Capuæ exulantem, sed egrotantem; habes diversum tempus, idest annum 966. erecti Capuani Archiepiscopatum: habes denique decem subiectos Episcopos, quos nemo unquam novit. Si ista ex ipsius Chronographi manu sint (quod suspicari licebit) non aliud efficient, nisi ut corruptum, vel certè falsum dicamus.

(1) De Ecclesiæ Disc. P. I. lib. I. cap. XLV. num. III. ubi hæc habet: *Johannes XIII. Beneventanæ Ecclesiæ Archiepiscopatus dignitatem consulit ad preces Imperatoris, Episcoporum, Cleri Romani, in Concilio Romano, sollicitante in primis Principe Capuæ, & Beneventi: Hortatu (sunt verba Concilii, seu Diplomatis, quæ Thomassinus recitat, atque ad ejus loci marginem hæc notat: Anno 969. Concil. tom. IX. pag. 1359.) Clementissimi Imperatoris, cum consensu Præsulum, omniumque Clericorum S. R. E. qui inferius subscripserunt, interveniente Pandulfo Beneventanæ, & Capuanæ Urbium Principe &c. mox idem Thomassinus Beneventani Archiepiscopatus erectioni Capuanam adject: *Capuanæ Principis precibus donavit Johannes Papa Capuæ Urbis promotionem in Metropolitico honorem, atque Ostiensis testimonium in margine notat. Notandus tamen in eo videtur Thomassinus, quod qui in recitati Diplomatis textu legerat Pandulfum Beneventanæ, & Capuanæ Urbium Principem, erroneè is fecerit Principem Capuæ, & Beneventi, Benevento Capuam præponens, quæ vel subdita, vel secunda semper fuit.**

(2) In Sanctuario Capuano P. III. pag. 382.

non modò vetabat Romana Metropolis, sed nec patiebatur aliarum Ecclesiarum prerogativa, quibus sive detrimentum, sive injuria parari videbatur. Hinc Pontifex Gregorius V. sub ejusdem Sæculi x. exitum, ac paucis post Beneventanæ Metropolis erectionem annis, Placentinam Ecclesiam à decessore Johanne XVI. Archiepiscopalem erectam, propterea quod aliena jura, nulla ex justa causa, imminuta fuissent, Ravennatis Ecclesiæ suffraganeam rursus declaravit, ità ad Ravennatem Præfulem scribens: *Placentinam Ecclesiam injuste tibi à meo Antecessore ablatam, & contra Canones sub nomine Archiepiscopatus locatam, tibi, tuisque successoribus refutamus in perpetuum* (1). Nec posteriori ætate, quando jam novarum Metropoleon numerus excreverat, à veteri Canonum observantia remittendum re ipsa docuit Innocentius III., qui de Ecclesia Pragensi in Metropolim erigenda exoratus, ostendenda (inquit) nobis est prius, &urgens necessitas, & utilitas evidens, quæ fieri hac exposcit; facultas, & voluntas Ecclesiæ, in qua Sedes Metropolitana debet stabiliri, & utrum in Bohemia Dioeceses possint statui compenter, statuenda Metropoli supponenda: præterea convenienda, & commonenda super hoc est Ecclesia Moguntina (2). At supervacue aliundè ejusmodi exempla quærimus, quæ ex eodem Pontifice Johanne XIII. præstò nobis sunt, ac satis profectò illustria, ac memoranda, tum ex Magdeburgensis, tum ex Beneventani Archiepiscopatus erectione, quorum alterum anno 967 in Synodo Ravennatenfisi, alterum anno 969. in Synodo Romana constituit. Plurimas Sclavorum nationes ultra flumen Albæ suo Imperio, ac Christianæ Legi Imperator Otto subjecerat, quibus in suscepta religione confirmandis, tum Episcopos, tum Archiepiscopum dari postulavit. Imperatoris preces ad Ravennatensem Synodum delatæ sunt, quæ dicto anno 967. celebrabatur, residentibus Domino Johanne Summo universali Pontifice, & pluribus Italiæ, Germaniæ, ac Galliæ Præfultibus, & de statu Ecclesiæ tractantibus: post maturam rei discussionem placuit omnibus, apud Civitatem Magdeburg Archiepiscopalem statui Cathedram; idque Imperator, qui etiam præfens aderat, privilegio Apostolicæ Sedis corroborari, dignum duxit, quod & actum est, & à Summo Pontifice, omnibusque Præfultibus Italiæ, Galliæ, & Germaniæ, qui aderant, propriis manibus corroboratum. Ceterum quia Præsul Halberstadenfisi Synodo huic non adfuit, causæ clausulam in ejus adventum differre placuit, ut Civitatem ipse à debito subjectionis absolveret, & tunc demum Privilegium, & subscriptio illibata fieret (3). Hanc rei perficiendæ solemnitatem adhibendam duxit Pont. Johannes; eandem biennio post servatam voluit, quum pari exemplo Beneventanum Archiepiscopatum erexit, ut scilicet ejusdem Augusti Ottonis, Beneventanique Principis Pandulfi preces præmitterentur, resque ipsa ad Synodi deliberationem, ac suffragium remitteretur, ac Privilegium exindè promulgandum omnium Archiepiscopalis facta sit; ac Magdeburgensi temporis prerogativam libenter concedit, quæ una eundem erectionis modum, quo Johannes XIII. uti soluit, ac debuit, ostendere hodieque potest.

Ac precatores quidem si diligentius attendamus, præter Augustum Ottonem, Pandulfus se prodit Beneventana, & Capuana Urbium Princeps, in erectionis Diplomate appellatus. Ad Capuanæ Urbis Principatum quod attinet, quid de eo titulo sentiendum sit, Camillus Peregrinarius, qui rem hanc satis curiosè investigandam sibi suscepit, præclare nos docet: *Res* (inquit) *est satis explorata, Campanum Comitem Atenulfum adripuisse Principatum Beneventanum, ex quo exortus est Campanus, anno nongentesimo at novissimi hujus Principatus Dynastiam tunc pariter à priori fuisse discretam, suumque habuisse exordium, peculiareque Capuam habuisse Principes, haud facile consenserim. Manifestam rem Atenulfus ipse, alii que ab eo progeniti Principes efficere videntur, qui ad Beneventani Principatus occasum ulque permanserunt, ac licet plures simul Principatum administrare consueverint, nunquam tamen divi-*

(1) Concil. tom. x. pag. 752.

(2) Rinal in Annal. ad annum 1204. num. 53.

(3) Apud Labbeum Concil. tom. xi. pag. 912. edit.

Ven. Hoc monumentum erecti Magdeburgensis Archiepiscopatus ex MS. Chronico Anonymi Saxonis descriptum cum inscriptione certi anni, in quo res gesta fuit, scilicet nongentesimi sexagesimi septimi non viderat Baronius, qui eandem rem retulit ad annum 971. Adami tantum veteris Chronographi testimonium natus, qui nullo certo indicato anno, ipso tempore, ait, *magnus Otto, subjugatis, Christianæque Fidei copulatis Sclavorum gentibus, inclitum Urbem Magdeburg: super*

ripam Albæ fluminis condidit, quam Sclavis Metropolim statuens Adalbertum summæ Sanctitatis Virum ibidem consecrari fecit Archiepiscopum etc. Hæc apud Baronium d. ann. 971. num. xi. ubi nihil Pagius, qui jam ad d. annum 967. plura de Concilio Ravennatenfisi observat, num. xi. & xv., duo Ravennatenfisi distinguens Concilia, alterum d. anno 967., alterum sequenti anno 968. post Septembrem mensem celebratum, in quo, adventu, & consensu Præfultis Halberstadenfisi Magdeburgensis Archiepiscopatus erectio constabili fuit.

divisissè leguntur; quin & eundem, quo olim superiores Beneventani Principes utebantur, titulum retinere, ut scilicet non Beneventanorum, neque Capuanorum, sed *Gentis Longobardorum* Principes nuncupari, atque inscribi gauderent: atque ex his uberius observatis, comprobatisque, illud Peregrinus statuere non abnuìt, nomen Campanorum Principum sensim coepisse audiri ex vulgi usu, etsi non dum Campanus Principatus seorsim institutus fuisset; sequidem Capua commorantes Principes novo nomini ansam dedere (1). Ex vulgi itaque usu factum est, ut (quod à re ipsa alienum erat) novæ nuncupationis mos, à plerisque dein Scriptoribus receptus facillè fuerit, quo se vulgari appellationi accommodantes, res quasque lucidiùs enarrandas suscipere: Sic apud Ostiensem, Liutprandum, aliosque, Beneventanos simul, Capuanosque Principes memoratos invenies: à quo tamen vulgari usu abstinere voluit Anonymus Salernitanus, qui rei fidem, veritatemque sectari malens, nunquam Capuæ, Capuanique Principatus mentionem Beneventano adjecit. Sic Cap. cix. *Dum ipse Landulfus præfuisse Samnitibus annos . . . ab hac luce subtrahitur est. Beneventanorum Principatum ejus filii Pandulfus* (de quo nobis sermo est), & *Landulfus bifariè* (idest consortes simul) *regebant*: de quo Pandulfo mox cap. clxiii. idem habet his verbis: *Statimque & Principes Beneventanus Pandulfus in ejus* (Imperat. Ottonis) *venit occursum &c.* Libuit verò Pontifici Johanni in suo Diplomate vulgarem retinere nuncupationem, eundemque in Diplomate Pandulfum Beneventanæ, & Capuanæ Urbium Principem appellare; in qua tamen nuncupatione ita vulgi usus, sive Scriptorum mos servatus videtur, ut Beneventanorum priùs, (uti revera, atque unicè erat) quàm Capuanorum Princeps Pandulfus appellatus legatur. Hæc quum ita sint, nulla erat causa, cur Pandulfus (qui de Pontifice optimè promeritus jam fuerat) Beneventani Principatus Dominus, vel, si mavis, Beneventanæ, & Capuanæ Urbium Princeps, Capuanam Urbem potiùs, quàm Beneventanam, antiquissimam, scilicet, atque splendidissimam Principatus sui Sedem, Archiepiscopatus honore præcellentem voluerit. Fuit hæc olim, sæculo antecedenti, Landulfi Episcopi Capuani ambitio, qui Imperat. Ludovici II. gratia, auctoritateque fretus, Archiepiscopatum totius Beneventi (ut ait Erchempertus) omni aviditate, & ut Capua Metropolis fieret, quaesivit. At Capua tunc à Beneventanis Principibus jam desciverat, suorumque Comitum tyrannide magis, quàm iusto Imperio parebat; quamobrem Landulfus, qui ex eorundem Comitum familia erat, eam prærogativam in proprio Territorio sibi, suisque affectabat: sed (ut pergit Erchempertus) non Domino finente ad perfectum minime pervenit (2). Quod igitur tunc effectu caruit, quia Benevento injuriosum, quam Urbem Capua, suis licet Comitibus subdita, adhuc suam Metropolim agnoscere censebatur; admisissetne, sequuto sæculo, Princeps Pandulfus? Is, inquam, Pandulfus, qui non Capuæ Comes (quamquam Capuam ipsam adhuc tunc Comitatus titulo tantummodo distinguendam, nuncupandamque affirmare licet), sed Beneventanorum, sive Gentis Longobardorum Princeps amplissimo universi Principatus, in quo Comitatus ille continebatur, imperio patiebatur: qui propterea præclarissimæ Principatus sui Metropoli Benevento eam prærogativam, non modò invidere, sed jamdiù ex primævis juribus, superiori Capite demonstratis, comparatam, impetrare debuit: Quod si secus Pandulfus cogitasset, Pandulfi consilium non admisisset certè Pontifex Johannes, qui Pandulfum priùs Beneventanæ, dein Capuanæ Urbis Principem agnovit; agnovit scilicet Beneventanam Urbem Principatus Caput, atque Sedem, ejusque Ecclesiam non solum in Civili Metropoli constitutam, sed pluribus ad id tempus Ecclesiasticæ Metropoleos juribus præditam: agnovit denique Beneventanam Ecclesiam Capuanâ majorem, cui (dum utriusque Urbis Principi annuendum esset) Archiepiscopalis dignitas præcipuè debebatur.

Quod autem faciendum satis noverat, factum à Pontifice Pontifex ipse præclare testatur. Post memorata in suo Diplomate amplissima Ecclesiæ Beneventanæ promerita, præstantiam, prærogativas, debemus itaque (inquit) ex ardore charitatis, ac studio Divini cultus eam, causa honoris, ac reverentiæ, sublimiorem inter ceteras ordinare. Quibus sanè verbis Beneventanæ Ecclesiæ causam, quam plerique dubiam facere hætenus ausi sunt, concessisse Pontifex, atque ab ipso rei exordio peregrisse videtur. Etenim Pontifex præclarissimis declarat verbis, se Beneventanam Ecclesiam sublimiorem inter ceteras ordinandam statuisse.

(1) In motis ad Anonymi Salernitani Chronicon cap. 158. pag. 273., & seqq. tom. II. Opp. edit. Neapol. anni 1750.

(2) Hist. cap. xxxv. Vide, quæ ad hunc Erchempertum locum superiori Capite uberius observavi.

statuisse. Quæ autem cæteræ illæ fuerint Ecclesiæ, si paullùm rem omnem attendamus, facili negotio intelligemus. Non ad cæteras, quæ in Orbe Christiano universo essent, neque etiam ad illas omnes Ecclesiæ, quæ amplissimis Suburbicariarum Provinciarum finibus, Romanæ Metropoli subiectæ, continebantur, (quamquam & hoc posterius dicere non omnino absurdum esset) sed ad eas omnino Ecclesiæ, quæ intra Beneventani Principatus terminos consistebant, respexisse Pontifex debuit. Falsus alioqui convinceretur, si, quum Capuam Beneventani Principatus Urbem, ac Benevento loci propinquitate satis proximam anno antecedenti Archiepiscopatus dignitate exornasset, mox sequenti anno ipsam postmodum Beneventanam Ecclesiam consimili honore, vel (ut ipse loquitur) *causa honoris, & reverentia sublimiorem inter cæteras ordinare velle*, dixisset. At nefas, mendacem opinari Pontificem, qui nec recentissimæ rei, si gessisset, immemor esse poterat. Verum itaque, certissimumque illud perpetuò manere debet, quod ipsius Pontificis ore perspicuè testatum audivimus, Beneventanam Ecclesiam *sublimiorem inter Beneventani Principatus Ecclesiæ*, quibus Capuana accensebatur, *ordinatam fuisse*; ita ut prima omnium in Regno Neapolitano, sive Principatu Beneventano, aut in Italia Cistiberna, ipsa fuerit Beneventana Ecclesia; quæ Archiepiscopatus dignitate præfulserit.

Demonstratam rei veritatem, manifestiorem adhuc efficeret, si non periisset, subsequenti Capuani Archiepiscopatus Diploma: in eo certè Diplomate idem Pontifex Johannes, qui in Beneventani Archiepiscopatus erectione Beneventanam Ecclesiam *sublimiorem inter cæteras ordinasse* declaraverat, rei ab se gestæ meminisse debuit, audiremusque hodieque Pontificem eo exemplo usum, ut Capuanam Ecclesiam, adhuc ipso Beneventanæ, & Capuanæ Urbium Principe Pandulfo rogante, eodem honore condecoraret. Sed satis jam erit Beneventanæ Ecclesiæ Diplomate suo, Capuanâ, ceterisque *sublimiorem* sese ab anno 969. constitutam, probasse; satis etiam Capuanæ fuerit, si ab anno 971. erectionis suæ Epocham repetat, quam sincerior rerum gestarum series, atque fides ei tribuit, adjudicatque doctissimorum, ac gravissimorum Virorum auctoritas, qui rem ipsam diligentius fuere perscrutati.

Insignis fuit is annus sæpius comemorati Pandulfi Principis Beneventani liberatione, & reditu. Receperat Pandulfus ab Imperatore Ottone anno 969. (dum Romæ simul morarentur Synodo præsentibus, uti ex Archiepiscopatus Beneventani Diplomate satis comperit habuimus) Imperialis Exercitus partem, suis sub auspiciis in Græcos ducendum, qui nonnulla Beneventani Principatus loca occupaverant: infelix admodum illius expeditionis exitus fuit, Pandulfi captivitate, qui à Græcis victoribus Constantinopolim missus ab Augusto Nicephoro primùm iniquè, acerbèque habitus, à successore demum Johanne Tzimisce gratia, & libertate donatus ad suos rediit. Pandulfi reditum lætiorem effecit Foedus, tunc pariter inter eundem Johannem, & Imperatorem Ottonem firmatum, quo Theophania, Romani II. Græci Imperatoris filia, Ottoni II. præfati Ottonis magis filio conjux tradita est, ac Romæ à Pontifice Johanne coronata (1). Tunc igitur factum videtur, ut Pandulfus, qui triennio ante Principatus sui Metropolim Beneventum in Archiepiscopalem Cathedram erigendam curaverat, adhuc Capuam, olim Majorum suorum Comitatus Sedem, eadem prærogativâ, eodemque Ottone adprecantè, ornandam à Pontifice impetravit: ac tunc quidem res gesta statuenda est Blondi Flavii testimonio, qui licet universam rei seriem non satis diligenter tradat, postremo tamen omnium Capuani Archiepiscopatus erectioni locum assignat. *Constat nobis (Blondus inquit) Ottonem II. Theophaniam Johannis CPolitani Imperatoris sororem (neptem) in matrimonium accepisse; quam Johannes XIII. Pontifex simul cum ipso in Patriarchio Lateranensi coronavit: Nam Otto Pater Filium Ottonem, re in Saracenos, Græcosque bene gesta, reversum, consortem Imperii ascrivit, voluitque in Imperatorem à Rom. Populo ex prisca consuetudine acclamari; quem Pontifex innotum imperiali Diademate insignivit: eaque in Ottonis II. Coronationis celebritate Johannes Pon-*

(1) Fusè, ac distinctè hæc narrantur ab Anonymo Salernitano cap. CLXIV. CLXV., & seq., quem Baronius ad annum DCCCLXXI. num. IV. laudat nomine *Chronici Benevent. Longob.*, atque hæc ex eo habet: *Eodem anno Imperator Otto firmato foedere cum Johanne Græcorum Imperatore, & Pandulfo Beneventano Principe restitutus, qui captivus à Nicephoro detinebatur, recessurus ab Italia Ravennam venit: celebratis prius Romæ eodem anno Ottonis filii cum Theophania nuptiis: uti ad*

Baronii locum rectè animadvertit Pagius num. V., qui hæc scribit: *Cum foedus inter Ottonem M., & Johannem Tzimiscem hoc anno firmatum sit, ut ostendit Baronius num. XV. apparet Theophaniam hoc tantum anno ab eodem Tzimisce uxorem datam esse Ottoni II. Ottonis Magni filio, & rectè scripsisse Chronographum Hildebrandensem, cujus verba anno superiore retulimus, eam sequenti tantum anno Romæ receptam esse &c.*

Pontifex Capuanam Ecclesiam ob Pandulfi Principis merita Metropolitanam fore constituit. (1) Secundi Ottonis coronationem, quam anno 967. celebratam satis constat, cum Theophaniæ nuptiis, proindeque anno 971. Blondus coniungens, aut is priorem coronationem ignorasse, aut cum ipsa Coniuge tunc primùm coronata, coronatum denuò Ottonem existimasse videtur; illud tamen certò affirmat, non ante Theophaniæ nuptias, sed in eadem nuptiarum, coronationisque celebritate Capuam à Johanne Pontifice Metropolitim constitutam, ac mox subiicit: *Paullo post eodem tempore Johannes tertius decimus Pontifex Romæ, Otto primus in Vienna Austrasorum, obierunt*: qua demum re illud luculentius nobis comprobat, postremam rerum tum Johannis Pontificis, tum Ottonis Imperatoris, Capuanam erectionem fuisse; quorum alterum octavo Idus Septembris anni 972., alterum nonis Maji anni 973. obiisse scimus; itaut tum ex paullo post sequuta utriusque morte, tum ex Theophaniæ nuptiis annus 971. Capuanæ erectioni ex Blondi sententia assignari debeat. Quem quidem annum, & Michael Monachus (2), & Matthæus Lauretus (3), & Abbas Fulienfis (4), & Ludovicus Thomassinus (5), ac ipse demum Petrus de Marca (6) Capuano Archiepiscopatu assignarunt: Nec Capuana Ecclesia (cui prærogativæ suæ originem, mendoso, fallacique Ofsiensis testimonio obtenebratam, illustriorem præstitimus) eum annum, seque ipsam Beneventanæ Ecclesiæ secundam diffiteri amplius debet: quandoquidem Beneventana Ecclesia haud certè imprimis hanc temporis prærogativam ostentare opus habet, illustrior certè, ac præstantior ex iis *Causis*, quibus illam promeruisse visa est.

Ad causas itaque (missa jam Capuana Ecclesia) observandas gradus nobis modò sit, quas Pontifex Johannes Beneventanæ Ecclesiæ peculiare, seu præcipuas agnovit, suoque in Diplomate explicavit, quare ipsam Archiepiscopatus collata dignitate *sublimiorem inter ceteras* constituerit. Prima illa est, quòd Beneventana Ecclesia divini cultus studiosissima erat, eximiamque in divinis laudibus persolvendis religionem servare eniteretur. Adjecta simul altera causa est obsequii, reverentiaque, quibus Romanam Ecclesiam ad exuberantiam usque profectui consueverat. Utramque rem sibi præfenti probatam, ac coram perspectam Pontifex testatur: *Et quia*, (inquit) *Beneventanensis Ecclesia in exercendis Dei laudibus magno conatu, pia religione insistit: atque erga reverentiam Sanctæ, & Apostolicæ Romanæ Ecclesiæ præcipuè exuberasse cognovimus; quod nobis olim apud eam manentibus omnino constat inventum.* Quando Johannes XIII. Beneventi manserit, facile assequemur, si ejus exilium, initio Pontificatus toleratum, animadvertamus, quo decem mensium circiter spatio in Campania versatus non semper Capuæ constitisse, sed aliquando Beneventum Principatus Metropolitim satis brevi itinere advenisse, ibique aliquandiu mansisse potuit: Sed & iterum Johannem anno 967. Beneventum contendisse, testis est locupletissimus Chronographus S. Sophiæ, qui etiam adventus mensum, ac diem nobis compertum reliquit, sic ajens: *DCCCCLXVII. (idest anno) x. (idest Indictione, quæ præsignato anno currebat) Septima die intrantis Mensis Septembris venit Papa Johannes in Beneventum* (7): Ex frequenti igitur ejus Pontificis, vel certè iterato in Beneventanam Urbem accessu, moraque ibi factâ, perspecta ei certè fuerunt, quæ in suo Diplomate commemorat, Beneventanæ Ecclesiæ promerita: ac singulare quidem

ALTER

Y y

(1) Blondus Flavius Hist. Declinat. Imper. Decad. II. lib. I. I. edit. Venet. an. 1484.

(2) L. I. ubi ait: *juxta recentiore Chronici Casinensis editionem anno nongentesimo septuagesimo primo Johannem cum Ottone iterum Capuæ manentem, ut gratiam Principi Capuano referret, Archiepiscopatum Capuanum insinuisse*. Atque in anno quidem statuendo rectè se habet Monachus, in reliquo falsus, ut ex superius observatis palam est.

(3) Leonis Ofsiensis Chronicon Abbas Matthæus Lauretus edidit Neapoli an. 1616. ex Archetypo Casinense fidelissimè expressum, quò veterem editionem Venetam a mendis repargaret, cui & notas aliquas adjecit. Laureti editionem Angelus de Nuce Ofsiensem iterum edituram (uti fit) cruento stilo infectus est, ut sita probaret; cui Muratorii judicio, immo Lectorum sententia, complura utilia adnotavit, verum inutilia etiam multa commentatus est, ut qui intemperanti prurigo scribendi premeretur, & Librum veller nobis opportunè, ac importunè prægrandem, suoque ex penu auctum dare.

Quod nunc attinet, concedat is, oportet, Laureto, qui ad Ofsiens lib. II. cap. IX. pag. 194. ubi Archiepiscopatus tunc primùm Capuæ instituti mentio est, eadem quæ Nucci editio, verba profert, sed Nuceo diligentior depravato Ofsiens loco opportunam, optimamque medelam afferens annum 971. adnotavit.

(4) Carolus à S. Paulo Abbas Fulienfis in Geographia Sacra edita Paris. 1641., quæ Saroellus laudat.

(5) Nihil de anno apud Thomassinum, qui tamen (uti superius observavimus) Capuanam Metropolitim secundo loco post Beneventanam, erectionem statuit.

(6) In Concord. Sacræ, & Imp. lib. I. cap. VII. num. 17. ubi ait, Capuam *pristinam Metropolis dignitatem circa annum DCCCCLX. recuperasse beneficio Johannis Papæ*: adeoque post Beneventanæ Metropolis erectionem: Falsum autem Marcam superiori Capite demonstravi, qui antiquam Civilis Metropolis prærogativam pro Ecclesiastica accepit.

(7) Chronicon Monasterii Beneventani à Cl. Muratorio vulgatum in Antiq. Med. Ævi tom. I. pag. 255.

Beneventanæ Ecclesiæ decus est, in maximi momenti re testem, laudatorem, remuneratorem habuisse Romanum Pontificem: *Digna siquidem notatu* (inquit Ughellus) *sunt verba illa Pontificis: Et quia BENEVENTANENSIS ECCLESIA IN EXERCENDIS DEI LAUDIBUS MAGNO CONATU, PIAQUE RELIGIONE INSISTIT &c. Ex quibus præclarum deducitur testimonium, etiam antiquitus in psallendis, concinendisque Divinis laudibus semper, & tunc præcelluisse Clerum Beneventanum, quod inde evenisse puto ex numero nedom Canonicorum, ceterarumque servitio Chori mancipatorum, sed quia cum retroactis temporibus Ecclesia Beneventana sæpe fuerit domicilium, asylosque Romanorum Pontificum, ex eorum assidua præsentia mirifica in persolvendis Dei laudibus inoleverit modulatio, qua delectatum esse hunc Pontificem Johannem clarè demonstrant illa verba: Quod nobis apud eandem manentibus omnino constat inventum. Hactenus Ughellus: cui, quæ in Pontificio testimonio notatu digna erant, dicendi partes libenter reliqui; ut quæ alieno ore profecta haberetur, sincerior Beneventanæ Ecclesiæ laus splenderet. Ac splendidissimum profectò non tam Ughello notante, quàm Pontifice præclarissime testante, id decus olim, id studium fuit, à quo non modò nunquam Beneventana Ecclesia defecit, sed etiam novis incrementis maximam sibi celebritatem comparavit. Hinc recenti Patrum nostrorum memoriâ, (quæ non tam honoris, quàm disciplinæ gratia heic mihi adnotanda Lector indulgebit) ex extremis Lusitanæ oris ab eo inclyto, religiosissimoque Rege III. Viri ablegati Beneventum advenerunt, ut exactissimam Sacrorum Rituum, Cæremoniarumque Ecclesiasticarum quàm maximè florentem præxim coram inspicerent, in suasque Ecclesias derivandam uberius imbibere (1). Debit id Ecclesia Beneventana Majorum suorum exemplis, Pontificis Johannis XIII. præconio ad sempiternam posterorum tum memoriam, tum imitationem commendatis: debuit tum maximè alterius æquè immortalis memoriæ Pontificis Benedicti XIII. singulari curæ, qui post triginta, & octo annos Præsulatus Beneventani ad sollicitudinem omnium Ecclesiarum meritò evocatus, Ecclesiam Beneventanam, adhuc sibi sponfam pretiosis hisce monilibus ornatam retinuit, atque mox ex supremo Petri Solio transmissis amoris, honorificentiaque refertissimis Apostolicis Literis, tum ex aliis, tum ex hoc capite præclare collaudavit: quas *in forma Brevis*, ut vocant, Benedicti PP. XIII. Literas in Appendice dabimus, dignas quidem, ut cum illustrioribus Antiquitatis monumentis, quibus Ecclesia Beneventana exornatur, conferantur; immo quæ ornatissimam faciant; erit id certè non modò Ecclesiæ Beneventanæ luculentissimum omnium decus, sed ejus quoque erga optimum Pontificem, Archiepiscopumque suum grati animi evulgatum monumentum; erit denique, quod assidue ob oculos haberi mereatur, ad eandem laudem promerendam vehemens incitamentum, ac perpetua cohortatio. Hæc igitur viderint, hæc animadvertant præsentis, posterique, quos meritum suffragis Ecclesia Beneventana in suum Senatum adlectos habet, habebitque in ævum. Videant, animadvertant, ne Majorum suorum degeneres sint, quorum, *in exercendis Dei laudibus magno conatu, piaque religione factum fuit*, ut Ecclesia Beneventana Archiepiscopatus honore augeretur, factum etiam, ut sacrorum Rituum, Cæremoniarumque præstantiâ aliarum Ecclesiarum Magistra efficeretur: Animadvertant, inquam, in exercendis Dei laudibus, *magnum sibi ostendendum conatum*, quo (quod sui muneris est) Dei cultus alacri animo, indefessâ operâ impleatur; adhibendam etiam *piam religionem*, eximiam scilicet (quod rei caput est) *Canonicæ vitæ sanctitatem*; quâ forma universi Cleri facti ex animo, qui *tanta auctoritate pollent* (uti de Canonicis statuit Synodus Aquigranensis) *& aliis se imitabiles præbeant* (2): id magis postulat propriæ Ecclesiæ dignitas, cui fatis nunquam erunt facturi, nisi peculiari, ac perpetua illa laude insignes præfulgeant, magno scilicet conatu, pia quoque religione Dei laudes in Beneventana Ecclesia exerceri.*

Alteram causam erigendi Archiepiscopatus ex Corpore S. Bartholomæi Apostoli, quod in Ecclesia Beneventana servabatur, subjecit Pontifex: *& quoniam* (inquit) *Sancta Sedes est, ubi Beati Bartholomæi Apostoli Corpus requiescit, meritò decet augmento cultus amplioris decorare. De Translatione ejus Corporis è Lipera Insula Beneventum sub Sicardo Principe, egimus in Dissert. II. Cap. VI. Illud ipsum esse sanctissimi Apostoli Corpus, quod tunc translatum fuit, quodque nunc Beneventi servatur, peculiari demonstravimus Dissertatione, Venetiis edita in Tomo IX. Collectionis Calogerianæ anni 1762.* Post

(1) Ejus rei præcipuè meminit idem Cardinalis Ursinus Beneventanus Archiepiscopus, dein Benedictus XIII. Pont. Max. in Epistola ad Johannem V. Regem Lusita-

niæ, qua illi Synodicon Beneventanum editum Beneventi anno 1727. nuncupavit.

(2) Anni 716. can. 115.

Post Romam, singulare tunc temporis inter cæteras Italicas Ecclesiæ Beneventanæ decus erat, Apostoli Corpus servare. Longè post S. Bartholomæi Corporis translationem Beneventum factam, S. Matthæi Apostoli Corpus Salernum translatum fuit, cuius sive translatio, sive inventio sequuto Sæculo sub S. Gregorio PP. VII. celebrior esse, coepit (1). De translatione S. Andræ Apostoli facta Amalphim, extare in illius Ecclesiæ Archivis rei gestæ monumenta, tradit Baronius, nullo tamen tradito anno, quem nonnisi post millesimum reperire erit (2). Seriùs multò, nempe anno 1258. Orthonenes S. Thomæ Apostoli Corpus in suam Ecclesiam translatum fatentur (3). Romæ igitur tantummodò secunda, cæteras tunc temporis Italicas Ecclesias ejus Sacri Corporis possessione Beneventana Ecclesia præcellebat, cui condignos honores, præcipuo sibi patrono adscito Bartholomæo, exhibere satagebat: quid ni igitur, quam sibi sedem, ubi Corpus suum perpetuò requiesceret, Apostolus delegerat, eandem Pontifex dignam existimavit, augmento cultus amplioris præ aliis Ecclesiis decorare, idest Archiepiscopalem constituere? Atque amplificatâ Beneventanæ Ecclesiæ dignitate, augendo pariter ejus Apostoli honori prospexit Pontifex: quandoquidem in universam Beneventanam Provinciam propagatus Bartholomæi Patronatus fuit; cuius rei præclarum illud argumentum esse coepit, quod Beneventani Antistites Suffraganeos Episcopos ea lege devinctos habuerunt, ut singuli ad Sacra ejus Limina accedere, præsentelque adorationem suam exhibere quotannis tenerentur: Sed de hac re paulò inferiùs agemus.

Fuit denique erigendi Beneventani Archiepiscopatus causa, vetusta ipsius Beneventanæ Ecclesiæ prærogativa, qua cæteris Principatus Ecclesiis non solum dignitate præstabat, sed Metropolitica quadam auctoritate jamdiù præesse videbatur: Nihil hac re certius affirmari potest, quam superiori Capite uberrimè comprobavimus: nihil etiam eadem re exploratus Pontifici Johanni esse debuit; cui proinde nihil facilius, atque æquius visum fuit, quàm ut Ecclesia Beneventana eandem prærogativam, qua veteri jure potiebatur, collatâ tandem, novo Apostolicæ Sedis beneficio, Archiepiscopali dignitate, cumulatius explicaret. Perspicuum id fit ex illarum Episcopaliū Ecclesiarum recensione, quas Pontifex Landulfo instituto tunc primùm Archiepiscopo, ejusque Successoribus subiectos declaravit: *Tribuentes (inquit) potestatem, & honorem Archiepiscopatus, ita ut Fraternitas tua, & Successores tui infra suam Dioecesim in locis, quibus olim fuerant, semper, & in perpetuum Episcopos consecraret, qui vestra subjaceant ditioni: scilicet Sanctæ Agathæ, Abellini, Quintodecimi, Ariani, Asculi, Bibini, Vulturariæ, Larini, Thelesæ, Aliphe . . . Confirmamusque Tibi, Successoribusque tuis similiter Sipontum, & Ecclesiam B. Michaelis Archangeli in Monte Gargano &c. Habes itaque in descriptarum Ecclesiarum numerum relatas Ecclesias Sipontinam, Asculanam, Bibinensem, Larinatem, quas (uti suo loco demonstravimus) ab anno 668. Pontifex Vitalianus S. Barbato Episcopo Beneventano subdiderat. Præterea ante Archiepiscopatus institutionem, Thermulanam, ac Triventinam Ecclesias Beneventano Antistiti subditas novimus ex Literis Pontificis Agapiti II. anni 946., quibus, qui tunc iisdem Ecclesiis ordinati fuerant Episcopi, depositione damnantur, propterea quod eorum electioni, ordinationique Beneventani Episcopi auctoritas defuisset; cui Beneventano Episcopo dictas Ecclesias, pariterque omnes alias Ecclesias, quæ constructæ, vel construendæ sunt infra terminos istarum, & aliarum per Civitates, & Castra, cunctaque loca, Beneventani Principatus ditioni subiecta, adhuc subditas, Agapitus declaravit.*

Scio, Ughellum nostri Viperæ sententiæ, quam priùs probaverat, moderationem, quandam adhibendam duxisse: statuerat ille (quod ipsius Ughelli verbis proferam) usque ad primum Archiepiscopum Landulfum Beneventanos Antistites nomine Episcopali notatos (ut bene (inquit) notat Marius Viperæ) licet revera potestate veluti Metropolitana functos fuisse in Ecclesiis eorum jurisdictioni subiectis ab anno 668., ut videre est ex Privilegiis datis à Vitaliano primùm, deinde à Marino, & tandem à Johanne XII. suo loco relatis. At post recitatum Johannis tertiidecimi Diploma, quo Archiepiscopatus Beneventani institutio promulgatur, hæc post alia adnotat Ughellus: *Ex hoc itidem Privilegio apparet, loca jampridem Beneventano Episcopo subiecta, ut Abellinum, Asculum &c. per longa temporis intervalia Episcopali*

ALTER

Y y 2

pali

(1) Vid. Baronium in notis ad Martyrolog. ad diem 6. Maji.

(2) In d. notis ad diem 9. Maji.

(3) De Translatione S. Thomæ reliquiarum Ortho-

nam facta, nondum aliquid ad me perlatum est, inquit Baronius l. l. ad diem 3. Julii. De illa agit Ughellus in Episcopis Orthonensibus. Tom. vi. Ital. Sacr. pag. 774. edit. secundæ.

pali caruisse regimine, hoc namque indicant verba illa: Itaut Fraternitas tua, Successoresque tui infra suam Dioecesim in locis, quibus olim fuerant, semper in perpetuum Episcopos consecret: Ex quibus verbis videtur etiam, illarum Civitatum Sedes potius unitas, quam subjectas fuisse suffraganeo (fort. suffraganeæ) Beneventano Episcopo: unde non omnino est admittendum, quod ait Vipera in Appendice ad suam Chronologiam, cui ex parte assentio, si non in nomine, in re solum Beneventanos Episcopos per longa temporis intervalla Archiepiscopali functos esse officio in Beneventana, & Sipontina Dioecesi (1). In Ughelli opinionem Archiepiscopus Tria descendere nuper visus est, qui tamen nullum nobis negotium faceffit (2). At de Ughello nefas mihi duxerim illud cogitare, quod ex Dioecesis vocabulo, quod à Johanne in suo Diplomate usurpatum legerit, occasionem sibi fecerit opinandi eas Ecclesias Episcopales Antistiti Beneventano, non uti Archiepiscopo, sed tanquam Episcopo traditas, quasi Dioecesis eam tunc, quam dein sequior ætas innoxit, significationem haberet, ut proprium Episcopi Territorium demonstraret: immo potius ex primæva, nativæque Dioecesis appellatione, manifestum Ughello esse debuit, non quidem unitas potius (ut ait), quam subjectas, sed contrà subjectas potius, quam unitas Beneventanæ Ecclesiæ illas Sedes fuisse: id profectò monente, ac suadente memorato à Pontifice Dioecesis vocabulo, quo potissimum appellabatur Provincia, cui Metropolitanus, vel Archiepiscopus præerat (3).

Illud verò ab Ughelli calamo excidisse magis displicet, ex potestate à Pontifice facta Beneventanis Archiepiscopis, Episcopos in iis locis, quibus olim fuerant, consecrandi, eadem loca per longa temporum intervalla Episcopali caruisse regimine. Falsum enim id demonstrant tum ipsa Pontificis verba, tum indubia rerum gestarum monumenta. Ac primum ex quo Pontifex Episcopos in locis, quibus olim fuerant, consecrandos concedit, non illud sequitur, & omnes enumeratas Ecclesias, & diutissime five per longa temporum intervalla suis Episcopis destitutas mansisse, in eoque diuturnæ viduitatis statu Beneventano Archiepiscopo traditas, ut futuros sibi Suffraganeos Episcopos in illis iterum inducendos, consecrandosque curaret. Ineptæ siquidem hæc Ughelli argumentatio est, cui etiam satis inverisimile, difficillimumque videri debuit, ut decem Sedes Episcopales in Diplomate enumeratæ, omnes tunc & antiquo tempore vacantes reperirentur. Poterat certè aliqua ex iis Ecclesiis suo orbatæ Episcopo tunc reperiri, siue id populi negligentia, siue loci calamitate, siue temporum injuria factum contingerit, uti de Episcopali Ecclesiâ Sanctæ Agathæ ab eodem primo Archiepiscopo Landulfo mox instaurata indicare videtur ejusdem Landulfi Diploma, de quo plura inferius observanda erunt: At simul omnes eodem facto intermortuas cogitare, atque affirmare absurdum erit. Illud itaque ex Pontificis verbis verius consequitur, non aliter Beneventanis Archiepiscopis Episcoporum consecrationem tributam, nisi ut in iis Ecclesiis, quæ Episcopales essent, idest legitima auctoritate in Episcopatum antiquitus erectæ, consuetos Episcopos constituere pergerent; ita ut, quæ antiquæ Sedes Episcopales essent, ab Archiepiscopis Beneventanis Episcopos accipere deinceps deberent; nefas verò iisdem Archiepiscopis esset novos Episcopatus creare. Falsi præterea Ughellum vetera monumenta convincunt, ex quibus liquet, tempore erecti Beneventani Archiepiscopatus pleraque ex iis Ecclesiis, quæ in Diplomate recensentur, à viventibus tunc Episcopis

(1) Tom. VIII. col. 91., & 95. edit. Rom.

(2) Cl. Tria Episcopus Larinensis, dein Archiepiscopus Tyri in Hist. Ecclesiast. Larinen. lib. III. cap. II. pag. 174. Vipera, ac Sarnellii sententiam de Vitaliani Literis respiciens, Piu'osso (inquit) che il Papa unisse tutte le suddette Chiese di Bovino, Ascoli, Larino, e Siponto a quella di Benevento ugualmente, e principalmente, o sia all' usato motto de' Giuristi, nèque principaliter; poichè dopo qualche matura considerazione non sappiamo figurarci, come vogliono dire questi due, per altro eruditi Cronisti, che il Papa soggettasse le dette Chiese a quella di Benevento, quoad effectum, & jurisdictionem di Metropolitana, quandochè i Vescovi di Benevento pleno jure hanno esercitato la loro autorità in esse fino al tempo della loro dismembrazione; lo che non può controversarsi da veruno Scrittore, e si osserva da' medesimi Registri Beneventani. At contrarium (uti superius ostendimus) ex Regellis, scđ monumentis Beneventanæ Ecclesiæ observare licet: Qui verò ante nos controverserit, Scri-

ptor inventus est doctus, & gravis, scilicet Cl. Angelus Andreas Tortora Præpositus Canonicus, qui in Hist. Ecclesiast. Canusina cap. VII. §. I. pag. 116. sic Triæ occurrit: Optima hæc animadversio nunc bene procedit juxta Hylum hodiernum Romanæ Curie, quæ Cathedralium uniones adhibet, sed in illis temporibus, eam variae destitutarum Civitatum Ecclesiæ visitationi alicujus proximi Episcopi subdebantur, potius dici debet, quod Episc. Beneventanus præfatarum fuerit visitator Ecclesiarum, non autem quod Beneventanæ ipsius Ecclesiæ quocunque modo illæ unitæ fuerint vigore prædictæ Bullæ PP. Vitaliani: Sed nec Præpositus Tortora rem ipsam conficit. Vide nostra superius.

(3) Vide Gangium in Glossar. v. Dioecesis, ubi plurima habentur antiquitatis exempla, quibus is mox subjicit: Abusum postmodum Dioeceses appellari Episcoporum districtus, qui proprio vocabulo Parochiæ passim nuncupantur.

pis suis rectas fuisset. Nam Azzonem Episcopum Larinensem, & Adelchisum Episcopum Lucerinum (quæ duæ Ecclesiæ inter alias à Pontifice Archiepiscopo Beneventano subiectæ declarantur) meminit paullo ante annum xix. Aligerni Casinensis Abbatis, idest annum 968. Leo Ostiensis (1). Sed nec alios aliarum Ecclesiarum Episcopos percurrere opus erit; quandoquidem satis perspicua res est, Ecclesias illas Episcopales, quæ olim Antistiti Beneventano, veluti Metropolitanæ subiectionem præstabant, easdem (si Sipontinam excipias, de qua vide, quæ in superioris Capituli sine dicta à me sunt) aliasque tunc primùm additas eidem Antistiti, uti Archiepiscopo subiectas, non uti Episcopo unitas, easdem non Beneventanæ Parochiæ, sed Dioecesi, idest Provinciæ attributas fuisse. Non igitur Ughellum deinceps audiemus, nisi quum illam, quæ à Viperæ rectè pronunciata est, sententiam indiscriminatim confectetur: quam sententiam post Sarnellium VV. CC. Dominicus Georgius, & Petrus Cantelius omninò probarunt, communi suffragio statuentes, Beneventanos Præfules ab anno 668. revera potestate veluti Metropolitanæ functos esse in Ecclesiis eorum jurisdictioni subiectis; & jam inde à temporibus Vitalianis, Metropolitanis non quidem nomine, sed iuribus usos. Quamobrem Pontifex Johannes erigendi Beneventani Archiepiscopatus promptam occasionem (ut initio aiebam), iustamque causam sibi effecit, ut quod veteri jure, reque ipsa Beneventanus Antistes obtinere videbatur, appellatione tandem, atque insignibus exercendum largiretur.

At inquiet quis, quid Beneventano Antistiti, Metropolitanicis iuribus jamdiù gaudenti, Pontifex præstitisse potuit? ampliora quidem præstitit, quæ amplissimæ licet illius prærogativæ adhuc deesse videbantur, ac sine Romani Pontificis permisso, indulgentiaque comparari nequibant. Præter enim Archiepiscopi appellationem, præcipuum, atque splendidissimum Archiepiscopatus insigne, Pallium attributum fuit: *Usus Pallii* (inquit Pontifex ad Landulfum) *tibi præfate Præsul ad sola Missarum solemnia peragenda concessimus &c.* & infra: *Posteri verò tuæ Ecclesiæ Rectores post obitum tuum consecrationem ipsius Archiepiscopatus, & honorem Pallii ab hac Sancta, & Apostolica, cui Deo auctore deservio, Sede percipiant.* Norunt omnes, & Archiepiscopi nomen, & Pallii usum in Suburbicariis Provinciis tunc insuetum, atque inauditum, propterea quod Ecclesiæ omnes Episcopales intra illarum fines contentæ, unum Archiepiscopum, sive Metropolitanum agnoscebant Romanum Pontificem: Pallio dumtaxat ante Sæculum x. utebantur Mediolanenses, Aquilejenses, Ravennates Episcopi, quibus propter veterem illarum Sedium prærogativam id insigne à Romanis Pontificibus accipiendi mos, statutisque diebus, locis, officiisque gestandi facultas fuit: Johannem Episcopum Ravennatem, qui Pallio præter legem sibi datam utebatur, graviter redarguit S. Gregorius M. monens, ut nihil sibi amplius ausu temerariæ presumptionis erogare debeat, ne dum in exteriori habitu aliquid inordinatè arripitur, ordinatè etiam, quæ licere poterant, amittantur (2). At de Pallii usu plurima nobis dicenda servamus, quum Portam Æneam nostræ Beneventanæ Ecclesiæ, ubi Beneventanæ Provinciæ Episcopi Pallio insigniti, anaglyptico opere insculpti sunt, inferiùs illustrabimus. Interim quanti æstimatione id Insigne fuerit, qua ntusque eidem honos, & auctoritas inesset, non solum ex eodem Gregorio discimus, qui extra Italiam, nonnisi Metropolitanis, aliis verò Episcopis perrarò, ac nonnisi ob egregia merita, ac post enixissimas preces, ac servato Metropolitanis jure, atque honore concedebat (3); verum etiam vetusta passim Ecclesiastica monumenta, à Viris doctissimis observata, satis demonstrant (4), ut jam videas in Archiepiscopatus Beneventani erectione novum ex accepto Pallii usu decus Beneventano Antistiti accessisse.

Augustior verò potestas illa fuit, tum primùm quæsitæ, Episcoporum videlicet Ordinato. Capite superiori jam illud monui, ad Sæculum usque x. Pontifici Romano, velut Metropolitanò, seu Patriarchæ Occidentis jus integrum, supremamque auctoritatem fuisse, ut Episcopos omnes ordinaret, qui non solum in Romana Provincia, verum etiam in decem Provinciis suburbicariis consistebant (5). Quos paullo superiùs memoravimus Episcopos

(1) Chron. Casin. lib. II. cap. vii.

(2) Lib. v. epist. xi. edit. PP. Benedictin. S. Mauri. De Pallio ab Imp. Valentiniano III., Metropolitanique privilegio Episcopis Ravennatibus præstito commentum jam demonstravit doctissimus Bæchinus in Præfatione, & notis ad Vitas Pontificum Ravennatum ab Agnello conscriptas. Scriptor. Ital. tom. II. P. I.

(3) Vide lib. ix. epist. xi., & epist. cviii.

(4) Vide Thomassin De Ecclesiast. Disc. P. I. lib. II. cap. 55., & seq.

(5) Apud omnes doctos, & Ecclesiasticæ Disciplinæ peritos satis nunc convenit, non aliud Nicæno Canone agi, quàm de Ordinationibus Episcoporum, eoque iuberi, ut sicut Papa Episcopos omnes ordinat plurimum totà maxime Italiæ Provinciis, ita & Episcopo Alexandrino, Antiochenoque jus idem in suis Provinciis incolume habetur. Vid. d. Thomassin. lib. I. cap. viii. num. I., ac Petrum de Marca De Concord. Sacer. & Imp. lib. I. cap. viii.

scopos Ravennatem, Aquilejensem, Mediolanensem singulari Privilegio Pallii honestatos, eosdem etiam reperire duntaxat erit, qui aliquando Ordinationem suam non manu quidem, sed consensu Romani Episcopi celebrandam impetrarunt. De Mediolanensi, & Aquilejensi extat Pelagii I. Epistola, à Gratiano relata, ut, *quia pro longinquitate, vel difficultate itineris ab Apostolico onerosum illis fuerat ordinari*, ipsi sibi invicem ordinationem impenderent (1). Non id tamen affirmari tutò potest, eosdem illorum Episcoporum, qui ad suam Dioecesim pertinerent, ordinationis jus exercuisse. Ravennatis certe Dioecesis Episcopos a Romano Pontifice ordinatorum præclare docet S. Gregorii Epistola ad Marinianum Episcopum Ravennatem, cui eligendi Episcopi Ariminensis ad Ravennatem Dioecesim pertinentis merita perspicenda duntaxat commendat, jubens, ut à se probatum, Romam mittat ordinandum: *Hortamur* (inquit), *ut vestra Fraternitas eum, quem uno consensu omnes elegerint, cauta examinatione discutiatur ad nos eum, cum Decreti pagina, vestra quoque addita testificationis Epistola, destinare; quatenus ejusdem à nobis Ecclesie consecraretur Antistes* (2). Sed & ipse Ravennas Antistes (quòd Mediolano, Aquilejæque propior Ravenna Civitas Romæ esset) post suam electionem, Romam ordinandus ex lege, & more propere cogebatur: Excusserant aliquando hoc onus Ravennates Episcopi; at sub sæculi VII. exitum pristina sua jura rescripto Imperatorio recuperavit Pontifex Leo II., de quo sic Anastasius: *Hujus temporibus divali jussione clementissimi Principis restituta est Ecclesia Ravennas sub ordinatione Sedis Apostolica, ut defuncto Archiepiscopo, qui electus fuerit, juxta antiquam consuetudinem in Civitatem Romanam veniat ordinandus* (3). Ne tandem in re notissima longior sim, instar omnium nobis erit Liber Pontificalis Anastasii Bibliothecarii nomine evulgatus, ubi Pontificum omnium, quorum Vitæ continenti ferie ad Nicolaum usque I. describuntur, inter postremas res gestas Episcoporum numerus, quos singuli per diversa loca ordinauerint, speciatim recensetur; atque ab ipso Nicolao, qui ad annum 867. Pontificatum gessit, Episcopi per diversa loca numero sexaginta quinque ordinati memorantur (4). Quas quidem Ordinationes, tum ex Episcoporum numero, tum ex locorum diversitate nonnisi de iis Ecclesiis, quæ in Provinciis Suburbicariis Romano Pontifici subdebantur, intelligendas quisque jam videt: simulque intelliget, quantum studii, sollicitudinisque indefinenter adhibuerint Pontifices, ut jus illud soli exercerent, quantum denique dignitatis Beneventanis Præfulibus acceperint, qui primi omnium intra suburbicariam Provinciarum fines, in illius juris communionem admissi sunt, ut in designatis Ecclesiis, quibus constituta eorum Dioecesis fuit, Episcopos eorum ditioni subiectos consecrare perpetuò possent.

Quanta verò tum in Pallii, tum in Ordinationum Episcopaliū concessione & dignitas, & auctoritas contineretur, non aliunde penitus, ac luculentius, quàm ex ipso Pontifice, qui concessit, intelligemus. Audivimus superius Pontificem hac lege Archiepiscopatum Beneventanum erigentem, hoc pacto primum Archiepiscopum Landulfum inaugurantem, ut scilicet *Posteri Beneventana Ecclesie Rectores post ejus obitum consecrationem ipsius Archiepiscopatus, & honorem Pallii ab Apostolica Sede perciperent*. Neque id semel cavisse Pontifici latis fuit: rata omnia tunc demum fore fancivit, si ea lex fervaretur: *Decernimus, ut ordinata in suo esse maneant, si tamen, ut supra dictum est, Successores tui à Sancta Romana, & Apostolica Sede Consecrationem, & usum Pallii decretaliter percipere non distulerint*. Animadvertetbat scilicet Pontifex de Beneventano Antistite agi, cujus Ecclesie etsi meritis, ac laudi tribuat, quòd ejus erga Romanam Ecclesiam reverentia ad ea tempora exuberaverit, ex nova tamen honoris, atque auctoritatis accessione, cum antiquis prærogativis, Principumque potentia conjuncta, fieri deinceps poterat, ut de veteri, ac debito erga Romanos Pontifices obsequio, ac subiectione aliquid decideret. Qui ordinandorum Episcoporum potestatem acceperat, auderet forsitan Beneventanus Antistes ordinationem suam non à Romano Pontifice, ac Romæ recipiendam, postulare, sed à suis Episcopis suffraganeis sibi exhiberi: cujus rei exemplum Ravennenses Antistes reliquisse paulò superius observavimus. Nec de Pallii usu exemplum deerat, satis tunc recens, ac maximè invidiosum, quod in CPolitana Ecclesia patrari contigerat. Testem hodièque habemus Luitprandum Episcopum Cremonensem, qui in relatione Legationis suæ, qua ad

Græ-

(1) In Decreti P. I. Caus. XXIV. Quæst. I. Can. Perbenda. Vide S. Gregorii epist. 29. & seq. lib. II.

(2) Lib. VII. epist. XL. edit. PP. Benedict. S. Mauri.

(3) Anastasius Bibl. in Vita Leonis II. to. III. Script. Ital. pag. 145.

(4) Id. Anastasius I. l. pag. 261.

Græcum Augustum Nicephorum Phocam anno 968, functus fuit, gravis illius injuriæ meminit, qua Romana Ecclesia anno 834. affecta fuit Alberici tyrannide, cujus operâ Papa Johannes XI. Patriarchæ CPolitano Pallii usum, citra Romani Pontificis permissum, concedere coactus fuit, eaque de re Pontificias Literas mittere, quarum auctoritate tum ipse (Theophylactus Patriarcha), tum successores, absque Paparum permissu Pallio uterentur: Ex quo turpi commercio vituperandus mos inolevit (subdit Luitprandus), ut non solum Patriarchæ, sed etiam Episcopi totius Græciæ Pallii utantur. Quod quàm absurdum sit, censere opus non est (1). Patet igitur causa, cur Pontifex Johannes XIII. eam Pallii, Consecrationisque à Sede Apostolica accipiendæ legem tam dilertè, iteratòque sanciverit: Maxima is, ac splendidissima, atque unius Romani Pontificis auctoritati ad id tempus in Suburbicariis Provinciis servata, Beneventano Antistiti in Archiepiscopum evecto, tunc primùm perfruenda concessit: Sed ne illa in ambitionis occasionem, debitæque erga Pontifices summos subjectionis, reverentiæque detrimentum verterentur, temperanda quodammodo eâ lege fuerant: ut qui eo eximio honore, ac præcella auctoritate deinceps fungeretur, sese Apostolicæ Sedis indulgentiæ assequutum, ac Romano Pontifici subiectum profiteretur.

Hanc subjectionem Landulfi successores Archiepiscopi religiosè præstiterunt: nam (ut Alonem omittam post Landulfi obitum Imp. Ottonis II. potentia in Beneventanam Sedem intrusum, ac dein dejectum, cui petenti Pontifex Johannes XIV. anno 984. Literas dedit Pontificiæ gravitatis, ac pastoralium hortamentorum plenas, quibus Archiepiscopatus electio, cum Pallii usu, Episcoporumque consecrandorum potestate, confirmatur (2)) de Alfano ejusdem Landulfi legitimo successore satis constat, illum hæc omnia à Pontifice Gregorio V. impetrasse anno 998. factò Diplomate, in quo Gregorius sic ait: *Igitur, quia postulasti à nobis, Venerande Archiepiscopo, quatenus integrum Archiepiscopatum Sanctæ Beneventanæ Ecclesiæ, cui, Deo favente, præes, concederemus tibi, tuisque successoribus in perpetuum, ac cuncta, quæ à prædecessore nostro Domino Joanne Sanctissimo Papa, precatu Domini Ottonis (idest I.) invictissimi Imperatoris per Privilegium concessa sunt tuo prædecessori Landolfo Archiepiscopo ejusdem Sedis, confirmaremus: piis tuis desideriis faventes, ac nostra auctoritate id quod à nobis exposcitur per interventum Domini Ottonis (idest III.) Imperatoris effectui mancipamus, concedentes tibi, tuisque Successoribus usum Pallii, sicut scriptum retinetur: Tribuentes tibi, tuisque Successoribus in prædicta Dioecesi in locis, in quibus olim fuerunt, in perpetuum Episcopos consecrare, qui vestre subiaceant ditioni, idest Termulam, Bibina, Quintodecima, Ariano, Trivento, Larino, Luceria, Sancta Agatha, Abellino, Asculo, Vulturaria, Thelesia, Alisa, Sessida. Confirmantesque tibi, tuisque successoribus Ecclesiam S. Michaelis in Monte Gargano cum ipsa Sipontina Ecclesia. . . . Concedimus autem Alphano Clerico vestro Nepoti integrum ipsum Archiepiscopatum post decessum tuum habendum &c. (3) Viventi adhuc Alfano Archiepiscopo non Coadjutorem, uti perperam subdit Ughellus, sed defuncto demum, Successorem cognominem Nepotem datum à Pontifice, res est rari fortasse exempli, quæ etiam effectum sortita fuit; nam ad posteriorem hunc Alfano habentur Literæ Pontificis Sergii IV, quibus ei Archiepiscopatus Beneventanus confirmatur anno 1011., eademque iisdem conceptis verbis conceduntur, quæ Alfano Patruo à Gregorio V. concessa recitavimus, eo duntaxat addito circa Pallii usum, ut in Secretarium tua Fraternitas Pallium induere debeat, & ita ad Missarum solemnia, vel ad Sancta Synoda proficisci, & nihil tibi amplius ausu temeraria presumptionis arrogare, ne dum exteriori habitu inordinate aliquid arripitur, à proprio, & licito labatur (4). Quæ verba paullo ante scripta audivimus à S. Gregorio M. ad Johannem Episcopum Ravennatem contra fas, atque morem Pallii usu abutentem; ut videas ea pariter in re aliquid immoderatum, insolensque à Beneventanis Archiepiscopis sensim admissum, quod Pontificiâ censurâ corrigendum fuit (5).*

Ex

(1) Inter Scriptor. Ital. tom. II. P. I. pag. 488. Vide quoque Baronium ad annum 934. num. I.

(2) Apud Ughellum col. 103.

(3) Apud eundem Ughellum col. 109, qui mutilum id Diploma recitat, nam reliqua (inquit) usque ad calcem baud legi possunt: quo autem jure Vipera totum integrum retulerit, ipse videt. Et hæc importunè (ut semper) adversus Vipera Ughellus. Integrum retulit

Vipera, quia vel Vipera non adeo suo ævo consumptum legere potuit, vel potius descriptum ex Transumpto authentico anni 1464. de quo inferius dicemus.

(4) Ex dicto Transumpto authentico anni 1464. & ex Bullario selecto Bibliothecæ Beneventanæ pag. 73.

(5) Eadem verba in Diplomate S. Leonis IX. occurrunt, quo is Uldarico Archiepiscopatum confirmat anno 1053. Concedimus (inquit) etiam fraternitati tue Pallii

Ex Gregorii V. Diplomate ad Alfanum I. dato ita ad Beneventanæ Ecclesiæ singularem prædicandam dignitatem excitatum se sentit Ughellus, ut hæc statim subjecerit: *Quante, qualisque fuerint existimationis eo tempore Beneventani Antistites, clarè offendunt verba illa Diplomatis: Id quod exposcitur per interventum Dom. Ottonis Imperatoris, effectui mancipavimus; Ex eis namque colligitur Beneventanam Ecclesiam Imperiali protectione fulcitam a Carolo Calvo primum, postmodum successivè à Ludovico, & ab Ottone primo, & tertio, ejusque munitam Privilegiis, quoad eandemmet ipsorum apud Romanos Pontifices interveniente deprecatione ad Archiepiscopatus dignitatem evexerunt; ità ut videantur certasse Imperatores, & Romani Pontifices in eidemmet Ecclesia Beneventana gratias, & privilegia concedendo. Opportunè hæc quidem Ughellus, sed non omnino satis: nam & Carolus Magnus, & Ludovicus Pius amplissimis Diplomatis suis præverant, quæ superius suo loco memoravimus. Maximum verò Beneventanæ Ecclesiæ illud decus censi debet; ut pro suæ dignitatis incrementis Augustorum deprecationes, interventiones, munificentias gratanter exciperet, potentiam verò, qua libertati, religionique suæ detrimenti aliquid pararetur, generosa despiceret: Illustre ejus rei exemplum Otto II. præstabit, atque ab eo electus Archiepiscopus Alo, seu Alix, cujus mentio paulò ante facta est: Nam cum ipse Imperator egressus à Germania, Italianam intrasset, postquam Romanas res, ut sibi videbatur, disposuit, Beneventum adiit, cui Alix (Diaconus Beneventanæ Ecclesiæ) ità familiaris effectus est, ut idem Augustus eum eligi in Pontificem (defuncto jam tunc Landulfo primo Archiepiscopo) Ecclesia renuente præciperet. Postmodum verò Imperator Romanam rediens, Romanum Pontificem eum consecrare rogavit, & consecratum Beneventum remisit.... Ille verò Beneventum rediens, ne moenibus quidem Civitatis appropinquare ausus fuit, sed cum dedecore, illo repulso, alium sibi Cives Pontificem elegerunt. Hæc domesticus, synchronus, nobilissimusque testis, ac præclarissimum Beneventanæ Civitatis, Ecclesiæque decus, Desiderius Abbas Casinensis, summus deinde Pontifex Victor III. (1), qui statim subdit: *Fecit quidem hæc omnipotens Deus ad vindictam malefactorum, laudem verò bonorum; liceat mihi addere, ad laudem quoque fecit Beneventanæ Ecclesiæ, quæ non sæculari potentia, humanaque gratia, sed maximis virtutum meritis commendatos, ac sublimissimo in ingentem tunc dignitatem evecto muneri administrando idoneos Antistites, sibi præficiendos curabat. Sed quid adhuc ad Beneventanæ Ecclesiæ splendorem in dictis Pontificis Diplomatis, Ughello non observatum; animadvertendum quammaximè sit, videamus.**

Qui statutam in Beneventani Archiepiscopatus erectione, Beneventani Archiepiscopi Dioecesim animadvertant, Beneventanam Ecclesiam etiam pluribus tunc eximiis honoris, auctoritatisque titulis auctam, ex eo tamen Capite veteri amplitudine sua deminutam fortasse arbitrabitur. Equidem dum constitutos à Joanne XIII. Beneventani Archiepiscopatus fines inspexerimus, nonnisi angustissimos invenimus cum illis antiquis comparatos, quo (uti superiore Capite demonstratum est) cum ipso simul Principatu Beneventana olim Ecclesia Metropolitica jura proferebat. At ita tunc factum oportuit, ut decem dumtaxat Episcopales Sedes Beneventanæ Dioecesi, seu Provinciæ accenserentur, quot Pontificis Pelagii II. Decreto singulis Ecclesiasticis Metropolitibus attribuendæ jubebantur (2). Quæ res nihil de Ecclesiæ Beneventanæ

Pallii usum ad Missarum solemnias celebranda, scilicet his festivis diebus &c. atque in consecratione Episcoporum suffraganeorum, in consecratione Ecclesiæ, ac in Natalitii sui die, sicut ab Antecessoribus nostris tuis inductum, ac largitum est Antecessoribus. In secretarium verò tua fraternitas Pallio induatur, & sic ad Missam proficiscatur: neque plus aliquid temerario ausu presumas, quoniam dum quidquam exteriori habitu inordinatè arripitur, a proprio, & licito labatur. Magis igitur verisimile est, illis verbis consuetam formulam contineri, qua non admissus abusus corrigi, sed admittendus præcaveri videbatur. Notandum autem in hoc Diplomate est, Pallii usum in Natalitii sui die Uladico concessum: Quid eo Natalitii vocabulo intelligendum sit, faciliè decernas ex Diplomatis Johannis XIII., & Johannis XIV., qui in Pallii concessione facta primo Archiepiscopo Landulfo, & secundo Ajoni, seu Aloni, pro sui Natalitii die disertè habent tua consecrationis die; & sanè ejus vocabuli significatio ad eum diem transducta fuit, quo quis ordinatur Episco-

pus; sic S. Paulinus Nolanus Episcopus in Epistola XVI. ad Delphinum de Rom. Pontific. Anastasio: Deinde nos ipsos Romæ quum solemnibus consuetudine ad Beatorum Apostolorum Natalem venissemus, tam blandè, quàm honorifice excepit: Postea quoque interposito tempore etiam ad Natalem suum, quod cum sacerdotibus suis tantum deferre solet, invitare dignatus est. Ubi vides duplicem Natalem commemoratum, alterum Apostolorum, quo scilicet ex hac vita migrarant, solemnibus consuetudine cum Suburbicariorum Episcoporum accessu Romæ celebrari solitum; alterum ipsius Pontificis Natalem, quo scilicet Pontifex consecratus est, cum suis tantum sacerdotibus celebrari consuetum. Vid. etiam de hoc Episcopali Natali Hilarii Papæ Epistolam ad Alfanum, & S. Ambrosii ad Felicem lib. 8. epist. 60. ac Anastasium in Adriano I.

(1) Dialogor. lib. II. pag. 53. edit. Rom. an. 1651.
(2) Refertur à Gratiano in Can. Scitote, Caus. vi. Quest. 111.

neventanæ dignitate detraxit, cui Primatus honos inter universas Principatus Ecclesias, anti- quis tamen contentus prerogativis, incolumis mansit; illud autem ex Archiepiscopatus erectione amplius accessit, ut in ea Dioecesi sibi speciatim attributa, ac certis Episcopa- libus Ecclesiis, ac limitibus designata, quod antehac facere vetebantur, Episcopos Bene- ventani Archiepiscopi consecrarent: An enim Romanus Pontifex ejus Principatus, qui to- tam ferè Italiam Cistiberinam complectebatur, Episcopos universos à Romana Metropoli præcidere, unique Archiepiscopo Beneventano consecrandos permittere debuisset? Satis igitur tunc visum fuit (servata, ac confirmata Ecclesiæ Sipontinæ unione, seu subjectione) decem Ecclesias Beneventanæ Metropoli propinquiores, scilicet *Sanctæ Agathæ, Abellinen- sem, Quintodecim, Arianensem, Asculanam, Bibinensem, Vulturariensem, Larinensem, The- lesinam, Aliphanam*, Dioecesis, seu Provinciæ jure subditas constituere: Sed mox pro Ar- chiepiscopalis Ecclesiæ Beneventanæ dignitate, ejusque Metropolis veteri amplitudine, an- gusti ejus Dioecesis primum designatæ fines visi sunt: Hinc Gregorius V. in dicto Diplo- mate, quo Alfano I., ac secundum Archiepiscopum confirmavit, amplificandam eam Dioecesim duxit, ac prioribus illis decem Ecclesiis alias quatuor adiecit, scilicet *Thermu- lanam, Triventinam, Lucerinam, Sveffulanam*: ratamque ejusmodi amplificationem habuit Sergius IV., qui Alfano alteri prioris successori easdem ipsas quatuordecim Ecclesias, con- firmato consecrandorum Episcoporum jure, Dioecesim assignat, ut ex memorato ejus Pontificis Diplomate præclarum habetur.

Non heic subsistit res, quæ hactenus nec illius numeri medietatem attigit, ad quem paullo postea Episcopales Ecclesiæ Metropoli Beneventanæ subditæ pervenerunt: eandem igitur & nos rem persequemur, quæ Ecclesiam Beneventanam, tum aliis titulis, tum hoc præsertim nomine inter cæteras Italicas olim, hodièque sublimiorem constituit. Post Al- fanum II. successos Archiepiscopos protulit *Vipera Mundum, & Alfano III.*, quibus æquè ac *Viperæ* injurius Ughellus locum abjudicans, Alfano II. longissima Archiepiscopatus, vitæque spatia usque ad annum 1053. indulgere haud veritus est (1). At quòd Archiepi- scopum Mundum *Viperæ* admiserit, ei certè (uti quoque Sarnellio) fraudi fuit cujusdam Oligani Neapolitani Ducis vetusta, sed suspectæ fidei Charta, pluribus ejus Gentis Scri- ptoribus celebrata (2). De Alfano autem III. luculentissimum testimonium fert Diploma

ALTER

Z z

Ponti-

(1) Tom. VIII. col. 110., & seq. edit. Rom.

(2) Post Marchesium, & Capacium tum Summon- tius Hist. Neapol. P. II. pag. 447. tum Giarlantius Hist. Samnii lib. I. cap. 31. recitant literas Ducis Neapo- litani ad Mundum Beneventanum Præfulem datas, qui- bus is Neapolitanæ Urbis annonæ laboranti opem ferri flagitavit: quòd breves eæ literæ sint, etiam nos recitabimus. Nos Oliganus Stella dux, Ginellus Ca- pycius, Balassar Jovanus, & Sarrus Branciacus Con- sules Magnificæ Civitatis Neapolis, quæ in presentia est in magna penuria tritici, olei, casei, & hordei, promittimus quibuscumque salmentariis Vallis Bene- ventanæ, Avellini, & aliorum locorum, qui vene- rabilis in Christo Patri Mundo Præfule Beneventano sub- jecti sunt, & pro qualibet salma Farinæ, vel Tritici tarenos duos, pro qualibet salma Hordei tarenum unum, pro qualibet salma Olei, & Casei tarenos tres, qui ipsi in introitu portarum solventur, ultra pretium, quod pro illis rebus accipiet, & idè vobis venerabili An- tistiti præfenti scripsimus, ut Civitati nostræ gratiam faciat ad vocem Præconis bandire per omnes vobis obediens, qui vobis promittimus, & ratum habebi- mus. Datum Neapoli Indictione 7. sedente Sergio Pa- pa IV. Ex notata Indictione, quæ in annum 1009. incidit, occasionem sibi fecit Episcopus Sarnellius in nostra Chronologia pag. 74. opinandi, at- que etiam statuendi eo tempore Archiepiscopum Mun- dum, Alfano I. successorem, antequam Alfano II. Ne- pos, ad quem sunt literæ Gregorii V. anni 1011., incuendo Archiepiscopatus adolescenter. En verba: *la morte del primo Alfano non si fa: il Papa dice, che il secondo Alfano era semplice Clerico: dunque era questo*

*Clerico in tale età, che fu spediente conferire intanto l'Arcivescovato ad un altro: e questi fu Mundo Ar- chivescovo IV. Beneventano, e Sipontino, di cui si fa chia- ra menzione in un Diploma di Oligano Stella Duce di Napoli nel 1009. Dormitasse equidem hoc loco bonus Sarnellius videtur, qui ex Alfani Nepotis clericatu puerum illum arguit, id etiam Pontifici Gregorio V. tribuens, ut non modò Patruo Nepotem, sed ipsum adhuc tunc puerum successorem induxerit. At verius illud (illa præterea ætate) fuerit, ut Ecclesiastici Viri in Clericatu constituti senescerent: nonne etiam Clericatus vocabulo majores quicumque ordines & signi- ficantur, & continentur? At dandus Archiepiscopo Mundo locus erat; qui certè Mundus anno 1009., idè ante Alfano olim Clericum, postea Archiepiscopum, in dicto monumento Beneventanus Præful memoratur. Novum certè absurdum; quon temporarii Archiepi- scopatus, donec Alfano idoneus esset, tributus Mun- do dicatur. Quid verò moror? Nullus quidem locus Mundo dandus est, qui ex supposita charta supposititius Archiepiscopus haberi debet. Inter spurias merces recensenda ea charta est, quam falsi redarguant recen- tiora anno 1009. Vallis Beneventanæ, atque Tarenu- rum vocabula; insueta illa notæ Chronologicæ adje- ctio: *sedente Sergio P. P. IV.*, commissæ potius Be- neventano Archiepiscopo, quàm Principi (ut par erat) annonæ procuratio; Neapolitanus denique Dux ille Oliganus: non enim commentitius iste Oliganus, sed Sergius Ducatum Neapolitanum anno 1009. admini- strabat, quem ab anno 1006. ad 1036. tenuit, ut con- stat ex Chronico Neapol. edito inter Opp. Peregrinii T. III. pag. 73., & seqq.*

Pontificis Benedicti VIII. datum anno MXIV., quo Pontifex ob interventum, ac petitionem dilectissimi filii nostri Henrici Imperatoris Augusti eidem Alfano concedit, & confirmat Archiepiscopatum Beneventanum. Mortuus tunc igitur dicendus est Alfano II., qui ante triennium Archiepiscopatus sui concessionem, confirmationemque à Pontifice Sergio IV. acceperat, ut superius probatum est; neque enim is semel Pontificia auctoritate confirmatus, confirmari iterum egebat. Id saltem Benedictus Pontifex expressisset, decessoris sui Sergii commemorato Diplomate. At non illud commemorari opus erat, quandoquidem nova ea fuit concessio, nova confirmatio, quæ diversæ Personæ, scilicet Successori Alfano III. tributa fuit, cui Pontifex, concedimus (inquit) supradictum Archiepiscopatum ex integro, & infra eundem Archiepiscopatum, suamque Diocesim in locis, quibus olim fuerunt, & in perpetuum Episcopos consecrare, qui vestra subiaceant dirioni, scilicet Bibino, Asculo, Larino, Trivento, Alife, Suessula, Episcopatum Lefinensem, quin & Episcopatum Thermulanum ex integro: Confirmamusque etiam tibi, tuisque Successoribus Ecclesiam S. Michaelis Archangeli in Monte Gargano, cum ipsa Sipontina Ecclesia &c. (1) Audisti igitur inter Episcopales Ecclesias in antecedentibus Pontificiis Diplommatibus concessas; nunc primum memoratum Episcopatum Lefinensem, qui quintodecimo loco Beneventanæ Diocesis adiectus fuit.

Eundem Episcoporum Suffraganeorum numerum confirmavit S. Leo PP. IX., qui anno 1053. Beneventi degens, Uldericum electum Archiepiscopum ibidem consecravit. Sanctissimi huius Pontificis memorandum heic mihi Diploma fuit, immò etiam in huius Tomi Appendice, velut merces inter alias pretiosissima, erit profereendum. Edidit noster Vipera, sed plurimis foedatum mendis: edidit etiam Ughellus, sed truncato capite, ac lacunarum plenum, quale ex ipso Autographo ab Ab. Coelestino Guicciardinio descriptum accepit, subdens: Totum hoc Privilegium integrum recitat Vipera in sua Chronologia pag. 87., licet ubique mendis scatens, illudque desumpsisse opinor ex quodam transumpto ab Autographo fuisse, iussu Arnaldi Archiepiscopi anno 1334., & licet tunc temporis predictum Diploma integrum extaret, & nunc se corrosum, libuit tamen nostro Coelestino ex eo transcribere illa, quæ potuit, & venerandas excuvias, ut ita dicam; illius summi; ac verè Sanctissimi Pontificis propriis manibus contrètare (2). Infimulandus certè Vipera, qui aureum Diploma, maculatum prodire in lucem passus sit; Sed magis indignus venia Ughellus, qui frustrum, nec ipsum mendis vacuum prodire maluit. Integrum igitur ex dicto Transumpto cum Autographo diligentius collato nos in Appendice dabimus, operæ quidem pretium facturi, quod monumentum ipsum præ aliis Pontificiis Chartis, maximà hodièquæ attulit Ecclesiæ Beneventanæ emolumenta, ob confirmatam Litterarum Pontificis Vitaliani fidem, plebisque, quos superiore Capite refutavimus, controversam, quas literas non tantum Leo commemorat, sed & diligentissimè inspexisse affirmat (3).

Age nunc cœptam semel semitam prosequamur, quandoquidem ad quindecim hætenus perlustratos, septemdecim alii Episcopatus, quibus Beneventana Metropolis amplificata subinde fuit, perquirendi nobis restant. Leonis IX. Successor Stephanus IX., alios X. Episcopatus prioribus adiecit, facto ad eundem Archiepiscopum Uldericum Diplomate sub datum in Monte Casino 9. Kal. Febr., Indiç. XI., Pontificatus anno I., idest anno 1058., in quo ei Ecclesias Episcopales xxv., idest Episcopos Suffraganeos xxv. hisce nominibus appellatos, ac distinctos subiecit, facta etiam Litterarum Pontificis Vitaliani mentione (4): Sub iure (inquit de Garganica Basilica) S. Beneventana Ecclesia perpetuò permaneat secundum tenorem Privilegii Beata memoria Vitaliani Prædecessoris nostri. Deinde Sipontinam Ecclesiam cum omnibus sibi legaliter pertinentibus, pariter quoque Luceniam, Asculum, Bibinum, Trojam, Draconarium, Circiatem, Montemcorvinum, Tortibulum, Viccarim, Florentinum, Larinum, Termolam, Triventum, Vulturariam, Bibinianum, Alifas, Thelesiam, S. Agathen, Toccum, Abellinum, Montemmaranum, Quintumdecimum, Montem de Vico, Arianum. . . . cum singulis, proprietatibus, iustitiis, Parochiis, seu Diocesium suis; nihil excipimus, sed omnia, sicut

(1) Ex dicto Transumpto, atque ex Bullario Selecto pag. 80.

(2) In d. T. VIII: col. 120.

(3) Verba Pontificis Leonis heic subijcere præstat: Diligentissimè itaque nostrorum antiquorum Prædecesso-

rum Privilegia perscrutantes, Vitaliani videlicet, aliorumque S. Romanæ Ecclesiæ Præsulum, atque iustitiam S. Beneventanæ Ecclesiæ considerantes &c.

(4) Ex Bullario Selecto nostræ Bibliothecæ pag. 93.

„ iustitia eorum est, huic jam sæpe nominatæ Beneventanæ Ecclesiæ in honorem S. Dei Genitricis Mariæ dedicatæ, ubi pretiosissimum Corpus Beatissimi Bartholomæi requiescit; quod auctoritate S. Sedis Romana, & Apostolica Sedis concessimus, & irrevocabiliter in perpetuum confirmamus. Habemus igitur prioribus, quibus ad S. Leonem IX. Beneventana Provincia constiterat, additas à Stefano IX. Episcopales Ecclesias X., scilicet Trojanam, Draconariensem, Civitatem, Montis Corvini, Tortiberis, Viccarie, Florentinatem, Tocci, Montis Marani, ac Montis Vici.

Post dictum annum 1058., & ante annum 1075. Episcopatum Ecclesiarum numerum auxerunt Ecclesiæ Bovianensis, & Guardiensi, nusquam hæcenus in supradictis Pontificiis Diplomatum memoratæ. De harum duarum Ecclesiarum adjectione ad Beneventanam Provinciam subsequuta Pontificium Diploma desideratur, quod periisse putandum est: nam qui Stephano IX. successerunt, Nicolaus II., Alexander II., ac Gregorius VII. Beneventum frequentarunt. ubi & Nicolaus Concilium celebravit anno 1059. (1), ut horum Pontificum alicuius binos illos Suffraganeos Archiepiscopo Beneventano amplius subiecisse, certum sit: subjectos enim manifeste ostendit Provinciale Beneventanum Concilium à S. Milone Archiepiscopo anno 1077. celebratum cum Coepiscopis, & Abbatibus ad nostram Dioecesim pertinentibus, scilicet Bernardo Agathensi, Alberto Bovianensi, Petro Guardiensi &c., qui & inter alios ita subscribunt: Ego qui supra Albertus Bovianensis Episcopus; Signum Crucis & factum per manum supradicti Petri Guardiensi Episcopi (2).

Fuerunt deinde & alii quinque adjecti Suffraganei Episcopi, qui numerum xxxii. impleverunt. De hoc numero, ad quem Beneventana Ecclesia Metropolitanorum iurium latissimos fines aliquando produxit, præclarum testimonium reliquit Archiepiscopus Ugho II. in Provinciali Concilio, quod anno mcccxxxiv. celebravit: Hæc (inquit) Ecclesia pro nunc Suffraganeos viginti tres habet, & alio tempore, prout in Privilegiis ejus antiquis legimus, habuit triginta duos; quod de alia Metropolitana non legitur, & in libro Provinciali reperitur (3). Haud fecus Archiepiscopus Cardinalis Jacobus Sabellus in Proœmio Provincialis Concilii anni mclxxvii.: Augebat (inquit) solitudinis nostræ pondus ipsius Ecclesiæ Beneventane insignis magnitudo, ac nobilitas; cum ipsa Ecclesia latissimam habeat Dioecesim, & Provinciam: Viginti enim, & quatuor Ecclesias Suffraganeas habet, sicut in Brevis Valvis ipsius Metropolitanæ Ecclesiæ insignis memoria extat: in quibus nomina Ecclesiarum, & Episcoporum Suffraganeorum simulacra conspiciuntur, licet olim triginta duos habuisse, & Apulia Metropolitanam appellatam esse, antiquissimis ipsius Ecclesiæ monumentis constat (4).

ALTER

Z z 2

De

(1) Hoc Concilium à Nicolao PP. II. anno 1059. celebratum apud Beneventum intra ipsam Civitatem intra Ecclesiam S. Petri juxta fluvium Sabbati ex Tomo IX. pag. 1105. collectionis Labbeanæ, & ex Chronico S. Vincentii de Vulturno relato ab Ughello T. VIII. col. 121. in suum Synodicon Provinciale Beneventanum excepit Card. Ursinus Archiepiscopus Beneventanus, dein Benedictus PP. XIII., primoque loco edidit, notisque illustravit inter alia Concilia à Rom. Pontificibus, atque Beneventanis Archiepiscopis Beneventi celebrata, Beneventi 1693.

(2) In eodem Synodico Beneventano pag. 21. ex subscriptione ab Episcopo Guardiensi signo Crucis facta. Eminentiſſimus editor Ursinus arguit ejusdem Episcopi, hominis omnino illiterati rudimentum; quam in rem plurima exempla ex Decretali Honorii III. cap. fin. de etate, & qual. Ordin., atque ex Mabillonio De re Diplom. lib. 2. cap. 22. conſeſſit, lacrymabilem per eas ætates Ecclesiasticorum incertam testantia. At vera licet illa sint, non idem tamen de hoc Episcopo Guardiensi est solo, quo is subscripsit, signo Crucis affirmari potest: immo contrarium statuendum est ex Milonis Archiepiscopi subscriptione (ad quam Vir summus non animadvertit) eodem signo Crucis facta. Moris tunc erat in quibusque solemnibus Actis, quæ a Viris etiam suprema dignitate pollentibus subscribebantur, signum Crucis adhiberi; uti à me in Dissert. De re nummaria cap. III. uberrimè probatum est.

Præstat autem hæc aliqua de nostro Archiepiscopo S. Milone observare, qui sæculo XI. non solum Ecclesiam Beneventanam sanctitate, sapientia, aliarumque pastoralium virtutum splendore illustravit, sed de universa Christi Ecclesia è schola sua discipulum S. Stephanum ordinis Grandimontensis Fundatorem proficiens, optimè promeruit. De S. Milone agit Viperatum in Chronologia, tum in Catalogo Sanctorum Beneventanorum ad diem xxii. Februarii pag. 88., in eo tamen lapsus, quod ab anno MLIIL. Archiepiscopatum statuat, qui non ante eundem annum MXXV., quo Concilium celebravit, vel antecedentis exitum electus fuit, atque ei Successorem det Aurelium, qui decessor fuit. Meminit etiam S. Milonis Cl. Bollandus ad diem xxii. Februarii in notis ad Vitam supradicti S. Stephani Grandimontensis adiectis, quæ aliqua castigatione indigere notat Ughellus col. 137., sed incautigata reliquit. Duodecim Archiepiscopatus Beneventani annos, Viperæ fortasse fidem incautè sequutus Bollandus Miloni attribuit. At dignissimo Præfule tandiù frui Ecclesia Beneventana non meruit; quàm is bennio haud integro optimè administratam deseruerit, ad ecclesiæ præmia translatus.

(3) In Conc. Archiepiscopi Ughonis II. Tit. IX. de Sacramento Ordinis cap. XIII. pag. 143. Synodici Beneventani edit. Benevent. 1693., recuſi Romæ 1716.

(4) In eodem Synodico pag. 309.

De Æreis nostræ Ecclesiæ Valvis ab Archiepiscopo Cardinali Sabello memoratis, ac nomina xxiv. Ecclesiarum, totidemque Episcoporum simulacra exhibentibus agendum nobis postremo hujus Dissertationis Capite erit, ubi de ejusdem Ecclesiæ Ædificiis sermonem facturi, easdem Valvas, æri incisas, spectandas dabimus, ac studiosè illustrabimus. Qui verò reliqui hi sint Episcopatus quinque, qui cum viginti septem illis superius comprobatis definitum triginta duorum numerum impleant, vetera produnt monumenta; nam & Episcopatum *Aquæ putridæ*, *Limusanensem*, sive *Misanensem*, *Ordonensem*, *Frequentinum*, *Sepinensem* (quos inter superiores viginti septem præteritos invenies) memoratos in posterioribus indubiæ fidei monumentis habemus, additos scilicet Archiepiscopo Beneventano Suffraganeos (1). Ac de Archiepiscopi Ughonis, Cardinalisque Sabelli, de xxxii. numero affirmantium, testimonio dubitare nefas erit: illud potius observandum, an qui Ughonis ævo, xxiii. duntaxat reliqui erant Suffraganei, Sabelli ætate ad xxiv. aucti rursus essent, quos ipse ex Ænearum Valvarum aspectu præfentes effecit. Sed haud numerum tunc extantem, qui longè minor, quàm Ughonis tempore erat, sed quem Valvæ ipsæ præferrent, Sabellus indicavit. Quare sic statuendum erit, ut numerus xxxii. Suffraganeorum post annum mxxv. ad sequentis sæculi exitum steterit, quo tempore dictæ Valvæ (ut suo loco dicemus) fuerunt constructæ: Ad xxiv. dein redactis is fuit, quem numerum eadem Valvæ ostendunt, à quo numero unus tantum deficit Archiepiscopi Ughonis ævo, qui anno mcccclxxiv. Suffraganeos xxiii. tunc habere affirmavit: Sed ab eo tempore is quoque numerus ad xvi. Suffraganeos paulatim decrevit, qui hodieque consistit. Minuendi causam præbuerunt sequuti plurius Episcopatum occasus, qui ex Civitatibus, vel in tenuiorem sortem, vel ad extremum fatum redactis, aut ipsi Metropolitanæ Ecclesiæ, aut ejusdem Provinciæ Episcopatibus aliis attributi, sive uniti fuerunt; uti ex subiecta Tabula manifestum erit (2). Quare illud affirmari tutò potest, in præfenti xvi. Suffraganeorum numero, eosdem adhuc veteres xxxii. Episcopatus contineri, nihilque de antiquis suis finibus Beneventanæ Metropoli deminutum: Illud adhuc singulare ejusdem Ecclesiæ decus est, non modo quum Suffraganeos xxxii. olim numeraret (quod de alia Metropolitana non legi, Archiepiscopus Ugho verè aiebat) sed & quum solos xvi. hodiè numeret, amplitudine sua adeò esse insignem, ut cæteras, quæ

Italiæ

(1) Vide Episcopum Sarnellum in suæ Chronologiæ Appendice, ubi peculiarem tractationem instituit de Provinciæ Beneventana a pag. 219. Sunt, qui dictum numerum xxxii. Episcoporum augent, nam & Episcopatum *Montis Viridis* inter Beneventanos Suffraganeos recenset Barbola de Pot. Ep. P. 1. cap. 2. Contradus in

calce Operis de Dispens. Apostolic. Mazzella pag. 417. Plerique adhuc Episcopatum *Cannensem* addiderunt: At nos statuto numero contenti sumus, quem vetusta melioris, atque omnino indubiæ fidei monumenta confirmant.

(2)

BENEVENTUM METROPOLIS,

cui adjecti sunt Episcopatus

- I. Lefinenfis
- II. Limusanorum
- III. Tocci.
- IV. S. AGATA, cui adjectus Episcopatus
- V. Sessulanus.
- VI. ALIPHAE
- VII. ARIANUM
- VIII. ASCULUM, cui adjectus Episcopatus
- IX. Ordonensis.
- X. ABELLINUM, cui adjecti Episcopatus
- XI. Frequentinus
- XII. Aquæ Putridæ
- XIII. Quintodecimi.
- XIV. BOVIANUM, cui adjectus Episcopatus
- XV. Sepinensis.
- XVI. BOVINUM
- XVII. GUARDIA Alferia
- XVIII. LARINUM
- XIX. LUCERIA, cui adjecti Episcopatus

- XX. Florentinensis
- XXI. Tortibolensis.
- XXII. MONS MARANUS
- XXIII. TELESIA
- XXIV. TERMULAE
- XXV. TRIVICUS
- XXVI. VULTURARIA, cui adjectus Episcopatus
- XXVII. Montis Corvini.
- XXVIII. TROJA, nunc exempta, sed Synodo Provinciali interesse obstricta, cui adjectus Episcopatus
- XXIX. Vicari.
- XXX. TRIVENTUM, nunc exemptum, ejus loco Suffraganeus Beneventano Archiepiscopo assignatus est à Gregorio XIII. recens Episcopatus
- S. SEVERI, cui adjecti Episcopatus
- XXXI. Civitatenfis.
- XXXII. Draconariensis.

Italiæ universæ finibus continentur, florentissimas Metropolitanas Ecclesias antecellat.

Cur tam lati fines Beneventanæ Metropoli accreverint, tantusque Episcoporum numerus uni Beneventano Archiepiscopo paruerit olim, hodièque subsit, promptum ex his intelligere erit, quæ superius de Beneventanæ Ecclesiæ dignitate uberrimè disseruimus: nam quæ in Longobardici Cistiberinæ Italiæ Principatus Metropoli constituta, inter universas ejusdem Principatus Ecclesiæ Primatus prærogativam innumeris aliis ornamentis condecoratam præferbat, digna à Romanis Pontificibus fuit habita, ut non modò omnium prima Archiepiscopatus nomine, & auctoritate donaretur, verùm etiam inter subortas dein Metropoles alias, hac Provinciæ suæ amplitudine potiretur, qua inter cæteras sublimior pristinæ dignitatis splendorem adhuc referre videretur. Accessit publici boni ratio: quandoquidem experienciâ probatum mox fuit, Episcopatus illos, qui à Campaniæ finibus ad extremam Apuliam vigeant, à Romana Metropoli nonnihil diffitos, à Beneventano Archiepiscopo, qui velut in medio positus præfentiorum, sollicitioremque se præberet, in majorem Ecclesiasticarum rerum felicitatem adductos. Ejus felicitatis origo fuit suffraganeorum Ecclesiarum Visitatio, quæ ad Beneventanum Archiepiscopum, uti Metropolitani pertinere coepit, ab eoque sedulò, crebròque agi consuebat: cujus rei (ut alia mittam exempla) illustre testimonium, à Pontifice Gregorio IX. in Corpore Juris Canonici adhuc servatum habemus (1). Sed præcipuus fons annua Synodorum celebratio esse coepit, ad quos Suffraganei accedere tenebantur, de suarum Ecclesiarum statu relaturi, de morum disciplina, aliisque negotiis Ecclesiasticis consultaturi, ac statuta promulgaturi. Accedebant autem quàm frequentius ad novam propinquiorem Metropolim, quàm olim Romam, quò ne assidui olim essent, varia impedimenta, exculcationesque parabantur. Celebrandarum ejusmodi Provincialium Synodorum, quòd è re Ecclesiæ maximopere essent, admodum sollicitos fuisse Beneventanos Archiepiscopos ostendunt eæ Synodi, quæ ex remotissima antiquitate, ac paulò post Archiepiscopatus institutionem gestæ ad nos pervaserunt; nam & Uldericus Archiepiscopus Concilium Provinciale habuit anno MLXI., habuit etiam sequuto anno MLXII., atque quotannis habuisse satis probat S. Milo Archiepiscopus, qui anno MLXXV. primum Concilium Provinciale primo sui Archiepiscopatus anno celebraturus, id ex more Ecclesiastico agere affirmat (2). Quanta vero Provincialium Episcoporum erga Metropolitanum suum fuerit observantia, quale tunc enjuerit obsequium, declarant vetusta Acta inventionis Corporis S. Prisci, hæc de Episcopo Frequentino narrantia: *Inter hæc à Beneventana Sede, sub cujus Diocesi universa loca, qua commemoravimus in præfenti lectione, constitunt, Legatus Frequentinus Episcopo mittitur, loquens, ut omni sublata occasione, ad Beneventanum Archiepiscopatum properaret. Susceptum inveniendi Corpori iter, piumque opus distulit Frequentinus Episcopus, qui sui Archiepiscopi mandata metuens, omnibus relictis curis, religionis, atque obedientiæ studium exercens, Beneventanam adivit Sedem* (3). Sed quibus præsertim obsequiis Suffraganeos suos Beneventani Archiepiscopi sibi obstrictos haberent, primus omnium Archiepiscopus Landulfus illustre Successoribus suis, ac posteritatis memoriæ documentum reliquit.

Landulfus igitur Archiepiscopus, mox eà usus facultate, quam a Pontifice Johanne XIII. Beneventani Archiepiscopatus institutore acceperat, Episcopos ordinandi in iis Beneventanæ Provinciæ Ecclesiis, ac locis, ubi olim fuerunt, Episcopatum in Civitate S. Agathæ instauravit, eique Maldefridum Episcopum præfecit; Extat etiamnum de ea re Landulfi Diploma, inscriptum Clero, Ordini, & Plebi consistenti in S. Agatha dilectissimis Filiis; datum anno sui Archiepiscopatus II. Mense Decembri, XIV. Indictione. Ait Landulfus se, illis petentibus, consecrasse Maldefridum Episcopum, cujus Parochiæ, seu Diocesi certos, ac circumquaque suis vocabulis descriptos fines assignat, intra quos Episcopale S. Agathæ

(1) Decretal. Lib. III. Tit. de Consb. & Exaltion. cap. xxv., ubi Gregorius IX. sic ait: Cum nuper Archiepiscopus Beneventanus Beneventanam Provinciam visitaret; & infra: Mandamus quatenus quum eundem Archiepiscopum sive auctoritate propria, sive nostra Beneventanam Provinciam contigerit visitare, Procuraciones ratione visitationis debitas juxta facultates Ecclesiarum vestrarum exhibeatis eidem.

(2) In d. Synodico Provinciali Beneventano a Card.

Ursino edito pag. 21., ubi hæc Archiepiscopus Milo: Cum ego Milo Domini nutu Beneventanæ Provinciæ Archiepiscopus primo anno nostri Præsulatus, more Ecclesiastico solemniter Synodali auctoritate in Basilica SS. Dei Genitricis, & Virginis Mariæ agerem cum Coepiscopis, & Abbatibus ad nostram Diocesim pertinentibus &c. Porro Archiepiscopi Ulderici Synodes exhibet idem Synodicon pag. 15. & 17.

(3) Apud Episcopum Sarnellium in Chronol. pag. 128.

thæ Territorium deinceps contineri deberet : ut primùm videas suffraganeorum Ecclesiarum terminos Beneventani Archiepiscopi arbitratui, ac definitioni commissos, atque subiectos : Addit Landulfus, ut quoties ibidem Episcopus consecrandus est, semper ab hac Metropolitana Sancta Beneventanensi Ecclesia, cui Deo auctore deservit, consecrationem percipiat ; Eadem verba à Landulfo usurpata legis, quæ à Johanne XIII. in Beneventani Archiepiscopatus institutione prolata superius audisti ; nam idem de Suffraganeis suis cautum sibi voluit Landulfus, quod Romanus Pontifex de Beneventanis Archiepiscopis ; ut nempe quemadmodum hi a Romano Pontifice, ita illi a Metropolitano suo consecrandos se scirent ; quæ quidem consecratione manifesta, ac perpetua præstandæ subjectionis professio continebatur : Subjectionis autem præcipuum caput erat, ut Synodo se sisterent, atque a Metropolitano suo servandas sibi leges acciperent ; Fateor quidem non id tunc novum ; quandoquidem vetus ea disciplina fuit, ut Synodo se sisterent Episcopi apud eum, a quo Consecrationem, seu Ordinationem acceperant : Unde profectum est, ut pertinere ad alicujus Concilium, vel ad Consecrationem promiscuè, & passim dicantur Episcopi, qui a Primatibus pendunt : atque huc, Canones sequutus, Justinianus respexit, illud edicens, ut debeant convenire apud Beatissimos Patriarchas, illos, qui ab ipsis ordinati sunt (1). At cum eadem monente disciplina, nonnisi singulis annis singulæ Synodi celebrari consueverint ; ampliùs à Suffraganeis suis Landulfus exegisse probatur, nam ad Synodalem Convantum quinquies, ut consecratus tunc Episcopus, posterique omnes S. Agathæ Antistites, Metropolitano solemnioribus diebus adstituri, Beneventum adirent, speciali sanctione constituit : Simulque (inquit) sancimus, ut Præsules S. Agathensis Ecclesiæ quinquies in anno Beneventum veniant, ut participes festivitatum subsequenrium ea inter nos, qua mos Ecclesiasticus exigit, confirmemus ; scilicet in Festivitate Pentecostes, & B. Bartholomæi Apostoli, & Natali Apostolorum Petri, & Pauli, & in Consecratione nostri Archiepiscopatus, & in Ordinatione nostrorum Episcoporum (2).

Nimius certè fuisse videtur Landulfus, qui quinquies in anno Metropolim à Suffraganeis frequentandam sancivit : observata initio Lex ; quæ tamen sensim, ut videtur, moderationem accepit ; eoque tandem perducta est, ut semel Metropolim quotannis adiisse, satis videretur. Quantum detrimenti Sæculo XIV., Pontificia Sede Avenione locata, Ecclesiasticæ res acceperant, nemo est, qui nesciat : Enunciat Pontifex Gregorius XI., vehementius dolens, quod Clerus ab honestate sui primævi status non modicum exciderit, multipliciterque in devia declinarit : Huic malo opportunum remedium allaturus, non id citius, & efficacius haberi posse animadvertit, quàm per novas celebrationes Conciliorum Provinciarum, quas, datis anno 1373. Encyclicis Literis, a Metropolitanis singulis in morem revocandas præcepit. Missæ ad Metropolitanos alios, missæ ad Beneventanum Metropolitani Literæ, non hunc certè invenerunt ejus muneris oblivio, sed veteri Ecclesiæ suæ more annua Provincialia Concilia in solemnitate S. Bartholomæi Apostoli studiose celebrare consueverunt, de qua re (inquit Archiepiscopus Ugho II. in fine Concilii anni 1374. superius commemorati) non videtur Dominus Papa fuisse certificatus, per suas Apostolicas Literas (quas etiam recitat) nostrum omnium officium excitando. Morem igitur usque tunc sedulo servatum, religiosius servandum, Apostolicis Literis permotus Ugho edixit : Statuentes (inquit), & antiquam super hoc editam Constitutionem confirmantes, ut futuris perpetuò temporibus Provinciale Concilium annis singulis celebretur in Festo gloriosi Apostoli, & Patroni nostri Bartholomæi de Mense Augusti, quo tunc etiam ad visitandum ejus Limina omnes Suffraganei, & alii de Diocesi venire tenentur : licet in eodem Festo etiam retrò temporibus consueverit celebrari (3). Labebatur jam ab Archiepiscopo Ughone Sæculum, quum anno 1474.

(1) Novella cxxxvii. cap. iv. Vide Marcum de Concord. Sac., & Imp. lib. i. cap. 7. n. 3.

(2) Apud Ughellum T. viii. pag. 494., qui ex Agathensis Ecclesiæ Tabulario exceptum Landulfi Diploma exhibet, eique annum 970. attribuit : sed notas Chronologicas (ex quibus dictum annum collegisse debuit) oscitanter omisit. Nos ex Sarnellio superius recitavimus, qui de anno 970. cum Ughello convenit ; sed cum anno secundo Archiepiscopi Landulfi indicio XIV.

convenire nequit, quæ a mense Septembri anni 971. decurrere cœpit ; unde quum Diploma datum asseratur Anno Archiepiscopatus 2., mense Decembri, 14. Indictione : vel Archiepiscopatus annus 111., vel Indictio XIII. in Diplomate scripta esse debet, ut de dicto anno 970. affirmari possit.

(3) In Provinciali Synodico Ecclesiæ Beneventanæ pag. 290.

no 1474. Archiepiscopus Corradus Capycius, ne veterem morem violasse impune esset, asperiores poenas ab Episcopis Suffraganeis subeundas sancivit, edita in Provinciali ejusdem anni Concilii Constitutione, quam lectu dignam inferius descripsimus (1). Ejus Sanctionis causa fuisse videtur contumacior quædam Suffraganeorum negligentia, qui paucis ante annis iusto impedimento detenti, ne Beneventum accederent, eo sublato, accedendi obligationem adhuc dissimularent: Extant siquidem sub Archiepiscopo Gaspare Columna, qui anno 1430. sedere cœpit, quamplures Provincialium Episcoporum Epistolæ, originales adhuc in nostra Bibliotheca servatæ, quibus ob ingruentia Bella in Regno Neapolitano sese excusant, quominus, ut moris erat, singulis annis ad visitanda Limina B. Bartholomæi Apostoli accedere permitterentur. Excitandam igitur non omnium quidem (nam plures ei Concilio interfuerunt), sed plurium Suffraganeorum desidiâ duxit Archiepiscopus Corradus, ne quod legitimo impedimento permittendum semel fuerat, in perpetuam antiqui moris cessationem verteretur. Viguit itaque idem mos, servataque ad seram usque ætatem ea Provincia Beneventanæ lex est, cum ipsa Archiepiscopatus institutione, Metropolisque Beneventanæ natalibus orta, donec novum jus, quod nova temporum ratio, præsensque Ecclesiastici Ordinis status tunc postulabant, invecum a Sacro Concilio Tridentino fuit: Metropolitanis quibusque relictum deinceps, atque imperatum, ut Concilia Provincialia cogere quolibet saltem triennio possent, & deberent: at ne Episcopi Comprovinciales prætextu cujuslibet consuetudinis ad Metropolitanam Ecclesiam in posterum accedere inviti compellerentur (2). Sed qui exinde pro universa Provincia esse desist, permanit tamen vetus mos Beneventanæ Ecclesiæ, solemniss quidem, nec non saluberrimi, imitandique exempli, quo universis Dioecesanarum Ecclesiarum Pastoribus, aliisque Ecclesiastici Ordinis primoribus ineluctabile incumbit onus, ut ad dictam diem Festo S. Bartholomæi præcedentem, Beneventum accedant, atque in Metropolitana Ecclesia Pontificali Missæ intersint, in eademque SS. Eucharistiam sumant, ac denique Leges audiant, quæ in Synodali Conventu ritè, ac solemniter quotannis promulgantur (3). A Suffraganeorum accessu ad Metropolim annis singulis olim peragendo non ante discedam, quàm observationem ea de re ab Ughello factam subijciam: Ex exultationis Literis sub Archiepiscopo Columna a Suffraganeis transmissis observat quidem Ughellus, Archiepiscopos Beneventanos per annia imitatos esse Romanos Pontifices (4). Verum id profecto, si legem

utram-

(1) Ibid. Conc. Provinc. Archiepiscopi Capycii anni 1474. cap. VIII. pag. 295. Item suppletes, adjuvantes, & adiacentes Constitutioni nostrorum Prædecessorum, quo cavetur, quod omnes, & singuli, tam Episcopi, quam Abbates suffraganei, & subditi, quàm etiam Archiepiscopi, Procuratores, Prepositi, & aliarum Ecclesiarum Rectores Civitatis, & Dioecesis nostræ Beneventanæ, annis singulis uno die ante Festum S. Bartholomæi de Mense Augusti ad Civitatem Beneventanam se conferre, & in eadem personaliter permanere teneantur ad Concilium celebrandum sub poena pecunie, prout in ipsa Constitutione continetur, ad quam referimus: statui-mus, præcipimus, & ordinamus, quod dicti Domini Episcopi suffraganei teneantur, & debeant venire, ut supra, sine alia monitione, & vocatione, sed solum præ-sentis Constitutionis tenore cum libris Provincialibus, & Constitutionibus sub poena, & ad poenam interdicti ab ingressu Ecclesiæ, & Sacerdotalibus Ministeriis, quam contravenientes ipso facto incurrant, cessante tamen legi-timo impedimento, præter aliam poenam pecuniariam, nostram, & nostrorum successorum arbitrio imponendam.

(2) Conc. Trid. sess. XIV. cap. II. Plura in eam rem refert Card. Pallavicinus in Hist. ejusdem Concil. P. III. lib. 23. cap. 8. n. 21., cap. 10. n. 5.

(3) Splendidissimum servati ejus moris monumentum habetur in Synodico Dioecetano Beneventano ab Archiepiscopo Card. Ussinio edito Beneventi anno 1721., in quo acta supra triginta Synodi (totidem respondent-es annis, quibus Ecclesia Beneventana præsentem Archiepiscopum habuisse lætata est, ad universæ Chri-

stianæ Ecclesiæ regimen dein translatus) digestæ habentur, in quibus ea exhibetur Ecclesiasticæ disciplinæ, Christianæque Pietatis eruditio, ea Pastoralis sollicitudinis, effusæque in Personas, & Resque sacras munificentie monumenta præstant, ut ingentis tum molis, tum pretii Codex omnium legentium, atque utentium judicio, cum Actis Ecclesiæ Mediolanensis a S. Carolo Borromeo editis, jure merito comparari possit. Summus dein Pontifex, ac Beneventanus simul Archiepiscopus, Beneventum adveniens, Concilium Provinciale anno 1725. coegit, annualque Synodas per suos Administratos ad annum 1729. celebravit: quod & ejus Decessores, Successoresque Archiepiscopi præsterunt; præstantque pro eo veteri more, ex quo tum eximium Ecclesiæ Beneventanæ decus, tum maxima Civitati, Dioecesi que utilis assidue comparatur.

(4) T. VIII. col. 247. Luculentum ejus rei testimonium in superioribus notis attuli ex S. Paulini Episcopi Nolani Epistola ad Delphinum: Deinde nosse nos Romanæ, quum solemnî consuetudine ad Beatorum Apostolorum natalem venissemus tam blandè, quàm honorificè Pontifex Anastasius suscepit; & paulò infra: Denique si Dominus nobis commeatum donaverit, ut ad eum usitato solemniter nobis tempore recurramus &c. Post schisma Ravennatensis Ecclesiæ, quod Maurus conflasserat, ab Archiepiscopo Theodoro sublatum, indulgit Romanus Pontifex Leo II., ut in die Natalis Apostolorum Legatum ex Sacerdotibus mitteret; & Ravennatis Pontifex esset quietus: uti narrat Agnellus in Lib. Pontificali P. II. inter Script. Ital. T. II. P. I. pag. 153.

utramque consideres, qua quemadmodum Provinciarum Suburbicariarum Episcopi Romam in natali SS. Apostolorum Petri, & Pauli ad eorum visitanda Limina, Synodumque celebrandam se sistere tenebantur, æquo jure omnibus Beneventanæ Provinciæ Episcopis ad S. Bartholomæi Apostoli Limina visitanda, Synodalemque Conventum habendum, Beneventum adeundum erat: Verum itidem illud, tum in ea re, tum in aliis plerisque Beneventanos Archiepiscopos, Romanorum Pontificum tum auctoritatem, tum maiestatem sibi imitandam proposuisse; non id tamen generatim, sed, uti Ughellus ait, *per omnia*, verum affirmari debet; immo falsum id constantissime dixerim, si in iis etiam, quæ imitatos fuisse constat, vel ambitionis labes, vel affectationis studium, admissa intelligantur; Longè id profectò fuit a Beneventana Ecclesia, quæ ornamentis, prærogativis, juribusque suis ita resplenduit, ut non modò cum Romana Ecclesia nunquam decertare, numquam ab illius obsequio deficere fas sibi duxerit, sed etiam laudem illam, quam à Pontifice Johanne XIII. promeruit (ut scilicet *erga reverentiam Sanctæ, & Apostolicæ Romanæ Ecclesiæ præcipue exuberasse deprædicaretur*), Archiepiscopatus dignitate aucta, novis, ac luculentioribus *reverentiæ*, ac *subjectionis* argumentis jure veluti suo perpetuò sibi debitam comprobavit. Quare & illud factum est, ut perpetuum quoque erga Beneventanam Ecclesiam Romanorum Pontificum studium extiterit; quibus consuetum, ac prope quotidianum sæculo XI., ac XII. fuit Beneventum adire, longasque ibi trahere moras, ac Concilia (quæ usque ad sex numerantur) celebrare, ut meritò Ecclesia Beneventana Romanorum Pontificum domicilium, & Asylum dicta fuerit (1). His igitur præstitutis, fas mihi nunc fuerit, ut liberiore stilo eas denique prærogativas persequar, quibus ornatì Beneventani Archiepiscopi, Pontifices Romanos imitati probantur, talem scilicet, tantumque splendorem a Pontificia Majestate sibi mutuantes, quo sese non Pontificum quidem æmulos, sed Metropolitanorum quorumlibet præclarissimos duntaxat ostenderent.

Ducem sequar eundem Archiepiscopum, scilicet Hugonem II., qui Ecclesiæ suæ Privilegia in Concilio Provinciali anni 1374. opportunè recensuit, paulòque superius de Provinciæ Beneventanæ amplitudine, atque ingenti (quod, inquit, *de alia Metropoli non legitur*) Suffraganeorum numero præire nobis coepit. Pergit itaque eodem loco noster Hugo, atque inter alia plura, maximaque Privilegia, quibus Ecclesiam Beneventanam fuisse, & esse insignitam affirmat, de Mitra, ejusque forma, qua Beneventani Archiepiscopi uterentur, hæc habet: *Romanus Pontifex in signum Imperii utitur Regno, idest Corona Imperiali, & in signum Pontificii utitur Mitra semper, & ubique; sed Regno non semper, & ubique, sed die, qua coronatur, quia Pontificis Auctoritas prior, & diffusior est, & dignior, quam Imperialis potestas. Sic & nos pro nostra Ecclesia Beneventana, quæ ceteris Ecclesiis Metropolitanis majori, digniori, & præcellenti Regno, sive Thiara, ad modum Summi Pontificis utimur, quod hic Camaurum vocatur* (2). Quæ de Romani Pontificis Regno, atque Mitra Archiepiscopus Hugo habet, exceptis is ex Pontifice Innocentio III., cujus etiam verba sibi usurpat (3). Quod ideo mihi observandum duxi, ut appareat eodem Regno, cujus Innocentius meminit, ad nostri Archiepiscopi ætatem Romanos Pontifices usos fuisse. Pontificum Regnum a Pontificia Mitra distinctum fuisse certum est, non Innocentii tantum, ac Hugonis nostri testimonio, sed certa fide Veterum Librorum Ritualium Romanæ Ecclesiæ, quibus *Ordo Romanus* nomen est (4). Quod ad Mitram attinet, celebris inter Eruditos de illius origine

(1) Ita Ughellus dicto T. VIII. col. 95. Non est quod de sex illis Conciliis à Rom. Pontificibus Beneventi celebratis differam, quæ collegit, edidit, notisque illustravit sæpius, sed nunquam satis laudatus Archiepiscopus Ursinus in dicto Beneventano Synodico Provinciali. De eorundem Rom. Pontificum accessu ad urbem Beneventanam (ut de anterioribus temporibus nunc sileam) satis constat à S. Gregorio VII. ad Innocentium IV. neminem, si duos excepias, fuisse, qui non Beneventum adveniens, ibidem aliquandiu confedisse memoraretur.

(2) In dicto Synodico Provinciali pag. 143.

(3) Ex Serm. 1. de S. Silvestro: ex quo etiam Matensis Episcopus Durandus, (qui floruit post me-

dium idem sæculum XIII.) retulit in suum rationale Div. Off. lib. III. cap. XLII. n. 8.

(4) Plura, ac illustriora Ordinis Romani exemplaria edidit Cl. Mabillonius, ex eisque Tomum secundum sui itineris Italici, præmisso satis operoso, eruditoque Commentario, constavit. Paris. 1684. Itaque in Ordine Romano, auctore Cencio Cardinali, qui postea Pontifex Honorius III. fuit, sic habetur pag. 168. *Deinus Papa, deposito Regno, accipit Mitram*. In alio ordine Romano auctore Jacobo Cajetano Cardinale, Bonifacii PP. VIII. nepote, sic legitur pag. 238. *Papa omnia pretiosa ornamenta habebit, & Pallium, & Mitram optimam, & Chirothecas, & Anulum pallo-* vel

origine controversa est, quam alii recentem, alii contra vetustissimam esse contendunt; posteriorem sententiam strenuè propugnat Andreas de Saussay; evertere conatur Hugo Menardus (1). Conciliandas faciliè eas sententias arbitratur Cardinalis Bona, si Mitræ, seu peculiari cuiusdam Capitis ornameto antiquitas statuatur; ea verò, quæ nunc obtinet, Mitræ forma, nuperum sæculi circiter x. inventum dicatur. Quare Vir sapientissimus de Mitris Sanctorum Silvestri, Augustini, & aliorum Episcoporum, qui in Occidente ante annos mille, & amplius floruerunt, ab hodiernis non multum dissimilibus, & inter Lipsana quarundam Ecclesiarum asseveratis, aliis judicandum modestè relinquit (2).

Pontificiam Mitram cum Pontificio Regno confundere videtur Vir Ecclesiasticæ antiquitatis aliqui consultissimus Johannes Mabillonius, dum aliam Pontificum Romanorum, aliam cæterorum Episcoporum Mitram fuisse statuit: Quippe (inquit) Romanis ante Bonifacium PP. VIII. in usu erat Mitra oblonga in acumen desinens ad instar Saccaræ panis, qualis hæcenus visitur in lapidea S. Petri effigie ad Portam Basilicæ S. Petri Corbejenfis, ab ipsius Monasterii (ut videtur) origine, id est ab annis amplius mille erecta. Eandem Pontificiæ Mitræ formam exhibet effigies Johannis PP. XV. apud Ughellum tom. v.: At verò Episcopi Mitra bicorni, seu bifida, haud paullo, quam nunc, humiliori ab antiquo usi sunt, qualem præfert S. Germani Parisiensis Episcopi effigies ad majorem Portam ejus Basilicæ in Monasterio S. Germani à Pratis cum aliis posita: Unde fortassis quis hæreat in explicando Theodulfi carmine (lib. 1. carm. 3. v. 610.) ubi de Episcopali Capitis ornameto ita canit.

*Aurea Pontificis cingebat lamina frontem,
Qua bis binus apex nomen herile dabat.*

& infra:

Illius ergo caput resplendens Mitra tegebat.

ex quibus verbis *quatrifidam* olim fuisse Mitram Episcoporum nonnemo forsan colligeret: At numericum adverbium *bis* non cadit in adjectivum *binus*, sed in verbum *dabat*; ita ut sit sensus, *binus apex bis dabat herile nomen*, nempe jus (ut puto), quod vocant *spiritale, & temporale* (3). Hæc Mabillonius, qui (uti diximus) non aliam Romanorum Pontificum Mitram agnoscit, quam *oblongam*, & ad instar *saccaræ panis acuminatam*, quam veluti augustiorē à breviori, seu humiliori, bifidaque Episcoporum reliquorum Mitra distinguit. At præter illam, fuisse etiam Romanis Pontificibus in usu Mitram ipsam, si non ornatu, eadem certè formâ cum aliis Episcopis communem, jam superius probatum est, ostendique etiam posset ex vetustissima S. Silvestri Papæ Mitra, adhuc superstitē, de qua in antecedenti nota diximus. Quamobrem, quam Mitram Mabillonius affert, describit, appellat, diversum quidem agnoscere, ac vocare debebat, peculiare omnino Romanis Pontificibus Capitis insigne, adeò à Mitra distinctum, ut hac *Tiara* (inquit Auctor libri Ceremoniarum) utatur Pontifex in magnis solemnitatibus eundo ad Ecclesiam, & redeundo; sed nunquam illa utatur in Divinis (4), atque uti habet Durandus: Regno quidem non utitur, nisi certis diebus, & locis, nunquam intra Ecclesiam, sed extra (5). De hac igitur Tiara, quæ Regnum appellatur, aliqua carptim observare præstat.

Ejus Tiaræ formam à Mabillonio descriptam audivimus, qui tamen præcipuum Co-

ALTER

A a a

ronæ,

vel ad gradus Ecclesiæ, & ibi prior Diaconum Cardinalium extrahit sibi Mitram, & ponit ei Coronam, quæ vocatur Regnum, in capite, toto populo acclamante &c. De Pontificii Mitris Cerimoniale Romanum, editum jussu Gregorii X., ita habet ibid. pag. 232. *Primo notandum est, quod Dominus Papa tres Mitras diversas habet, quibus diversis temporibus utitur, scilicet unam albam totam, unam cum aurifrigio in titulo cum circulo, & Mitram aurifrigiatam in circulo, & in titulo &c.*

(1) Alter in Tanoplie Episcopalis lib. 1. Alter in Notis ad Sacramentarium S. Gregorii not. 947.

(2) Rer. Liturg. lib. 1. cap. xxiv. n. xiv. S. Silvestri Papæ Mitram, sive anteriorem ejus partem, Ro-

ma ad S. Martinum in Montibus asseveratam, quæ coloris viridis, holoserica, non villosa, phrygiana est, & acu satis imperitè picta, ærea tabula insculptam exhibet Episcopus Angelus Rocca, olim Sacrarum Apostolici Præfatus T. 11. ejus Opp. pag. 379.

(3) Præfat. in Sæcul. xv. Benedict. num. 183. edit. Venet. 1740.

(4) Lib. 111. Sect. v. cap. 9. apud dictum Angelum Rocca T. 1. Opp. pag. 7. ubi de *Tiaræ Pontificiæ*, quam Regnum Mundi vulgo appellant, origine, significatione, & usu tractatunculum habet.

(5) In Rational. lib. 111. cap. 13. n. 8.

romæ, eandem Tiarâ ambientis, unde & illa in sublimem affurgit, ornamentum præterit. Non aliunde præclarius, ac fidelius fontem didicerimus, quam ex vetustis Actis Alexandri PP. III., quæ ab ejus temporis auctore satis fidei conferipta ex Codice Vaticano magnus Cardinalis Baronius recitavit: Alexander enim, *præsentis Spiritus Sancti gratia, consecratus est in Summum Pontificem, & secundum solitum Ecclesiæ morem, Regno de more insignitus; Mitra turbinata fecit cum corona* (1): Similem Diademati illi dixeris, quod primus omnium Imp. Constantinus invenit, suoque Capiti adhibere cœpit, *Camaleucium* appellatum, Coronam scilicet cum Mitra, quæ Caput operiret (2): atque ex ejus quidem Augusti ævo, ejusdemque indulgentia, datum Pontificibus Romanis ajunt, ut eodem insigni, quo Sacerdotalis, & Regia potestas indicaretur, sacrum Caput decorarent (3): Quamquam alii ex Regis Francorum Chlodovæi ætate Pontifici Regni originem ducant, eâ occasione, quod is (Hincmaro teste) coronam auream, cum gemmis, quæ Regnum appellari solet, B. Petro, S. Remigio suggerente, direxerit (4). Quod etiam ab Anastasio Bibliothecario memorie proditum est, qui Pontificis Hormisdæ tempore *venisse Regnum cum gemmis pretiosis a Rege Francorum Chlodovæo Christiano, donum B. Petro Apostolo*, affirmat (5). Quare hoc Francis Regibus antiquum decus vindicare maluit, de Constantino prorsus silens Gangius, ut scilicet *extinde (ut par est credere) Pontifices Romani in publicis ceremoniis hac Corona à Chlodovæo sibi indulta, uti cœperint* (6).

At neutram ego sententiam probandam duxerim; nam neque id Chlodovæi Diadema, quod *ἀνάθημα* B. Petro oblatum inter res sacras censendum erat, in suum usum Pontifices convertissent; neque ejusdem formæ fuisse traditur, quam Pontificalis Tiara præferebat; si quidem ex *Regni* vocabulo, quod (eodem docente Gangio) commune cujullibet Coronæ Regalis nomen fuit, ad Pontificium Regnum argumentari non licebit. Constantinum verò Romanis Pontificibus, ut Regalis Sacerdotii (uti S. Petrus appellat) insignia gestarent, auctorem fuisse fatemur, non quod ejus indulgentia, sive munere res ipsa obtineri cœpisset, sed ex ipsius potius Christiana professione, quam primus Imperatorum publice amplexus est; qua, profecto factum est, ut pace Ecclesiæ restituta, quæ prius Persecutoribus sævientibus oppressa delituerat, Pontificia dignitas sese explicuerit, atque in propriam, nativamque majestatem seipsam erexerit. Hinc sapientissimus Pontifex Innocentius III. de Consecratione sua sermonem habens, ab ipsa Romana Ecclesia, quod ejus perpetui juris ab suis natalibus fuit, collatam sibi cum suis insignibus Pontificatus Maximi potestatem agnoscens, *Hac sponsa (inquit) non nupsit vacua, sed dotem mihi tribuit absque pretio pretiosam, spiritualium videlicet plenitudinem, & latitudinem temporaliū, magnitudinem, & multitudinem utrorumque*. Nam ceteri vocati sunt in partem sollicitudinis, solus autem Petrus assumptus est in plenitudinem potestatis. In signum spiritualium contulit mihi Mitram, in signum temporalium dedit mihi Coronam: Mitram quoque pro Sacerdotio, Coronam pro Regno, illius me constituens Vicarium, qui habet in vestimento, & in sce-

(1) Card. Baronius in Annal. ad Annum MCLXII. n. XXXIII. Ex eodem Codice ejusdem Pontificis Vitam. haurit, potius quam descripsit Cardinalis de Aragonia, qui eandem locum sic recitat: *& secundum Ecclesiæ morem Papali Regno solemniter coronatus*. T. III. P. I. Scriptor. Ital. pag. 449.

(2) Agit de hoc Camaleucio Gangius in Dissert. De infer. ævi numism. n. xvi. & fust in Dissert. 24. ad Januillam, & de in Glossario.

(3) S. Bruno Signienus Episcopus de Vestimentis Episcopalis, ita habet: *Summus Pontifex propter hoc, & Regnum portat (sic enim vocatur) & purpura utitur non per significationem, ut puto, sed quia Constantinus Imperator olim B. Silvestro omnia Romani Imperii insignia tradidit. S. Petrus Damianus in Dissert. Synodali inter Regis Advocatum, & Romanæ Ecclesiæ Defensorem, quod est Opusculum IV. T. III. Opp. edit. Venetæ 1743. de eodem sic habet pag. 27. Bruno Silvester, suisque Successoribus (Imp. Constantinus) obtulit, ut regali more, & aurea Corona plecterentur in Capite, & ceteras regii cultus insulas usurparant. Perinde B. Silvester, ornamenta, quæ Sacerdotali congruere vi-*

debantur officio, in proprias usus assumpsit, Coronam verò, vel cetera omisit. Ad quem Damiani locum videnda scholia ab erudito editore Constantino Cajetano adjecta, qui satis luculenter Mitræ usum ante Constantinum à Romanis Pontificibus usurpatum probat, atque ipsius S. Silvestri Mitram memorat, quam Eugenium IV. Romanam Avenione delatam à Vaticano in Lateranum detulisse, Platina refert. Porro Coronæ usum ex veteris Legis summo Sacerdotio in Christianam, & Romanam Ecclesiam jure translato, amplius confirmat quemadmodum triplicem Coronam Bonif. VIII. etiam jure adhibitam probat, laudatque libellum Marci Antonii Maratoni De Tribus Rom. Pontificum Coronis.

(4) In Vit. S. Remigii: eadem habet Flodoardus Lib. I. Hist. Remens. cap. 15; Flodoardus in Chron. ad ann. DL. Aimonius, sive Annonius Hist. Franc. lib. I. cap. 28.

(5) In vita Hormisdæ pag. 125. Tom. I. P. I. Script. Ital. ubi alii veteres Anastasii Codices, pro Regno scriptum habent *Sigerum*.

(6) In Glossario verb. Regnum.

in fœmore suo scriptum: Rex Regum, & Dominus Dominantium, Sacerdos in æternum secundum ordinem Melchisedech (1).

Non igitur mirum, si ab annis amplius mille (uti superiori Sæculo ajebat Mabilonius) S. Petri effigies, eadem, de qua nunc agimus, Tiara decoratus conspicitur; non quòd illam vivens gestarit, sed quòd gestandi jus, atque arbitrium habuerit; quod (quum temporum, Ecclesiasticæque Politicæ rationes ferrent) Successoribus suis integrum reliquit. An enim Petro, ejusque successoribus minùs Tiara, sive Regnum convenit, quàm Claves congruant, Christi oraculo sibi datæ, ac in splendidissimum multiplicis quidem Imperii Pontificalis Insigne continenter assumptæ? Non binas tantùm Claves (nam plurali numero Christus uti voluit) Petro attribuunt vetustissimæ illius Imagines, passim occurrentes, sed plura sunt quoque monumenta, tum apud Latinos, tum etiam Græcos, in quibus Petro tres simul Claves gestandæ assignantur; cujus rei rationes jamdiù à Viris eruditis observatas reperio (2). Ex harum igitur Clavium numero triplicem Petri, ejusque successorum Romanorum Pontificum potestatem demonstrante, optimam rationem deducendam video, quare, quæ unâ antiquitùs coronâ redimeretur, mox secundam, ac denique tertiam Pontificia Tiara receperit. Uti enim Petro unica aliquando Clavis (qua tamen sola ejus potestas universim indicata videbatur) plerumque duæ, ac non rarò tres (quo præclarior haberetur ejusdem potestatis indicium) traditæ probantur: ita par visum fuit, ut ternis Clavibus totidem responderent Coronæ, quarum secundam Bonifacius VIII., tertiam denique Urbanus V. Pontificiæ Tiaræ addidisse feruntur (3). Paulus verò II. &

ALTER

A a a 2.

pretium,

(1) Serm. xxi. de Consecratione Pontif. Max.: Sed & in Sermonibus de S. Silvestro in eandem rem sic præclare loquitur: Fuit B. Silvester Sacerdos non solum magnus, sed maximus, Pontificali, & Regali potestate sublimis. Illius quidem Vicarius, qui est Rex Regum, & Dominus Dominantium, Sacerdos in æternum secundum ordinem Melchisedech, ut spiritualiter possit intelligi dictum ad ipsum, & Successoribus illius, quod ait B. Petrus Apostolus primus, & præcipuus Prædecessor ipsorum. Hos enim elegit Dominus, ut essent Sacerdotes, & Reges. Nam Vir Constantinus egregius Imperator, ex revelatione Divina fuit per B. Silvestrum a lepra in Baptismo mundatus; Urbem pariter, & Senatum cum hominibus, & dignitatibus suis, & omne Regnum Occidentale ei tradidit, & dimisit, succedens & ipse Bizantium, & Regnum sibi retinens Orientis. Coronam verò Capitis sui voluit illi conferre, sed ipse pro reverentia Clericalis Coronæ, vel magis humilitatis causa noluit illam portare; veruntamen pro diademate Regio utitur aurisfrigio circulari Romanus itaque Pontifex in signum Imperii utitur Regno, & in signum Pontificii utitur Mitra: Sed Mitra semper utitur, & ubique: Regno verò nec ubique, nec semper: quia Pontificalis auctoritas, & prior est, & dignior, & diffusior, quàm Imperialis. Sacerdotium enim in Populo Dei Regnum præcessit, cum Aaron primus Pontifex Saullem primum Regem præcesserit.

(2) In Lateranensi Triclinio, ut Anastasius vocat, a Leone III. constructo musivo opere depictus visitur S. Petrus, qui tres claves super genua habet: nam dextrâ Leoni Pallium, sinistrâ Carolo Magno Lanceam tradit. Ejusdem Petri imago tessellata itidem opere ad tumulum Imp. Ottonis Magni cernitur, qui Crucem dextrâ, sinistrâ tres claves præfert, uti videre est apud Nicolaum Alemannum *De Lateran. Pariet.* pag. 88., qui etiam pag. 85. ex veterrimo Bibliothecæ Vaticanæ Codice Græco picturam exhibet, in qua S. Petrus pariter cum tribus clavibus effingitur. In visione Baroci Monachi, quam fuscè refert Mabillonius in *Annal. Benedic.* Lib. xvi. n. 89. S. Petrus tres Claves manu gestans, apparuisse traditur; ea forma, quam ære incisam idem Mabillonius profert n. 91., ubi de causa curiosus inquirens: Cur, inquit, verò tres

ille S. Petri Claves? Duabus prioribus potestatem ligandi, atque solvendi significari nemo negaverit; tertiam verò Alemannus pag. 87. putat adhibitam fuisse ad denotandum munus illud, quod ex ligandi, atque solvendi jure consequi, ait, nempe secularia ad spiritualia dirigendi auctoritatem. Si conjecturas hic meas proponere licet, verisimilius puto, idcirco S. Petro, cui Christus Claves Regni Coelorum dedisse memoratur, tres ejusmodi Claves afflatis fuisse, quod coelesti Civitati Jerusalem in quadro posita: ex parte qualibet tres portæ apud Ezechielem, & in Apocalypsi B. Johannis assignantur: quibus aperiendis tres ille claves B. Petro apatas sunt. Nisi quis compendiosius dicat, tribus illis clavibus significari Coelum, Purgatorium, & Ecclesiam militan-tem, aut certè tres orbis partes tunc notas (nam America tunc ignota erat) in quas S. Petri extendebatur auctoritas. Hæ conjecturæ meæ: alii fortè melius divina-bunt: Hactenus Mabilonius. Sed ante Mabilonium, non solum Alemannus, sed etiam Raynaudus de tribus S. Petri Clavibus luculenter differuit in *Tractatu De Corona Romani Pontificis* Prænot. iv.: egit postea Mabilonii ignarus Cl. Ciampinus in *veter. Monum. cap. xxviii. pag. 272.* & seqq. Hæc de tribus Clavibus: ad tres quod attinet Coronas, libet heic afferre, quæ scribit Franciscus Longus in *Breviario Chronologico*. Lugduni 1623. ad an. 514. pag. 160. ut videas eadem ferè omnes rationes, quas Mabilonius tribus Clavi-bus assignavit, diù ante tribus Coronis ab aliis accom-modatas: *Diadema* (inquit Longus) triplici corona distinctum Summis Pontificibus imponitur, ut dignitatis illius, quæ omnes amplitudine superat, indicium esset certissimum. Hoc verò Diadema suscepunt, quia Pon-tificia illa Tiara, quæ a Josepho describitur, tribus coro-nis erat circumdata, aut ut Ecclesiam Europæ, Asiæ, Africa, tribus præcipuis, quæ tunc cognitæ erant, terrarum oris sparsam significarent &c.

(3) Ita apud omnes Scriptores, eruditosque, quos sciam, convenit, laudatos scilicet Pontifices ejus rei auctores extitisse. Præstat audire doctissimum P. Con-radam Janningum, qui in operoso commentario *De Ba-silica S. Petri* edito T. vii., lib. p. xi. Junii Operis Bol-landiani, de Aphide ejusdem Ecclesiæ agens hæc habet §. 3. n. 278. Notari meretur, quod Phrygium, sive Tiara Pon-ti-

pretium, & usum auxit, optimè, ac sapientissimè ratus, hæc non inanis pompæ spectacula esse, sed Religionis ornamenta, quibus (præter mysticas significationes (1)) Summus Christianæ Ecclesiæ Pontifex, eam potestati, majestatique suæ venerationem conciliare videtur, quam Deus supremo prioris Legis Sacerdoti, dignitate licet longè inferiori, attributis ejus capiti, pectori, reliquoque corpori splendidissimis insignibus, indumentisque, comparatam voluit (2).

Hæc de Pontificia Tiara observanda mihi erant, ut semel proposito argumento fieret satis; at non eadem omnia ad nostrorum Præfulum Archiepiscopalem Tiarā referenda sunt. Fuit quidem nostris Archiepiscopis jus, five mos, a Romanis certè Pontificibus, five indultus, five probatus, ut ad eorum Tiaræ exemplum, suam illi Mitram componerent, acuminatam videlicet, sed unicā tantum coronā perpetuò contentam, quæ ipsorum inter Metropolitanos quolibet præstantiam ostenderet. Scimus etiam eidem Tiaræ majorem ex Gemmis, aliisque ornamentis splendorem, ac majestatem comparatam. Extat in nostra Bibliotheca Inventarium membranaceum thesauri Ecclesiæ Beneventanæ sub Archiepiscopo Donato de Aquino anno 1411. confectum, ubi inter Sacras Supellectiles primo loco Archiepiscopalis Tiara hisce verbis describitur: *In primis Camaurum, annum de perlis cum lapidibus preciosis, cum suave de argento deaurato, quo utitur Prælatus* (idest Archiepiscopus) *in officio exercendo*. Quæres nunc, cur, ac quando Beneventani Antistites ejusmodi prærogativā exciderint? Refert Ughellus, anno 1476. à Sixto PP. IV. adempta Archiepiscopo Conrado Capycio, ejusque Successoribus, tum gestandi *Camauri*, tum præferendæ *Eucharistiæ*, tum *Sigilli Plumbei* privilegia (3). De Camauro, ac Sigillo negat Viperæ. Sarnellius Baronii continuatorem Raynaldum assert, affirmantem ad annum 1466. n. 20. Paulum PP. II. Archiepiscopo Nicolao Piccolomineo Camauri, & Eucharistiæ usum vetuisse: at quia Pontifex Paulus *Camaurum*, idest Mitram *Triregnalem* vetare ait, censet Sarnellius, nihil de Mitra Regnali, idest unica Corona contexta, immutatum, quam solam omni retrò ævo à Beneventanis Archiepiscopis gestatam, diu post Pauli II. ætatem Archiepiscopus Maximilianus de Palumbaria, sedem anno 1574. auspiciatus, Romæ reficiendam curavit (4). Quum ego de hac re vetera nostræ Bibliothecæ monumenta diligentius perscrutarer, verā, quæ Raynaldus affirmavit, comperi; nam Literarum Pauli, quibus Archiepiscopo Piccolomineo, ejusque Successoribus Triregnalis Mitræ, five Camauri usus, nec non Eucharistiæ delatio interdicta fuit, authenticum exemplar mihi præsto fuit: sed id etiam occurrit, post Pauli interdictionem non omnino desuetum Beneventanis Archiepiscopis veteris Mitræ usum. Præclarissimum ejus rei monumentum suppeditant autographæ S. Pii PP. V. Literæ *motu proprio*, uti vocant, emissæ, ejusque Sanctissimi Pontificis manu subscriptæ, quibus is Archiepiscopum Cardinalem Sabellum, propterea quod in Ecclesia Beneventana Camauro, seu Mitra Triregnali, seu Regnali diebus solemnibus etiam pluries usus fuerit, à Censuris, aliisque Poenis, quas Paulus sanciverat, absolutum declaravit. Utrasque tum Pauli, tum Pii Literas, lectu quidem dignas, in Appendicem rejecimus. Interim ipse idem Paulus Secundus, qui Romanorum Pontificum Tiarā (uti superius observavimus) splendidiorem efficere studuit, Beneventanorum Archiepiscoporum

Mitrā,

Pontificis tempore Innocentii III. nondum duplici, necdum triplici coronamento superne sit clausa, ac talis planè, qualem scripsit Sugerius S. Dionysii Abbas in *Vita Ludovici Cræpi* apud Du-Chesnium T. IV. pag. 238., dum ait, in solemnibus diebus Pontificis, more Romano preparator, Innocentii PP. II. tunc in Gallia morantis capiti impositum Phrygium ornamentum imperiale, insitit galææ, circulo aureo circumnatum. Alterum coronamentum Tiaræ additum videtur: à Bonifacio VIII., tertium verò ab Urbano V.

(1) De mysticis significationibus Pontificalium vestium, cæterorumque ornamentorum tum veteris, tum novi Testamenti uberrimè agit Pontifex Innocentius III. in *Sermone* de S. Gregorio PP. I.

(2) Libet hic subjicere, quæ de hac re scribit Michael Cannelius in vita dicti Pauli II. T. III. P. II. Scriptor. Ital. p. 1910.: *Sacra Religioni, Divinisque Officiis deditur admodum fuit* . . . *In cultu Divino splen-*

didissimus, & ceremoniosissimus fuit . . . *Tiarā, quam Mitram, seu Regnum appellamus, tam ingenti auri, gemmarumque electissimarum sumptu, & splendore confecit, ut omnium antecessorum Pontificum industriam, ac impensam evicerit* . . . Quum autem ipse in Natali die solemnibus Missarum pro sua consuetudine celebrare in Templum Apostoli Petri descenderet, eandem Tiarā capite gestans, quā multum fuisse, quibus lapidum, gemmarumque usus notior erat, qui pro tantorum excellentia lapidum, atque gemmarum ipsam Tiarā ducenta millia aureorum, & amplius æstimarent. At quod quum ceteri Pontifices vix semel in anni decursu Tiaræ usu delectati sunt, ipse primus pro rerum, ac dignitatis conditione frequentius, atque id solemnioribus anni diebus eam magna cum majestate deferre solebat.

(3) In Archiepiscopo Conrado Capycio col. 251.

(4) In Chronol. Ben. pag. 140.

Mitram, quæ ad illius formam accedere videbatur, interdiciendam sibi duxit; ac licet Triregnalem, ac Camaurum duntaxat exprefferit, exinde tamen factum est, ut etiam Regnalis, saltem post Archiepiscopi Sabelli ætatem, ab usu recefferit, id tantum Beneventanis Archiepiscopis sibi tribuentibus, ut vetustæ Mitræ acuminatæ, coronatæque effigiem in suis gentilitiis insignibus, sigillisque apponant, superstes tantæ rei, ac velut præstantissimæ, cui præsunt, Metropolitanæ Ecclesiæ monumentum.

Quum autem Pontifex Paulus II. non modò Mitræ Triregnalis, sive Camauri usum, verum etiam Eucharistiæ delationem Beneventanis Archiepiscopis interdixerit, jam illud planè constat, hanc etiam illis ad sæculum usque xv. prærogativam fuisse, ut Romanorum Pontificum exemplo, præviam in itinere Eucharistiæ deferrent. Quanti pretii ejusmodi prærogativa fuerit, non ex antiqua Ecclesiæ disciplina, sed ex sequutis postea moribus æstimare licebit. Fuit olim in Veterum Christianorum more, institutisque positum, ut Sanctissimam Eucharistiæ non modò domi servarent, verum etiam iter facturi secum deferrent, præsentem scilicet in extremo discrimine, vel Tutelam, vel Viaticum futurum, luculentum certè eorum fidei, religionisque argumentum, quibus Divinum id Sacramentum prosequerentur (1). Hanc piam consuetudinem, sicut fervens religio invexit, ita & religio æquè sancta abolevit: permittebat id sibi tunc Fides, quod postea reverentia prohibuit; ac laudabilior postea ipsa fides, quæ majorem Eucharistiæ reverentiam adhibendam existimavit. Ubi verò ex personarum conditione Sacramenti reverentia in tuto esset, perseveravit ipse mos, Eucharistiæ in itinere, terra, marique, fudario involutam gestandi. De Episcopis illustre è sæculo vii. prodit exemplum, insigni quoque miraculo nobilitatum: nam Pontifex Honorius I. Birino Episcopo Dorcestriensi ad prædicandam Britannis Christianam fidem ablegato, Eucharistiæ pallà involutam, gestandam tradidit, quam ille collo suspensam deferens, ac tum, quàm sacrum faceret, in eodem altari deponere confusus, fortè oblitus, maris, quod transegerat, spatium, ut illam repeteret, itu, redituque pedes cursitavit (2).

At ævo posteriore uni Pontifici Romano servatum est, ut iter facturus præviam sibi Eucharistiæ haberet: quum enim illam collo appensam, vel secretò gestari nefas visum fuerit; publicè autem præferri nonnisi cum debita reverentia, eoque, quo illa digna est, apparatu oporteret, vix fieri poterat, ut id muneris ab Episcopis præstaretur, quod tamen Pontificibus, perraro etiam, ac gravi de causa iter facturis, implendi facultas erat. Hæc autem existimanda prior causa est, cur ejus rei observantia, quæ ab omnibus olim Christianis frequentabatur, dein in ipsis etiam Episcopis obsoleta, apud solos Pontifices Summos perseveraret. Sed & à Viris doctis alias quæsitæ causas invenio, quare hoc Antiquitatis Ecclesiasticæ monumentum sanè pulcherrimum in Ecclesia hæserit omnium principe, & magistra, alibi prorsus oblitteratum: Atque Angelus Rocca Episcopus Tagastensis, Pontificii olim Sacrii Præfectus, peculiarem Commentarium conscribens, *De Sacrosancto Christi Corpore Romanis Pontificibus iter conficientibus præferendo*, non aliam opinatur ejus rei rationem, quàm ut Pontifici peregrè se habenti, quum fortasse opus est, præsto sit Sacri Viatici administratio: quam ipse opinionem pluribus argumentis, atque exemplis tueri conatur (3). Aliam Thomassinus de eadem re sententiam protulit, ratus ex reali Christi præsentia, qui Pontifici viam præit, ac præmonstrat, pompam illam, quæ in Pontificio Comitatu resplendere solet, sacram, & religiosam omnibus reputandam ostendi, nec cujusquam menti occurrere debere, Romanum Pontificem, tamquam Principem aliquem

(1) Non solum persecutionum tempore id factum, uti de S. Tarficio constat, cujus memoria in Rom. Martyrologio ad diem 15. Augusti recolitur: sed longè etiam post Christianam pacem; uti de Satyro S. Ambrosii fratre ipse Ambrosius testatur in *Orat. de illius obitu*: & de Maximiano, Syracusano dein Episcopo, tradit S. Gregorius M. *Dialog. lib. 3. cap. 36. & 30. Diaconus in ejusd. Gregorii Vita lib. 1. cap. 33. Vid. Mabillonium in *Annal. Benedic. lib. vii. n. xvii.*, & Angelum Roccam in *Tractatu: De Sacrosancto Christi Corpore Romanis Pontificibus iter conficientibus præferendo*. T. 1. ejus Opp. pag. 40., & seqq.*

(2) Sarius T. vi. in S. Birini Vita ad diem 3. Decembris. Sic, quæ prius frequens consuetudo erat, Eucharistiæ consecratiendi mortuis, post Concilium Charaginense 111., & Trullanum, quorum can. 3., & 83. improbata est, adhuc in Episcopis saltem Græcis servatam ostendit Theodorus Balsamon: cujus in dicto can. 83. hæc sunt verba: *Quod autem sanctus Panis Antistitibus post mortem tradatur, & sic sepeliantur; existimo hoc fieri ad avertendos Demones, & ut per ipsum tanquam Viaticum deducatur ad Coelum, qui magna, & Apostolica benedictione dignus est habitus.*

(3) Part. 1. §. ult.

aliquem temporalem, aut terrenum, sed ut Christum ipsum, cujus coeleste Regnum est, nec aliter pompam omnem, qua circumfulget Pontifex, spectandam esse, nisi ut religiosam pompam, ejus generis omnino, cujus & ea, quæ in Templis Deo, Deique Ministris exhibetur: Quo enim demum cumque loco sit Christus, in Principe Ministro, & Vicario suo sessitans, Templum illud est, Ecclesia est, Sacrariumque religioni, & Sanctitati dicatum (1). Et Roccam, & Thomassinum veri fortasse similia, sed non omnia, ac præcipua excogitasse dixerim: Mihi illud primum in mentem venit, rectissimam, quam semper Ecclesia tenuit, tenebitque, Eucharistiæ Fidem eo maxime argumento adversus subortos Hæreticorum errores comprobata iri, quod illam domi servari, illam foris gestari Veteres Christianos in more habuisse, exploratissimum sit: Dum morem aboleri reverentia suassisset, manere tamen debuit apud Romanos Pontifices præferendæ Eucharistiæ ritus, perpetuum Orthodoxæ Fidei argumentum, quo Illa cum ipso Catholicæ Ecclesiæ Pastore, ac ipsius Christi Vicario religiosâ cum pompa circumducta perpetuum de hostibus triumphum agere videatur. Cogitare & illud subit longè rarum illud fuisse, ac fore, ut Romani Pontifices longo itineri se committant; id verò factum tum contingit, quum Ecclesiæ, reique publicæ Christianæ necessitas postularit, quàm demum Dei honos in causa sit (2). Quid ni igitur Pontifices ipsum Christum, ac Deum, qui in Eucharistiâ præsentissimus inter homines manet, cujus ipsi vices in terris gerunt, solum & suscepti itineris, & rei gerendæ auspicem, ducem, auctorem præmonstrent?

Atque hæc postrema, quæ de Romanis Pontificibus adducta mihi est, non ipsa quidem posterior causa fuit, cur Beneventani Archiepiscopi singulari vel privilegio, vel more ad suam usque ætatem præferendæ sibi Eucharistiæ ritum retinuerint. Non enim extra proprium Territorium, neque suo arbitratu, levibusque ex causis id sibi permittebant, sed eo prorsus tempore, eoque in itinere, quo in Dicecisi, Provinciaque sua Pastoralis Visitationis munus prosequerentur. Rem ita se habuisse vetusta Beneventanæ Ecclesiæ monumenta declarant, testanturque, præter Ughellum, ac domesticos alios Scriptores, disertè sæpius laudati Rocca, & Longus, qui post obsoletum, vetitumque gestandæ privatim, publice Eucharistiæ morem, id Romanis Pontificibus reliquum, id præterea Archiepiscopis Beneventanis, dum suam Dioecesim visitarent, singulari prærogativa, exemploque, ad Pauli II. tempora licuisse affirmant (3). At dignum tunc illud quidem, satisque congruum, si non tam ad Beneventanæ Ecclesiæ præstantiam referas, quàm si ipsum Sanctæ Visitationis munus spectes, in quo quum præcipua, maximeque salutaris Pastoralis officii pars contineatur, nec sine administratorum, aliorumque Ecclesiasticorum religioso comitatu peragatur, non solum debito cum honore, ac reverentia, sed non sine summo pietatis, religionisque emolumento Sacratissimum Christi Corpus præfereretur; cujus præsentis numine Pastoris Zelus ferventior, alacriora Gregis obsequia reddebantur. Sed jam hæc olim fuere; perpetuum tamen Beneventanæ Ecclesiæ decus erit, hanc Romano duntaxat Pontifici communem prærogativam diutius servasse.

Age nunc de illa itidem singulari, atque adhuc superstitæ prærogativa videamus, qua Beneventani Archiepiscopi Diplomata sua, sive Bullas, plumbeo appenso Sigillo, instar Romanorum Pontificum obsignare, ac communire solent. Rem ipsam in præsentium Archiepiscoporum Diplomatum passim inspicere, ac contrectare promptum est; præteritorum non ante Sæculum XII. monumenta habentur. Quos Archiepiscopum Hugonem II. Ecclesiæ suæ privilegia enarrantem audisse superius delectavit, non eos certè Archiepiscopum Cardinalem Sabellum audire nunc pigebit, qui post alia ejusdem Ecclesiæ privilegia, de ipsa re sic loquitur: *Ipsius verò Ecclesiæ Præsulem ea habere privilegia, qua nulli alterius*

(1) De Eccl. Discipl. P. II. Lib. III. cap. LXVI. n. VII.

(2) Exempla Rom. Pontificum, quibus longum iter agentibus Eucharistia prælata est, indicavit Franciscus Longus in *Brev. Chronol.* ad annum 1592. pag. 433. Eandem rem prosequutus accuratiore stilo est laudatus superius Angelus Rocca in suo Commentario P. II. §. 1. à Stephano III. exorsus (qui anno 752. *Crispo præsule* (ut inquit Anastasius) in Gallias ad Pippinum pro-

fectus fuit), in Clementem VIII. definit, qui anno 1592. Ferrariam Sedi Apostolicæ recuperatam petit, quo in itinere ipse Rocca Pontificii Sacrarii Præfatus ea omnia curavit, quæ in Eucharistiâ præferenda opus fuere, ac distinctè describit, additis etiam æreis tabulis, & modum, & pompam gestati Sacramenti representantibus.

(3) In locis laudatis pag. 42., & pag. 433.

alterius Ecclesie Prasuli hactenus concessa reperiuntur, & cum Signo, & Plumbo, Romanorum Pontificum more, Literas expedire, nemo est, qui ignoret: cum multa antiquissima Veterum Beneventane Ecclesie Prasulum plumbata Bullae reperiuntur, quarum praeipue ceteris antiquitate praecellit, quae est Lombardi Archiepiscopi, confecta anno à Christo nato MCLXXV. Alexandro III. Summo Pontifice; quae omnia ejus prerogativam, & nobilitatem ostendunt (1). Ne cui autem mirum sit, haud remotiorem ejus rei, quam saeculi XII. antiquitatem asserri posse; neque enim altior plumbei Sigilli generatim antiquitas est, cujus circiter eam aetatem inventus mos, statim Beneventanorum Prasulum etiam mos esse coepit, quamquam & olim ipsi Diplomata emittebant, signoque proprio munire antiquitus consueverant. Rem igitur ipsam, quod illustrior evadat, à sua origine repetere praestabit.

Primum omnium, quod ad posterorum manus, memoriamque pervaserit, Diploma Archiepiscopi Alfani II. anni 1012. Ughellus deprædicat, ac pro magna re habuit, illius exemplar in gratiam Antiquitatis, ac Beneventanae Ecclesiae decus in lucem emittere: Hic (inquit) inserere libet concessionem quandam ab hoc Alfano factam, quia quum sit primum monumentum, quod reperire potui de expeditione Bullarum Beneventanorum Antistitem in gratiam antiquitatis, illud exarandum duxi eadem de Bibliotheca Beneventana fascic. 16. Bullarum num. 153. Lit. Q. Eo autem recitato mox subdit: In gratiam antiquitatis, ut praefatus sum, hujusmodi rubiginis jamdudum naufragamini, & penè obliterata latinitatis transcribo, licet minus erit fortasse, quod mireris in jam relato Diplomate, cum majorem barbariem deprehendes, quicumque Beneventanorum Principum monumenta pervolveret (2). Horret certe Charta barbaricis faecibus, sed longè horridior editoris negligentia effecta, lucem optare visa est meliorem, quam, quia lectu digna est, eidem libenter praestitimus (3). Sed mirum magis illud,

(1) In Literis indictionis Concilii Provincialis anni 1574. Synod. Prov. Ben. pag. 309.

(2) T. VIII. col. 112. Venet. edit.

(3) Ex Originali membrana nostrae Bibliothecae, atque ex Bullario Selecto n. XV III. pag. 79. Nos Alfani nunc De Sanctae Beneventanae, ac Sipontinae Sedis Archiepiscopus. Per rogum Malgepotonis (a) dilecti nostri Diaconi, concessimus tibi Alfani Clerico filius Pauli Clerici, tibi, tuisque heredibus semper Ecclesiam vocabulo Sancti Johannis Baptiste, quae sita est circa Porta Solarola cum rebus, & pertinentiis suis, ut potestatem habeatis, tu, tuisque heredibus ordinare Praebiterum in eadem Ecclesia, secundum vestram voluntatem sine nostra, nostrorumque Successorum aliqua contradictione, vel molestatione, aut cujuscumque requisitione, & quoscumque Dominus in eadem Ecclesia per suos fideles deris, totum, & inclitum (b) maneat vestrae potestati.

Et pro hoc statuimus, ut omni anno in Nativitate Domini detis ad partem Sacri nostri Archiepiscopi (c) una parvo de Oblate, & uno Cereo (d) similiter in Pascha Domini uno Cereo, & uno parvo de Oblate, & sussequebantur in Nativitate Beati Johannis Baptiste, uno parvo de Oblate, & uno Cereo. Si quis autem quod abhi (e) nefario hoc nostrum Praeceptum irritum facere voluerit, anathematis vinculo religetur in perpetuum, & a Corporis, & Sanguinis Domini nostri Jesu Christi perceptione sit semper excommunicatus, & cum Juda Domini nostri Jesu Christi traditore eternis incendiis sit exurendus, & ibidem semper cruciandus. Quod videlicet Praeceptum tibi superius dicto Malgepotoni Diacono, atque Bibliothecario scribere injunximus. Datum Beneventi in Sacratissimo Archiepiscopio pro Indictione decima.

† Ego qui supra Alfani Archiepiscopus.

(a) Ughellus habet Magnifici Potonis: at in Charta praclare legitur, Malgepotonis; Malgepoto proprium nomen legitur etiam in Diplomate Archiepiscopi Landulphi paulo post recitato; ubi etiam Magenolfius, & Castelpotus occurrunt. Sic apud nostrum Falconem ad an. 1134. Rolpoto, & ad an. 1137. Potofridus; quae nomina ex duobus vocabulis constata Longobardicam barbariem praeferebant.

(b) Fortè scribi debuit integrum. Ughellus habet illibatum.

(c) Ughellus: Sacrarum nostri Archiepiscopi.

(d) Ughellus diverso charactere, sic habet: Uno parvo de Buccellate, & uno Cereo, quasi indicatum legenti voluerit, haec ita scripta in charta, ut eam, quae nunc obtinet, Italiam, vulgaremque linguam, ab ipso ineunte Saeculo XI. usurpatam ostenderet: At ejus linguae vestigia, non ipsam linguam in his verbis licebit tantum agnoscere, de quo argumento late disseruit Cl. Muratorius in Antiq. Medii Aevi T. II. Dissert. XXXII;

pluribus etiam Cl. Fontaninus in Lib. Dell' Eloquenza Italiana, in Praefatione, ubi eam linguam ante loquutionem, quam scriptione, ante eam, quam Prosam, non autem ante Saeculum XIV. adolevisse ostendit. Quae autem in nostro Diplomate sunt verba, non solum quoad dialectum, verum etiam quoad vocabula ipse Ughellus deformavit; nam pro uno parvo de bucellate, quae is comminiscitur, charta habet, uno parvo de Oblate. Quamquam autem vocabulum Buccellate non ita absonum sit; nam Buccellatum genus panis est bis cocti, quo milites in Castris pasci solebant, cujus mentio in Leg. I. Cod. De Erag. milit. an. atque ideo fragmentum ad usus diurnitatem excoctum à Marcellino appellatum Lib. XVII. Quod etiam alludit S. Paulinus in Epist. 36. ad S. Augustinum: de Buccellata Christianae expeditionis, in cujus procinctu quotidie ad frugalitatem annonam militamus, Panes quinque tibi misimus: Congruentius tamen, quod recipi in Charta legitur, Oblate vocabulum est; quo Panes illi significatur, qui à fidelibus,

illud, non eo Diplomate antiquius aliud Ughello occurrisse; antiquiora certè, immo antiquissima prodere nobis licebit, quibus Ughelli partim oblivionem, partim ignorantiam supplebimus.

Sunt igitur, quæ recitatam Archiepiscopi Alfani II. Chartam quatuor Sæculorum antiquitate præstant anteriora Beneventanorum Præfulum Diplomata: Prioris Alfani Episcopi, qui tempore Ducis Arichis I. floruit, Diploma superiori Capite illustravimus; idque anni 615. (quo vigesimus quartus Arichis annus, ibidem memoratus; decurrebat) vetustatem sibi vindicat. Porro sequuto Sæculo, atque Arichis II. tempore, bina habentur eorundem Antistitum Beneventanorum Diplomata: Alterum Episcopi Johannis, cujus Arichis ipse meminit in suo Præcepto patronatus Ecclesiæ S. Mariæ, & S. Marciani: secundum qualiter (inquit) per suum membranum firmitatis & absolutionis, quod Johannes Venerabilis Episcopus Sanctæ Sedis Ecclesia nostra Beneventana suo anulo sigillatum emisit (1): Alterum Episcopi Davidis Chronicon Vulturnense nobis servavit, insigne illud quidem, & non modò lectu, verum etiam observatione dignissimum, quod heic describimus (2):

In nomine Domini Dei, & Salvatoris nostri Jesu Christi. Temporibus Domini Viri gloriosissimi Grimoaldi Summi Ducis Gentis Longobardorum, Anno felicissimi Ducatus ejus, Deo propitio, octavo, Mense Novembris, Indictione quarta.

Ego David Servus Servorum Dei Episcopus Sanctæ Beneventana Ecclesiæ Anno Episcopatus nostri quarte decimo.

Episcopali auctoritate, & antecessorum meorum consuetudine fretus ob salutem, & statum Sanctæ nostræ Ecclesiæ, & pro mercede animæ nostræ concedimus, atque largimur in Monasterio S. Mariæ suo loco sano, ubi Aulada Religiosa Abbatisa regimen tenere videtur, Ecclesiam S. Felicitatis longa jam vetustate corruptam, loco in Monte Mariano, cum parvula terra, quæ circa ipsam Ecclesiam est. Eo tenore in præfato Monasterio eam subdidi, atque tradidi, ut in potestate sit perpetuis temporibus Præpositorum ipsius Monasterii, sic tamen, ut ipsa Ecclesia restauretur, & Cellam ibi, sicut voluerint, constituent, & in sua eam providentia, sicut ceteras Cellas proprias, habeant, & à nullis nostris Successoribus, vel quibuslibet Sacerdotum Ordinibus, aut Antecessoribus Sanctæ nostræ Ecclesiæ in eadem Ecclesia inferant oppressionem, vel molestiam, sed sicut eam tradidimus, libero nomine absque qualibet commotione ipsum Monasterium, & Rectores ejus habere, possidere, & finire valeant. Quod verò Privilegium nostræ concessionis, & largitatis distavimus Luparis, Subdiaconis, & Notarios Sanctæ nostræ Ecclesiæ tradidimus ad scribendum. Actum Benevento in Sacratissimo nostro Beneventano Episcopo, assistantibus Sacerdotibus nostris, & Clero ad firmandum nostram donationem, & largitatem, anulo Sanctæ nostræ Ecclesiæ firmavimus roboratum, ut stabile, & firmum permaneat.

Habes primùm in hujus Diplomatis titulo Episcopum Davidem, Servum Servorum Dei sese appellantem: quod ne putes æmulatione quadam factum, ut nempe hac quoque in re Romanos Pontifices Beneventani Antistites imitari contenderint. Jamdiù ante nostrum Davidem eundem titulum Romanis Pontificibus hæreditarium, ac peculiarem effecerat S. Gregorius Magnus, qui primus omnium, scilicet Romanorum Pontificum (uti testatur Johan. Diaconus Lib. I. Vitæ Cap. I.) se in principio Epistolarum suarum Servum Servorum Dei scribi, satis humiliter defi-

delibus, vel ad Sacrificiū, vel Clericorum usum offerri solebant: de quibus eruditè disseruit Cl. Mabillonius in Præfat. ad Sæc. III. Bened. §. VI., & in Dissert. de Axiom. cap. VIII.

(1) In Chronico S. Sophiæ P. III. cap. 23.

(2) Chronic. Vulturnense Lib. II. pag. 375.; Inter Scriptor. Ital. Murator. T. I. P. II. Exhibuit etiam hoc Davidis Diploma Ughellus col. 46. sed non modò mendosum, verum etiam capite truncatum; quare de anno se prorsus ignarum fatetur: Qualis autem (inquit) fuerit annus Salutis, ignoratur, nec conjecturari qui-

dem potest, cum in documento Indictio, & annus Christi non apponatur. Sed appositam Indictionem, appositum etiam non Christi annum, qui nondum apponi solebat, sed Ducis, sive Principis Grimoaldi, qui tum Beneventi regnabat, ex d. Chronico satis conitat: ad quam notam Chronologicam hæc Muratorius adiecit: Anno 788. Grimoaldus Principatum iniisse creditur, eamque sententiam Historiæ ipse confirmant. Accedat nunc & istud monumentum, in quo rectè convenis Annus octavus (Grimoaldi) in annum 795, cujus Novembri decurrebat Indictio IV.

definit; qua velut pia arte Pontifex Sanctissimus tum Johannis Patriarchæ Constantinopolitani, se Oecumenicum jactantis, thralonicam ostentationem, & factum fugillavit, tum suis Successoribus (ut idem subdit Diaconus) documentum suæ humilitatis hereditarium reliquit (1). Sed non solum ante Gregorium eundem titulum sibi SS. Augustinus, atque Fulgentius usurparunt (2), verum & frequentius post Gregorium alios Episcopos, immo & Reges, ac Principes eadem hac appellatione, seu titulo: *Servus Servorum Dei*: usos, plurima docent antiquitatis exempla, perdiligenter a Gangio collecta (3), quibus jam nostri Episcopi Davidis Chartam addere licet; cui certè Davidi, quemadmodum ceteris, haud in mentem venerit, eximium illud humilitatis exemplum, quod in summis Ecclesiæ Præsulibus coruscare videbant, in propriæ arrogantia argumentum convertere; sed potius consentiebant illi omnes Augustino, ejusdem tituli exemplo, hujusque doctrinæ voce cunctis præeunti: *Hominibus in illo pacis ordine, quo alii subiecti sunt aliis, sicut prodest humilitas servientibus, ita nocet superbia dominantibus* (4). Conscienti certè Roffridus Beneventanus Archiepiscopus, qui etsi ex Longobardorum Principum genere ortus, tamen in Diplomate anni 1078. hunc titulum usurpavit: *Roffridus humilis Archiepiscopus hujus Sanctæ Sedis Beneventanæ*: in fine verò: *Tibi Johanni, Clerico, & Notario, atque Advocatori Sanctæ nostræ Sedis scribere, ego quamvis indignus Archiepiscopus Roffridus taliter jussimus* (5).

Animadvertenda nunc verba illa sunt, quibus Episcopus David Diplomati suo exordium facit: *Auctoritate* (inquit) *Episcopali, & Antecessorum nostrorum consuetudine fretus concedimus, & largimur &c.* Consciendi Diplomatis duplex affertur potestas, *Episcopalis auctoritas, Antecessorum consuetudo*. Utraque profectò Beneventanorum Antistitem veterem fuisse morem demonstrat, ut quæ ad propriam Jurisdictionem pertinerent, pleno jure administrarent; largitionesque suas, eodem ritu, ac pari formularum solemnitate, qua supremi quique Principes utebantur, factis Diplomatis celebrarent; utraque (uti ex Davidis Diplomate argumentari licet) eorundem Antistitem piam sollicitudinem commendat, ut quod è re Ecclesiæ suæ, atque ad Divini cultus instaurationem, atque incrementum pertinere videretur, auctoritate sua constituere consueverint. Id verò, quod ubique, & ab omnibus, & perpetuò servandum imperabant, æquâ, ut dixi, qua Principes, auctoritate, similique Charta, sive Præcepto constituebant. Hinc Davidem vidisti Diplomati suo Beneventani Ducis, sui que pariter Episcopatus annos in notis Chronologicis adhibuisse, atque uti ab illo *Palatium*; ita ab ipso *Episcopium*, meliori fortasse jure *Sacratissimum* appellatum; videas demum Davidis Diploma: *Anulo Sanctæ* (inquit) *nostræ Ecclesiæ firmatum, ac roboratum, ut stabile, & firmum permaneat*; quæ res, quum ad *Plumbei* Sigilli institutum argumentum accedat, viamque sternat, erit curiosius illustranda.

Episcopi Alfani I. Diploma anno DCV. conscriptum, superiori Capite illustratum, ac paullo superius iterum nobis memoratum, adhuc nobis memorandum se offert, observandaque heic præbet verba illa, quæ in fine habet: *Quod monumentum & ut robur habeat, effigiem Sanctæ Crucis affiximus*. An ejus Crucis effigies ipsius Episcopi manu exarata ibi fuerit, vel aliquo certo, stabili Sigillo impressa, non ita facile decerni potest; neque enim infuturum, immò solemne planè fuit Sacris ipsi Antistitibus subscriptiones suas à Crucis prævio signo exordiri, uti in Dissert. de Re Nummaria latè dixi, probatque Beneventani Archiepiscopi Milonis Concilium Provinciale anni 1075., quod in præsentis Capite memoravimus. Certum illud est, Diploma alterum, seu *Membranam* Beneventani Episcopi Johannis ab Arichi II. memoratum illius anulo sigillatum fuisse: quem quidem anulum non in familiarem, privatumque ejus Episcopi usum fuisse, sed ad ipsam Beneventanam Ecclesiâ, Archiepiscopalis auctoritatis velut insigne, ac publicæ, perpetuæque rerum gestarum, monumentorumque omnium fidei testem, pertinuisse satis indicat recitatum Episcopi

ALTER

B b b

scopi

(1) Vide quæ in hac rem satis opportunè, eruditèque observant PP. Benediktini S. Mauri in Præfat. ad ejus Gregorii Epistolam n. xi. T. II. Opp. pag. 481. edit. Venet.: Vide etiam Thomassinum *De Vet. Eccl. Disc.* P. I. Lib. I. cap. xii. n. xvi.

(2) S. August. Epist. 117. ad Vitalem: *Augustinus Episcopus, Servus Christi, & per ipsum servus servorum ipsius*. S. Fulgentius Epistolam v. sic inscribit: *Domino Sancto Fratri, & Compresbytero Eugippio Fulgentius servorum Christi famulus*.

(3) In Glossario Med., & infim. latin. verb. *Servus servorum Dei*. Vide de eodem titulo Matthæum Westmonast. ad an. 605. Serrarium ad Epist. 2. S. Bonifacii Ep. Mogunt., Guffanvillæum, & Altaferram ad ejusdem Gregorii Magni Epistolam.

(4) De Civit. Dei Lib. XIX. cap. XV.

(5) Chron. S. Sophiæ P. VI. N. V.

scopi Davidis Diploma, qui proximus Johannis successor, *anulum Sanctae nostrae Ecclesiae adhibuisse affirmat*. Ad haec praefatus Archiepiscopus Milo, praeter Crucis Signum ei Diplomati subscriptum, quo Provincialis sui Concilii authenticum, ac perpetuum documentum reliquit, Sigillum etiam eidem Diplomati adjecisse testatur: *Præterea (inquit) nostra Benevolentia omnibus quidem obnoxia, sed maxime Dominum timentibus, & domesticis Fidei Commis, & devota (1) decrevit in eadem Synodo cum omnium assensu secundum Canonum auctoritatem fieri Praeceptum ad partem dicti Monasterii, & nostro Sigillo corroborari, & propria manu signari, ac confirmari &c.* Qui vero Miloni successit, Roffridus Archiepiscopus in suo Diplomate paullo superius memorato similia habet hinc verbis: *Ut hoc perpetualiter, & stabile permaneat, & ab omnibus observetur immobiliter, nosmetipsi propria manu subscribendo Signo Sanctae Crucis illud corroboravimus, & Sigilli nostri impressione insigniri praecipimus, & demandavimus, & sigilli nostri insignia appendi volumus*. Hanc nostri Archiepiscopi Roffridi Chartam indicavit diligentissimus, ac eruditissimus Gangius, de pensilium Sigillorum perantiquo usu agens in suo Glossario, illud tamen incertum relinquens, quæ ex materia Roffridi Sigillum fuerit: *Verum (inquit) crederem, an plumbeum fuerit, ex his non liquet*. De materia mox videbimus: nunc de Sigilli forma, seu characteribus agendum est.

Dum itaque Anuli, ac Sigilli, quibus Diplomata sua muniebant, Beneventani Antistites meminerunt, utrobique certum est characteres, five Symbola quædam insculpta fuisse, quæ ceræ, vel plumbo representata indubie fidei facerent Chartam, cui vel impressa, vel suspensa inhaerent, ad Ecclesiam Beneventanam, ejusque Praefules pertinere. Otiosum proflus fuerit id exemplis comprobare, quæ ex universa antiquitate præsto sunt, dum apud privatos quosque homines, nedum Principes, Magistratus, ceterosque potestate præditos, anulorum, quos *Signatorios*, aut etiam *Sigillarios* appellabant, usum perpetuum, frequentissimumque fuisse constat; quos in signandis publicis, privatisque tabulis, epistolis, testamentis &c. adhibebant, suis cujusque signis, ac hieroglyphicis notatos, ac summa custodia servatos (2). Præstat itaque Beneventanæ Ecclesiae Anulo, seu Sigillo quid representaretur, novisse. Non id certe in ipsis archetypis, quos vorax tempus absumpsit, intueri nobis datur; neque ex relatis hactenus Johannis, Davidis, Milonis, Roffridi Diplomatum certi aliquid elucet. Suppetit tamen ex altero Johanne ejus nominis tertio Beneventano Episcopo didicisse, qui prior ejus Anuli figuras, ac characteres in suo Diplomate anni 928. satis præclare, ac distinctè describit: Sic enim habet: *Ut hæc ab omnibus incunctanter serventur, anulus Sanctae Genitricis, figurantibus in una parte Signum Sanctae Crucis cum arcu in utroque Crucis latere, cum duabus Columbis astantibus, atque in altera parte nomen Sanctae Mariae in Cruce affixum depinximus roboratum*. Recitat hanc Chartam Ughellus semel, atque iterum; tum scilicet in Chronico S. Sophiae Part. vi. num. 1. col. 699., tum in eodem Episcopo Johanne col. 69., quo loco corruptum Chronici exemplar, novis ipse maculis inquinavit, sic habens: *Et ut hæc ab omnibus incunctanter annulis imaginem Genitricis figurantibus in una parte &c. ubi noscis omissem: serventur; perpetam verò adjectam: imaginem*. Haud melior se habet Ughellus in recitando altero primi Archiepiscopi Landolfi Diplomate anni 975., ubi ejusdem Anuli descriptio occurrit, in hæc quidem verba, col. 98., & 700.: *Et ut ab eis incunctanter credatur, anulus Sanctae Dei Genitricis figurantibus in una parte signum Sanctae Crucis cum arcu, in alteroque (in utroque) Crucis latere duabus Columbis astantibus, & in altera parte nomen Sanctae Mariae in Cruce depictum affiximus roboratum*. In priore igitur Anuli descriptione ex Episcopi Johannis Diplomate recitato delenda vox illa est: *imaginem*: non enim imago Deiparae ibidem habebatur, sed ejus duntaxat venerandum Nomen in altera Anuli facie Cruci adscriptum, seu depictum, aut affixum. Anulum igitur adhibuit tum Episcopus Johannes, tum Archiepiscopus Landolfus, aut, ut vocant, *anulos Sanctae Dei Genitricis figurantes in una parte &c.* quibus verbis patefaceret, Anulum illud ad Ecclesiam Beneventanam pertinere, quæ Sanctae Dei Genitricis, seu S. Mariae à suis initiis dicata, ejusdem nomine, ac titulo appellari semper gloriata fuit; ita ut qui Anulus Sanctae Dei Genitricis dictus est, idem ipse Ecclesiae Beneventanæ intelligendus sit.

Sed deteriora adhuc nobis Ughellus obtrufit. Quid enim illud sit in utroque Diplo-

(1) Ita emendandum pro monstris illis *Comes in ve* *mo*, uti habet Ughellus T. vii. col. 136., & 703., & ex ipso nostro Synodicon Provinciale ab Urfino editum pag. 22.

(2) Vid. Joh. Kirchmannum in Tractatu de Aon- *lis* cap. v., xxi., & xiv. edit. Francof. 1672.

mate recitatum; atque in antica Anuli parte descriptum Signum Crucis cum arcu in utroque Crucis latere, nemo certè divinaverit. Sed non mihi Oedipo fuit opus, ut hanc Ughellianam Sphinxem interpretarer. Adfuit enim, adestque laudati Archiepiscopi Originale Diploma anni 971., unicum quidem illius monumentum, ætatem adhuc ferens, ac in nostra Bibliotheca servatum, in quo sic præclarissimè is locus legitur: *Et ut hæc ab eis incunstanter credantur, anulis Sanctæ Dei Genitricis figurantibus in una parte Signum Sanctæ Crucis cum A. & ω in utroque Crucis latere &c.* atque ita planè in aliis ejusdem Landolfi, atque etiam Episcopi Johannis Diplomatis legendum ex eadem Autographa Charta omninò discimus; discimus, inquam, ex ejus Chartæ verbis, non verò ex Sigillo, quod in Diplomatis fine, & ante aliorum subscriptiones ceræ rubræ impressum, vetustate consumptum, sua tantùm vestigia reliquit, ac membranæ incisionem in Crucis formam factam, unde utriusque partis cera conglutinabatur, & utramque Sigilli faciem ab interiori scilicet, exteriorique Chartæ facie repræsentabat. Sed ferendam nobis Sigilli jacturam Archiepiscopus Landolfus voluit, qui illius Characteres ita diligenter exposuit, ut Sigillum ipsum ob oculos posuisse videatur. Ut Landolfi igitur Diploma, Ughello ignoratum, ac nusquam hætenus editum in lucem proferatur, æquum est (1); qua pariter luce

ALTER

Bbb2

ipsum

(1) Servatur id Diploma in nostra Bibliotheca inter alia Diplomata Originalia inclusum Tubo III., ejus verò exemplar extat in Bullario Selecto n. 12. pag. 49. Ex ipso verò Originali à me descriptum ita se habet.

In nomine Domini Dei Salvatoris nostri Jesu Christi. Vigesimo octavo Anno Principatus domini Landolfi eximia Principis, & tertio anno domini Landolfi gloriosi Principis filii ejus, mense Aprilis, quartadecima Indictione, nec non & secundo domini Landolfi venerabilis Archiepiscopi, quo, Deo favente, Beneventane, & Sipontine Ecclesie Archiepiscopus ordinatus est. Nos Landolfus in prefata Sanctæ Dei Genitricis sede Archiepiscopifex prelatum. Sicut sacre nobis commendant Scripturæ, nulli Episcoporum licitum est, quamlibet plebem alie subdere, vel aliqui unius auferre tituli, & alio addere. Sed cogente nos aliqua necessitate tulimus de hoc nostro Archiepiscopulatu Hospitio res quantalibet habuit infra Castaldatu Tockensi, & in Caudim ad pontem Urbi. Quamobrem nos prefatus Landolfus Archiepiscopus ad revocandum in ipso Xenodochio quod exinde abstulimus, precatu Johannis ipsius nostri Hospitii Abbatis cum consensu Sacerdotum, & Levitarum, omniumque ordinum Clericorum per hoc nostrum roborem Preceptum concessimus in jam fato Hospitio Ecclesiam Sancti Cipriani, que esse noscitur super Valvani cum omni sua pertinentia, & cum titulis suis Ecclesiis, & cum omnibus earum pertinentiis. Addentes insuper eidem nostro Hospitio quantum attenus habuimus de Ecclesia Sancti Vitaliani, exceptantes ex ea, quantum nuper per vicariam tulimus a Malone filio Magepotonis. Adjicientesque ibidem Ecclesiam S. Petri loci Centiole, quam in beneficium

ab hac nostra Sede tenet Johannes Bibinensis Episcopus, & Ecclesiam S. Angeli de loco Quasirano, quam tenet Rosfrid Clericus in beneficium, post obitum eorum scilicet. Utrumque concessimus ibidem hereditatem de finibus Petre Sturmine, quam per offerentiam habemus a quodam Gaidenardo jam fute Petre habitatore. Igitur & quia tulimus de predicto Hospitio silvas, quas habuit in finibus Tamari fluminis, ideo volumus, & sub eo sunt terre, quas habemus ultra Pontem S. Valentini, loco qui dicitur ad plana, que nunc videntur teneri a Johanne Presbitero camitano, & Isclam quam tenet Gaidaris Diaconus citra predictum Pontem cum posita in aqua illi adherente, ea scilicet ratione, ut amodo, & deinceps prefata omnia perpetuis temporibus inconcusse maneat in ipso Hospitio sub potestate Abbatis ejus absque predicta omnia, que nonnisi post supra nominatorum discessum ibi eventienda concessimus. Et ut a nullo ex nostris Successoribus hoc rem overi per Deum Omnipotentem Simplicem, & Trinum, ejusque Sanctos omnes adjuramus; & ut ab eis incunstanter credatur, anulis Sanctæ Dei Genitricis figurantibus in una parte signum Sanctæ Crucis cum A. & ω in utroque Crucis latere duabus Columbis astantibus, & in altera parte nomen Sanctæ Mariæ in Cruce depictum effiximus roboratum. Quod videlicet Preceptum tibi Aloni Diacono scribere injungimus, nec non & propriis manibus Sacerdotes, reliquosque Clericos nostros se subscribere jussimus, & pro confirmatione predictorum omnium secundum consuetudinem Preceptorum manu nostra subscripsimus.

Actum Beneventi in Sacratissimo Archiepiscopio.

LANDOLFUS ARCHIEP.


† Ego Leo Archiepiscopus ex iussione Domini Landolfi Archiepiscopi me subscripsi.
† Ego Magenolfus Archidiaconus ex iussione Domini Landolfi Archiepiscopi me subscripsi.
† Ego Madelmus Diaconus ex iussione Domini Landolfi Archiepiscopi me subscripsi.
† Ego Adelferius Diaconus ex iussione Domini Landolfi Archiepiscopi me subscripsi.
† Ego Sinaragus Presbiter ex iussione Domini Landolfi Archiepiscopi me subscripsi.
† Ego Petrus Presbiter, & Abbas ex iussione Domini Landolfi Archiepiscopi me subscripsi.

Unus
sigilli

† Ego Petrus Presbiter ex iussione Domini Landolfi Archiepiscopi me subscripsi.
† Ego Rodogarius Presbiter ex iussione Domini Landolfi Archiepiscopi me subscripsi.
† Ego Lozarus Presbiter ex iussione Domini Landolfi Archiepiscopi me subscripsi.
† Ego Castelpoto Presbiter ex iussione Domini Landolfi Archiepiscopi me subscripsi.
† Ego Andoaldus Presbiter ex iussione Domini Landolfi Archiepiscopi me subscripsi.
† Ego Leo Presbiter ex iussione Domini Landolfi Archiepiscopi me subscripsi.

† Ego

ipsum Sigillum donavimus, cujus utramque effigiem, qualem Landulfus depinxit, aerea tabula expressam, heic Lector spectabit: neque enim (quum alio dein Sigillo Ecclesia Beneventana uti coeperit) perire illud vetustum, atque insigne monumentum passi sumus; quod non solum immortalis memoria, verum etiam opportunis observationibus illustrari dignum videri debet.



Ac primum illud animadvertimus, nullum in eo Anulo, vel Sigillo fuisse Archiepiscopi Landolfi vel nomen, vel aliud insigne. Non id enim ambitiosum fuisset, dum Episcopis in iis Anulis, Sigillis, Bullis, quibus Chartas suas confirmabant, suum insculpsisse nomen ea, quæ hodieque servatur, consuetudo semper fuit. Hinc Concilium Cabilonenſe 11. anni 813. can. 41. Literas publicas, seu *patentes* meminit, in quibus *sint nomina* Episcoporum.

† Ego Johannes Archisubdiaconus ex iussu Domini Landolfi Archiepiscopi me subscripsi.

† Ego Petrus Subdiaconus ex iussu Domini Landolfi Archiepiscopi me subscripsi.

† Ego Maso Subdiaconus ex iussu Domini Landolfi Archiepiscopi me subscripsi.

† Ego Johannes Clericus, & Abbas ex iussu Domini Landolfi Archiepiscopi me subscripsi.

† Ego Johannes Subdiaconus ex iussu Domini Landolfi Archiepiscopi me subscripsi.

† Ego Magbenolfus Subdiaconus ex iussu Domini Landolfi Archiepiscopi me subscripsi.

† Ego Petrus Subdiaconus ex iussu Domini Landolfi Archiepiscopi me subscripsi.

* BE NE VA LE TE.

Characterum formam, ac specimen, quibus tum Diploma, tum Subscriptiones conscriptæ sunt, dabimus in Dissertatione sequenti, ubi *De Re Litteraria* sermo erit. Quæ autem in hinc subscriptionibus Cleri Beneventani in varias dignitates, ordinesque distinctio elucet, in sequenti Capite, ubi de ipso Clero sermo erit, uberius illustrabitur. Ex notis Chronologicis huic Diplomati inscriptis, nempe Anni secundi, ex quo Landulfus, Deo favente, Beneventanus, & Sipontine Ecclesie Archiepiscopus ordinatus est, nec non Indictionis decime quartæ, quæ Mense Aprilis anni 971. decurrebat, luculentius comprobatur Epochæ erecti Archiepiscopatus Beneventani, Mense scilicet Maii anni 969. Formulam BENE VALETE, quæ noster Landulfus Diploma suum claudit, integræ dictione, Sylla-

bis tamen (uti superius videtur) inter se brevi spatio disjunctis adjectam voluit. Varius certe ejus exprimendæ formulæ mos fuit. Papias Grammaticus in suo Lexico, seu *Elementario V. Formata*: de Privilegiis Summorum Pontificum loquens: *Habent* (inquit) & *Privilegia Prologos*, & *Monogrammata* hujuscemodi in fine BVL, quod est: Bene valete. Signum autem in Privilegiis exordio vel *Crismen*, vel *Crux Dominica* &c. Quod tamen Crucis signum non in exordio nostræ Chartæ, ubi Christi tantum invocatio habetur, sed ipsam formulam Bene valere antecire videtur, quæ majorem ei vim conciliet: eique salutationi respondet, quæ Pontifices in suis olim Epistolis in fine sic habebant: *Optamus vos in Christo bene valere*. Vid. Ep. 104., & alias Johannis VIII.

na Episcopi, & Civitatis plumbo impressa: ac Flodoardus Hist. Remens. lib. 3. cap. 17. missas ad Nicolaum PP. ab Actardo Episcopo Literas tradit, quas Bulla sui nominis sigillavit. Statutum Ottonis Cardinalis Legati in Anglia anni 1237. apud Matthæum Parisi, & Linderothum: Habeat unusquisque Archiepiscopus, & Episcopus &c. Sigillum, puta nomen Dignitatis, Officii, seu Collegii, & etiam illorum proprium nomen, qui dignitatis, vel officii perpetui gaudent honore, insculptum notis, & characteribus manifestis, sicque sigillatum authenticum habeatur. Sed nec aliis exemplis rem probare opus fuerit, quam omnium ætatum, omniumque personarum sigilla manifestam præferunt; in quibus rarum admodum illud fuerit, proprium nomen non occurrere, vel præclaro, seu integro vocabulo, vel saltem Monogrammate expressum. Landolfi itaque modestiam intueri potius, quam nomen licebit, qui licet è Longobardorum genere ortus, ac primus omnium Archiepiscopali dignitate auctus, nonnisi veteri Sigillo, quod superiores Beneventani Episcopi adhibebant, uti voluit, hanc non tam Decessoribus suis, quam Sanctæ Dei Genitrici reverentiam testatus, cujus ipsum esse Sigillum, seu Anulum affirmat, unde Ecclesia Beneventana, ejusque Antecessores, summum sibi honorem, perpetuamque monumentis suis fidem, atque auctoritatem comparabant.

Est igitur in antica ejus Sigilli parte affixa Crux, cujus ad utrumque latus A, & ω adscripta, binæ quoque sunt æstantes Columbæ. De Sigillis illis Cruci adjectis, notiores est, quam ut longius explicetur post ea, quæ a me in Dissertatione de Re Nummaria, ac plurima, quæ ab aliis passim observata sunt. Vetus is mos, ritusque fuit, vel ad Crucis Signum, vel ad Christi Monogramma Characteres illos adjungere, quibus ipse Christus Apocalypsis 1. 8. se ipsum commendat inquit: Ego sum Alpha, & omega, Principium, & Finis: ut doceret, quem Fideles sui profiteri lætantur, Deum se esse, qui Homo factus est, Crucifixus pro nobis; ut propterea salutari illi Signo, divinum opus, mysteriumque representanti, adjectæ illæ Divinitatis notæ divinos exhibendos honores ostenderent. Æstantes verò eidem Cruci adduntur Columbæ, illam veluti adorantes, ut iisdem, quibus cœpta est, Symbolis res tota conficeretur. Columbas in Templis, Tumulis, Anulis, Sigillis insculpere solemne, jucundumque Christianis fuisse, innumera monumenta demonstrant, ab Aringho (1), Mabillonio (2), Fabretto, Boldetto, aliisque passim celebrata. Illarum verò imagine ipsi se Christiani effingere gestiebant, Christi auctoritatem sequuti, qui Columbæ simplicitatem sectatoribus suis imitandam proposuit. Adorantes verò in nostro Anulo æstant Columbæ, ut qua mente exhibendus Deo cultus a Christianis sit, ostendatur; quod etiam, qui falsa religione imbuti erant, servandum volebant, puras manus, non tam fordibus, quam scelus expertes, ad Cælum tollendas momentes (3). Cæterum quæ de sua Cruce, Columbisque in Nolanæ Ecclesiæ aditu dextrâ, lævâque superpictis, binis Epigrammatibus eleganter cecinit S. Paulinus Episcopus, eadem nos de Ecclesiæ Beneventanæ Anulo satis aptè recitabimus:

*Ardua floriferæ Crux pingitur orbe Corone,
Et Domini fuso tincta cruore rubet.
Quæque super Signum resident celestæ Columbæ,
Simplicibus produnt Regna patere Dei.*

Hæc in dextrâ; in læva verò:

*Hac Cruce nos Mundo, & nobis interfice Mundum,
Interitu culpe vivificans animam.
Nos quoque perficias placitas tibi Christe Columbas,
Si vigeat puris Crux tua pectoribus (4).*

Ad posticam Anuli faciem quod attinet, Nomen Sanctæ Mariæ in Cruce depictum ibi fuisse Archiepiscopus Landolfus commemorat; quod & nos ita effingendum curavimus, ut literæ non continenter scriptæ, sed in ipsa Cruce distributæ haberentur. Quam enim

(1) Rom. Subter. lib. vii. cap. i.

(2) De Cultu SS. Ignor. cap. xxiii.

(3) Vide Brisson. de Formul. lib. i. cap. iv.

(4) Epist. xli. ad Severum: in ultimo versu editiones

habent: Pars tua: at nullus dubito scribendum: Crux tua: uti jam scripti: quo vocabulo sensus magis constat, & usus certè videtur Paulinus.

id nomen non supra, nec subter, neque ab utroque latere depictum dicatur, in media autem Cruce, sive recta, sive transversa linea inscribi potuisse, vel debuisse, nullo modo dicendum sit, consilium fuit, ut Cruci, quemadmodum spectandum dedimus, affixum exhiberetur. Consilii ratio fuit, quod in eandem formam Monogrammata tunc temporis à nostris praesertim Longobardis Principibus exarari consueverint, dum Nominis sui signum Diplomatibus adscriberent: de qua re latè egimus in Dissert. *De Re Nummaria*, quo loco eorum Monogrammatum diversas effigies aere incisas dedimus; in quibus Nomen ita Cruci adpictum visitur, ut illius literæ in varias partes, omnesque angulos distribuuntur. Eodem itaque ævo, eodem quoque more, atque exemplo nomen *Sancta Maria in Cruce depictum* Episcopalis Anulus præferre debuit, Monogrammatis instar, quod tamen nullo negotio *Sanciam Mariam* legendam exhiberet. Sed de veteri Beneventanæ Ecclesiæ Anulo, seu Sigillo jam satis: de posteriore nunc, eoque *plumbeo*, Sigillo dicemus.

Non *aurei* tantum, *argenteique*, verum etiam *cerei*, ac *plumbei* Sigilli, (quod etiam *Bullam* appellabant) usum Constantinopolitanos Imperatores habuisse, omnium vice testis erit Codinus, qui in *De Officiis* illius Aulæ cap. 5. num. 27. Augustus ad Uxorem, Matrem, Filium Imperatorem scribentes *cerea*, ad Despotas, Patriarchas, & reliquos honoratiores Principes *bullæ plumbeæ* uti solitos tradit. Porro ab iisdem Augustis, Magistratibus suis ad Provinciarum administrationem cum imperio missis, *plumbeo* Sigillo, seu *Bulla* utendi facultatem faciam præclare docent Diplomata a Symbaticio Patricio, dum Beneventi anno 892. dominaretur, tum pro Ecclesia Beneventana (1), tum pro Monasterio Casinensi facta (2). Patriarchas autem Constantinopolitanos, non solum in cera *prafina* (nam *rubra* ad Augustos pertinebat), verum etiam *Plumbeo* Bullas suas signare solitos ostendunt illorum Sanctiones quamplures, quas inter illa Germani hæc habet in fine: *Habuit scriptum Mense Junio, Indictione v., Patriarchæ, & Divina Manu. Pendebat autem infernè Plumbea Bulla, habens ex una parte Sanctissimam Desiparam, ulais gestantem Dominum nostrum Jesum Christum, ex altera autem has Literas: Germanus Dei miseratione Archiepiscopus Constantinopoleos novæ Romæ, & Oecumenicus Patriarcha* (3).

Ad Romanos Pontifices quod attinet, (nam de aliis Principibus non hæc aliorum observationes repetam (4)) quando *Bullæ* uti cœperint non omnino convenit. Sunt enim, qui ad S. Silvestrum I. eum usum extollant, ejusque *Bullam* in Ecclesiæ Arretinæ Archivis servatam affirmant (5): alii contrà, non ante Sæculum XI., atque ab Alexandro II. eundem receptum usum arbitrantur (6); quos tamen antiquiora indubiæ fidei redarguunt Summorum Pontificum *plumbeæ* Sigilla adhuc extantia, quæ ad medium Sæculum octavum pertinent. Quare veri fatis simillima Polydorus Virgilius nobis tradidit, ajens Agathonem PP. in *Cera* Anulo impressisse sigilla; verum postea cum Summus Pontifex multa irrogaret Privilegia, ut Diplomata diuturniora forent, placuisse Stephano III., & Adriano I. Tabulas Apostolicas plumbo obfirmari; nec antiquius Sigillum plumbeum reperiri opinatur: & sanè primum omnium, quod Muratorius spectandum dedit, est Pauli I., qui inter Stephanum, & Adrianum Pontificatum inivit anno 757. (7). Vera etiam nobis tradidit Dom. Raynaldus, observans in plumbeis vetustiorum Pontificum Sigillis non impressas fuisse Imagines SS. Petri, & Pauli, sed tantum Pontificis illius nomen, cujus Literæ obfirmabantur: nam (si supradicti Pauli I. sigillum excipias, in cujus altera facie Apostolo-

(1) De hoc Diplomate, quod recitat Ughellus col. 68. non sine mendis in ipso etiam Symbaticii nomine, quod in *Cosinam Autium* mutat, alibi egimus. Nunc quæ in ejus fine leguntur, atque ad rem propriam pertinent, tantum describimus: *Et ad confirmandam, & credendam hanc meam Entheimam plumbea Bulla fecimus eam bullare juxta nostram consuetudinem.*

(2) Meminit Leo Orlensis Chron. Casin. Lib. I. cap. 49, ubi ipsius Symbaticii dignitates, seu munera, quibus funderetur, recenset, quæ etiam in ejus Diplomate, seu *Entilma* leguntur: in ejus autem fine asseritur, *bullatum cum Bulla plumbea*, ut ex registro Petri Diaconi n. 136. notat Angelus de Nuce ad dictum Orlensis locum. Gregorius etiam, sive Georgius Symbaticii successor Monasterio S. Vincentii ad Vulturum suum quoque dedit Diploma, seu *Entilma* relatum in Chronico d. Monasterii T. I. P. II. Scriptor. Ital. pag. 413.: *Cum residerem* (inquit) *intus Palatio Bene-*

venti; & in fine: Quam verò Entilmam nostram bullavimus cum bulla nostra plumbea Mense Augusti, decima Indictione.

(3) Tom. I. Juris Græco-Rom. Lib. I. Sent. Synodali Germani Patriarchæ pag. 286.: Alia exempla ex eodem Tomo exhibet Joh. Kirchmannus *De Anulis* cap. VIII.

(4) Vid. Gangium in Glossario.

(5) Dom. Raynaldus apud Leonem Allatum Lib. I. cap. 6. *De perpetuo conf. Occid., & Orient. Eccl.* At Muratorius in Dissert. *De Sigillis Med. Ævi* T. III. Antiq. pag. 91. Arretinum Archivum oculis perstrutatus, nihil tale deprehendisse testatur; unde etiam Raynaldi somnia esse putat de plumbeis aliis Bullis Leonis I., & Gregorii I. ab eo laudatis.

(6) Petrus Boerius in Glossis ad Vit. Pontificum apud Muratorium I. I. pag. 90.

(7) In d. Dissert. pag. 131.

rum vultus, in altera verò ΠΑΤΑΟΥ nomen occurrit), quæ ad Honorium II. anno 1124 Pontificatu potitum, ab eodem Muratorio exhibentur Sigilla, ex una proprium nomen, ex altera verò parte PAPÆ titulum præferunt (1). Quamquam ex ipsis sigillis id definire haud tutum sit, quum non omnia ad manus haberi, nec ad posteros evasisse potuerint. Hinc Raynaldus ipse non ante Adrianum IV. adhibitas Petri, & Pauli effigies se reperisse ait, idest circa annum 1155., quod tamen alii ad Paschalem II. referendum censent (2).

Certum autem illud affirmari debet, Romanos Pontifices hunc plumbei sigilli, sive Bullæ usum non aliis quidem, sed sibi metipsis, suæque Pontificiæ auctoritati acceptum retulisse, itaut supremæ suæ potestatis jure, hoc quoque, uti alia quæque sibi congruentia majestatis insignia, dum opportunum visum fuisset, sibi attribuerint; non alio autem pretiosiore metallo (3), quam plumbo usi, de qua re libet heic referre illa, quæ vetustus Sæculi XIII. Poeta a Mabillonio vulgatus cecinit:

*Dic, facunde Comes, de quo sit Bulla metallo?...
Credo, quod ex fulvo, nec mirum, splendeat auro;
Conveniens tanto est aurea Bulla Patri.
Aurea si non est, argento clara refulget?
Ære figurari non levius potest...
Non auro, non argento Sacra Bulla refulget:
Insignit Chartas plumbea forma sacras...
Malleus imposita viâ dat tria verbera masse,
Et subito plumbum se novat ære novo...
Virtus verborum Papæ sic imperat æri,
Ut faciat, quicquid verba sacrata jubent. (4).*

Adeo verò, ut dixi, certum est proprio jure, ac quidem supremo, plumbeam Bullam ad Pontifices Romanos pertinuisse, ut aliis, non nisi Privilegii loco, usurpandam indulerint. Audi Ptolomæum Lucensem in Annalibus brevibus ad An. MLXIV. ita loquentem: Eodem anno Alexander II. Papa Civitatem Lucensem nobilitat. Nam primò ei tribuit Bullam plumbeam pro Sigillo communitatis, ut habet Dux Venetorum &c. Ad Ducem verò Venetorum quod attinet, scio Marinum Sanutum juniorem Historiæ Venetæ Scriptorem, id memoriæ tradidisse, Emmanuelem scilicet Græcorum Imperatorem privasse Ducem Venetum Privilegio bullandi plumbo, quæ prærogativa ab aliis Imperatoribus ei concessa fuerat (5). At qui inclytæ ejus Reip. res gestas præclare persequutus est Sabellicus, ut Venetorum Duces Literas, & monumenta publica plumbo obliquent, id inquit Alexandro Pontifici acceptum ferri, qui, cum Ducem Literas ad Fridericum Imperatorem de fide Legatis habenda cœra obsequantem conspexisset, in Ciani, & aliorum gratiam mandavit, ut Ducaria deinceps Literæ plumbo munirentur (6). Quamquam ex Obbone veteri Historico is ipse Sabellicus paulò post affirmat, duplici Venetos Principes ad eam diem signandi forma usos fuisse, ut publica monumenta plumbo, Epistolas, ac reliquos libellos cera communirent: sed tunc primùm Alexandro auctore receptum, ut in his quoque plumbo illi uterentur; & sanè longè ante Alexandrum plumbeo Sigillo Duces Venetos usos, probat Sanfovinius (7).

Utrumque autem res isthæc fuerit, haud certè probanda Muratorii sententia est, qui plumbeas Bullas nactus, in quæ & Theophylacti Presbyteri, & Gaudentii Primicerii, & Theodori

(1) L. I.

(2) Sub Paschali II., qui labente Sæculo XI. Pontificatum iniit, SS. Apostolorum in plumbeis sigillis effigendum morem cepisse censet Doubletus pag. 471. apud Gangium. Victoris II. (qui post medium idem Sæculum floruit) ex Archivio Casinensi plumbeum sigillum profert Muratorius l. I. pag. 98., in cujus antica visitur Imago solius S. Petri, cui porrigitur Claves, cum hac Epigraphe in circulo: Tu pro me navem li-quisti, suscipe Claves. In poetica Urbis Romæ facies, cui supra: Aurea: subitas: Roma: in circulo: Victoris Papa II.

(3) Bulla aurea Romanos Pontifices usos ait Raynal-

dus in confirmatione Romani Imperatoris. Sed & Spelmanus refert, Clementis VII. Diplomati, quo Defensoris Fidei titulum Henrico VIII. Regi Angliæ contulit, appensam esse Bullam auream.

(4) Mabillonius Veter. Analect. pag. 376. edit. Paris. an. 1723.

(5) Hist. Venet. sub Sebastiano Ziano Duca. T. XXIII. Scriptor. Ital. Muratorii.

(6) Hist. Venet. Dec. I. Lib. VII.

(7) Hist. Venet. Lib. II. Vid. Kirchman. l. I., & Renatum Choppinum De Dominio Galliæ Lib. II. T. II. pag. 224. n. 8.

dori Notarii, aliorumque privatae conditionis hominum nomina occurrunt, suspecta exinde sibi fieri ait vetera, quae afferuntur, concessi plumbei sigilli privilegia, cujus sigilli usum passim honesti quique viri habuisse probantur (1). Satius enim Muratorio fuisset, si haec ad inferioris ordinis, privataeque fortis homines pertinentes, plumbeas Bullas in earum censum retulisset; quas hodieum a Mercatoribus in suis obsignandis mercibus passim adhibitas spectamus: aliud enim est plumbo uti in eo sigillo effigendo, quod privatis quibusque hominibus in suis Epistolis, aliisque domesticis rebus apponere fas semper fuit, aliud verò, ut qui jurisdictione fungantur in Diplomatis, Edictisque suis ejusmodi sigillum adhibeant, quod supremæ potestatis indicium est, atque summi Principes sibi unis vindicasse noscuntur. Quare nonnisi eximiam, magnique æstimandam illam prærogativam, sive Privilegium censebimus, plumbeum sigillum, seu Bullam Diplomatis appendendi, quo Beneventani Antistites pluribus ab hinc sæculis præditi, etiamnum potiuntur.

Cœptum eum morem, vel potius istud illis privilegium concessum putaverim labente sæculo xi., quo maxime Romani Pontifices Beneventanam Urbem adire consueverunt; itaut diu ante Archiepiscopum Lombardum a Cardinali Archiepiscopo Sabello superius memoratum, Archiepiscopum Rosfridus, qui anno 1076. federe cœpit, plumbei Sigilli usum inexistisse videatur, ejus Diplomate satis tutam conjecturam præbente, ubi sui Sigilli insignia appendi voluit, quo appendendi verbo haud certe alii Archiepiscopi usi sunt, qui sigilli impressione sua Diplomata confirmasse testantur: hinc quemadmodum imprimendi verbum ad Ceram, ita appendendi ad Plumbum congruenter referendum erit. Certum verò illud est, insignia ipsa a Rosfrido memorata, diversa planè ab illis fuisse, quæ olim Beneventanæ Ecclesiæ Anulus, sive Sigillum, nobis superius illustratum, proferebat. Posterioris Sigilli, seu Bullæ Characteres exhibet supradicti Archiepiscopi Lombardi Diploma originale in nostra Bibliotheca servatum, datum anno ejus Archiepiscopatus quinto, idest anno 1175., in quo Diplomate præter ejusdem Archiepiscopi subscriptionem adest Signum circulare, quod hæc ambiunt verba: *Custodi nos Domine ut pupillam oculi*: in area verò ejusdem circuli:

Sancta	María
Scs Bar	tholomæus
Lombardus	Benevent.
Archie	piscopus

Tum membranæ affixa est cordula serica appensam retinens Bullam plumbeam; in cujus antica facie Crux insculpta est, atque hinc a pectore sursum Imago Deiparæ, inscriptis supra ejus Caput his Literis S. M., & ab altero latere Imago S. Bartholomæi cum S. B.: in postica verò visitur effigies ipsius Archiepiscopi Tiaram, seu Regnum in Capite gestantis, cum hac circulari Epigraphe: *Lombardus Ben. Archiepiscopus*. Servata deinde est ejusdem plumbeæ Bullæ forma, excepta duntaxat Archiepiscopi effigie, cujus loco pars postica solum ipsius nomen insculptum præferre cœpit. Ejus posterioris Bullæ exemplar (cujus usus hodieque obtinet) supradicto veteri Anulo in eadem ærea tabula adjectum Lector aspiciet. Placuit itaque in eo Sigillo, quod olim Anulus Sanctæ Dei Genitricis appellabatur, pro Ejus nomine effigiem ipsam insculpere; placuit & S. Bartholomæi alteram adpingere; cujus rei exemplum ab ipsis Romanis Pontificibus profectum videri potest, qui tunc temporis SS. Petri, Paulique Imagines suis Sigillis adhibere maxime consueverunt: At quæ in Pontificio Sigillo Apostolo Paulo tribuitur, servata in nostro Deiparæ Virgini dextra est (2). Qui verò a læva adstat Apostolus Bartholomæus, hanc sui præcipui patronatus notam, hanc Beneventanæ Ecclesiæ erga se reverentiæ tesseram accepit. Sed jam de Ecclesiæ Beneventanæ, ejusque Antistitum prærogativis, etsi non omnino pro eorum dignitate, pro instituti tamen operis ratione hactenus dicta sufficiant.

CA.

(1) In d. Dissert. De Sigillis Med. Ævi T. III. p. 135.

(2) Cur in Bullis Romanorum Pontificum S. Pauli Imago dextram, S. Petri sinistram partem occupent, pluribus disserit Leo Allutius De consensu utriusque Ecclesiæ Lib. I. c. 6., & Nicolaus Alemannus in Lib. de le-
ga, & dextra. Post alios rem ipsam confecit Cl. P. Jan-
ningus T. VII., seu P. II. Mensis Junii operis Bollan-

diani, ubi de SS. Apostolis Petro, & Paulo, & de Basilica Vaticana uberimum commentarium nonnullis interjectis Dissertationibus illustravit: de ea verò re agit in Altaris ad Absidem antiquam Vaticanam De positione Imaginum SS. Apostolorum Petri, & Pauli dextra, lævæque inter se pag. 162., adjecto etiam Francisci Mucantii Libello.

CAPUT IV.

DE CLERO BENEVENTANO.

Plures è Clero Beneventano Sanctorum fastis adscripti. Quæ antiquitùs ejusdem Cleri forma, gradus, disciplina. In exercendis Psalmodiis perpetuum studium. An in eodem Clero fuerit aliquando vita communis, & Regularis observantia. Beneventani Canonici

Regulares quando, à quo instituti, & quandiu persistenterunt. Collegium S. Bartholomæi, nec non Sancti Spiritus. In Cathedrali Ecclesia quot Clericorum gradus, & dignitates. Canoniconum Beneventanorum vetusta

monumenta: Numerus: Vestes. Archidiaconi prerogativæ. Pri-

micerii duo, & quare. Thesaurarius, & Ecclesiæ Bene-

ventanæ Thesaurus: Bibliothecarius, & Ecclesiæ

Beneventanæ Bibliotheca illustrantur. Uni-

versi Capituli prerogativæ in eligendis

Canonicis, & Dignitatibus, in Ju-

risdictione Episcopali, in Pon-

tificalium Vestium usu.

Post compendiarium de Beneventanis Antistitibus tractationem superiori Capite absolutam, æquum videtur, ut de Beneventano Clero etiamnum differamus: Neque enim sola Præsulum suorum dignitate, ac prerogativis satis præclara Ecclesiæ Beneventana censetur, nisi toto esulgere corpore suo videatur, atque illustriorem illam portionem suo Capiti adhaerentem proprio adhuc splendore conspicuam, paribusque, pro sui gradus ratione, ornamentis, atque decoribus insignem ostendat. Clarissima ejusdem Ecclesiæ Sidera, nobis è Cælo etiamnunc, atque in perpetuas æternitates radiantia, superius jam demonstravimus, Festum videlicet Diaconum, ac Desiderium Lectorem eadem, qua celeberrimus Beneventanus Episcopus Januarius, martyrii palmâ præclaros: tum Benignum Archidiaconum, ejusdem quoque cum Episcopo suo Cadoco, seu Sophio Martyrii consortem: Paulum denique Diaconum, Æmilii Episcopi quoque sui in Constantinopolitana Legatione Socium, ac Confessoris merito illustrem. Addemus nunc tum S. Piatum, de quo egimus in Tomo I. Dissert. III. pag 113: tum S. Evalium, quem Beneventana Ecclesiæ Asteni Episcopum dedit, Astenis Cælo Martyrem: tum denique S. Barbatum, qui ante Episcopatum ejusdem Beneventanæ Ecclesiæ Presbyter, deletis Longobardorum gentilium suorum superstitionibus, omni virtutum genere Clericis reliquis, collegisque suis verbo, & exemplo præfuit. Maximum profectò istud Ecclesiæ Beneventanæ decus videri debet, ejusmodi Viros è Clero suo protulisse, quorum numero, ac dignitate, & quibusque aliis præstantiorem Ecclesiis, & hac una magis re, quam ceteris suis prerogativis, nobilissimam sese probare sufficiat. At percurrisse alia operæ pretium erit, ut ex ipsa decorum omnium varietate formosior ejusdem Ecclesiæ aspectus collucescat.

Ut igitur rem ipsam ab sua origine repetam, hoc magnum, ac præcipuum inter Beneventanæ Ecclesiæ laudes ponendum invenio, quod si alia deessent universæ Ecclesiæ Antiquitatis documenta, latuissetque adhuc, quæ à Christianæ Religionis primordiis fuerit primæva Cleri forma, quæ Disciplina, qui gradus, quæ munera, qui honores, ac cetera hujusmodi, longo opere à Viris eruditissimis passim explicata, jamnunc ex una Ecclesiæ Beneventana explorata haberemus omnia; dum nihil ferè est, quod non ex vetustis ejusdem Ecclesiæ monumentis in lucem proditum, satis manifestam universæ ejus rei imaginem nobis repræsentet. Primum itaque illud probè constat, ubi Sedes essent Episcopales, illic & Sacerdotes, & Diaconos, quos ipsius Cleri primores, ac præcipuos Episcoporum administratos Apostolica tempora, atque instituta agnoverunt, illic & postmodum reliquos Clericos adfuisse, in partem sollicitudinis Episcopalis vocatos: atque his quidem universis Ecclesiastica constabat Respublica, Sacrumque quoddam Collegium constituebatur, a quo sub Episcopo, & cum Episcopo ipsa Civitas, hujusque Parochia, seu Diocæsis regebatur: quare nihil majoris negotii, quod ad Episcopi munus, auctoritatemque pertineret, fas ei erat decernere, nisi Cleri sui consilium, atque suffragium accessis-

fer(1). Rem hanc, sive veterem hunc morem, atque institutum ex Beneventana Ecclesia didicisse erit; nam quod primum ad nos pervasit, haud tamen omnium fortasse primum, Beneventani Episcopi Alphani Diploma Anni DCXV., quo Trafemundo exemptionem Ecclesiae S. Martini ab eo aedificatae concedit, promulgatum legitur, *adstantibus Sacerdotibus nostris, vel cuncto Clero*. David quoque Episcopus eosdem Sacerdotes, eundem Clerum sibi adstantes commemorat in suo Diplomate anni DCCLXIII.; quo Ecclesiam S. Mariae de loco *facto cum parvula terra* ad suam quidem Episcopalem Ecclesiam pertinentem Ausladæ religionis Abbatis *ob salutem, & statum nostrae Sanctae Ecclesiae largitur* (2).

Ex eodem etiam Clero, qui communi Episcopi, Clerique universi iudicio idonei censentur, Sacerdotes ad regendas inferiores ejusdem Urbis, Parochiaeque, seu Diocesis Ecclesias mittebantur, quibus praepositi, nequaquam ab matricis Ecclesiae gremio, neque ab Episcopalis Cleri consortio divulsi, sed adhuc communi omnibus jure, praerogativisque utebantur (3). Gisulfus Princeps Salernitanus exemptionem tribuit Presbyteris, quos Beneventanus Episcopus ad administrandas, quae sui juris essent, in Salernitano Principatu Ecclesias ablegabat: *Concedimus* (inquit) *in praedicta Sancta Sede* (Beneventana) *ut Presbyteri, qui Regimen tenere videntur in Ecclesiis subditis, atque pertinentibus ejusdem Sanctae Sedis, quas habes infra pertinentia nostri Principatus, ut & ipsi similiter sint defensi ab omni servitio, & datione publica, & si sine herede quislibet eorum mortuus fuerit, aut res suas injudicatas reliquerit, quicquid paraverit, quomodocumque sive mobile, sive immobile, ab illo die, quo Pars praedicti Episcopi eum ordinaverit, totum eveniat ad potestatem dictae Sanctae Sedis, sicut ad potestatem Sacri nostri Palatii evenire debuit*. Hæc inter alia plura Ecclesiae Beneventanae Gisulfus concessit in suo Diplomate Anni DCCCXIV., quod originale in nostra Bibliotheca servatur inclusum Tubo II.: ex quibus habes, ab Episcopo Beneventano Presbyteros in eas quoque Ecclesias administrandas missos, quæ extra Beneventanae Dioceseos fines sitæ, ad ejus tamen Antistitis jus pertinerent; eosque Presbyteros ab eodem Episcopo *ordinatos*; quæ quidem ordinatione non solum Beneventani Cleri collegio accensebantur, verum etiam Ecclesiae Beneventanae ita erant obnoxii, ut illorum ab intestato heredem eandem Ecclesiam, cessis ex Longobardorum Lege Fiscalis successionis jure sibi spectantibus, Gisulfus declaravit.

Qui tandem cum Episcopo unum corpus in eadem Ecclesia componebant, in eosdem quoque Clericos, veluti in necessaria, ac nobiliora membra enutrienda confluere, ac derivare debebant, quotquot congrui ad illorum sustentationem viderentur Ecclesiae ipsius redditus, atque emolumenta. Statutum à Sanctissimo Episcopo Barbato Legem vetulus ejus Vitæ Scriptor commemorat; quæ is in quatuor partes cunctum Ecclesiae redditum omni tempore sanxerat fideliter dispertiri, unam egentibus, secundam his, qui sedulas in Ecclesiis Domino exhibent laudes, tertiam pro Ecclesiarum restauratione distribuere, quartam suis peragendis utilitatibus Episcopus habeat (4). Quod Barbatus certa Lege constituit, jamdiu in Beneventana Ecclesia ex more, institutoque majorum servatum putari debet, ut alibi, quum de eodem Barbato accuratè agerem, demonstravi: Quare ejus, quæ (Gregorio Magno teste) in Ecclesia Romana antiquitus obtinebat, Ecclesiasticæ Disciplinæ exemplum ex Ecclesia Beneventana universum Clerum ad communem suorum redditum participationem admittente, comprobasse licebit.

Sed ex recitatis Biographi verbis alterum quoque colligere proderit, quod ad commune

(1) Vid. Lud. Thomassinum Vet. Eccl. Discipl. P. I. Lib. III. cap. VII. n. 2., & seqq.

(2) Hæc duo Diplomata superiori Capite recitavimus. Ne autem Lectori dubium, aut fastidium faciat illa particula *vel*, quæ disjunctionis vim, ac rationem ex primæ significatione obtinere videtur, jam illud constat, sequiori ætate pro particula *conjunctiva* fuisse usurpatam; quemadmodum heic, & in aliis Beneventanae Ecclesiae chartis in hac Dissertatione, atque in Appendice relatis passim occurrit; quod semel meminisse satis sit, ac Congium indicasse, qui in suo Glossario med., & infim. Latin. in ipsomet vocabulo *vel* rem ipsum plurimis exemplis, atque observationibus certissimum statuit.

(3) Vid. eund. Thomassinum l. l. cap. VII. n. VI.,

& seqq. Insignis de hac re est Imper. Justiniani locus in Novell. 3. cap. I., ubi ait Clericos omnes tam majoris CPolitanz, quam aliarum sub eadem constitutarum Ecclesiarum, unum, eundemque Clerum esse; quare eundem frequentissimum haberi oportebat: *Non enim* (inquit) *sufficiunt tantis Ecclesiis parvi consistentes, quoniam quidem non propriis Clericos neque una quidem barum trium habeat Basilicarum, sed communes sunt, & sanctissime majoris Ecclesie, & earum; & omnes circumcunctes secundum quandam ordinem, & circa ministeria in eis celebrant.*

(4) Acta S. Barbati apud Ughellum T. VII. pag. 29. edit. Rom., & apud Bollandum ad diem XIX. Februarii. De hac re uberimè egimus Dissert. II. Cap. III., ubi ejusdem Barbati res gestas illustravimus.

mune ejusdem Beneventani Cleri munus simul, atque decus pertinebit: Non enim is aliis verbis Clericos indicat, quàm eorum nomine, qui *Domino sedulas in Ecclesiis exhibent laudes*. Primus fuisse traditur Chrodogangus Metensis Episcopus, qui Regulam Clericorum conscripsit, in Concilio postea Moguntino Anni DCCCXIII. commendatam: Ac Chrodogangus quidem inter alia Clericos suos ad Divinas Laudes in Choro canendas instituit, indignum ratus Clericali vita, quod Monachi in Ecclesiis suis præstare probabantur, non idem Clerici, Monachis ipsis digniores, atque in digniori Ecclesia, idest Episcopali, pari studio exequerentur (1). At non est, cur Chrodogangum in reliqua Clericorum institutione alioqui laudandum, ex eo tamen capite falsa laude cumulemus. Etenim, ut nunc præteream, quæ de S. Ignatio Martyre refert Evagrius Hist. Eccl. Lib. VI. cap. 8., cum plerisque Scriptoribus Græcis, ab ipso nempe Ignatio morem alternis vicibus cantandi in Ecclesiam Antiochenam inductum fuisse, indeque promanasse ad ceteras omnes Ecclesias; quæ sententia, graviorum Auctorum testimoniis contraria, Valefio quoque ipsi Evagrium commentanti displicuit, discussaque diligenter fuit à Mabillonio *De Curfu Gallicano* §. 1.; id tamen rectè constat, jamdiu rem ipsam in Romana Ecclesia fuisse consuetam, uti docet S. Gregorii Magni Lex in Romana Synodo promulgata, quæ sic ait: *Constitutum, ut in hac Sede Sacri Altaris Ministri cantare non debeant, solumque Evangelicæ lectionis officium inter Missarum solemnias exolvant. Psalmos verò, & reliquas lectiones censeo per Subdiaconos, vel si necessitas fuerit, per minores Ordines exhiberi* (2). Sed hæc, inquires, ad eximiam Gregorii pietatem, atque ad ejus, quæ omnium Ecclesiarum magistra erat, Romanæ Ecclesiæ disciplinam, ac religionem pertinebant: immò verò ad ceteras quoque Ecclesias non ipse tantum mos, aut exemplum, sed Pontificia Lex diu ante Gregorii ætatem obtinuerat. Certè statutum à S. Damaso Pontifice scimus, ut quod pluribus jam locis erat in usu, *Psalmi per omnes Ecclesias diu, nocturneque ab alternis canerentur*. Quod ne de aliis solius Romanæ Urbis Ecclesiis sancitum putes, audi Anastasium ita de eodem Damaso, reque ipsa scribentem: *Hic constituit, ut Psalmos diu, nocturneque canerent per omnes Ecclesias; qui hoc præcepit Presbyteris, & Episcopis* (3). Morem autem hunc, sive legem in singulis Episcopalibus Ecclesiis ubique servatam haud præstare ausim: Sat mihi fuerit de Beneventana Ecclesia certum præstitisse; ubi S. Barbatu ævo, idest Sæculo VII. universus Clerus Divinas Laudes persolvere consuebat: universum quidem affirmavi Clerum; nam si quarta pars Episcopaliu redituum illis fuit attributa, qui *sedulas Domino laudes exhiberent*, non hi certè Cleri portio, sed Clerus ipse omnis fuisse debuit, cui universam partem illam obtinere jus fuit; itaut quos ex eo psalmodiæ munere laudatos, sibi que commemorandos voluit Biographus, haud dubium sit, eosdem omnes ceteris profectò superiùs nobis descriptis muneribus perfunctos pariter fuisse. Sed qui in Beneventana Ecclesia sedulas Domino laudes exhiberent, ante Barbatum fuisse, illud sanè ostendit, quòd is non de illis instituendis, sed de quarta redituum ipsis statuenda sollicitus tantummodo fuerit. Post Barbatum verò eosdem perstitisse idem Biographus, Sæculo IX. scribens, testatur. Sed luculentius Sæculo X. nobis suppetit ejusdem rei testimonium: nam Pontifex Johannes XIII. in erectione Archiepiscopatus Beneventani inter plures causas, quibus Ecclesiam Beneventanam sublimiorem inter ceteras ordinare statuisset, hanc quoque in suo Diplomate expressam omninò voluit, quòd scilicet *Beneventanensis Ecclesia in exercendis Dei laudibus magno conatu, pique Religione semper insistere; quod nobis (inquit) apud eam manentibus omninò constet inventum* (4).

Hactenus Beneventani Cleri formam, munera, disciplinam delineavimus; qualem Ecclesiasticæ Antiquitatis monumenta de aliis præclarissimis Ecclesiis, ubi quamaximè Clericorum institutio, ac religio floruisse, proponere videbantur. Illud modò investigandum erit, an ex his omnibus comprobata videri possit illa communis mensæ, regularisque vitæ conditio, quam aliquando ab ipso Clero servatam fuisse, constat: Quid enim? Assidere Episcopo tum sacra operanti, tum leges ferenti, tum reliqua munia exercenti; ad hæc persolvendis Divinis laudibus in Episcopali Ecclesia assiduam operam præstare; Episcopaliu redituum statutam partem in communem Cleri sustentationem conferri; hæc quidem simul omnia conjecturæ loco haberi possunt, ut quandam vitæ communis,

ALTER

CCC2

clausura

(1) Mabillonius in *Præfat. Sæculi II. Benedictini* §. 111. n. 34.; Muratorius in *Dissert. De Canonis T. V. Antiqu. Med. Ævi* pag. 187.

(2) In Synodo Rom. Cap. I. in Appendice ad Epistolas Gregorii N. V. ex edit. PP. S. Mauri.

(3) Anastasius in vita Damasi. T. III. P. I. Scriptor. Ital. pag. 114.

(4) De hoc Diplomate jam plura diximus in antecedenti Capite hujus Dissertationis, ubi de nostri Archiepiscopatus erectione sermo fuit.

claustralisque instituti imaginem nobis referant. Fuit etiam Gabrielis Pennoti sententia, Beneventanam Ecclesiam ex Canonicis Regularibus constitutam olim fuisse (1). At plura sunt, quæ & nostram conjecturam, & Pennoti auctoritatem nihili habendam suadeant.

Clericos, seu Canonicos cujuspiam Ecclesiæ Canoni, seu matriculæ adscriptos sub certa regula, eodemque tecto viventes à Sæculo v., ut ab aliis domi suæ, suoque arbitratu viventibus, *Secularibus* dictis discriminarentur, *Regulares* appellatos fuisse constat (2). A Sæculo iv., atque ex Italia, ab Viro scilicet sanctissimo Eusebio Vercellenfi Episcopo illorum originem *aquius arcessendam* strenuè contendit Muratorius (3), contra quàm censulset Thomassinus, qui quos Eusebius in unam domum aggregatos ad communis, religiosiorisque vitæ disciplinam informavit, non Clericos illos putavit ad Monachorum mores compositos, sed Monachos potius, qui ad Episcopi obsequium comparati, Clericorum muneribus fungerentur (4). Utut de Eusebii Clericis, Monachisve res sit, in eo certè Thomassinus, Muratoriusque conveniunt, Regularem illam morum, vitæque communis normam, quam S. Augustinus in Hipponensem Ecclesiam innoxit, nullimodè ad Monachos (neque enim ipse Augustinus unquam Monachum egisse videtur), sed ad Clericos omnino pertinuisse, quos ipse, Presbyteros scilicet, Diaconosque Ecclesiæ suæ interviens, in suam domum, mensamque admissos, Clericorum quoddam veluti Monasterium, seu potius Seminarium effecit. Testis est Possidius in Augustini Vita; Testis ipsemet Augustinus, cujus illa sunt: *Nimis dolendum, si ad tam ruinofam superbiam Monachos surrigamus, & tam gravi contumelia Clericos dignos putemus, in quorum numero sumus; cum aliquando etiam bonus Monachus vix bonum Clericum faciat* (5). Testes denique ipsi Monachi, quorum unus universam Augustini familiam Clericalem agnoscens, sic Augustino scribens salutabat: *Omnes filios Apostolatus tui Dominos nostros Clericos digneris officio nostro salutare* (6). Hinc illa mihi insedit sententia, ex hoc Augustini fonte derivatum, ut quando sequitis temporibus ad corruptissimos Ecclesiasticorum mores reformandos, Clericorum sub certa Regula, ac communi mensa viventium Congregationes institui cœperint, qui illas proficerentur, *Canonici Regulares S. Augustini* appellati sint, velut Augustinum sectantes, qui tum proprio exemplo, tum receptis, probatisque suæ Ecclesiæ institutis, aliis omnibus præisse videbatur. At de his Clericis, seu Canonicis Regularibus ad S. Augustini exemplum, regulamque apud Beneventum institutis mox videbimus.

Interim diutissimè fuit, quum Ecclesia hæc Clericorum Congregationes, sive ab Eusebio, sive ab Augustino in suis Episcopalibus Sedibus institutas desiderare debuit; nam ob corruptissimos, quos dixi, Ecclesiasticorum mores subsequutos, quibus Cleri disciplinam universim labefactatam ingemiscebat, nullum validius remedium, nullum opportunius subsidium sibi reliquum animadvertit, quàm Clericos ipsos à paternis laribus, idest à Sæcularium consortio, ac contubernio in claustra coactos, tum communis vitæ rationibus, tum certis, statutisque vivendi regulis, Clericalis ordinis dignitati, ac sanctitati congruentibus, obnoxios habere. Hinc illa Pontificis Eugenii II. Constitutio in Concilio Romano anni dcccxxvi., qua *necessarium fore declaratur, ut juxta Ecclesiam claustra constituantur, in quibus Clerici disciplinis Ecclesiasticis vacent: Itaque omnibus unum sit Refectarium, ac Dormitorium* (7). Clericos autem heic intelligas eos omnes, qui Ecclesiæ interviebant, Sacerdotes præsertim, Diaconosque cuilibet Ecclesiæ ministerio deputatos: Jam verò instare coeperant Pippinus, Carolusque Magnus, adnissus dein vehementius Ludovicus Pius, ut Clerici omnes in conventibus vitam communem agerent, Regulamque amplecterentur Chrodogangi, cujus paulò ante meminimus. Pissimorum Principum studium plura exin Concilia decretis suis provexerunt; visaque tunc plerisque in Cathedralibus Ecclesiis nova, ac feliciore Reip. Ecclesiastica elucescere facies: erantque hæc Collegia verè Senatus Ecclesiæ, & antiquissimi Cleri imagines luculentæ, unde ejusmodi Clericorum Claustra ob servatum religiosioris vitæ institutum, ac probatam virtutum omnium exerci-

(1) Hist. Canonic. Regular. Lib. II. cap. xxix.

n. 4: Quibus verò documentis id affirmet Pennotus, cum ad manus non sit, nondum novi: hac enim de re laudatum inveni apud Gonzalez in Commentar. Cap. xxv. de Censib. & Exactione.

(2) Chopinus de sacra Politia T. III. n. 6. Deridet Ludovicus Vives in notis ad S. Augustinum De Civ. Dei Lib. III. cap. 15. hanc Canonicorum Regularium appellationem: *Idem* (inquit) *est Regularis, ac Canonicus*

a Canone. Hinc quidam Monachi D. Augustini, ne non sicut putentur Regulares, ita vocari gaudent. At vide, quæ nos superius de hac re generatim observavimus.

(3) Dissert. de Canonicis T. v. Ant. Med. Evi p. 187.

(4) Discipl. Eccl. P. I. Lib. III. cap. iv.

(5) Apud eund. Thomassinum l. I.

(6) Ibidem.

(7) Conc. Rom. sub Eugenio II. Can. VII. apud Lab-

beum T. VII.

rationem, *Monasteriorum* nomine persæpè appellabantur, sive decorabantur (1). Sequito Sæculo x., infelicissimo scilicet, quàm unquam, Ecclesiæ tempore, præclariùs aliis gentibus sortasse Italia se habuit: Nam Theodoricus, ac Grimoaldus Pisani Archiepiscopi, quum communem Canonicorum suorum vitam, qualem eorum decessor Johannes instituerat, ob temporum procillas jam naufragio proximam animadverterent, eam sollicitiori deinceps opera, & impendiis suis sustinere, ac fovere cœperunt: insigne hanc in rem ipsius Grimoaldi Diploma est, datum anno Berengarii junioris, & Adalberti Regum VIII. Indictione III., idest Anno Chr. DCCCCLIX. (2). Adalbertus item Episcopus Bergomas Anno DCCCXIII. sancivit, ut in S. Vincentii Cathedrali Ecclesia ab se condita Canonici ex communi convictu vitam traducerent (3). Eandem vivendi formam in Cæsinate Ecclesia, labente eodem Sæculo, à Sergio Episcopo institutam in ejus Charta etiamnum legimus (4). Idem quoque præstiterit sub Ottone Magno in suis Ecclesiis Albertus Episcopus Aretinus (5), & Rodolphus Urbevetanus (6): Atque, ut alios præteream, Zenobius Fesulanus Episcopus eo nomine secundus, Canonicorum suorum numerum adaugens, eos ad communem vitam compositos voluit, datis ea de re Literis Anni DCCCCLXVI., in quibus ejus quadripartitæ Ecclesiasticorum reddituum divisionis, quam in Beneventana Ecclesia servatam novimus, & ipse de sua Fesulana Ecclesia testimonium reddit (7).

At, ut verum fateamur, non id universim, immo paucis sanè in Ecclesiis obtinuit: Impedimento primùm fuit bonorum inopia: Non enim singulorum Episcoporum tam uberes fuere facultates, ut, etsi quartam suorum reddituum partem in eam rem conferrent, tantum præstitisse viderentur, quantum alendis communem vitam agentibus Clericis opus esset: Concilium Moguntinum (quo, maximè commendante, ac jubente, adnitenteque, atque urgente Ludovico Pio, Chrodegangi Regula omnibus Episcopalibus Ecclesiis servanda proponebatur) ejusmodi difficultatem animadvertens, hanc suæ præceptioni conditionem addendam duxit: *ubi Episcopi id faciendi facultas suppetit*. An verò tantum oneris congruè sustinendi, Ecclesiæ Beneventanæ facultates per ea tempora ferre possent, meritò dubitabimus; præsertim quum nullum Episcopo relinqueretur arbitrium de reliquis reddituum partibus disponendi, quas tum in suam quoque sustentationem, tum in Pauperum alimoniam, tum denique in Ecclesiarum instauracionem, causas scilicet æquè necessarias, erogare debebat (8).

Altera quoque res impedimento fuisse videtur, ne Clericalis Regula, quoad præcipuum communis vitæ Caput in Beneventana Ecclesia admitti potuerit. Nullus in Ecclesia Beneventana Clericorum inservientium numerus fuit olim definitus; aut si unquam definitus, res rursus ipsa ad veterem morem, seu disciplinam recidebat, ut scilicet quot Clericali militiæ nomen dedissent, licet multò frequentiores, quàm prisca ætate haberentur, in eandem tamen Ecclesiam, velut agmen facturi, in aliorum certo numero adscriptorum album, ac societatem irrepere conabantur. Extat Canon II. Concilii, quod Pontifex Urbanus II. Anno MCCI. in ipsa Beneventana Urbe celebravit, in quo *Capellani, qui contra statutum numerum in Ecclesiis sine consensu sui Episcopi militaverint, ab officio, & Beneficio interdicuntur* (9). Capellanos autem heic intelligas, non quos postrema ætas

vulgò

(1) Vid. Thomassinum I. l. cap. IX.

(2) Apud Ughellum Ital. Sacr. Tom. III. col. 412. edit. Rom.

(3) Apud eundem Ughellum T. IV. col. 608.

(4) Apud eundem Ughellum T. II. col. 458.

(5) Apud eundem Ughellum T. I. col. 462.

(6) Ibidem col. 383.

(7) Tom. III. col. 275.

(8) Quid verò, si ubi hæc Regula obtinuit, sub ipso Ludovico Pio, vel statim collapsam, vel mox ruituram viderimus? Fragmentum Historicum Concilii Aquiligranensis, præsentis eodem Ludovico, præsentis etiam Pontificis Gregorio IV. celebrati, apud Mabillonium Veter. Anal. pag. 149. edit. Paris. an. 1723. id memorat statutum pro Canonicis, qui tunc sub Præpositis vivebant, quia Præpositi temporalia male tractabant, & nobiliores, fortioresque Canonici possessiones usurpabant, ut quilibet Canonicus, personis ad certum numerum redactis, suum temporale proprium possideret, & ut de communi camera cultibus distribueretur, prout in choro Divinis Officiis resideret.

(9) Apud Labbeum T. x. Concilior. pag. 484. & in Synodico Provinciali Beneventano ab Archiepiscopo Ursino edito pag. 7: Concilii Præfatio sic se habet: *Anno Dominicæ Incarnationis MCCI. Indiæ. XIV. v. Kal. Aprilis celebrata Synodus Beneventi, præsentis Domini Papa Urbani, præsentibus Episcopis, & Abbatibus, quorum numerus facillè numerari non potest. In numero Abbatum nullimodè reticendus est S. Petrus Abbas Cavenensis, cui cum aliis Abbatibus in eodem Concilio residentibus, Pontifex Mitram misit, qua nudum caput operiret, simulque virtutum merito id ornamentum acciperet. Vid. Surium in Vit. ejusd. Petri, ac Baronium ad d. Annum. Atque hoc primum habetur exemplum, ut Mitra usus Abbatibus indulgeri cœperit. Leo IX. Abbati Casinensi alia quidem Episcopalia insignia præter Mitram concesserat Anno MLIX., uti refert Oltienis Lib. II. cap. 80.: Ipse Urbanus II. sequenti Anno MCCI. Madelmo Abbati S. Sophiæ (uti legitur in Diplomate Chronici ejusd. Monasterii P. v. n. IV.) ex Apostolicæ Sedis peculiari benignitate id munus personam.*

vulgò appellare ex peculiari eorum munere coepit, sed omnes illos Clericos, qui Ecclesia inserviebant, ac rerum ad sacra ministeria spectantium curam habebant; uti commentatur Archiepiscopus Urfinus (1), vel Canoniconum veluti substitutos, & Coadjutores, quemadmodum locum ipsum Beneventani Concilii explicat Thomassinus (2). Et si verò generatim ea Lex ab Urbano Pontifice promulgata videtur, conicere tamen facile est, in ipsa quoque Ecclesia Beneventana, ubi id Concilium celebrabatur, ejusmodi abusum fuisse corrigendum. Sed frustra id fuisse, sequenti mox Sæculi monumenta declarant: Neque enim dissimulandum mihi illud erit, quod ab Archiepiscopo Lombardo anno MCLXXVI. statutum invenio. Is enim coercendam illam Clericorum turmam, quæ sine ullo delectu, immò non sine aliqua personalis infamiae nota in Beneventanæ Ecclesiæ Clerum sese intrudere consueverant, latâ Lege sancivit, ut, nisi lapsò exin triennio, nemo ullus, posthac verò nunquam amplius Spurius, necnon Clericorum filii, ac denique extranei, peregrinque admitterentur: Quia nobis (inquit), & Venerabili Fratri nostro Rainulpho Beneventanæ Ecclesiæ Archidiacono, aliisque sanioris partis Fratribus idoneum visum est, & assensu Capituli adprobato, statuimus, ut hinc usque ad trium annorum spatium, nullus tam Civis, quam extraneus locum quemlibet in Choro Beneventanæ Ecclesiæ ex novo obtineat: Item stabilivimus, ut Spurius, & Filii Clericorum tam ipsius nostræ Ecclesiæ, quam aliarum, nec non Abbatum, & extraneus quilibet unquam ex novo de cetero locum in Choro ejusdem Ecclesiæ sortiantur (3): Atque hæc quidem per eam ætatem, ab aliis fortasse non absumilis, haud aliis certè deterior atque tenebrosior nostræ Ecclesiæ facies: dum universis cætervatim ingredientibus ostia pandere, gremiumque suum promiscuis, indignisque Clericis non tam implere, quàm onerare, ac fœdare cogeretur: Quamquam id quoque in hac tanta Ecclesiastica rerum infelicitate compertum sit, Beneventanam scilicet Ecclesiam non modò Senatu suo nequaquam caruisse, sed etiam floruisse: Ipse siquidem Archiepiscopus Lombardus præter Archidiaconum Rainulphum egregiæ virtutis Virum (4), adhuc saniorum Fratrum partem commemorat, quorum consilio, ac suffragio se eam legem tulisse fatetur, quibus etiam Fratrum nomen impertit, Regularis, vel saltem obfervantioris Vitæ indicem, atque argumentum (5).

Quæ cum ita sint, nulla probabilis superesse conjectura videtur, immò contraria prorsus argumenta nobis superius emerferunt, quæ, ut de instituta aliquando in Beneventana Ecclesia Regulari Clericorum vita cogitemus, omnino vetant. Est tamen tum optime fidei, tum maximi pretii monumentum, quod, nisi intra ipsius Beneventanæ Ecclesiæ septa, intra tamen Beneventanæ Civitatis moenia, hoc ipso, in quo versamur, Sæculo XII. Canonicos Regulares nobis spectandos offerat. Auctor, institutorque fuit Albertus de Morra, qui Beneventi (ubi ejus Familia, inter Regni Neapolitani Proceres clarissima, summo loco adhuc floret) nobilissimo genere natus, haud melius Patriæ suæ, Beneventanoque Clero prodesse potuit, quàm ut pietatem, munificentiam, auctoritatem denique ex splendidissima Dignitate comparatam, in eam rem statuendam conferret. Ex

Cister-

sonaliter indulget, ut per Annum quinquies, id est in die Resurrectionis, & Pentecostes, & Natalis Domini, & SS. Duodecim Fratrum, & S. Mercurii ad Missarum solemniam Chirobecis, atque etiam Calupagis uteretur. Non id itaque obtinuit Beneventanus Abbas Madelmus, quod Beneventi anno superiori Cavenus Abbas Petrus acceperat, ut videas Mitre usum in Beneventano Concilio coeptum, Abbatum merito potiùs, quàm dignitatis initio datum.

(1) In notis ad dictum Concilium.

(2) Eccl. Disc. P. I. Lib. III. cap. x. n. 16, ubi & ejusdem Concilii Beneventani verba recitat.

(3) Ex originali Charta in nostra Bibliotheca servata, & ex Bullario selecto p. 150.: Hujus Chartæ haud meminit Ughellus, qui bina tantum Archiepiscopi Lombardi Diplomata profert, in quorum altero Lombardus Rainulpho hic memorato Beneventanæ Ecclesiæ Archidiacono plura largitur, suumque Vicarium constituit: ut liceat (inquit) tibi vice nostra per Parochiam Beneventanæ Ecclesiæ pergere ad Presbyterorum, & Clericorum corrigendos excessus, eorumque conversationem laudabiliter emendandam.

(4) Florebat etiam supradictus Rainulphus Archidiaconus sub Archiepiscopo Henrico Lombardi Decessore, qui ab Apostolica Sede Legatus Constantinopolim, Beneventanæ Ecclesiæ curam ei reliquit, ut constat ex Instrumento anni MCLXVI. Beneventani Monasterii S. Visitatoris apud Ughellum pag. 184.

(5) Canonicos sæpius fratres fatis apto, ac decoro vocabulo appellatos, testantur passim Historiæ, atque Chartæ Medii ævi. Videsis Chartam Frederici I. anni MCLII. apud Muratorium d. Dissert. LXII. T. v. pag. 212, ubi satis appositè idem Muratorius observat, nunc apud multos Italicorum Fratris nomen penè sordere; ita ut relegatum videatur intra Mendicantium Religiosorum claustra: Immo ne ibi quidem tutus est locus, quam Patris, non Fratris titulum ea quoque gens caviorem habeat. Monachos etiam Benedictinos Fratrum appellationem minime designatos fuisse; cuius rei innumera præstant exempla, quæ utique consonant Fratris, scilicet Fratrum titulo, quo affectus suos in Monastica sua Regula nuncupavit Sanctissimus eorum Pater Benedictus.

Cisterciensi Monacho, in cujus prioris vitæ instituto tum sanctitatis, tum sapientiæ exemplis maximam nominis celebritatem sibi peperit, S. Romanæ Ecclesiæ Cardinalis ab Hadriano IV. anno MCLVIII. creatus, Cancellarii etiam munere functus fuit, *Vir literarum, facundiaque præclarus, sed & puritate vitæ, animique integritate præclarior, suique vehementer castigator*, tantus certè, & talis, ut anno MCLXXXVII. post Urbani III. obitum difficillimis illis temporibus, quando ad ceteras calamitates amissam Hierosolymam Resp. Christiana ingemiscebat, ad Summum Pontificatum evectus fuerit. Accepto Gregorii nomine, quo is Octavo licet loco, *Primi* virtutes sibi æmulandas proposuit, in primis ad subventionem Hierusalem totis inhiat animis; ad concitandos Principes, Populosque per Occidentis Provincias tam Literas destinat, quàm legatos; sed prob dolor! in suo mox ortu flos decorus exaruit. Post Mensem i. Dies XXVII. dum Pisas venisset, & inter Pisanos, & Januenses feraliter antea dissidentes sopisset discordiam, pacemque firmasset, in instanti Nativitatis Domini rebus humanis eximitus, scilicet Orbi Christiano ostensus, mox in Cælum raptus, in eadem Urbe honorificè sepelitur eodem anno MCLXXXVII. (1)

Albertus itaque Romanæ Ecclesiæ Cardinalis, & Cancellarius, illud animo reputans, ardentique contendens studio, ut suorum Civium Ecclesiasticorum mores Beneventanæ Ecclesiæ Dignitati responderent, difficillimi autem negotii rem fore arbitratus in ipsa Ecclesia Beneventana, in qua pro Clericorum numero ingentes opes necessariæ videbantur, Canonicam Vitam instituire satius duxit, si tantum opus ab ejusdem Beneventani Cleri parte auspicaretur. Primum itaque ære suo Ecclesiam condidit cum adjacentibus Ædibus, five Claustro sub nomine S. Andree Apostoli, cui etiam amplissimos redditus comparavit, impetratâ anno MCLXXXII. à Guilielmo Siciliæ Rege concessione Castri Capraria cum *Stactia Turris Palatii* (2). Tum locum ipsum aliquot Clericis Beneventanis attribuit, qui Canonici Regulares S. Augustini appellati, communis vitæ instituto, morumque sanctissimorum exemplo, non solum universo Clero Beneventano præluceant, verum etiam reliquos ad Ecclesiasticæ Disciplinæ observantiorum Cultum incenderent. Hinc Leges, Constitutionesque statutas voluit, ab ejus loci Alumnis, seu ejus Canonicæ Vitæ Professibus servandas, quas, ut sacratiores efficeret, ab ipso Petri Solio Apostolica auctoritate promulgandas curavit. Ecclesiæ S. Andree conditorem, & locupletatorem deprædicasse satis habuit Ughellus, vix etiam meminit Sarnellius; apud quos de institutis ab Alberto Canonicis Regularibus altissimum silentium. Sed non modò non silenda res erat, sed etiam ante alias majori laude celebranda; ac nobis certè jucundum accidit, egregii Operis, ejusque Auctoris intermortuam penè memoriam instaurare. Extat Pontificis Urbani III. originale Diploma in nostra Bibliotheca servatum, ac Tubo XIV. inclusum, datum anno MCLXXXVII. ad *Johannem Præpositum, & Fratres S. Andree de Benevento Canonicam vitam professos*, quo Pontifex Religiosam Institutionem per Albertum Tit. S. Laurentii in Lucina Presbyterum Cardinalem, & Cancellarium factam, ratam habens, atque sub Apostolica Protectione suscipiens, præscribit Constitutiones ab iis *Canonicam Vitam secundum Deum, & B. Augustini Regulam* professuris, eorumque Successoribus perpetuò servandas. Ex hisce Constitutionibus duo tantum heic animadvertemus, statutum videlicet vigintiquatuor Canonicorum numerum, quibus Præpositus præsit: *Canonicorum numerus professorum, excepto Præposito, vigesimumquartum numerum non transcendat*. Præpositum verò ab ipsis Canonicis, sed coram duobus ex melioribus, & majoribus Ecclesiæ Majoris, idest Cathedralis eligendum, atque ab Archiepiscopo confirmandum; ut videas in his Canonicis Regularibus Beneventani Cleri partem omninò agnoscendam. Ceterum nihil hisce Constitutionibus congruentius, nihil sanctius, prudentiusque haberi potest, quo confœderatis Ecclesiasticorum, Monachorumque institutis communis Clericorum vita foveri, atque efflorescere queat. Tantum veteri Chrodogangi Regulæ fortassè præstant, quantum ipsi Chrodogango Albertus; qui instituti auctor, ac Pontificio Diplomati pro suo Cancellarii munere subscribens, easdem quoque Constitutiones suo quidem tum calamo, tum spiritu dictasse dicendus est. Diploma ipsum, in quo dictæ Constitutiones continentur, ex originali membrana quàm diligenter descriptum, adjectis opportunis observationibus in hujus Libri Appendice proferemus.

Eodem

(1) In vitis Romanorum Pontificum ex MS. Bernardi Guidonis. T. III. P. 1. Scriptor. Ital. pag. 478.

Laudes continentur, recitatur ab Ughello T. VIII. col. 292. edit. vct.

(2) Regis Guilielmi Diploma, in quo etiam Alberti

Eodem fermè tempore, eodemque fortasse exemplo, quo Cardinalis Albertus ex Beneventano Clero Canonicos Regulares S. Andreae instituit, illustris alter Beneventanus Civis, Ecclesiastici ordinis Vir, nomine Abdenago, in altera Ecclesia simillimum Clericorum Collegium sub vocabulo, ac praesidio Sancti Spiritus aggregavit. Neque enim solum (ut rectè Muratorius observavit (1)) in Cathedralibus Templis, sed & in aliis Urbium praestantioribus Ecclesiis Canonicorum Collegia institui consueverunt: hoc est, qui Clerici in aliqua illustri Basilica Deo inserviebant, communi vitæ, unice claustrò sese obligantes, novas Congregationes antiquitus etiam efformarunt; hinc ergo ortum habuere, quæ nunc vulgo Collegiatae appellantur. Id certè de altera hac, cujus meminisse coepimus, Beneventana Ecclesia factum constat, in qua laudatus Abdenago Abbas dici, atque esse coepit; quo quidem nomine illum omnino designatum fuisse constat, qui aliis communem, regularemque vitam agentibus praeerat; unde Dignitates, quæ in Saecularibus quibusdam Ecclesiis eo nomine decorantur, argumento sunt, has ipsas Ecclesias fuisse olim Regulares (2): Amplius verò liquet ex vetusto ejusdem Ecclesiae Necrologio, in ejus Archivo adhuc servato, cujus hoc est exordium: Anno M. C. Nonagesimo octavo, & Primo Anno Pontificatus Domini Nostri Tertii Innocentii, & universalis Papæ Mense Aprilis Prima Inditione Ego Petrus Abbas Sancti Spiritus cum ceteris Fratribus nostra Congregationis fecimus fieri hunc Librum &c. (3) Viget, ac floret hodieque Beneventi, etsi non eodem loco, neque isdem antiquis Vitæ communis institutis, isthac Sancti Spiritus Ecclesia, insignis quidem Collegiata, cui & Abbas praest, Mitrà, aliisque Pontificalibus insignibus praeditus, ac decoratus, quem tres aliae subsequuntur Dignitates, atque octo Canonici, quibus ex primævo instituto eligendi Abbatem, ab Archiepiscopo confirmandum, integrum adhuc, atque incolume vis est. Adnumerandum etiam est alterum pluribus pariter nominibus insigne S. Bartholomæi Apostoli Collegium, quod hodieque in ejus Basilica eodem duodenario numero efflorescit, atque olim Regularis Vitæ institutis effloruisse quoque videtur, manentibus nunc tantum præter octo Canonicos inferiores, Prioris, Præpositi, Primicerii, Decanique titulis, ac Dignitatibus (4), jureque eas eligendi apud ipsos Canonicos adhuc perseverante.

(1) Muratorius l. I. pag. 201.

(2) Thomassinus P. I. Lib. III. cap. 68.: Si quibus in Saecularibus Ecclesiis Abbates quidam sunt inter Dignitates eorum, ut patet ex Decretali Ex Transmissa De Renunciatione non improbabili creditur Regulares olim eas fuisse Ecclesias, & tum à fervore primævo, tum à Regulari statu descivisse.

(3) De origine, juribus, ac prærogativis Ecclesiae Collegiatae S. Spiritus Libellum edidit Anno 1688. Pompejus Sarnellus ejus Abbas, dein Episcopus Vigiliensis. Quamquam verò de ejus Ecclesiae Necrologio superius meminimus, libet heic aliqua de eo animadvertere, quæ tum ejus pretium, tum eam, ob quam institutum fuit, causam nobiliorem reddant. Est siquidem is Codex membranaceus, non solum illam, quam superius recitavimus, subscriptionem præferens, unde de ejus ætate præclare constat, verum etiam Picturæ insignis, in qua Abbas Ecclesiae ipsius, Fratresque aliquot Barbati videntur, rudi quidem forma, quæ tamen ejus ævi habitus nobis spectandos offert. Adnotatur in eo Codice Abbatibus Abdenago ejusdem Ecclesiae fundatoris obitus sub die VIII. Id. Augusti anni MCLXXXIII., ac subinde aliorum defunctorum Fratrum nomina: Adscriptæ sunt Preces, Ritusque, quibus Fratres in sodalitate recipi consuebant: Adjectæ denique tum Urbanarum, tum Diocesanarum Parochiarum nomina, quæ eidem Confraternitati aggregatae ad id tempus fuerunt. Quod verò observatione dignus est, Confraternitas ipsa Laicorum videtur, cujus causa Necrologium conscribi coepit. Primum Laicorum Sodalitium, cui Confraternitas nomen, anno MCCLXXVII. Clemente IV. suis Apostolicis Literis annuente, Romæ natum statuit Odoricus Raynaldus in Annal. Eccles. ejus anni num. 84. cujus exemplo condita alia pia Sodalitas, & à Summis Pontificibus, accendende Pietatis ergo, approbata fuisse subdit. Raynaldo præter Thomas Bahlius De Signis Eccles. Lib. IX. cap. 7. Heine, si vera nobis uterque dixerit,

antiquioris originis prærogativam nostra Confraternitas sibi jure vindicabit, quippe quæ an. saltem MCCC. instituta, ut ex suo Necrologio manifestum sit, exemplum magis aliis præstitisse, quam ipsa ab aliis excepiisse dicenda est. Certè Muratorius, qui cum ipsis Piis Laicorum Confraternitatibus Tomum VI., idest ingens Opus Italicarum Antiquitatum mediæ ævi absolutum voluit, nonnisi levissima, rarissimaque earundem Confraternitatum vestigia se ante Saeculum XIII. reperisse testatus, causam repetit ab temporum infelicitate, quæ bellis civilibus exagitata, haud ejusmodi hominum cœtus coire sinebant, ex quibus major turbarum occasio, metusque esse poterat: Quare nil mirum (inquit) si Confraternitatum piarum institutio multis in locis nunquam recepta, probataque fuerit, sive in aliis radicata, demum exaruerit. Atque in Italia præsertim, quæ sub bellis, dissidiis, factionibus post Saeculum Christi X. laborare coepit. Si Venetiarum Urbem excipias. . . in reliquis Italiae Urbibus Saeculo X. ac duobus subsequens nullius pie Confraternitatis memoria certa, aut nomen se nobis efficit, quod sciam. Si Beneventanam Confraternitatem scisset Muratorius, auro contra profecto estimasset originale hoc Necrologium, indubium scilicet illius multo ante tempus ab se definitum institutum monumentum, quo Dissertationem suam non tam locupletiore, quam illustriorem reddidisset. Lætandum igitur de hac re nobis erit, dum, etsi eandem ipsam Confraternitatem cum ipsa Ecclesia S. Spiritus Terræmotus vi collapsam, ostendere non detur, alteram tamen cum ipso insigni Collegio in Ecclesia S. Mariæ CPolis subortum demonstrare, atque, quod rei caput est, antiquissimam ante alios Italicos populos Beneventanorum pietatem in ea adeo studiosè, ritèque instituenda Confraternitate comprobasse jam liceat.

(4) Vid. eund. Thomassinum, qui ex iis vocabulis par argumentum ad veterem alicujus Ecclesiae Regularem institutionem deducit ibidem Cap. LXVI. n. 11. & seq.

te. Libet heic ad utriusque Ecclesiæ laudem (quæ sanè laus & in ipsam redundabit Cathedralē) ea describere, quæ Johannes de Castrocoelo S. R. E. Cardinalis, & Beneventanus Archiepiscopus quatuor ab hinc sæculis aiebat: *Beneventana Matrix Ecclesia Sponsa nostra multas longè, lateque peperit Filias honorabiles, & fecundas, quæ cum Virginibus ceteris in ymnis, & canticis Regi jubillant Assuero*, (idest Christo), *Regina vestes, & ipsam Reginam* (idest Cathedralē) *sustinentes* (1).

De Canonicis verò Regularibus, quos perpetuò duraturos tot, tantisque sanctissimarum Legum, temporaliumque Opum, Pontificiæque auctoritatis, protectionisque comparatis undique subsidii, Cardinalis Albertus instituit, quid actum sit, fortasse quæres. Evanuit quidem (uti humanarum rerum conditio fert) tantum opus, itaut nullis remanentibus vestigiis, Ughellum quoque, Sarnelliumque, ut dixi, latuisse videatur. Hæc autem ejus fuere fata: Stetit hi Regulares Canonici usque ad annum mcccxcv. videntur, quo anno Pontifex Bonifacius IX. Laurentium de Cava ejus loci Priorem; proptereaquod Pseudopontifici Clementi VII. cum suis fratribus adhærere, favereque esset ausus, loco suo movit, privavitque, ac Prioratum ipsum Bartholomæo Barbato Archidiacono Beneventano ad suum beneplacitum in Commendam concessit; Anno exinde mcccxi. Menis Archidiaconali perpetuò univit (2). At locus cum Ecclesia (non enim Deus religiosissimi Conditoris studium omnino irritum voluit) in Clericale Beneventanæ Ecclesiæ Seminarium cessit, quod Jacobus Sabellus S. R. E. Cardinalis, ac Beneventanus Archiepiscopus mox post S. Concilii Tridentini decretum ibidem locandum, atque instituendum curavit; ut ipsa Ecclesia, ipsæque Aedes, ubi olim Canonica, Regularisque vitæ observantia resplenduit, ejusdem Ecclesiasticæ Disciplinæ Tyrones, Alumnosque claustris suis confoverent, atque ad commune Civitatis, Dioecesisque bonum enutrent.

Sed ad ipsam rursus (quæ rei caput est) Beneventanam Ecclesiam, unde pervagata tantisper oratio nostra est, redire operæ pretium erit. Quæ fuerit prioribus sæculis Beneventani Cleri forma, jam dictum est; qualis medio ævo deinde obtinuerit ejusdem Cleri gradus, sive ordo, ostendit Originale Diploma primi Archiepiscopi Landulfi, anno dccccxxi datum, ac superiori Capite a nobis editum, in quo hæc subscriptiones heic iterum recitandæ leguntur.

- † Ego Leo Archipresbyter ex jussione D. Archiepiscopi me subscripsi.
- † Ego Magenolfus Archidiaconus ex jussione D. Archiepiscopi me subscripsi.
- † Ego Madelmus Diaconus ex jussione D. Archiepiscopi me subscripsi.
- † Ego Adalferius Diaconus ex jussione D. Archiepiscopi me subscripsi.
- † Ego Smaragdus Presbyter ex jussione D. Archiepiscopi me subscripsi.
- † Ego Audoualdus Presbyter ex jussione D. Archiepiscopi me subscripsi.
- † Ego Leo Presbyter ex jussione D. Archiepiscopi me subscripsi.
- † Ego Rodogarius Presbyter ex jussione D. Archiepiscopi me subscripsi.
- † Ego Lazarus Presbyter ex jussione D. Archiepiscopi me subscripsi.
- † Ego Castelpoto Presbyter ex jussione D. Archiepiscopi me subscripsi.
- † Ego Petrus Presbyter ex jussione D. Archiepiscopi me subscripsi.
- † Ego Johannes Archisubdiaconus ex jussione D. Archiepiscopi me subscripsi.
- † Ego Petrus Subdiaconus ex jussione D. Archiepiscopi me subscripsi.
- † Ego Muso Subdiaconus ex jussione D. Archiepiscopi me subscripsi.
- † Ego Johannes Clericus, & Abbas ex jussione D. Archiepiscopi me subscripsi.
- † Ego Johannes Subdiaconus ex jussione D. Archiepiscopi me subscripsi.
- † Ego Magenolfus Subdiaconus ex jussione D. Archiepiscopi me subscripsi.
- † Ego Petrus Subdiaconus ex jussione D. Archiepiscopi me subscripsi.

Habemus igitur Sæculo x. quatuor ordines Clericorum in Beneventana Ecclesia constitutos, sive potius ex eo monumento discimus, hunc à multis retrò temporibus fuisse recensendi ejus Cleri morem, atque institutum; videlicet Archipresbyterum cum suis Presbyteris, Archidiaconum cum suis Diaconis, Archisubdiaconum cum suis Subdiaconis, Clericum, & Abbatem cum reliquis Clericis. De Archidiacono, qui secundo loco subscribit, ac de Archipresbytero (quæ hodiernum majores Ecclesiæ Beneventanæ Dignitates sunt) inferius agemus. Ad Archisubdiaconum quod nunc attinet, non infuetam olim, nunc verò

ALTER

D d d

defue-

(1) In ejus Diplomate anni mcccxxxviii, quod originale servatur in Archivo Ecclesiæ S. Spiritus: Exemplar habetur in Bullario selecto nostræ Bibliothecæ p. 183.

(2) Utrumque Bonifacii ix. Diploma extat originale in nostrâ Bibliotheca Vol. sign. 9. 1v. n. 40.

defuetam Ecclesiarum Cathedralium Dignitatem, jam ex ipso vocabulo liquet, id munus ab eo Subdiacono cum honoris prerogativa fuisse gestum, qui ceteris ejusdem ordinis praeses constituebatur: Sic Ordo Romanus II. à Mabillonio vulgatus De Missa Pontificali n. 13.: *Archidiaconus levat Calicem, & dat eum Archisubdiacono, quem tenet juxta cornu Altaris dextrum, & accedentes Subdiaconi cum Acolythis &c.* (1). Per eadem tempora in Ecclesia Capuana Archisubdiaconum extitisse, probat Charta Adenulphi Antistitis, cui *Petrus Archisubdiaconus* subscribit (2); sive quod illa Beneventanae Ecclesiae exemplum, sive quod utraque Romanae disciplinam consecrata sit. An verò eodem Saeculo x., quum Subdiaconi, eorumque Archisubdiaconus in Beneventana Ecclesia peculiarem Cleri Ordinem constituisse probentur, Ordo tunc ille *Sacer* haberetur? haud otiosum, neque à praesenti argumento omnino alienum erit explicasse: Siquidem in Beneventana Ecclesia primum prodit, quod ad definiendam ejus Ordinis conditionem pertinere videtur. Concilii Beneventani ab Urbano II. anno mxc. celebrati superius meminimus, cujus etiam Canonem xi. laudavimus: Primus autem Canon vetuit, Episcopos eligi, nisi ex iis, qui Sacris Ordinibus initiati jam essent, idest ex Presbyteris, & Diaconis, qui primae Ecclesiae Ordines sunt; ex Subdiaconis verò nullatenus eligendos, nisi necessitas subit, ac Pontificis, Metropolitanique accedat dispensatio. Edidit inter alia Beneventana, à Summis Pontificibus celebrata, hoc Concilium Cardinalis Ursinus Archiepiscopus (3); Sed ipsum Canonem x. foede corruptum proferit, qualem contentus fuit à Labbei Collectione exceperisse, qui Labbeus transmissos sibi Romae ejus Concilii Canones ex veteri MS. Codice exscriptos vulgavit; sic enim habet: *Nullus deinceps in Episcopum eligatur, nisi qui in Sacris Ordinibus religiose vivens inventus est; Sacros autem Ordines dicimus Presbyteratum, & Diaconatum: Hos siquidem solos primitiva Lege Ecclesia . . . super igitur preceptum his solis habemus Apostoli . . . Subdiaconus verò, quia & ipsi Altaribus administrant, opportunitate exigente, concedimus, sed rarissime, si tamen spectata sint religionis, & scientia: quod & ipsum sine Romani Pontificis, vel Metropolitani licentia non fiat.* Olscitanter tum Labbeum, tum Ursinum se egisse, dicere liceat, quibus nullo fortasse labore, Canonis illi integram, sinceramque lectionem restituere paratum, ac satis obvium erat. Extat siquidem nullà lacunà, nulloque mendo corruptus, sed integrà, genuinàque loquutione relatus ab Ivone in suo Decreto sub nomine Concilii Beneventani (4): transtulit etiam in suum Decretum Gratianus sub nomine tantum Urbani Papae (5); intexuit denique Decretali suae Innocentius III. (6): atque hi omnes, quamquam de auctore, temporeque non conveniant, singulique errasse probentur (7); consonis tamen verbis sic legendum exhibent: *Nullus in Episcopum eligatur, nisi in Sacris Ordinibus religiose vivens fuerit inventus: Sacros autem Ordines dicimus, Diaconatum, & Presbyteratum: Hos siquidem solos primitiva legitur habuisse Ecclesia: Subdiaconus verò, quia & ipsi Altaribus ministrant, opportunitate exigente, concedimus, si tamen spectata sint Religionis, & Scientia. Quod ipsum non sine Romani Pontificis, vel Metropolitani licentia fieri permittimus.* Innocentius itaque III., quum ævo suo adhuc *hæsitari* videret, an scilicet Subdiaconus in Episcopum eligi posset, quod est, an Subdiaconatus inter Sacros Ordines referendus esset,

(1) Mabillonius Musci Ital. T. II. pag. 49. Qui licet eum Ordinem eundem ac Gelasianum à Gregorio Magno emendatum existimanti Panvinio non adfuerit, antiquissimum tamen censet, utpote quem Amalarius per partes explicavit.

(2) Apud Michael. Monachum in Sanduario Capuano pag. 375.

(3) In Synodico Provinciali Beneventano pag. 7. edit. Rom. 1695.

(4) Decreti Parte v. cap. 82., & Panormiae Lib. III. cap. 5.

(5) Distinctione LX. cap. xv.

(6) Cap. A multis. ix. De Etat. Qualit., & Ord. Praeiciendorum.

(7) Ivo Carnutensis l. I. eum Canonem in Synodo quidem Beneventana, sed Urbano III. attribuit. Gratianus tantummodo Urbani Papae meminit, nullo adjecto numero; quem postea Innocentius III. Urbanum l. asserit l. I. Qui sub Gregorio XIII. emendationi Gratiani operam dederunt, Gratianum æquè, ac Innocentium corrigendum duxerunt, his ad Gratiani locum praenotatis: *In Cap. A multis extra de Etat., & Qual. tanquam Decretum Urbani I. citatur: Apud Ivonem verò,*

*& in Panormia ex Synodo Beneventana, quae tempore Victoris III., cui Urbanus II. successit, habita fuit; nam Urbanus I. centum plus minus annis Nicenam Synodum antecessit. At id quoque falsum: nam alia fuit Beneventana Synodus anno m. lxxxviii. à Victore III., alia ab Urbano II. an. mxc. Beneventi pariter celebrata. Ignota autem iis fuit Beneventana Synodus Urbani, unde ad Victoris Synodum confugerunt, majori quidem fultate, quam ipsa Victoris Synodus à Leone Ostiensi recitata prodit, ubi Canon ille, seu Decretum nullumodò legitur. Exhibet, præter laudatos Labbeum, & Ursinum, hoc Beneventanum Urbani II. Concilium Stephanus Balutius in Addit. ad Petrum De Marca De Concord. Sacer., & Imp. Lib. vii. cap. xii., affirmatque à se descriptum ex veteri Cod. MS. Monasterii A-nianensis in Bibliotheca Colbertina servato, atque ex aliis Codicibus antiquis emendato; atque ibidem Canon I. iisdem omnino verbis conscriptus legitur, quibus superius à nobis ex Ivone, Gratiano, & Innocentio recitatus est: De Concilio autem anno Balutianum exemplar discrepat; nam non anno mxc. sed inscripto titulo praefert sic: *Habitu Anno mxc.**

set, id innuere inquit Decretum Urbani I., idque expressum subdit verbis Urbani II., ut hodie Subdiaconatus inter Sacros Ordines computaretur. An in duplici laudando Pontifice Urbano lapsus ipse memoriâ Innocentius fuerit, vel potius Amanuensis error censendus sit, cui facile in primo scribendo Urbano, secunda excideret notâ numeralis, incertum adhuc crediderim (1): Illud verò certum, ex Urbano II., atque ex Concilio Beneventanò ea omnia præstituta, ac præfinita extitisse, quibus innixus Innocentius *hesitationem* illam suo ævo subortam dispellens, de Subdiaconatu inter Sacros Ordines statuendo generalem, perpetuamque Legem edixit. Quare & illud certum, ut in ipsa Beneventana Ecclesia Sæculo x. Subdiaconi cum suo Archisubdiacono non distinctum modò ab inferiori Clero Ordinem, sed etiam eadem, qua sibi superiores Presbyteri, Diaconique, Religione tenebantur, & ipsi, præmonente Concilii Beneventani Canone, Sacro Ordine insigniti censerentur.

Inferiores autem Clerici suum quoque locum, & Ordinem in eadem Ecclesia obtinebant: Quare factum est, ut Archiepiscopi Landulfi Diplomati Johannes Clericus, & Abbas subscriperet: Quid verò ille *Abbas* additus titulus sibi velit, nonnisi conjecturâ explicare licebit: Non enim de vera *Abbas* significatione, potestateque rectè judicabimus, quibus, transducto usque tunc à prioribus Sæculis more, illi vocabantur, qui Monasticis Congregationibus præerant: minùs etiam ex hoc solo vocabulo, ad Canonicam, seu Regularem Vitam in Ecclesia Beneventana tunc fortasse temporis à minoribus Clericis institutam congruum argumentum, aut etiam divinationem quampiam aucupabimur. Restat igitur, ut quemadmodum ex eodem Diplomate Presbyteri emergunt cum suo Archipresbytero, Diaconi cum suo Archidiacono, cum ipso denique Archisubdiacono Subdiaconi, ita quoque reliqui inferiores Clerici suum Principem, Caputque habere debuerint; cui certè *Abbas* nuncupationem, Monasticorum institutorum exemplo, accommodatam fuisse videtur, proptereaquod is reliquos Clericos tum Ordine, tum ætate minores, ac proinde disciplinæ adhuc indigos, suæ curæ, regiminique commissos, in Ecclesiasticis studiis, moribus, ceterisque clericalibus officiis erudiendos curaret. Archiepiscopus Henricus in suo Diplomate Anni MCLIX. confirmat Romualdo Primicerio Ecclesiæ Beneventanæ ipsum *Primicerium cum Scholis*. In vetustis Constitutionibus ejusdem Ecclesiæ, de quibus mox agendum erit, inter Primicerii munera illud recensetur: *Item habet ponere Magistrum in Scholis prædictæ Ecclesiæ, & ipse Primicerius, & Magister per ipsum ibi postea habent exinde onus, & emolumentum sine contradictione alicujus*. In Instrumento anni MXXLVII. Friderici II. Imperatoris jussu celebrato de Prandiis à Beneventano Archiepiscopo; certis anni diebus, tum Clero Beneventanæ Ecclesiæ, tum Basilicæ S. Bartholomæi parari consuetis, occurrit semel, atque iterum *Magister Scholarum Episcopii* (2).

Sed cur factum fortasse quis quærat, ut hæcenus nulla *Canonicorum*, qui Ecclesiæ Beneventanæ adscripti essent, mentio nobis occurrerit? Immo quos hæcenus memoravimus sacros Beneventanæ Ecclesiæ administratos, in quatuor Ordines distributos, eosdem nonnisi ipsiusmet Ecclesiæ veros, propriosque *Canonicos*, si non nomine, tituloque, re certè ipsa, suoque munere agnoscere fas erit. *Canonicorum* nomen, cujus etymologiam superius tradidimus, à sexto saltem Sæculo in Ecclesiis quibusdam audiri occcepit, uti ex Gregorio Turonensi probari potest (3): Non eandem vetustatem, si solam appellationem spectemus, Ecclesia Beneventana ostendere potest, siue quòd vetustissima perierint monumenta, siue quòd serò id nomen iis usurpasset libuit, qui jamdiu munere, & dignitate perfungebantur. Quum verò & ipsa cum aliis passim illustrioribus Ecclesiis Cathedralibus, eo præsertim nomine suos administratos distinguere, decorareque maluisset, jam illud singulare, aut certè majoris præstantiæ argumentum sibi adscivit, ut non solum *Canonicos* haberet, verum ipsos etiam in *Majorum*, ac *Minorum* ordines, seu classes distingueret. Id mihi compertum, ac persuasum omnino fuit ex Diplomate Pontificis Alexandri III. ad Cardinalem Lombardum Archiepiscopum Beneventanum: *Venientibus* (inquit Alexander) *ad præsentiam nostram quibusdam de majoribus Canonicis Beneventanæ Ecclesiæ pro par-*

ALTER

D d d 2

se

(1) Quod Urbanus I. in Decretali Innocentii legitur, non ipsius Innocentii, sed perspicuum Amanuensis errorem conficit Thomassinus P. I. L. II. cap. XXXII. n. 2.: Beneventano enim Concilio (inquit) presuit Urbanus II., non I. Deinde cum Innocentius ait: Urbanus ad statum primitivæ Ecclesiæ se referens, perspicue declarat de Urbano II. se verba facere: Quippe nihil opus erat, ut ad primitivæ Ecclesiæ splendidiora tempora se referret Urbanus I., quum esset eorum ipse Sidus exi-

mum. In eo tamen Thomassinus Innocentio adversatur, quod is fundamenta suæ Constitutionis ab Urbani Decreto repetat, quum potius Urbanus Innocentio præfuisse dicendus sit, ita ut non alius verò, quam Innocentius III. ipse Subdiaconatum in Ordines Sacros, & majores primus omnium retulerit.

(2) Extat originale in nostra Bibliotheca, Cod. signato G. 4. n. 39. Diplomate XIV.

(3) In vitis Patrum, & Lib. x. Hist. Franc.

se sua, & aliorum, & nobiscum de ordinatione ejusdem Ecclesiae diligentem tractatum habentibus (1). Habemus igitur Beneventanae Ecclesiae Canonicos Majores nuncupatos, ex quibus alios Minores extitisse, idoneum argumentum sumere licet; quod & comprobare videtur Diploma Cardinalis Rogerii Archiepiscopi anni MCCXVII, ubi post binos Ecclesiae Beneventanae Primicerios, post Sacerdotes, Diaconos, Subdiaconosque postremo loco subscribitur Jacobus Ecclesiae Beneventanae Canonicus (2); ut videas Jacobum hunc ad minorum Canonorum classem pertinuisse, quam veri quidem simillimum est, ex reliquis inferioribus Clericis ejusdem Ecclesiae Canonis, seu matriculae adscriptis constituisse.

Ceterum quod ad Beneventanos Canonicos generatim attinet, longè ante Archiepiscopum Rogerium, atque Alexandrum III. aliis monumentis illorum nomen, memoriamque celebratam invenire erit in Diplomate Archiepiscopi Petri II. anni MCXLVII, qui concedit Marino Abbati Monasterii Cavenis Ecclesiam S. Nicolai de Civaria cum onere solvendi quotannis Beneventanae Sedi in die Assumptionis B. Virginis quatuor denarios Papienfes in signum subjectionis; in quo Diplomate Petrus Beneventana Ecclesiae Canonicus subscriptus occur-

(1) Dignum est hoc Pontificis Alexandri Diploma, quod originale in nostra Bibliotheca servatur, ut a mendis Ughellianae editionis expurgatum, novam lucem, meritaque observationes excipiat:

Alexander Episcopus Servus Servorum Dei. Venerabili Fratri L. quondam Beneventano Archiepiscopo salutem, & Apostolicam Benedictionem. Venientibus ad praesentiam nostram quibusdam de majoribus Canonicis Beneventanae Ecclesiae pro parte sua, & aliorum, & nobiscum de ordinatione ejusdem Ecclesiae diligentem tractatum habentibus, Nos volentes necessitati tuae secundum facultatem ejusdem Ecclesiae honestè prospicere, de communi Fratrum nostrorum Consilio, Tibi molendum in pede suburbii situm, de quo sex cosinos frumenti unoquoque mense, & alia quaedam proveniunt, ita quod de Cellario, vel aliando si quid defuerit de sex cosinis suppleatur, & sexaginta saumas puri vini per annum cum vegetibus, in quibus possit reponi, quatragesima & octo Romanatos de Paradiso, & de Altari tantum quod viginti quatuor uncias auri compleat, de consensu ipsorum Canonice concessimus toto vitae tuae tempore annuatim cum integritate habenda. Addidimus postea praedictis Canonicis praesentibus, ut Saumario, quem habueris pro lignis ferendis, annona de Ecclesia ministraretur. Indulgemus etiam tibi, ut de Libris tuis, & indumentis disponere quequid volueris in vita, & in morte plenam habeas potestatem. Statuimus etiam, ut Domus de Turricella tibi ad habitandum ibi, quandiu vixeris, assignetur. Ut autem haec nostra concessio, & dispositio firma, & illibata permaneat, eam auctoritate Apostolica confirmamus, & praesentis scripti patrocinio communi-mus. Statuimus, ut nulli omnium hominum liceat hanc paginam nostrae concessionis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & SS. Petri, & Pauli Apostolorum ejus se noverit incursum. Amen. Bene Valete. Locum & Sigilli. Ego Alexander Catholicæ Ecclesiae Episcopus. † Ego Ubalduſ Officiarius Episcopus. † Ego Petrus Tusculanen. Episcopus. † Ego Arduinus Presbyter Cardinalis Tit. S. Crucis in Jerusalem. † Ego Matheus Presbyter Cardinal. Tit. S. Marcelli. † Ego Laborans Diaconus Cardinalis Tit. S. Mariae in Porticu. † Ego Gratianus Diaconus Cardinalis SS. Cosimæ & Damiani. † Ego Johannes Diaconus Cardinalis S. Angeli subscripsi. † Ego Matheus S. Mariae Novæ Diaconus Cardinalis. † Ego Bernardus Diaconus Cardinalis S. Nicolai in Carcere Tulliano. Datum Signis per manum Alberti S. R. E. Presbyteri Cardina-

lis, & Cancellarii, sexto Kal. Augusti Indiſt. XII. Incarnationis Dominicæ Anno MCLXXIX. Pontificatus Domini Alexandri PP. III. Anno vigesimo.

Lombardum hunc Patria Placentinum, S. Thomæ Cantuariensis exilii socium, sacrorum Canonum peritissimum, Fidei Zelo, & Pietate præclarum ab Alexandro III. S. R. E. Cardinalem, & Beneventanum Archiepiscopum renunciatum testatur Baronius ex tripartita Historia Codicis Vaticani. Archiepiscopus se abdicasse palam est ex recitato Diplomate, in quo Pontifex ipsum quondam Archiepiscopum appellat, ac necessarios sustentationis redditus ex ipsa Beneventana Ecclesia eidem indulget. Abdikationem ante mensem Martium ejusdem anni 1179. factam ostendit Concilium Romanum ab eodem Pontifice dicto mense celebratum, cui decem & octo Beneventanae Provinciae Suffraganeis subscribentibus, Archiepiscopi tamen subscriptio desideratur. Vacabat adhuc in mense Augusto, (quo Diploma datum fuit) Archiepiscopatus, cui tandem sub ejusdem anni exitum successus fuit Rogerius Monachus Casinensis, & S. R. E. Cardinalis. Quid causæ fuerit, ut Lombardus Archiepiscopatum dimiserit, omnino latet: Honestam certe fuisse causam, ut se ad vitam privatam quietem fortasse revocaret, illud demonstrat, quod adhuc Beneventi considerit, ubi Domum de Turricella habitandam obtinuit, ac præterea redditus in alimentorum causam necessarios; idest sex mensiuos frumenti cosinos, sexaginta annuus Vini saumas, quadraginta octo annuos Romanatos, idest nummos aureos à G. Politano Augusto Romano Diogene cufos, ac denique viginti quatuor auri uncias: quæ omnia simul collecta vix ducatos trecentos nostrae monetæ attingent; quæ satis tunc Lombardo Cardinali olim, & Archiepiscopo pro ejus modestia, ac temporum ratione videbantur. Cosinam, seu Coscinum, mensuræ frumentariæ speciem etiam Cangius docet ex hac una nostra charta, modio circiter, quo nunc utimur, respondentem. Saumam quoque Vini, eam esse scimus, quam appendis ad latera valis equi ferre solent, Saumarii propterea appellati. Saumarium etiam nostra Charta commemorat, qui ab eadem Beneventana Ecclesia alendus eidem Lombardo pro lignis ferendis permittitur: Inde patet Afinis, quos hodie Somari vulgus appellat, nomen factum: uti etiam à Sauma, quod nunc obtinet Soma, derivatum apparet. Sed quum in hac minuscule res sermo evasit, Saumam quoque audisse jucundum fortasse cuiquam fuerit ex nostro Falcone, qui ad annum 1124. tantam Beneventi fertilitatem vini fuisse narrat, quod nobis, & multis aliis videntibus, centum Saumæ pro triginta denariis venderentur.

(2) Ex originali Pergamena in nostra Bibliotheca servata, & in Bullario selecto p. 158.

occurrit (1). Frequentissimam exin Beneventanorum Canonicorum mentionem sequuntur mox ætatis monumenta præstabant; ex quibus bina tantum hæc memoranda ducimus. Alterum prodit ex decretali Epistola Innocentii III. ad Henricum, & Vitalem Canonicos Beneventanos, qui in causa sibi delegata consulendum Pontificem duxerunt, an legitima proles habenda esset illius, quæ ignorans, matrimonium cum Viro superstitem adhuc uxorem habente contraxerat, ut eadem proles ad paternam successionem admitti posset; quibus Pontifex ad favorem potius prolis declinandum arbitratus, eandem tanquam legitimam reputandam rescripsit (2). Alterum occurrit in Additamento Libri Censuum Romanæ Ecclesiæ à Cincio Camerario compositi, in quo sic legitur: Anno Domini MCCXXXIII. Pontificatus Domini Gregorii IX. Papa anno VII. Kalendis Julii, Ecclesia S. Thome de Plano Rubi, sita in Muranensi Dioecesi concessa est Johanni Leoni Canonico Beneventano; salvo censu unius obuli auri, quem Domini Papa Camera teneturolvere annuatim (3).

De Beneventanorum Canonicorum numero variae sunt ætates distinguendæ. Diu namque fuit, ut ingens, ac nullo sine coercitus illorum fuerit numerus; siquidem, quotquot Clericali militiæ nomen darent, in Album Clericorum ejusdem Ecclesiæ censebantur, itaut ex ipsa numeri effreni licentia, ea Canonicorum multitudo, ac veluti colluvies promanaret, quæ (uti superius observavimus) in ipsius Ecclesiæ dedecus, divinique cultus detrimentum redundare probaretur. Heinc illa, quæ etiam superius memorata nobis fuit, Archiepiscopi Lombardi sollicitudo, promulgataque ab eodem Constitutio, qua, adnitis Archidiacono, aliisque sanioris partis Fratribus, quibusdam ad tempus, quibusdam perpetuo interdictum, ne locum in Choro Beneventanæ Ecclesiæ sortirentur. Consultum ea lege fuit, ne temerè, promiscuèque, idest contra Sacrorum Canonum instituta admissiones fieret, ne scilicet externi, sed peregrini Clerici, quique ob natalium, criminumve infamiam ab Altaris ministerio arcerentur, in aliorum Collegium irrepent: Interea verò nihil de certo, definitoque aliorum numero statutum fuit. Anno MCCXVI. Ecclesia Beneventana Canonicos sex supra octoginta numerabat; nam defuncto Petro de Tobio Archidiacono quinquaginta quatuor tum præsentibus Canonici, absentes alios triginta duos speciatim commonendos censuerunt, ut statuta die ad novi Archidiaconi electionem veteri jure, ritque peragendam convenirent, tractaturi, & processuri de prædicta electione, & ad prædictam electionem cum continuatione . . . & quid nisi venerint in termino prædicto, procedetur in ipsius electionis negotio, ipsorum, vel quorumcumque ex ejus absentia non obstante (4). Scio plures, laudis, decorisque loco habendum existimasse, quod Ecclesia Beneventana hunc olim amplissimum Canonicorum numerum fovisse, atque ostentare potuerit. At hi vehementer errare videntur: dum ex eo monumento non qui certà lege statutus esset, sed qui ex extante tunc Clero componebatur, numerus deduci tantummodo potest; itaut etiam major, minorve, prout Clerici Beneventi adessent, contigisse potuerit. Quamquam nihil causæ nobis suppetere debeat, ut de numerositate gratulemur, quæ disciplinæ contraria est, aliorumque gravissimorum incommodorum præfens occasio. Heinc benè, ac sapienter Majores nostri post dictum annum MCCXVI. in eam iverunt sententiam, ut certus denique, statutusque Canonicorum deinceps haberetur numerus, quem tum decori, tum famulatu Beneventanæ Ecclesiæ satis esse existimarent.

Ejus instituti numeri primum, ac præclarum monumentum occurrit anno MCCCLXXV. ex quo scimus jamdiu in Ecclesia Beneventana obtinuisse, ut triginta duntaxat Canonici in eam adligerentur: Eo siquidem anno ipsimet triginta Canonici, antiquum (uti ajunt) statutum, & consuetudinem ab Archiepiscopo Ughone confirmandam petunt, ut ipse tricenarius numerus inviolatè in posterum servaretur, confirmationisque decretum ab eodem obtinent; quare non tunc primum, uti falsò Sarnellius ait pag. 126., lata est de eo numero constitutio, sed approbatio duntaxat, solemniorque confirmatio (5). Cur verò in

(1) Ex originali Diplomate, in Archivio dicti Monasterii Cavenis extante, ex quo exemplar descriptum est in nostro Bullario selecto n. XXVII. p. 123., datumque legitur Beneventi per manus Rolandi Sacerdotis Scribæ Domini Archiepiscopi Anno Domini Incarnationis millesimo centesimo quatuoragesimo septimo, quinto Idus Martii, Indictione decima, Anno Pontificatus Domini Papæ Eugenii secundo, & ejusd. Archiepiscopi secundo.

(2) Cap. ex tenore. Qui filii sint Legitimi &c.

(3) Ex Libro Censuum S. Rom. Ecclesiæ, quem

edidit Muratorius Antiq. Med. ævi Tom. v. pag. 899.

(4) Ex Instrumento coram tribus Judicibus, atque a tribus simul Notariis publicis celebrato die 9. Septembris d. Anni 1316. in nostra Bibliotheca servato in Volumine Monumentorum circa collationes Canonicatum sign. 6. ix. fœt. iv.

(5) Ex originali charta membranacea in d. vol. sign. 6. ix. n. 39. cum appenso plumbeo sigillo Archiepiscopi Ughonis: unde inter alia hæc describenda duximus: Et prædicti Domini Canonici dicebant d. Domino Archiepiscopo, quod cum ab eo tempore, cujus in contra-

ipsa majori Ecclesia ante dictum annum numerus Canonicorum non esset definitus; quando ante annos xxv. idest anno mccc. Archiepiscopus Stephanus in adjacenti Basilica S. Bartholomæi, cujus ministerio, ac famulatu quamplures Clerici *Capellanorum* titulo adscripti numerabantur, propter nimiam multitudinem evitandam, quæ solet frequenter scandala generare, illorum numerum ad xii. coercuit? (1). Qui igitur, progrediente sæculo xiv., definitus esse coepit, mansit idem Beneventanorum Canonicorum tricenarius numerus ad annum mdc., quo anno Archiepiscopus Maximilianus de Palumbaria trigessimum Canonicatum, sive ejus redditus Patribus Societatis Jesu, Theologum ad Sacræ Scripturæ explanationem in ipsa Cathedrali Ecclesia peragendam suffecturis, perpetuo attributos à Clemente Papa VIII. impetravit (2). Mox verò anno mdcvii. ex xxix. Canonicis alii duo defecerunt, eorum redditibus ad Collegium Mansionariorum translatis, quod Collegium tunc primum Cardinalis Arigonii Archiepiscopi operâ, Pontificisque Pauli V. auctoritate, ad majorem Beneventanæ Ecclesiæ, ejusque Canonicorum decorem, famulatunquæ, ad xvi. Mansionariorum numerum fuit institutum (3). Atque ex eo tempore reliquis xxvii. Canonicorum fuit numerus, qui hodieque perseverat; in quo numero, sex representant Dignitates, de quibus paulo inferius singillatim agemus.

Ad Beneventanorum Canonicorum Vestes quod attinet, nihil singulare, ac præcipuum ab Antiquitate accersere licebit. Thomassini sententia est, promiscuum olim Clericis, Laicisque *Almutia* usum fuisse, idest illud vestis genus, quæ capiti operimentum præbens, in armis simul contendens descenderet: at laicis desuetas Almutias, tandem Canonicis vendicatas, atque in propria ipsorum insignia celsisse, nuperi (inquit) hujus Sæculi, vel superioris innovatio est (4). Cæterum Canonicis nonnisi talarès vestes sive nigras, sive albas deferre antiquus mos fuit. In Constitutionibus Beneventanorum Canonicorum Regularium S. Andreæ, superius commemoratis, hæc de illorum vestibus Urbanus III. præscribit: *Vestimenta Fratrum nigra poterunt esse, vel alba, quæ repellere frigus, & decenter tegere possint nuditatem, & terram in illa parte contingant; Togis etiam, & in Ecclesia, & extra uti valebunt; Qui velaminibus super Caput opus habuerint, Capitiis sint contenti, & alia velamina secularia non requirant. Quodque de Regularibus tantum Canonicis constitutum putes; verum etiam de aliis quibusque. De Herveo Turonensis Ecclesiæ Thesaurario, qui Sæculi xi. initio florebat, hæc Glaber Rodolphus memoriæ tradit: *Suscepit Ecclesiæ cura, vestesque alba tectus more Canonico, mentem tamen, & vitam pleniter possedit monachicam* (5). Alios verò adhibere colores, qui majorem quandam dignitatem præferrent, tunc demum Canonicis fas erat, quum Pontifex Privilegio facto indulgisset: Sic Sæculo ix. Ludovicus Pius concessit Canonicis, concordante Domino Papa, *habere in domibus libertatem, & judicariam potestatem, & voluit ipsos vestiri griseis, & variis* (6).*

Primum antiquarum vestium Beneventanorum Canonicorum monumentum occurrit Sæculo xiv. sub eodem Archiepiscopo Ughone, qui, uti superius diximus, eorundem Canonicorum tricenarium numerum confirmavit: atque Hugo quidem Archiepiscopus Beneventani Capituli Constitutiones ab Archiepiscopo Petro de Pino anno mccciv. conditas promulgans, hæc de Canonicorum vestibus edixit cap. xvi.: *Item qui abjectis Vestibus primo congruentibus ordini . . . non erubescunt, eo ipso se reddent indignos, & affectantes fordes laudem non pariunt, sed Clericorum, ipsiusque Ordinis vilescit auctoritas, præsentem Constitutione ordinamus, & præcipimus, ut deinceps omnes Clerici, & Canonici omni tempore vestes Su-*

perio-
rius memoria non extat . . . in d. majori Ecclesia fuisse, & esse certum numerum constitutum Canonicorum, qui vocem in Capitulo, & stallum in choro haberent, & quotidianas distributiones percipiant, videlicet numero triginta . . . & quod dum dictus numerus triginta integer perfectè fuit, nullus alius in Canonicum dictæ Ecclesiæ . . . per eos foret constituendus, & recipiendus; & cum aliquis de, & in numero defecerit, per eosdem Canonicos, & majorem, & sanioerem partem ipsorum, & d. Capituli fuerit, & si substituentus, & subrogandus . . . optarent, ac vellent pro ipsorum, & dicti Capituli, ac dictæ consuetudinis, & statuti, & numeri majori robore, & cautela cum consensu, auctoritate, & decreto dicti Domini Archiepiscopi ipsam consuetudinem, statutum, & numerum triginta Canonicorum ratificare &c.

(1) Stephani Archiepiscopi Diploma recitat Ughellus T. viii. col. 231.

(2) Ex ejusd. Pontificis Bulla, data die 8. Decembris 1600. Idque munus laudati Patres Societatis Jesu hodieque cum laude præstare pergunt.

(3) Quatuor Canonicatus ad eam rem supprimendos Cardinalis Arigonius à Paulo V. obtinuerat, ut liquet ex Bulla, data 4. Septembris Anno 1607. Quum verò aliunde congruus redditus comparasset, quibus Collegium dictorum Mansionariorum usque ad xvi. commodè erigi posse videbatur, ut constat ex altera ejusd. Pontificis Bulla, data 19. Julii anni 1608, non quatuor, sed duos tantum Canonicatus suppressere satius duxit.

(4) Eccl. Discipul. P. i. Lib. ii. cap. Lxii. n. 6.

(5) Glaber Rodul. Hist. Lib. iii. cap. iv. apud Mabillon. veter. Anal. p. 217. edit. Paris. 1723.

(6) Fragmentum Hist. de Concilio Aquilgranenfi apud eundem Mabillonium l. l. p. 149.

periores, & Ordini congruentes & apparentes, fractas, viles, nec alias abjectas infra Ecclesiam, & Chorum, seu dum Divinis intererunt Officiis, portare presumant: & idem de Almutiis, seu Cerfusiis eosdem exhortantes in Domino, ut eidem in omnibus in suo habitu placere studeant, nec aspectum intuentium offendant, aut Capitis cooperimento suum deturpent Sacerdotium. Si quis verò nostra presenti Constitutioni, & monitioni obtemperare contempserit, communionem, & ingressu Ecclesie tandem eundem privamus, quousque adimplere procuret, quod in virtute sancte obedientie ab omnibus precipimus observari. Quæ quum ita sint, alii judicent, an fides Thomassino adhibenda sit, qui, uti paullo antea audivimus, Almutias pro Canonicorum insignibus, seu propriis vestibus, nuperi hujus Seculi, aut superioris innovationem fuisse itatuit. In Beneventana certè Ecclesia medio Sæculo xiv. jam Almutie Canonici in usu erant, longè quidem antea, ut videtur, receptæ. Dubitari etiam subit de nostri Viperæ testimonio, qui aliarum Vestium, sive Insignium Canonicalium Ecclesie Beneventanæ eundem Hugonem affirmat auctorem, qui Archiepiscopus (inquit) dedit Canonicis sua Cathedralis Habitum hiemalem, qui vulgò dicebatur lo Scapezzone, eratque nigri Coloris cum magno Caputio & longa Cauda, & supra illum patientiam lineam albi coloris vulgariter dictum lo Sericotto, quo Habitu usi sunt Canonici usque ad annum 1607. (1). Nullimodè enim ex dictis Constitutionibus ab Hugone promulgatis, neque ex aliis, mihi frustra quæsitis, monumentis, ejusmodi Concessionis apparent vestigia: Quinimò in aliis Constitutionibus ab Archiepiscopo Gaspare Columna anno mccccxxx., annis videlicet lx. post Hugonem adjectis, atque in eodem Codice antiquarum Constitutionum membranaceo asservatis altum de præfato habitu lo Scapezzone silentium, sed rursus Almutiarum tantummodò mentio est, hisce verbis p. 7.: Item quod de habentibus Almutiis, seu Cerfusiis depilatis ex nunc precipimus, ut usque ad Festum Resurrectionis proxime future habeant nova, alias puniantur secundum in Constitutione xvi. fel. mem. Hugonis predecessoris nostri plenius continetur. Et mox: Item quod nonnulli Canonici de Capitulo incedunt per plateam extra domum sine Caputio tantum cum bireto, quapropter precipimus ad penam tarenorum quinque, ut nullus de cetero incedere sic presumat. Et in fine dictarum Constitutionum: Nos qui supra Gaspar Archiepiscopus adicientes precipimus & mandamus sub pena tarenorum quinque, ut perpetuis temporibus in Vigilia B. Johannis Baptiste, dum in ipsa Ecclesia celebrabitur Vesperam, & Missam, unusquisque habeat Superpellicium, & Cerfusiū, prout in Choro.

Recentior itaque dicti Habitus, appellati lo Scapezzone, origo, ac fortassè sub ejusdem Sæculi xv. exitum, incertus adhuc auctor videri debet. De ipsius autem usu nostri Viperæ fides omnino constat, qui ejusmodi Habitum ad annum 1607. perdurasse affirmat, ad eam scilicet ætatem, qua ipse non solùm suis inspexisse oculis, sed jam tum fortassè inter Canonicos adscriptus, gestasse etiam potuerit. Videas nunc in hac Canonicali Vestis nonnihil ejus formæ inveniri, quæ ab Urbano III. pro Beneventanis Canonicis Regulæ S. Andreæ præscripta olim fuit sub Toge appellatione, cui Caputium ad Capitis velamen appositum erat: In illa autem (uti Viperæ vocat) patientia linea albi coloris, quæ Toga superimponebatur, non aliud, quàm superpelliceum, seu, quam hodiè appellamus Cottam, agnosces. Hæc verò hiemalis vestis Canonicorum fuit: neque enim novum, alias vestes hieme, æstate alias gestari Canonicis permissas. Quum Nicolaus Papa III. anno mccclxxviii. officia, vestimenta que Sacra Canonicorum S. Petri in Urbe Roma novis moderaretur edictis, priscam illorum confirmavit consuetudinem, ut à Pascha ad Solemnitatem Sanctorum omnium lineis togis superpelliceis, sive cortis absque Cappis utantur: a die verò Festo Sanctorum omnium ad Pascha, ut super superpelliceas lineas deferant Cappas nigras de Sergia simplici (2). Eundem igitur, qui Romæ obtinebat, æmulari morem Canonici Beneventani jam coeperant à Sæculo xiv., quo ex tempore hiemales vestes adhibebant, aliis propterea æstivo tempore usuri.

Sed eadem denique præfato anno mdcvii. (quem Viperæ indicavit veterum vestimentorum finem) eorundem Canonicorum S. Petri augustioris tunc formæ insignia Beneventanis quoque Canonicis attributæ sunt. Nam (ut interim nihil longum faciam de Bireto Rubeo, quo Beneventanos Canonicos Cardinalis Laurentius Cybo, Nepos Pontificis Innocentii VIII., ac Beneventanus Archiepiscopus anno mccccxxxix. decoratos voluit, quippe qui defuervisse statim videtur (3)), ab Ecclesia, inquam, Vaticana ad Beneventanam Ca-

(1) Eadem Viperæ verba usurpat Ughellus T. viiii. col. 240.

(2) Raynaldus in Annal. ad Annum mclxxviii. n. 79.

(3) Eam rem testatam reliquit Ciaconius cum notis

Oldoini in Vitis Pontific. & Cardinal. T. i. n. 111. hæc inter alia de eodem Cardinali Cybo Beneventano Archiepiscopo scribens: Hic Canonicis Biretum Rubrum restituit, seu potius donari curavit.

nonicalium Vestium forma, atque splendor dimanarunt: laudati enim Archiepiscopi Cardinalis Arigonii precibus annuit Pontifex Paulus V., ac singulari tunc Privilegio indulgit, ut Ecclesie Beneventana Capitulo, Dignitatibus, & Canonicis loco Almutiarum, seu Vestium, quas hactenus gestare consueverunt, in eorum Ecclesia, & Civitate tam in Choro, & Capitulo, quam in Processionibus, & aliis actibus publicis, & privatis, in quibus eos pro tempore intervenire oportuerit, hiemali scilicet, Rochetto, & Cappa violacea pellibus armellinis pellita, aestivo vero tempore Cotta super Rochetto, ad instar Canonicoꝝ Ecclesie Lateranensis, & Principis Apostolorum, ceterarumque Basilicarum Urbis uti, & cum illis incedere liberè, & licitè valeant (1): Sed de Vestibus jam satis.

De Dignitatibus nunc instituendus sermo est: quarum senarium numerum superius indicavimus: Suntque Archidiaconus, Archipresbyter, Primicerii duo, Thesaurarius, atque Bibliothecarius; quibus singulis, præter proprii, quem annexum habent, Canonice redditus, suæ sunt assignatæ Præbendæ. De Archidiacono, atque Archipresbytero, eorumque prærogativis, muneribusque nihil heic attinet dicere; quandoquidem de hisce Dignitatibus obvia cuncta sunt in Juris Canonici libris, eorumque interpretibus; ex quibus discere erit, cur Archidiaconus, ordine licet inferior, Archipresbytero antistat: etsi verò in Diplomate primi Archiepiscopi Landulfi superius memorato primus (ut ibidem animadvertimus) Leo Archipresbyter, ac post illum Magenolphus Archidiaconus subscribat, non heinc tamen deduci potest, aliquandò in Ecclesia Beneventana Archidiaconum secundo loco stetit: etenim in altero Diplomate Archiepiscopi Henrici anni mclxi. primus subscribit Ratnolphus Beneventanus Archidiaconus, ac mox Bartholomæus Archipresbyter (2): Quamobrem ex foliis subscriptionum locis non est tutum, neque certum argumentum definiendi majoris, minoremve cuiusque dignitatem, ut satis eruditè ostendit Petrus de Marca (3); docetque exemplum Diplomatis Gregorii Beneventani Archiepiscopi anni mclxi., in quo post ipsius Archiepiscopi subscriptionem subscribunt Adelferius, & Philippus Diaconi Beneventana Ecclesie; post ipsos verò Diaconos tres suffraganei Episcopi, idest Petrus Episcopus Montis Corvini, Stephanus Episcopus Tortiboli, & Robertus Florentini Episcopus (4). Beneventanum igitur Archidiaconum satis constat universi Cleri principem omni ævo fuisse; quare in antiquis Constitutionibus Beneventanæ Ecclesie, sive Capituli ab Archiepiscopo Petro de Pino anno mccciv. editis, ab Archiepiscopo verò Hugone Guidardio anno mcccxxxix. promulgatis, atque superius memoratis, Archidiaconus non modò ante Archipresbyterum, aliasque Dignitates primo loco recensetur, verum etiam amplissima ejus Dignitas, Auctoritasque singillatim explicatur. In quos autem fines eadem Dignitas se olim protulerit, quum nosse non solum jucundum sit, sed planè Ecclesiasticæ eruditionis, nostræque Ecclesie decoris planè intersit, eorundem Constitutionis locum infernè descriptum exhibemus, observationibus aliquot opportunè illustratum (5).

(1) Ex originalibus Pontificiis Literis in forma Brevis in nostra Bibliotheca servatis in Codice, cui titulus: *Diplomata varia Summorum Pontificum* etc. signato §. iv. n. 39. scriptura 1.

(2) Ex originali charta in nostra Bibliotheca extante, & in Bullario Selesto p. 117.

(3) Petr. de Marca de Concord. Sacer. & Imp. Lib. v. cap. vi. n. 5., & Lib. xi. n. 1.

(4) In d. Bullario pag. 122.

(5) Ex Antiquis Constitutionibus Beneventani Capituli in Codice membranaceo Bibliothecæ Beneventanæ signato §. ix. sect. i. n. 87. p. 3. à ter.

Infrascriptæ sunt Jurisdictiones, Constitutiones, Consuetudines, Dignitates, & Officia, quæ pertinent ad Venerabiles Viros Dominum Archidiaconum, Archipresbyterum, Primicerium majorem, Primicerium minorem, Vestiarium, Bibliothecarium, nec non ad totum Venerabile Capitulum majoris Ecclesie Beneventanæ.

(1) In primis hæc est Jurisdictio, Dignitas, & Officiu Domini Archidiaconi, seu Archidiaconatus Beneventani.

(2) Dominus Archidiaconus Beneventanus habet correctionem in Choro majoris Beneventanæ Ecclesie, & etiam in Processionibus tam Clericorum, quam Canoni-

corum Civitatis Beneventanæ, nec non in Consessionibus, & Sessionibus in mensa, & indumentis, & corona, & tonsura.

(3) Item habet recipere Clericos in primo choro unà cum Primicerio majore ipsius Ecclesie, qui sint de Civitate Beneventana oriundi à primo stallò ad secundum, & tertium semper, ipse Archidiaconus solus tamen habet Canonicos dictæ Ecclesie installare, qui sint infra quatuordecim annos.

(4) Item habet ipse Archidiaconus cognoscere de causis matrimonialibus, adulteriorum, incestuum, & dotium tam in Civitate, quam in Diocesi Beneventani.

(5) Item debet expendere cantica Cerei benedicti, si Hebdomadarius non vult, aut non potest dicere.

(6) Item similiter potest facere, & debet facere de Lectione Palmarum, Nativitatis Domini, & Evangelii notatis in Epiphania, Nativitatis Domini, & Lectionibus notis in Sabbato Sancto.

(7) Item potest ipse cantare Evangelium quandocumque vult, etiam invito Hebdomadario.

(8) Item debet presantare Ordinandos Archiepiscopo Beneventano.

(9) Item ipse Archidiaconus cum Archipresbytero,

Post Archidiaconum sequitur Archipresbyter, de cujus Dignitate, Officio, Jurisdictione plura in dictis Constitutionibus subnectuntur. At misso Archipresbytero, de quo, ut diximus, plana sunt omnia, majus nobis negotium facessunt binæ simul in Beneventana Ecclesia antiquitus institutæ, atque etiamnum vigentes *Primiceriorum* Dignitates. Nomen Primicerii antiquissimum, auditumque tum in Aula, tum in Castris demonstrant Juris Civilis Libri, alique veteres Scriptores: De ejus etymologia variæ sunt doctissimorum Virorum sententiæ; ac neglectis opinionationibus tum Veteris Vocabularii, Johannisque de Janua, Primicerium ideò dictum affirmantium, quòd primum cereum portaret ante Episcopum, vel Regem; tum Marcelli Donati, conflatum arbitrantis à primus, & xelo, idest manus, qua voce potestatem intelligendam monet, itaut *Primicherius* (uti scribere mavult) propriè sit is, in cujus manu, potestateque res potissimum sit (1): rem ipsam ad magnorum Virorum Briffonii, Vossiique discordem licet sententiam utiliùs deducemus. Ac Brissolinus quidem id omninò statuit, Primicerium non esse, ut quibusdam videtur, junctum

ALTER

Ee

ex duo-

Primicerii, & quibusdam aliis Canonicis Beneventanos, qui inveniuntur ibidem, debet examinare ipsos viduandos.

(10) Item debet ipse Archidiaconus dare portiones Vigiliarum Mortuorum in Septimana tantum.

(11) Item habet ipse Archidiaconus Diocesim distinctam à Diocesi Archiepiscopi, in quo habet totum jus Archiepiscopale, de qua non debet se intromittere Archiepiscopus, ejus Diocesis Terræ sunt hæc

Castrum Cercetii.

Castrum Pagani.

Castrum Ferrellate.

Terra Montis Ursini.

Castrum S. Angeli

ad Vadicinosam

& Vacchetella Quatrani.

(12) Item debet facere invitari Capitulum Ecclesiæ Beneventanæ, tamen primò debet conferre cum Archiepiscopo, & Primiceriis.

(13) Item debet facere primo die Quadragesime primum sermonem, & postea committere faciendum.

(14) Item quotiescumque eligitur Archidiaconus Ecclesiæ Beneventanæ à Capitulo, debet ipse Archidiaconus post Confirmationem suam facere prandium toti Capitulo Beneventano, & etiam Familiæ Domini Archiepiscopi.

(15) Item Archidiaconus in Confirmatione Episcopi debet habere ab eo duos Romanatos.

(16) Item in Consecratione Episcopi tantundem.

(17) Item in Confirmatione Abbatis debet habere unum Romanatum.

(18) Item in Benedictione ipsius tantundem.

(19) Item debet habere in Consecratione Episcoporum, & Benedictione Abbatum vasa Vitrea vacua, in quibus deferunt vinum.

(20) Item quandocumque Archiepiscopus ubicumque est cum Episcopis suis pontificaliter, Archidiaconus, & Archipresbyter Beneventani debent esse juxta ipsum Archiepiscopum, unus à dextris videlicet Archidiaconus, & alius à sinistris videlicet Archipresbyter supra ipsos Episcopos.

(21) Item temporibus prohibitis cantare Missam super sponsalibus, Archidiaconus debet dare licentiam quibuscumque Presbyteris, seu Archipresbyteris ad velle ipsius, qui se contrarium facerent, ipse Archidiaconus cantando, vel audiendo potest prevenire eos.

(22) Item sit per Sedem Apostolicam, vel Capitulum Beneventanum provideatur Ecclesiæ Beneventana de Ca-

nonicatu, ipse Archidiaconus habet installare illum, cui provisorum est de dicto Canonatu in Ecclesiâ Beneventana.

(23) Item si super citationibus, vel excommunicationibus, aut monitionibus faciendis pro parte dicti Archidiaconi, super quibus causis habet cognoscere idem Archidiaconus, aliqui Clerici essent inobedientes sibi de Civitate, & Diocesi Beneventanis, punis eos.

(24) Item quandocumque committuntur furta in Civitate Beneventana, ipse Archidiaconus debet Fures hujusmodi mittere, & eos excommunicare.

Sequitur Jurisdictio, Dignitas, seu Officium, quæ pertinent ad Archipresbyterum Beneventanum &c.

Notanda est in num. 3. conditio illa, Clericorum receptioni in Choro ab Archidiacono faciendæ appposita, ut ii scilicet sint de Civitate Beneventana oriundi. Eadem Lege Archiepiscopum Beneventanum teneri in Beneficiorum quorumcumque Collationibus ad ipsam spectantibus sancivit Pontifex Sixtus V. datis Literis Apostolicis anno 1588. in Appendice statuti Beneventi pag. 180. Omnia, & singula Beneficia cum cura, & sine cura, Secularia, & Regularia, Canonicatus, Præbendæ, Personatus &c. Civitatis, & Comitatus hujusmodi in mensibus loci Ordinarii pro tempore vacatura, & quorum collatio, proviso, siue quævis alia dispositio quomodolibet ad eum spectabit, solis Civibus originariis Beneventanis habilibus tamen, & idoneis, servata tamen inter eosdem Cives forma Concilii Tridentini, conferantur, & conferri possint, & debeant. Quòd verò ad illa Beneficia, quorum collatio ad Nos, & Successores nostros spectabit, sperandum erit, nos Beneventanorum prædictorum ante omnes rationem habituros, & ita speramus sacros esse successores nostros. Hoc Privilegium confirmatum inter alia fuit à Clemente PP. VIII. ita ad Beneventanorum Legatos, & Oratores referribente: De Mandato SS. Domini Nostri Archiepiscopus servet Breve Sixti V. prout jacet. In eadem Appendice p. 196. De eodem Privilegio extat etiam Decisio 314. S. Rotæ Romanæ coram Feutingerio. Quam verò Juri, rationique consonum sit, uberrimè ostendit Zaulus in Comment. ad Statutum Faventinæ observ. ad Proem. n. 36. De Archidiaconi Diocesi descripta, ac confirmata in num. 11. adhuc sub Judicis est, Archiepiscopis ordinariam Jurisdictionem in illa sibi vindicantibus, relicta Archidiacono Quartæ Decimalis exactione, quæ & ipsius Episcopalis potestatis superstes hodieum emolumentum est, solis Episcopis servatum in Cap. Conquerente. De officio Ordinarii.

(1) In Dilucidatione ad Hist. Ammiani Marcellini Lib. XVII.

ex duobus vocabulum, sed idem esse ac *Primum*, reliquumque ejus verbi extensionis loco additum videri: Id ex Suida probat, confirmatque ex Augutino, & Baldrico, quorum alter S. Stephanum *Martyrum*, alter S. Petrum Apostolorum *Primicerium* appellat (1): Briffonii sententiæ subscribit Gothofredus (2). Contrà Vossius, reprobato Briffonio, *Primicerii* verbum prorsus compositum esse contendit, atque à *prima Cera* ejus etymon repetit; quippe quum veteres in *Cera* scribere solerent, ac scriptum aliquem dixerint in *prima, secunda, tertia, & ima Cera*, quod ex Suetonii Cæsare, & Alconio in Verrem planum sit, certum consequitur, *Primicerium* ex eo dictum, quod *primus* notaretur in *Tabula Cerata*, hoc est *Albo*, sive in Catalogo illorum, qui aliquo munere fungerentur (3): Vossii sententiæ calculum addere videtur Cangius, cui *Primicerius* ille est, qui *Primus in Cera*, sive *Tabulam relatus* est (4). Utramque sententiam, quam quisque contentiosius pro sua parte probabiliorē efficere conatur, in medio relinquimus: Illud certum, *Primicerii* vocabulum à Rep. in Ecclesiam promanasse, quæ in sacra Dignitatis, sive Clericalis muneris peculiarem nomenclaturam, ac significationem extulit. In Monumentis Ecclesiasticis non ante S. Gregorii M. ævum (5), atque in vetustissimis *Romanis Ordinibus*, *Primicerium*, velut Ecclesiasticam Dignitatem, primum, quod invenerim, audire est (6): Mox in Ecclesiis Cathedralibus passim obtinuit, & Nomen ipsum, & Dignitas; itaut, quæ *Primicerii* partes, muneraque essent, Pontifex Gregorius IX. speciali Constitutione definiendum, ac declarandum censuerit: *Ut Primicerius sciat, se esse sub Archidiacono, sicut Archipresbyter, & ad ejus curam specialiter pertinere, ut præsit in docendo Diaconis, vel reliquis gradibus Ecclesiasticis in ordine positus; ut ipse discipline, & custodia infestas, sicut pro animabus eorum rationem Deo reddaturus; & ut ipse Diaconibus donet Lectiones, quæ ad nocturna officia Clericorum pertinent, & de singulis studium habeat, ut in quacunque re capacem sensum habuerit, absque ulla vacet negligentia, aut à quo ipse jussisset, infiruantur* (7).

Fuit itaque in Ecclesia Beneventana antiquissima *Primicerii* Dignitas, immò bini ab omni retro ævo fuerunt *Primicerii*. Præcipuum autem Munus, quod à Gregorio IX. attributum *Primicerio* superius legimus, ut is scilicet speciali cura præsit in docendo *Diaconis*, vel (ideest &) reliquis gradibus Ecclesiasticis in ordine positus, ab ipso Beneventanæ Ecclesiæ *Primicerio* omnino impletum etiamnum ostendunt vetustæ ejusdem Ecclesiæ Constitutiones, superius memoratæ; ubi inter alia ipsius *Primicerii* Majoris munia illud quoque recensetur: *Item habet ponere Magistrum in Scholis prædictæ Ecclesiæ, & ipse Primicerius, & Magister per ipsum positus, habent exinde onus, & emolumentum sine contradictione alicujus*. Meminit obiter ejus Dignitatis, & Muneris Illūnus Borgia in *Præfat. tom. I. Memor. Istor. Benev.*

pag. XVI.

(1) De Verbor. significat. Lib. XIV. in eodem vocabulo *Primicerius*.

(2) In titulo Codicis Justin. De *Primicerio*, & *Secundicerio* Lib. XII. ubi sic habet: *Primicerius, Secundicerius, Tertiocerus, Quarcicerius Scholarum, vel Notariorum est Primus, Secundus, Tertius, Quartus*. Erius enim productio est verbi &c.

(3) In Lex. etymol. Ling. Lat. d. vocab.

(4) In Glossario med., & infim. Lat. sub eod. verbo.

(5) Lib. III. epist. XXII. ex edit. PP. Benediclin. S. Mauri.

(6) In Ordine Romano cap. 2., & passim deinceps apud Mabillon. Musci Italici Tom. II.

(7) Cap. un. Extra De Officio *Primicerii*. Quum Gregorius dixit à *Primicerio* docendos *Diaconos*, vel *Clericos*, utroque simul, tum scilicet *Diaconos*, tum *Clericos* utique intellexit. Nihil magis Ætati Mediæ factum, ac propè assiduū, ut particulam disjunctivam vel prò conjunctiva & passim usurparet; quod & de particula seu usuenit. Id jam observatum à Gothofredo in notis ad Codicis Theodosiani Leges, in quibus per sæpe nunc vel, nunc seu ab Augustis Legumlatoribus post Constantinianum ævum scribi cæptum est. Cl. Marchio Maffejus in Dissert. sù i *Versi Rittmici* pag. 183. Mantova 1727. hæc habet: *Pud esse suspetto il lve Saturni, ma sia per seu, ovvero vel, usato pro & fu dagli Scrittori dell' Istoria Augusta, e ne' tempi bassi con-*

tinuamente; raro è per verità il veder lve in tal senso, non registrato però nel Glossario del Cangio, ma non ne mancano esempi. Ermoldo, che scrisse in versi elegiaci un' Encomio di Ludovico Pio, per dire, e Cicerone, e Platone, dice Tullius & Marcus Cicerone, sive Plato. Sed non ipsi tantum Scriptores Historiæ Augustæ, sed & ipsi quoque Augustæ ævi Scriptores elegantissimi vel prò & aliquando usurpasse inveniuntur. Sic Virgilius Æn. VI. ver. 769. Silvius Æneas pariter pietate, vel armis egregius: idest pietate, & armis. Livius L. I. c. 42. Hunc ordinem ex censu descripsit, vel paci decorum, vel bello: At id maxime per inferiorem ætatem obtinuit: qua de re satis fuerit heic recitare locum Mabillonii adversus Ughellum ex Præf. Sæc. IV. Benediclin. n. 128. Neque potior est altera Ughelli ratio... vel potius erratum, quod fundatur in particula disjunctiva vel ad hæc verba: sub Regula Benediclini, vel Columbanii. At mirum est, Virum doctum, & in evoluendis Italiæ scriptis apprime versatum, non advertisse, apud veteres passim particulam vel conjunctivam usurpari, ut recentis exemplis probare possem, nisi res esset, vel mediocriter literatis tristissima. Mihi verò id semel observandum fuit, ne in re alioqui tristissima, lectori fortasse cuiuspiam fraudi sit eadem particula vel, quæ heic, ac centies in aliis monumentis hoc in Opere à me recitatis, vim, significationemque copulativæ habens, occurrit.

pag. xvi.; sed minùs rectè illud affirmat, ex ea cura, seu munere ipsum Primicerium Magistri Scholarum titulo fuisse insignitum (*perciò s' intitolava Magister Scholarum, giacchè à lui si apparteneva deputare il Maestro per le Scuole*): nam si ad Primicerii munus pertinebat Magistrum Scholarum deputare, non idem profectò Magister erat, aut appellari poterat, qui alterum eidem subeundo Magisterio præficebat; sed in id tantummodò incubuisse, atque advigilasse debuit, ut Magister Scholarum ab se deputatus sedulam operam in Clericis erudiendis navaret. Res satis clara est ex Constitutionum verbis superius recitatis; præclarior fiet ex monumento anni 1247. inferius illustrando, ubi occurrit Bartholomæus Magister Scholarum Episcopii, Sacerdos, & Canonicus, alius scilicet, atque omninò diversus à Primicerio, quia Sacerdos, & Canonicus, ab ipso tamen Primicerio Magister Scholarum delectus, ac constitutus.

Sed præstat ad ipsas Scholas sermonem convertisse, ut hoc illustre Beneventanæ Ecclesiæ decus accuratius observemus. Antiquissimas Beneventanæ Ecclesiæ fuisse Scholas, ab ipso Sæculo iv. institutas, tutò affirmabimus, si ipsius Ecclesiæ præstantiam, exactissimamque ejus Cleri disciplinam, de qua tantopere superiori loco differuimus, penitiùs advertemus. Sub Ducibus, ac mox sub Principibus Longobardis non modò non neglectam earundem Scholarum curam, atque frequentiam fateri licebit, sed vel maxime ex cultas existimabimus ab primi Principis Arichis ævo, qui in literis non mediocriter versatus, in illas reparandas vehementer ferebatur; uti in sequenti Dissertatione dicemus. Flagrabat certè eodem ævo literarum studium, Caroli M. operâ, qui plures Scholas constituit: atque hæc quidem tum in Episcopalibus, tum in Parochialibus, tum in Monasteriis, tum in ipsis denique Regiis, sive Palatinis Ædibus habebantur, pro diversâ discipulorum conditione, futuraque eorum vitæ professione (1): itaut quoddam veluti incitamentum Arichi Principi optimo ea quoque in re factum, videri debet, ut ipsius Caroli exempla æmulari deceraret. Sed haud certè ea vel incitamenta, vel exempla, vel auctoritas Beneventanæ Ecclesiæ expectanda erant, quæ potiùs à Romana, ubi sub S. Gregorio M. refluissent diversarum artium studia testatur Johannes Diaconus (2), aut potiùs à summe dignitate, quæ omnium Ecclesiarum Beneventani Principatus non ipsa tantum princeps, verùm etiam Metropolis haberetur, ut cap. 11. probatum est, sui Cleri necessarii scientiis erudiendi & exemplum, & curam suscepit: atque ad hanc omninò Beneventanæ Ecclesiæ sollicitudinem, Scholarumque in ipsa institutarum, prærogativam jure merito referenda sunt illa Philosophiæ studia, quæ Sæculo ix. apud Beneventanos florabant, inter quos, duos supra triginta Philosophos illustres per eam ætatem numeratos, ac celebratos legimus; uti in eadem sequenti Dissertatione opportuniùs videbimus: ubi illud quoque Beneventanorum de Ordinationibus Pontificis Formosi judicium, probatamque ad Sac. Canonum, Ecclesiasticæque disciplinæ tutissimos tranites sententiam illustrabimus; ut jam non liberalium tantummodò artium, humaniorumque literarum, sed sanctioris etiam scientiæ cujusque, quæ Viros Ecclesiasticos deceret, eruditos Beneventanos demonstrare possimus. Quæ quidem omnia, etsi nullum nobis suppeteret certum Beneventanarum Scholarum documentum, Scholarum tamen, quæ tunc temporis Beneventi constitutæ essent, propterea quòd sine Scholarum subsidio comparari nequirent, præclarum illarum argumentum, ac quoddam veluti testimonium præstabunt.

Abist itaque, ut ex dictarum Constitutionum tempore, idest anno 1335. earundem Beneventanæ Ecclesiæ Scholarum institutionem metiamur. Nam quicquid consuetudinum, statutorumque ab antiquo, immemorabilique tempore in dicta Ecclesia Beneventana obtineret, quæ vel scriptis, vel usu ipso, traditioneque observarentur, in dictis novis Constitutionibus conscribi, promulgarique, ac certæ in posterum, immobilisque Legis loco haberi tunc placuit. Heinc ad ipsas Scholas quod attinet, ab ipso medio Sæculo xii., idest anno MCLIX. insigne monumentum habemus ex originali Diplomate Archiepiscopi Henrici, quid Romualdo ejusdem Ecclesiæ Primicerio confirmavit ipsum Primiceriatum cum Scholis; ut videas binis ferè antè Sæculis, quam dictæ Constitutiones prodiiissent, ad Primicerium pertinuisse, Magistrum Scholarum constituere, eique rei pro suæ Dignitatis jure, ac ratione indefinenter præesse. Extat etiam Instrumentum Anni MCCXLVII. jussu Imp. Friderici II. Beneventi celebratum de comprobandis Prædiciis à Beneventanis Archiepiscopis parari consuetis

ALTER

Ecc2

fuetis

(1) Vid. Thomassinum Eccl. Disc. Part. 11. Lib. 1. cap. 96. Muratorum Antiq. med. ævi Diss. 43.

(2) Jo. Diacon. in vit. S. Gregorii Lib. 11. cap. xii. & xiii.

suetis tum Metropolitanæ Ecclesiæ Canonicis, tum Basilicæ S. Bartholomæi Capellanis; quo in Instrumento Bartholomæus Magister Scholarum Episcopii Sacerdos, & Canonicus coram Imperiali Iudice inter alios testimonium tulit (1). Ex his itaque optime liquet, antiquissimas fuisse Beneventanæ Ecclesiæ Scholas, supradictis postea Constitutionibus an: mcccxxv. confirmatas. Interciderant fortasse, circa Sæculi xiv. exitum, aut sequuti Sæculi initia eadem Scholæ, aut potius abusus in illas irreperat, nullos Clericos pauperes admittendi, solvendæ Magistro mercedi impares: Sed ea in re tum maxime enituit Archiepiscopi Gasparis Columnæ, ac ipsius Beneventani Capituli communis sollicitudo, ac providentia, editâ anno mccccxxxi. Constitutione, qua Clerici omnes gratis instituendi jubentur à Magistro; cui, stipendii loco, unius ex Canonicatibus proximè vacaturi redditus assignantur; qua ex Constitutione illud constat, abjudicatam à Primicerio fuisse tunc temporis Magi-

(1) Exhibet hujus Instrumenti exemplar, ex originali nostræ Bibliothecæ descriptum Ughelinus Tom. viii. col. 206. edit. Rom. sub Archiepiscopo Ugholino: Atque Ugholinus quidem Archiepiscopus controversiam movit adversus Canonicos, plurima prandia ex antiquissima consuetudine ab Archiepiscopis sibi statis diebus præstanta tendentes. Latet causa, cur ea controversia ad imp. Friderici II. consistorium delata sit: Certè in ipso Instrumento eandem causam aliàs ad Romanum Pontificis cognitionem, & definitionem (ut par erat) pertinuisse scimus; nam inter alios testes Ademarius Pantasia Subdiaconus, & Canonicus addidit, quod, cum quadraginta annis elapsis, & plus, recepissent Clerici denarios pro prandiis, postea ipsi recurrentes ad Curiam Romanam, & inde cum Archiepiscopo Rogerio contententes, obtinuerunt per Papam, quod prandia consueta reciperent. Sed ex ipsis Imperialibus Literis, quibus Sikenulpho Iudici mandatum fuit, ut ejus juris Canonicorum probationes exciperet, rem ipsam extra Judicium cognitam, sive cognoscendam Imperatori sibi voluit, de qua nullum ab ipso Judicatum prodidisse constat. Literæ autem Imperiales eidem Instrumento insertæ sic se habent: *Prudenti Viro Iudici Sikenulpho de Benevento Amico suo Rogerius Cappalia salutem, & sincerum amorem. Quia certificare volumus pro parte Imperialis Majestatis quod prandia, & in quibus festiuitatibus habere consueverint Clerici majoris Ecclesiæ Beneventanæ, & quod hebdomadarum, & quæ personæ consueverunt percipere, & habere vivandam ab Ecclesiâ Beneventana tempore Rogerii Archiepiscopi Ecclesiæ prædictæ, cum nobis hoc pro parte Curie... sit incertum, Prudentia vestra ex Imperiali parte mandamus, quatenus facta diligenti inquisitione de prædictis, redigatis in scriptis, facientes exinde fieri ad cautelam Ecclesiæ, & dicti Capituli publicum Instrumentum, ad nos ipsum pro parte Ecclesiæ plenè transmissum. Ut autem ejusmodi prandiorum mos invariator maneret, placuit in dictas Constitutiones Anni mcccxxv. ab Archiepiscopo Ughone conditas referre, ex quibus præclarè, quàm ex dicto Instrumento, discimus, quæ, quando, quomodo, quibusque eadem Prandia ab Archiepiscopo exhibenda essent. Ita enim habent pag. 5. Capitulum supradictum dictæ majoris Ecclesiæ Beneventanæ debet habere ab Archiepiscopo generaliter prandium in Nativitate Domini cum tribus ferculis carniū. Item in die Jovis sancta ab ipso Archiepiscopo aliud prandium cum tribus ferculis piscium. Item in die Resurrectionis Dominice aliud prandium cum tribus ferculis carniū. Item die Lune, & die Martis in albis, si Archiepiscopus equitavit processionaliter, secundum quod consuevit, debet habere pro quolibet ipsorum dierum prandium cum tribus ferculis carniū. Item debet habere in festo Assumptionis Beate Virginis aliud prandium cum tribus ferculis carniū. Item in festo S. Bartholomæi de mense Augusti debet habere medium prandium. Item in dedicatione Ecclesiæ*

majoris debet habere aliud prandium cum tribus ferculis carniū. Item illi invitantur ad tractum, & alleluja in infra scriptis festiuitatibus, videlicet. In festo omnium Sanctorum; & in Pentecostes: In translatione beati Bartholomæi de mense Junii: In Nativitate Beate Virginis Mariæ: & in translatione beati Bartholomæi de mense Octobris debent habere prandium cum tribus ferculis carniū cum quatuor parvulis, cui serviant, Ebdomadarius, & Sacristis: Item in festo S. Stephani de mense Decembris Diaconus cum duobus Primiceriis, Presbitero Ebdomadario, Vestuario, & Sacristis debent habere prandium cum tribus ferculis carniū. Item in festo beati Johannis Evangeliste Presbiteri, qui induti fuerint cum duobus Primiceriis, & Ebdomadario, Thesaurario, & Sacristis debent habere prandium cum tribus ferculis carniū. Item in festo Epiphaniæ Subdiaconi, qui fuerint induti, cum duobus Primiceriis, duobus Ebdomadariis, & Sacristis, ac Thesaurariis debent prandium cum tribus ferculis carniū. Item Ebdomadarii, videlicet Presbiter, Diaconus, & Subdiaconus, & alius Presbiter, qui cantat Missam mortuorum summo mane, debet habere panem, & vinum, quando celebrant, a Curia Archiepiscopatus, de illo pane videlicet, & vino, quem comedit, & quod bibit familia Archiepiscopi. Habet quilibet quolibet die panes duos, & unam mezallam de vino, qui panis debet ponderare collis uncias viginti quatuor. Duo autem ex dictis Prandiis colligere operæ pretium erit; nihil scilicet in illis opipare admittum, sed omnes servatas mediocritatis, sive temperantiae Leges, qualis Ecclesiasticorum convivium deceret; ita ut Ecclesiasticos labores honesta corporis recreatio sequeretur, qua necessitati potius, quàm voluptati indulgeretur: Alterum est, Ecclesiâ Beneventanam cum Prandiorum morem ab Ecclesiâ Romana mutuatum videri. Mos quidem Romanæ Ecclesiæ fuit, ut ejusmodi Prandia à Summis Pontificibus diebus solemnioribus, quibus Pontificalia peragerent, suis administris exhiberentur. Sic in Ordine Romano I., quem Mabillonius evulgavit Tom. II. Musæ Ital. inter alios Missæ Pontificiæ ritus recensetur n. xix. pag. 13. Nomenclator, & Sacellarius, & Notarius Vicedomini, cùm dixerint Agnus Dei, tunc ascendunt affare (fort. altare) ante faciem Pontificis, ut annuat eis scribere nomina eorum, qui invitandi sunt, sive ad Vicedomini per Notarium ipsius: quorum nomina ut compleverint, descendunt ad invitandum. De ejusmodi Prandiis Ecclesiæ Romanæ agunt quoque Cencius Camerarius, & Petrus Amelius in aliis Ordinibus, ab eodem Mabillonio editis n. xix. & xv. Quid moris nunc in Ecclesiâ Romana sit, novisse non refert: Ad nostram quod attinet Ecclesiâ, solent Archiepiscopi quotannis univ erso Capitulo post Festa Natalitia prandium exhibere, veteris fortade moris superstes monumentum.

Magistri deligendi curam, atque auctoritatem, quam Archiepiscopus, & Capitulum æquo jure sibi vindicarunt (1).

At si Magistri Scholarum constituendi facultas à Primicerio divulsa fuit, mansit tamen usque ad S. Concilii Tridentini tempora eidem Primicerio ab omni retrò ævo præcipuè attributum munus, illustre quidem, & auctoritatis plenum, ut is *primarius* esset Archiepiscopi Pœnitentiarius. Mandavit quidem præfatum Concilium, in Ecclesiis Cathedralibus quibusque instituendam peculiarem Pœnitentiarii Præbendam, quæ paulò post in nostra Ecclesia originem habuit, hodieque viget, uni ex Canoniceis perpetuò assignata: Sed qui ejusdem Concilii exactissimam in Ecclesia Beneventana observantiam invenit, Archiepiscopus Cardinalis Sabellus in Concilio Provinciali anni MDLXVI., nondum erectà per id tempus ejusmodi præbendâ, id munus à Primiceriis adhuc exerceri consuetum commemorat: *Primicerii* (inquit) *quum consueverint esse Pœnitentiarii Episcopi, studeant, ut ei muneri satisfacere possint* (2). Ambos Ecclesiæ Beneventanæ Primicerios æquè ordinarios Archiepiscopi Pœnitentiarios vocat Sabellus, quum scilicet, quod ad unum olim pertinebat, ob frequentiore fortasse Pœnitentium numerum, utrique id munus demandatum postea fuerit. Constat autem ex dictis vetustis Constitutionibus, Primicerium tantummodò majorem Pœnitentiarium agere consuevisse. Sic enim habent: *Sequitur Officium, Dignitas, Consuetudo, & jurisdictio Primicerii Majoris Ecclesiæ Beneventanæ. Dominus Primicerius Major consuevit esse Pœnitentiarius Domini Archiepiscopi Beneventani: Item quod ipse das pœnitentias de Susfocaris: tum reliqua ejusdem Primicerii munera, ac prærogativæ recenseantur*.

Antiquissimam non modò in Ecclesia Beneventana Primicerii Dignitatem fuisse diximus, verùm etiam (quod singulare videri potest) in duos æquè Primicerios distinctam Dignitatem constituentes, bipartitam. In Diplomate Archiepiscopi Henrici anni MCLVIII. inter alios subscribitur *Romualdus Presbyter, atque Primicerius*, mox verò *Johannes Sacerdos, & Primicerius* (3): In alio Diplomate Cardinalis Lombardi Archiepiscopi anni MCLXXV. subscribitur pariter *Bartholomeus Sacerdos, & Primicerius*, necnon *Romualdus Presbyter, atque Primicerius* (4); quorum adhuc subscriptio occurrit in altero ejusdem Archiepiscopi Lombardi Diplomate anni sequentis (5). Fuisse olim *Primicerios*, & *Secundicerios* planè ostendunt, præter Imp. Justiniani Leges (6), plura quoque Ecclesiastica monumenta: nam in Ordine Romano *Secundicerium* Diaconorum legas (7), & in Anastasio Bibliothecario persæpe (8): Cur verò Ecclesia Beneventana eum, qui secundo loco esset, non *Secundicerium*, sed æquè *Primicerium* appellandum maluerit, res est, quæ mori potius, quàm rerum ordini, verborumque proprietati tribuenda videtur: nam quos appellatio non distinguit, discriminat quidem utriusque gradus tum in Ecclesiasticis officiis, tum in ceteris quibusque rebus, itaut alter major tum dignitate, tum munere censeatur. Cur tandem binos eadem Ecclesia sibi adhibuerit *Primicerios*, id faciliè tum ejus præstantiæ tribuas, tum aptius adscribas ingenti illi, quem olim admittebat, Clericorum numero, quorum Regimini plures præfides, idest duos *Primicerios*, inter quos officium ipsura divi-

(1) Præclara sunt ejus Constitutionis verba, dignaque, ut heic aliqua ex parte describantur ex pag. 8. d. Constitutionum: *Quoniam Ecclesiæ Dei sicut pia mater providere voluit, ne pauperibus, qui parentum opibus juvari non possunt, legendi, & proficiendi opportunitas subtraheretur, unamquamque Cathedralium Ecclesiam Magistro, qui Clericos ejusdem Ecclesiæ, aliosque scolares pauperes gratis instrueret, aliquando competens Beneficium præberetur, quo & docentis relevaretur necessitas, & via pateret discentibus ad Doctrinam: nos Caspar miseratione Divina Archiepiscopus Beneventanus cum consensu, voluntate, & assensu nostri Capituli Beneventani in loco Capitulari solito ad sonum Campanæ unanimiter congregati, ut moris, & juris est, hujusmodi provisionem laudabilem sequi volentes, statuimus, & ordinamus, ut in dicta nostra Ecclesia Beneventana per nos, & nostrum Capitulum antedictum Magister idoneus à nobis, & nostro Capitulo, seu majori parte constituatur, qui Canonicos, & Clericos ejusdem Ecclesiæ gratis, & sine aliqua solutione Grammatica, & aliis facultatibus instruat juxta posse: Assignetur autem ipsi Magistro à d. Capitulo unius integre Canoniceis portionis fru-*

ctus, redditus, & proventus prime vacantis &c.

(2) Synodicon Provinciale Eccl. Ben. pag. 353.

(3) In Bullario Selecto n. xxxi. pag. 137.

(4) Ibidem n. xxxiv. pag. 149.

(5) Ibidem n. xxxv. pag. 152.

(6) In d. Tit. VII. Libri XII. Codicis: *De Primicerio, & Secundicerio*: & rursus in L. 4. ejusdem Libri Tit. XVII. De Domesticis, & Protectoribus, ubi Imperator sic edicit: *Si quis virorum fortium in equitum schola Secundicerii locum adeptus diem suum supremum clauferit, heredes ejus . . . Primiceriatu solatiis, atque emolumentis fruantur: ad quam legem sic Gothofredus: Secundicerii in scholis ex Tertioctis: Primicerii ex Secundiceriis: verbi gratia, qui hoc anno Tertiocterus, sequenti Secundicerius, tertio Primicerius: Primicerius autem ferè biennalis*.

(7) Apud eundem Mabillonium d. Tomo II. Mus. Ital.

(8) In Stephano IV. Christophorus *Primicerius*. & ejus filius *Sergius* dudum quidam *Sacellarius*, postmodum *Secundicerius* &c. Iterum in Adriano I., & alibi &c.

divideretur, præfici oportebat: Quare factum, ut duo adhuc Primicerii ex antiquo instituto ad nostram ætatem permanerint.

Sequitur Thesaurarius; quæ & ipsa in Ecclesiis Cathedralibus, & Capitularibus Dignitas esse consuevit: cui (uti nomen ipsum præfert) Thesauri Ecclesiæ servandi committebantur; ac quandoque Archiclavum nomen datum invenies (1); uti etiam Cimilarcham (2), & Vestiarium (3) appellatum audies. Extat Diploma Cardinalis Lombardi Archiepiscopi, paulò ante nobis indicatum, anni MCLXXV., ubi is *Vestiarium* Beneventanæ Ecclesiæ ad ejus *Thesauros instaurandos melius, & augendos*, certos, perpetuosque redditus attribuendos constituit. Nondum id Diploma lucem aspexit, quâ luce dignum existimamus (4).

Aurum, Argentum, Gemmas, aliasque splendidas Supellectiles, dum tempus, ac facultates ferrent, non solum non abhorruit Christi Ecclesiæ, sed planè studiosius in Sacris Ministeriis adhibendas omni ævo voluit: De Calicibus *ligneis* (quorum occasione in Concilio Triburiensi sub Formoso cap. XVII. celebre de aureis olim Sacerdotibus S. Bonificii Episcopi Moguntini apophthegma esse coepit) meditata Sapientissimi Cardinalis Bona sententia est, nusquam ejus, alteriusve vilis, fragilisque materiæ Calices ab Ecclesiâ statutos, nusquam etiam approbatos, plurius verò interdictos; pretiosos autem, quemadmodum alia quævis vasa, supellectilesque sacras, sævientibus etiam Persecutionibus, passim servatos (5): Nec certè alia de causâ Anastasius Bibliothecarius adeò curiosè ejusmodi ingen-

(1) Rodolphus Glaber Hist. Lib. III. cap. 4. apud Mabillon. Vet. Anal. pag. 217. narrat Herneum illum, quem in superioribus notis memoravimus, à Rege Roberto Ecclesiæ B. Martini Turonici Archiclavum fuisse electum, propterea quod cuperet illum postea constituere Pontificem, idest Episcopum; ubi Mabillonius Archiclavum rectè explicat Custodem, & Thesaurarium. Concilium Colonienſe Anni 1160. cap. 8. Thesaurarii, sue Custodes, quorum interest Ecclesiæ luminaria ministrare, ea ita fideliter administrarent, & generaliter omnis Ecclesiæ supellectilis, seu Thesauri custodiam eorum fidei, atque curæ commissam, ita conservent fideliter, & solenter &c.

(2) In Ecclesiâ Neapolitana hodieum viget Cimilarcha Dignitas, Græcè olim Urbis superstes inter alia monumentum: quanquam & in Latinis Ecclesiis id etiam vocabulum in usu fuisse ostendunt vetusta Acta Ecclesiæ Mediolanensis apud Puricellum in Vita S. Simpliciani: Ceterum hunc sacrorum vasorum Custodem, tum Cimilarcham, tum Scerophylacem Græci vocant, atque inter officia, dignitatesque CPolitana Ecclesiæ recenset Codinus Lib. 1.

(3) In Concilio Provinciali Cardinalis Sabelli Anno MDLVII. scilicet v. T. III. cap. v. Vestiarium, seu Thesaurarium custodiam habeant sacrorum vasorum, vestimentorum Ecclesiasticorum, ornamentorumque omnium Altarium, eorumque munditiæ, nitorique consulant: proptereaque sint assidue in Vestiarium &c. Vestiarium autem, sive Vestiarium appellatio in nostra Ecclesiâ obsolevit, obtinente duntaxat Thesaurarii nomine, quo quinta Dignitas insignitur. Promiscuè olim utrumque nomen ei Dignitati tribuebatur, ut non solum ex laudato Archiepiscopo Sabelli Concilio audivimus, verum & longè antes ex antiquis Beneventani Capituli Constitutionibus constat, ab Archiepiscopo Hugone Anno 1371. promulgatis; quarum verba in superioribus notis recitavimus: quibus hæc alia addimus, pag. 4. a ter.: Sequitur jurisdictio, dignitas, officium, & consuetudo Vestiararii, seu Thesaurarii dictæ majoris Ecclesiæ Beneventanæ. In primis Dominus Thesaurarius, seu Vestarius debet esse die & nocte continuè in Vestiarium &c. Ceterum Vestarius, seu Vestarius non solum Vestiarium, sed & Thesaurum, & Cimilarcham curam habebat, ut ex dictis documentis satis liquet, confirmatque Anastasius de Pandulo Regis Desiderii Vestiarium in Vit. Hadriani I. & de S. Gregorii M. Vestiarium Johannes Diaconus in ejus vita Lib. 1. cap. 10.

(4) Lombardus Dei Gratia Beneventanus Archiepiscopus.

piscopus Capitulo ejusdem Ecclesiæ salutem, & dilectionem. In eo sumus officio, disponente Domino, constituti, ut præter illam ejus benignitatem, qua sumus universis generaliter debitores, circa voluntatem specialium filiorum, in his præcipuè, quæ ad Deum pertinent, & à temporali non dissonant incremento, specialitate quadam doceat nos aures gerere sumentes. Liberalitatis mere officio etiam inherentes, quæ suos semper claros reddit in omnibus amatores. Unde quoniam, amandi in Christo Filii, a nobis suppliciter postulastis, ut Palatium Lodovici Clerici à judiciale, & Gilberti consobrini sui, cum apothecis, casis, & omnibus suis pertinentiis, quæ ad jus nostri Episcopii noscuntur specialiter adtinere, in ejusdem Ecclesiæ Vestiarium ad ejus Thesauros instaurandos melius, & augendos perpetuè concederemus, honestè petitioni vestræ, cujus non est exauditis differenda, idcirco maturè duximus adsendendum, ut & nos muneri nostro duplicatim inferere gratiam videamur, & vos experiamini manifestum nostræ dilectionis argumentum. Ea propter taliter id concedimus per hujus Privilegii paginam, & concessionem nostram per quamdam claves in manibus Rainulphi Archidiaconi, & Romualdi Primicerii traditionis robore confirmamus. Statuentes, ut nulli liceat illam infringere, vel ei ausu temerario contraire. Si quis autem hoc ademptare presumpserit, Omnipotentis Dei, & Beate semper Virginis Mariæ, & B. Bartholomei Apostoli, & omnium Sanctorum iram se noverit incursum. Ad futuram verò memoriam, & hujus concessionis firmitatem tibi dilecto filio Jacobo Notario ipsam scribere precepimus. In Anno Dominice Incarnationis millesimo centesimo LXXV. Pontificatus Domini nostri Alexandri Summi Pontificis anno XVII., nostri autem Archiepiscopatus anno v. de mense Februario. Nona Indictione. Benevalete.

† Ego Lombardus Beneventanus Archiepiscopus.

† Ego Rainulfus Archidiaconus.

† Ego Johannes Diaconus.

† Ego Romualdus Presbyter, atque Primicerius.

† Ego Bartholomeus Sacerdos, & Primicerius.

Adit Circulus hinc verbis circumscriptus: Custodi nos Domine, ut pupillam oculi, atque appenda est Bulla plumbea, de qua superiori Capite differuimus.

(5) Rec. Liturgicarum Lib. 1. cap. XXV.

tis pretii donaria, sive *κονδίσια* à Summis Pontificibus, aliisque Viris Principibus Ecclesie attributa, à prioribus Sæculis, in singulis Pontificum Vitis recensenda sibi duxit; ut scilicet certum illud, persuasumque cuique sit, eundem perpetuò fuisse Ecclesie spiritum, quo tum Fideles, atque in his Principes, tum Ecclesiastici Pastores æquè ducti; ejusmodi Cimeliis locupletandas Ecclesias certatim curarunt; ea siquidem re non solum Sacrorum Mysteriorum dignitati consultum iri probè animadvertebant, verum etiam in Fidelium animis majorem erga res divinas, eorumque ministros reverentiam excitari, quæ non nisi in Religionis, ac Pietatis emolumentum vertebatur. Utque domesticum aliquod exemplum afferamus, illud fati constat, Radelchis Beneventani Principis ævo, idest medio circiter Sæculo IX. Casinensis Ecclesie Thesaurum, in Calicibus, Patenis, aliisque sacris vasis, centum triginta auri purissimi libras appendisse; ac præter innumera alia, Coronam auream smaragdinis gemmis mirificè decoratam, tribus solidis millibus aestimata servasse, pium olim Principis Siconis anathema (1).

Ex hisce igitur omnibus, quæ de Ecclesiarum Thesauris animadvertere libuit, facile illud sequitur affirmandum, Ecclesiam Beneventanam in hac quoque re decorem suum explicasse, qualem, præeunte olim Beneventanorum Principum munificentia, ipsi deinceps Antistites eidem conferendum duxerunt: ac, ne id conjecturâ tantum ipsâ statuissè videamur, exemplis etiam demonstrabimus. Eadmerus, dignus ille S. Anselmi Archiepiscopi Cantuariensis discipulus, ejusque laborum, itinerumque comes individuus, testis est, se in Concilio Barenfi anni MCVIII. ab Urbano Papa II. celebrato, Archiepiscopum Beneventanum vidissè, Cappa præ omnibus, qui Conventui ipsi intererant, pretiosiori decoratum. Eadmeri locum, insignem quidem, sed tamen longiusculum, ne heic lectorem remoremur, in subjectam notam recitandum, atque illustrandum rejecimus (2). At non diù Sacrà hac splendi-

(1) Leo Orlén. Chr. Caf. Lib. I. c. xxv.

(2) Eadmerus, sive Edmerus, sive Edmundus Monachus Benedictinus Cantuariensis in Historia novorum sui Sæculi, idest ab An. 1066, ad 1122. Lib. II. pag. 53. ex editione Parisiensi An. 1675. ad calcem Operum S. Anselmi. De hac Eadmeri Historia, qui primus eam edidit Londini An. 1623. Seldenus hoc tulit judicium, Guilielmo Caveo probatum, ut eximium in eo Opere sit Auditoris narrandi judicium, par fides, ac descriptionis nitor: quod mihi primum observandum fuit, ut integra Eadmero heic loquenti constet auctoritas. Sic igitur Eadmerus: Inter hæc ego Patri (Anselmo Episcopo Cantuariensi) per omnia præsens aderam, paratus videlicet ad servitium ejus. Et quia mihi ab infantia hic mos erat, semper nova, quæ fortè, sed maxime in Ecclesiasticis, occurrerant, diligenti intentione considerare, ac memorie commendare, dispositum Concilium, loca, & ordines personarum, modos, & examinationes causarum, cu-riores fortasse magis, quàm sagaci mente, & oculo, hinc inde, utpotè qui nunquam prius talia videram, modesto intuitu consideravi. Hic autem, cum illis intenderem, occurrit, quem antea benè noveram, Archiepiscopus Beneventanus, Cappa præ omnibus, qui Conventui ipsi intererant, pretiosiori decoratus. Papa enim non Cappa, sed Casula, & Pallio desuper redimitus, Concilio præsidebat. Ego igitur intuens Cappam Antistitis Beneventani, & eam, ut dixi, ceteris præstare perspicies, recordatus sum verborum, quæ puer à senioribus Ecclesie nostræ, Eudovio scilicet magnifico Viri, Blachemanno, atque Fernanno, aliisque nonnul- tis olim audieram. Solebant enim iidem memorabiles Viri sepe narrare, quod ipsi adolescentie primordia agentibus, Imma Regina, cujus in capite hujus operis habitus mentio est, inter multa bona, quæ Ecclesie Christi Cantuariensi contulit, Brachio Beati Bartholomei Apostoli ipsam Ecclesiam, disponente Domino, sub E-

nud Rege Anglorum sublimaverit. Quæ res qualiter facta fuerit, hoc modo (quod per excessum captum narrationis dici patienter queso accipiat) uno sensu, pari ordine referebant. Tempore, ajunt, quo Imma Domina, sicut Regina, in Regno Anglorum magna, & præpotens habebatur, Pontifex Ecclesie Beneventane venit in Angliam, quem, sicut ipse ferebat, immanis famis certis præfagiis totam Apuliam afflicturnam illò deduxerat, cupiens aliquo modo, si non posset toti Provincia, saltem suis Civibus tantum malum propulsare. Is iter ingressus Brachium B. Bartholomei Apostoli secum tulerat, spe sibi certa promittens, se per illud multa lucraturum. Idem quippe brachium ob hujusmodi necessitudinum contrabenda subsidia in ipsa Ecclesia Beneventi à reliquo Corpore servabatur remotum. Episcopus itaque, transita Italia, venit in Galliam, quæ sibi dabatur gratanter atque bona suscipiens. Audita verò divitis fama Regni Anglorum, ratus est sibi eò progrediendum, ex aliorum eventibus sperans se illic amplius ceteris regionibus adquisiturum. Præfata quoque Regina magni nominis, & divulgatæ fame habebatur, quam bonitas sua, & qua super Ecclesias respiciebat, largitas pepererat. Pontifex igitur Angliam veniens, ipsam Reginam adiit, & illius alloquutione potius, quid detulerit, quam ob causam tam remotas adierit orbis partes, insinnavit. At illa hominis charitatem habere ad misericordiam flexa de suis copiosis largita est, & illum Patriam remeare, nec non eis, quibus imminens famis periculum formidabat, subvenire hortata est. Sed ipse intelligens non sufficere sibi ad suum negotium, quæ habebat, eos, quos magis familiares in curia ipsi Domine esse acceperat, perconvictatus est, utrum Os, quod attulerat, dato pretio, Regine in jus proprium transferre curæ esset. Quid multa? Investigatur de re animus Domine, & invenitur promptissimus esse, certam se tan-

splendidissima Veste Beneventani Archiepiscopi ornatos sese ostendere potuerunt; eam enim Vestem periisse arbitramur eo incendio, quo universum Beneventanæ Ecclesiæ Thesaurum absumptum anno 1109. narrat Falco hisce verbis: *Secundo die intrante Mensis Novembris combustus est Thesaurus S. Mariæ*. Quam tamen jacturam mox reparare, immò Thesaurum ipsum locupletiolem restituere sequuti Antistites curarunt; quod ex posterioris ævi Monumento altero præclare probatum erit: Anno enim mccc. Johannes Archiepiscopus Capuanus Archiepiscopo Beneventano Adenulpho, ejusque Capitulo remittit Mitram unam cum finalis, auro, & argento, lapidibus, & pernis ornatam cum Mitrali, in quo ponitur ipsa Mitra unæ cum Corrigia de seta rubra adobbata de argento, & quamplurimas alias sacras pretiosas Suppellectiles, quæ Francisco de Helianis Canonico Thesauro tradita fuerunt custodienda (1). Johannes hic ab Archiepiscopatu Beneventano ad Capuanum translatus fuit anno præcedenti, locumque Adenulpho fecit (2); Quamobrem, quas secum ex veteri ad novam Sedem transfulerat Suppellectiles, Ecclesiæ Beneventanæ restitutas voluit, ostendens Capuanam Ecclesiam his indiguissæ sui Præfulatus initio, quibus longè ditior Beneventana Ecclesia subsidium alienæ inopiæ ministravit. Cæterùm si veteribus miscere recentia licebit, habet hodieque Beneventana Ecclesia Thesaurum, quem planè regum ex Pontificis Benedicti XIII. munificentia proferat, miram nempe illam Sacrarum Suppellectilium copiam, elegantiam, splendorem, quo talis, tantusque Sponsus perpetuam Sponsam suam, pro utriusque dignitate, ditissimam, atque ornatissimam effecit. Eidem Thesauro commodius, ac decentius servando amplissimam Eadem Ecclesiæ adjacentem nuper excitavit Franciscus Pacca Archiepiscopus, nuper etiam nobis ereptus; qui istud pariter ad plurima alia erga Ecclesiam, Patriamque suam publica collata Beneficia, addidit pietatis, munificentiaque suæ monumentum.

Venio nunc ad Thesaurum alterum, eo, de quo hactenus egi, longè pretiosorem, videlicet Ecclesiæ Beneventanæ Bibliothecam. Ortas cum ipsis simul Literis Bibliothecas fatis constat (3): Earum verò institutio, atque usus tum maxime obtinuit apud illos hominum

nummodò Episcopus faceret, ipsumque nominati Apostoli revera fuisse, & taliter, ut ipsemet testaretur sibi, sublata omni ambiguitate satisfactum. Ad quod ille: Quo, inquit, modo? Super corpus, ait, Dominicum, & super Sanctuarium Reliquias, quas ei proponam, jurjurando reliquias, de quibus agitur, veraciter esse de Corpore Beati Apostoli Bartholomæi, & id, remota omni equivocatione, atque sophismate faciat. Hac, inquit Episcopus, securè me facturum polliceor. Veniens itaque Cantuariam cum Brachio ipso, prout illi Rex, & Regina discesserant, decenter susceptus est. Astante igitur Ipsa, Monachorumque, & Clericorum immenso agmine eam vallante, inter quos etiam supermemorati Viri, à quibus hæc accepimus, se præsentibus fuisse testati sunt, numerosaque utriusque sexus, & ætatis multitudine ob hoc convolante, & audiente jurando super Altare, & Corpus Christi, nec non Sanctorum Reliquias, quas Beatus Gregorius sancto Augustino, alioque Romanos Pontifices aliis Archiepiscopis destinasse scitur, asseveravit, ipsumque Or, de quo sermo habebatur, Beati Bartholomæi Apostoli proprium fuisse, nec ipsi assertioni suæ aliquid omnino sophismatis, aut equivocationis inesse. Quo facto memorabilis Domina quamplures Argenti libras Antistiti contulit, & Offeposita, illud Ecclesiæ Christi Cantuariensi solenni donatione, ex parte Regis Enudi, suaque concessit. Illis quippe diebus hic mor Anglis erat, Patrocinia Sanctorum omnibus Seculi rebus anteferre. Pontifex quippe Sedis illius Agelnothius nomine, inter reliqua, quæ homini dedit, Cappam illi valde preciosam, aurifrigio ex omni parte ornatam dedit, quæ & illius Ecclesiæ decori, Ecclesiæ Cantuariensis futuris temporibus existeret tantæ rei testimonio, & probationi. Ego igitur,

cum, ut dixi, Concilio præfens Antistitem Beneventanum Cappa reliquis præstante ornatum viderem, & eam ex his, quæ olim audieram, optimè nossem, non modicè letatus, & Cappam, & verba mihi puero exinde dicta Patri Anselmo ostendi. Mox celebrato Concilio, ubi Beneventanum ipsum adii, & inter alia mutua dilectionis colloquia cæpi de eadem Cappa loqui, & uide illam haberet, quasi nefcius interrogavi, summam rei exposuit, & eam ordine, quo descripsi suam Ecclesiam ab Ecclesiæ Cantuariensis adeptam esse declaravit. Ad hæc esse tempore Iamæ Regina Eadmerus refert, scilicet inter Annum 1017. ejusdem cum Canuto Rege nuptialem, & annum 1036. emortualem: quo temporis intervallo Beneventanam Cathedralam tenebat Alphanus III. An igitur Alphanus eam peregrinationem suscepisse voluit, ut necessaria alimenta gregi suo menderetur? Anonymus Santhophanus in Chronico apud Peregrinium Tom. iv. pag. 359. hæc tradit ad An. 1029. Inundaverunt aquæ fluminis Caloris, & Sabbathi; & fuit magna fames, & pestilentia in toto Principatu. Quid ni igitur Alphanus cum labore subitissè credendus est, qui, ut boni Pastoris partes impleat, animam adhuc suam pro ovibus suis ponere debuisset? At unde, inquis, id consilii, ut fructuosior questuatio esset, eam insignem Reliquiam circumferre? An rectè id factum sit, non quaerimus; morem certè ejus ætatis fuisse scimus, quem in eo rerum discrimine sequendum sibi duxit noster Alphanus. De quo more plura Thomasinus Eccl. Disc. P. III. Lib. I. cap. LXXIV. n. 6., & seq.

(1) Ex Originali Instrumento in nostra Bibliotheca servato, ac in Bullario Selecto, num. XLVI. pag. 199.

(2) Vid. Ughellum tom. vii. col. 215.; & Sarnellium pag. 119.

(3) Vid. Lemejerum de Bibliothecis; Liphium in Synagmate de Bibliothecis &c.

minum coetus, quorum vel præcipua, vel necessaria literarum professio erat: Ecclesiis igitur, quibus Clericorum Collegium erat, suæ nunquam Bibliothecæ defuerunt, quæ iis saltem Codicibus, Chartisque instructæ habebantur, quæ ad Rerum Divinarum, Ecclesiasticæ Disciplinæ, Clericalium munerum, atque officiorum eruditionem, necnon ad iura, privilegia, contractus, bonorumque possessiones pertinebant: Quare & certos administratores, qui illas curarent, custodirentque, fuisse oportebat; Heinc Bibliothecarii munus, ac dignitas in Ecclesiis Cathedralibus esse cœpit. Celebrati omni ævo fuere, qui Romanæ Ecclesiæ Bibliothecarii, Græcæ, sive Constantinopolitanæ Chartophylaces appellabantur; quorum unum, idemque munus, diversum pro linguæ varietate vocabulum (1). Quod ad ceteras minores Ecclesias attinet, feram admodum, nec ante Sæculum XI. agnoscendam Bibliothecarum, Bibliothecariorumque originem statuit Thomassinus: *Nec est (inquit) quod quis sibi fingat, singulis Episcopis, vel Ecclesiis suos fuisse Bibliothecarios: Magna tunc erat Librorum penuria, magna Bibliothecarum raritas; Gaudebat Roma suo Bibliothecario, Constantinopolis suo Chartophylace: Nihil ejusmodi legitur de aliis Ecclesiis* (2): Ut id probet Vir doctus, singulari testimonio; vel potius unica utitur conjectura, Gallicanorum Præsulum, qui in Concilio Aquiligranensi anni MCCCXVI. Regulam Canoniorum promulgantes, compositam ajunt ope, ac subsidio Librorum, quos ex Bibliotheca Regia Ludovici Pii commodatos habuerant: *Ejusdem piissimi Principis non modico adjuti juvamine, ejus videlicet liberalissima largitione copiam librorum præ manibus habentes*. Sed qui ex Regia illa Bibliotheca suppeditatam Librorum copiam dixerunt, refertissimam, instructissimamque ipsam præ aliis, sed non unicam, dixisse videntur, quasi alibi Librorum inopia universum haberetur. Cur verò Thomassinus intra solos Galliæ suæ fines rem investigare, deque ea decernere voluit? Galliam vix ipse prætergressus S. Hieronymum mox reperisset; disertissimum Ecclesiasticarum Bibliothecarum ubivis extantium testem, atque assertorem; cujus ad Pammachium Lib. II. ep. 5. hæc sunt: *Revolve omnium, quos supra memoravi, Commentarios, & Ecclesiarum Bibliothecis frui: & magis concito gradu ad optata, cœptaque pervenies*. Utque res ipsa luculento aliquo comprobetur exemplo, jam si Italiam tantum Thomassinus perlustrasset, obvium protinus a Sæculi V. initio habuisset S. Paulinum Nolanum Episcopum, qui in Basilica, ab se ædificata, à parte sinistra absidis Secretarium, sive Bibliothecam construxit, Sacris Libris condendis destinatam, cui hos versus inscripsit:

*Si quem sancta tenet meditandi in Lege voluntas,
Hic poterit residens Sacris intendere Libris* (3).

Si igitur Nolanæ Ecclesiæ sua parabatur Bibliotheca, eodem sanè exemplo, immò pari quidem instituto, faciliorque negotio Bibliothecis suis instructæ fuisse censendæ sunt præclariore alia Ecclesiæ, quibus Pastores æquè sanctissimos, sapientissimosque tunc temporis, ævoque posteriori floruisse scimus; itaut dubitari nefas sit, quin in id maximè intentos existimemus, ut Cleros suos tum iis disciplinis, quæ ad Sacra peragenda Mysteria, Ritus, Psalmodias, Sacramentorumque administrationem, tum ad Plebem Fidei rudimentis, verboque Divino erudiendam pertinerent, imbutos curarent. Necessaria heinc con-
sequeretur & Codicum, Librorumque supellex, & Loci, ubi & servari, & cuique pa-

ALTER

Fff

tere

(1) Illustris ab antiquissima ætate Romæ erat Bibliotheca Cubiculi, ea scilicet, quæ Ecclesiæ S. Petri appositæ erat, cui Ecclesiæ Cubicularius à S. Leone I. constitutus narrat Anastasius. Liber Sacramentorum S. Gregorii M. dicitur editus ex authentico Libro Bibliothecæ Cubiculi, uti fert ejus Titulus in Exemplari edito à Menardo, ac deinceps à Patribus Benedictinis S. Mauri. Laudatus Anastasius Gregorio II. ante Pontificatum Bibliothecæ curam à Sergio Pontifice commissam refert: tum de scilicet in Prælatione Translationis Synodi VIII. è græco in latinum, sic ad Hadrianum II. ait: *Quum Sacre Bibliothecæ vestræ, cuius Minister vestra dignatione confisio, ex hoc, quod desuper mihi datum est, debitor sum ministrare &c.* Sed nec ab Anastasio ipso discendum erit, ut Græcorum Chartophylacem noscamus; nam & ipse oculatus testis præsto nobis erit, hæc ad eandem Synodum VIII.

commentatus: *Chartophylax interpretatur Chartarum Custos: Fungitur autem officio Chartophylax apud Ecclesiam Constantinopolitanam, quod Bibliothecarius apud Romanam, indutus videlicet insulis Ecclesiasticorum, & agens Ecclesiastica prorsus cuncta obsequi, exceptis iis solis, quæ ad Sacerdotale specialiter, ac propriè pertinere probantur officium &c.* Plures Chartophylacis prærogativas alias recensere pergit Anastasius l. I., alias addit Balsamon, eo munere perfunctus, in *Nemocrone Tom. VIII. c. I.* De Romanæ Ecclesiæ Bibliothecariis, eorumque præstantia nihil heic attinet dicere post Panvinii de *Reb. Later.*, aliorumque Scriptorum uberis tractatus, atque observationes.

(2) Thomassin. Eccl. Diff. Part. I. Lib. II. cap. CVI. num. 12.

(3) S. Paulinus Nolanus Epist. XII. ad Severum.

tere possent, parata apud ipsam Ecclesiam commoditas. Huc certe olim spectabant Codices illi, quibus singularum Cathedralium Ecclesiarum Bibliothecæ instruebantur, aliæ quidem locupletiores, aliæ verò mediocri contentæ numero, Codicum, qui tantum necessarij videbantur, facilèque ipsius Antistitis, vel etiam collato Cleri ære comparari poterant: Instruclissima siquidem quævis Bibliotheca tunc habebatur, quæ illud Librorum genus, copiamque contineret, quibus S. Petrus Damiani (cujus exemplo rem totam illustratam habebimus) Monachos, seu Eremitas suos Fontis Avellani ad omnigenam ipsorum eruditionem locupletatos voluit: Librorum quoque numerum (inquit) non minimum devolvimus, ut Fratribus nostris, qui pro nobis orare dignentur, meditandi copiam praberemus. Bibliothecam namque omnium Veteris, & Novi Testamenti voluminum (1) licet cursum, ac per hoc non exactè vobis emendare curavimus: Ex Passionibus quoque Beatorum Martyrum; ex Homiliis Sanctorum Patrum; ex Commentariis, allegoricas Sacra Scripturæ Sententias exponendum, Gregorii scilicet, Ambrosii, Augustini, Hieronymi, Prosperi, Bedæ, Remigii, etiam & Anselmi, insuper & Haimonis, atque Paschasi, Divina Gratia nostris allucescente laboribus, plures Libros habetis, quibus vacare potestis; ut sanctæ animæ vestre non solum Oratione crescant, sed etiam Lectione pinguescant: Ex quibus nimirum Codicibus nonnullos pro nostra possibilitate correximus, ut in Sacra Disciplina studiis intelligentia vobis aditum panderemus (2). Habes igitur Divinorum Bibliorum volumina, nonnullas Martyrum Passiones, sive Acta, selectas aliquot Patrum Homilias, expositionesque Biblicas, Sacrorum denique Rituum præclariore Scriptores; quibus dum addas Sacramentaria, Antiphonaria, Responsalia, Chartasque peculiares ipsius Ecclesiæ, jam necessariam illam, nec multo ære comparatam, habebis Bibliothecam, quæ, etiam adhibita Petri Damiani sobrietate, non expectato tamen (uti Thomassinus potius ipse fingeat) Sæculo XI., à prioribus usque Sæculis, universas, vel saltem frequentissimas Cathedrales Ecclesias non tam ornatas, quàm ad necessarium Ecclesiasticorum Ministeriorum, Institutorum, Disciplinarumque subsidium instructas esse oportebat.

Fuit igitur Beneventanæ Ecclesiæ Bibliotheca, cujus tum vetustatem, tum pretium ex antiquissimo Bibliothecarii munere, sive Ecclesiastica Dignitate, ex illius etiam Codicibus, Monumentisque aliis certò argumentari licet. Ejus Bibliothecæ præstantiam ostendit Instrumentum Anni MCLXXXVI., quo Philippus de Balbano Comes Apicis donavit Bibliothecæ Beneventanæ pro reficiendis Libris Juspatronatus Ecclesiæ S. Lucie; quod Instrumentum, in Originali pergamena adhuc in eadem Bibliotheca servatum, heic exhibemus (3): Extant etiam

(1) Bibliothecæ vocabulo, medio ævo, præcipue significabatur Bibliorum Liber, qui utrumque Testamentum complectebatur. Ita Durandus Rational. Lib. VI. c. 1. §. 27: Bibliotheca à Græco nomen accepit; & est nomen æquivocum, scilicet locus, in quo Libri reponuntur, & volumen ex omnibus Libris veteris, & novi Testamenti à Hieronymo compositum: Qua posteriori significatione plurimè apud Gangium Scriptores id nomen usurpant, quibus S. Petri Damiani locus à nobis superius recitatus addi meretur.

(2) De Ordine Eremitarum, & Facultatibus Eremitarum Fontis Avellani. Opusc. XIV. Tom. III. Operum ex edit. Constantini Cajetani, recusa Venet. anno 1743.

(3) In Nomine Domini Nostri Jesu Christi. Anno Incarnationis ejus millesimo centesimo octuagesimo sexto, mense Novembrii, Indictione v. & vigesimo primo anno Regni D. N. W. (Domini nostri Wilhelmi) invictissimi Regis. Desiderii, & voluntatis propositum, quod ad salutem pertinet animarum, est sine dilatione, Deo auctore, compleendum. Inde est, quod nos Comes Philippus de Balbano, Dei, & Regis gratia Dominus Castellii Apicis, pium, & saluiferum attendentes pro animæ nostræ, & Parentum nostrorum remissione, nec non & precæ dilecti amici nostri Abbatis Rachisii, peccata, quæ incautè commissimus, beneficiorum largitione redimere, dignum duximus de voluntatis nostræ

proposito, & desiderio, quod jamdudum in animo pro voto concepimus, Matri nostræ Ecclesiæ Beneventanæ ad honorem Dei, & gloriofissime semper Virginis Mariæ, Beatique Bartholomæi Apostoli, ad opus ejusdem Ecclesiæ Bibliothecæ pro reficiendis Libris præcipue, totum Juspatronatus, quod in Ecclesia S. Lucie de pertinentiis Castellii nostri Apicis habemus, pro animæ nostræ, & animarum parentum nostrorum salute in perpetuum concedimus, damus pariter, & assignamus, nihil nobis, & alicui de ipsis Juspatronatus reservato, salvo jure sancti Marci. Et hoc totum actum est adstantibus dilectis Filiis nostris Gilleberto, Rame, & Galtero Clerico, & Roberto Judice ejusdem nostri Castellii, adstantibus etiam militibus Sarulo de Montefusculo, & Niele de Palata, & Presbyteris Franco, & Amosino, & aliis bonis hominibus, & in eorum præsentia prædictum Abbatem Rachisium ad partem, & vicem Beneventani Archiepiscopi, & ejus Bibliothecæ de jam dicta Ecclesia invigilavimus per fustem, quem manu tenebamus. Statuentes, ut nulli omnino hominum liceat, hanc nostram concessionem infringere, vel ei temerè contraire. Ut autem hæc nostra Concessio perpetuis temporibus ad honorem Dei, & Beatissimæ Virginis Mariæ, Beatique Bartholomæi Apostoli, & ad jam dictæ Ecclesiæ Beneventanæ Matris nostræ, & ejus Bibliothecæ robur obtineat firmitatis, hujus concessionis paginam Sigilli nostri

etiam Neapolitanorum Regum, idest Ladislai anni mcccviii., & Johannæ II. an. mcccxcvi. Diplomata, quibus Beneventanæ Bibliothecæ prædiis, eorumque redditibus immunitas facta est (1): ex quibus quidem monumentis manifestum fit, Beneventanam Bibliothecam eò celebritatis, ac præstantiæ pervenisse, ut Viri illustres ad eam tuendam, instaurandamque, munificentiam suam meritò conferendam existimarent. Sed ex seriore eorundem monumentorum ætate, ad ejusdem Bibliothecæ celebritatem, ac præstantiam (ut dixi) sola erit argumentatio; ad vetustatem verò quod attinet, longè ante millesimum eandem extitisse, floruisseque demonstrant veteres Chartæ, comprobantque Bibliothecarii munus, atque dignitas: nam Archiepiscopus Alphanus III. Diploma illud, quod superiori Capite recitavimus, anno mxi. Magelpotoni Beneventanæ Ecclesiæ Diacono, ac Bibliothecario scribendum, obsignandumque mandavit: *Quod videlicet (inquit) Præceptum tibi superius dicto Magelpotoni Diacono, ac Bibliothecaria scribere injunximus.* Ejusdem sæculi anno lxxv. in Concilio Provinciali ab Archiepiscopo S. Milone Kalendis Aprilibus celebrato n. i. i. occurrit Roffridus Diaconus, & Bibliothecarius nostræ Ecclesiæ, qui pro sui muneris ratione Diploma quoddam Archiepiscopi Uldarici, de quo quæstio in eo Concilio agitabatur, verum esse, quemadmodum legebatur, salva fide, & sine ulla falsitate, testatus est (2). Si igitur Sæculo xi. vix ineunte Beneventanæ Ecclesiæ Bibliothecarius aderat, qui pro suo munere Archiepiscopales Chartas conscriberet, roboraretque, jamdiu cum ipsa quidem Bibliotheca institutum id munus, longèque antea in Beneventana Ecclesia obtinuisse censuimus.

Illud verò ex aliis nostræ Ecclesiæ monumentis animadvertum mihi fuit, haud antiquius perpetuo peculiaris Dignitatis titulo id munus fuisse alicui Canonicorum commissum, sed eos ex Canonicorum cœtu, seu Capituli gremio potissimum delectos Bibliothecarios, qui tum doctrinâ, tum dignitate aliis præminerent. Eundem, quem superius memoravimus, Roffridum Diaconum, & Bibliothecarium, eidem S. Miloni, die 23. Februarii anno mxxxvi. defuncto, in Archiepiscopali Cathedra successum potius est, ut affirmemus, quam ut ipsimet Archiepiscopum Roffridum Landolphi postremi Longobardorum Principis Patrem fuisse, ex ambiguis monumentis cum Ughello, ac Sarnellio. communicamus; uti in postrema hujus Operis Dissertatione, quum de Beneventani Principatus occasu agendum erit, copiosius ostendemus. Sed & in Diplomate Benedicti Episcopi Lucerini, plures Ecclesias in sua Diocesi positas ditioni Monasterii S. Sophiæ submittentis, quod legitur datum, sive actum in Sacratissimo prænominato Beneventana Sedis, Palatio anno ab Incarnatione Omnipotentis Dei nostri mtc. occurrit alter Roffridus Archiepresbyter, & Sagacissimus Bibliothecarius ejusdem Beneventanæ Sedis: Nos autem (inquit Benedictus) prævidentes ex hoc maximam utilitatem prænominarum Ecclesiarum, placuit nobis ipsis prædictas Ecclesias cum earum pertinentiis in præsentia Domini Roffridi reverendissimi Archiepiscopi Præsulis, & Domini Roffridi Archiepresbyteri, & Sagacissimi Bibliothecarii ejusdem Beneventanæ Sedis, & aliis Presbyteris, & Clericis per hoc videlicet scriptum in eodem Monasterio confirmare, & concedere (3). Prodit igitur ex hac Charta Roffridus alter Bibliothecarius, atque is quoque alter postea Archiepiscopus, quam supremam dignitatem post Landolfum II. prioris Roffridi in eadem Charta commemorati Successorem, adeptus fuit an. mxcix., ad quem annum sic Falco noster: Landulfus Beneventanus Archiepiscopus obiit iv. die intrante mensis

ALTER

Fff2

Augusti,

stri munimine iussimus insigniri, & manu Gregorii Notarii nostri scribi.

† Signum Crucis propriæ manus Domini Comitiss Philippi de Balbano.

† Signum Crucis propriæ manus Gileberti de Balbano ejusdem Comitiss Filii.

† Signum Crucis propriæ manus Domini Raonis ejusdem Comitiss filii.

Ego Galterus Filius Comitiss Philippi testis sum, & manu mea signavi.

Ego qui supra Robertus Judex.

† Signum Crucis propriæ manus Domini Saruli de Montefusco.

† Signum Crucis propriæ manus Domini Nictis de Palata.

Ego Franco Sacerdos interfui.

† Signum Crucis propriæ manus Aymolini Sacerdotis, qui interfui.

† Signum Crucis propriæ manus Magistri Berardi, qui interfui.

Ego Johannes Filius Antonio Leobore Favallensi testis est.

(1) Extant originalia in Vol. xi. nostræ Bibliothecæ. Ea autem Immunitas spectavit redditus Ecclesiæ S. Mariæ in Caspognano in Civitate Montisfufci, quam usque ab Anno 1371. cum altera Ecclesia S. Michaelis prope Portam Reclorij Beneventanæ Urbis Archiepiscopus Ugho Johanni Pannacchione Bibliothecario Beneventanæ Ecclesiæ, ejusque Successoribus ad servanda onera sui muneris perpetuo concessit.

(2) Synod. Ben. Provinc. p. 21.

(3) Chron. Sanctæ Sophiæ apud Ughell. Tom. x. pag. 149.

Augusti, & Roffridus electus est, qui erat tunc Archipresbyter. Habes interea Bibliothecarii munus Viris illustrioribus Beneventanæ Ecclesiæ demandatum, eaque virtute præditis, ut ad ejus Ecclesiæ Cathedralam promoveri meruerint; uti de utroque Roffrido manifestum est: Habes quoque *Sagacissimi* titulum posteriori Bibliothecario Roffrido attributum, quo titulo perspicacem, *solertisque acuminis* (uti Festus explicat) hominem laudatum intelligas, cujus mentem & acrem, & vigentem, celerimèque multa simul agitantem, & ut ita dicam, sagacem commendat Cicero (1); qualem Bibliothecarii munus postulare videtur. Illustris ille Beneventanæ Ecclesiæ Archidiaconus Rainulphus, cujus mentio superius facta est, tum sub Archiepiscopo Henrico, tum sub Archiepiscopo Lombardo, Bibliothecarii munere perfunctus fuit, uti legere est in binis utriusque Archiepiscopi Diplomatis, altero anni MCLIX., quod scribitur *datum per manum dilecti filii Rainulphi nostræ Ecclesiæ Archidiaconi, & Bibliothecarii* (2), altero anni MCLXXVI., quod pariter scribitur *datum per manus predicti Archidiaconi, & Bibliothecarii nostri* (3): Ex quo noscitur, quanti Beneventanæ Ecclesiæ Bibliotheca, ejusque Bibliothecarius haberentur, quibus administrandis ipse aliquando Cleri, ac Canonicorum Primus, atque Caput præfici consuebat. Sed rursus anno MCCXVII. in Diplomate Archiepiscopi Rogerii occurrit *Petrus Verulanus Ecclesiæ Beneventanæ Diaconus, & Bibliothecarius* (4): Exin tandem factum videtur, ut Bibliothecarii munus in certam, perpetuamque Dignitatem erigeretur, quæ sexto, ac postremo loco ceteris antea institutis Dignitatibus accenseretur. Quod quidem satis præclarum, ac propè singulare tum Beneventanæ Ecclesiæ, tum ipsius Bibliothecæ decus videri potest; nam quum in aliis Ecclesiis, qui olim essent Bibliothecarii, ad Episcopales Cancellarios passim redacti fuerint (5), hoc sibi uni Bibliotheca Beneventana vindicavit, deincepsque obtinuit, ut non solum ejus Bibliothecarius ab Episcopi Cancellario diversus permaneret, verum etiam (quod luculentum ejus præstantiæ argumentum est) in peculiarem Dignitatem erectus consisteret. Hinc rem ipsam observatu dignam duxit Episcopus Vigiliensis Sarnellius, qui in sua *Basilicographia*, de vetusto Ecclesiasticarum Bibliothecarum loco, munere, instituto differens, ex eo capite Beneventanam Ecclesiam præcipuè commendatam sibi voluit iis verbis, quæ eò libentius afferam, quod & Bibliothecam, & Bibliothecarium, meum Patrum magnum, ante annos octoginta ita collaudasset: *Nella Metropolitana di Benevento delle sei Dignità fra' Canonici, la sesta è il Bibliotecario, degnamente sostenuta dall' erudito Abbate Marco De Vira, delle antichità della sua Patria peritissimo* (6).

Quibus Codicibus, Diplomatis, aliisque Monumentis Beneventana Bibliotheca locuples sit, non est hujus loci singillatim enumerare: Copiam, ac pretium argumentari suffecerit ex Tomo VII. Ughelli, nostroque præsentì Thesaurò: neque verò Ughello, ac deinde nobis Chartæ omnes depromendæ fuerunt, nisi quæ ad descriptionis argumentum pertinebant. Præter verò vetusta membranacea Diplomata, haud secundo loco censeri debent veteres Sæculi X., XI., ac XII. Codices quamplures, Longobardicis Literis exarati, quibus Acta Sanctorum, Patrumque Clarissimorum Homilias, ac Tractatus continentur: Adde demùm antiquæ Liturgiæ, ac Psalmodiæ Codices, pari descriptionis forma, vetustateque insignes. At his, aliisque id genus Monumentis ditior olim fuit nostra Bibliotheca, quæ Bellorum, Terræmotuum, Plagiariorum, ac temporis denique ipsius injuriis experta, plures nunc quidem, sed veluti reliquas post naufragium tabulas incolumes servat. Scimus ab Archiepiscopo Corrado Capycio, non mediocri Librorum præstantissimorum penu auctam nostram Bibliothecam: Id ipsum paullopost nempè anno MDII. præstitit Cardinalis Laurentius Cybo Archiepiscopus, Pontificis Innocentii VII. Nepos (qui *Cardinalis Beneventanus* nuncupari gaudebat, uti etiamnum constat ex Epitaphio ad ejus tumulum in B. Mariæ de Populo Romæ posito anno MDIII.), nam & ipse ad alia Beneventanæ Ecclesiæ collata beneficia, Bibliothecam suam legavit, refertissimam quidem tum Manuscriptis, tum Typographicis Codicibus, qualem, Virum literatum, & miro ingenio, summa etiam

(1) De Fin. II. c. 14.

(2) Ex originali in nostra Bibliotheca, & in Bullario Selecto n. XXXII. pag. 139.

(3) Ibidem n. XXXV. pag. 151.

(4) Ibidem n. XXXVIII. pag. 163.

(5) De Bibliothecariis Ecclesiarum Cathedralium, hæc tantummodo observat Gangius in Glossario: *Bibliothecarii in Ecclesiis Cathedralibus dicti, quibus*

Librorum Ecclesiasticorum cura commissa erat: Atque ii Literas, & Diplomata Episcopi describunt, quod postmodum, Bibliothecarii abolita appellatione, Cancellariorum munus fuit. Vid. Michaellem Monachum Sannar. Capuan. pag. 579.

(6) *Antica Basilicografia* cap. XLII. *Della sacra Libreria* pag. 108. edit. Neapol. MDCLXXXVI.

etiam potestate prædium collegisse decebat: Sed vix Indicem hodiè servamus, unde acriùs excitari desiderium, vehementius desleri jactura duntaxat possit. Ignoramus, an in eorundem Codicum censum referendus sit, vel ad anteriores nostræ Bibliothecæ Codices pertineret Codex ille manuscriptus *mira vetustatis* Operum S. Cypriani ab Viro Summo, Sapientissimoque Antonio Augustino anno 1559. inspectus, atque laudatus, cujus subsidio Gryphianam editionem anni 1537. ab Erasmo curatam, digessit, atque emandavit (1): quem modò Codicem in nostra Bibliotheca frustra quæras. Anno MCCCCIV. Pontifex Paulus II ex nostra Bibliotheca Diplomata vetustiora membranacea undeviginti sibi Romanam transmittenda mandavit, relictis apud nos illorum exemplaribus, sive *Authentico Transumpto*, uti constat ex ejus Pontificiis originalibus Literis, tristibus ejus jacturæ adhuc testibus. Nec melior Sæculo superiori fors, conditioque fuit Beneventanæ Bibliothecæ, donec à Cardinali Urfino Archiepiscopo, optimarum rerum quarumlibet apud Beneventanos vel restitatore, vel conditore, præterito malo, quantum res ipsa ferebat, novo ne deinceps locus esset, singulari Providentia prospectum est: Prima itaque cura fuit Chartas omnes, quæ antea in fasciculos coacervata non blattis modò, tineisque, sed etiam plagiariorum manibus impunè patebant, in certas classes, materias, Codicesque digerere, dein, evocato Casimiro Grajewsky Monacho professo Monasterii Elnonensis, vulgò S. Amandi in Pabula propè Tornacum in Belgio, Viro doctissimo, veterumque characterum calientissimo, insigniores Chartas ad numerum LXXXVII ejus manu describendas mandavit in Codice membranaceo, cui *Bullarii Selecti* sæpiùs à nobis laudati nomen factum est: Ex Chartis denique ipsis membranaceis pleraque selegit, quas linea charta retrò conglutinata communitas, ac veterum more in totidem volumina convolutas, suo quamque Tubo stamneo, quo magis injuria omnis propulsaretur, studiosissimè servatas voluit: quos etiam Tubos nos superius proprio numero, quem Diploma quoddam inscriptum præfert, sæpius memoravimus. Sed de Beneventana Bibliotheca, ejusque Bibliothecario jam satis.

Ceteras nunc Beneventani Capituli prærogativas summam excurremus. Ab antiquissimis usque temporibus vacantium Canonicatum, ac Dignitatum electio ad ipsos Canonicos pleno jure pertinet. Superius meminimus, anno MCCCXVI. Canonicos octoginta-quatuor ad peragendam Archidiaconi electionem convenisse: atque anno MCCCCXXV. in eo Statuto, quo Canonicorum numerus ad xxx. redactus fuit, speciatim cautum, ut *quum aliquis de, & in dicto numero defecerit, per eosdem Canonicos, & majorem, & saniores partem ipsorum, & dicti Capituli sit substituendus, & subrogandus*. Nunc verò, si Archidiaconatum, primam scilicet Dignitatem, excipias, neque vacationes aliæ in Mensibus Sedi Apostolicæ reservatis contingant, ceterarum Dignitatum, Canonicatumque omnium eligendorum eadem apud ipsum Capitulum manet potestas. Electus autem, si præsens est, nulla mora Canonicalibus Vestibus induitur, atque ab Archidiacono coram ipsis electoribus ad possessionem admittitur, seù in *Stallum*, ut ajunt, in Choro recipitur, cui subinde Diploma membranaceum gestæ rei, sequutæque possessionis, inscripto Capituli nomine, ejusque affixo Sigillo, atque Archidiaconi, ejusque, qui à Capituli secretis est, Canonici subscriptione communitum conceditur. De Mansionariorum electione idem jus est, nisi quod in ejus Collegii institutione, quam initio superioris Sæculi jam diximus factam, alternatim cum Capitulo Archiepiscopus electionem sibi reservavit. Sunt quidem pleraque Ecclesiæ Cathedrales, quæ antiquo ejusmodi Canonicorum eligendorum jure adhuc potiuntur; earumque possessionem non modò ratam habere, verum etiam tueri adversus Episcopos voluit Innocentius III. in Cap. *Cum Ecclesia Vulturna* xxxi. De Electio-

ne

(1) Exemplar istud Operum S. Cypriani Typis Lugdunensibus Sebastiani Gryphii extat in insigni Bibliotheca inelyti Collegii Romani Societatis Jesu, in quo hæc ab Antonio Augustino adnotata calamo leguntur: *Ex Bibliotheca Beneventana, Codex miræ vetustatis ab Antonio Augustino Episcopo Aliphanò 1559. observatus est, atque ex eo tum Epistolarum ordo, tum Tractatum sumptus est. Nihil facilius, ut Bibliothecam Beneventanam perlustraret Augustinus, qui Beneventanæ Ecclesiæ Suffraganeus Episcopatus Aliphanum tenuit ab Anno 1556. ad Annum 1561. ad Tarraconensem Archiepiscopatum deinde translatus; nihil etiam jucundius, ac sollicitius Viro Ecclesiasticarum aliarumque*

Antiquitatum studiosissimo, uti ex ejus præclaris Operibus palam est. Occasione nostræ olim Codicis S. Cypriani memini, quæ de consimili altero ejusdem Cypriani Codice legeram à Johanne Mabillonio narratum in suo *Itinere Italico* §. xv. de Bibliotheca Cathedralis Ecclesiæ Veronensis, in qua plurima volumina *mira vetustatis* servata olim testatur A obrolus Camaldulensis: Nam antiquissimum Cypriani exemplar quondam ibidem servabatur Postmodum istum Codicem majusculis litteris ante annos mille perscriptum, à Canonicis Veronensibus Carolo Borromeo dono datum fuisse, ex Aldi Orithographia didicimus, verbo Culcitra. Utinam eodem fato noster Codex periisset!

ne (1): eundemque nostrae Ecclesiae morem, in aliis quoque servatum, ut scilicet Archidiaconi munus, seu prerogativa sit, electum *installare*, Pontificia quoque docet Constitutio in *Cap. II. de Officio Archidiaconi*. Singularis tamen Beneventanae Ecclesiae prerogativa est, ut postquam semel electio solis Canonicorum Suffragiis celebrata sit, nullius approbatione, vel confirmatione rata esse debeat, sed Capitulum ipsum rei ab se gestae omnimodam auctoritatem, ac perenne monumentum suo Diplomate impartiat.

Beneventani Capituli prerogativa quoque est, ut Episcopali fere Jurisdictione fungatur in oppido S. Lupi nullius Dioecesis, cujus insignem Abbatiam ab anno mcccc. Pontificis Nicolai V. indulgentia adeptum fuit: quare tum Vicarium generalem, tum reliquos Administros ei Jurisdictioni sedulo exercendae quotannis praeficere solet.

Accessit denique anno mcccci. nondum ea tempestate obviis, ac semper magni aestimandus Mitrarum, aliarumque sacrarum Vestium Abbatialium usus à Pontifice Clemente XI. universis tum Dignitatibus, tum Canonicis attributus. Ut eam eximiam prerogativam Sapientissimus ille Pontifex largiretur, egregiis Beneventanae Ecclesiae promeritis permotum se ait, cujus Capitulum sex Dignitatibus, atque uno & viginti Canonicatibus, praeter sexdecim Mansionarios, ac Seminarii Clericos, aliosque circiter octoginta in divinis sedulo subservientes, constans, antiquitate, & praeminentiis nulli secundum, trium Martyrum palmis, ac unius Confessoris laurea efflorescere, nec non & Dignitatum, & Canonicatum, & Praebendarum in quatuor ordinariis mensibus electione gaudere, Episcopali fere Jurisdictione in oppido S. Lupi nullius Dioecesis, Beneventanae, seu alterius Provinciae, frui, & Cappis ad instar Capituli Basilicae Principis Apostolorum de Urbe decoratum, aliisque prerogativis ditatum esse, & laudabilem in modum Ecclesiae servitio insistere dignoscitur (2). Indulgit subinde idem Pontifex aliis Metropolitanis Ecclesiis eandem prerogativam, idest Ecclesiae Mediolanensi anno mdccxv. mox sequenti anno Ulyssiponensi: at si verè, rectèque rem cogitemus, haud pretio suo, decoreque vilescere visa est singularis antea Beneventanae Ecclesiae praestantia, quam binæ illae illustrissimae Ecclesiae aemulari coepissent: Beneventana etenim Ecclesia nulla re illis, aliisque Ecclesiis (ut ipse Pontifex disertè affirmat) secunda, pluribus fortasse, veluti Suffraganeorum numero, praestantior, ejus rei exemplo omnimodè praesse adeò digna fuit, ut utraque Mediolanensis, atque Ulyssiponensis (quod & de Neapolitana, Capuana, aliisque subinde factum est) insignem Mitrarum prerogativam ab Apostolica Sede nonnisi ad primae omnium Ecclesiae Beneventanae instar accepisse meruerint.

Interea nobismet gratulabimur, ab tali, tantoque Pontifice Maximo huic Capiti, Clerique Beneventani dignitati impositam coronidem, factumque Epilogum illum rerum omnium, quae longo sermone hactenus illustratae, illustriores factae sunt praclaro adeò, ac solemniori Apostolicae Sedis testimonio. Haec autem omnia tum mihi, tum Sapientissimis Fratribus meis incitamenti loco esse debent, ut cujus splendidissimo, amplissimoque Senatui adnumeramur, ejusdem Ecclesiae Beneventanae pro meis ego viribus servem, ipsi pro sua virtute, si fieri potest, augeant dignitatem.

CA.

(1) Vide ad hunc locum doctissimum Gonzalezium; qui tamen vulgatam Ecclesiae Vulturanae lectionem sequutus, sic ad id vocabulum commentatur: *Civitas Vulturana, alias Vulturanaensis dicta est in regno Neapolitano, in terra Samnitum, supra altissimos montes, qui Tremuli vocantur, sita, habet Ecclesiam Cathedrali suffraganeam Archiepiscopi Beneventani: tradit Cironius in cap. II. de offic. Archidiaconi: in qua Ecclesia nostri Textus casus contigit*. Sed falsus omninò est Gonzalezius, qui mendosam lectionem non animadvertit; igitur Decretalem hanc Innocentius III. Florentino Archiepiscopo infert, memoratque in *Tuscia* generalem consuetudinem servari, ut in Cathedralibus

Ecclesiis solum Capitulum, irequisito Episcopo, eligendi Canonicos haberet facultatem. Quid igitur commune Samnio cum Tuscia? Quid Florentino Archiepiscopo cum Beneventano? Quid denique Ecclesiae Vulturariensi, quae Provincia Beneventanae est, cum Ecclesia Vulturana? Tu igitur, auspice me, atque etiam vade, pro *Vulturana* lege, si libet, *Volaterranem*, Urbem scilicet, & Ecclesiam in Tuscia Episcopalem, atque antiquissimam, Archiepiscopo Florentino etiamnunc Suffraganeam.

(2) Ex diplomate Originali, quod servatur in Volutamine signato §. xv. n. 40.

CAPUT V.

DE BENEVENTANÆ ECCLESIAE AEDIFICIIS.

Ecclesia Beneventana antiquus situs. Quo tempore ampliata. Plura de veteri ejus Paradiso. Prospectus marmoreus: marmorea item Turris Campanaria, ejusque Inscriptio. Porta Aenea anaglyptico opere insculpta exhibetur, ac pluribus illustratur: Vetusta e marmore Suggesta, eorumque Inscriptiones: ac reliqua Aedificia recensentur.

Postremum Ecclesiae Beneventanae decus ex ipsis Aedificiis probare reliquum nobis erit. De ipsius Titulo, atque Situ superius egimus: Ac Titulum quidem *S. MARIAE*, *zax* *Exon*, proptereaquod Beatissimæ Virgini Assumptæ dicata initio fuerit, continenter servare studuit, & adhuc retinere gloriatur: Situm verò alterum, & nobiliorem sanè, atque opportuniorem, quàm olim, adepta est; nam in media Urbe, ubi nunc extat, locatam fuisse arguimus etiam ante Annum DC., quo anno Episcopus David, Sermone ad Populum habito, illam solemniter ritu consecravit. Anno DCCCXXXIX. accessit splendidissima Aedes, seu Capella recondendo Corpori S. Bartholomæi Apostoli è Lipara insula translato, à Principe Sicardo aedificari coepta, mox ab Episcopo Urlo ad fastigium perducta (1); cujus postea loco Anno MCXII. extructa augustior S. Bartholomæi Basilica est (2), quæ pariter eidem Ecclesiae Majori intermedio pariete, ac mutuum ingressum interiore præbente ostio, adjecta permansit, à propriis Capellanis, dein Collegii, ac Canonicorum jura, ac prærogativa adeptis, debito cultu honestata; donec iterato Terræmotu solo æquata, atque demùm alio Urbis loco à Benedicto PP. XIII. excitata, adjacentem Ecclesiae Majori aream spatio suo latius reliquit. Ecclesia itaque Major veterem formam servavit usque ad Annum MCXIV., quo anno (uti ex nostro Falcone didicimus) Ecclesia B. Mariae de Episcopo ampliata est, per Consilium Landulphi de Græca, ejus scilicet illustri Beneventani Civis, qui à Paschale PP. II. Beneventanam Urbem titulo Comitis Flabuli, militari, ac civili potestate præditus administrandam suscepit, cognomine Landulfo Archiepiscopatum gerente. An ipsa tunc Cathedralis, vel alia quæpiam Ecclesia ampliata fuerit, importunè dubitat Cam. Peregrinius (3): Ampliationem verò ipsam falsò ad Annum MCXXIV. protrahunt Ughellus (4), ac Sarnellius (5): Hoc enim anno id amplius ex eodem Falcone habemus, Rosfridum scilicet Archiepiscopum, Landulfi Successorem, Corpus B. Barbati ex veteri tumulo, atque ara in decentiorem locum transfuisse, præcipuè quia structura novi Episcopii ad locum ipsius Altaris producebatur; idcirco inde amoveri juxta fabricæ sententiam oportebat. Ampliata igitur decennio ante Ecclesia sub Landulfo Archiepiscopo, hanc rursus causam, seu occasionem præbuit Rosfrido Successori, ut novam Aram recondendo Corpori S. Barbati opportuniore loco construendam curaret; qua re, & ejus Sancti Lyphana decentius locata essent, & ampliatae jamdiu Ecclesiae ex fabricæ sententia, idest ad architectonices regulas elegantior forma adderetur.

Ex superius dictis jam illud constat, Ecclesiam Beneventanam vario tempore varias habuisse formas: Alia enim ad Sæculum VI. statuenda est; Alia ex eo tempore ad Sæculum XII., cujus Sæculi initio ampliata fuit; Aliam demùm sequenti tempore excipere coepit; cujus, quæ ad nos pervaserunt, sive vestigia, sive monumenta nunc persequemur.

Ac, quod primum nostræ memoriæ proditum est, aderat suus Ecclesiae Beneventanae Paradisus.

(1) Acta autographa Translationis S. Bartholomæi, quæ in nostra Bibliotheca servantur.

(2) Falco ad Annum MCXII. Inter opp. Peregrin. Tom. IV. p. 146.

(3) Ad dictum Falconis locum hæc Peregrinius: In antiquo exemplari fortasse scriptum fuerat: Ecclesia B. M. de Episcopo: quod librario interpretari visum: B. Mariae. At exponendum erat: B. Maximi: ut idem Falco ad An. 1123. argumento est, dicens: eodem Anno Landulphus de Græca supranominatus XII. Kal. Decembris obiit, & ad Ecclesiam suam S. Maximi sepultus est: ni potius sit ibi: B. Mariae nomen restituendum. Nihil importunius: nam diversam omninò Ecclesiam utro-

que loco Falco nobis commemorat, ac manifestè distinguit; alteram B. Mariae (quis crediderit in exemplari scriptum B. M. ?) De Episcopo, idest ipsam Cathedralis, quæ haud præclarioribus verbis demonstrari poterat; cui ampliandæ Landulphi de Græca, Beneventanam Urbem tunc pro Sede Apostolica gubernantis consilium tantummodò accessit; alteram B. Maximi, cui nihil additur de Episcopo, sed ad ipsam Landulphum jure patronatus pertinere videbatur, ut propterea ad Ecclesiam suam sepultus fuisse dicatur.

(4) Tom. VIII. Ital. Sac. col. 164. edit. antiq.

(5) Sarnellius in Chronol. Eccl. Benev. pag. 92.

Paradisus. Quid hoc vocabulo Veteres significatum voluerint, ac quæ illius etymologia sit, alii observarunt (1). Nova verò sequiori ætate ejusmodi vocabulo significatio inventa est, ut scilicet Aream, sive Atrium indicaret, quod porticibus circumdatum ante Aedes Sacras prosternebatur. Heinc Leo Ostiensis Lib. III. cap. 28. Basilicam Cafinensem à Desiderio Abbate magnificentius excitatam per partes describens, fecit (inquit) & Atrium ante Ecclesiam, quod nos, Romana consuetudine, Paradisum vocitamus. Quare ad eum locum id vocabulum translatum sit, docere voluit Tabularium S. Victoris Massiliensis hinc verbis: Idcirco verò idem locus ad Portam Monasterii situs, vocatus est Paradisus, sicut & nos comperimus, quia multorum Corpora, scilicet Sanctorum Martyrum, Confessorum, Virginum eodem loco quiescentium decoratur auxiliis, & suffragatur meritis (2). Sed nihil ineptius dici potuit. Non enim Sanctorum lyplana in Atriis, sed in adytis Templorum, vel sub aris, vel alio honestissimo loco condita, fidelium venerationi exponebantur. In ipsis verò Atriis, seu Paradiso sola fidelium, ac ferè semper principum, illustriumque aliorum Corpora tumulabantur: Sic Ottonem II. in Paradiso B. Petri Romæ sepultum tradit Ostiensis (3): ibidemque Petrus Diaconus Sicelgaitam Roberti Guiscard uxorem tumulatam subdit (4): quæ ex re non id, quod Cangius statuit, rectè consequitur, Paradisos hinc interdum vicem Coemeteriorum præbuisse, ac certè uti Paradisos, ita & Coemeteria Atria dicta fuisse (5). Diverfus enim erat apud ipsas Ecclesias communis Coemeterii locus; nec quia solis præclaris hominibus in Atrio tumulus statuebatur, seu potius permittebatur, Atrium ipsum Coemeterii vicem, ac vocem nancisci poterat: Dabatur id Viris summis, ac de ipsa Ecclesia optimè meritis, ut scilicet in quoddam veluti honoris, simul & eorum humilitatis monumentum non in communi Coemeterio, sed neque intra ipsam Ecclesiam, in ejus tamen Atriis sepulcrum obtinerent: Imperatores (inquit S. Jo. Chrysostomus) pro magno habuere, si juxta Apostolorum saltem vestibula eorum Corpora sepelirentur, fierentque Reges janitores Apostolorum (6). Quem more sequuti etiam nostri Longobardi Principes fuerunt, quorum Tumuli in Atrio, seu Paradiso Beneventanæ Ecclesiæ locati, etiamnum, mutatâ loci formâ, ad ejus prospectum, seu frontispicium affixi aspectantur, ut mox observabimus. Paradisum itaque verisimilius dictum censet Suidas, à παρά, idest juxta, & δῶω, idest irriquo, ut propriè Hortum irriguum sonet: quod sanè locus ille comprobasse, vel potius mutatus sibi fuisse videtur, cui sequior ætas eandem appellationem tribuere coepit, idest Atrium Ecclesiæ: qui quidem locus non solum circumseptus, sed Fontibus etiam perennes aquas ad sacras expiationes paratas emanantibus instructum fuisse constat (7).

De Paradiso Beneventanæ Ecclesiæ insigne monumentum superiori Capite prælibavimus in Bulla Alexandri PP. III. anni MCLXXXIX., ubi Cardinali Lombardo, qui se Archiepiscopatu abdicaverat, inter alios ipsius Ecclesiæ redditus pro ejus alimentis assignatos, quadraginta & octo Romanatos de Paradiso pariter attribuit. Sed antiquius, & præclarior monumentum illud est, quod An. MCCCXVI. Pseudopontifex Anacletus de eodem Paradiso nobis reliquit: etenim universos ejusdem Paradisi redditus, ad Sedem Apostolicam spectantes Roscimando instituto ab se Beneventano Archiepiscopo, ejusque Successoribus perpetuò possidendos concessit. Diploma heic recitabimus ex originali membrana descriptum.

Anacle-

(1) Vid. Vossium in Etymologico, Calmetium in Diction. S. Scripturæ, ac Brissonium de Regno Persarum Lib. I. n. 79. inter ejus opp. minora Lugd. Batav. 1739. namque à Persis ad Græcos, Romanosque loci ipsius exemplum derivatum voluit; ut ex Xenophonte, & Agellio satis liquet.

(2) Apud Quæfneum in Annal. Massilien. pag. 296.

(3) Chron. Casin. Lib. II. cap. IX.

(4) Ibid. Lib. IV. cap. VIII.

(5) Glossar. med. & infim. Latin. Verb. Paradisus.

(6) Homil. XXVI. in epist. II. ad Corinth. Vide quæ uberrimè dixi de vera, & constanti Ecclesiæ Disciplina in sepeliendis apud Aedes sacras Christianis Defunctis in superiori Libro Dissert. XI. cap. II. à p. 307.

(7) Eusebius Hist. Eccl. Lib. X. cap. II. Templum à Paulino Tyri Episcopo, extinctis persecutionibus, magnificentius extructum describens, hæc de splendidissimo Atrio, inter alia, habet: Hæc sacrarum expiationum signa posuit, fontes scilicet ex adverso Eccle-

sie fructus, qui interius sacrarium ingressuris copiosos latices ad abluendum ministrarent. De Atrio Ecclesiæ Vaticanæ, cujus sub Paradisi nomine meminit Anastasius sub Symmacho, & Dono, hæc scribit S. Paulinus Nolanus in Epistola ad Alethium pag. 331. edit. Colon. 1560. Cum totam ejus Basilicam densis inopum cotibus stipavisset. . . . qua sub eadem mole testorum, geminis utrimque porticibus latera diffundit, quæ præterito nitens arrio fusa vestibulo est, ubi Cantuarum ministrarum manibus, & oribus nostris fluentem rulantem, fastigiatu solido ære tholus ornat, & innumbrat, non sine mystica specie quatuor columnis salientes aquas ambiens: decet enim ingressum Ecclesiæ talis ornatus, ut quod intus mysterio salutari geritur, spectabili pro foribus opere signetur. Horum autem Fontium vice postea in ingressu Ecclesiarum orta fuisse vasa cum aqua benedicta, qua lustrarentur Orationis causa intrantes, verosimile censeri debet.

Anacletus Episcopus Servus Servorum Dei.
Venerabili Fratri Roscimando Beneventano Archiepiscopo, ejusque Successoribus
in perpetuum.

Equitatis ordo exigit, & justitia ratio persuadet, quatenus B. Petri Fidelibus, qui in ejus servitio assidue commorantur, quorumque bona ipsius, ejusdemque esse noscuntur, consueta Sedis Apostolicæ liberalitate, cui, auctore Domino, licet indigni, præsidemus, largioris beneficii manum extendere propensius debeamus. Quapropter, Venerabilis Frater Roscimande Beneventane Archiepiscopo, preces tuas, & Fratrum nostrorum Episcoporum, & Cardinalium pro tuo amore apud nos intervenientium clementius admittentes, largimur, & concedimus tibi, tuisque Successoribus totum in integrum Paradisum, & Atrium, quod est ante ipsum Episcopium, Ecclesiam videlicet S. Mariæ, sicut ad nostrum Publicum hætenus pertinuisse dignoscitur, ea videlicet ratione, atque tenore, ut tu, & Successores tui nihil ibi absque nostra, & Successorum nostrorum data, licentia facere, seu statuere de novo debeatis, unde alia nostra Regalia deteriorentur, aut imminuantur, & Tinellam, de qua ob frequentiam, & strepitum vendentium, atque eminentium non modica injuria eidem Sanctæ Matri Ecclesiæ sæpius inferebatur, ex eodem Paradiso amovemus. Donamus quoque, & concedimus Tibi, ac Successoribus tuis in perpetuum Plateaticum quatuor Apothecarum, quæ sunt in Domo Johannis de Civitate, & redditus confidentium, & vendentium olæ, & poma in ipso Paradiso, sicut ad nostrum Sacrum Beneventanum Palatium pertinet. Decernimus ergo, & præsentis auctoritate sancimus, ut nulli omnino Ecclesiastica, vel Seculari personæ hanc nostra largitionis, sive concessionis institutionem infringere, aut commutare liceat, sed omnia, sicut præfixum est, illibata, & firma permaneant. Hæc igitur statuta servantibus sit pax Domini Nostri Jesu Christi, non servantibus autem sit anathema, & ignis preparatus æternus. Amen. Amen. In Circulo. Dominus fortitudo Plebis suæ. In Area crucigera. S. Petrus. S. Paulus. Anacletus PP. II. Sequitur subscriptio.

EGO ANACLETUS CATHOLICÆ ECCLESIE EPISCOPOS.

† Ego Johannes Episcopus Portuensis. † Ego Petrus Presbyter Cardinalis Titulo S. Marcelli.
† Ego Crescentinus Presbyter Cardinalis Titulo S. Apollinaris. † Ego Amatus Presbyter Cardinalis Titulo S. Eusebii subscripsi. † Ego Matheus Presbyter Cardinalis Titulo Equitii subscripsi.
† Ego Romanus S. Adriani Cardinalis Diaconus.

Datum Beneventi per manum Mathei S. R. E. Presbyteri Cardinalis, & Cancellarii XII.
Kal. Novembris, Indiæ. xv., Anno Dominicæ Incarnationis MCCCXVI. Pontificatus autem Domini nostri Anacleti Secundi Pape septimo. Bene Valere.

Leve certe Beneficium ejusmodi fuerit, quo Pseudopontifex ille innumera mala compensare existimavit, quibus non solum Beneventanam Civitatem cumulavit, ubi turbas excitavit, ut suæ electionis fautores haberet, altera tamen frequentiore Civium parte (uti refert Falco ad annum 1132.) firmante partem Innocentii Pape tenendam fore, Anacleti verò electionem contra Canones fore, & iniquam: Verum etiam Ecclesiam Beneventanam commaculavit, cui post Archiepiscopi Landulphi obitum Pseudoarchiepiscopum illum suæ factionis signiferum præfecit; qui tandem anno 1137. (eodem teste Falcone) omnium studiis ad Innocentium conversis, postquam septennio circiter Civitatem violento nomine tenuisset, noctis silentio timore coactus fugiit. Huic igitur Roscimando, seu (uti Falco vocat) Roscimanno Ecclesiæ Beneventanæ Paradisum Anacletus concessit: Quam concessionem ratam habuisse tum Innocentium, tum sequutos Pontifices, satis probat memoratum Diploma Alexandri III., qui ex iis relictis, quos ex eodem Paradiso Ecclesiæ Beneventana percipiebat, quadraginta & octo Romanatos Archiepiscopo Lombardo assignavit. Quæ ex re (quemadmodum ex Anacleti Diplomate manifestum jam fuit) contiguum eidem Paradiso Urbis Forum extitisse, immo paulatim eundem Paradisum Fori partem fuisse liquet, unde Anacletus ipse Tinellam amovendam constituit, de qua ob frequentiam, & strepitum vendent-

vendentium, & *ementium* non modica iniuria eidem Sanctæ Matri Ecclesiæ inferebatur (1). Qua *Tinella* excepta, ac perpetuò amotà, servatæ sunt apothecæ, permittæque in ipsius Paradisi porticibus olerum, pomorumque venditio; ex quibus, aliisque mercibus, quod olim ad *Publicum*, sive *Regalia* Sedis Apostolicæ pertinebat *Plateaticum*, idest vectigal, sive tributum, in Beneventanæ Ecclesiæ jus, atque emolumentum translatus est. Eum morem infelicitissima illa tunc tempora ferebant (utinam nec nostra alicubi), ut in Ecclesiæ Atriis mercimonia exercerentur. Nihil ejusmodi in nostræ Ecclesiæ Atrio hodiè superest, in breviorē aream contracto, quod tamen ex via publica, quā interpositis muris circumdatur, atque circumjacentibus ad ipsam viam apothecis etiamnum ad Archiepiscopalis Mensæ dominium pertinentibus, amplissima, quibus olim diffundebatur, priora spatia demonstrat.

Atrium itaque ipsum in præsens, parietibus, viâque publica undique procurrente circumseptum, non alia re insignis est, quàm veteri Obelisco, qui ad dextrum ejus latus exurgit. Parvæ quidem molis ille est, sed è marmore Ægyptio, Ægyptiisque item characteribus, sive Hieroglyphicis undique insculptum, non mediocriter pretium sibi vindicat. Non unum Beneventi fuisse Obeliscum manifestè ostendunt ejusmodi monumentorum reliquæ, sive frusta: Nam apud Ædes Dominorum de Mustis muri angulum efficit quadratus lapis Ægyptius ad palmorum quinque longitudinem, consimilibus notis inscriptus; Par lapis in interiori Atrio Palatii Archiepiscopalis nuper effossus fuit; qui alterius consimilis Obelisci fragmentum se prodit, quique in sinistro Atrii Ecclesiæ latere ex adverso alterius adhuc extantis fortasse spectabatur. De Beneventanæ Urbis Obeliscis nihil mihi in superiori Libro; qui hujus argumenti locus erat, observandum visum fuit, post Kircherii, Panvini, Mercii, Picis, aliorumque eruditorum luculentas ea de re tractationes: Illud nunc tantum animadvertere suppetit, elegantissimum nempe veterum Beneventanorum ingenium, quo Urbis suæ magnificentiam ejusmodi selectissimis, peregrinisque ingenti ære comparatis monumentis condecorare satagebant: Sed præclarius illud, ac majori laude commendandum, ut qui olim ad Fori ornamentum Obelisci adhibiti putandi sunt, jamdenu, ad majoris Ecclesiæ fores, idest ad triumphantis Christianæ Fidei gloriam, quasi extinctæ Idololatriæ spolia, statuerentur.

Atrio assurgit ipsa Ecclesia, cujus Faciem, sive Frontispicium integrum è marmore construendum curavit Cardinalis Rogerius Archiepiscopus, servato hisce versibus sui operis monumento.

HÆC STUDIO SCULPSIT ROGERIUS ET BENE IUNXIT
MARMORA QUÆ PORTIS TRIBUS CERNUNTUR IN ISTIS
ET QUÆ PER PURUM SPECTANTUR LUCIDA MURUM.

Eximium certè in Ecclesia exornanda fuisse Rogerii studium, ostendit quoque ejus Diploma anni MCCXV, quo statuit, ut tertia pars fructuum Beneficiorum sequenti, quo vacaverint, anno erogetur operi majoris Ecclesiæ nostræ, vel refectioni ipsius (2). Sed ad ipsum Rogerii Opus quod attinet, quanquam nonnihil magnificentiæ loco accesserit, nemo tamen laudandum, quod BENE IUNXIT, sed potius, quod MALE IUNXIT marmora reprehendendum Rogerium censerebit: quid enim? Veteris Paradisi, seu Atrii formam destruxit, nec vetustis Beneventanorum Principum Tumulis parcens, non solum illos loco suo


(1) Quid significet *Tinella*, frustra quæres in Glossario Cangiano, edit. Francof. 1681, ubi tantum *Tina*, seu *Tyna*, aut *Tinum* occurrit. Vas scilicet grande ligneum, tam lavationibus, quàm condendis vinis paratum, quod vocabulum à Varrone usurpatum tradit Nonius. Itaque *Tinellum* in nostra Charta non aliud, quàm *Cauponam* intelligendam arbitror, locum videlicet illum, ubi commensationes, computationesque à plebe exerceri solent, non sine clamoribus, jurgiis, rixisque, adeoque proximæ Ecclesiæ injuriis. Id certe innuunt ejusdem Chartæ verba: ac comprobare videtur Ordo Romanus à Petro Amelio lu-

cubratum Sæculo XIV, editusque à Mabillonio Mus. Ital. P. II. pag. 444, in quo pluries Ædes illa, ubi prandia parantur, *Tinellum* appellatur: Sic cap. LXXI: *In alia vero Mensa, quæ est ad dexteram Papæ, in longum aula, seu Tinelli sedent Episcopi Cardinales*. Et cap. CXLIV: *Hac die dicti Poenitentiarii debent comedere in Tinello Papæ splendide propter labores &c.* Et cap. CLXV: *In prandio Dominus Camerarius cum Auditoribus, & Poenitentiaris tenuit Tinellum &c.*

(2) Ex originali Membrana, quæ adhuc in nostra Bibliotheca servatur; cujus exemplar extat in Bullario Selecto R. XXXVIII. p. 158.

suo disiecit, verum ipsas etiam Inscriptiones ingentibus Marmoribus insculptas; tanquam promiscuos lapides, nullo ipsarum ordine, immò magna ex parte disiectas, inter reliqua marmora coacervavit. Ita barbarico illius ætatis ingenio factum est, ut præstantiora illa Longobardicæ Antiquitatis monumenta in novum construendum opus non tam ornandum, quàm quoquo modo perficiendum succederent; ac vetusta Longobardorum Principum gloria, olim cum ipso Principatu in cinerem, atque umbram redacta, in ea denique marmorea frustra discepta, evanescentium rerum omnium humanarum conditionem hodiè-que præferat.

Rogerii Archiepiscopi studium sequenti Sæculo præclarum Opus subsequutum fuit Turris Campanariæ, quæ quadratâ formâ in æqua latera ad palmorum xxv latitudinem, ad palmorum verò lxxxv altitudinem ex solido penitus marmore ad dextram Ecclesiæ frontispicii partem adhærens, erecta fuit. Erectionis tempus, auctoresque etiamnum Epigraphæ docet, quam heic ad ipsius Archetypi fidem æræ tabulâ repræsentandam curavi.



quam Epigraphem sic facillè legas. A. D. MCCLXXIX. XI. FEBRUARII. VIII. INDICTIONE INCEPTUM EST HOC CAMPANILE DE OBLATIONIBUS FIDELIUM, ET CLERI (1).

Sed ad Rogerianum Opus redire præstat, atquè in ipsius Ecclesiæ Januis gradum sistere. Tribus ad eandem Ecclesiæ faciem æque patentibus Januis ingressum ex Atrio in ipsam Ecclesiam haberi ex relata Rogerii Inscriptione audivimus; se enim ipsum marmora, quæ in tribus portis cernuntur, junxisse affirmat; quarum quidem Portarum numerum jam olim ibidem extitisse, mediamque Æneam marmoreo opere antiquiorem nos affirmamus. Vetusissimum Sacrorum Ædificiorum morem fuisse, præsertim quum de insignioribus Basilicis, Episcopalibusque Ecclesiis ageretur, ut ternis in ipso Frontispicio Ostiis adirentur, pulchrè satis, ac sapientissimè docet S. Carolus Borromæus: A' fronte Ecclesiæ (inquit) Ostia extruantur: imparia verò sint, ac planè totidem, quot Navæ, ex quibus Ecclesiæ

ALTER

Ggg 2

constat.

(1) Die xi. Februarii Anni MCCLXXIX. non Ostia, uti in lapide sculptum est, sed Septima decurrebat Indictio, quæ Kalendis Septembris ejusdem anni tunc demum in octavam vertebatur. An Beneventanis Indictiones uno Anno antevertere tunc temporis mos

fuert, vel potiùs marmorarii error dicendus sit, haud facile decernas. Vide Card. Norisium De Epoch. Syr. Maced. Dissert. iv. cap. iv., ex quo etiam discis sæpiùs à Librariis (haud secus à marmorariis) in Indictionum Annis notandis erratum.

constat. Media autem Navis (si è pluribus Navibus Ecclesia constat) tria Ostia, ubi præ amplitudine potest, à fronte habeat; nam pluribus Ostiis, tum ob alia plura, tum ob virorum, mulierumque distinctionem ad Ecclesiam ingressum patefieri debere indicant Basilica Romana. Ostium medium à ceteris & laxamento, & ornatu præcipue distingui debet, præsertim in Basilica Cathedrali (1). Trium extruendorum Ostiorum aliam rationem prodidit S. Paulinus Nolanus (ut ex ipsa sacra Antiquitate præclarum aliquid afferam), qui ineunte Sæc. v. Basilicam S. Felicis per partes describens in Epistola XII. ad Severum, In ipsis (inquit) Basilicæ novæ ingressibus hi versiculi sunt:

*Alma Domus triplici patet ingredientibus arcu;
Testaturque piam Janua trina Fidem.*

Ut scilicet tres unius Ecclesiæ Portæ Sacrum, quod Christiana Religio præcipue profitebatur, unius, trinique Dei Mysterium, veritatemque declararent. Jam verò antiquius, illustriusque ejus rei exemplum nobis suppeditat Eusebius, qui illud Historiæ Ecclesiasticæ Caput de instauratis, splendidiùsque post Persecutiones excitatis ubique, Imp. Constantini permisso, ac exemplo, Ecclesiis, ex una maxime Tyri Ecclesia comprobare aggreditur, quam Paulinus alter ejus Urbis Episcopus magnificentissimè construendam curavit. Sic itaque Eusebius, inter alia plurima, de illius Ecclesiæ Januis: *Hoc spectaculum prætervinctis, pluribus aliis interioribus vestibulis aditus ad Templum patentes effecit; rursus ad ipsos Solis Orientis radios tribus ordine Januis in uno, eodemque latere constructis; quarum mediam duabus aliis utrinque positis, & altitudine, & latitudine plurimum præstare voluit; eandemque aëris tabulis, ferro vinctis, & Sculpturis variis præcipue decoravit, ei tanquam Regina Satellites alias adjungens* (2).

Lætari certè mihi contigit, quum in hunc Eusebii locum incidissem, qui quidem Eusebius mihi veluti præisse, eademque, quæ is de majori, seu media Tyriæ Ecclesiæ Janua conscripsit, mihi, ut de Beneventanæ Ecclesiæ Janua concelebranda usurparem, commodatè visus est. Qui Eusebium paulò ante loquutum audiverit, simulque nostræ Ecclesiæ Januam spectaverit, haud me plus æquo rem ipsam extulisse fatebitur. Spectandam autem oculis ipsam nostræ Ecclesiæ Januam heic exhibeo, binis aëris tabulis summa fide, ac diligentia expressam. Lucem Janua isthæc nostra jam olim aspexerat operâ Clarissimi, eruditissimique Viri Johannis Ciampini, ad quem Cardinalis Urfinus Archiepiscopus exeunte superiori Sæculo exemplar transmisserat. Haud tamen in Parte I. Veterum Monumentorum, ubi is de aliis alicuius Ecclesiarum Januis agit, invenire erit (3): Sed acceptum, post absolutum eum Librum, exemplar, illustrandum, edendumque servavit in Parte II. (4). Laudem simul, veniamque Ciampino perlibenter tribuimus, qui Beneventanæ Ecclesiæ Antiquitates pervulgare fategit; at qui transmissi sibi Exemplaris fidem sequi, illius etiam sequi ruditatem debuit, foedioresque errores, describentis ignaviâ, atque incitiâ patratos, communes sibi effecit. Promptum id cuique intueri, probareque est, si tantùm Ciampinianum exemplar cum nostro comparaverit. Nostro autem id addidimus, ut Janua ipsa cum suis marmoreis Postibus, ac Superliminari (quæ haud minus præclaræ ejus partes sunt) in lucem prodiret, ac in binas suas partes divisa, patentior, ac perspicuior appareret.

Desiderantur in nostra Janua tum extructoris, tum ejus, qui extruendam curavit, nomina: Nulla etiam chronologica nota insculpta est: Quare Sarnellius circa ejusdem Archiepiscopi Rogerii tempora, scilicet inter XI., ac XII. Sæculum Opus fabrefactum opinatur, eo uno permotus argumento, quod inter Episcopos Suffraganeos ibidem insculptos adest Episcopus Guardienfis, quem Diplomata Pontificia anni MCL. omnino silent, meminit verò Concilium Provinciale Archiepiscopi Milonis anno MLXXV. celebratum (5). Accuratiorem operam hac in re adhibuit Ciampinus, qui ex numero Episcoporum, ac nominibus Ecclesiarum tutiorem definiendi temporis conjecturam sibi effecit. Quamobrem à veteri, qui olim

(1) Aſta Eccl. Mediol. De Inſtructionibus Fabricæ Eccleſiæ Lib. I. cap. VII. De Oſtiis.

(2) Miſt. Eccl. Lib. X. cap. II.

(3) Tres inſigniores Valvas exhibet Ciampinus in d. P. I.; ſcilicet Valvas Aeneas Eccleſiæ S. Pauli extra muros Urbis; Aeneas Valvas Biſilicæ Vaticanæ; ac Valvas


denique Aeneas Eccleſiæ Piſanæ. cap. IV., V., & VI.

(4) Hoc poſthumum Ciampini Opus prodit Romæ Anno 1699., ibique Beneventana Janua edita habetur cap. V. pag. 24.

(5) Chronol. Ep. Ben. p. 106.

Back of
Foldout
Not Imaged

✠ MATER FACTORIS • MATER PATRIS • AVLA PYDOR




✠ VIRGO ARENS XII PER XTA QVEM STYVIS




Lohrey Pizalle delin.

Portam Anam Ecclesia Benevolentia
Johannes De Vita ejusd. Ecclesiae Canon

AVIA PYDICA DEI LOCA NOBIS DARE QVIEIT



VOTA TVE LAVDI SOLVENTES OVESVMS AVDI-TE



Anglyptas opere constructam
ari incidendam curavit A.D. MDCLXIII.

Fun. La Marra sc.

Back of
Foldout
Not Imaged

olim vigeat, Suffraganeorum xxxii. numero ad eum, quem Janua præferebat, Episcoporum duntaxat xxiv. numerum sese colligens, inter quos proxtimos Quintodecimanus, Thochenensis, Vicairensis desiderantur, quorum memoria non ultra medium Sæculum xi. occurrit, ita suam sententiam aperit: *Quamobrem ex his memoriis arguo, post hæc tempora, scilicet in fine Sæculi undecimi, aut principio duodecimi Valvas constructas fuisse: Nam in Sæculo decimoquarto, nempe anno 1334. tres & viginti tantum erant Suffraganei, ut deducitur ex Synodo Beneventana Hugonis II. . . . His addo Conjecturis, quod D. Bartholomæi ejusdem Civitatis Basilica Aeneas habet Valvas, ut præcatus narrat Sarnellius p. 95., quas constructas fuisse asserit anno 1150., & 1151., ut ex Inscriptione in iisdem Valvis patet (1): Quare conjicio, quod ejusdem Basilicæ Ministri animadvertentes Aeneas Metropolitana Ecclesiæ Valvas, ac ipsas S. Bartholomæi Ligneas esse, ne ipsa Basilica in hoc inferior Metropolitana remaneret, curarunt etiam in eadem Basilica Aeneas constructionem Valvæ.*

Novam S. Bartholomæi Basilicam anno mxxi. construi cceptam jam dixi hujus Capituli initio: An ejus Aeneas Janua postmodum anno mcli. exemplum, æmulationemque acceperit, vel dederit Cathedralis Januæ, divinare potius, quam conjectare erit. Nec verò, an S. Bartholomæi Janua aenea, eodem, quo Cathedralis Janua, anaglypticæ opere, amissum constructa fuerit, cognoscere suppetit, nam eadem Apostoli Basilicæ femel, atque iterum Terræmotu disjecta, ipsius quoque Janua interiit, vel potius subrepit, conflataque dici debet, non sine majorum nostrorum negligentia, qui id præclarissimum monumentum, haud certè Basilicæ fato tam facile obnoxium, servare debuissent; itaut, nisi Sarnellius, oculatus tunc testis, cum ipsa Inscriptione meminisset, nec olim, aut unquam eam extitisse Januam sciremus. Levis itaque postrema hæc ex simili Basilicæ S. Bartholomæi Januæ, Ciampini conjectura est; cui fatius videri debuit, ex inscripto Episcoporum numero constructæ Januæ ætatem argumentari. Sed neque illud satis constat ab eo expositum argumentum: Nam si ab Archiepiscopi Hugonis II. tempore retrogrediendum esset, ab anno scilicet 1334., ut minorem, quam xxiv. Episcoporum numerum inveniamus, jam non inter xi., & xii., sed inter xi., ac xiv. Sæculum constructæ Januæ tempus non tam statutum, definitumque, quam enormissimo illo trium Sæculorum intervallo incertum potius, ac planè ignoratum nobis relinqueretur. Antiquiora igitur, quæ Ciampinum latebant, monumenta in medium afferemus, quæ longè ante Sæculum xiv. eum, quem Janua præferebat, xxiv. Episcoporum numerum imminutum doceant. Et quidem binos ex supradicto numero defecisse suffraganeos Episcopos, labente Sæculo xii., manifestè demonstrat Liber Consummationis Romanæ Ecclesiæ à Cencio Camerario compositus secundum antiquorum Patrum regestâ, & memorialia diversâ, Anno Incarnationis Dominicæ mxcxii., ubi cæsus omnes singillatim recensentur, qui eo tempore à singulis Archiepiscopalibus, Episcopalibus, aliisque intra illarum fines constitutis Ecclesiis Sedi Apostolicæ pendebantur: libuitque ejus Libri locum ad nostrum Archiepiscopatum, suffraganeasque illius Ecclesias tunc vigentes pertinentem, illustre veluti, atque hæcenus ignoratum Beneventanæ Ecclesiæ monumentum infernè describere, quo pariter Episcopatum Ecclesiarum nomina cum nostra Janua comparata facilius explicari, emendarique possint (2). Citiùs etiam dicto anno mxcxii. idem immi-

(1) Inscriptiones nobis servavit laudatus Sarnellius, qui ante postremum Terræmotum anni 1702., quo eadem S. Bartholomæi Basilica funditus deleta est, scribebat. In una igitur Januæ parte hæc insculpta legebatur: ANNO DOMINICÆ INCARNATIONIS MCL. HEC PORTA ERECTA EST APOSTOLO BARTHOLOMEO DE FIDELIUM OBLATIONIBUS MENSE AUGUSTO. In altera verò parte. ET HEC PORTA ERECTA EST APOSTOLO BARTHOLOMEO DE FIDELIUM OBLATIONIBUS A. DOMINICÆ INCARNATIONIS MENSE SEPTEMBRI MCLI.

(2) Primus omnium eum Librum in lucem edidit Cl. Muratorius in *Antiq. med. ævi* Dissert. lxxix. Tom. v. p. 852. Quæ autem ad Archiepiscopatum, Episcopatumque Beneventanæ Provinciæ pertinent, hæc sunt pag. 857.

In Archiepiscopatu BENEVENTANO
S. Maria de Sambuco 11 uncias auri.

Ecclesiæ S. Mariæ de monte Drogo unum squisatum.
Ecclesiæ S. Thomæ 111. Romanatos, & 111. parva de Oblatis cum candelis.

Domus Templi xv. Romanatos.

Ecclesiæ S. Leonis 111. Romanatos.

Monasterium Turris Majoris unam unciam auri.

Monasterium S. Mariæ de Gualdo xv. Tarenos, & unam Libram Olibani.

I. In Episcopatu THELESINO.

Monasterium S. Syri, situm in ipsa Civitate unam unciam auri.

II. In Episcopatu SANCÆ AGATHÆ.

Ipsæ Episcopus pro Ecclesiæ S. Agathæ unam unciam auri.

III. In Episcopatu ALIPHENSINO.

IV. In Episcopatu MONTIS MARANI.

V. In Episcopatu MONTIS CORVINI.

VI. In Episcopatu AVELLINO.

Monasterium S. Mariæ Montis Virginis, Ordinis

imminutus Episcoporum numerus, scilicet duorum dumtaxat supra viginti, occurrit in Diplomate Hadriani PP. IV. anni MCLVII. de quo superiori Capite egimus. Quamobrem si (uti in capite III. à me ostensum est) non ante annum MLVII. amplificatus Suffraganeorum XXIV. numerus statui debet ex Diplomate Stephani PP. IX.; contra verò in dicto Diplomate Hadriani PP. IV. anni MCLVII. Suffraganei, qui distinctè, speciatimque recensentur, ad XXII. tantummodò numerum accedunt; jam illud consequitur, Æneam Januam, quæ XXIV. Episcopos (tempore quidem suæ constitutionis vigentes) ac propriis singulorum Ecclesiarum nominibus inscriptos exhibet, inter annum MLVII. & annum MCLVII. certissima ætatis suæ spatia sibi vindicare, verique simillimum illud sit, ad finem potius sæculi XI., quàm ad sequuti XII. initia pertinere. Sed quæ in eo Opere observatione digna sunt, percurrere nunc licebit.

A Superliminari ordiari, quod æquè ac Postes utrinque appositæ, marmorea sunt, atque anaglyptico opere satis eleganter insculpta. Delectabatur sanè nimium media Ætas ejusmodi sculpturis, quibus insigniores Ædificiorum, aliorumque monumentorum partes ornare satagebat, itaut spectantium oculi repræsentatarum rerum novitate, varietateque magis, quàm decore ipso, ac gravitate detinerentur. De hisce ornamentis, quæ vulgus hodiè vocat *Grotteschi*, plura dixi in Dissert. II. Cap. V., quo loco de Monasterii Sophiani Claustro sermo mihi fuit. Nostro sanè operi egregiam pro suis viribus, ingenioque navare operam Marmorarius Sculptor laboravit, ut Æneæ Januæ dignitati respondisse probaretur; probèque judicare quisque poterit, ubi nostrum ejusdem Januæ exemplar perperserit. In Superliminari itaque duo sunt speciatim animadvertenda. Primum locum dabitur Agno, qui in ejusdem Superliminaris medio intra Orbem insculptus, Coronam, sive Nimbium Capite gestat, ac Crucem ex elevato sinistro pede sustinet. Ignoravit hoc nostræ Januæ Hieroglyphicum Ciampinus, cui Æneæ Januæ solum exemplar allatum fuit: Ex ipso tamen Ciampino (ut alios nunc præteream) qui de eo Symbolo non semel disseruit, quæ ad ejus illustrationem pertinent, didicisse paratum cuique erit (1). Trullanæ Synodi, sive Græcorum error fuisse videtur, ut Agnum, Christi effigiem repræsentantem reprehenderent (2); quasi quæ olim, (ut aiebant) *antiqua figura, & umbra fuerunt, nec non veritatis*

nis S. Benedicti, singulis annis unum obulum aureum. Quod Monasterium specialiter spectat ad Dominum Papam, & factum fuit consue anno VII. Domini Alexandri PP. IV.

- VII. In Episcopatu VICANO
- VIII. In Episcopatu ARIANENSI.
- IX. In Episcopatu BVIANENSI.
- X. In Episcopatu ASCULENSI.
- XI. In Episcopatu LIGHERINO (Lucerino)
Ecclesia S. Trinitatis de Castelluccio II. Libras cere.
- XII. In Episcopatu TORTIBOLENSI.
- XIII. In Episcopatu DRACONARIO (Draconariæ)
- XIV. In Episcopatu VULTURANO (Vulturariæ, aut Vulturariensi)
- XV. In Episcopatu ALATRINENSI (Alarinenfi, aut Larinenfi)
Hospitale SS. Apostolorum Bartholomæi, & Jacobi de Sartione singulis annis unum obulum aureum, quod Hospitale specialiter pertinet ad Dominum Papam.
Hospitale de Rosellis unum obulum Messumutinum.
- XVI. In Episcopatu CIVITATENSI.
Monasterium Terræ Majoris pro duabus Ecclesiis, una scilicet S. Crucis in Castro S. Severi, & alia S. Spiritus II. uncias auri.
- XVII. In Episcopatu TERMOLENSI.
- XVIII. In Episcopatu FRECHENTINO (Frequentino)
- XIX. In Episcopatu TERVINENSI (Tervicenfi, aut Trivicano)
- XX. In Episcopatu BIVINENSI.
- XXI. In Episcopatu WARDIENSI (Guardienfi)
- XXII. In Episcopatu MVSANENSI (Limusanenfi, aut Linusianorum)

Post hæc Liber ad Archiepiscopatum Salernitanum, ejusque suffraganeas Ecclesias progreditur: Describuntur autem, sive accensentur in eo Libro singulæ Episcopales Ecclesiæ nulli licet censui obnoxie, ut si in posterum censum perfoluturæ sint, jam suo quæque loco sufficientibus spatiis adaptato (ut ipse Cencius initio præstat) in promptu haberentur: itaut id ejusdem Cencii consilium omninò fuerit, universas Archiepiscopales, Episcopalesque Ecclesias saltem inter Italiam constitutas in eo Censuali Libro singillatim describere, ac Episcopales quidem intra fines cujusque Metropolis, ad quam pertinerent, speciatim memoratas conjicere; uti de Beneventano Archiepiscopatu factum fuit, in quo ejusdem Cencii ævo, idest d. Anno MCXCII. Archiepiscopatus Beneventanus XXII. Suffraganeos numerabat. Diversam rationem iniiit *Catalogus Chartarum Archivi S. Romanæ Ecclesiæ consensu Anno MCCCLXVI. ab Archiepiscopo Auxitano Camerario de ordine Domini Papæ Urbani IV.* ab eodem Muratorio editus l. I. Tom. VI. pag. 76., ubi in eo capite, qui inscribitur: *De Censibus Italiæ*: memorat primo loco Archiepiscopatum Beneventanum, ac post illum solos hos suffraganeos Episcopatus: *Thelesinum: S. Agathe: Avellinum: Licherinum: Alarinensem: Civitatensem:* cum iidem censibus, qui in Cencii Libro descripti sunt: non quòd eo tempore Metropolis Beneventana ad eos solos Episcopos redacta fuerit, sed quòd ex illis solis Episcopatibus census tunc solverentur, aliis à Cencio memoratis, vel immunitatem consequutis, vel alio modo ab eo onere liberatis.

(1) De Sacr. Ælif. cap. III. p. 45., & Vet. Monum. P. I. cap. III. p. 27., & cap. XXXVI. p. 240

(2) Synodus Trullana, seu Quinisexta Anni 692. Cap. LXXXII., ubi plurima pro Latine Ecclesiæ more asserendo pie, eruditèque observat P. Christianus Lupus Opp. Tom. III. pag. 150. edit. Venet. 1724.

ratis Signa, & Characteres Ecclesie traditi, jamdiu aboliti, rejiciendique viderentur: ac non potius ad ipsam, quam olim præmonstrabant, adhuc deinceps demonstrandam, comprobendamque veritatem adhiberi possent, tum ipso Christi, ejusque Ecclesie Præcurfore docente Johanne, tum etiam post Christi adventum, ejusque exortam, fundatamque Ecclesiam altero commonente Johanne (1). Id igitur potius commodi ex Trullana Synodo nobis promanare videtur, eum scilicet utriusque Ecclesie a Sæculo VII., atque adeo ab omni retrò antiquitate morem fuisse receptissimum, ut Christus Dominus Agni Typo adorandus Fidelibus exhiberetur. S. Paulinus in laudata superius ad Severum Epistola rem ipsam pluries his, aliisque versibus concelebrat:

*Pleno coruscat Trinitas mysterio:
Stat Christus Agno: Vox Patris Cælo tonat:
Et per Columbam Spiritus Sanctus fluit.*

Utque Christi Deitatem indicaret, assumptamque ejusdem Humanitatem, mox ista subdit:

*Pia Trinitatis unitas Christo coit;
(Habente ipsa Trinitate insignia)
Deum revelat Vox Paterna, & Spiritus,
Sanctam fassentur Crux, & Agnus Victimam.*

Sed & alio ejusdem Epistolæ loco hæc alia concinit, quæ nostri Agni simulacro arauissimæ respondentia, veluti pro nostræ Januæ emblemate conscripta videri possunt:

*Sub Cruce sanguinea niveo stat Christus in Agno.
Agnus, ut innocua injusta datus Hostia lesba (2).*

Jam verò in Apside Ecclesie Vaticanæ musivo opere constructa, cujus exemplar non modo apud Ciampinum, sed accuratius etiam, uberiusque illustratum habes apud P. Janninum (3), Crux visitur, sub qua Agnus stat, diademate redimitus, è cujus pectore rivus effluit, qui mox a Colle, ubi ipse Agnus assurgit, in quinque alios rivulos dispergitur. Sed nostro Anaglypho non solum propius accedit, sed persimile prorsus est tum ipsa effigie, tum ipso, quo eadem insculpta fuit, loco, Agnus ille, qui in medio Epistyllo marmoreo Januæ Ecclesie S. Pudencianæ de Urbe spectatur; nisi quod hujus crucigerum diadema est, dextroque ex pede elevato Crucem sustinet: Insigniorem autem nostro hi versus efficiunt, qui in peripheria insculpti satis aptè, eleganterque rem omnem conciliunt.

† *Hic Agnus Mundum restaurat Sanguine lapsum.
† Mortuus & Vivus Idem sum Pastor & Agnus (4).*

Sed quod nostro Agno deest, datum Ei fuit, quæ Agni Mater est, in cujus honorem dicata nostra Ecclesia id fronte sua inscriptum habere maluit, quo ingredienti in illius laudes, promerendumque sibi patrociniū limine in ipso admoniti, ac veluti excitati viderentur.

Altera igitur res, quæ nostri marmorei Superliminaris, sive Epistylī pretium auget, ad eos pertinet Versus, quorum duo primi ad supernam oram, seu Limbum, reliqui duo paullò minoribus characteribus infernè insculpti leguntur in hunc modum.

† MATER FACTORIS MATER PATRIS AULA PUDORIS:
AULA PUDICA DEI LOCA NOBIS DARE QUIET.

† VIRGO

(1) Johannis Evangel. cap. I. vers. 19., & in Apocalypsi cap. V. Vide Suarezium *De Origine Consecrandi Agnos Dei*. Romæ 1656. Theophilum Raynaudum *De Attributis Christi* Opp. Tom. II. Sect. II. cap. II. Lugduni 1665.

(2) Epistola XII. ad Severum p. 173., & 179. edit. Cionisæ 1560.

(3) In Opere Bollandiano Aët. SS. T. VII., seu P. II. Junii in Commentario de Basilica Vaticana. Apsidis exemplar extat p. 135., Crucis verò cum Agno p. 141. edit. Ven.; De eodem monumento ante Ciampinum, & Janninum egit quoque Gasilius de Vet. Christi. Rit. (4) Apud eund. Ciampinum De sacr. Edif. cap. III. p. 26.

† VIRGO PARENS CHRISTI PER CHRISTUM, QUEM GENUISTI:
VOTA TUÆ LAUDI SOLVENTES, QUÆSUMUS, AUDI. †

In secundo versu illud DARE à verbo DO, imperativo modo usurpatum nimia licentiâ videtur: QUIEI autem pro QUIETIS rectè scriptum est Veterum exemplo, qui ejusmodi vocabulum per quintam Declinationem inflectebant, quod hodieque servatur in composito *Requies*, cujus genitivus est *Requiei*, aliquando tantum *Requietis*. Versus, quos *Leoninos* vocant, circa tempora Ludovici VII., vel Philippi Augusti Regum Franciæ, qui Sæculo XII., ac XIII. floruerunt, inventos volunt (1); sed vetustiore illorum originem nostra Janua ostendit, cujus ætatem ad Sæculi XI. exitum potius, quam sequentis initium superius comprobavimus. Nostrorum versuum auctor in iis contextendis, concinendisque Deiparæ laudibus haud certè contemnendam operam navavit. Sed missis jam marmoreis operibus, ad ipsam Æneam Januam illustrandam accedamus; in qua præcipua Vitæ, Mortis, Resurrectionisque Christi Mytheria insculpta sunt; quibus dein XXIV. Episcopi Beneventanæ Provinciæ, atque imprimis Archiepiscopus, singuli propriis Tabulis distincti, adjecti spectantur.

De Archiepiscopo, qui Mitram *Regnalem*, sive *Camaleucium*, aut *Camaurum* gestans, ac præterea Pallio, aliisque Pontificalibus vestibus ornatus oblationem ab Episcopo, ab se recenter consecrato, recipere effingitur, haud plura heic dicemus post ea, quæ de vetustis nostrorum Archiepiscoporum prærogativis uberrimè disseruimus Cap. I II. Illud tantummodo animadvertemus, primum quidem Archiepiscopo locum inter ceteros Episcopos datum; ipsum tamen in læva Januæ parte locatum: Sic Agno, de quo superius dictum est, Crux non dextro, sed sinistro pede sustinenda traditur: Quod quare factum sit, post perillustratas Episcoporum effigies opportuniùs explicabimus.

Episcopi itaque uno, eodemque omnes corporis habitu, vestitu, gestuque exprimuntur, solo inscriptæ cuique Ecclesiæ nomine distincti. Dextrâ Benedictionem fundunt, sinistra Baculum Pastoralem gerunt; Caput Mitrà, Casulâ corpus contegunt. Ad dextram quod attinet, benedicens gestu elevatam, jam digitos intuebimur ad Græcorum morem compositos, ut scilicet anularis in pollicem contrahatur, tribus aliis explicatis. Non insolens id apud Latinos fuit, quibus alioqui suus mos fuit, etque adhuc tribus prioribus, seu majoribus protensis, reliquis depressis digitis Benedictionem impertiri; quod & Græcis aliquando usurpatum; itaut indubia antiquitatis monumenta non desint, quæ haud constantem utrique Ecclesiæ proprium fuisse morem ostendant (2).

De

(1) Vide Gangium in Glossar. med. & infim. Lat. verb. *Leonini* versus.

(2) In sepulcro Imp. Ottonis II. Salvator mulsivo opere expressus visebatur, Græcorum quidem more benedicens, cujus imaginem exhibet Nic. Alemannus *De Parisi. Later.* p. 88. Similem profert Ciampinus *De Sac. Edific.* cap. IV. p. 75. Tab. XXIV. n. 2. Ad hæc in Aplide Ecclesiæ Vaticanæ manus ex ejus summitate erumpere cernitur, eandemmet digitorum positionem præferens, eodemque græco more benedictionem impertiri demonstrans. Aplidis exemplar habes tum apud laudatum Ciampinum l. I. p. 42., tum apud laudatum Janningum dicto Tom. VII. Junii p. 135.; qui Janningus non assentitur Ciampino, in ea digitorum positione literas Jesu Christi nomen efformantes interpretant cum Raynaudo De Attributis Christi Sect. IV. cap. IX. n. 733. Quid enim? *plausibilis* (sibi plaudens Janningus ait) compositionem manus, prout in memoratis Sepulcro, & Tabula representatur, æquè Latinorum esse, ac Græcorum, si non & potius Latinorum sit; tres autem digitos erigi in Coelum, ut ed cogitationes nostras dirigamus, ad contemplandam Sanctissimam Trinitatem; digitumque anularem, & pollicem supremis articulis inter se conjungentes conficere Literam O, aut anulum Aeternitatis hieroglyphicum. Diversam in benedictione largienda digitorum compositionem Græcorum scilicet, & Latinorum, eadem æquare significatione conatur Janningus; nam illud constat, Latinos benedicientes, pollicem, indicem, medium, prio-

res videlicet, dignioresque digitos (reliquis contractis) ideo extendere, ut Trinitatis mysterium denotantes, in ejusdem simul Trinitatis nomine, ac virtute Benedictionem fundere videantur. Rectè quidem hæc se habent, si de Latinorum more agatur, cujus significationem supponit tantum, non explicat Janningus: At ejus pace dixerim, nihil magis incongruum, indecorumque videri, si ad eandem, quam ipse ingeniosè affert, significationem Græcorum mos pertrahatur. Qui enim fieri potest, ut tum illa digitorum alterna veluti positione, ipsorumque separatione, tum verò minori digitorum extensorum dignitate, quæ duo Trinitatis mysterio præcipuè adversantur, illud significatum dici queat? Sive igitur Græcorum digitis nomen Christi, ut Raynaudus, & Ciampinus censent; sive Litera A. & ω, ut Macrus in suo Hieroglyphico mavult, efformentur, horum potius, quam Janningi interpretationem probare debemus. Interim illud constat, Græcorum morem apud Latinos aliquando obtinuisse, ut mirum nemini sit, nostros Episcopos eo more benedicientes in nostra Janua conspiciere. Haud secus apud Græcos invenire eos erit, qui Latinorum more benedicientes representantur, uti in nummis Imp. Michaelis Rhangabæ, & Romani Diogenis apud Bandurium Antiq. Constantin. Tom. II. Parisi 1718. in Figura Codicis Græci sub Basilio Macedone exarati, apud Montfauconium in Palæogr. Græca Lib. III. cap. VIIII. Parisi 1708.

De Mitra nihil heic loqui suppetit post plurima, quæ de antiquo nostrorum Archiepiscoporum Camauro agentes observavimus Cap. III. nisi quod ejus formam, quæ olim obtineret, bifidam scilicet, sed admodum depressam spectare nunc liceat in nostræ Januæ exemplari.

De Baculo Pastoralis ea libenter in medium afferemus, quæ lectu dignissima olim scriptis noster Archiepiscopus Hugo II. in Concilio Provinciali An. MCCCLXXIV. Tit. IX. cap. XIV.: *Baculus idest (fort. ostendit) auctoritatem potestatis, & doctrina; Correctionem enim pastorem significat, quam Christus concessit, dum Apostolos misit ad prædicandum, præcipiens eis, ut baculos tollerent; Moyses etiam missus est in Ægyptum cum Virga; & idè convenienter Virga Pastoralis, Baculus, & Gambuta, & Pedum, & Ferula nuncupatur. Pedum est lignum recurvum, quo Pastores pedes trahunt animalium. Baculus quandoque ex Osse, & Ligno conficitur, potissimum in partibus Apuliæ, sicut & nostri Abbates, & inter Græcos; quæ crystallina, & deaurata spherula conjunguntur: Os superius recurvatur; Lignum inferius ferro acuitur modicè, cum reconditur (fort. retunditur): Siquidem Os est severitas: Lignum, Pontificis est lenitas, (fort. lenitas), quas jungit in judicio per charitatem; nam severitas, & misericordia multum destituitur, si una sine altera teneatur: Ferrum obtunditur, quia judicium misericordia temperatur: superius recurvatur, cum Poenitentes (Peccatores) ad poenitentiam revocantur: Aliquando in spherula (spherula) scribitur HOMO: ut Pontifex se hominem memoret, & de Potestate collata non elevetur (1). Habes ex nostro Hugone exactissimè descriptam, explicatamque Baculi Pastoralis tum materiam, tum formam; quales post Sæculum X. potissimum in partibus Apuliæ, idest Beneventana Provincia, non solum Episcopi, verum etiam Abbates usurpabant. Habes quoque ejusdem Baculi tradita synonyma, idest Gambutam, Pedum, Ferulam (2): Quæ tamen synonyma eandem rem generatim significantia, non omnino similem ipsius Baculi formam præferunt; ut ex ipso Hugone satis liquet, qui non solum Episcopis, verum etiam Abbatibus eundem Baculum tribuens, Abbatialem tamen Baculum diverso vocabulo diversam formam demonstrante appellat alio ejusdem Concilii loco, ubi inter alias Archiepiscopi Beneventani prærogativas, ait, illum habere etiam Abbates intra Diocesim, omnes habentes Mitras, & Crocias, ad suam dispositionem spectantes, & provisionem (3). Crocia autem, quæ alibi Croccia, Crochia, Crucca &c. quam ad similitudinem Crucis dictam docet Papias, fulcrum est subalare, cujus pars superior in Crucis, sive literæ T formam constructa est (4). Hanc verò etiam Episcopis monumenta plura communem efficiant, id tamen generali Baculi notione factum crediderim. Secus verò de Ferula dicendum videtur, quæ quanquam, uti Baculus, Episcoporum fuerit, plurimum tamen inter utriusque formam, ulumque discriminis erat. Baculus enim, ut jam dictum est, summitatem habebat incurvam, uti hodièque in Episcopis obtinet; Ferula verò in globulum crucigerum superius definebat, uni Romano Pontifici hodiè servata. De Ferula Episcoporum Beneventanæ Provinciæ illustre exemplum, memoriamque nobis servavit Anonymus Salernitanus, qui Legationem Principis Arichis ad Carolum Magnum describens, hæc de ipsis Episcopis commemorat: & non procul ab ejus Castris de asinis se ejecerunt, & singulis Clericis ante se, unusquisque cum Ferulis incedere jusserunt. Addam exemplum alterum ex Anonymo altero, auctore Vitæ S. Udalrici Episcopi Augustani, qui quum ab Imp. Ottone III. Adalberonem Nepotem suum sibi Successorem impetrasset, occasione Adalberoni fecit, ut propter quorundam Clericorum amulationem, qui se existimabant post obitum Sancti Episcopi, Imperiali celsitudine concedente, Episcopatum posse acquirere, Ferulam Episcopalem publice portare præsumeret (5): An verò tum Ferula, tum Baculo incurvo Episcopi pro libitu uterentur, non satis constat. Si ex Anonymorum supradictorum exemplis, nostræque Januæ Simulacris conjectare fas sit, Baculum incurvum, quum Pontificalibus*

ALTER

H h h

libus

(1) Synodic. Provinc. Benevent. pag. 143. edit. Ben. 1693.

(2) De hisce vocabulis vide Cangium in *Glossario*: Agit etiam uberiore stilo sapientissimus Cardinalis Bona *Rev. Liturg. Lib. I. cap. XXIV. §. XV.*

(3) In eodem Titulo IX. cap. XIII. Meminit etiam Archiepiscopus Cardinalis Sabellus in Concilio Provinciali Anni MDLXXII., in d. Synodico p. 309. his verbis: *Multi præterea Abbates usum Mitre, & Baculi habentes in ipsa Diocesi existunt &c.*

(4) In Chronico cap. X. inter opp. Peregrinii T. II. pag. 57. edit. Neapol.

(5) Anonymus in Vita S. Udalrici Episcopi Augustani apud Card. Baronium ad An. 971. n. VII.: ex quo Baronio discere quoque erit infaustum rei exitum, qui ejusdem Udalrici, Viri licet sanctissimi, erga suum Nepotem in successorem promovendi studia nec Deo, nec Ecclesiæ placuisse comprobavit.

libus vestibus induti sacra operarentur, Ferulam verò vel itinerantes, vel in aliis quibusque ministeriis adhibuisse Episcopi videri possunt.

Restat, ut Casulam observemus, quâ singuli Episcopi æquiformiter in nostra Janua induti representantur. Casula, quæ antiquitùs communis quibusvis vestimenti genus erat, nec fortasse ante Sæculum VIII. in Clericorum usum peculiari quodam ritu vindicata (1), Vestis fuit, *Planeta* quoque dicta, laxa, rotunda, circumclusa, ac superius ad immittendum Caput duntaxat aperta, quæ à collo ad pedes totum corpus cooperiebat, atque involvebat, itaut utrumque brachium cum ipso corpore etiam obvelaret; quare expediri aliter manus nequirent, nisi contractâ hinc inde subiectis brachiis ipsâ Casulâ, & ab inferiori parte in rugas, ac plicas subductâ. Hinc S. Ildori etymologia passim admittitur, ut Casula à Casa dicta sit, quod totum hominem tegat, quasi minor Casa: at derideretur illa Cucullæ, quæ etiam Casula est, quasi minor Cella esset (2). Quum igitur Sacerdotes, & Episcopi Casulis induti, ad Sacra peragenda, brachia, manusque expedire deberent, jam ipsas Casulas, ut modò diximus, super brachia revolventes complicabant; quales in nostra Janua, aliisque veteribus picturis, monumentisque tum Latinis, tum Græcis passim occurrunt. Latini verò ad vitandum incommodum, ex Casulæ amplitudine, & protensione totum corpus cum brachiis circumcludente proveniens, eas paulatim à lateribus scindere, & decurtare cœperunt, donec sensim ad eam formam, quâ hodiè utimur, redactæ Casulæ sunt. Hinc factum, ut quum olim contractâ Casula utrumque brachium Sacerdotis Sacrosanctam Eucharistiam inter Missarum Solemnia elevantis prægravaret, adessetque propterea minister posteriorem Casulæ laciniam sustentans, quò facilius Sacerdos brachia extendere posset, idem etiamnum manserit mos, sive ritus sustentandæ in Mysteriorum elevatione Casulæ, sive Planetæ, quamvis ob recentem Casulæ formam non opus eo ministerio, seu adjumento habere Sacerdos videatur (3). Sed hæc satis certa, ac protrita delibavimus tantummodo, ut sequentibus lucem asserere possent.

Obscurum illud, quod Eruditorum ingenia vel fefellit, vel hæcenus divexavit: Habent enim in nostra Janua singuli Episcopi supra Casulas suas adjectam fasciam, quæ ab utraque humerorum parte ante pectus procurrens, indeque rectâ ad genua defluens, non solum ad Archiepiscopalis Pallii speciem accedit, sed ipsum penè Pallium ab ipsis gestatum demonstrat. Hæc in eam rem de nostra Janua loquens commentatur Sarnellius: *Si de notare, che tutti ventiquattro i sudetti Suffraganei stanno colla destra alzata, che ha il pollice unito al dito anulare, e tutti sono colle Casole Greche, ciascheduno col suo Pallio lungo, come lungo è anche quello dell' Arcivescovo: Qual portamento di Pallio non si usa nè alla Latina, nè da' Vescovi Latini; poichè portatosi da' Greci il Pallio fu abuso introdotto da' Greci nell' anno 934. al riferir di Liutprando presso il Cardinal Baronio, quando Alberico Tiranno di Roma ad istanza di Romano Imperatore costrinse Giovanni XI. Papa, da lui tenuto prigionero, a concedere a Teofilatto eunuco, Patriarca di Constantinopoli, ed a' Successori, che usassero senz' altra licenza de' Romani Pontefici il Pallio, ed essi si fecero lecito di darlo in fino ad ogni Vescovo* (4). Omnia igitur Sarnellius ad Græcæ Ecclesiæ morem, ritumque, sive ab usum trahit, ut mirum propterea sit, Virum, alioqui in Beneventanæ Ecclesiæ Antiquitate non mediocriter versatum, de Beneventanæ Provinciæ Episcopis ita statuisset, ut non tam Beneventano Archiepiscopo, imò & Romano Pontifici, quàm Constantinopolitano Patriarchæ, ea Pallii gestatione obnoxii fuisse viderentur. Temere igitur, ac satis inconsulto se habuit Sarnellius, cui duo præcipuè in ea re probanda erant, Græcorum nempe ab usum quoad commune Episcoporum Pallium ab anno 934. cœptum, ad Sæculi XI. exitum, vel XII. initium, adhuc perseverasse; alterum verò (quod falsum omnino est) Ecclesiam Beneventanam cum universis suis Suffraganeis in Ecclesiæ Græcæ partes transisse, vel, saltem, ipso annuente Archiepiscopo, qui

(1) Argui id certè potest ex Concilio habito apud Liptinas in Pago Cameracensi Ann. 743. cap. VII., ubi decretum fuit, ut Presbyteri, & Diaconi non Sagis Latinarum more, sed Casulis uterentur ritu Servorum Dei. Quod verò Sacerdotes ante Casularum usum Dalmaticis uterentur, quas postea Diaconis concessere, testis est Walfridus Strabo cap. XXIV.

(2) S. Ildorus Etym. Lib. XIX. cap. XXVIII. Vid. Ferrarium De Re Vestiaria Lib. I. cap. 36.

(3) Vid. eund. Ferrarium l. I. cap. 37.; & Card. Bona Rer. Liturg. Lib. I. cap. 24. §. 8.

(4) Ex ipsis nostrorum Episcoporum Casulis nihil Græcitatibus extandere poterat Sarnellius; nam, ut rectè observat Cardinalis Bona l. I. in Ecclesia Orientali Phænolium, sive Casula Pontificalis à Presbyterali in eo differt, quod illa simplex, illa multis Crucibus insignita est, & ideo ποικύλιον Polytaurium dicitur, ac si Latine multicrucium diceremus. Nihil autem ejusmodi in nostrorum Episcoporum Casulis cernitur, quæ propterea Latinorum potius, quàm Græcorum more gestatæ dicendæ sunt.

qui in præclaro Ecclesiæ suæ monumento præ illius foribus, tum præsentibus, tum posteris commendandum tulisset, ejusdem Ecclesiæ Græcæ morem, sive abusum illos sectatos fuisse.

At cur factum, inquires, ut non modò Beneventanæ Ecclesiæ Suffraganei, sed quarumlibet quoque Ecclesiarum Antistites in vetustis simulacris, vel marmore, vel ære, vel picturâ expressis, Pallio insigniti passim repræsententur? Edidit Hugo Menardus ex MS. Codice antiquissimas Imagines S. Gregorii Magni, ac S. Remigii, ambas in eadem simul tabula, pari modo, ac forma tum Casulâ, tum Pallio instructas, ut scilicet probaret, non fuisse olim in Pallio Cruces, quarum in utriusque Gregorii, Remigiique Pallio nulla apparent vestigia (1): Sed an veram ejus Pallii formam, quo Gregorius uteretur, Imago illa referat, dubitandum jure erit, si alteram ejusdem Gregorii effigiem animadvertamus, Pallium Crucigerum gestantem, quam Frontispicio Tomi i. illius Operum ediderunt, ac veram appellaverunt doctissimi Editores Benedictini (2): Amplius verò dubitabimus, si Testem magis idoneum audiamus, Johannem scilicet Diaconum, qui Corpus Gregorii post annos circiter quinquaginta à Gregorio IV. translatus narrans, illius in Corpore adhuc Pallium inventum subdit, atque ita describit: *In eo, quod Pallium ejus bysso candente contextum, nullis fuisse cernitur acubus perforatum, sic ipsum circa scapulas obvolutum fuisse, non autem confixum dignoscitur, sicuti vetustissimis marmoribus, & picturis ostenditur* (3). Quis igitur sibi persuaserit, S. Remigium, qui quinquaginta ad minus annis ante Gregorium floruit (4), vel Pallio usum fuisse, vel eandem (quam Codicis pictura omnino simillimam præfert) cum Romano Pontifice Pallii formam usurpasse?

Alterum mihi quoque meminisse fas sit (neque enim plura hæc congerere passim obvia, opus, aut otium est), facis illud quidem Virorum clarissimorum ingenii nuper celebratum monumentum, quod *De Duobus Episcopis in Schemate Codicis Paulini depictis* in lucem protulit V. G. P. Paciaudius. Censet itaque Vir Eruditissimus in iis binis Antistitibus æquè Pallio insignitis non duos Archiepiscopos designari; *quamvis enim* (inquit) *Pallium à Patribus Concilii CPolitani IV. Scola Archiepiscopalis dicatur; factam tamen à Romanis Pontificibus interdum Episcopis Pallium gestandi potestatem, aliquot exemplis comprobare nititur, quibus illud addit, Veterum Neapolitanorum Antistitem Imagines (VV. CC. Mazochio, & Sabbatino testibus) antequam illa Sedes Metropolitica jus adepta fuerit, illos referre Pallio insignitos*. At Mazochius Antistites illos, qui in dicta Pictura Codicis Paulini sacris indumentis ornati Clericis, Monachisque in Balneo lavantibus imminet, alterum, illum scilicet, qui dextrum occupans latus lavantibus benedicit, pro Neapolitano Archiepiscopo, alterum pro Præsule Puteolano habendum statuit (5): Quod verò ad utriusque Pallium attinet, nullam is controversiam, aut dubitationem movit, illud certum agnovisse visus, non alio scilicet insigni, quàm Pallio, utrumque, tum Neapolitanum Archiepiscopum, tum Puteolanum Præsulem ornatum exhiberi. Sed nihil magis, quàm de ea re, dubitatio suboriri Mazochio debuisset (6), qui alterum pro Archiepiscopo Neapolitano interpretatus, alterum pro Episcopo Puteolano, cui gestandi Pallii facultatem numquam factam probè norat, haud equidem hujus insigne pro Pallio accipere, vel aliquando gestatum permittere debebat.

Non igitur in Pictura Codicis Remigiani, alteraque Codicis Paulini, si in priori de Remigio, in posteriori de Puteolano Præsule agatur; neque, qui in nostra Janua conspiciuntur, quatuor & viginti Beneventanæ Provinciæ Episcopi; non denique quotquot ad manus, vel ob oculos versari nobis possunt ex omni antiquitate adhuc superstites Episcopo-

ALTER

H h h 2

scopo-

(1) Hugo Menardus in not., & observ. ad Sacramentarium S. Gregorii not. 783. Eisdem Imagines exhibent Patres Benedictini S. Mauri in nova edit. Opp. S. Gregorii in ejusd. Sacramentario T. III. operum, sed non eodem, quo Menardus, loco; nam illas rejecerunt ad not. 948. pag. 559.

(2) T. I. Opp. S. Gregorii M. edit. Ven. 1744.: Eandem effigiem Benedictini editores alteri à Menardo protulæ antetulerunt loco superius citato pag. 558. in nota ibidem subjuncta.

(3) Joh. Diaconus in Vit. S. Gregorii Lib. IV. cap. LXXX. Tom. IV. Opp. pag. 175.

(4) Remensem Ecclesiam adiit S. Remigius An. 471.

ante Annum 535. defunctus; uti statuit Petavius in Rat. Temp. P. I. Lib. VII. cap. 4.

(5) De Sacris Balneis cap. VII. pag. 59. secundæ edit. Rom. 1758.: Mazochius de Cultu SS. Episcoporum Neap. P. II. cap. XV.: Sabbatinus in Kal. marm. Neapol. T. VI. p. 29.

(6) De Eccl. Neapol. semper unica in Appendice pag. 273. not. 10.: Dissentit in eo quoque à Paciaudio Mazochius, quòd Episcopum, sive Archiepiscopum benedicientis gestu depictum velit, quem ille cum Apulejo de Asin. Lib. II. agnoscit porrigentem dextram, & insinuat Oratorum conformantem articulos, duobusque infimis conclusis digitis ceteros amicus attollentem.

scoporum effigies (si paucissimos excipias, quibus à Romanis Pontificibus permixtum indubia rerum gestarum monumenta testentur (1)) insigne illud, quod in suis Casulis appositum gestare videntur, proprium, verumque Pallium, nobis cogitandum, aut affirmandum permittent; sed id solum reliquum nobis efficient, ut in eo insigni peculiarem quandam Casularum ornatum in Pallii speciem assutum agnoscere debeamus.

Nihil profecto hac re verius, nihil certius affirmari potest, quæ non modò Scriptorum evincitur testimonio, sed ipsa etiam sese originali veluti aspectu adhuc pròdit. In Historia Episcoporum Antifiodorensium cap. XLIX. hæc leguntur: *Casula coloris erberi phrygio palmum habente Superhumeralis, & Rationalis effigiem ad modum Pallii Archiepiscopalis honorabiliter prætendebat.* En igitur formam veterum Casularum, quibus Pallii Archiepiscopalis figura adtexta erat. Superesse adhuc in majorum Ecclesiarum Secretariis ejusmodi veteres Casulas, seu Planetas scimus, in quibus circa collum limbus alterius coloris, ante, & retrò pendulus affixus conspicitur (2): Atque huc quidem respexit Job. Gersonius de Sacerdote loquens: *Habet ante se, & retrò Dominica Crucis Signum ad memorandam jugiter Christi Passionem. Ante se Crucem in Casula portat, ut Christi vestigia diligenter inspiciat, & sequi ferventer studeat: Post se Cruce signatus est, ut adversa qualibet illata ab aliis clementer pro Deo toleret* (3). Ejus rei vestigium aliquod in hodiernis Casulis servatum videmus, in quarum parte anteriori parvum phrygium diversi coloris à dextro, lævoque latere ante pectus se conjungens, atque in extremam Casulæ, seu Planetæ oram rectè decurrens, Crucis figuram omnino repræsentat. Sed de Episcoporum Simulacris jam satis.

Ad superiores modò nostræ Januæ tabellas progrediemur, in quibus eodem anaglyptico opere, sed ob multitudinem, varietatemque Simulacrorum difficilior, ac præstantior opera præstita est; dum præcipua (uti diximus, atque etiam spectanda dedimus) Vitæ, Mortis, Resurrectionisque Dominicæ Mytheria singillatim repræsentantur. Singulas Tabellas, siue areolas explicare aggreditur Ciampinus, sed breviter, ac cursim: immo satis rude, atque mendosissimum exemplar sequutus, contra immeritum Artificem ut plurimum invehitur, quòd plura contra Divinorum Librorum fidem exprefferit: sic enim oritur: *In primo Quadrato, seu prima Areola rudi modo Annunciatio B. Virginis Mariæ expressa est, ipsaque sedet. Ad dexteram stat Angelus; ad sinistram, ni fallor, alia mulier: has retrò figuras velum suspensum visitur, in angulis arcus Cameram formantis bini sunt Angeli; in ipsius verò arcus summitate interius murus cum pinnis observatur. Nonnulla hoc Iconismo ad placitum Pictoris expressa animadverto, nam in Sacro Textu Luca cap. I. num. 26. ita legitur &c. At quæ contra, vel præter Evangelii fidem sunt, verè dixit Ciampinus ad describentis potius Pictoris placitum (si tamen ad describentem Pictorem respexit) referri oportere; falsum verò id erit, si ex Sculptoris, Artificisque manu profecta intellexerit. Qui nostrum exemplar summa fide, peritiorique manu exceptum spectaverit, nihil in ea Tabula notandum inveniet, quod Evangelio adversetur; nam binos illos Angelos in angulis arcus acuminati, quo Camera, seu Cubiculum superius concluditur, ad exteriorem potius ornatum, quàm ad rei intra ipsum Cubiculum gestæ testimonium adhibitos facile deprehendet. Jam verò ut Cubiculum ipsum ingrediamur, nullum velum, nullus etiam murus cum pinnis occurret, sed infra ipsius Arcus acumen fascia est, in qua tres Stelle pari forma, æquoque situ, seu ordine insculptæ sunt, tres Divinas Personas fortassis indicantes: Paullò inferius Columba aspicitur, quæ Divinum supervenientem Spiritum repræsentans imminet Virgini sedenti, ac dextrâ colum, sinistra fusum exercenti: Ante Virginem Angelus annuncians, siue loquentis gesta adstat: Ab altero autem Virginis latere adest infimo loco puellula quædam, quam nequiquam ejusdem Virginis ancillulam (quam Mytherio interfuisse nefas est credere), sed ipsius Virginis typum, quæ se tunc Ancillam Domini, dum Dei Mater annunciat, professæ est, vel Humilitatis Symbolum, satis aptè adjectam putabimus.*

Habes igitur, quàm verè, quàm pulchrè, ingeniosèque res tota expressa sit. De Sacra Colo SS. Virginis Deiparæ meminit Nicephorus Callisti, ubi de Æde Deiparæ *Hodegetria* appel-

(1) Ipsemet Paciaudius plurimum laboravit, ut eodem loco vix septem exempla permixti à Romanis Pontificibus Episcopis Pallii à Sæculo VI. ad XI. colligeret. Quàm difficiles autem in ea re concedenda Romani Pontifices fuerint, quantamque in concessione cir-

cumspectionem adhibuerint, jam mihi prolixè dictum, probatumque est, quum de nostri Archiepiscopatus erectione disserui cap. III. hujus Dissertationis.

(2) Vide Cangium in Glossario verb. Casula.

(3) De Imitat. Christi cap. V. n. 3.

appellatæ sermonem habet; in quam Ædem conditrix Pulcheria Augusta complures intulit, repositæque sacras Reliquias ab Eudoxia Theodosii junioris conjuge Hierosolymis acceptas, inter quas B. Virginis *Sacra Colus* recensetur (1): Utut verò de ea Reliquia judicium quis ferat, certum illud scimus, hoc in *Mulieris fortis* (quæ quidem in ipsa Virgine inventa est) laude positum à Spiritu Sancto, quoddam *digitum ejus fuisse apprehenderit*. Non igitur indecorum, aut importunum, sed planè honestissimum, atque divinum, quod Artifex fatis ingeniosè, pièque, non contradicente, sed silente Evangelio, nullo fortassè omnis retrò Antiquitatis, sed laudando deinceps exemplo, ita Virginem ab Angelo salutatam expresserit, ut *Mulieris Fortis* typum implement, idest labori simul, & orationi (quæ *Coli* exercitio omninò conjungi poterat) incumbentem repererit.

De secundo (uti vocat) *Iconismo*, ubi B. Virgo Elisabetham visitans representatur, nihil reprehendendum Ciampino occurrit, qui mox ad tertium properans, hanc exclamationem emittit: *O infelicitas, & inscitia temporum, quibus Pictoribus sacra delineandi Mysteria pro suo arbitrio erat data potestas!* At Ciampini præjudicium id fuit, qui Christi Nativitatem in hac tertia tabula expressam putavit: Is siquidem mulierem in lecto jacentem, cui altera mulier poculum ministrat, aspiciens, ac duas præterea mulieres, alteram Puerum præ manibus tenentem, alteram lineum pannum admoventem, hæc, inquam, aliaque ibidem expressa advertens, erroris rem omnem damnat, in qua voluit fortassè Pictor attendere non Evangelium, sed *Librum illum De Nativitate Salvatoris, & de S. Maria, & de Obsterice Salvatoris, quem inter apocryphos rejicit PP. Gelasius Dist. xv.* At Ciampini (ut dixi) præjudicium id fuit, aut certè hallucinatio, non verò Pictoris, seu Sculptoris arbitrium, aut error; qui profectò Sculptor in ipsa tabula non quidem Christi, sed Johannis Baptiste Nativitatem effingere, aliorumque perspicacioribus oculis spectandam exhibere laboravit: Is autem indicia, imaginibusque representavit, quibus non modò recentes, sed vetustissimæ etiam pictæ tabulæ eandem Sanctissimi Præcurforis Nativitatem nobis præclarissimè referunt; ut mirum sit, Ciampinum pro Johannis Nativitate, cui omnia congruere videntur, Christi potius Nativitatem, cui omnia repugnabant, illic agnovisse.

Sed agnovisse, ex tribus hisce animadversis Tabulis, nobis nunc licebit Artificis fidem, ingenium, solertiam: quæ omnia in reliquis quibusque nostræ Januæ tabulis, si non demirari, probare certè subit. Videas profectò in minimis rebus, Evangelii, aliorumque divinorum Librorum fidem amissam, religiosèque servatam: Ut, quum (exempli gratia) in panium multiplicatione à Christo facta, duodecim fragmentorum Cophini, in exigua licet area, exactissimè insculpti numerentur: Quum Pilato manus lavanti Famulus altera manu pelvim, seu discum supponat, altera aquam è Vase profundat: Quum Judas laqueo ex arbore suspensus, omnia viscera (uti in Apostolorum Actis traditur) diffusa ostendat: Quum Christus post Resurrectionem Thomæ, ac reliquis Discipulis appareat in Conclavi, cujus ut Janua clausa exprimatur, ferreum retinaculum à parte exteriori adjectum conspicitur. At hæc pauca exempli tantum causâ delibasse suffecerit, quò magis nostri Artificis diligentiam, industriam, ingenium, quibus omnia quàm fidelissimè, immò etiam evidentissimè representare fategit, perspecta haberemus. Cæterum singulas percurrere, explicareque Tabulas, non hujus loci, temporisque res est: uberrima enim excresceret Seges, quæ peculiari Dissertatione, aut etiam Opere digna, in primam nunc tantum erupisse lucem contenta est; ac prodita nunc tantum, amplissimam adhuc materiam aliis suppeditabit, ut nostrorum exemplarium ope, exceptisque ex nostra Januæ exemplis, Sacram Antiquitatem illustrare, aut comprobare sibi contingat.

Ubi, & à quo fabrefactum egregium id Opus sit, nulla, uti jam dixi, docet inscriptio. Habemus alibi *Æneas Januas*: Nam (ut *Argentæas* præteream, *pensantes libras novingentas septuagintaquinque*, à Pontifice Honorio I. Vaticanæ Basilicæ appositas, atque an. 846. à Saracenis direptas, dein à Leone PP. IV. restitutas, iterumque ablatas (2)), habet nunc eandem Basilicam præclarissimam *Æneam* Portam, quam in *Argentæas*, vel potius vetustissimæ *Æneæ* locum anaglyptico, elegantissimoque opere construendam curavit Eugenius PP. IV. (3). Vetustissimam memoravi ejus Basilicæ *Æneam* Portam, tum fretus Manlii testimonio-

(1) Apud Anselmum Bandurium in Commentariis ad Antiquitates CPolitanas Lib. II. pag. 464. Hic. Byzantine Tom. XXIII. edit. Venet.

(2) Vide vulgatum Anastasium Bibliothecarium in

Vit. Honorii I., & Leonis IV.

(3) Hujus Portæ exemplar habes apud Ciampinum Veter. Monum. P. I. cap. V.

stimonio, qui in Historia ejusdem Basilicæ illam commemorat n. LI., quàm Flodoardi auctoritate, qui in Vita Hadriani PP. I., idest Sæculo VIII. labente, Sanctissimi ejus Pontificis munificentiam, qua Vaticanam condecorare Basilicam studuit, recensens, hæc inter alia plura de ipso canit:

Erigit Ære datas præstanti Culmine Portas (1);

ubi haud probanda videtur Muratorii observatio, illud *Ære datas*, idem atque *Ære editas* interpretantis, quasi illarum exemplar ære editum indicaverit Flodoardus; qui certè Flodoardus verbum *dare* ita usurpavit, ut materiam ostenderet, ex qua Portæ illæ conflatae, extructæque Hadriani jussu fuerunt. Sed quum illæ perierint, extantæque nunc aliæ ab Eugenio excitatae ad recentiora, nobisque propinquiora tempora pertineant, alias vetustiores perquiremus Æneas Portas, ex quibus de nostræ Portæ ætate judicium ferri queat; atque in insigniores binas illas oculos conjiciemus, quarum altera occurrit in Romana Basilica S. Pauli, altera verò Cathedrali Ecclesiæ Pisanæ eximium hodièque præstat ornamentum.

S. Pauli Portam ita describit laudatus pluriès nobis Ciampinus: *Exteriori parte anea est, interiori lignea, unde propriè dici possunt lamina anea lignum obducentes, quarum crassitudo est duorum minorum circiter-uncia palmi Romani. Figura in iisdem laminis expressa non quidem anaglyphicè sculpta sunt, sed scalpro incisa; ac scalpri cavitates filamentis argenteis repleta, adeoque visui grata, quando recentes erant; modo autem ita recentem splendorem amiserunt, ut ex qua materia sint, dignosci vix possit, quum pleraque filamenta argentea ceciderint, vel ablata fuerint (2).* Non solum Græci Artificis opus, sed in Græcia, ejusque Regia Urbe, atque illustri Græci hominis jussu elaboratum produnt Inscriptiones ibidem insculptæ, quarum altera græcis exarata literis sic se habet: *Actum est manu mea Stauracii Tuchia: Legentes orate etiam pro me.* Altera vero latine: *Anno millesimo septuagesimo ab incarnatione Dñi, Temporibus Dñi Alexandri Sanctissimi PP. IV., & Dñi Ildebrandi venerabilis Monachi, & Archidiaconi constructæ sunt Porte istæ in Regia Urbe CONP. Adjuvante Domino Pantaleoni Consule, qui illa fieri jussit.* Hic ipse autem Consul Pantaleo est, qui eodem munificentissimæ pietatis studio, quo Apostolum Paulum, missis ad ejus Basilicam ornandam supradictis Portis, prosequutus fuit, Beatissimum quoque Archangelum Michaellem promerendum sibi voluit, ad cujus Garganicam Basilicam ejusdem omnino artificis, longè tamen minoris molis Æneam Portam sexennio post, idest Anno MLXXVI. transmisit; quæ Porta hodièdum in ejusdem Basilicæ, seu Cryptæ aditu extat, variis Archangeli Apparitionibus, ejusdemque Pantaleonis nomine insignita. Ejus Portæ exemplar antehac ineditum Præsul illustrissimus, ac doctissimus Stephanus Borgia in *Memoriis Historicis Beneventanae Urbis* vernaculâ linguâ conscriptis, nuper vulgandum curavit. At utraque isthæc Porta, licet Ænea, nullam tamen cum nostra similitudinem præfert, artificii diversitate. Neque heic moramur Portam Veronensis Ecclesiæ S. Zenonis, quam ex *Ære cum figuris* indicasse tantum satius habuit Jo. Mabillonius in suo Itinere Italico s. xv.: nam, utrum à Cl. Maffeo, aliivè illustrata unquam fuerit, ignoramus, nec quæsisse otium fuit.

Propiùs ad nostras accedit altera Pisanæ Ecclesiæ Porta, non solum Ænea, verum etiam anaglyptico opere fabrefacta, de qua sic idem Ciampinus: *Antequam ad illarum (valvarum) descriptionem deveniamus, quo tempore conflata fuerint, demonstrare opera pretium esset; sed cum penitus ignoretur, silere cogimur. Scimus tamen, non in eadem Urbe (idest Pisis) constructas, sed aliunde adductas fuisse; an ex Hierosolymis, vel potius ex Insulis Balearibus, à Pisanis sub Sæculum XII. subactis, incertum est: attamen hanc opinionem, ultra perantiquam in eadem Urbe traditionem, confirmat recens Annalium Pisanorum Scriptor Paulus Tronci pag. 56., ubi eam Victoriæ relatam enarrat anno 1117., ac inter alia optima spolia, manubiasque à victis hostibus reportatas, duas fuisse columnas porphyreticas, & quasdam valvas æneas asserit, quas Metropolitana Ecclesiæ Pisanarum dono sacrarunt. Has autem, quarum exemplar ob oculos ponitur, eas esse ambigendum non est, tum si celatura genitus inspicias, tum etiam si barbaras voces in iisdem insculptas legas (3).*

Non

(1) Flodoardus in *Vitis Rom. Pontificum* Tom. I. r. 1.
Scriptor. Ital. Muratorii P. I. pag. 193.

(2) Ciampinus l. I. cap. 17.
(3) Ciampinus l. I. cap. 78.

Non heic hujus Pisanæ Portæ cum nostra comparationem instituiam, sed aliis libenter relinquam, ut collatis utriusque exemplaribus, de alterutrius præstantia judicium ferant. Illud, quod mihi propositum fuit, statuisse nunc libebit, an scilicet supradictarum Portarum exemplo, scilicet Romanæ S. Pauli, Garganensis Basilicæ, ac Pisanæ Ecclesiæ, quas omnes in Græcia constructas, illincque in Italiam transvectas audivimus, ibidem & nostram Portam elaboratam, atque ad ornandam Beneventanam Ecclesiam delatam arbitrari, necesse sit. Conjecturam augere videntur, quæ superius nobis observata sunt, Episcoporum Simulacra, elatam dexteram, ita ad benedictionem fundendam componentium, ut Græcorum morem referentes, opus ipsum apud Græcos constructum ostendant. At non hæc tanti sunt, ut in eam sententiam descendamus: nam benedicendi ritus ille (uti superius probavimus) apud Latinos pariter obtinuit; verique similis videri debet, apud nos fabricatum Opus, ubi nihil Græcè (quemadmodum in aliis supradictis Portis) legitur; ipsum autem opus non solum in specialem, propriumque Beneventanæ Ecclesiæ usum constructum fuit, sed propria quædam, atque omnino singularia præfert ejusdem Ecclesiæ monumenta exactissimo studio, accuratissimæque manu expressa, veluti Archiepiscopi Camaurum, Episcoporum numerum, nominaque latinis, emendatisque vocabulis inscripta; quarum omnium rerum exemplaria à Beneventanis ad Græciam transmissa, ut in ipso opere quamfidissimè representarentur, difficile est, ut credamus. Adde nunc pari anaglyptico opere circa eadem tempora constructam Basilicæ S. Bartholomæi Portam, de qua plura superius diximus. Scimus autem antecedenti Sæculo XI. à Desiderio Casinensi Abbate, Victore postea PP. III., Cive Beneventano, accitos Constantinopoli præcellentes Artifices quamplures, quorum operâ non solum Casinensem Basilicam ampliandam, instaurandam, atque splendidius exornandam, verum etiam deperditas apud Italos præteritorum temporum barbarie artes in Italiam revocandas, atque excolendas curavit (1). Quidni igitur apud Beneventanos (quibus erudiendis Desiderius Familiâ principe natus vehementius incumbere debuit) floruisse cum ceteris fuloriam Artem dicamus? Eius rei argumentum satis sit ex nostra Porta deduxisse: Cui Portæ hoc nunc quoque pretium accedit, ut non id peregrinum, sed (quod majorum nostrorum in nobilissimis quibusque exercendis artibus ingenium, ac præstantiam ostendit) domi partum, ac perfectum Opus ipsum fuisse statuamus (2). Sed jam, quæ diu nos, nec quidem immerito, aut otiosè spectatores detinuit, prætereunda nobis Ænea Janua est, ut tandem Ecclesiam ingrediamur.


Quod ad amplitudinem, ac magnificentiam attinet, nihil desiderandum Beneventana Ecclesia habet: id unum fortasse quis expectaverit, aut etiam exoptaverit, quod præ egregiis quibusque recentibus operibus æstimari plurimi solet, ut vetusta scilicet facies illa sibi spectanda offeratur, quæ in Sacris Ædificiis majorem quandam venerationem, oblectationemque sibi vindicat. Speciosior itaque, augustiorque fortasse post Terræmotuum, aliorumque eventuum injurias, calamitatesque nostra Ecclesia exurgere coepit, spectabilior non item, atque insignior, qualis primævæ vetustatis suæ majestate, ac religione enitebat. Ex veteribus Ædificiis, monumentisque præter ingentem columnarum numerum, duo tantum reliqua sunt, quorum ætas ad quinque propè Sæcula extollitur. Marmorea hæc sunt suggesta, quæ hinc inde ad Aram majorem in utroque Navis mediæ latere attolluntur. Quod igitur reliqua ea sint in nostra Ecclesia sacræ vetustatis monumenta, quorum exemplar non solum in Operis mei ornamentum, spectantique voluptatem, sed in utriusque quoque utilitatem cessurum fortasse erit, ipsorum alterum ærea tabula expressum volui, ex quo simillimam alterius formam argumentari promptum erit.

(1) Leo Ostiensis Chron. Casin. Lib. III. cap. 29. Legatos interea Desiderius CPolim ad locandos Artifices destinavit, peritos utique in Arte Musaria, & Quadrataria... Et quoniam artium istarum ingenium à quintæ, & ultra jam annis magistra Latinitas intermisserat, & studio hujus inspirante, & cooperante Deo nostro, hoc tempore recuperare promeruit; ne sane id ultra Italia deperiret, Rudius Vir totius prudentiæ, piosque de monasteriis pueros diligenter eisdem artibus erudiri: non autem de his tantum, sed & de omnibus Artificiis, quæcumque ex auro, argento, ære, ferro,

vitro, ebore, ligno, gypso, vel lapide patrari possunt, Rudiosissimos prorsus Artifices de suis sibi paravit.

(2) Omisa fuit à Chalcographo in nostræ Januæ exemplaribus scala palmorum, qua quisque illius altitudinem, latitudinemque metiri posset. Monitum igitur heic Lectorem volo, solam ipsam Æneam Januam (exceptis marmoreis postibus, ac superliminari) ad Palmorum Neapolitanorum XVII. altitudinem extolli, cujus proportionem omnino servata, ejus latitudo univarsim ad palmos XI. protenditur.

erit. Inscriptionem quoque heic exhibeo, in latere dextro insculptam, Opëris auctorem, atque tempus demonstrantem.



Quam Inscriptionem ita leges :

HOC OPUS EGREGIUM NICOLAUS CELTE CECIDIT
VIRGINIS AD LAUDEM CUIUS TUTAMINE FIDIT.
ANNO D. M. CCC. XI. INDICTIO X. (1).

Hic autem Opifex Nicolaus idem ipse est, qui in anteriori facie, ære à nobis expressa, ante Crucifixi imaginem semet orantem, genuflexumque effinxit, ut docet altera Inscrip-
tio, quæ inter ejusdem Tabulæ, seu Areæ ornamenta dispergitur, & in nostro exempla-
ri ob spatio angustiam describi non potuit.

Unius, ut dixi, Suggesti, imò anterioris duntaxat ejus faciei exemplar exhibere fa-
tis habui; nam non modò Suggestum ipsum in quadratam formam, totidem in posteriori
parte subnixum columnis, iisdem elaboratum ornamentis, Simulacrisque constat, verum
etiam

(1) Celtis scalpri genus est, quo lapides cæduntur, five instrumentum sculptorium. Vetus Inscrip-
tio apud Gruterum pag. 329. MALLEOLO ET CELTE LIT-
TERATUS SILEX. W. Britto in Vocabulario apud Can-
gium: Celtis instrumentum ferreum aptum ad sculpen-
dum, Celte gallicè, dicitur à cælando. Sed nunquam
est in Biblia; unde Job. xix. ubi quidam legunt: vel
celte sculptantur in Silice: CG. in originali, ut antiquæ
Biblia habent; certè: & nullus Sanctorum Expositorum
ponit: Celte. Sed falsus est Britto; nam Exposito-
rum maximus Hieronymus hoc vocabulum Celte in di-
cto Jobi loco agnoscit, & explicat in ep. 61. ad Pam-
machium, ad quam Marius Victorinus: ut mirum sit,
Augustinum Calmet in suo elaboratissimo Dictionario
S. Scripturæ non fecisse locum huic vocabulo. Verum
quidem est, id vocabulum in aliquot versionibus, &

plerisque antiquis MS. Codicibus Bibliorum non legi;
nam Chaldaeus vertit in æternum, S. Augustinus in té-
limonium, nempe celte consignatur res, quasi testi-
monio æterno, uti observat Tirinus: Ipse quoque Gre-
gorius Magnus in sua uberrima, præclarissimaque Jobi
expositione ad eum locum pro Celte usurpat adverbium
certè; digni tamen sunt eruditissimi ejusdem Gregorii
Benedictini Editores, ut quæ ad dictum Gregorii lo-
cum adnotarunt, audiamus: In Germ. septem MS.
Anglic. Norm. & aliis legitur hic, & infra vel certè;
quod etiam Hebraico textui magis congruit. E. Codici-
bus Libri Job manu exaratis alii habent vel certe. alii
nec numero imparis: vel celte. Ita legitur apud Hiero-
nymum. Gregorius, qui explicat Plumbi laminam, si-
licem, stylum ferreum, silet de celte: quod non obscurè
innuit illum non legisse: vel celte.





etiam alteri è regione posito Suggesto quàm simillimum est, si tantum Simulacrorum diversitatem excipias. In eo igitur, quod exhibemus, digniorem locum obtinet Sanctissima Virgo Maria, puerum Jesum inter brachia gestans, à cujus dextro latere S. Bartholomæus Apostolus, à sinistro S. Januarius insculpti visuntur, quorum Simulacra Suggesti angulos complent. Interjacentium arearum altera musivo, vermiculatoque opere ornatur, altera Crucifixi imagine insignior est, ante quam imaginem Nicolaus Opifex, ut dixi, genuflectus orat. In Crucifixi imagine illud observatione dignum occurrit, quatuor scilicet clavium confixum representari: utinam & non parte tantum, sed omnino opertum pariter aspexissemus: Utramque enim rem in ejusmodi effigie necessariam desiderarunt hactenus Viri doctissimi, gravissimique, alteram scilicet, quæ rei gestæ fidem exequeretur, alteram, quæ decori, & reverentiæ satisfaceret. Atque Cl. Aringhius quidem vetustis quibusdam Crucifixi imaginibus ex sua *Roma Subterranea* in lucem proditis, quæ & toto contextæ corpore, & utrumque pedem proprio clavo confixum habent, rem ipsam pluribus exemplis, & testimoniis illustrat, vehementius recitatum Sculptorum, uno ambos pedes clavo, corpusque nudum exprimentium novitatem infectatus, *quam nemo pius, & Sacrae Antiquitatis studiosus ferre debet* (1). Conqueritur etiam de ea re Mabillonius, Pictorum, Sculptorumque detestatus licentiam, qui Crucifixi, atque aliorum imagines aliquando non tam ad excitandam, quam ad corrumpendam pietatem componunt (2).

In altero Suggesto terna pariter anterioris faciei Simulacra à dextro angulo S. Petrum, binas simul claves dextrâ gestantem, in medio Archangelum Gabrielem, facie versus ad B. Virginem in sinistro angulo positam, representant. Per oram illam, seu fasciam, quæ ab eodem Archangelo ad B. Virginem supra interjacentem aream excurrit, insculpta Salutationis verba leguntur: *AVE GRATIA PLENA DOMINUS TECUM*: veluti ab ipsius Archangeli ore prodeuntia, ad ejusdemque Virginis vultum pertinentia. An igitur ex hoc nostro monumento, idest Suggesto ipso, quod Sacrarum Concionum ad populum peragendarum usus constitutum fuit, pii illius moris antiquitas argui poterit, quo Concionatores in exordio Salutationem Angelicam recitare solent? Si res ista ex aliis nostræ Beneventanæ Ecclesiæ institutis, monumentisque definienda esset, in contrariam potius sententiam abire oportebit: Nam in Divinis Officiis, in ejus Choro persolvi olim consuetis, nullus ante Sæculum xv. ejusdem Salutationis Angelicæ recitandæ fuit usus: uti manifestè probant Constitutiones ab Archiepiscopo Gaspare Columna promulgatæ anno mccccxxx. in Titulo de Ordine inchoationis Officii, ubi plura notatu digna leguntur, quæ, quum veterem Ecclesiæ Beneventanæ, ejusque Chori disciplinam, religionemque nobis representent, jucundum quidem, nedum utile fuerit, heic descripsisse: *Facta pulsatione Campanelli in Choro, ut in nostris Constitutionibus cautum est, Ebdomadarius, seu Major faciat signum cum manu, pronuncians Orationem Dominicam, qua pronunciata Canonici prostrati, si dies fuerit ferialis, sin autem inclinati aequaliter, & profunde verso vultu ad Altare silenter persolvant eandem, qua finita, dicat elata, alta, & intelligibili voce: Domine, labia mea aperies. Chorus respondet: Et os meum &c. Dum quia Diabolus Dei laudem semper odio habet, & tunc hominem acrius impugnat, quando Deum laudare promittit, ne laudator Dei à Diabolo superetur, cui non est leve resistere, Divinum implorat auxilium dicens: Deus, in adjutorium &c. tum divino fretus (auxilio) inchoat promissum toti Trinitati dicens: Gloria Patri &c. vertentes se ad Altare, & inclinantes profunde usque ad Sicut erat: & idem modus inclinandi ad Gloria Patri ubique observetur: & ut devotior sit inclinatio, fiat Capite discooperto: deinde Primicerius, vel cui commissum fuit, qualis prece Ecclesiæ, exortatur alios ad laudandum Deum dicens Invitatorium, Choro eidem respondente: deinde dicitur Psalmus Venite &c. quem plena, rara, & intelligibili voce dicant, cum multas habeat significationes, unde ante finem ipsius Psalmi unusquisque debet intrasse Chorum, ut eorum nemo videantur obdurasse corda, sicut & patres in deserto fecerunt,*

ALTER

Iii

runt,

(1) Rom. Subterr. Tom. II. pag. 354., & 406.

(2) Mabillonius Præfat. ad Sæculum IV. Benedict. §. III. n. 47. pag. 216. edit. Ven. 1740. ubi post alia: Nunc (inquit) optandum esset, ut id eveniret, quod sua ætate Narbone accidisse Gregorius Turonensis Episcopus commemorat in Lib. I. de Glor. Mari. c. 23. de picture, quæ Christum Dominum Cruci affixum, quasi linteo præcinctum exhibebat: At quippe Christum semel, ac rertidò cuidam per visum intimasse, ut se non parte tan-

tum, sed toto corpore operirent. Re tandem ad Episcopum delata, is iussit velum desuper expandi; & sic obiecta (inquit Gregorius) nunc pictura suspiciatur, nam etiam parumper detegatur ad contemplandum, mox demisso velo contegitur, ne detecta cernatur. Hinc factum puto, ut in nonnullis Ecclesiis Crucifixi Statuæ veteres talari veste indute conspiciantur, qualis est eo, quæ in Aede S. Cilinæ Beati Remigii Nutricis apud Remos hodie quoque visitur.

runr, ob quod requiem sibi promissam videre non meruerunt: Modus quidem inchoationis Officii per omnes horas ut supra servetur, præter quam in Completorio; non tamen, nisi in Matutino dicitur Domine, labia mea, sed statim post Orationem Dominicam dicitur (in aliis horis) Deus, in adjutorium &c. (1). Non igitur divino Officio, nisi sola Oratio Dominica præmittebatur, nullâ prorsus Salutationis Angelicæ facta mentione: quamquam aliqui Ecclesia Beneventana Beatissimæ Virginis titulo ab sua origine decorata, ejusdem cultui perpetuò addictissimam se ostenderit: In Constitutionibus Archiepiscopi Hugonis anni mcccclxxv. cap. xix. statuitur, & precipitur, ut in Choro Officium B. Mariæ, & Officium Defunctorum omni tempore præsertim secundum institutionem, & ordinationem Romana Curie dicantur (2): Quod hodiè que obtinet, piissimâ æquè, ac munificentissimâ sæpius laudati, ac nunquam satis laudandi Benedicti PP. XIII. olim Archiepiscopi Cardinalis Ursini providentiâ, qui uberrimos annuos redditus Canonici, Mansionariisque universis pro dicta Officii Mariani recitatione quotidie in Choro perfolvenda perpetuò constituit. Haud mirum verò videri debet, si in dictis Constitutionibus Archiepiscopi Columnæ in officii inchoatione post Orationem Dominicam Salutatio Angelica præterita sit; nam, quum duæ sint ejus partes, quarum una Salutationem ipsam ex verbis Gabrielis, & Elisabethæ contextam continet, altera precationem, qua fideles B. Virginis suffragia, maxime in horam mortis, petunt, illa quidem antiquior, hæc longè recentior est: quemadmodum Mabillonius, aliique observaverunt (3). Etsi autem Cardinalis Bona posteriorem eam partem, sive additamentum Salutationi Angelicæ factum censeat in magna Synodo Ephesina, quando Beatissima Virgo verè Dei Mater, verè Theotokos, summo Patrum consensu proclamata, & Nestorius portentosæ blasphemix auctor exauctoratus, & damnatus fuit; fatetur tamen, eandem ad horas Canonicas cum Oratione Dominica adhiberi, usum esse non admodum antiquum (4).

Quæ quum de Officio ita sint, eadem de Concionibus affirmare jam suppetit, in quibus nonnisi à Sæculo xv. Salutationem Angelicam post exordium recitari cœpisse, idem statuit Mabillonius: qui & illud observat, eum morem ab Erasmo in suo Ecclesiaste anno 1535. edito audacter reprobatum, non quò (inquit) Deipara venerationi detraheret; sed quòd locus etiam Spiritui Sancto, aliisque Sanctis, de quibus Conciones interdum habebantur, relinquitur. Ita sentiebat ille Catoniana severitatis magister, qui hæc verba subdit: Adde his omnibus, quod isti (concionatores) admonito populo, ut invoet Beatam Virginem, nihil petunt ab ea, sed tantum salutant verbis Gabrielis, & Elisabethæ: *Quæ hæc refero* (pergit Mabillonius) *ad probandum precationem Sanctæ Mariæ (idest posteriorem Salutationis partem) nondum ubiuis tunc fuisse adjectam* (5). Sed quando demum adjecta fuit, sicuti integra ubiuis à Concionatoribus recitari postea cœpit, abstinuissetne Erasmus rem ipsam carpere? Audivimus, legimusque nostro ævo rediivos Erasmos quosdam, qui pium illum, saluberrimumque morem, Supplicationes, sive Litanias Beatæ Virginis ante expositionem SS. Eucharistiæ recitandi, canendive reprobant, quòd scilicet, præsentem nobis Christo neglecto, non sine quadam illius injuria, ad absentem Matrem preces nostras converteramus. Sed animadvertissent hi, nihil Eucharistiæ honori, ac reverentiæ detractum, immo nihil Christo ipsi jucundius, nihil demum nobis salutaris, quàm ut ejus auribus, & Matris suæ laudes, & per ejus Matrem nostras preces offeramus. Mabillonio autem haud finendum erat, Catonianam, quam indulgentius appellat, Erasmi severitatem impunè cessisse. Etsi enim, quod illius ævo prior tantum Salutationis pars à Concionatoribus pronunciaretur, adhuc tanti ea erat, eritque semper, ut de ipsa Virgine quammaximè promereremur, nullaque addita precatione ipsam ad nostram opem devinciremus: quid enim (ut cum piissimo Cardinali Bona rem hæc concludam) gratius offerre ei possumus hac Salutatione, à qua præclarsa ejus Dignitas initium duxit, quæ & Salutis nostræ, & totius Evangelii auspiciatissimum principium fuit; nam tunc descendit pluvia in vellus, tunc vorarunt Cœli desuper, & Montes stillarunt dulcedinem, tunc aperta est Terra, ut germinaret Salvatorem.

Sed

(1) Constitutiones antiquæ Beneventani Capituli, servatæ in nostra Bibliotheca vol. sign. §. ix. Sect. 1. n. 82. pag. 10.

(2) Ibidem pag. 3.

(3) Mabillonius Præf. ad Sæcul. v. Benedicti. n. 118., & seq. pag. 439. seqq. Meratus ad Gavant. in Rubr. Brev. Rom. Sect. v. cap. 11.

(4) Card. Bona De Div. Psalmod. cap. xvi. §. 11. Sanæ Martinus Navarrus, diligentissimus Canonum in-

dagator, dicendam in officio Salutationem Angelicam nullo communi jure statutum affirmat De Orat. cap. x. n. 62. Ante annum 1550. nunquam in officio dictam statuit Gavantus; itaut ante S. Pium V., qui Breviarium reformavit, in nullo antiquorum Breviariorum, excepto uno Cardinalis S. Crucis, occurreret; ut laudatus Bona etiam observavit.

(5) Mabillonius l. l. num. 124. pag. 441.

Sed quæ reliqua in nostris Suggestis occurrunt, conficiamus. Observationem perfectò merentur Leonum Simulacra, quorum dorsis, veluti basibus ternæ ab anteriori, totidemque à posteriori parte columnæ impositæ sunt, utrumque Suggestum pari modo sustinentes. Leonum Simulacra non solum in profanis, sed Sacris quoque Aedibus adhibita, tum apud Christianos, tum apud Ethnicos, abundè legere est apud Caussinum, Valerianum, aliosque (1). Neque id ornatus duntaxat, sed Symboli præterea causâ gerebatur. Vulgatum satis Hori Apollinis illud est, ex Lib. I. cap. XIX: *Vigilantem, astutumque hominem ostendentes (Ægyptii) Leonis caput pingunt: quoniam Leo vigilans oculos claudit, eosdem, cum dormit, apertos habet, quod quidem custodiæ, atque excubiarum signum est. Quocirca non absque significatione Templorum claustris Leones, qui custodum loco sunt, appinxerunt.* Ut verò ad Christianam Antiquitatem rem ipsam contrahamus, recentem quidem auctorem, testemque, qui tamen vice omnium est, heic proferam, splendidissimum Ecclesiæ fidus, Ecclesiasticæque disciplinæ, atque antiquitatis diligentissimum instauratorem S. Carolum Borromæum, qui de Ecclesiasticis Fabricis documenta præbens, Ostium (inquit) medium à ceteris & laxamento, & ornatu distingui debet, præsertim in Ecclesia Cathedrali; ubi illud sculptura Leonum exornari debet, exemplo Salomonis, qui in basibus illos insculpi iussit, ut Presulum indicent vigilantiam: idipsumque in complurium hujus Mediolanensis Provincia Basilicarum Cathedralium januis ita extructis præclare cernitur (2). In nostra Aenea Janua, quam superius illustravimus, nulli insculpti visuntur Leones, præter illos, qui in marmoreis postibus, anaglyptico opere, ornatus potiùs, quàm Symboli causâ cum aliis animalibus permiscuntur; at in nostris Suggestis non arbitrariè, sed consultò, immò opportuniore, quàm in Januis, loco, constituti Leones censendi sunt. Qualis sit Leonum significatio, tum ex Horo, tum maximè ex Sanctissimo Borromæo didicimus: Nihil itaque congruentius, quàm, ut exemplo Salomonis, qui senos, & senos hinc inde Throno suo, ex quo jura reddebat, accubantes Leones effinxit (3), seni pariter utrique hinc inde Suggesto subjacerent Leones, totidem columnas sustinentes; ut ex quibus Suggestis non modò Evangelium cantatur, & Sacri Concionatores sermones habent, sed ipse quoque Archiepiscopus Beneventanus Homilias ad populum habere ex antiquo more solet, non solum ejus vigilantia, sed vocis quoque virtus demonstrata haberetur.

Cæterùm Beneventana Ecclesia quinque Navibus constat, quatuor Columnarum ordinibus dispersita, quæ omnes striatæ, in altitudinem palmorum xx. ex vetusto, ut plurimum, pario marmore, Aedis amplissimæ, & undeque ornatissimæ majestatem adaugent. Ad hæc minor Aedes, seu Sacellum adjacens celebrandis hiemali tempore Horis Canonicis secessum præbet. Plurimæ præter Bibliothecæ, ac Thesauri, de quibus superiori Capite egimus, Aedes sunt aliæ, tum Sacrarum, tum Canonicorum, tum Mansionariorum receptui, commodisque magnificenter constitutæ: ut nihil sit, quod Ecclesiæ, ejusque Cleri dignitati non respondeat: omnia verò eò mentes nostras extollere debeant, ut *alma Sionis æmuli*, Coelesti illi Ecclesiæ *cantentes jungamur*, cujus decorem (quantum maximè per homines licet) æmulari præfens nostra Ecclesia videtur.

ALTER

Iii 2

DISSER.

(1) De Symbolica Ægyptiorum Sapientia: ac de Hieroglyphicis Lib. I. cap. IV. Lib. I. cap. VII. pag. 481. edit. Patav. 1754.

(3) Regum III. 10.

(2) Acta Eccl. Mediol. P. IV. Instrucl. Fabr. Eccl.



DISSERTATIO VI.

DE RE LITERARIA

Veterum Beneventanorum Medii Ævi.



ERPAUCOS quidem eorum, qui hujusce Dissertationis Titulum conspexerint, consilii mei rationem probaturos, quàm plurimos verò miraturos, aut etiam irrisuros arbitror, quòd inter Patrias Medii Ævi Antiquitates de Re Literaria tractationem susceperim; cui enim bono (inquier) fuerit, aut quanto potius probro non fuerit, in eo argumento versari, in quo nihil aut splendoris, aut emolumenti; sed ipsa, ut plurimum, maximumque, rerum mediocritas desideranda sit? quandoquidem non modò intra unius Beneventani Principatus, sive Cistiberinæ Italiæ fines, verum etiam in reliqua Italia, atque ubique gentium, sublato Liberalibus Disciplinis, bonisque artibus honore omni, atque cultu, Literisque ad interitum perductis, satius mihi fuisset de ejusmodi argumento siluisse, quàm miseriam illorum temporum ruditatem, pudendam ignaviam, inolitamque pro natura barbariem in memoriam revocasse. At non id temerè à me factum; qui, quàm afflicta, ac deperdita per idem ævum publica res Literaria fuerit, non solum probè sciam, sed neque heic dissimulandum mihi duxerim; immò neque me pigeat, quantum proposito argumento satis ea res sit, in antecessum depromere. Quod si quis adhuc mihi, uti Atticus Ciceroni, quosdam pauperis ingenii, obscuriorisque nominis Oratores recensenti, me *de face haurire*, & usque ad *Strasenos*, & *Annonius* descendere succenseat (1); eadem cum Cicerone reponam, servandam videlicet mihi argumentorum, temporumque seriem, atque ordinem: vindicandam Litteris, quando etiam corruisse visæ sunt, suam dignitatem: recolendam denique Illorum memoriam, qui pro suis viribus illas sustentasse probantur. Atque hi profectò majori laude digni, dum minores Litteris haberentur laudes, & præmia; itaut nobis in obscurissimam veluti noctem, perpetuo quodam hieme rigentem, ingressis, quæcunque oculis occurrerent Sidera, etsi minora illa, atque rara, fulgidiora quodammodò appareant, jucundius certè spectanda se offerant.

CAPUT PRIMUM.

Litterarum fata cujusmodi per mediam ætatem extiterint, summam, vividèque exponitur: Jamdiu collapsas Longobardi Italia Dominium auspiciati ad interitum propè perduxerunt.

Periere quidem in media ætate Literæ omnes, atque ab humano genere exulare jussæ, dum quò se recipere, non haberent, extremum subire fatum debuerunt. Quid de reliquis Populis judicandum sit, ex una Gallorum Gente argumentari sufficiat. Quid enim? Præ aliis nationibus studia Galliarum vel florentissima fuisse, Galliamque Viris semper fortissimis, & eloquentissimis abundasse, de sua adhuc ætate loquens S. Hieronymus testatur (2): Sed omnia hæc jamdiu concidisse vix progrediente Sæculo VIII. querebatur Fredegarius Scholasticus in Chronici sui Prologo: *Mundus* (inquit) *senescit, idèque prudentia acumen in nobis tepescit; nec quisquam potest hujus temporis, nec præsumit Oratoribus esse similis*. Sed de ipsis Galliis deteriora sunt, quæ Monachus Engolismensis in Vita Caroli Magni posteritatis memoriæ commendavit: *Domnus* (inquit) *Carolus iterum a Roma Artis Grammaticæ, & Computatorie Magistros secum adduxit in Franciam, & ubique studium litterarum expandere jussit. Ante ipsum enim Domnum Regem Carolum in Gallia nullum studium fuerat liberalium Ar-*

(1) In Bruto cap. LXIX.

(2) Lib. II. epist. XLII. pag. 165. & lib. III. adverst.

Vigilant. pag. 415. edit. Rom. 1731.

tium (1). Magnam quidem verè magni Principis providentiam jure laudaveris, qua Gal-
lorum suorum bono prospectum voluit; majorem verò Italiæ nostræ gloriam agnoscere æquum
fuerit, quæ perpetuum illud sibi vindicat decus, non modò reviviscentes fecundissimo
è sinu suo Literas in alias nationes propagasse, sed collapsas antea, ac penè demortuas,
quo valuit subsidio, & sibi aluisse, & aliis suppeditasse.

Utinam verò (nam verum fateri oportet) & in ipsa Italia satis iniquam sibi sortem
nactæ Literæ non fuissent. Satis fuerit, ut de reliquis Italis judicemus, oculos ad augu-
stam ipsam Doctrinæ, ac Religionis Sedem, Magistrumque Romam convertisse; tanta igno-
rantia caligine offusam intuebimur, ut Agatho Pontifex Anno DCLXXX. Legatos ad Con-
stantinopolitanum Concilium missurus, illorum inscitiam apud Constantinum Augustum
his verbis excusare debuerit: *Pro obedientia, quam debuimus, non pro confidentia eorum*
illos dirigimus, nam apud homines in medio Gentium positos, & de labore corporis quotidia-
num victum conquærentes, quomodo ad plenum poterit inveniri Scripturarum scientia? Rursum
etiam in altera ad eundem Imperatorem, suo, Patrumque Romanæ Synodi nomine con-
scripta Epistola: *Si ad eloquentiam sacularem respicimus (inquit), non æstimamus quemquam*
temporibus nostris reperiri posse, qui de summitate scientia gloriætur; quandoquidem in nostris
regionibus diversarum Gentium cotidie æstuat furor: unde tota vita nostra sollicitudinibus ple-
na est, quos Gentium manus circumdat, & quibus de labore corporis victus est: & sola est
nostra substantia Fides nostra, cum qua nobis vivere summa est gloria. Aurea sanè Ferrei Sæ-
culi verba (2)! Ex quibus etiam peculiarem illam, tantoque temporum intervallo conti-
nuatam Dei providentiam novisse subit, ut tam communis, diuturnaue Ecclesiasticorum
ignorantia in nullum Fidei detrimentum deflexerit.

Quum verò de Ecclesiasticis, quos Roma aleret, hæc ita se habuerint, non quidem
meliora ex aliis Ecclesiis proditura expectabimus. Si quid verò deterius excogitari potest,
id denique apud Sæculares cuiuscumque conditionis universos reperire erit. Literarum stu-
dia non ita sedulo, uti in Gallia, & Germania, sed tamen in Italia instaurare Carolus
Magnus curaverat: mox verò quàm deploratus apud Italos (ut Gallos, Germanosque præ-
teream) eodem Sæculo IX. Litterarum status haberetur, ipsius Caroli nepos Lotharius Au-
gustus Sanctione sua testatur, quam ea de re ad publicam Italici Regni utilitatem pro-
mulgavit: *De Doctrina (inquit), quæ ob nimiam incuriam, atque ignaviam quorumque Præposi-*
torum cunctis in locis est funditus extincta, placuit, ut sicut a Nobis constitutum est, ita ab
omnibus observetur. Constituti autem ab ipso Magistri sunt, ut certis in Urbibus, ad quas
finitimi confluerent, *Artem* docerent. Ita igitur non in paucis, aut multis, sed *cunctis*
Italiæ locis, non quæ in sublimioribus disciplinis versatur, sed quæ primis rudimentis
contenta est, non collapsa tantum jacebat, sed *funditus Doctrina extincta* tunc erat: dum
verò Principum providentiâ aperiri Scholæ jamdemum coepissent, pro magno fuit, eos ido-
neos inveniri potuisse, qui *Artem* docerent: Sola videlicet Grammatica, *Artis* nomine,
nuncupata, pro omni Doctrinæ summa statuenda fuit; non illa quidem (uti Viro docto
visum est), quæ ad prima rudimenta, veterum Auctorum interpretationem, variarum-
que rerum cognitionem, ac quandam veluti literaturæ complexionem adjungit, sed quæ
in eo solum sita erat, ut legendi, scribendique facultatem, ac latinæ linguæ, quæ tunc
corruptissima evaserat, intelligentiam præstaret (3). En luculentum, sed pudendum simul
rei

(1) Tom. II. Du-Chesnii. Hos verò, aliosque plu-
rimos Caroli ad rem literariam in Galliis instaurandam
conatus in irritum paullo post cessisse idoneus testis est
Lupus Ferrariensis Abbas, qui sub Caroli filio Ludo-
vico scribens hæc ait in Epist. XXXIV. *Nunc literarum*
studii penè obsoletis, quos quisque inveniri possit, qui
de Magistrorum imperitia, Librorum penuria, otii de-
nique inopia, merito non queratur?

(2) Vid. Mabillonium in Præfat. in Sæcul. II. Bene-
dicti. §. v. Epistolas Agathonis PP. exhibet Labbeus
Concilior. Tom. VI.

(3) Id certum videtur ex perspecta satis illorum tem-
porum ignorantia; quam manifestè produnt synchroni
Auctores, quos omnium literatissimos tunc esse oport-
tebat, nos verò ineptissimos, ac non modò omnis lite-
raturæ expertos, sed barbarè magis, quàm latine lo-

quentes audimus. Hinc mirum illud, ut Cl. Murato-
rius ad dictam Legem Lotharii, quam exhibet inter Le-
ges Longobardorum T. I. P. II. Scriptor. Ital. pag. 151,
ac rursus in Dissert. XLIII. Antiquit. med. ævi T. III.
pag. 816. ad altiora, atque florentia olim tempora
Suetonii, Lampridii, Capitolini respexisse voluerit, qui-
bus Grammaticæ id munus, iisque honor accesserat,
ut humaniarum quarumque literarum eruditionem
complecteretur: Quid tum valeret Grammatica, sit
in Virgilianis Commentariis ostendit præclarus ille,
Grammaticus Servius Maurus Honoratus Sæculi V. ine-
untis Scriptor; fatiſque a me dictum est in superioris
Libri Dissertatione VIII., quoloco, de prioris ævi Re
Literaria agens non solum M. Rutilii Beneventani De-
cutionis, & Grammatici, verum etiam Orbili, qui
Horatii magister fuit, professionem illustravi. Quod au-
tem

rei specimen ex Epistola Hadriani I. ad Carolum M., cujus fragmentum ex Authentico Dionysiano in phylira exhibet Cl. Mabillonius (1). Quod quia ad Beneventanarum res pertinet, heic describere libet; . . . intentionem prudentissimi & . . . seu gloria vestra deducimus, eò quod à domino fuerunt aliquanti ex Civibus, Capuani scilicet . . . & spiritualis Compater noster inc. Carolus Rex Francorum, & Longobardorum, atque Patricius Romanorum. . . Beato Petro Apostolo fautori suo, & cum sua precellenti . . . con . . . H. . . (Haldegrade) Regina, eorumque novilissimis suaves, & cunctis . . . novilissimi Franci petentes nobis Beatissimi Petri, & nostri essent subiecti, sicut per donationem precellentissimi Domini Regis agniti sunt. . . vestrum petimus consilium, si eos in servitio Beati Petri Apostoli recipere debeamus . . . nobis quippe meliorem . . . si eos recipimus, ut inter eis dissensio fiat, & divisi inveniantur . . . sed & hoc nobis prelati . . . nostrum missum una cum indiculum Adelberga relict. . . . rechs (relicta Arechis) dirigere deberemus . . . pereuntos una cum omnes Benebentani . . . auferent ipsi Benebentani met aliis pactibus Crues super eos . . . aut qualibet in eis malitiam ingerere . . . isti consilio favere volumus. Quapropter que sumus vestra re . . . (regali) prudentia, ut cum de recipiendi eos, quemque de nostro missa una cum nostrum indiculum apud sape . . . istam (dictam Arechis relictam) Adelbergam, seu Benebentum dirigendum nobis consilium praeberere debeatis, & qualiter perinde congruè, & rectè prof. . . nobis protinus per vestra scripta significare maturemini &c. Haud melior ad eundem Carolum de iisdem rebus Benebentanis Maginarii Abbatis Epistola est, ex authentico item Dionysiano in phylira ab laudato Mabillonio n. xi. relata. Has verò sive maculas, sive fordes, quas in autographis legere est, raras nunc in exemplaribus deprehendimus, utpotè librarium, aut editorum licentia deterfas. Sed ut ab Hadriani Epistola non discédamus, si hæc non Roma tantum, sed Romana ipsa quoque Pontificis Aula in Latinam linguam sive sphalmata, sive portenta invexerat, quæ monstra alibi obtinere debebant? Incredibile penè videtur, sed verum illud par est, ut credamus, quod de suæ ætatis, idest sæculi xi. Ecclesiasticis S. Petrus Damiani gemebundus affirmabat. Ecclesiasticorum incitiam superius indicavimus; & tamen apud reliquum hominum vulgus soli Ecclesiastici Literati audiebant (2), quos propria videlicet professio Literis imbutos, aut certè imbuendos postulabat: Audi nunc Petrum, Ecclesiasticos ita Literarum expertes acculantem, ut non modò eorum, quæ legerint, intelligentiam non attingerent, sed syllabarum quoque vix ipsa decurrentis articuli elementa balbutirent (3).

Hæc licet pauca, quibus teterrimis satis patuit rei aspectus, meminisse, non tam pudor, quam horror fuit: Sed & mali adhuc causas apertius observasse non piget: Literarum interitum Pontifex Agatho non tam ad Italorum desidium observasse non piget: Literarum Gentium inhumanitatem retulit, quibus tum Italia opprimeretur: Non eas Gentis de nomine appellavit: At de Longobardis certè sermo erat, quibus jamdiu universa ferè Italia servire assueverat. Jam si Literas à Longobardis quæras, nonnisi Arma tibi ostendent, quandoquidem nec Palladem utraque re præstantem, sed cruentam Bellonam dumtaxat norant. Hæc ejus Gentis studia, ex Germanis progenitoribus accepta, apud quos (ut Tacitus ait) *Scutum, fræneque, pro Toga; ac nihil neque publica, neque privata rei, nisi armis ageretur* (4). Audi quid de Longobardis jam in Italia versantibus Gregorius Magnus certò statuatur, ut eorum videlicet *Synthicia spata essent*: quorum verborum hic sensus est: Longobardorum pacta, conventiones, contractus, idest jura omnia publica, ac privata, quæ apud Romanos Legibus constant, definiunturque, nonnisi vi, ferroque obtinere coguntur, unusque ab gladiis decisionem præstolantur (5). Gravius autem illud in Literarum perniciem ex Longobardis manavit, ut quas ipsi vel ignorasse vellent, vel etiam odisse tantum scirent, aliis, qui excolerent, facultatem omnem adimerent: nam per omnem ferè Italiam iis coësis, quorum invidiosæ opes essent, vel fortunarum omnium possessione spoliatis, reliquos, quos *Aldos* dixerunt, ad agriculturam, imposito stipendio, relegarunt; quamobrem factum est, magis corporis, quam ingenii exercitationibus vacandum tunc fuisse, ut vix necessariæ propriæ vitæ sustentationi, inexplēbilibique recentium dominorum cupiditati satisfacere posset.

Quare

tem ad sequentem ætatem pertinet, satis Reip. consul-tum videbatur, si homines, quibus inconditæ voces, stridentisque oris soni pro loquela erant, legere, ac scribere callerent, latinæque linguæ inter paucos significationem nossent.

(1) In Appendice supplem. De Re Diplom. P. xi. n. x. edit. Paris. 1704.

(2) Vid. Thomassin. Eccl. Disc. P. ii. lib. iii. cap. 76. n. 1.

(3) Lib. iv. epist. xiv. sive Opuscul. xxvi. T. iii. opp. edit. Paris, seu Venet. 1743.

(4) De Mor. Germ. cum not. Lipsi pag. 440. edit. Plantin.

(5) Lib. i. epist. 31. al. 30.

Quare ex his planè constat, imposuisse nobis, vel certè hallucinatum Panzirolum, quem Raderus refert testatum, vidisse se aliquando Tabellas ligneas, à Longobardis, ubi primum in Italiam advenissent, conscriptas eà literarum formà, quæ propria ejus Gentis fuit, vel potius ab ejus nomine appellata (1). Nam si verè Tabellæ illæ Longobardicos Characteres præferrebant, verum illud quoque esse debet, posterioris longè ætatis opus fuisse; quando scilicet Longobardi literas odisse minus, ac demum, non tam utilitate, quàm necessitate coacti excoluisse cœperunt. Scimus enim usque ad Regem Rotharim nullum ejus Gentis literarum extitisse monumentum nec privatum, nec publicum, nec ipsas Regum successiones, neque leges scriptis consignatas, primumque eum Regem fuisse, qui Leges solâ memoriâ, usuque antea servatas, literis, ac membranæ commendavit, ut in nostra Dissert. III. observavimus.

Atque hæc quidem, inclinato jam Romano Imperio, ad quinque, & ampliùs Sæcula Literarum fuere fata; Hæ inquam tenebræ, quas tamen è re Literaria fuerit huc referasse, ut scilicet quæcumque etsi exilia Literarum monumenta è media illa temporum caligine erumpere videantur, non ad prioris, quàm maxime floruerint, neque ad subsequentiæ ætatis, quando reviviscere Literæ visæ sunt, dignitatem æstimentur, sed pro illius luti, sæcisque, unde prodierunt, ratione, pretium sibi quærant; neque enim illis pretium deesse poterit apud æquos Literarum amatores, quibus veluti horrentem sylvam longo itinere peragraturis, si qua minus sylvestria, vel fortè hortensia occurrant poma, hilariùs intue-ri, avidiùsque degustare continget.

CAPUT II.

Excisi Longobardici Regni instaurata simul cum Literis dignitas apud Beneventanos: Principis Arichis in utramque rem felix conatus, exemplum, & Paulo Diacono adnitante, providentia.

POST expositum hæcenus, aut potius deploratum Literarum occasum, licet jamdemum stilo simul, animisque ad meliorem rerum faciem assurgere; Quis verò illud credat, expectandum Literis fuisse Longobardici Regni interitum, ut posteriore Longobardorum ope renasci ipsæ, ac reflorescere inciperent? At non id profectò mirum: Sublatis enim Caroli M. operâ Longobardis Regibus, quorum studia universa in armis, bellisque perpetuò exercendis versabantur, firmatoque apud ipsos Longobardos ex ejusdem Caroli fœdere Beneventano Cistiberinæ Italiæ Principatu, publica quædam rebus omnibus tranquillitas affulgere cœpit, ex qua Literæ quoque ipsæ nonnihil emolumenti excepiisse visæ sunt. Literas certè promereri Carolus non destitit, uti superiore Capite observatum est. At qualis earum status in Beneventano Principatu haberi cœperit, nunc persequemur; atque ab ipso primo omnium Principe Arichis exordium læti ducemus, ut quorum crimini vertebatur, Literas apud Italos extremo concidisse fato, eorundem postea Longobardorum laudi adscribatur, sèra licet ipsorum ope, feliciori tamen, uti exitus comprobavit, conatu, ad suam vitam, dignitatemque rediisse.

Ac primum, quàm pronus in Litteras Arichis animus fuerit, satis probare queunt Versus illi, quos in utroque Palatio suo, tum Beneventano, tum Salernitano inscribendis curavit: ea in re Clarissimi Viri Pauli Diaconi (qui post Regis Desiderii Captivitatem in Beneventanam Aulam circa An. DCCCLXIV. se receperat) opera, atque ingenio usus est. Curaverat quidem Arichis, ut ea esset earum Ædium magnificentia, quæ Principatus majestati Longobardorum Regnum instauraturæ, responderet; & de Salernitano quidem Palatio, quod Beneventano tum tempore, tum loco concedebat, miræ illud magnitudinis, immò & pulchritudinis opus fuisse Salernitanus testatur Anonymus cap. XVII. Illud tamen omnium magnificentissimum jure reputabimus, ambas scilicet illas Aulas non tam ædificiorum mole, atque ornamentis, quàm iis Versibus enituisse, qui opportunis, ac patentioribus in locis inscripti, aut inculpti non solum Principem Mularum Patronum, ac Familiarem de-

mon-

(1) Apud V. C. Joh. Trombelli: *Arte di conoscere l'età de' Codici Latini, e Italiani* cap. 4. Bologna 1754. Id vero Raderus de Panzirolo affirmat in notis ad Martialem Lib. XIV. Epigr. VII. his verbis: *Quoniam in Ita-* *liam venissent Longobardi è tabulis rasis subtilissimas fecerunt schedas, quas egomet sæpius vidi, ac legi, quamquam Longobardicis literis consignatas.*

monstrabant, sed illa etiam tum Politicæ, tum Moralis Virtutis documenta exhibere debebant, quæ & ejusdem Principis, & præclari Vatis religione digna essent. Periere cum ipsis Ædibus etiam Versus, quorum memoria vix nobis Chronographus Vulturnenfis servavit, atque utinam qui ejusdem Diaconi Vitam summam recensens, versus alios à Carolo Magno ad eum missos posteris mandasse sollicitus, non illos, de quibus agimus, invideret: id enim solum memorare contentus fuit, quod Arichis Diaconum *suscipiens*, *honorifice retinueris*, à quo *Palatium infra Beneventum, & alium in Salerno constructum Versibus decorari fecit* (1).

Sed non id solum ex Pauli ingenio, atque moribus, dum Beneventi ageret, emolumentum retulit Arichis. Præstantius illud, Reique publicæ satis tum necessarium opus lucubravimus, ediditque Paulus, quo Romanæ Historiæ Epitomen ab Eutropio compositam, non solum variis aliis rerum gestarum ad Remp., & Religionem pertinentium monumentis suo loco interjectis locupletavit, verum etiam à Joviniano, in quo Eutropius scribere desit, ad Justinianum, sive potius ad Leonem usque perduxit. Extant apud me binæ, inter alias, ejus Operis editiones, quarum alibi memini, altera, quæ Basileæ prodit An. MDLXIX. apud Petrum Pernam, Librique 1. initio hæc inscripta habet: *Eutropii Historia, cui Paulus Diaconus Aquilegensis addidit rogatu Adelberge Beneventane Duxtricis, deinde idem Paulus ex diversis Auctoribus colligens, à Valentiniani Imperio usque tempora Justiniani perduxit &c.* Sed vetustior altera, ac planè præstantior Anno MCCCCLXXI. Romæ curata, quæ in fine Eutropianæ Epitomes, nempe Libri x. hæc adjecta habet: *Hucusque Historiam Eutropius composuit: cui tamen aliqua Paulus Diaconus addidit, jubente Domina Adelberga Christianissima Beneventi Duxtrice, Coniuge Domini Arichi Sapientissimi Principis, & ideo quæ sequuntur, idem Paulus ex diversis auctoribus proprio stilo connexuit.* Ad Codicis verò calcem his temporis notis editio distinguitur: *Eutropius Historiographus Romæ impressus Anno Domini MCCCCLXXI. die Lune xx. Mensis Mai Pontif. S. in Christo Patris, ac Domini nostri Domini Pauli divina Providentia Pape secundi Anno ejus septimo explicat* (2): Insigne quidem, atque (ut jam dixi) utilissimum, immo pro illorum temporum ratione necessarium Opus, dum Veterum Scriptorum Exemplaria rarissima essent; maximique intererat Reip., Religionis, Literarumque bono, res superiorum temporum, inter præclarissimas quasque Gentes insigniter gestas, uno collectas volumine ob omnium oculos versari, omniumque manibus præsto esse. Hoc igitur Reip., Religionique subsidium, hoc intermortuis penè Literis sustentaculum, sive *Christianissima Adelberga, sive Sapientissimus Arichis* suo vel rogatu, vel jussu compararunt. Neque verò, si solius Adelbergæ (uti editiones ferunt) id fuisset consilium, minoris æstimandum est, immo verò ampliori laude celebrandum, dum nobilissimam ejusmodi curam à Foemina susceptam spectemus: Sed & consilii auctorem, vel participem Arichim omnino existimare licebit, qui ut opus à Paulo impetraret, Conjugem, Regis Desiderii filiam, cui ille ex paterna necessitudine, veterique obsequio addictissimum se ostendebat, *rogantem*, seu *jubentem* adhibuit.

Cæterum & ipse Arichis ex Pauli præsentia, contubernioque, pro suo, quo in Literas ferebatur, studio profecisse voluit: Beneventum enim advenienti Paulo, lætanterque excepto *piissimus Princeps* (inquit Anonymus Salernitanus) *Familia copiam, & equorum, varia indumenta, dapisque abundanter tribuit, atque in ejus Palatio commorari jussit, & creberrimè de liberalibus Disciplinis cum eo sermonizabatur: Cumque de talibus, & Divinis Scripturis invicem colloquerentur, insatiabili pectore ipse Princeps quæque gerebat* (3): qua profectò re illud optimis quibusque omnium ætatum Principibus ex ferrea Ætate imitandum exemplum Arichis reliquit, non modò Viris Sapientibus honorem habendum, præmia largienda, fovenda.

(1) Chronicon Vulturnense Lib. 1. Inter Scriptor. Ital. Tom. 1. P. 11. pag. 365. De Palatio Salernitano tantum meminit Anonymus Salernitanus, versusque ibid. inscriptos, suæ ætate jam obliteratos, Auctoris ingenio assentatus, plus æquo extollit: Idem Paulus (inquit cap. xxxii.) *Palatium, quod Arichis fruxit in memorata Salernitana Urbe, undique versibus illustravit.* Sed quia propter longum tempus fuerunt vetustate attriti, numerare, legereque illos non potuimus. Næm si unam quippe paginam fuisset nati, comparare illos potuisset Meroni, Catonique, sive profectò aliis Sopsistis.

(2) Hanc editionem Caveus ignoravit à Basiliensi exoritur: Pauli operam, Opusque Eutropio *Deformitatem intulisse* ait Ant. Sconhovius, qui prior genuinum Eutropium edidit Basileæ Anno (ut ex nuncupatoria habetur) MDXL., ubi etiam Eutropium multa clade à Paulo *assum* queritur: at suum certè fuit, eritque semper operi pretium, laudandaque Pauli industria, uti superius probavimus.

(3) Anonymus Salernit. in Chron. cap. x. inter opp. Camil. Peregrini T. II. pag. 56. edit. Neapol.

fovendam consuetudinem; verum etiam non inanis ostentationis, Aulæque condecorandæ, sed proprii emolumenti gratiâ regio lateri adfidentes haberi oportere. Præstitit hæc omnia Arichis, qui ejusdem Anonymi testimonio cap. xvii. *Vir apprime liberalibus Disciplinis imbutus* deprædicatur. Conquesti paulò ante fumus de Chronographo Vulturnenfî, qui Versus illos à Paulo Diacono lucubratos, atque ab Arichi in utroque Palatio, Beneventano, & Salernitano inscriptos nobis servare neglexit. Hanc negligentiam veluti emendasse Chronographus ipse videtur, qui postea aliquot Versus ejusdem Principis Arichis nobis legendos servavit. Lucubrandorum ejusmodi Versuum argumentum, seu occasionem Arichis sibi efficit ex Corpore S. Martini Confessoris, quod è Monasterio Maricano, ubi vetus loci religio, ac frequentia defecerat, Beneventum, debitam ei reverentiam conciliaturus, transferre cogitavit. Rem ipsam non solum dignam existimavit religiosissimus Princeps, quàm suscepto ad eum locum itinere præsens perficeret, verum etiam felicius, ac religiosius perficiendæ preces hæc meditatis versibus expressas adjunxit. *Ubi* (inquit Chronographus) *pervenerunt ad locum, prudentissimus Princeps devotionis verba sic Sancto proferens, inquit.*

*Maxime Confessor, Monachorum Pastor, & Abbas,
Insignis meritis, magna (fort. magnis) venerande trophæis,
Te, petimusque tuos, Tu confer calitus ortus fort. artus
In populos salvans, nobis prece suggere
Auxilium præbens, hostilia vincere Castra.*

Rem autem haud pro Principis voto cessisse, subdit Anonymus, cœlesti voce Corporis ablationem prohibente, quod factum, dum volendi credendum relinquimus, alia potius litteraria, quæ Arichim auctorem indubium agnoscunt, libentiùs persequemur. Sunt itaque, quæ jamdiu in lucem editam omnium manibus præsto sunt, Acta S. Mercurii Martyris, ab ipso Principe Arichi, qui præcipuè eum Patronum colebat, prolixo, ac pro temporum ratione, erudito stilo lucubrata (1): tum sapientissimum, piissimumque celeberrimi ejus Diplomatis exordium, quo ingentibus illis opibus, possessionibusque Ecclesiam S. Sophiæ a se extructam dotavit (2): tum denique Leges ab eo latæ, *Capitularium* nomine pro illius ævi more appellatæ, in quibus pleraque *Divina Legis Auctoritate* (ut is Divinas Scripturas callebat) sancita leguntur (3).

Sed & alia plura pro suo in liberales, sacrasque Literas studio edidisse debuit Vir (uti Erchemperto vocatur cap. 2.) *Christianissimus, & valde Illustrissimus, atque in rebus bellicis Srenuissimus* Arichis, non optimorum modò Principum, sed veterum quoque Romanorum Imperatorum exempla sequutus, qui in ipsis castris, atque inter bellorum strepitum, statutas horas, suosque secessus, quibus in consueta excolenda litteraria studia se abderent, sibi destinare, aut etiam furripere consuebant. Hanc certè laudem oculatus, ac fidiissimus testis, atque Sapientissimi Principis funeri superstes, dignusque ejus Sepulchralis Inscriptio- nis auctor Paulus Diaconus Arichi tribuit, immò ad utriusque virtutis, Fortitudinis, ac

ALTER

K k k

Doctri-

(1) De S. Mercurio, atque Arichis erga illum eximio cultu plurima differuimus Dissert. II. cap. vi. ubi etiam Actorum ejusdem Martyris meminimus, quæ ex autographo Longobardicis literis exarato, a Cl. Giovario edita habentur Typis Rom. an. 1730. Eorundem Actorum auctorem fuisse eundem Arichim Acta ipsa satis docent, certoque probant, quorum initio hæc inscripta leguntur: *Passio S. Mercurii Martyris edita ab Arichis Principe*. Quare ex Codicis vetustate ab eodem Giovario vindicata, ac præterea filii, pro illa ætate non omnino inculci ratione, varietque eruditionis copia, opus Arichi adificandum, non est cur dubitemus.

(2) Diplomatis istius exordium degustasse jucundum erit: *In Nomine Domini Salvatoris Jesu Christi: Regina dives opum mihi pulchris ingruis gazis excreverere coepit, dum diversa gemmarum, metallorumque genera redundarent, & alia multa, quicquid ferè Indus, quicquid à se vana Creta, & mollis mittit Arabi, mandatque nigrae pellis Æthiopi, & vestiant Seres; hæc mentis, quæ inventio, hæc, illucque adusque Mundi originem,*

*finemque duxit, considerans, quid fuere præterita, quidque sint præsentia, quidve erunt futura, omnia sub sola physica conjectura vanitatem ratus sum, quorum essentia, ortus, tentatio, labor, & mors. Nil ergo rerum copia proderit, nisi Deo possessori oblata. Quincientos priorum reminiscimur annos olim transcendisse, vix jam sexagenarium ætatis contingit: etenim si quosdam ad centum recolimus pervenisse, æstuant, ut saltem non du quære queant. . . . Stultus quisque fuerit, cui hæc ex Notarii ingenio, ac manu prodiiisse putarit: quid eorum temporum Notarii scribere valerent, millenæ passim ostendunt Chartæ, sed quæ in ejus Diplomatis fine habentur, non conjecturæ opus nobis esse, sed manifestam rem faciunt, ut scilicet non tantum Arichis iussione, sed etiam dictatu conscriptum illud fuerit: sic enim legitur: *Quod Præceptum Oblationis ex iussione, & dictatu nominatæ Potestatis scripsi ego Ewaldus Notarius.**

(3) De Arichis Capitulari uberrimè egimus Dissertat. IV. De Legibus pag. 256.

Doctrinae cumulum, quæ optimum verè perfecit, Pietatem quoque eximiam adjunxit: Sic enim inter alia plura de Arichi Paulus luculenter conscripsit:

*Quod Logos effinxit, moderansque quod Ethica pangit,
Omnia considerat mitis in arce sua.
Srenuus eloquii divini cultor, & index,
Peruigil in lacrymis tempora noctis agens.*

Et paulò post ita illum alloquitur:

*Ornasti Patriam Doctrinis, Mœnibus altis,
Hinc in perpetuum laus tua semper erit (1).*

Habes itaque, quidquid *Logos effinxit*, idest Philologia univerſa latè complectitur, edocetque, quicquid *moderans Ethica pandit*, vel (ut legendum puto), *moderansque Poetica pangit*, ab Arichi conditum (ubi pro *mitis* legerim) *Mitis in arce sua*. Habes *Divini eloquii cultorem*, *indicemque*, qui scilicet Divinorum Librorum lectioni vacaret, quam pro rerum opportunitate ad publicam utilitatem expromeret. Habes denique ab eo tum *Doctrinis*, tum *Mœnibus altis ornata Patriam*; qua re nihil Reip. salubrius contingere potest; neque enim armis tantum, verum etiam literis, bonisque artibus populorum securitas constabilienda est, quæ si perpetuo inter se foedere conjuncta sint, summam rerum omnium felicitatem, duplici veluti communiam vallo, nullo vel intestinò, vel externo hoste perturbandam sinent.

Sed (quæ omnium maxima, & quæ jure a Paulo *perpetua laus* dicta est) præsentem temporum suorum felicitatem in Posteris quoque provehendam Arichis curavit: in idque bina illa æquè necessaria subsidia comparavit, quibus quàm maximè statutus semel Literis honos vigere perpetuò posset: Beneventanos suos ad liberalium artium, doctrinarumque omnium studia, tum exemplo, tum cohortationibus, tum denique præmiis Arichim excitasse, non est, cur dubitemus: Quos autem ipse providentiæ suæ, illi verò ingeniorum suorum tulerint fructus, paulò inferius observabimus: sed frustra, aut non ita diù id constitisset, nisi, qui sibi superstitem Filium Arichis relinquebat, Principatus simul, ac Doctrinæ hæredem, parem denique Literarum Cultorem, Patronumque efformare satageret. Ac paternam quidem in armis, literisque gloriam Romoaldus ita æquavit, ut nisi, turbato naturæ ordine, præreptus è vivis fuisset, vivum adhuc post sua fata Arichim Beneventani agnoscere potuissent. Romoaldus itaque à Beneventano Episcopo Davide, qui funebre Carmen pro ejus Tumuli titulo lucubravat, hoc Elogium cum aliis pluribus promeruit:

*Hic Arichis dormit magni pulcherrima Proles,
Unica spes Patriæ, munus, & arma fuit.
Hic novus à multis Arichis vocabatur herilis,
Moribus, & forma, consilioque potens.
Grammatica pollens, mundanâ lege togatus,
Divinâ instructus nec minus ille fuit (2).*

Editiones omnes Peregrinii, Muratorii, Pratilli in versu penultimo habent, '*Gromati prepollens* &c. at omnino mendosè. Emendandum ego fidenter censui, atque etiam edidi: *Grammatica pollens*, ut non solum versui iustus numerus conficeret, verum etiam Grammatices (quæ scientia tunc maximè in usu, ac pretio habebatur) Romoaldus peritus demonstraretur. Si quis autem *Gromaticam* legere malit, non omnino veto; *Gromaticam*, *Artem* esse satis constat, quæ tum circa Agrorum dimensionem, tum Castrorum metationem versatur, atque utriusque Hyginus, inter Veteres, insigne Opus nobis reliquit; sed magis obvia Grammatica fuisse tunc temporis videtur, magis etiam necessaria Romoaldo, quem mundana lege togatum, idest Civilis Juris scientiâ emeritum, *Divina* præterea instructum Epitaphium commendare pergit.

Age

(1) Inter Opp. Cam. Peregr. Tom. 11. edit. Neap. pag. 73., & T. 11. P. 1. Script. Ital. Murator. pag. 310. in quibus variaz hæ habentur lectiones; nam pro *Logos* notatur *Et Phisæ*, pro *mitis in arce sua*; notatur *Mitis in arce sua*.

(2) Inter Opp. Peregrin. ex utraque superius laudata

editione pag. 75., & pag. 310. Editio Muratoriana juxta veterem editionem mendosè habet: *Gromati pollens*; sed legendum ut supra: nam Romoaldus in eo Disticho tum *Grammaticæ*, tum Legum *Humanarum*, *Divinarumque* Scientiâ commendatur.

Age nunc, quid ex eximio illo, quod hactenus spectavimus, Arichis in Literas studio in commune Beneventanorum bonum promanarit, videamus: Clarissimi Muratorii sententia est, ex Græcis (inter quos Literas in media ætate aut nunquam, aut vix excidisse, Constantinopolitanorum Cæsarium curâ, floruisse etiam nonnunquam, affirmat) in Italos, ac præcipuè Neapolitanos, Beneventanosque emolumenti nonnihil derivatum; itaut quicquid Literatum ex utrisque tunc prodierit, quidam veluti rivulus ex uberrimo Græciæ fonte profluxisse videatur: Quoniam (inquit) cum Græcis vicinis, & nonnunquam Dominis multum commercii eras Neapolitanis, neque exiguum Beneventanis, propterea eodem Sæculo nono Beneventi bene fuit liberalium Artium studiis (1). At nollem, hæc Viro doctissimo tam confidenter, inconsultoque excidisse, cui etiam de adeo proluxa Literarum laude Græcis attributa ægrè assentimur. De Neapolitanis autem, in quibus commercii assiduitas, subjectionisque ratio eximium aliquid parere debuisset, nihil ipse præter Johannis Diaconi Opus, reperisse valuit: Magna verò de Beneventanis sibi occurrerunt, quibus nulla tùm cum Græcis, Neapolitanisque consuetudo, sed potius perpetuæ similitudines, crebraque prælia. Domum itaque redeundum; atque omnis ad Arichium referenda res est: Neque enim fieri potest, ut sub Sapiente Principe Literarum studia non excolantur; in easque comparandas aliorum animi vehementius, ac veluti certatim non exardescant.

CAPUT III.

Philosophia Studia Sæculo IX. apud Beneventanos præclare excolta: Quid eo nomine Ætas illa significarit: Ingens ejusmodi Professorum numerus: de quorum Principe Hilderico accuratius disseritur.

EN igitur eodem ipso, quo ineunte Arichis defunctus est, inclinante Sæculo, in Beneventana Urbe, veluti Athenis alteris, Academiam, aut Liceum ingenti Philosophorum numero constitutum. Anonymus Salernitanus, ex quo plura ad rem superius haufimus, auctor etiam est, quo tempore Ludovicus II. Augustus Beneventi degebat, scilicet circiter Annum DCCCLXX: Triginta duos Philosophos eam Urbem habuisse, ex quibus unus insignis Hildericus nomine inter illos degebat, non solum liberalibus Disciplinis apprime imbutus, sed etiam probè virtuti deditus (2). Quid Philosophorum nomine pro illius ætatis ratione intelligendum sit, explicuisse præstat: mox de ipsa Beneventanorum Philosophorum Schola, eorumque Magistro, sive Principe Hilderico dicemus.

Quotquot vel rei Literariæ, vel Virorum Literatorum monumenta ad nostram evaserunt posteritatem, non aliam, nisi Grammaticam, ejusque Artis professores (quod hactenus sciam) ex universis mediæ ætatis spatiis nobis duntaxat spectandos proferunt. Felix, fortunatumque sibi duxit Carolus Magnus, dum ad Gallorum eruditionem eos Grammaticæ Artis magistros nactus fuit, qui (uti ex Engolismensi Monacho superius didicimus) etiam Computatoriam docere idonei essent, Arithmeticam videlicet, numeralem scientiam, supputandique rationem, hominum non tam emolumento, quàm societati inprimis necessariam. Paulus Diaconus (quamquam is supra Grammaticorum sortem, classemque se erexerit) Felici cuidam Grammatico, utpote suorum temporum præconio, posterorumque memoriæ digno, peculiare Historiæ suæ Caput dicavit, quem Grammaticum tantum Rex Cunibertus dilexit, ut ei baculum, argento, auroque decoratum, inter reliqua sue largitatis manera condonaret (3). Qui in Historiis, Chronicisque suis memorandos, atque inter clarissimos, optimèque de Rep. meritos Viros recensendos, Grammaticos, sui muneris exultimarunt, num iidem Scriptores Viros alios, si fortè sublimioribus scientiis, nobilioribusque disciplinis præditos invenissent, filuisse putandi sunt? Beneventanæ Urbis singulare decus est, ut in diuturna illa Rei Literariæ calamitate, tunc primum (ut videtur) Philosophi audirentur, ac Philosophiæ vox, & professio suo postliminio donarentur. At quales (inquies) Philosophi Beneventani hi? Non ita certè imprudens ego, amplificandæque Majorum nostrorum gloriæ studio abreptus, ut ex solo Philosophorum Vocabulo, Elogioque, aut Academicorum, aut Peripateticorum, aut denique præclariorum alio-

ALTER

K k 2

alio-

(1) Antiquit. Med. Ævi Diss. XLIV. T. III. pag. 820.

(2) De Gest. Longobard. Lib. VI. cap. VII., Tom. I.

(3) In Chron. cap. CXXXII, Tom. II. Opp. Peregrin. Script. Ital. pag. 493.

edit. N. ap. 1750. pag. 234.

aliorum, quorum agmina vetus Græcia alebat, Philosophorum Scholam, apud Beneventanos instauratam, aut obtrudam, aut extundere gestiam. Est tamen, quod eò nomine non omnino indignos probet: fortasse etiam melioris Philosophiæ & Sectatores, & Magistros ostendet.

Philosophiæ vocabulum, spectata quidem ejus scientiæ origine, ac primæva Professorum exercitatione, ad id vitæ institutum, quod rationali homini, atque studiosius excolendis virtutibus dedito pertineret, posterior Ætas adhibere cœpit. Hinc Monastica professio *ἡ φιλοσοφία* ab Ildoro Pelusiota vocatur Lib. 1. ep. 260.; & Majoranus in Novella de Sanctimonialibus: *Cum hujusmodi (inquit) observatio Philosophiam religiosa mente suscipiens, non cogentis imperio, sed spontanea, ac matura deliberatione capiatur.* Hinc Philosophari idem ac Monachum agere erat apud ejus Ævi Scriptores, a Cangio laudatos. An igitur pro triginta duobus illis Beneventanis Philosophis totidem habebimus Monachos? non ita quidem: cum Philosophorum moribus, haud certè in ipsis desideratam Philosophiæ scientiam affirmamus: Erat, inquam, quod nostris temporibus desiderandum videtur, in quibus præcipua Philosophiæ pars neglecta jacet, veteri quidem hominum vitio, de quo ab suo usque ævo peccari a Philosophis Seneca querebatur: *Aliquid (inquit) præcipientium vitio peccatur, qui nos docent disputare, non vivere: aliquid discentium, qui propositum adferunt ad Præceptores suos, non animum excolendi, sed ingenium: Ita quæ Philosophia fuit, facta Philologia est* (1). Absit verò, ut Philosophiam despiciendam velim, quam Sanctissimi, Sapientissimique Ecclesiæ Patres ita singulas per partes excoluerunt, ut ex illa non solum doctrinæ, morumque disciplinas hauerint, verum etiam opportuna ad Christianæ Fidei tutelam subsidia sibi compararint (2). Utque ab illa, in qua versamur, ætate, exempla petamus: En tibi S. Petrum Damiani ad Gregorium PP. VII., tunc Hildebrandum Monachum, ita scribentem: *Thesaurum tollis Aegyptiis, unde Deo Tabernaculum construas, qui Poetas, ac Philosophos legis, quibus ad penetranda Mystéria cœlestis eloquii subtilius convalescas* (3). Ut jam illud mihi, atque omnibus persuasum, ratumque sit, Philosophiæ studium Sacris Scripturis expeditius intelligendis prodesse plurimum; ac tum maxime fore saluberrimum, si ad ea, quæ extra nos sunt, edificanda, inquirenda, disputanda ita incumbamus, ut nos ipsos (quod difficilior est, quod præcipuum, quod nunquam satis discitur) prius nosse discamus; sic denique in rerum naturalium cognitione, contemplationeque versemur, ut non in illis, vel inani curiositate, vel eruditionis blandimentis contenta sitere se mens, sed ad illarum Conditorum asurgere debeat.

Quid igitur de nostris Philosophis statuendum? Horum quidem studia, instituta, professionem paullo post illam, in qua florere, ætatem, ex urbe, sive Ecclesia Mediolanensi arguere proclive est. Mediolanensis Historiæ Scriptor Landolphus Senior, quæ post Sæculum x. vigere in ea Urbe Philosophorum Scholæ cœpissent, his verbis tradit: *In atrio interiori, Philosophorum schola diversarum Artium peritiam habentium, ubi urbani, & extranei Clerici Philosophia doctrinis Studiosè imbuebantur, erant due, in quibus, ut Clerici, qui exercitiis tradebantur, curiosè docerentur, longa temporum ordinatione Archiepiscoporum stipendiis . . . ipse Præsul Magistros, ac Scholares in studiis adhortabatur* (4). Eximium istud Mediolanensium decus non abnuimus, quæ tamen Beneventanos præisse non omnino temerè affirmamus. Ipsa certè Philosophorum frequentia, quos ad duos supra triginta Beneventum Sæculo ix. numeramus

(1) Epist. cviii. edit. Paris. 1613. cum notis Lipsii, aliorumque. De eodem argumento præclare agit idem Seneca epist. xx.; & Arrianus in Epictetum l.iii. c. xxi.

(2) Insignis est de hoc argumento S. Hieronymi Epistola (lib. 11. ep. 1. edit. Rom.) ad Magnum Oratorem Romanum: *Quæris, inquit, cur in opusculis nostris secularium litterarum interdum ponamus exempla, & candorem Ecclesiæ Ethnicorum foribus polluamus. Nunquam hoc quæres, nisi te totum Tullius possideret, si Scripturas Sanctas legeres, si Interpretes earum, omisso Volcacio, evolueres. Quis enim nesciat, & in Mose, & in Prophetarum Voluminibus quædam assumpta de Gentilium Libris, & Salomonem Philosophis Tyri, & nonnulla proposuisse, & aliqua respondisse, unde in exordio Proverbiorum commonet, ut intelligamus sermones prudentie, versutusque verborum, Parabolas, & obscurum sermonem, dicta sapientum, & ænigmata,*

quæ propriè Dialecticorum, & Philosophorum sunt. Deinde Pauli Apostoli, versus Epimenidis, & Menandri usurpantis, exempla commemorans, *ne parum (subdit) hoc esset, Ductor Christi Exercitus, & Orator invidius pro Christo causam agens, etiam Inscriptionem fortuitam torquet in argumentum Fidei.* Didicerat enim, verò a David, extorquere de manibus hostium gladium, & Golie superbissimi caput proprio mucrone truncare. Tum singulos sapientissimos, sanctissimosque Ecclesiæ Patres recensens, vel ex eorum scriptis eos Philosophiæ, Literisque secularibus sedulam, ac omnino instructis suis utilem operam dedisse demonstrat. Vide etiam Epist. xv. ejusdem Libri in princ. ad Domnionem.

(3) Opusculo xxxii. in fine T. 111. opp. pag. 286. edit. Cajetani.

(4) Hist. Mediol. lib. 11. cap. 35.; inter Script. Ital. T. 1v. pag. 93.

merabat, ipsorum in liberalibus Artibus præstantia, ac demum in morum sanctitate conspicuitas, quid ni ejus Scientiæ Scholam, collata utriusque Beneventani tum Principis, tum Antistitis ope, ac providentiâ institutam, eorundemque cura, ac favore alitam, provectamque tutò conjectemus? Certè de Antistite Urso, qui anno DCCCXXXI. in Beneventana Cathedra sedere coepit, illustrare nobis monumentum Hildemarum servavit in Commentario suo ad Regulam S. Benedicti, ubi ejusdem ad illum epistola est de vera pronunciandi ratione: Ac Commentatorem quidem audire libet: Nunc autem (inquit) qualiter ratio legendi lectionem à modernis Magistris traditur, & docetur, subjungendum aptum esse duximus: unde, ut magis, magisque pateat, Epistolam, quam Hildemarum Magister Urso prædestinato, atque electo Episcopo Sanctæ Beneventana Ecclesiæ de ratione bene legendi scripsit, prius subjungere curamus: Deinde cetera, quæ ad lectionem pertinent, tam ex traditione quorundam modernorum Magistrorum, quàm ex auctoritate B. Augustini, & ceterorum Doctorum inferius subnectemus: Hac est præfata Epistola: SUO SANCTISSIMO DOMINO URSO HILDEMARUS INUTILIS SERVUS SALUTEM (1). At quid (inquit) Orthographia cum Philologia? Eos ex Hildemaro habemus, qui rectè legere, non qui philosophari didicerint. Sed eò rem deducendam volui, ut hoc saltem exemplo, quæ Sæculo percurrente IX. in provehendis Literarum studiis, Beneventanorum Antistitum accuratior opera fuerit, intelligeremus. Nam quum eodem tempore Philologica studia Beneventi floruisse aliqui constet, par certo, ac de rudimentis ad sublimiorem doctrinam necessariò comparandis, illorum cura esse debuit. Hinc manasse facili conjecturâ affirmabimus, ut in Beneventana Ecclesiâ (ne hac in re Mediolanensi concederet) Clericorum eruditioni Scholæ fuerint institutæ, quarum Magister ex Canonicorum coetu (uti superioris Dissertationis cap. IV. probatum est) deligebatur.

Ac quum semel ab ipsa Philosophia ad Grammaticalia rudimenta, rectamque pronuntiandi, seu legendi rationem descenderimus, licet & nunc addere, quæ simul apud Beneventanos per eadem tempora fuerit peculiaris scribendi ratio, seu forma. Nec verò Lectori id fastidio erit, quòd rem neque minusculam, neque mediocrem Beneventanorum laudem præferat. Auctor V. C. Canonicus Garampius Archivi Vaticani Custos, in Inventario Librorum Pontificis Bonifacii VIII. confecti anno 1295. Librum inter alios recenseri his verbis descriptum: *Quidam Liber antiquus de Littera Beneventana* (2). Viri ejusdem doctissimi conjectura est, *Litteram Beneventanam* eam fuisse, quæ vulgò *Character Longobardicus* appellatur, ideo dictam, quòd, Longobardis extinctis, adhuc in Beneventanorum usu esset. Si V. C. Marchionem Maffejum audiverimus, tum *Litteram Beneventanam*, tum *Characterem Longobardicum*, somnia esse, atque inter vulgares errores referenda censebimus. Ita enim is: Il P. Mabillon con fontuosi rami, posti nell' opera sua, ove le carte si rappresentano colle forme de' loro caratteri, frammezzavi anche tal volta l' interpretazione, il che dal Papebrochio alterò erasi fatto nel Propileo, facilitò a tutti sì fatto studio, ma nell' aver confermata la vecchia volgar credenza, anzi ampliatone l' inganno, col fissar cinque generi di antichi caratteri Latini, cioè Romano, Gotico, Longobardo, Sassonico, e Francogallico: Io non posso conformarmi alla sua dottrina; mentre son per mostrare nel proseguimento, come non ci fu carattere Gotico, non Longobardico, non Sassonico, e non Francogallico, e son per dimostrarlo sì chiaramente, che i principj Geometrici non faranno così evidenti (3): An Vir eruditus hanc Geometricam, sive evidentissimam demonstrationem postea præstiterit, incompertum mihi est: Demonstrare fortassis volebat, in Characterè Gothico, Longobardico, Saxonico, Francogallico, literarum Romanarum, seu Latinarum vestigia aliqua, aut etiam plurima inveniri, quæ apud Gothos, Longobardos &c. eundem Characterem Romanum, barbarè licet, atque pro earum Gentium ruditate, foedè deformatum, corruptumque ostendant: At id simul (quod neque Maffejus, neque alius quispiam præstare poterit) ostendendum erit, ex solo Romanorum commercio tunc primùm eas Gentes scribere didicisse; itaut nullum iis à natura ingenium fuerit, nullusque honos debeat, Græcis utique, atque Hebræis communis, apud quos diversos quidem à Romanis Characteres fuisse, hodieque servari, satis constat.

Præstat igitur, ad veterem *Litteram Beneventanam* comprobandam, atque illustrandam illa heic referre, quæ V. C. Abbas Jo. Chrysostomus Trombelli de varia Membranarum medi-

(1) Epistola isthærelata est à Cl. Mabillonio in Appendix, T. II. Annal. Benedic. n. LXI. Eandem ex Commentario ad cap. XXXVIII. Regulæ describit Mabillonius, qui ipsum Commentarium Hildemaro attri-

buentum demonstrat in d. Annal. lib. XXXII. num. 30.

(2) Apud Illustrem Borgia Memor. Ist. di Benevent. T. II. pag. 281.

(3) Maffei Istoria Diplomatica p. 113. Mantova 1722.

dii, infimique ævi forma conscribit (1): Ho enumerato finora le lettere, che sembrano aver sofferto ne' Codici, e nelle Scritture maggior mutazione; per altro nelle Scritture fra il 1000. e il 1100. vi s'incontrano delle lettere, che se, o dal paragone con altre scritture di simil genere, o dal contesto non si diano a conoscere, sono a' di nostri affatto inintelligibili; e tali sono *CC E 3W* le quali corrispondono alle usate nostre a. e. r. t. Nella Libreria della Chiesa nuova di Roma vi sono moltissimi Codici, scritti quasi tutti con tali caratteri, i quali Codici (per quanto mi attestò il chiarissimo Padre Bianchini) furono anticamente trasportati dalle Spagne, e donati a que' Padri da un' insigne loro Benefattore; dal che congetturava esso P. Bianchini, che fossero scritti in quell' antico carattere, che usavano i Goti, allorchè colà dominavano; su' l che non ho io argomenti da abbracciare, o da rifiutare tal congettura. Ne' nostri Paesi sono rarissimi tali scritti; pur qualche frammento ne ho veduto, e ne possiede due carte, anche ampie, tratte da' vecchi Antifonarj il P. Martini, valorosissimo Maestro di Cappella di S. Francesco. . . . Vengo accertato da Persone pratiche della Cancelleria Apostolica, che di questo stesso carattere tuttavia si servano li Scrittori delle Bolle Pontificie, specialmente allor quando vi son materie riguardevoli, chiamandolo carattere cordellato &c. Ex quo clarissimi Trombelli loco illud libenter ad rem nostram derivare jam nobis opportunè suppetit, raro admodum ejusmodi Scripta occurrere in transiberinis Regionibus, quarum is Bibliothecas, Archivaque præclariora perlustrasse fatetur. Nihil contrà in nostris Regionibus magis obvium, atque familiare; satisque fuerit, præter Archiva Monasterii tum Casinensis, tum Cavenfis, Bibliothecam Ecclesiæ Beneventanæ cursim spectare, quæ copiosam veterum ejusmodi Codicum supellectilem volenti statim exhibebit.

Hæc igitur illa ipsa censeri debet *Littera Beneventana* (nam de Codicibus Hispanicis veteri Gothorum cura, ac characterè exaratis, nugari certè voluit Blanchinius, qui, si ex nostris Regionibus, ac Characterè Longobardico conscriptos dixisset, neque à vera aberasset, neque pretii minus illis fuisset), hic, inquam, Character ille Longobardicus affirmari debet, apud Beneventanos, Longobardico Principatu ad quinque Sæcula Beneventi vigente, in peculiarem Gentis usum receptus. Quanto autem in usu fuerit, quanto etiam studio excultus in Italia Cistibantina, præcipuè verò in principe urbe Benevento etiamnum (uti dixi) ostendunt plurimi adhuc superstites nostræ Bibliothecæ membranacei Codices, Sæculi x., xi., ac xii. ætatem ferentes. Quatuor tantum literarum formam degustandam veluti dedit laudatus Trombellius: digna tamen res est, atque ad nostri Operis institutum, præsentisque argumenti rationem pertinens, ut Lectori magis conspicuum præstem, adjecit æreâ Tabulâ expressum, ejusdem Characteris specimen: Subjicere oculis in eadem Tabula libuit quoque alterius characteris formam, qua Beneventani in Scripturis privatis Sæculo x. utebantur, descriptum ex autographo Diplomate primi Archiepiscopi Landulphi anni 971., quo scilicet ex Diplomate non Notarii modò scriptionem, sed & aliquot subscriptionum ab aliis factarum formam excepi. Diploma istud habes à me relatum, atque illustratum superius: Interim in utroque Characterè videas quandam enitere pro temporum ratione elegantiam, atque gravitatem; videas etiam par in privatis Viris, præsertim Ecclesiasticis, rectè scribendi studium, ac consimilem penè formam servatam, qua ex re non ineptum deducere tandem licebit argumentum, fuisse scilicet Beneventanorum animos ad sublimiorum doctrinarum disciplinam satis pronos, ac præcipuè comparatos; fuisse, inquam, quod Sæculo iv. Symmachus Senator eorum laudi, inter alia plura, vertebat, *Literarum amantes*, non earum tantum, quibus sola scriptio, sed quædam liberalium studiorum significata eo nomine complexio continetur; unde haud magnum, neque insolens videri cuique debet, si Sæculo ix. ingens Philosophorum Cohors è Beneventanis emerferit.

Erat itaque Sæculo ix. (uti jam dicere coepimus) Beneventi, præter inferiores Literarios ludos, Philosophiæ Schola, erat Literarum, Morumque Gymnasium, unde Viri prodirent, quorum ingenio, consilio, muneribus, tum Respublica, tum Ecclesia feliciter uterentur: atque quod ad Mores attinet, dum non alio, quàm Philosophorum nomine appellatos legimus, nulla esse dubitatio debet, quin eos ad sanctioris, seu eminentioris Philosophiæ documenta compositos existimemus. Accedit etiam (quæ paulò ante demonstrata est) eorum temporum ratio; non enim alios Philosophos posterior ætas agnoscebat, vocitabatque, quàm eos, qui sanctioris vitæ genus amplexi,

(1) Trombelli *Arte di conscrivere l'età de' Codici* &c. cap. xiv. pag. 86. Bologna 1756.

α ε. ς π

Specimen Characterum Longobardicorum
quibus Codices membranacei Bibliothecae Beneventanae
conscripti sunt.

Incipit uita sancti iohannis
heremite

En edicatus
ds qui uult
omnes homines
saluos fieri.
Et in cunctis generationibus
ut et cunctis uenturis &c.
Explicet prologus

Incipit uita Sancti Johan-
nis heremite
Benedictus Deus qui uult
omnes homines saluos fieri
et in agnitionem ueritatis ue-
nire &c.
Explicet prologus

Primum igitur
cunctis uiam
uere funde
in cunctis uis opus
ad exemplum bono-
rum omnium sume
mus iohannem &c.

Primum igitur
tanquam
uere funda-
mentum nostri operis
ad exemplum bono-
rum omnium suma-
mus Johannem &c.

Specimen Characterum autographi Diplomatis Landulfi
primi Archiepiscopi Beneventani Anni DCCCCXXI. cum subscri-
ptionibus omnium ordinum Cleri Ecclesiae Beneventanae.

Inni dni di scilicet iohannis de uile luno olaccho curio ph
dni pcel doct exuru pncipis & ceteris anno domi lccn-
dolp gtoh pncipis hie men apzhs qui ceteris decimalis
Nec non & lccn domi lccndolp uenepdojh apchiz ex quo
dosaeuete beneueteccn & liponccn eccle apchiz petul
ordin cccul esce. &c.

+ Ego m ceteris gtoh apchiz ex iussu domi lccndolp apchi
Epi me sub.
+ Ego lccn apchiz ex iussu domi lccndolp apchi Epi me sub
+ Ego lccn apchiz ex iussu domi lccndolp apchi Epi me sub
+ Ego lccn apchiz ex iussu domi lccndolp apchi Epi me sub

+ BE NE LA LE TE

Integrum huius Diplomatis Exemplar, ejusq. interpretationem habes in hoc Tomo pag. 379.

plexi, animi virtutibus cæteris præfulgerent. Quamobrem si inter Sodales suos non solum liberalibus disciplinis apprime imbutus, sed etiam probè Virtuti deditus *Hildericus* erat, certissimo istud argumento erit, cæteros etsi non omnino *Hilderico* cœquandos, attamen inter suos, ejusmodi fuisse, ut universos virtute superarent. Id quod etiam de Doctrina affirmasse tutissimum est. Quum enim *Ludovicus Augustus Hilderici* præstantiam compertam habuisset, mirari coepit, & Principem *Adelchisum* acclamavit, & ei verbis talia promittit: *Volueram veraciter agnoscere in hac Urbe, quis liberalibus Disciplinis super omnes est deditus. At Princeps coepit nominare cæteros sapientes, verum Virum Dei Hildericum obmisi.* Hæc idem tradit *Anonymus*, atque ex his rectè (si Imperator, quinam liberalibus disciplinis Beneventi excelleret, sciscitatur, Princeps verò cæteros, præter *Hildericum*, *Sapientes* indigitat) jam illud rectè consequitur, ut duos illos supra triginta Philosophos, liberalium artium, Philosophiæque studiis, tum sedulo deditos, tum præclare perfunctos dicamus.

Sed id quoque *Anonymo* debemus, ut ex *Hilderico* ipso quale *Literaturæ* genus Beneventi tum floreret, etiamnum probè scire, judicareque possimus. De *Hilderici* eruditione plura is præfatus, dictorumque suorum apud posteros fidem veluti quæsiturus, aliquot illius *Carmina Chronico* suo adnexuit, atque utinam nonnullarum fabularum loco, quæ non mediocriter indulget; plura ejusmodi monumenta nobis servasset. Satis verò ea *Carmina* sunt, ut ex ipsorum argumento, Auctorisque stilo, tum de Sodalium ingenio, tum de Doctrina, cui pari studio incumberent, genere, atque institutione probè judicemus. Quamobrem *Hildericum* parumper audire non pigebit, sic inter alia de Deo concinentem:

*Hic Opifex Mundi, verbo qui cuncta creavit,
Ex nihilo fingens omnia nempe simul.
Absque labore labor, cui posse, & scire, quod esse:
Cujus opus velle est, cui labor alta quies.
Vne, ac Trine Deus, Lux, & Sapientia vera:
Regnum immortale Tu sine fine tenes.
Tempora Tu condens, solus sine tempore regnas:
Verè ut principium, sic tibi finis abest.
Principium, & Finis; Primusque, Novissimus es Tu,
Quem currunt infra, tempora, sæcla, dies.
Cuncta arcens mutas, Tu non mutaberis unquam:
Semper eras, qui nunc, semper erisque manens.*

Hæc inter alia plura *Hildericus*, Deo quidem digna, feliciori verò, ac sublimiori, quam Ætas ferret, dictata stilo: quorum carminum specimen dedisse sufficiat, ut exinde ad Auctorem ipsum penitus dignoscendum properemus.

Hildericum Casinatus Monasterii alumnus, sic certò statuit Editor *Neapolitanus Ope- rum Camilli Peregrinii*, ut ex eo capite *Anonymum Salernitanum* exposculet, quòd plus æquo in illius laudem effusus, suos, (inquit) collegas quoquomodo extollere conetur (1). Tam verò falsum est, Monachum fuisse *Hildericum*, quam falsa, aut saltem incerta ipsius *Salernitani Chronographi* Monachica censeri debet professio (2). Quidquid autem de *Chronographo* arbitrari libeat, *Hildericum nostrum*, certum est ab altero *Hilderico* fuisse diversum, qui inter illustres Viros *Casinate* à *Petro Diacono* relatus, fucum editori, aliisque fecit, ut unum, eundemque pro binis ipsis *Hildericum* conflarent. Clarissimum

(1) Tom. II. pag. 236. edit. Neap. 1750.

(2) Ex sacra Scriptura, Sanctisque Patribus, quos importunè *Chronographus Salernitanus* ostentat, tum verò ex *Regis Carolomanni* Monachum *Casinate* agentis gestis curiosius relatis monastico habitu eum induit *Cam. Peregrinius* in Præf. ejus *Chronici* §. 4., sed non tanti illa sunt, ut hanc sibi potestatem *Peregrinius* arriperet. Audi *Cl. Muratorium* in Præfat. ad ejusdem *Salernitani Prolegomena* T. I. Script. Ital., qui postquam illustri loco natum comprobasset, *Ecclesiasticæ* quoque (inquit) militiæ additum fuisse *Anonymum nostrum*, sunt quæ persuadeant: *Passim quippe Sacre Scripturæ pbrastibus, atque auctoritate utitur, & in*

*SS. Patrum scriptis minime sese hospitem exhibet, usque adeò, ut non immerito ipsum Monachis Benedictinis Peregrinius adscribat. Quod postremum sententia quoque mea suspicari, affirmare tamen perfectè non liceat: Nusquam enim Monasterii sui, suorumque Abbatum meminit: à quo Monachus vix temperasset in tot rerum gestarum, bellorumque narratione contextenda: Idque in causâ fortasse fuerit, quòd Clarissimus Vir Mabilonius in Annalibus Benedictinis eum inter Scriptores Instituti sui minime numeravit. Hæc viderit Neapolitanus editor, qui *Anonymum* cum ipsa *Muratorii* Præfatione reculit.*

rissimum Fabricium audire non pigebit : *Hildericus Abbas Anno 834. per paucos dies Casinensis, scripsit versus de Præceptoris sui Pauli Diaconi origine, vita, institutione, doctrina, religione, & habitu, quos lucidissimos vocat Petrus Diaconus de Illustr. Casinensibus Cap. ix. Edidit illos Joh. Baptista Mari in notis ad Petri Cap. viii. Non sunt versus plures, quam xli. Vix dubito Hildericum hunc alium ab eo esse, cujus Epistolam metro alligatam recitat Anonymus Salernitanus: Dirigitur ad Ludovicum II. Imperatorem, cui fausta multa apprecatur: incipit: Hic Opifex Mundi &c. Fortè tamen Hilderici Epistola hujus Scriptoris ætas paullo recentior est, quàm, ut componi possit cum Hilderico Casinensi: ille enim Epistolam hanc dedit circa Ann. 876.: Casinensis verò Abbatem illius Coenobii egit Anno 834. Verum Anonymi Salernitani fides in re Chronologica per annos illos nequaquam est indubitata (1). At si eo tempore haud quidem Casini, sed omnino Beneventi Hildericus florebat, quo Ludovicus II. inter Beneventanos versabatur, sive (ut ipse Anonymus scribit) præerat Samnitiis, jam ex præclarè indicata locorum, temporumque diversitate, indubitata Anonymi fides manere debet, alterque ab altero distinguendus Hildericus est. Quadraginta circiter à Casinatis Hilderici morte ad Beneventanum Hildericum effluxere anni, dum prioris vitam ad annum 834. protrahi liceat: hoc enim anno in Abbatum Casinatum seriem à Peregrinio refertur, cujus etiam brevissimam dierum septemdecim Præfecturam, simulque nomen, Auctor Chronici Longobardorum, sive Monachorum S. Benedicti omittenda censuit (2). Convenit præterea apud omnes, Hilderico huic Paulum Diaconum Præceptorem extitisse, quem Annum 799. non fuisse prætergressum statuit Cl. Mabillonius, Bucelinum notans, qui illius obitum ad Annum 787. perperam retrahebat (3). Pauli discipulum Hildericus ipse se profitetur in Epitaphio, quod in illius memoriam, laudemque acrostico metro composuit, ex literis initialibus hunc versum extundens:*

Paulus Levita, Doctor præclarus, & insons.

sic enim claudit:

Hac tibi posco, sacer, gratum sit carmen honoris.

Hildric en cecini, quod lacrymando tuus.

Atque hi quidem versus, uti reliqui, rudes, & impoliti (quos tamen pro suo, suæque ætatis gustu, ac facultate, lucidissimos vocat Petrus Diaconus) quippe ab elegantiori Hilderici nostri stilo alieni, alium Casinatem à Beneventano affirmandum suadent. Quid igitur inter utrumque Hildericum commune, quos & stili diversitas, & (quod magis est) longissima annorum intervalla fecerunt? Neque enim fieri potest, ut quamvis Hildericus monachus Pauli Diaconi, anno 799. defuncti, discipulus, ad Annum 834. vitam produxisse credatur, adhuc ipse idem Hildericus Philosophus sit, qui circa annum 870. Beneventi florebat. Sinamus igitur, ut inter offusissimas illas illiteratorum temporum caligines in Beneventanam Urbem, quendam veluti Literarum asyllum, recepta incolumis Philosophia sedem sibi, atque honorem recuperasse lætetur; ampliùs verò eos Alumnos, Cultoresque habuisse gaudeat, qui doctrina, moribus, ipso demum numero, ac frequentia, in Reip., atque Ecclesiæ decus, & emolumentum evaserint.

CAPUT

(1) Bibl. Latin. med., & infim. ætat. cum supplemento Schoettgenii, & notis Cl. P. Mansi Tom. xii. pag. 208. edit. Patav. 1754. Hallucinatur verò sive Fabricius, sive Schoettgenius, qui Hilderici lucubrationem epistolam vocat, ad Ludovicum directam, eique fausta præcantem; itaut nullimodo eam legisse probetur. Plura ex Hilderici Carminibus superius recitavimus, in

quæis omnibus nihil ad Ludovicum, vel de Ludovico legere est.

(2) Tom. v. Opp. Peregr. pag. 134. edit. Neapol.

(3) Annal. Benedict. lib. xxvi. 2d Ann. 799. n. 85. pag. 317. T. ii., in cujus Appendice num. xxxv. p. 668. Epitaphium ipsum exhibetur.

CAPUT IV.

Beneventani Sapientes sub Lothario I. Imperatore: lidem Sacrorum Canonum, & Ecclesiastica Disciplina inprimis periti, rectam de Pontificis Formosi Ordinationibus sententiam protulerunt.

Post Philosophiam, illud videlicet Sapientiae gymnasium tum ingeniis doctrinâ imbuedis, tum animis virtute exornandis institutum, haud Jurisprudentiae injurius videbor, quæ eodem Saeculo IX. apud Beneventanos exculta, in secundum locum rejecta sit; etenim (ut mox videbimus) Philosophis, qui certò extiterint, Jurisprudentia debet, ut ipsam apud Beneventanos tunc floruisse, non indubiè affirmemus. Extat in Libris Feudorum. Imp. Lotharii I. *De Successione, & Culpis militis fidelis Constitutio*, quæ sancita asseritur tempore Eugenii Papæ (idest anno 824.) ante Januam B. Petri Apostoli in Civitate Romana per laudamentum Sapientum Mediolani, atque Papiae, seu Cremonae, & Verona, quæ vulgo Berona vocatur, & Tarvisi, & Padua, atque Vincentiae, Parmae, Lucae, Pise, & Syonti (1). De scriptis Urbium nominibus nullimodè suspicari fas erit, post Viri eruditissimi, perspicacissimi-que Cujacii operam, qui in ea lectione restituenda peculiarem se adhibuisse curam fateatur (2). Quid igitur? Dum Syontinum inter ceteras Italiae Urbes commemoratam habemus, verè ex ea Urbe Sapientes illos prodiisse, atque ab Augusto Lothario Romam accitos dicemus, qui ferendæ Legi, laudamento suo, idest judicio, consilioque accessisse videantur? Non ita quidem: Nam Syontinatum Sapientum appellatione (docta, ac verax Peregrinii explicatio est, à Cl. Assenano probata (3), *ni universa Beneventanae Regionis venerint Juris-Consulti, cur in eo Conventu Sipontini potius, quàm reliqua ex Cistiberina Italia accesserint fuerint, minimè capiemus*. Quo autem Cistiberinae Italiae, seu Beneventanae Provinciae loco, Sapientes, seu Jurisconsulti ii florere debuerint, nisi Beneventi, principe videlicet Urbe, ubi Philosophiae studia, Philosophorumque choros eodem fermè tempore, sub ejusdem nempe Lotharii filio Ludovico II. enituisse spectavimus? Nihil certè facilius, nihil certius, quàm ut Lotharius Romæ consistens, eamque conditurus Sanctionem, ab universis Italis servandam, uti ex Transiberina Italia variarum Urbium Sapientes, ita ex Cistiberina Beneventanos, satis Romæ vicinos, nec non omnium nobilissimos, sapientiaeque famâ clarissimos sibi Consiliarios advocarit.

At quum auctoribus, argumentisque satis validis Jurisprudentiae studium Beneventanis adferuisse conatus sim, vereor, ne iis praecalam hanc laudem præproperè tribuisse videar. Negotium quippe Cujacius idem facessit, qui ejusdem Constitutionis auctorem, non primum, quem Constitutio praefert, sed secundum, immò tertium Lotharium agnoscendum contendit. Pro Eugenio itaque Pontifice ejus nominis II., Innocentium item secundum restituendum monet, qui anno 1130. Petri Cathedram conscendit, quinquennio post quàm junior Lotharius Imperium fuit auspicatus: Sicque uno gradu trium Saeculorum intervallum transiliens, atque ad eam infimam aetatem rejiciendam Constitutionem arbitrat, hanc etiam scrupulosam Jurisprudentiae laudem Beneventanis reliquisse videtur. Cujacio hæc statuenti jamdiù occurrit Peregrinius, atque ex loco Urbis Romæ, ubi Constitutio proposita, ac promulgata refertur, scilicet ante Januam B. Petri Apostoli nullo modo ad Lotharium III., Innocentiumque II. referendam ostendit, id ex Frisingensi, ac Falcone certum probans, Ecclesiam tunc B. Petri ab Pseudopontifice Anacleto occupatam detineri,

ALTER

LII

tineri,

(1) Feudorum lib. I. Tit. XLII.

(2) In Comment. ad d. Constitut. Tom. II. Opp. pag. 1216. edit. Neapol. 1722. In Veronæ nomine quod additur, (*quæ vulgo Berona vocatur*) non est ex Cujacio: is enim veterem Scripturam se retinuisse, ait, *quæ vulgo Longobardorum nomen exprimit, Beronæ, aut Berna; nam & bodiè Berna Helvetiorum, & Veronæ, idem Germanicè est nomen Bern. Possimè emendant quidam (quæ vulgo Brennona vocatur) & falsissimè asserunt, Veronam olim Brennonam diciam. Sed qui Beronam legant, optimè quidem se habent; nihil enim facilius, immò antiquis familiarius, quàm ut litteram V., pro B., & è contra adhiberent, uti ex veterum monumentis, ac posterioris ætatis scripturis passim constat. Satiùs igitur fuerit, atque consultius, Beronam legere, qualem Veronam vulgus eo tempore appellabat, quàm ad Germanicum, sive Longobardicum vocabulum Bern confugere, idque singulare in Verona admittere, quod in recitatis eodem Constitutionis loco aliis Italiae Urbibus haud factum fuit. At explicationem suam Viro summo permittamus, dummodo is nobis de Syonti consentiat.*

(3) Peregrin. in Dissert. de Finibus Benevent. Ducat. ad Septentr. pag. 279. Assenano. Ital. Hist. Scriptor. Tom. I. cap. XIV. pag. 459.

tineri; quamobrem non ita facilis Lothario, Innocentioque ad id rei illuc patuisset accessus. Teneo quidem Viri sententiam, qua tamen non satis Cujacio factum videri potest. Quum enim, eodem animadvertente Jurisconsultorum eruditissimo, eo loci Imperatores Roma Constitutiones suas promulgare, & proponere solerent (1), nihil vetabat, ut Ecclesiam, Palatiumque detinente Anacleto, reliqua tamen Urbe Lotharii, Innocentiique obsequiis addicta, in ea exteriori Atrii parte ex more, institutoque majorum ejusmodi promulgatio celebraretur. Ex ipso itaque Cujacio confecta magis videri res potest; non enim illud Cujacius siluit, extare scilicet in lib. III. Legum Longobardicarum Tit. x. Capitula quatuor, quæ Legibus Longobardorum Lotharius primus addidit ad limina Beati Petri sub Eugenio. Cur igitur ea, qua de agitur, Constitutio non Lothario eidem adjudicanda erit? Certè Scripturæ fidem laudata ejus Augusti Capitula comprobant; augebunt etiam quamplures aliæ Lotharii Leges in Italia, proque Italia promulgatæ, quæ Artium studia (uti initio observatum est) instaurare curavit, aliaque plura observanda fancivit, quæ Eugenius II. in Synodo Romana anni 829. constituerat (2). At hæc inter Sæculi ix. caligines de Beneventanorum Jurisprudencia perlustrasse satis modo fuerit: Quòd si quis me indulsisse conjecturis existimaverit, non heic, quæ ad Jurisprudentiam pertinent, deprompta, atque exhausta omnia, sed tantummodo prælibata sciat, nec adeò ejus rei mendicos putet Beneventanos, mox non dum eodem elapso Sæculo de Jurisconsultis suis præclariora daturus.

Nonum certè Sæculum Stephanus Pontifex ejus nominis Septimus ita clausit, ut infeliciori Sæculo decimo initia dederit. Formoso is anno 896. successit, quem sequenti anno sepulcro extractum, Sacrifque vestibus exutum, & tribus mutilatum digitis, in Tiberim abjiciendum damnavit. Crimini tam sœviter expiando, demortuo licet Formoso datum fuit, quòd relicta pristina Sede in Romanam involasset; at Sergii potius instigatio in causa fuit, quem Formosus in adeundo Pontificatu æmulum habuit, hominem nulla re, nisi splendore familiæ (nam is ex Comitum Tusculanorum genere Cardinalis Presbyter creatus fuerat) commendatum. Hinc factio Sergianorum adversus Formosum, quam Wido, ejusque filius Lambertus solum Imperiale adepti, deinceps fovere perseverarunt. Formoso mox honorem restituit Romanus Stephani Successor, neque aliud præstare potuit unius mensis spatio Pontificatu potitus, uti nec Romani successor Theodorus II., qui pari spatio Petri Sedem tenuit: At qui ei successit Johannes IX., Stephani Acta abrogavit in Synodo Ravennate, ubi Formosi violatores sepulcri damnati, & Formosus ipse, ut qui necessitatis causa ob vitæ merita ex aliena Ecclesia ad Romanæ administrationem venisset, Pontifex confirmatus cum ipsius Actis, sancito, ne quid in posterum simile fieret, edicto. Celebratam eam Synodum anno 898. tradit Sigonius, qui ejus decreta recenset (3). Baronius ad annum usque 904. protendit; antecedenti verò Siebertus adscribit. At eo Concilio non omnino extincta præteritorum malorum congeries fuit.

Relictis à Stephano Formosi Actis omnibus, Ordinationes quoque irritæ fuerunt declaratæ. Pluribus ejus ævi Scriptoribus testatam rem satius erit, mihi quoque opportunius ex illo Fragmenti Historici, cujus Anonymus Beneventanus Auctor est, loco, nondum aliis observato comprobare. Sic enim is ad An. dcccxcvii.: *Paucis quoque post hinc diebus elapsis Stephanus Vicarius Apostolorum Formosum Papam prædecessorem suum ex sepulchro abjecerat, irritas faciens cunctas ipsius ordinationes; cujus Corpus post menses xi. inventum est integrum; quod dum huc, illucque crebrius jactaretur, etiam sanguis exiit, tanto jam tempore elapso* (4). Plurimi certè Anonymi nostri (de quo paulò inferius sermonem habebimus) testimonium hoc æstimari debet, non tam de irritatis à Stephano Formosi Ordinationibus, quam de ejusdem Formosi virtute, quam incorruptum adhuc post menses xi. ejus cadaver, etiam sanguine manans, satis spectatam, exploratamque suis quoque adversariis facere videbatur. At quod ad Ordinationes attinet, urgebat imperantis Pontificis auctoritas: quamobrem plerique Antifites, ac Sacrorum Ministri iteratam manuum impositionem susceperunt, ut exinde Siebertus Auxilii Libris mordacem titulum appinxerit: *De ordinationibus, exordinationibus, superordinationibus*

(1) Satis priscum, luculentumque ejus Rei exemplum habetur ex Cassiodoro Var. lib. ix. cap. xvii., ubi Rex Athalaricus Edictum, tabulis marmoreis inscriptum in Atrio S. Petri affixum voluit: *Tam definita nostra (inquat), quam Senatus Consulta tabulis marmoreis precipimus decenter incidi, & ante atrium B. Petri Apostoli in testimonium publicum collocari.*

(2) Vid. ejusd. Lotharii I. Leges in Cod. Leg. Longobard. T. i. P. ii. Scriptor. Ital. pag. 149., ibique à Gl. Muratorio notata n. 102. 106. & 108.

(3) De Regn. Ital. lib. v. Agit quoque de ipsa re Rubens in Hist. Ravenn.

(4) Opp. Cam. Peregrin. Tom. 111. edit. Neapol. pag. 299.

tionibus Rom. Pontificum (1): Alii verò in semel susceptæ ordinationis administratione persistentes, non omnes tamen invaliditatis scrupulos etiam post Ravennatenſe Concilium à se submoverant (2). Sicque factum fuit, ut multorum ea de re, quæ nondum satis explorata existimabatur, & conscientiæ, & ingenia torquerentur. Horum autem unus Leo fuit, qui Formosi electione, atque ordinatione Nolanæ Ecclesiæ Episcopatum adeptus, anceps animi, Viros prudentes, reiquæ definiendæ idoneos, quorum iudicio tuto acquiesceret, consulendos sibi duxit (3). À Gallis primum, seu Francis de ea re responsum postulat, quo vix contentus, Beneventanorum sententiam efflagitavit, ac denique Auxilii iudicio deferendam existimavit. Sed Auxilium ipsum audire non pigebit, hac Præfatione Dialogum suum Leoni offerentem: *Missa legatione asseris te violentas pati oppressiones, ut Episcopale Sacerdotium, quod olim a Papa Formoso suscepisti, quasi nihil sit, irritum facias. Qua ex causa fateris, te mirifica solertia Francos, nec non & Beneventana Civitatis Peritos consuluisse Viros, eorumque consulta apud te scripta retinere, quæ te huiusmodi transgressionem committere manifesta ratione prohibeant. Nihilominus autem cogis me, objectionibus, quas adversus eundem Formosum Papam, ejusque ordinationes quidam objiciunt, dialogico schemate breviter respondere. Faciam quod hortaris &c.* (4).

Non id equidem mihi indulgeam, ut Auxilium ipsum inter eosdem Beneventana Civitatis Peritos recensendum existimem: Neque enim eodem, quo Mabillonius erga gentem suam studio, uti ipse Francis, sic ego potiori fortasse jure illum Beneventanis adscribam. Qui, vel cujus Auxilium fuerit, nondum liquet, inquit Caveus (5). At verò à Mabillonio inter Formosi patronos recensetur Auxilium quidam Francus (fictum, an verum nomen) sed in Italia degens, & à Formoso ordinatus (6). Unde Auxilium domo Francum, sed domicilio Italum resciverit Mabillonius, nos adhuc ignoramus; testium fortasse loco conjecturam tacitus sibi fecit ex iis mirifica solertia Francis, quos consuluisse Leo ajebat: sed quum is post Francos, Beneventana Civitatis Peritos adhuc consuluisse inquit, nulla subesse videtur ratio, cur Francis potius, quàm Beneventanis adscribendus Auxilium sit: immò dum Mabillonius illum in Italia degentem consentit, aut insciari non audet, divinat certè, dum ex Francorum gente prognatum decernit. At si qua ritè, rectèque institui queat, integra maneat inter Francos, Beneventanosque de Auxilio lis; illud ex Auxilio certum, ac commune tunc utrisque decus, nempe Francis, Beneventanisque, eos fuisse Viros Sapientiâ præclaros, quorum nomina ubique celebrarentur, rebusque in arduis consilia adhiberentur. Gravioris profectò momenti de Formosi Ordinationibus dubitatio, ac controversia erat; de qua sine eximia Canonum scientia, sine perspectis Patrum auctoritatibus, sine exemplis, ac rationibus probe judicari nequibat: Id certè Auxilium uberrimè præstitit; quemadmodum illius, quæ ad nos pervenerunt, lucubrationes ostendunt; Id quoque à Beneventanis præstitum affirmare licet, quorum consulta apud se scripta retinere, Leo fatetur; ut jam apud Beneventanos, sæculo labente nono, quàm feliciter, celebriterque utraque tum Ecclesiastica, tum Civilis Jurisprudentia floruisse, illustri satis, ac certo prorsus monumento demonstratum sit. Sed de Beneventanorum Jurisprudentia, cum ad inferius avum ventum fuerit, adhuc luculentiora supersunt, postremo loco dicenda.

ALTER

LII

CA.

(1) De Scriptor. Eccl. cap. 111.

(2) Id patet ex Libris ab Auxilio lucubratibus post Concilium Ravenne celebratum: nam lib. 11. cap. xxix. quæ adversus prælatum Concilium objiciebantur, sic diluit: *Quod delatis muneribus tale quid (i. e.) ut tam Formosus, quàm ejus ordinatio in suo vigore stabilita permanerent, statutum fuerit, probare minimè potestis. Nos autem eo plurimi vobiscum luce clarius compertum habemus, quod non solum Romulæ Civitatis, sed omnes penè Italia Præfules memorato interfuisse Concilio: Quapropter si favente Deo regalis potestas universale fuerit Concilium, quid de vobis censendum erit, qui tot Episcoporum sanctiones irritas facere non veriti estis? Si Morinum audiamus, non dum perempta controversia est: Nam in *De Sac. Ordin.* P. 11. ubi Auxilii libros edidit à pag. 348. Formosum non ita culpæ expertem fuisse contendit, quin Stephanus probabilem in eum mortuum sæviendi causam habuerit. Mabillonius (qui ejusdem Auxilii Dialogum eodem de argumento conscriptum edidit *Vet. Anal.* 2. pag. 28.*

edit. Parisien. 1723. aliis rem judicandam relinquit: sed jam judicatam in Concilio Ravennate agnoscere æquum erit pro ipso Formoso, cujus laudes latè exequitur Frodoardus tum in Historia sua, tum in Libro metrico de Romanis Pontificibus T. 111. Scriptor. Ital. Muratorii.

(3) Hoc Nolano Episcopo Leone aliquantisper suppletur ingens lacuna, quæ apud Ughellum occurrit in Episcopis Nolanis T. v. Ital. Sac. pag. 154.; nam post Jacobum, qui floruit anno 843. plures desideratos Episcopos ait, quos nonnisi ab anno circiter 1093., atque à Saxone, qui sub Urbano II. extitit, recensere rursus cepit. Hunc verò Leonem ejus nominis quartum dicere licebit, quandoquidem tres alii cognomines Deceffores usque ad sæculi vii. exitum Nolanæ Ecclesiæ præfuisse leguntur.

(4) Apud Mabillon. in d. Veter. Anal. pag. 40.

(5) Hist. Eccl. Script. ad Ann. 894. pag. 478. edit. Genev. 1720.

(6) L. 1. pag. 32.

CAPUT V.

*In mediis, inferiorisque ævi Historia conscribenda veteres Beneventani præclare versati;
Eorum Nomina, & Opera recensentur, atque generatim illustrantur.*

AD Historiam nunc gradus erit. Nullum finem hæcenus habuerunt, nullum etiam habituræ sunt Doctorum Virorum querelæ, quod inter alias quamplures, quas Media Ætas tulit, calamitates, Historicorum inopiâ laboraverit, quasi malorum suorum ita ipsam puderet, ut perpetuis veluti contexta tenebris abscondi mallet, quàm in posterorum lucem, aspectumque se prodere. At quum Posteritatis bono redivivam haberi præstaret, jamdiu ab iisdem Viris doctis enixius impensa opera est, ut monumenta illius omnia, quoquot, atque cuiuscumque pretii essent, è latebris suis emergerent, eaque jam Historicorum ex sterili licet solo Messis exoriretur, quæ si non ubertate, ac probitate saturaret, haud jejunos tamen nos, tenuis licet, ac lolii plena relinqueret. A' superioris itaque sæculi initio hoc Beneventanæ Civitatis vindicatum decus est, ut ex mediis barbarici Ævi tenebris Historicos suos proferret, qui reliquis per eam ætatem Scriptoribus neque fide, neque industria, neque ingenio concedentes, novis, nec mediocribus emolumentis utramque Remp. Literariam, ac Christianam locupletarunt. Prodiit Neapoli Anno 1626. V. C. Antonii Caraccioli curâ quatuor veterum Chronologorum collectio, seu fasciculus, cui res Propylæa præmisit, ac eruditas notas, ceû flores quosdam continenter aspergit: Auctores Codex exhibet Herempertum, Lupum Protospatam, Ignotum, ac Falconem, qui omnes ab anno 717. ad annum usque 1140. res Beneventanas, res videlicet Italiæ cisteriberinæ, quæ Beneventano continebatur Principatu, ipsi sibi quodammodo tum tempore, tum instituto, ac munere succedentes literis commendarunt.

At non hosce solos, uberius mihi mox illustrandos Chronologos è media Beneventanorum ætate proferre sat fuerit: Illorum enim Choro accensendus, qui eadem fide, parique in patrias res posterorum memoriæ commendandas studio cum ipsis comparandus, quoad Chronologiam verò, ac stilum accuratiore opera antefendus est Anonymus Beneventanus, cujus Historiæ Fragmentum primus omnium edidit Camillus Peregrinus. De eo igitur Scriptore doctissimi Editoris iudicium audire præstat, quippe quod libentius, ac tutius ab eo Viro profectum excipiemus, qui & idoneas æstimator videri debet, & nullo se in Beneventanos amore teneri, quo immeritam genti laudem adscriberet, alibi professus est (1). Sic itaque in Anonymum Beneventanum Peregrinus inter alia præstat: *Is nulli hæcenus memoratus Scriptori, nullius pariter Historiæ reputatus est auctor, ac siqua huius Fragmenti olim habita est notitia, ea talis exitit, ut inde creditum illud fuerit pars Historiæ Erchemperti, in cujus scriptis Codicibus continenti habetur textu, nullo discriminis indice eidem præfixo. At idemmet ipsum prodit se integri alieni Operis divisam remansisse portionem, si modo, qua inibi primo occurrant loco, attentè observentur verba. Quinimò Erchemperti æmulatione Auctarium quoque suum Paulo Diacono illum superaddidisse non diffiteor, quod propositum pariter insedit Anonymo Salernitano; sed Beneventanus peritior utroque fuit; altero scilicet (Erchemperto) temporum ordinem diligentius custodiendo, altero verò (Salernitano) prudentis Scriptoris perpetuò normam servando. Cui haud leviter profuit, patriam habuisse Beneventum, Urbem perditissimis etiam sæculis numeroſo literatorum Virorum choro florentem, sicut Anonymus Salernitanus tradit etsi adfirmare non ausim Anonymo Salernitano æqualem fuisse, nec ne. Verum de his cum valde sollicitus non sim, illud quidem pro comperto habendum puto, utilissimum hoc Fragmentum Beneventano Auctori concedi debere (2).* Hæcenus Peregrinus.

Sub decimi Sæculi exitum Anonymum Salernitanum floruisse, in Præfatione ad ejus Chronicon Tom. II. editum statuit Peregrinus, consentitque Muratorius (3). Sub noni verò exitum Anonymi Beneventani Historia explicat, itaut integro Sæculo Beneventanum Salernitano præiſſe hac ratione statui posset; at quum de Fragmento tantum agitur, quemadmodum eam Historiam longè antea sua duxisse exordia Peregrinus rectè conjectavit, ita

(1) In Præfatione ad Dissertationes T. v. edit. Neap. an. 1754. pag. 195, & inter Script. Ital. Muratorii T. v. pag. 164.
(2) In Præfatione ad Anonymum Benev. T. III. Opp.

edition. Neapolit. 1751. pag. 293; & Tom. II. P. I. Scriptor. Ital. Muratorii pag. 277.

(3) In altera Præfatione T. II. P. I. Scriptor. Ital.

ita ultra nonum Sæculum productam opinari æquum erit, non ita tamen, ut qui reliquis de rebus Salernitano præstat, non etiam tempore antecedere noster Anonymus videatur. Maximam autem ex eo utilitatem nobis præstari jure, meritoque pronuntiavit Peregrinius; idque mihi non solum ex Formosi Papæ gestis superius ostensum fuit, verum amplius in hujus Operis decursu demonstrandum erit; itaut dum integram nostri Anonymi Historiam perisse dolemus, quod tamen ad nos pervenit *Fragmentum*, integris, prolisique aliorum Historiis pretiosius reputasse, jam liceat.

Venio nunc ad Caraccioli Chronologos; nec verò adversus servatam hæctenus in hac Dissertatione temporum rationem peccare me arbitror, si à postremo omnium Falcone ordiar, ad vetustiores alios, quos is secum habet, veluti sodales, mox reversurus. Falco igitur, (quem mendose aliquibus *Fulconem*, falsò Vossius *Folcardum* appellat) nomen ipse suum, & Patriam, & munera nobis prodidit. Singula luculento Cardinalis Baronii testimonio, ipsisque verbis audire præstabit: *Quod ad res Beneventanas pertinet* (ita is in exordio Anni MCXIII.), *locuples nacti sumus monumentum rerum temporis hujus, nempe Chronicon Beneventanum ad nos missum à Maximiliano à Palumbaria Beneventano Archiepiscopo amico charissimo, in quo res gesta ab hoc anno narrantur, usque ad Annum Redemptoris MCXI., continens annos duntaxat vigintiseptem, sincera planè, & integra fide conscriptum, utpote qui scripsit ea, vel vidit, vel ab iis, qui viderunt, audivit. Auctor Falco nomine dictus est, quem etiam Beneventanum Patria fuisse liquet ex ejus scriptis, & in eadem Beneventana Ecclesia Clericatus munere functum; ex quo quidem pleraque sunt Annalibus inferenda. Hæctenus illustrissimus Annalium Ecclesiasticorum Parens; cui de Clericatus munere, quo Falconem functum affirmat, adversatur Camillus Peregrinius; qui eandem de Falconis Clericatu, quam appellat *malesanam*, opinionem aliquando sibi receptam alpernatus, nonnisi Notarium illum, ac Scribam Sacri Beneventani Palatii, tandemque in sua eadem Patria Judicem, non juridicundo, seu Litibus judicandis, sed *Decurionem*, seu Senatorem fuisse contendit. Peregrinio assentiri videtur Pagius in Baroniana Critica; sed Baronii conjecturæ, quæ loquentis Falconis perisique formulæ Virum Ecclesiasticum ostendentibus satis validè innititur, favet Notarii. *Scribæ* munus, Clericis mediæ, infimæque ætatis, utpote literarum, vel magis, vel solum gnaris commendari consuetum (1): Neque Judicis turbare officium, seu dignitatem poterit, quam contra vocabuli vim, contra morem quoque ætatis illius ad Decurionem trahere Peregrinius laboravit (2).*

Historiam itaque Patriæ suæ, quæ Romanorum tunc temporis Pontificum, Italiæque cisteriberis res præclare gestas complectitur, Falco lucubravit, annorum initia non à die xxv. Decembris, non à Kalendis Januarii, neque à xxv. Martii, sed ab ipsis Martii Kalendis auspiciatus (3); ab anno verò non MCXIII., uti Baronius inquit, sed MCII., uti accepha-

(1) Res isthæc jam observata est à Cl. Muratorio, qui in *Antiquit. Med. ævi* Dissertationem xxi. Notariis dicavit pag. 664., & seqq., nequicquam servata tum Caroli M. Lege, tum Innocentii III. Sanctione, quibus Scribæ, Tabellionisque officium Viris Ecclesiasticis interdixit fuit: Secus enim servandum illiteratorum temporum ratio postulabat, uti domesticis plurimum Sæculorum exemplis probare promptum est ex vet. Chronico S. Sophiæ apud Ughellum Ital. Sacr. T. VIII., five x., ubi qui Notarii, vel Scribæ Diplomatis subseribunt, etiam se *Clericos* passim, aliquando etiam *Diaconos*, & *Abbatem* profitentur.

(2) Esto enim, quòd *Judices* aliquando pro *Decurionibus* appellati sunt, ut ex exemplis patet ab ipso Peregrinio relatis, non ita tamen in re præsentì obtinere debet, sed propria retinenda erit vocabuli significatio, quam Falconis ipsius locus ad An. 1133., quando ad id munus electum commemorat, præclare indicat: quumque (inquit) *prædictus Girardus Cardinalis Rector præfesset Civitati, consilio cum prædicto Repolone Consiliabulo accepto, & aliis Civitatis Sapientibus, Falconem Notarium, Scribam Sacri Palatii, illius Opusculi sacrorem, sicut in principio legitur, Judicem Civitatis ordinavit.* Anne, ut Decurionum albo describeretur is, qui Notarii, Scribæque Sacri Palatii, honestiori

fortasse munere, pro ejus doctrina jam fungeretur, & Cardinalis Rectoris, & Comesabilis, & aliorum Civium Sapientum consilium, judiciumque adhiberi oportebat? Quid verò in ea electione Civitatis Sapientes, nisi ut Virum probarent *Sapientem*, ac juridicundo idoneum? Paulò inferius videbimus nobilissimum Rosfridum Judicem Beneventanum, qui non quidem Decurio, sed in *Legum dogmate fidus Doctor* fuit.

(3) Id jam Peregrinio observatum, & pluribus ex ipso Falcone adductis exemplis demonstratum, cui rei & Pagius assentitur. Annus *Æræ* vulgaris varium, apud varios populos obtinuit, atque etiamnum fortitur exordium. Rem hanc leviter tetigit Muratorius *Antiq. Med. ævi* T. III. Dissert. 34. p. 45: *Fuerunt* (ait) *olim, & sunt adhuc in Italia Populi, ac præcipue Florentini, qui serius, quam nos, annum novum à die 25. Martii incunt, ac propterea annum ab Incarnatione appellant; quod sedulo perspicendum, utpote indicium discriminis nominis non levis ab altera formula nostris temporibus servè ubique usitata, scilicet à Nativitate, sive, ut reliquis Regiones, & alii scribunt, à Circumcisione, hoc est à Kalendis Januarii. Aliquibus autem, & præsertim Pisanis novus annus ab Incarnatione, novem mensibus antevertebat vulgarem annum nostrum à Nativitate; fuerunt etiam, ac præsertim apud veteres*

acephalum Chronicon ostendit, exorsus: Ac mutilum, non sine dumtaxat, sed suo quoque principio opus ipsum ad nos pervenit, itaut in aliquot, post MCXL. annos Falconem excurrisset, plurimos verò ante MCII. præmisisset certa sit conjectura. Ac Peregrinius quidem, Vir certè summo ingenio præditus, at sententiarum suarum parùm constans, quas in deterius nonnunquam mutare consuevit, Falconiani Chronici exordium ab ipsa Pontificiæ Dominationis Epocha repetebat, quum primùm scilicet an. MLXXVII. Beneventana Civitas Apostolicæ Sedis juri, jurisdictionique subesse cœpit: sed postea eadem Paschalis II., ac Falconiani Chronici initia constituens, nonnisi Anno MII. ab altero Pontificatum, ab altero scriptiorem, suscepta arbitrat: retractatæ sententiæ nullam is affert, nec ego reperio causam: quod si mutilo operis principio altiora tribuenda sunt, nihil profectò veri videtur similis, quàm ut Falco boni, vel saltem mediocris Chronographi, Historicique recepto more, ab memorabili illa Epocha, quæ paucis ante annis effluere inceperat, & ipse incepsisse debuerit, quum videlicet extincta cum Landulphi VI. vita Longobardorum Principum successione, post ejus Principis obitum (ut Anonymus S. Sophiæ ait) recta est Civitas per Romanam Ecclesiam. Atque illorum quidem præcedentium annorum seriem, vel saltem summam recensuisse facile, atque omnino præceterum Falconi fuit, qui jam Notarius, ac Scriba anno MCII. (à quo nunc Chronicon incipit) scribens, idest ætate maturus, superioris temporis, quod ad an. MLXXVII. vix annos XXV. antevertit, æquè oculatus fuisse testis probatur. At ejus principii, quo Opus omnino constabat, jacturam ut iniquè minus feramus, narratio illa in causâ est, quæ superstiti Operi exordium modò faciens, Legationem commemorat *ferè centum nobilium, & bonorum Virorum*, quam Beneventani Romam ad Paschalem II. miserunt, *ut Pastorem electum corroborare dignaretur*; ut videas eo nobilium, simulque bonorum Virorum ingenti numero, qui Legatorum muneri idonei, inter quamplurimos alios & genere, & virtute præstarent, æquè sub recenti Apostolicæ Sedis, ac sub veteri Principum Longobardorum Imperio, servatum Beneventanæ Civitatis pristinum decus, ampliùsque Civibus suis comparatum fortasse splendorem, atque dignitatem. Sed hæc aliàs. De Operis editione, ac merito tulisse judicium satis modò fuerit.

Non omnium primus obstrictas manus Falconi præbuit Caracciolus. Jamdiu is in promeritam lucem editus fuerat alterius Beneventani Civis Julii de Syndicis ope. Hanc laudem Viro illi docto, atque hac de re benè de Patria, ac Cive suo merenti, non inviderunt neque Caracciolus, neque Peregrinius, qui aliis Chronologis supradictis Falconem sociantes, Julii præfatiunculam præire fiverunt, qua is Falconis Libellum corrossi, & literarum obscuritati proximum, ut apparet ex defectu Principii, & Finis, ne tantum opus periret, exemplandi onus suscepisse, Longobardicis tantum Characteribus in Latinis commutatis, idest summa fide, parique diligentia ex vetustissimo autographo descripsisse ait. An Falconiani Chronici exemplar a Julio curatum, Italicis typis vulgatum tum fuerit, non dum novi; illud sat scio, non solum ex illo exemplari plura alia prodiisse, quorum unum illud fuit ab Archiepiscopo Palumbaria Baronio transmissum exeunte sæculo XVI.; verum etiam

teret Germanos, qui annum revera a die 25. Decembris numerare incipiebant. Hæc Muratorius. Latius rem exequitur Johannes Lucidus, qui aliis prævit in Emendationibus Temporum Venet. 1546., & quod ad Florentinorum, Pisanorumque exemplum a Muratorio prolatum attinet, hæc accuratius observat Lucidus p. 67. Quidam *reliq̃* computant annos ab Incarnatione Domini, addentes annis a Nativitate ipsius computatis per Ecclesiam scilicet novem menses, quibus fuit in utero Virginis ante Nativitatem, ut *reliq̃* computant Pisani, qui hoc anno a Nativitate Domini 1524. post vigesimam quartam diem Martii sunt in Anno ab Incarnatione Domini 1525. & sic adnotant in suis Literis, & Codicibus; sed in hoc errant Florentini, & Senenses, qui annos ab Incarnatione postponunt annis a Nativitate, quod annos Domini numerare incipiunt completo primo anno à Conceptione jam nato Christo per tres menses: Conveniunt tamen cum Ecclesia post 24. diem Martii, non tamen antea tribus mensibus. Dicunt tamen aliqui, quod antiquitus conveniebant cum Pisanis; sed postmodum eam vellent convenire cum Ecclesia, & non auderent immutare principium anni a die 25. Martii, si-

cut semper antea consueverant, incidere in hanc deordinationem, ut nec cum Ecclesia, nec cum Pisanis conveniant. Ceteræ Nationes extra Italiam communiter cum Ecclesia conveniunt. Romani verò annos Domini a Kalendis Januarii incipiunt octavo die à Christi Nativitate, & conveniunt cum Ecclesia, excepta prima hebdomada Nativitatis ejus; & hunc modum tenent recentiores Astronomi, qui annos Domini ad Januarium reduxerunt. Hæc omnia observasse non piguit, ut priusquam de certo aliquo anno statuatur, populi, regionive mos animadvertatur de anni exordio; neque ita facile (in re Chronologica alioqui difficillima, ac ferè semper incerta) de uno, vel altero anno, antecedenti, vel subsequenti, inutilis, verbosissimæque controversiæ moveantur. Certè in nostro Falcone corrigendum Baronium Pagius censuit, quod Pontificis Paschalis II. adventum in Beneventanam Urbem ad annum MCXIII. retulerit, ad antecedentem verius retrahendum. Interim ex ipso Falcone id Beneventanis fortasse singulare fuisse dicendum erit, ut a Kalendis Martii olim annum auspiciari consueverant.

etiam pluribus ante annis Falconis opus typographicè in publicam lucem emissum. Ante enim Caracciolum, Peregrinium, ac Baronium, primævæ hujus editionis ignaros, Falconis Chronicon inveniri, legique poterat in Collectione Veterum Siciliae Historicorum, quam anno 1579. (mox ut scilicet Julius Falconem exemplaverat) Francofurti impressam Casimirus Oudinus testatur (1).

Quod verò ad Operis meritum, æstimationemque attinet, aliorum judicium recitare libet; ac primum, quàm opportunè, quàm etiam lætanter Falconem Baronius exceperit, ex Baronio eodem paulò superius audivimus, qui Chronicon Beneventanum *sincera planè, atque integra fide ab eo conscriptum*, atque ex ipso quidem plerumque Annalibus suis inferenda proficitur. Falconis Chronicon cum reliquis à Caracciolo editis, magno sibi usui fuisse Pagius subdit. Falconem nostratum Historicorum media ætatis ob fidem, nec prorsus ineptam diligentiam facile principem Peregrinius appellat. Caraccioli tandem hæc sunt: Falco, trium superiorum loco quidem postremus, diligenti tamen gestorum, locorumque enarratione profectò primus habendus est. . . . Hoc Chronico, res sui temporis, easque præcipuè, quæ Beneventani contigerunt, adeò fusè, accuratèque describit, ut tibi, Lector, non legere, sed præsens esse videaris. Falconis denique commemoraverunt tum Aubertus Miræus (2), tum Antonius Possevinus (3), tum Gerardus Johannes Vossius, ut videas summis Viris non modò non neglectum, sed sua quoque laude commendatum hominem, de quo sic laudatus Vossius: *Henrici V., Lotharii II., & primis Corradi III. temporibus, in studiis versabatur Folcardus (perperam pro Falcone) domo Beneventanus, atque ejusdem Urbis Clericus, auctor Chronici Beneventani*, quo narrantur res gestæ ab anno 1113., usque ad annum 1140.: Erravit verò cum Baronio Vossius, qui Chronici initium anno MCXIII. assignat; consentit verò, ab eo res *sincera planè, & integra fide* narrari, quippe qui referat illa, quæ vel ipse viderit, vel viderint illi, à quibus accepisset (4). Quamvis autem Falconis stylum barbarie horridum, caussetur Caracciolus; incultum, & semibarbarum æquior Peregrinius judicet; stabit tamen integrum, neque parvis hisce maculis, ætatis potius, quàm ingenii vitio adscribendis, detrahendum Operi pretium; nam si, Caracciolo Judice, verum illud scimus, experimurque, res omnes à Falcone optima fide enarratas non tam nobis legendas, quàm spectandas offerri, quid ni is hoc præcipuo ex Capite eam sibi vindicaverit laudem, quam majori eloquentiâ, quam fide ita assequutus est Livius, ut ei quoque loquenti *patriam* objectam nemo ignoret?

Redeo nunc ad Herembertum (nam de Lupo Protospata, & Ignoto Casinensi parum, aut nihil attinet dicere), sive malis Herchembertum, aut Herkembertum, qui Genere, Virtute, Scriptis à sæculi noni exitu, ad decimi initia floruit. Radelgario, sive Adelgario patre natum, ab ipsa Longobardorum, Beneventanorumque Principum stirpe genus duxisse, præclare tradit veteri Vaticano Codici ejus Chronicon exhibenti inscriptus Titulus, nec obscurè ipse indicat in sua Epitome Herembertus, Capuanum Episcopum, & Comitem Landulphum infectatus, quòd in Beneventani Principatus injuriam Capuam ab Imp. Ludovico II. Metropolim constitui molitus fuerit, quod tamen (inquit) *Domino non sinente, ad perfectum non pervenit*. Parvulus, ac docilis ingenii puer (ut Leo Ostiensis, ac Petrus Diac. ajunt (5)) a nobili genitore Adelgario in Theanensi Monasterio B. Benedicto oblatum monasticum institutum cum Diaconi munere perpetuò professus, tum rebus utiliter gestis, tum libris præclare scriptis illustravit: Nam ad Pontificem Stephanum VI. Romam a suo Abbate ablegatus, ut bona Monasterii Capuani ab Atenulpho Capuæ Gastaldeo occupata, restituenda curaret, & generis, & virtutis, & doctrinæ meritis, & Apostolicam Benedictionem detulit, & Privilegium Sancto Coenobio obtinuit, & supradictò Gastaldeo communitarias Literas, ut universa, quæ abstulerat, protinus redderet, nisi excommunicationis veller subire sententiam, attulit. Quas ille suscipiens paruit, & omnia, quæ abstulerat, ex integro restitui jussit (6). Sed utiliore, quam docilis ingenii puer portendebat, operam lucubra-

(1) In Commentar. de Script. Eccles. T. II. p. 1257. edit. Lipsiæ an. 1721.

(2) De Scriptor. Eccl. in Auditorio cap. CCCXXX. pag. 241.

(3) In Apparatu Sacro T. I.

(4) Vossius De Historicis Latinis P. III., quæ est de Historicis prætermisiss cap. VII. p. 315. edit. Lug. Bat. an. 1651.

(5) Ostiens. Chron. Cas. lib. I. c. 46. Hoc præsentente (Ragemprando Abbate) Adelgerius quidam nobilis obtulit B. Benedicto apud Theanum cum oblationibus Herchembertum filium suum, docilis ingenii puerum. Petr. Diac. De Vir. illustr. Casin. Herkembertus Diaconus, parvulus, & ipse B. Benedicto oblatus &c.

(6) Idem Ostiensis l. I.

cubrationibus postea suis præstitisse censendus est Herempertus, ea de re meliori nomine nunc etiam celebrandus.

Plura igitur Herempertus conscripsit: ex quibus inter Ecclesiasticos Scriptores recenseri dignus à Caveo, atque Oudino fuit habitus (1). Petrus Diaconus duo dumtaxat commemorasse satis habuit; nam *De Destructione, & Renovatione Casinensis Cœnobii*, nec non *de Ismaelitarum incurfione Historiam* satis necessariam ab eo compositam recenset (2). His alia addenda sunt, quæ, vel ipsiusmet Heremperti testimonio, eura habent auctorem; quandoquidem in suo Chronico *de Vita Landulphi Episcopi Capuani Carmen* lucubrassè fatetur, *Acta* verò *Translationis Corporis S. Matthæi Apostoli* in Urbem Salernitanam conscripturum pollicetur, quæ an conscripserit, Caracciolus dubitat, nisi illa Heremperti esse dicantur, quæ M. Antonius Columna Archiepiscopus Salernitanus evulgavit.

Insignis autem cæteris Opus censeretur Heremperti Chronicon, seu fufior de Longobardorum rebus gestis Historia: locuples ejus libri testis adest Leo Ostiensis, qui post Paulum Diaconum, secundum ea de re Heremperto locum, laudemque tribuit, hæc satis honorificè de illo effatus: *De quo videlicet Arichi Dominus Herchempertus in Historia, quam de Longobardorum gente post Paulum Diaconum composuit, ita refert* (3). Hac Historia modò caremus, solà ipsius Epitome nobis superflite. Caracciolus ejus Chronici, sive Historiæ Longobardorum fufioris Prototypum in Codice membranaceo scriptum è Tabulario Ecclesiæ Salernitanæ sublatum, & trans Alpes evectum se audisse asserit, *relictis* (inquit) *nobis aliquot exemplaribus adeò mendosis, ut plerisque locis nulla planè sententia exculpi possit*. At ni nugeretur Caracciolus, vel ipse negligentem se prodit, qui Epitomen vulgandi sollicitus, genuinum Opus, cujus exemplaria superesse ævo suo fatetur, curare destitit; vel de Prototypi nusquam hactenus aut editi, aut indicati sublatione, transalpinaque asportatione imponi sibi passus est: Nobis verò id magis placet, Caracciolum in eo deceptum videri, quòd Anonymi Salernitani Chronicon, opus ab Erchemperti Historia omninò diversum, pro Erchemperto acceperit. Cæterum ex Epitome factum arbitror, ut ipsa paulatim post Heremperti ævum negligeretur, ac denique periret Historia: consimili quidem fato, quo ex Iustini, ac Flori Epitomis factum est, ut integram Pompeii Trogi Historiam, Titi verò Livii non mediocrem partem, etiamnum frustra desideremus. Extabat certè Heremperti Historia Sæculo ineunte duodecimo, quo tempore Leo Ostiensis florebat; plura enim Leo ex eo Opere hausisse, atque in suum Chronicum retulisse testatur, quæ modò in Epitome nequaquam occurrunt (4). Ex ipsa verò superflite Epitome, cujus auctorem ipsummet Erchempertum agnoscere licebit, pleraque in Annales suos, iustus ejus Operis ætimator Baronius opportunè derivavit (5).

CAPUT

(1) Casim. Oudinus T. II. p. 344. edit. Lips. 1722. Guil. Caveus Hist. Liter. ad an. 887. pag. 476. edit. Genevæ 1720. Herempertus gente Longobardus illustri stemmate ortus, genus nempe è Ducibus Beneventanis sumens, Monachus, & Diaconus Casinensis claruit an. 887. . . . Scriptis Chronicon, seu Historiam Longobardorum fufiorem, quam ad an. 888. deduxit. . . . Composuit item Carmen de Vita Landulphi Episcopi Capuani; *Acta Translationis S. Matthæi Apostoli*: *De Destructione, & renovatione Monasterii Casinensis*; *Historiam de Ismaelitarum incurfione*, de quibus videfis Petrum Diaconum.

(2) De Vir. Illustr. Cas. cap. 14. ubi vid. J. B. Mari notat. Petrum sequutus est totidem penè verbis Arnoldus Wion in *Ligno Vitæ* lib. 2.

(3) Chron. Cas. lib. 1. cap. 9.

(4) Vid. Chron. Casin. Lib. I. cap. IX., cap. XIX., & cap. XLVI. Ad posterora longè tempora eadem Histo-

ria pervasisse incolumis videtur, si Marino Freccie fides, qui in *De Subseudiis cap. De Provinc. & Civit. Regni* pag. 82. post narratam S. Tryphomeas translationem Amalphæ Salernum, se eam excepisse ait è Chronico Heremperti Longobardi in vetustissimo Codice scripto. Petrus etiam Pogianus *Hist. Monast. Part. III. cap. De Gariberga*, eorum, quæ in laudem Garibergæ, Beneventani Ducis sanctissimæ Sororis, narrat, Herempertum laudat auctorem. At verèor, ne non uterque in Anonymum Salernitanum inciderint, quem Herempertum putarint; putasse autem pronum fuit, dum Anonymus Heremperti opus pene integrum suo Chronico innexuit: quæ altera, præter Epitomen, fuisse causa videtur, ut Herempertus oblivioni datus, omninò interiret.

(5) Ad an. DCCCLXX., & seq., & ann. DCCCLXXIV., & CMXII.

CAPUT VI.

Dauserii Beneventani, qui Desiderius postea Abbas Casinensis, Victor denique III. Romanus Pontifex fuit, Doctrina præstantia, atque ex editis in utroque Munere Operibus maxima in Remp. Christianam promerita demonstrantur: Illius nomen, atque Eruditio à Guil. Cavei calumniis vindicantur.

IN longa illa, quam adhuc perlustramus, illiteratorum temporum nocte, quosdam veluti minores ignes Beneventano Cœlo collucescentes hæcenus conspexisse fuit. Nunc verò ad Sæculum XI. properantibus nobis præclarissimum omnium Sidus spectare simul, ac revereri continget. Ex Longobardorum Beneventanorum Principum genere gentilitio splendore satis locuples exortum id Sidus, longè suamet luce splendidius, Longobardici Principatus, quem vidit occasum, ita illustravit, ut immortalī posterorum memoriā superstitem adhuc illius gloriam secum servasse videatur. Is fuit *Dauserius* gentilitio nomine, Monastica professione *Desiderius*, Pontificatu denique maximo *Victor III.* appellatus. Præclarissima, quæ de summo Viro certis Veterum monumentis sparsum commendata habentur, admirabilem illius Sanctitatem satis compertam efficiunt: Illud itaque nunc propositum mihi est, ut quæ ad cæteras ejus eximias virtutes, resque egregiè gestas accessit, non impar Sapientiæ laus, Doctrinæque splendor in medium proferatur. Plura scripsit Vir summus, quum Abbas esset Casinensis, quædam etiam Pontifex. A Petro Diacono Casinensi illius suppare, vel etiam discipulo (1) distinctè recensita libenter audiemus: *Victor* (inquit) & ipse Apostolica Sedis Pontifex, Casinensis Abbas, compunctione timoris Dei plenus, castitate singularis, professione, & opere Monachus, in nuptiis sponsam suam relinquens, Eremitum petiit, ibique Sanctæ Religionis habitum sumpsit. . . . De miraculis, quæ à B. Benedicto, & Monachis Casinensibus gesta sunt, unà cum Alberico Diacono Libros edidit quatuor: Cantus etiam B. Mauri composuit, in quibus, qui vult Artis Grammaticæ tramitem, & Monochordi Sonori Magade reperire notas: factus dehinc Sedis Apostolicæ Pontifex scripsit ad Philippum Regem Francorum, ad Ugonem Cluniensem Abbatem quamplures Epistolas. (2). Et Cantus, & Epistolas à Petro memoratas desideramus: ac de Epistolis quidem mirum videri debet, quas quum Pontifex scripsisset, ad posteros non sine Reip. Christianæ, Disciplinæque Ecclesiasticæ, emolumento, evasisse sperassemus: Nullum earum vestigium apud Labbeum, aliosque reperisse est: Mabillonio debemus, quod unam Victoris Epistolam ex schedis suis in lucem prodiderit, A. Imperatrici inscriptam, quâ eam Pontifex adhortatur ad relevandum tributum Peregrinis impositum, qui ad Sacra loca properabant. Mendum autem in inscriptione cubare doctissimus Editor jure precipiat, ac non Imperatrici, sed Imperatori legendum, idest Alexio tunc temporis Constantinopolitano Imperatori scriptam arbitrat (3). Eandem nos Epistolam, brevem illam quidem, sed Pontificiæ Majestatis plenam, Scriptorisque sensa, ac monita pro negotii gravitate sapientissimè exprimentem, ut merittissimam lucem rursus aspiciat, lectorique sine labore ullo præsto sit, hæc ex ipso Mabillonio infernè describendam operæ pretium existimavimus (4); cui etiam alteram adjiciemus ab eodem Victore, seu

ALTER

M m m

seu

(1) Desiderii Abbatis Discipulis Petrum quoque, Diaconum Cl. Mabillonius adjungere videtur in *Annal. Benedict.* Tom. v. lib. LXVII. n. XXVIII. ad an. 1087. pag. 123. edit. Lucen., ubi Typographi mendum occurrat, annum CXII. pro MCXII. exhibentis. Dum verò Petrus non ante an. MCXV. (ut ipse scribit) puer quinquennis Casini B. Benedicto oblatus fuit, non is certe Desiderium anno 1087. desundum videre potuit. Petri verbe ex Codice Casinensi ab Angelo de Nuce descripta hæc sunt: *Petrus Casinensis Diaconus, Chartularius, Scribanius, ac Bibliothecarius ex Patre Egidio natione Romano, Gregorii Romanorum Patricii, & Consulis filio quinquennis sub Girardo Abbate B. Benedicto oblatus anno Dominice Incarnationis quindécimo, centesimo, atque millesimo, atque per octo ferme annorum curricula eruditus est.* Vid. eund. Mabill. l. I. pag. 575.

(2) De Vir. Illustr. Casin. cap. XVIII.

(3) *Annal. Bened.* T. v. lib. LXVII. n. XXIV. edit. Lucen.: Certè ut vir summus optimè observat, nemo nescit, Alexium non modò exercitiis ad sacras expeditiones properantibus, verum etiam ipsis Peregrinis ex Occidente adventantibus infidias tetendisse. Ejus autem avaritiam ipse Bulla probat aureis literis exarata, quâ fitetur se in angustiis redactum, Donaria sacra à Templis abstulisse: Vetat quidem ibi, ne id in posterum fiat; sed si ab Ecclesiis spoliandis postea abstulit, non tamen eum à vexandis Peregrinis moderatiorem fuisse probant ea, quæ illorum temporum Historici passim referunt.

(4) In appendice ejusdem T. v. n. XXVI. pag. 612.

Victor Episcopus Servus Servorum Dei, Gloriosæ & Dilectæ Filie A. Imperatrici Agullæ; Apostolicæ Sedis

seu Desiderio, dum Casino praesideret, S. Petro Damiani scriptam, quam ex Casinensi Archivio V. C. Erasmus Gattula nuper in lucem emisit (1).

Praecipua verò Pontificis Victoris, seu Desiderii Abbatis Lucubratio est de *Miraculis a S. Benedicto, aliisque Monachis in Monasterio Casinensi ope divina factis*, uti habet titulus Codicis MS. in Vaticana Bibliotheca asservatus. Sub nomine *Dialogorum Victoris III. Romani Pontificis*, olim *Desiderii Abbatis Casinensis* ex eadem Bibliotheca depromsit, primusque omnium edidit Johannes Baptista Mari Romæ An. MDCLII. Atque Opus quidem in Dialogi morem perscriptum est, dum Desiderius fratrem Theophilum Levitam charissimum colloquentem sibi adhibet (quem tamen Petrus Diaconus Albericum nominat): In Libros quatuor productum, vel producendum auctor ipse Desiderius testatur, nam ea (inquit) *que in hoc nostro Casinobio facta sunt, duobus comprehendam libellis, dein cætera, quæ ex aliis partibus, vel audisse, vel vidisse me contrigerit, aliis duobus libellis me concludere, comite vita, studebo*. At quum in Autographo Vaticanæ Bibliothecæ finis tertii Libri, totiusque etiam quartus, eodem Maro teste, desideretur, incertum, an ea pars injuriâ temporum perperita, vel ab ipso Desiderio ex Ecclesiasticarum dignitatum, ac munerum accessione gravioribus negotiis occupato nunquam amplius elaborata censeri debeat.

De Operis præstantia, sapientissimorum Virorum suffragio, ac, quod magis est, legentium utilitate, satis comprobata, disserere supervacuum duxissemus, nisi unus inventus esset cum suis gregalibus Guilielmus Caveus, iniquissimus operis censor, modò nobis refellendus. Quæ Caveus in Victorem effudit, hæc sunt: *Scriptis exemplo Gregorii M. de Miraculis a S. Benedicto, aliisque Monachis Casinensibus gestis Dialogorum libros IV., in quibus haud pauca reperies adeo absurda, fabulosa, & Christianæ Religionis majestate, gravitateque indigna, ut quocunque demum animo scripta sint, emunctioris navis hominibus risum movebunt; certè in iis & Scriptoris judicium, & rerum gestarum fidem meritò desiderabis*. Libri tertii finis, totusque quartus (tot enim scripsisse Victorem ipse nobis, & Petrus Diaconus auctores sunt) in Autographo Vaticano deerant; an alicubi adhuc delitescant, non liquet; nec tanti res est, ut curiosius investigemus. Tres hosce Dialogorum Libros ex Codice Vaticano primus eruit, notisque Romæ edidit J. B. Marus: deinde prodierunt cum ejusdem notis Parisiis an. 1666., inde apud Mabillonium *Sac. Benedict. IV. P. II. pag. 415., apud Henschenium ad XXI. Martii, & in Bibl. Patrum tom. XVIII. pag. 837.* Oratio ejusdem ad Episcopos in Synodo Beneventana habita reperitur

dis debito compellimur, majoribus, & min'oribus non uberrare solitaria (fort. salutaria) monita; in qua utique causa tandè magis insistere sublimioribus debemus, quandò eos temporaliter plus prodesse, aut nocere posse Christi pauperibus scimus. Unde cupiens tuam dignitatem in futuro non condemnari pro temporalis oppressione Perogrinatorum, & pauperum, sed glorificari pro relevatione eorum, denunciamus, & obsecramus in Domino, ut à visitantibus Sancti, & gloriosi Sepulchri ejus facias cessare gravissimam, & importabile tributum, quod eis imponitur a tuis Officialibus. Ut enim alia, quæ ubivis locorum Imperii tui patiuntur, taceamus, in duobus tantum locis adeò angariantur, ut pro singulis equis tres auri, & ex binis pedibus totidem tollantur. Insuper equos eorundem Oratorum violenter ablato, quandà voluit, angariant, & vexant. Cujus quidè periculi malum, nisi quantocius Imperiali edito à Regno tuo propellat, in animam tuam quod adit, redundaturum scias: quia ad majores respiciet, quicquid a minoribus delinquitur; & facientes, & consentientes pari pena plebentur. Nos tamen, ut decet, semper in bono memores tui, & tue venerabilis genealogiæ, optamus à premulitis sic temet, ac tuos regere, quatenus sic nomen bonum, quod melius est, quàm divitiæ multæ, acquiras, ut in futuro gaudium Domini tui feliciter introcas. Valerè perpetuo tuam excellentiam, & optamus, & oramus, atque ut, Romana Ecclesiæ, scilicet primæ, & propriæ matris tuæ, sicut, te decet, recorderis, eamque semper venereris, admoventis:

equidem ipsa jugiter tui in bono recordatur, & aviam prospiciam tuam veneratur.

(1) Hist. Casin. P. II. pag. 585. Quanta observantia S. Petrus Damiani Desiderium coluerit, satis probant epistolæ xiv., & xv. Libri II., quibus illum Archangelum Monachorum appellat. Petrum vicissim colebat Desiderius, qui nullum majus, acceptiusque necessitudinis, studique sui argumentum ei præstare potuit, quàm quum in Monasterii sui fastigiorum societatem admitteret hac epistola: Domino Petro Damiani Venerabili Episcopo Desiderius Abbas Dei gratia quicquid est salutem. Quoniam satis clare innouit, quod hoc Monasterium S. Benedicti, cui præesse videor, plus omnibus aliis circumquaque fundatis, diligas, cunctis Fratribus nostris laudantibus, ac libenter consentientibus, promittimus tibi Ven. Fr. Petre ego Fr. Desiderius cum tota Congregatione hujus S. Coenobii memoriam obitus tui annualiter nos habituros, posterisque nostris hoc idem observare fideliter cupientes, sicut consuetudinaliter prædecessorum nostrorum Abbatum, qui noviter de hac luce migraverunt, officiosissimè celebramus. Satis quippe dignum, & honestum nobis videtur, ut quibus tantam dilectionem impendis, tantam benevolentiam ostendis, aliquid emolumentis rependamus, ut quot ita incoeperis amare, semper dum viveris, amor tuus crescat in nobis, dum aliquid devotionis, & amoris præter solitum a nobis te speras consequiturum. Si quis autem hujus nostræ pollicitationis violator existerit, vel nobiscum viventium, aut succedentium, ante Tribunal Christi reus mendacii presentetur.

Ego qui supra Desiderius Abbas subscripsi.
Ego Frater Rainerius subscripsi.

ritur apud Leonem Offienſem Chron. Caſin. Lib. III. cap. 17., & Baronium ad an. 1087. (1). An verò meliora pro Victore Dialogos ſuos exemplo Gregorii M. ſcribente à Caveo expectanda erant, qui antea Gregorianos Dialogos anilibus, ineptiſque fabulis reſertos, ab homine credulitati ſue nimium indulgente, in fabulas pluſquam par erat, propenſore, ac in lingua Latina mediocriter, ne quid gravis diceret, verſato concinnatos proclamarat (2)? At qui Gregorii exemplum, ideſt animum, ſtilum, diligentiam ſequutus eſt Victor, eandem Gregorii fortunam ſubire gaudebit, non equidem eorum, qui utriuſque, ſeu veriùs Catholice Fidei, ſolidæque pietatis adverſarii ſunt, ſententiâ, ſed graviffimo ſapientiſſimorum, ac piorum hominum iudicio æſtimandam. Ac Gregorio quidem præter Doctrinarum diverſitatem, quas in aliis ejus Operibus alias eſſe ſomniantur, & ſtili ruditatem, & mirabilium farraginem obſciunt. Quod ad ſtilum attinet, quis neſciat (opportune ajunt erudiſſimi, ac piſſimi Monachi Benediſtini è Congregatione S. Mauri) varium eſſe ſtilum pro varietate tractatum, ac materiarum? neque eundem eſſe Orationum, Epiſtolarum, Hiſtoriarum, Dialogorum &c. ſtilum quis ſanus aſſeruerit? Quamquam in iſtis Dialogis multa ſunt, qua caterorum Gregorii Operum ſtilum, vim, elegantiam, immo & ſcientia altitudinem referant, ut legenti patet (3). De Hiſtoriis, quæ in Dialogis continentur, nonniſi illas Gregorius admiſit, enarravitque, quæ ſuis ſubjectæ oculis, vel graviffimorum Virorum teſtimonio exceptæ fuerunt. Fecit (ſubdunt laudati Monachi editores) quod plurimi Sanctorum Patrum fecerunt in multis Hiſtoricis, qua utique incredibiles videntur, ſi ad rationis humane trutinam expendantur: Quia verò ſunt miracula, ideſt filia humanam excedentia, humano iudicio metienda non eſſe quis ambigat? Hæc, aliaque ſatis verè, ac præclare ad vindicandam Gregorii fidem alii diſſeruerunt: eadem Victori jure, meritòque aptanda ſunt.

De Fide igitur eorum, quæ Vir compunctione timoris Dei plenus, Caſtitate ſingularis, profeſſione, & opere Monachus, atque ob doctrinæ, judicii, prudentiæ, cæterarumque virtutum præſtantiam variis muneribus, legationibuſque pro Romana Eccleſia perfunctus, narrat, quis ambigere auſit? At ipſummet audire præſtat, ita Opus ſuum auſpiciantem: Quia, donante Deo, miracula, qua ipſe ad laudem ſui nominis in hoc Caſinenſi Cœnobio fieri voluit, quæve noſtra memoria facta ſunt, vel à Senioribus noſtris relata cognovi, ſcribere diſpoſui; licet omnia nequeam ſtilo comprehendere, tum quia plura exciderunt memoria, tum quia occupatus regimine, vel ea, quæ ſcribo, diſcutere ipſe non poſſum: pauca tamen de pluribus ad edificationem audientium mandare curabo memoria: nam ſi omnia, quæ vel ipſe vidi, vel quæ mihi relata fuere, per ordinem referre velim, dies me, ut æſtimo, ante quàm ſermo deſiceret. Vides igitur, quàm cautè, prudenterque Deſiderius ſe geſſerit, antequam lucubrando Operi manum admoveret. Ex iis omnibus, quæ ipſe vidi, audivitque, non omnino aliorum teſtimonio contentus, non ſuis etiam oculis fretus, certiora dumtaxat, ac proruſ indubia, quæ afferret, ſelegit, cætera prætermittens, quippe quæ diligentiori ſubjicienda examini, ſibi Regimine occupato diſcutiendi facultas, atque otium deeſſet; Hinc ut omnem (ſubdit) dubitationis ſcrupulum legentibus auferam, per ſingula quæque, perſonas, à quibus mihi hæc ſunt relata, ſubnectam, melius eſſe reputans ex toto ſilere, quàm aliquid falſum, menduſumve narrare. Hæc tam conſultò, ac diſertè, atque ex tanto Viro profecta, ac teſtata non Caveus eſt reveritus, immo eò impudentiæ proceſſit, ut quæ Deſiderius memoriæ mandavit, univerſim omnia, abſurda, fabuloſa, ridicula, Religionisque Chriſtiane majeſtate, & gravitate indigna, Scriptoremque judicii, ac fidei expertem, unâ ſententiâ damanarit: cui quidem, cæteriſque ejuſdem farinæ hominibus cum S. Hieronymo reponimus, ea incredibilia illis videri, qui non crediderint, ſed omnia poſſibilia eſſe credentibus (4). Et mira certè, aut potiùs dolenda, ac commiſeranda res: ut quum ſigna infidelibus data ſint, atque in certiffimam, peculiarem, conſtantiffimamque veræ Eccleſiæ notam à Deo ſtatuta ſint, (non enim, inquit S. Chryſoſtomus, ceſſavit Deus, non deſtitit per omnem generationem facere miracula, & per res admirabiles excitare craſſiores... multa autem videri poſſunt & privatiſimè, & in Civitatibus fieri mi-

ALTER

M m 2

racula

(1) Hiſt. Liter. ad An. 1086. pag. 539. edit. Geneva 1720.

(2) L. I. pag. 354.

(3) In vindiciis Dialogorum S. Gregorii PP. T. II. Opp. pag. 108. Idque ejuſdem Pontificis verbis confirmatur, qui ingenuè fatetur, ſe eundem ſtilum in ſolo Opere Moralium obſervare nequiſſe; ſic enim loqui-

tur Lib. II. Moral. cap. I. Quamvis in prolixo opere eſſe culpabilis ſtili mutabilitas non debeat &c. & paulò poſt: Immutationem ſtili Leſſor meus æquanimiter accipiet, quia & ſæpè ejuſdem cibos edentibus diverſitas placeat conditionis.

(4) In vita S. Pauli Erem. lib. III. epiſtol. edit. Romæ 1731. pag. 296.

racula (1)), mirum, inquam, ut qui adhuc sunt infideles, non solum perenni Signorum ostensione ad Orthodoxam Fidem non convertantur, verum etiam miracula ipsa vel temerè inficiantes, vel iniquius calumniantes, in novum inexcusabilis perfidiæ genus ruentes, in errorum suorum tenebris, ac luto sordescere amant: quibus Desiderius idem dicere poterit, quæ dignus laudati Chrysostomi Discipulus Theodoretus in Præfatione Historiæ Sanctorum Patrum præclare, & appositè ad rem agebat: *Qui autem non est crediturus iis, quæ a me dicenda sunt, clarum est, eum ne iis credere tanquam veris, quæ per Moysen, & Jesum, & Eliam, & Eliseum facta sunt, habere autem pro fabulis etiam miracula, quæ facta sunt a Sanctis Apostolis. Sin autem illa esse vera testatur, hæc quoque credat esse à falso aliena. Quæ enim in illis operata est gratia, ea per illos quoque fecit ea, quæ fecit. Perennis enim gratia, & eos, qui digni sunt, eligens, veluti per quosdam salientes, per hos effudit fluenta sue operationis: Ex iis autem quæ sunt dicenda, ipse quidem vidi nonnulla; quæ autem non vidi, auditori ab illis, qui viderunt, Viris virtutis amantibus, & qui digni sunt habitii, ut & eos viderent, & eorum doctrinâ fruerentur.*

Quòd si Desiderii, qui ejusmodi Dialogos conscripserat, animum (uti par est) attendas, ampliori laude dignum censebimus. Quantum emolumenti ex Gregorii Dialogis in Christianam Ecclesiam redundarit, scimus, probamusque universi: Quum primum in lucem prodissent, ab eodem Sanctissimo Pontifice Theodolindæ Reginæ dono missi, atque evulgati, reliquam Longobardorum gentem, quæ vel gentilitatis, vel hæresis erroribus adhuc detinebatur, ad Catholicam Religionem, ut alibi observavimus, converterunt: quotquot demum per omnes ætates sinceris oculis, paratissime animis ad illorum lectionem accesserunt, uberrimos Christianæ Fidei, ac pietatis fructus retulisse gavisi sunt. Gregorii Dialogos Desiderii Dialogi exceperunt, quos ipse illius exemplum, animumque æmulatus ad edificandam audientium elaborare fategit; eam quoque causam, rationemque præfatus, quia plerisque magis virtutum exemplis, quam exhortationum verbis ad exercitium boni operis, ac ad amorem Patriæ Coelestis accendendos exstimaret. An votis, ac labori successus responderit, ex Sapientissimorum Virorum, qui opus laudaverunt, atque ad plures Historicas res confirmandas adhibuerunt, consensu (2), ex legentium denique utilitate judicare pronum est; ei verò, qui anceps sit, Opus ipsum brevi labore perlegendum sistimus, in quo nulla erroris, aut mendacii aliunde species sibi occurret, ex quo præterea nonnisi Fidei Catholicæ veritatem roborari, Fideliumque pietatem excitari, augerique probabit; Cæterum lethali morbo laborantibus hæc salubres, electæque Dapes non sapiunt, immò & fastidio, & despectui esse solent; qui verò sanam doctrinam, veramque pietatem recto corde sectantur, illorum vim, ac dulcedinem sentiunt, itaut Desiderii Dialogos legisse haud poeniteat; pigeat duntaxat, veluti postremo opiparæ Cœnæ apparatus frustratos, reliquam illorum deperditam partem hætenus desiderare.

De stilo nunc demum videamus. Cum Gregoriano illum stilo comparare invidiosum fortasse fuerit; illud tantum animadvertam, Gregorio & Literas Romæ didicisse, & Barbarie vix tum per Italiam sese effundente, scripsisse datum; Desiderio autem post longam illam

barba-

(1) S. Jo. Chrysost. in Psal. cx.

(2) Ex ipsis editionibus, ac Scriptoribus à Caveo relatis, quanti æstimati Desiderii Dialogi fuerint, planè constat: Adde illis Ughellum tom. xix. Ital. Sacr. in Episcop. Florent., ac Possiveum in Appar. Sacr. Sed præstat Card. Baronium audire, qui ejusmodi Dialogorum fidem, Auditorisque ingenium, ac consilium, pluries probavit, commendavitque; sic ad an. 1049. num. 25, de Leonis PP. IX. Sanctitate differens, quanto (inquit) illuxerit fulgore virtutum Leo, hic describitur ex Desiderio Abbate Casinensi, & Cardinali S. Ceciliae, qui creatus postea Romanus Pontifex, Viſor III. diſtus est: Scripti enim exemplo S. Gregorii Papæ quatuor libros Dialogorum, quos habet Vaticana Bibliotheca: in quorum tertio Libro hæc habentur &c. Ad an. verò 1063. post narratum ex Actis S. Johannis Gualberti, ejus Discipuli Petri Ignei insigni miraculum, quo Petrus Episcopus Florentinus Simoniz convictus fuit, hæc subdit num. 60. At Historia hæc majorem adhuc sibi vindicat auctoritatem ex reſtitutione Desiderii Abbatis

Casinensis, qui & Viſor Tertius ejus nominis est appellatus Papa. Ipse enim in Libro tertio Dialogorum totam hanc rexit historiam, nempe de Petro Florentino Episcopo ad Concilium convocato, ibique ab officio suspenso donec rei veritas elucesceret: Cum exposcente necessitate, dum Populus in partes diviſus inter se hac de causa sæpè confingeret, miraculum grande editum, quo Petrus per ignem illeſus transiit: additque illud amplius, quod cum jam ex igne egressurus esset, atque mappulam à manu lapsam, & in ignis medio remanſiſſe intellexisset, per easdem reversus est flammæ, mappulam recepturus. Hæc verò ipse pluribus. Qui rem narraturus hæc præmittit: Hæc itaque, quæ dicturus sum, adeò clara sunt, ut non solum in Florentina Diceceſi, in qua facta noſcuntur, verum etiam in tota Tufcia, ac in urbe, quæ caput Mundi est, Roma constat esse notiſſima: Ut videas, quot rei geſſæ teſtes appeller, cujus ipſe ſynchronus, ac proinde ſolus, atque idoneus eſſe teſtis poſuiſſet.

barbaricorum Sæculorum noctem scribere contigisse; id verò ipsi, quemadmodum in Operis consilio, & œconomia, ita pariter in loquutionis modo, rationeque extitisse propositum, ut Gregorius sibi Dux, ac Magister existeret, ac verbis ipsis quodammodo præire videretur. An verò par, vel etiam cultior Desiderius appareat, definisse haud opus est: Non equidem elaborata ejus Oratio est, sed neque, ut ea ferebant tempora, vulgaris; clara verò, atque suavis, qualem Dialogorum ratio postulat, qualem præterea eum exhibuisse decebat, oportebatque, qui tum Monachos suos, tum quosque fideles alios ejus ævi, non liberalibus disciplinis, eloquentiæque præceptis, sed religione, ac pietate imbuendos enitebatur. Hæc ita esse pauca illa, quæ ex ejus Operis initio superius delibavimus, ostendere poterunt: pauca alia heic referre non abs re modò fuerit, ex eo Libri I. loco descripta, ubi Desiderius postquam Agarenorum, qui anno 846. sacrilegâ prædâ onusti in Siciliam remeabant, classem, Sancto Petro, ac S. Benedicto injuriam ulciscantibus, naufragio consumptam narrasset, hæc subdit: *Et quidem permixti Omnipotens Deus ad tempus suas ab eis (Agarenis) Ecclesias devastari, sed non est passus, eos super tanto facinore diutius gratulari. Hoc in facto illud mihi videtur esse impletum, quod Beatus Pater Benedictus suis olim Discipulis promiserat dicens: Præsentior vobis, Dilecti Filii, carnis deposito onore, vestrique per Dei gratiam cooperato existam assiduus; Illud etiam, quod B. Petro Dominus intulit dicens: Tu es Petrus, & super hanc Petram ædificabo Ecclesiam meam, & Portæ inferi non prævalebunt adversus eam. Non inquit, non valebunt, sed non prævalebunt: Portæ enim inferi Pagani sunt, Heretici, atque Judæi, qui tunc adversus Dei valere videntur Ecclesiam, cum per eos Dominus suos flagellari Fideles permittit; sed non prævalebunt, quia Omnipotens, ac Misericors Deus non eos de Ecclesia sua perpetuos finit habere triumphos. Unde, & Apostolus hortatur dicens: Tribulationem patimur, sed non coangustiamur; aporiamur, sed non desistimur &c. An fortasse hunc locum, uti alia passim similia, legerit Caveus? Si non legerit satis temerè de Opere judicasse dicendus est: si verò contra se, suosque scripta legerit, nil mirum, si de opere tam iniquè, petulanterque judicaverit. Quòd si is filii elegantiam, decorem, gravitatem ex Desiderio exquirebat in ipsis Dialogis, ubi argumenti ratio (uti mox observavimus), rerumque conditio postulasse videtur, non id certè eidem defuisse animadvertisset. Saltem Caveo non ignota, neque dissimulata Desiderii jam Pontificis Oratio in Concilio Beneventano habita, docere eum satis potuisset, quâ dicendi, scribendique vi Desiderius polleret: Egregiam, & luculentam de præsentibus Ecclesiæ calamitatibus, & periculis eam Orationem, qui inter alios æquis, peritisque oculis legit, appellat Natalis Alexander (1), a quo etiam Desiderius Vir nuncupatur *speciata Pieratis, & Eruditionis*: Eò magis etiam eruditionis nomine commendandus, quòd is pro rerum, temporum, munerum, personarum, argumentique, vel ratione, vel dignitate, congruum adhibere stilum rectè noverat (2).*

CA-

(1) Hist. Eccl. Sæc. XI. De Viatore III. tom. VII. edit. Lucen. an. 1734. pag. 31., & seq.


(2) Hanc Orationem cum ipsius Concilii Decretis servatam debemus Leoni Ottoni in Chron. Casin. lib. III. cap. 71., ex quo in suos Annales Baronius ad an. 1087. n. IX. atque in suam Conciliorum collectionem T. XII. Labbeus, retulere. Exordium audire non pigeat: *Notis vestra dilectio, charissimi fratres Coepiscopi (neque lateri Ordem universum) Sancta Romana, & Apostolica Ecclesia, cui Deo auctore deservio, quot adversa pertulerit, quot denique per Simoniacæ Hereses trapezitas malleis, tunfionibusque perfracta sit, aded ut Columna Dei vivi videretur jam pendè concussa nutare, & Sagena Summi Piscatoris intumescantibus fluctibus dirumpi, ac naufragii sorte perire. Guibertus Hæresiarum enim, qui vivente sanctæ memoriæ prædecessore meo Gregorio Papa Romanam invasti Ecclesiam, Antichristi præcursor, & Satanae Signifer oves Christi dispergere, mactare, laniareque non desinit. Incitator enim, incensorque malorum factus, quantas Gregorio Papæ injurias, quas persequutiones, quas clades intulerit, referre quis possit? ... Sed Omnipotentis Dei potentia, cum jam distum Gregorium Pontificem post labores, ac certamina plurima ad æternam requiem evoca-*

casset, & unanimi concordia Episcopi, & Cardinales, Provincialesque Antistites una cum Romano Clero, ac Populo paucitatem nostram modis omnibus contradicentem, & renitentem Apostolicæ Sedi præfessissent, non timens æterni Imperatoris judicium, nunc usque Christum, & Oves ejus, pro quibus ille fudit sanguinem suum, persequi non omittit. ... Notis præterea, & bene notis, quos dolos machinati sunt, quantasque mihi pressuras intulerint, Hugo Lugdunensis Archiepiscopus, & Richardus Massiliensis Abbas, qui pro fastu, & ambitione Sedis Apostolicæ, ad quam dudum clam inhiabant, ubi votis suis potiti sunt, schismata in Sancta Ecclesia fecerunt. Et Richardus quidem Romæ nostram electionem cum Cardinalibus, & Episcopis egerat: Hugo autem ad nos post paululum veniens assensus vestigiis, dum obsequium nobis Summo Pontifici debitum inivit, ac retrahantibus exhiberet, Legationem à nobis in partibus Galliarum postulaverat, & acceperat. Itaque donec parvitatem nostram electioni salæ, atque à se approbata repugnare conspexerant; ipsi modis omnibus insisterant, ne onus nobis pro utilitate Ecclesiæ impositum abiceremus. Ubi verò nos tandem cedere perviderant, conceptam diu flammam elibanus excurvatus evomit. Quapropter cœnentes sibi Fratrum omnium unanimiter

CAPUT VII.

Romana Jurisprudencia apud primos omnium Italos instaurata disciplinam, usumque Beneventani provexerunt. De ea Roffredus, atque Odofredus imprimis promeriti; quorum Scripta, Munera, Resque gesta illustrantur

QUÆ jamdiu Beneventanorum Principum exaruisse Stirps videbatur, adhuc post longa temporum intervalla alterum è patrio solo Germen progenuit, cui quod à Familiæ nobilitate præclarissimum commendabatur, illustrius à Doctrinæ præstantia quaesitum nomen fuit. Ex Gente Epiphania, quæ à præscorum Principum sanguine propagata, id Cognominis, quod *Illustre* latini dicimus, veluti *κατ' ἑορὴν* nacta laudatum Desiderium, seu Victorem III. ediderat, suam quoque repetebat originem Roffridus, qui Sæculo ineunte XII. florebat. Ejus Viri Nobilitatem, Pietatem, Doctrinam ex veteri adhuc superstiti Monumento, quod nunc primum ad archetypi fidem exprimendum curavimus, probatam primo loco damus.



Habes itaque ex hoc insigni Marmore Roffridum Epiphaniidis cognomine (quod ab Epiphania familia derivatum est) se nuncupantem: Habes *Aula*, idest Templi Conditorum, quod sub perpetuo

tem constanter obliuisci, ab eorum, & nostra sunt continentur communionem secundum. Unde vobis Apostolica auctoritate precipimus, ut ab eis abstinere curetis, neque illis omnino communicetis: nam ut Beatus scribit Ambrosius: Qui se a Romana Ecclesia segregat, verè est habendus Hæreticus &c. Hæc tam præclare, fortiterque prolata, ex Leone quidem Ostiensis Desiderii Discipulo, sed non ex ejus ingenio, stiloque, quem ex Chronici opere rectè novimus, sed ex ipsius planè Victoris manu, atque ore profecta nemo dubitaverit. Paria nobis idem Ostiensis servavit ex ea Oratione, quam Desiderius, tunc Abbas Casinensis, ab Imperatore Henrico semel, iterumque accitus, ad Fratres suos habuit: *Angustia* (inquit) mihi sunt undique; nisi enim ad Imperatorem jero, periculum imminet, & Monasterii eversum. Si autem jero, & ejus voluntati parvero, incurram animæ periculum. Porro si pergens illius voluntati non obtemperavero, imminet periculum corporis mei, simulque timeo, ne iratus Imperator ita Monasterium istud, quod sub ruina sua est, sicut & totum Principatum Northmannis permittat. Pergam tamen ad eum tradens me morti, & periculo, nec scio animam meam pretiosorem, quam Sanctissimum Patrem Benedictum. Nam pro vestra salute animarum, & corporum, locique istius incolumitate (saltem fieri non potest) opto à Christo anathema esse. Si enim milles occidar, nullus me separabit à dilectione loci hujus, non modo enim Imperatori, qui Christianus est, verum ne Tyranno qui-

dem cuilibet gentili occurrere (si ita opus sit) recusabo; dummodo hoc Monasterium valeam ab ejus barbarie ulla ratione liberare. Nam & Leo Papa, ut Romanam Urbem a vastitate, & incendio eriperet, Gensericum Arianum ad convivium æquè invitavit, & de manu ejus accepto calice bibit, & Benedictus Pater Totilam itidem hominem Arianæ persæcia etiam in Oratione suscepit, ut eum ab afflictione rusticæ coerceret. Plenum eloquentissimi amoris Sermonem opere complevit Desiderius, qui ad impiam Abbatem suscipere renuissit, de illius manu virgam Abbatem suscipere renuissit, ejusdem veteres injurias retradaturum cum Gregorio Pontifice reconciliationem curaturum se pro viribus promississet, cum Imperatoris fautoribus de Sedis Apostolicæ dignitate, libertateque strenuè, ac palam disceptasset, præclarissimum illud, plura inter alia, effatus: Sedes Apostolica Domina est nostra, non Ancilla, nec alicui subdita, sed omnibus prælata, & ideo nulla omnino ratione sub jugum à quoquam mitti potest: non solum nullam ab Imperatore injuriam subit, sed multo cum honore, ac reportato etiam ad favorem sui Monasterii Præcepto aurea Bulla munio, dimissus fuit. Sic Deus eximiam Viri virtutem tutatus est, ut non solum immane illud periculum evaserit, sed sancta quoque illi omnia cesserint; cujus denique doctrinæ, eloquentiæque manifesta illa sunt, quæ hæcenus dedimus specimina.

petuo *suorum* Patronatu in Christi, ejusque Genitricis, nec non SS. Pauli, Dominici, Magdalene honorem ædificavit (1). Habes denique Roffridum in *Legum Dogmate fidum* Doctorem: Quæ postrema res præsentis loci est, nobis modò pro argumenti præstantia, Virique dignitate accuratius illustranda.

Romanæ Jurisprudentiæ instaurationem, Digestorum Libris An. MCXXX. Amalphi reperitis, & Florentinarum Pandectarum nomine (propterea quod à Pisanis, qui eos sibi primùm vindicarunt, ad Florentinos transferunt) vulgo appellatis, omnes ferè attribuunt. Itaque recepto Romanorum Jure universo, & post diuturnum exilium in Patriam restituto, mox ingenia Italarum ad meliora quæque sectanda, provehendaque satis per sese prona, ad subortum avitæ sapientiæ splendorem alacrius se erexerunt; quibus etiam ad idem Jus tum interpretatione, tum usu excolendum vehementius incendendis Imperatoris Lotharii accessit auctoritas; Is enim publico edicto in omnes Imperii regiones misso jussisse traditur, ut Romanæ Leges in Scholas Publicas, inque omnia Tribunalia reciperentur. At sicut de Lotharii edicto hactenus delitescente incerta res est (quæ tamen incertitudo majorem fortasse Rom. Jurisprudentiæ pretium, laudemque statuit, quippe quæ non Principis jussu, sed suamet vi, ac dignitate, à populis sensim universis observantiam promeruit); ita certè post Romanum potius extinctum in Italia Imperium, quàm Romanum Jus apud Italos, non usu quidem, sed perenni memoria, librisque aliquot adhuc pervagantibus servatum, ut eadem tandem Jurisprudentia denuo vires suas reciperet, nativamque exereret majestatem, non tam eorum Librorum inventioni ipsa debet, quàm exciso penitus cum Beneventanis Principibus Longobardorum dominio; quorum Leges imperantium magis reverentiâ, quàm sui præstantia, obsoleto Romano jure, apud Italos tandiù invaluisse videbantur. Ut ut verò aliis vel opinari, vel censere de hac re liceat, quam latius in Dissertatione IV. De Legibus Longobardorum superius explicuimus; illud apud omnes convenit, eodem imperante Lothario, atque Irnerio, sive Vernerio Magistro, Bononiensem Romanæ Jurisprudentiæ Scholam institutam ita florere coepisse, ut plurimi mox Juris-Consulti ex ea prodierint, quorum nomen, & doctrinam ita demum Azo superavit, ut ad illum audiendum ex omnibus Italiæ Regionibus confluentes juvenes, ad decem usque ipsorum millia Bononia numeraret (2). Roffridus igitur, cujus animus ex avitæ nobilitatis splendore, suiæ ingenii sublimitate ad optima quæque ferebatur, nihil loci distantia deterritus Bononiam contendens, Azoni in primis Magistro erudiendum se dicavit. Quantum is in illa Jurisprudentiæ Schola profecerit, quantam fructuum ubertatem, conjuncta ingenii perspicacia, operæ, laborisque sedulitas pepererit, quantam demum doctrinæ præstantiam, nominisque sibi celebritatem comparaverit, Imp. Friderici II. judicium primo loco declarat, qui non solum in Auditorio suo primarium Judicem, verùm etiam difficillimis illis temporibus Legatum in rebus arduis adhibuit (3). Certè ex Roffrido præcipuum laudandi Friderici exemplum, atque argumentum sibi fecit Schardius, qui Fridericum a Doctorum Virorum sibi assidentium consuetudine commendare instituens, Roffridum, vice omnium, commemorare contentus fuit; inter quos (inquit) *Judex Curia generalis Roffredus Beneventanus fuit, unus ex Juris nostri interpretibus, cujus opera adhuc hodiè in manibus Doctorum teruntur* (4). Et sanè inter plurimos doctos Viros, qui Friderici aulam illustrarint, primum Roffredo locum attribuit Jannonius, quem etiam audire præstat: *Roffredo Epifanio da Benevento fu famosissimo Dottore, ed Uomo così insigne, che nella Corte di Federico, di cui fu Giudice, tra tutti i Dottori aveva il vanto* (5).

Ac Friderici quidem judicio æquè omnium, qui ad hanc nostram ætatem scripsere, eruditorum suffragia accesserunt. Hæc autem recensuisse operæ fuerit pretium; atque imprimis, quid de Roffrido Johannes Eichardus habeat, heic descripsisse libebit. *Roffredus* (ita

(1) Eodem, quo nunc Patrum Dominicanorum Ecclesia extat, loco, nam ipsam quidem eandem a Roffredo ædificatam olim Ecclesiam, vetustate, ac terræmotibus deletam affirmamus. In præsentis enim Ecclesiæ minori Janua (quæ fortasse vetus Ecclesia erat) oblongum literarum marmor superiùs prolatum pro epistilio est. Paucos ante annos, ac ipso, ut fertur, vivente S. Dominico, ejus Religiosa Familia in Suburbano confederat cum sua Ecclesia sub titulo S. Clementis, quæ modò diruta corruptamque S. Chimento nomen loco servavit: At Roffredi pietas, quò eadem-

Familia Civibus commodior, utiliorque esset, intra moenia, ac frequentiore Urbis loco, cum nova Ecclesia locandam curavit.

(2) Panzirolus de Glar. Juris Interp. lib. II. cap. 25. in Azone pag. 124.

(3) Pandolphus Collenutius Histor. Neapol. lib. IV.

(4) Simon Schardius in Vit. Friderici II. quam ex Collenutio concinnavit, præmisitque Epistolis Petri de Vineis edit. Basilæ MDCCXI.

(5) Histor. Civil. Napol. lib. XVI. cap. IV. pag. 390.

(ita Fichardus) *Patria Beneventanus, Vir doctus, & festivi ingenii fuit, ut ejus Scripta satis indicant, quibus multis in locis opportunè, suaviterque jocatur. Præceptore usus est Kiliano quodam, cujus nullum scriptum extat; Audivit etiam Azonem, ut ipse refert in Actione Negatoria, proindeque illum frequenter Dominum suum appellat (1): Post transmigrationem Bononia (ut ipse vocat) professus est Jus Civile publicè Aretii, ubi egregium illud Opus Libellorum, & Quaestiones suas Sabbathinas edidit (2).*

Cur verò Fichardum præ Cl. Panzirolo audire libuit, Panzirolus ipse in causa fuit, qui Ficardo, à quo præcipua de Roffrido non modò mutuatus est, sed totidem illius verbis in suum de Claris Legum Interpretibus Opus descripsit, minus æquum se præstitit (3), in aliis verò, quæ addidit, diligentior operam suam nobis desiderandam fortasse reliquit. Quid igitur Panzirolus? Roffredus, (inquit) Butiensis, patria Beneventanus, & ipse inter præcipuos Glossarum conditores recensetur, qui primo Rogerium, deinde Azonem, & ut alii autumant, Cilianum quendam audivit. Diu Bononia professus cum ob intestinas factiones, & externa bella ibi studia essent intermissa, post ejus Urbis, ut ipse vocat, transmigrationem, Aretii docuit: ibi Arborem Actionum antea à Johanne excogitatam perfecit, & in utroque jure libellos, quibus in foro Rei convenirentur, magna industria composuit, eisque plures quoque exactè discussas Quaestiones, quas velut diebus Sabbathi disputatas, Sabbathinas vocaveras, applicuit. Hæc olim, antequam locupletiores recentiorum formulæ invenirentur, in magno pretio apud Forenses fuerunt; & licet non pauca erronea contineat, ob praxim tamen nullus eo utilis liber in Jure nostro unquam editus fuisse creditur. Roffredum in aula primarium Judicem Fridericus II. Cæsar habuit. Vir fuit festivi ingenii, qui, ut scripta ejus indicant, multis in locis opportunè, suaviterque jocatur. Hujus discipulus alter Roffredus fuit, vel ut alii volunt, Fridericus & ipse Beneventanus, qui præclarum de Pugna, seu Duello tractatum, XII. quaestionibus explicatum, edidit. Ab eo Odofredi fluxisse feruntur. Bononiæ defunctus, ante D. Francisci Templum marmoreo Sepulcro, umbella supra pyramidis specie imposita, conditus fuit. Aliud quod sciam, ob vetustatem de hoc proditum non est. Floruit An. MCCXX.

Ut verò à postremis ordiar, falsus omninò est Panzirolus, qui Roffridum Bononiæ defunctum ait; quòd si vera ibi perisset Pyramis illa, cui imposita umbella est, Roffrido pro tumulo erecta, nonnisi illius putari Cenotaphium debet: nam nos Roffridum Beneventi defunctum, tumulatumque non pro veri tantùm simillimo, sed pro certo quidem habemus. Ac primum illud constat, difficillimis illis temporibus, quibus Bononienses afflictabantur, ea Urbe Roffridum excessisse, atque apud Aretinos aliquandiu Jurisprudentiæ docendæ vacasse, unde demum Neapolim à Friderico II. cum primarii Judicis munere accitus fuit. Non igitur Roffrido Bononiam redeundi occasio amplius facta est, quem jam ætate confectum Beneventum potius ex vicina Neapoli, in suam nempe Patriam, atque inter suos se recepisse veri simile fit. At quòd revera Beneventi defunctus sit, ibique tumulatus, testis fidissimus, disertissimisque probat sepulchralis Titulus in eadem ab eo ædificata Dominicanorum Ecclesia ad Sacellum S. Michaelis, ejus tumulo, hisque verbis inscriptus.

ILLE

(1) Eo nomine, quo summi honoris titulus contineatur, Azonem vocare discipuli sui consuebant, ut mireremur rem nostris temporibus desiderandam, tantam nempe ex discendi ardore, doctrinæque emolumento discipulis olim erga Magistrum fuisse reverentiam, atque cultum: Quin & ipsi, cum Dominum duntaxat dicerent, vel scriberent, Azonem intelligebant, uti ex Cardinali quoque Hostien. palam fit, cujus in cap. x. De Testam. num. 2. hæc sunt: *As, idest duodecim unctio. As ergo quandoque ponitur pro obulo, propter quod verbum venit Bononiam Studium Civile, sicut audivi à Domino meo, videlicet Azone, cujus Henricus ipse de Segusia, Cardinalis postea Hostiensis, Summæ utriusque Juris Auditor, & Decretalium Interpres, Auditor fuit.*

(2) In Vitis recent. Idiorum tom. I. Tractatum Universi Juris, Gregorii PP. XIII. iussu editorum Venet. MDLXXXIV. pag. 156. à t., post Guid. Panzirolum cum aliis Biographis Lipsiæ MDCCXX.

(3) Infigere Panziroli opus præclarior effectum est cura Christi. Hoffmanni, qui illum recensit, adjectis Johannis Ficardi, Marti Mantuzæ, Jo. Baptiste de Galupis, Catelliani Cottæ, Matth. Gribaldi Mohæ,

Albertici Gentilis consimilis argumenti operibus, Lipsiæ an. MDCCXXXI. Quid de Fichardo Panzirolus sentierit, & an rectè, ipse in prælatione sua jam observavit Hoffmannus de Fichardo hæc ajens: *Johannes Fichardus Francofurti ad Moenum natus celeberrimi Zafsi, cujus etiam elogium amplissimum præsentis operi innexuit, discipulus: qui cum Patavii, & Bononiæ Juris scientiam proficeretur, occasione nocturnâ, hanc periochem Florum recentiorum Jurisconsultorum concinnandi, quam Patavii apud Jac. Jordanum an. 1505. editam, hic recusam exhibemus. Pauciores, sed celeberrimos Fichardus Jurisconsultos nominat, eorumque vitas in hoc libello descripsit, eo etiam Panzirolus usus fuisse videtur, quando lib. I. cap. I. ita de Fichardo scribit: Johannes Fichardus Francofurtensis aliquorum vitas latius descripsit: Sed quia homo Germanus res Italarum non facillè scire poterat, nec fortasse audiret, unde plura licebat, ad manus habebat, nonnullos solum obliqua imagine delineavit, atque non paucos omninò prætermisit. Vides igitur, quàm illiberaliter erga Fichardum se gesserit Panzirolus.*

ILLE EGO QUI MUNDUM FAMOSUS LEGE REPLEVI
ROFFRIDUS : TUMULUS ME CAPIT ISTE BREVIS.
DISCITE LEGENTES QUOD NEC SAPIENTIA LEGUM
RESISTIT MORTI NEC SUMMA POTENTIA REGUM (1).

Quid verò *Butiensis* cognomen illud sibi velit, quod Panzirolus Roffrido appinxit, cum non is explicuerit, non ipsi certè intellexerimus, qui Roffridum è summa Gente *Epiphania* ortum novimus, seseque *Epiphaniidem* cognominasse, jam audivimus. Primarium denique Judicem nonnisi in Aula Imperiali habitum à Friderico II. Roffridum, & is putare, & aliis innuere Panzirolus videtur, cui ea in re Fridericus duntaxat Cæsar est. At non is quidem, uti *Cæsar*, sed uti *Siciliæ Rex* ad id muneris, quo *Neapoli* fungeretur, Roffridum delegit, perfunctumque ibi satis egregiè, plura probant monumenta, quorum illustrius illud suppetit ex Petri de Vineis ad eum Epistola, quæ hunc titulum præfert: *Suo Magistro Roffredo de Benevento, suus P. De Vineæ novæ relationis gaudium, & veteris devotionis affectum*: tum illius ad Curiam adventum urget, ne qui ad obeundum munus vocaverat Fridericus, contemni, ac decipi videretur (2). Accedit quoque, Roffrido Neapolitana in Aula jam confidente, data ab ipso peculiaris opera, ut quæ post Codicem ab eodem Petro de Vineis compositum, publicatumque, novæ ejusdem Friderici Regis Constitutiones prodierant, prioribus illis ita adjectæ infererentur, ut præsto Codicem consulentibus utraque essent, & tamen discreta temporum, materiæque series imperturbata maneret (3). Confirmat denique Romana Legatio, qua Friderici jussu Roffridus functus fuit; ut enim protractam Hierosolymitanam expeditionem, quæ se jamdiu juramento obstrinxerat, apud Pontificem excusaret Fridericus, Mense Novembri Anni MCCXXV. Capuam contendit, ibique Curiam generalem convocavit... & tunc (uti Richardus narrat) prudentem Virum Magistrum Roffridum de Benevento misit ad Urbem cum excusatoriis suis, quas idem Magister publicè legi fecit in Capitolio de voluntate Senatus, Populique Romani (4).

At de nostri Roffridi Operibus, quibus is seipsum posteris præsentem exhibere sategit, dicendum superest. Ampliora feracissimum illius ingenium, comparataque sibi ex diuturno studio, exercitationeque utriusque Jurisprudentiæ penus in lucem prodidit, quàm quæ nobis laudati Scriptores indicarunt. Episcopus Liparulus testis est, apud Beneventanum æquè Civem, siquæ ævi celeberrimum Jurisconsultum Bartholomæum Camerarium, duodecim ingentia servata olim volumina ab eodem Roffrido de variis utriusque Juris materiis lucubrata, ejusque, ut putabatur, stilo exarata, quæ Camerarius typis edere cogitabat (5). Nulla vel pars, vel una tot voluminum pagina servata est, quæ vel posterum negligentia, vel potius adversis Camerarii casibus interierunt (6): Qui autem ad nos utriusque Juris Tractatus pervenere, ex ipsorum Titulo agnoscere, ac recensere præstat, quo in editione Colonienf. anni MDXCI. inscripti leguntur: *Dom. Roffredi Beneventani, Cæsarei, Pontificique Juris Professoris clarissimi, & Practicorum omnium facile Principis Tractatus Judicarii Ordinis, divisus in octo Partes, siue subtrahatus, quorum 1. est de Prætoris Actionibus, II. De Interdictis, III. De Edictis, IV. De Actionibus Civilibus, V. De Officio Judicis, VI. De Bonorum Possessionibus, VII. De Senatus Consultis, VIII. De Constitutionibus, quibus violentia puniuntur. In quibus Positio, Libellorumque materia exactissimè pertractatur. Opus præterea libellorum in jus Pontific., Necnon LIII. Sabbatina Questiones ejusdem*.

ALTER

N n n

Auctoris

(1) Hoc monumentum cum ipsa Ecclesia extremam cladem tulit ex Terræmotu anni MDCCII. Ejus exemplar jamdiu vulgatum fuerat à Vinc. Chiarante Hist. Samnii pag. 131.; à Nicol. Toppi Biblioth. Neapolitan. pag. 272.; à Mario Vipera in Chron. Ep. Benevent.; à Pomp. Sarnellio in eadem Chronol. pag. 111.; pluries autem ante d. Terræmotum marmoreum cum titulum ab se lectum testatur Nicastrus in Pinacotheca Benev. pag. 153.

(2) Cum Roffrido in eam rem operam suam contulit Tadeus Sinvestanus, postremam verò manum Andreas, & Bartholomæus de Capua. Vid. Petr. Jannoni Hist. Civ. Neap. lib. XVI. cap. VIII. pag. 419. edit. Halæ 1753.

(3) Lib. III. epist. LXXXI. ex edit. Rudol. Ifelii Basilæ MDCCXL.

(4) Richardus à S. Germano in Chronico ad d. ann. MCCXXV. inter Anecdota edita ab Ughello Ital. Sac. tom. X. pag. 203. edit. Venet. 1722. Addenda etiam est Charta à Cl. Gattula edita Hist. Casin. tom. II. pag. 195., ubi ejusdem Roffridi Judicis de Benevento mentio fit.

(5) Liparulus in Ugh. Feud. in Præludiis: in Commentariis ad Summam Odofredi. Jannoni Hist. Civ. lib. XVI. cap. IV. p. 392. Nicastrum in Pinacotheca.

(6) De Bartholomæo Camerario Beneventi summo loco nato, ob omnigenæ doctrinæ præstantiam, gestaque tum Neapoli, tum Parisiis, tum demum Romæ varia munera, variamque fortunam celeberrimo, ac Romæ in privata, ac paupere vita defuncto an. MDLIV. vide Toppium Bibl. Neap., Nicastrum in Pinacoth. Benev. pag. 165., alioque passim.

Auctoris recens addita. Omnia a mendis, quibus scatebant, innumeris diligentissime recognita. Colonia Agrip. apud Joan. Gymnicum 1591. in fol. Prima, quam sciam, editio prodit Lugduni apud Matthiam Bonhomme an. 1538. De Roffridi scriptis etiam agunt Bern. de Montfaucon Bibl. Bibliothecarum MSS. pag. 1085., & 1380., Possévinus T. II. Apparatus pag. 350. Quam longè de Forensi Jurisprudèntia hinc editis Tractatibus Roffridus promeruerit, jam superius ex Fichardi, Panzirolique sententia dictum est, quorum alter *Egregium Opus* appellavit, alter verò, nullum eo ob praxim utiliore librum in *Jure nostro unquam editum fuisse affirmavit*. Adde his, quod in hac re nec prætermittendum, nec contemnendum arbitramur, Petri Jannonii iudicium, qui de Roffrido sic ait: *Compilò molti trattati, che grandemente illustrarono la Disciplina Legale . . . la sua fama presso i Posterì crebbe tanto, che sulla credenza che Papiniano fosse di Benevento, gli diedero perciò nome di secondo Papiniano* (1).

At tot tantaque in Roffridi laudem ab Viris gravissimis jure meritoque passim prædicata minimè deterruerunt nuperum Scriptorem, qui quum de aliis fortasse non inveniret, de uno *Quæstionum Sabbathinarum* Titulo Roffridi nomen in discrimen adducere ausus fuit: & sanè de Quæstionibus hinc Sabbathinis Roffridum nostrum in eruditissima, atque amoenissima illa Jurisconsultorum Republica (quæ a V. C. Josepho Aurelio Januario, nuper non sine Literariæ Reip. universæ detrimento è vivis erepto, in lucem edita est) censorià virgà notatum reperio: *Roffredus* (Censoris Plebei verba sunt, cui uni in Jurisconsultos de plebe, seu minorum gentium animadvertere permillum, servato in solos primi subfellii Jurisconsultos Censoris Patritii iudicio) *Roffredus ante alios objurgatus est, qui præter opus libellorum aliud edidit, cui titulum insuavem, ac illepidum appinxit* (Quæstiones Sabbathinæ). *Pruritu speciosi, ac novitatem præsentis tituli fortè ratiùs Bartholomæus Brixienfis fecit & suas Quæstiones Venereales, & Dominicales: Fecit & Mercuriales Joannes Andree*. Superis grates, quod non eò, si bene memini, progressa est infans libido, ut haberemus ab aliis Quæstiones Lunares, Martiales, & Jovianas, quæ totum impleretur, quantum est curriculum dierum (2). De aliis, quos censor subnexuit, alii viderint: De Roffrido, a quo rei exemplum fluxisse divinat, an ejus rectè constet iudicium, non una dubitandi, aut etiam contradicendi ratio est. Primum enim incerta res est, num Roffridus ipse Quæstionibus suis Sabbathinarum titulum adjecerit, vel potius, quia Saturni diebus disputatæ, ut ab diversi argumenti aliis Quæstionibus distinguerentur, ita ab Auditoribus, ac dein posteris, quum decum illæ evulgarentur, appellari cœperint: Haud secus certè sentire V. C. Vincentius Gravina videtur, qui plura à Roffrido relicta scripta commemorat, *inter quæ disputatæ Saturni diebus Quæstiones, quas Sabbathinas appellarunt* (3). At appinxit Roffridus Quæstionibus suis ejusmodi titulum, quantumvis insuavis ille, ac illepidus, non adèd tamen criminofus, ut ejus auctor objurgari dignus censeretur. Maluisset fortasse Censor Saturnales appellatas, ne quid in latiare linguam peccatum videretur? nam & ipse Lunares, Martiales, Jovianas subinde usurpavit. Sed veteri Latio Saturni diem relinquamus, nobisque (quod de diebus aliis, abjectis profanis nominibus, faciendum fuerit) Sabbathum loqui, scribereque libeat, a quo Sabbathinum, Sabbaticumve derivare quis vocat (4)? Fortasse verò insuetum quid, atque ineptum videre sibi vilis est Censor; nam mox quasi inconstans, quem *insuavem*, ac *illepidum* pronunciaverat, mox speciosum, quasi per ironiam titulum vocans novum, *novitatis* sive crimen, sive vitium eidem affigit. At nugæ sunt: quid enim si hoc alterum accusationis Caput, non in iniquiorem illam *objurgationem*, neque in præsentem duntaxat excusationem, sed ex recepto more, institutoque Majorum in æmulantis Roffridi commendationem, laudemque vertatur? Non solum à Diebus, verum etiam à Noctibus, neque tantum ab Hebdomadæ diebus, sed ab Anni quoque temporibus, à Locis præterea, ac denique à Personis, Quando scilicet, ubi, & quibuscum impenfa opera est, lucubrationes suas Sapientissimi quique Veterum elegantissime inscribendas voluerunt. Ac Agellius quidem, quoniam (inquit) *longinquis per hyemem noctibus in Agro terra Agellii Commentationes hæc ludere, ac facere exorsi sumus; iccirco eas inscri-*

(1) Hist. Civil. lib. xvi. cap. iv. pag. 392.

(2) Pag. 189. posteriori editionis Neapolitanæ 1752.

(3) De Ortu, & progressu Juris Civil. to. i. pag. 112. Venet. 1739.

(4) Digna sunt lætæ, quæ in hanc rem disertissimus Muretus edixit Var. Læd. lib. xv. cap. i. probavitque omnino Petr. Zornius in Prælat. tom. i. Opusc. Sacr.:

Tibi auctor sum (inquit Muretus) ut ne eorum stultitiam imiteris, qui usque eò Antiquitatis studiosi sunt, ut voces quoque Christianæ Religionis proprias refugiant, & in earum locum alias substituant, quarum nonnulla etiam impietatum olent . . . qui, ut opinor, nisi sibi metuerent, etiam pro Christo Forum Opt. Max. dicerent; est enim magis Ciceronianum &c.

inscripsimus Noctium Acticarum, nihil imitati festiuitates inscriptionum, quas plerique alii utriusque linguae Scriptores in id genus libris fecerunt (1). Nemo praeterea Ciceroni (quicquid de importuna Philippicarum appellatione importunior ipse notare quoque voluerit Censor) vitio, insolentiaeque unquam vertit, quod Quaestiones illas, quibus egregia Moralis Philosophiae documenta prosequitur, a Disputationis, Scriptionisque loco *Tusculanas* appellavit: aut quod *Lelium*, quum de *Amicitia*, ac *Brutum*, quum de *Claris Oratoribus* adeo praclare descripsit, ipsas Tractationes, magni Platonis exemplum sectatus, inscribendas maluerit. Sed ne plura ex Antiquitate afferre opus; quandoquidem, quod ad Anni tempora attinet, qui Rosfridum a certo *Hebdomada* die Libri sui titulum mutuantem, *objurgatum* voluit, is ipse Censor posteriorem eum Librum, eruditus Juris tractationibus instructum, qui Reip. suae Appendix est, satis hilari, sed nihil ad rem appposito *Feriarum Autumnalium* titulo concinnare amavit.

Stet igitur nullis temerata maculis, nullis impetita cavillationibus Rosfridi nostri fama: Virumque revereamur, quem Rom. Jurisprudentiae apud Italos rediviuae imprimis instauratorem novimus: cui demum illa frequentibus Eruditorum suffragiis laus quaesita jamdudum est, ut quandoquidem veterem illum Papinianum Juris Rom. asylum, ac prope conditorem Urbs Beneventana Civem suum proba fide, certisque tabulis ostendere nequeat, alterum certe (uti ex aliorum sententia superius audivimus) in Rosfrido Papinianum, quantum & ratio temporum, & Jurisprudentiae status ferebat, sibi adeptum gratulari, atque aliis ostendere non immerito possit.

Ac in Rosfrido quidem conquirecere mihi mens fuerat, nisi egregium alterum Beneventanorum Idolorum par, Rosfrido ipsi tum genere, tum aetate, tum demum ipsa Doctrinae praestantia conjunctum, eidem heic adnecti aequè dignum, operam nostram postulasset. Horum prior Rosfridus alter est, vel, ut alii malunt, Fridericus majoris Rosfridi Discipulus, & ipse Beneventanus, qui praclarum *De Pugna*, seu *Duello* Tractatum, quaestionibus xxi. explicatum edidit (2). Odofredus posterior est, magnum quidem suae aetatis, omniumque sequutorum temporum memorià celebratum nomen. Odofredo eadem, quae Rosfrido, patria Beneventum fuit; qua in re frustra plerique, aut Beneventanum, aut Bononiensem malentes, vel dubitationem, vel controversiam facere visi sunt. Nata ex eo pro Bononiensibus opinio videtur, quod Odofredorum Gens diutissime, ac summo quidem loco in ea Urbe floruerit: probatque adhuc monumentum, Odofredo ipsi ejus familiae principi pyramidis instar ante Aedem S. Francisci magnifico opere locatum, cujus haec sunt verba:

ALTER

N n n 2

DEO

(1) In Praefat. earund. Noct. Actic., quo loco eruditissimus Scriptor posteaquam in aliorum Librorum titulos recensendos late, jucundèque excurrisset, alios etiam bene multos superesse ait, nimis lepidos, ac multam concinnitatem redolentes: Nos vero (subdit) ut captus noster est incuriosè, & immediatè, ac prope etiam subrusticè, ex ipso loco, ac tempore bibernarum Vigiliarum, Noctes Acticas inscripsimus.

(2) *Alva de Pace tenenda* in princ. verb. ex hac Glos. & in *Procem. Feud. col. 2.* Guid. Pansiroli *De Clar. Jur. Interpr.* lib. ii. cap. xxvii. pag. 118. edit. Lips. 1721. Quo etiam loco idem Pansiroli *Bartholomeum* quoque *Beneventanum* conficiat (quem synchronum Rosfridis, aut certe fopparem credere licet, heic propterea non silendum) egregium olim Patavii Juris Civilis Magistrum, cujus Tumulo, seu Sepulchrali *Arae*

lapideae in ejus Urbis Aede majori extra Portam Meridionalem positæ hoc inscriptum Epitaphium est:

*Nate Benevento tibi Jus Civile catbedram,
Dum coleres Paduam, Bartholomae dedit.
Tu vigil ad causas, tu tradere jura disertus,
Tu placidus cunctis dapnitate tua.
Vixisti prudens, prudens moriendo dicasti
Huic tumulo Corpus ossibus ampla suis.
Tu propitii Fratris tumulo dare corpus, eidem
Mandasti; factum est: Parcat utriusque Deus.*

Hujusce nostri Bartholomaei etiam cum laude commemerunt Scardeonius *De Antiq. Urb. Patav.* pag. 381. Laur. Schraderus in *Monum. Ital.* pag. 5., Nicol. Toppi *Bibl. Neapol.* pag. 37.

DEO TRI. UNI

PYRAMIDEM ET SEPULCHRUM VETUSTATE
CORRUPTUM. QUÆ ALBERTUS GENITORI SUO
ODOFREDO LEGUM PARENTI A. D. MCCCLXV
III. NON. DECEMB. POSUERAT. LAURENTIUS
ODOFREDUS DOMINICI ODOFREDI POSTERIORIS
FILIUS. ALBERTI TRINEPOS SUA IMPENSA
IN MELIOREM FACIEM OPERE ET CULTU SPLEN
DIDIORE RESTITUIT. ANN. SAL. MCCCCXCIV.
KAL. SEPTEMP.

In altera verò Sepulcri parte hæc habentur :

HIERONYMUS QUONDAM LAURENTII DE ODOFREDIS
REPARAVIT

Ex Odofredi autem obitu, qui Bononiæ accidit, erectoque ibidem eidem tumulo haud illud certè necessariò consequitur, ubi mortem oppetit, ibi quoque vitam auspiciatum fuisse; nam quòd ipse etiam Bononiæ majorem vitæ partem transegerit, ac præterea in D. Ambrosii Curia, seu Vicinia habitasse ex ejus ore sciamus (1), poterit æque quis, sed non ineptè minùs, argumentari Bononiensem origine fuisse Odofredum. Cur verò post illius obitum Albertus filius Bononiæ perstitit (unde posteris locati perpetuò in ea Urbe lares) in promptu causâ est: Paternaam & ipse disciplinam professus, Jurisconsulti nomine inclarescere perrexit (2), itaut satius sibi fuerit in ea Urbe consistere, ubi ex paternis, suisque meritis nonnihil splendoris, fortunarumque familiæ comparatum erat, quàm ad veterem Patriam redire. At illud semper Benevento Bononia debebit, uti paulò ante Roffridum, ita pariter Odofredum exinde excepisse; atque à Roffrido quidem *Odofredi fluxisse feruntur* (3), primumque ipsam Odofredum Benevento oriundum, & ex Roffrido, aut ex ejus Cognatis genus duxisse, constans vel vetustiorum Scriptorum testimonium, vel doctiorum sententia est (4).

Eadem igitur Patria, eademque, quæ Roffridum, Azonis Schola paulò post Odofredum emisit, egregium ipsum quidem, atque illustrius fortasse & Patriæ, & Scholæ decus, atque ornamentum, cujus ingenii acumine, ac feracissima vi, suis veluti novis incunabulis hæcenus enutrita, ociùs adolescere, atque in ingentem explicata molem, sese prodere, excolique Jurisprudencia visa est. In Naturali Philosophia (ita de Odofredo fert Panziroli judicium), & Artibus primum exactè eruditus, postea Juri sub Ugolino, Jacobo, Balduino, & Azone incubuit. Deinde in Bononiensi Academia magnâ nominis famâ Jus Civile docuit, ubi non semel à Gregorio Montelongo Gregorii Pontificis in Italia Legato de ambiguis Juris quæstionibus confulebatur. Luculenta in Pandectas, & totum Codicem tanta felicitate, & facilitate Commentaria edidit, ut ante ipsum nullus planius scripserit, nec ex omnibus Interpretibus alius eo clarius, aut Tyronibus utilior habebatur. Quasdam præterea Azonis præceptoris Summæ edidit Glossas, quæ etiam hodiè extant in titulo *De Pa-*

ce

(1) Odofredus in leg. 14. Cod. de Fid. Instrum.

(2) De quo Jo. Baptista de Gazalupis in Hist. Interp. Jur. post Panzirol. pag. 504. hæc scribit: *Albertus Odofredi fuit contemporaneus Dyni: Vid. Consilium subscriptum ab utroque; de quo patebat publico instrumento in Archivio Senensi.*

(3) Gnid Panzirolus lib. II. cap. 18. pag. 119. in Roffrido, & in ipso Odofredo pag. 125.

(4) Raphael Volaterranus (qui sub exitum Sæc. xv. scribebat) Anthropol. lib. xxx.; Jo. Fichardus in Vit. Jurisconsult. post Panzirol. pag. 405.: *Eodem hoc tempore floruit Ottobfredus, Patria Beneventanus, Jacobi*

Balderini Discipulus &c. Bern. Ratilius in Vit. Idor. tom. 1. Tradat. Juris; Trithemius de Scriptor. cap. 444.; Bergomenis in Supplem. Chron. ad anno 1240. dissentit Beneventanum statuunt; ac uterque Trithemius, ac Bergomenis de antiquiore *Odofredo*, sed *Odofredo*, alter cap. 425., alter ad aa. 1199. etiam meminerunt, quem pariter domo Beneventanum appellant: ac vereor, ne non de Roffrido intelligendi sint, quem Odofredi nomine vocarunt. Albertus denique Fabricius, ut alios præteream, de Benevento Odofredi patria indubiè loquitur in Bibl. Lat. med. ætat. lib. XIV. tom. v. pag. 160. edit. Venet. an. 1754.

ce Constantia: & Feudorum Compendium composuit (1): De Libellis, quibus in Iudicio experimur: Restitutione Dotis: Ordine Iudiciorum: de Percussione: De Primo, & secundo Decreto: Curatore Bonis dando; & Arte Notariatus, utiles Tractatus etudite conscripsit. Haftenus Panzirolus (2), cui brevior, sed luculentior in Odofredo elogio Fichardus ita praeiervat: Eodem hoc tempore floruit Odofredus, patria Beneventanus, Jacobi Balduini discipulus: Professus est Bononia magna cum gratia, id quod & ipsius Lecturae satis ostendunt, qua vivida quadam energia, & lepida docendi ratione referre sunt: non enim legere illum, sed propemodum audire sibi Lectorem videatur (3). Concinnare superdictis voluit Matth. Gribaldus Mopha, Oldradi, simulac Odofredi laudes hoc disticho eleganter perstringens:

Consilio Oldradus pollet: Clarissima Legum
Commentis praestas sensa, ODOFREDE, tuis (4).

Neque inferiora sunt, quae de Odofredo recentiorum emunctae naris Eruditorum habemus iudicia (5).

Quae quum ita sint, nunquam mirari quis desinat, dum ab eodem Reip. Ictorum Censore, a quo paullo ante Rosfridus (injuria licet) vapulavit, non tam censoriam virgam erectam, quam cruentum in manibus acceptum stilum aspiciat, quo penes Odofredum confodiat. Ac primum is Odofredo exprobat, nil ipsum curare, se totius Graeciae rudem profiteri (6): Tum, videre se ipsum, subdit, cum ait: Grammaticemus aliquantulum (7): Utque minuciora alia praeteream, Historiae omnis ignavissimum exhibeat, suavissimumque praeter ceteris appellat, quod eadem navi Aeneam, & Romulum in Italiam advenisse, affirmaverit. Non ego autem is sum, qui Censori Albericum Gentilem, cujus lectione multum is profecisse videtur, duntaxat objiciam, eoque tantum Patrono Odofredi causam in tuto ponere velim. Est enim meditata Alberici sententia, sex illis celebribus Dialogis suis, quos de Juris Interpretibus lucubravimus, pronuntiata: Legum studiosum majorem sibi polliceri posse utilitatem ex Veterum lectione, quam recentiorum Ictorum: Bonum Ictum Latinae linguae exquisitori cognitione carere posse: Graecae autem omnino: uti Dialecticae usum in Jurisprudencia magnum non esse: Historiam autem neque necessariam, neque utilem: quod tandem ex utriusque classis Ictorum collatione demonstrare conatur (8). Sint enim haec (ut aliis placet) ex invidioso quodam ingenio, ac contradicendi studio laborante profecta, ac vehementius, quam par erat, disputata: res tamen omnis ad illud caput redit, quod scriptioni suae Albericus perpetui instar documenti praeposuit: Esto cum veteribus; novis invisas: conjunge utriusque factionis studia. Esto cum veteribus, quia ipsi verè Jurisconsulti, & verè Juris Interpretes; alia enim nec attingunt, in quibus vel praecipue sunt isti recentiores. Cum illis Civilem Sapientiam tibi parabis: ex istis ornamenta quadam haberi possunt. Oportet sane magnum adhibere iudicium, & magnam cautionem, ne horum delicatioribus lucubrationibus abripiaris longius, quam par est: nam si ipsos novitios sequi velis, vereor, ne mutetur principale, quod dicitur, in accessorium, & hoc illius locum occupet, atque gradum. Haec reliquis conjunge, & habes sententiam meam (9). Haec quoque ipsa, à qui-

(1) Hoc Compendii Feudorum Opus Odofredo abjudicare videtur Jo. Albertus Fabricius l. l., haec de illo subdens: In Codice membranaceo Bibliothecae Felini extant Friderici I. Constitutiones inscriptae De Pace Constantiae cum notis, & perpetuis commentariis Odofredi bujus: Quia verò Commentarii ipsi subdantur compendio Feudorum ab Antonio Mincuccio de Prato veteri conscripto, ut ex hoc ipso Codice intelligo, idcirco forte nonnullis obrepsit, ut Feudorum Compendium Odofredo tribuerent.

(2) De Clar. Jur. Interpr. lib. II. cap. XXXV. pag. 125. edit. Lipsiae 1721.

(3) Post laudatum Panzirolum ejusd. edit. pag. 405.

(4) In Catalogo Interpretum aliquot Juris Civ. post d. Panzirol. pag. 531.

(5) Omnium vice Cl. Vinc. Gravina afferre libet, qui in De Ort. & progr. Jur. lib. I. cap. CLVI. sic scribit: Emisit eadem Aetatis Schola Odofredum Bononiensem,

vel ut alii credunt Beneventanum, ad ambiguae quaeque causas à Gregorio Montelongo Gregorii Pontificis Legato addibitum, dum Bononia doceret; cujus in interpretando facilitatem, atque utilitatem ex ejus uberimis in Pandectis, & Codicem Commentariis noscere licebit. pag. 114. edit. Venet. cum notis Malcovii 1739.

(6) Pag. 98. d. edit. posterioris.

(7) Pag. 152.

(8) Dial. I. Schœvola pag. 543. edit. Lipsiae 1721. Post Panzirol.

(9) Sed & deteriora nonnihil tamen humani passus Gentilis habet in Dedicatione libri IV. Lectionum, & Epistolaram, quae ad Jus Civile pertinent: Placet (inquit) ratio haec scribendi maxime, quod ipse non ferè admittit, ut nostra plura, aliena pauciora inducamus; & id probandum magis existimo, vel si illa essent medicamentis, quam ineptos, ridiculosque, versicoloresque ipsos videre phticos, qui nihil omnino afferunt in commune desuo,

quibus nemo jure dissentiat, illis conjunge, quæ uno consensu Eruditi in Odofredi laudem æqui ipsius æstimatores conscribere; jam habebis iniquum Censorem, vel quia de Odofredo nihil, præter solas Odofredi labes prodens, se uno carpendi studio incubuisse demonstrat; vel quia, quod commune ipsi, omnibusque Scriptoribus esse debet, illud potiori jure Odofredo debitum, Odofredo vindicatum noluit:

*Verum ubi plura nitent in Carmine, non ego paucis
Offendar maculis, quas vel incuria fudit,
Vel humana parum cævis natura (1).*

At jam singula criminationis capita percurramus. In Græcæ linguæ ignorantia uberioris, sive potius elegantioris Doctrinæ deesse commendatio, nullum tamen adesse crimen debet: nam si crimen id habebitur, fuerit potius nostrorum temporum, quorum felicitas plures, qui græciffare affectant, quàm qui græcè sciant, enumerare solet. Si autem felicioribus omnino temporibus pudori non fuit clarissimo Uldrico Zaslo, *græcarum literarum ignarum se profiteri*, neque Zaslo id impedimento fuit, quin Jurisconsultissimus (qui si non mille Budais græca linguæ callentissimis, uti Gentilis cenflet, Budæo certè præstat) jure meritoque haberetur, uti nemini dubium fuit unquam, quin ejusmodi æstimandus sit Zaslus: An deteriore longè ævo Græcæ Linguæ ignorantia Odofredi doctrinæ, satis aliqui probatæ, obesse potuit; an etiam celeberrimmo Odofredi nomini obesse nunc debeat? Ceterum, ut hanc rem cum Everardo Ottone consiciam, optandum, ut Juris studiosi Græcas Literas sibi acquirant, ediscantque *Exemplaria Græca nocturna versare manu, versare diurna*; at prioribus illis, qui è barbaricæ ætatis tenebris prodeuntem Jurisprudentiam sinu suo excipientes excolere, ac fovere aggressi sunt, si græca ex corruptissimis plerumque exemplaribus monstrosè verterint, aut *Accursianum* illud professi fuerint: *Græca sunt, non leguntur, vel; Hic sequitur Græcum, quod intelligi non potest*: non, inquam, illis pejori *Sæculo natis est insultandum, ac si patriam prodidissent*. Hæc Otto in Vita Papiniani cap. iv.

At Græciæ Hospitem Odofredum impunè dimiserimus: An verò (Censor ait) veniam dederimus homini, qui natalis Latii peregrinum se prodit? Sed reclamat Odofredus, causamque suam, allatis tantum ante Censoris, seu æquiorum Sapientum Tribunal Libris suis, confecisse contendit; in quibus non Latiarem quidem elegantiam, sed nec Barbaricas fordes intueri est: Scripsit denique Odofredus secundâ Minervâ, faventibus Charitibus; id quod (ut iterum cum Fichardo loquar), & ipsius *Lecturæ satis ostendunt, quæ virvida quadam energia, & lepida docendi ratione referta sunt; ita ut non legere illum, sed propemodum audire Lector sibi videatur*. Quod verò se aliquantulum grammaticare velle dixerit, non eo quidem sensu dixisse intelligendus est, ut ad universam scribendi, loquendique seriem, exercitationemque referret: quis enim Grammaticæ expertus, non eloquenter quidem, sed tamen latine, affluenter, faciliq; auditorum captu, atque eruditione, uti Odofredus, loqui unquam poterit? sed id dixit, egitque, ut in Juris interpretatione ad exactiores Grammaticæ Leges sibi descendendum ostenderet: qua in re nonnisi laude dignus haberi debet, veterum scilicet Jurisconsultorum exempla sequutus, quorum acutissimum, disertissimumque Papinianum in servandis verborum proprietatibus anxie satis versatum, testatur Lud. Russardus, atque in *Responsis suis concinnandis ferè nimium (si quis tamen nimius in eo genere, vel quid nimium esse potest) observatorem* dixit Ant. Faber (2). Agitur enim de Legibus, de Testamentis, de Stipulationibus, ceterisque rebus scripto traditis, quorum ambigais verbis rectè interpretandis, aliisque nativa vi, significationeque donandis, petenda omnino à Grammatica subsidia sunt; quæ quidem Grammatica non solum Quintilianii monitu necessaria futuro Oratori, & Jurisconsulto fundamenta præstare, sed florenti jam utrique Oratori, & Icto assidua Comes, & honorabilis Magistra esse debet.

Quid

desuo, si sium AVE excipiunt, suas grammaticationes, græcationes, criticismes, & id generis alia, tam me hercule, ab Jurisconsulti professione longè posita, quam ab homine pſticus postus est homo pictus.

(1) Horat. in Art. Poet. v. 351. Non veterum tantum Idorum quietos (ut cum sequioris ævi Legum latoribus loquar ex Valentiniani Novell. De Sepulc.) Manes funestis ausibus sollicitare amavit Censor, sed & clari no-

minis recentiores, vivosque Idos vellicare non abstinent, ex quibus Everardus Otto in Vita Papiniani secundis curis edita Bremæ an. 1743. in nova Præfatione vicem rependens, nec ipsum Januarium illa, quæ splendide minuta vocat, contempsisse, inquit, ut plurimis in locis monstrari posset, nisi pauperis esset numerus pecus.

(2) Conjecturarum lib. xviii. cap. 17.

Quid verò? dum Odofredus ita Historiarum jejunum se prodit, ut Romulum Ænææ synchronum, comitemque attribueret non dubitarit? Quando, atque ubi hæc dixerit Odofredus, nondum reperio, neque enim Censor tabulas profert, aut indicat; sed jam dixerit: Quale id, quantumque erit piaculum? non magis fortasse Odofredus falsus fuerit, quam falsus Virgilius fuit, qui corævam Ænææ suo Didonem nobis obtrudit: Ad hæc jamnunc illa ex Viro doctissimo satis ad universam rem appositè, ac verè dicta usurpabo: ut nisi prioribus illis instaurata Jurisprudentiæ Antistitibus — temporum barbaries Antiquitatis lucem, & sermonis elegantiam ademisset, nullum fortasse laborem eruditæ recentioribus reliquissent. Quo magis mihi Stomachum facessit eorum insolentia dicam, an immanitas? qui, quum eorum lectione Legum sensus levi labore adipiscantur; ubi verò aliquid nubecula ab iis relinquitur eorum eruditione diluendum, feroces victoria statim perstreperunt, & chachinnos tollunt; nec verentur Viris, de illis, ac de posteritate optimè meritis, temporum caliginem vitiovertere, si verò laudi ducere nascendi sortem. Quæ autem inhumanitas est, iis, qui facem prætulere in tantis tenebris Juris Civilis, quæ sine vel eruditissimi novorum Jurisconsultorum oberrassent, vitia illa nolle condonare, in quæ deciderunt, non propter Juris Civilis inficitiam, sed ob imperitiam Historiarum, & Latinæ proprietatis sibi ab ætate illa denegatæ: quum tamen iis etiam præfidiis spoliati, ingenii acie non raro collineant, ut non tam eorum errores exagitare, quam paucitatem illorum in tam crebris peccandi periculis, lubricisque locis admirari debeamus. Quo magis Cujacii modestia, probitasque erit commendanda (immo penitus imitanda), qui quum in Accursii nomen incidit, non modo parit a consuetis eruditorum injuriis, in quibus Duarenus potissimum est intemperans (1); verum etiam hominem honorificè appellat, Optimum scilicet Accursium —. Hactenus V. C. Vinc. Gravina, de Accursio is quidem loquutus (2), qui tamen non invitatus hæc a se pro Odofredo me mutuatum fiverit; Par enim utriusque causa est; si qua verò amplior ex doctrina Accursii laus, communis etiam Odofredo nostro esse debet, optimo jure illo, quo Discipulum aded in Juris scientia profecisse, Magistri decus est; Accursium enim, annum agentem quadragesimum sub Azonis, & Odofredi disciplina Juri civili se dedisse, ipse Reip. Censor disertè testatur (3).

Viderint itaque Eruditi, quicumque illi sint, ediscantque tandem, quantum piaculi illud sit, in veterum Jctorum nomen, scriptaque tot convicia profundere, eosque potenti instar, quo risum admissi amici vix teneant, in spectaculum proferre: debacchari, deservire in eos desinant, a quorum lectione, ob rationum acumen, rerumque ubertatem Viri maturioris judicii nunquam abhorruerunt, immò vanitatem rident eorum, qui non tam eruditione propria, quam ineruditorum Interpretum contemptu, atque fastidio se profitentur eruditos. Quod si mihi dicere fas sit, quod ad Jurisprudentiæ disciplinam modò attinet, contrario vitio passim nunc peccari dixerim: Eò enim ventum est, ut quod tempus à renata Jurisprudentiâ ad Alciatum, Cujaciumque effluxit, hiemem quodammodo fuisse volunt, perpetuum illud ver evasisse videatur, quo Jurisprudentiâ illorum ope elegantius reflorescens, à lasciventibus postea ingeniis nonnisi floribus ad fastidium usque ornatam, ac penè obrutam invita se aspiciat: adeò illud jam videatur Jurisprudentiæ contigisse, ut se venustam magis, quam divitem miretur; jamque ipsam tædeat pulchritudinis suæ, quæ utilitati detraxit; atque ex perpetuo illo vere suo, demum in ætatem, autumnumque progredi, in illam nempe fructuum ubertatem, soliditatemque maturefcere, quibus præcipuè, non ad solius eruditionis vel cultum, vel ostentationem, sed in commune Reip. commodum referta esse debet (4).

Hæc verò ne superciliosis Reip. Literariæ universæ eruditæ, sed Beneventanis duntaxat meis dicta intelligantur; quibus, quæ occurrerunt, ad Rem nostram Literariam pertinentia pro medio ævo, hactenus à me illustrata sufficiant; magna illa quidem, ac pro temporum, mo-

rum,

(1) Non sine ingrati animi vitio; eos enim ubique mordet Duarenus, à quorum Commentariis plurima sumpsit, quæ adpersa sermonis elegantia in novam faciem vertebat, Lucretianam illud effari solitus: Floriferis ut apes in saltibus omnia libant, omnia nos itidem depascimus aurea diſſa.

(2) De Ort., & Progr. Jur. Civil. cap. CLV. pag. 113.

(3) Pag. 91.

(4) Tutissima in hac rem Christ. Golfr. Hoffmanni erit sententia, qua in Præfat. ad Panziolum de Alb.

Gentili differens protulit: Non est (inquit) negandum, nos cum Alberico in eo convenire, parum conducere Reip., si circa Leges Historicis modo, aut Criticos agere velimus, cum Jurisprudentiâ practica sit disciplina, & in nuda contemplatione syllabarum, aut recensione factorum non acquiescat. Omnem autem Historicam de Legibus Romanis scientiam, & Critices Artis principia remove, nihil aliud foret, quam antiquam barbariem, & cum illa crassam reducere ignorantiam.

rum, ac dominantium ratione satis præclara, ut in præsentium temporum felicitate luculento exemplo esse queant, quo in Literarum, ac ceterarum bonarum Artium studiis alacrius incitentur; pudori verò ipsis esse debeant, si longius Majorum suorum quæsitam ex Re Literaria laudem non superarint; superasse autem tunc verè videbuntur, si modò aurea illa Senecæ monita altius infixæ animo prosequantur: *Liberalia Studia nostra esse rudimenta, non opera: ceterum unum Studium liberale est, quod liberum facit; hoc Sapientia sublime, forte, magnanimum..... Magno impendio temporum, magna alienarum curiarum molestia laudatio hæc constat: O Hominem Literatum! Simus hoc titulo rusticiore contenti, quo scilicet omnia studia nostra ducere nos debent. O Virum Bonum* (1)!

DIS-

(1) Epist. LXXXVIII. edit. Paris 1613, cum notis Lipsii, Mureti, Fabri, aliorumque.



DISSERTATIO VII.

DE BENEVENTANI PRINCIPATUS OCCASU.

Radelchis II. veterem Longobardorum Principum Prosapiam ad Annum CM. claudit; quam Prosapiam Soror Ageltruda Aug. Imp. Guidonis Coniux plurimum illustravit. Atenulphus Capuanus

Comes à dicto An. CM. Principatu positus, eundem, sedatis Beneventanorum turbis,

& Petro Episcopo ejecto, sibi confirmavit, & ad Posteris suos transiit. An in hac

Atenulphi Prosapia Capuanus Principatus exortus, & à Beneventano discissus.

Beneventani Principes plures simul in singulis Generationibus, quorum

series ex Veteri Chronico exponitur, atque illustratur. Illorum po-

stremus Landulphus VI. An. MLXXVII. defunctus, Sedi Apo-

stolica, cui antea fidelitatem iuraveras, Urbis, ac

Principatus dominium vacuum reliquit. Quæ fue-

runt antiqua ejusdem Sedis Apostolica jura in

Principatum Beneventanum, longius, ac-

curatiusque demonstrantur. S. Leonis

PP. IX. fama ob Bellum North-

mannis illatum vindicatur.

De Northmannis, eorumque Duce Roberto plurima observantur.

Illorum res cum Romano Pontifice compositæ, cujus dominio

servata Beneventum. Hujus Civis pari (ut semper)

cum Regnicolis jure censendi demonstrantur.



ITERARIAS nostras lucubrationes, Patriasque simul Medii Ævi Antiquitates iple demum claudet Beneventani Principatus occasus. Quod argumentum ægrè quidem, sed pertractandum tamen pro Instituti Operis ratione nobis fuit. Veterem itaque Longobardicam Dominationem, Virtutemque, quam superioribus hujus Libri Differtationibus usque ad Sæculi IX. exitum florentissimam spectavimus, jam exinde selsqui Sæculi, & ampliùs spatio, longâ quadam, ac fortasse ingloriâ fenectute ad interitum collabentem, collapsam denique, atque in pulverem, & umbram redactam intueri nunc erit,

inani vix Longobardici nominis superstitie fama, cui restituendæ, illustrandæque tamdiù, ac tam longo opere laboravimus. Proderit autem id nunc egisse, quod ante omnium oculos positum, rerum humanarum vicissitudines, & quam homines nunquam satis videntur didicisse, terrenæ gloriæ conditionem fragilem, atque caducam vehementiùs docere possit. Proderit quoque ex Longobardicis cineribus, atque ex ipsa pertractandarum rerum serie id subinde enatum, atque augustioribus auspiciis id proditum conspiceri, quod Beneventanæ Reip. non solum solatio, sed majori, quàm olim, honori, ac felicitati esse cœpit; nam sub Apostolicæ Sedis imperium translata, non modò veterem dignitatem servavit incolumem, verùm in novam etiam meliorum temporum, fortunarumque suarum felicitatem provectam aspexit.

Beneventanorum Principum Series usque ad Radelchim II. superiùs deducta fuit, Annusque Æræ Christianæ nongentesimus in itinere sanè longo aliquantisper nobis conquiescendum suavit. Subsistere tunc in eo argumento consilium propterea fuit, quòd translato in novam Stirpem, atque Prosapiam Principatu, nova exurgere à dicto anno CM. ad MLXXVII. Principum series videretur, quam in postremam Longobardicarum Antiquitatum, Operisque mei partem opportuniùs rejicerem. Radelchis igitur II. Principis Radelchis I. ex Adelchi item Principe Nepos, post ejectum patrualem Gaiderisum, ejusdem prioris Radelchis ex Radelchario Nepotem, Principatum adeptus, primùm Ajoni fratri concedere coactus, postea, Græcis ejectis, qui sub Urlo puero Ajonis filio Beneventum occuparant, rursus Augustæ Sororis Ageltrudæ operâ regendum suscepit.

De Ageltruda Augusta nulla diximus in Diff. III. Cap. VII.; plura nunc de hac Foemina observabimus; quæ Foemina non solum Beneventanorum Principum dignitatem

illustravit; verum etiam Radelchis Profapiam honestissime clausit. Guido ex regio Franco-
rum genere Dux Spoletinus, ante Imperium Ageltrudam Conjugem accepit; Carolo Crasso
anno DCCCLXXXVIII. defuncto, Imperator, atque Italiae Rex renunciatus, Berengarium
Ducem Foro-Juliensem ad eandem Dignitatem aliorum factione electum bello persequutus,
Lambertum filium ex ipsa Ageltruda susceptum anno DCCCXCII. socium Imperii adlegit,
atque anno DCCCXCIV. successorem habuit usque ad annum DCCCXCIX., quo anno Lamber-
tus in venatione peremptus est. Quare Ageltruda duorum Imperatorum & Conjugis, &
Mater fuit; filique tunc juvenis dignitatem virili fortitudine ita sustinere coepit, ut Urbem
Romam in potestatem redactam, in sua custodia aliquando retinuerit: At praecox Filii mors
conatus omnes elusit, Imperio adhuc fluctuante, quod tandem anno DCCCCLXII. in Otto-
nis I., ac deinceps in Germanorum manibus conquievit.

Extat in Chronico Vulturneo insignis Charta Augusti Guidonis, in qua & Ageltrudae
Conjugis, & certi loci, ubi Lambertum filium peperit, mentio est. Ex Melchior Golda-
sto (1) intulit in suos Annales Benedictinos Jo. Mabillonius tanquam rari pretii monumen-
tum (2). At Mabillonio laudandus potius erat Magnus Baronius, qui primus in lucem edi-
derat ad Annum DCCCXCII. Chartam, quam tot Viri summi veluti certatim Operibus suis
inferam voluere, potiori jure nos recudendam, ac domesticum velut monumentum, quo
patriis rebus lux, decusque maximum accedit, heic legendam exhibemus:

In nomine Sanctae, & individuae Trinitatis.

Wido Imperator Augustus Divina Clementia. Cum Augustalis sublimitas in omnibus rebus non
solum terrenatum, verum etiam Ecclesiarum, Monasteriorumve cura, ut perficiantur, Deo fa-
vente, sedula intentione oportet esse pervigil, quatenus dignis digna, & precepto divino inimicis
bona praebere dignum est. Et ideo notum sit omnibus tam absentibus, quam praesentibus nostris fide-
libus, quia a Benevento redeuntes nostra cum Conjuge tandem pervenimus Balbam, cui insi-
bat pariendi tempus;angebatur enim maxime, quo loco diverteretur: tandem vero per suggestio-
nem Leonis Venerabilis Abbatis nostri fidelissimi in Cellam sui Monasterii adeo opulentam deveni-
mus, quae in honorem Sancti Ruffini constructa est in loco, ubi dicitur Campu de Rota. Post ter-
tium diem dilectissimus filius noster Lambertus natus est nobis. Quocirca ut superna Clemen-
tia nobis illum ad Imperii gubernacula concedat, per rogum nostra Conjugis pro merito conce-
dimus in Monasterio Beati Vincentii Martyris Christi Ecclesiam S. Marcelli, quae est constructa in
loco Focinae cum Servis, & Ancillis, & omnibus suis pertinentiis. Insuper offerimus in praefato Mo-
nasterio auri puri libras, quantum idem Karissimus noster pensat Filius. Et ut haec nostra con-
cessio robur in perpetuum habeat, & ut ab omnibus observetur, veriusque credatur, anulo nostro
subter sigillari iussimus. Datum Kal. Novembris Indictione x. Actum in Balba (3).

Qui

(1) Constit. Imperial. T. III. pag. 396.

(2) Mabillon. Annal. Bened. ad annum 891.

(3) Post Baronium, Goldastum, Mabillonium, fin-
ceram hanc Chartam probantes, primus omnium de
ejus fide dubitavit Muratorius, qui in notis ad Chro-
nicon Vulturneo T. I. P. 11. Script. Ital. pag. 430.
plures suspensionis suae causas adducit, quarum illa
praecipua, quod ex Diplomatis verbis satis indicatur,
Lambertum anno eodem 891. in lucem editum, atque
in eodem Valvensi agro, & loco, ubi is natus est, do-
nationem fuisse factam: at Lambertus anno sequenti
892. ante diem IV. Martii corona donatus fuit, & an-
no 899. necatus: non igitur veri id simile, ut vix na-
tus Imperator declararetur, & octennis esset, qui jam
pubes, & juvenis interemptus traditur. Sed ejusmodi
scrupulum facile sibi submovisset Muratorius, si cum
Baronio verum annum Diplomati tribuisset; id est an-
num 892., qualem praefert Indictio x. cum Mense No-
vembri. Non potuit igitur Lambertus Mense No-
vembri anni 892. natus dici, qui jam a Mense Martio
coronam acceperat. Quare si ad annos antecessores
Lamberti Nativitatem retrahamus, Donationem vero
nova occasione factam putemus, quum scilicet Guido
cum sua Conjuge, & Filio Benevento rediens, iterum

per agrum Valvensem transiret, jam monumenti fides
praelare constabit. Constat autem ante annum 892.
pluries Guidonem Beneventum accessisse: nihil igitur
vetat, ut in eo reditu Lamberti natiuitas acciderit,
in loco Valvae, five Balvae apud Sulmonam: In secun-
do autem reditu idem Guido jam factus Imperator, ac
recepti olim beneficii memor, rogante Conjuge Agel-
truda, eam Donationem scilicet debuit, in qua auri
pondus Lamberti pueri corpore pensandum Monaste-
rio Vulturneo largitus fuit. Futilem autem suspicio-
nis eam causam alteram addit Muratorius ex altero
ejusdem Guidonis Diplomate, quod autographum le-
gisse se ait in Tabulario Ecclesiae Mutinensis, datum
x. Kal. Decembris Indictione x. anno Incarnationis Do-
mini DCCCLXXXI. Lignaco villa: Nam praeterquam-
quod ibi legi, seu emendari debet Indictio IX., quae
carrebat in Mense Decembri ann. 891., quamobrem an-
ni fere spatio distat a nostri Diplomatis tempore, quod
datum legitur Kal. Novembris Indictione x., quae ad an-
num sequentem pertinebat; etiam si idem annus utri-
que Diplomati tribuatur, viginti tamen interlaben-
tibus diebus, quot a Calendis Novembris ad x. Kal.
Decembris enumerantur, potuit certe Guido a loco
Valvae propè Sulmonam ad Lignacum, seu Liniacum
propè

Quis verò ex binis Guidonibus, qui per ea tempora à Scriptoribus celebrantur, & Imperator, & Vir Ageltrudæ fuerit, intererit quoque, ut accuratius explicemus. Duos certè Guidones Erchempertus cap. 79., & Chronographus Cavenfis ad annum 894., & 896. commemorant: & sanè ejus, qui Imperator fuit, obitus anno 894. assignatur: tum Guido Dux Spoletinus, ann. 896. expulsus Benevento Græcis, factus est (ut inquit Chronographus Cavenfis) Princeps, & Dux, & Marchio: idest, qui Dux Spoleti, & Marchio Camerini erat, Beneventanum Principatum à Græcorum tyrannide liberatum, sibi conquisivit. Contrà verò Anonymus Salernitanus unum agnoscit Guidonem, quem post Græcorum expulsionem, & Caroli Crassi mortem Italiæ Regno, atque Imperio potitum affirmat. Quod tamen omninò falsum: nam Caroli obitum in annum 888. incidisse, Græcos autem diù post, idest anno 896. expulsos fuisse constat (1). Misso igitur Anonymo Salernitano, qui ex duobus unum compegit Guidonem, Virosque alioqui perspicacissimos in eundem errorem adduxit (2); de ea re sic erit statuendum: Bini omninò fuerunt Guidones, Pater, Filiusque, alter Augustus, atque Imperator, alter Dux tantùm Spoletinus, quos, ut Erchempertus distingueret, seniores, & juniores appellat (3), in eo tamen ipse quoque falsus, quòd Imperium juniori attribuat, quo senior potius fuit. Atque hujus senioris, atque Imperatoris Guidonis Conjugem, junioris verò Matrem Ageltrudam fuisse constat; itaut post Guidonis Patris obitum Lambertus Imperium, Guido junior Ducatum Spoletinum obtinuerint, cui postea juniori Guidoni, ejectis Græcis, Beneventanus Principatus accessit. Rem omnem in apertam lucem proferet Beneventanus noster Anonymus in suo Fragmento Historico, qui post narratas ejusdem Guidonis res Beneviti gestas, hæc statim subdit: *Interea prædictus Marchio Spoletium perrexit, Imperatorem Lambertum, ejusque Matrem Imperatricem cernere cupiens; ibant enim Romam ad Apostolorum Limina, cum quibus & idem ire gestiebat* (4).

Discedens itaque Benevito Guido, Urbem Petro Episcopo gubernandam commisit; qui tamen Beneventanorum animos animadvertens Guidoni adversos, novosque Græcorum motus instare præfentens, ut ruenti veluti Principatui succurreret, in id consilii devenit, ut Augustam Ageltrudam ad illum administrandum acciret, quippè quæ tum jure hæreditario, tum propria dignitate à præsentis rerum discrimine tueri, servareque potis esset. Rem quoque hanc à nostro Anonymo audire præstat: *Beneventum interea regimine præfati Petri Pontificis gubernabatur, cui cum ipse Marchio (Guido) reliquerat, quem Argiva Phalanx, seu latronum manus assidue incurfabat; tamen propè Beneviti moenia minime accedebant, quia sollicita cura ipsius Præfatus undique plurimum insisteret, ne probis suis Civibus damna inferrent: ideoque etiam cursum misit, ut dicta Augusta Beneventum adveniret. Advenire autem Augusta Ageltruda non distulit, ac Beneventum ingressa est pridie Kal. Aprilis anni 896., lapsis jam anno uno, & octo mensibus à Græcorum expulsionem, ac Guidonis Filii Principatu, statimque ejusdem Principatus administrationem suscepit. At quum nihil tutum Beneventanorum rebus fore prospiceret, nisi de successore deliberaret, posthabita Mariti familiâ, ac filiorum amore, Paternam potius elegit Prosapiam, in qua non Ursi Principis Ajonis filium, sub quo Græci Beneventum occupant, adhuc tunc puerum, ac fortassè jam defunctum, sed*

ALTER

O o o 2

Radel-

propè Veronam satis commodè pervenisse. Nelas igitur fuerit de Monumenti fide dubitare, quam velut per otium Muratorius exagitavit, Viri autem perspicacissimi Baronius, Goldastus, Mabillonius omninò confirmarunt.

(1) Anonymus Salernitanus cap. 152. post narratam Græcorum expulsionem, sic pergit: *Guido Principatum Samnitium* (idest Beneventanum) *obtinet, & undique ab hostibus liberavit.* Tum cap. 153. *Prædictus Guido occidit Papiam perrexit, & Carolum defunctum reperit, cursumque quam ambiebat, adeptus est Regalem Dignitatem.*

(2) Cam. Peregrinus in notis ad Erchempertum num. 58. hæc habet: *Guido Spoleti Dux, Frater Lambertus* (utroque Guidonis senioris filii) *post obitum Nepotis d. Lamberto geniti, Dux factus est, juniorque vocatus, inde Rex, & Imperator Italiæ. Cognatum habuit Radelchisum Beneventanum Principem, cujus Sororem Ageltrudam sibi conjugio copularat.* Falsa omnia ex superius dictis jam demonstravimus, si unum tantùm excipias, idest Lambertum, & Guidonem juniorem

fratres, atque ex seniore Guidone genitos, cujus senioris Guidonis, qui Imperator verè fuit, Ageltruda Conjux extitit.

(3) Erchempertus num. 58.: *Eadem quoque tempore Guido filius Guidonis Senioris &c.*; & num. 79. *Defuncto autem Lamberto filio Guidonis senioris, filio suo Spoletium reliquit, quo etiam decedente, Guido junior Spoletium, & Camerinum suscepit &c.*

(4) Adde etiam Chronicon illud breve, quod ex Bibliotheca Casinensi Cod. 353. Camillus Peregrinus Appendicula loco adjecit Chronico Anonymi Sophiani T. v. Opp. pag. 22.; cujus hæc sunt verba: *Tribus denique annis, novemque mensibus, & diebus xx. dominatio Græcorum tenuit Beneventum, Samnitiique Provinciam: Postea verò præfata Imperatrix anno 1. mens. octo expletis, postquam Græci Benevento fuerunt expulsi, in eadem ingressa est pridie Kal. Aprilis, & postea (xlv. Indi.) eadem Imperatrix Mater prædicti Marchensis (Guidonis) Radelchum fratrem suum Beneventano Principatui restituit, qui fere xli. annis ab eo fuerat expulsus.*

Radelchim fratrem, ante XII. annos Principatu dejectum, iterum cum Beneventanorum consensu, anno 897. redintegrandum curavit (1).

Extat in eodem Chronico Vulturensi Charta Judicati, cujus hoc est exordium: *Dum in Beneventano Palatio stetissem ego Lodoicus Castaldeus, & Judex in presentia Domna Ageltrudis Imperatricis Augusta, & Domni Radelchis Principis, & tunc in eorum presentia Domna Ageltrudis Imperatricis Augusta, & Domni Radelchis Principis, & tunc in eorum presentia reclamavit Majo Abbas Monasterii S. Vincentii &c.* (2): ex quo monumento colligimus, Radelchi restituto, adhuc Ageltrudam Principatus administrationem continuasse, quod magis ipsius Radelchis olim ejecti auctoritatem constabileret. Sed & in altera Charta anni 898. solus Radelchis habetur, dataque legitur in Benevento septimo anno Imperii Domni Lamberti Imperatoris Augusti, & secundo anno Principatus post resurrectionem (idest restitutionem) ejusdem Domini nostri gloriosi Principis mense Augusto, prima Indictione (3); ex quo constat Radelchis restitutionem non anno 898., ut Chronicon S. Sophiæ habet, sed antecedenti anno cum Chronographo Caveni assignandum; quod etiam ex annis Imperatoris Lamberti adnotatis comprobatur, qui quum Imperii consortium an. 892. à Guidone Patre assequutus sit, eodem anno 898., septimum Imperii annum in Charta signatum agebat (4). Cur verò Radelchis ejusdem Imperatoris annos in suo Diplomate addiderit, grati animi, necessitudinisque potius, quam subjectionis causa fuisse videtur: Lambertum enim Augustum ex Ageltruda sorore natum, Nepotem habere Radelchis gloriabatur; atque Ageltrudæ Augustæ Sorori is debebat, quod iterum ad Principatum conscendisset.

At optimæ Sororis consilium, ac Beneventanorum spem sefellit Radelchis biennio circiter post, iterum à Principatu dejectus (5). Posterioris hujus ejectionis causam Anonymus Salernitanus nobis aperuit, Radelchim, *esse charitate præcipuum*, tantæ verò simplicitatis hominem caussatus, ut subdolo, ac scelesto homini Virialdo familiari suo obnoxius factus, Cives Beneventanos, atque in his potentissimos proceres Rosfridum, & Poltefridum in sui odium, ac perniciem provocarit; quare horum factione, conjurantibus aliis, factum est, ut Principatum Atenulpho concedere, ac veteri Principum Prosapia inglorium finem imponere coactus fuerit (6).

Ate-

(1) Chronicon Caveni ad an. 897.: *Rachetrudis Augusta post Widonis discessum Radelchis fratrem suum ad Beneventanum fecit ingredi Principatum post annos XII. cum consensu Beneventanorum Procerum.* At Chronicon S. Sophiæ rem ipsam sequuto anno adscribit his verbis: *An. 898. Ind. I. Radelchis Princeps junior recuperatus in Principem.* De eadem re sic etiam noster Anonymus Historiam suam claudit num. X. *Postea verò prefata Imperatrix anno uno, & octo mensibus expletis, postquam Græci Benevento expulsi sunt, in eadem ingressa est pridie Kal. Aprilis, & pauld post Radelchis fratrem suum Beneventano Principatui restituit, qui serè XII. annis ab eo fuerat expulsus.* Haud secus Anonymus Salernitanus cap. 153. *Beneventum namque Imperatrix Rachetruda domina regendum suscepit, & præfuit Beneventanis anno uno, & octo mensibus: In eandem Urbem ingressa est prid. Kal. Aprilis, & cum consensu Beneventanorum Radelchis germanus suus in Principatum restituitur, qui serè XII. annis ab eo fuerat expulsus.*

(2) Chronicon Vulturense lib. IV. tom. I. P. 11. Script. Ital. pag. 410.

(3) Ibidem pag. 413.

(4) Guidonis Augusti mors ad an. 894. communi sententia referri solet; sed adhuc sequenti anno viventem ostendit ipsius Diploma autographum, quo confirmat omnia Privilegia Monasterii Bobienis ad preces Conjugis suæ Ageltrudæ anno DCCCXCV., ut testatur Mabillonius Itin. Italic. pag. 217.: non ultra verò eum annum vitam petraxisse, certum est, ex altero Diplomate Lamberti Filii, ac Successoris favore ejusdem Monasterii, quod idem Mabillonius assert. I. l.

(5) Secundi hujus Principatus tempus ad annos duos, & dimidium extendit Chronographus Vulturensis in

exordio Lib. IV. pag. 408., qui sic scribit: *Adveniente Guidone Duce, & Marchione in auxilium Beneventanis, Græci inde miserrimi sunt expulsi, & in Græcias redire compulsi. Debinc Guido Dux præfuit annis duobus, mensibus sex; & iterum Radelchis annis duobus, & dimidio, quo expulsus, Atenulphus, qui præerat Capuæ Comes, à Beneventanis invitatus Princeps constituitur.* At vereor, non Chronographus Vulturensis erraverit, uti de Guidonis Principatu præclarum fit, qui non annos duos, & menses sex, ut ipse tradit, sed unum annum, ac menses sex, pari Chronographi Sophiani, & Anonymi Salernitani testimonio, dumtaxat exigit.

(6) Audi Anonymum Salernitanum cap. CLIII. *Radelchis in Principatu restituitur, . . . qui nihilominus simplex erat, & ebaritate præcipuus, in tantum, ut dicere suis optimatibus solebat: Quia si Mons, qui Virginis nomen est, argento purissimo fuisset, non sufficeret in tribus diebus, quia si quis ex vobis exinde tantum poposceret, statim partem tribuerem: Et pro sua, ut diximus, simplicitate à Beneventanis terque, quaterque (falsò; nam semel ad id tempus) à prædicta Urbe sermè fuerat expulsus, & iterum ad dignitatem pristinam illum videlicet revocabant.* Et cap. CLVII. *Radelchis memoratus Princeps Beneventi acriter Beneventanos cruciabat, licet non per se, sed per subjectionem (scilicet suggestionem) cujusdam Virialdi, qui illos sepius convexabat: Idem Princeps ut erat simplex, eum pleniter auscultabat &c.* Et cap. CLVIII. *Intempta nobis vi portarum seras confringunt, Urbemque Beneventum cum magna virtute ingressi sunt, ceterique alii sui consanguinei sibi sciuntur: Palatium ascendunt, & Radelchisum Principem comprehendunt, & Ecclesiam, quam Perexcellens Princeps Avicbis in honorem Dei Filii construxit, eamque Agiam Sophiam vocavit, hoc*

Atenulphus ex Comitibus Capuanis genus ducens (1), Landulphi Gastaldi Theanenſis filius, ac *Calbenſis* ipſe, iſdeſt Calium Gaſtaldus, *miles ſtrenuus, & validus, ſed ambitioſus*, Capuanum Comitatum invaſerat ab Anno 887. Hunc Beneventani plerique adeunt, inſitoque inter ſe conſilio, menſe Januarii Anni dcccc. (uti ſtatuit Peregriniuſ in Chronologia Comitum poſtremorum Capuæ, rectiùs vero poſtſtridie Kalendas Novembris anni præcedentis 899. ut diſertè tradit Chronographuſ Cavenſis), Beneventum deducentes, nocte intempeſta, plurimis Civibus, vel neceſſitudine ſibi junctis, vel novarum rerum cupidis, ſibi adſociatis, Urbem ingreſſi, atque in Palatium inrumpentes, Radelchim podagrà tunc laborantem comprehendunt, atque in S. Sophiæ Templum pertrahentes Principatu ſe abdicare compellunt, atque Atenulphum præſentem, præſtitis Sacramentis, Principem ſalutant (2).

Multis Beneventanorum Procerum, quibus erga Principes ſuos fides, ac Gentis, Patriæque honos cordi erat, factum diſplicit. Non ipſa Atenulphi Mater, Poltreſfridi Beneventani Proceris filia, probavit, quæ, quum rei geſtæ nunciuſ accepiſſet, ita exclamaſſe traditur: *Ubi ſunt illi ſublimiſſimi Beneventani? coepit nominari Beneventanorum genealogiam* (iſdeſt illuſtres Proſapias Principatu dignas): *& quæ debuerat de filio (Atenulpho) alacriter permanere, moſta fuit, & de ſuo ſtegmate condolebat, quia ad hoc venerant, ut ab extero dominarentur*: Ita Anonymuſ Salernitanuſ (3). Petruſ quoque Beneventanuſ Episcopuſ, nobis ſuperiùs memoratuſ, cui Atenulphuſ, compoſitis recentis Principatuſ rebus, Capuam rediens, Urbem regendam commiſit, novi aliquid, eo abſente, molituſ, vel poſſuſ aliorum machinationibuſ favens, Atenulphi indignationem, atque impotentiam ſubiſcit. Ex quibus ſatis noſcimus, quantum Beneventani Cives, Principatuſ ſibi ipſiſ, ſeu inter ſuos conſervandi ſtudioſiſſimi fuerint, quo & ſuam libertatem, & aviæ gloriæ ornamenta ſuſtinere poſſent: Pauciſ ante annis, quum Græciſ Auguſtiſ, horumque Patriiſ ſubſiſſe coepiſſent (ut alibi diximus) ſe tunc primùm ſubdituſ factuſ fremebant, qui præſſe ceteriſ gentibuſ ſoliti videbantur; itaut excuſſo protinuſ Græcorum jugo ad Principes ſuoſ rediſſe ſategerint, Atenulphum autem, quamvis genere Longobarduſ, Capuæque Comitem,

hoc eſt Sanctam Sapientiam, quia Dei Filiuſ eſt Sapientia Paris, deducunt, quia podagræ dolore erat vehementer conſtrictuſ: & uniuſque qui exiliati erant, Urbem adeunt, omneſque in unum conveniunt, & omniſ Populuſ, necnon & Proceres unæ omneſ, Atenulphuſ Principem ſublimaverunt. Hibernuſ ex huiuſ Anonymi cap. cxi. ſuperiùſ recitatuſ factuſ Montis Virginis mentionem, qui Moſ inter Beneventum, & Abellinum altiſſimuſ, atque abrupto vertice aſurgit, Ad Sacra Beatiffimæ Virginis à S. Guilielmo Congregationiſ Benedictinæ ab eodem Monte appellatæ fundatoriſ, Sæc. xii. ineunte ædificatæ, hodieque celeberrimuſ. Quod primùm Cybeliſ, dein Virgiliſ, Virginis tandem nomen Monti factuſ plerique arbitrantur ex peculiari Beatiffimæ Virginis cultu ibidem inſtituto, quem magnopere auxit inſignis antiquitate, & beneficiiſ ejuſdem Deiparæ Imago, quem Antiochia CPolim, hinc à Balduino II. Neapolim, indeque à Catharina de Valois anno 1370. in diſti Montis Eccleſiam delatam, ac locatam tradunt: de qua re vide Angelum Mancini ejuſdem Congregationiſ generaleſ olim Abbatem in *Not. ad Conſ. i. §. 2., & Conſ. xiv. §. 2.* At longè ante S. Guilielmi ævum, Virginis nomen Monti fuiſſe, præclarè offendit diſtuſ Anonymi Salernitani locuſ, qui Anonymuſ circa Sæculi x. exitum ſcribebat, atque de eodem Virginis vocabulo à Radelchimi ævo, iſdeſt an. 898. teſtimonium fert. Sed & vetuſtiora occurrunt ejuſdem nominis documenta, tum ex Charta anni 851. diſiſſi Principatuſ inter Radelchimuſ I., & Siconulphuſ, in cujuſ num. x. memoratur *Serra Montis Virginis*, tum ex antiquiori Charta anni 774. Donationiſ Principiſ Arichiſ S. Sophiæ factæ, qui inter alia donat Gualdum in *Monte Virginis*. Majorem adhuc antiquitatem, ei nomini tribuiſſe videtur Vincentiuſ Ciarlanti in Hiſtoria Sannioſ lib. 1. cap. 25. *Gli Autori molto celeberrimo un' altro Monte del Sannio, e con ragione, mentre è quello, ch' è nomato Monte Vergine, di cui dice il biagiato ſopra Tolomeo: Nel Sannio*

*ſono tanto alti Monti, che ſuperano la ſommità dell' Appennino, fra quali uno è il Monte della Vergine per lo Tempo di S. Maria nominatiſſimo: E' ſtato ſempre queſto Monte ſoſoſo ſin dal tempo della Gentilità, e forſe al tempo degli antichi Sanniti, perchè dove ora è il Tempio della vera Madre del Figliuolo di Dio, era il Tempio dedicato alla falſa Madre delli Dei, ove era con frequente conſorſo venerata, come dicono il Biando, e l' Alberti; di cui ſa anche menzione Antonino nell' Itinerario, deſcrivendo la via da Benevento alla Colonna. At hoc verum erit, ſi Itinerariuſ Antonini de Monte Cybeliſ loquutuſ intelligaſ, non verò Virginis, ita enim habet in itinere ab Equo Tutico: *Ad Matrem Magnam M. P. xvi.* cujuſ Matris Magnæ nomine appellatam ab antiquiſ Cybeleſ paſſim legimuſ.*

(1) Vide Chronica bina Comitum Capuæ apud Peregriniuſ T. i. pag. 111. & pag. 146., & illorum Stemmat. T. i. pag. 65. poſtremæ editioniſ Neapol.

(2) Anonymuſ Salernitanuſ d. cap. clviii. Chronicon etiam Cavenſe idem factuſ ſic breviter narrat ad an. 899. *Atenulphuſ Comes Capuæ cum aliquantiſ ſuiſ conſortibuſ Beneventiſ contra Principem Radelchimiſ inſidiariſ molituſ eſt, ut illam detronizarent à ſua Sede Principali, & ipſum elevarent in ſuo loco, quod factuſ eſt in die poſt Kal. Novembris.*

(3) Anonymuſ Salern. d. cap. clviii. Nomen huiuſ nobiliſſimæ Beneventanæ Fœminæ ſilet Anonymuſ; at prodiſ Diploma ejuſdem Atenulphi filii, factuſ Monafterio Theanenſi Sanctæ Mariæ, edituſ inter Opera Peregriniſ T. 1. pag. 231. quod legitur *datum xv. Kal. Oſobriſ Anno 1. Principatuſ Domini noſtri Atenulphiſ eximii Principiſ Ind. iiii.* iſdeſt An. cx. ubi ipſe Atenulphuſ confirmat omneſ offerentiaſ, & præceptoruſ, quæ in huiſ loco Sanctæ Mariæ conceſſa, atque firmata ſunt a bona memoria Landone Patruſ noſtri, & ejuſ uſore Aloara, nec non & à Landonulfo Genitore noſtro & Tſelberga Genitrice noſtra, & Agilpert, & Majelſſit, & Poto Comitibuſ nepotiſ ſuiſ &c.

tem, extraneum veluti, ac cui subditum tantummodo agere liceret, Principem habere dedignabantur. Atque Atenulphus quidem, ut Capuanum Comitatum sibi confirmaret, Graimarii Principis Salernitani filiam Landulfo filio suo Conjugem aliàs flagitaverat, veterem subjectionem pollicitus, ut esset illi subditus, sicut Antecessores Comites Capuani; sed ea conditio in causâ potius fuit, ut ejusmodi nuptiis indignus haberetur, obnitente potissimum Yota uxore præfati Principis Graimarii, Guidonis II. Ducis Spoletini filia, cujus hæc fuere verba: *Ego sum ex Regali stemmate orta, & cum subdito nostro consanguinitatem annectam* (1)? Mirum nunc magis, Longobardam vidisse Foeminam, quæ ejusdem Atenulphi Mater in sui filii Principatu, tantum abest, ut de privata suæ domus felicitate gauderet, ut potius publicam Beneventanorum ignominiam, ac probrum ingemisceret: ut non illud mirum sit, sacrum Antistitem etiam vidisse, qui Atenulphi ausis contraire, Patriæque libertatem vindicare conaretur.

Petrum hunc Beneventum Episcopum, summo loco Beneventi natum, commemoratum invenio in Diplomate Principis Radelchis anni 889, ubi is Princeps Monasterio Vulturnenfi facultatem præbet ea bona vindicandi, quæ ob Saracenorum vastationem amiserat: *Dum nos (inquit) Vir gloriosissimus Radelchis Dei providentia Longobardorum Gentis Princeps in Sacro Palatio nostro Beneventi habitator confedissemus, ad utilitatem Reipublicæ exhibendam, nec non & nobiscum pariter assistentibus Petrus Episcopus, Abbatibus, Optimatibus, Judicibus, & ceteris nobilibus Longobardis &c.* (2). Sed & ante secundum ipsius Radelchis Principatum Petrus Episcopatum administrabat; is enim fuit, cujus consilio, atque opera Beneventani Græcos, jam propè quadriennium Beneventi dominantes, anno 896. Urbe expulerunt, Guidone Marchione suppetias ferente: Ac quum Guido Principatus administrationem suscepisset, ipsum Petrum violatæ fidei falsò insimulatum exilio multavit, sed calumniâ detectâ, Beneventum summo honore, atque ingenti Civium lætitia revocatum, ita deinceps suscepit, ut absens Urbis regimen eidem committere non dubitaret: Profuit certè Beneventanis Episcopi sui spectata virtus, ardenque in conservandam Patriæ libertatem studium, atque in Principum fuorum profapiam fides; ea enim occasione id egit Petrus, ut Guidone absente, Ageltruda Augusta (ut superius dictum est) Principatum susciperet, eique regendo Radelchum fratrem iterum restitueret.

Radelchi verò rursus exturbato, Atenulphoque (ut diximus) rerum potito, novo discrimini Petri virum obnoxia fuit. Sunt, qui Petrum apud Atenulphum affectati Principatus reum convictum tradunt, Anonymi Salernitani verba perperam interpretantes: Anonymus autem sic habet: *Atenulphus, de quo prædiximus, Princeps, dum aliquo tempore Beneventum degeret, Capuam rediit; Beneventum Petro Episcopo, quem supra memoravimus, commendavit; sed ut illam Præsul ille terram gerendam accepisset, Beneventani, licet non omnes, iurjurandum illius juraverunt, quatenus illorum præfess, & quamvis non haberet ex gente sua laicam personam* (3). At nihil certum ex hîcæ Anonymi verbis statui potest, ut Petrus Prin-

(1) Idem Anonymus Salern. cap. CLVIII.

(2) Rem totam ex nostro Anonymo Benevento audire æquum erit, sicut enim T. III. Opp. Peregrinii p. 298. num. v. scribit: *Paucis demum elabentibus diebus idem (Guido) Marchensis, suafus, imò impulsus à quibusdam maliloquis, & invidiis Viris, cepit eundem Præfulem, qui ei Beneventum præbuerat (idest auctor fuit Civibus, ut Guido Urbem à Græcis valide custoditam, ac munitam facilliori negotio ingrederetur, quod uti factum sit, narrat Anonymus Salernitanus cap. CLII.) extorremque eum Salernum fecit degere per quatuor menses, de quo ingens molestia erat Beneventi, quoniam quasi viduatum ipsius videlicet ovile, dolebantque plurimum ejus oves, quia ipse infons damnatus fuisset, sed maxime molestificabantur, quod hoc de illo contigerat, quod de nullo Antecessorum Præfulem nulle literæ, nulla ætas meminerat Beneventanum Pontificem captum, & Cathedram ejus taliter viduatum. Postea verò idem Marchio agnosens flammam invidentiæ adversus eundem ardentem, & dolo commentis, iit Salernum; & satisfaciens jam dicto Præfule, etiamque lacrymas largiter fundens, pernituit se pro sua temeritate, eundemque revexit Beneventum, honorificè ipse suæ resti-*

tuit Sedi; quod autem gaudium, quæ fuerint lacrymarum flumina præ gaudio, quis narrare valet, vel describere? cum & Pastor ovibus, & oves Pastori restituerentur. Deinceps quoque idem Marchensis miro illum semper coluit affectu, dignaque habuit veneratione, si dem ei per omnia adhibens indubitabilem; compererat enim veraciter, quantæ stabilitatis, & veritatis ille Vir fuerit erga eum. Et num. VIII. Beneventum interea regimine præfati Petri Pontificis gubernabatur, cui eam ipse Marchio reliquerat, quum Argiva Phalange (idest Græci paulò ante expulsi) seu latronum manus aliud incurfabat, tamen propè Beneventi moenia minimè accedebant pro sollicita cura ipsius Præfulis, qui undique plurimum insistebat, ne probis suis Civibus damna inferrent: ideoque etiam cursum misit, ut dicta Augusta Beneventum adveniret. Denique num. X. Postea verò præfata Imperatrix, anno uno, & octo mensibus expletis, postquam Graii Benevento fuerant expulsi, in eadem ingressa est pridie Kal. Aprilis, & paulò post longè superius nominatus Radelchis fratrem suum Beneventano Principatui restituit, qui sedè XII. annis ab eo fuerat expulsus.

(3) Anonymus Salern. cap. CLIX., ex quo Ughellus hanc

Principatum suo nomine, ac jure arripuisse dicatur: quin Anonymus ipse asserens, Petrum non habuisse ex gente sua laicam personam, idest propinquis, seu consanguineis caruisse, quibus Principatum ipsum deferre posset, id potius innuit, Petri animum ab ea re omnino alienum fuisse. Cives itaque, qui, non ipso Petro instigante, sed sua ipsi sponte *jussurandum illius juraverunt, quatenus illorum praeset, non cum quidem Principem sibi constituerunt, sed ejus regimini se commiserunt, subdideruntque, donec ejus ope, consilio, virtute Princeps Beneventanus sufficeretur loco Atenulphi, qui, Radelchi legitimo Principe ejecto, paucorum, improborumque Civium factione in Principatum, per summum scelus, invaserat. Ceterum quanti in hac re Anonymi Salernitani testimonium habendum sit, melioris quidem fidei testis ostendit Chronographus Cavenensis, à quo non solum Petri extantes tunc Nepotes, ac Fratruales habemus, verum etiam injustam, quam Petrus passus est, ejectionis causam omnino discimus: sic enim habet ad an. cml. : *Petrus Episcopus Beneventanus propter inimicias aliquorum Civium à Principe Atenulpho à sua Sede pulsus, in Salernum se confugiavit cum Nepotibus, & Fratruelibus suis, & benigne hic receptus est ab omnibus* (1). Quæ fuerint posthac Petri fata, ignoramus: veri quidem similis est, nunquam ab Atenulpho in Patriam redire ei permissum, quo praesente à Civibus, Episcopi sui virtute, auctoritateque fretis, nova sibi discrimina parari posse pertimesceret.*

Atenulphus igitur, sublati Adversarii, ac Beneventanorum omnium animis timore compressis, novam adhuc firmandi sibi validius Principatus, atque in Posteris suos tutius transmittendi causam excogitavit. Atque is quidem probè norat, Radelchis Beneventani Principis familiæ id maxime sinistrum, atque omnino exitiale accidisse, ut quotquot ex ea progeniti haberentur, temporarii, atque alternis veluti successionebus invicem sibi factis, dum alter alteri plerumque per insidias Principatum surripere conaretur, aliis tandem invadendum reliquerint. Ac post Radelchum quidem Radelgarius primùm illius filius, mox Adelchis, five Adalgisus alter filius, dein Gayderis Radelgarii filius, tum Ajo frater, ex in Radelchis Adalgisi filius, atque postea Ursus Ajonis filius, cui rursus successit Radelchis, singuli Principatum degustasse potius, quàm tenuisse visi sunt, illumque, veluti prædam cuique domestico expositam, alter ab altero interciperi consueverunt. Diversam itaque ejus rei rationem tenere coepit Atenulphus, quam Familiæ suæ servandam tradidit, ut scilicet quotquot essent Viri, nulla gradus, ætatisque ratione habita, ii simul omnes ejusdem Principatus confortes constituerentur, illumque æquo imperii jure, paribusque titulorum, atque insignium honoribus administrarent; arbitratus certè, nullam invidiæ occasionem iis relinqui, qui in communis Familiæ societate, communis quoque Principatus confortio fruerentur; Principatui verò, quem plures administrarent, novum veluti robur, atque recens adversus novas res munimentum comparari.

Sed ejusmodi oeconomiam non omnino felix consequutus fuit rerum successus; perturbataque quoque ad nos pervenit postremorum horum Principum Chronologia; quum enim plures simul Principatu potirentur, ac perpèrè Pater cum Filio, & Nepote, Nepos cum Patre, Patruoque, Fratres, Patrualesque simul Principes haberentur, iique omnes perpetuò Landulphi, Pandulphique nomine appellarentur, nec semel Parentes filius superstitēs extiterint, plerumque id nobis paratur incommodum, ut in statuendo singulorum Principum, quo coeperint, quoque desierint, anno, ac præterea in eruendis Diplomatum, per varios eorum Principatus annos signatorum, certis temporibus, molestissimus labor incumbat, quem plerumque ipsa nominum ambiguitas, atque æquivocatio frustrari consuevit. Sed & Principatui ipsi non satis felix (ut dixi) illa fuit institutio, ut pluribus simul subderetur Principibus, qui etsi ejusdem essent Familiæ, atque æquo jure, communique auctoritate rerum summam administrarent, vetustæ tamen majestatis, dignitatisque nonnihil amissæ.

hanc narrationem composuit T. viii. pag. 69. : Porro Petrus Episcopus, ut Patriæ libertatem vindicaret, cum Atenulphus Civitate abisset, plerisque Beneventanos induxit, ut sibi servitiū, ac fidelitatem jurarent: quæ totidem verbis describit Sarnellius in Chronolog. pag. 52.; at uterque falsus, ut supra ostendi.

(1) Chronicon Cavense Tom. 19. Opp. Peregrinii pag. 406. Convenit autem id Chronicon cum Anonymo Salernitano de Petri secessione in Urbem Salernum, honestissimoque hospitio ibidem recepto; sic enim Anonymus narrationem suam claudit: *At illi, qui erant*

ex genere Poltestris, unà cum consanguineis suis Principi Atenulpho intimidandum miserunt, ut citius incunctanter Beneventum veniret, qui sine mora audaci animo fretus illorum praesidiis Beneventum adiit, & oculis Praesul jam dictum exinde expulit, & aliquantos ex Beneventanis apprehendit, & in carcerem retrudi jussit. Ille verò Praesul, quamvis cum rubore, Salernum properavit, & aliquandiu ibidem moravit. Waimarius Princeps illum honorifice excepit, victum, dapisque, & alia necessaria tribuit.

amiffisse videbatur, uti de Romano Imperio factum constat, cujus declinatio tum maxime innotuit, quum pluribus simul Augustis parere cœpisset. Adde illud, quod dum alii Principes Beneventi, alii Capuæ confidere consueverint, Principatum ipsum quodammodo diffectum ostendebant, quem etiam, novis per ea tempora institutis plurimarum Urbium Comitatibus, non tam servare, quàm extenuare, imminuereque, ac veluti in frusta redigere videbantur.

Incerta adhuc res est, an quemadmodum Salernitanus olim, ita postea Principatus Capuanus post Atenulphi ævum, ex Beneventano reip̃a discissus, suo jure, proprioque titulo substituisse dicendus sit. Si Atenulphum, ejusque successores audiemus, contrarium omnino erit affirmandum. Quotquot enim illorum Diplomata habemus (atque plurima passim tum in Chronicis Sophiano, & Vulturnensi legimus, tum etiam originalia plura manibus contractamus) hunc profecto titulum præferunt, quo ipsi neque Beneventi, neque Capuæ, sed veteri superiorum Principum exemplo, atque instituto, *Principes Gentis Longobardorum* inscripti leguntur. Fuit certè is mos Beneventanorum Principum, imò & antecessorum Ducum, ut *Summi Duces*, exinde *Principes Gentis Longobardorum* appellarentur: quare id factum sit, alibi observavimus: Verumtamen cur deinde tam *Capuani*, quàm *Salernitani*, *Beneventanique* Dynastæ ita appellari voluerint, etsi eorum nemo omnem obtineret Gentem Longobardorum, *Problema est* (inquit Cam. Peregrinius) *haud facilis resolutionis*, silentibus libris, nullaque firma opitulante conjectura (1); ac subdit, se quandoque putasse id factum *venosa quadam amulatione*, ne alter dignitate minor altero videretur: aut etiam *Capuanos, & Salernitanos Principes*, qui ex Beneventano Principatu prodierunt, *commonstrare voluisse specioso illo titulo eadem integra jura ad se pertinuisse*. Id de Salernitanis Principibus quandam veri speciem habere videtur; siquidem diviso inter Radelchim, & Siconulphum Beneventano Principatu, Siconulphus Principis olim Siconis filius, ac Principis item Sicardi frater, integra universi Principatus pro bono pacis cum Radelchi divisi jura retinere fortasse voluit ea appellatione, qua se non Salernitanum, sed *Longobardorum Gentis Principem* statim se inscribere coepit in suis Diplomatis (2): Quo verò modo id ipsum de Capuano Principatu à Peregrinio cogitari, scribique potuerit, non video, præsertim quum Peregrinius ipse, quo definito tempore Principatus Capuanus fuerit institutus, nullibi se legisse disertè fateatur: & sanè post arreptum ab Atenulpho Principatum Beneventanum, *haud facile se consentire posse* ait Peregrinius, exortum tunc Capuanum; nam certè ejus rei auctor fuisset Atenulphus ipse, qui tamen Beneventanum Principatum, *integrum, sicut acceperat, reinivit, filii quoque transmissit Landulpho, atque Atenulpho II.*, à quibus nec ulla videtur subsequuta discissio.

Res igitur à deducenda est, ut quicumque in Longobardico Italico Regno summi essent Duces, aut Principes, Regum suorum, etiam postquam deserint, exemplum, ac prærogativam æmulati existimentur: Regibus autem Longobardicis id solemne fuit, ut posteaquam Italia potiti sunt, non Italiæ se Reges nuncupare voluerint, sed Gentis Longobardorum: Sic Rex Rotharis in Edicti sui Prologo se *septimumdecimum Regem Gentis Longobardorum* nuncupat, quamvis secundus ipse post Alboinum in Italia regnarit, sic deinceps Grimoaldus, Liutprandus, Rachis, Aistulphus in Prologis Legum, quas singuli Edicto Rotharis addiderunt, eundem titulum sibi servarunt: Scilicet id illorum Regum consilium, ac studium fuisse videtur, ut non à Regni Italici exordio, sed ab sua origine, tum suæ Gentis honorem, atque antiquitatem, tum regnandi auctoritatem servatam sibi vellent, cui ne derogatum videretur, aut aliqua induceretur oblivio, non locorum, seu Regionum, quarum recentem dominationem adepti essent, sed Gentilitium nomen retinendum sibi censuerunt: quod certè consilium, novum, ac singularem ei Genti honorem peperit; quandoquidem Carolus Magnus, alique ex Carolo progeniti, qui, deletis Longobardicis Regibus, Italico Regno potiti sunt, & ipsi quoque *Reges Longobardorum* dici maluerunt; immo Italia ipsa magna ex parte *Longobardia* nomen acceperit. Quemadmodum igitur Reges ex propriæ Gentis nomine Regium sibi titulum assumebant, ita qui eidem Genti præerant, in Italia Cistiberina Beneventani Duces eandem nuncupationem usurparunt, nulla quidem Regum tuo-

(1) Peregrinius in notis ad Anonymum Salernitanum. clviii. T. ii. Opp. pag. 273.

(2) Extat in Chronico Vulturnensi T. i. P. 11. Scrip-
tor. Ital. pag. 392. Diploma Siconulphi Principis Sa-
lernitani, cujus hoc est exordium: *Domnus Vir glorio-*
simus Siconulfus Dei providentia Longobardorum Gen-

tis Princeps. Anno Regni nostri, Deo propitio, decimo;
in qua Charta Siconulphus commutat multas res cum
Monasterio Vulturnensi, cui quinque millia Beneventa-
norum solidos, si commutationi factæ contraheret, com-
positionem, seu pecunie nomine perfolutionem prom-
mittit.

suorum injuriâ, à quibus ipso Ducis titulo inferiores, subditique discernebantur: Accep-
pto verò, post extinctos in Transiberina Italia Reges, Principum titulo, Principatusque
juribus, atque insignibus ad extremam usque ætatem potiori jure eam sibi nuncupatio-
nem servarunt, qua Longobardici Regni olim in Italia vigentis auctoritatem, ac quandam
veluti successionem sustinere nitebantur, aut certè videri volebant.

Ex his itaque non illud definire tutum erit, indivisum scilicet, postquam ad Capua-
nos Comites translatum fuit, Beneventanum Principatum mansisse, proptereaquod in hac
nova Principum prosapia idem, qui olim, titulus servatus sit. Sed male tutum quoque
fuerit Principatus divisionem ex iis Scriptoribus argumentari, qui post sæculum ix. Princip-
pum Capuanorum speciatim meminerunt. In Diplomate Johannis PP. XIII., quo Beneventa-
na Sedes Archiepiscopalis instituta fuit, mentio est Pandulphi *Principis Beneventanae, & Ca-
puanae Urbium*; de quo Diplomate uberrimè egimus in Dissert. V. cap. III., ubi pleræque
in eam rem, quam modò agimus, in antecessum observavimus. Apud Chronographos,
Sophianum, Cavaensem, Casinensem, atque apud Leonem Ostiensem passim eos invenias,
qui peculiari *Principum Capuae* nomine, sive titulo appellantur, ut ab iis, qui *Beneventi* essent
Principes, discretos tunc, atque omnino distinctos intelligas: Ipse quoque Desiderius Ab-
bas Casinenfis, qui & Victor postea Papa III. fuit, ex Beneventanorum Principum Familia
genus ducens, Pandulphum *Capuanum Principem, Virum potentissimum, & ditissimum* di-
fertè commemorat, non ita certè appellaturus, nisi, quod sibi exploratissimum esse de-
bebat, Capuanus Principatus seorsim à Beneventano per eam saltem ætatem constitutus,
ac separatus haberetur (1). Adde demum Imp. Ottonis II. factum; qui è prælio cum Græ-
cis in Calabria infelicitè gesto, an. 972. *Capuam* (uti Ostiensis narrat) *reversus firmavit Prin-
cipatum relicte Pandulphi Principis Alosara, & Filio ejus Landenulpho* (2); quæ res nihil commune
cum Beneventano Principatu habuisse videtur. At ex hisce Scriptorum testimoniis nihil
certi efficitur, ut Principatum Capuanum à Beneventano diversum judicemus; dum (nisi
ferà ætate, idest, ex memorato paulò ante Ottonis factò, conjecturam præbente, id ad-
mittere quis velit) nullibi constet de Capuani Principatus institutione, quam diligentissi-
mo Peregrinio prorsus incomptam, nullimodè filuissent Anonymus Salernitanus, reliqui-
que Synchroni, supparese nostrates Scriptores, ac Chronographi, qui minutiora quæque
litteris suis commendare fategerunt.

Rem itaque ita statuendam arbitror. Ante Atenulphum Comitatus Capuanus jamdiù
insignis evaserat, tum Territorii amplitudine, tum Comitum ipsorum præstantiâ, qui non
modò hæreditarium sibi effecerant, verùm etiam à Principum suorum auctoritate quo-
dammodo exemptum. Atenulphus, qui ad Principatum Beneventanum conscendit, anti-
quum Comitatus abiecit titulum, sed Comitatum ipsum servavit, velut Principatus sui illu-
strem portionem, quam cum reliquis ejusdem Principatus Regionibus, eodem, quo decef-
sores Beneventani Principes, titulo, atque jure regere cœpit, regendumque filiis suis Lan-
dulpho, & Atenulpho II. reliquit: quo exemplo, sive instituto quorquod ex ejus Prosapia
viri deinceps prodierunt, in ejusdem Principatus successionem, societatemque admitti
consueverunt. Omnibus itaque una, eademque Principatus Sedes Beneventum, sed non om-
nibus perpetuò Beneventi residendi voluntas fuit: Capuam plerique habitandam sibi dele-
gerunt: Quare factum, ut qui Beneventani Principes essent, ex diuturno Capuanæ Urbis
incolatu, sensim, paulatimque apud vulgum Capuani Principes vocitari cœperunt: quam
vulgi appellationem antiqua Comitatus Capuani celebritas, atque à Beneventano Principatu
distinctio confirmare videbatur: Sed & ipsi Scriptores sequi maluerunt, ne, si à vulgari
appellatione recederent, resque omnes ad unos Beneventanos Principes (quorum alii Bene-
venti, alii Capuæ confidebant) referrent, narrationibus suis obscuritatem inducerent.

Ita quidem rem ipsam fuisse luculenter ostendit antiquum *Chronicon Ducum, & Principum
Beneventi*, quod circa sæculi xi. finem per diligentem contextum fuit ab Anonymo Monacho
Monasterii S. Sophiæ, ubi post Beneventanorum Ducum, ac subindè Principum Catalogum,
qui à primo Zortone ad Radelchm II. extiterunt, sequitur postrema Principum Stirps, qui ab
Atenulpho I. progeniti ad postremum usque Principem Landulphum VI, distinctis singulorum
Principum simul regnantium annis, Confanguinitatibusque gradibus, sive (ut ipse loquitur Chro-
nographus) *per generationes suas* Principatum administrarunt: Atque hos quidem Atenulphi I.

ALTER

P p p

Suc-

(1) Desiderius Casinenf., sive Victor PP. III. in Dia-
log. lib. I.

(2) Leo Ostiens. Chron. Casin. Lib. II. cap. IX.

Successores, quos modò *Beneventanos*, modò verò *Capuanos* Principes appellatos à plerisque Scriptoribus superius observavimus, eosdem omnes, nulla prorsus Capuæ facta mentione, solius Beneventi Principes, quales reverà fuisse probè norat, appellavit Chronographus, qui post explicatam illorum seriem id statim subdit: *Principati sunt in Benevento cxxxvii. annis à primo Atenulpho usque ad novissimum sextum Landulphum.*

Edidit primus omnium istud Chronicon Camillus Peregrinus (1), ex Bibliotheca Vaticana descriptum diligenti operà docti Monachi, atque Abbatis Casinensis Constantini Cajetani ex eodem ipso Codice, undè alterius æquè Monachi, Abbatisque Casinensis, Viri Clarissimi, Eruditissimique Petri Aloysii Galletti curà rursus descriptum nuperrimè recudit Illiùs Borgia, qui principem locum ei documento faciens in Appendice Tomi 1. *Memoirie Historique de Benevento &c.* Lectorem præmonet id posterius exemplar exactissimè ex eodem Codice Vaticano exceptum *con tanta accuratezza, che toltane la forma del Carattere Longobardico, in cui è scritto quel Codice, la nostra copia, siccome niene dall' originale differisce, così molto di vario vi offerverà il Lettore, se vorrà farne il confronto con quella del Pellegrini, del Muratori, e del Pratiello.* Jam verò de ea re pessimè audierant Peregrinus, Muratori, Pratiellus apud eundem eruditum Præfulem, qui paulò antea sic præfatur: *Questa Cronologia fu già pubblicata dal dotto compilatore delle Cose Longobardiche Camillo Pellegrini, e poscia inserita dal celebre Ludovico Ant. Muratori nella grande raccolta delli Scrittori Rerum Italicarum, ed ultimamente ristampata dall' erudito Francesco Maria Pratielli nella nuova edizione della Storia del Pellegrini: Ma siccome il Pellegrini non diede questo assai pregevole documento senza errori, e confusioni, così il Muratori, ed il Pratielli, che dopo di esso lo hanno pubblicato, non si sono presi il minimo pensiero in ristampandolo di darlo corretto, ed emendarlo dai primi errori.* Quum itaque (quod volenti Lectori permittebatur, mihi verò id facere opus fuit) comparationem instituerim inter duo ipsa exemplaria, quæ egregium par Caphinaturn Monachorum diverso tempore ex eodem Codice Vaticano describere, atque alterum Peregrinus olim, alterum nunc laudatus Præfulem pervulgarunt, nihil causæ profectò nactus sum, cur tam acriter Peregrinus de erroribus, ac confusionibus redargueretur, nisi unam fortasse illam, qua vetustis ejusmodi mercibus novitatis pretium fecisse, videri volumus. Habebit Lector heic expositum, fidissimè descriptum utrumque exemplar, nam ejus, quod novissimè editum fuit, meritum illud erit, quod rudem Codicis orthographiam amulsum servet. Mihi verò commodius visum fuit Peregrinii exemplar potissimum sequi, quod omnino consonum, id etiam commodi affert, ut explicatiùs legatur, atque Generationes illas ab Atenulpho exortas, quas Chronographus continenti sermone, ac confusim subtextit, in totidem paragraphos, numerosque distinguat, ac veluti ob oculos ponat, notisque demum ejusdem Peregrinii (quibus & meas addidi observationes) luculentiores efficiat.

- I. Domnus Atenulfus ex Capuano Gastaldato jam Comes cum filio Landulfo, & ceteri deinceps per generationes suas per numerum Principes xlii. Principatum tenuerunt An. cxxxvii. Atenulfus regnavit An. ii., & cum Landulfo filio suo regnavit An. x. Mens. vi., & facti omnes anni regni istius Atenulfi xi., & Mens. vi. (2).
- II. Post hæc iste Landolfus cum Atenulfo fratre suo, & cum Atenulfo, & Landulfo filiis suis regnaverunt An. xxvi. (3).
- III. Et postea iste Landolfus junior regnavit An. iv., & cum Paldulfo filio suo regnavit An. xx., & mortuus est.

IV. Et

(1) Extat id Chronicon in nupera editione Opp. Peregrini à Pratiello curata T. v. pag. 19. Ediderat antea Muratorius *Scriptor. Ital.* T. ii. P. i. pag. 320 Sed & Peregrini ignarus protulerat quoque Ughellus cum reliquo Chronico, sive Tabulario Chartarum Monasterii S. Sophiæ, in eodem Codice Vaticano contento, adnexitque Tomo viii., nunc x. Italiæ Sacre. Sed quæ in Peregrinij Clarissimi Borgia notavit, in Ughellum potius convertere debebat, qui idem Chronicon non solum erroribus, ac confusionibus, sed scilicet mendis undequaque conspersum edidit.

(2) Ita legitur in utroque exemplari. At si Atenulfus regnavit An. ii., & cum Landulfo filio suo An. x., & Mens. vi., non anni xi., sed xii. ejus Re-

gni, sive Principatus fuere.

(3) Peregrinus. Numerus iste annorum xxvi. nulla fuisse potest ratione: nec bi Principes annos habuere omnes pares, & communes. Locus igitur est vel mancus, vel corruptus, certè implexus. Non esse mancum, vel corruptum ostendit alterum exemplar totidem verbis conscriptum; sed nec implexus videri debet, si eosdem annos non singulis Principibus, sed universis ipsorum generationi tribuamus, in qua Principes fuere simul Landulfus, & Atenulfus fratres, Atenulfus, & Landulfus Landulfi filii qui omnes vario licet tempore annos xxvi. impleverunt, superflite tantum Landulfo juniore tertiæ generationis Capite.

- IV. Et post obitum Landolfi Patris sui regnavit iste Paldolfus cum Landolfo fratre suo An. VII. Mens. VI., & post mortem fratris sui regnavit cum Landolfo filio suo An. XII. Mens. VI., & mortuus est idem Paldolfus de mense Martio, & facti sunt omnes anni Principatus ejus XXXVI., & Mens. VI.
- V. Et postea iste Landulfus IV. post mortem Landolfi fratris sui regnavit Mens. VI., & med., & fuit ejectus de Benevento, & facti sunt omnes anni Principatus XII. Mens. IX.
- VI. Et Paldolfus nep... Domini Paldolfi majoris electus est Princeps à Beneventanis, & regnavit An. V. Mens. VIII., & fecit Principem Landolfum filium suum, & regnavit cum eo An. XXII. Mens. II., & fecit Principem Paldolfum nepotem suum filium Domini Landolfi, & regnavit toti tres anni XXXIII., & ejus est (1) de Benevento, & mortuus est de Mense Augusti, & facti sunt omnes anni regni Domini Paldolfi XXXVIII. Mens. VIII.
- VII. Et post mortem Domini Paldolfi regnavit Landulfus filius ejus cum Paldolfo filio suo An. XIX. Mens. V., & mortuus est idem Landolfus mense Septembri, sunt autem anni Principatus ejus XI. & VI. Mens.
- VIII. Et quarto anno post mortem Patris sui fecit Principem Landolfum filium suum mense Augusti, regnavit cum eo usque dum venit Dominus Papa Leo in Beneventum An. XIII. mense Augusti Indiſt. IV. Anno Domini MLI. & exiliati sunt.
- IX. Postmodum autem reversi sunt in Beneventum, & regnavit Dominus Paldolfus An. XLVIII., & factus est Monachus in hoc Monasterio S. Sophiae mense Martii in festivitatem S. Benedicti, & vixit An. XLIII. (2).
- X. Landulfus autem filius ejus regnavit annis XXXIX. Mens. III. d. mense Novembris obiit Indiſtione I. An. Domini MLXXVII. (3).
- XI. Paldolfus (4) filius ejus vivente Patre suo, & Abio electus est Princeps mense Augusti Indiſt. IX. Ann. Domini MLVI. Regnavit cum Abio suo An. III. Mens. VII., & post mortem Abii regnavit cum Genitore suo An. XVII. Mens. V. dies VII., occisus est autem à Normannis ad Montem Sarchum VII. intrante mense Februario Anno Domini MLXXII. Indiſt. XII. (5).
- XII. Post cujus obitum supervixit, & regnavit Genitor ejus solus An. III. Mens. XI., qui sunt simul Anni XXXIX. Mens. IV. Horum Principum temporibus venit Gregorius Papa in Beneventum An. Domini MLXXIII. II. die intrante mense Augusti, primo anno Pontificatus sui, Indiſt. XI. die S. V. (6) sua Consecrationis II. Kal. Julii, die Dominico, Principatus Domini Landolfi

ALTER

P p p a

dolf

(1) Peregrinus. Compendiarium esse hoc verbum ejus ex integro ejectionis, intellectu difficile non est.

(2) Peregrinus. Scribo XLVIII. nam secus minus vixisset, quam regnasset. Prætilius ad hanc Peregrini notam hæc addit: Fort. melius LXIII., nam secus minus vixisset, quam regnasset. Illius Borgia in sua editione, quam inferius exhibebimus, hæc ad hunc locum notat: Non è esatto il computo degli anni, mentre dicendo di sopra, che Pandolfo III. regnò XLVIII., e scrivendo poi che ne visse XLIII. avrebbe più regnato, che vissuto. Nell' uno, e nell' altro computo vi è errore. Ita quidem; atque hunc errorem à me emendatum invenies in Dissert. XI. pag. 103. not. 2. quo loco de Monasterio S. Sophiae atque ejusdem Monacho Pandolfo Principe prolixè differui.

(3) Verò hoc anno MLXXVII. (nam heic anticipatio-ne usit est noster Chronographus) obiit iste Landulfus, Pandolfo filio suo superstes, & Beneventanorum Principum postremus, uti ipsemet Chronographus in sequentibus ostendit.

(4) Peregrinus. Exemplar ad me missum habet Adolfsu depravatè. Sed & Adolfsu legitur in exemplari recenti manu Clarissimi Galletti descripto, & à Clarissimo Borgia edito; ut videas quàm exactè olim alter Monachus Calinenſis Cajetanus autographi Codicis fidem, ac scripturam servavit.

(5) Peregrinus. Restituo MLXXIV. quo anno erat Indiſt. XII., nam vivebat mense Augusti Indiſt. XI., quod heic adfirmatur num. XI. Sed & eundem annum relcet recens exemplar.

(6) Recens exemplar pro die S. V., ut heic, habet

dies verò. At utrobique mendum adesse videtur, ex corrupto fortasse originalis Codicis loco; ibi enim dies inscribi debuerunt XXXV. quot effluxerunt à dicta die II. (potius III. Kal. Julii) qua Gregorius fuit consecratus, ad dictam diem II. intrantis mensis Augusti, quo Beneventum advenit. Constat autem Gregorium VII. x. Kal. Maji anni MLXXVIII. electum, infra octavam Pentecostes fuisse in Presbyterum ordinatum, & in Natali Apostolorum (idest 29. Junii) in Romanum Pontificem consecratum; ex Cardinale de Aragonia in ejus Vita T. III. Scriptor. Ital. pag. 304. Habes à nostro Chronographo memoratos dies intrantes mensis Februarii num. XI., & mensis Augusti num. XII. Notissimum mediæ ætatis præsertim post annum M. fuit mos, menses singulos in duas partes dividere, quarum prior à primo die, posterior à decimosexto initium ducebat, atque illa intrans, hæc exiens dicebatur; hoc tamen discrimine, ut intrans cum iissem progredientibus diebus, exiens verò sumpto ab ultimo die ejusdem mensis initio, retrogrado ordinè numerabatur. Id fortasse ea de causa inuestum fuit, ut temporum ruditati consuleretur, quibus difficillius videbatur mensiem veteri Romanorum more dividere in Nonas, Idus, Kalendasque, atque post Idus, abjecta currentis mensis mensis numerare: Heinc partem exeuntem non à futuris Kalendis, sed ab ultimo ejusdem currentis mensis die, eodem tamen retrogrado ordine numerari placuit. Sed præter intrantem, atque exeuntem dicebatur etiam Mensis stans, instans, astans, qui tamen non alius, quam idemet exiens fuisse videtur Gangio, nostri Chronographi Falconis

- dolfi An. XXXVI., & Domini Paldolfi filii ejus XVII. Post cujus adventum supervixit idem Paldolfus Princeps Mens. VI., & d. VI.
 XIII. Post ejus obitum vixit Pater ejus An. III. Mens. XI.
 XIV. Quo moriente mense Novembri v. Kal. Decembris, statim Robertus Dux obsedit Beneventum XIV. Kal. Januarii, usque VI. Idus Aprilis, unde expulsus est cum omnibus suis Indict. I. Obiit idem Dux trans mare mense Julii VIII. Indict. (I).

XV. Post

conis locum in eam rem afferenti, & Baronium, qui eo usus fuerat, emendanti: Apud Falconem Beneventanum (inquit Gangius in Glossario) Anacletus Pseudopontifex dicitur obiisse anno 1138. septimo die stante Mensis Januarii, hoc est 25. ex quo error deprehenditur Baronii, qui perperam haec verba ad septimum Januarii resuit, ut cum scripti Innocentium II. Papam à Rogerio Rege captum anno 1140. die 10. Mensis Julii, cum Falco, à quo exscripsit, tradat captum decimo die stante Mensis Julii, hoc est 22. Julii. Sed multo ante Gangium Baronii errorem deprehenderat Peregrinus in notis ad posteriorem Falconis locum; Falco ait: Decimo autem die stante Mensis Julii Pontifex ipse Innocentius captus est &c. ad quæ sic Peregrinus Tom. IV. pag. 304. Baronius non habet tñ stante, sed absolutè legit, decimo die Mensis Julii, ac proinde id contigisse censuit 6. Id. Julii: sed certè Innocentius captus à Rogerio fuit 11. Kal. Augusti, decem tantum diebus Julii restantibus; nam quarto die (inquit Anonymus Casinensis) pace facta confirmavit illi totam terram: die nimirum 24. prædicti mensis, à quo noster (idest Falco) die tantum discrepat: Die vero illa, ait, in qua prædictus Apostolicus pacem cum Rege firmavit, S. Jacobi festivitatis celebratur. . . Præterea eandem Rogerium die septimo stante Mensis Maji Salernum transfretasse, superius idem Falco ait, à quo simul loco Baronius expungit tñ stante. Addit ibidem Peregrinus, non modo in duas, verum etiam in tres partes unumquemque Mensem fuisse distinctum, ut scilicet alii dies intranti, alii medianti, alii exeunti, seu stanti tribuerentur. Quos dies intranti, quotquot exeunti mensi cullibet assignandi essent, docere videtur Scriptum, quod ex veteri Codice MS. S. Emmeramni apud Ratisbonam inter sua Vetera Analecta intulit Cl. Mabillonius pag. 369. edit. Parisi 1723, ubi sic legitur:

Mense Januario intrante dies duo, & exeunte dies septem.
Mense Februario intrante dies novem, & exeunte dies quinquæ.
Martio intrante dies tres, & exeunte dies octo.
Mense Aprili intrante dies decem, & exeunte dies octo.
Mense Maio intrante dies sex, & exeunte dies octo.
Junio intrante dies novem, & exeunte dies decem.
Julio intrante dies quatuor, & exeunte dies decem.
Augusto intrante dies sex, & exeunte dies duodecim.
Septembri intrante dies tres, & exeunte dies septem.
Octobri intrante dies novem, & exeunte dies undecim.
Novembri intrante dies octo, & exeunte dies duo.
Decembri intrante dies duodecim, & exeunte dies tredecim.

Ex quo Scripto idem Mabillonius observat, si non ubique, saltem quibusdam in locis Menses non fuisse divisos in duas tantum partes, ita ut primi decem (potius quiddecim) dies Mensi intranti, Mense vero exeunti reliqui dies assignarentur, sed dies solum aliquot pauciores Mense tum intranti, tum exeunti fuisse assignatos. Supererant itaque inter partem intrantem, & exeuntem medii aliquot dies, quibus alia pars Mensis constituebatur, quæ Mensis mediantis appellationem accepisse videtur. Quæquam ita sint, jam quæ ad faciliorem, expeditiorem-

que numerandi modum inuenta fuit, difficilior ex multiplici divisione evasit paulatim dierum cujusque Mensis numeratio; quæ & recentiores Scriptores in errorem plerumque induxit. Satiùs igitur, atque omnino commodius nobis fuerit infimæ ætatis morem sequi, ut dies cujusque Mensis progredientibus numeris à primo ad postremum numeremus; ac non solum modicæ ætati, sed & ipsis cultioribus Romanis præficus suos fatis implexos numerandi modos relinquamus.

(1) De numerandorum cujusque Mensis dierum ratione, quæ per mediam ætatem obtinebat, plura scitu digna in superiori nota observavimus; libet nunc aliqua etiam de Indictionibus dicere, quas Chronographus noster pro fœta temporum nota passim usurpat. Indictiones igitur non ante Constantini ævum, qui & auctor fuit, in Chronologiæ usum inventas, atque à primo Mensis Septembris die etiam ante Justiniani Imperium inchoatas, quindecimque annorum elapso spatio ad novam numerationem recurrentes facile discas à Gard. Norisio in *De Epoch. Symmaced. Dissertat. III. pag. 171.* & pag. 180. edit. Florent., à quo & illud rectè animadvertum est, sæpè perperam à librariis, five notariis fuisse signatas. Præcipua hæc designandorum temporum per mediam ætatem ratio fuit, quando nondum Anni Æræ Christianæ numerari cœperunt, cœptique cum decurrente tum Indictione adhuc conjungebantur: Diverfus tamen scribendarum Indictionum fuit modus; nam alii *ausferendi* casu, idest *Indict. I. v. x. &c.*, quod probè, ac passim scriptum invenies; alii *generandi* casu, idest *Indictionis I. v. x. &c.* absolute, uti nostri Chronographi Falconis consuetudo est; alii demum *accusandi* casu, vel etiam *ausferendi* cum præpositione *Per* scribebant, idest *Per Indictionem I. v. x. &c.* Cl. Ab. Joh. Chryl. Trombelli in egregio Libello, quo *Artem tradit veterum Codicum ætatem cognoscendi* Bononiæ 1756, Lapidis lateritii exemplar profert, ad Archetypi formam, confectionis Ecclesiæ S. Blasii ab Hildefredo Episcopo Bononiensi Anno MXLV. factæ, ubi Indictio signata habetur sic:

PIND. XIII. quam singulariam litteram *P.* transversam lineolam in inferiore hasta habentem, interpretatur, ut forte sit *POST*. Singulare profectione id fuisse exemplum Indictionem scribendi; sed non solum nulla adest causa, ut sic scriberetur, quum nullus annus Indictionis vacuum unquam fuerit, uti de Consulatus aliquando evenit, quorum annos per *Postconsulatus* notari oportebat; verum etiam ipsa superius memorata consuetudo scribendi Indictiones cum præpositione *Per*, omnino vetat, ut illud *P.* in lapide expressum in *POST* convertatur; & sine ipso illo Anno MXLV. Indictio XIII. decurrebat, ut propterea non *POST*, sed *PER Indictionem* ibidem scriptum statui debeat. Chartæ quamplures in Parte II. nostri Chronici Sophiani apud Ughellum constanter, atque explicite in fine habent *Per Indictionem*. Charta Chronici Vulturensis T. I. P. 11. Script. Ital. pag. 363. habet in fine: *Mense Martio Per Indictionem prima*. Et alter sequens: *Mense Martio Per Indictionem secunda*: ita ut illud *Per*, currentem Indictionem omnino significaret. Insignis autem in Lapis reputari debet, ubi post Inscriptionem *Pestines*, & alia instrumenta, quibus S. Blasius excruciatu fuit, effigata habentur; quod obiter mihi fuit animadvertendum.

XV. Post cujus Principis obitum restat est Civitas per Romanam Ecclesiam (1).

XVI. Principati sunt in Benevento CLXXVII. An. à primo Atenulfo usque ad novissimum VI. Landolfum.

Percommodum profectò fuit, non solàm hanc integram Chronici Sophiani partem suis verbis loquentem, verùm etiam numeris distinctam exhibuisse, ut uno velut obtutu singulos Principes perspicuos haberemus, qui ex Atenulphi prosapia Beneventanum Principatum ad annos CLXXVII. postremo loco tenuerunt. Sed illud quoque ex eodem Chronico certò discimus, quo præsertim anno Beneventanus Principatus in Romanæ Ecclesiæ ditionem, ac dominium cesserit. Quibus autem juribus, ac quemadmodum id denique factum sit, res est, quam impræsentiarum pro sui dignitate, institutique operis ratione, accuratius explicemus.

CPolitanorum Augustorum, qui ob nefariam Iconomachorum hæresim ab orthodoxa religione pertinacissimè defecerant, excusso jugo, ad Romanos Pontifices Italia se convertit. Atque Italia quidem, qua parte Græcis adhuc pareret, ad Romanæ potiùs Ecclesiæ tutelam, dominiumque, quàm ad Longobardos reliquam sui partem dominantes, confugiendum sibi duxit: At Rex Longobardorum Aistulphus, exarchatu Ravennate occupato, mox Urbes illas ad Romanum Ducatum pertinentes, quæ cum aliis plerisque locis Pontifici se subdiderant, invadere molitus, occasionem Stephano III. fecit, opem à Francis adversus utrosque hostes, Græcos scilicet, ac Longobardos, petendi. Pippinus, apud quem Franci Regni administratio erat, non solùm celeres suppetias, verùm etiam, quod populorum consensu gestum videbatur, id totum, quod jure belli sive à Græcis, sive à Longobardis ablatum, foret, præsentì amplissima donatione in Romanorum Pontificum dominium, ac supremum principatum transferendum voluit (2). Sed paullò post, qui Aistulpho successit, Rex Desiderius

(1) Recens exemplar habet: post cujus Principatus obitus: in quibus verbis manifestum deprehenditur mendum, quod utrum in ipso Codice sit, vel ex Amasnenfis, vel Typographi negligentia, non satis constet. Sed accipe iam ipsam exemplar recentè descriptum, atque editum:

Radelchis junior iterum sed. an. II. m. VI. deinde Atenulfo ex Capuano Gastaldato jam Comes cum filio Landolfo, & ceteri deinceps per generationes suas per numerum Principes XIII. Principatum autem tenuerunt an. CLXXVII. Atenulfo regnavit ann. II. & cum Landolfo filio suo regnavit ann. X. m. VI. & facti sunt omnes an. regni ipsius Atenulfi XI. & m. VI. Postea iste Landolfus cum Atenolfo fratre suo, & cum Atenolfo, & Landolfo filiis suis regnaverunt an. XXVI. & postea iste Landolfus regnavit an. IV. & cum Paldolfo filio suo reg. an. XX. & mortuus est. Et post obitum Landolfi patris sui regnavit iste Paldolfus cum Landolfo fratre suo an. VII. m. VI. & post mortem fri sui reg. cum Landolfo filio suo an. XII. m. VI. & mortuus est idem Paldolfus de mense Martio, & facti sunt omnes anni principatus ejus XXXVI. & m. VI. Et postea iste Landolfus quartus post mortem Pandulfi patris sui reg. m. VI. & mē. & fuit ejus de ben. & facti sunt omnes anni principatus XII. m. VIII. Et Paldolfus nepotem domni Paldolfi majoris electus est princeps à ben. & reg. an. v. m. VIII. & fecit principem Landolfum filium suum, & reg. cum eo ann. XXII. m. II. & fecit principem Paldolfum nepotem suum filium domni Landolfi, & regnaverunt tui III. ann. XXXIII. & ejectione est de Benevento, & mortuus est de mense Aug. & facti sunt omnes anni regni domni Paldolfi XXXVIII. mē. VIII. & post mortem domni Paldolfi reg. Landolfus filius ejus cum Paldolfo filio suo an. XLVIII. m. v. & mortuus est eodem Landolfus mē. Sep. Sunt autem anni principatus ejus XL. & VI. mē. & IIII.º an. post mortem patris sui fecit princi-

pem Landolfum filium suum m. Aug. reg. cum eo usque dum venit domnus PP. Leo in ben. an. XIII. mē. Aug. in dictione IIII. an. dñi mill. LI. & exsiliati sunt. Postmodum autem reversi sunt in Beneventum, & regnav. domnus Paldolfus an. XLVIII. & factus est monachus in hoc monasterio sancto Sophie no nfo Martio in festivitatem sancti Benedicli, & vixit an. XLIII. Landolfus autem filius ejus reg. an. XXXVIII. m. III. de mē. Novembri obiit indic. I. an. dñi mill. LXXVII. Aldolfus filius ejus vivente patre suo, & abio electus est princeps mē. Aug. indic. VIII. an. dñi mill. LVI. reg. cum abio suo an. III. m. VII. & post mortem xvii sui reg. cum genitore suo an. XVII. m. v. & d. VII. occisus est autem a Normannis ad montem sarculam VII. die intrante mē. Februarii anno d. mill. LXXIII. indic. XII. Post cujus obitum supervixit & reg. genitor ejus solus an. III. m. XI. qui fuit simul an. XXXVIII. m. IIII. Horum principum temporibus venit domnus gg. pp. in ben. an. d. MLXXIII. II. die intrante mē. Aug. primo anno pontificatus sui ind. XI. dies vero sue consecrationis. II. kal. Julii die dom. principatu domni Landolfi an. XXXVI. & domni Paldolfi filius ejus XVII. post cujus adventum supervixit isdem Paldolfus princeps m. VI. & dies VI. Post ejus obitum vixit pater ejus an. III. m. XI. quo moriente m. nov. v. kal. Dec. statim Robertus dux obsedit ben. XIII. kal. Jan. usque VI. id. Aprilis inde expulsus est cum omnibus suis ind. prima obiit idem dux transire mē. Julio VIII. indic. Post cujus principatus obitus restat est civitas per Romanam Ecclesiam. Principati sunt in ben. CLXXVII. an. a primo Atenulfo usque ad novissimum sextum Landolfum.

(2) Anastasius in Vit. Stephani III. T. III. Scriptior. Ital. P. I. pag. 171. Et ipsas claves tam Ravennatum Urbis, quàm diversarum Civitatum ipsius Ravennatum Exarchatus unà cum superscripta donatione de eis à suo Rege concessa in Confessione B. Petri pronus, eisdem Apostolo,

derius in Pontificiam ditionem vehementius inrumpens Hadrianum Pontificem compulit, ut decessoris sui Stephani exemplo Caroli Francorum Regis opem expeteret, qui & praesentissimam, & utiliore, quam antea, contulit. Ac Carolus quidem Regni, ac paternae pietatis haeres, Italiam ingressus, non solum Regis Longobardi audaciam fregit, sed etiam Italicum Regnum, quod ad annos cc. apud Longobardos perstiterat, sibi subjugavit. Inter haec autem non modò eam Donationem à Pippino genitore factam confirmavit, verum etiam pluribus aliis insignibus locis adauxit, inter quae Ecclesiae Romanae attribuit *cunctum Ducatum Spoletinum, & Beneventanum* (1).

Ex hisce Ducatibus pristinae Donationi à Carolo additis, palam illud fit, hoc in ea expeditione fuisse Caroli consilium, ut Longobardorum dominationem, quos foedifragos, & perpetuos, infestissimosque Romanorum Pontificum hostes reputabat, ex universa Italia de-deret: atque id quidem in ipso Regno, quod in transiberina Italia constitutum erat, omnino assequutus fuit. Ad Beneventanum verò Ducatum quod attinet, cui omnis fere cistiberina Italia parebat, res aliter cessit; nam sive certis sub legibus, tributique praestatione promissum, sive propria virtute defensum, & propugnatum, mansit deinceps ampliori quoque Principatus appellatione, auctoritateque praclarum Longobardorum nomen, atque imperium. Et sane siquid juris in Ducatu Beneventano quaesitum Carolo fuit tum, quum, icto cum Principe Arichi foedere, Grimoaldum ejus filium obsidem in Gallias abduxit, vel quum postea eidem Grimoaldo, certis subjectionis sancitis legibus, paterni Principatus successione permisisset, id certè ejusdem Grimoaldi virtute irritum factum est, qui Regis Pippini ejusdem Caroli filii, detrectatam subjectionem vehementer vindicantis, armis propullatis, sese in veterem libertatem, justissimamque supremi domini auctoritatem restituit. An igitur, quae à Carolo Romanae Ecclesiae facta fuit, frustranea evasisse Beneventani Ducatus donatio dicenda erit? Antequam nostram de hac re sententiam aperiamus, alia in antecessum proderit observasse.

Ac primum manifesta res est, nullam omnino Ducatus Beneventani mentionem à Carolo factam in suo Testamento, sive Charta *Divisionis Regni Francorum inter suos filios, Carolum, Pippinum, & Ludovicum Anno dccv. celebrata*, in qua *trina partitione totum Regni Corpus* dividere Carolus ipse fatetur (2): Pari modo Beneventanum Ducatum idem Carolus praeteriit in altera divisione, quam, Pippino sibi praemortuo, inter Bernardum illius filium, & Ludovicum servandam constituit. Scio, Viros doctissimos, gravissimosque in ea fuisse sententia, ut, licet nullum, vel minimum Beneventani Ducatus verbum in utraque Divisione legatur, illud tamen sit optimum argumentum, ut Carolus de eo Ducatu disponere voluisse censendus sit, proptereaquod inter alias Provincias *Italiam, quae & Longobardia dicitur*, Pippino attribuerit (3). Eam Italiae partem, qua Ducatus Beneventanus continebatur, Longobardiae nomine aliquando fuisse appellatam, aliàs mihi pluribus argumentis probatum fuit (4). At Carolum Longobardiae nomine utramque Italiam trans, cisque Tiberim vel intelligere, vel significare tunc voluisse, nullimodè mihi quis persuaserit. Documenta omnia, quae Cistiberinae Italiae, sive Beneventano Ducatui Longobardiae utique *minoris* appellationem adscribunt, multò posteriora tempore Carolo sunt, ut jam incertum censi debeat, num Carolus eo nomine Beneventanum Ducatum significare, aut comprehendere potuerit, quam scilicet Italiae partem nondum per eam aetatem Longobardiae nomen pervasisset. At quid moror? Carolus namque ipse in eodem Testamento non solum de Ducatu Beneventano siluisse, sed planè à *toto Regni sui corpore alienum* fuisse demonstravit. Atque is quidem de Pippini parte, cui *Italiam, quae & Longobardia*

dici-

solo, ac ejus Vicario Sanctissimo Papae, atque omnibus ejus successoribus Pontificibus perenniter possidendas tradidit, idest Ravennam, Ariminam, Pisaurum, atque Fanum, Cesenas, Senogallias, Esum, Forum Pompilii, Forum Livii, cum Castro Salsubio, Montemferetri, Harragio, Montem Lucari, Serram, Castellum S. Mariani, Bobana, Vatium, Callium, Lunulas, Engutium, seu Comaculum, nec non & Civitatem Narniensem, quae à Ducatu Spoletano à parte Romanorum per evoluta annorum spatia fuerat invasa &c.

(1) Idem Anastasius in Vit. Hadriani I. pag. 186. su-
pradiçæ editionis.

(2) Vide eand. Chartam T. I. P. II. Scriptor. It. p. 115.

(3) Cointius in suis Annal. ad An. 806. num. 34, cu-
jus sententiam probare videtur Gl. A. F. Magistor, po-
stea amplissimus S. R. E. Cardinalis Joseph Augustinus
Orsi in Dissert. *Del dominio temporale de' Romani Pon-
tefici* pag. 178. Romæ 1754. qua sententia fretus illius
Borgia, atque hoc uno argumento ductus adeo certam
rem sibi habuit, ut istiusmodi thema capiti XIII. to-
mi I. *Memor. Stor. di Benevento* inseripserit: *L'Impe-
radore Carlo Magno nel suo Testamento dispone del Prin-
cipato Beneventano, tutocchè donato lo avesse alla S. Sede.*

(4) Vide heic pag. 22. not. (3).

dicitur, assignaverat, si fortè Pippinus, Carolo, Ludovicoque fratribus superstitibus, decessisset, novam divisionem instituens, sic loquitur in ejusdem Testamenti cap. vi: Si verò Karlo, & Ludovico viventibus, Pippinus debitum humanae fortis compleverit, Karlus, & Ludovicus dividant inter se Regnum, quod ille habuit, & hac diviso tali modo fiat, ut ab ingressu Italiae per Augustam Civitatem accipiat Karlus Eborejam, Vercellas, Papiam, & inde per Padum fluvium termino currente usque ad fines Regensum, & ipsam Regiam, & Civitatem novam, atque Mutinam usque ad terminos S. Petri: Has Civitates cum suburbanis, & Territoriis suis, atque Comitatus, quae ad ipsas pertinent, & quidquid inde Romam pergenti ad lavam respicit, de Regno quod Pippinus habuit, una cum Ducatu Spoletano, hanc portionem, sicut praediximus, accipiet Karlus. Quidquid autem à praedictis Civitatibus, vel Comitatus Romanam eunti ad dextram jacet de praedicto Regno, idest portionem, quae remansit de Regione transpadana, una cum Ducatu Toscano usque ad Mare Australe, & usque ad Provinciam, Ludovicus ad augmentum sui regni sortiatur. Vides jam, quam praeclare, distinctimque eam Italiam, quae & Longobardia dicitur, Pippino assignatam Carolus per partes singulas, idest Ducatus, Comitatus, Regiones, Urbes, non solum explicuerit, verum etiam speciatim describens certis quoque finibus circumscripterit. Nihil omnino in hac Longobardia de Beneventano Ducatu memoratum occurrit, immo totum illud est, quod Beneventanum Ducatum excipiat, excludatque. Nam hoc solum filiis suis Carolus concessit, quod ab Ingressu Italiae Romam euntibus usque ad terminos S. Petri progredi videbatur. Non Romam, non terminos S. Petri transgressus est Carolus: itaque non de transiberina Italia, idest de Beneventano Ducatu unquam cogitavit.

Cur verò de Beneventano Ducatu Carolus filivisse voluit, causa nunc ostendenda est, quam ab aliis observatam haec libenter recitabimus: Nonnulli (inquit Cointius l. l.) Carolum, quem de Ducatibus Spoletano, & Tuscano loquutum audisti, nihil distinctè de Beneventano servasse contendunt, istiusque silentii causam hanc praeferunt, quod idem Carolus anno Christi 782. partem Beneventani Ducatus Apostolicae Sedi tradidisset, partem alteram Grimoaldus Dux in sua retineret potestate, nec se Caroli beneficiarium gereret. Haec Cointio minimè placere, Longobardia nomen à Carolo usurpatum ad Beneventanum Ducatum extendendum opinanti. Sed vera illa esse, Cointium verò minus rectè opinatum facili negotio demonstrabimus. Quod enim Grimoaldus nequaquam Caroli beneficiarium se gereret, satis liquet ex praeclearo, atque aliàs nobis memorato Erchemperti loco, cujus verba haec repetisse proderit: *Frequenter Karlus cum cunctis liberis, quos jam Reges constituerat, & cum universo bellatorum agmine Beneventum praeliaturus aggreditur; sed Deo decertante pro nobis, sub cujus adhuc regimine fovebamur, innumerabilibus de suis peste perditis, cum paucis nonnunquam inglorius revertor: unde factum est, ut Pipino regnante in Ticina, & Grimoaldo in Benevento presidente, frequentissimum bellum vexaret Beneventanos, itaut nec ad momentum pax interfuerit illis viventibus: Erant enim juvenili aetate potentes, & ad conjunctiones, & bella declivi: Pippinus autem multorum praesidio bellatorum, jugi, continuoque praelio exagitatus cum: Grimoals verò & Civitatibus munitis, & Primoribus quampluribus constipatus, parvipondens, ac despectui ducens illius persequutionem, in nullo cedeat ei. Aiebat itaque per legatos suos Pippinus: Volo quidem & ita potenter disponere: cenor, ut sicut Arichis genitor illius subiectus fuit quondam Desiderio Regi Italiae, ita sit mihi & Grimoals: Quibus è contrario Grimoals asserbat:*

*Liber, & ingenuus sum natus utroque parente,
Semper ero liber, credo, tuente Deo (1).*

Nequaquam igitur de eo Ducatu disponere Carolus cogitavit, cujus libertatem, supremamque auctoritatem Grimoaldus adeò strenuè, invictèque sibi tuebatur; nisi illud dicamus (quod dicere ineptum videtur) voluisse Carolum jus quoddam, ac veluti spem obtinendi Beneventani Ducatus Filio relinquere, quem Ducatum diuturno praelio frustra sibi subigere conatus fuerat, neque ejus Filii, nisi vi, armisque, atque adverso, ut semper, vel incerto saltem Marte conquirere sibi possent. Verum quidem est, Grimoaldo defuncto, Grimoaldum alterum illius Thesaurarium, posteaque Successorem, Tributo septem aureorum millium promisso, obnoxium Carolo se declarasse, vel (uti rectè Erchempertus scribit) *foedus cum Gallis iniisse* (2): Quod Tributum & sequutos Principes Siconem, & Sicardum Caroli Successori-

(1) Erchempert. in Chron. num. VII.

(2) Ibid. num. VIII.

cessoribus spopondisse legimus (etsi in Divisione Principatus inter Radelchim, & Siconolfum Imperatore Ludovico II. præsente, atque arbitro celebrata, nulla Tributi mentio occurrat); id tamen non veteris subjectionis argumentum est, sed novum censeri debet posteriorum aliquot Beneventanorum Principum consilium, qui (uti narratum alibi est) non æquo jure, etiam aliquando per nefas Principatu potiti, illius possessionem, conciliatâ sibi Francorum gratiâ, atque auctoritate, sibi contutari, confirmareque studuerunt; administrationem verò ita exercere perrexerunt, ut, levi illo excepto tributo, integrâ libertate, supremâque auctoritate perpetuò fruerentur. Ceterum, si de Testamenti à Carolo facti tempore agitur, nulla tunc Tributi obligatio apud Beneventanos Principes erat, sed ea potiùs erat omnimoda, atque inexpugnabilis Principum libertas, ea denique Beneventani Principatus conditio, ut de eo disponere Carolus non tam noluerit, quàm etiam nequiverit.

Hæc quantumvis vera in seipsis, ac certa videantur, potior tamen prætereundi, filendique à Carolo Beneventani Ducatus causa altera censeri debet, quòd scilicet in Donatione Ecclesiæ Romanæ facta, jam de illo integrè, distinctèque disposuerat: Id primùm ex eodem ipso Testamento palam fit, ubi Carolus pari modo silet Romanum Ducatum, silet etiam Exarchatum Ravennatem, aliaque omnia, quæ Ecclesiæ Romanæ donaverat, præter unum Spoletinum Ducatum, quem sibi, suisque filiis servatum voluit, non tam proprio emolumento, quàm ut Romanæ Urbi propugnaculi loco esse posset. Eadem igitur ejusdem silentii ratio esse debet, ut quemadmodum Carolus de Romano Ducatu, Ravennateque Exarchatu, re scilicet aliena, atque ad Rom. Ecclesiæ dominium pertinente, nihil amplius disponendum sibi duxerit, ita quidem de Beneventano Ducatu judicandum reliquerit, quem in ejusdem Ecclesiæ dominium, auctoritatemque transfulerat.

Frustra igitur à plerisque quæsitum reperio, cur Carolus post ejusdem Ducatus celebratam Donationem, ejus postea possessionem Sedi Apostolicæ nequaquam tradendam existimavit. Etenim si rem penitiùs inspiciamus, illud nobis satis manifestum fit, nihil magis in Caroli animo fixum fuisse, quàm ut Romani Pontifices Beneventano Ducatu potirentur. Quòd autem id Caroli consilium, studiumque incassum cesserit, Longobardorum virtus in causa fuit, qui primùm foelere, dein apertâ vi, animisque impeterritis, sese veteri Principatu spoliari nunquam passi sunt, uti superiùs observavimus. Quàm manifesta, atque efficax implendæ rei, dum facultas esset, Caroli voluntas extiterit, Capuanæ, ac præterea aliarum Urbium Principatus Beneventani, quæ in ejus potestatem pervenerunt, præclare docet facta protinus Romanis Pontificibus traditio: Capuæ enim subitisse Carolus contentus fuit, tum quum adversus Principem Arichim exercitum duxit, in qua Urbe, paulò post foedera sancita fuerunt. Audi nunc S. Pontificem Hadrianum in Epistola Codicis Carolini LXXXVIII. Carolo sic scribentem: *Meminisse credimus, qualiter vobis per anteriores nostras Apostolicas misimus syllabas de Capuanis, qui ad nos venerunt per vestrum regale administriculum, quatenus dum ipsas vobis emisimus syllabas, post aliquantos dies præfatos Capuanos in Confessione protectoris vestri B. Petri Apostolorum Principis jurare fecimus in fide ejusdem Dei Apostoli, & nostra, atque vestra regalis potentia. Nihil præclarius, nihil certius hoc monumento, ut Carolus eam, quam pro rerum, temporumque ratione poterat, Beneventani Principatus partem, Romanis Pontificibus tradendam curaverit: Id ipsum Hadrianus idem confirmat in Epistola ejusdem Codicis XCI. hæc ad eundem Carolum scribens: *Venientes ad nos de Capua, quam B. Petro Apostolorum Principi pro mercede anima vestra, atque sempiterna memoria cum ceteris Civitatibus obtulistis, videlicet Gregorius Presbyter, Sadulfus &c. Hinc factum arbitror, ut Pandulfus Capuæ Comes, paucò post tempore, magis è re sua fore existimaverit, si Romano Pontifici Johanni VIII. cujus jura ex Caroli donatione quæsitâ probè norat, subjectionem suam juraret, quàm si Principibus Longobardis obnoxius permaneret, quorum supremum dominium recenti, quò se extulerat, Capuani Comitatus dignitati obfuturum rebatur: Quare & ipse Pandulfus faciliè ab eodem Pontifice Capuani Episcopatus divisionem impetravit, quod ideo factum narrat Erchempertus n. XLVII., quia Pandulfus prius se subdiderat dicto Pape, in cujus vocamine (idest nomine) & Charta exarata, & nummi figurati sunt; quæ duo supremi domini consuetudine, ac præclarissima esse argumenta, alias observavimus. Heinc denique factum arbitror, ut cæteras Civitates, quæ in Ducatu Beneventano in Caroli potestatem redactæ essent, enixè postularet Hadrianus, ut sibi traderentur. Præstat autem eundem adhuc audire Hadrianum Epistola XC.: *Quapropter magnopterè poscentes vestram eminentissimam regalem benevolentiam, quæsumus, ut pro amore fan-***

toris

toris vestri B. Petri Clavigeri Regni Cœlorum, nostraque in Christo spiritali paterna dilectione, clariter, atque specialiter per vestros regales honorabiles apices vestris Missis dirigere dignemini, ut nullo modo ad vos remeare audeant, nisi prius sub integritate Civitates in partibus Beneventanis, sicut eas per vestram sacram oblationem B. Petro Apostolo, & nobis contulistis, in omnibus contrahere valeant. . . . Quia sunt alii ex Missis vestris, qui contemnere moliantur, & fudere vestram sacram oblationem. Sed, sicut in partibus Tuscia Civitates, idest Suanam, Tuscanam, Biternum, & Balneum Regis, ceterasque Civitates cum finibus & territoriis earum B. Petro offerentes condonastis, ita in eodem modo Civitates in partibus Beneventanis contrahere nobis protinus faciatis (1).

Quænam fuerint hæ Civitates ad Beneventanum Ducatum pertinentes, scimus ex Ludovico ejusdem Magni Caroli filio, qui post illius obitum rata omnia libentissimè habuit, quæ paternæ donatione continebantur, & novo facto Donationis Diplomate etiam enumeranda, ac describenda singillatim voluit. Sic itaque inter alia Ludovicus re, ac cognomine verè Pius: *Item in partibus Campania Soram, Arcem, Aquinum, Arpinum, Theanum, Capuam* (2). Nihil in hoc Ludovici Diplomate habes de Beneventano Ducatu, cujus silentii non illud quidem argumentum est, quod cum sibi (præter memoratas Civitates) Ludovicus servavit, sed quoddam reverè extra suam, Romanæque Ecclesiæ potestatem esset, à Longobardis veteri possessione, auctoritateque detentum, ac propugnatum. Propositum enim Ludovico fuit, in eo Diplomate, seu (uti vocat Ostiensis) *Pactio Constitutionis, & Confirmationis*, ea omnia Romanis Pontificibus confirmare, quæ ex Caroli donatione pleno tunc dominii jure possidebant, vel ipsi debita, apertâ vi, injuriæque ab aliis detinebantur (3). Sed amplius quid à Carolo Calvo concessum postea, fuit, qui (uti Eutropius Longobardus narrat) *renovavit Pactum cum*

ALTER

Qqq

Roma-

(1) Ex Misforum itaque avaricia, vel etiam perfidia id quoque fiebat, ne Caroli voluntas effectum sortiretur. Simile de Spoletino Ducatu ab ipsâ Caroli Missis patratum invenio, quos Hadrianus in Epistola LVIII. ejusdem Codicis, consilia quædam inter Ducem Spoletinum, & Principem Beneventanum machinantes animadvertens, violatæ fidei, ac detrectati muneris apud Carolum expostulat, ac deinde lubidit: *Obscervantes petimus vestram ad Deo fundatam potentiam, ut de tanta, & tali tribulatione, in qua nos ipsi vestri Missi dereliquerunt, velociter per alios fidelissimos, & benignissimos vestros Missos, nos consolari, & letificari subeatis; quia & ipsum Spoletinum Ducatum vos presentialiter obtulistis* Protedori vestro B. Petro Principi Apostolorum, per nostram mediocritatem, pro animæ vestræ mercede, & ita obnixæ quæsumus, præcellentissime fili, ut nostram deprecationem de prædictâ afflictione, & prænominato Spoletino Ducatu celerius effici mæcipietis. Quæres fortasse, cur Carolus, qui Ducatum Spoletinum æquè cum Beneventano Rom. Ecclesiæ donaverat, adhuc in suo Testamento illum Pippino, & post Pippini mortem Ludovico speciatim attribuerit. Respondeo, præter Tributum ex eodem Ducatu Spoletino Romanæ Ecclesiæ pendendum, Territorium quoque Sabinense, (uti ex Ludovici ipsius Donatione paulò post facta liquet) quæ ejus Ducatus pars conspicua habebatur, Romanis Pontificibus tradidit. Ceterum ea fuisse videtur Caroli mens, atque consilium, ut is Ducatus Romanæ proximus à Francorum Ducibus administraretur, qui ad tuendam Ecclesiæ Romanæ libertatem, Pontificiamque Ditionem propagandam præsto essent, atque ita Pippinus, ac Ludovicus manus Defensorum Ecclesiæ, in eodem Testamento speciatim demandatum, quantocius exhibere possent.

(2) Invenio hæc eisdem Urbes, idest Soram, Arcem, Arpinum, memoratas, quas ad Romanum Ducatum pertinentes Gisulphus I. Dux Beneventanus sub Johanne PP. VI. anno DCCII. occupavit; de qua re Paulus Diaconus de Hist. Long. lib. VI. cap. 37. sic narrat: *Hac ætate Gisulphus Beneventanorum Ducor Soram Romanorum Civitatem, Hirpinos, atque Arcem pari modò oppida cepit: Qui Gisulphus tempore Johannis Papæ cum omni sua virtute Campaniam venit, nul-*

lusque ei resistere potuit: Ad hunc Pontifex missis Sacerdotibus cum donariis, cum cum exercitu ad propria repedare fecit: De hac ipsa re plura dixi in Dissert. I. Illud modò ex Ludovici Donatione observandum est, has ipsas Civitates ad Beneventanum Ducatum posteriori tempore pertinuisse, aliter cum Aquino, Theano, Capua Ludovicus non conjunxisset, verique simile est Gisulphum ipsum Pontificis legatione, atque obsecratione ad propria repedasse, idest non ultra exercitum protulisse, sed Urbes illas semel captas retinuisse, itaque Ducatui addidisse; ex quo denique Ducatu à Carolo Magno receptæ iterum Romano Ducatui, sive Ecclesiæ cum aliis prædictis Civitatibus traditæ fuerunt.

(3) Hoc Ludovici Diploma nemo sapientissimorum, atque æqui, verique æstimatorum Virorum unquam fuit, eritque, qui in fallacis suspitionem revocet. Qui sapiens audit, sed non expers præjudiciorum Petrus de Marca in *De Concord. Sac. & Imp. lib. III. c. XI.* hæc de illo pronunciat: *Non est præmittenda gravis difficultas, quæ oritur ex Donatione Ludovici VII. qui nihil sibi auctoritatis neque in Romanam Provinciam, neque in ceteras reservavit, præter solas preces, & intercessionem suam apud Pontificem, si quis ad Judicibus oppressus ad se confugeret. Sed nostræ sententiæ hoc non adversatur, quin etiam Regum nostrorum pietatem commendat. Percepit sane Marca, Ludovicum in ea donatione abdicasse sese eo dominio, quod Carolum M. sibi in solidum cum Romano Pontifice retinuisse contendit. Rei novitas, quæ suam sententiam destruebat, nihil suspicionis Viro perspicacissimo attulit, sed Donationis sinceritatem probè agnoscens, rem omnem ad Ludovici pietatem referre maluit. Fuere tamen qui à catholica professione alieni, juratique Ecclesiæ, Pontificumque hostes, uti Goldastus, Molinæus, Valchius, vel qui præjudicate opinionis, vel intemperantioris Critices, vel etiam partis studio abrepti, uti Pagius, Muratori, Berettius, Diplomatis sinceritatem in controversiam vocarunt; quibus post Gregerum, Fontaninum, alioque satis jam factum est à V. G. Cajetano Cennio in *Examine* dicti Diplomatis post Dissertationem Eñi Orli Romæ 1754.*

Romanis Pontificibus... cuncta illis contulit, qua voluerunt... Patrias Samnia, & Calabria simul cum omnibus Civitatibus Beneventi (1). Contulisse autem Calvus dicendus est non re, siue traditione id, quod Longobardis adhuc possidentibus, ac dominantibus tradere nequibat, sed jus illud, quod antea Romani Pontifices ex Caroli Magni donatione adepti videbantur: Cujus servandi juris solliciti Romani Pontifices deinceps fuerunt, nunquamque destiterunt Beneventanum Ducatum, seu Principatum respicere, uti Romanæ Ecclesiæ Patrimonium, remque B. Petro oblatam, atque sacratam, solemni illa Donatione, qua laudatus Carolus inter alia plura cunctum Ducatum Spoletinum, & Beneventanum Romanæ Ecclesiæ, ejusque Pontificum dominio adjudicavit (2). Hinc factum fuit, ut translatò à Francis ad-Germannos Imperio cum Regno Italiæ, plurimum sua interesse Romani Pontifices existimarent, ut non solum antiquæ Donationes rerum omnium, ac ditionum, quibus jam potiebantur, ab Imp. Ottone I., atque Henrico I. confirmarentur, verum etiam in utriusque Augusti Diplomate Beneventani Ducatus, etsi à Longobardis etiam tum detenti, expressa, specialis mentio adderetur; quemadmodum Augustus uterque iisdem Caroli M. verbis cunctum Ducatum Spoletinum, & Beneventanum concessit (3).

Hic rerum, iurumque Apostolicæ Sedis in Beneventanum Ducatum status ad Sæculum XI: quo Sæculo progrediente decrefcebat contrà, atque ad occasum properabat Longobardorum Principum potestas, tum Græcis, tum Northmannis Principatum ad sese undique contrahentibus. Northmannorum nomen, quod ex patrio Septemtrione inditum ei Genti fuit, longè ante Sæculum XI. inclauerat, perpetuis ipsorum incurfionibus à Caroli M. ævo in Gallias gestis, ubi tandem ex hostibus infestissimis in foederatos, atque incolas recepti, sub Rollone duce, cui Carolus Simplex Gislam filiam in matrimonium dedit, Anno 912. lares, dominationemque suam locarunt in ora omni maritima Galliæ, quæ ab Epta fluvio ad mare porrecta, Northmanniæ nomen ab ipsis accepit. Ex hac igitur Regione sub ann. MII. Northmanni quadraginta ex Hierosolymitana peregrinatione reduces, egregio corporis habitu, belloque strenui, Salernum appulerunt, à Saracenis tunc obsessum, impetratque à Guaimario Principe armis, equisque, facta plurimorum cæde, reliquis hostibus in fugam confectis, inopinam, ac mirabilem, Urbique Salernitanæ maximè salutarem victoriam reportarunt. Viros fortissimos in sua stipendia frustra invitatos, atque amplis muneribus donatos, Princeps Guaimarius redire ad suos permisit, legatos ad Gentem comites addens, quæ ad adeundam Provinciam excitabatur. Rediere post annos ferè sexdecim Northmanni (4); atque Principi Pandulpho sese adjungentes, sub eo, aliisque Principibus stipendia facientes, contra Græcos æquè, ac Saracenos utilem primùm navarunt operam, sed violatà paulatim militiæ fide, proculcatisque hospitii iuribus, fructum victoriæ in propria emolumenta vertere coeperunt: Nam potiti aliquot Apuliæ oppidis, insolentiores effecti, inauditæ hæcenus tyrannidis fundamenta jecerunt, nihilò meliores facti, etsi jam Christianæ Religioni addicti, ac moribus Gallorum exculti, quàm quum olim è plaga septemtrionali erumpentes per Gallias grassari solemne haberent. Horrendum planè est quidquid à Northmannis per omne crudelitatis, perfidiæque genus per ea tempora in Apulia patratum Scriptores ejus ævi omnes tradunt. Satis nunc erit, missis nostratibus, Hermannum Contractum audisse (5): nam de eadem re paulò post & S. Brunonem Signinensem, & Sanctissimum Leonem PP. IX. audire nobis opus erit.

Ad

(1) Entropius Longobardus in Histo. editus à Goltzio, & relatus à Petro de Marca l. I. lib. III. cap. x. num. 6. & cap. XI. num. 11.

(2) Id à pluribus animadvertum inquit, confirmatque Eñus Orti in d. Dissert. cap. x. pag. 184. atque in subiecta nota recenset Cointium in Ann. Eccl. Franc. ad an. 774. n. 5. Ant. Pagi ad eund. an. n. 1. & ad an. 781. n. 1. & Franc. Pagi in Vit. Hadriani I. num. xi. & xx.

(3) Vid. eadem Diplomata apud Baronium, Ottonis ad an. 966. §. 3. Henrici ad an. 1014. §. 7.

(4) Scribit Leo Ostiensis Chr. Galin. lib. I. cap. 31. & 38. anno septimo Atenollis Abbatis (cujus annum tertium congruere dicit Anno Christi 1014., ut primus ejus Abbatis sit Christi 1012.) Northmannos Apuliam incurfare coepisse, (hic erit annus 1018.), cum ante annos ferè sedecim (idest anno 1002.) eò primùm advenissent.

(5) Hermannus Contractus in Chronico ad an. MLIII. Ea gens (Northmannorum) à temporibus prioris Henrici Imperatoris in Calabria, Samnia, Campanique partes paulatim ex Gallici oris Oceani confluebat, & quia bellicosior Italicis gentibus videbatur, primò grante accepta, valde indigenis contra Græcorum, & Saracenorum incurfiones audacter præliando auxiliabatur. Postea vero pluribus eorum ad uberem terram accurrentibus, viribus adauctis, indigenas bello premere, injustam dominationem invadere, hereditibus legitimis Castellis, prædiis, villis, domus, uxores etiam, quibus libuit, vi auferre, res Ecclesiarum diripere, postremò divina, & humana omnia (prout viribus plus poterant) jura confundere, nec jam Apostolico Pontifici, nec ipsi Imperatori, nisi tantùm verbo tenus cedere.

Ad Sanctissimum itaque Pontificem Leonem tandem pervenimus; qui genere clarissimus, illustrior virtutibus ex Episcopo Tullenſi Romanam Cathedram An. MCLIX. conscendens tum Ecclesiam universam diuturnis malis jactatam relevavit, tum cistiberinos quoque Populos in propulsandi, aut etiam confringendi Northmannici jugi spem certam erexit. Primi omnium (ut videtur) Apuli, quorum cervicibus tum maximè Northmanni incubabant, Leonis opem, missa legatione implorarunt: quam rem his verbis Gaufridus Malaterra enarrat: *Apulienſes nondum traditionibus exhausti per occultos legatos IX. Leonem Pontificem, ut cum exercitu in Apuliam veniat, invitant, dicentes, Apuliam sibi jure competere, & prædecessorum suorum temporibus juris Ecclesie Romanae fuisse, se illi auxilium laturos (1).* Audisti, Apulos, ut se à præsentibus calamitatibus liberarent, non ut tantum Romanæ Ecclesie filios, sed etiam Romanorum Pontificum subditos, Leonis opem simul, & dominationem flagitare, nempe ut is in Apuliam liberandam, suoque juri vindicandam veniat, quæ Regio ad Beneventanum Ducatum pertinens jamdiu ex Caroli M. donatione, ab aliis plerisque Augustis confirmata, in Romanæ Ecclesie dominium fuerat translata. Quum verò ob eorundem Northmannorum effrænem audaciam res ipsæ Beneventanorum in summo discrimine versari cœpissent, horum quoque legati, non occulti quidem, uti ab Apulis jam oppressis factum fuit, sed palam, splendideque, uti populum adhuc liberum, principemque decebat, ad Leonem missi sunt. Meminit hujus legationis Wibertus, cujus verba recitare operæ pretium erit: *Ecce adſunt legati nobilium Beneventanorum (dum scilicet ob inopiam suorum Familiarium Leo tristabatur) deferentes Xenia Apostolica congrua dignitati, ejus benedictionem, atque solatium suppliciter deposcentes promereri: Quos Deo dignus Præsul, ut suam decebat munificentiam, suscepit, sacra benedictione roboravit, non tam lætus de oblatione munerum, quàm Deo rependens grates de devotione fidelium (2).* Ex Wiberti narratione non satis constat, num Beneventani pietatem, religionemque suam erga Rom. Pontificem tunc recens electum professi tantummodo sint, an etiam sese in Leonis potestatem, Apostolicæque Sedis dominium dederint: At utramque rem à Beneventanis præstitam præclariùs testatur Nicolaus Rosellius Cardinalis Aragonius, quem in ejusdem Pontificis Vita hæc scribentem libenter audiemus (3): *Interea Northmannorum fortissima gens, quæ Apuliam, atque Calabriam ab invasione Græcorum liberaverat, Beneventum invadere attemptavit: Ea propter nimio timore perterriti ad Dominum Papam Leonem Beneventani accesserunt, ut ejus defensionem, & auxilium contra Northmannos ipsos mererentur habere: Unde factum est, quod per offerentis Chartulam Beneventum B. Petro, & Apostolica Sedi tradentes ab eodem Pontifice protectionis auxilium impetrarunt (4).*

Verissima nobis Cardinalem Aragonium tradidisse, vetustissimum, ætatisque supparis, ac fidei integerrimæ patrium monumentum declarat. Extat pluriès mihi memoratum Chronicon Monasterii S. Sophiæ, ab An. DCLXXXVIII. ad Annum MCXIII. perductum, quo in Chronico ad An. ML. hæc signata habentur: *Beneventum Pape Leoni conceditur, propter quod*

ALTER

Q992

pluri-

(1) Gaufridus Malaterra Hist. Sicul. lib. I. cap. 14. pag. 533. T. v. Scriptor. Italiæ Muratorii.

(2) Wibertus in Vita S. Leonis PP. IX. lib. II. c. III. pag. 293. T. III. P. I. Scriptor. Ital. Hunc Wiberti locum etiam attuli in Dissert. II. cap. VI. ibique interpretationem adjei, à qua tamen, re diligentius investigata, atque Cardinalis Aragonii testimonio liquidius explicata, recedendum nunc mihi fuit.

(3) Plures Romanorum Pontificum Vitas ex vetustis, fidissimisque monumentis collegit, congruoque stilo digessit Nicolaus Rosellius Aragonius, qui sub Innocentio VI. floruit, anno 1366. Cardinalium Collegio adfectus. De eo Cardinalis Baronius ad an. 1095. & 1073. monet, præter collectionem Vitarum Pontificiarum, in Vaticana Bibliotheca una cum aliis ejusdem Cardinalis Aragonii commentariis extare Commentarium De Jurisdictione quadruplici Romanæ Ecclesie in Regno Siciliæ. Vitarum collectionem edidit Muratorius Scriptor. Ital. T. III. P. I. pag. 277.

(4) Eodem loco, quo Wibertus Legationem Beneventanorum ad Leonem narrat, subdit Leonis nomen eximium honoribus ubique celebratum, ac certatim populos in ejus venerationem, atque obsequium effusos: *Nec mirandum (inquit) rationabilem creaturam in ejus resonare laudem, cum etiam irrationabilia animalia (mi-*

rum distu) illius prædicando nomen humanam personarent vocem: Nam sicut à veridicis fertur relatoribus, apud Beneventum Gallus frequenti voce ejus nomen repetebat, & naturalem emissurus vocem, cunctis mirantibus, PAPA LEO, insonabat. Gl. Mabillonius, qui hanc Leonis Vitam à Wiberto conscriptam edidit in Annal. Benedict. Sæculo VI. P. II., ad hunc locum observat ex Richerio Chron. Senon. l. 2. cap. 14. hujus Galli occasione nonnullos scripsisse, quod quacunque transfret Beatus Pontifex, statim Galli voce humana clamarent: Papa Leo: Huic narrationi haud fidem suam accommodasse videtur Mabillonius, qui nec de Beneventano Gallo sententiam aperuit suam. Non ego, id fieri ab eo potuisse abnucri, qui Asinæ Balaami humanè loqui dedit, quique Leonis famuli sui sanctitatem ea re testatam quoque voluerit: Sed (ut verum fatear) vocem potius Beneventanorum hominum, quàm Beneventani Galli, audire mihi videor, qui scilicet Beneventani homines, Northmannorum metu, Pontificique opis spe excitati, frequentibus vocibus Papam Leonem per totam Urbem inclamare fortasse cœperant, uti liberatorem, dominumque suum, ut exinde inter vulgus pervagari illud poterit, quod etiam Gallus auditus sit, Papam Leonem vociferatus.

plurima dissidia commissa sunt. Tum ad Annum sequentem MLI. Leo Papa misit Legatos suos Beneventum, qui acceperunt Saccummatum à Beneventanis ad . . . portam Civitatis ingressi die post Idus Julii. In recitandis hujus Chronici verbis usus sum editione Operum Peregrinii, curata Neapoli An. 1753. T. IV. p. 170., qua editione suppletum exemplar ejusdem Chronici est, à Cl. Nicolao Aloisia ex MS. Codice Vaticano transmissum Cl. Muratorio, ab eoque vulgatum T. I. Antiq. Med. Ævi p. 254. Quid verò sit illud Saccummatum, quod legatos Leonis à Beneventanis accepisse in utraque editione constanter legitur, à laudato Aloisia (qui notis suis locupletatum exemplar ad Muratorium transmissit) ita emendatum invenio, ut in ridiculosius vocabulum Scaccummatum convertere maluerit (1). Tu, me arbitro, pro Saccummatum tutò legas Sacramentum; atque ita quidem & utriusque vocabuli affinitas (2), & ipsa rerum narratarum series legendum suadent; nam si Anno MLI. Beneventum Pape Leoni conceditur; & mox Anno sequenti Legati ab eodem Pontifice missi sunt, qui Urbem ingressi postridie Idus Julii dicuntur, jam ante dictum ingressum non Saccummatum, quod nihil est, sed Sacramentum ad portam Civitatis accepisse dicendi sunt.

Quenam autem ea fuere dissidia, quæ postquam Beneventum Pontifici Leoni conceditur, subsequuta indicantur, ex superiore æquè Sanlophiano Chronico audivimus, unde postremam Principum seriem ab Atenulpho coeptam superius accepimus. Ibi enim sic scriptum legimus nu. VIII. Et quarto anno post mortem Patris sui (Pandulfus) fecit Principem Landulfum filium suum mense Augusti. Regnavit cum eo usquedum venit Dominus Papa Leo in Beneventum anno XI. mense Augusti Indictione IV. Anno Domini MLI, & exiliati sunt. Ægre quidem à Principe Pandulfo ferebatur, Beneventanos non in solam Pontificis tutelam, verum & in dominium quoque se tradidisse: quæ res amittendi Principatus manifestum periculum præferebat; nec certè inter Beneventanos ii deerant, qui Pandulfo faverent: Heinc exorta dissidia, nec prius sedata, quàm prævalentibus prudentiorum Civium viribus, sive publici boni rationibus, (animos etiam addente Pontificis præsentia, qui post receptum mense Julio per legatos suos Beneventanorum Sacramentum, sequenti mense Augusto Beneventum advenit) dejectus à Principatu Pandulfus cum filio conforate, atque Urbe discedere coactus fuit.

Sed nihil Beneventanis talia proderant, dum interim Northmanni deteriora moliebantur. Subiit itaque Pontifici Germaniam adeundi consilium, ut ab Imp. Henrico II. militares copias impetraret, quibus effrænâ Northmannorum audacia cohiberi tantum posse videbatur. Nec solum milites Pontifex impetravit, sed id quoque egit, ut Beneventanæ urbis, sive potius Principatus jura, pluribus titulis hæcenus quæsitâ, sibi, Sedique Apostolicæ ad Henrico confirmarentur. At Pontificiæ expeditionis in Northmannos infelix sane fuit exitus, nec tum solum vita, atque honos, sed apud posteros etiam virtus, ac nomen Leonis in discrimen adducta; de qua re in subiecta nota plura necessariò observanda sepoluimus (3).

Ad

(1) Aloisia notas habet quoque Neapolitana Peregrinii editio; habet quoque Ildefonsus Borgia Mem. Ilor. di Benev. P. II. cap. IX. pag. 7. Aloisia interpretationem, suamque facit hisce verbis. L'Anonimo Cronista di S. Sofia accenna qualche cosa di questi avvenimenti, ma in confuso, e con somma brevità scrivendo all' anno 1051, che Leo Papa misit Legatos suos Beneventum, qui acceperunt saccummatum (fortasse scaccummatum) à Beneventanis . . . portam Civitatis ingressi die post Idus Julii.

(2) Qui Chartas Characterè Longobardico scriptas norunt, norunt etiam literarum A & G formam vix inter se differre. Facile itaque fuit, ut qui describendi munus habuit, à secunda litera aberrare incipiens, Sacramentum, in Saccummatum incautè translulerit.

(3) Periculatissimi certe Pontificis Leonis Vita, atque bonâ visa sunt, quum in Northmannos exercitum duxit, nisi Deus hostium animis, quamvis victoriâ ferocientibus, debitam Romano Pontifici reverentiam indidisset: Sed & periculatâ adhuc Leonis fama est apud posteros gravissimorum aliquot Scriptorum judicio, qui illius consilium, factumque reprobarunt. Sanctus Petrus Damiani imprimis, dum scribens ad Firminum Episcopum in Ecclesiasticorum sui ævi morem, seu vitium invehitur, qui in Castris versari, armaque, &

milites ducere gaudebant, ad hoc, subdit, si quis obiciat Leonem bellicis usibus frequenter se implicuisse Pontificem, nihilominus verum esse dico, quod sentio: Quoniam nec Petrus ob hoc Apostolicum obinet Principatum, quod negavit: nec David idcirco Prophetiæ meretur oraculum, quod thorum alieni Viri invasit; cum mala, vel bona non pro meritis considerantur habentium, sed ea propriis debent qualitatibus judicari. Numquid hoc legitur vel egisse, vel literis docuisse Gregorius, qui tot rapinas, & violentias à Longobardorum feritate est perpeffus? Num Ambrosius bellum Arianis, se, suamque Ecclesiam crudeliter infestantibus intulit? Numquid in arma Sanctorum quispiam traditur insurrexisse Pontificem? Petrum, talia in Leonem vociferatum, non dissimulavit Cardinalis Baronius, immò & strenuè refutavit ad an. 1053. nu. XIV. ejus sententiam Catholicis Dogmatibus adversantem offendens, quibus hæresis errore notantur omnes, qui ab Ecclesiâ Romana, Cathedra Petri, e duobus alterum gladium non auferunt, nec nisi spirituales causas non omninò in tuto posita est; nam cui temporalis gladii potestatem vindicat, ejusdem exercendi justam tum fuisse occasionem non ostendit. Ostendenda autem res erat, de qua post Petrum Damiani finitè judicavit Hermannus Contractus, qui

Ad traditionem verò Beneventanæ Urbis quod attinet, si Leonem Ostiensem audimus, quasi tunc primùm Beneventum ad Sedis Apostolicæ dominium accessisse dicendum erit: *Tunc temporis* (inquit) *facta est commutatio inter eundem Apostolicum, & Imperatorem, de Benevento, & Episcopo Bambergensi, sicut jam superius retulimus.* Superius autem post narratam Episcopatus Bambergensis foundationem à priore Henrico factam, qui Vectigalem eum Episcopatum Sedi Apostolicæ effecerat, hæc scripserat: *Postmodum vero Leo nonus Papa, vicariationis*

Pontificis exercitus eladem his causis attribuit; Sive quia tantum Sacerdotem spiritualis potius, quam pro caducis rebus carnalis pugna decebat, sive quoddam nefarios homines quam multos ad se ob impunitatem scelerum, vel quæstum avarum consuetos contra itidem scelestos expugnandos secum ducibat: Quin ipse demum S. Bruno Signiensis Episcopus, Pontificis Leonis etiam Biographus, atque Encomiastes, Leonem quidem ipsum ea de re vix sibi collaudandum existimavit, nam collato (inquit) medico quidem, sed fortium militum suæ gentis exercitu super Normannos præliatus vadit, zelum quidem Dei habens, sed non fortasse scientiam, utinam, non ipse per se illuc iussit. Si talia ex Petro Damiani, ex Hermannio, & quod magis est, ex Brunone adversus Leonem habemus, quid ex Romanæ Ecclesiæ hostibus expectabimus? Atque expectabam ego quidem Leonis patrocinium ab Ilmo Borgia, qui in T. II. (*Memor. Istor. di Benevento*) non solum ejus Sanctissimi Pontificis Vitam, nulquam antea editam, ex MS. Codice nostræ Bibliothecæ in lucem edidit, sed Leonis studiosissimus nihil diligentius prætermisit, ut ejusdem res gestas, ac promerita in Beneventanos, horumque egra illum veteris cultus monumenta omnia è tenebris eruta, magna rerum copia, parique eruditione illustravit. At id, quod maxime omnium intererat, desiderandum nobis reliquit, ut scilicet Leonis famam ea de re exagitatam, illæsam, atque incolumem præstaret, quod facile ex ea Vita parabatur, quæ eas demum Northmannici Belli à Leone gesti circumstantias nobis prodit, quæ manifestam laudem eidem conciliare videntur. Ut igitur res ipsa probè constet, audiendus primùm Leo ipse est in sua ad Imp. Constantinum Monomachum Epistola (apud Labbeum Concil. T. XI. p. 1351.)

Ille sollicitudine, qua debeo omnibus Ecclesiis invigilare, videns indisciplinatum, & alienam gentem incredibili, & inaudita rabie, & plusquam pagana impietate adversus Ecclesias Dei insurgere passim, Christianos trucidare, & nonnullos novis, horribilibusque tormentis ad defectionem animo affligere, nec infanti, aut seni, aut femine fragilitatis aliquo humano respectu parcere, nec inter sanctum, ac profanum aliquam distantiam habere, Sanctorum Basilicas spoliare, incendere, & ad solium usque diruere, sepiusque perversitatem ejus redargui, obsecravi, prædicavi, opportune importunèque insisti, terrorem divine, & humane vindictæ denuntiavi: sed quia Sapiens ait: Nemo potest corrigere, quem Deus despexerit: adeò obturata, ac obstinata ejus malitia permansit, ut de die in diem adderet pejora pessimis: Unde non tantum exteriora bona pro liberatione ovium Christi cupiens impendere, sed superimpendi ipse percipiens, visum est mihi, ad testimonium nequitie eorum, vel hinc expediret ad reprehensionem contumacie, humanam defectionem indeque attrahendam fore, audiens ab Apostolo Principes non sine causa gladium portare, sed Ministros Dei esse, vindices in iram omni facienti malum. Suffultus ergo comitatus, qualem temporis brevis, & imminens necessitas permisit, gloriosus Ducis, & Magistris Arguroi fidelissimi tui colloquium, & consilium expectandum censui, non ut cuiusquam North-

mannorum, seu aliquorum hominum interitum optarem, aut mortem tractarem, sed ut saltem humano terrore resisterent, qui divina judicia minime frigidant. Interea nobis eorum perversitatem salutari admonitione frangere tentantibus, & illis ex adverso eorum subiectionem fidei pollicentibus, repentino impetu Comitatum nostrum aggrediuntur; sed adhuc de victoria sua potius tristantur, quam letantur. Nemo certè Sanctissimi Pontificis narrationi fidem abnuerit, præstare nunc etiam cogitur, quam ex illius Vita comprobata intuetur. Audi igitur Biographum, qui post narratas Northmannorum crudelitates, vastationesque lacrimabiles, ex ea re Pontifex, inquit, Leo contristatur nunc per Epistolas, nunc verò per nuntios, ut ab ejusmodi cessarent insania, blandis allocutionibus admoneret. Illi autem solita calliditate usi, ac perfidia presentibus ejus legatis quicquid ipse vellet se facturos promittebant; sed illi absentibus, quod ipsi verbo tenuis fallaciter promittebant, deteriores effecti opere demonstrabant. Videns igitur Papa toties se delusum verbis, in Apuliam per semetipsum descendere decrevit. Cui in obsequium tota gens Northmannorum quasi satisfaciens, aliud tamen in corde gerens, obviam perrexit. Ipse vero ut erat vis mæ sanctitatis, illos nunc paternis castigabas minis, nunc verò mixta prece exorabas, ut suis acquiescerent verbis, & ab hujusmodi desisterent factis: sui alias se scirent anathemati subjacere obnoxios, insuper quid Apostolica vis posset experturos. Galli autem subdoli, quod antea ipsius promiserant nuntius, nunc cum juramento promittebant ei dicentes, se quicquid ipse vellet, esse facturos, etiam si juberet, ultra mare sine mora profecturos. Audiens hoc Papa, putans alios sue esse simplicitatis, data licentia simulque benedictione illos abire dimisit. Porro ipse memor ubique dominici gregis convocatis illarum partium Episcopis Synodum fecit, quo factos quibusque antea dispositis, & ut docet, ordinatis, festinus Romanam perrexit. Sed adhuc vix illud pervenerat, cum diversarum circumquaque provinciarum festinantes legati retro clamabant dicentes: Heu quid egisti, Papa: heu quid egisti: si jure Papa dici poteris, qui nos nefanda traditione tradidisti. Ecce, inquit, Normanni pejores prioribus effecti omnia destruant, omnia diripiunt, locorum desolatio advenit nobis, Urbes munitæ vix defenduntur muris, una misera mors imminet cunctis. Quis ergo dubitet, hæc omnia te consulante, te faciente, peiora nobis advenisse? Nam ante tuum adventum quoque modo vivebamus, nunc autem inimicis ad devorandum dati sumus: Misere nobis, quesumus, misere: & si pastor es, oves tuas more pastoris defende, sin autem ipse uno gladio omnes interfice. His auditis Sanctus Leo valde super hujusmodi, ne alius putaretur quam erat, contristatus querelis, quid ageret ignorans, cui apostolico zelo percutere non expediebat, mensurus illam prophetam sententiam, qua dicitur: Non ascendisti ex adverso, neque opposuisti murum pro domo Israel, ut flaretis in prælia

tionis (ideſt permutationis) ergo, Beneventum ab Henrico Conradi filio recipiens, prædictum Episcopium Bambergense ſub ejus ditione remiſit (1). Rem ipſam generatim indigitavit Hermannus Contractus, qui ad An. 1052. Pontificem Leonem in Germania conſiſtentem, poſtquam Fuldenſem Abbatiam, aliaque loca, & coenobia, quæ S. Petro antiquitus donata ſerebantur, exegiſſet, eidem demum ab Imperatore pleraque in Ultramontanis partibus ad ſuum jus pertinentia pro Giſalpinis, quaſi per concambium, tradita ſubdit (2). Mirum certè nullum Hermannò verbum hoc loco excidiſſe de Benevento, de qua urbe paulò ante magnificè loquutus fuerat; cujus etiam Cives An. ML. meminit ab eodem Leone excommunicatos, propterea quod pari juramento, quo alii Ciſtiberini populi ſe obſtrinxerat, ſubjicere ſe Pontifici, & Imperatori aperta rebellione detrectaſſent (3). Sed ex Hermannì ſilentio, de Beneventi concambio, falſi redarguere Oſtienſem non auſim, quem tamen mox explicabimus: Falſum interim Hermannum ipſum, Beneventanos à Leone excommunicatos narrantem, Oſtienſis nobis oſtendit, qui Beneventanos haud quidem à Leone excommunicatos, ſed veriùs ab eo anathemate ſolutos teſtatur, quod à deceſſore Clemente II. ſuberant (4): Inſiſſendi anathematis cauſa fuit, quòd Henricum in Italia Ciſtiberina agentem, non ſolàm agnoſcere Dominum recuſarint, ſed (quemadmodum Imp. Lothario illius genitori reſtiterant) graviffimis injuriis affectum a ſuis finibus abire coegerint: Beneventum (ſic Oſtienſis) Henricus contendens, cum noluiſſent cum Cirves recipere, tam ob ſuam, quàm ob Patris (Conradi) injuriam totam Civitatem à Romano Pontifice (Clemente II.) qui cum illo tunc erat, excommunicari fecit, cunctamque Beneventanam Terram Normanniſ auctoritate ſua confirmandis, ultra montes exinde eſt reverſus (5).

Quod igitur ad Beneventi commutationem attinet cum Episcopatu Bambergensi, intelligas velim, cum ipſa Urbe univerſum quoque Principatum commutatum, idque ab Oſtienſis ſen-

prelio in die Domini, alio uſus eſt conſilio, & qui diu non timebant percuti gladio, illos mucrone percutere decrevit humano. Collectis itaque tam ſue gentis, quàm aliarum gentium quos reperire potuit militibus, necnon expeditis quibuſque pedibus, jam in acie miles conſtitutus, iterum in Apuliam deſcendit experturus belli eventus. Cùm igitur ad id perveniſſet loci, caſtrametatus eſt ſuper flumen, quod dicitur Stagnum, non longè ab oppido, cui nomen eſt Civitas. Galli verò ex alia parte non longè ab ejus caſtris ſua poſuerunt caſtra, non ut tamen ad invicem videri poſſent: nam quaſi collis humilis interjacebat medius. Audiens interea Sanctus Leo Gallorum multitudinem non longè diſſerre à ſuis, incertus quid eſſet, nuntios direxit ſciſcitari quidnam ſibi vellet, & ad facere volebant. Illi autem reſpondentes dixerunt, ſe paratos eſſe in ſanctum Papæ, quocumque illos ducere vellet: Verumtamen unum ſciebantur, illis eſſe moleſtum, & ſine ſanguinis effuſione nullo modo fore futurum: videlicet ſi eorum inimicis (Græcis), qui adhuc in ſiſibus Apuliæ debebant, auxilium præberet. Erat enim tunc temporis Argirus quidam Siponti, quem Conſtantinopolitanus Imperator Principem conſtituerat Apuliæ. Cujus Venerabilis Leo auxilium tam in armis, quàm in militibus habere cupiebat. Auditis autem huiusmodi reſponſis, quid potiùs ageret, cogitabat. . . . Ipſe vero quia indignum erat tali intereſſe negotio, compulſus tamen à ſuis Civitatem ingreſſus eſt oppidum. Interea Galli aſſueti malo, atque belli perdocti magiſterio præſatum jam aſcendentem colleſem, quatenus deſuper venientes, huius aſcendentem irruendo proſtrernerent hoſtem. Ventum eſt ergo ad id miſerabile negotium &c. Hæc tantum legiſſe ſufficiet, ut quid de ea re judicandum deinceps ſit, omnino liqueat. Itaque falſum eſt, Leonem e Germania reducem, factò velut impetu in Apuliam Northmannos debellaturum deſcendiſſe. Extremum omnium id fuit malis in dies ſuccreſcentibus paratum remedium, poſtquam lenimenta omnia incaluſum ceſſiſſent. Immo Pontificio milite jam in Apulia conſiſtente, non de prælio committendo, ſed de pace,

ac ſcederibus conſilia, & nuncia Pontificis fuerunt. Falſum itidem exercitus ducem ſe Pontificem geſſiſſe, ex cujus parte (ut narrat Oſtienſis Chr. Caſin. lib. 2. cap. 87.) Rodolphus in Beneventanum Principe m. eleſtus, & Guarnerius Suevus ſigna ſuſtollunt. Adeſſe quidem Pontifex voluit, ut præſens Northmannos ſola auctoritatis, religioniſque vi ad obſequium compelleret, aut, ſi tandem res ferro tranſigenda eſſet, ſuo militi animos adderet. Cæterum procul ipſe à Caſtris in Urbem Civitatem ſe recepit, rei exitum expectans, quam Deo commendabat: Hinc illa ſatis vera, & præclara noſtri Biographi: Stultorum ferocitatem compoſcens, ſui ovis bellicoſus habebatur cullos, non quod ipſe tamen ab oratione, cùm ad talem ventum eſſet conſiliū, unquam ceſſaret, ſed ſecundum illud, quod ſcriptum legat: Domino præcipiente Moyses orabat, Jolus verò, & Iſrael contra Amalech pugnabat: Dum Moyses efficitur, Amalech ab ejus exercitu cadit præliando. Hominum teſtimonium, quo & rei geſſe veritas, & Leonis virtus tunc maxime oſtenſa nobis conſtitit, certius etiam ſit ex eo miraculo, quo cauſæ juſtitiæ, Pontificiſque factum Deus comprobavit; nam à Leone ſolo Crucis ſigno reſtinctum incendium, quod ad expugnandam Urbem, ubi Pontifex morabatur, Northmanni ingenti conatu excitant, idem Biographus narrat. Hæc rei veritati, ac Leonis nomini, ut ab illatis maculis fulgidius aſſurgeret, danda erant, noſque dedimus, ut Beneventanorum ſtudia erga S. Leonem IX. perpetua, & flagrantia adhuc eſſe probaremus.

(1) Oſtienſ. in Chron. Caſin. lib. II. cap. XLVI. & cap. LXXXIV.

(2) Hermannus Contractus in Chron. ad An. ML. II. Ibidem ad An. ML. Dominus Papa Synodum poſt Paſcha iterum Roma collegit, & ſubſequuto tempore ultra Romam progrediens, nonnullos eo locorum Principes, & Civitates tam ſibi, quàm Imperatori jurejurando ſubjecit, Beneventanorque adhuc rebellantes excommunicavit.

(4) Oſtienſis d. cap. 84. Beneventum deinde Leo præſectus (anno 1050.) ab excommunicatione illam prædeceſſoris ſui Clementis tandem abſolvit.

(5) Idem d. lib. II. cap. LXXX.

sis sententia nequaquam (uti quispiam Scriptor neotericus ineptè argumentatur) esse alienum, Ambiguum certè Ostiensis testimonium est, quem si de sola Urbe loquutum velis, id profectò de sua ætate affirmasse dicendus est, quando solam Urbem cum ejus Territorio, seu Comitatu Romanis Pontificibus immediatè subditam, reliquas verò Principatus Provincias, Sicilia Regni nomine, auctoritateque, aliis in Feudum concessas intuebatur. Sed verius est, ut Ostiensis *Beneventi* nomine, non solam Urbem, sed Beneventanum ipsum Principatum significarit. Persæpe in eorum temporum Scriptoribus, aliisque monumentis *Beneventanus* Principatus, *Beneventi Patria*, aut *Beneventi Provincia*, aut demum uno verbo Beneventum scribebatur. Turbare autem non debet illa exigua centum Marchiarum argentearum quantitas, quæ pro Episcopatu Bambergensi pendi quotannis solita, longè inferior universi Principatus æstimatione videbatur: Nam primùm, neque Henricus Urbem, quæ Principatus Sedes, Caputque erat, ab ipso Principatu non sine maximo ejus detrimento tam facillè divisam voluisset, neque (quod Ostiensis non siluisset) illam tradens, reliquum Principatus Corpus sibi servatum declaravit. Præterea Urbem, etsi solam, centum annuis argenti Marchis (Germanicis certè, quarum singulæ solidos 20. pendebant) æstimatam tunc fuisse, opinari stultum est; ut propterea, si ad Henrici jus oculos intendamus (atque intendisse in hac re oportet) tutum, certumque omnino sit affirmare, potuisse scilicet Henricum, immo non sine ingenti suo emolumento voluisse Urbem cum suo Principatu Pontifici tradere, ac *vicariationis* ergo, idest ipsorum vice Episcopatum Bambergensem ab ejus annui Tributi onere exemptum constituit; quandoquidem certæ pensationis loco ac vice id tantummodo tradebat, quod juris erat alieni, neque sibi, nisi umbratico supremi, sive imperialis domini jure debitum contendebat.

Et sanè, si Henricus (uti Lotharius Pater) nunquam à Beneventanis impetrare poterunt, ut sibi subjectionem profiterentur; nec præstendam Beneventani existimabant, qui confirmato quinque jam tunc excurrentium sæculorum dominio, naturales, quos sibi deligere consueverant, Principes suos habebant; si Beneventani aperta vi (ut nunc scias *injurijs* illas ab Ostiense generatim memoratas, videasque simul acerrimos libertatis suæ propugnatores Beneventanos) & Imperatoris Socrum, à Garganica Basilica revertentem (eodem non dissimulante Hermannò) contumeliis afficere (1); & Imperatori adhuc ipsi, ad cujus injuriam (ut Lupus Protospata refert (2)), *sternutas proprii equi absiderunt*, insultare non dubitarent: Si denique Henricus, subditos Beneventanos habere desperans, anathemate quidem à Pontifice Clemente percellendos, Northmannis verò debellandos, opprimendosque reliquit; nihil profectò Henricus, Benevento, sive Beneventano Principatu tradito, de suo jure amisisse videtur. Itaque de hac re sic statuendum arbitror: Beneventani spontè subditos ab Anno ML. (ut superius probatum est) tradiderant sese Leoni Pontifici, qui Apostolicæ Sedis dominium, tum ex antiquis Caroli Magni, ac Successorum Augustorum concessionibus, tum maximè ex ea recenti, spontaneaue traditione quæsitum, ab eodem Henrico novo jacto Diplomate, sibi confirmandum curavit; quo quidem Diplomate (quod certè in ea commutatione, sive *concambio*, uti vocant, emitti debuit) id tantummodo præstitisse Henricus videtur, quod Henricus alter, Otto, atque olim Carolus, ejusque Successores contulerunt: id verò addidit, ut etiam Leoni militares Copias (magna tamen ex parte in itinere subductas) suppeditaret, quibus Northmannos coercere posset. Certum id efficitur ex Leonis facto,

(1) Hermannì verba ad An. 1047. hæc sunt: *Imperator Roma egressus nonnulla Castellà sibi rebellantia cepit, Provincias illas, prout videbatur, disposuit, Ducem Northmannis, qui in illis partibus commorantur, & aliis eo loco Urbibus constituit. Sed Sacri Imperatoris de Monte Gargano Beneventum reversa, orto tumultu, Beneventani Civis quibusdam eam injuriis afficiunt: Unde seorsum ab Imperatore vindictam mutuentes, eique se subdere non præsumentes, rebellionem ineunt; sed Imperator, qui magna ex parte, ut dictum est, exercitum jam dimiserat, & ad aliam, occupatam animo, Patriam tendebat, tantum tum temporis Civitatem aggredi distulit, interimque eo infesto negotio redire disposuit. Jucundum fuit Hermannum audisse, ut ex ipso discas, quanti apud omnes nationes haberetur Beneventum, tum ex loci munitione, tum ex Civium fortitudine,*

audaciaque ipsa, tum denique ex aliarum rerum majestate; quandoquidem TANTAM tum temporis Civitatem Imp. Henricus post acceptam injuriam, insultam relinquere satius habuit.

(2) Lupus Protospata in Chronico inter Opp. Peregri. T. IV. pag. 39. ad an. 1046. Deinde dictus Imperator venit Beneventum; Beneventani verò ad ejus injuriam absiderunt *sternutas equi ejus*, idest *Negros*, ita à Lupo (inaudito hæcenus vocabulo, quod Gangius silet, sed non improprio) ita appellatus; nam è narium vellicatione *sternutamenta* excitantur. Potuit etiam id verbum (corrupto tamen supino) ad Ephippium referri, quo *sterni* equi dicuntur; at prior explicatio magis plurali numero, ac narrationi congruere videtur.

facto, qui ante Northmannicum bellum, eundem exercitus sui ducem constituit Rodolphum, quem (ut tradit Ostiensis) in Beneventanum Principem jam elegerat (1).

Postea verò quàm adverso (ut diximus) Marte cum Northmannis pugnatum est, atque (ut S. Brunonis Signienfis verba usurpem) *superantur illi, qui pro iustitia pugnant, superant illi, qui iustitiam impugnant* (2), nihil deinceps de Principe Rodolpho memoriæ proditum invenio, quem vel in eo prælio interiisse, vel potiùs, Leone iubente, Principatu cessisse crediderim (3). Cogitabat quidem prudentissimus Pontifex, nunquam sibi, Sedique Apostolicæ Beneventanorum fidem defuturam: hoc enim elogium idem Signienfis Bruno meritò tribuit Beneventanæ Civitati, dum Leonem è prælio rediisse ait Beneventum, *Civitatem utique Beato Petro fidelem, & familiarem*. At dum Pandolphus, Landolphusque filius Principatu dejecti, atque extorres adviverent, non modò æquum, sed è re quoque sua fore putavit, quamlibet novarum barbarum occasionem præcidere, eosque ad pristinam aviti Principatus administrationem revocare. Ita quidem Chronographus Sophianus, qui Leone Beneventum adveniente Anno MLI. Pandolphum, & Landolphum *exiliatos* narravit n. VIII., mox sequenti n. IX. hæc fusidit: *Postmodum autem reversi sunt Beneventum, & regnavit Dominus Pandolphus Annos XLVIII. &c.* Id tamen non aliter à Pontifice permillum, quàm promissa, jurataque Sibi, ac Sedi Apostolicæ subiectione, apud quam supremum Beneventani Principatus dominium pertineret. Pactum ea de re inter Pontificem, & Principes, assentientibus Beneventanis Civibus, atque plaudentibus, solemniter scriptum, celebratumque ad posteritatem minimè evasit; sed omnino extitisse, illudque, qui mox Leoni succedere, Pontifices renovandum curasse, manifestè docet ipsum idem Pactum Constitutionis sit, silet, memorat verò Chronographus Cavenfis, qui ad eundem annum sic habet: *Alexander Papa defunctus est, & electus Gregorius Monachus S. Benedicti in IX. Kal. Majas: Ipse venit Beneventum, ubi Landulfus Princeps illi præstitit omagium* (4): immo etiamnum clamat Pactum ipsum, cujus exemplar ex Regesto Epistolarum ejusdem Pontificis à magno Baronio in Ecclesiasticis Annales relatum, heic descripsisse operæ pretium erit.

*Constitutio, quæ facta est inter Dominum Gregorium PP. VII.,
& Landolphum Beneventanum Principem.*

Hac est Constitutio, quam Dominus Papa Gregorius constituit cum Landolpho Beneventano Principe, & quam Princeps Beneventanus ipse sibi firmiter promisit in Sacro Beneventano Palatio, anno primo Pontificatus ejus duodecima die intrante mense Augusto, Indictione undecima. Si ab hora ipsa in antea Princeps ipse fuisset infidelis Sanctæ Romanæ Ecclesiæ, & Papæ, suisque Successoribus, vel si in aliquo quæssisset minuere publicam rem Beneventanam, aut aliquam inde absque nutu Papæ, vel absque ordinatis ejus alicui fecisset investitionem: vel si aliquo invenerit studio cum aliquo homine intus, aut foris Civitatem Beneventanam faciendi, aut recipiendi Sacramentum, aut inveniendi divisiones: vel si per se, aut per suppositam personam intus, aut foris Civitatem Beneventanam studuerit qualicumque modo, aut ingenio reddendi malum meritum, aut facienda damnitatem cuilibet de Fidelibus S. Rom. Ecclesiæ de ea, quæ ad fidelitatem ejusdem S. R. E. egere usque modo, si se juxta Domini Apostolici judicium non potuerit inde defendere, cum fuerit appellatus, à presenti amittat suum honorem.

Ego

(1) Ostiensis in Chron. lib. II. cap. 87.

(2) In Vita S. Leonis IX. Scriptor. Ital. T. III. P. II. pag. 351.

(3) Extat in Chronico S. Sophiæ P. VI. pag. 748. apud Ughell. T. VIII. edit. Rom. Diploma cum hoc titulo: *Rodolphus de loco in Vineto: & mox: Concessimus nos Dominus Vir gloriosissimus, ac magnificus Dominus Rodolphus Summus Princeps Gentis Beneventanorum tibi Odoaldo Referendario nostro &c. quod autem preceptum, mandatumque concessionis ex iussione, & licentia super-nominate Potestatis scripsi ego Notarius Civitatis Beneventanæ, & Referendarius sacratissimi nostri Palatii in*

anno ab Incarnatione Omnipotentis Domini nostri Jesu Christi Reliqua desiderantur vel temporis edacitate, vel Chronographi sive descriptoris negligentia: Sed ipsa Chronologica nota Incarnationis Dominicæ Chartæ sæculi XI. nobis indicat, cui & adscripti anni Pontificatus Leonis esse debuerunt. Advertas etiam, Rodolphum (qui brevi illo Principatus sui spatio hoc Diploma edidit) se non Longobardorum (quorum Principes Landolphus, & Pandolphus ejecti ex Urbe tunc fuerant) sed Beneventanorum Principem appellare maluisse.

(4) Chronicon Cavenle inter Opp. Peregrinii T. IV. pag. 445.

Ego Johannes Portuensis Episcopus recognoscens subscripsi.
 Ego Johannes Tusculanensis Episcopus interfui, & subscripsi.
 Ego Herbertus Prænestinensis Episcopus subscripsi.
 Ego Desiderius Presbyter S. Rom. Ecclesie interfui, & subscripsi (1).
 Ego Petrus Cardinalis Presbyter, & Bibliothecarius S. R. E. interfui, & subscripsi.

Ingens potius emolumentum, atque decus, quàm detrimenti, probrique quicquam accepisse ex ea re videtur Beneventanorum Principum Stirps Longobardica, quæ hæcenus supremo aliorum dominio subdi nescia, aut impatiens, Sedem denique Apostolicam dominam agnovit. Siquidem in pristinam ditionis amplitudinem, rerumque felicitatem si non assurgere, stare saltem, perseverareque jam poterat, Summorum Pontificum subnixâ viribus, subsidiis, majestate. At post diuturnam, quam in aliis Dynastiis haud facile invenias, quingentorum, & amplius annorum ætatem, Longobardicus tandem Principatus ineluctabilem rerum humanarum vicissitudinem subiisse debuit. Landulphus igitur hoc nomine Sextus, qui Anno MXXXV. I. à Pandulpho Patre in Principatus societatem admissus, Pandulphum filium An. MLVI. ejusdem Principatus Consortem sibi fecerat, exactis Principatus sui annis XXXIX. Filio superstes, quem quadriennio ante ad Montem Sarchum, five Herculis, octavo ab Urbe lapide, Northmanni interfecerant, anno demum MLXXVII. v. Kal. Decembris extremum vitæ diem claudens, Longobardicum Principatum secum tumulavit (2):

R r r

ALTER

(1) Gregorium Pontificem VII. eodem ordinationis sue anno ad Monasterium Casinense venisse, ac sociato sibi Desiderio Beneventum pervenisse, testatur etiam Oskensis in Chron. Cassin. lib. III. cap. 35. intererat profecto Pontificis, socium adducere Desiderium, qui virtute, ac dignitate præclarissimus, ac Beneventanorum Principum confanguineus, rem ipsam, quam Pontifex cogitabat, maximi scilicet momenti, ut Beneventanos Principes sibi subditos confirmaret, expeditiorem præsentia, cohortationeque sua efficeret, quam pro Pontificis voto constitutam, sua quoque subscriptione communivit.

(2) Hunc Longobardorum Principum postremum, Landulphum, filium Beneventani Archiepiscopi Rosfridi affirmat Ughellus: nam docet (inquit pag. 139.) ejusdem Landulphi confessio in concessione facta ad petitionem Rosfridi Archiepiscopi genitoris sui, ut in documento, quod refert Chronicon S. Sophia P. VI. tenoris sequentis &c. Hallucinatus quidem Ughellus fuit, cui facile veniam dabimus; nullam verò meretur Sarnellius, qui oscitantissimè Ughellum sectatus, ita habet in Chronologiae suæ pag. 84. Rosfrido Padre dell' ultimo Principe de' Longobardi Landolfo, eletto Arcivescovo IX. sotto Papa Gregorio VII. l' anno 1076., al quale toccò seppellire col figliuolo la gloria del Principato Beneventano. Non ignorabat Sarnellius (quod ex nostro Chronographo superius demonstravimus) postremi Principis Landulphi VI. genitorem fuisse Pandulphum III., sic enim eodem loco statim subdit: Perciocchè nell' anno 1077. Landolfo VI. avendo regnato col Padre dal 1038, col Padre, e col figlio dal 1056., col figliuolo dal 1059., solo dopo la morte del figliuolo dal 1074., in tutto anni 39., morì, ed in lui si estinse il Principato Beneventano, e la Serenità Profapia de' Longobardi. Et paulò antea p. 79. Nello stesso anno 1059. Pandolfo III. Principe si fè Monaco Casinense, e restò undecimo Principe Beneventano Landolfo VI., che regnò avea col Padre dal 1038. Quantum igitur officiantie Sarnellio fuit, qui Pandulphum III. Landulphi VI. genitorem probè nesciens, pluriesque testatur, tanta fiducia, tentaque falsitate alterum genitorem Landulphi VI. attribuit Rosfrido Archiepiscopo, quem ingenuissimè adhuc ostendit cum Landulphi filii morte extindam Longobardorum Principum Profapiam. Quam igitur Landulphus in suo Diplomate Rosfridum genitorem, ac parentem appellasse legatur, noli, ut vel erroris, vel falsitatis eam Char-

tam redarguas; sed verè ita scriptum tibi persuas deas, eamque rem ad eum morem facile deduces, quo Principes Administratos quospiam suos, sublimi dignitate, ac virtute insignes, Patres suos, honoris causa appellabant. Sic Imp. Alexander in leg. I. Cod. De Locato. Ad Dominum Ulpianum Præfatum Prætorio, ac Parentem meum eos remittere curabit. Imp. Constantinus in leg. I. Cod. Theod. De Episc. Judic. ad Ablavium Præfatum Prætorio missa, sic eum alloquitur: Ablavi Parens Karissime; quæ verba in aliis Legibus passim occurrunt his plerumque siglis expressa. P. K. A., de quibus vide Brissonium De Formulæ Rom. lib. III. cap. 62., ex quo plurima in suum Glossarium Cangius derivavit. Hanc in rem pulcherrimè lufit Claudianus in Eutropium Prologo lib. XI. vers. 49.

Dirertas quid plangis opes, quas natus habebis?
 Non aliter poterat Principis esse Pater.

Scilicet Eutropius Eunuchus, & Consularis, qua ex dignitate Pater Imperatoris audiebat, postea ob sua scelera in ordinem redactus, & bonis omnibus Fisco attributis, multatus fuit. Itaque Princeps Landulphus non alia significatione Rosfridum Archiepiscopum Parentem, Genitoremque suum appellavit, ut is scilicet honoris esset titulus, qui etiam Rosfrido ex suprema, quaungebatur, Ecclesiastica, seu Pastoralis Dignitate congruebat. Nec certè insolens nostris Principibus id fuit, illustres viros, benèque de se meritos variis cognitionis naturalis titulis, honoris tamen folius causa, appellare. Sic in eodem Chronico P. III. num. 50. Pandulphus vocat Adelferium Comitem filium quondam Dauferii, dilectum Parentem nostrum, & num. 42. Radelpotum Gastaldum, charissimum Parentem nostrum, & num. 40. Rodfridum Comitem, dilectum nostrum fratrem, & num. 46. Quoniam Landolfus dilectus Gastaldus noster, & Parens nostri, ac filii bo. mem Potonis per Dauferium Comitem Barbarum nostrum (idest Patrum, qualem eo nomine vocabant Longobardi, ut ex Lege 164. Regis Rotharis liquet) nostram deprecatus est excellentiam &c. Eodem videlicet more, quo adhuc Romani Imperatores alios in inferiori dignitate constitutos, uti Rectores Provinciarum, Comites &c. Fratres constitutos appellabant. De qua re fatissit Cassiodorus audisse in Formula Judicium ad Provinciam mittendorum lib. VI. cap. XX. Quid de te affirma-

tunc

infelix potius Pater, quàm Princeps; dum melioribus Beneventanorum fatis, Principatus successionem, liberamque administrationem Romanis Pontificibus supremis dominis relinquebat.

Post Landulphi igitur obitum (inquit Chronographus noster n. xv.) *recta est Civitas per Romanam Ecclesiam*; ac cum Civitate ipsa universum Beneventanum Principatum Romana Ecclesia regendum suscepit; ineptum enim, immo absurdum id dicere foret, Romanos Pontifices sola Urbe contentos, reliquam abjecisse, aut neglexisse, aliisque invadendam permisisse Ditionem, quæ principi Urbi tunc inhærebat, atque uti Corpus cum suo Capite copulabatur. Heinc, abrogato quidem Principum titulo, mos ille, atque institutum obtinuit, ut Romani Pontifices, eos, qui suo nomine Benevento præessent, *Rectores* instituerent, qui tamen Rectores tum Urbis, tum Principatus administrationem exercerent; quorum primi sub dicto Gregorio VII. fuere Stephanus, titulo *Potestas* præfinit ad gubernandam *Republicam*, & *Populum Beneventi* (1); mox Anso ejusdem Dacomarii filius, quem *Rectorem Beneventani Principatus ad fidelitatem Rom. Ecclesie*, Petrus Diaconus disertè appellat (2). Res ex se ipsa clamat; nam Principatum Beneventanum in eo saltem statu, quo eum Landulphus Princeps moriens reliquerat, Ecclesia Romana regendum cum ipsa Urbe Benevento suscepit; juriis tamen sibi servatis, quæ a tribus retrò sæculis in cunctum Ducatum Beneventanum, Northmannorum tyrannide magna ex parte tunc oppressum, Caroli M., aliorumque Augustorum iteratis donationibus, ipsa demum Beneventanorum spontanea, ac solemni deditione (apud quos, si id è re ipsorum publica esset, Principes suos deligendi, deponendi, substituendique jus integrum erat) legitime quæsitæ, ac comparata præferebat.

Landulphi obitus Northmannos, quibus jus omne in armis, alienaque per omne nefas rapere mos erat, in spem occupandæ Beneventanæ Urbis excitavit: Quare Robertus paullo post obsidionem admovit, quæ ad quatuor prope menses deducta, tandem Beneventanorum virtute in irritum cessit. Sic Chronographus noster n. xiv. (*Quo Landulpho*) moriente mense Novembri v. Kal. Decembris statim Robertus Dux obsedit Beneventum xvi. Kal. Januarii usque vi. Id. Aprilis, unde expulsus est cum omnibus suis Ind. i. Hanc expulsiōnem virtute Beneventanorum, ut dixi, factam præclare testatur Chronographus Cavenis, cujus hæc sunt ad An. 1077 Landulphus Princeps obiit Beneventi, ad quam Urbem profectus est Viscardus (3), qui paullo ante è Byzan-

tum sit, deur adverti, cui tot videntur nobiles potuisse possponi: additur, quod à Principe *Fraser* vocaris. Sed ut ad Landulphi Diploma redeam, animadvertenda, ejus clausula est, his verbis conscripta: *Carus Clericus, ac Notarius, atque Scriba ex jussione supranominatæ potestatis scripsit in anno Domini Incarnationis Millesimo septuagesimo septimo, & quarto anno Pontificatus Domini nostri Summi Pontificis, & universali septimi Papæ Gregorii in Sacratissima Sede B. Petri Apostoli; & trigesimo nono anno Principatus Domini Landulphi gloriosi Principis de mense Martio quintadecima Indictione: Eodem scilicet anno obitus dicti Landulphi mense Novembri defuncti, qui subjectionem suam Romano Pontifici præstitam, illius nomine, Pontificatusque annis primo loco in eo Diplomate expressis, constanter profitebatur, atque usque ad obitum obsequentiissimè servavit.*

(1) Chron. (S. Sophiz P. vi. n. 34. apud Ughellum.

(2) Chronicon Casin. lib. iv. cap. 19.

(3) Robertum solo Viscardi cognomine heic, & passim appellare amat Chronographus Cavenis, quod probri potius causâ factum videtur. Gaufridus Malaterra in Hist. Sicula lib. i. cap. 3. Northmannorum, fuz videlicet gentis mores describens: est (inquit) gens efusissima, injuriarum ultrix, spe alias plus lucrandi, patrios agros vilipendens: quæstus, & dominationis avida: cujuslibet rei simulatrix... quæ quidem, nisi jugo justitiæ prematur, effrenatissima. Hos gentis mores in se uno collegit Robertus: De eo Leo Ostiensis initia petens, ac quæsi gratam vicem reddere affir-

mans pro ejusdem in Monasterium Casinense meritis, turpissimum illud narrare orditur, quod quum Robertus in Oppido Rocce in finibus Calabriae suam ditionem statuisset, ac pauper admodum, esset, vicinæ Urbis dominum, quæ Bisignium vocatur, Petrum videlicet, divitem valdè virum, vocatum ad colloquium cepit, à quo utique viginti millia aureos pro se & absolute recepit. Huic ad fratrem pergenti Girardus de Bono albergo recurrens, primus omnium illum Guiscardum, quasi per jocum appellavit. Hæc de Roberto, ejusque cognomine Ostiensis, veritatis magis, quàm beneficiorum studiosus. Ostiensis libenter addimus Ottonem Frisingensem, nondum ab aliis fortasse observatum, qui in *De Gestis Friderici I. lib. i. cap. iii.* hæc de Roberti genere, cognomine, moribus, fortuna conscribit: *Robertus iste ex mediocri stirpe in Northmannia, ex eorum militum ordine, quos Varasoras vulgè ibi dicere solent, in plaga, quam Constantiam indigenæ dicunt, editus, cum Rogerio fratre, tam Patri famis tempore, morem, ut ajunt, gerens, quàm ob locorum sterilitatis molestiam à natali solo progressus, multo tempore multas provincias, opportuniorem ad inhabitandam terram quærens, oberravit, unde & ab oberrandi circuitu patria lingua Guiscardus tanquam oberrator, & gyrator appellatus est. Cum ergo non paucis, ut dictum est, diebus, multarum Regionum gyrator existeret, à citeriore Italia, quæ modo Apulia, seu Calabria dicitur, tandem excipitur... virtute, dolo, arte, ignavi populi victor*

Byzantio redierat, ut comprehenderet eam; sed nihil facere potuit ob Civium virtutem, & minas Apostolici, qui iterum anathematizavit eum. Sed præter Pontificias minas, atque anathemata, quibus Robertus deterri nesciebat. Beneventanorum virtutem maximè adjuvit Rainulphi Comitis (uti tradit Lupus Protospata (1)), sive Jordani Capuani Principis opera, qui cum dicto Rainulpho patruo in Robertum conjuraverant: cui Jordano præstiti auxilii præmium quatuor millia quingenta Byzantium aureorum Beneventanos dedisse Petrus Diaconus testatur (2).

Efrænem Roberti alienis assidue inhiantis animum cohibuit tandem, aut certè vicit, sibi que devinxit Pontificis Gregorii prudentia. Anno 1059. Pontifex Nicolaus II. eundem Robertum, & Richardum ob iniquas Calabriae, Apuliae, Capuaeque invasiones anathemate percussit: Sed postea veniam flagitantes non solum absolvit, verum etiam temporum, rerumque praesentes rationes sequutus, regiones illas beneficiario jure possidendas eis concessit. Nihil Roberto optabilius, quam ut ab Ecclesia Romana legitimum possidendi titulum sibi compararet; nihil etiam Romanæ ipsius Ecclesiae rebus congruentius, quæ in ejusmodi concessione, recepto fidelitatis Sacramento, certique tributi quotannis solvendi promissione, supremi domini prærogativam, tum etiam emolumenta sibi servavit. Ejus rei testem Ostensem, aliosque Scriptores habemus (3); habemus omnium locupletissimum testem, ipsum præstiti juramenti, fidelitatis, tributique solvendi superstes monumentum, à Baronio editum (4).

At tanto Romanæ Ecclesiae beneficio nihilò melior factus Robertus, Salernum, cui Gisulphus II. Princeps præerat, proculcatis etiam necessitudinis legibus, occupavit. Audi Chronographum Cavensem ad an. 1075. Viscardus sub prætextu, quod Gisulphus cognatus suus fecisset illum anathematizare à Papa Gregorio, obsedit Salernum post Kal. Aprilis, & post septem menses sumpsit eam. Sed nihil mali fecit in Civitate, solummodo thesaurum suum expoliavit, & armamentarium. Hæc fuerunt in Idib. Dec. Gisulfus Princeps, qui auferat in Castra, post xxxi. dies pacem firmavit cum cognato suo, & ipse Romam exiit omnibus bonis petiit, ubi à Gregorio Papa factus est Dux Campania (5). Vides, quæ fuerint ejus Pacis condiciones inter Robertum, & Gisulphum. Robertus nulla de causa Salernum aggreditur, expugnat, & Gisulphum cognatum Principatum, ac bonis omnibus exutum, vix vita, ac libertate donatum, extra aviti Principatus fines expellit. Quid hac pace iniquius? Sed iniquiora jam audiamus. Gisulphum Salernitanorum Principum Longobardicæ Stirpis postremum, pauperem, ac

ALTER

R 112

pro-

existens, Campanie, Apuliae, Calabriae, Siciliae ad ultimum possessor inventus est. Id verò aliorum sententia certum est, Guiscardi cognomen ob vasritem Roberti factum, uti tradunt Willelmus Gemetic. l. 7. cap. 3. Robertus de Monte ad an. 1129. Vim ejus vocis exprefsit Guntherus Ligurini lib. 1.

Cui propter sensus agiles, & animique vigorem
Cognomen Guiscardus erat...

& Guillelmus Apulus lib. 11. Re. Northman. T. v. Scriptor. Ital. Muratorii pag. 260.

Cognomen Guiscardus erat, quia calliditatis
Non Cicero tanta fuit, aut versutus Ulysses.

Northmannorum lingua, cautus, atque astutus, Guiscard appellatur hodieque, si verum dicit Johannes Tirmæus, primus Guillelmi Apuli editor, atque commentator.

(1) Inter Opp. Peregrinii T. iv. pag. 44. Vid. ejusdem Peregrinii notas ad eam locum.

(2) Chronic. Cavin. lib. 111. cap. 45.

(3) Ostiensis in Chron. lib. 111. cap. 15. Per hos etiam dies Nicolaus Papa Richardo Capuanum Principatum, Robertum Apuliae, Calabriae, & Siciliae Ducatum confirmavit, accepta prius ab eis cum Sacramento Rom. Ecclesiae fidelitate, censuque quotannis per juga bovum singula denariis duodecim. Guillelmus Apulus lib. 11. post narrationem aliorum à Nicolao II. in Concilio Melphensi gestorum, sic canere pergit:

Finita Synodo, multorum Papa rogatu
Robertum donat Nicolaus honore Ducali.
Hic Comitum solus, concessit jure Ducatus
Est Papæ factus jurando fure Fidelis,
Unde sibi Calaber concessus, & Appulus omnis
Est locus, & Latio patriæ dominatio gentis.

(4) Card. Baronius ad An. M. lxx. num. 70., & 71. Notanda est formula illa, qua Robertus juramentum suscepit: Ego Robertus Dei gratia, & S. Petri Dux Apuliae, & Calabriae, & utroque subveniente, futurus Siciliae &c.

(5) De eodem anno 1075. consentiunt Chronicon alterum S. Sophiae inter Opp. Peregrinii T. iv. pag. 175: Robertus Dux perrexit supra Salernum, quod tenebat Gisulphus Princeps cognatus suus, & sedit super eam à Mense Maji usque in festum S. Lucie, & in ipsa nocte cepit eandem Civitatem. Anonymus Galesiensis in suo Chronico l. 1. pag. 78. ad eundem annum 1075. Venit hoc anno Robertus Dux super Salernum pridid nonas Maji, & obsedit eam terra, marique, & cepit eam die Idus Decembris. Non audiendus itaque Lupus Protospata, qui ad annum 1077. rem ipsam producit, ut Camillus Peregrinius advertit. Corrigendus propterea Muratorius, qui falsos duces sequutus, Salernitanæ Urbis expugnationem à Roberto factam statuens, aberrandi etiam occasionem præbuit Wlmo Borgie, qui in suis Memoriis Hiltor. Benev. T. ix. pag. 84. sic loquitur: Aveva Roberto tolta quella Città al Principe di Salerno Gisulfo II., che di sopra vedemmo da lui scacciato nel 1077. da Salerno &c.

profugum Gregorius VII. (ex fusta Romanæ Ecclesiæ materna benignitate, quæ Principibus majestatis, ac felicitatis suæ fastigio dejectis non solum solatio fuit, sed asyllum quoque, opemque congruam omni ævo præstitit) liberaliter suscepto, ac Ducatui Campaniæ, quo vitæ reliquum transigere honestè posset, præfecit. Res ipsa Roberti quidem impietatem exprobrabat, qui Gisulphum, cujus ipse Principatu potiretur, apud alios confugium, sustentationem, honorem invenisse intueretur. Sed res non rubori, sed Roberti animo turpioris flagitii occasio fuit. Hostis igitur, cum quo Pacem, ablato tamen Principatu, sanciverat, iterum Gisulphus declaratur. Hostis etiam, qui Gisulphum susceperat, Pontifex pronuntiatur: ac mox illata arma, quæ Gisulpho vitam, Pontifici Campaniam auferrent. Post hæc, defuncto, ut diximus, Beneventano Principe Landulpho, Beneventanam Urbem obsedit Robertus, quem interea Pontificis Gregorii anathemata nequicquam deterrebant; neque unquam deterruissent, nisi tantæ compescendæ iniquitatis, inducendæque quietis occasione Deus præbuisset.

Excitaverat Deus ex ipsa Northmannica Gente virum, dignitate, ac viribus Roberto haud fortasse imparem, Jordanum nempe Principem Capuanum, Roberti adversarium, qui (ut superius diximus) Beneventanis, in Roberti obsidione, suppetias tulit, quique deinceps plerisque Apuliæ Urbibus auctor fuit, ut à Roberti dominio se subducerent; ut jam sua potius recuperandi, tuendique, quam aliena ulterius occupandi, Robertus cogeretur. Excitavit etiam Deus Desiderium Abbatem Casinensem, supersitem ex Longobardica Beneventanorum Principum familia sobolem, qui non extincti Longobardici Principatus occasum, cujus jura cum Monastica professione à juventute invictè commutaverat, sed Cistiberinæ Italiæ, Majoribus suis olim subditæ, calamitates miseratus, suam, quam posset, operam avertendis malis adhibendam existimavit; quare Romam adiit, inter Pontificem, ac Robertum statuendæ Pacis sequester (1). Excitavit denique Deus Gregorium ipsum Pontificem, quem, ut Desiderio faciles aures præberet, ingentia illa mala fuaserunt, quæ ab Imp. Henrico IV. imminebant: quapropter peculiari Dei providentia tunc factum videtur, ut Robertum illum Guiscardum, quem hostem implacabilem Romanæ Ecclesiæ, & invalorem bonorum ejus Pontifex expertus fuerat, in summo postea rerum discrimine, tum sui ipsius, tum ejusdem Ecclesiæ defenorem fidelissimum habere lætaretur. Res itaque, colloquio Beneventi habito inter Pontificem, & Robertum, ita transacta est: confirmandam Roberto veterem investituram, cui loca alia exinde occupata adderentur, excepta parte Firmaniæ Marchiæ, & Salerno; atque Amalphi, unde adhuc facta non est definitio: Juramentum fidelitatis præstandum: solvendam denique, quæ antea statuta erat, duodecim denariorum monetæ Papiensis pro unoquoque jugo bovum annuum pensionem. Rei gestæ documentum idem edidit Ecclesiasticorum Annalium parens Barobius: qua in Charta Robertum *Dei gratia, & S. Petri Apuliæ, & Calabriæ, & Siciliæ Ducem* se profiteri, iterum audias; audias etiam (quod nondum definitum Robertus ipse declarat) concessam quidem à Gregorio regionum omnium cistiberinarum Investituram; sed de illa terra (inquit), quam injussu cenes, sicut est Salernus, & Amalphia, & pars Marchiæ Firmaniæ, nunc te patienter sustineo in confidentia Dei omnipotentis, & tua bonitatis, & tu postea exinde ad honorem Dei, & S. Petri ita te habeas, sicut & te agere, & me suscipere decet sine periculo animæ tuæ, & meæ.

Qui rerum hæcenus gestarum seriem à nobis luculenter expositam, indubisque testimoniis comprobata omnino nosti, habes utique Lector, quid de eo neoterico Scriptore nunc sentias, atque decernas; qui altissimum de ea Investitura silentium sibi indicens, unicuique Pacis cum Pontifice celebratæ sive negotium, sive exitum agnoscit, Anathematum solutionem Roberto concessam. Addit & is, Robertum posthac de Beneventana Urbe non amplius sollicitum; eam Urbem Pontifici possidendam dimisisse; qua ex sola dimissione integrum jus illud repetendum censet, quo Romani Pontifices Beneventanæ Urbis dominium adepti tandem sint; ex eaque re fieri, ut Urbs illa extra Regnum posita, Beneventanique nullimodè Regni naturales, sive Cives, sed velut exteri, peregrinique sint reputandi (2).

Haud

(1) Card. Baronius An. MLXXX. num. XXXV. seqq.

(2) Auctor Hist. Civ. Neapol. lib. x. cap. IV. T. II. pag. 78.: *I Normanni pacificati col' Papa, ottennero da lui l'assoluzione, ed all' incontro Roberto, ridotte le Terre di Monticello, Carbonara, Pietrapalumbo, Mont-*

verde, Genziano, e Spinagola sotto il suo dominio, più non curò di rinovare l' assedio alla Città di Benevento, ma lasciatala così libera à Gregorio, come la pretendeva; d' allora cominciò questa Città à reggersi per la Chiesa Romana, la quale introducendosi nuova polizia, per Ret-

tori,

Haud certe Apostolicæ Sedi gratulandum erit de novo hoc domini titulo, quem is Scriptor excogitavit: & mirum certe id ab eo excogitatum, cui, qui fuerint non Urbis tantum, sed Beneventani Ducatus vetustissimi, legitimique tituli, satis compertum, atque extitit etiam in suas narrationes relatum. Qualis igitur is Titulus esse potuit, omni certe Jure tum Naturæ, tum Gentium, tum Civili ignotus, immo cui ea Jura omnia adversari videntur, ut scilicet, quia Robertus nullam procul paterni alicujus Principatus possessionem sibi vindicare, sed aliena sibi rapere, conquirereque satagens, Beneventanam Urbem occupare superfederis, ideo eam Urbem in Roman. Pontificum dominium pervenisse dicatur: Scilicet quum sua retinere Dominus pergat, beneficium accepisse videatur, atque, si prædo quis nostra non auferat, nobis dedisse censendus sit. Denique Pontifex Regionum illarum, quibus Beneventanus Principatus maxima ex parte constabat, Roberto, quò sibi tam malè parta legitimo quopiam titulo retinere, ac possidere posset, Investituram indulget: Robertus contra Pontifici domino tunc suo, ac veteri Beneventi domino, ejus Urbis dominium concefferit?

Servanda igitur Historiæ fides est, nulloque veritas silentio dissimulanda, vel tenebris obducenda: præsertim, si non modò fidissimis veterum Scriptorum narrationibus, verum etiam ipsis superstitionibus rei gestæ documentis comprobetur. Quamobrem, qui post iniquissimas invasiones, sese *Dei gratia*, & *S. Petri* Ducem proficitur, qui à Domino justis tum de causis non abnuente, Calabria, Apulia, Sicilia Investituram recipit, qui Romanæ Ecclesiæ & Fidelitatis sacramento, & annui Tributi præstatione se obstringit, nonne Beneficiario jure, atque in Feudum omnia recepisse debet? Sed neque omnia eodem titulo, parique Investiturâ tunc concedenda Pontifex existimavit, ut videas, quum ex æquo, ac justo res transigeretur, omnia Pontificis, idest Domini arbitrata constituta: Nam de Salerno, Amalphi, & Marchiæ Firmariæ parte, quorum locorum satis recentes, atque omnium scelestissimæ erant invasiones, nulla Roberto conceditur Investitura, sed *te patienter sustineo* (inquit Pontifex) *in confidentia Dei, & tua bonitatis; & tu postea exinde ad honorem Dei, & S. Petri, ita te habeas, sicut te agere, & me suscipere decet, sine periculo animæ tuæ, & meæ.* Vicissim autem Robertus æquissimo, sibi quæquammaximè utili, ac salutari Pontificis judicio se submittebat, in suo fidelitatis sacramento, nihil sibi juris præter Calabriam, Apuliam, Siciliam, in Salerno, Amalphi, Parte Marchiæ Firmariæ sibi quæsitum declarat, *excepta* (inquit) *parte Firmariæ Marchiæ, & Salerno, atque Amalphi, unde (idest de quibus) adhuc factum non est definitio.* Constituit seipsum Robertus precarium possessorem, donec Ecclesia Romana, ejusque Pontifex aliter definisset.

Quòd si de Salerno, Amalphi, & parte Marchiæ Firmariæ, quas sibi Robertus reipsa subjecerat, ita transigi placuit, quid dicendum erit de Beneventana Urbe, ejusque Principatus parte, quæ nunquam à Roberto subacta, Pontificibus dominis tunc temporis integro domini jure parebat? Nihil de his in Investitura dictum: quo silentio nihil eloquentius haberi potest, ut illud, quod necessariò, evidenterque consequitur, fidentissimè affirmemus, Ecclesiam nempe Romanam in signum directi domini Terrarum Roberto concessarum, plenum sibi dominium, possessionemque servasse tum Urbis Beneventanæ, tum partis etiam Principatus, quam satis constat nunquam à Roberto occupatam, neque Roberto in ea Investitura concessam. Heinc igitur factum fuit, ut hæc Investitura Roberto concessa, fundamentum, & exemplar evaserit sequutarum Investiturarum, quæ post Neapolitani, sive utriusque Sicilia Regni erectionem, Ecclesia Romana impertire consuevit: In quibus Investituris (si annui Tributi statuto auri signati pondere solvendi, mutationem excipias) illud adhuc præcipuum est, ut Reges serenissimi pro Regno Sicilia, ac tota Terra, quæ est citra Farum usque ad confinia terrarum ipsius Ecclesiæ, Ecclesiæ Romanæ plenum Homagium, Ligium, & Vassallagium, præstito fidelitatis sacramento, solemniter respondeant (1): Illud etiam perpetuum, ac solemne, ut Ecclesia Romana in signum sui direc-

tori, che per lo più erano Cardinali, si governò in appressato. Ecco come la Città di Benevento passò in dominio della Chiesa Romana, primachè queste Provincie fossero ridotte, ed unite in forma di Regno, e per tal ragione nell' Investiture, che diedero dipoi i Papi del Regno di Napoli, si ristabilivano la Città di Benevento, come quella, che non era poi compresa, ma fuori di quello, e alla Chiesa Romana sottoposta: E quindi è, che i Beneventani

siano riputati come forestieri, e non naturali del Regno.

(1) Ita planè habet formula juramenti nuperimò, idest anno MDCCCLX. præstiti à Serenissimo Rege Ferdinando IV. feliciter regnante, quem publico ejus Regni bono natum, Deus diutissime præstet incolumem. Atque ejusdem recentissimi juramenti exemplum afferre mihi libuit, ut non solum de veteri rei veritate, sed præsentis quoque observantia omnino liquet.

directi domini, non solum Civitatem Beneventanam in ejus Regni medio positam sibi servet, sed etiam ejus Civitatis Territorium cum omnibus districtibus, & pertinentiis secundum antiquos fines per Romanos Pontifices distinctos, & in posterum distinguendos (1).

Atque ex his æquè manifestum fit, quàm injuriosè cum Beneventanis agi velint, quicunque illos à primæva communium cum cæteris Regnicolis jurium possessione dejiciendos contendunt: Quasi non longè melior Beneventanorum causa sit, quàm Avenionensium, qui in Galliarum finibus positi, atque in Sedis Apostolicæ dominium, & imperium solo emptionis titulo, ac jure translati, Galli tamen & ipsi censentur, & Gallicæ nationis, unde divulsi videbantur, privilegiis omnibus perfruuntur. Melior, inquam, Beneventanorum causa est, qui nec talibus opus habent exemplis, ut jus suum sibi integrum, atque incolume præsent: Enim verò nemo unquam hominum dixerit, Beneventanos ab Jure Civitatis arceri posse, sive externos, ac peregrinos inter eam Gentem reputandos, quam quingentorum annorum spatio supremo Principatus jure subditam habuerunt: An enim princeps olim Populus olim sibi subditos, quibuscum adhuc vivit, communemque aerem, terramque obtinet, pari saltem Civitatis jure nunc gaudere non debeat? Nec refert, Beneventanos non Regis, sed Pontificis subditos haberi; nam Urbs ipsa in Regni Investituris licet excepta, ut in medio Regni non sit, fieri naturali ratione non potest; immo magis, quia in Regni Investituris excepta, politicâ quoque ratione pars Regni est, eidem directo Domino serviens, qui de reliquis Regni partibus Investituram concedit.

Nec solum Beneventanis cum cæteris Regnicolis circumquaque positis communis aer, ac terra est: sunt etiam alia plura communionis vincula, quæ tum ex quotidiano rerum omnium ad vitæ societatem pertinentium commercio (2), tum ex mutuis Consanguinitatibus (3), tum denique ex Beneficiis profecta (4), non ipsam tantum perpetuamque, individuumque, utriusque Gentis societatem, sed unum omnium fuisse genus, eandemque esse Nationem demonstrant.

Adde demum, omnibus ferè Regnicolarum oneribus obnoxios Beneventanos; nam tum pro rebus, quibus plurimum indigent, providendumque ex finitimo Regno sibi est, tum ex Bonis, quæ in ipso Regno possident, consueta Regnicolarum vestigalia solvunt: neque à gratuito Militarium comæatuum hospitio immunitatem sibi vindicant: Quæ res eò magis Beneventanos Regnicolis æquare debet, quando certò scimus, id à Serenissimis Neapolitanis Regibus iterum, atque iterum Beneventanis Romana Ecclesia Fidelibus Privilegii loco datum, ut quos cæteris Regnicolis eodem Civitatis jure omnino pares, sive in omnibus parti-

ficatos

(1) Ex eadem supradicti juramenti formula.

(2) Eadem Regni moneta in Beneventanorum usu est; quorum etiam Nundinæ inter cæteras Regni Nundinas, Regio Privilegio celebrandas, recensentur. Vicissim quoque tum pecuniam, tum rerum omnium ad annonam, vel mercaturam pertinentium, assidua transvectio est: Dum Regiis Edictis, quibus illa extra Regni fines abduci vetantur, Beneventanam Urbem nunquam contineri, uti intra Regnum positam, declaratum à Duce de Ossuna Prorege refert Eliseus Danza in *De Pugna Doctorum Titi. De Instrumentis. Cap. 1. num. 7. & seq.* qui propositis ejus controversiæ momentis, eandem Urbem Regni nationalem omnino reputandam, certâ, ac meditatâ sententiâ concludit. Sic, quum in Regiis Tribunalibus nulla sit eorum Instrumentorum fides, quæ extra Regnum celebrata, Magistratus loci adestatione careant, hanc solemnitatem in Instrumentis Beneventi celebratis, tanquam in Urbe, quæ dum est in Regno, tractari debet de parte Regni, non requirendam à Magna Curia Vicariæ judicatum, ejusque Curiae sententiâ à Sacro Regio Consilio confirmatam tradit Thorus in *Compendio Decisionum Neap. P. III. T. 1. verb. Instrumentum*.

(3) Assidua omni retrò ævo fuisse, hodièque sunt Beneventanorum ex omnium ordinum familiis cum Regnicolis connubia; ex quibus fit, nullam penè Civium extare Familiam, quæ non cum Regnicolis consanguinitate, vel affinitate aliqua conjuncta sit.

(4) Prætereo heic Epistolam illam (post Marchesium, & Capocium à Summontio recitatam *Histor. Neapol. P. II. pag. 447.*) anno circiter MXX. datam ab Oligano Duce, & Consulibus Neapolitanis ad Mundum Archiepiscopum Beneventanum, qua Civitati Neapolitanæ annuam laboranti opem à Beneventanis ipsorum nomine expostulat: nam iustas de ejusdem Epistolæ fide suspicandi causas attuli in Dissert. v. cap. III. Præstat nunc sinceriora, ac recentiora hujus rei documenta protulisse: Extat in Archivo Civitatis Beneventanæ originalis Epistola data prid. Kal. Novembris anni 1591. ab Electis Civitatis Neapolis ad Consules Beneventanos, cujus hæc sunt verba: *Trovandosi questa Città in quella Brettezza di grano, che à tutti è nota, non ha voluto mancare di avvalersi dell' ajuto, che costella Città in tutte le nostre occasioni si è sempre dimostrata amorevole, e perciò avemo fatto elezione della persona del Sig. Marcello Capece Piscicello, eletto del Seggio di Capuana, e nostro Collega, il quale in nome di questa predetta Città debba venire alle Signorie Vostræ, ed esporle il nostro desiderio &c.* Haud irrita quidem ea legatio fuit, tum ex præteritis exemplis, quorum eisdem Neapolitanos locupletissimos, gratissimosque testes in eadem Epistola habemus: in tutte le nostre occasioni si è sempre dimostrata amorevole: tum ex posterioribus exemplis, quibus eadem Beneventana Civitas non solum pro viribus, sed etiam non sine Civium suorum incommodis, libentissimè Neapolitanis munificam se probavit.

ficatos declararunt, ab illorum tamen oneribus, ob Apostolica Sedis reverentiam, immunes haberentur (1).

Interim Beneventanus Populus ad immortalem sui nominis gloriam, perpetuamque rerum suarum felicitatem id refert, ut qui Italiae Cistiberinae princeps olim Populus diutissima quingentorum annorum dominatione præcelluit, ceteris Provinciis aliorum dominationi concessis, solus ipse servatus sit, qui Apostolicam Sedem agnosceret dominam, ac quum subditi vices agendæ sibi essent, solis Pontificibus Romanis ferviret. Hanc autem prærogativam assiduis, atque illustribus Fidei suæ erga eandem Sedem Apostolicam argumentis, atque promeritis prolixius exornare, id constans, atque perpetuum id unum fuit ejusdem Populi studium. Ab ipso Pontificiæ Dominationis exordio, atque ab ipsius Sanctissimi Pontificis Leonis IX. ore splendidissima habemus ejus fidei testimonia; nam Leonem morti proximum, sive ad immortalis vitæ beatitudinem transeuntem audire fuit, inter alias preces ita speciatim pro Beneventanis suis Deum orantem: *Fideles tuos Beneventanos, qui in tuo nomine tam honeste me susceperunt, tamque assidue mihi servierunt, benedicere, & custodire digneris.* Hæc supplex testis, sanctitate quoque, ac dignitate præcipuus, Bruno Signienfis Episcopus: cujus etiam de Beneventana Civitate præclarum illud est elogium, ut B. Petro familiarem utique, ac fidelem Civitatem appellet (2).

Proprius exinde Beneventanorum mos, ac decus esse coepit, ut *Fidelium B. Petri* nomine non tam appellari, quam distingui, & condecorari guaderent. Sic passim vocatos apud nostrum Falconem invenias, in cujus Chronico illud etiam occurret, Beneventanos, ex eo quidem, quod B. Petro, ejusque Sedi subderentur, *se in deliciis positos*, uno ore aliquando conclamasse: legimus etiam, Romanos Pontifices Beneventum advenientes (advenire autem, manereque Pontificibus solemnibus ad duo sæcula consuetudo fuit) iis honoris, ac lætitiæ significationibus, ea devotione cordis Beneventanum Populum suscipere consuevisse, quasi B. Petrum in carne aspiceret. Quare Pseudopontifex Anacletus, dum Beneventi consisteret, nulla vel suppliciorum formidine, vel præmiorum spe, obsequium sibi, atque fidem à Beneventanis extorquere valuit, quam illi legitimo Petri Successori Innocentio II. debitum profitebantur; quumque Cardinalis Crescentius Pontificius Rector, ac Landolphus Archiepiscopus Beneventanorum Civium nomine quædam cum Rege Rogerio fœdera, *salva tamen fidelitate B. Petri Apostoli*, inissent, quod eam Fidelitatem detrimenti aliquid capere posse Beneventani animadvertissent, mox ipsorum in Rectorem, & Archiepiscopum facta seditio, fœdera rescissa, fidelitas in tuto posita, atque in pristinam integritatem vindicata.

Sed vice omnium, ac coronidis loco erit exemplum illarum calamitatum, quas Beneventana Civitas ob fidei suæ constantiam erga Apostolicam Sedem ab Imp. Friderico II. passa est.

(1) Post calamitates Beneventanæ Civitati ab Imp. Friderico II. illatas, ac profligatam Tancredi tyrannidem, Neapolitano Regno Sedis Apostolicæ beneficio, ac liberalitate ad Andegaveses translato, nihil æquius Carolo I. visum fuit, quam ut Beneventanos Reg. Ecclesiæ Fideles, atque in Regni medio positos, amplissimo Privilegio muneraretur, quo Beneventanos ipsos cum ceteris Regnicolis in omnibus parificatos declarans, pro ipsorum tamen bonis in Regno possessis Fidentias remittit. Id luculentius declarat Privilegium Regis Roberti, qui anno 1326. easdem ipsas immunitates, exemptionesque ab laudato Carolo ejus Avo Beneventanis concessas confirmat, uti ex Diplomate relato à Bartholomæo Chioccarello in Indice Archivi Regalis Jurisdictionis pag. 225. Ex quo Indice (pag. 226. & seq.) constat etiam Regem Alphonsum I., ac Ferdinandum I. anno 1443. 1449. 1451. 1455. ac 1459. non solum vetera Privilegia rata habuisse, sed amplioribus etiam beneficiis, sive præclarioribus verbis instaurasse, ut scilicet Beneventanis à quibuscumque vectigalibus, collectis, oneribusque fiscalibus, pro suis possessionibus, terris, pæcudibusque omnibus ubilibet Regni immunitas deberetur. Sed & Alphonsus idem alio Diplomate, quod originale apud Beneventanos servatur, datumque legitur in Civitate Beneventi die 16. Mens. Januarii, 4. Indictione, Anno Domini 1441., post confirmatas omnes immunitates, libertates, exemptiones, & Constitutiones, quas in scriptis ha-

buerunt, & habent intus, & extra Civitatem per totum Regnum, per Pontifices, Reges, & Principes concessas, illud etiam spondet, se inviolatè concessa servaturum, neque suis Legibus, Edictisque pro Regno ferendis Beneventanorum Privilegiis derogatum iri, itaque dicit, & ipsa Civitas Beneventana in quacumque generalitate verborum, & quarumcumque Literarum Pragmaticarum, aut aliarum jussuum, aut alia qualibet forma, nisi ea grata forent, & acceptabilia dicit Civitati, nullatenus intelligantur, nec debeant quomodolibet contineri &c. Alphonsi Privilegium non modò Ferdinandus filius, verum etiam Imp. Carolus V. ratum habuere; qui Carolus insertum quoque voluit in suo Diplomate, quod pro Beneventanis dedit die 4. Octobris an. 1533. Post ea Privilegia, quibus nihil etiam sanctius haberi potest, ac debet, mirabuntur professi omnes, qui audiant, Beneventanos nulla nunc immunitate dignos haberi: sed illud magis mirum, ut qui pares oneribus cum universis Regnicolis esse jubentur, disparibus nunc, atque ejusdem Civitatis, sive Nationis jure exclusi dicantur; quod quidem jus nullo privilegio, aut indulgentia, sed origine ipsa, aliisque legitimis titulis superioris demonstratis omnino debitum, nullo pro fus modo à Beneventanis abjudicari potest.

(2) S. Bruno Signienfis in Vit. S. Leonis PP. IX. T. III. Dissert. 11. Script. Ital. Muratorii.

sa est. Quæ satis tristis Beneventanis, ac lacrymanda tunc fuit, jucundissima nunc res narratu erit, quam gravissimi Historici, nobis superius memorati, Cardinalis Nicolai de Aragonia verbis exponere præstat. Is itaque in Vita Gregorii IX. hæc de Friderico, ac de Benevento conscribit: *Beneventum utique Civitatem, non minus fide, quam dignitate præclaram, quam post alta Urbis, & admiranda fastigia, cunctis illustriorem Orbibus, & primæ suorum mentium fundamenta, & privilegia libertatis antiquæ, omni exceptione majora testantur, DEVOTIONE PRÆCIPUAM, CONSTANTIA SINGULAREM, AMOENITATE CONSPICUAM, REBUS, ET VIRTUTIBUS OPULENTAM, QUAM IN REGNI CENTRO SEDES APOSTOLICA SUO JUDICIO IN SIGNUM DOMINII RESERVIT, illis premit, & angustat doloribus, ut adhibitis in vestibulo portæ custodibus, intrare, vel exire volentes nova solvere pedagia compellerentur, terras excolere, nisi data redemptionis pecunia, non permitti, eisdem in Regni finibus commerciis interdictis, nec ad Matris (idest Romanæ Ecclesiæ) licet recurrere gremium, nisi qui manus insequentium evaserunt: Tali obsidione conclusis hoc solum adesse videbatur auxilium, ut in manus devolverentur hostiles, nisi præstaret probata FIDES obstaculum, quæ molestias alleviat passionum (1). Quid igitur? Antiqua Beneventanorum fides erga Romanam Ecclesiam alperioribus experiunda, erat suppliciiis? graviorne injuriarum moles constantiam fregisset? Quid, si ab implacabili hoste, ac Tyranno teterrimo ad Civium cædes, Civitatisque vastationem ventum, esset? Eadem tunc etiam, dum talia ferre oportuit, invicta Beneventanorum Fides; quæ plurimo Civium sanguine obsignata, inter Urbis ruinas, seipsam, reliquorumque Civium animos non modò non deseruit, sed ita tunc quoque erexit, incenditque, ut non impune hostibus fuerit, Beneventum vastasse: Audi eundem Biographum: Imperator ingressus Apuliam, Beneventum Civitatem longa concepto furore vastavit; qui si rerum fatigati dispensidii, FIDEI TAMEN DETRIMENTA NON PASSI, QUIN POTIUS EX MOLESTIA ROBUSTIORES EFFECTI, plures de Imperiali exercitu congressu audacissimo peremerunt (2).*

Nihil præclarius, atque singularius, quo Beneventanorum Fidem testatissimam habeamus: Nihil opportunius, atque jucundius, ut hoc demum elogio, quo illustri adeò Scriptor, fide, dignitate, gravitate, atque ipsa quoque vetustate spectatissimus, Beneventanos tum ex aliis vetustis Originis, Virtutis, Opum, Loci prærogativis, tum ex eorum in Sedem Apostolicam Fide, tam verè, quàm magnificentissimè concelebravit, facta veluti coronide, finem huic Dissertationi, atque Patriis Mediæ Ævi Antiquitatibus faciam.


MONI-

(1) Tom. III. P. 1. Scriptor. Ital. Muratorii pag. 384. L. B. (2) Ibidem pag. 387. L. C.



M O N I T U M

L E C T O R I



UM praesens Liber in ingentem molem, longè Libro altero spissiore, atque operosiore, succrevisset, nova mihi, atque ingentior aliorum negotiorum moles inopina supervenit, delatus Reatina Ecclesia Episcopatus, Opus scilicet, cui ritè exequendo nulla posthàc interfluent subseciva hora, sed totum ingenium, animumque omnem dicare necesse est, dicasse autem, nunquam fuerit satis. Nihil interim in hoc Libro, Lector, desideraveris, quod non tibi absolutissimam Rerum Longobardicarum tractationem praestabit, saltem, quae mihi proposita initio fuit, quaque longo jam parta labore tuis in manibus praesens versatur. Illud nunc fortasse à me flagitaveris, ut eam Veterum Monumentorum Appendicem subijciam, quam in Libri Praefatione tibi exhibendam desponderam. Fidem tamen quod minime fefellerim meam, non ipsam tantum provecctam Libri molem, novique Muneris conditionem pro justa excusatione nunc obtendam; quandoquidem rei postremo hoc loco exolvenda satis me jam fecisse ipse idem Liber ostendit. Nam quod attinet ad nostrorum Ducum, Principumque Chronologiam, quod ad eorum Leges, seu Capitularia, quod denique ad Sepulcrales eorumdem Tumulos, singula in eodem Libro suis interjecta locis, ex autographis, vulgatisque exemplaribus carptim recitata, ad rectam temporum rationem, ad genuinam lectionis fidem, sinceritatemque restituta, notis adhuc, atque observationibus plurimis illustrata, in promptu tenes: Sub unum verò aspectum heic collegisse, supervacuum videri debet, praesertim quum eandem ipsam Collectionem paratissimam habere queas ex tribus editionibus Operum Cl. Camilli Peregrinii, veteri scilicet ab ipso Auctore, recentissima à Cl. Francisco Pratillo curata, atque illa denique, omnium praestantissima, quam in Tomum II, & V. Scriptorum Rerum Italicarum Cl. Muratorius intulit. Reliqua nunc forent Monumenta alia, atque illa imprimis nondum edita, atque in nostra Ecclesiae Bibliotheca servata, quae in hoc Opere passim à me indicata, ac per partes illustrata habentur. At ecce pro me idoneus Vades, immo etiam solutor accedit V. C., ac praestantissimus Praesul Stephanus Borgia, Pontificius olim Beneventi Gubernator, sublimioribus nunc Rom. Curiae muneribus ob eximia virtutum merita admotus, qui Monumenta illa fere omnia, aut certe insigniora, hoc ipso tempore, atque uno veluti mecum nisu, pervulgavit in duobus Libris, vernacula lingua conscriptis, quibus Titulus: *Memorie storiche della Città di Benevento dal Secolo VIII. al Secolo XVIII.*, tertio adhuc superstiti mox in lucem edendo, ubi reliqua continenter depromet: itaut, siqua ejusmodi Monumentorum sitis cuiquam sit, demonstratum habeat satis sibi promptum uberrimum fontem, unde explere jam possit. Ac pergratum quidem hoc mihi accidit, ut hac Viro Summo excudenda dimiserim, quibus is maximum Operi suo pretium conquereret. Tantum itaque abest, ut hanc, quam ipse subingressus fuit, ac nescio qua amulatione praeceptam sibi verebatur, Provinciam pluribus mihi titulis quaestam eidem inviderim, ut hanc ipsam, & alia plura publici, privati que juris libenter concesserim; pluries quidem verbis, factisque testatus, etiam atque etiam professus, summo mihi levamini, atque eximio Beneventanae Urbis honori fore, ut talis, tantusque Patriarum Antiquitatum, praesertim ad Pontificiam Beneventanarum Rerum atatem pertinentium, accederet illustrator. Illud duntaxat à Viro Summo factum optassem, ut, quum in Praefatione Tomi, seu Partis I. sui Operis, & alibi passim, Documentis à se exhibendis preloquens, Bibliothecam Beneventanae Ecclesiae magnifice commendaverit, aequa laude, vel memoria saltem dignum Benedictum PP. XIII. olim Archiepiscopum existimasset; qui Archiepiscopus eandem Bibliothecam variis ad id tempus injuriis pessumdatam, singulari studio, ingentique aere suo digessit, refecit, constabiliavit, id maximo perè, feliciterque enixus, ut quae in ea extant autographa, atque insigniora vetusta Diplomata

ALTER

S I I

mem-

membranacea, non solum illæsa deinceps permanerent, verum etiam in peculiare Codices exacte, atque eleganter descripta, promptam cuique & legendi, & describendi tum facultatem, tum voluptatem præberent. Hanc ego laudem (incivile enim est, eos, per quos præcipue profecerimus, non laudasse, iniquum adhuc siluisse) optimo, beneficentissimoque Archiepiscopo ingenuè, ac perlibenter detuli in Dissert. v. De Ecclesia Beneventana cap. 14. ubi de Bibliotheca eadem prolixè, atque ex instituto differens, quid munificentie præstitum ab ipso sit, singillatim aperui. Hanc etiam laudem, postquam eadem Monumenta alienis curis promeritam lucem aspexere, referendam, sive etiam vindicandam eidem, æquum duxi: Mibi verò propria edidisse satius nunc erit: Qualia enim cumque illa sint, non inanem fortasse promerenda ejus laudis spem faciunt, quæ non solum Patriam & ornasse, & juvisse prober, verum etiam de gemino Thesaurio meo, pro utriusque Libri materia, ac dignitate, nova pariter, & vetera videar protulisse.

INDEX



I N D E X

RERUM MEMORABILIVM

Lit. p. paginam : litera n. notam ejusd. pagina indicat.

A

- A.**, & *α.* in Nummis Grimoaldi II. *pag.* 181. Earum literarum significatio. *ibid.* Quando, & cur à Christianis usurpari ceperunt. *ibid.* n. 1. Eadem sigla in anulo, seu sigillo Beneventanæ Ecclesiæ insculpta. *p.* 379. & *seq.*
- Actionarii** inferiori ævo, olim *Adtores*, & eorum munus. *p.* 36. n. 1.
- Adelsays**, seu *Andelajus Dux Beneventi*. *p.* 139.
- Adelgilius**, Græcis Theodotos, filius Regis Desiderii, post Patris captivitatem Byzantium secedens, frustra Paternum Regnum recuperare molitur. *p.* 149.
- Adalgifus**, sive *Adelchis Princeps Beneventi*. *p.* 209.
- Saracenis Barii Dominis**, ut à cælibus, & invasionibus abstinerent, annuum pensionem, & Filium oblidem tribuit. *p.* 110. Imp. Ludovici II. auxilia poscit, & obtinet, ac Barium expugnat. *p.* 210. quo anno. *ibid.* Eundem Ludovicum Beneventi degentem, atque impotentissimè agentem captivum facit, ac postea æquis conditionibus liberum dimittit. *p.* 211. *seq.* Criminationes Scriptorum adversus Adalgifum ob id factum diluuntur. *p.* 213. *seq.* Rhythmus antiquus de Ludovici captivitate asferitur, & illustratur. *p.* 212. n. 4. Ludovico iterum cum exercitu redeunti fortiter resistit, ac tandem reconciliatur. *p.* 220. Quo anno mortuus, & quotò ejus Principatus anno. *p.* 223.
- Adelberga**, Filia Regis Desiderii, Conjux *Arichis Principis Beneventi*. *p.* 144. Post Viri obitum Pauli Diaconi ad eam consolatio. *p.* 154. Ejus conatus pro Adalgifo fratre, in Regnum Italiæ restituendo. *p.* 155.
- Ageltruda**, Filia Adalgifi, Soror *Radelchis Principis*, Conjux *Guidonis Ducis Spoleti*, ac postea Imperatoris. *p.* 229. Imperatrix, & Augusta cum suo viro, post cujus obitum Lambertum filium in Imperii successione sustinere conatur. *ibid.* *Radelchim* fratrem in Beneventano Principatu restituit. *p.* 476. Ejusdem virtutes, Gesta, Diplomata illustrantur. *p.* 474. & *seq.*
- Æmilius Beneventanus Episcopus**, laudatus à S. Paulino Nolano. *p.* 311. & 313. Ejus Legatio Apostolica CPolim pro S. Jo. Christofomo describitur, & illustratur. *ib.* & *p.* 314. Ejus sanctitas asferitur. *p.* 315.
- Ætas minor**. V. Minor.
- Agnus**, Christi figura, in Ecclesiis, & aliis Christianorum monumentis. *p.* 423. Ejus explicatio ex S. Paulino. *ibid.*
- Ajo filius Ducis Arichis I.**, filius à Sclavis ad Sipontum cæsus. *p.* 133.
- Ajo Princeps Beneventi**. *p.* 223. ejus varii mores, & fortuna. *p.* 224. moritur, Urlo filio puero succedere. *ibid.*
- Aithulphus Rex Longobardorum**: ejus inquirendas Reliquias, & Monachos colendos studium. *p.* 111. not. 1.
- Albertus de Morra Beneventanus**. V. Morra.
- Alciatus Andreas Romanus Jurisprudentiæ illustrator**, Barbarici etiam ævi studiosus, eos deridet, qui à
- Romanis magis, quàm à Longobardis genus jaſſitant. *p.* viii.
- Aliphanum Monasterium**. V. Monasterium.
- Alæ cur Diis ab Ethnicis tributæ**. *p.* 193. Angelicis Spiritibus passim in Divinis Libris tribuuntur; & quæ illarum significatio. *ibid.*
- Almutia**, quod Vestis genus. *p.* 398. Laicis olim communis, in Ecclesiasticorum postea usu mansit. *ibid.*
- Altaris Dedicacionis dies** anniversariâ festivitate olim celebrabatur. *p.* 108. n. 1.
- Altaria pretiosis vestibus**, quas Principes offerebant, cooperiri solebant. *p.* 113. n. 3.
- Alzeus Dux Bulgarorum cum suo exercitu** in Beneventani Ducatus finibus à Duce Romualdo receptus, Urbes ad habitandum, Galthadi titulo, obtinuit. *p.* 19. De ejus origine, & adventus causa observationes. *ibid.*
- Alo**, sive *Alx.* Beneventanus Archiepiscopus Imp. Ottonis favore electus, à Beneventanis rejicitur. *p.* 360.
- Alphanus I.** Episcopus Beneventanus. *p.* 323. Ejus Diploma exhibetur, & illustratur. *ibid.* & *p.* 377.
- Alphanus II.** Archiepiscopus Beneventanus: ejus Diploma exhibetur, & illustratur. *p.* 375.
- Amuleta à Christianis gestari solita** cujusmodi fuerint. *p.* 34. n. 1. Superstitiosa vetabantur. *ibid.*
- Anaglyphum marmoreum ad Portam Ecclesiæ S. Sophiæ** exhibetur, & illustratur. *p.* 104.
- Annus Serpentis specie in orbem voluti**, & caudam ore apprehendens significatur. *p.* 45. Ejus diversum exordium apud varios populos. *p.* 453. n. 3.
- Annulus**, sive *Anulus* pro Sigillo in Diplomatis Principum, & Archiepiscoporum Beneventanorum. *p.* 376. & *seq.*
- Annulus proprius Beneventanæ Ecclesiæ**. *p.* 377. Quid in eo sculptum, sive quæ in utraque facie imagines fuerint. *p.* 378. & *seq.*
- Anathematizare verbum** quàm latè pateat. *p.* 327. n. 2.
- Usurpatum quandoque à Principibus**, & quæ significatione. *ibid.*
- Anso Rector Beneventi**. *p.* 498.
- Apparitio S. Michaelis**. V. S. Michael.
- Apulia quo tempore à Beneventanis Ducibus subacta**. *p.* 21.
- Aqua**, qua S. Barbatas post Missæ Sacrificium manus lavabat, ægrotos sanitati restituebat. *p.* 52. Idem Beneventi præstitit S. Leo PP. IX., & Lucæ Joannes Monachus. *ibid.* Idem mos apud Græcos hodie dum servatus, ut ægroti eam aquam bibant. *ibid.*
- Arbor superstitiosa apud Longobardos Beneventanos**, quo ritu frequentabatur. *p.* 46. Arborum superstitiosus cultus apud varios populos, etiam Italos per mediam ætatem. *p.* 46. A multis Patribus, & Conciliis damnata. *p.* 47. Ludos ad Arborem non superstitiosos, sed militaris exercitii causa Longobardi celebrabant. *p.* 49.
- Archidiaconus prima Dignitas Beneventanæ Ecclesiæ**, & ejus prærogativæ, & Jurisdictiones. *p.* 400.
- Archidiaconus**, vetusta Dignitas Ecclesiæ Beneventanæ. *p.* 394.
- S f f 2
- Archie

- Archiepiscopi Beneventani, Sipontini simul nuncupabantur. *p. 343. Quare utrumque titulum retinebant. ibid. Præter Sipontinam Ecclesiam, alias decem suffraganeas initio habuerunt. p. 361. quare is suffraganeorum numerus tunc statutus. ibid. Postmodum ad xxxii. excreverunt, qui paulatim ad xxix., denique ad xvi. redacti. p. 360. seqq. Quibus rebus, & quo sensu Romanos Pontifices æmulati dicuntur. p. 368. Mitre Episcopalis loco Camaurum, sive Regnum gestarunt ad instar Rom. Pontificum. p. 372. Quando id desuevit. p. 373. SS. Eucharistiam in itinere præferebant. p. 374. Quando id desuevit. *ibid.* Diplomata emittebant, Sigillis munita plumbeis, & quæ illorum antiquitas, ac præsens usus. p. 375. & seqq.*
- Arichis I. Dux Beneventi, institutus à Rege Agilulpho. *p. 132. Ejus Virtutes, ac longævus annorum quinquaginta Ducatus. ibid. Ajone filio haud sanæ mentis posthabito, Rodoldum, & Grimoaldum Ducis Forojuliani filios successores designat. p. 133. Neapolim obdidit. p. 186. & 16. Variè à Scriptoribus appellatus, & quomodo scribendus. ibid. n. 4. Capuam, & Campaniam penè omnem sibi subjecit. p. 17. Ad eum S. Gregorii M. Epistola. p. 21. Appellatus ab eo Filius, & verè Catholicus, & religiosus. p. 35.*
- Arichis II. Princeps Beneventi Ecclesiam S. Sophiæ Beneventi construxit. V. S. Sophia. Ecclesiam S. Januarii Neapoli prædixit, & ejus Altare pretiosissimo manto ornat. *p. 113. Primus, obiedo Ducis titulo, Principem se appellat, & constituit cum Regis Insignibus. p. 149. Cur Principem magis, quam Regem se dici voluit. p. 150. Neapolim obdidit. p. 151. quo anno. p. 152. Cum Carolo M. fœdus init. p. 152. Quibus conditionibus. ibid. Quo anno, & mense mortuus. p. 154. Quot ei fuerunt filii, filiarque. p. 155. n. 1. Cum Neapolitanis fœdus sancit. p. 187. Literarum fautor, eas Beneventi instaurat. *p. 439. Utrumque Palatium Beneventi, & Salerni Veribus exornat. p. 440. Quæ sint ejus doctrinæ monumenta. p. 441. Titulus Sepulchralis. p. 442.**
- Ariulphus Spoletinus, non Beneventanus Dux. *p. 16. & p. 27. n. 4.*
- Arma Sacrata in Duello. *p. 248.*
- Assemanus - V. C. Josephus. *p. 142. & p. 270. in notis.*
- Atenulphus Princeps Beneventanus, & ejus Monogrammata. *p. 173. Ejus genus. p. 477. Capuanum Comitatum invadit. p. 477. Beneventano Principatu potitus fuit, quem in filios transmisit. p. 479.*
- S. Augustinus, an verè Monachorum institutor. *p. 388. Cur Canonici Regulares ab ejus nomine appellati. ibid.*
- Augustinus. Antonius Archiepiscopus Tarraconensis, antea Aliphanus Beneventi Suffraganeus, laudatus. *p. 413. Bibliothecam Ecclesiæ Beneventanæ ex Codicum vetustate commendat. ibid.*
- Augustalis, nummus aureus Imp. Friderici II. *p. 238. Ejus figura, & valor. ibid. Apud Beneventanos mansit ejus nomen, & æstimatio usque ad Sæculum xv. ibid.*
- Aviaticus, idest Nepos ex filio. *p. 284.*
- Autharis Rex Longobardorum in Cistiberinam Italiam usque ad Fretum Siculum excurrit. *p. 6. Arianæ Hæresi addidit pueros à Catholicis baptizari prohibuit, quos post ejus obitum S. Gregorius M. reconciliandos jussit. p. 28.*
- S. Autpertus Monachus Vulturnenfis, genere Gallus, Vitam SS. Patronis, & Tsalonis Nobilium Beneventanorum, & ejusdem Monasterii fundatorum accuratè scripsit. *p. 86. Phares Galliarum proceres ex Aula Caroli M. suo exemplo ad id Monasterium traxit. p. 87. Auxilius, pro Ordinationibus Pontificis Formosi Libellum conscribens, Beneventanorum sententiam con-*
- firmit. p. 451. An dñmo Beneventanus, vel Francus. ibid.*

B

- B. Litera pro V. *p. 182. & p. 449. n. 2.*
- Baculi Pastoralis, seu Episcopalis descriptio. *p. 425.*
- Balneorum usus in Monasteriis adhuc infans ætate Beneventi. *p. 175. n. 1.*
- Barba Longobardorum insignis, ac decus. *p. 4. An Itali per mediam ætatem Barbam coluerint. ibid. Quid moris apud Ecclesiasticos. ibid. Beneventani ad feram ætatem Barbam nutriverunt. ibid.*
- Baptismales Ecclesiæ, idest Parochiales, nunquam ab Episcoporum jurisdictione subtrahendæ. *p. 329.*
- S. Barbatus, Beneventanus Civis, dein Episcopus, genere Longobardus. *p. 50. Ejus gesta ante Episcopatum nullo certo monumento constant. p. 51. De ejus Actis judicium, atque observationes variæ. ib. Præcipua ejus virtus, etiam post mortem, in liberandis Energumenis. p. 52. Aquæ, qua manus post Missæ celebrationem abluere, ægri sanabantur. ibid. Longobardus a Vipera, & Arboris superstitione revocat. ibid. Episcopus factus Arborem propria manu fucidit, Vipera aureæ simulacrum in Sacrum Calicem commutat. *p. 53. Quid in eo Calice sculptum fuisse. ibid. n. 4. Opes, redditusque à Duce Romualdo oblatos respuit, Garganice Basilicæ, atque Ecclesiæ Sipontinæ traditione contentus. p. 54. Cur eam Basilicam, Ecclesiæque sibi subditam voluerit. ibid. Ejusd. Basilicæ cultum restituit. p. 83. A Ludovici Muratorii criminationibus defenditur ob Sipontinæ Ecclesiæ subjectionem. *p. 328. seqq. Ecclesiæ Beneventanæ reditus in quatuor partes distribuendos statuit. p. 54. Sacrorum Canonum scientissimus, atque observantissimus. p. 335. Anni Episcopatus, & Vitæ. p. 55. Beneventanorum erga S. Barbatum veneratio. p. 57. Hymnus vetustus in ejus honorem. ibid. n. 1.***
- Barbarus Beneventanus Episcopus, ejusque gesta. *p. 310. Perperam aliarum Civitatum Episcopus dicitur. ibid. n. 2.*
- Barbari qui dicebantur Hebræis. *p. 163. Qui Græcis, ac Romanis. ibid. In plures Classes Salviarius distinguit sæculo v. p. 164.*
- Baronii Cardinalis de Drepani Flori Christiani Poetæ ætate error. *p. 61.*
- Barfatus Græcorum Dux Beneventi. *p. 228.*
- S. Bartholomæi Corpus à Lipara Beneventum translatum. *p. 116. Ejusdem Translationis fides adversus Tillemontium vindicatur peculiari Dissertatione seorsim edita. ibid. S. Bartholomæi effigies, & nomen in Plumbeo Sigillo Archiepiscoporum Beneventanorum. p. 384.*
- Bartholomæus Beneventanus Jctus in Patavino Gymnasio floruit: Ejus Inscriptio sepulchralis. *p. 467. not. 2.*
- Bella Monialis Beneventani Monasterii S. Petri, ejusque Sanctitas. *p. 58.*
- Benedictio utroque Latinorum, & Græcorum ritu promissa. *p. 424. n. 1. Quæ mysteria in digitorum positione agnoscere debent. ibid.*
- Benedictus PP. XIII. olim Cardinalis Ursinus Archiepiscopus Beneventanus, laudatus. *p. 354. p. 367. n. 3. p. 408. 413. 434.*
- Bene Valere*: formula, quæ in fine Diplomatum à Rom. Pontificibus, & Benev. Archiepiscopis apponebatur, & quare. *p. 480. n. 1. Monogrammate plerumque exprimebatur. ibid.*
- Beneficia Ecclesiastica Civibus Beneventanis conferenda. *p. 401. n. 1.*
- Beneventana Ecclesia. V. Ecclesia.

Beneventani Archiepiscopi . V. Archiepiscopi .

Beneventanus Clerus . V. Clerus .

Beneventanus Principatus . V. Principatus .

Beneventanus Ducatus, quo anno à Longobardis institutus . p. 7. Cur institutus . p. 10. Quare potius Beneventi, quàm alibi . p. 12. Longobardicæ nomine appellatus . p. 22. & n. 3. Ejus fines ad Urbem, & Ducatum Romanum proximi . p. 23. Distributus in Comitatus, & Gastaldatus . p. 24. V. Ducatus .

Beneventani Duces, non Beneventi, sed Longobardorum, & aliquando Samnitium Duces se nuncupabant, & quare . p. 23. Defensores Rom. Pontificum adversus Augustos Iconomachos . p. 23.

Beneventum medio ævo circumpositum Provincia- rum Caput . p. 8. Capta, & muris spoliata à Rege, Totila, sed mox à Narsete instaurata . p. 13. Ampliata à Principe Arichi, ac subinde divisa in Civitatem veterem, & novam . p. 174. n. 6.

Beneventani indigenæ nunquam se Longobardorum, superflitionibus polluerunt . p. 39. In suorum Ducum, Principumque electione, vel dejectione non nihil auctoritatis sibi usurpabant . p. 144. Jus eundem monetas sub Pontificibus Romanis retine- runt . p. 235. V. Moneta .

Beneventanum, ita olim dictum Pellis genus . p. 17. n. 5. Beneventum, quo tempore, quibusque juribus in Scdis Apostolicæ dominium translata sit . p. 485. & seqq. & p. 501.

Beneventani Sapientes . p. 449.

Beneventani inter Regni Nationales, sive Cives sunt recensendi . p. 501. Ejus juris probationes . p. 502. Eorum fides erga Sedem Apostolicam luculentissimè demonstratur . p. 503. Eandem ob rem à Regibus Neapolitanis plurimis privilegiis cumulati . *ibid.* n. 1.

Beneventani spontè se Romano Pontifici ante Longobardorum Principum occasum subdiderunt . p. 491. Bertaridus Rex Longobardorum à Grimoaldo Duce Beneventano ejectionis, post ejus mortem iterum Regno potitus . p. 135. Cum Romualdo Duce Grimoaldi filio amicitiam, & affinitatem inire maluit . *ibid.*

Bibliotheca dicebatur ipsa S. Scriptura, quæ Libros utriusque Testamenti complectebatur . p. 410. n. 1.

Bibliothecæ in omnibus ferè Cathedralibus Ecclesiis antiquissimæ . p. 410. Præstabant illæ Romanæ, & Capitanæ Ecclesiæ, quarum exemplo aliæ alibi institutæ . *ibid.* Nolana à S. Paulino constructa . *ibid.* Quibus Libris præcipuè intrinsece solebant . p. 409.

Bibliotheca Ecclesiæ Beneventanæ antiquissima . p. 410. Reditus pro ea conservanda à Principibus attributi . *ibid.* & seqq. Ejus præstantia, & præfens status recensetur . p. 412. & seqq.

Bibliothecarius, Dignitas peculiaris Beneventanæ Ecclesiæ . p. 411. Id munus digniori Canonico olim mandabatur . *ibid.* Sed postea certæ Dignitati, ac Canonico attributum . p. 413.

Bone Indolis puer : formula, qua pueri per mediam ætatem decorabantur . p. 476. n. 4.

Bonus, Dux Neapolitanus . p. 189. Ejus Epitaphium explicatur . *ibid.*

Bollandus Joannes, notatus . p. 41. p. 48. p. 50. laudatus . p. 66. n. 2.

Borgia . V. C. Stephanus laudatus, ac notatus . p. 44. p. 230. p. 270. n. 1. p. 430. p. 492. n. 1. & p. 505.

Breve in Legibus Longobardorum, idem ac Instrumentum à publico Notario celebratum . p. 198. Aliæ ejus vocabuli significationes . *ibid.*

Brutii, quo tempore à Beneventanis Ducibus subacti . p. 21. Ex ea regione Dux Arichis Trabes pro Ecclesiis SS. Petri, & Pauli S. Gregorio M. Romam transvehendas curavit . p. 36.

Bucellatum, Panis genus . p. 375. n. (d).

Bulla, propriè significat Sigillum . p. 382. Erat aurea, argentea, plumbea, cerea . *ibid.* Quando in Pontificiis Diplomatis appendi cepit . *ibid.* Id suo jure usurparunt, & aliis utendum Pontifices indulserunt . p. 382.

Bullæ vocabulum ad ipsum significandum Diploma adhiberi cepit . *ibid.*

Bullæ, seu Sigilli effigies, qua olim Beneventani Archiepiscopi utebantur, exhibetur, & illustratur . p. 380. Earundem plumbeum Sigillum, hodieque servatum, exhibetur . *ibid.* & p. 384.

Bulgarorum Gens cum suo Duce in Beneventano Ducatu confedit . p. 19. Ejus posterit tam Bulgaricè, tum Latine loquebantur . p. 20.

C

S. Cadocus Beneventanus Episcopus . V. Sophius .

Camaurus . V. Mitra . V. Regnum .

Camillus Peregrinus . V. Peregrinus .

Calumniatores stigmatè in fronte inurebantur . p. 293.

Campania Romana, ejusque Urbes à Beneventanis Ducibus subactæ . p. 23.

Campio, qui pro alio Pugnam, seu Duellum subibat . p. 250. n. 2.

Campus pro ipsa Pugna, seu Duello . p. 250.

Cancellarii in Ecclesiis Cathedralibus idem Bibliothecarii . p. 412. Distincti in Ecclesiæ Beneventana . *ibid.*

Canones Legibus Secularibus præferendi . p. 269.

Canonici, unde dicti . p. 388. Alii Regulares, seu Chaus- trales, alii Sæculares . *ibid.* Leges Ecclesiasticæ Sæcu- li ix. de Clericorum claustrali vita . *ibid.* Eorum claustra etiam Monasteria vocabantur . p. 389. Non diu subsisterunt, & quare . *ibid.* A plerisque Episcopis Italix vigilantioribus instaurata . *ibid.*

Canonici Beneventanæ Ecclesiæ, alii minores . p. 369.

Quando illorum mentio primùm occurrit . *ibid.* Eorum antiquus numerus . p. 397. Reductus ad xxx., postremò ad xxvii., quando, & cur . p. 398. Antiquæ Vestes, aliæque Insignia . *ibid.*

Canonici Regulares S. Augustini Beneventi à Cardinale Alberto Morra instituti . p. 391. Eorum Constitutiones . *ibid.* Quando, & cur defecerunt . *ibid.*

Canonici non solum in Cathedralibus, sed & aliis Urbanis Ecclesiis, quæ Collegium faciebant, & Collegiatæ vocabantur . p. 392.

Capellani Ecclesiæ Beneventanæ . p. 390. Qui eo nomi- ne intelligendi . *ibid.*

Capitulum Beneventanum . Ejus Prærogativæ, & Jurisdictiones summam recensentur . p. 413. & seqq. Quibus verbis laudatus à Clemente PP. XI. in Diplomate concessionis Mitrarum . p. 414. V. Ecclesiæ Beneventana . V. Canonici . V. Clerus .

Capitularia Principum Longobardorum . V. Leges .

Cappa Archiepiscopi Beneventani in Concilio Barenfi ab Urbano II. celebrato cæteris præstantior . p. 408.

Capua ab Arichi I. Duce Beneventano subacta cum majori parte Campaniæ . p. 17. Nunc Comitatus, nunc Gastaldus, qui administrarent, à Ducibus Beneven- tanis accipiebant . *ibid.*

Capuanus Comitatus Romano Pontifici subditus, ejus nomine Chartas, & Nummos signavit . p. 488.

Capuani, fallaces Imper. Ludovico II. p. 209. Pœnas launt . p. 210.

Capuanus Principatus, an revera extiterit à Beneven- tano discussus, & peculiari jure, ac titulo admini- stratus . p. 480. & seqq.

Caretuda, conjux Principis Radelchis . p. 205. Ejus Epitaphium . *ibid.*

Carcer non solum pro custodia, sed etiam pro pœna . p. 292. n. 6.

Car-

- Carcer subterraneus tum Syraculis, tum Romæ a quibus institutus . p. 292.
- S. Carolus Borromæus Barbam ab Ecclesiasticis radendam sollicitè voluit . p. 4. Ejus instructiones de Januis Ecclesiarum Cathedralium juxta veterem disciplinam . p. 435.
- Carolus M. affinitatem cum Desiderio Rege Longobardorum jungere cogitans, a Stephano PP. IV. deterretur . p. 29. Ejsdem Pontificis de Longobardis asperriimæ criminaciones . *ibid.* In suo Testamento nihil de Beneventano Principatu disposuit, & quare . p. 486. *¶* *seq.*
- Carolus M. multo tempore post Regis Desiderii captivitatem adversus Arichim Principem Beneventanum exercitum ducit, & qua de causa . p. 151. Res cum eodem Arichi certis conditionibus componit . *ibid.* *¶* *seq.* Ejsdem Caroli variaz temporum notæ in Diplomatum adhibitz pro variis Regni Francici, Longobardici, & Imperii exordiis . p. 151. n. 1. Ejsdem in scribendo ignorantia, & ruditas, unde in subscríbendo monogrammate utebatur . p. 172. not. 5. Ejsdem ad Paulum Diaconum metrica Epistola, uti Epitaphium Hadriani PP. I. non ab ipso, sed ab Alcuino ejus nomine lucubrata . *ibid.* De Caroli M. eruditione, five literatura falsæ aliorum sententiæ demonstrantur . p. 292. n. 2.
- Casula, seu Planeta, & ejus vetus forma . p. 426.
- Casinense Monasterium quo anno à Longobardis vastatum . p. 9. Quo anno, & a quibus instauratum . p. 86. Quid opis in ea instauracione Pontifex Zacharias contulerit . p. 50. Ab sua origine prædia habuit, quibus excolendis ipsi Monachi laborabant . *ibid.* Possessionibus, ac Fundis amplissimis a Gisulpho II. Beneventano Duce ditatum . p. 91. Ex dicti Gisulphi Donatione hodieum Casinates, Jurisdictionis, five uti ajunt, Principatus sui originem, & jura sibi vindicant . *ibid.* *¶* p. 278.
- Casinenis Ecclesiæ Thesaurus, quantus fuerit Sæculo IX. p. 200.
- Census Roman. Ecclesiæ in Provincia Beneventana . p. 422.
- Chronicon Vulturense commentitiis Chartis, ac Diplomatum scatens . p. 229.
- Chronologiæ errores etiam in autographis Chartis, ex Notariorum ositantia . p. 333.
- Chronologia Ducum, & Principum Beneventanorum . V. Ducatus . V. Duces .
- Ciarlantes . Vincentius de S. Barbati patria consultatus . p. 51.
- Circulus lucidus ad Imagines Christi, & Sanctorum in Capite additus . p. 104. Cur Circulus Christi crucigerus . *ibid.*
- Cimilarcha, Munus Ecclesiasticum, quod . p. 406.
- Cinnaberis color in Augustorum subscriptionibus . p. 179. Nefas privatis illum adhibere, nisi Principis permisso . *ibid.*
- Cives in Beneficiorum Ecclesiasticorum collatione exteris præferendi . p. 401. n. 1.
- Civitas Beneventum distincta inter *Veterem*, & *Novam* . p. 15. n. 3.
- Claves Pontificum Romanorum præcipuum insignæ . p. 235. Quando in eorum Nummis insculpi cœperunt . *ibid.* In Nummis Beneventanis non *decussatæ*, sed *erectæ* . p. 136. alia exempla . *ibid.*
- Claves tres S. Petro Apostolo in ejus imaginibus aliquando tributz, & cur . p. 371.
- Clericatum profiteri etiam inviti, & pœnz loco adigebantur, qui Regibus, & Principibus erant in-visi, aut suspecti . p. 199. Ejus rei insigniora exempla . *ibid.*
- Clerus in Legibus Longobardicis suffragia ferebat . p. 253.
- Cleri incontinentia per mediam ætatem . p. 176. n. 4. Qui publice non mechabatur, præmio dignus . *ibid.*
- Clerus Ecclesiæ Beneventanæ Episcoporum, & Archiepiscoporum Diplomatum altabat, & assentiebatur . p. 385. Quartam partem redditum Ecclesiæ sibi vindicabat . p. 386. Plurimodiam ab omni retro ævo in Ecclesia celebrare consuevit . p. 382. An communem, seu Regularem, & Claustralem vitam aliquando professus fuerit . p. 388. *¶* *seq.* Nullum habuit definitum numerum . p. 389. Collapsa ob ingentem Cleri numerum disciplina, Archiepiscopi Lombardi Constitutione Sæculo XII. reparatur . p. 390. Ante id tempus in quatuor Ordines idem Clerus distinguebatur, idest Archidiaconum cum Diaconis, Archiepresbyterum cum suis Presbyteris, Archisubdiaconum cum suis Subdiaconis, Abbatem cum reliquis Clericis, de quibus plura observantur . p. 393. *¶* *seq.* Cognomina Nominibus apposita, atque Gentilitia, Barbarica ætate, quando, & quomodo adhiberi cœperunt . p. 343. n. 2.
- Collegiata Ecclesia S. Spiritus Beneventi . p. 392.
- Collegiata Ecclesia S. Bartholomæi Beneventi . *ibid.*
- Collegium Mansionariorum Ecclesiæ Beneventanæ . p. 398.
- Colores diversi pro diversâ Dignitate in subscriptionibus . p. 179.
- Columbæ symbolum Christianorum, quid referrent . p. 381. Passim in illorum monumentis insculptæ . *ibid.*
- Colus B. Virginis CPoli inter ejus insignes reliquias . p. 429.
- Concilium Beneventanum ab Urbano PP. II. celebratum, & ejus Canon de Subdiaconatus Ordine a P. Labbe, Ursino . & aliis mendosè editus, & veræ lectioni restitutus . p. 394.
- Concilia Provincialia ab Archiepiscopis Beneventanis quotannis celebrari solebant . p. 365. V. Synodi .
- Confraternitates laicorum quando institutz . p. 392. n. 3. Antiquissimæ omnium Beneventi esse cœperunt . *ibid.*
- Comites à Ducibus Beneventanis ad singularum Urbium regimen . p. 17. *¶* *seq.* Ejus nominis, munerisque ratio apud Romanos, Germanosque Veteres . *ibid.*
- Componere, & compositio in legibus Longobardorum, idem ac pœnam sanctam, aut multam ob patratum delictum solvere . p. 248.
- Condoma, quid significabat media ætate . p. 270. in not.
- Constant Imp. Beneventum obsidet . p. 43. Ab ea obsidione cum sui exercitus clade recedit . *ibid.* n. 1. & p. 325. Quo anno, ac mente eam obsidionem admovit . p. 56. Plures Romæ, & Italiæ Ecclesias diripit . p. 77. *¶* *seq.* Qua de causa Italianam expeditionem suscepit . p. 323. Garganicam Basilicam prædatur, & diruit . *ibid.*
- Constantinus Copronymus Imp., quare sic appellatus . p. 123. Vocatus etiam *Caballinus*, & quare . *ibid.* n. 2.
- Constitutiones antiquæ Ecclesiæ Beneventanæ . p. 400.
- De Officii Divini recitatione, quid statuerint . p. 433.
- Corona . V. Circulus .
- Corona Principum Longobardorum . p. 196. Ejus forma, & magnificentia . *ibid.* Augustorum CPolitaneorum multiplex . *ibid.* Regum Longobardorum qualis . *ibid.*
- Coscina, frumenti mensura . p. 396. n. 1.
- Crux in Principum Longobardorum Nummis insculpta . p. 163. & p. 183. Cur lineis subtratis adposita . p. 196. In anulo, five Sigillo Beneventanæ Ecclesiæ insculpta . p. 380.
- Crocia, Crochia, Crucea, quid . p. 425.
- Crucis forma in Monogrammatibus Principum Longobardorum . p. 176.
- Crucis Signum præmittebant Principes in suis Diplomatum,

matibus, omnesque alii cuiuscunque dignitatis in suis subscriptionibus . p. 176. Quare is mos, seu ritus servatus olim ab his, qui etiam scribere seirent. *ibid.* & p. 177.

Crucis cultum Iconomachi admittebant . p. 196.

Crucifixi Imagines quatuor clavis, & veste contestæ, sunt representandæ . p. 433.

Cujacius . Jacobus de Legum Longobardicarum loquutione æquè sentit . p. 245. De Alexei Ducis Bulgarorum Gallatatu confutatus . p. 276. De Feudorum origine, & auctoribus notatus . p. 284. De vero Beronæ, idest Veronæ nomine explicatus . p. 449. n. 2.

D.

Dacomarius Beneventanus Præfex . p. 498.

David, Episcopus Beneventanus . Legatus cum aliis Episcopis Beneventanis à Principe Arichis ad Carolum Magnum, rem feliciter exequitur . p. 151. Ejus modestia in coenare . *ibid.* Ejus Diploma exhibetur, & illustratur . p. 376.

Dedicatio Altaris anniversariâ memoriâ olim celebrabatur . p. 108. n. 1.

Dei Judicia haud temere perferenda, sed agnoscere, & tateri plerumque licet, & prodest . p. 28. n. 1.

Dei Judicia, idest probationes . V. Duellum.

Denarius, Nummus usitatus veteribus . p. 140. Argentens, & Æreus, qui etiam minutissimus sextam Assis partem pendebat . p. 240. In Beneventanorum commercio fuit post Sæculum x. p. 241.

Desiderius Abbas Casinensis . V. Victor PP. III.

Deusdedit Abbas Casinensis à Principe Sicardo ob denegatam pecuniam carceri mancipatus, ibi obijt . p. 192. Dies mensis quomodo per mediam ætatem numerarentur . p. 483. n. 6.

Dignitates Ecclesiæ Beneventanæ . V. In suis vocabulis. Diplomatum observantia sub diris imprecationibus jubebatur . p. 333. n. 3. Earum imprecationum formulæ . *ibid.*

Diplomata Archiepiscoporum Beneventanorum . V. Archiepiscopi.

Diplomata tum edita, tum inedita, quæ in hoc Libro exhibentur, emendantur, illustrantur.

Alexandri PP. III. An. 1179. p. 356.

Alphani I. Episcopi Beneventani . An. 604. p. 323.

Alphani II. Archiepiscopi An. 1012. p. 375.

Anacleti Pseudopontificis An. 1136. p. 417.

Arichis Principis Beneventani . An. 777. p. 269.

Davidis Episcopi Beneventani . An. 795. p. 376.

Friderici II. Imp. An. 1247. p. 404.

Grimozali IV. Principis Beneventani . p. 169.

Guidonis Imperatoris . p. 474.

Gregorii PP. V. An. 998. p. 359.

Joannis PP. XIII. An. 969. p. 345. *seqq.*

Landolphi I. Archiep. Beneventani . An. 971. p. 379.

Ejusdem de erectione Episcopatus S. Agathæ . p. 366.

Lombardi Archiepiscopi . An. 1175. p. 406. alterum An. 1176. p. 390.

Pandolphi Principis . p. 283.

Philippi de Balbano Comitiss An. 1186. p. 410.

Regalia Sedis Apostolicæ in Civitate Beneventana Sæculo xix. ex Libro Genicii Camerarii . p. 236.

Roberti Comitiss An. 1109. p. 175.

Rodolphi Principis Beneventani . p. 496. n. 3.

Tassellardi Comitiss . p. 281.

Vitaliani Pontificis . p. 332.

Ughonis Archiepiscopi . p. 397.

Doda, seu Farda Doda, illustris temina Ecclesiam S. Modesti Beneventi fundavit . p. 37.

Dominus appellari Augustus volebat . p. 150. Principis titulo contentus, unde Ovidii in cum adulatione . *ibid.*

Dominus per mediam ætatem Senior appellabatur, unde ortum italicum verbum Signore . p. 298.

Donatio Imp. Ludovici VII. Ecclesiæ Romanæ facta, & ejus sinceritas comprobata . p. 489. n. 3.

Ducatus, Monetæ genus, a quo culus, & cur sic dictus . p. 238.

Ducis nomen, titulus, munus apud Romanos, a quibus Longobardis Italiâ potiti acceperunt, & servarunt . p. 13.

Ducatus Beneventanus, institutus anno DLXXI. p. 7. *seq.* Initio non fuit hæreditarius . *ibid.* *et seq.* Primus Dux Zotto à Rege Alboino institutus, quo defuncto Arichis à Rege Agilulpho missus . p. 132. Post Ducem Arichim mutata successione forma . p. 133.

Ducum Beneventanorum à Zottone ad Arichim II. Chronologia statuitur . p. 137. *et seq.* & p. 141. Quæ in Beneventanorum Ducum successione fuerint Procerum, ac Populi partes . p. 144. Quid Duces ipsi sibi vindicarint . p. 145. Quale Regum Longobardorum in eadem re jus fuerit . p. 146.

Ducatus Beneventanus, vocatus Longobardia minor . p. 165. Ejus latissimi fines . *ibid.* Ob sui præstantiam, & loci conditionem à reliquo Longobardici Regni corpore sejunctus reputabatur . p. 146.

Duces Beneventani cur summus Dux Longobardorum appellabatur . p. 146. Regum Longobardorum subditi nunquam esse desisterunt . *ibid.*

Duellum per mediam ætatem omnibus Nationibus Christianis usitatum . p. 248. Sacrorum Antistitem querelæ, & interdictiones . *ibid.* Tam Clerici, tum Monachi improbum morem sectabantur . p. 249. Leges Principum Duellum passim permittebant . p. 249. *et seqq.*

E.

Ecclesia Romana quos census ex Ecclesiis Provinciæ Beneventanæ Sæculo xii. exigebat . p. 422.

Ecclesia Beneventana à S. Petro Apostolo instituta, qui S. Photinum eidem præfecit . p. 300. Episcopos undecim ad S. Januarium Martyrem, idest initium Sæculi xv. numeravit . p. 301. Nuncquam intra Campaniæ fines adscripta . p. 303. *et seq.* Metropolis prærogativam in veteri Provincia Samnii habuit . p. 310. *et seqq.* In honorem S. Mariæ à sua origine constructa, ejus titulum semper servavit . p. 312. Restaurata, & consecrata ab Episcopo Davide Anno DC. *ibid.* Cum Beneventano Ducatu suæ quæque Metropolitici Juris fines extulit . p. 326. In eam rem Pontificis Vitaliani ad S. Barbatum Episcopum literæ, quarum fides adversus Peregrinum, & Muratorium vindicatur . p. 332. *et seq.* Diplomata Rom. Pontificum, quibus Metropoliticum jus comprobatur, idest Marini II. p. 336. Agapiti . p. 337. Quo anno, quibus ex causis, & qua celebritate in Archiepiscopatum erecta . p. 345. *et seqq.* Prima omnium eam prærogativam obtinuit . p. 346. Lis ea de re cum Ecclesia Capuana exponitur, examinatur, definitur . p. 347. *et seqq.* Diploma Joannis PP. XIII. de Archiepiscopatus Beneventani erectione variis observationibus illustratur . p. 351. *et seq.*

Ecclesia Beneventana in exercendis Dei laudibus quammaximè studiosa . p. 353. Tum ea re, tum Sacrorum Rituum, & Cæremoniæ præstantiâ, & cultu deinceps semper floruit . p. 354.

Ecclesia Beneventana quot Suffraganeos in Archiepiscopatus erectione attributos habuerit . p. 355. Eorum numerus deinde amplius . p. 361. Postea imminutus, & tamen superstitis numero, quo ceteras Archiepiscopales Ecclesias semper præcellit, & adhuc præcellit . p. 364. Ejus Suffraganei usque ad Sæculum xiv. consecrationem ab Archiepiscopo Beneventano susceperunt . p. 358.

Ecclesia Beneventana habebat Anulum proprium, sive Sigillum, quo Episcopi, & Archiepiscopi utebantur.

tur . p. 377. Habebat Clerum olim in quatuor Ordines distributum . p. 394. Habet nunc sex Dignitates, Archidiaconum, Archipresbyterum, Primicerios duos, Thesaurarium, Bibliothecarium, Canonicos, & Mansionarios . V. Singulos in suis vocabulis.

Ecclesia Beneventana quo anno ampliata . p. 415. Ejus Edificia recensentur, insigniora Tabulis æreis exhibentur, & illustrantur . p. 416. *Id. seqq.*

Ecclesie Collegiata Beneventi . V. Collegiata.

Ecclesie pretiosa suppellectili instruenda, & quare . p. 407.

Ecclesiis fas erat cuique relinquere quicquid vellet, ex legibus Longobardorum . p. 166.

Ecclesiam, exclusis filiis, heredem instituire an liceat . p. 166. Quid ea de re SS. Patres sentierunt . p. 167. Quid leges Sæculares statuerunt . *ibid.* Temperamentum S. Augustini, cum quo lex Principis Arichis consentit . p. 168.

Ecclesiastica bona alienare non licet . p. 269. Iudicatum Principis Arichis de ea re, qui Canones legibus Sæcularibus præferendos pronunciat . p. 269.

Eclanum Episcopalis Sedes, quæ postea fuit Frequentum, aut Quintodecimum . p. 313.

Educatio puerorum maximam Reip. utilitatem affert . p. 91. n. 2.

Encastum, quid . p. 179.

Epiphania Gens Beneventi . p. 462.

Entilma, quid . p. 125.

Episcopi Suffraganei Ecclesie Beneventanæ ex libro Cencii Camerarii Sæc. XII. describuntur . p. 422.

Episcopi ex propria Civitate, & ejusdem Ecclesie Clero deligendi . p. 317. Ea disciplina semper vigeat, nisi nemo dignus reperiretur, aut exterius quispian sanctitate celebris, aut Dei nutu deligendus demonstraretur . *ibid.*

Episcopi consecrationis suæ diem, *Ngtalem* suum nuncupabant, & quotannis celebrabant . p. 359. n. 5.

Episcoporum Beneventanorum, idest Beneventanæ Provincie Legatio à Principe Arichis ad Carolum M. missa . p. 338. Eorum Caput, & Dux David Beneventanus Episcopus, qui ea legatione feliciter functus, etiam Privilegium pro Ecclesia Beneventana à Carolo obtinuit . p. 339.

Episcopales Ecclesie damnum passæ, viciniore Episcopo regendæ mandabantur . p. 335.

Encolpiare, quid apud Græcos . p. 34. n. 1.

Erasmus de Salutatione Angelica à sacris Concionatoribus recitata, confutatus . p. 414.

Evangelium collo appensum gestandi mos apud Christianos . p. 34. n. 1. Evangeliorum liber pretiosis vestibus contegi solebat . *ibid.*

Eucharistiam Canistro vimineo S. Exuperius Episcopus portabat, & Christi sanguinem in vitro, & quare . p. 53.

Eucharistia primis Christianorum Sæculis à quibusvis in itinere perlati . p. 273. Ejus rei præclariora quædam exempla . *ibid.* Quare id postea vetitum . *ibid.* Archiepiscopi Beneventani cum morem, seu privilegium servarunt usque ad Sæculum XV. p. 273. Soli nunc Romani Pontifices retinent; & quare . p. 274.

Evectiones publicæ . p. 314. n. 3.

Excadentia, dicebantur Bona Caduca, seu Hæreditates, quæ ad Fiscum devolvebantur . p. 237. n. 2.

F

Falco, Chronographus Beneventanus . p. 453. Ejus Operis judicium . 455.

Ferula, quæ sit . p. 425. tum Episcoporum, tum Abbatum olim, nunc solius Romani Pontificis . *ibid.*

Feudorum Jus olim neglectum . p. 273. Feudum, unde dictum . *ibid.* Feudalis Juris origo falsò Romanis tribuitur . p. 274. neque Francis, neque Germanis debetur . *ibid.* Longobardorum consuetudine paulatim

Feuda institui ceperunt, Ducibus per eorum Urbes distributis, quibus militaris, & Civilis potestas mandabatur, ac Tributis onus in Regium Fiscum incumbere . p. 275. Gastaldi eodem Jure, ac potestate . *ibid.* Gastaldus a Duce Romualdo in Beneventani Ducatus finibus Alzeo Duci Bulgarorum concessus, verè Feudum fuisse ostenditur . p. 276. *Id. seqq.* Civitates, & Oppida, à Beneventanis Principibus, tum Gastaldis, tum Comitatus titulo in Feudum concessa . p. 279. *Id. seqq.* Feudum Habitantiæ quale fuerit . p. 284. Antiquissimum Jus Feudorum apud Longobardos quare dictum . p. 284. *Id. seqq.* Jus Feudale quot Libris digestum, quibusque auctoribus . p. 186. quæ ejus auctoritas . *ibid.*

Fideles appellabantur, qui Feudum à Principe obtinebant . p. 283.

Flavii prænomen à Longobardis Regibus usurpatum . p. 14. Ejus prænominis antiquitas, ac præstantia, apud veteres Romanos . *ibid.* n. 3.

Forisfacturæ, sive Forisfacturæ, idest Multæ, seu Bonorum publicationes . p. 237. n. 2.

Formosus Papa . p. 450. ejus Sanctitas à Chronographo Beneventano vindicata . *ibid.* ejus Ordinationes à Beneventanis Sapientibus comprobata . 451.

Formula Mediæ Etatis .

Bene Valette . p. 480. n. 1.

Bone Indolis Puer . p. 476. n. 4.

Anathematismum, Dirarum, & Imprecationum, quæ in fine Diplomatum adhibebantur pro illorum tuenda observantia . p. 333. n. 3.

Sive Græcus sit in Pontificiis Diplomatum cur adjecta . p. 336. n. 1.

Franci, sive Galli, dicti *Barbari* ab Erchemperto, & cur . p. 163.

Francorum Regnum in Carolina stirpe multisariam divisum, ac propterea assiduis, & intestinis præliis quassatum . p. 102.

Frates appellabantur Canonici Ecclesiarum Cathedralium . p. 390. n. 5. eodem vocabulo Monachos suos S. Benedictus appellat . *ibid.* Abjctum nunc ab ejus Sæclatoribus nomen, quamvis præcipuus sit honoris, & virtutis titulus, quem alii Regulares ægrè sustinere videntur . *ibid.*

Fratricidium quo supplicio Legibus Longobardicis affectum . p. 186.

Fridericus II. Imperator An. 1241. Beneventanam Civitatem vastavit . p. 59. Vetus Garmina eam vastationem deplorantia . *ibid.* n. 2. Non inultam eam injuriam Beneventani reliquerunt, qui recedente Imperiale exercitum profligarunt . p. 504.

Fugere extra Provinciam, Legibus Longobardorum Capitale erat . p. 295. In principatu Beneventano fugaces, idest fugientes extra Provinciam Bonorum publicatione multabantur . *ibid.*

Fulmina in Principum, atque Heroum dextra apponebantur, & quare . p. 194.

Fur manifestus, sive manifestarius . p. 291. Furtum ipsum in manibus, aut inter manus habens . *ibid.*

Fures, qui solvendo non essent, venundari jus erat ex Lege Divina . p. 291. vel in ejus manus tradi, cui furtum fecissent, ex Lege Longobardica . p. 292. Pro primo furto Carceri (subterraneo ad biennium mancipati; pro secundo furto cæsi, decalvati, & signati in fronte inusti . p. 293.

Fures Legibus Longobardorum, nisi solvendo essent, morte damnabantur . p. 291. Nocturni Lege Divina, & XII. Tabularum impune occidebantur . *ibid.* Etiam Diurni ex Lege Principis Sicardi . p. 294. ex ejusdem Sicardi, & Caroli M. Legibus Furibus, & Latronibus oculi eruebantur . *ibid.*

Furtum Legibus Principum Longobardorum plurimum Bonorum publicatione punitum . p. 294.

Gaitelgrima, Conjux Principis Landulphi, Monialis S. Petri. *p.* 59. Ejus tumulus. *ibid.* *n.* 3.
 Gallus Beneventanus S. Leonis PP. IX. nomen humana voce inclamat. *p.* 491. *n.* 4.
 Galli V. Franci.
 Gamalus, quis apud Longobardos. *p.* 198.
 Gargaeus, Mons Apuliae, Veteribus Romanorum Scriptoribus celebratus. *p.* 68. Ante Apparitionem S. Michaelis Superfitionibus insignis. *ibid.*
 Gargania Apparitio S. Michaelis. V. S. Michael.
 Gayderis, sive Gaideris Princeps Beneventanus. *p.* 223.
 Garimberga Principis Arichis Soror, Monasterium Puellarum S. Sophiae regere cepit. *p.* 97.
 Gargagni, apud Longobardos qui dicebantur. *p.* 295. *n.* 1.
 Gaudia Urbs in Comitatu Larinensi. *p.* 282. *n.* 1.
 Gastaldi, curiae dicti. *p.* 18. Apud Longobardos praeficiebantur Urbibus minoribus cum potestate militari, & Civili *p.* 19.
 Georgius Patricius. V. Gregorius.
 Gerardus, Juris Feudalis Compiler. *p.* 284. Genere Longobardus, & Consul Mediolanensis *ibid.* Ejus fata. *ibid.* *n.* 2.
 Germani multo ante S. Bonifacium Christianam Fidem susceperunt. *p.* 30.
 Gisulphus I. Dux Beneventanus Campaniam Romanam invadens, Pontificiiis precibus, & muneribus recedit. *p.* 137. quo anno *ibid.* Ejus Ducatus anni. *ibid.*
 Gisulphus II. Dux Beneventanus, Romualdi I. filius. *p.* 138. Puer a Rege Liutprando, ex cujus Sororis filia natus erat, in tutelam receptus, Ticini educatur. *p.* 139. Ducatu potitur. *p.* 140. Ejus Ducatus anni. *ibid.* Ejus amplissima Donatio in Monasterium Casinense. *p.* 91. V. Casinense Monasterium.
 Gisulphus Princeps Salernitanus, & ejus Nummus. *p.* 207. Ejus Diploma pro Ecclesia Beneventana. *p.* 286.
 Gynaeceae, Conclavia, seu Clausura Ancillarum, operibus, & artificis additarum in domibus Principum. *p.* 262. & *n.* 2.
 Globus in Augustorum dextra Orbem, seu Mundum indicat, cujus dominium illis tribuitur. *p.* 195. Ab Octaviano Augusto ceptum. *ibid.* Jovis plures globi. *ibid.* Cruciger in Christianis Principibus. *ibid.* A Principibus Longobardis in eorum Nummis usurpatus. *ibid.*
 Gloriosi, & Gloriosissimi titulum Beneventani Duces sibi vindicabant. *p.* 36. Regum, ac Supremorum Principum olim proprius *ibid.* Beneventanis Ducibus à S. Gregorio M. tributus. *ibid.*
 Godefridus Dux Beneventanus a Rege Liutprando in demortui Gregorii locum, Gisulpho adhuc in minori aetate conditito, sufficitur. *p.* 139. Eidem Liutprando infensus, quod in Romanam Ditionem arma inferre renuisset. *p.* 116. Ducatum Beneventanum sibi perpetuo vindicare molitus, interficitur. *p.* 139.
 Graeci Garganicam Basilicam deprædaturi à Duce Grimoaldo profugiantur. *p.* 76. Quas Urbes post Longobardorum Beneventanum Ducatum institutum, reliquas in Italia Gislberia habuerint. *p.* 22. & 221. Beneventum occupant An. 893. *p.* 224. Expelluntur. *p.* 227. Quanto tempore Beneventum retinuerint. *p.* 226. Quampestime de Graecis Erchempertus sentiebat. *p.* 228. Formula: sive *Græcus sit*. V. Formula.
 Graeci media ætate an literas in Italiam derivarunt. *p.* 443.
 Graeci Neapolim à Belisario captam An. 536. scelestissimè diripiunt. *p.* 77. Idem patrant Romæ Anno 638. *ibid.*

ALTER

Græca lingua quid profit Jurisprudentiæ, aliarumque scientiarum studiosis. *p.* 470.
 Grammatica qualis medio ævo. *p.* 443. Quantus tunc Grammaticis honor. *ibid.* Necessaria Jurisconsultis ad rectam vocabulorum significationem. *p.* 470.
 S. Gregorii M. ad Duceum Arichim I. Epistola. *p.* 21. Honores Arichi tributi. *p.* 35. Ante Pontificatum Beneventum advenit. *p.* 38.
 S. Gregorius M. Longobardorum Episcopum, & Sacellarium quare se appellavit. *p.* 27. *n.* 1. Notatus à neoterico Scriptore defenditur. *p.* 30. *n.* 1. Dialogos suos Reginae Theodolindæ transmittens, illorum virtute, ac Reginae opera, & exemplo Longobardos ad Catholicam Fidem, sanctioresque mores convertit. *p.* 33. Id Dialogorum opus à quorundam censoris defenditur. *ibid.* Tempia Idolorum in sacras Christianorum Aedes convertenda, & consecranda jubet. *p.* 94.
 S. Gregorius VII. fidelitatis juramentum à Landulfo Principe Beneventano recepit. *p.* 436.
 Gregorius Abbas S. Sophiae in Inscrptione Turris Campaniae memoratus, quo tempore floruerit. *p.* 101.
 Gregorius Dux Beneventanus, in locum Gisulphi pueri Ducis à Rege Liutprando suffectus. *p.* 139. Post Septennium defunctus. *ibid.* Nummus Longobardicus huic Gregorio falso attributus. *p.* 148.
 Gregorius, sive Gregorius Patricius, & Stratigus Græcorum, Symbaricii successor, Beneventi dominatur. *p.* 221. & 224. Ad eum Epistola Joannis PP. VIII. adversus Saracenos. *p.* 222. Barium expugnat, & Græco Imperio subjicit. *ibid.* Ejus Nummus Beneventi cusus exhibetur, & explicatur. *p.* 225. Ejus Diploma. *ibid.* Benevento expellitur. *p.* 227.
 Grimoaldus I. Dux Beneventanus Catholicæ Fidei fœdator. *p.* 37. An aliquando Arianus. *ibid.* & *n.* 6. Rex Italiae. *p.* 133. Ejus vitæ, Ducatus, & Regni anni. *ibid.* *n.* 3. An licitè Regno potitus. *p.* 134. Romualdum filium Beneventano Ducatu præfecit. *ibid.*
 Grimoaldus II. Dux Beneventanus, Romualdi I. filius. *p.* 138. Ejus Ducatus anni. *ibid.*
 Grimoaldus III. Principis Arichis filius, & obfes in Gallia, post Patris obitum, Beneventanis flagitantibus, Principatus Successor à Carolo M. dimittitur. *p.* 156. Quibus conditionibus. *p.* 157. Chartas inscripto Caroli nomine initio servat: & Chartæ exemplar affertur. *p.* 158. Nummos inscripto Caroli nomine percussit; & nummi aurei exemplar exhibetur. *p.* 160. Diuturno Bello à Pippino Caroli filio vexatus, illius conatus viriliter elusit. *p.* 161. Quid Pippino responderit pro sua libertate. *ibid.* Moritur, nulla relicta Sobole. *p.* 162. seq. Vitæ, & Principatus anni. *ibid.* Epitaphium. *ibid.*
 Grimoaldus IV. Princeps Beneventanus. *p.* 166. Ejus Nummus exhibetur, & illustratur. *ibid.* & seqq. Ejus genus, munera, & res gestæ ante Principatum. *p.* 167. Pacis studiosus. *p.* 168. An Tributum Francis præstiterit. *ibid.* Neapolitanis pacem concedit, sed ob perfidiam bello persequitur, & ingenti clade affectos, ingentem multam solvere cogit. *p.* 169. & 187. Ejus Diploma. *p.* 169. *n.* 3. Casinensi Monasterio liberalis. *ibid.* Necatus à perduellibus. *p.* 170. Anonymi Salernitani in eum obloquutiones. *ibid.* Ejus Principatus anni. *ibid.* *n.* 4.
 Grammatica, scientia, seu ars, quæ. *p.* 443.
 Guidenardus Abbas S. Sophiae. Ejus inscriptio sepulchralis exhibetur. *p.* 104.
 Guido Dux Spoleti, postea Imperator. *p.* 474. Cum Quirone filio perperam confunditur. *p.* 475. Ejus Diploma. *p.* 474. Mortis annus. *p.* 476. *n.* 4.
 Guidrigild. V. Widrigild.
 Guadia. V. Wadia.
 Guiscardus. V. Viscardus.

T t t

Habi,

- Habitare verbum, idem ac possidere, & dominari. *p. 284.*
- Habitantiz Feudum, *ibid.* 49. V. Feudum.
- Hadrianus Pontifex enixè, sed frustra dehortatur Carolum Magnum, ac Grimoldum obsidem ad obtinendum Principatum Beneventanis concedat. *p. 156.*
- Alia ipsius ad eundem Carolum Epistolæ. *p. 458.*
- Portas Atræas in Basilica S. Petri construxit. *p. 430.*
- Hæreditates exterorum, & peregrinorum in Principatu Beneventano Fisco adjudicabantur. *p. 195. n. 1.*
- Id jus inter Regalia Sedis Apostolicæ Seculo XII. recensetur. *ibid.*
- Hemina Beneventana, mensura vini. V. Mensura.
- Henricus I. Imperator ex nocturnis Vigiliis in Gar-ganica Basilica, claudicationis penam retulisse traditur. *p. 70.*
- Herchempertus, Historicus Casinensis. *p. 455.* Ejus genus, mores, scripta illustrantur. *p. 456.*
- Hermes filius Beneventanus Episcopus in Charta Chronici Vulturturnensis memoratus, an inter Episcopos Beneventanos recensendus. *p. 330.*
- Historici Scriptores Beneventani media ætate insignes. *p. 453.*
- Hymnus vetulus in honorem S. Barbati Episcopi Beneventani. *p. 57. n. 1.*
- I
- Ia, filia Emilii Episcopi Beneventani. *p. 311.*
- Jannonius-Petrus, de Ritu Longobardorum in ferendis Legibus notatus. *p. 453.* Beneventanos Civis a Regni nationalitate excludere conatus, pluribus confutatur. *p. 500. & seq.*
- S. Januarius I. Beneventi Episcopus, & Martyr. *p. 301.* Ejus Ecclesia Neapoli sita 20 Arichi Beneventano Principe præditi, & pretiosa fuppellectile ditatur. *p. 313.* Ejus corpus à Principe Sicone Beneventano transfertur, & in Magnificentiſſima Capella reconditur. *p. 114.* Ejus translationis annus. *ibid.*
- Januarius II. Episcopus Beneventi, Anno 348. Sardiceni Concilio interfuit, in quo Canonem edixit, & subscripsit. *p. 302.* In eod. Concilio Pontificius Legatus fuisse probatur. *ibid.*
- Januario-Josephus, ejusq. cavillationes adversus Roffridum, & Uotfredum istos Beneventanos refutantur. *p. 466. & 469.*
- Jarus biceps, Anni symbolum. *p. 45.*
- Iconomachorum Hæresis auctor Leo CPolitanus Imperator. *p. 118.* Ejus lævissima persequutio in Oriente contra Catholicos. *ibid.* Ejus census in Occidente adversus Rom. Pontifices. *ibid.* Ex Hæresis tum Sanctorum Imagines, tum etiam Reliquas infestabat. *p. 119.* Crucis cultum non respuebat. *p. 196.*
- Idolatriæ reliquie Seculo VIII. adhuc in Casino monte extantes, & a Scaunberga Beneventi Ducissa detectæ. *p. 94.* Cur eo loco, & alibi tamdiu perstiterunt. *ibid.*
- Jesualdus Longobardus, Ducis Romualdi nutriticus. *p. 40.* Ejus fides, & fortitudo in subeunda morte, ob sui Domini, ac Civium liberationem. *ibid. n. 1.*
- Imagines Principum in Ecclesiis locari solebant. *p. 153. n. 2.*
- Imprecationes, sive Dirarum denunciationes, tum Ethnici, tum Christianis solennes. *p. 333. n. 3.* Adversus Sepulcrorum, ac Diplomatum violatores. *ibid.*
- Ingelberga, Conjux Imp. Ludovici II. Italiam cum illo advenit. *p. 210.* Italico populo invisa ob superbiam, & avaritiam. *p. 217.* Beneventanos atrocibus injuriis afficit, a quibus carceri traditur cum marito. *p. 218.*
- Inditiones quando comperunt, quomodo num erantentur, & scriberentur in Chartis mediæ Etatis. *p. 484. n. 1.*
- Joannes Abbas S. Sophiæ claustrum ejus Monasterii instaurat, atque columnis unisque exornat. *p. 102.*
- Quo tempore floruerit. *p. 103.*
- S. Joannis Chrysostomi causæ ejus exilii describitur. *p. 313.* Laudes ab eo datæ Emilio Episcopo Beneventano Rom. Ecclesiæ Legato, qui ea de re in Orientem profectus, plurima ibi passus fuit. *p. 314.*
- Joannes PP. XIII. Beneventanum Ecclesiam Archiepiscopalem constituit in Concilio Rom. *p. 341.* Roma exul, quo anno Capuam recessit. *p. 348.* Pluries Beneventum advenit. *p. 353.*
- Iscia, terra, seu ager, qui flumine altitur. *p. 236. n. 6.* Ita dicta videtur a corrupto vocabulo *Insula*, sive *Ipsa*. V. Cl. Mazochium in Comment. ad Kal. Neapol.
- Italia Gistiberina, sive Beneventanus Ducatus, *Longobardia* vocabatur. *p. 22.*
- Italix partitio a Paulo Diacono in Provincias XVII. facta, vindicatur a recentiorum censuris. *p. 24.*
- Italix Populi per mediæ ætatem superstitionibus maxime addicti. *p. 46. n. 3.*
- Italica, sive vulgaris lingua non ante Sæculum XIII. exorta. *p. 20. in notis.*
- Itta, captiva, sed nobilis mulier, Conjux Grimaldi I. Ducis Beneventi. *p. 134.*
- Judæi Beneventi degentes Tinduram exercebant, ex quo artificii Tributum Sedi Apostolicæ pendebant. *p. 236.* Quando Benevento expulsi. *ibid. n. 5.*
- Judicare verbum in Legibus Longobardorum, idem ac legare, vel testamentum disponere. *p. 266.*
- Judicia Dei. V. Duellum.
- Julianus Episcopus Eclanensis, ejus genus, & gesta. *p. 311.*
- Juramentum per mediæ ætatem rard præstabitur, & quare. *p. 177.* Penæ asperitæ in perjuros. *p. 247.*
- Varia Juramentorum formulæ, & ritus. *p. 345. n. 1.*
- Jurisperiti recentiores, quo pacto antiquis, qui post renatam Jurisprudentiam scripserunt, præferendi. *p. 471.*
- Jurisprudentia Romana Sæc. XII. in Italia renata. *p. 463.*
- Ad eam instaurandam, atque illustrandam egregiam operam Beneventani contulerunt. *ibid. & seqq.* Quo modo, & quorum Auctorum lectione adducenda. *p. 471.*
- Justinianus Imperator jus universum Romanorum digessit, & contraxit. *p. 241.* An ea de re laudandus. *ibid.* Ejus Codex, & Novellæ Constitutiones in Italia neglectæ. *p. 243.*
- L
- Landolphus, primus omnium Beneventanus Archiepiscopus. *p. 346.* Episcopatum S. Agathæ, & primum Episcopum Maderidum facti Diplomate instituit. *p. 366.* Alterum ejus Diploma exhibetur, & illustratur. *p. 379.*
- Landolphus Gaitaldus, dein Comes Capuanus, Principibus Beneventanis subjectionem abnuere cepit. *p. 102.*
- Scelestæ ejus menita filius relicta, ut jurgia, & divisiones inter Principes Beneventanum, & Salernitanum foverent, quò magis suum Comitatum extollerent. *p. 203.*
- Landolphus VI. postremus Beneventanus Princeps. *p. 496.* Gregorio PP. VII. fidelitatem juravit. *ibid.*
- Non fuit filius Roffridi Archiepiscopi, & quare cum Parentem appellavit. *p. 497. n. 2.*
- Latomia, carcer subterraneus, à Cicerone descriptus. *p. 292.* Ejus vocis etymologia. *ibid.* Primum Syraculis, dein Romæ. *ibid.*

- Latina lingua per mediam ætatem non eadem, quæ vulgaris, seu Italica, sed ipsa vetus latina, sed corrupta barbarissimis, & solæcisimis. p. 20. n. 4.
- Legatio Principis Arichis facta per Episcopos Beneventanos ad Carolum Magnum. p. 151. Pontificia Æmilii Beneventani Episcopi in Orientem pro S. Joanne Chrysostomo. p. 113.
- Leges Romanæ à Gothis servatæ. p. 241. Neglectæ à Longobardis. p. 247. Earum observantia Ecclesiis, & Ecclesiasticis præcipitur. p. 244. Clerici, & Monachi inviti servabant, qui legibus peregrinis regi malebant. p. 245.
- Leges Salica, Ribuarica, Bajuvarica simul cum Longobardicis in Italia admittæ sub Francorum Regno. p. 243. Unamquamque quæque propriam simul profiteri debebat. p. 244.
- Leges Longobardi æ, traditione, ac consuetudine initio servatæ, tandem scripto traditæ, & Edicti nomine à Rege Rothari promulgatæ. p. 243. Correctæ, & auctæ à Rege Grimoaldo, & Liutprando. *ibid.*
- Leges Longobardicæ non omnia, quæ videntur, barbara vocabula usurpant. p. 245. Quædam eorumdem vocabulorum exempla. *ibid.* n. 2. Earum Proœmia iustitiam, & æquitatem deponent. p. 246. Teles mendaces, ac perjuros acriter insectantur. p. 247. Perjuriis occasionem adiungunt. *ibid.* Duellum non jubebant, neque permittebant, sed ægrè tolerabant. p. 250. *seq.* Superstitiones vetabant, reosque ejus Criminis post alias penas Canonice Penitentia obnoxios volebant. p. 251. Liberum cuique faciebant sua bona Ecclesiis relinquendi. p. 266. Quo ritu condebantur, & promulgabantur. p. 253. Procerum, Populi, & Cleri consilium, & suffragium. p. 254. De Legibus Longobardicis varia S. riptorum judicia. p. 255. Præclara Virorum doctorum in eas Leges commentaria, & laudes. *ibid.* n. 2. Distinctissima illarum observantia post extinctos Longobardos. p. 245. Nomen Juris communis obtinuerunt. *ibid.*
- Lex Principis Arichis adversus Clericos, & Monachorum occisores. p. 237. Adversus Viduas sub habitu Sacerdotalium incontinentem viventes. p. 265. Pro libertate piarum dispositionum. p. 266. De Portione filii relinquenda cum Ecclesia. p. 267. Adversus Sepelientes Cadavera in Ecclesiis. p. 270. Adversus Fratricidas. p. 286. Adversus Plagiarios. p. 287.
- S. Leo PP. IX. Beneventum pluries advenit, & miracula ibidem patrat. p. 52. Ejus virtus, & fama defenditur ob bellum adversus Northomannos gestum, & alia ejus gesta, & Beneventanorum erga ipsum merita recensentur, & illustrantur. p. 491. *seqq.*
- Leo Nolanus Episcopus, Ughelo præternissus. p. 451. not. 3.
- Leonum simulacra in Templis Ethnicorum, cujus rei Symbolum. p. 435. Cur etiam in Templis Christianorum adhibita. *ibid.*
- Litterarum infelix status per mediam ætatem describitur, & exemplis comprobatur. p. 437. *seq.*
- Litera Beneventana, quæ fuerit. p. 445. V. Longobardicus character.
- Liutprandus Rex Longobardorum quem titulum in his Edictis sibi faciebat. p. 35. Ejus Lex adversus Superstitiosos Arborum cultores. p. 47. Ejus providentia, ac pietas in tuenda Beneventanorum Ducum stirpe, & potestate. p. 91. n. 2. Romanam ditionem invadit. p. 124. Beneventanos Duces in eam rem frustra sollicitat. p. 125. Gisulphum puerum, Romualdi II. Ducis Beneventani filium in suam tutelam suscepit, ac postea Ducatus præfecit. p. 139. *seq.* Romanam Ecclesiam, ejusque Pontificem, Caput Ecclesiarum, & Sacerdotum profectetur. p. 251.
- Liutprandus Dux Beneventanus Regis Liutprandi Nepos. p. 142. Non fuit Vir, sed filius Scaunibergæ. *ibid.* & pag. 270. in not. Adversus Rom. Pontificem arma movere detrectat. p. 126. Ejus fides Gregorii PP. III. Testimonio commendatur. *ibid.* Ducatu expellitur à Rege Desiderio ob denegatum adversus Rom. Pontificem exercitum. p. 43.
- Lombardus Cardinalis, & Archiepiscopus Beneventanus: ejus Sigillum plumbeum. p. 384. Ejus Constitutio de numero, & qualitate Cleri Ecclesiæ Beneventanæ. p. 390. Archiepiscopatui se abdicavit, & substitutionem ab Alexandro PP. III. ex redditibus Beneventanæ Ecclesiæ cum consensu Canonicorum obtinuit. p. 396. n. 1. Ejus Diploma exhibetur, & illustratur. p. 406.
- Longobardorum genus sunt Itali posteriores, apud quos illorum ritus superstities. p. VII.
- Longobardorum Leges. V. Leges.
- Longobardorum nominis etymologia multiplex. p. 2. Quomodo pronuntiandum. p. 3.
- Longobardi inter antiquos Germaniæ populos præclari, ac Romanorum auxilarii in Gothico Italico Bello sub Narseto. p. 5. Eorum in Italiam adventus Epocha statuitur. p. 6. Ducatum Beneventanum quo anno instituerunt. p. 7. Eorum Numen Wodan, dum adhuc in Germania idololatriæ servirent, quales fuerit, & quos alios Deos tunc tolerant. p. 29. & *ibid.* n. 3. Antequam in Italiam advenirent, fuisse Christiani, & Catholicos. p. 31. Quot mala, & calamitates in Italiam intulerunt ex S. Gregorii M. testimonio. p. 27. Ipsi Italia jam potitis, celestis favor adversus Græcos denunciatur. p. 39. Felix Italici status sub Regibus Longobardis ex Paulo Diacono, & antiqua marmorea Inscriptione. p. 32.
- Longobardi Sæculo XII. à Latini Sermonis elegantia laudati. p. 10. in not. Laudati à prudentia, & Legum, Jurisque peritia. p. 255.
- Longobardorum Gens Catholica, & Deo dilecta in sanctorum Regum edictis appellata. p. 35. Ita quoque à suis Principibus Beneventanis. p. 127.
- Longobardi Beneventani, omnes Catholicos. p. 41. Eorum pauci Arboris, & Viperæ superstitioni addicti. *ibid.* Primi omnium anniversariam Apparitionis S. Michaelis festivitatem mensis Maio infecerunt. p. 78. Casinensi Monasterio, olim ab ipsis vallata, opes multipliciter conferunt. p. 91. S. Petrum Apostolum summa veneratione prosequuntur. p. 120. V. S. Petrus.
- Longobardi non terrestri tantum militia, sed etiam Classibus pollebant. p. 191. Romanorum Pontificum defensores fidissimi adversus Imperatores Iconomachos. p. 122. Frustra à Græcis muneribus tentati, ne Pontifici faverent. p. 123. Gregorii PP. II. fiducia in Longobardorum circumstantium auxilio. p. 124.
- Longobardicus Character, verè ab aliis distinctus. p. 445. In Italia Cistiberrina etiam post extinctos Longobardos servatus. 446. Ejus specimen exhibetur. *ibid.*
- Lotharius I. verè Constitutionis Feudalis Auctor. p. 449.
- Ludovicus Pius. V. Donatio.
- Ludovicus II. Imperator in Italiam advenit anno 844. p. 201. Iterum anno 851. p. 202. Saracenos debellavit. *ibid.* Radelchis Beneventani Principis in ea expeditione suppetiæ. *ibid.* Quid præstiterit in Divisione Principatus Beneventani inter Radelchim, & Siconolphum. p. 203. *seq.* Iterum in Italiam advenit anno 852. ob novas Saracenorum incuriones cohibendas. p. 208. Rursus in Italiam advenit anno 867. p. 210. Barium expugnat, ac Beneventi confensum cum Ingelberga conjuge Beneventanos direxit, à quibus captivus efficitur, & postea liberatur. p. 211. Quæ

ejus Captivitatis causæ, & Scriptorum sententiæ .
p. 215. seq. Ejus scelera, & sacrilegia . p. 216.

M

M. litera, in fine distinctionis olim rejecta . p. 182.

Mabilonius-Joannes de anno vastati à Longobardis Monasterii Calinenfis notatus . p. 9. n. 1. Monasteria Gallicana, quod Itali ad illa confluerent, plus æquo laudat . p. 87. De compingendis Crucifixi imaginibus vera sententia . p. 433. De Mitra, & Regno Romanorum Pontificum notatus . p. 369. De Ducum Beneventanorum nominibus error . p. 38. De Beneventano Monasterio S. Petri . p. 58.

Malvasia-Cæsar ex Barbati nomine Longobardicum genus rectè argumentatur . p. 50.

Maldefridus Episcopus S. Agathæ à Landulpho Archiepiscopo Beneventano institutus . p. 365. Quinquies in anno Beneventum adire obstrictus . p. 366.

S. Mariz titulus Beneventanæ Ecclesiæ ab sua origine, etiamnum servatus . p. 322. Eiusdem nomen in vetusto anulo, seu sigillo Beneventanæ Ecclesiæ inscriptum . p. 381. seq. Servatum etiam in posteriore plumbeo sigillo, addita quoque ejusdem effigie . *ibid.*

Maria Principis Landulphi filia, Monialis Monasterii Beneventani S. Petri . p. 59. Ejus Tumulus adhuc superstes exhibetur . p. 60. in notis.

S. Matthæi Corpus Salernum translatum . p. 116. Ejus Brachium Beneventanis concessum . p. 117. n. 1.

Memor, non Memorius, Episcopus Eclanensis, non Capuanus, Æmilii Episcopi Beneventani suffraganeus, non frater . p. 312. n. 3.

Menses quot partibus per medium ætatem constarent, quibque vocabulis ejus partes distinguerebantur . p. 483. n. 6.

Mensura vini, quam S. Benedictus suis Monachis tribuebat, Heminum Beneventanum æquabat . p. 170. n. 1.

S. Mercurii Martyris corpus Beneventum translatum . p. 105. Ejus Acta ab Principe Arichi lucubrata . p. 441.

Metropolitane Ecclesiæ nonnisi verò, & cum magna circumspectione erigi solebant . p. 350. Ejus rei exempla, & auctoritates . *ibid.*

S. Michael Archangelus, olim Synagogæ, nunc Christianæ Ecclesiæ Patronus ex Apocalypsis loco probatur . p. 61. Variæ ejus Apparitiones recensentur . *ibid.* Romana Apparitio ex Drepanii Flori Carmine in seram ætatem omnino rejicienda . p. 62. Ejus Ecclesiæ Romæ, an omnium in ejus honorem antiquissima . *ibid.* Constructa in summitate Circi, eadem, quæ in Mole Hadriani . *ibid.* Cur ea Ecclesiæ inter Nubes appellata . p. 63. Diæta pariter Mons S. Angelus . *ibid.* aliquando etiam Ecclesiæ usque ad Coelos . p. 64.

S. Michaelis Apparitio in Gallis, ejusque Ecclesiæ in Ambricatenfis Diocesis Monte, qui Tumba appellatur . p. 64. Ejus Apparitionis celebritas anniversaria, atque anniversario miraculo olim illustrata . *ibid.* Reliquiæ ex Garganica Basilica in eam Ecclesiæ illatæ . *ibid.*

S. Michaelis Apparitio in Oriente in Chonis, inter festos dies ab Imp. Manuele relata . p. 65.

S. Michaelis Apparitio in Monte Gargano omnium antiquissima, & celeberrima . p. 65. quo anno accidit . *ibid.* Ejus Apparitionis Acta variis recensentur . p. 66. Eiusmodi Actorum fides vindicator . p. 80. n. 2. Ejus mentio in Calendario marmoreo Ecclesiæ Neapolitanæ . p. 80. Eiusdem Apparitionis Historia præcipue ex Adone recensetur . p. 66. & per partes illustratur . p. 69. seq.

S. Michael Sipontinis adversus Neapolitanos Victoriam

prodigiose largitur . p. 69. Ejus Reliquiæ, passim memoratæ, & concessæ, ejusmodi fuerint . p. 70. An in ejus Sacra Crypta pernoctare vetitum . p. 71. De Milia S. Michaelis vulgaris error . p. 72. n. 1.

S. Michael Longobardorum Patronus ex primo illorum in Italian adventu . p. 74. Ejus Imago in Vexillis Castrensis, ad quam Milites Sacramentum præstabant . p. 74. Ejus Imago in Longobardorum nummis . p. 75. Plures Ecclesiæ in S. Michaelis honorem variis in locis à Longobardis dedicatæ . *ibid.* Garganicam Basilicam à Græcorum direptione Dux Romualdus liberavit . p. 76. Garganicæ Apparitionis anniversariam celebritatem Longobardi primi instituerunt, a quibus in reliquos populos dimanavit . p. 78. & 81. Tum Apparitionis, tum Victoriæ memoria eodem die celebrata . p. 82.

S. Michaelis Garganicam Basilicam ab Imp. Constante direptam, & vastatam S. Barbatus Episcopus Beneventanus in veterem cultum, & splendorem restituit . p. 83. Beneventanorum Ducum, Principumque ad eam Basilicam frequens peregrinatio . p. 83. S. Arthelaidis Virginis . p. 84. Londonis Comitiss Thicænsis, qui eam peregrinationem susceperunt, Testamentum condidit . p. 84. Principes Radelchis, & Siconolphus Beneventanum Principatum inter ibi dividentes, liberam utriusque partis subditis Garganicam Basilicam aequi facultatem expresse paciscuntur . p. 84. & 273. In Nummis Principum Beneventanorum ejus nomen, & effigies insculpta . p. 183. illustratur . p. 193. n. 1. & 2. n. 1.

S. Milo Archiepiscopus Beneventanus . p. 363. Ejus Concilium, seu Synodus Provincialis . *ibid.* Sanctitas, & Archiepiscopatus anni . *ibid.* n. 2.

Miscellæ Historiæ auctor Paulus Diaconus statuitur . p. 6. n. 4. Ejus operis antiquæ editiones recensentur . *ibid.*

Missi Regii, & eorum avaritia . p. 489. n. 1.

Mitra Episcoporum . p. 265. quæ ejus origo . p. 269. quæ olim ejus forma . *ibid.* diversâ à Regno Pontificio . V. Regnum .

Mitra Abbatum primum in Beneventano Concilio iis concessa . p. 489. n. 9.

S. Modesti Martyris Ecclesiæ Beneventi constructa . p. 37. A' Duce Grimaldo I. ditata . *ibid.* Monasterium Virorum ibidem cum Abbate, Monialibus S. Nazarii subiebat, quæ illum, recedentibus Monachis, invadere solebant . p. 38. Ibi S. Gregorii M. adhuc Cardinalis Diaconus in itinere Legationis CPolitane hospitio exceptus, an eundem Monialium accessum factus Pontifex reproberet . *ibid.* Ab ea subjectione Pelagius PP. I. exemit . *ibid.* S. Modesti Martyris Corpus Romæ translatum, ibidem hodieque quiescit . *ibid.*

Monachatum profiteri cogebantur suspecti, infideles, aut invidi Regibus, atque in Monachos attenderi dicebantur . p. 199. Ejus rei exempla . *ibid.*

Monachatum voluntariè profiteri, olim ignominiosum, & quare . p. 257.

Monachis an prædica possidere licitum . p. 91. n. 2.

Monasterium Vulturense . V. Vulturense.

Monasterium S. Mariz in Cingla Sanctimonialium ab Abbate Petronace conditum, & a Duce Gisulpho II. locupletatum . p. 93.

Monasterium Casinense, quo anno à Longobardis vastatum . p. 9. V. Casinense.

Monasterium Sanctimonialium S. Petri Beneventanum, duplex, alterum suburbanum a Theodorata conditum, alterum, incerto conditore, intra Urbem . p. 58. Suburbanum ad Sæculum XIII. subistit . *ibid.* De Monasterio Cl. Mabilonii error . p. 58.

Monasterium S. Mariz de Plumbariola . p. 93. Thasia Conjug., & Ratrudes filia Regis Ratchisi ibidem Moniales . *ibid.* n. 2. Mo-

Monasterium S. Sophie. V. S. Sophia.
 Monialium Claustra à Monachorum ædibus longinquæ esse debent. p. 38.
 Monetæ cudendæ juxta inter Regalia recensentur. p. 234. Sæpe inferioribus concessum. p. 235. Urbibus sibi subditis Romani Pontifices indulserunt. *ibid.* In Beneventana Urbe post Sæc. XII. inter Regalia Romanæ Curie. p. 236. Quæ monetarum genera post Sæculum X. in Beneventanorum commercio. p. 237. seq.
 Monogrammata quid sint. p. 171. Quando, & a quibus usui recepta. p. 172. Monogramma Christi quomodo efformatum, & quando cepit. p. 172. n. 3. Reges Franciæ exemplo Caroli M. subscriptiones Monogrammate facere ceperunt. *ibid.*
 Monogrammata diversæ a Sigillis. p. 178.
 Monogrammata Principum Longobardorum in Nummis Sæculi IX. in Chartis non ante Sæculum X. exhibentur, & illustrantur. p. 173.
 Monogrammata Grimoaldi II. p. 166. & 181.
 Siconis. p. 183.
 Atenolphi. p. 173.
 Pandolphi. *ibid.*
 Landolphi. *ibid.*
 Gisulphi. p. 175.
 Roberti. *ibid.*
 Georgii Patricii Græcorum. p. 220. & 225.
 Monogrammata Principum Longobardorum in Crucis formam. p. 176. Cinzabari, seu purpureo colore ad instar Augustorum exarata. p. 180.
 Monogrammatum exemplum ex vetustis Nummis. p. 191.
 Mons Virginis præp. Beneventum. p. 476. n. 6. Ejus nominis antiquitas, & origo. *ibid.*
 Morra. Familia Beneventi clarissima, hodieque floret. p. 390. Albertus ex eadem familia Monachus Cisterciensis, dein R. E. Cardinalis, ac tandem Pontifex Gregorius VIII. Monasterium Canonicorum Regularium Beneventi instituit. p. 391. Ejus Virtutes, & gesta illustrantur. *ibid.* seq.
 Mundus, Archiepiscopus Beneventanus, an verè inter Archiepiscopos habendus. p. 361. n. 2.
 Munodius Beneventanus Episcopus, an verè inter Episcopos Beneventanos recensendus. p. 330.
 Muratorius. V. C. Ludovicus, de Longobardis æquè judicat. p. 129. Confutatus. p. 117. & p. 318.

N

Narfes fama de advocatis ad invadendam Italiam Longobardis, iterum vindicatur. p. 15. n. 3.
 Natalis dies Episcoporum, erat ipsa dies suæ Consecrationis, quem anniversarium celebrare solebant. p. 339. not. 5.
 Neapolis ab Arichi I. Duce Beneventano obsessa. p. 16.
 Neapolitani, quando Ethnicismum deseruerint. p. 72. p. 2. & p. 74. n. 1. Sipontinos bello aggressi S. Michaelis ope profligantur. p. 69. De ejus belli anno Perugini error. p. 72. De ejusdem belli causa Baronii, & Bollandi discordia. p. 73.
 Neapolitani pacem à Principe Grimoaldo II. obtinent. p. 168. Ab eodem Grimoaldo ob perfidiam animadversum, & mulctati. p. 169. Principum Longobardorum tributarii. p. 188. Quam angustis eorum Ducatus fines. p. 289. Augustis Iconomachis favent adversus Romanos Pontifices. p. 122. Paulum Episcopum à Rom. Pontifice missum rejiciunt. p. 123. Ne Suardo Principe subiciantur, Pacem ad quinquennium impetrant, ac Leges sibi servandas ab illo recipiunt. p. 190. Pandolpho Principi subiciuntur, qui & Principis Longobardorum, & Ducis Neapolitanorum titulum sibi fecit. p. 191. Primi omnium Saracenos auxilium sibi conducunt. p. 190.
 Nefandissimi (id est nominatu indigni) Longobardi, &

eorum Reges à Romanis Pontificibus appellati. p. 28.
 Nimbus. V. Circulus.
 Nobiles Beneventani, Legati ad S. Leonem PP. IX. p. 137.
 Centum ipsi nobiles item Legati ad Paschalem II. p. 454.
 Northmanni è Septentrione egressi primùm per Gallias grassati ibidem consistunt. p. 490. Qua occasione in Apuliam, & Beneventanum Principatum advenerunt, *ibid.* Eorum crudelitas, & perfidia. p. 491. A S. Leone PP. IX. jussu, ac necessario bello petiti. p. 492. Victores, eundem Pontificem Beneventum reverenter deduxerunt. *ibid.* n. 3.
 Notarii, qui olim dicebantur. p. 296. n. 3. Tabelliones dicti à veteribus, eorumque munus servis, libertinisque datum. p. 296. Media ætate à liberis, honestisque viris gestum. *ibid.* Fides, & scientia in illis requirebatur. p. 297. Sed in utraque re plurimum delinquebant. *ibid.* Acta à sapientioribus viris dictata excipiebant, & scriptis mandabant. *ibid.* Ecclesiasticis Viris Notarios agere interdictionem. p. 198.
 Notæ, quæ essent apud Veteres, & a quibus inventæ. p. 171.
 Nummos antiquos Urbis Tyri, Metropolis Phœnicie cum Monogrammate. p. 181.
 Nummi, nomen Urbis, ubi cudebantur, serè semper insculptum habebant. p. 182.
 Nummi Regum Longobardorum rarè inveniuntur. p. 130. Nulli Beneventanorum Ducum, & quare. p. 131. & p. 148.
 Nummos propria effigie signare, supremæ Potestatis indicium. p. 160. & p. 448. Cudere supremi Principis, vel Populi liberi jus est. p. 234.
 Nummi incusi apud Veteres, qui. p. 233. Frequentiores post mediam ætatem. p. 234.
 Nummi, qui in Beneventanorum commercio post Sæculum X. p. 237. & seq. Romanæ, Follares, Romanæ, V. in suis vocabulis.
 Nummi Grimoaldi I. Principis Beneventani exhibentur, & explicantur. p. 119.
 Nummus Grimoaldi II. p. 166. & 181.
 Nummus Principis Siconis. p. 183.
 Nummus Principis Sicardi. p. 182. p. 197. p. 230.
 Nummus Principis Radechis. p. 106.
 Nummus Principis Siconolphi. p. 107.
 Nummus Beneventanus Imp. Ludovici II. p. 108.
 Nummus Beneventanus Georgii, sive Gregorii Strati, & Patricii Græcorum. p. 220.
 Nummi Beneventani post extinctos Longobardos, atque XVI. Pontifici Sæculæ XII. percussis exhibentur, & illustrantur. p. 130.
 Nummorum Beneventanorum in hoc libro editorum sincera exemplaria. p. 130. In illis evulgandis aliorum errores. p. 231. & seq.

O

Obertus de Orto Libros Feudorum composuit. p. 285.
 Oblata, quæ fuerit. p. 375. (d)
 Oblationes Puerorum, & Puellarum in Monasteriis à Parentibus sibi inducebant perpetuam professionem. p. 263. n. 1. Varia de ea re Monachorum, & Ecclesiæ disciplina, ac discrepantes sententiæ. *ibid.*
 Odesfredus Beneventanus Jctus, falsè Bononiens. p. 467.
 Ejus Tumulus. *ibid.* Opera, & Elogia. *ibid.* Ejus nomen vindicatur à Consulibus Iosephi Aurelii de Jænuario in Rep. Jctorum. p. 469. & seq.
 Odovacer Rex Turcilingorum Occidentale Imperium extinxit, atque Italiæ Regnum sibi constituit. p. 72. & 316. Debollatus, & interfectus à Rege Theodorico. *ibid.* & p. 320.
 Odocumenti, sive Universalis titulus solius Romani Pontificis. p. 251. V. Pontifex. Perperam à GEFollis-

- nis Patriarchis usurpatus. p. 152. Eos S. Gregorius M. acriter redarguit. *ibid.*
- Offa Abbatissa Monasterii S. Petri, ejusque sanctitas. p. 58.
- Officium Divinum in Ecclesia Beneventana quo ritu, & disciplina ex antiquis Constitutionibus celebrabatur. p. 433.
- Officium B. Virginis in Ecclesia Beneventana ex antiquissimo tempore celebratum. p. 434. Cardinalis Ursinus Archiepiscopus hodieque maxima pietate, & munificentia quotidie recitandum in choro instituit. *ibid.*
- Oliganus Dux Neapolitanus Sæculi XI., commentitius. p. 361. n. 3.
- Ordines Romani, sive Libri Rituales Rom. Ecclesiæ a Mabillonio editi. p. 368. n. 4.
- Ordinare verbum per mediam ætatem, non semper significabat sacrorum ordinum collationem, sed electionem, & deputationem alicujus ad quodlibet munus, & dignitatem, etiam sæcularem. p. 314. n. 1.
- Oracula dicebantur *Ædes sacræ*, seu Ecclesiæ, propterea quod erant Orationis locus. p. 113.
- Orantes Christiani veteri ritu manus expandebant. p. 105. Ejus Ritus pleraque monumenta, & testimonia insigniora. *ibid.*
- Orantes etiam manus jungebant ante pectus, sed Græcorum Ritu. p. 105.
- Otto II. Imperator ob nocturnas vigilias in Garganica Crypta divinitus punitus traditur. p. 70.
- P
- Paldo Beneventanus Nobilis, Monasterii S. Vincentii ad Fontem Vulturni fundator, & primus Abbas. p. 86.
- Cum Talone, & Totone fratribus, in Gallias profecturus, ut Monasticam vitam ibi prosequeretur, à S. Thoma Monasterii Karfensis Abbatē instituit, ejusque Consilio, atque ope Monasterium Vulturnense refoecit. p. 88. Ejus genus recensetur. p. 86. n. 3. Monasterii Casinenfis institutionem enixe adjuvat. p. 88.
- Pallium, Archiepiscopus ut insignie. p. 357. Soli Romani Pontifices concedunt, qui certas leges in eo gestando præscribunt. p. 359. Episcopi Græci passim aliquando usurparunt, & quare. p. 426. Quæ fuerit vetusta Pallii forma. p. 427. Falsò in antiquis simulacris, aut Picturis Episcoporum pro Pallio accipitur, quæ Casulæ, seu Planetæ fascia est, in Crucis formam adueta. p. 427. & seq. Eadem fascia in simulacris æneis Episcoporum Provinciæ Beneventanæ. *ibid.*
- Pandolphus Princeps Beneventanus in Inscriptione Turris Campanariæ S. Sophiæ memoratus. p. 100. Ejusdem Monasterii Monachus fuit. p. 101. Ejus Epitaphium exhibetur, & illustratur. *ibid.*
- Paradisus, Artium Ecclesiæ. p. 416. Quare sic dictus, & quæ prima ejus vocabuli significatio. *ibid.* Paradisus Ecclesiæ Beneventanæ. p. 417.
- Patria, pro universa Regione, sive Principatu. p. 327. n. 1.
- S. Paolinus Nolanus Episcopus Epitalamium in nuptiis filiz Emilii Episcopi Beneventani iuvenavit. p. 312. Eiusdem explicatio de Agno, Christi Symbolo. p. 423.
- Paulus, Diaconus Ecclesiæ Beneventanæ. Legatus CPolim cum Emilio Episcopo pro S. Jo. Chrysostomo. p. 314. Ejus Sanctitas. *ibid.* S. Paulus Apostolus eidem in itinere apparet, monitum dat. *ibid.*
- Paulus Diaconus, verus Historiæ Miscellæ auctor. p. 6. n. 4. A Pergrinii cavillationibus defenditur. p. 40. Partitio Italiæ in Provincias ab eo facta vindicatur. p. 24. Eutropii Historiam cur auxit, & continuavit. p. 440. A Principe Arichi honestissimè Beneventi habitus. *ibid.*
- Pergrinus Camillus, quid de Longobardica Historia præstiterit. p. x. De anno instituti Beneventani Ducatus, notatus. p. 7. Perperam Casus eam institutionem attribuit. p. 12. Laudatus. p. 312. n. 3. Notatus. p. 415. n. 3. Perperam Paulum Diaconum carpit. p. 40. n. 1. Notatus. p. 72. p. 76. & p. 137.
- Perficum, epitheton cuique rei appositum, luxum, & magnificentiam indicat. p. 35. in not.
- Petrus Episcopus Beneventanus. p. 478. Ejectus à Guidone Duce, qui cum, comperta virtute, restituit. p. 475. & 478. Iterum à Principe Atenulpho ejectus. p. 478. Principatum Beneventanum minimè affidavit. p. 479.
- S. Petrus Apostolus, & ejus prærogativæ summam recensentur. p. 110. Longobardorum erga illam præcipua veneratio, tum ex pluribus Ecclesiis in ejus honorem edificatis Beneventi, & alibi, tum ex peregrinatione ad Basilicam Vaticanam. *ibid.*
- S. Petrus Abbas Cavenfis, primus Abbatum Mitrà honestatus in Concilio Beneventano. p. 389. n. 9.
- Philippus de Balbano, Comes, & ejus Donatio Bibliothecæ Ecclesiæ Beneventanæ anni 1186. exhibetur, & illustratur. p. 410.
- Philosophiæ studia medio ævo Beneventi, ubi Philosophi XXXII. Sæculo IX. floruerunt. p. 443.
- Philosophi, qui medio ævo appellarentur. p. 444.
- Philosophiæ studium qua ratione utile. p. 444. Schola in Ecclesia Mediolanensi. *ibid.*
- Phylacteria à S. Gregorio M. Regina Theodolindæ missa, quid fuerint. p. 34. n. 1.
- Picturæ, vulgò *Grotteschi*. V. Sculpturæ.
- Pignora legitima, & illegitima, quæ dicebantur. p. 342. n. 2.
- Pippinus, filius Caroli M. Rex Italiæ. p. 161. Ejus assiduam bellum adversus Grimoaldum Principem Beneventanum. *ibid.*
- Plagium, unde dictum. p. 287. n. 3. Varia ejus vocabuli etymologia, aliis rejectis. *ibid.*
- Plagii crimen, quod. p. 288. Tum lege Divina, tum Romanis legibus, & Imperatorum Constitutionibus qualiter puniuntur. *ibid.* Quæ in Plagiarios poena ex legibus Principum Longobardorum. *ibid.* Ex legibus Regum Longobardorum. p. 290. Frequentissimum crimen per mediam ætatem, præsertim apud Græcos, Italiam incurstantes. *ibid.*
- Plebutea mentiosè pro Plebatu. Plebatus autem idem ac Plebs, seu Parochia respectu Presbyteri, vel Episcopi. p. 324. n. 1.
- Plumbum in Sigillis, qua ratione à privatis personis adhibitum. p. 384.
- Plumbeum Sigillum, seu Bulla, auctoritatis, & jurisdictionis insignie. *ibid.*
- Pontifex Romanus, solus Œcumenicus, sive Universalis. p. 251.
- Pœnæ in legibus, ac Judiciis criminalibus mediæ ætatis, omnes ferè pecuniariæ, etiam pro dilectis atrocissimis, & apud omnes cultiores nationes. p. 259. quæ ejus rei causæ. *ibid.*
- Populi suffragia in Longobardicis Legibus promulgandis. p. 253.
- Porta Ænes Ecclesiæ Beneventanæ anaglyptico opere exhibetur, & illustratur. p. 428. & seqq. Aliarum ejusmodi Portarum exempla. p. 430.
- Portæ tres in Ecclesiis Cathedralibus ad ejus faciæm cur statutz. p. 420.
- Porphyrogeniti Imperatoris commenta de Longobardis Beneventum occupantibus. p. 15.
- Præzda ab Archiepiscopis Beneventanis plura in anno Canonicis præstabantur. p. 404. n. 1.
- Principis titulus apud Romanos non potestatis, sed ordi-

ordinis, atque excellentiæ. p. 150. Ideo ad simu-
landam tyrannidem ab Augusto acceptus. *ibid.*
Principum Imagines in Ecclesiis. p. 153. n. 2.
Principes Beneventani in sua Aula plures Officiales
habebant ad instar Aulae CPolitanæ. p. 167. Eorum
Capitularia. V. Leges.
Principatus Beneventanus quàm latè patuerit. p. 165.
Primicerius, Dignitas tum Sæcularis, tum Ecclesiastica.
p. 401. Unde dictus. p. 402. Primicerii duo in Eccle-
sia Beneventana. p. 405.
Psalmodia ex veteri Ecclesiæ disciplina æquè apud
Monachos, & Clericos. p. 387. Alterna psalmodum
recitatio, quando, & à quo instituta. *ibid.*
Pueri bonæ indolis. p. 176. n. 4. Auro contrò pensaban-
tur, quod locis piis dabatur. p. 474.
Tullus Color. p. 263. n. 1.

R

Racheltruda. V. Ageltruda.
Rachisus Rex Longobardorum, quem titulum in suis
Edictis sibi usurpabat. p. 35. Monachus Casinas effi-
citur, sed mortuo Aistulpho Regnum repetit, ac
iterum ad Monasterium redit. p. 93. n. 2.
Radelchis Princeps Beneventanus, Sicardi olim The-
saurarius. p. 197. A Beneventanis electus, Siconulphum
patitur aduersari. p. 199. Post diuturnum
bellum Principatum cum illo parit. p. 203. Pax
ea de re sancita, quæ fuerit. *ibid.* Falsò traditur
a Beneventanis vincit, ac traditus Imp. Ludovico II.
ex male intellecto Otiensis loco, qui rectè lectio-
ni restituitur. p. 204. Moritur anno 851. p. 205. Ejus
sepatris, ac Principatus annis ex Titulo sepulchrali com-
probat. *ibid.* Duodecim filios superstites habuit. *ibid.*
Radelchus II, Princeps Beneventanus. p. 223. Ob men-
tis inopiam a Principatu dejectus. *ibid.* Angultræ A-
geltrudæ fororis operâ restituitur, atque iterum
dejectus. p. 473. & 476.
Radelgerius Princeps Beneventanus. p. 208. Ejus Prin-
cipatus anni. p. 209.
Ratharius Episcopus Veronenfis vulgarem errorem de
Missa S. Michaelis refellit. p. 71.
Regnum, seu Tiara Romani Pontificis, diversum a
Mitra. p. 370. Quæ ejus forma, & quando, & quare
a Romanis Pontificibus adhiberi cepit. *ibid.* Quando
utuntur. *ibid.* Unica corona olim circumdatum. p. 371.
Postmodum aliæ duæ adjectæ. *ibid.*
Reditus Ecclesiæ ab Episcopis quomodo distribuendi.
p. 34. Qui in ea re Ecclesiæ Romanæ, & Beneventa-
næ mos fuerit. p. *ibid.*
Regalia Sedis Apostolicæ in Urbe Beneventana Sæc. XII.
quæ fuerint. p. 236.
Reliquiæ Sanctorum in Castris ferri, & seruari solite.
p. 106. Dicebantur *Patrocinia*, eisque proprius lo-
cus, ac debitus cultus. *ibid.* & n. 5. Distæ quoque
Mytheria. p. 116. Ex Romanis Cæmeteriis plurimæ
a Longobardis ablata. p. 111. Pontificis Pauli I. ea
de re querelæ. *ibid.*
Reliquias dividere, aut transferre olim nefas. p. 111.
In ea disciplina variatum. p. 112. Circumferri sole-
bant ad largiores elemosynas contrahendas. p. 112.
n. 5. & p. 408. n. 2. Abusus, & impostoræ damnatæ,
ibid.
Reliquias pari errore, & furore, uti Sanctorum ima-
gines, Iconomachi infestabantur. p. 119.
Reliquias undique conquirere Longobardi Principes
satagebant. p. 119. Corpora Sanctorum XLIV. Prin-
ceps Arichis in Ecclesiam S. Sophiæ intulit. p. 110.
Idem pium Longobardorum Rudianum a Cl. Muratorii cri-
minationibus vindicatur. p. 117.
Reuerendissimus, antiquissimus Episcoporum titulus.
p. 323. Cur per litteram T scriptus legatur. *ibid.* n. 4.
Rhythmus antiquus de Imp. Ludovico II. Captivitate

Beneventi. p. 212. Exhibetur, emendatur, & ex-
plicatur. *ibid.* V. Adelgisus. V. Ludovitus.
Robertus Comes S. Agathæ. p. 175. Ejus Diploma pro
Clero Beneventano. *ibid.* n. 4.
Robertus Guiscardus, quare sic dictus. p. 498. Ejus
mores. *ibid.* Beneventum obsidet. p. 499. Salernum
occupat, expulso Principe Gisulpho. *ibid.* Inveli-
turam recipit a Pontifice Gregorio VII. p. 500. Qui-
bus conditionibus. *ibid.*
Rogerius Cardinalis Archiepiscopus Beneventanus. p. 418.
Ecclesiam Beneventanam marmoribus exornas, se-
pulchrales tumulos Principum Longobardorum demo-
litus. *ibid.*
Rodolphus Dux Pontificis in Bello adversus North-
mannos. p. 496. Princeps Beneventanus a S. Leone
PP. IX. constituitur. *ibid.* Ejus Diploma. *ibid.* n. 4.
Roffarius I. Archiepiscopus Beneventanus anno 1070,
antè Beneventanæ Ecclesiæ Diaconus, & Bibliotheca-
rius. p. 411. Falsò creditus Pater Landolphi XI. Be-
neventani Principis ab Ughello, & Sarnellis. p. 497. n. 2.
Qualiter se in suis Diplomatis inscribere. p. 377.
Roffridus II. Archiepiscopus Beneventanus. aa. 1119,
ante ejusdem Ecclesiæ Archipresbyter, ac Biblio-
thecarius. p. 411.
Roffridus Beneventanus Jctas. p. 461. Ejus Genus, Ma-
nera, Scientia, & Opera in lucem edita recententur,
& illustrantur. *ibid.* A cavillationibus Josephi de Ja-
nusario vindicatur. p. 466.
Romana Ecclesia, ejusque Pontifex in toto Mundo Ge-
put Ecclesiæ, & Sacerdotum a Rege Liutprando
declaratur. p. 251.
Romanati, nummus aureus CPolitanus. p. 237.
Romane Leges. V. Leges.
Romana, Nummus argenteus, apud Beneventanos
usitatus post Sæculum X. p. 239.
Romualdus, filius Principis Arichis, Patrè pizmor-
tuis. p. 154. Ejus Epitaphium refertur, & illustra-
tur. p. 442.
Romualdus I. Dux Beneventanus Grimoaldi I. filius.
p. 135. Ejus Conjug Guntherga, neptis Regis Liut-
prandi. *ibid.* Ejus gesta, & Ducatus, viteque anni.
p. 136.
Rotharis Rex Longobardorum, primus omnium Leges
Longobardicas scripto tradidit, atque Edicti nomine
promulgavit. p. 242.

S

Sacellarii, qui apud veteres. p. 27. n. 1.
Sacerdotum omnibus Præfectoris, & Consulatus præ-
stantius, atque nobilius. p. 265.
Saccummatum, quid. p. 492.
Salernitanus Principatus quo anno institutus. p. 203.
Primus Princeps Siconulphus. *ibid.* Quæ ipsius cum
Radelchi Principe Beneventano conventiones, ac
fœdera. *ibid.*
Salutatio Angelica, quibus partibus constat, quando
singulas accepit, & quo tempore in Divino Officio,
& in sacris concionibus recitari cepit. p. 433.
Sanctimoniales. V. Moniales.
Sanctorum Reliquiæ. V. Reliquiæ.
Sanctiva arbor, cur ita dicta. p. 47.
Sapientes Beneventani. p. 449.
Sarnellius Episcopus in Chronol. Episc. Boniv. nota-
tus. p. 41. p. 65. p. 304. p. 361.
Saraceni Francos profligarunt. p. 201. Romanam, & Ec-
clesiam S. Petri diripiunt. p. 202.
Sauma, idest Jumentorum onus. p. 240. & p. 396. n. 2.
Scadentia. V. Excadentia.
Scanniberge, uxor Ducis Gisulphi II. Idololatricæ Re-
liquias in Casino monte adhuc repectas delevit. p. 94.
Ejus Pietas. p. 95.

- Scholæ Clericorum in Beneventana Ecclesia antiquissimæ . p. 403.
- S. Scholastica, soror S. Benedicti, an Monialis Claustralis fuerit . p. 92.
- Sculpturæ cum variis animalium formis, cum truncis, floribus, foliisque intermixtis, vulgò *Grotteschi*, barbarica ætate receptissimæ, etiam in Templis, Monasteriisque . p. 102. Illas S. Bernardus eleganter describit . *ibid.*
- Secundicerius, qui diceretur, & quod ejus munus . p. 403.
- Secretarius, quale olim munus . p. 198. n. 1.
- Seniores media ætate Domini vocabantur, unde italicum verbum *Signore* . p. 198. n. 2.
- Seniorari verbum, idem ac dominari . *ibid.*
- Scpeliri Defunctos intra Ecclesiâ a Principe Arichi vetitum . p. 270. Novæ in eandem rem, seu disciplinam observationes ad ea, quæ in priorè Libro distincta sunt . *ibid.* n. 1.
- Serpens mosaicus in Mediolanensi Ecclesia adhuc servari creditur . p. 44. Ejus simulacri verum Symbolum . *ibid.*
- Serpentes, adorati ab Ethnicis, etiam aliquando a Christianis . p. 42.
- Sesualidus . V. *Sesualidus*.
- Servus Servorum Dei, Titulus, præter Rom. Pontificem, aliis Episcopis olim usurpatus . p. 376. Ex S. Gregorii M. ævo, & exemplo, Pontificibus servatus . p. 377.
- Sicardus Princeps Beneventanus Neapolitanis Tributum negantibus bellum infert . p. 190. Pacem illis ad quinquennium indulget, statuta legibus, & oneribus in Capitulari descriptis . *ibid.* & p. 191. A Sicone Patre in Principatus consortium evectus . p. 192. Ejus vitia . *ibid.* A Beneventanis interfectus . *ibid.* Corpus S. Bartholomæi Apostoli Beneventum transfert . p. 116.
- Sico Princeps Beneventanus . p. 182. Ejus Genus . p. 184. Grimoaldi Principis interfector, & successor . p. 185. Neapolitanos bello premit, eosque Tributarios sibi constituit . p. 188. Qui ejus filii . p. 192. Ejus elogia, & Epitaphium . *ibid.* n. 5.
- Siconolphus frater Principis Sicardi, ab eo relegatus Tarentum, & Diaconatu obstrictus . p. 199. Beneventanorum factione adversus Principem Radelchum arma movet . *ibid.* Thesaurum Ecclesiæ Casinatensis diripit, ac Saracenos stipendiarios ducit . p. 200. Imp. Ludovicum II. sibi conciliat . p. 201. Partem Beneventani Principatus a Radelcho obtinet, unde Salernitani Principatus exordium fecit . p. 103. Quæ inter ipsum, & Radelchum Pæda conventa . *ibid.* & p. 272.
- Sigilla diversa a Monogrammatibus . p. 178. Diplomatis, seu Chartis cerâ ab utraque parte imprimebantur . *ibid.* Quando appendi cœperunt in ipsi Chartis . *ibid.* V. *Bulla*.
- Sigillum Beneventanæ Ecclesiæ . V. *Anulus*.
- Sigla, idest literæ singulariæ in Prænomini bus scribendis usurpatæ . p. 171. differunt a notis . *ibid.*
- Siliqua, monetæ genus, & quis ejus valor . p. 191. n. 1.
- Sipontina Ecclesia Beneventanæ subdita . p. 343. Quando esse desit ab ea subjectione . *ibid.*
- Sipontini Neapolitanos bellum inferentes ope S. Michaelis proferunt . p. 69. Cur illos Beneventano nomine Ado vocet . p. 73. Aliquando pro Beneventanis accepti . p. 449. Beneventano Archiepiscopo fidelitatem jurant . p. 341. Ejus Juramenti Charta exhibetur, & illustratur . *ibid.* n. 3.
- Symbatius Patricius Græcorum Beneventum occupat . p. 224. Gregorium, seu Georgium successorem habuit . *ibid.* Ejus Diploma . p. 225.
- Synodus Provincialis quotannis celebrari debebat . p. 366. Episcopi suffraganei omnes interesse cogebantur . *ibid.* Eam disciplinam Ecclesia Beneventana servavit . *ibid.* Quæ penæ adversus Episcopos non accedentes . p. 367.
- Synodicon, sive Codex Synodorum tum Provincialium, tum Diocesinarum a Card. Urlino Archiepiscopo Beneventano editus . p. 367. n. 3.
- Sollerius P. Soc. Jesu Bollandi continuator, de Festo S. Michaelis laudatus . p. 79.
- S. Sophiæ Ecclesia Beneventi . p. 95. Duplex, altera ex ramurana S. Sophiæ Virg., altera intra Urbem S. Sophiæ, idest *Sapientie*, Christo Domino dicata, ab Arichi Principe condita, nonnumquam cum altera perperam confusa . p. 96. Posterior præclarior, à Duce Gisulpho cœpta, ab Arichi ad fastigium magnificentiæ perducta . p. 97. Ex æmulatione Templi Constantiniani ab Imp. Justiniano ædificati, tum Reges Galliæ, tum Duces Beneventi eodem titulo, & pari magnificentia Tempa construere curarunt . p. 97. Monasterium Puellarum eidem Ecclesiæ adjectum . *ibid.* Virorum quoque eo loco fuit . *ibid.* Plurima Sanctorum Lyplana in eandem Ecclesiam condita . p. 98. Amplissimis opibus ditata . p. 99. Ejus fata . *ibid.* Sæculo XIII. monastica Disciplina adhuc florebat . p. 103. Præfens ædificiorum status . p. 99. Turre Campanaria, ejusque inscriptio marmorea exhibetur, & illustratur . p. 100. Claustrum Monasterii . p. 102. Anaglyphum marmoreum ad Portam Ecclesiæ exhibetur, & illustratur . p. 104. Eisdem Ecclesiæ & Monasterii vices, & præfens status . p. 109.
- S. Sophius, sive Gadocus Beneventi Episcopus . p. 319. Ejus Acta illustrantur . *ibid.* Quo anno, & qua occasione martyrio afficitur . p. 320.
- Sora, Urbs olim Samnitibus subdita . p. 23. Eam à Romanis dominis Dux Gisulphus suo Ducatui acquisivit . *ibid.* n. 3.
- S. Soteris Virgo, & Martyr, S. Ambrosii consanguinea, præclare ab ipso laudata . p. 265. n. 4.
- Spica, in nummo Principis Radelchis, cujus rei Symbolum . p. 206. Spicæ in aliis vetustis nummis insculptæ, quid significabant . *ibid.*
- Sternatæ equorum, quæ . p. 495.
- Stigmata, idest notæ in corpore humano impressæ, Furibus, Servis fugitivis, Calumniatoribus, Tyronibus, inurebantur . p. 293. In Fronte inuri vetat Imp. Constantinus, sed in Brachiis, aut alia corporis parte . *ibid.*
- Stigmatia, idest servus notis innotus . p. 293. n. 3.
- Storellax . V. *Thesaurarius*.
- Studia liberalia ad quem finem excolenda . p. 472.
- Subdiaconatus ordo ex Canone Concilii Beneventani ab Urbano PP. II. celebrati, *Sacer* declarari cœpit . p. 394. Idem Canon veræ lectioni restituitur . *ibid.*
- Subscriptionis locus non est certum argumentum majoris dignitatis inter alios subscribentes . p. 400.
- Suffraganei Episcopi Ecclesiæ Beneventanæ . p. 363. & *segg.*
- Suggestus marmorei Ecclesiæ Beneventanæ exhibentur, & illustratur . p. 432.
- Superstitiones Legibus Longobardorum acriter interdixit . p. 251. Ejus Criminis reos Actio Popularis persequatur . *ibid.*
- Supplex pretiosa in Sacris Ministeriis quare adhibenda . p. 407.

T

Tabelliones . V. *Notarii*.

Talionis pena, quæ p. 289. In Lege Divina frequenter sancita, & quomodo ex Lex intelligenda . *ibid.* Apud Romanos Lege XII. Tabularum statuta, & cavillationibus defenditur . *ibid.* Talionem subibat Plagiarii in Principatu Beneventano ex Lege Principis Arichis . p. 289.

S. Tam.

S. Tammarius Episcopus Beneventanus, & ejus genus, & gesta. p. 318.
 Tarentum, Urbs à Duce Romualdo expugnata, Beneventano Ducatui accessit. p. 21.
 Testes quicunque, præmissio Crucis Signo, subscribebant in Chartis. p. 177.
 Tesselgardus Comes Larinensis, ex Civitate Benevento. p. 281. Ejus Charta exhibetur. *ibid.*
 Theatensium Urbes olim in Beneventani Ducatus dominio, ac finibus. p. 21.
 Theodolinda Regina Longobardorum, & ejus Virtutes. p. 34. A. S. Gregorio M. honoribus, & numeribus affecta. *ibid.*
 Theodorada, Conjux Ducis Romualdi. p. 17. Ejus Pietas, & constantia in extirpandis Longobardorum superstitionibus, non sine Capitis periculo, studium. *ibid.* Ecclesiam, & Monasterium suburbanum in honorem S. Petri Beneventi condidit. *ibid.* De eo Monasterio Mabillonii, & Muratorii error. p. 58. Eadem Theodorada Ecclesiam, & cultum S. Sabini Canusii instauravit. p. 60. Gum Regina Theodolinda, aliisque Principibus sui ævi Feminis, pietate, & religione certavit. *ibid.*
 Theodorus Dux Græcorum Beneventi. p. 228.
 Theophilus Episcopus Beneventanus An. 313. Romano Concilio interfuit, Iudex in causa Donati, & Cæcilianii. p. 301.
 Thesaurarius, Manus in Aula Principum Beneventi, quale. p. 167. Longobardorum linguâ *Storefagax*.
 Thesaurarius, Dignitas Ecclesiæ Beneventanæ. p. 406. diffus etiam Vestarius. *ibid.*
 Thesaurus Ecclesiæ Beneventanæ, locupletissimus, & adhuc splendidissimus. p. 407. *seq.*
 S. Thomas Abbas Fasfenis, ædificando Monasterii Vulturarnensis S. Paldoni Beneventano consilium, & opem contulit. p. 87.
 Tiara. V. Mitra. V. Regnum.
 Tincta, idem ac Tindura, ars tingendi pannos. p. 236.
 Transfusa, qui dicebantur, & eorum pœnæ. p. 295.
 Tremulenle Monasterium. p. 281.
 Triregnum. V. Mitra. V. Regnum.
 Trombelli-Abbas Jo. Chrysostomus laudatus. p. 446. Notatus. p. 484. n. 1.
 Turmacha, idem ac Turmarcha, militare munus, quod. p. 228. & p. 342. n. 2.

V

Vasa in Ecclesiis aurea, argentea in sacris Mysteriis semper adhibita, vilioris metalli numquam expressæ permixta, nisi ob Ecclesiæ, vel Cleri paupertatem. p. 53. Pretiosæ suppellectiles. p. 407.
 Vasa aurea Templi Hierosolymitani ex solo ære restituta. p. 77. n. 2.
 Vassi, & Vassalli, qui. p. 283.
 Van-Eipen Bernardus de Monachorum instituto, & vita confutatus. p. 257. n. 3.
 Vel, pro particula conjunctiva &, per mediam ætatem passim usurpata. p. 386. & 402.
 Velum sacrarum Virginum, quale, & a quo imponendum. p. 263.
 Venetorum Duces, quo tempore nummos cudere, & plumbeam bullam adhibere cœperunt. p. 383.
 Vestes Monialium Pullæ, & Nigræ. p. 263. n. 1.
 Vestes Canonicorum Beneventanorum. V. Canonici.
 Vestiarium, sive Vestiarium Ecclesiæ Beneventanæ, idem ac Thesaurarius. p. 406.
 Vidtor PP. III. a. antea Desiderius Ab. Casinensis, ejus Gesta, Virtutes, Opera. p. 457. & *seqq.*

Vidua castitatem prosteri nequibant, nisi post annum a morte Viri. p. 261. Id ad brevius tempus impetrarunt. *ibid.* Aliæ domi, aliæ in Monasteriis, seu Claustris debebant. p. 261. Ob fornicationem bonis mulieribus in Monasterium detrudebantur. *ibid.* Monasticum habitum induentes, matrimonium contrahere vetabantur. p. 263. n. 1. Viduarum sub Sanctimonialium vestibus vitia exponunt, ac describunt SS. Hieronymus, & Jo. Chrysostomus. p. 265. Recenset quoque, & coercet Princeps Arichis in suo Capitalari. *ibid.*

Vipera apud Longobardos, non Idolum, sed velut Bonus Genius celebratur. p. 45. Non omnes ea superstitione poluebantur. p. 41. Quæ fuerit ejus superstitionis origo. p. 42. Quo tempore deleta. p. 43. An ejus simulacrum fuerit biceps. p. 44. Enicum simulacrum adhuc superstes exhibetur, & explicatur. p. 45.

Vipera, Castrum, seu Oppidum propè Beneventum. p. 43.

Vipera - Marius in Chronol. Episc. Benev. de Longobardorum Idololatria notatus. p. 42. Inique redargutus ab Ughello. p. 346. n. 2.

Virginis professio, peculiare Christianæ Ecclesiæ decus, & prærogativa. p. 260.

Vilcardus - Robertus, quare id cognomen adeptus. p. 498. n. 3.

Vitaliani Pontificis Literæ ad S. Barbatum Episcopum Beneventanum exhibentur, & illustrantur. p. 332. Earum fides adversus Peregrinum, & Muratorium asseritur, & comprobatur. p. 331. & *seq.*

Ursinus Fr. Vincentius Gard. Archiepisc. Beneventanus. V. Benedictus XII.

Ursus Beneventanus Princeps, puer Asoni patri succedit. p. 224. Sub eo Principe Græci, Symbaticio Duces, Benevento potiuntur. *ibid.*

Ursus Episcopus Beneventanus. p. 445.

Vulcerana Ecclesia pro Volaterrana in cap. 31. De Electione. p. 412.

Vulturnenle Monasterium S. Vincentii Martiris a Nobilibus Beneventanis Paldone, Tafone, & Tatone conditum. p. 86. Ejus Chronicon a Muratorio editum, & quis ejus auctor. p. 88. n. 1. Ejsdem cum Monasterio Casinensi consuetudo. p. 89. Vastatum a Saracenis multa Monachorum cæde, qui Martyres creduntur. *ibid.* Instauratum. *ibid.* n. 3. Monasterii fortioris epitheto notum. *ibid.* Ejus interitus. p. 90. Vulturnenle Chronicon suppositiis, & corruptis Chartis fecens. p. 329.

Wadia, vel Guadia, siccijussio, pignus. p. 282. n. 1. & p. 342. n. 2.

Wargangi. V. Gargangi.

Wido Dux Spoletii Aj. nem Beneventanum Principem captivum facit. p. 224. Græcos Benevento expellit. p. 229. V. Guido.

Widrigild, seu Guidrigild in Legibus Longobardorum poena, quæ estimationem hominis oculis æquabat. p. 265. Etiam bonorum omnium multam, seu publicationem significabat. *ibid.* n. 1.

Z

Zala, idest Incendium. p. 203.

Zanettius - Bernardus in Historia Longobardica nuper edita, in Regni Longobardici occasu conquievit. p. 11.

Zeno Imp. an tempore Apparitionis Garganicæ imperaverit. p. 66.


Zotto primus Beneventi Dux. p. 8. p. 10. p. 16. An ipse Casinense Monasterium vastavit. p. 26. Non a Rege Autari, sed Alboino Dux constitutus. p. 131.


ERRATA


Pag. v. v. 16. clucescere
 xiv. v. 5. Angustus
 Ibid. v. 45. prægrogativa
 7. v. 3. Cammillus Peregrinius
 Ibid. v. 21. DCXXI.
 Ibid. in not. col. 2. v. 11. dele
 8. v. 12. cohærentes. Simul
 10. v. 13. æqui
 11. v. 13. quaträginta
 12. v. 37. Samnitcum
 Ibid. v. 41. verum
 Ibid. in not. col. 2. v. 5. Commetuus
 13. v. 24. (1)
 14. v. 25. facit
 Ibid. sepius
 Ibid. in not. col. 2. v. 18. Urbis
 Ibid. v. 24. campefcendum
 15. v. 33. Parphyrogenitus
 22. v. 2. fubacla
 Ibid. v. 33. Iconomicum
 Ibid. v. 35. fludia
 24. v. appellavit
 Ibid. in not. col. 1. v. 35. pudurit
 Ibid. v. 41. nodo
 27. v. 25. moleftiam
 Ibid. in not. col. 2. v. 3. Sacclarium
 28. v. 3. Idolatriæ
 31. in not. col. 2. v. 2. fuorum
 32. v. 33. Prædorum
 Ibid. v. 37. volvere
 34. in not. col. 1. v. 27. Tollifmanos
 Ibid. v. 36. anathemizatos
 Ibid. v. 42. Muguntinus
 Ibid. v. 46. Phylacteriarum
 40. in not. col. 2. v. 15. infeftiores
 41. v. 35. ci
 43. v. 14. interiffet
 49. v. 51. verè
 50. v. 26. nunquam
 56. v. 21. Grimoldus
 60. v. 16. Theodora
 62. v. 37. E fane
 74. v. 28. Imaginem
 88. v. 6. Paturum
 91. v. 28. Gifalphum
 Ibid. not. 2. col. 2. præcarios
 118. v. 29. Inomachorum
 132. v. 34. Radoaldum
 143. in not. col. 2. v. 1. poftumis
 153. in not. col. 2. v. 37. ubi
 367. n. 3. col. 2. v. 5. præftant
 375. not. (d) col. 2. ucellatum
 441. v. 21. volendi
 Ibid. v. 23. editam
 444. v. 27. Auditor
 446. v. 25. fuiffent

CORRIGENDA

clucescere
 Angustus
 prægrogativæ
 Camillus Peregrinius
 DLXXI.
 fervandæ
 cohærentes fimul
 æquæ
 quadraginta
 Samniticum
 rerum
 Commetus
 (2)
 fecit
 sæpius
 Urbes
 capefcendum
 Porphyrogenitus
 fubaclæ
 Iconomachum
 fladia
 appellavit
 puduit
 modo
 moleftiam
 Sacclarium
 Idolatriæ
 tuorum
 Prædonum
 volvere
 Talifmanes
 anathematizatos
 Moguntinus
 Philacteriorum
 infeftiores
 cui
 interiffet
 vera
 unquam
 Grimoldus
 Theodorada
 Et fane
 Imaginum
 Patrum
 Gifalphum
 precarios
 Iconomachorum
 Rodoaldum
 poftremis
 uti
 præftant
 Buccellatum
 volenti
 edita
 Auditor eff
 feciffent







soff
cib
D
re
ang
per
pila
all
ord
fal
in
De
N
o
al
te
hu
ac
Sc
a
b
ar
p
un
za
m
P
e
R
w
f
g
g
g
r
B
i
c
g
a
c
f
H
l
t
c
i
t
I
E
J
7
S
C

SPECIAL 88-D
OVERSIZE 311A
V.2

THE CITY CENTER
LIBRARY

